

# ARISTOTELIS STAGIRITAE PERIPA-

TETICORVM PRINCIPIS, ETHI-

CORVM AD NICOMACHVM LIBRI DE-

cem: Ioanne Argyropylo Byzantio inter-

prete, nuper ad Græcum exemplar

diligentissimè recogniti, & cum

*Donati Acciaioli Florentini, viri doctissimi commentariis  
castigatissimis, denuò in lucem editi.*



PARISIIS

Apud Ioannem de Roigny, viâ ad D. Iacobum,  
sub Basilisco & quatuor Elementis.

1555.

IN DONATI ACCIAIOLI COMMEN-  
tarios in Ethica Aristotelis, ad lectorem Hexastichon.

*Quisquis Aristotelis contendis ad Ethica, morum  
Ut fonteis adeas, hanc tibi sume facem,  
Quam praefert Acciaiolus, penitissima quæque  
Si illustrare iuvat, quæ docet iste liber.  
Nemo nec Aufonij, nec Graij nominis author  
Enarratore est doctior hocce, Vale.*



RAIMVNDOTVRRIANO VERONENSI VIRO  
MAGNANIMO ANTONIVS FRANCINVS S. D.



**Q**VANTA mihi cum Io. Baptista Rhammusio, viro optimo, tibiq̃ue arctissima necessitudine atque familiaritate coniunctio amicitia intercedat, Raimunde ornatissime, tu ipse proximis diebus, cum Venetiis Veronēsis reipub. propter singularem prudentiam tuam, legatus, aliquot dies es cōmoratus, facili cognoscere potuisti. Is, cum sciat me iandudum, veteres nonnullos imitatum, ad recognitionem Romanæ Græcæq̃ue linguæ scriptorū, curam omnium pulcherrimā, licet alicui fortasse non itē esse videatur, animum operamq̃ue conuertisse, sapissime & tuo etiam nomine, efflagitavit, efflagitandoq̃ue est adhortatus, vt Donati Acciaoli Florentini viri doctissimi in Aristotelis Ethicorum ad Nicomachum libros commentaria, olim Florentiæ perperam, nullaq̃ue diligentia excusa, castigarem, castigataq̃ue ad communem studiosorum vtilitatem excudenda curarem. Ego verò cum manu scriptum codicem, qui mihi ad hanc rem alicui esset adiumento, nullibi inuenire possem, scirēmque haud aliter aliorum scripta manca, suisq̃ue numeris perturbata, ad verā lectionē restitui posse, huiusmodi provinciam aggredi nunquam sum ausus. Tandem librum dum adhuc Donatus viueret Florentiæ scriptum, apud Federicum Valaresium patritium Venetum virumq̃ue eruditum nactus, hunc cum eo qui olim excusus fuit, summa diligentia contuli. Quibus conferendis, quot loca, quæ adeo inuersa erant vt nullus inde verus posset elici sensus, castigauerim, suæq̃ue integritati & veræ lectioni restituerim: quilibet facile cognoscet, qui nostrum hunc cum cæteris contulerit. Túque in primis, qui in hæc studia assidue & non immerito incumbis, cum ea sint quibus nullum maius hominum generi munus à diis sit tributum, & ob id harum rerum acerrimus persecutor & iudex, iudicare poteris. Hæc autem commentaria in suam formam restituta, cum textu qui ab Argyropylo est latinitate donatus, nouo quodam ordine diligenter excusa, nomini tuo Raimūde suauissimè, more maiorum, qui sua scripta, vel etiam aliorum à se castigata alicui viro principi nuncupabant, dicanda censuimus: tum vt amicitia quæ inter nos modo exorta est, hoc pacto radices suas profundiores producat, adeo vt haud facile euelli possint: tum quia nobilissimæ Turrianæ familiaris, tot claris viris illustri, & præsertim patre, fratribusq̃ue tuis omni doctrinarum genere ornatissimis, tanquam omnium disciplinarum alterici debēt litteratorum vigiliæ. Omitto hoc loco, summum ingenium tuum, egregiam Romanæ linguæ eruditionem, suauissimos mores, humanitatem singularem, quibus omnibus frequentissime vteris ad promerendam hominum gratiam, eorum præsertim qui aliquo genere virtutis cæteros antecellunt. Cuius rei vnus pro multis nobis sit testis Hieronymus Fracastorius, vir & moribus & doctrina, nunquā satis laudatus, cum quo familiarissime versaris, omitto inquam, nam maiori præconio quàm hoc breuissimo librorum titulo, laudes tuæ tuorumq̃ue celebrandæ forent. Hoc vnum ne longior sim dixisse velim, quod de Antonio Francino tantum tibi pollicearis, quantum de amicorum optimo: munusq̃ue hoc nostrum suscipias nostri in te amoris testimonium. Vale, longumq̃ue tibi & amicis viuere.

DONATI ACCIAIOLI FLORENTINI  
PROOEMIUM IN EXPOSITIONEM LIBRI ETHI-  
CORVM ARISTOTELIS, AD CLARISSIMUM  
VIRVM COSMVM MEDICEN.



M post interitum quorundam doctissimorum hominum studia Florentina magna ex parte remissa viderentur: venit in hanc urbem Argyropylus Byzantius, vir ingenio præstans, summusque philosophus: ut iuuentutem literis Græcis ac bonis artibus erudiret: iamque plures annos doctrinam tradidit nobis tanta copia, tam multiplicibus variisque sermonibus, ut vilis sit temporibus nostris veterum philosophorum memoriam renouare: sed inter cætera philosophiæ opera cum Aristotelis libros, qui ad Nicomachum de moribus scribuntur mirifice esset complexus, eos tuo nomine latinos fecit, publicæque deinde explicuit non sine magna audientium approbatione. Habent enim libri ii summam dignitatem, admirabilémque doctrinam: ordinem vero prope singularem. Itaque si accurata & exquisita quædam explanatio accedat, magnû auditoribus afferent fructum, quod ego iam inde ab initio mecum considerans vna cum plerisque aliis qui huius quoque præceptoris disciplinam sequuntur in iis audiendis præcipuam curam diligentiamque adhibui, ut ea tantum documeta perciperem quæ ad bonos mores & rectam viuendi rationem conferrent: postea verò cum viderem hos libros à te, & ab iis omnibus qui ingenio vehementer excellunt libentissime legi, ulterius progrediendum ratus, expositionem huius doctoris accommodatam præcipue mente philosophi literis mandare constitui, ut ii qui adesse non poterunt, & harû rerum desiderio tenerentur hæc quæ nos ex eius ore accepimus percipere & ipsi pro arbitrio possent, quare translationem illius ac ordinem explicandi pluribus verbis secutus sumus. Lata interdum, & diffusa oratione utente, ut explanatio aperta magis, magisque omnibus esset communis. Verum tibi Cosme ac Petro filio tuo hæc omnia accepta referri debent, quorum opera factum est ut ex vberissimis sermonibus huius summi philosophi, antiquorum more ad ciues vestros manaret doctrina, & in Florentia vrbe in qua cæteræ artes magnopere vigent, floreret etiam quoad fieri potest studium sapientiæ. quare nemo mirari debet si homines eruditii omnes vigilias ac exercitationes ingenii sui ad vos potissimum deferunt. hæc autem tuo præcipue nomine scribenda suscepimus quia viro excellentissimo omni genere virtutis nullo sermones gratiores fore arbitramur, quàm eos qui de moderatione animi, de liberalitate, magnificètia, cæterisque virtutibus referuntur, in quibus tu vnus tantum excellis, quantû & nos scimus, & ipsa ingens frequensque de te fama declarat, quæ non contenta Italiæ finibus, longius latiusque progressa eo vsque sparsa est, ut apud externas gentes tuum nomen multorum linguis atque literis celebretur. Hoc tibi gloriæ primo, cæteris deinde ciuibz exemplo esse debet, ut quantum studio & labore contendere possunt summas virtutes tuas imitentur, talisque euadant quales Aristoteles viros felices, & omni probitate perfectos his suis libris expressit, quos nunc in manibus habemus, ut eorû explanationem sicut diximus in medium afferamus, præmissis antea nonnullis quæ cognitu necessaria videbantur. Antequam aggrediamur expositionem libri moralium, non inutile erit definitionem primo philosophiæ, deinde diuisionem eiusdem aliâque nonnulla in medium afferre, quæ ad hanc materiam declarandam non mediocriter pertinere videntur.

**P**hilosophiam ut memoriæ proditum est, præci philosophi variis modis diffinire. Pythagoras primus philosophorû omnium, ut scribit auditor Platonis Ponticus Heraclides eam amoré sapientiæ esse dixit, ut ipsum quoque nomen

philosophiæ significat. Plato verò, modo cognitionem eorum quæ sunt, modo diuinarum humanarumque rerum perceptionem, modo similitudinem, qua deo homo similis quoad fieri potest, euadit. Interdum verò meditationem mortis eam esse asseruit. Aristoteles autem hanc artium arte scientiarumque scientiam esse dixit. His descriptionibus, & si variæ sint: philosophia tamen indicari quid sit definiturque videtur. nam omnis habitus quo anima nostra cognoscere potest, aut ex subiecto circa quod est, aut ex fine gratia cuius est, aut ex utrisque, interdum etiam ex ordine quodam potest non incongrue definiri, atque ut hoc pateat exemplo, medicina modo ex subiecto circa quod est optime definitur, cum scientia dicitur, quæ versatur circa corpus humanum, vel scientia sanorum, ægrorum, & neutrorum, modo ex fine gratia cuius est, cum bonæ valetudinis conseruatiua, aut reductiua scientia dicitur, ex utrisque vero ut medicina est scientia corpus humanum conseruatrici aut recuperatrici sanitatis. Ex ordine quoque fit cum ostenditur quem gradum inter alias artes scientiæque obtineat. Cum igitur philosophia habitus sit, quo anima nostra percipere potest, merito aliquo modo ex istis aut omnibus congrue definitur, sex igitur supra definitiones seu descriptiones philosophiæ attulimus, quarum duæ ex subiecto circa quod est, tres ex fine, gratia cuius est: vna ex ordine seu ratione causæ assignatur, verum ut hæc manifestius innotescant, latius earum vnaquæque explicanda esse videtur. Prima definitio philosophiæ quam ex parte subiecti attulit Plato cognitionem eorum quæ sunt, philosophiam esse designat, nam cum anima nostra tantæ capacitatis à conditore suo producta sit, ut cognitionem omnium entium suscipere possit (ex quo loco specierum prisce philosophiam eam appellabant) merito aliquis dandus est habitus quo anima humana vniuersa quæ sunt percipere possit. Oportet enim cognitionem æquari cognito, ut mensurato mensuram numeratōque numerum, vnde antiqui scientiam rei, quæ scitur, mensuram quandam esse dixerunt. Cum autem philosophia, talis habitus esse videatur, quo anima nostra quæ sunt percipere potest, non immerito à Platone ex parte subiecti, eorum quæ sunt, dicitur esse cognitio. Secunda præterea definitio philosophiæ ex parte subiecti, quam attulit Plato philosophia diuinarum ac humanarum rerum perceptionem esse ostendit. Nam eorum quæ sunt alia subire rationem causæ, alia effectus, & alia diuina, alia humana dici solent, quorum omnium perceptio philosophia dicitur à Platone. Ex subiecto igitur circa quod versatur philosophia duabus iis rationibus describitur ac definitur. Tertia definitio Platonis sumitur ex parte finis, qua dicit philosophiam similitudinem esse, qua deo similis homo quoad fieri potest euadit. nam sordidorum quidem habituum finem aliquem esse, quibus non mediocriter præstare philosophia videtur, ipsius vero philosophiæ nullum finem ponere, sed frustra esse tam præclarum tamque præstantem habitum arbitrari ridiculum esse videtur. Est igitur finis philosophiæ ut per eam homo summum bonum atque ipsum deum cognoscat, & contēplando atque operando posthabitis omnibus aliis similis ei quoad fieri potest euadat: simile autem fieri hominem deo, non substantia, non natura, non ceteris conditionibus diuinis illo pacto dicimus, sed similitudine operationum. Similitudo vero non arguit identitatem essentię. Homo igitur euadit deo similis dupliciter, id est, aut agendo, aut contēplando secundum duas vires animæ intellectuæ, mentem scilicet actiuam, aut speculatiuam. Nam deo operationes duæ tribui solent, vna actiua quodammodo qua producit, & gubernat hoc vniuersum: alia contēplatiua qua se ipsum intelligit, & omnia quæ dicuntur relucere in ipso. sed tum homines fieri similes in operatione præcipue deo videntur, cum operantur secundum eam potentiam, quæ est suprema & præstantissima omnium quæ sunt in nobis. Dei autem operatio dicit philosophus in decimo Ethicorum, præcellens beatitudine contēplatiua sine controuersia est, & humanarum igitur operationū nimirū homo est summe

felix quæ illi maxime est cognata. Et paulo inferius, deo est inquit tota vita beata, hominibus autem quo ad ipsius similitudo quædam talis operationis inest. Differunt tamen operationes & cognitiones nostræ à diuina mirum in modum, nam deus intelligendo se, intelligit omnia quæ dicuntur relucere in ipso, & sic circulo quodammodo semper intelligit. Nos autem prius cognoscimus res quasi per rectam lineam, deinde pedetentim anima cognoscit se cognoscere, & intelligit se intelligere, & hoc modo paulatim veritatem ad seipsam, & venit in cognitionem sui ipsius atque essentiae suæ. Deus verò perpetuo & perfectissime se atque omnia quæ dicuntur relucere in ipso intelligit. Quare ob maximam differentiam qua differt nostra cognitio ab illa summa, & perfectissima cognitione diuina, additur in definitione allata quoad fieri potest, est igitur philosophia similitudo, per quam homo contemplando, & operando euadit similis deo, similis inquam quoad fieri potest. Quarta est definitio Platonis quæ etiam sumitur ex parte finis cum inquit philosophia est meditatio mortis, atque hoc tum Plato maxime fieri dicit, cum mentem reuocamus à sensibus, animumque maxime à corpore abducimus, ubi diligenter cauendum est ne veniamus in eundem errorem, in quem adolescens ille incidit Cleombrotus Ambraciota, qui hac definitione atque sententia in Phædone lecta Platonis, in quo dialogo Plato oportere animam à corpore separare pluribus docet, & hoc philosophari esse ostendit separationem animæ à corpore, quæ fit dissolutione compositi, putauit esse philosophiam Platonis. Itaque hac opinione mortem sibi consciscendam ratus, ex arce ciuitatis se ipsum proiecit, præcipitioque peremit: verum illum adolescentem sua prorsus fefellerit opinio. Neque enim sententiam intellexit Platonis, & seipsum iniuria perdidit. at nos scire oportet bifariam animam à corpore separari sententia Platonis. Vno modo dissolutione compositi ut dici solet, alio modo per contemplationem & operationem earum potentiarum: quibus homo maxime à bellis videtur differre. Cum enim anima nostra suis nobilissimis potentiis operatur, non appetitum sensitiuum, non sensum, non phantasiam sequendo; sed rationem, & mentem, posthabitis omnibus quæ corporis sunt, cum haud incongrue separari à corpore dicitur. quare ex parte finis, & ipsa philosophia dicitur esse meditatio mortis, quia hunc finem, id est animam à corpore separare eo modo quo diximus per contemplationem videtur efficere. Huius etiam sententiæ meminisse videtur Cicero in questionibus Tusculanis cum inquit: tota philosophorum vita, ut ait Socrates, cōmentatio mortis est: nam quid aliud agimus cum à voluptate, id est à corpore, cum à refamiliari, quæ est ministra ac famula corporis, cum à negotio omni seuocamus animum, quid inquam tum agimus, nisi animum ad seipsum aduocamus, secum esse cogimus, maxime à corpore abducimus? Secernere autem à corpore animum nec quicquam aliud est, quam emori discere: quare hoc commentemur, mihi crede, disjungamusque nos à corporibus. i. conuescamus mori, hoc & dum erimus in terris, erit illi cœlesti vitæ simile, & cum illuc ex his vinculis emissi feremur, minus tardabitur cursus animorum. Sic igitur quatuor definitiones philosophiæ, id est, duas ex parte subiecti: circa quod est, duas ex parte finis gratia cuius est, ab ipso Platone habemus. Quinta definitio, quæ etiam ex parte finis sumi videtur, est ipsius Pythagoræ qui sapientiam tali nomine philosophiæ, id est amore sapientiæ esse dixit. primusque omnium philosophorum eos, qui antea sapientes appellabantur cœpit appellare philosophos. Tradunt enim eum aliquando Philium tem venisse, ibique cum Leōte principe Phliasiorū doctē & copiose discernisse quædam. cuius ingenium, & eloquentiam cum admiratus esset Leon, quæsiuisset ex eo, qua maxime arte confideret, at illum respondisse artem se scire nullam, sed esse philosophum. pluribusque verbis, & similitudinibus declarasse, qui nam essent philosophi, id est studiosi, & amatores sapientiæ. Cum igitur philosophia habitus sit secundum hanc sententiam, quo non modo ea quæ sunt, in quorum contemplatione

atque cognitione dicitur consistere sapientia, sed etiam ipsum deum autorem vniuersi causam omnis sapientiæ, vt nobilissimum, vt perfectissimum omnium, vt finem vltimum maxime expectibilem, quoad fieri potest, cognoscimus: atque ad eum amandum vehementissime ferimur, merito philosophia tali nomine, id est amore sapientiæ à Pythagora definitur. vt enim ars militandi victoriam, vel vt medicina sanitatem: sic philosophia talem amorem videtur efficere. atque hæc sententia cum illa Platonis conuenire videtur, quia imitatores (quoad per homines fieri potest) atque amatores dei volebat esse sapientes. Sextam definitionem Aristoteles attulit ex ordine & gradu, quem philosophia inter alias artes & scientias obtinet, cum eam artium artem & scientiarum scientiam esse dicit: nam aliæ artes & facultates videntur à philosophia sumere principia vel subiecta sua, & quoquo modo ei subesse. Veluti medicina corpus humanum considerat ea ratione quæ ægritudini vel sanitati subiicitur, quatuor quoque elementa, qualitatēve primas totidem esse, humores item quatuor & complexiones nouem, principia insuper huiusmodi sumit, vt contraria contrariis sint medicinæ, vt vlcera, quæ sunt rotundæ circularisque figuræ tardius curantur, & alia eiusdem generis, quæ omnia accipit ab ipsa philosophia, & ab scientiis mathematicis. Sicut etiam grammatica sonos accipit, & tempora, & orationis mensuram. ipsa quoque architectura, & ars extruendarum machinarum, & aliæ facultates sumunt à philosophia sua principia vel subiecta vt diximus, eamque veluti præsentem respiciunt, siue illæ sint præter ipsam, siue eius sint partes. merito igitur à Philosopho Aristotele ars artium, & scientiarum scientia dicitur. quodd si hanc definitionem primæ tantum philosophiæ accommodare volumus, non absurdum videbitur hanc sibi dignitatem tribuere respectu aliarum scientiarum, quæ ab ipsa principia vel subiecta accipiunt, & ideo sapientia, & domina reliquarum scientiarum, maximæque scientia à Philosopho dicitur in libro Posteriorum. Sex igitur definitiones vel descriptiones allatæ, satis indicare videntur, quid ipsa sit philosophia, & etiam innuere in quo subiecto consistat: nunc verò ad eius diuisionē vt ab initio institutum accedendum esse videtur. Philosophia secundum vulgaram omnium ferme consuetudinem in duas partes diuidi solet, quarum alteram actiuam, alteram speculatiuam appellant. & quanquam subtilius indaganti talis forsitan non videbitur essentialis esse diuissio, cum philosophia proprie sumpta, ac distributio eius ex parte eorum, quæ sunt attendenda esse videatur, non autem ex opere nostri intellectus, neque ex parte eorum quæ fiunt vel aguntur à nobis: tamen ad hoc nostrum propositum sequemur diuisionem superius allatam, largo modo philosophiam sumendo, bifariamque diuidendo in actiuam scilicet philosophiam atque speculatiuam, vt diximus. atque huius diuisionis sufficientia inde sumi videtur, quia cognitio nostra, aut versatur circa ea quæ sunt, aut circa ea quæ aguntur à nobis. prima cognitio speculatiuam, secunda actiuam philosophiæ conficit partem. est præterea in nobis intellectiua potentia duplex, speculatiua scilicet & actiua, quibus non immerito respondere, & accommodari talis philosophiæ diuissio potest, & non incongrue dici vt altera actiua, altera speculatiua appelletur, vt diximus, hæc autem inter se magnopere differunt, non solum ob diuersitatem subiectorum circa quæ versantur, sed etiam ob diuersos fines, & modos procedendi, verum diuisionis allatæ vnaquæque pars sumenda est, atque in sua memoria iterum diuidenda, vt manifestius innotescant. Cum igitur philosophia distributa sit in actiuam & speculatiuam, speculatiua rursus in tres diuiditur partes, in naturalem quæ physica dicitur, in mathematicam & metaphysicam, quæ prima quoque philosophia nuncupari solet, atque huius diuisionis sufficientia, ex distributione entium circa quæ ipsa versatur, sumere non incogruè possumus. Ea enim quæ sunt in tria genera diuiduntur. Nam quædam entium immerita penitus in materia sunt ita, vt neque ab ea separentur secundum esse, nec secundum definitionem rationemque forma-

lem, & hæc res naturales esse dicuntur, vt caro, os, aurum, ferrum, & omnino quatuor elementa, cunctaque ea quæ ex iis constant, & componuntur. Quædam præterea seiuncta sunt omnino, & secundum esse suum rationemque formalem, maximaque abstracta ab ipsa materia, vt substantiæ quæ separatæ dicuntur, ipsæque precipue gloriosissimus deus, qui purissimus est, & ab omni penitus materia distans, quædam demum entia sunt, quæ partim separari, partim haud separari à materia possunt. Hæc autem sunt res mathematicæ, vt triangulus, circulus & alia generis eiusdem, quæ oportet vt sint in materia, & subiecto aliquo secundum esse suum. Separantur tamen secundum definitionem rationemque formalem, atque vt in eodem persistamus exemplo triangulus, aut circulus non potest esse in aliqua materia vel subiecto, siue ligneo, siue ferreo, siue argenteo, vel aureo, & similibus: separari tamen, & abstrahi potest secundum suam rationem formalem, cum in definitionem eius nullo modo subiectum, in quo est, aut vlla sensibilis materia cadat: quod iis talibus hac ratione, vt arbitror euenire videtur, quia nullum proprium subiectum vel materiam propriam, vt formæ naturales sibi determinant. Quare si geometra triangulum definiat, figuram planam esse ostendet, quæ tribus rectis lineis continetur. rursus si rationem, & definitionem circuli assignare voluerit, dicit quod circulus est figura plana vna linea circumdata, quæ circumferentia dicitur, cuius in medio punctus est, à quo omnes lineæ rectæ ad circumferentiâ perductæ sunt æquales. Atque in iis definitionibus, nec ferrum, nec lignum, nec omnino quicquam eorum sumitur, in quo aut triangulus, aut circulus esse potest. Cum igitur ea quæ sunt seu res ipsæ trifariam diuidantur, philosophia autem speculatiua, de vniuersis rebus atque entibus esse dicatur, merito in tres, vt diximus, distribuitur partes. In naturalem, mathematicam, & metaphysicam, quæ prima philosophia nuncupari solet, omitto autem partes illas, in quas naturalis scientia vel mathematica posset iterum diffundi, quia præsentis speculationis non sunt: itaque ad alteram partem philosophiæ accedemus, id est ad ipsam actiua, quæ magis ad hoc nostrum propositum pertinere videtur, actiua igitur philosophia quæ etiam practica dici solet, in tres & ipsa distribuitur partes, in ethicam, æconomicam, & politicam: nam cum præcepta humanæ vitæ contineat, ea vero trifariam diuidantur, aut enim circa mores, aut circa rem familiarem, aut circa rem ciuilem, vitam nostram instituunt, merito in tres species doctrinæ actiua philosophia diuiditur. morali enim doctrina seipsum morésque suos instruit homo, æconomica vero domum familiamque disponit: politica demum ciues remque ipsam publicam regit atque gubernat. Considerare autem oportet quod scire speculatiue huiusmodi documenta parum admodum est, nisi ea quoque deducamus in actum. Non enim in iis, quæ in actione cadunt, finis est contemplari, vt inquit Philosophus, aut cognoscere singula, sed potius agere, nec de virtute scire sat est, sed enitendum ipsam habere ac vti, & omnino laborandum vt boni efficiamur. quare in actiua philosophia speculatio non est vltimus finis, sed ad ipsas operationes ordinatur, ex quibus sæpius repetitis oritur virtus ac per virtutem demum quæ huius Philosophi sententia dicitur esse humana felicitas. nec me præterit duplicem esse felicitatem humanam, vnam actiuam, aliam contemplatiuam, vt in decimo Ethicorum latissime ostendit Philosophus. Quare huius rei consideratio in eum locum differenda est: nunc tantum considerare oportet quod actiua philosophiæ documenta ad actionem ordinantur, vt diximus, quæ aut est ad nos ipsos aut ad alios: ad alios rursus, aut ad paucos, aut ad plures: si ad paucos, tunc rei familiaris administratio: si ad plures, ciuitatis gubernatio oritur, primum autem oportet vt nos ipsos perficiamus, deinde alios regamus, & sic triplex doctrina philosophiæ actiua, circa triplicem viuendi rationem traditur à Philosopho, atque ex eo sufficiunt in tres diuiditur partes, vt dictum fuit. Verum allata definitione philosophiæ atque diuisione



eiusdem, nunc de intentione Philosophi in hoc libro moralium, de utilitate huius doctrinæ si liber sit eius authoris, cuius dicitur esse, de titulo insuper & de ordine, quem hæc facultas ad alias scientias habet. Præterea de diuisione librorum, & ad quam partem philosophiæ hæc moralis reducat, & de ipso demum modo doctrinæ diligenter considerare non solum utile, sed etiam necessarium esse videtur: quare horum vnumquodque vt fieri solet consideremus. Intentio igitur primo Aristotelis est in hoc libro moralium ea docere quibus homo felix felicitate quidem humana quoad fieri potest euadat. Nam cum humana felicitas sententia eius sit operatio secundum virtutem, de ipsa & de virtutibus, ac omnibus mediis quæ sententia sua ad talem felicitatem consequendam perducunt, exactissime tradit doctrinam, vt acquirendo nobis virtutes ac deinde operando secundum eas vita felici quoad fieri potest, viuamus. Utilitas huius libri ex antedictis, tum etiam ex iis quæ dicuntur facile percipitur: nam sicut scientia medicinæ se habet ad sanitatem corporis: sic doctrina moralis se habere videtur ad animi sanitatem. Hæc enim viam & modum nobis ostendit, quo virtutem & ipsam omnino felicitatem, quibus sanitas animi continetur, adipisci & consequi possimus. Aristoteles autem hunc esse librum nemo ferme ambigit, etenim non solum Peripatetici, sed etiam Platonici pene omnes illius esse fatentur, mirisque eum efferunt laudibus. Ipse quoque Aristoteles huius operis quibusdam in locis vt proprii meminit, modus præterea & character atque ipse omnino scribendi ordo Aristotelis hunc librum esse ostendit. Titulus autem libri vt in vetustissimis exemplaribus reperitur, talis esse apparet, Aristotelis Stagiritæ moralia Nicomachia, quo quidem titulo & author & materies libri, & ille etiam cuius gratia est scriptus, significatur. Aristotelis famam, admirabilemque scientiam omnes ferme, qui vllam literarum cognitionem habent, probe nouerunt, is cum natione Græcus, genere nobilis, ingenio nobilior esset, sub præceptore Socrate primo, deinde Platone talis actantus in omni genere doctrinæ euasit, vt eius nomen etiam post tam longum tempus vbique gentium celebretur. Atque librorum eius, quibus rhetoricam, dialecticam, atque omne genus philosophiæ complexus est, non solum in Græca lingua, in qua primo conscripti atque editi sunt, sed etiam in variis linguis ad quas postea translati fuere, magna adhuc copia extat. Huius igitur talis tantique philosophi hic moralium liber inscribitur esse, vt titulo indicatur. Atqui Stagiritæ Aristoteles nuncupatur à patria vrbeque Stagira, quam à Philippo Macedonum rege expugnatam prostratamque, Alexander filius Aristotelisque discipulus ob amorem, & reuerentiam præceptoris restituit, & in meliorem formam statumque redegit. At vero moralia appellari ob id manifestissime constat, quia hæc doctrina nostros instruit mores, & hominem secundum rectam rationem viuere docet. Nicomachia præterea dicitur, quia Aristotelem filii Nicomachi amore compulsum hunc librum scripsisse, atque illius nomine appellasse tradunt, quo etiam nomine distinguitur ab illo Aristotelis libro, quem magna moralia appellant. non me præterit esse nonnullos, qui hunc librum non Aristotelis, sed filii eius Nicomachi esse opinentur, sunt enim qui Nicomachum hanc morum doctrinam voce non scriptis à patre Aristotele accepisse atque hunc deinde librum composuisse arbitrentur. Horum ego in aliis malo, quam in hac parte auctoritatem sequi. non enim tantæ doctrinæ fuisse Nicomachus dicitur, vt talem librum, qui potius viribus paternis æquari videtur, componere potuisset. Ordo autem huius doctrinæ, si ad alias scientias, & facultates comparetur, vt à Peripateticis Platoniciisque accepimus, talis esse videtur: nam post grammaticam & rhetoricam, si ad philosophiam ascendere volumus, danda est opera arti differendi, quæ logica dicitur, deinde philosophia moralis statim est percipienda, quo eius doctrina tanquam cultura quadam vitii radicitus extractis cupiditatibusque repressis animus expeditus nõ so-

lum ad operandum semper cum recta ratione, sed etiam ad speculandum contem-  
plandumque aptus relinquatur. præterea si ad speculatiuam actiua philosophia ordi-  
natur, vt aiunt, proculdubio ipsa moralis præcedere, quauis speculatiuam scientiam  
debet, ex quo fit vt post argumentandi differendisque doctrinam, quæ vtrunque philo-  
sophiæ partem, veluti quædam via videtur præcedere, hæc sit nobis amplectenda  
facultas, si perfecte scientiarum ordinem seruare vulerimus. Hac autem habita at-  
que percepta, æconomica deinde, & ipsa demum rei ciuilis doctrina sumenda est.  
nam sicut liber de physico auditu se habet ad reliquos libros philosophiæ naturalis:  
sic moralis doctrina se habere videtur ad reliquas partes philosophiæ actiue. Con-  
tinet enim prima elementa, primaque principia, itaque moralis in ordine præcedit:  
deinde æconomica, demum ciuilis sequitur disciplina, atque iis cognitis quibus acti-  
ua philosophia continetur, gradatim postea ad speculatiuam ipsam acceditur. Diui-  
ditur autem hoc opus in decem libros, vt manifeste patet: sed quid in vnoquoque li-  
bro contineatur, in aliis locis commodius videbimus: dicere tamen breuissime pos-  
sumus quod in primo libro Philosophus vltimum finem humanum nobis proponit,  
atque eum diligenter describit & designat. In secundo considerat de virtute, & o-  
stendit quomodo acquiratur, & quid ipsa sit in genere & in communi. In tercio docet  
de principijs operationum nostrarum, & declarare volens in specie vnamquan-  
que virtutem: incipit determinare de fortitudine & temperantia. In quarto profe-  
quitur declarando liberalitatem, magnificentiam, & reliquas gradatim virtutes mo-  
rales excepta iustitia. In quinto determinat de ipsa iustitia, & æquitate, & bonitate.  
In sexto docet de quinque habitibus & virtutibus intellectuibus. In septima de heroica  
virtute, de continentia, de constantia, tum de voluptate & dolore, vt sunt obiecta illa-  
rum dispositionum. In octauo de amicitia, & speciebus eiusdem. In nono de conditionibus  
& proprietatibus amicitia. In decimo de voluptate, vt inueniat eam quæ felicitati  
cōiungitur, deinde de vtraque felicitate: sed præcipue de cōtemplatiua considerat, vt  
locis suis patebit. Hic autem moralium liber ad eam partem philosophiæ reduci-  
tur, quam actiuam appellant, non quia speculationis nihil contineat doctrina talis,  
sed quia ad actionem tanquam ad vltiorem, & vltimum suum finem ordinari vi-  
detur, atque hoc etiam speculatiue, & actiue inter sese scientiæ differunt, quod specu-  
latiue speculatione, & contemplatione terminantur: actiue vero præter specula-  
tionem vltius etiam actione requirunt, atque ad eam tanquam ad vltimum finem  
diriguntur, vt diximus. Modus huius doctrinæ, quo in hoc libro Philosophus utitur  
partim est resolutiuus, partim demonstratiuus, non à priori sed à posteriori, & demon-  
stratiuus, quia res est quæ non est ex principijs necessariis, vt sit in scientiis demon-  
stratiuis, vbi materia patitur talem modum doctrinæ: oportet autem modum do-  
ctrinæ semper accommodare materiæ atque subiecto, circa quod talis doctrina ver-  
satur. sed materia disciplinæ moralis varia est, atque ex iis quæ vt plurimum fieri so-  
lent, & quæ non sunt necessaria, quare modus doctrinæ non debet esse demonstrati-  
uus à priori, sed à posteriori, & ab effectu. Est enim, vt Philosophus in primo Ethicorum  
inquit, hic principum, quia res est: atque si id sufficienter constet, non est opus  
scire propter quid & quam ob causam est, de subiecto autem huius philosophiæ mo-  
ralis, & si plures opiniones afferri soleant, illa tamen præclarior esse videtur, quæ  
dicit subiectum esse hominem ea ratione qua liber est in agendo. Nam sicut medi-  
cina considerat hominem secundum ea quæ spectant ad corpus: sic moralis philoso-  
phia considerat hominem liberum, & de homine ea quæ sunt animi, vt virtutes &  
operationes, & alia eiusdem generis, quæ vt proprii affectus cōpetunt ei: de iis præ-  
missis iam ad explanationem libri Ethicorum accedamus.



# INDEX CAPITVM

Ethicorum Aristotelis Stagiritę  
ad Nicomachum.

## CAPITA LIBRI PRIMJ.

<b>D</b> e vniuersali boni appetu ac finium di- uerſitate <span style="float:right">Caput.1</span>	
Quod vnus agibilium finis, qui ciuiliſ fit facultatis <span style="float:right">cap.2</span>	
De modo procedēdi & auditore morali <span style="float:right">cap.3</span>	
De ſummo bono & recta auditoris educatione cap.4	
Quod felicitas non ſit voluptas, honor, virtus, aut diuitiæ <span style="float:right">cap.5</span>	
Quod non ſit idea <span style="float:right">cap.6</span>	
De felicitatis ſubiectione, ſubſtantia, & præceptis in vnaquaque ſcientia obſeruandis <span style="float:right">cap.7</span>	
De dictorum antiquorum cum vera felicitate cõ- ſenſu, ac de triplici bono ad felicitatem neceſ- ſario <span style="float:right">cap.8</span>	
De modo aſſequēde felicitatis <span style="float:right">cap.9</span>	
Quod quis in hac vita dicendus ſit felix, & quid felix <span style="float:right">cap.10</span>	
Quod poſteriorum fortunę ad deſunctos per- tineant <span style="float:right">cap.11</span>	
Quod felicitas bonum ſit honorabile potius q̃ laudabile <span style="float:right">cap.12</span>	
De duplici anime parte ac virtutis diuiſione cap.13	

## CAPITA LIBRI SECYNDI.

De productione virtutis intellectiue ac moralis cap.1	
Quod virtus ab exceſſu & defectione corrumpatur ad mediocres inclinans operationes <span style="float:right">cap.2</span>	
Quod virtus moralis ſit circa voluptates ac tri- ſtitias <span style="float:right">cap.3</span>	
Discrimē inter iuſta agere, & iuſte agere <span style="float:right">cap.4</span>	
De affectu, potētia, habitu, & quod habitus ge- nus virtutis <span style="float:right">cap.5</span>	
De duplici mediocritate & virtutis ſubſtantia cap.6	
Mediocritatū inter duo extrema diſpoſitio <span style="float:right">ca.7</span>	
De virtutū ac vitiōrū mutua oppoſitione <span style="float:right">ca.8</span>	
De præceptis, quę ad ipſum mediū ducūt <span style="float:right">ca.9</span>	

## CAPITA TERTII LIBRI.

De voluntario & inuoluntario <span style="float:right">ca.1</span>	
De electione <span style="float:right">cap.2</span>	
De conſultatione <span style="float:right">ca.3</span>	
De voluntate & voluntate affectabili <span style="float:right">ca.4</span>	
De iis quę in noſtra ſunt poteſtate <span style="float:right">cap.5</span>	
De fortitudine ac forti <span style="float:right">cap.6</span>	
De terribilibus diuerſitate & fortitudinis extre- mis <span style="float:right">cap.7</span>	
Quod quinque modi fortitudinis nō verę <span style="float:right">ca.8</span>	
De proprietatibus fortitudinis <span style="float:right">cap.9</span>	
De temperantia <span style="float:right">cap.10</span>	
Quod diuerſę ſint cupiditatum ſpecies <span style="float:right">cap.11</span>	
De temperantię extremis <span style="float:right">cap.12</span>	

## CAPITA LIBRI QVARTI

De liberalitate, & eius extremis <span style="float:right">cap.1</span>	
De magnificentia, & eius extremis <span style="float:right">cap.2</span>	
De magnanimitate, & eius extremis <span style="float:right">cap.3</span>	
De modeſtia, eiſque extremis <span style="float:right">cap.4</span>	
De manſuetudine, eiſque extremis <span style="float:right">ca.5</span>	
De affabilitate, eiſque extremis <span style="float:right">cap.6</span>	
De veritate, & eius extremis <span style="float:right">cap.7</span>	
De comitate, & eius extremis <span style="float:right">cap.8</span>	
De verecundia <span style="float:right">cap.9</span>	

## CAPITA LIBRI QVINTI

De iuſtitia, iniuſtitia, & modis iniuſti <span style="float:right">ca.1</span>	
Quod iuſtitia particularis, & quod duplex <span style="float:right">cap.2</span>	
De iuſto diſtributio <span style="float:right">cap.3</span>	
De iuſto commutatio <span style="float:right">cap.4</span>	
De reparatione, nummo, & indigentia <span style="float:right">ca.5</span>	
De iniuſto iuſto, ciuili, herili, & æconomico cap.6	
De iuſto naturali, & legitimo <span style="float:right">cap.7</span>	
De duplici no cumento, qđ aliis irrogatur <span style="float:right">cap.8</span>	
De pati iniuriam <span style="float:right">cap.9</span>	
De æquitate & bonitate, æquo & bono <span style="float:right">cap.10</span>	
De facere iniuriam <span style="float:right">cap.11</span>	

## CAPITA LIBRI SEXTI

De recta ratione, duplici virtute, & partib⁹ ani- mę <span style="float:right">cap.1</span>	
De principiis agendi <span style="float:right">cap.2</span>	
Habituum intellectuum enumeratione, quod ſciētig obiectū, & quę proprietates <span style="float:right">cap.3</span>	
De arte <span style="float:right">cap.4</span>	De prudentia <span style="float:right">cap.5</span>
De intellectu <span style="float:right">cap.6</span>	De ſapientia <span style="float:right">cap.7</span>
De partibus prudentiæ <span style="float:right">cap.8</span>	
De bona conſultatione <span style="float:right">cap.9</span>	
De ſagacitate <span style="float:right">cap.10</span>	De ſententia <span style="float:right">cap.11</span>
De vtilitate ſapientiæ atque prudentiæ <span style="float:right">cap.12</span>	
De natia virtute, virtutum, & prudentiæ cõ- nexione <span style="float:right">cap.13</span>	

## CAPITA SEPTIMI LIBRI

De heroica virtute continentia, & earum op- poſitis <span style="float:right">ca.1</span>	
De continente & incontinente <span style="float:right">cap.2</span>	
Quonam pacto continentes agunt <span style="float:right">cap.3</span>	
Circa qđ cõtines & incõtines verſatur <span style="float:right">cap.4</span>	
Quod circa delectabilia præter naturam nō ſit incontinentia, & eius duę ſint ſpecies <span style="float:right">cap.5</span>	
De incontinentia irę, voluptatum differētis, & vitio humano <span style="float:right">cap.6</span>	
De continente, incontinente, conſtante & mo- bili <span style="float:right">cap.7</span>	
Discrimen incontinentis ab intemperato <span style="float:right">ca.8</span>	
De continentis & pertinacis conuenientia & differentia <span style="float:right">cap.9</span>	
Quod prudentia & incontinentia ſimul in eo- dem non ſunt <span style="float:right">cap.10</span>	
De voluptate <span style="float:right">cap.11</span>	
Improbatio rationum de voluptate <span style="float:right">ca.12</span>	
De voluptatum ſpecibus <span style="float:right">ca.13</span>	
De corporeis voluptatibus <span style="float:right">ca.14</span>	

## CAPITA OCTAVI LIBRI

De amicicia <span style="float:right">cap.1</span>	De amabili <span style="float:right">cap.2</span>
De ſpeciebus amicicię <span style="float:right">ca.3</span>	

# INDEX.

Quod studiosa amicitia proprie dicatur amici tia, alia vero per accidens	ca. 4	Anaxandrides	7.10
Qui dicendi amici, & qui ad amicitia apti	ca. 5	Agamemnon	8.11
In qua amicitia plures possunt esse amici	cap. 6	Bias	Anacharsis 10.6
De amicitia in excellentia	cap. 7	Chamaeleon	1.10
Quod amicitia magis consistat in amare quam amari	ca. 8.	Calypso	2.9
De civili amicitia	cap. 9	Carcinus	7.7
De speciebus Reipub.	ca. 10	Cyclopes	10.9
De amicitia regia, paternae, & economica & fra- terna	cap. 11	Diomedes	5.8. & 5.6
De amicitia fodalitia & filiali	cap. 12	Demodocus	7.8
De duplici iusto, & de compensanda amicitia	cap. 13	Eudoxus	1.12. & 10.2
De querelis amicitie in excellentia, & de abdi- catione.	ca. 14	Euripides	3.1. & 5.9. & 6.7. & 8.1

## CAPITULA NONI LIBRI

Quae conferuant amicitiam	ca. 1	Helena	2.9
Quod singulis pro dignitate sunt beneficia re- pendenda	cap. 2	Homerus	3.3. & 3.8. bis. & 5.9. & 6.7. & 7.1. 7.6.
Quando saluanda amicitia	ca. 3	Hecstor	5.8. & 7.1
Quae opera amicitiae, & quod non sunt praeuo- rum.	ca. 4	Halope	7.7
De beneuolentia	ca. 5	Iuppiter	4.3. & 8.10
De concordia	ca. 6	Lacedaemonii	1.13. & 3.3. & 9.6. & 10.9
De beneficentia	cap. 7	Lacones	3.8. & 4.3. & 4.7. & 7.1
De amatore sui	ca. 8	Milo	2.6. & 10 cap. ult.
De amicis felicitis, & quibus indigeat	ca. 9	Meropie mulier	3.1
De numero amicorum	cap. 10	Mensula Pythagorae	3.3
In qua fortuna sint habendi amici	cap. 11	Margites	6.7
De praecipuo munere amicorum & bonorum & malorum amicitia	cap. 12	Neoptolemus	7.2. & 7.9

## CAPITULA DECIMI LIBRI

De voluptate	cap. 1	Pythagorici	1.6. & 2.6. & 5.5
Opinio Eudoxi de voluptate	ca. 2	Pseusippus	1.6. & 7.13
Dicentium voluptatem non esse bonum con- futatio, & si non omnis expetibilis sit	ca. 3	Plato	1.4. & 2.3. & 10.1
Quid non sit voluptas, & quomodo operatio nem perficiat	cap. 4	Priamus	1.9. & 7.1
Quod voluptates inter se specie differant	ca. 5	Philoxenus	3.10
De felicitate	cap. 6	Phidias	6.7
De felicitate contemplatiua	cap. 7	Philoctetes	7.2. & 7.7. & 7.9
De felicitate actiua, & praecipuo munere ope- rationis	ca. 8	Pontus	7.5
Peroratio orationis	cap. 9	Protagoras	9.1

## INDEX LOCORVM AC propriorum nominum, quae in de- cem libris Ethicorum Arist. conti- nentur: ubi primus numerus, li- brum: secundus cap. designat.

ALCMEON	lib. 3. cap. 1
Argi	3.8
Agathon	6.2. & 6.4
Anaxagoras.	6.7. & 10.8

Senes Troianorum	3.3
Sicyonii	3.8
Simonides	4.1
Socrates	4.7. & 6.13. & 7.2. & 7.3
Satyrus, amator patris	7.4
Speusippus	1.6. & 7.13
Sophista	bis. 10.9
Troianorum Senes	2.6
Troiani	3.8
Theodegus	Thetis 4.3
Theognis	7.7
Vlysses	9.9. & 10.9
Xenophantus	7.9

FINIS.

# Aristotelis Stagiritæ Ethicorum

## CORVM AD NICOMACHVM LIBER PRIMVS.

IOANNE ARGYROPYLO BYZANTIO INTERPRETE,  
CVM DONATI ACCIAIOLI FLORENTI-  
NI COMMENTARIIS.

*De vniuersali boni appetitu, ac finium diuersitate  
Caput primum.*



MNIS ars, omnisque doctrina, atque actus, itidem & electio: bonum quoddam appetere videtur. Quapropter bene veteres bonum ipsum id esse dixerunt: quod omnia appetunt. Finium autem differentia quædam esse videtur. quidam enim sunt operationes: quidam præter has ipsas, opera quædam. Atque in quibus præter operationes alij quidam sunt fines: in iis ipsa opera sunt operationibus præstabilia. Cum verò complures sint actus, & artes, atque scientiæ: fit ut multi sint etiam fines. Medicinæ namque finis, est sanitas. artis extruendarum nauium, nauis. facultatis rei militaris, victoria. & familiaris rei gubernandæ, diuitiæ. Quæ autem talium, sub aliqua vna potentia sunt, vt æstificandorum frenorum, cæteræque omnes instrumentorum equestriū effectrices: sese habent ad facultatem equestrem, & hæc cum illis, omnisque actio bellica: ad militarem facultatem & ad alias aliarum simili modo: in iis omnibus fines earum quæ rationem architecturæ subeunt magis sunt expetibiles, quam omnes fines inferiorum. & illi enim horum gratia expetuntur. Atque nihil interest siue fines actuum, ipsæ sint operationes, siue præter ipsas aliquid aliud: vt in dictis facultatibus intueri licet.

*Commen.*



MNIS ars omnisque doctrina Aristoteles philosophus in hoc Ethicorum siue moralium libro, de felicitate humana considerans, docere intendit ea omnia: quibus homo quoad fieri potest felix euadat. Etenim secundum Peripateticorum opinionem, cum anima nostra sit tanquam tabula abrasa: que non habet suam perfectionem innatam, vt opinatus est Plato: sed cum vires & potentias habeat, quibus est apta ad eam acquirendam: ea autem non videatur posse acquiri nisi sit antea quoquomodo percepta & cognita: ideo secundum philosophum Aristotelem finis vltimus in rebus humanis, sic necessariò cognoscendus est homini volenti eum consequi, sicut sagittario signum quod attingere intendit. Videndum est itaque, quid ipsa felicitas sit, verum antea querendum si est. Quæstio enim si est, præcedit quæstionem quid est: vt ait philosophus in libro Posteriorum. Igitur in hoc primo libro inquit Philosophus si sit felicitas: & cum sit, quid ea & qualis sit: & si fieri potest vt homo eam acquirat. Quapropter vt serio & ordine hæc accipi possint, diuiditur hic primus liber in quatuor tractatus. In primo inquit vtrum felicitas sit, & vtrum homo possit eam acquirere. In secundo diffinit felicitatem, & considerat quid ipsa sit, & in quibus rebus sit aut non sit. In tertio autem à quo est tanquam à causa, & in quo est tanquam in subiecto ipsa felicitas. In quarto verò ostendit qualis est felicitas, & in qua animæ potentia consistit. Primus tractatus est exordium totius libri, & diuiditur in tria capitula. In primo querit

vrū in rebus humanis est aliquis finis bonus. In secundo ostendit q̄ in rebus humanis est aliquis finis optimus. In tertio ostendit quis modus sit tradendi atque recipiendi hāc doctrinam & à quo audire. Primum capitulum diuiditur in tres partes. In prima declarat q̄ in rebus humanis est aliquis finis bonus. In secunda ostendit, quòd in rebus humanis est finis melior, & præstantior altero fine. In tertia soluit quandam dubitationem quæ oriri posset ex differentia finium. In prima igitur parte huius primi capituli assert hanc conclusionem, quòd in rebus humanis est quidam bonus finis. & hæc cōclusio sic probari potest, Si omnis ars, doctrina, actus & electio bonum appetunt quoddam, & quandam finem intendunt, profectò quidam est finis in rebus humanis. At primum est, ergo & secundum, patet ratio: quia per hæc tãquam principia humanarum operationum homo agit omnia quæ agit: assumptū de se est manifestū quòd ista omnia, & eorum vnūquodque intendit & appetit quandam finem: ergo sequitur esse in rebus humanis aliquem finem & aliquod bonum: quia finis & bonum conuertuntur. Confirmat etiam hanc conclusionem diffinitione priscorum de ipso bono. Potest etiam hoc modo probari, Omnia appetūt bonum: Sed omnis ars, doctrina, actus, & electio sunt de numero eorū quæ sunt: ergo ista appetunt bonum. Sed bonum & finis conuertuntur: ergo ista appetunt finem: ex quo sequitur quòd est aliquis finis in rebus humanis. Maior probatur auctoritate & definitione priscorum de summo bono vel ipso bono. Notādum quòd bene incipit ab hac sententia & probatione philosophus, scilicet quòd est aliquis finis in rebus humanis, vt nos incitet ad consequendum eum, id est ipsam felicitatem. [A P P E T E R E videtur.] Nō dicit videtur: quia illa quatuor nō accipiūt collectiue, sed distributiue: vt omnis ars videtur appetere. Itē omnis doctrina & sic de aliis. Notādum q̄ philosophus in suis libris plerūq; vtrūq; propositione vniuersali affirmatiua vt hic, vt in libro physicorū: vt in metaphysic. Omnes homines natura scire desiderant. In posterioribus itē vt omnis doctrina. Itē in libro de cælo, vt omnia corpora &c. Hæc enim propositio præclarissima est omniū propositionū, & ex ista oritur sciētia p̄prie dicta: quæ fit per demonstratiōē. Notādum itē quòd Aristoteles quatuor sumpsit ad probandū hanc cōclusionē, scilicet artē, doctrinā, actum, electiōē. Quia omniū operationū humanarum duo sunt principia, intellectus & appetitus: intellectus bifariā sumitur: aut speculatiu⁹, aut actiu⁹: appetitus itē bifariā, aut electiu⁹, aut executiu⁹. Intellectus actiu⁹ cōtinet sub se artem omnem nō solum propriē dictā, sed omnem scientiam actiuā. Intellectus verò speculatiuus continet sub se scientiā: quæ intelligitur cum dicitur: doctrina est via ad scientiam. Sub appetitu electiuo ponitur electio. Sub appetitu executiuo ponitur actus. Sed vt claris intelligantur illa quatuor quid sint: definiantur singula hoc pacto. Ars est habitus cū ratione vera factiu⁹ consilij ex multis experientia collectis, quæ ad vsum humanum cōferunt. Doctrina est modus & via, qua aut artē, aut scientiā percipere possumus. Actus est secundum electiōē hominis operatio, id est actio & nō factio. Electio est principij quo homo duobus sibi propositis eligit alterum potius altero. Albertus autem dicit philosophum sufficenter posuisse hæc quatuor: de quibus fit cōsideratio in ista doctrina morali. Nam omne principium quod cōsideratur à morali, aut dirigit, aut prosequitur. Si dirigit, hoc dupliciter, aut ad verum, aut ad opus aliquod. Si ad opus: tunc etiam bifariam, aut ad opus quod fieri, aut ad id quod agi potest. Si dirigit ad verum: sic est scientia vel doctrina. Si dirigit ad op⁹ quod fit: sic est ipsa ars. Si verò ad id quod agitur: sic est scientia actiua quæ innuitur per electiōē. Si verò accipitur pro executione: tunc illud explicatur per actum: qui est illud, quo exequitur homo res agēdas. Bene ergo posita sunt ista quatuor. Sed philosophus, vt videtur, vsus est ordine præpostero. Nā prior videtur esse doctrina quàm ars, cum sit via ad scientiā vel artem. Similiter prior est electio, quàm actus. Dicēdum quòd incipiedum est à magis notis nobis, vt ipsemet posterius ostendit. Sed magis notæ sunt nobis artes ipsæ quàm doctrinæ, & actus, quàm electio. Notādum quòd electio tripliciter dicitur. Primo modo vt suprà definita est, alio modo vt est effectus deliberationis: vt accipitur in tertio huius: tertio modo pro operatione voluntatis: quæ flectitur per habitum & dispositionem, quam habet ad hoc magis quàm ad oppositum, vt accipitur in quinto hui⁹. Hic quocunq; modo accipi electio potest. [I P S V M bonum.] Bonum dupliciter capitur aut verè existens, aut apparens. Hic sumi potest illud commune quod de vtroque dicitur bono. At græcè 3

τὸ ἀγαθόν, modo pro bono, modo p̄ summo bono capitur. Quòd si quis hic pro summo bono capere velit, dicere posset, quòd ars appetit quoddam bonum: similiter doctrina actus & electio, & quia omnia ad vnum supremum referūt bonum, ideo summum bonum describitur quoddam ab omnibus expetibile, Nam vnūquodque dicitur bonum, in quantum habet participationem vel similitudinem summi boni. Ex quo fit, vt summum bonum quodammodo appetatur in quolibet bono. Notandum quòd appetitus vno modo sumitur naturalis: quo inanimata dicuntur appetere loca naturalia, vt ignis sursum, lapis deorsum tanquam quoddam bonum suum. Secundo modo dicitur vegetabilis, qualis est in plantis. Tertio modo dicitur appetitus animalis, qualis est in brutis, qui est cōiunctus cum imaginatione, & dicitur sensibilis vel potius sensitiuus. Quartus dicitur appetitus rationis, qui est tantū in habentibus ra-

tionem, & iste appellatur uoluntas, & cum se habet secundum naturam sequitur intellectum, & imperat appetitui sensitui: ut in politicis inquit philosophus. Est enim in animo quod natura imperat: cum uerò contrà se habet trahitur ab appetitu, ut in tertio de animo idem dicit. Vincit autè interdum appetitus in hominibus uoluntatem, interdum hæc illum. Omnia igitur quæ sunt siue animata, siue inanimata appetere uidetur aliquid bonum, & cum inter appetitus sint gradus, similiter inter bona & fines, nam illa appetuntur & ad illa diriguntur appetitus. Dubitatur quia philosophus enumerauit ista quatuor: scilicet, doctrinam, & cætera, & non meminit scientiæ. Secundò dubitatur quia dicit omnem artem, & doctrinam appetere bonum, cum sit ars uenefica & huiusmodi, quæ malum uidentur appetere. Dicendum quòd philosophus sub nomine doctrinæ comprehendit scientiam, cum sit uia quæ ordinatur ad bonum, cum sit ars, ut definita est, ad bonum humanum, potest dici propriè ars, quæ non appetit bonum, cum ars sit, ut definita est, ad bonum humanum, ergo illæ artes quæ non suscipiunt talem definitionem, non sunt propriè artes, & de his non loquitur hic philosophus. Possumus etiam dicere, quòd omnis ars appetit bonum, sed aut uerum, aut apparens bonum. [FINI VM autem differentia.] Hæc est secunda pars huius primi capituli, in qua declarat esse differentiam inter fines, ex quo sequitur quòd in rebus humanis est finis, aliquid melior altero fine. Et primo assertum talem diuisionem finium, dicens, quòd finium quidam sunt operationes, quidam sunt opera præter operationes, & hi fines habent ordinem nobilitatis inter se. Nam hi fines qui sunt tantum operationes, sunt nobiliores omnibus operationibus præcedentibus. Quòd si finis sit opus, tale opus est nobilius cunctis operationibus, quæ præcedunt ipsum opus, cum præcedentes ordinentur ad illud. Notandum quòd finium quidam sunt operationes, quidam opera: finis qui est operatio dicitur cum post operationem remanet aliquid opus, ut statua quæ est nobilior omni antecedenti operatione, & est finis operationis. Et breuiter omnis ars sordida tres habet fines. Primum operationem quæ fit ab arte. Secundum, ipsum opus. Tertiū, usum operis: ut patet in ædificatione domus, sed ultimus finis est nobilior secundum & secundum primo. CVM utro complures. Nunc autem declarat philosophus plures esse fines in rebus humanis: ut ostendatur quòd in qualibet differentia finium siue sint operationes, siue opera, plures sunt fines, & probat sic. Vbi sunt plura quæ appetunt fines & bona, sunt etiam plures fines, sed in rebus humanis sunt plura quæ appetunt fines & bona sua: ergo plures sunt fines. maior patet, minor declaratur exemplis tam finium qui sunt operationes, quam finium qui sunt opera, ut patet in textu: quæ cum sint diuersa, diuersos appetunt fines: plures ergo erunt fines. Notandum quòd dicit diuitias esse finem rei familiaris: & loquitur secundum opinionem vulgi. Nā in libro economicæ & politicæ dicit esse instrumenta ad finem quandam bonum consequendum, ut ibi patet. [QV AE autem artes.] Post pluralitatem finium ostensam declarat esse ordinem inter fines, ut unus sit præstantior altero, sicut res sunt aliæ aliis præstantiores, ita & fines earum rerum. Nam ut frenum ordinatur ad equum, & equus est præstantior freno: sic ars frenæ factiua ordinatur ad artem equestrem, quæ est nobilior frenæ factiua, cum ob hæc illa esse uideatur. Notandum quòd philosophus appellat istas artes hic virtutes, nonnulli habent in textu græco *δυναμεις*, nonnulli *ἀρετῆς*, id est virtutem. Quòd si dicat virtutem, tunc illa accipienda est pro vi & potentia quæ est in qualibet arte, quæ appellari propriè facultas potest, cum sit ad utranque partem indifferenter & æquè disposita. Veluti medicina dicitur potentia, quia potens est ad faciendum & corrumpendum sanitatem. Ars differendi & oratoria est potens ad probandum, & faciendum contraria: interdum eodem, veluti quòd voluptas fit bonum, & sit malum. Notandum quòd sicut se habent fines, sic res quarum illi sunt fines & conuerso. Conuertitur enim consequentia ista. Tales sunt res quales sunt fines earum, & contra tales sunt fines, quales sunt res quarum illi sunt fines. Bene ergo ostendit philosophus finem sine esse præstantiorem, per hoc quòd res altera præstantior altera est, & ars arte nobilior. [ATQVE nihil interest.] Hæc est tertia pars principalis huius primi capituli, in qua remouet dubitationem que oriri posset. Quia dixit quòd est differentia finium cum alii sint opera, alii operationes, & quòd in quibus finis est opus: in his potiora sunt opera operationibus, ideo ne hoc uideatur facere diuersitatem rerum, & ideo non ualeat sententia nuper dicta: quòd finis alter altero sit nobilior, cum opera semper sint nobiliora operationibus præcedentibus, ideo inquam hoc soluit dicendo quòd nihil interest siue fines sint opera siue operationes, quia semper finis ob quem alii sunt, præstantior est, quicunque sit siue opus siue operatio, ut in finibus supradictarum facultatum intueri licet. Nam propter quod unumquodque tale, & illud magis, ut primo posteriorum dicit philosophus.

*Quòd unus agibilibus finis qui ciuilibus sit facultatis.*

*Cap. II.*

8 S igitur quispiam rerum agendarum est finis, quem nos propter seipsum, cætera autè propter hunc volumus: neque fit ut omnia propter aliud expectamus (esset enim hoc modo sine ullo fine semper ab initio, atque hinc

## ETHICORVM

noſter appetitus inanis vanuſq; reſultaret) cōſtat hūc talē finē, ſūmū bonum, ipſumq; optimū eſſe. Et ad humanā igitur vitā, magnā huiuſce cognitio opē affert. Nā vt ſagittarii, ſignū habētes, magis id quod oportet attingere poſſumus. Quōd ſi ita ſit, enitēdū eſt hūc ipſum figura quidnā ſit cōprehēdere, & cui⁹ ſit ſciētīę vel facultatis percipere. Videbitur autē eius eſſe, quę maximē dominatur, maximēq; rationē ſubit architecturæ. Talem autē ſeſe offert ipſa ciuilis facultas. hæc enim & quas ſciētias in ciuitatibus eſſe & quales quēque diſcere, & quouſq; oportet, inſtituere ſolet. Eas præterea facultates, quę ſummis afficiūtur honoribus: vt rei militaris, reiç; familiaris facultatem, ac oratoriā artem, huic ſubeſſe facultati videmus. cū igitur cæteris actiuis ſcientiis hæc vtatur, & leges ferat, atque inſtituat quid quiſq; agere, & à quibus abſtinere debeat: huius finis, cæterarum omniū facultatum cōtinet fines. Quo ſit vt hic finis ſit bonū ipſum humanum. Quanquam enim vnius hominis idem & ciuitatis eſt bonum: ciuitatis tamen comparare conſeruarēque bonum, maius atque perfectius eſſe videtur. Nā amabile eſt, etſi vni ſoli: maius autem atque diuinius eſt ſi genti ciuitatib⁹ ſue ſit acquiſitum, partūque conſeruetur. Iſta igitur appetit hæc doctrina: cū ſit facultas quædam ciuilis.

### Commen.

**S**I igitur quiſpiam. ] Hoc eſt ſecundum capitulum huius primi tractatus, in quo oſtēdit, quōd in humanis eſt quidam vltimus finis, & ſummum bonum. Et ordine procedit. Nam primò oſtendit eſſe aliquem finem bonum, deinde meliorem, demum optimum. Diuiditur autem hoc capitulum duas in partes. In prima oſtēdit quōd eſt finis vltimus qui eſt ſummum bonum. In ſecunda declarat cuius ſcientiæ ſit, & ad quā pertineat cognoscere talem finem. In prima igitur parte affert talem conſolutionem. Quōd ſi in rebus humanis eſt aliquis finis vltimus, is eſt ſummum bonum & optimum, quia alii ad illud & propter illud ſunt. Quōd autem ſit aliquis finis vltimus probat philoſophus per deductionem ad impoſſibile, quia ſi non eſſet, tunc procederetur in infinitum, quod eſt abſurdum, cū infinitum pertranſiri non poſſit, & omnia humana appetant finem. Itaque ſequeretur quōd fruſtra eſſet talis appetitus humanus cū nunquam eum attingere poſſet. At naturā nihil facit fruſtra, & ſic habetur quōd eſt aliquis finis vltimus. & cū finis ea ratione qua appetitur ſit quid bonum, & ea ratione qua eſt vltimus ad quem alii ordinantur, erit optimum. Sciendum quōd philoſophus inquit hic ſummum bonum non ſimpliciter, ſed in genere, id eſt, humanum ſummum bonum. Nam ſummum bonum ſimpliciter eſt deus, qui non acquiritur ita vt formaliter ſit in eo, qui id conſequitur, ſicut videtur eſſe felicitas illa, de qua loquitur hic philoſophus. Notandum quōd appetitus eſt duplex quod ad hunc locum nūc pertinet. quidam cum cognitione: quidā ſine cognitione. Appetitus ſine cognitione dicitur naturalis. Appetitus cum cognitione eſt duplex, quidā perfectus, quidā non perfectus. Perfect⁹ dicitur qui eſt cum electione: imperfect⁹, qui eſt vagus, & ſine electione. Naturalis igitur per ſe nunquam eſt inanis, per accidens eſſe poſteſt. Is autem qui ſequitur cognitionē poſteſt eſſe vanus, præſertim is qui agit ſine electione. Sed eſſet abſurdum q̃ appetitus qui perſicitur per electionem eſſet inanis: & ratio eſt, quia deus & natura vt inquirunt, nihil agunt fruſtra. Dubitatur quia nō videtur abſurdū vt dicit philoſophus q̃ appetitus eſſet vanus. Nam in tertio dicit q̃ volūtas interdū eſt impoſſibili veluti immortalitatis. Dicēdū ad hoc q̃ volūtas dupliciter ſumi poſteſt, vno modo vt vult tantū, alio modo vt limitatur electione. Prima poſteſt eſſe vana, & de illa eo in loco loquitur philoſoph⁹. Secūda nō eſt vana neq; impoſſibili de qua loquitur hic. Nā volūtas cū electione nō appetet finē poſt finē in infinitū. Poſteſt etiā dici q̃ humanus appetit⁹ naturalis p̃ ſe nō eſt vanus, ſūmpe⁹ in genere, ſed fortē huius vel illius hominis ſingulariter ſumpt⁹. [E T ad humanā igitur.] Inſert vnū philoſophus, quod oritur ex antedictis, quod appellant correlatiū, quō oſtēdit q̃ cognitio vltimi finis cōfert ad vitā. Nā oportet ſemp terminū eſſe cognitū ſi debemus rectē ad illū p̃gere. & hoc p̃bat exēplo ſagittarii: qui p̃ponit ſibi ſignū. deinde dedit. Quōd ſi ita eſt vt talis cognitio ſit vehemētē vtilis, duo ſunt faciēda. Primū circūſcribere & diſſinire ipſum vltimū finē, vt figura deſcribitur & deſignatur à pictore: alterū videre cu



iūs artis vel facultatis sit, & ad quā pertineat tale bonū cognoscere. Et ad hęc duo declarāda philoſophus vtitur ordine prapōſtēro. Nā primō declarat cuius sit, & ad quā ſcientiā vel facultatē pertineat hoc cognoscere. Deinde in ſecundo tractatu huius primi libri oſtendit quod primō propoſuerat, ſcilicet quid ſit ipſe vltimus finis humanus, & deſcribet ipſum. [VIDE B I T V R autem.] Hęc eſt ſecunda pars capituli: in qua oſtendit cognitionē huius vltimi finis pertinere ad ſcientiam & facultatē ciuilem, & eius eſſe, hoc pacto. Cognitionis huius finis ad eam ſcientiam ſpe-  
 10 ciat, quā maxime dominatur, & ſubit rationem architecturæ reſpectu aliarū facultatū. Sed ſciē-  
 tia ciuilis eſt talis, ergo ad eam pertinet talis cognitio. Maior ex antedictis probatur, nobiliſſi-  
 mā ſcientia, & facultatis eſt nobiliſſimus finis: minor probatur a philoſopho. Illa ſcientia quā  
 imperat, & vtitur aliis ſcientiis, & artibus, eſt domina earum, & ſubit rationem architecturæ reſ-  
 pectū aliarū: Sed ciuilis eſt huiusmodi, ergo illa eſt domina reliquarum actiuarum. Nā ad eam  
 ſpectat conſiderare quā facultas, & ſcientia eſt vtilis reipub. & quā non eſt vtilis. Fert etiam le-  
 ges iubendo quis debeat quas artes edifice, & quouſq. Ex quibus patet quod finis ciuilis facul-  
 tatis, eſt ſummū bonum hominis. Idem eſt autem ſummum bonum hominis vnus & ciuitatis,  
 eſt tamen differentia, quia ciuitatis ſummum bonum diuinius & pulchrius eſt, quā vnus homi-  
 nis. Nā illud aſimilatur magis primæ cauſæ: quā eſt vniuerſaliſſima in dando, & conſeruando  
 omnia. Poſtea quaſi aſſerendo conſuſionem dicit: quod iſta moralis ſcientia cū ſit ciuilis quedā  
 ſcientia hoc affectare videtur, ſcilicet hoc ſummum bonum. Notandum quod philoſophus duas  
 conditiones poſuit ſcientiæ eius quā præſt alii. prima, vt ſit domina maxime ſecūda vt ſubeat  
 rationē architecturæ, & eſt differentia inter iſtas cōditiones. Nā poteſt aliquis dominari aliqui-  
 bus, & nō vt iis quibus imperat: ſed nō poteſt aliquis habere rationē architecti, quin vtatur iis  
 reſpectu quorū dicitur eſſe architectus. Nā extruorū nauis vtitur dolatore lignorū, & illi impe-  
 rat cū ſit architectus reſpectu illius. Nō fruſtra ergo ponuntur a philoſopho hæ duæ cōditiones  
 quas habet ciuilis reſpectu aliarū facultatum. Notandum tamen qd diuerſo modo vtitur ſciētis  
 ſpeculatiui, & actiui. Nam artes & actiua ſcientia ſumit dupliciter, ordinat enim ipſas &  
 etiam imperat eis, vt hoc modo, & ex hac vel tali materia operetur, & ſic ciuilis præſidet rei mi-  
 litari, rhetorica, & economica, & aliis facultatibus, imperat enim eis & modum agēdi præſcri-  
 bit. Circa ſpeculatiua autem tantū verſatur imperando vt ipſæ ſint in ciuitate, non aut impo-  
 nit eis modū imperandi. Nō enim imperat vt geometra, nō hoc modo probet, aut illo modo hāc  
 cōcluſionē, quod triangulus habet tres angulos æquales duobus rectis, cū ſit neceſſaria, & non  
 poſſit aliter ſe vllō pacto habere. Itaq. ciuilis dicitur principalisſima a philoſopho nō ſimplici-  
 ter, ſed in genere actiuarū facultatū. Notandū item qd ad ciuile ſpectat cōſiderare de artibus, &  
 ſciētis, & has habere, illas expellere de ciuitate, ſicut Plato fecit: qui aliquas artes aſciuit in ciui-  
 tatē ſuā quā finxit, aliquas expulit ex eadē: vt poſſim, & eius artiſices, id eſt poētās, quia excitēt  
 homines ad affectus eoſq. eſſe minatos reddant. Notandum quod conditiones poſuit philoſo-  
 phus institutionis vel facultatis ciuilis reſpectu aliarum. Dixit enim quod hāc inſtituit quas fa-  
 cultates, & ſciētias in ciuitate oportet eſſe ſecundō, quas quemque addicere. tertio quouſque.  
 Primō nō omnes ſciētia ſunt vtilis in ciuitate. ſecundō, nō omnes ſunt idoneæ ad quamlibet fa-  
 cultatē, ſed alius ad aliam. tertio quouſque, aut reſpectu quantitatis temporis: veluti per tot an-  
 nos, aut reſpectu ſcientiæ ſcilicet viſque ad telē terminum neceſſarium, vel viſq. ad tale cōmodum  
 reſpectu aliarum artium. Notandū quod idē eſt bonum hominis vnus, & ciuitatis vel gētis: idē  
 in quā re, diuerſum tamē ratione. Nam hominis ſummum bonū eſt felicitas, & beatitudo eadem  
 eſt etiā ciuitatis vel gētis pfectio. Sed differt ratione, quia ſummum bonum vnus hominis ſa-  
 tis eſt vni indiuiduo, nō eſt autē tale, quale eſt illud quod acquiritur gēti vel ciuitati. Hoc enim  
 ad plures extēditur, & ideo eſt melius, & perfectius, quia bonum tāto eſt prædarius, quāto com-  
 munius, vt dicit in Politicis. Verū ſicut ſit de lumine qd idē eſt ſi ſit in modico aëre, & in mul-  
 to: ſic ſummum bonum qd eſt in ciuitate eſt melius, quia latius, quā in vno. & licet ſit eadē felici-  
 tas, tamē illa ciuitatis pulchrior, & præclarior latitudine ſua. ¶ Dubitatur, quia philoſophus vi-  
 detur præponere bonum cōmune proprio vnus. Itē dubitatur vtrum ad ſcientiā ciuilem pertineat  
 cōſiderare de vltimo fine humano, quia hoc videtur pertinere potius ad morale quā ad ciuilem.  
 Ad primum breuiter reſpōdetur, quod bono cōmuni magis ſtudent quā proprio, quia com-  
 mune complectitur etiā proprium, & particulare, non tamen e contra. Ad ſecundum dicendum  
 quod ad ſcientiam ciuilem pertinet, conſiderare de vltimo bono humano, vt ſe extendit ad ciui-  
 tatem, ad morale verō vt eſt vnus hominis bonum. Nec abſurdum eſt idē bonum diuerſis reſ-  
 pectibus ab diuerſis facultatibus conſiderari. Nam in morali non conſideratur quomodo acqui-  
 ratur bonum ciuitati, tamen idem bonum conſideratur ab vtraque ſcientia. Et ſicut multæ ſciē-  
 tiæ habent finem propinquum & remotum: ſic moralis nam habet finem propinquum vnus ho-  
 minis perfectionem, & per hanc poſtea tendit ad ſummum bonum ciuitatis, ergo ad vtranque  
 ſcientiam vel facultatem pertinet conſideratio ſummi boni. Notandum quod philoſophus dicit  
 11 [I STA appetit hęc doctrina.] Dupliciter exponi poteſt, vel hęc doctrina appetit iſta, id eſt  
 ſummum bonum humanum, & omnia quibus comparari poteſt. vel, iſta, id eſt bonum proprium  
 12 vt proprium, commune vt remotum. [C I V I L I S quædam.] Moralis ſcientia poteſt etiam dici  
 a iij

ciuilib, cū illa quæ ordinantur ad inuicem possint aliquādo denominari à nobiliori. Vnde moralis, æconomica & ciuilib, potèrunt vno nomine appellari scientia ciuilib, quæ postea diuiditur in tria illa membra, scilicet moralem, æconomica, ciuilem.

*De modo procedendi, & audire morali.*

*Cap. III.*

ῥὸ ἀντί-  
βέσ.



καὶ τὸ πρῶτον

ἀπὸ τῆς

Icetur autē satis, si declarabitur perinde atque subiecta materia postulat. Ipsum enim\* exactum non est in omnibus simili modo rationibus flagitandum: sicut nec iisce, quæ per artem conficiuntur. Honestā autem, & iustā, de quibus ciuilib considerat, tantam differentiam, erroremque habent, vt lege tantum esse videantur, & non naturā. Talem etiam quandam errorem habent & ipsa bona: quia compluribus ex ipsis accidunt detrimenta. iam enim quidam ob diuitias: quidam ob fortitudinem periēre. amabile igitur est de talibus atque ex talibus dicentes, crasso modo\* figuræque verum ipsum ostendere. & de iis quæ sunt plerunque, atque ex talibus dicentes talia & concludere. eodem modo & vnumquemque auditorem ea quæ dicuntur acceptare oportet. est enim eruditi, exactum ipsum ea tenus in vnoquoque genere flagitare, quatenus fert ipsius rei natura. Simile namque videtur esse mathematicum suadētem probare, & ab oratore demōstrationes exigere. Atqui bene quisque iudicat ea quæ cognoscit, & ipsoū bonus est iudex. is ergo in vnaqua; re bene iudicat qui in illa est eruditus,\* absolutē autem, qui est in omnibus eruditus. quapropter iuuenis, scilicet disciplina non est idoneus auditor. Est enim rudis actuum vitæ. Ex his autem, & de his ipsæ rationes efficiuntur. Præterea cū perturbationes sequatur, vanē, sinēque vtilitate audiet: quippe cū finis non cognitio sit, sed actio. Interest autem nihil iuuenis, sit ætate, an moribus iuuenis similis. non enim defectio est ob tempus: sed quia viuunt & persequitur singula cum perturbatione. talibus enim inutilis sit ipsa cognitio: perinde atque incontinentibus ipsis. Iis autem qui suas rationi subiiciunt appetitiones, cum rationēque agunt: magnam asferre potest vtilitatem. De auditore igitur, & quonam modo rationes sunt acceptandæ, quidque proponimus: tot exordii loco sint dicta.

*Commen.*

**D**ICE TVR autē satis. ] Hoc est tertii capituli huius primi tractatus .i. proemij, in quo declarat modū tradēdi hanc doctrinā atq; recipiēdi, & à quo auditore recipi debet. Diuiditur in tres partes, quæ in suis locis declarabuntur. In prima igitur ostendit modū tradēdi hanc doctrinā, scilicet quæ non est demōstratiua, & à causis necessariis deducendo necessarias conclusiones, sed à causis contingentibus, vt sunt actiones humane, quæ sunt materia huius scientiæ moralis, quæ est contingens, & non necessaria. & qualis est materia scientiæ, talis debet esse modus doctrinæ: & qualis est res, talis oritur cognitio, quæ est media inter cognoscēs & cognitum. Anima est quasi mensurans: scientia est mensurans res quæ scitur est quoddam mensuratum. Duplīciter igitur sunt res aut necessaria, & à causis necessariis, ex quibus oritur scientia propriē dicta, & sequuntur ex ipsis necessarij effectus: aut à contingentibus contingentes. Nam cuique scientiæ, accommodatur modus doctrinæ quem expetit materia illius scientiæ. Nā si materia est necessaria, & modus doctrinæ est demōstratiuus: si materia cōtingens, & doctrina ex contingentibus procedit, & modus erit non demonstratiuus, sed suasiuus. Declaratur hoc à philosopho in textu, quod scientia morum habet talem materiam, vt non exigit exactissimum modum doctrinæ, sed eum qui procedit ab his quæ vt plurimum fiunt, & probat hoc passō. Illa scientia cuius materia non est necessaria, sed varia, non potest habere modū doctrinæ necessariū. At materia moralis est varia, ergo nō potest habere modū doctrinæ necessariū: maior clara: minor probatur à philosopho, tā ex parte eorū quæ sūt à nobis, quā ex parte externarū rerū, quia



non oēs homines eodē modo putant iusta, & honesta: & quod videtur iustum nunc, nō putatur alio tēpore mutatis cōditionibus rerum. Sic dicēdum de locis. Nam q̄ hic videtur iustum, fortē non videtur apud Scythas. Eodē pacto de externis bonis dicendū, nō enim sēp sunt bona. Nā multi ob robur vel diuitias perire. Quare bona interna, & externa circa quā omnia veratur ciuilis facultas nō sēp, & necessariō sunt talia, sed vt plurimū. Ideo modus doctrinā nō erit ex necessariis, sed ex his quā sēp fiunt, & in modo docendi, p̄ficiscēdum est ḡrosso modo, & quasi per figuram, & non demonstratiuē: sed quasi persuasiuē. [S I C V T nec in iis quā per artes, & c.] Non enim eodem modo figura expetitur à pictore, & ab exultore. [E X talibus.] Sc̄itionibus humanis tanquam ex principiis, quā vt plurimū fiunt. [D E huiusmodi rebus.] I. tanquā de cōclusionibus nō necessariis, sed vt sunt ea quā sēp fiunt, & plerūq; Notandū q̄ ex ijs rebus emergit scientia. Itaq; quales sunt res, talis nostra cognitio est & scientia. Verū rerum quādam sunt necessaria, quādam nō necessaria, sed cōtingentes. Rerum necessariarum necessaria est scientia, & propriē dicta. Tales autē res sunt diuine, mathematicę, pleraq; naturales: nō necessarię res trisariā diuiduntur. Quādam persēpe, vt calores in aestate: quādam rarō, ut calores in hyeme: quādam æquo discrimine, vt ambulare nō ambulare: & alia quā sunt in nostro arbitrio nostraq; voluntate. Circa res quā sēp fiunt, dici potest quōd uideatur ars. Circa ea quā rarō sūt, uideatur casus vel fortuna. Casus enim vt inquit philosophus, est causa per accidēs rarō circa ea quā fiunt à natura. Fortuna est causa p̄ accidēs rarō circa ea quā fiunt à mēte, & electiōne. Circa ea quā sūt æquę, uideatur ratio & electiō nostra. Sciētia verō, p̄priē dicta, est circa ea quā sunt necessaria, & perpetua, & sēp se habēt eodē modo, & doctrina illius est demonstratiua & exactissima, licet etiā sciētię sint alię aliis certiores, & habeant gradū certitudinis inter se, vt Mathematicę sunt certiores quā naturales, cū illę sint in primo gradu certitudinis. Artes uideatur modo doctrinā p̄cedēte ex his quā vt plurimū sūt: & talis uidetur esse sciētia vel ars moralis, cū uideatur circa ea quā nō cōstāt natura, vt sint eadē apud oēs, sed lege & cōstitutiōe, quā est varia apud diuersas nationes, & ciuitates vt patet. Notandū q̄ fortitudo hic sumi potest, aut pro uiribus corporis, vt dicatur robur, aut pro ipsa fortitudine, quā est virtus moralis, & mediocritas inter audaciā, & timiditatē. Cōsiderandū est autē q̄ virtutes corporis simili modo se habere uideatur, vt illę animi, respectu animi, cui tribuuntur quatuor illę virtutes morales, ad quas re diguntur reliquę omnes. In corpore enim quatuor sunt vires similes illis, vigor lue uiuacitas vt ita dicā sensu, secūda, robur, tertia pulchritudo, quarta uelutudo bona. At uiuacitas sensu vi detur habere similitudinē cum prudentia. Nā sicut per prudentiam res agibiles ab anima percipiuntur: sic bonitate sensum sensibilia à sensibus. robur cōparatur fortitudini, pulchritudo tem peratię: quā pulchritudo uidetur esse tēperata quādam mediocritas orta ex partibus corporis cōgruē dispositis. Sanitas iustitię cōparatur, quā sanitas oritur ex quadam complexione conueniēti, & debita quantitate humorum. Quōd si accipiatur fortitudo propriē dicta quā est virtus, dicemus philosophum loqui secundum vulgi opinionem. Nam fortitudo non est causa mortis, quę fit malū, & p̄sertim causa per se, sed à vulgo putatur malum. quasi ostendere uelit quōd ista habent tantam uarietatem ob varias opiniones, & constitutiones hominum, vt etiam fortitudo, & bona animi putentur mala, cū interdum asserre detrimenta habentibus uideatur. [E O D E M modo.] Hęc est secunda pars capituli: in qua asserit ex parte auditoris talem conclusionem q̄ oportet auditorem probare modum doctrinā, quem patitur & exigit scientia quam accipit: sed scientia morum non exigit modum exactissimum: ergo oportet auditorem talem etiam modum accipere & probare. Hoc ostenditur à philosopho, quia similis defectus esset geometriā suadentem probare, & oratorem demonstrantem, vel ab oratore demonstrationem, & geometriā suasionem exigere. Geometra enim proficiscitur à principiis necessariis per demonstrationem ad necessaria conclusionē: orator uerō suadet per argumentationem probabilem quā suadet, non autem cogit assentiri vt ipsa demonstratio, quā est ipsius geometriā. Notandū quōd cuique scientię accommodatur modus doctrinā proprius. Nam scientia est vt quidam terminus, doctrina quasi via ad terminum. Verū sicut omnis effectus artis fit per instrumentum accōmodatū tam operi, quā operanti: sic modus doctrinā accommodari debet. Modus igitur huius doctrinā quod materiam debet esse nō demonstratiuus propter quid, sed quia. Nam talis modus accommodatur iis scientiis quā versantur circa materiam non necessariam [A T Q V I bene quique.] Hęc est tertia pars capituli, in qua facit p̄suppositum tale, scilicet quod quique rectē iudicat, & c. & ex hoc p̄supposito ostendit qualis debeat esse auditor huius disciplinā moralis. Sed primum ostendit quis nō sit idoneus, deinde quis sit idoneus auditor. Sed duo sunt minimē idonei. Vnus est iuuenis cū sit expert agibilibus, & nostra doctrina est est ex his tanquam ex principiis, & de his tanquam de conclusionibus. procedimus enim ex illis, & concludimus de illis. probatur autem ratio ita. Idoneus auditor huius scientiā bene iudicat de his, quā dicuntur in hac scientia, assentiendo his quā bene, & reiiciendo quā malē dicitur. Sed iuuenis non bene iudicat de his: ergo non est idoneus auditor: maior patet ex illo p̄supposito facta quod quique bene iudicat, & cetera. Minor ostenditur ex eo quōd iuuenis non habet experientiam actuum humanorum, & rerū quā aguntur in uitā: ideo nō potest rectē iudicare de

illis ex quibus procedūt rationes, & de quibus sūt cōclusiones in hac sciētia morali vel ciuili, & in hac nostra doctrina. Dubitatur quia nō videtur verū q̄ iuuenis nō sit idoneus auditor. Be ne valeret ratio ad probandū quōd ipse nō esset idoneus inuenter huius artis. Nā experientia cō fert ad inuentionē, vt ait philosophus in libro Posteriorum, & in Metaphysicis. Dicendū quōd re vera experientia confert ad inuentionem, præsertim in sciētiis speculatiuis. Hæc autem sciē tia non solum speculatiua est, sed etiam vel potius actiua, & oportet vt ea quæ hic dicuntur, pos seā deducantur in actum. At iuuenis non habet experientiam actū humanorum propter æta tem, nec est idoneus illos experiri: ideo non erit sufficiens auditor, quia non poterit rectē diiudicare de illis. Et econtra, homo exempli gratia qui per experientiam cognouit quōd malæ pa piditates abstinentia superantur, statim assentietur doctrinæ philosophi, cum dicet temperatis operationibus temperatos fieri homines, & sic de aliis singulis si in alijs erit expertus. Vniuer saliter de omnibus si omnia erit expertus. Rectum enim iudicium cognitio præcedat oportet. [PRAETEREA.] Affert aliam rationem probantem quōd iuuenis nō est idoneus auditor. qui non facillē potest consequi finem huius doctrinæ non est idoneus auditor: At iuuenis est huius modi: ergo, &c. Nā cum sequatur perturbationes animi, & viuat vt plurimū secundum sensum, non obtemperat his præceptis ad eō vt ea deduceret in actum. Est enim huius doctrinæ non speculatio cognitio, sed ipsa actio. [INTEREST autem] quia, supradixit eum qui pertur bationes animi sequitur non esse idoneū auditorem, ne hoc tantū de adolescentē: sed etiā de pro uectio ætate, & quocunque viuēte secundū appetitum intelligatur, ideo dicit nihil interest siue sit iuuenis ætate, an moribus, quia prouectus ætate etiā inutiliter audiet si sequitur animi per turbationes, vt faciūt incōtinentes, quia defectus nō est in tēpore & ætate, sed in vita & morib⁹. Dubitatur quia hæc sciētia videtur superflua cū non prosit hominibus prauis: boni verō ea nō egeant. Responderi potest bifariā, primū q̄ hæc sciētia est utilis vtriusque. Nā prauī licet cū dissi cultate, tamen quoquomodo reuocari possunt à vitiis, & fleūt ad virtutes audiēdo hæc, boni ve rō cōfirmantur. Secundo modo dici potest quōd hæc sciētia ita se habet ad animū, vt medicina ad ipsum corp⁹. Medicina autē est cōseruatiua & reductiua sanitatis cū morbi sunt curabiles. Sic sciētia hæc se habet ad ægritudines animi. Verū medijs inter incurabiles & optimē se habētēs præ cipuē ferēt fructū, quasi bene dispositis ad virtutē suscipiendā, pderit maximē hæc moralis doct rina, vt philosoph⁹ decimo Ethicorū inquit. Sermo autē & doctrina nunquā in omnib⁹ vires habet, sed oportet vt antē cultus sit animus auditoris ad rectē gaudendū odendūq̄, tanquā ager qui semina sit nutritur⁹. Nā qui secūdū perturbationē animi viuūt nec audiret, &c. [IIS autē qui suas.] Secūda particula in qua ostēdit quis sit idoneus auditor, & dicit quōd sunt ii qui subiciūt suas cupiditates rationi. Post hæc epilogat totū præmiū breui⁹, incipiendū ab vltima parte. f. quōd satis est declarātū qualis debeat esse auditor, & quomodo tradi & recipi debet hæc doct rina, & quid qualeq̄ propōsitū sit & intentio sua. Dubitatur cum dixit q̄ est inutilis incōtinenti bus hæc doctrina. Hoc non videtur verum, cum non modō incontinentes, sed etiam intemperati possint percipere sermones rationesque philosophi. Dicendum quōd hæc sciētia habet du plicem finem, propinquum & remotum. Propinquus est perceptio eorum, quæ dicuntur hic cre motus est actio, & est principalissimus finis. Itaque primum, id est, cognitionem consequi pote runt: sed non ita secundum vt operentur, qui finis est principalissimus, qui intendit.

De summo bono, & recta auditoris educatione.

Cap. IIII.

**N**unc autē repetētes dicamus, (cū omnis cognitio atq; electio bonū quoddā affectet:) quid nā sit id quod ciuile appetere di cimus facultatē, & quid omnī rerū agendarū supremū sit bo nū. Nōmine igitur oēs ferē de ipso consentiunt. Nā & vulgus & elegātes felicitatē inquirunt esse. atq; bene viuere, bene agere, & felicē esse, eadē esse putant. De felicitate autē quā nā sit dissentiunt: & non si milititer vulgus, ac sapientes eam assignant. quidā enim vnum quid eor um quæ clara, manifesta q̄, sunt ipsam esse putant, vt voluptatē, aut diui tias, aut honorem. quidā aliquid aliud: per sepe etiam vnus idemq̄, diuer sum. Nā cum ægtorat, sanitatem: cū pauper est, diuitias. ignorationis ve rō cōfciū suæ, eos admirātur, qui magnum aliquid & vltra vires ipsorum dicunt. quidam autem præter hæc plura bona: aliud quoddā per se esse putabant: quod quidem & his vniuersis, vt sunt bona, censuere causam esse. omnes igitur opīniones scrutari, superuacaneum est fortasse. Satis

- 22 autem erit, si eas scrutabimur quæ maximè extant, aut rationem aliquã habere videtur. At enim ne lateat nos eas inter sese rationes differre, quæ à principijs proficiſcuntur, & quæ ad principia pergunt. Rectè enim & Plato dubitabat atque quærebat, vtrum à principijs, an ad principia sit  
 23 ipſa via: vt in ſtadio, ad calcem ex ipſe quæ præmia ponunt, an contrã. Enimuerò ſemper eſt à notis incipiendum. hæc autem duobus modis  
 24 ſitan ex iis incipiendum eſt, quæ nobis ſunt nota. Quocirca bene inſtitutum moribus eum eſſe oportet, qui de honeſtis & iuſtis, & omni ciuili  
 25 ratione eſt ſufficiẽter auditurus. eſt enim principium \* ex ſe. atque ſi hoc ſatis conſtet: non opus erit \* ipſo cur eſt. talis autem aut habet principia: p. 176.  
r. 1. 1071.  
 26 aut accipere facilè poteſt. cui verò neutrum horum ineſt, iſ Hefiodi ſententiam audiat hiſce carminibus explicatam.  
 Optimus ille quidè eſt, ex ſeſe qui omnia nouit. At qui ex ſe neſcit, cuiquã nec porrigit aures,  
 Perceptis quæ poſt, & ſemper ſunt meliora. Vt bona percipiat: demens & inutilis ille eſt.  
 Iſ rurfus bonus eſt, parer qui recta monenti.

## Commen.

- 20 **S**E D nunc repetetes.] Hic eſt ſecũdus tractatus huius primi libri, in quo finito pœmio intẽdit docere & tractare de ſummo bono, & oſtendere quid ſit. Diuiditur in quinque capitula. In primo pponit opiniones aliorũ multorũ de ſummo bono, & poſtea declarat modũ, quo ipſum inueſtigare debemus. In ſecũdo reſumit opiniones allatas eãque reſellit. In tertio cõſutat opinionẽ Platonis ex eo qd dixit ideã boni eſſe ſummũ bonũ. In quarto enititur definire ſummum bonũ. i. ipſius felicitatis definitionẽ afferre ſecundũ ſententiã ſuam. In quinto opiniones allatas trahere nititur ad ppoſitũ ſuum, & ad ſuã definitionem de felicitate aſſignatã. Primũ capitulũ diuiditur in duas partes. In prima inquit ipſum ſummum bonũ afferendo varias opiniones. In ſecunda querit, qualis debeat eſſe modus inueſtigandi ipſum. Dicit igitur in prima reſumẽdo ea quæ dixit breuiter. ſc. qd cum omnia appetunt quoddã bonũ, & cum ciuiliſ præſit omnibus aliis fa cultatibus, & aliæ tendat & ordinẽtur tanquã ad vltimũ finem humanũ, ad ciuilẽ, videamus quid ea expetat, & quid ſit iſtud omnĩ rerum agẽdarum ſupremũ bonũ. [N O M I N E igitur.] Hac in  
 21 parte philoſophus oſtẽdit opinionẽ hominũ de felicitate, & duo facit: primò oſtẽdit qd nomine omnes cõueniunt. ſiquiſque in ſua lingua. Secũdò qd definitione differũt, & ex differentia quam habent homines de ipſa felicitate diſtinguit ipſos homines. ſin vulgus & ſapiẽtes. Et primò exponit opinionem vulgi, deinde ſapientum, enumerando ea, quæ ipſi ponebant p ſummo bono, vt latè patet in textu philoſophi ex iis quæ ipſe enumerat. Notandũ qd vita ſumitur biſariam, vt ſpectat ad hoc ppoſitum, aut vt prima perfectio aut ſecunda, id eſt ipſa operatio, prima eſt, eſſe viuẽtis, quoddã pſuit ab vnione animæ & corporis, ſecundo modo dicitur vita ipſa operatio, quæ proficiſcitur à potentiũ animæ, & ſic accipitur hãc, ſcilicet p operatione. Intelligunt enim homines eum felicem, qui bene viuĩt. i. bene operatur. Notandũ quod hæ opiniones de felicitate, vt apparet, oriuntur ex parte modorum viuendi & ex cõmoditatibus vite. Nã illi qui dicunt voluptatem eſſe felicitatem, cõmoditate impelluntur. Voluptas enim ab illis deſcribitur vita. i. ope ratio fine impediẽt, dolor verò diſpoſitio mala impediẽs actiones. Sic qui dixerunt diuitias eſſe ſummũ bonũ & alij huiusmodi cõmodis ſuis adducebãtur ad hoc aſerẽdũ. Notandũ p Plato poſuit ſummũ bonum ſeparatũ quoddã, non illud quod acquiritur in vita. ſciebat enim quod ſicut albedine ſit homo albus, ſic felicitate ſit felix, quã oportet eſſe in eo qui ſit felix. Itaque hãc felicitatẽ etiam ipſe hominibus tribuit, quam ipſe Ariſtoteles tribuit vt humanam. Verũ quia ea, quæ ſunt in deo, quæ propriè ſunt, cum æterna ſint, & firma, ideo dixit illud ſeparatũ eſſe propriè bonum & ſummum, ſcilicet ipſum deum cuius participatione ſunt omnia alia bona, & omnia reducuntur ad ipſum tanquam ad vltimum finem & ſupremam cauſam bonorũ omnium, in cuius eſſentia Plato poſuit ideam boni & omnium aliarum ſpecierum. Philoſophus reſellit hanc opinionem alio modo ſumptam, quam intelligebat Plato. Sed ſicut à vulgo intelligebatur ſumit ipſe, & eam reſellit. Plato autem poſuit ſummum bonum id quod eſt ipſum bonum, nec habet aliquid admixtum, ſed eſt ratio ipſius boni, & hoc poſuit eſſe in deo vel poſitũ ipſum deum. Nam quicquid eſt in deo, deus eſt. Similiter ergo rationem boni poſuit in deo, in quo eſt ratio omnium quæ à natura ſiunt cum rectitudine quadam. quod additur ob ea quæ

sūt à casu, quorum formæ & idææ non sunt in mente diuina Nam si hoc esset semper, illi fierent eodem modo, cuius tamen oppositum videmus, vt ille aiebat. Sed inferius hæc latius, [A T enim ne lateat nos.] Hæc est secunda pars capituli in qua querit modum procedendi in hac scientia morali, ad percipiendum quid sit summum bonum rerum humanarum: & dicit q̃ duo sunt modi procedendi in perquirendis scientiis, & iis quæ scire volumus, aut à principiis, id est, ab causis ad effectus, aut ab effectibus ad principia. i. ad ipsas causas, primus dicitur demonstratiuus simpliciter, alter secundum quid. & licet re eadem sit via, differt tamen ratione, vt via ab Athenis Thebas, & ab Thebis Athenas. Plato autem rectè dubitauit & accommodatè ponit exemplum de studio in quo est finis & principium, & terminus à quo, & terminus ad quem: licet idem sit spatium. [ENIM VERO semper.] Hoc loco philosophus soluit & declarat q̃ in omni scientia incipiendum est à notis. Sed quia nota sunt dupliciter. Alia enim sunt nota simpliciter, vt sunt causæ & principia: alia nostra ex parte & nobis, vt sunt effectus, quædā verò equè nobis nota & simpliciter, vt in mathematicis scientiis. In quibus igitur nobis notiores sunt effectus quàm causæ, incipiendum ab ipsis effectibus proficiscendo ad causas, vt sunt hæc scientiæ morales & naturales & artes. In quibus verò æquè nota sunt principia & simpliciter vt mathematica, in his incipiendum à talibus principiis & causis demonstrando à priori affectus qui insunt subiecto. Incipiendum igitur in hac scientia morali à nobis notis, id est, ab affectibus & operationibus humanis secundum rationem, ex quibus sunt habitus studiosi, id est, ipsæ virtutes secundū quas sunt operationes quæ sunt ipsa actiua felicitas. Ea enim est finalis causa omnium humanarum actionum, & vltimum bonum in executione, primum in intentione. Primum enim intenditur ipsa felicitas, deinde excogitantur media, quibus veniamus ad ipsam. Quatuor sunt causæ vt scimus. Principalissima est finalis. Ideo Aristoteles vt mihi videtur, non iure reprehenditur, vt dicunt quidam, q̃ non dixerit vel appellauerit deum causam efficientem, sed finalem semper appellat. Ratio autè est quia appellat eum à causa nobiliore. Felicitas verò est principium in genere causæ finalis. at in genere causæ efficiētis est effectus, nec est absurdum q̃ diuerlis rationibus vnum & idem sit causa & effectus, in diuerso genere causæ, vt felicitas. [QVOCIRCA bene institutum.] Ex suprà dictis inferitur vnum, quod appellant correlarium. Nam cum debeamus incipere à nobis notis, oportet eum qui sit auditurus de scientia ciuili institutum esse bonis moribus, ut experientia possit percipere ea quæ conferunt humanæ uitæ, & eis assentiri. Notandum q̃ oportet auditurum de aliquibus aliquid præcognoscere, & hoc, aut à se habet, aut percipit à doctore. A se habet ut dignitates tales. ueluti, si ab æqualibus æqualia demas, ea quæ remanent sunt æqualia. & omne totum est maius sua parte. A doctore suscipit aliqua quibus adhærere debet. Veluti si duæ lineæ æquè distantes, protrahantur in infinitum nunquam cōcurrent. Ita igitur in morali fieri debet. Oportet enim ut hæc auditurus afferat ex se principia quædam. Veluti quoddā abstinentia cupiditates superantur, ut per experientiam sibi innotuit. Quod autem non afferat, suscipiat à suo doctore, & facillè assentietur: ideo oportet esse institutum bonis moribus & bene dispositum ad recipiendam doctrinam. Vbi afferri potest illud decimi libri quod etiam suprà attulimus. Sermo autem & doctrina, nunquam in omnibus vires haberet: sed oportet ut antè cultus sit moribus auditoris animus ad rectè gaudendum odédumque, tanquam ager qui semina sit nutriturus, &c. Post hæc dicit philosophus q̃ si ille non afferat ex se principia, nec fit aptus ea suscipere, is est penitus inutilis secundum Hesiodum. [E S T enim principium quod est.] Quia effectus est principium in hac scientia morali & ciuili. Veluti bonus mos conferuat humanā naturam. [H A B E T principia.] scilicet audiendi hanc doctrinam ut facillè assentiat. Si quis enim sit bene dispositus & institutus bonis moribus, ueluti si quis superauerit aliquando cupiditatem abstinentia & moderatione uicerit appetitum, statim assentietur cum audiet hoc principium, q̃ tēperatis actibus temperati sunt habitus, & non quæret propter quid cum hoc sibi sufficienter constet. Itē abstinentia concupiscentiæ extinguuntur. Huius etiam non quæret causam cum sibi constet, uel quod ex se afferat, uel quod assentiatu docenti ea, quibus bene dispositus & non recalcitrans deberet non immeritò assentiri

*Quod felicitas non sit voluptas, honor, virtus, aut diuitia. Cap. V.*

Ed nos eò redeamus vn de digressi sumus. Summum enim bonum, felicitatemque, non sine ratione ex viuendi modo videntur existimare: vulgus quidem & importunissimi, voluptatem. Quapropter & deditam voluptatibus vitam amant. Tres enim sunt maximè quæ præcellūt: ea quæ nunc dicta est ciuilis, & cōtemplatiua tertia. Vulgus igitur mancipiū simile penitus esse videtur: pecorum vitam diligēdo. habet autem rationem quod complures eorum qui sunt in potestatis constituti:

29 perinde atque Sardanapalus viuunt. Elegantes autē & ad agēdum ido-  
 30 nei, honorē. Honos enim, finis ferē ciuilis est vitæ. Videtur autē ab eo  
 distare, quod quærimus. nam in iis potius qui afficiunt, q̃ in iis qui affi-  
 ciūtur honoribus, esse videtur. summum autē bonum proprium quid,  
 31 talēque esse vaticinamur, vt auferri facile nequeat. Præterea honorem  
 32 persequi videntur: vt seip̃os bonos esse credāt. itaque à prudentibus &  
 apud eos qui ipsos cognoscūt: & ob virtutē honoribus affici quærunt.  
 33 cōstat igitur secundū hos ipsos, honore præstabiliorē esse virtutē. Atque  
 forsitā & finem quispiam ciuilis vitę magis hāc esse putauerit, verū &  
 ipsa videtur imperfectior esse. Videtur enim posse virtutē habētem, &  
 dormire, aut nō agere quicquā per vitā, & insuper in maximis malis at-  
 que aduersitatibus fortunæ positum esse. eum verō qui ita se habet: ne-  
 mo felicem dixerit, nisi qui positionem obseruat. Sed hæc hæctenus, sa-  
 tis enim de his est & \* in cōuersionibus dictum. De contēplatrice autē  
 34 vita, quā tertiā diximus: in sequentibus cōsiderationē faciemus. Ea ve-  
 rō quę pecuniis incumbit: violenta quēdā est vita. Ipsæque diuitiæ non  
 sunt id quod quærimus bonū. viles enim sunt & ob aliud. quapropter  
 ea quę prius sunt dicta potius quispiam fines esse existimauerit: quippe  
 cū propter se expetantur. at neque etiam illa videntur: quanquam  
 ad ipsa complures iactæ sunt rationes. Hęc igitur missa faciamus.

ἐν τῇ 3ῃ  
 κεκλιόσης,  
 in coro-  
 nis L.  
 Aret.

## Commen.

27 S E D nos eō redeamus. [Hoc est secundū capitulum huius tractatus, in quo reuocat se ad  
 primum propositum. Nam instituit affer. e & cōfutare opiniones antiquorum de summo  
 bono. posuerat autem modum inuestigandi & procedendi in hac scientia, vt cognoscere-  
 tur summum bonum: id eo nunc dicit redeamus, &c. Resumit enim opiniones de summo  
 bono, & eas refellit: & primō reprobat eos qui dixere felicitatem esse aliquid eorum quæ sunt  
 nobis manifesta, deinde confutat eos qui posuerunt felicitatem in bono separato. i. Platonem  
 & Platonicos. Diuiditur in quinque partes: in prima ostendit cur sint tot varię opiniones de fe-  
 licitate, & affert opinionem vulgi ponētis summum bonum in voluptatibus. In secunda eam  
 refellit. In tertia confutat elegantiores ponentes summum bonum in honore, & ostendit q̃ in-  
 sufficienter ponunt. In quarta refellit ponentes id in virtute, & in ea parte cōsiderationē de  
 vita contemplatiua differt in alium locum. In quinta reprobat ponentes id in diuitiis. In prima  
 igitur parte ostendit q̃ tot varię opiniones de summo bono oriuntur ex eo, quia vnusquisq;  
 amat suū modum viuendi, & secundum quod appetit: illud putat esse summum bonum. At  
 cū varia appetantur ab hominibus: ideo varii fines pro summo bono constituuntur. Ipse autem  
 reducit hæc ad tria genera vitæ, scilicet ad voluptuosam, ciuilem, contemplatiuam. No-  
 tandum q̃ ii sunt ineptissimi qui ponunt summum bonum in voluptate: cū voluptas de qua  
 loquitur hic philosophus possit esse causa amittēdæ felicitatis. Notandū q̃ tres vitas enumera-  
 uit philosophus. Primam voluptuariā. Secundam ciuilem. Tertiā contemplatiuā. Iste autem  
 habent ordinem ita vt prima sit imperfectissima, & in ea maximē dominetur appetitus. In se-  
 cunda sit sedatio & mitigatio perturbationum, atque in ea ratio dominatur appetitui nō quod  
 omnino suffocet: sed obtemperantem facit rationi. In tertia vita sit vacuitas perturbationū, & ap-  
 petitus, scilicet sensitiuus nullo modo operari videtur. Bene ergo attulit philosophus p̃ ordi-  
 nē istas tres vitas, vt vidimus in textu. Notādum q̃ per voluptatē intelligit de ea quę est nobis  
 cōmunis cū belluis & similia. p̃ secundā uitā intelligit ciuilem, quæ ponit in honore, & huius-  
 modi: per cōtemplatiuā verō intelligit eā quæ ab omni negotio seiuñctā est. [V. V L G V S igitur.]  
 28 Secunda est pars capituli in qua refellit opinionē ponentiū felicitatē in voluptate, & vult  
 pbare q̃ voluptas nō est felicitas. Illud q̃ est nobis cōmune cū belluis nō est felicitas huma-  
 na. Sed voluptas est huiusmodi. ergo ea nō est felicitas. maior pbatur: quia felicitatē humanā  
 necesse est, p̃priā esse hominis: id autē quod est nobis cū belluis cōmune nō est p̃priū hominis.



Nam si ita esset, belluæ possent dici felices: quod est absurdum. minor probatur, quia voluptate fruuntur etiâ belluæ, cum voluptas gustu & tactu maximè percipiatur: quibus sensibus bruta etiâ viuunt, & nos per tales efficimur valde cõmunes cū cæteris animalib⁹, etiâ cū imperfectis: quia nullū animal est his duobus sensibus vacas, cū multa animalia careant reliquis. Hæc autē opinio sustinēti videtur quāuis sit admodum abiecta: quia homines vidēt principes viuere in delitiis & voluptatibus: quorū exēplo ducti putēt eorū vitā esse potissimā felicissimāq; inter alias, atq; ideo eā sequuntur. Notādū quòd vulgus dicitur simile esse mæcipio, quia voluptati ita obedire videtur, vt serui dominis suis. [ELEGANTE S autē.] In hac tertia parte capituli 29 affert opinionē eorū, qui emergūt à vulgo, & eos vocat elegātes. Hi autē putāt felicitatē humanā in honore cōsistere: quorū sentētia tali modo p̄batur. Finis rerū agendarū & virtutū est felicitas. At honor est talis, finis ergo ipse est felicitas humana. Nā quicquid agitur in vita humana, videtur agi ob ipsum honore. præterea honor dicitur esse præmiū virtutis. [F E R E.] Hoc 30 addidit videtur quia iste verē nō est finis talis. [ATTAMEN nō videtur.] Duabus rationibus ostēdit quòd honos nō sit felicitas. Prima, Honos nō consistit in eo qui honoratur, sed in eo qui honorat: at felicitas cōsistit in eo cuius est felicitas, & nō collocatur in alio, quā in eo cuius est: ergo felicitas nō est honos neq; in honore. [VATICINAMVR.] Quia nōdum est 31 declaratum quid sit: notandum quòd duobus modis exponere possumus honore magis esse in honoratē, quā in suscipiēte honorem. Primo modo: quia est operatio honorātis magis quā suscipiētis. Secundo modo: quia honor videtur esse magis in potestate honorantis quā honorati. Nam is qui patitur non habet potestatem patiendi vel non patiendi quā est in agente. Dixit autem, Magis: Quia ille qui honoratur videtur concurrere propter virtutē ob quam videtur esse causa vt honoretur: licet honorare vel non honorare sit potius in arbitrio honorantis. Notandum quòd illud quod non est in nostra potestate, facile etiā inuitis nobis auferri potest: vnde cū bona corporis, & externa, nō sint in nostra potestate: ideo in illis nō cōsistit felicitas. 32 [P R A E T E R E A honorē.] Secūda ratio: Id quod est ob virtutē & testimonium eiusdem nō est felicitas: At honor est huiusmodi: ergo honor nō est felicitas. Nam appetit honorē consequi apud sapiētes tanquā peritissimos in discernēdo, & apud eos qui ipsos cognoscūt, existimātes talem honorē esse veluti testimoniiū quoddā suarum virtutum, & indicii quòd deprehen dūt & sibi persuadēt se habere virtutes, posteaquā honorātur: ergo honorem appetit ob ipsā virtutē: ergo honos est ob virtutē. Notādū quòd si honos esset humana felicitas, sequeretur quòd breui tēpore aliquis esset felix & non felix. i. nunc felix cum honoratur, nunc nō felix cū nō honoratur: & idē etiā respectu vnus honorātis esset felix: respectu verò alterius eum posthabētis nō esset felix. [A T Q V E forsitā.] Hæc est quarta pars in qua prosequitur Philosophus, 33 refellēdo nunc eos qui summū bonū in virtute ponebāt: & quāquā hī magis ad veritatē accessisse vidētur quā superiores, quia virtutē habēs est in potētia propinqua: felix tamen hæc opinio ēdē reprobata tali ratione. Id quod nō est perfectū, nō est summū bonū. At virtus non est perfectū: ergo non est summū bonum: minor probatur à philosopho. Nam virtus potest esse in dormiēte & in eo itē qui nō operetur ob impedimenta, & demū in his qui sint in maximis erūnis, & calamitatibus cōstituti. quos nemo felices appellabit nisi positionē custodiēs, sicuti fecere aliqui philosophi ponentes quādā paradoxa. Notādū quòd si oportet aliquē felicē eua dere, necesse est in illo prius esse virtutes. Verū non sufficit vt habeat habitū. Nā habitus ordinatur ad operationē, & propterea virtus est imperfectior quā ipsa felicitas, cum ordinatur ad vltiorem finē. Notādū q̄ à philosopho facti sunt libelli de omnibus scientiis liberalibus breuissimi & per modū conclusionum, quos appellavit cōuersiones: & sic solēt Græci artes liberales appellare, quia videntur circulo quodā in se redire, cū vnaqueque aliis vtatur: hos libellos philosophus appellavit cōuersiones. alii dicūt quādā esse à philosopho confecta ita vt finis vnus scientiæ sit principium alterius, & sic sint quasi circuli, quæ opinio mihi nō placet. Notandum quòd positio est opinio alicuius in philosophia præclari, quæ sit aliena à cōmuni hominum opinione, vt fuit Heracliti, qui dixit cōtraria esse idē, & huiusmodi. Notādū q̄ philosophus differt cōsiderationem vitæ cōtemplatiuæ in alium locum: quia non pertinet ad hunc locum tractare de ipsa. Nā nec reprobari potest cum sit prælatissima: nec sumēda nunc pro felicitate, cum antea oporteat tractare de felicitate actiua & ciuili, quæ competit homini, vt homine est. [E A verò quæ pecuniis.] Hæc in parte quinta refellit opinionem eorū, qui ponebāt 34 summū bonum in diuitiis, hoc pacto, In ea vita quæ est violenta nō consistit felicitas. At ea vita quæ intendit diuitiis & eis dedita, est huiusmodi: ergo &c. Item illud, quod est alterius causa & propter aliud, nō est felicitas humana. at diuitiæ sunt huiusmodi: ergo diuitiæ nō sunt felicitas humana. Nā summum bonū nō est ob aliud: alia verò omnia sunt ob ipsum. Diuitiæ verò sunt adminicula, quibus vir studiosus potest exercere suas operationes, vt magnificentiæ & liberalitatis: ergo sunt ob operationes virtutum nonnullarum, & ordinantur ad aliud vltius. Ex his inferit quòd illa tria prædicta magis apparent esse finis vltimus quā diuitiæ, & tamen illa non sunt, vt ostensum est, quāuis multæ sint allatæ rationes, scilicet à diuersis philosophis.



<sup>35</sup> Ræstat autem fortasse de vniuersali bono cõsiderare, & quonammodo dicitur dubitare: quanquam hæc quæstio perardua nobis est, propterea quòd amici sunt qui\* formas ipsas <sup>τὴν εἰδὴν</sup> introduxerunt. Verùm melius forsitan, & oportere videbitur sua quoque, præsertim philosophos, pro veritatis salute refellere. nam cum ambo sint amici: sanctum est honori veritatem præferre. Qui igitur hâc attulerunt opinionem: in iisce non faciebant ideas, in quibus  
<sup>36</sup> prius & posterius esse dicebant. Idcirco neque numerorum ideam conficiebant. at bonum & in substantia dicitur, & in quali, & in eo quod est ad aliquid. atque id quod est per se, substantiave: prius est eo natura quod est ad aliquid. Est enim hoc propagini, & accidenti eius quod est simile: quibus efficitur, vt non sit in omnibus communis quædam idea. Præterea cum bonum æquè atque id quod est dicatur (nam & in substantia dicitur bonum, vt mens & deus: & in quali, virtus: & in quanto, mediocre: & in relatiõe, vtile: & in tempore, occasio: & in loco, mora. & alia istiusmodi) constat non esse commune quicquam vniuersale ac vnum. non enim in omnibus prædicamentis: sed in vno tantummodo diceretur.  
<sup>37</sup> Præterea cum eorum quæ vnâ habent ideam, vnâ sit & scientia: bonorum etiam omnium, vnâ scientia quædam esset. nũc autem plures sunt, & eorum quæ sub eodem prædicamento sunt collocata: vt temporis. in bello quidem, militaris facultas. in ægritudine autem, ars medendi, & mediocris: in alimento quidem, medicina. in laboribus autem, ars corporis exercendi. Dubitauerit autem quispiam, quidnam & velint dicere ipsum quodque: si vnâ & eadem hominis est ratio, & in ipso homine & in homine. nam quo vterque est homo, hoc differentiam inter sese nullâ habebũt, quod si ita est: neque quo vtrunque est bonum. At verò neque  
<sup>38</sup> quia perpetuum est, ideo magis erit bonum. siquidẽ neque diuturnum album, magis est album, quàm vnus album diei. Probabilius autem de  
<sup>39</sup> ipso videntur dicere Pythagorici: ipsum vnum in bonorum serie collocãtes, quos sequutus videtur & Pseusippus. Sed de his quidem alius erit sermo. In iis autem quæ dicta sunt, controuersia quædam videtur, quòd rationes non de omni bono sunt dictæ. dicuntur autem vnâ specie bona: ea quæ amantur per se. ea verò quæ hæc efficiunt, aut aliquo modo conseruant, aut contraria prohibent: propter hæc ipsa, modoquẽ alio, bona dicuntur. constat igitur bona, bifariam dici: alia per se, alia propter illa.  
<sup>40</sup> Seiunctis igitur per se bonis, à bonis vtilibus, cõsideremus, si ea quæ sunt per se, vnâ idea bona dicantur. at quænam quispiam posuerit per se bona: an ea quæ & sine aliis persequimur, quale est sapere, & videre & voluptates nonnullæ, atque honores. hæc enim tamen si propter aliud quipiam persequimur: tamen ex iis esse posuerit quispiam quæ sunt per se  
<sup>41</sup>  
<sup>42</sup>

ἡ δὲ ἰδέα,

ἡ γὰρ αἰσ-  
λογία.

bona. an nihil aliud præter ideam ponendum est: quare\* forma res quædam erat inanis. Quòd si hæc quoque per se sunt bona: eandem in his omnibus ipsius boni rationem inesse oportebit, perinde atque albedinis ratio eadem est niue atque cerusa: at honoris, & prudentiæ, & voluptatis hoc ipso quo bona sunt, diuersa sunt rationes ac differentes: ipsum ergo bonum non est quid commune vna idea. At quonam modo dicuntur? non enim iisce similia sunt quæ nomine eodem fortuito nuncupantur. Dicuntur ne igitur, quia sunt ab vno, aut ad vnum omnia conferuntur: an\* comparatione potius rationum: etenim vt est in corpore visus: sic est in anima mens, & aliud item in alio. Sed hæc in præsentī forsitan omit- tenda sunt: nam exactè ipsa discutere, ad aliam magis spectat philoso- phiam. Et de idea similiter. Constat enim, etsi est aliquod vnum bonū, quod communiter prædicatur, aut separatū, quod ipsum per se. non tamen aut agi, aut acquiri ab homine posse. nunc autem tale quæritur. Fortasse autem cuiuspiam melius esse videbitur, cognoscere ipsum: ad ea bonorum quæ possideri ac agi possunt. nam velut exemplar id ha- bentes, magis ea quæ nobis sunt bona sciemus: & si sciuerimus, asseque- mur. Hæc igitur ratio habet quidem quandam probabilitatem: à scien- tiis autem discrepare videtur. vniuersæ nanque bonum affectantes quod- dam, id quæ quod deest perquirentes, huius prætermittūt cognitionem. tantam tamen opem vniuersos artifices ignorare, & non perquirere, nō est consentaneum rationi. dubium autem est: & quidnam ad suam artē, aut textori confert, aut fabro, si ipsum scierit bonum: aut quonam pacto vel medicus, vel dux euadet peritior, qui ideam ipsam aspexerit. neque enim valetudinem hoc modo medicus, sed hominis, immo verò huius fortasse considerare videtur, quippe cū singulis hominibus medeatur. Sed de his hæc tenus.

*Commen.*

**P**RAESENTAT autem fortasse. Hoc est tertium capitulū huius secundi tractatus, in quo Ari- stoteles refellit opinionem Platonis de summo bono, quod Plato dicebat esse bonū separa- tum. i. idæam boni. Diuiditur in quatuor partes. In prima parte proponit quod dicendū est de vniuersali bono. i. de idea boni. In secūda parte assignat ratioēs, quod nō potest esse idea boni. In tertia ponit quandā dubitationē & soluit. In quarta postquā exterminauit idæas, ostēdit quod dato quod sint idææ, non est opus quærere de illis. In prima igitur parte dicit philosophus, quod omnis reliquis opinionibus de summo bono, fortasse melius est considerare de vniuersali bo- no. i. de communi bono, & cōmuni idæa boni, quā Plato dixit esse summum bonum, & causam cur alia bona quæ sunt hic sint bona. Fortasse, quia hæc quæstio nō videtur pertinere ad morālē: sed magis ad primum philosophum, & metaphysicū, tamen pauca dicere, & ostēdere quomodo non sit idæa boni summum bonum, quod hic quæritur, & intenditur, nō videtur alienum à pro- posito & ab philosopho morali. Pluribus in locis suis in libris Aristoteles irrūit cōtra idæas Pla- tonis, & nūquā se excusat nisi in hoc libro moralium. Ratio est, quia cū ipse det præcepta de morib⁹, ne videatur agere cōtra bonos mores impugnādo amicū, & præceptorē suū Platōnē, cum quadam honestate hic se excusat. [Q V I igitur.] Hæc est secūda pars in qua aggreditur Platonis opinionem, ostendendo talem conclusionē, quod non est vna cōmunis idæa omnibus bonis, vt putauit Plato, & probat quatuor rationibus. Prima. Vbi cūq; vel in quibus est prius & posterius non est cōmunis idæa & forma. At in bonis est prius & posterius, ergo in bonis non communis idæa: maior concessa est à Platonis, quia non ponebant idæas in his, in quibus esset prius atque





nos cōueniūt in ratione formali: ergo nō differūt. Nā si definiātur, de vtroq; dicitur animal rationale. si ergo nō erit differētia in ratione formali inter idēā hominis & hominē, & inter idēā boni & bonū: superflūū videretur ponere idēā hominis, & idēā boni, & credere esse quāsdā species separatasp le seorsum exiētētes: notandū q̄ philosophus hic ex definitione rerū irruit contra Platonē, qui posuit formas diuersas & idēas à rebus quarū sunt idēas: diuersitas autē nulla alia videtur quā formalis: q̄ si ostēdatur ipsa nō differre ratione formali: certē nō different res illas, & falsa erit opinio Platonis ponētis idēas differre à reb⁹ quarū sunt idēas, & superflue idēas videbuntur. [A T ver: de neque quia.] Hac in parte assert vñ obiectiōne quē fieri cōtra eū posset. Tu dicis ὅ Aristoteles q̄ homo nō differt ab ipso homine. i. idēa hominis: quomodo nō differt, cū homo hic apud nos sit corruptibilis: idēa verō & hominis & boni sint perpetua & incorruptibiles: dicit ergo philosophus q̄ ppter hoc nō differūt essentialiter, & formaliter: sed p modos quosdā, & posteriora quādā veluti finitū & infinitū: perpetuū & nō perpetuū: quę non sunt de essētia rei: modi verō nō faciūt ppriē differre, sed formę essentialē faciūt ea quę sunt propriē differre. Nā ea dicūtur esse de essētia alicuius quę simul sunt & nō postērius. Prius enī res est, postea ppetua, & nō ppetua, & talis vel talis: quę nō faciūt essentialiter res differre: & dat exēplū de albedine, quod nō est magis albū id quod potest durare vnū diē, quā id quod potest durare vnū annū. Illa enim duratio nō facit esse magis aut min⁹ albū: nā licet vnū sit diuturni⁹ altero, tamē vtrūq; est albū, eiusdē rationis. Igitur cū Platonici velint idēas differre à rebus, quarū sunt idēas, & nos ostēdimus nō differre, superflūū est ponere idēas: frustra ergo ponitur cōmunis idēa boni. Quāvis enī bonū, & ipsum bonū. i. idēa boni differat p hoc, q̄ alterū sit diuturnius altero: tamē nō differūt in sua ratione formali, quia eiusdē sit rationis. [P R O B A B I L I V S autē.] Hoc loco philosophus cōparat opinionē Platonis de bono cū opinione Pythagorę, & di 40 cit q̄ sentētia Pythagoricorū videtur p̄babilior quā Platonis: nō q̄ sit simpliciter vera: sed p̄babilior. Dicit igitur q̄ Pythagorici nō posuerūt bonū quoddā separatū per se exiētē, cōmune omnibus bonis: sed posuerunt ordinē, & seriē bonorū: in qua collocarūt etiam vnū, vt ostendatur quōd res tūc dicūtur propriē bona, & perfectā: quādo est vna. Pythagoras posuit duas series siue duos ordines vel familias, vt ipse dicebat, rerū, & has dixit principia rerum. Vñ igitur bonorū seriē ponebāt Pythagorici: alterā malorū. & i vna quaq; seriē dicebāt esse decē siue cōposita, tanquā decem principia bonorū, & decē malorū. In seriē bonorū posuerūt vnum: in seriē malorū plura, & successiue opposita hęc s. finitū infinitum: impar & par: rectū & obliquū: quadratum, altera parte lōgius: lumē tenebrę: dextrum sinistrū: mas femina: quies motus: bonū malum. Vnum dixit esse in numero bonorū, quia quęlibet res habet in se bonitatē suā per vnitatē: quia suscipit suū esse. Nā quando vnitur anima cum corpore, tunc fit vnū, quod est homo, quando vnitur elementa, tunc fit cōpositum, & est vnum, vt lignū, lapis, aurum & similia: & quando vniantur plures voces secundum propositionē fit vnus cōtētus. Itaque vnitās in qualibet re videtur esse perfectiō. Ecōtra facit pluralitas: destruit enim res, & ad non esse perducit: nam cū aliquid corpus resoluitur in elemēta, & in plura, tunc destruitur illud cōpositum. Finitum quoque est bonum, quia designat perfectiōnem, & potest percipi. Infinitū est malum, & imperfectum, & indeterminatū, & percipi non potest. Impar est bonū, quia diuidi non potest vt vnitās, & nō destruitur per suā imparitatē. Par ecōtra est malū, quia per suā paritatē resoluitur vsque ad vnitatē, quę nō est amplius numerus: & si aliquādo non potest diuidi vsque ad vnitatē, ita q̄ remaneat numerus: stat virtute imparitatis, vt primo modo octonarius numerus diuiditur vsque ad vnitatē: senarius stat in prima diuisione virtute imparitatis. i. numeri ternarii: non q̄ stat senarius numerus, quia iam est destructus, sed stat diuisiō & consistit in ternario: sic de aliis oppositis dici potest, q̄ alterū habet rationē boni: alterū mali. Aristoteles igitur antepone nit hanc opinionē Pythagorę, opinioni Platonis. Quia Pythagoras reducebat omnia bona ad vnū bonū, quod est in rebus hic apud nos: & nō ad vnum bonū separatū à nobis: vt est idēa boni, quēadmodum sensit Plato, & dicit quod Speusippus qui fuit discipulus Platonis, & ex sorore nepos, reliquit eū in hoc, & sequutus est Pythagorę: ex quo etiam se magis exulare videtur, si ipse nō sequutus est Platonē pręceptorē. [I N iis autē quę dicta sunt,] Hac in parte quę est tertia pars principalis huius capituli, assert obiectiōne quę fieri posset cōtra rationes suas superius illatas. Dicere enim quis posset, ὅ Aristoteles tu loquutus es de bonis vno modo sumptis indeter minatē, & sine distinctiōe vlla, nō loquēdo de omni bono distinctē, vt oportebat. Nā bona bifariam dicūtur: quādā enim per se bona: quādā propter aliud, & de istis duabus speciebus fortasse diceret Plato se nō posuisse cōmune idēam vnā, sed de altera specie tātum. s. bonorum per se relīctis bonis vtilibus, & propter aliud quę nō sunt propriē bona cū sint ad aliud. Itaq; debebas distinguere ὅ Aristoteles, & de omni bono differenter loqui & distinctē. tu autem non loquutus es & de omni bono, cū bifariam sit. Dicit igitur philosophus, ista est bona obiectiō: itaque diuidatur bona, quia ex iis quę dicta sunt à nobis, cū nō distincterimus bona, cōtrouersia videtur suboriri, & obiectiō quādā: ad quā tollendā diuidamus bona, & videamus si est vna communis idēa. Bona bifariam dicūtur: quādā per se: quādā ob aliquid aliud: per se autem

bona rurſus, aut per ſe ſimpliciter & abſolute ſunt, aut ſunt partim propter ſe, partim ob aliud, quæ ſunt quali media inter ea quæ ſunt per ſe ſimpliciter & abſolute, & ea quæ ſunt ob aliud tantum. per ſe ſimpliciter ſunt, vt felicitas: per ſe verò bona: quæ partim ſunt propter ſe: partim ob aliud ſunt: vt ſanitas: ea verò ſunt propriè ob aliud, vt in medicina potiores & temperati cibi, & alia huiusmodi quæ faciunt vel conſeruant ſanitatem vel remouent contraria. i. impediunt ſanitatis. Sunt enim ob aliud tantum, quia ob ſanitatem. Quare ſunt bona per ſe, & propter aliud, & partim propter ſe, & partim propter aliud. natura enim non tranſit ab extremo ad extremum ſine medio vt aiunt. Cùm igitur tot modis dicantur bona, accipiamus alteram ſpeciem bonorũ, ſcilicet per ſe, poſthabitis nũc bonis vtilibus, quæ ſunt ob aliud tantum: quia ſi debet eſſe idæa boni, magis erit de bonis per ſe. Accipiamus igitur iſta bona per ſe, & conſideremus dicitur philoſophus ſi his cõpetit vna cõmunis idæa. Notandum circa illa verba, nõ de omni loquebamur bono, in textu græco qui reperitur, & etiã in traduccionẽ Leonardi non eſt ibi, non: traduccionẽ vetus & Ioãnis Argyropoli habet, nõ. Et Euſtrathius, & alii expoſitores exponũt, cũ non, iſtũ textum.

[A T QUENã QUIſPIAM.] Facta diſtinctione bonorũ, & poſtpoſitis vtilibus quæ ſunt ob aliud tantum, & ſumptis per ſe bonis oſtendit philoſophus q̃ per ſe bonorũ nõ eſt vna cõmunis idæa, & hoc modò videtur tollere idæas rerũ. ſi hĩc apud nos ò Plato, ſunt aliqua bona per ſe, forma & idæa bonorũ vana, & ſuperflua eſſe videtur. At primũ eſt, ergo & ſecundũ. q̃ autẽ primũ ſit oſtenditur. Sunt enim hĩc bona per ſe vt ſapere, & videre, & habere prudentiã, & alia huiusmodi, & quædã voluptates, quia nõ oēs ſed voluptates quæ ſtudioſas operationes ſequuntur. hæc enim quanvis cõferant ad aliquid aliud, tamẽ ppter ſe expetuntur, & ſunt bona reponẽda, & numerãda inter bona per ſe. hoc oſteſo vtitur quali deriſione cõtra Platonem. q. d. videtur tibi ò Plato q̃ præter tuã idæã, quã tu vocas bonũ per ſe, & ſeparatũ à nobis: ſit aliud quicquid bonum per ſe hĩc apud nos? Ad quid igitur fuit opus ponere idæas? ſuperflua, pfectò eſſet ſpecies & idæa. Nã Plato nolebat q̃ idæa differrent à rebus quarũ erat idæa. ſi ergo oſtenſum eſt ab eo q̃ idæa bonũ id bonũ per ſe, & nos habem⁹ etiã hĩc apud nos bona per ſe, & in eo q̃ per ſe, ſunt eiufdẽ ratiois cũ idæis, & nõ differunt, ſuperflua ſpecies erit, & idæa. Ex his omnibus cõcluditur q̃ ſi nõ eſt vna idæa cõmunis bonorum quæ ſunt per ſe de quo magis videbatur, nullo modo poteſt eſſe vna idæa cõmunis omnium bonorum vel aliquorum bonorum, ex quo ſequitur non eſſe idæã. Verũ ſitu dixeris q̃ neq; illa quæ enumerauĩ, nec alia ſunt bona per ſe, ſuperflua quoq; eſſet idæa. nam ſi eſt bonum ſeparatũ per ſe, & debet eſſe exẽplar eorum quæ ſunt hĩc apud nos: certẽ ea quæ ſunt ex idæis. i. exẽplaria vt ita loquar, debet eſſe hĩc vt correſpõdeant ſuis idæis: ſed ſi nõ ſunt talia exẽplaria per ſe vt ſunt idæa per ſe: fruſtra poſita ſunt idæa eorum quæ ſunt. vt ſit idæa bonorum id quod verẽ eſt bonum per ſe: poſtea apud nos non ſunt bona per ſe, de quibus ponitur idæa.

[QVOD ſi HAC QUO; PER ſe.] Sequitur in redarguẽdo Platonẽ, & oſtendit q̃ ſi ſint hĩc bona per ſe, nõ eſt neceſſe ponere aliud bonum ſeparatũ per ſe. Nã ſi per ſe bonorum eſt vna cõmunis idæa, tunc omnia quæ ſunt hĩc per ſe bona, erunt eiufdẽ ratiois, ſed hoc eſt falſum, ergo falſum eſt ponere vnã cõmunẽ idæã eſſe per ſe bonorum. quid autẽ hoc ſit falſum. hĩc per ſe bona eſſe eiufdẽ ratiois, pbatũ à philoſopho, & oſtenditur q̃ ſunt diuerſæ ratiois. nã ſapientiã eſt bonum per ſe tale vt perficiat habentẽ, & eſt in eius poteſtate cuius dicitur eſſe: honos depẽdet ab alio. at hæc cõpetunt his, diuerſa ergo ſunt diuerſæ ratiois bona. q̃ ſi eſſet vna cõmunis idæa bonorum per ſe: tunc omnia bona per ſe, quæ ſunt hĩc conuenirent in cõmuni ratione formali, vt nix, & ceruſa in albedine. albedo enim niui, & ipſius ceruſæ eſt eiufdẽ ratiois. ſed, cũ non conueniant in vna cõmuni ratione, vt oſtenſum eſt, proſectò nõ erit eorum vna cõmunis idæa: quare ſiue ſint bona per ſe hĩc apud nos: ſiue nõ ſint: nullo modo erit idæa, quia ſi non ſint hĩc bona per ſe: nec etiã eſſet idæa, quia Plato poſuit idæas, vt per eas tanquã per exẽplaria pducatur ea quæ ſunt hĩc. ſi ergo exẽplaria hĩc nõ eſſent: fruſtra eſſent ibi exẽplaria & formæ. ſi verò ſint talia bona per ſe hĩc apud nos, etiã nõ erit idæa, quia iſta bona erunt eiufdẽ ratiois cum idæa, & etiã inter ſe. ſed iſta ſunt diuerſarum rationũ, quia nõ eſt eadẽ ratio prudentiæ & honoris, vt probauimus, ergo non eſt vna cõmunis idæa bonorum per ſe. ex quibus concluditur quòd ſiue nõ ſint hĩc bona per ſe, ſiue ſint: nõ eſt vna cõmunis idæa. at quonã pacto bonũ dicitur? Ex ſuprà dictis oritur quædã difficultas, quam ſoluit philoſophus. ſi quomodo bonũ dicitur prædiceturque de omnibus bonis. nã cũ ſuperius dicebatur quòd bona habent diuerſas rationes, ſtatim excluſa eſt prædicatio vniuoca: neq; etiã videtur, quòd bonũ prædicetur æquiuocẽ de bonis, cũ nõ ſint ſimilia iis quæ ſortiuũt & à caſu eodẽ nomine appellantur. Reſtat igitur quomodo ſit dicendũ bonũ prædicari de bonis inferioribus, ſi nec vniuocẽ nec æquiuocẽ prædicatur, vt diximus, & apparet. Notandũ quòd eſt differẽtia inter prædicationem vniuocẽ, & æquiuocam. Vniuoca eſt quãdo aliquid prædicatur diciturque de pluribus ſecundũ vnũ nomen, & vnã rationẽ: vt homo dicitur vniuocẽ de Socrate & Platone. A equiuoca eſt, quãdo aliquid prædicatur de pluribus ſecundũ vnũ nomẽ tam rationes verò eius ſunt diuerſæ ſecundũ illud nomẽ, vt canis dicitur de cane terreſtri, & de marino & celeſti: oēs enim iſti, licet ſint diuerſæ ratiois, habent tamẽ nomen cõmunẽ. Reſtat duo alij modi duarũ; naturarũ: quarũ vna eſt quãdo res habet idẽ nomẽ, & aliquã rationẽ cõmunẽ, ſed non vt vniuoca: verũ dicuntur cõuenire, vel quia profluunt ab vno, vel

quia pergunt ad vnū exemplum primi, vt in cūso venæ, instrumentum medici: potio item & alia quæ inter se sunt diuersa, tamē dicitur medicinæ, quia ab vno. scilicet medico originem habent. exemplum secundū, vt sēna dicitur veluti conseruatiua sanitatis, vt exercitatio corporis: siue recuperatiua, vt medicinæ, & talia quæ tendunt ad vnum terminum, & eundem finem. i. sanitatem. Aliter est natura mediæ inter vniuoca pura, & æquiuoca pura, & ista inter analogia. i. quæ habent proportionem, & similitudinē rationis inter se, & hoc modo vult philosophus vt dicantur bona. i. per analogiam & similitudinem rationis. & ipsemet ponit exemplū, vt sicut visus in corpore est bonum: ita mens, & intellectus est bonū in anima. & ista est proportio, & analogia secundū quā bonum dicitur de bonis non vniuocē neque æquiuocē, sed analogicē. Nā qualis est oculus in corpore, talis est mens in anima: sed vtrūque est bonū per se, & dicuntur bona per se secundum similitudinem rationis. [S E D H A C I N P R A E S E N T I.] Hæc est quarta pars principalis huius tertij capituli: in qua ostēdit, quod nō pertinet ad morālē philosophū trītē inquirere, vtrū bonū dicatur vniuocē an æquiuocē: & itē de idæa boni, quā posuit Plato: sed talis cōsideratio diligēs pertinet potius ad primum philosophum & metaphysicum. Nam primus philosophus considerat de omnibus quomodo dicuntur, & si conueniunt vel non conueniunt in ratione formali, & talis consideratio præsertim diligens non pertinet ad moralem: similiter de idæa. nam moralis non considerat de his, quæ hic aut agi, aut acquiri à nobis non possunt: vt sunt idææ, cū sint in mēte ipsa diuina, vt vult Plato. Nos autem querimus nunc, dicit philosophus, bonum humanum [P R O P T A S S E] autem. [A]ffert obiectionem quandam, & eam soluit. Tū Aristoteles remouit sententiam Platonis, primō refellendo eam vt falsā: postea dixit, quod si etiam est talis idæa boni: tamen non pertinet eius cognitio ad moralem: & hoc non videtur verū. nam si sit idæa boni, certē videbitur quod eius cognitio pertineat ad scientiam morū, & cognitionem bonorum. quia exemplar valeret ad hoc vt fiat diligenter id quod dependet ab ipso exemplari. facilius enim illud cognitū, & discernemus dependens: & sicut sagittarii signo posito consequemur bonum, quod querimus. [H A C I G I T U R R A T I O] nunc soluit obiectionem duabus rationibus. Prima, cognitio illius boni non pertinet ad philosophū morālē: quā nulla artes nullæque scientiæ cōsiderant, & præsupponūt: bonū Platonis separatū est tale: ergo eius cognitio non pertinet ad moralem, & est in utilis eius cognitio. omnes enim artifices dirigunt suas operationes ad perficiendū suū opus, & siquid eis deest non contemplantur idæā separatā à nobis, cuius cognitio si conferret, profectō non prætermittitur ab omnibus artibus. Notandum quod Plato concessisset non poni illud exemplar: vt nos intuentē illud, faciamus ea, quæ sunt hic ad imitationem illius, sed vt deus opifex vniuersi intuens exemplaria, & idæas, quas habet in se, producat deinde has res quæ sunt hic, & sint veluti exemplata. [D V B I V M] autem est. [S]ecundatio. Eius rei cognitio non pertinet ad scientiam morālē quæ non prodest scientiis, & artibus vt euadant peritiores in sua arte: sed cognitio boni separati est huiusmodi, ergo non pertinet, & c. Hoc probatur inductione discurrendo per singulas artes, & facultates, quæ de nihilo magis vel melius operari possunt: si cognouerint idæam boni separatam quā si eandem ignorauerint. [F O R T A S S E.] Quia licet medicus in operando versetur circa singulas, tamen consideret etiam sanitatē, & hominē in vniuersali. cū philosophus vellet definire felicitatem, attulit opinionēs multorum: quorū alij dixerunt esse voluptatem, alij honorem, alij virtutem, vel alij aliquid eorū bonorum quæ sunt hic. Plato verō præter hæc aliud summum bonū censuit esse separatū à nobis penitus, & ab his bonis quæ sunt hic: cuius opinionem refellit philosophus, ostendens pluribus rationibus non esse ponendā vnam idæā cōmunem omnibus istis bonis quæ sunt in vita humana. nā philosophus loquitur in doctrina sua de summo bono quod acquiri potest ab homine per operationes suas, ita vt sit in se positum. sed vt videamus quæ fuit sententia Platonis, paulo est altius repetendū, vt intelligamus rationes philosophi non procedere contra mentem Platonis, sed contra eam sententiam quam vulgus credebat, vel dicebat esse Platonis. Plato igitur ex cognitione harū rerum, & ordine eorū quæ sunt hic, & partibus mundi ascendit ad cognitionem opificis vniuersi. nam cognitio nostra ortum habet à sensu, & tandem ascendit ad vniuersale, & rationes rerum, & sic inuenit sunt artes, & scientiæ. sic igitur Plato ascendit ad cognitionem primæ causæ eorū quæ sunt. cui tribuit rationem causæ efficientis, & causæ formalis & finalis. primō efficientis: quia ea quæ sunt, ab aliquo sunt producta, & ne fiat processus in infinitum veniendum est ad vnum quod sit produciens tantum, & non productum, & talis sit causa prima quæ habet esse ex se ita quod nullo modo ab alio. & ista causa prima est efficiens omnium quæ sunt hic, & ab ea profluunt, & conseruantur omnia. & est vt quidam pater familias. ideo Plato ipsum vocauit patrem huius vniuersi. Propterea dicitur causa formalis ob multas rationes: primō quia est semotus ab omni materia, & quicquid ipse est, forma est, & etiam quia complexitur formas omnium quæ sunt. nam cū ipse sit causa efficiens necessariō dicere oportet, quod cognoscens efficit, & intelligit ea antequam sint: quia si secus esset ignoraret ea antequam produceret, & sic ageret sine cognitione, quod est absurdū. Etenim deus antequā produceret mundū intellexit eum, ergo erat mundus, & erat in eo ab æterno, non vt accidens quoddā, quia in deo nō est accidens vllum, sed supereminenti quoddā modo. Plato igitur voluit, quod omnia antequā producerentur essent in deo: mō eo modo quo sunt hic

cum materia, & cū existentia, sed supereminenter, & ipsa tantū, id est ratio formalis tantū vniuersi cuiusque rei. Ideo appellabatur ipsa cum hac additione: ipsum hominem, id est rationem hominis: & ipsum equum, id est, rationem equi, & sic de aliis. sunt autem hæc in deo perpetua, & sine materia, & idē cum deo: nec est inconueniens vnum esse idem re, habere tamen plures rationes, vt ascensus, & descensus in scala, & via ab Athenis Thebas, & à Thebis Athenas: licet idem sit ipsū, tamen alia est ratio ascensus, & alia descensus: & alia ratio viæ ab Athenis, & alia Athenas. & sic idæarum rerum esse idem re cum deo, differre tamen ratione dicebat Plato. declarabat etiam & ostendebat has idæas necessariū esse ponendas in deo exemplo artificum: qui cognoscunt id quod facere debent antequam fiat. sicut faber & architectus cognoscūt domum à se faciendam, & habent eam in mente: quæ quidem est forma & ratio domus sine illa materia. respicit igitur artifex ad illam domum quam habet in mente, cū operatur: sic pictor aspiciens ad idæam quæ habet in mente, manū, & penicillum dirigit: sed hoc interest quod artifex acquirit illam formam nec semper habuit eam: deus autem ab æterno habet rationes, & exemplaria omnium rerum. & sic vt artifex producit suos effectus respiciendo ad rationes quas habet in mēte: sic deus producit res distinctas respiciendo ad rationes quas habet distinctas in mente: distinctas in quā ratione, non autem re. & ideo quando deus vult, producit hominem, & non equum: quia ratio, & idæa ad quam respicit, est distincta, ratione inquam non re. deus igitur habet formas & rationes rerum: ideo potest dici causa formalis omnium rerum secundum Platonem, quia ipse est dator formarum, necessariū habet formas, & sine materia, & supereminenti modo. Est etiā deus causa finalis. non solum enim ab ipso omnia profluunt: sed etiam ad ipsum omnia referuntur tanquam ad verissimum finem. Nam cū sit summum bonum, expetit ab omnibus, & omnia ad ipsum tendunt tanquam ad vltimum, & perfectissimum finem. sic igitur summum bonum censuit esse Plato, id est, ipsum deum cuius participatione sint alia bona, id est, reliqua quicquid habent boni inde habent tanquam a fonte & causa. In cuius essentia posuit idæam boni quæ communis esset omnibus bonis: quæ ex illo exemplari veluti exemplata ducta bona appellarentur. hanc opinionem Aristoteles quæ subtilissima erat, & fama celebrata, multis in locis labefactare eniti tur. hoc autem loco eam multis rationibus refellit, ostendens quod hæc bona cū inæqualia sint, & diuersæ rationis, non debent habere communem idæam. Nam si accipiamus inquit substantiam, qualitatem, & alia huiusmodi: reperiemus substantiam per prius esse bonum quam qualitatē vel relationem, & huiusmodi. non erit ergo quædam communis ratio boni ad quam æqualiter referantur, & quæ æquē competat omnibus bonis. hoc idem dicere licet de ente: Substantia enim per prius est ens quā qualitas, vel relatio, vel alia prædicamenta accidentium: quæ posterius entia esse videntur. vbi igitur prius, & posterius est: communis ratio esse non potest æquē competens illis. A Platonicijs multa responderi solent. Primum quod hæc bona eo quo bona sunt ad vnam communem rationem æquē referuntur. nam substantia in eo quo bonum est non prius est bonum quā quantitas, aut qualitas, & alia huiusmodi. sin autem postea comparantur inter se, certum est quod substantia est nobilior, & perfectius bonum quā qualitas, & huiusmodi: non tamen magis, & prius est bonum in quantum est bonum. nam secundum Platonicos bonum videtur de bonis vniuersè prædicari: quod autem substantia sit nobilior ens vel nobilior bonum, istud videtur euenire posterius. veluti accidit quod homo sit nobilior animal quā equus, tamen non est magis animal quā equus, nec prius animal in eo quo animalia sunt, cū eiusdem sit rationis, scilicet, in quantum animalia. erit igitur communis idæa boni ad quam omnia alia bona, tanquā ad causam suam æquē debent pariterque referri. ad hoc idem clarius ostendendum tale exemplum afferri in medium potest. si argentarius sit faber qui magnum cumulum fecerit annulorum, quorum alii aurei, alii argentei: alii enei & huiusmodi sunt: dubium non est quin faber ille idæam, & formam habeat in mente, ad cuius similitudinem fabricati illi annuli sint. Illa igitur idæa quæ est in mente artificis, ex qua omnes illi annuli ducti sunt communis omnibus erit, & causa vt illi annuli sint. erit autem exemplar illud & alia idæa æquē omnibus annulis, pariterq; communis, nec magis nec prius erit anulus aureus quā argenteus, ea ratione quā annulus est, nec argenteus quā aeneus: licet comparati inter se, quod est posterius, nobiliores aurei quā argentei, & argentei quā aenei sint. Eodem modo dicere possumus de idæa boni, quā in essentia diuina collocabat Plato, causamque esse volebat re liquorum bonorum, quæ in quantum sunt bona, & sint inter se eiusdem rationis in bonitate, nō est absurdum vt habeant idæam ad quam referentur æquē, veluti imagines ad exemplar ē quo æquē sint ductæ. Cū verò sint diuersa ab idæa sicut exēplata à suo exemplari, & imago à sigillo ē quo ducta est, merito poni videtur idæa separata ab omnibus istis, quæ differat sicut corpus ab umbra, & pes à vestigio suo, & exemplar ab eo exemplato cuius est exemplar. In his enim nō est vna & eadem ratio. sed bene dicantur habere similitudinem quādam, sicut homo pius dicitur animal rationale similitudine quadam, ita ista inferiora corruptibilia dicuntur talia similitudine quadā, & non propriē vt idæa dicuntur. sed hæc sufficiant in præsentiarū. hæc enim materia magna indiget inquisitione. cæterum vt ordo philosophi, quē hucusque tenuit clariū intelligatur, breuem eorum quæ dicta sunt faciemus repetitionē. nos videmus q̃ omnis ars, & omnis doctrī-



na omnes denique actiones humanæ intendunt quendam bonum finem. verum cum multæ sint artes & facultates, multi erunt fines boni. sed cum illarum aliæ sint aliis præstantiores, erit etiam finis sine præstantior. verum cum processus in finibus non sit infinitus, erit finis vnus vltimus ad quem & nostræ intentiones principalissimæ, & alij fines tanquam ad optimum, & perfectissimum referentur, & talis erit nostra felicitas, sententia philosophi. sed cum ars seu facultas civilis actionum principalissima esse videatur, finis eius erit optimus ille, ad quem aliarum facultatum actionum fines reducendi erunt, tanquam ad vltimum. at cum vnaquæque ars debeat cognoscere suum finem, civilis quoque suum debet considerare, & percipere: talis autem est felicitas, ergo cognitio felicitatis pertinet ad civilem, capiendū civilem, qui & moralis primò, & æconomicus deinde, demum politicus intelligi potest. verum cognitio de iis non potest haberi ex necessariis principiis, nec demonstratiuè à priori, cum materia sit de rebus quæ plerumque fieri solent. & suscipientes talem cognitionem non debent requirere demonstratiuam doctrinam, sed eam quam materia exigit, id est à posteriori. debent præterea habere aliquam experientiam rerum, & animum bene dispositum, & alienum à perturbationibus, nec repugnantem tali doctrinæ. con cedentes igitur esse vltimum finem rerum agendarum qui sit felicitas, quam omnes intendunt, & si cuncti penè mortales in nomine conueniant dicentes supremum bonum agibilibus esse felicitatem: tamen in ipsa re, & diffinitione dissentiant, cum aliud vulgus, aliud sapientes felicitatem esse existiment. Alii enim voluptatem, alii honorem alii diuitias, quidam bonum abstractum, quod sit causa vt alia sint bona, putant esse summum bonum. harum autem sententiarum eas perscrutari sufficet quæ aliqua ratione duci videntur ad taliter opinandum. sed cum in omni re scitè da duplex sit via: vna qua proceditur à principiis, & causis ad effectus: alia contra qua fit processio ab effectibus ad causas & principia: semper proficiscendum & incipiendum à magis notis. & cum magis nota, sint aut simpliciter, & ex parte rei, aut à nobis, & ex parte nostra, incipiendum à magis notis nobis. vt in hac doctrina, & inuestigatione de felicitate, & moribus, procedendum est ex iis quæ magis nota sunt nobis ex effectibus. Oportet autè vel habere ex sese principia moralia quæ sunt, aut esse dispositum ad ea facile suscipienda. si verò neutrum habeat, is inutilis erit penitus, secundum Hesiodum. Verum antequam afferamus sententiam nostram de felicitate, perquiramus opiniones aliorum quæ magis celebres sunt. vna est quæ dicit eam esse, voluptatem: hæc posthabenda est, cum sit seruilis, alia quæ dicit contemplatiuam vitam, quæ superma est omnium, secundum philosophum, quam differt in decimum. alia est civilis & qui eam sectantur vt plurimum vel ponunt in honore, quod refellitur, quia non esset in potestate felicitas, cum honos sit in honorante, item quia videtur ordinari ad virtutem. quare magis in virtute ponenda videretur. nec sufficit, quia sequeretur quod dormiens quod ociosus & iners, quod in maximis erumnis constitutus, posset esse felix in civili. vel ponunt in diuitiis, in quibus esse non potest cum vita eis de data violenta esse videatur, & alterius gratia: vel erit summum bonum separatum, & idæa boni secundum Platonem: cuius opinio refellitur à philosopho pluribus rationibus, quibus ostendit quod communis idæa boni non est: aut si est, non est aliquid tale, vt in hac vita possideri ab homine queat. allata sunt post hæc nonnulla pro defensione Platonis, quæ cum nunquam perrimè sint dicta à nobis non est opus repetere. quare ad philosophum reuertamur.

*De felicitatis subiecto: substantia, & præceptis in vnaquaque scientia  
observandis. Cap. VII.*



**N**UNC rursus redeamus ad id quod quærimus bonum: & quid tandè sit ipsum inuestigemus. Esse enim aliud in alia actione arteque videtur. aliud est enim in medicina, & in re militari, & in cæteris simili modo. quid igitur vniciq; bonum est: an non id, gratia cuius cætera aguntur: hoc autè in medicina quidem est sanitas, in rei verò militaris facultate, victoria: & in extruendarum ædium arte, domus: & in alia aliud. in actione etiam omni electione ve, id, quod est finis: huius enim gratia cætera omnes agunt. Quare si quis omnium rerum agendarum sit finis, is ipsum bonum agendum erit: sin autem verò plures, hi ipsi. Oratio igitur migrando ad idem accessit. enitèndum autem est magis hoc declarare. Cū itaq; plures esse videantur fines: & horum quosdam ob alios experamus, vt diuitias, fistulas, instrumentaque: o-

minino perspicuum est, nō omnes fines esse perfectos. At finis optimus,  
 perfectum quiddā esse videtur, quare si tantum vnus perfectus sit finis:  
 is hic erit qui quæritur: sin plures, is qui horum est perfectissimus. Eum  
 51 autem qui per se est expetibilis perfectiorē eo dicimus esse, qui est pro-  
 pter alium expetendus: & eum qui nunquam ob alium expetitur, ijs vni-  
 uersis qui per se & propter illum etiam expetuntur. Et eum igitur per-  
 fectum simpliciter: qui per se semper est, & nunquam ob alium expetē-  
 dus. talis autem finis, ipsa felicitas maximē esse videtur. hanc enim pro-  
 pter seipsam semper: & nunquam ob aliud quicquā expetimus. hono-  
 rem autem, voluptatem, mētem, virtutem denique omnem: & propter  
 se expetimus (quippe cū ipsorum quodq; expeteremus: si nihil inde e-  
 tiam proueniret) & felicitatis etiam gratia: per hanc ipsa felices fore nos  
 arbitrantur. sed illorum gratia felicitatem, aut ob aliud prorsus expetit  
 52 nemo. Idem & ex\* sufficientia videtur accidere. Perfectum namque bo-  
 num: per se sufficiens esse videtur. Sufficiens autem dicimus: non ipsi so-  
 li qui vitam solitariam agit, sed & parentibus, & natis, & vxori, & amicis  
 omnino, ac ciuibus, quandoquidē homo natura ciuilis est, atque sumen-  
 dus est in hisce terminus quidam. nam si ad parētes hoc ipsum & nato-  
 rum natos, & amicorum amicos extenderis, in infinitum fiet abitio. sed  
 de hoc considerandum est postea. Id autem sufficiēs esse ponimus, quod  
 solum à cæteris segregatum expetibilem vitam facit, reique nullius in-  
 digentem: talem autem felicitatem ipsam esse existimamus. Et insuper  
 53 cū non numeratur cum cæteris, maximē omnium expetibilem: cū  
 numeratur magis expetibilem cum minimo bonorū esse putamus. ex-  
 cessus enim bonorum fit id quod adiungitur: id autem semper magis est  
 expetibile, quod maius est bonum: perfectum igitur quoddam & suffi-  
 ciens videtur esse felicitas, cū sit rerum agendarum omnium finis. Sed  
 forsitan felicitatem quidem summum esse bonū dicere, ab vniuersis con-  
 ceditur. desideratur autem vt dilucidius, quidnam sit ipsa dicatur. Hoc  
 54 igitur fortasse fuerit, si opus hominis caperetur. vt enim modulatoris, sta-  
 tuarii, cæterorumque artificum, & eorum omnium omnino quorū est  
 55 opus aliquod, actione, bonum, & id quod bene sese habet, in ipso opere  
 videtur consistere: sic & hominis bonum in opere ipsius esse videbitur,  
 si sit ipsius aliquod opus. Fabricæ igitur & sutoris opera sunt quedam a-  
 56 ctionēs vte homini autem nullum est opus, sed est otiosus: an vt oculi, ma-  
 nus, pedis, & cuiusq; omnino partis aliquod opus esse videtur: sic & ho-  
 minis præter hanc omnia quispiam aliquod posuerit opus. Quid igitur id  
 fuerit tandem? Viuere enim homini commune videtur esse cum plātis.  
 57 opus autem proprium quæritur. segreganda est ergo nutriendi, augen-  
 dique vita. Hanc sentiendi sequitur vita. at ipsam etiam homini cum e-  
 quo, ac boue, omnique animali constat esse communem. Restat igitur

actiua quædam vita rationem habentis. Huius autem aliud est vt obediens rationi: aliud vt eam habens atque intelligens. Sed quum hæc etiã bifariã dicatur: ea ponẽda est quæ est actus. hæc enim magis propriè dici videtur. est igitur opus hominis operatio animæ per rationem, aut non fine ratione. At verò opus huius ac studiosi huius idem esse genere dicimus: vt citharædi, studiosiq; citharædi, & hoc in omnibus absolutè, excessu qui est à virtute ad ipsum opus adiuncto. citharædi nanque opus, est citharam pulsare: studiosi verò bene pulsare. Eodem modo cum hominis opus vitam quandam esse ponamus, & hanc ipsam operationem animæ, atque actus cum ratione, studiosi profectò viri hæc ipsa sunt cum bene rectèque fiunt, singula autem bene per propriam virtutem efficiuntur. Quæ cum ita sint, fit vt bonum humanũ, animæ sit operatio per virtutẽ. & si plures sint virtutes, per optimã nimirũ & perfectissimã, & insuper in vita perfecta. \* Ver enim, nec vna facit hirundo, nec vnus dies: & beatum eodem modo, felicemue, nec vnus dies, nec breue efficit tẽpus. summum igitur bonum, hoc circumscriptum sit modo. Primũ nãque forsitan vt figuram quandam describere, postea depingere ipsum oportet. Videtur autem cuiuslibet esse ea quæ bene sunt circumscripta, producere & explicare, atque exponere. Tempusque talium inuentor est atque adiutor bonus. vnde & artium facta sunt incrementa: est enim cuiuslibet, id quod deest, supplere ac addere. Oportet autem & ea quæ suprà diximus in memoria habere: & ipsum exactum non in omnibus eodem modo, sed in singulis, vt patitur subiecta materies, & eò vsque quousque ad doctrinam attinet, flagitare: nam Faber & Geometa diuerso modo angulum rectum inquirunt. alter enim quoad utilis est ad opus: alter quidnam sit, & quale quidem ipsum inquit: contemplator enim est veritatis. idem modus, & in cæteris est seruandus: ne iisce quæ instituimus agere plura fiant ea \* quæ fines illorum egrediuntur. Nec in omnibus simili modo causa postulanda est: sed sat est in quibusdam, si bene demonstrata fuerint esse, quod quidem & in ipsis principiis sit. atque hic modus primus est & principium. principiorum autem alia inductione, alia sensu, alia assuetudine quadam, alia alio modo percipiuntur. enitendum est autem singula pertractare: vt suapte natura percipi possunt, & adhibenda est diligentia, vt bene diffiniantur. nam magnam ad ea quæ sequuntur, afferunt opem. Principium enim plus quàm dimidium totius esse videtur: & eorũ quæ quærentur cõplura per ipsum manifesta fieri solent.

## Commen.

**N**VNC rursus redeamus. Hoc est quartum capitulum huius secundi tractatus: in quo enititur describere, & diffinire felicitatẽ secundum opinionẽ suam exclusiua antea opinionibus aliorum. Diuiditur autem hoc capitulũ in tres partes principales. In prima describit felicitatem per quasdam conditiones quæ competunt ei non stringẽdo sese ad propriã eius diffinitionem, sed ostendẽdo primò quod est summum bonum humanum: deinde quod est perfe-

μὴ γὰρ  
χελιδὼν  
εἶναι ἁπλοῦς

τὰ πρῶ-  
τα.



Etissimum bonum: demum quod est maximè sufficiens, ex quibus concluditur, quòd felicitas est  
 summum bonum humanum, perfectissimum omnium & maximè sufficiens. Ostendit igitur in  
 primis felicitatem esse summum bonum humanum, sic. Finis omnium rerum agendarum est sum-  
 mum bonum humanum: felicitas est finis rerum agendarum: ergo & cætera. Nā multi sunt fines,  
 & diuersi in diuersis operationibus & artibus, & alter est propter alium quo vsque accedatur ad  
 vnum, qui non sit propter alium, & alii sunt ob ipsum, & ille erit summum bonum humanum, &  
 vltimum quod maximè expetitur: fin verò sint plures fines tales, plura erunt summa bona. Notā  
 dum primò quòd cum quatuor causa à philosopho dicantur Efficiens: Finalis: Materialis: For-  
 malis: sic describi solent, Efficiens causa est id à quo profuit motus: Materia est principii  
 suscipere potest id quod in ipsum imprimitur, & quod est primum subiectum: Forma verò est id  
 quo res habet esse: Finis verò est id cuius gratia cætera fiunt. Quinetiam natura dicitur agere ob  
 finem, quo acquisito cessat operari. Notandum quòd dixit, si vnus sit finis, vnum erit summum bo-  
 num: si plures, plura. nam antea dixerat plura esse per se bona, & propter se: ideo aliquis potuisset  
 dicere quòd plures vtrum fines expetendi per se: ideo dixit, si vnus &c. Vel fortè dixit hoc quia  
 nōdum declarauit vtrum sit vnum summum bonū, & vnus vltimus finis, an plures. [O R A T I O  
 igitur migranda.] Hæc in parte dicit philosophus quòd sermo suus, quia antea probauit felici-  
 tatem esse summum bonum: nunc postquam confutauit alias opiniones in idem rediit, vtrū oportet  
 id magis & manifestius declarare. Nam si plures sunt fines, & alii sunt ob alios: manifestū est  
 non esse omnes perfectos, sed perfectior erit finis qui propter se, quàm qui propter aliud: & per-  
 fectissimus erit ille, qui solum propter se, & nunquam propter aliud: Id verò quod est perfectis-  
 simum, erit felicitas. Nam felicitas habet talem conditionem, vt propter se, & nunquam propter  
 aliud expetatur. Hinc colligitur ratio philosophi, quòd illud, quod expetitur, maximè est per-  
 fectissimum: felicitas expetitur maximè, ergo & cætera. Voluptas verò & honor, & alia huiusmo-  
 di, etsi propter se expetantur, expetuntur etiam propter aliud: sed felicitas nullo modo propter  
 aliud. Voluptatem quia voluptas est vita sine impedimento, & posthabeantur turpes volupta-  
 tates de quibus non loquitur hic. [E V M autem.] Quia videtur expeti propter se, & etiam propter  
 operationem & felicitatem. Dubitatio cadit hic, quia videtur quòd felicitas non solum sit  
 finis qui expetatur propter se, sed etiam propter aliud, id est, propter nos vt felicitate euadamus  
 felices: sicut albedine efficitur albi. Respondendum ad hoc distinguendo de fine, q duplex est  
 finis, vt alibi ostendit philosophus, scilicet finis qui, & finis cui. Finis qui dicitur ille qui acqui-  
 ritur, vt albedo vel caliditas acquiritur ab homine, & talis est ipsa felicitas, & de tali fine loqui-  
 tur philosophus, ostendēdo quòd felicitas est vltimus finium qui acquiritur. Finis verò cui, est  
 finis cui acquiritur, id est ipse homo cui acquiritur felicitas, & de tali non loquitur hic philoso-  
 phus. Itaq; soluitur dubitatio q apparet quòd felicitas est vltimus finis in eo genere finiu, scilicet  
 qui dicitur finis qui: & non habent vltiorē finem in eo genere. [I D E M & ex sufficiētia.]  
 Postea quā ostendit felicitatem esse summum bonū & perfectissimum, hac in parte declarat  
 quòd felicitas est ex se sufficiens. omne quod est perfectissimum, est ex se sufficiens: sed felici-  
 tas est huiusmodi, ergo &c. Vel alio modo & forsitan magis accommodatè potest exponi textus  
 philosophi, scilicet quòd velit ostendere felicitatem esse perfectissimum bonū hoc pacto: Omne  
 per se sufficiens videtur esse perfectum, at felicitas est bonum per se sufficiens: ergo & cætera:  
 quòd autem ex se sufficiens sit perfectum, declaratur ex diffinitione perfecti. Nam id est perfectū  
 cui nihil deest: deinde declarat quid sit per se sufficiens, scilicet qui potest viuere non sibi tantum  
 soli, sed pluribus: sumpto tamen termino vt in textu apparet, & dicit postea, scilicet in libro Po-  
 liticorum, & innuit hic felicitatem ciuilem: in qua felix sufficiens potest satisfacere sibi & ami-  
 cis & affinis certo numero terminatis. Notandum quòd omnes isti termini videntur conuer-  
 ti scilicet summum bonum, perfectum: optimum, per se sufficiens: felicitas & omnium maximè  
 expetibile. Notandū cum dicitur bonum per se sufficiens: intelligitur non simpliciter & absolu-  
 tē. nam tale non est nisi Deus. sed debet intelligi in genere suo, id est, in genere bonorum agibi-  
 lium & humanorum. [I N S V P E R ipsam] Hac in parte vt dicunt expositores, philosophus soluit  
 obiectionē quandā, non enim videtur q felicitas sit per se sufficiens, & maximè expetibilis: quia  
 potest addi ipsi aliquid aliud, & tūc felicitas sumpta cum illo erit magis expetibilis. Sed ad illud  
 quod est summum, & dicitur per excessum, nihil videtur addi posse. & sic ipsa per se non videbi-  
 tur maximè expetibilis. Nam bona quanto plura sunt: tanto expetibilia esse videntur. Hanc  
 difficultatem vt isti exponunt, remouet philosophus dicendo quòd conceditur felicitatem esse  
 talem vt ei possit aliquid addi. nec habeo pro absurdo quòd addito alio bono sit magis expetibi-  
 lis. Sed dico quòd si ipsa nō connumeratur cum aliquo alio, ipsa de se est maximè expetibilis, &  
 istud sufficit mihi. Verum hæc expositio non videtur accommodata: quia philosophus quando  
 dicit, Insuper, videtur asserere aliam rationem. Dicendum est igitur quòd ipse assert alia rationē  
 ad ostendendum esse rem perfectissimam, & maximè expetibilem per se sumptam, & non conu-  
 meratā cum alio bono, id est, sine aliquo addito siue bono: quasi dicat, Felicitas nō indiget alicuius  
 adiumenti ad hoc vt ipsa sit maximè expetibilis. Quòd si ei addatur aliquod bonū quod sit

præter eam: manifestum est, quòd quantuis minimum sit sibi additum, quòd felicitas connume-  
rata cum tali bono, magis erit expetenda. Nam maius bonum semper est expetendum magis. Sed  
felicitas cum aliquo alio bono maius est bonum, quàm per se sola. Quapropter magis est expe-  
tenda felicitas connumerata, quàm non connumerata cum alio bono. Veruntamen vt dictu est,  
per se est & maxime expetibilis. Notandum quòd videtur oportere felicitatem sumere cui ni-  
hil defittale vt constituitur ex bonis animi, corporis & externis: ex quibus generibus bonorum  
tanquam aggregatum quoddam constet felicitas. Sed dubitatur hoc dato, quia statim sequetur  
quòd felicitas non erit operatio animi, si erit aggregatum ex illis diuersis generibus bonorum.  
Item dubitatur quia felicitas non videtur ex se sufficiens, quia potest esse aliud bonum, maius  
ipsa: quod erit magis expetibile, & ad illud potius feretur voluntas, & etiam poterit addi aliud &  
fiet expetibilius, & sicut processus vsque in infinitum. Ad primum dicitur quòd vno modo su-  
mitur felicitas, sed est felicitas, quæ consistit in speculatione tantum: est & alia quæ dicitur acti-  
ua felicitas, quæ considerari potest, vt est actio animi vel intellectus actiui perfecti per habitum  
prudentiæ: vel etiam sumi potest vt est actio animi, scilicet cum omnibus illis bonis, scilicet bonis  
animi, corporis & externis. & talis felicitas est propriè aggregatum, & ea felicitas quæ ciuili  
appellatur: quia sine hac non potest consistere ciuitas nec gubernari. & non est absurdum appel-  
lare hanc aggregatum: quia id quod gubernatur per ipsam est etiam quoddam aggregatum ex  
domibus & pagis, & multitudine ciuium. & de tali felicitate diximus quòd est aggregatum ex  
illis tribus. non autem diximus de speculatiua, vel tantum actiua, quæ sumitur pro actione animi  
secundum prudentiam. Ad secundum dicendum quòd felicitas est ex se sufficiens non simpliciter  
& absolute. Nam hoc competit soli deo vt diximus, vltra quem nihil aliud est sumere, sed in  
genere humanorū bonorum agibilem: & tunc si ei addatur aliquid aliud, quod non sit de essen-  
tia sua, minimum habebit momentum, & non faciet felicitatem maiorem, ita, vt illo adempto mi-  
nuatur essentia felicitatis. Et cum dicitur quòd addito ei bono alio atque alio, voluntas addi de  
retur in infinitum. dicendum quòd sumitur voluntas & appetitus regulatus ratione, qui non est  
eorum quæ fieri non possunt. Quare concluditur quòd felicitas ciuili est aggregatum quoddam  
& perfectum non simpliciter sed in genere, & maxime expetibilis, & finis vltimus omnium agi-  
bilibium & ex se sufficiens, vt in hac prima parte huius capituli dicere proposuit. Sed notandum  
quòd hæc descriptio felicitatis non est propria, quia nõ oritur ex propriis & essentialibus ipsis  
felicitatis. sed ex communibus constat. Et est mos Aristotelis primò describere aliquid per com-  
munia: quæ sunt nobis magis nota: deinde definire per propria & essentialia ipsius rei, vt inferius  
faciet. [Hoc igitur fortasse.] Hæc est secunda pars cap. in qua postea assignauit diffinitionē fel-  
licitatis per communia quædam ostendendo quòd est summum bonum perfectissimum & per-  
se sufficiens, nunc inuestigat propriam diffinitionem felicitatis ex his quæ sibi propriè compe-  
tunt per se, & dicit in primis quòd diffiniuimus felicitatem tribuendo ei ea quæ conceduntur  
ab omnibus gentibus, scilicet quòd sit summum bonum & perfectissimum & cætera. tamen nõ  
explicatur per ipsam nec percipitur essentia felicitatis, ergo diligentius à nobis perquirendum  
est de ea: quod fieri poterit, si inueniatur opus proprium hominis ea ratione, qua homo est, hoc  
enim est agendum, vt inueniamus propriam operationem hominis. Notandum quòd philoso-  
phus solet assignare diffinitionem magis communem, cum vult diffinire aliquid, deinde prop-  
riam, quia semper ea quæ competunt alicui non propriè & ex essentia, sed communiter nobis  
videntur, vt diximus, esse magis nota. Incipiendum autem est semper à nobis magis notis. For-  
tasse quia nondum declarauit esse aliquod propriū opus hominis, nec felicitatē consistere in ope-  
ratione, & sic facere solet plerumq; philosophus: id est addere, Fortasse. [Vt enim modulitoris.]  
Nunc incipit inuestigare diffinitionem propriam felicitatis, & cum omnis diffinitio constet ex  
genere & differentia, primò inuestigat genus felicitatis, postea differentias eiusdē. In primis igitur  
ostenditur qd felicitas est operatio hominis ea ratione qua homo est, hoc modo. Bonū sum-  
mum vniuscuiusque rei est suum opus, & sua operatio. Sed felicitas est bonum summum quæ bo-  
num hominis: ergo felicitas est opus proprium, & operatio hominis. Nam si discurrem per res  
nobis notas, reperiemus cuiusque rei & artis bonum esse, operationē suam, & opus suum, vt mo-  
dulitoris bonum est modulatio & cantus: statuarij statua quæ est suū opus, & sic de aliis idē in-  
ueniemus: nõ modò in operibus artificum & artis, sed etiam naturæ. [FABRI NAE igitur.] Se-  
quitur philosophus declarando si sit modulitoris & fabri & statuarii & aliorum artificū aliquid  
opus proprium, vel operatio etiam hominis ea ratione qua homo est, erit procul dubio aliquid  
propriū opus. Sed primum est, ergo & secundum. & probatur hoc experientia & exēplo artū,  
quarū opera sunt nobis nota. Notandū quòd primò similitudine artium & artificū ostēdit, quòd  
est aliquid opus hominis proprium: quia nullus est artifex eo quòd talis est, qui nõ habet suam  
operationem propriam vel suum opus ad quod dirigat artem suam, vt statuarij statua, modula-  
tor modulationem: ergo homo etiam ratione qua homo est, debet habere aliquid opus sibi pro-  
prium. Deinde similitudine totius idem ostendit. Nam quando cum quælibet partiū alicuius  
totius, habet suum propriū opus: semper totum habere debet suū opus diuersum à partibus &

sibi ipsi proprium. At partes hominis, vt dicit philosophus habent proprium opus, ergo homo ipse tanquam totum habebit suum opus diuersum à partibus suis, & sibi ipsi proprium. Notandum quòd si aliqua res sit constans vel arte vel natura, & ei non tribuatur aliquod opus vel operatio, frustra esse videbitur: nam ars imitatur naturam, ergo ars non videbitur aliquod frustra operari: idem est in rebus naturalibus: quarum de numero est homo secundum philosophum, qui cum sit præclarum ens, si non esset eius aliquod opus proprium, frustra productus videretur: præsertim cum oculis, manibus, & aliis partibus corporis & hominis tribuatur officium suum, homini verò qui est totum multo magis tribuetur proprium. [QV D igitur hoc ipsum?] Hac in parte philosophus ostendit quidnam sit illud opus proprium, & inuenit esse operationem animæ secundum rationem vel non sine ratione, & probat per sufficientem diuisionem hoc pacto. proprium opus hominis aut est viuere tantum, aut sentire, vel agere scilicet per rationem aut non sine ratione. Sed proprium opus hominis non est viuere, non est sentire, restat illud tertium vt sit agere cum ratione vel non sine ratione. Tres enim potentie, vt ad propositum spectat: tribuitur ei, scilicet potentia vegetandi, potentia sentiendi, & potentia rationis. Sed vegetare non sibi proprium opus, cum sit sibi commune cum plantis & brutis: sentire etiam non sibi proprium munus, quia est sibi commune cum animalibus brutis, relinquatur pars rationalis. Ea autem est duplex, quædam alteri imperans & habens & intelligens & per essentiam rationalis: quædam ei obediens & rationalis per participationem non per essentiam, & est appetitus quando obtemperat ipsi rationi, & talis vita secundum rationem vel non sine ratione cum bifariam considerari possit: aut vt est in actu & ratione, aut in potentia ad agendum, ea sumenda vt præstantior & magis propria homini quæ est in actu, in actione consistit: & non ea quæ dicitur esse in potentia ad agendum, sed quæ dicitur esse in actu. & dicit secundum rationem vel non sine ratione: vt ostendat vitam quæ est secundum rationem per essentiam, & vitam quæ est non sine ratione, id est per participationem ipsius rationis. & sic inuestigauit pro genere ipsius felicitatis. hoc scilicet quod est animi operatio secundum rationem vel non sine ratione, quod genus adinuenit perquirendum proprium opus ipsius hominis. Nam proprium opus cuiusque rei tribuitur ei penes formam suam: forma hominis est anima: ergo per animam habebit proprium opus, sed animæ partes & potentie sunt plures, quarum quædam sunt communes cum cæteris animatibus, quædam propriæ hominis. ergo per proprias potentias hominis tribuitur ei proprium opus. [A T ve rò opus huius.] Hac in parte philosophus inuestigat differentias ponendas in diffinitione felicitatis, Diffinitio enim constat ex genere & differentiâ: genus iam per superiora compertum habemus: quæramus nunc differentias, quæ sunt duæ, vna est per virtutem, alia in vita perfecta vt ostendet. Primam igitur differentiam assignat quæ est scilicet per virtutem, & inuestigat hanc differentiam hoc modo, Nos ponimus opus esse hominis operationem animæ secundum rationem vel non sine ratione: ergo in genere idem erit opus hominis & hominis studiosi: vtriusque enim opus est secundum rationem vel non sine ratione, & in hoc conueniunt, vt conueniunt homo & homo studiosus in eo quòd homines sunt. Vterque enim est homo. Differt tamen ab homine qui non est studiosus per quædam perfectionem. Eodem modo operatio studiosi hominis debet differre per quædam perfectionem ab operatione quæ non est hominis studiosi. Nam et si conueniunt, quia vtraque est operatio, differunt tamen quia alia perfecta alia non. Hæc differentia vel talis perfectio operationis non erit nisi per virtutem propriam operantis, vt ipse ostendit exemplo. Nam citharædus qui nō est bene peritus in arte sua, & citharædus peritus & optimus vterque pulsât citharam, & talis pulsatio vtriusque, eo quidem cum pulsatio est, genere nihil differt, sed differt in eo quòd peritissimi citharædi pulsatio recta est per artem perfectam, quæ est in eo, imperiti verò non recta. Simili modo vnus cuiusque hominis opus proprium est operatio secundum rationem, per quam differt ab aliis animalibus. Studiosi autem hominis est operatio non solum secundum rationem, sed secundum rationem bene & recte. Nam operari secundum rationem bene, & recte, non est nisi per virtutem. Nam potest aliquis operari secundum rationem & non cum virtute, veluti à casu vel coactè vel fictione, vel alio docente, quibus omnibus modis non operatur per propriam virtutem quæ sit in eo, præterea qui non habet in se virtutem talis operatio, non semper bene, & recte operabitur quando voluerit, vt aliquis non grâmaticus potest casu loqui secundum rationem Grammaticæ, non tamen semper vt ille qui habet artem, & habitum Grammaticæ. Nam hic per virtutem grammaticæ quæ in eo est semper cum voluerit loquetur secundum rationem Grammaticæ bene, & recte. Quapropter concludit quòd si singula bene proficiuntur secundum propriam virtutem, sit vt felicitas hominis sit animi operatio secundum virtutem. Nam opus studiosi hominis est summum bonum suum: sed felicitas est summum bonum hominis, ergo felicitas est opus studiosi hominis: hæc est argumentatio in tertia figura. Sed cum dicit per virtutem non oportet replicare secundum rationem, quia virtus includit in se rationem, vt diffinitione virtutis postea apparebit. Sed cum felicitas sit summum bonum, & virtutes sint plures, ideo addit quòd felicitas est operatio animi per virtutem optimam, & perfectissimam, & per hanc innuit ipsam prudentiam, quæ est regula reliquarum virtutum.

[ET ITEM in vita perfecta.] Affert aliam differētiā quā est quōd oportet felicem esse etiam in vita perfecta: ut fiat talis completa definitio ex genere, & differentis felicitas est operatio animi per virtutem in vita perfecta, & declarat istam particulam, & ultimam differentiam per inductionem, scilicet quod vna hirundo vel vna dies non facit verum, ergo à simili vna operatio non faciet felicitatem nec breue tempus: ideo oportet addere in vita perfecta, quia non frustra ponitur. Hæc particula variè exponi solet. In vita perfecta, id est, quia oportet felicem esse per totam vitam, quæ expositio aliena esse videtur, quia est impossibile nisi sit beneficium dei, vel per aliquod longum tempus in quo luceat felicitas, & operationes felices, & ista expositio videtur accommodari verbis philosophi de vere & hirundine, vel per reliquum tempus vite: posteaquam aliquis adeptus est felicitatem. Dubitatur quia non videtur felicitas indigere tempore, ita ut ponatur in sua diffinitione tempus, & per consequens illa particula. In vita perfecta probatur. Illud quod simul acquiritur non indiget tempore, felicitas est huiusmodi, ergo felicitas non indiget tempore, maior. Nam id quod acquiritur indivisibili totum simul non indiget tempore, sicut forma substantialis cuius generatio fit in instanti, minor est nota, quia felicitas est tota simul. Nam quando homo per multas operationes virtutis acquisiuit habitum operandi faciliter secundum omnes virtutes, ille est felix, & statim in tempore vel puncto indivisibili acquirit felicitatem. Nam si ipsa acquireretur per partes, nemò vnquā esset felix cum operationes non permanent. Itaque acquisitis virtutibus tota simul erit felicitas in instanti, & momento. ipsè motus dicitur indigere tempore, quia partes motus nunquam sunt simul: sed sicut fit per partes, ita indiget partibus temporis. sed operatio per virtutem est tota simul, ergo superuacaneū videtur addere in vita perfecta ut diximus. Ad hanc dubitationē dicendum est, quod duobus modis considerari sumi; felicitas potest, & non loquimur de speculatiua: vno modo ea quæ consistit in operatione simplici: alio modo ea quæ est ut aggregatū quoddam, prima dicitur actiua tantum, secunda actiua ciuili. Est etiam notandum, quod indigere tempore dicitur bifariam, aut essentialiter, aut accidentaliter. His præmissis dicendum quod felicitas actiua tantū quæ consistit in operatione simplici, non indiget tempore per essentialitatem suam, cum sit simplex operatio, & non aggregata: accidentaliter autem indiget tempore, quia oportet ut per plures operationes secundum virtutes sit felix quæ non possunt fieri sine tempore. Præterea homo videtur magis felix cōmuni sententia cum exercet quā plurimas operationes, quia tunc videtur quasi extendi felicitas, & magis extēsum videbitur eius bonū, quā eius qui breui tempore vixerit: quod si accipiat felicitas pro aggregato ex operatione, & bonis animi, & corporis, & externis, dicamus quod si inter ista bona externa connumeretur etiam longitudo vite, quod talis felicitas habet tempus tanquam partem essentialē, & indiget tempore essentialiter. Si autem tempus non cōnumeretur inter suas partes essentialē tunc dicemus quod accidentaliter indiget tempore, & longitudine eius. [SVMVMVM igitur bonum.] Hæc tertia pars principalis huius quarti capituli, in qua post allatam diffinitionem felicitatis ostendit, quo pacto deinceps est procedendum in declaratione felicitatis, & eius partibus in diffinitione positus. nam attulit duas descriptiones felicitatis. Prima est communis cum non oriatur ex essentialibus felicitatis, sed ex communibus quibusdam. Secundam attulit magis propriam, quia oritur ex his quæ competunt felicitati per se, ea ratione qua talis est. sed etiam ipsa non videtur sufficiens ad explicandam essentialitatem felicitatis, nisi de clarētur partes positæ in diffinitione eius. Ideo philosophus hac in parte narrat quod oportet nos vterius progredi ad declarandas partes diffinitionis, ut emergat cognitio felicitatis. primò autem narrat quomodo est procedendum in describendis rebus, deinde ostendit modum procedendi circa diffinitionem felicitatis explicandam. Dicit igitur quod summum bonum circumscriptum sit hoc pacto sicut fecimus. nam oportet ipsum figurare, & designare, deinde per partes pingere. Postea dicit quasi modestè de se loquens, quod cuiuslibet hominis est dilatare ea quæ breuiter dicta sunt in diffinitione, & quod tempus affert auxilium, & per tempus facta sunt additamenta. nam scientiæ non sunt simul inuentæ & perfectæ, sed paulatim adauctæ, & hoc non fit nisi in tempore, & facili est addere. Notandum quod omnis diffinitio potest dici descriptio vel circumscriptio: quod & nomē ipsum diffinitionis declarat. Nam descendit à finibus quibus continetur ipsa res diffinienda, & separatur à qualibet alia re, & sic faciūt fines in qualibet alia re. Idem videtur significare descriptio quæ est deductio alicuius termini quo ipsa res clauditur. Nam dicimus figurā termino vel terminis claudi, & similiter res diffinita cōtinetur quibusdam terminis. Bene igitur dixit, sufficiat circumscripsisse summum bonum, id est, diffinisse hoc modo summum bonū. Notandū quod sic fit in re describenda sicut in pictura, in qua cum pictor vult aliquid depingere, primò lineamentis quibusdam claudit id quod pingere vult, & hoc modo dicit philosophus se circumscripsisse felicitatem, hic dicendo quod felicitas est operatio animi per virtutem in vita perfecta. Deinde sicut in pictura post lineamenta per colores exprimitur membra illius figuræ, sic agendum est in hac descriptione felicitatis. scilicet exprimere, & declarare partes definitionis allatæ, & hoc fit tūquam coloratio quædam, ut sic perfectè cognoscatur felicitas. Sed quo modo hoc fieri possit videndum est. Tres autem sunt doctrinæ in vnaquaque re cognoscēda. Prima est, propter quid. id est, per causā. Secunda est quod est tantum, id est, quia. scilicet, qua explicatur rem esse tantum, non autem causā propter quā est. Tertia

est diffinitiuā doctrīna quā cognoscitur essentialiter quid res est sub quā cadit resolutiuā, & per has tres doctrīnas possumus scire rem vel percipere. Cognoscere autem rem essentialiter bifariam fit, aut compositione diffinitionis, aut resolutione eiusdem, & uterque modus dicitur diffinitiuus. Nam ad percipiendam quamlibet rem essentialiter, oportet scire ea quæ essentialiter cōpetunt ei rei, & ea sunt quæ prædicantur de re in primo modo dicendi per se, vt animal rationale de homine, si rationale sumatur pro differentia essentiali hominis. Talia autem sunt priora re ipsa quam diffinire volumus. Quod si talis diffinitio non indigeat explicatione partium, quia partes eius sunt notæ, bene est. Si verò non satis innotescant, tunc opus est secunda doctrīna, scilicet resolutiuā, scilicet explicando, & declarādo partes positas in diffinitione. & iste etiam modus appellari potest diffinitiuus, & hoc modo doctrīnæ vitur philosophus multis in locis, nescio si expositores animaduertunt, & hoc facit in rebus, quæ per diffinitionem tantum non facile percipiuntur. hoc autē fecit Galenus in libro qui dicitur ars parua, vbi explicauit omnes partes medicīnæ. Nam diffiniuit medicīnam quoddam scientia sanorum, ægrorum, neutrorum: & hanc diffinitionem resoluit explicando omnes partes, quia ipsa diffinitio, quanuis totam medicīnam significet, tamen potentia magis quàm actū ipsam explicare videtur, & sic omnes illas tres partes declarauit addendo cuiuslibet parti corporum, causarum, signorum: & rursus hæc tria exposuit per alia: & illa per alia, donec peruenit vsque ferè LXX diuisiones vel membra, quibus partes medicīnæ. Nam diffiniuit medicīnam quodammodo declarari per cognita, & minus cognita. Aliqua assignata ab eo non videtur satis nota de se. Et hoc facit in libro physicorum vt diffiniuit naturam sic. Natura est principium vt id moueatur atque quiescat in quo primum per se & non per accidens inest: & hanc diffinitionem postea resoluit, & primò diffinit motum qui ponitur in diffinitione naturæ: qui motus cum videatur vt continere tempus, & cōtinuum, & alia huiusmodi, ideo diffinit illa omnia, & declarat: hoc idem facit in hoc libro Ethicorum. Primò incoepit à felicitate, ponendo nobis eam ante oculos, ad quam vult nos per virtutes veluti sagittarios, ad positum signum peruenire: & multa dicit de ipsa, primò communiter, & confusè, vt deinde eluceat diffinitio eius felicitatis quam diffinit primò per communia quedam vt diximus: postea per propria. Sed quia ipsa diffinitio quanuis duplex non videretur sufficiens, adeo resoluit ipsas partes positas in diffinitione, vt ex tali resolutione innotescat magis ipsa felicitas. Diuidit igitur partes diffinitionis, & eas declarat. partes autem sunt operatio & virtus, ideo declarat quales, & quæ sint operationes, deinde virtutes distinguendo ipsas, scilicet, quod alia est intellectuā, alia moralis. De intellectuā pauca in genere dicit, in secūdo huius de moralipura in eodem tangit in genere diffiniendo eam, & asserendo suas partes subiectiuas. postea in tertio, & in quarto, & quinto huius singulas declarat. Sed quia in definitione virtutis ceciderat electio, & electio oritur à voluntate: ideo in tertio antequam accedat ad declarationem singularum virtutum, statim post enumerationem virtutum, declarat in principio tertij, quid sit voluntarium, & inuoluntarium & electio, & nonnulla alia quæ oriebantur ex his. deinde sequitur in declarandis singulis virtutibus moralibus. Postea in sexto declarat virtutes intellectuā: in septimo de quibusdā docet quæ videntur esse, aut virtutes, aut vitia, & propriè nō sunt talia. Deinde quia felicitas ciuilis indiget in vita perfecta bonis externis. quorum amici sunt studiosas sequitur magna voluptas, de ea latè docet in decimo: quibus omnibus declaratis elucescit felicitas, de qua latissimè in eodē decimo, & vltimo docet, huic libro manū imponens. Itaque huius libri moralium doctrīna dici potest diffinitiuā resolutiuā, & hunc modū inuuit hic vbi dicit, & summū bonū ita circūscribi potest diffinitiuā resolutiuā, vt id etiā possint facere imperiti, sed respectu modi iā dicti simpliciter, & absolute cuiuslibet, vt id etiā possint facere imperiti, sed respectu modi iā dicti fa-

61

62

c ii



Hac in parte philosophus posteaquam declarauit, quo pacto explicanda est diffinitio felicitatis iam assignata: nunc docet modum procedendi in tali explicatione faciendi, scilicet partium diffinitionis, & primo reducit in mentem nonnulla quæ in exordio dixit de modo procedendi in hac doctrina, ostendendo quod non oportet exquirere demonstrationes exactissimas in hac scientia, sed qualis exigit materia de qua loquimur. Nam necessariae demonstrationes habent conclusiones certissimas. Ideo ex principiis necessariis concludi possunt. Ista autem materia est de his quæ sæpe fieri solent: ideo non possumus asserere principia necessaria, nec de his est loquendum exactissimè, sed proprius modus quem exigit doctrina obseruandus est: fit enim interdum ut vna eademque sit subiectum diuersarum scientiarum. Sed alio modo ab vna, alio pacto ab alia consideretur, & ab alio exactius quàm ab alio. Veluti exemplo ostendit philosophus. Rectum enim angulum faber & geometra considerat, sed diuerso modo faber considerat angulum rectum in tantum ut per illum erigat rectè columnam vel rectum faciat parietem, & aliquid huiusmodi. Geometra verò considerat eundem secundum suam diffinitionem, & considerat de effectibus, & differentitiis, quæ competunt angulo recto, ex quibus oritur veritas, quæ consideratur à geometra, quod si hæc circa rectum angulum consideraret faber plura sumeret extra opus suum quàm in ipso opere, & sic transgrediretur terminos, & cancellos suæ artis. Quare in vnaquaque doctrina, & in hac etiam, moralis modus proprius considerandi & procedendi seruandus est. Notandum quod qualibet scientia est determinata, & habet fines suos, quibus clauditur, & interdum scientia plures idem considerat, sed tamen diuerso modo. Nam medicus moralis, & naturalis philosophus considerant hominem, sed diuerso modo. Consideratur enim à naturali vt componitur ex materia, & forma: à medico vt subiicitur ægritudini vel sanitati: à morali vt subiicitur felicitati, & potest eam consequi. Eodem modo faber considerat angulum rectum, vt rectè erigat parietem: geometra verò & effectus & differentias quæ ei competunt. Considerat enim quod cum linea recta cadit perpendiculariter super rectam lineam, sicut duo anguli recti æquales, & deinceps positi, & sic inuenit originem anguli recti: considerat præterea effectus, & differentias proprias anguli recti, & dicit illum esse medium inter obtusum, & rectum, & probat quod recto angulo quilibet rectus angulus est æqualis, quorum nullum considerat faber. Si enim id faceret egrederetur ex cancellis & finibus quibus clauditur ars sua. [N E C in omnibus causis] Considerat nonnulla notanda circa principia, & causas ex quibus fiunt argumentationes, & probationes. Dicit igitur philosophus quod non in omnibus rebus simili modo causam postulare oportet. qui modus cognoscendi res vocatur propter quid. Sed in quibusdam rebus sufficit ostendere quod res talis est, qui modus vocatur quia. Et iste modus obseruandus est in rebus maxime quæ non habent causas, per quas demonstrari possunt, vt sunt principia, quæ supra se non habent causas quibus demonstrantur, aliter non essent principia. Quapropter cum duo sint modi cognoscendi, scilicet, quia, & propter quid: modus quia, est prior in ordine quàm modus propter quid. Nam eo modo, scilicet, quia sunt, percipiuntur principia: & modo propter quid ipsæ conclusiones, & ideo dicitur is modus primus & cætera. Notandum quod res nonnullæ ita se habent vt ante ipsas sint causæ, ex quibus profluunt quædam ita vt ipsæ sint causæ aliorum. Fit etiam vt duplex sit modus cognoscendi res. Primus est quo cognoscitur quod, vel quia res est. Secundus modus quo cognoscitur propter quid res est, & hæc est differentia inter istos duos, quod primus non constat ex medio, quod est causa rei, sed est tantum causa conclusionis. Non enim idem est esse causam rei & conclusionis. Nam omne medium quod est causa rei, est causa conclusionis: non autem e contra. Nam medium rei ostendit cur, & propter quid res est talis, vt cur, A, inesse, B, veluti cur luna obscuratur, scilicet propter interpositionem terræ. medium igitur per quod ostenditur tanquam per causam, lunam obscurari, est interpositio terræ. Modus autem quia, & inferendi conclusionem dicit, A inesse, B. veluti luna deficere, non autem propter quid. Ea igitur quæ habent causam possunt demonstrari propter quid sunt. Si qua verò sunt quæ non habent causam, non possunt demonstrari propter quid sunt, cum ipsa sint causæ: nec possunt demonstrari demonstratione simpliciter à priori, sed eis accommodatur primus tantum modus demonstrandi, id est, quia res est. Nam si causam causæ poneremus in medio ad probandum, & item causam causæ, esset processus in infinitum, & sic nulla esset omnino cognitio, ergo causam, vt causam non cognoscimus per aliam causam, sed per quædam posteriora: & iste modus cognoscendi qui appellatur demonstratio quia, erit primus & initium. [P R I N C I P I V M verò.] Hac in parte philosophus declarat quot modis possunt percipi principia, cum dixerit quod non possunt percipi per causam. posset enim aliquis dicere, Cum principia non possunt cognosci per causam: quomodo ergo cognoscuntur? Et dicit quod variis modis percipiuntur. Quædam enim inductione, quædam sensu, quædam consuetudine, quædam aliter, & cætera: & omnes isti modi reducuntur ad istum, qui dicitur demonstratio quia vel quod res est. Nullus enim istorum modorum dicit causam propter quam res est. Principia ergo innotescunt nobis per modum cognoscendi quod vel quia res est, & iste modus à posteriori eis accommodatur. Notandum quod philosophus dicit quod principiorum quædam cognoscitur inductione, quædam sensu, quædam assuetudine, & aliter, & cætera. Vnde sciendum quod inductione cognoscuntur principia mathematica, vt geo-



metria, veluti si ab æqualibus æqualia demas quæ remanent sunt æqualia. Nam hoc fiet notum exemplo discurrendo per multa particularia æqualia: ex quibus postea inferetur illa vniuersalis propositio: vel sumi potest aliud principium in geometria magis propriū quod percipiatur inductione. Causam verò huius non potest asserere geometra: transgredereur enim fines suos, sed potius si hoc ad aliquem pertinet, ad primum philosophum spectat. Sensu verò percipiuntur pleraque principia naturalia. Vt quod ignis sit calidus, aqua frigida. Talia enim non probantur per causam à naturali, sed videntur eis tanquam principiis, & sensu, discurrendo per multos ignes, & percipiendo quod hic est calidus, & hic & ille calidus. Faciemus deinde hanc vniuersalem propositionem quod omnis ignis est calidus. Assuetudine percipiuntur ipsa principia, & nobis innotescunt. Vt principia moriū, vt exempli causa, quod qui abstinet à voluptatibus potest fieri temperatus, quod abstinentia concupiscentiæ superantur. Aliter etiā præter hos tres modos possunt nobis fieri nota principia. Vt experiētia. Talia sunt principia medicinæ, & artium aliarū. Vt quod omne agaricū purgat phlegma, & omne reubarbarum purgat choleram. Hæc enim per experientiam nobis innotescunt, ex quorum multorum collectione inferimus postea vniuersalem propositionem, quæ est principium in scientia, tali scilicet, quod omne reubarbarum purgat choleram. Est etiā alius modus cognoscendi principia. Nā sunt aliqua principia quæ diffinitione tantum percipiuntur, & istos duos vltimos modos innuit philosophus cum dixit, & alia item aliter. exemplum secundi, vt, punctus est cuius pars non est: linea est longitudo sine latitudine. Hæc enim principia diffinitione innotescunt: quanuis possint etiam probari à posteriori hoc pacto. Omne quod terminat aliquid, deest ab illo vna dimensione: sed superficies terminat corpus, ergo superficies habebit duas dimensiones, scilicet longitudinem, & latitudinem, cum corpus habeat tres scilicet longitudinem, latitudinem, & profunditatē. Eodem modo probatur quod linea est longitudo sine latitudine. Similiter probatur quod punctus caret omni dimensione, cum sit terminus lineæ, quæ vnā tantū habet dimensionē, scilicet longitudinem. Omnis enim terminus deest vna dimensione ab eo cuius est terminus. Sed punctus est terminus lineæ: quæ habet vnā tantū dimensionem: ergo punctus nullā habet dimensionem, & sic ostensa sunt ista principia nō quidem per causam, quia terminus non est causa. Ex his percipi potest quot modis cognoscatur principia cognitione, quia vel quod. [E N I T E N D V M est.] Hac in parte declarat quo modo procedendum est in cognitione talium principiorū: & dicit quod enitendū est tractare principia eo modo, quo potest eorū vnumquodque cognosci: & addit quod oportet diligentiam adhibere vt bene diffiniatur. Nā principia habēt magnum momentum ad declarandos affectus, & proprietates quæ insunt alicui rei: & addit rationem, quia principium est plusquam dimidium totius, & per se ipsa principia multa innotescunt eorū quæ sequuntur. Et cum principia percipiuntur diffinitione, ideo enitendum est vt bene diffiniantur, & hoc est faciendum non solum in hac scientia, sed vniuersaliter in omnibus scientiis. Nam omnis demonstratio potissima pendet à notitia principiorum, ideo diligenter animaduertendum, vt noscamus principia. Norandum quod per principium possumus intelligere vel diffinitionem, vel principium complexum primum in qualibet scientia. Diffinitio autem quanuis in ea plura sumantur, tamen dicitur esse incomplexū principium. Complexum verò intelligi potest vel primum illud communissimum, de quolibet esse vel non esse dicitur, vel primum, & propinquum in qualibet scientia. Vt in geometria, Si ab æqualibus æqualia demas, & cætera. Et ista principia dicuntur vniuersalia, quæ vi, & formaliter ingreditur demonstrationem. Sed vera est sententia philosophi de vtrisque, scilicet complexis & incomplexis, quod d habet magnum momentum ad sequentia, & quod est plusquam dimidium totius. Nam intelligendo de diffinitione patet, quod eius notitia confert ad sequentia, & est plusquam dimidium, & cætera. Nam si diffinitio sit, aut subiecti tantum, aut prædicati tantum, aut vtriusque, quæ est demonstratio positione differens, vt dicit philosophus in libro Posteriorum, certè ea dicitur principium plusquam dimidium totius. Nam debet cognosci quod propria passio inest subiecto, quod habetur per diffinitionem tanquam per causam & principium. Nam dimidium vel minus cognitionis est nosse tantum quod aliquis proprius affectus vel propria passio inest alicui subiecto: plus autem quàm dimidium totius est non solum nosse talem passionem propriam inesse tali subiecto, sed etiam nosse causam propter quam inest, & hoc habetur per diffinitionem. Bene dicitur quod principium, id est ipsa diffinitio est plusquam dimidium totius, scilicet eius quod volumus scire. Quod si principium intelligamus non diffinitionem, sed primum principium complexum, & non simpliciter, aut aliqua ex parte, id est quod est principium proprium in qualibet scientia, adhuc vera est etiam de his sententia philosophi. Nam quodlibet proprium principium cuiuslibet scientiæ, continetur in veritate primorum principiorum, scilicet de quolibet esse vel non esse, & cætera. Etenim quia illud primum principium est verum, ideo reliquæ propositiones sunt veræ. Nam veritas omnium principiorum pendet à veritate primi principij. Vnde qui bene nouit primum principium, habet vim veritatis cuiuslibet veræ propositionis. Et sicut in entibus est dare primum ens complectens omnem perfectionem omnium entium vi sua, & ideo dicitur primum principium: Sic primum principium complexorum est tale, vt vi complectatur veritatem omnium propositionū inferiorū, ideo

non ingreditur demonstrationem per essentiam suam, nisi aliquando necessitatis causa sumatur pro maiori termino, vt latius ostendit philosophus in libro Posteriorum. cum igitur vi cōtineat veritatem omnium principiorum, meritò dicetur plusquam dimidium totius. Nam qui cognoscit primum principium, bene cognoscit vim omnium veritatum, quanuis nesciat quid cuique sit tribuendum. Sed hoc loco philosophus per principium intelligit felicitatem vel diffinitionem eius, & hoc secundum Albertum magnum. Quod si per principium intelligamus etiam virtutem, bene procedit, quia ipsa est causa effectrix felicitatis: & etiam operatio dici principium potest, cum ipsa sit causa effectrix virtutis, & per consequens felicitatis. Ideo oportet bene nolle diffinitionem cuiusque horum, scilicet felicitatis: vel virtutis, vel operationis. Et sic habetur in hoc quarto capitulo. Primò descriptio communis felicitatis, deinde propria, tertio quod magis manifestabitur: felicitas si declarantur partes positæ in eius diffinitione, & ostēdit modum procedendi in tali declaratione, scilicet quia & non propter quid.

*De dictorum antiquorum cum vera felicitate consensu, ac de triplici bono ad felicitatem necessario. Cap. V III.*



tol. uncl. g.  
207m.

**C**ONSIDERANDVM est igitur de ipso: nō ex cōclusionē so<sup>65</sup>  
lūm, & iis ex quibus est ipsa ratio: sed ex iis etiam quæ de ipso  
dicuntur. Vero nanq; omnia\* quæ cōpetunt, consona sunt: à  
falso autem citò ipsum discrepat verum. Cū igitur bona in  
tria sint diuisa, & alia externa, alia circa animam, alia circa corpus bona  
dicantur: ea quæ sunt circa animam propriissimè maximèque dicimus<sup>67</sup>  
bona. at actus & operationes animæ, circa animam esse ponimus. quare  
hac opinione cum antiqua, tum à philosophantibus concessa: bene dici  
tur finem ipsum, actus quosdam & operationes esse. Sic enim fit vt sit ex  
ipsis animæ bonis, & non ex bonis externis. Consonum est etiam ipsi ra<sup>68</sup>  
tioni & id quod dicitur: felicem inquam bene viuere, benèque agere. si<sup>69</sup>  
nis enim bona quædam vita, bonaque actio dictus est: cuncta præterea  
quæ circa felicitatem quærantur: ei quod dictum est inesse videntur. A-  
liis namque virtus, aliis prudentia, aliis sapientia quædam, aliis hæc, aut<sup>70</sup>  
horum aliquod cum voluptate, aut nō sine voluptate felicitas esse vide-  
tur. Sunt & qui externam etiam affluentem simul accipiunt. atque hæc  
partim multi & antiqui, partim pauci, virique dicunt præclari: quorum  
neutros tota via aberrare, sed aliqua ex parte, & in plurimis verum attingere  
consentaneum est rationi. eorum igitur sententiæ qui vel omnem  
vel aliquam virtutem felicitatem asserunt esse, ipsa ratio consona est. hu-  
ius est enim ea operatio, quæ per ipsam efficitur. Interest autem fortasse<sup>71</sup>  
non parum in possessione, an in vsu ac in habitu, an in operatione: sum-  
mum consistere bonum putare: fieri enim potest vt habitus quidem, etsi  
inest, nullum efficiat bonum: vt in dormiente, vel etiā alio modo, quo-  
dam otioso facto. vt operatio autem nihil efficiat boni, fieri nequit. qui  
namque operatur, aget vtique necessariò, & bene etiam aget. atque vt in<sup>72</sup>  
olympia, non ii qui sunt elegantissimi forma, præstantissimi que robore,  
sed ii qui decertant, coronis afficiuntur (ipsorum enim aliqui vincunt) sic  
& qui bene agunt, eorum quæ sunt in vita, pulchra, bonaque, compo-  
tes fiunt. Est autem & vita ipsorum per se iucunda. Nam voluptate qui-  
dem affici: ex iis est quæ ad animam pertinent. id autem est cuique volu-  
ptati cuius amator dicitur quisque: vt equus equorū amatori, & specta-

culum, spectaculorum identidem amatori, eodem modo & amatori iustorum iusta, & omnino virtutum amatori, ea quæ per virtutem efficiuntur, quæ igitur voluptati sunt vulgo: ea repugnãtia sunt: propterea quòd non natura talia sunt, sed amatoribus honestatis ea sunt voluptati, quæ sunt natura iucunda, tales autem eæ sunt actiones, quæ à virtute emanant, quare & his ipsæ sunt voluptati: atque per se ipsas iucundæ. ipsorum igitur vita non indiget voluptate, tanquam aliqua foris adiungenda: sed  
 73 is est qui bonis actionibus non delectatur. Nam neque iustū eum quicquam dixerit, qui iustis non gaudet: neque liberalem eū qui liberalibus actionibus non delectatur: & in cæteris eodem modo. quòd si hæc ita sint: actionum eæ quæ à virtute proficiuntur, per se ipsæ sunt voluptati atque iucundæ. At verò bonæ quoque sunt, & etiam pulchræ, atque horum vnum quodque maximè ipsis competit: si rectè de his ipse iudicat studiosus, iudicat autem vt est dictum. Optimum ergo, & pulcherrimū, & iucundissimum est ipsa felicitas: & non seiunguntur hæc perinde atque in illo Deliaci carmine separantur, summè est pulchrum, ex astrea quod gignitur alma. Optima si valeas res est: quod quilibet optat. Summe est iucundum, si re potiaris amata. Hæc enim operationibus omnia competunt. has autem ipsas, aut vnam ipsarum quæ sit optimā: felicitatem ipsam dicimus esse. Videtur tamen & externis indigere bonis: vt  
 74 diximus. Fieri enim non potest aut non faciliè fit: vt res agat præclaras, cui facultates defunt: multa nanque per amicos, per diuitias, per ciuilem potentiam, tanquam per instrumenta aguntur: quibusdam autem carentes, vt nobilitate, bona prole, pulchritudine, beatitudinem maculāt. non enim satis ad felicitatem idoneus est, qui penitus est deformis, aut ignobilis, aut solitarius sine prole: & minùs etiam fortasse, si cui perprauis sint filij, vel amici, aut boni mortui sint. vt igitur diximus, videtur felicitas & talis indigere prosperitatis. Vnde quidam prosperitatem fortunę, quidam virtutem felicitatem esse dicunt.

## Commen.

66 **C**ONSIDERANDVM est igitur. ] Hoc est quintū & vltimū capitulū huius secūdi tractatus, in quo cū in præcedēti capitulo attulisset definitionē felicitatis, & dixisset q̄ partes definitionis erāt declarandæ & dilatandæ, nūc dicit eā definitionē esse declarandā: non solum vt superius dixit ex cōclusionibus, & propositionibus, ex quibus cōcluditur secundū modū à cōmodatū huic doctrinæ moralis, sed etiā ex sentētiis, & opinionibus aliorū philosophorū de ipsa felicitate, siquid bene attulerint de ea: vt. saccomodemus quod bene dixerunt, & quod male, reiiciamus. Solet enim esse philosophi mos, pcedendi penē in quolibet suo libro, & in quavis materia ab eo pertractada: primū pponere rem de qua dicturus est, deinde afferre quid de eadē senserint alij philosophi, & in eo quod malè dixerint ipsos refellere: deinde afferre sententiam suā quasi elucescentē inter aliorū errores, definiendo rem quā proposuit cōmuniter, & propriè. Deinde confirmare sententiā suam, & accommodare dicta aliorū in eo quod bene dixerunt: demū afferre rationes a d declarada ea quæ sunt posita in definitione, quæ indigēt declaratione. Diuiditur autē hoc capitulū in tres partes. In prima igitur dicit philosophus, q̄ est cōsiderandū principium positū à nobis, nō solum ex cōclusionē quā attulimus de ipso, nec ex principiis tantum ex quibus profluit illa conclusio: sed etiā ex sententiis aliorum philosophorū de ipsa felici-

citate, & quia ex illis etiam apparebit definitionem nostram fuisse bene assignatam: & assert vñ  
 sententiam quæ est causa huius inquisitionis. Et nanque quod, &c. Hunc textum trahunt expo  
 sitores nonnulli, & violentè accommodant menti philosophi afferendo expositiones suas, qual-  
 dam sententias communes, quomodo omnia consonant vero, & quod in falsis etiam propo-  
 sitionibus, vt homo est lapis, latet etiã quoquo modo veritas. quæ omnia non bene accomodantur  
 huic proposito. Sententia philosophi in hoc loco non est cõmunis, sed ad propositum suum, f.  
 quod omnia quæ dicuntur verè de aliquare, concordant cum omnibus his quæ verè competūt  
 tali rei, quod autem falsò dicitur de aliqua re, illud certè discrepat ab omnibus vetè cõpetentib.  
 tali rei, vt exempli causa. Si quis diceret quod homini competit per se substantia, corpus, ratio-  
 nalitas & huiusmodi, verè diceret. At si quis diceret quod rudibile competit homini, & similia  
 falsò diceret, & tribueret ei tale, & citò apparet quod dissonat à vero talis sententia, quia talia nõ  
 conueniunt cum substantia, corpore animalis & cætera quæ cõpetunt verè, & per se homini, quia  
 homo est substantia animata sensitua, rationalis, non autem rudibilis. Eodè pacto ea quæ dican-  
 tur verè à philosophis de felicitate, conuenient statim cum nostris quæ verè tribuimus felici-  
 tati, scilicet dicendo, quod est operatio animi, & per virtutem, &c. Ea verò quæ non conueni-  
 unt cum nostris verè allatis, quàm primum constabit esse falsa. Non ergo assert vniuersalem senten-  
 tiam hic, vt volunt nonnulli expositores. Nec est verũ quod dicunt quod non est vlla ppositio ita  
 falsa, quæ non contineat aliquid veri. Hæc est autem propositio falsa. Substantia est qualitas, &  
 nullam habet veritatem. Sed est intelligendus textus vt diximus. Vnde si quis dixerit felicitatē  
 esse summum bonum: statim consonabit iis quæ verè tribuimus felicitati. Sin dixerit illam esse  
 malum, statim discrepabit. Notandũ quod philosophus in assignada definitione felicitatis at-  
 tulit plures conclusiones, quæ profuebat à quibusdā propositionibus tanquam ex principiis cõ-  
 clusionum, quibus declarabatur summum bonum humanum: ex conclusionibus verò emanabat  
 definitio felicitatis. Declarada est igitur ea, non solum ex cõclusionibus & principiis, sed etiam  
 ex opinionibus hominum, ex quibus ea quæ verè afferuntur bene consonant nostris tributis  
 felicitati, falsa verò discrepabant. [C V M igitur.] Hæc est secunda pars, in qua dicit afferendo opi-  
 niones philosophorum, quæ simul conueniunt, scilicet quod cum tripliciter diuidatur bona, scilicet  
 in bona animi, corporis, & externa: aliqui posuerunt bona animi esse principalissima, & maxi-  
 mē bona: sed felicitas est animæ bonum, ergo felicitas est summum, & maximē bonum. Itaque  
 isti qui posuerunt felicitatem in maximē bono, quod est animi, concordant nobiscum. quia nos  
 posuimus summum bonum esse operationem ipsius animi. [B E N E dicitur.] Afferit aliam senten-  
 tiam priscorum, quæ dicebant felicitatem esse bonum vt finis, & hæc cõueniunt cum nostra sen-  
 tentia quod probatur. omne quod est bonum animæ vt finis, est operatio eius. At nos posuimus  
 felicitatem esse bonum animæ vt finem, ergo ipsa est eius operatio. maior. Nam si felicitas subiti  
 rationem boni, ipsa erit vt finis. quod autem operatio sit talis finis patet. quia anima pergit ad o-  
 perationem tanquam ad finem suum vltimum per omnes suas potentias, per quas nihil aliud facit  
 quàm operari, & hoc intelligitur de omni anima. Hæc ergo sententia cõuenit cum nostra, qui  
 diximus felicitatem esse operationem, & esse bonum vt finem. Et patet quod talis finis nõ sit ex  
 externis, sed ex bonis animi. Notandum quod prisci dixere felicitatem esse bonum vt finem, &  
 rectè. Nam tria sunt genera bonorũ, & duo prima. f. externa & corporis feruntur ad bona animæ  
 tanquam ad finem ob quem ordinantur actus quidā: quia non omnes actus. Sunt enim aliqui ma-  
 li. [C O N S O N V M est etiam.] Afferit aliam sententiam antiquorũ, qui dixere quod felix est, qui be-  
 ne agit, & bene viuunt. Ista sententia videtur conuenire cum nostra. nam isti nihil aliud dicere vo-  
 luerunt: nisi quod felicitas est bona operatio & bona vita. Id quod dicitur. f. vna cõmuni sententia  
 philosophantium & aliorum. Notandum quod vita tripliciter dici potest. Vno modo pro actu  
 primo, qui nihil aliud est quàm ipsum esse viuētis, & sic dicit philosophus quod viuētibus est  
 esse, quod profluit ab essentia animæ, vel ipsa est anima. Vnde dicit in libro de anima quod ani-  
 ma est actus primus corporis, &c. Secundo modo sumitur p operatione quæ pfluit ab anima per  
 potentias eius. Primus modus pfluit tātũ ab essentia animæ nõ per potentias medias. secun-  
 dum verò actum pducit anima per medias vires, & potētias, & sic dicimus hominem viuere,  
 id est, operari vt intelligere vel sentire vel generare sibi simile in specie, & huiusmodi, vt ostendit  
 philosophus in libro de anima. Tercio modo accipitur vita p modo viuendi, nam solemus  
 querere quo pacto viuunt talis. i. quem habet modum viuendi, & quā conuersationē: & sic ibi sumit  
 philosophus vbi dicit quod vulgi ex modo viuendi suo credit felicitatem esse talem, aut talem,  
 vt qui amabant voluptatem dicebant felicitatem in voluptate consistere. Verũ hūc vita accipit  
 secundo modo. f. p operatione, quando dicit quod felicitas est bona vita. i. operatio, & ita cõ-  
 ueniunt nobiscum. [C V N C T A præterea.] Hæc est tertia pars, in qua postea quàm ostendit opi-  
 nionem eorum, qui eodem modo senserunt de felicitate conuenire cum sua, nunc enitur accommodare  
 suæ sententiæ opiniones aliorũ, qui diuerso modo senserunt de felicitate. Et primo enu-  
 merat opiniones eorum singulas. Deinde incipit asserere, & accommodare vnā illarũ, & est eorũ  
 qui posuerunt felicitatem in virtute vnā vel pluribus. Postea aliam opinionem eorum qui

67

68

69

70

addiderunt ipsis virtutibus voluptatem ad constituendam felicitatem. Demum affert opinionē eorum qui his addiderunt bona externa, & omittit eos, qui ponebant summū bonum, aut in voluptate tantum, aut tantum in bonis externis. nam antea has opiniones penitus reiecit, & nunc etiā posthabet, quia non conueniunt cum philosophi sententia. Dicit igitur in primis quod cuncta quae circa felicitatem variē à multis dicuntur, cum nostra sententia conuenire videntur: & affert tria, scilicet virtutem, prudentiam, sapientiam, quae sunt perfectiones trium potestiarum animae. Virtus quae hic accipitur pro morali est perfectio appetitus, prudentia est perfectio intellectus actiui, sapientia est perfectio intellectus speculatiui. Igitur perfectio hominis secundum opinionem istorum consistit, aut in vna, aut pluribus, aut in omnibus istis: & omnes istos enumerat, & ponit pro vna opinione, quia ii omnes conueniunt in virtute sine aliquo additamento. Deinde affert aliam opinionem eorum, scilicet qui addiderunt voluptatem ipsis virtutibus dictis, aut omnibus simul sumptis, aut alicui illarum. & dicit cum voluptate, aut non sine voluptate, propter haec rationem, quia aliqui dixerunt quod felicitas constabat ex supradictis virtutibus vel vna vel pluribus, & ex voluptate veluti ex parte eius essentiali, id est, ut felicitas tamquam quoddam totum aggregatum constitueretur ex virtute & voluptate, tamquam ex suis partibus essentialibus: quod innuit cum dicit, cum voluptate. Cum verò dicit non sine voluptate, innuit aliam opinionē, quae & verior videtur, & magis conuenire cum sua. Isti enim qui posuerunt felicitatem in illis virtutibus, aut vna aut pluribus, intellexerunt quod voluptas non sit de essentia felicitatis, sed quoddam quod oritur ex ea, & sequitur eam veluti pulchritudo ex bona complexione, & compositione partium corporis. & sicut umbra oritur ex corpore & sequitur ipsum: sic voluptas ex felicitate, & sic sequitur ea tanquam inseparabile accedens. & hoc intelligatur de bona voluptate, non autem de turpi. Affert deinde tertiam opinionem, scilicet eorum qui praeter haec quae posita sunt addiderunt felicitati bona externa. Post haec enumeratis opinionibus vult ostendere quod merito in illis est aliqua veritas, quia ista dixerunt aut multi & antiqui, aut pauci & praecleari. Multi quia non omnino vana est fama quam populi multi decantant, ut alibi inquit philosophus. Antiqui quia fuerunt propinquiore primordiis rerum, & naturae: ergo isti debent scire aliquam veritatem. Praecleari & praecleari etiam manifestum est quod debent scire aliquam veritatem. Aliqua igitur ex parte probandae bonorum sententiae. [E O R V M igitur sententiae.] Hac in parte philosophus incipit accommodare sententiae suae opinionem eorum, qui felicitatem, aut in virtute morali, aut in prudentia, aut in sapientia, aut in omnibus iis tantum collocabant, & primò ostendit quod conuenit in eo cum opinione sua, quia operatio secundum virtutem est aliquid virtutis, & à virtute oritur. Deinde ostendit quod sua sententia est melior, quia cum felicitas sit quiddam optimi, debet collocari potius in magis bono, quam in minus bono. Sed vsus & operatio est magis bonum, quam habitus & possessio. Fieri enim potest ut aliquis habitum habens nihil agat boni, ut dormiens vel aliter degens in otio. At qui operatur secundum virtutem necessarium agit, & producit aliquid boni. Melior igitur est actus quam habitus, & vsus quam possessio. Haec autem duo membra correspondēt, scilicet possessio & vsus, habitus & operatio. Sed non parum interest inter nostram sententiam & antiquorum. Nos enim volumus felicitatem potius consistere in vsu, quam in possessione, & actu quam habitu: illi autem econtra. Notandum quod est differentia inter possessionem vsusque, & habitum, & operationem. Possessio & vsus proprie dicuntur rerum externarum. Habitus & actus, aut animi, aut corporis. [A T Q V E ut in olympia.] Probat etiā exemplo quod sua positio in operatione est melior, quam illa antiquorum in habitu. Sicut enim athletae tantum conantur in olympia qui certant, & operantur, & non ii quauis sint fortissimi, qui otiosi spectantes certamina nihil agunt: sic operatores secundum virtutem sunt proprie appellandi felices, & non illi qui tantum habent habitum, & non operantur. Sunt enim felices in potentia propinqua, illi autem in actu. [I P S O R V M insuper.] Affert opinionem eorum qui dixerunt felicitatem consistere in virtute, aut virtutibus cum voluptate, aut non sine voluptate. Et primò ostendit quod felicitas continet voluptatem: inde quod felicitas est iocunda. Item quod est per se iocunda, praeter ea quod felicitas ita habet voluptatem, ut non indigeat ea tanquam aliquo extrinsecus adueniente. Demum quod felicitas non solum est iocunda, sed etiam bona, & pulchra: & postremo quod felicitas est quiddam optimum, & iocundissimum vt patebit, & in primis operatio animae continet voluptatem, quia percipere voluptatem est ipsius animae, & habentis animam sensiuam vel intellectiuam, non enim est animati anima vegetatiua. Nam plantae non sentiunt voluptatem. Item felicitas est iucunda, probatur quia id quod amatur ab vnoquoque ei est iocundum. At operatio secundum virtutem amatur à studioso, ergo operatio secundum virtutem est iocunda felici homini, & studioso viro: maior declaratur à philosopho inductione. Nam equus amatori equorum, & spectaculum, &c. Minor quoque est manifesta. Item felicitas est per se iocunda, probatur. Id quod est sua natura iocundum, est per se iocundum. Sed operatio secundum virtutem est sua natura iucunda, ergo, &c. Nam ea quae multitudini videntur iocunda, sunt repugnantia inter se, quia quandoque delectant, quandoque molestant afferunt: & causa est, quia non sunt de se, & natura sua iocunda. Si enim eis natura inesset iocunditas, nunquam eam amitterent,



sed semper essent iocunda. Sed talia multitudinis, nostra sententia, nunc sunt, nunc non sunt iocunda, sed mutantur secundum rationem ætatum, & conditionum, & hoc est, quia illa non sunt naturaliter, & per se talia. Sicut ea quæ semper delectant bonos, & sapientes viros ad quos pertinet, & quorum est verum & incorruptum iudicium de rebus, & propterea, id est natura iocundum, & semper iocundum, & per se iocundum, quod est eis voluptati. Id autem est præcipue felicitas, & operatio à virtute. Item ipsorum vita non indiget voluptate, quia felicitas ita in se habet voluptatem vt non indiget ea veluti aliquo foris adueniente, & peregrino quodam. Hoc probatur, quia si felicitas per se sola sumatur separata ab omnibus alijs, habet in se voluptatem. Operator enim cuiusque virtutis gaudet cum operatur secundum illam, vt iustus cum operatur secundum iustitiam. Quod si non gauderet non esset iustus, aut studiosus: sed aut vi, aut simulatione, aut aliter aliæque de causa operaretur. Quare felicitas, & operatio secundum virtutem habet in se voluptatem. Item felicitas est non solum iocunda, sed etiam bona, & pulchra, & honesta, quia sic sapiens, & studiosus iudicat iudicat autem bene, quia ipse est tanquam mensura talium operationum. Vt enim pictor de figuris sic prudens, & studiosus de actionibus. Item optimum, & pulcherrimum, & iocundissimum est ipsa felicitas. Nam ea quæ tribuunt felicitati, per se debent tribui in summo gradu. At felicitati bonitas, iocunditas, pulchritudo per se tribuuntur, vt supra ostendimus, ergo hæc felicitati sunt tribuenda in summo gradu: non enim debet tribui superlatiui nisi summis rebus: at felicitas est summum bonum, & tale est operatio secundum virtutem: ergo operationi secundum virtutem sunt ista tria in summo gradu tribuenda, & simul, & non alterum sine altero, separanda ea sicut facit deliacum carmē: in quo tribuitur iustitiæ pulcherrimum, & accommodatē si intelligatur pro operatione secundum iustitiam, quæ est, & dicitur tota virtus. & optimum tribuitur sanitati, accommodatē etiam si intelligatur de sanitate mentis. & iocundissimum dicitur re amata potiri, accommodatē etiam si talem rem intelligamus felicitatem, quæ maxime est amore digna. Sed nos dicit philosophus, non separamus hæc, sed omnia simul tribuere debemus felicitati. [VIDETVR tamen.] Hac in parte assert vltimam opinionem eorum, qui præter ea superius allata asserbant etiam, & adiungebant externa bona, & videtur accommodare sententiæ suæ. Si enim consistit in operationibus animi secundum virtutem, &c. Ad exercendas autem operationes indigemus bonis externis vt instrumentis, ideo videbitur indigere bonis externis: & enumerat plures species bonorum externorum vt amici, & cætera, quæ si desint tanquam instrumenta videtur felicitas quodammodo minui vel potius impediri, felicitas inquam ciuilis. Et addit quod nonnulli adeo putarunt bona externa cōferre ad felicitatem vt eis prospere vt i idem esset penē, quod felicitas, & qui bonam, & secundam fortunā felicitatemque in eodem ponunt, & alii tamen qui virtutem, & felicitatem idem putant. Notandum quod felicitas vt ad hoc propositum spectat duobus modis considerari potest: aut vt cōfici habentem, & est ad seipsum, & sic videtur de se esse sufficiens sine vlla alia accessione. Aut cōsiderari potest vt est ad alios, & tunc est felicitas ciuilis quæ videtur esse aggregatum ex tribus illis generibus bonorum, & de tali videtur loqui philosophus cum dicit quod videtur indigere externis bonis, id est de felicitate, & felici ciuili. & ita huic finē tractatui imponit, in quo asserendo primo plures opiniones, venit postea ad definitionem summi boni secundum sententiam suam posthabitis alijs & confutatis: deinde cōfirmat suam definitionem ex dictis aliorum, seligendo ea, quæ bene dicta sunt ab illis, & accommodando suæ definitioni, vt ex hoc ostendat melius sensisse, quam cæteros, & non penitus dissensisse à cæteris.

## De modo assequenda felicitatis.

## Cap. IX.

Vnde & dubitatur, vtrum disciplina, an assuetudine, an alio quodā modo per exercitium acquiri possit, an aliqua diuina sorte, an & ob fortunam proueniat. Si igitur & aliquid aliud deorum est munus hominibus: consentaneum est rationi, & felicitatem à diis ipsis dari, & eo magis, quo cæteris humanis bonis est præstabilius. Verum hoc ad aliā magis cōsiderationē forsità pertinet. Videtur tamē, & si nō à diis immortalibus mittitur, sed virtute disciplinæ quadam vel exercitio cōparatur: diuinissimū esse. Præmium enim, finisque virtutis, optimum & diuinū quiddam ac beatum esse videtur. fuerit etiam & multum cōmune. fieri nanque potest vt disciplina quadam ac diligentia ab vniuersis iis comparatur: qui nullo principio labefactato, idonei sunt ad consequendam



78 virtutem. Quod si melius est hoc modo quam ob fortunam felicē esse, rem ita sese habere consentaneū est rationi. Siquidem ea quæ sunt secundum naturam, vt quàm optimè sese habere possunt, sic se habent suapte natura: & ea similiter quæ per artem conficiuntur, atque à quacunque proueniūt causa, & ea maximè quæ à præstabilissima proficiuntur. id autem quod maximum atque pulcherrimum est, fortunæ tribuere, valde erroneū est. Patet etiam ex ipsa ratione quod queritur. Dicta est enim  
 79 operatio animæ per virtutē. Cæterorū autem bonorū alia inesse necessariū est, alia adiuuant: suntq; vtilia, vt instrumenta. Hæc & iis cōsona sūt quæ in principio diximus. ipsum enim finem facultatis ciuilis optimū ponebamus. hæc autem magnā adhibet diligentia vt ciues ipsos disponat, bonosq; faciat, & ad honestas res agendas idoneos reddat. Merito  
 80 igitur nec bouem, nec equum, nec aliud quicquam animātium dicimus felix, quippe cū fieri nequeat vt ipsorum quicquam talis sit particeps operationis. Hanc autem ob causam neque puer est felix. Nondū enim  
 82 est idoneus ad res tales agendas propter ætatem. qui dicuntur felices, ob spem dicuntur. est enim opus (vt diximus) & perfecta virtute, & perfecta etiam vita. Multæ nanque mutationes in vita sunt: variæque fortunæ: atque fieri potest, vt is qui maximè bonis abundat, in magnas incidat in senectute calamitates: vt in heroicis de Priamo dicitur. eum autem qui tali fortuna est vsus, & miserabiliter obiit: nemo felicem dicet.

*Commen.*

75 **V**NDE & dubitatur. Hic est tertius tractatus huius primi libri, in quo declarat tria, quæ videntur sequi post definitionem felicitatis. Primum à qua causa effectiua proueniat ipsa felicitas. Deinde in quo ea sit tanquā in subiecto. Tertio in quo tempore dicatur quis esse felix: quod videtur innuissē per eam partem definitionis. In vita perfecta. Diuiditur autē hic tractatus in tria capitula. In primo tractat de causa efficiente ipsius felicitatis, & eius subiecto. In secundo tractat quo in tempore aliquis dicatur esse felix. In tertio declarat quomodo posteriorū fortunæ conditionēque pertineant ad felices iam mortuos. Primum etiam capitulum diuiditur in duas partes. In prima autem parte ista querit primò, & enumerat causas à quibus videtur posse prouenire felicitas. Deinde ponit à qua causa proueniat, & à qua non proueniat. Querit igitur in primis vt diximus à qua causa tanquam effectiua proueniat felicitas: quæ dubitatio videtur oriri ex paulo antè dictis, & allatis: cū dicit quoddā felicitatem ponunt idem cū virtute: alii verò nonnunquam dicunt esse idem cū bona fortuna: quorū duorum alterum videtur esse quid externū. scilicet fortuna, alterū quid internū. scilicet virtus. Merito igitur queritur vtrum felicitas oriatur à causa interna an externa. Causam autē internā explicat per illa tria. scilicet per disciplinā, assuetudinē, exercitiū. Causam verò externā explicat per illa duo. scilicet per diuinā sortem, & per fortunā. Cū verò queritur vtrū felicitas possit acquiri per disciplinā: est querere vtrum ea possit acquiri vt sciētia, quæ per doctrinā discēdo acquirūtur: per assuetudinē veluti virtutes: quæ non doctrina, sed assuetudine acquirūtur agēdi, & p̄ducendi operationes studiosas, per exercitiū est querere vtrū acquiratur, vt nonnullæ artes vt saltandi, citharizandi, & similiū p̄ longā exercitationem. scilicet pulsandi citharā vel saltandi. Ista igitur dicitur interna, quia sunt in nobis, & in nostra potestate collocata. Sors autē diuina, & volūtas dei, tum etiā ipsa fortuna manifestū est quæ sunt extraneos, & quicquid habetur à deo vel à fortuna non est in nostra potestate, sed videtur esse minus ab illis. [Sic igitur & aliquid.] Hac in parte philosophus incipit ostendere primò quod felicitas prouenit à causa diuina, deinde quod prouenit à causa humana: præterea quod non prouenit à fortuna: postremò quod non prouenit à fortuna, sed à causa humana. Dicit igitur in primis, quod si aliquod munus est hominibus datū à deo, cōsentaneū est rationi id esse felicitatē. Etenim in nobilissimum effectus debet p̄duci à nobilissima causa, sed felicitas est huiusmodi, ergo, &c. Nam & hoc præci-

pue cōfirmari videtur, quia felicitas est prestantissimū quiddam omnium rerū humanarum. At nonnullæ res humane sunt nobis datæ à deo: ergo multo magis ipsa felicitas cū excellētiō sit cæteris rebus à deo datis: vt viuere, & alia sunt huiusmodi quæ sunt ignobiliora felicitate & ipso bene viuere. i. bene operari, ergo multo magis ipsa felicitas. Nā quanto donū est præclarior, eo magis videtur esse cōueniens deo. Sed omittit tamen istam cōsiderationē: quia nō videbatur esse presentis speculationis, sed potius primæ philosophiæ, vbi tractat de pudentia diuina. [v. I. DE TVR. tamē.] Hac in parte ostēdit q̄ felicitas puenit à causā humana, & innuit talē rationē. 77

Illud quod acquiritur hominibus virtute, aut doctrina, aut assuetudine, aut aliquo exercitio, cōparatur à causā humana. sed felicitas p̄ficiscitur à virtute: aut ab assuetudine, aut aliquo huiusmodi diuturno à causā humana. Hanc rationē videtur innuere philosophus p̄ verba sua, & simul repellere obiectionē tacitam, qua quis dicere posset: videtur q̄ felicitas sit res diuina: ergo non videtur p̄fluere à causā humana. Dicere autē videtur philosophus, q̄ & si felicitas p̄ficiscitur à virtute vel aliquo huiusmodi. tamē videtur esse res quādā diuina: cū sit præmiū, & finis tam præclarior boni, quale est ipsa virtus, & quasi istud excedat ipsam virtutē oportet vt sit quasi aliud diuinum, p̄pter excellentiā suam, & supereminētē conditionē. Notādum q̄ felicitas, & si primū, & maximē videtur p̄ficisci à deo, tamē secundariō p̄ficiscitur etiā à causā humana, tāquam à p̄pina qua. Nam quādā prouenit à deo sine nostra operatione vt esse & viuere, & potētia operis dī, & huiusmodi. quādā sunt quæ pueniunt à deo, tamen cōcurrimus etiā nos, vt est virtus, felicitas & huiusmodi. Nullus enim habitus acquiritur à nobis sine causā diuina quæ est vniuersalissima, & principalissima causā omnium à deo, vt nullus effectus possit fieri apud nos sine ipso, & magis cōcurrit illa, quā alia causā particularis. per illam rationē, q̄ cū causā sit ordinatæ alia sub alia, semper vniuersalis, & primaria causā magis cōcurrit quā illa quæ est sub ea. i. particularis, & secundaria. Sciendū tamen q̄ deus non cōcurrit vllō pacto ad vitia, nec ad actiones vitiosas, quia vltra operationē continēt defectus, cuius nullo modo est auctor deus. Dicendū est igitur q̄ felicitas p̄fluit à deo tāquā ab vniuersali causā, & ab homine tanquā à causā particulari & p̄pina. Notandū q̄ præmiū est duplex. scilicet internū & externū, internū est ipsa felicitas: quæ licet respiciat externas res: tamē remanet in animo: & dicitur interna. præmiū verō externū est, honos, magnitudo, potētia & huiusmodi: philosoph⁹ autem intellexit hīc de præmio interno. scilicet de felicitate quæ est egregiū præmiū, & nobilissimā ipsa virtute, & est præmiū vt finis, honos verō vt id quod est ad finē, & nō finis. Est etiā & valde cōmune: p̄bat eandē sententiā. scilicet quod videtur p̄fluere à causā etiā humana, cū felicitas sit quid valde cōmune. scilicet vt possit acquiri. Potest enim cōparari à cunctis qui nō habent læsum principii rerum agendarū, ita vt sint inepti ad cōsequendā felicitatē. quasi dicat, q̄ felicitas est posita in nobis, & possumus omnes eā acquirere, nisi sit in nobis principii labefactatū, ergo est à nobis, & à causā humana, & deus vt diximus est principalis causā, & vniuersalis. homo autē causā est particularis, homo inquam qui nō sit læsus, nec habeat principii aliquod labefactatū, veluti quod sit in eo læsa, aut imaginatiua aut cogitativa, aut memoria. Intellectus autē non læditur nisi per accidens. scilicet si lædantur aliqui sensus, aut interni, aut externi. Nā omnis habitus ortū habet à sensibus externis per medios internos. Quod si aliquis lædatur sensus, quo necessario vtamur in his acquirendis, quæ sunt causā felicitatis: talis carens eo nō videtur aptus, neque habilis ad felicitatē. [Q V O D si melius.] Hac in parte philosophus ostēdit q̄ felicitas nō puenit à fortuna tanquā à causā effectiua, est enim causā effectiua duplex. scilicet per se, & per accidens. Cū igitur felicitas sit nobilissimus effectus, non prouenire potest, nec debet ab ignobilissima causā. Talis autē est causā per accidens. i. ipsa fortuna. Nam nobilissima causā potest bene producere nobilem, & ignobilem effectum. Vt sol generat hominem & ranam. Sed non e contra ignobilis causā potest producere nobile effectum. Nam mouēs centum potest mouere decem: non autem e contra: non ergo felicitas prouenit à fortuna. Hoc etiā probatur ex ijs quæ sunt à natura vel ab arte. Nam ea quæ sunt à natura bene se habēt: cū ita sunt, vt sunt apta nata fieri ab ipsa natura. Eodē modo quæ sunt ab arte, malē autem cū digrediantur ab ordine naturæ vel artis, vt per accidēs fiant. duæ enim videtur esse causæ per se quo ad hoc propositū spectat. scilicet natura & mens: duæ per accidens. scilicet casus & fortuna. Casus est cū sit aliquid præter intentionē naturæ, veluti cū oritur aliquis habens sex digitorū manum, quā natura intendebat facere cū quinq̄: fortunæ dicitur cū sit aliquid præter intentionē mentis, vt si quis effodiat terram vt ponat vites, inuenit postea thesaurum præter intentionē, & in artibus si quis pingat manū cum sex digitis labente penicillo, quā intendebat pingere cū quinq̄e digitis. Itaque tū omnia bene se habent, cū sunt à causā per se eo modo quo melius fieri possunt, & vnaquæque res quæ bene fit, puenit à quā meliore causā potest, æquum est p̄fectō felicitati quæ est nobilissimus effectus, tribuere nobilissimā causā humanā, vt est mens, causā inquam per se, & nō fortunam quæ est causā per accidens, vt latē ostenditur à philosopho in libro physicorum. [P A T E T etiam & ex definitione.] Duplici ratione iterum ostēdit quod felicitas oritur à causā humana, & non à fortuna. Prima ratio est talis: omnis operatio animi per virtutē est effectus qui

77

78

79

prouenit à causa humana. at felicitas est huiusmodi, ergo, &c. etenim operatio talis non est nisi ab homine. quod autem sit operatio animi patet ex definitione eius iam assignata antea. [Q V A L I S quædam.] per hoc videtur innuere quod felicitas sit in genere qualitatibus. i. esse qualitate quædam, & in specie qualitatibus vt ostendit quod cum sit ab habitu, est tota simul, & non res successiua quæ acquiratur per partes. Potest etiam dici quod philosophus velit ostendere quod felicitas non sit à fortuna ex eo, quia aliquis dicere posset quod bona externa connumerantur cū bonis: ex quibus constituitur felicitas ciuili: ergo felicitas oritur à fortuna. Ideo diuidit illa bona, & dicit quod felicitas præcipue consistit in bonis animi, vt patet ex definitione nostra. Cæterorum autem bonorum alia sunt corporis quæ oportet præsupponere, alia fortunæ quæ conferunt tanquam instrumenta.

Verum bona animi sunt illa propria quæ videtur esse de essentia felicitatis vt diximus. [H A E C consona etiam.] Hic etiam ostendit philosophus quod felicitas est à causa humana. Nam nos inquit posuimus finem ciuili discipline esse optimum. i. summum bonum ac felicitatem. Sed ciuili disciplina est res humana, & causa humana: ergo felicitas est à causa humana. quod autem ciuili disciplina sit causa humana probat dicendo, quod ciuili diligenter versatur circa homines vt eos bonos efficiat. Sic igitur patet quod felicitas prouenit à causa humana. [M E R I T O igitur nec bouem.] postea quædam ostendit quod felicitas prouenit à causa humana, & non omnino à diuina, nullo autem modo à fortuna: hac in parte affert quoddam ortum ex dictis. scilicet quod felicitas consistit tanquam in subiecto in homine, & non in quocunque homine, sed ætatis perfectæ: & non quandoque, sed in vita perfectæ. Ostendit autem primo quod felicitas non est in brutis, deinde quod non est in pueris. scilicet: demum quod est in homine habente virtutes perfectas in vita perfectæ. Dicit igitur in primis quod ille qui non potest operari per virtutem non potest esse felix. at bos, asinus & alia huiusmodi non possunt, nec sunt apti ad operandum per virtutem, ergo, &c. Notandum quod felicitas est quoddam accidens perfectissimum, & non potest stare sine subiecto. Quæredum est igitur de subiecto felicitatis quod habeat in se causam per quam felicitas possit inesse, incipit à negatiuis. i. ab his quæ non possunt habere, & omittit inanitates naturalibus & vegetatiuis, in quibus notissimum est non esse felicitatem, incipit à sensitiuis, quæ habent appetitum per quem videntur posse moueri ad aliquid operandum. Cum verò felicitas sit operatio animi per virtutem quæ virtus regulat appetitum vel perficit ipsum, remouet hoc à brutis: quia & si moueantur, & operentur per appetitum, tamen eorum appetitus non potest regulari à ratione: quia eam non habent, & per consequens non possunt habere virtutem, quæ est causa felicitatis, ergo non possunt esse participantes huius operationis procedentis à virtute, quæ operatio dicitur esse felicitas. Si igitur vt ostendimus, bruta non possunt habere in se causam, per quam felicitas possit inesse illis tanquàm accidens in subiecto, merito patet bruta non esse subiecta felicitatis. [H A N C autem ob causam.] Nunc ostendit de rationalibus quæ sint. i. qui homines non possunt habere vel suscipere in se felicitatem. Ii autem sunt pueri. Nam qui nondum per ætatem sunt apti ad producendas operationes studiosas non possunt suscipere felicitatem. At pueri sunt huiusmodi, ergo, &c. Non igitur bruta nec pueri possunt habere, sed tamen hoc sit diuerso modo. Bruta namque non possunt regere appetitum ratione, quia non habent: pueri verò habent sed imperfectam, id est nondum ea perfecte vtuntur: ideo, &c. Et qui puerorum dicuntur, si quis diceret quod nonnulli pueri possunt appellari felices: ergo possunt esse in ea ætate subiectum felicitatis. remouet hanc obiectionem philosophus, & dicit quod si appellamus eos felices, hoc est quia dicuntur felices ob spem, & non quia in ea ætate sint actus felices, sed in potentia ad felicitatem in ætate cõgrua. Dicitur autem proprie res talis cum est actus talis: vt albus cum habet albedinem in se, & non cum est in potentia ad suscipiendam albedinem. Sic etiam felix cum actu habet felicitatem, & non cum est in potentia ad eam. [E S T enim opus.] Philosophus sepositis illis, qui non possunt esse subiectum felicitatis: nunc ostendit qui sint illi homines, qui possint appellari felices, declarando quod sunt ij qui habent virtutem perfectam in vita perfectæ. & notandum quod illa pars (est enim opus perfecta virtute) deferuere, & accommodari posse videtur, & superiori, & huic parti: superiori, vt sit ratio quæ pueri non possint esse felices in pueritia, quia non habent virtutem perfectam, vt est opus habere: huic parti vt sit ratio ostendens quod homines qui sunt in ætate cõgrua possunt per rationem perfectam acquirere virtutem, quæ est causa felicitatis. deinde addit, & vita perfectæ, vt ostendat quod non sufficit habere perfectam virtutem ad hoc vt homo possit esse felix, & subiectum felicitatis nisi illa sit diuturna vel durauerit vique ad finem vitæ, postea quàm sit eam adeptus. nam si inciderit in erumnas Priami, & impediatur à maximis calamitatibus, non poterit exercere operationes secundum virtutem quam habet: nec esse subiectum felicitatis. Et per hoc videtur loqui philosophus hic de felicitate, non speculatiua, non actiua tantum quæ est sui ad seipsum, sed de actiua ciuili, quæ sola videtur indigere externis bonis ad exercendas operationes felicitatis. Ex his omnibus perspicitur quid sit subiectum felicitatis, non bruta, non pueri, non homo sine virtute, non homo cum virtute in maximis calamitatibus constitutus, sed homo qui habet virtutem perfectam, id est prudentiam in vita perfectæ, id est vique ad finem vitæ, & talis est subiectum felicitatis, quia habet causam, id est virtutem in se per quam potest sibi inesse felicitas præsertim ciuili vt diximus.

ἡ δὲ πε-  
λὸς ἐστὶν.



καὶ τοῖς  
ἀφ' ἑμῶν  
σι.

καὶ περὶ  
ἡ δὲ περὶ  
de Eras. in  
proverb.  
Quadrat<sup>9</sup>  
hō. item,  
Lud. Cae-  
liū in an-  
tiq. lectio-  
nibus lib.  
10. cap. 14.

ST ne igitur nec vnus alius hominū felix quandiu viuit dicen-  
dus: sed Solonis sententia\* finē spectare oportet: Quòd si & ita  
ponendum est. tum felix est cū ē vita discesserit: an id absur-  
dum est penitus, nobis ipsis præsertim qui felicitatem operatio-  
nem quandam dicimus esse: Quòd si mortuum felicem nō dicimus, ne-  
que Solon id vult: sed tunc dici beatum hominem tutò posse, quia iam  
est extra omnia mala, calamitesq;. Habet quidē & hoc cōtrouerfiā quā-  
dā. Mortuo nanq; bonū & malū videtur aliquid esse: siquidē & viuenti  
nō autē sentiēti vt honores, infamiā, & filiorū posterorumq; omniū pro-  
speritates atq; aduersitates. Dubitationē autē & hæc afferunt. ei nanque  
qui ad senectutē vsq; beatē vixit, secūdumq; rationē decessit, multas cir-  
ca posteros accidere mutatiōes cōtingit, & alios ipsorū esse bonos, vitāq;  
cōsecutos esse pro dignitate: alios cōtrā. cōstat autē\* & distātiis ad parē-  
tes, multis variisq; modis ipsos sese habere posse. absurdū igitur est, si de-  
functus simul etiā mutaretur: & nunc felix fieret, nunc miser. absurdum  
est etiā & minimē, nec aliquod ad tēpus posterorū ad parētes res pertine-  
re. Sed redeundū est ad id quod prius est dubitatum. ex illo nanq; & id  
quod nūc quæritur, fortasse perspicietur. si igitur finē spectare oporteat,  
& tunc beatū dicere quenquā, nō quia beatus tunc est, sed quòd prius e-  
rat: quo pacto nō est absurdū, si cū est felix, nō verē de ipso dicetur quod  
ineff. Quia viuētes dicere beatos ob mutatiōes nolumus: & quia felicitā-  
tē quidē stabile quiddā, nulloq; modo facili mutabile esse putamus: for-  
tunā autē in eisdē sæpe reuolui. nā si fortunā sequamur, sæpenumero feli-  
cē ac miserum eundē dicemus, Chamæleontē quendā ostendētes ipsum  
felicem esse, ac debiliter collocatū. An fortunam sequi nullo modo est re-  
ctum? Non est enim in ipsā bene vel malē viuere situm: sed indiget hu-  
mana vita ipsius, vt diximus. Operationes autē eē quidem quæ à virtute  
proficiscuntur, felicitatis: eæ verò quæ sunt contrariæ contrarii dominæ  
sunt. attestatur huic sentētiæ & id quod nunc dubitauimus. etenim nul-  
lis in operibus humanis tanta est firmitas quanta est in operationibus  
iis, quæ à virtute proficiscuntur. hæ nanq; stabiliores & scientiis ipsis  
esse vidētur. harum autem ipsarum eæ quæ cæteris antecellunt, maximē  
stabiles sunt: propterea quòd in his ipsi beati, & maximē, & continuatissi-  
mē viuunt. Hoc enim simile est causæ: vt ipsarum non fiat obliuio. id  
igitur quod quæritur: competet ipsi felici, & erit talis per vitā. nam sem-  
per aut maximē ea aget & contemplabitur quæ prodeunt à virtute, for-  
tunamq; feret pulcherrimē: & omni ex parte concinnē ac æquabiliter.  
quippe qui verē bonus\* atq; quadratus est sine vituperatione. Cū au-  
tem a fortuna multa eueniant, & magnitudine, paruitateq; differant:  
parua quidem siue sint secunda siue aduersa, constat non facere vitæ  
momentum: grandia verò ac multa, si secunda sint, beatiorem vitam

54 efficiūt, quippe cū ad decorādū sint apta, & vsus ipsoꝝ pulcher, studio  
 susq; fiat, sint aduersa: præmūt, leduntq; vitā beatā. afferūt enim dolores  
 55 & multas operatiōes impediūt. Attamē & in iis ipsīs pellucet ipsa hone-  
 stas: cū multas quispiā ac magnas aduersitates facīle perferat: nō ob insen-  
 sibilitatē, sed quia generosus est atq; magnanimus. Quōd si operationes  
 dominæ sunt (vt diximus) vitæ, nemo beatorū fuerit miser. nunquā enim  
 odiosum quicquam atq; improbū ager: eū enim qui verē bonus est, atq;  
 prudēs, fortunā omnē decorē perferre, pro facultatēq; rerū sēper res pul-  
 cherrimas agere: vt & ducē bonū præsentibus vti castris ad optimē gerē-  
 dū bellū, & bonū itē futurē ex sibi datis pellibus pulcherrimū conficere  
 calceū, cæterosq; omnes identidē artifices arbitramur. quæ cū ita sint,  
 miser quidē nunq̃ fuerit ipse felix. Beatus tamē nō erit, si in Priami cala-  
 mitates incideret. nec igitur varius, facileq; mutabilis erit. neq; enim ex  
 felicitate facīle aut à quibusuis: sed ab ingētib; & multis aduersitatibus  
 dimouebitur: & ex talibus nō in paruo, sed in lōgo quodā perfectō vt tē-  
 56 pore rursus fuerit felix. magnas in eo res, præclarasq; nactus. Quid igitur  
 obstat eū felicem dicere: qui per virtutem operatur perfectam, & bonis  
 57 externis satis abundat, non quouis in tēpore, sed in vita perfectā? An ad-  
 dendum est: & ita est victurus, & secūdum rationem moriturus? quippe  
 cū futurum quidem incertum sit nobis: felicitatem autem \* finem, &  
 omnino perfectam omni ex parte ponamus. Quōd si ita sit, viuentium  
 eos quibus ea quæ diximus & insunt & inerunt beatos dicemus: beatos  
 autem homines. Sed de his quidem eo vsque sit definitum.

πῶς  
 πῶς

Commen.

84 **E**ST ne igitur nec alius quisquam. Hoc est secundū capitulū hui' tertij tractatus, in quo ostē-  
 ditur quādo aliquis potest appellari felix, & quo tēpore. & diuiditur in duas partes. In prima  
 querit utrū in vita dū aliquis est felix, an post mortē aliquis debeat appellari felix. In secūda  
 ostendit q̃ in vita dū aliquis est felix potest appellari felix: dicit igitur in prima, & continuatur  
 hæc pars cum precedenti. dixerat enim suprā, q̃ si quis inciderit in erūnas Priami, & in illis con-  
 stitutus, obierit, si non debet, nec solet appellari felix, queritur an quisquam dū viuūt possit ap-  
 pellari felix, an sic expectare oportet exitū vitæ iuxta Solonis sententiā, qui Atheniēsis fuit, &  
 vnus ē septē sapiētibus, & legulātor. Nec alius quisquā. q. d. nō solū illū, qui inciderit in calamita-  
 tes Priami, sed etiā aliq̃ aliū, quicunq; sit, possumus ne appellare felicē? Sed cū Solō dicit q̃ o-  
 portet spectare finē. Hoc duobus modis videtur posse intelligi, aut q̃ in vita nō sit felicitas, sed  
 statim post mortē: aut q̃ oportet spectare finē, vt post mortē asseramus ipsum fuisse felicē, cum  
 iam constitutus est extra omnes calamitates, quibus subiectus videbatur dū erat in vita. Ad pri-  
 mum modum dicit philosophus, q̃ si ita ponatur. Vt statim accedat felicitas post mortē, hoc est  
 alienū à positione nostra, qui ponimus felicitatē in operatione quadam. scilicet virtutis, homo autem  
 mortuus nō potest operari secundū virtutē, secundū positionem, & definitio nē nostrā de felici-  
 tate. [Q. V. O. d. si mortuum.] Capit nunc secundā expositionem dicendo q̃ si spectare finem non  
 85 est intelligendum eo modo quo superius diximus, nec ita volebat Solon, sed eum felicem post  
 mortem intelligere volumus ex eo, quia est positus extra calamitates, & res aduersæ ad eū perue-  
 nire non possunt: hoc enim non videtur acceptandū. nam ille non videtur extra calamitates con-  
 sistere ad quem bona, & mala possunt accedere. Sed ad hominem mortuum possunt bona, & ma-  
 la accedere: ergo, & c. Hoc ostendit exemplo viuorum, qui non sentiunt, veluti aliquis procul à  
 patria, qui sortitur aliquem honorem, vel efficitur multa, & quamuis ignoret, & nō sentiat talia,  
 tamen bonum, & malum suum esse videtur, & accedere ad illū, ita etiā post mortē similia videntur  
 ad mortuū posse accedere. quare si in vita non est tutū aliquem appellare felicem ex eo, quia  
 potest calamitates subire: nec etiā post mortē eo pacto quo diximus. extra mala. id est extra vitia:  
 extra calamitates, scilicet aduersæ fortunæ. Et ideo est dicendus felix post mortē sentētia Solon-  
 is, quia nō potest exercere vitia, nec subire fortunæ calamitates, quia fortuna eo modo quo su-



mitur à philosopho non habet locum in mortuo. [DVBITATIONEM autem & hæc.] Sensit  
philosophus in confutando superiore rationem se dixisse bona, & mala transire ad mortuos,  
& cum hoc videatur habere dubitationem, ideo affert eam, & in hac parte non soluit, sed soluet  
postea in sequenti capitulo: ostendit autem hic dubitationem oriri ex dictis, quia si prosperita-  
tes aduerfitatesque transiant ad mortuos, tunc sequetur quòd mortuus, quandoq; erit felix, quò-  
doque miser, & vno eodemque tempore vnus atque idem erit felix & miser: si postea filiorum fi-  
lij sint boni, tunc rursus fiet felix: sin verò eodem tempore partim sint boni, partim mali, erit  
ipse eodem tempore felix, & infelix. ex quo videtur absurdum ponere quod ex tali mutatioe re-  
& suorum defunctorum nunc felix, nunc miser fiat, erit etiam absurdum dicit philosophus, si  
dixerimus res posterorum non pertinere ad parentes. Itaque vno modo dicatur: videtur oriri du-  
bitatio quam nunc relinquit, soluet autem in alio capitulo. [SIGITVR finem.] Resumit sen-  
tentiam Solonis secundo modo expositam, scilicet quòd post ipsam finitam possimus aliquid  
felicem dicere securè, & tutò & non prius, & eam refellit. Dicit igitur si secundum opinionem  
Solonis expectandus est exitus vitæ, & tunc appellandus est aliquis felix, non quòd tunc sit, sed  
quia antea erat in vita, quomodo nò est absurdum? quasi dicat quòd est absurdum asserere, quòd  
dum aliquis est felix non potest dici verè de ipso, hic est felix. Nam omnis propositio de præte-  
rito est vera, quando id in aliquo præsentis fuit verum: si ergo diceret, Socrates fuit albus, & nulli  
tempus fuisset præsens in quo Socrates fuerit albus, nūquam poterit esse vera ista propositio af-  
firmatiua de præterito, scilicet Socrates fuit albus: sic igitur quando aliquis in vita apparebat fe-  
lix, & tamen nullum tempus fuit tunc in quò verè potuimus dicere, hic est felix, propter cala-  
mitates quæ accidere poterant: quomodo verè possumus dicere post exitum vitæ de præterito,  
hic fuit felix? nunc appellandus felix non quòd sit nunc, sed quia antea fuit, quomodo non li-  
cuit antea id dicere dum erat felix? quasi dicat hoc non potest dici de præterito si nūquam in præ-  
sentis idem dici potuit verè, quare videtur absurdum dicere, vt dicebat Solon, quòd in exitu vitæ  
poterat aliquis appellari felix, & nondum erat appellandus felix in vita propter impendentes ad-  
uerfitates. nò enim est bona ratio ista Solonis: in qua locabat vim opinionis suæ. quòd nò prius  
quàm in exitu vitæ aliquis erat appellandus felix propter fortunæ mutatioes, quæ accidere pos-  
sunt in vita, quia felicitas debet esse aliquid stabile, & non leuiter mutabile nec consistens in te-  
meritate fortunæ: vt nunc etiam dicit inferius. nam si sequamur fortunam sæpe felicem, & pos-  
tea miserum eundem dicemus veluti chameleonem. Chameleon enim est animal paruo leoni  
simile: quò non videtur habere proprium colorè, sed cuiusque colori adheret talis coloris apparet,  
& hoc penè circa omnes colores sibi accidit, veluti si rubeo adheret apparet rubeus, & sic non  
permanet in eodè colore. dicitur autem chameleon. i. *χρ. λεων*. i. humileon. Est enim vt dixi-  
mus quasi parvus leo. [AN fortunam sequi.] Hæc est secunda pars principalis huius secundi ca-  
pituli: in qua postquam illam opinionem Solonis improbauit quibusdam sententiis, nunc eam re-  
fellit, & soluit omnino assignando rationes quare aliquis in vita debeat appellari felix. ostendit  
autem primo quòd felicitas est in vita soluendo rationem Solonis: deinde aliarationem eandè co-  
clusionem vel sententiam, scilicet quòd felix erit in vita, & non solum in vita, sed etiam per totā  
vitam. Præterea ostendit quòd qui adeptus est felicitatem nunquam erit miser, & si accidere po-  
test vt non sit beatus, & quòd felicitas non facile amittitur. dum concludit quòd ii sunt dicendi fe-  
lices, tamen vt homines qui perfectè operantur, & in vita perfecta vt patebit. dicit igitur in pri-  
mis quòd felicitas non est sita in potestate fortunæ, sed in nostra, & est res stabilis & firma, quare nò  
est opus metu fortunæ expectare exitum vitæ, ad hoc vt aliquis dicatur felix, vt volebat Solon,  
& probatur hoc duabus rationibus, prima. Id quòd est situm in nostra potestate, non est situm in  
potestate fortunæ: at felicitas est sita in potestate nostra, ergo non est sita in potestate fortunæ.  
Maior est nota, quia non sumus causa per se, fortuna vt etiā antea declarauimus est causa per acci-  
dens, & hæc sunt opposita, scilicet per se, & per accidens. Quod igitur erit in potestate causæ per  
se, non erit in potestate causæ per accidens. minor est iam probata per suam definitionem, quia di-  
cebatur quòd felicitas est operatio animi per virtutem, & ergo conclusio nostra est vera: & e-  
runt idem declarat cum dicit quòd operationes proficiscentes à virtute, & secundum virtutem  
sunt domine, & causæ effectrices ipsius felicitatis. Contrariæ verò, scilicet operationes secundum  
vitia sunt domine contrarii, scilicet infelicitatis, & miseræ vt patet, & non est fortuna. [AT TE-  
STATUR huic.] Secunda ratio ad idè probandū quæ sumitur ex stabilitate felicitatis, & etiā ex  
dictis Solonis. Dicebat enim supra vt nos retulimus, & quia felicitatem quiddam stabile, &  
cætera. Volebat enim Solon adeo stabilem esse felicitatem, vt compelleretur eam non ponere  
in vita propter varietatem fortunæ. quapropter si à Solone concluditur quòd felicitas est quid-  
dam stabile, tunc probatur quòd felicitas non est sita in potestate fortunæ hoc pacto, Id quòd  
est maximè stabile in rebus humanis non est situm in potestate fortunæ: sed felicitas est maxi-  
mè stabilis in rebus humanis: ergo felicitas non est sita in potestate fortunæ. maior est clara,  
quia ea quæ sunt fortunæ sunt varia, & mutabilia: minor probatur sic, Sciētia in rebus humanis  
videtur esse maximè stabiles, at virtutes sunt stabiliores quàm sciētia, ergo felicitas quæ oritur à  
virtutibus erit maximè stabilis. maior iterū huius secunde argumentationis est clara, quia scien-



tiæ sunt certissimæ, & de rebus necessariis, quæ aliter se habere non possunt. minor in qua videtur dubium probatur, sed pro huiusmodi declaratione sciendum quoddam rerum humanarum vel bonorum humanorum quædam attribuuntur corpori, quædam animæ. Corpori attribuuntur habitus naturales, & acquisiti ad perficiendos tales habitus naturales, vt pulchritudo, valendo, robur, celeritas, aptitudo, dexteritas, & similia: quæ cum sint in corpore ab ipsa natura perficiuntur studio, & diligentia, aut exercitatione, aut aliter augentur vt arte gymnastica, arte equitandi, ludiandi, & similiter. animo autem non attribuuntur habitus intellectiui, qui sunt duplices, aut speculatiui, aut actiui, & morales: habitus verò corporis habent per se causam vt corrumpantur, quia sunt in corpore, & corpus corrumpitur per se, & ex consequenti habitus, qui ei insunt. verum habitus qui sunt in animo corrumpitur per accidens non per se, quia animus vitur instrumentum corporeo, quod corrumpitur. Quapropter si corrumpitur habitus animi non per se, sed propter instrumentum corrumpitur, ergo per accidens. quæ verò corrumpuntur per accidens, stabiliora esse videntur quàm ea quæ per se, & sic iam habemus quoddam ea quæ attribuuntur animo, stabiliora sunt quàm ea quæ corpori. Cum verò duo attribuuntur etiam animo, scilicet habitus speculatiui, tum habitus actiui atque morales: restat videre vter horum sit stabilior, & videbitur alter habituum esse stabilior à quo frequentius exeunt operationes, & circa quem magis versabimur. at huiusmodi sunt actiue virtutes, & morales magis quàm scientiæ, ergo erunt stabiliiores scientiis: hoc tamen videtur verum in homine civili, sed fortasse non est verum simpliciter. homo enim segregatus à multitudine, & penitus contemplatiuus magis versabitur circa contemplationem, quàm actionem, cum sit paucis contentus: & suæ scientiæ magis tali inhaerebunt, quàm operationes morales, & habitus tales. Sciendum est etiam quoddam duplici modo considerari scientia potest. vno modo vt est conclusionis per demonstrationem à sua causâ necessaria, & versatur circa materiam necessariam, & hoc pacto scientia est magis certa, & stabilior, quàm virtus, alio modo vt est habitus in anima, & simili modo virtus moralis est habitus in anima, & in eo quoddam sunt habitus sunt æquè in anima. Sed hoc pacto videntur stabiliiores in anima virtutes morales, & actiui, quia frequentius exercemur secundum illas. res enim familiares, & negotia publica atque priuata magis nos exercent & trahunt, quàm scientiæ, & videntur magis necessariæ ad vitam humanam, & in his rectè exercendis est opus virtute morali: quare cum secundum has virtutes magis exerceamur, & in iis magis versemur quàm in scientiis, merito in nobis videntur fieri stabiliiores. Nam in scientiis cum fiat intermissio, sæpe fit maior obliuio, & ideo virtus minus stabiles, quàm virtutes illæ quarum fit exercitatio frequens. Præterea virtus moralis consistit principaliter in inclinatione appetitus vt dicunt, qui obliuionem non suscipit, & in sexto huius inquit philosophus. Atqui nec habitus cum ratione solum: signum erit quod obliuio huiusmodi habitus est, sed prudentiæ non est. Prudentia autem vt scimus actiua est virtus, & his habemus probationem minoris, quoddam & quomodo virtutes sunt stabiliiores quàm scientiæ, licet scientiæ sint nobiliores, & sic etiam habetur cum felicitas proueniat à virtute, quoddam ipsa est res firma, & stabilis, & quoddam non est sita in potestate fortunæ, quare non oportet spectare finem vite, vt dicamus aliquem esse felicem eo pacto quo volebat Solon. [Id igitur quoddam queritur.] Cum superius probauerit philosophus quoddam felicitas non est sita in potestate fortunæ procedendo contra sententiam Solonis, nunc etiam procedit contra eandem, & ostendit quoddam cum causâ felicitatis sit sita in nobis: aliquis potest esse, & appellari felix dum est in vita, & per totam vitam, & id quoddam queritur. i. vtrum sit felix in vita, & per totam vitam. Competet, & aderit ei. Hoc ostenditur, quia semper, & si non semper cum sit homo, saltem maximè operabitur vel contemplabitur secundum virtutem: quoddam autem ita facere possit probatur. Id quoddam habet in se habitum, operatur secundum illum habitum cum vult, at felix habet in se habitum virtutis, ergo operabitur secundum illum habitum quandocunque voluerit. quoddam autem felix velit semper operari secundum virtutes, declarat philosophus, & dicit quoddam operatur maximè secundum virtutes præclarissimas quæ sunt in ipso. Delectatur enim mirum in modum operationibus suis, quia operando semper est felix, & percipit quoddam virtutes quæ sunt in eo frustra esse viderentur, nisi operaretur: semper igitur vellet operari, & semper ferè potest cum habeat in se habitum, & virtutem in potestate sua. erit igitur felix per totam vitam vel semper vel maximè operando vel cogitando secundum virtutem. [FORTVNAMQVE.] Hac in parte philosophus assertit successiue quinque sententias quæ oriuntur ex dictis suis, & declarat naturam felicitis. Prima est quod ostenditur quod felix potest esse per totam vitam vt non impediatur à fortuna, sed eam feret pulcherrimè per omnia, quia habebit ista tria per ordinem. felix erit vir bonus atque ex eo quadratus, & sine vituperatione. Felix est bonus, aliter nõ esset felix. est etiam bonus prudens, quapropter erit quadratus quomodoque adueniat fortuna, quadratū reperitur in numero, in figura, & in corpore. numerus quadratus est ille qui resultat ex se ipso in seipsum: vt quater quatuor constituit sexdecim: etiam ipsa quaternitas est numerus perfectus. cōtinet enim in se numerum denarium. vltra què non propriè est numerus, nā reliqui vltra qui dicitur numeri sunt replicationes priorum numerorum. continet autem vi denarium numerum quaternitas, quia cōtinet quatuor. iii. i. i. quæ simul collecta constituunt decem. Figura quadrata est etiam perfecta figura: cōtinetur

enim quatuor lineis æqualibus, & habet quatuor angulos æquales: corpus quadratum est etiam perfectum corpus, vt est cubus: habet enim sex superficies quadratas æquales, quarum vnaquaque habet quatuor lineas, & quatuor angulos, & quomodocunque iaceat semper stat rectus, & eodem modo, quia omnes eius partes sunt æquales. similiter homo felix semper se habet eodem modo, & propter virtutes quas habet in se, retinet in omnibus æqualitatem quandam. Est igitur felix numerus quadratus, quia vt partes numeri quadrati sunt similes, & æquales: sic operationes boni viri in quacunque re, & fortuna semper erunt similes, & mediocritatem illam virtutis semper seruantes. & vt numerus quaternarius continet in se omnem vim, & perfectionem numeri sic vir bonus, & felix continet in se omnes perfectiones virtutis, quibus bene, & recte vtitur in quacunque fortuna. est etiam felix vt figura quadrata, & vt quadratum, quod habet quatuor lineas æquales, & quatuor angulos rectos. Vir enim bonus & felix non est varius, & non variatur à fortuna: sed semper est æqualis & rectus. Est etiam corpus quadratum veluti cubus, nam vt ille quomodocunque iaciatur semper stat rectus: ita vir felix in quacunque fortuna stat, equalis, & rectus, & nunquam flectitur. ex hoc sequitur quòd erit sine vituperatione, & non faciet aliquid indecorum, sed generose, & constantissimè se habebit in quacunque fortuna. [C V M autem à fortuna,] Secunda est sententia, qua magis distinctè se declarat. dicit enim quòd cum fortuna sit prospera aut aduersa, & hæc ambo possint esse, aut parua, aut magna, declarat nunc de paruis motibus fortunæ, dicendo quòd parua in vtranque partem siue aduersa sint siue prospera minimè habent momentum. [G R A N D I A verò.] Tertia sententia in qua loquitur de magnis, & frequenter motibus fortunæ in vtranque partem. Sed si sint magna & prospera, non estant felicitatem. illa enim quibus felix potest exercere facile, & expedire suas operationes, & vt illis pulcherrimè, concedorant felicitatem: sed magna prosperitates sunt huiusmodi, ergo, &c. Notandum quòd diuitia de se non dicuntur proprie bonæ, aut malæ, sed potius secundum vsum possidentis vel vtiuntis, ideo dixit, vsum studiosius, &c. [S I N aduersa.] Quarta sententia in qua ostendit quòd magna aduersitates impediunt vel lædunt felicitatem. Impedire enim videntur operationes ipsius felicitis. [A T T A M E N & in his.] Quinta sententia qua videtur moderari quartam, & tollere difficultatem si qua oriretur ex præcedenti sententia. dicit quòd etiam in aduersitatibus elucet pulchritudo virtutis, & virtus felicitis: nam si operationes, scilicet tam bonæ quàm malæ sunt dominæ vitæ: i. talem vitam efficiunt, quales sunt ipsæ, profectò nemo beatus & felix poterit fieri miser ob calamitates: quia quisquam non potest fieri miser nisi per vitia, si talia. i. operationes sunt dominæ vitæ vt ostendimus, sed felix ex aduersis semper eliciet quid boni esse potest. Quòd si in Priami calamitates incidit, non tamen erit beatus: sunt qui faciunt differentiam inter beatum & felicem, scilicet quòd beatus sit perfectè felix, & omnibus bonis præditus, scilicet animi, corporis & fortunæ: felix verò possit esse sine bonis externis, & quasi dicat, siquis felix incidit in erumnas Priami, quòd etiam remanebit felix cum non faciat improba, sed tamen non erit beatus: i. perfectè felix omnibus bonis. Itaque si non erit beatus d. Solon incidens in maximas calamitates, ergo non erit felix? non valet. Sed videtur hic philosophus medium ponere inter miserum, & felicem: id est hominem qui non sit nec felix, nec miser, quasi dicat, homo felix vel beatus nunquam potest esse miser, sed propter maximas, & inuitas aduersitates poterit deuenire, & fieri non felix vel non beatus, sed non tamen miser. quòd si efficietur non felix, hoc non erit facile & leui de causa, sed maxima. At maxime aduersitates non sæpe eueniunt hominibus, sed raro vt Priamo euenit, vnde in tam maxima hominum multitudine, & multis temporibus pauca exempla memorantur, quare vt possumus dicere sine formidine aliquem felicem appellare in vita, quanuis aliquando felicibus maximæ aduersitates euenierint, ex quibus, etsi non sint vt antea felices, non tamen sunt facti miseri: hoc autem accideret si desperatione quadam laberentur in vitia. Quare si maxima de causa felicitatem amitteret, non facile nec breui tempore eam recuperaret, quia plurimis ei opus esset ad ipsam recuperandam. Quare felix non erit varius ac leuiter mutabilis. [Q V I D igitur obstat.] Hac in parte philosophus concludit solutionem suam contra sententiam Solonis, & assert descriptionem felicitis, dicendo, quòd cum hæc ita sint, ostendimus quid vetat dicere eum felicem qui operetur secundum virtutem perfectam, & sit externis bonis sufficienter abundans: non etiam in quouis tempore, sed in vita perfecta. i. vel per totam vitam, vel accipiens longitudinem vitæ perfectam. Deinde si addenda est alia particula. i. ita vitur, & congruè moriturus, hoc addet partem ex conditione humanæ vitæ, & incertitudine futuri: partim etiam vt felicitas sit omnino perfecta, & ex omni parte munita, & videtur loqui de felicitate ciuili. Quare cum hæc ita sint, viuente eos, quibus hæc supra dicta inerunt dicemus beatos, non simpliciter, sed vt homines, qui non ita habent in hac vita beatitudinem, vt nullo modo mutari possint, sicut est in diuinis substantiis, quibus necessariò inest felicitas. Hominibus verò non necessariò inest: quapropter & dimoueri potest ab habentibus licet raro, & cum difficultate, præsertim felicitas quæ est æterna tantum, & sui ad seipsum: felicitas verò ciuili de qua videtur præcipuè loqui, pro tanto magis potest amitti, quanto magis indiget bonis externis. Perfectam virtutem, id est prudentiam, quæ est recta ratio reliquarum.

[SECVN DV M rationem moriturus.] Id est non turpi morte, sed conuenienter secundum antè actam vitam, vt moriuntur viri fortes vel naturali morte dissoluti.

*Quòd posterorum fortunæ ad defunctos pertineant. Cap. XI.*



**F**ORTVNAM autem posterorum, amicorumque omnium nihil conferre, longè ab amicitia finibus discedere, & opinionibus contrarium esse videtur. Cùm verò multa sint ea quæ eueniunt, variasque differentias habeant, & alia magis, alia minùs conferant, in singula quidem ipsa diuidere prolixum, & infinitum esse videtur. sat autem erit fortasse, si de his ipsis vnuerſaliter, figuraque dicetur. Vt igitur aduersitatum earum\* quæ beatis eueniunt, alia pondus ali-  
τινὴν ἀνὴρ ἀντιπερὶ τῶν  
 & ea quæ circa amicos accidunt omnes. viuentibus autem, an mortuis calamitas accadat, multo magis refert, quàm res nefandæ, grauèsque agantur, an in tragædiis recitentur. animaduertenda est igitur differentia hoc etiam pacto. immo verò considerandum forsitan est, si cuiuspià boni vel mali participes sint defuncti. Videtur igitur etiam si quidpiam ex his ad ipsos perueniat siue bonum siue contrarium: exile quid ac paruum, aut simpliciter aut illis esse: si quidem tantum ac tale vt neque beatos eos efficiat qui beati non sunt, neque beatitudinem auferat à beatis. videntur igitur tam prosperitates quàm aduersitates amicorum, aliquid defunctis asserre. tale autem ac tantum vt nec felices haud felices: nec aliud quicquam huiusmodi faciat.

*Commen.*

**F**ORTVNAM autem posterorum.] Hoc est tertium capitulum huius tertij tractatus, in quo posteaquam ostendit quomodo in hac vita est felicitas, nunc ostendit quomodo posterorum fortunæ pertineant ad felices: quæ declaratio est solutio dubitationis propositæ in precedenti capitulo. Diuiditur autem hoc in tres partes. Primò ostendit quòd calamitates posterorum & amicorum pertinent vel redundant ad felices. Secundò quòd calamitates siue fortunæ posterorum, & amicorum pertinent ad mortuos, non tamen vt ad viuentes. Tertiò ostendit, quòd fortunæ posterorum, & conditiones siue malæ siue bonæ, aut non redundant ad mortuos, aut si perueniunt tantum habent momenti vt defunctos ex miseris reddant felices vel ex felicibus miseros, dicit autem in prima, quòd ea, quæ sunt aliena ab officiis amicitia non sunt tribuenda felici: sed dicere fortunæ posterorum, & amicorum nihil pertinere ad felices, videtur alienum ab officiis, & finibus amicitia: ergo non est dicendum quòd nihil pertineant. esset etiam hoc contra communem opinionem hominum, qui tantum tribuunt amicitia, vt amicorum omnia velit cõmunia. [CVM verò multa.] In hac parte declarat qualia, & quæ sunt illa quæ perueniunt ad felicem si qua perueniunt ex posterorum, & amicorum fortunis, & dicit quòd declarare singula membratim distinguendo quæ, & qualia sunt, & etiam gradus posterorum nimium longum, & quasi infinitum videretur: sed vtamur distinctione vt antè diximus enim quòd si felix mutatur mutari videtur à magnis fortunis seu prospera sint seu aduersa, nam prospera augent, aduersa lædunt felicitatem: parua autem non mutant felicem. eodem modo dicemus de his quæ eueniunt posteris amicis, aut affinibus ipsius felici. aut enim sunt prospera, aut aduersa, & iterum, aut magna, aut parua: à paruis non mutatur felix, à magnis mutatur, non tamen ita ac si sibi euenirent illa seu prospera sint seu aduersa. [SAT autem erit.] Hæc est secunda pars huius capituli in qua ostendit, quo pacto calamitates posterorum ad felicem perueniant, & quòd non ita ad eos mortuos vt ad viuentes. & videtur facere talem rationem, mala quæ eueniunt felicibus viuus, & ea quæ perueniunt ad eos mortuos posterorum calamitatibus magis differunt, quàm differant ea mala quæ aguntur, & quæ recitantur inquam in tragædiis. Nam illa dum aguntur vehementer tangunt eos qui talia agunt vel patiuntur: dum autem recitantur non eo pacto pertinet: ergo bona & mala, quæ eueniunt posteris non eodem modo perueniunt ad felices viuentes, sicut ad mortuos. quasi dicat, aduersitates filiorum, & amicorum tangunt felices

## ETHICORVM

viuentes satis, mortuos verò parum aut nihil. [1 MO verò.] Tertia pars huius capituli, in qua cō-  
cludit quòd prosperitates, & aduersitates posterorum parum aut nihil pertinent ad mortuos, &  
si quicquam pertinent, non ita tamen vt felices non felices: aut non felices, felices, felices facere  
possint: & cum dicit, Aut simpliciter, aut illis: intelligendum est quòd fortunæ parum momenti  
felicibus quomodo cunque sint, & hoc simpliciter, quia fortunæ non sunt de essentia felicitatis:  
vel si hoc vniuersaliter sumptum haberet dubium, quia magna videantur asserere magnum mo-  
mentum, ideo dicit vel ipsis, scilicet mortuis, quia etiam illa quæ sunt magna de se, sunt illis parua  
vel nullius momenti.

*Quòd felicitas bonum sit honorabile potius quàm laudabile. Cap. XII.*



Is autem determinatis: de felicitate consideremus: vtum lau-  
dabile quiddam sit, an potius honorabile. Constat enim potē-  
tiam non esse. Omne autem laudabile ex eo laudari videtur,  
quia est affectum aliqua qualitate, & aliquo modo sese habet  
ad aliquid. iustum enim, & fortem, bonum omnino virum, atque virtu-  
tem, ob cetera laudamus, ac actiones. robustum etiam, idoneumque ad  
cursum hominem & cæterorum quemque similiter laudamus, quòd af-  
fectus est aliqua qualitate, & ad bonum aliquod studiosumque refertur.  
id ita esse patet & ex deorum laudibus. nam cum ad nos referuntur, ridi-  
culæ sanè videntur. quòd quidem ex eo fit, quia laudes (vt dicimus) per  
relationem efficiuntur. quòd si laus talium est, constat optimorum non  
esse laudem, sed maius aliquid præstabiliusve, quemadmodum & vide-  
tur. Nam & deos beatos, felicesque dicimus: & virorum etiam eos qui  
maximè sunt diuini, & rerum bonarum simili modo. nemo nanque feli-  
citatem laudat, vt iustitiam, sed vt diuinius quiddam præstabiliusve, rem  
dicit esse beatam. Videtur autem & Eudoxus rectè voluptati primas de-  
tulisse partes. Id enim (voluptatem inquam quæ quidem est bonum)  
non laudari, indicare putabat præstabiliorem ipsam esse rebus laudabili-  
bus vniuersis: talem autem, deum & summum bonum esse dicebat: ad  
hæc enim cætera vniuersa referri. Etenim laus quidē virtutis. hac enim  
ad res honestas agendas idonei fiunt, commendationes autem operum  
sunt simili modo: tam corporis quàm etiam animæ. Verum hæc quidem  
exactè discutere, magis ad eos forsitan pertinet, qui circa commendatio-  
nes versantur. nobis autem perspicuum ex iis quæ diximus fuerit, felici-  
tatem ex iis esse quæ honorabilia sunt & perfecta. Videtur autem ex eo  
sic se habere, quia principium est, cetera enim gratia eius agimus omnes.  
principium verò, causamque bonorum honorabile quiddam & diuinū  
dicimus esse.

*Commen.*

**H**IS autē determinatis. [Hic est quartus tractatus huius primi libri, in quo philosophus po-  
stea quam declarauit dubitationes quæ pertinebāt ad descriptionē felicitatis: nūc inuesti-  
gat vtum felicitas sit de numero bonorum laudabilium an honorabilium, & in qua parte ani-  
mæ cōsistit. diuiditur in duo capitula, in primo querit vtrū felicitas sit bonorum laudabilium  
an honorabilium. In secundo docet in qua parte animæ cōsistit felicitas: quāquā aliqui exposito  
res dicat hoc pacto, tamē dicere etiā possemus quòd postea quā philosophus descripsit, & diffi-  
niuit felicitatē, & declarauit nōnulla, quæ ad eā diffinitionē pertinebāt, & in ea diffinitione sum-  
pta sit virtus, de qua incipiet dicere in secundo libro, ideo in secundo capitulo huius tractatus voluit  
diuidere potentias animi, & de ipsis tractare, quantū pertinebat ad moralem. Primum capitulum

rursus diuiditur in tres partes. In prima proponit, id quod vult inquirere, scilicet vtrum felicitas sit bonorum laudabilem an honorabilem. In secunda ostendit quod felicitas non est de genere laudabilem. In tertia quod ipsa est de genere honorabilem: iam enim sapissimè dixit felicitatē esse bonum: quod igitur bonum, laudabile an honorabile? In prima igitur parte philosophus dicit quod his hoc pacto determinatis, scilicet quæ dicta sunt post definitionem felicitatis in superiori tractatu tertio, scilicet de causa, & subiecto felicitatis, & de tempore in quo dici potest felix, videndum qualis sit felicitas vtrum bonorum laudabilem, an honorabilem. sunt enim tria in quorum aliquo quis felicitatem poneret, scilicet potentia, tum bona laudabilia, tum bona honorabilia, non est autem de numero potentiarum, quia operatio non est potentia, felicitas est operatio: præterea facultates & potentia interdum diriguntur ad malum: felicitas verò semper est bona: quare cum non sit de numero potentiarum vel facultatum, restat inquirendum vtrum sit de numero laudabilem an honorabilem, de quo magis est dubium, & ex hac inuestigatione percipietur aliquid quod videtur competere felicitati eo quo talis est. Notandum quod bonorum, quædam diuina, quædam humana. Humana rursus, quædam semper determinata ad bonū, quædam indeterminata, vt sint ad vtrumlibet, & dici possint, aut bona, aut mala, prout habentes vtuntur, vt quædam potentia vel facultates vt medicina, quæ dirigi potest ad interficiendum, & sanandum, ars natigandi ad exportandum vtilia, & piraticam exercendam, & alia huiusmodi, quorum de numero philosophus non vult esse felicitatem, & posthabet hæc tanquam sit aliquid per se notum, restat bona determinata ad bonum semper, & hæc iterum bifariam sunt, aut per se, aut ob aliud: aliud vt virtutes quæ sunt ob operationem, & talia dicuntur laudabilia, per se vt operatio secundum virtutem, id est ipsa felicitas quæ non est ob aliud, & talia dicuntur de numero bonorum honorabilem vt inferius ostēdet. [OMNE autem laudabile.] Hæc est secunda pars in qua ostendit quod felicitas nō est de numero laudabilem, & hoc probat, primò ratione: postea auctoritate Eudoxi. primò igitur dicit hoc pacto. Id quod laudatur est affectum aliqua qualitate, & ordinatur, & refertur ad aliquid aliud bonum quod est præstabilius sese: felicitas non est huiusmodi: ergo felicitas nō est de numero laudabilem. ponit autem exemplū in habitibus animi, & corporis. & dicit quod isti laudantur, quia referuntur ad aliud, id est, ad operationem. & quia per hos habitus bene operamur, vt iustum propter operationem iustitiæ, robustum quia cum sit natura talis potest exercere opera robusti hominis, velocem, quia potest velociter currere, quapropter isti habitus laudantur, quia referuntur ad actiones. quod si laus est eorum quæ referuntur, rerum optimarum non erit laus. Laudamus igitur ea quæ referuntur, vt ex habitibus, tum animi tum corporis ostendit philosophus, declarat etiam id exemplo substantiarum separatarum, quas deos appellat, hi enim dicit philosophus ridiculi videntur si laudantur eo modo quo laudari homines solent. sequeretur enim quod ordinarentur, & refereretur ad aliud, & referremus hoc pacto deum ad nos, id est, faceremus eum similem nobis: non ergo laudatur eo pacto deus, sed honoratur, id est, etiam ipsa felicitas est de numero honorabilem, quia non refertur ad aliud, optimis enim conuenit aliquid maius quàm laus. Felicitas est optimum, & summum quoddam, ergo aliquid aliud maius, quàm laus ei conuenire videtur. dubitatur quia non videtur verum quod dicitur, id est, substantia separate non laudentur, sed præsertim ipse deus noster, cum David, & alii propheta multis in locis incitent homines ad laudem dei. Dicendum igitur quod bifariam possumus loqui de deo, aut eo pacto quo solemus laudare homines, scilicet quod non vincatur à cupiditatibus, aut quod agat aliquod bonum redundans ad ipsum tanquam se perficiens. hoc enim fieri non debet cum nulla perfectione indigeat deus, & sit ex omni parte perfectus: nec propheta hoc modo laudandum dixerunt. Ineptum enim videtur dicit philosophus. Alio modo dicimus eum esse laudandum, quia agit bona in nobis: & est causa efficiens bonorum omnium, quæ habemus, & hoc pacto laudandum deum propheta dicunt, vt auctorem nostri boni & benefactorem nostrum, vt grati & memores beneficiorum, quoad fieri potest videamur. sic enim laudantes pro acceptis bonis gratias agere videmur. vel dicere possumus quod deus laudatur vt causa efficiens non vt finalis. Id est enim finis vltimus ad quem omnia referuntur sine controuersia. [VIDETUR autem.] Probat auctoritate Eudoxi quod felicitas non est de numero laudabilem. Dicebat enim Eudoxus voluptatem esse summum bonum, & probat hoc pacto, omne bonum humanum, aut debet laudari, aut honorari: at voluptas est bonum, & non laudatur, ergo est bonum honorabile: sed bonum honorabile est summum bonum, ergo voluptas est summum bonum. Non enim refertur ad aliud, ideo non laudatur, ve hunc hæc tritè discutere videtur pertinere ad oratores, dicit philosophus. Notandum quod philosophus probat modum arguendi ipsius Eudoxi, non tamen probat opinionem suam, scilicet quod voluptas sit summum bonum, quæcumque sit illa siue turpis, siue honesta. ostendit enim postea, quod summa voluptas sequitur, & committitur felicitatem tanquam vmbra corpus. [NOBIS autem.] Hæc est tertia pars in qua concludit quod felicitas est de numero honorabilem, & perfectiorum, quia est principium, id est causa, & causa finalis cuius gratia omnia facimus. vocatur autem principium, quia est causa principalissima agibilium, & quod primum est in intentione. Vnde philosophus in libro physicorum dicit quod finis est causa causarum, quia vt ita loquar necessitat omnes alias causas, & à nulla necessitatur, di-



citur autem principium, quia nos mouet ad operandum, & est primum in intensione: finis autem dicitur, quia est vltimum in executione: ad quod omnes actiones diriguntur, nec est absurdum quod idem diuersis respectibus dicatur principium & finis.

*De duplici animæ parte ac virtutis diuisione.*

*Cap. XIII.*



VM autem felicitas animæ quædam per virtutem perfectam<sup>106</sup> sit operatio: de virtute consideremus oportet. Hoc enim pacto melius fortasse de felicitate etiam contemplabimur. Videtur autem & is qui verè ciuilis est circa hanc maximè elaborare. vult enim ipsos ciues bonos efficere, legibusque obtemperantes, atque horum exemplum legumlatores tum Cretensium, tum Lacedæmoniorum habemus, & si qui alii tales fuere. quod si hæc consideratio ciuilis est facultatis, constat inquisitionem hanc perinde vt ab initio proposuimus ac instituimus fore. De virtute autem humana considerandum est. Bonum enim humanum, ac felicitatem quærebarum humanam, virtutem, verò humanam dicimus non eam quæ corporis est, sed eam quæ animæ, & felicitatem enim operationem animæ dicimus. Quæ<sup>107</sup> cum ita sint, patet ipsum ciuilem aliqua ex parte de anima scire oportere, quemadmodum & eum qui curaturus est oculos, totumque corpus, de ipsis scire oportet: & eo magis, quo facultas ciuilis honorabilior est, atque præstabilior medicina. Elegantes etiam medici multa planè circa cognitionem corporis tractant. & ciuilis igitur ipse de anima<sup>108</sup> contempletur oportet. horum autem gratia & quoad satis est ad ea quæ hîc queruntur. nam vltèrius exactiusve considerare, maius est opus, difficiliusve fortasse quàm ea quæ proponuntur. dicuntur autem, & in externis sermonibus aliqua de ipsa sufficienter, & vtendum est ipsis. Vt partium eius aliam ratione vacare: aliam rationem habere. atque nihil in præfenti refert distinctæ sint hæc perinde atque corporis partes. & omne partibile: an ratione quidem sint duæ, re verò seiungi non possint, vt in circulerentia sese habent concauum, & conuexum. Partis<sup>110</sup> autem ratione vacantis, alia quidem communis est & vegetatiua. Loquor autem de ea quæ causa est, vt id quod ipsam habet nutriatur, incrementaque suscipiat: talem enim animæ potentiam, in vniuersis quæ nutriuntur quispiam posuerit, \* & in fœtibus, & hæc eandem etiam in perfectis. est enim magis cõsonum rationi hanc eandem quàm aliquam aliam ponere. Huius igitur virtus communis quædam, & non humana videtur. Nam hæc pars & potentia in somnis videtur maximè operari: bonus autè & malus minimè in somno discernitur: quapropter inquit à miseris felices in dimidio vitæ nihil differre. hoc autem rectè accidit: somnus enim otium est animæ tam studiosæ quàm vitiosæ, nisi parum per motuum perueniant aliqui: atque ita modestorum meliora, quàm quorumuis vîsa fiant. Sed de his quidem hæctenus, & nutriendi potentia, cum expers sit humanæ virtutis, omittenda est. Videtur autem & alia<sup>113</sup>



quædam esse natura animæ vacans ratione: aliqua tamen ex parte particeps rationis. Continentis enim & incontinentis rationem id quæ animæ quod rationem habet laudare solemus. rectè nanque & ad optimas res inuitat. in ipsis autem & aliud quid præter rationem ineffe virtutes, quod quidem repugnat, resistitque rationi. Nam vt dissolutæ corporis partes, si ad dexteram mouere velis, in sinistram feruntur: sic planè fit & in anima. ad contraria enim incontinentium appetitiones feruntur. verum in corporibus quidem cernimus ea quæ ad contrariam partem feruntur: in anima verò non cernimus, fortasse autem non minùs & in anima putandum est esse aliquid præter rationem, quod huic aduersatur & obuiat: di-  
 13 cere verò quo modo est diuersum, nihil refert. Videtur autem & hoc rationis (vt diximus) particeps esse, paret enim in ipso continente rationi: & in temperante ac forti magis forsitan eidem obtemperat, omnia in illis sunt consona rationi. Pars igitur animæ ratione vacans, duplex  
 14 esse videtur. Vegetatiua nanque nullo modo rationis est particeps, sed cupiendi vis, & omnino appetendi, rationis est quodammodo particeps, ea ratione qua obedit ipsi atque obtemperat. sic & patris, & amicorum, & non vt rerum mathematicarum, dicimus rationem habere. hanc autem partem ratione vacantem rationi obtemperare: admonitiones, & increpationes & cohortationes etiam indicant. Quod si oporteat hanc  
 15 quoque partem dicere rationem habere: duplex & ea pars erit quæ rationem habet, & vna quidem propriè & in seipsa, altera verò vt is qui obtemperat patri. Diuiditur autem & virtus hac differentia. Virtutum enim  
 16 alias intellectiuas, alias morales dicimus esse, sapientiam quidem & prudentiam & sagacitatem, intellectiuas: liberalitatem autem, & temperantiam, morales: nam cum de moribus cuiuspiam loquimur, non sapientem illum aut sagacem, sed mitem aut temperantem dicimus esse. laudamus autem & sapientem ob habitum. at habituum eos qui laudabiles sunt, virtutes appellare solemus.

## Commen.

**C**VM autem felicitas. ] Hoc est secundum capitulum huius quarti tractatus in quo postquam inuenit felicitatē esse de numero bonorum honorabiliū, & hoc sibi cōpetere veluti quædā proprietas, nunc querit in qua parte animæ sit ipsa felicitas, cum dixerit eam esse animi operationē: & hoc etiā facit vt incipere possit docere de virtutibus quæ sumptæ fuere in diffinitione felicitatis: virtutes autē percipi non poterant nisi prius distinguerentur potētiae animæ quantum pertineret ad moralem, ob cognitionē virtutū, de quibus incipiet docere in secundo huius, vt partes diffinitionis allatæ de felicitate perfectæ cognoscatur. diuiditur hoc capitulum in tres partes. In prima declarat philosophus quod est considerandū de virtute, vt melius percipiatur felicitas, & de anima aliqua ex parte, & tantum, quantum pertinet ad ciuilem vel morale pro cognitione ipsarum virtutum. In secunda diuidit animā in partes suas. In tertia diuidit virtutes secundum partes, id est potentias animæ. Dicit autem in primis quod ad hanc scientiam pertinet considerare de virtute: probatur, Si ad hanc scientiā pertinet cōsideratio felicitatis, pertinet etiā cōsideratio virtutis: at primum est, ergo & secundum. Item ad ciuilem scientiam pertinet cōsideratio de virtute, sed hæc est ciuilis sciētia, ergo & cætera. Etenim cū felicitas diffiniatur quod est operatio animi per virtutē, & partes diffinitionis sint dilatandæ, & declarandæ, vt antea dixit, & virtus sit vna pars maxima ipsius diffinitionis, non incōgruè est videndū de ipsa virtute, vt cognitis partibus melius cognoscatur totū, id est, diffinitio felicitatis cōstituta ex talibus partibus.

& hoc spectat ad hominē ciuilem: quia maximē laborat circa virtutem vt ciues bonos efficiat, sicut Minos circa Cretenses, & Licurgus circa Lacedemonios fecit. Curam enim adhibuerunt vt virtutibus, & bonis moribus instituerent ciues: sed cum de felicitate humana quaratur, de virtute etiam humana est perquirendum non corporis, sed animi, quæ est propria hominis: corporis enim aliis quoque animalibus videtur esse communis. [QVÆ cum ita sint.] Cum virtus sit in animo tanquam accidens in suo subiecto, profecto de subiecto virtutis id est, ipsa anima, est aliqua ex parte considerandum, dicit philosophus à ciuili. Est enim virtus sanitas animi introducenda in animo, sicut sanitas corporis in corpore. at cum medicus vult introducere sanitatem in oculo vel in toto corpore, considerat oculum, & corpus: multo magis debet considerare de animo qui vult introducere virtutem id est, sanitatem in animo. [HOC VM autem gratia.] Ostendit philosophus quatenus à ciuili sit perquirendum de ipsa anima, scilicet non simpliciter, sed aliqua ex parte, & quatenus pertinet ad hanc moralem materiam, & ad cognoscendum subiectū virtutum, distinguendo de potentia animæ, vt cognoscamus in quibus sunt virtutes, & non vltorius. Est enim trita disculus alterius speculationis: pertinet namque ad librum de anima istorum gratia, scilicet virtutum & morum. [DICO VNTVR autem de ipsa.] Hæc est secunda pars in qua incipit diuidere animam in partes suas: & assert primò vnam diuisionē, postea aliam. dicit autem quod ista sunt antea dicta de anima in externis sermonibus: quasi dicantur de ipsa alibi, scilicet in libro de anima, & etiam in externis sermonibus. sciendum quod cum Aristoteles multos libros composuisset in duo genera illos diuisit, & eorum quosdam appellauit *ἀπομαρτυρῶνς* id est, dignos aditum, & tales sunt libri eius summo ordine compositi ad tradendam doctrinam, vt libri dialecticæ, moralis, naturalis, & metaphysicæ philosophiæ: aliud est genus eorum qui facti sunt extra ordinem illum gratia petentium, vt sunt nonnulla opera ad Alexandrum, & quadam eius carmina, & similia quæ appellat externa, quia non continentur in illo ordine doctrinæ. quare multa sunt dicta de anima in externis sermonibus, inter quæ & ista, quod animæ pars quædam rationalis, quædam irrationalis, quæ quidem partes potentia sunt, & vtrum differant re & subiecto, an ratione tantum, non refert in præsentiarum querere, & tamen inuit differre ratione, non autem subiecto, cum ponit exemplum de concauo circumferentiæ, siue circuli & conuexo. & videtur etiam hic tangere Platonem latenter, pro quo est animaduertendum quod duplex est opinio de potentiis animæ. Plato dixit eas distingui nō solum ratione, sed etiam subiecto. itaque aliam esse in corde, aliam in cerebro, aliam in hepate collocauit, id est, rationem in cerebro, irascibilem in corde, concupiscibilem in hepate posuit, vt in Tusculanis refert etiam Cicero. Verum hæc mēbra diuersa sunt subiecto vt patet: philosophi verò sententia est, quod animæ partes ratione tantum differant, nō subiecto, id est, vt idem illarum esset vnumque subiectum anima ipsa, & essentia animæ: differret autem, & distinguerentur ratione, sicut concauum, & conuexū in circumferentia circuli, vbi ratio conuexi alia est à ratione concaui: re autem, & subiecto sunt idem in ipsa circumferentiā, vbi ratio conuexi alia est à ratione concaui: re autem, & subiecto sunt idem in ipsa circumferentiā sicut ascensus, & descensus in scala, & similia. Hanc sententiam sequitur doctor subtilis, qui etiam vult affectus proprios non differre re à subiecto, sed tantum ratione, & idem dicit de potentiis animæ, quæ sententia est valde subtilis. sed intelligendum quod Plato non locuit eam in variis membris, ac si anima esset in partes distracta, & diuisa, & eius vna pars esset in cerebro, alia, & cætera: sed intellexit quod potentia animæ, quia principaliter exercebant operationes suas per illa membra tanquam per instrumenta. ideo erant quodammodo affixæ illis, verum intellectus ipse non dicitur esse in instrumento corporeo, nec extenditur extensione subiecti, vt dicit philosophus in libro de anima. [PARTIS autem.] Diuisa est anima in partem rationalem, & irrationalem. nunc subdividit partem irrationalem: & cum esset diuidenda in vegetatiuam, & sensitiuam, accipit statim partem vegetatiuam: sensitiuam postea sumit inferius. ostendit autem in primis vegetatiuam non esse propriam hominis duabus rationibus: ipsa pars animæ siue potentia non est propria hominis quæ est communis omnibus animalibus, at pars vegetatiua est huiusmodi, ergo & cætera. debet ergo remoueri à potentiis propriis hominis, quia in illa nullo modo consistit virtus humana, nec etiam ex consequenti felicitas. [COMMVNIS.] Scilicet non tantum homini, sed omnibus animatis, & in cunctis quæ nutriuntur, vt planatæ, vt embriones, vt animalia perfecta. embryo videtur esse animal cum est substantia animata sensibilis, sed est imperfectum adhuc animal. [NAM hæc animæ pars.] Secunda ratio. id non est proprium homini quo homo, nec bonus, nec malus dicitur, sed ex operationibus talis partis animæ homo non dicitur, nec prauus, nec bonus: ergo talis operatio non erit propria homini, nec consequenti potentia à qua prodit illa. maior patet: minor dedatur à philosopho, quia per somnum in quo hæc maximè operatur, scilicet potentia vegetatiua, non dicitur bonus homo vel malus. ideo bene dixerunt antiqui felices à miseris in dimidio vitæ tempore nihil differre. & dicit hoc rectè afferri, quia somnus est ociositas animi: per ociositatem verò animi nihil discernitur, nec videtur differre studiosus à prauo. post hæc assert moderationem quandam eius quod dixit, scilicet felicem non differre ab infelici in somno: & dicit quod forte differunt in hoc, quia cum vtrique in dormiendo videat somnia: felix habebit optima somnia, miser e contra. solent enim somnia fieri similia operationibus, & hæc est differentia, licet parua. notandum quod somnia

bonorum iunt meliora somniis vitioforum, quia somnia fiunt à motione sensuum. nam externi sensus mouentur ab objectis suis : & isti motus perueniunt vel eorum obiectorum species ad internos sensus, & repræsentantur in somnis, & mouetur vis cogitativa interdum etiam ipsa ratio. sic igitur meliora erunt somnia feliciū: quia sensus repræsentant ea quæ suscepit. Susceperunt autem meliora ex rebus feliciū: ergo & cætera. [VIDETVR autem.] Philosophus superius diuisit partes animæ in rationalem, & irrationalem: postea subdiuisit ipsam irrationalem, cuius duas diximus esse partes scilicet vegetatiuam & sensitiuam. iam de vegetatiua dixit, eamque posthabuit, quia nullo modo in ea potest esse humana virtus, & est omnino irrationalis: nunc vero sumit alteram partem irrationalem, id est, sensitiuam, & dicit quod est quædam alia natura, & species irrationalis, quæ differt à superiore, quia illa est irrationalis penitus, hæc etiam est irrationalis de natura sua, & essentia sua, tamen quoquomodo particeps rationis. ostendit autem primo quod est irrationalis: Id quod repugnat rationi est irrationale: sed in anima est aliquid repugnans rationi: non est autem pars vegetatiua, quia iam illa posthabita est, sed appetitiua sensitius: ergo in anima erit appetitus sensitius irrationalis pars, & potest. quod autem sit aliquid tale in anima repugnans rationi probat philosophus exemplo continentis & incontinentis. nam in vtroque est ratio, & est etiam quod aduersatur rationi. verum in continente ratio vincit. In ipso incontinente vincitur ab appetitu. & dicit quod ita fit quandoque in anima sicut in corpore quando habet aliqua membra læsa. tunc enim talia membra feruntur in partem oppositam, & non in eam in qua vellet ægrotus. ita fit dicit philosophus in anima, præsertim in continentis, vbi est talis pars repugnans rationi, ergo irrationalis. sed in corpore quidem talis repugnantia vel inobediētia magis patet. quia subiicitur sensui, in anima autem magis latet. sed quoquomodo ista differant, non oportet nunc determinare, quia sufficit habere tale exemplum ad percipiendum quod est in anima pars repugnans rationi, & ideo irrationalis, id est, appetitus sensitius. [VIDETVR autem & hoc.] Nunc ostendit philosophus quod hæc pars sensitua vel appetitiua cum sit natura irrationalis, tamen quoquomodo dicitur particeps rationis ex eo quod paret rationi. vt in homine cōtinente apparet, in quo, etsi appetitus pugnet cum ratione, tamen cedit tandem rationi. sed hoc magis apparet in homine tēperato vel forti, in quibus sine vlla repugnantia statim pars appetitiua obtemperat rationi. tēperatus enim habitum iam habet, per quem faciliē operatur secundū rationem, & non repugnante appetitu, quem assuescit obedire rationi, adeo vt semper sit paratus ei obtemperare. continens verò non habet adhuc habitum virtutis, sed dispositionē, & quantum in eo etiam appetitus obtemperet rationi, tamen cum difficultate, & non sine pugna. appetitus igitur est vna pars irrationalis de natura sua, quæ tamen dicitur particeps rationis inquantū est obtemperans rationi. [PAR S igitur.] Nunc philosophus colligit ex supradictis, & cōcludit quod hæc est distinctio animæ irrationalis, scilicet duplex, alia est pars vegetatiua penitus expers rationis, & hæc posthabita est à philosopho: alia est sensitua quæ vocatur appetitiua, vt in secundo de anima dicit philosophus, scilicet si sensitiuū inest, & appetitiuum etiā inest. Hæc autem vis dicit philosophus est quodammodo particeps rationis, non quod in se habeat rationem, sed inquantū est obediens rationi, & hoc modo apparet quod ipsa non habet in se rationem per essētiā, sed vt patris, & amicorum, id est habet rationē quæ est in alio, veluti filium dicimus habere rationē patris, quando obtemperat patri, & suscipit in se rationē quam assignat sibi pater, & imponit, & filius obtemperat cōsilio patris, vel amicus admonitionib⁹, & cōsiliis amici sui. Notandū quod hæc nō dicitur particeps rationis ex eo quod habeat in se rationem, vel ita suscipiat in se vt fiat rationalis. nam sic mutaret naturam, & essētiā suā, quod est absurdū, sed intelligendum est quod sicut filius obtemperans prudentiæ patris dicitur quoquomodo particeps prudentiæ: & cæcus qui videntem hominem sequitur, dicitur quoquo modo videns, & particeps visus: sic appetitus sensitius dicitur particeps rationis eo quod est obtemperans rationi. Notandum quod sagacissima natura quæ nō proficiscitur ab extremo ad extremum sine medio, hæc partem appetitiuam collocauit inter vegetatiuam, quæ est penitus irrationalis, & intellectuā, quæ est penitus rationalis. Hæc autem est media, & videtur conuenire cum vegetatiua inquantum est irrationalis per essētiā, & cum intellectuā inquantū est particeps rationis, id est obtemperans rationi eo modo quo diximus. Mathematica duplex est ratio quātam ad hoc propositū spectat, vna quæ incitatur ab amicis vel à patre vel ab aliis consensuentibus nobis, & talis dicitur persuasiua: cuius dicimus eo modo participes cū ei obtemperemus, sicut appetitiua dicitur particeps rationis cum ei obtemperat. Alia est demonstratiua, & necessaria & in parte rationali per essētiā, id est intellectuū, quæ cogit nos assenti tiri veritati vt faciunt mathematici afferentes suas demonstrationes necessarias. Illa autem prior de qua loquitur philosophus est persuasiua circa res agendas, & nō circa sperandas, & suadet assenti tiri, & nō cogit. [HANC autem partem.] Probat eandē sententiā, scilicet quod illa irrationalis pars est particeps rationis quoquo modo, & hoc probat ex signo, quia si hoc non esset. nō haberemus in anima partem vnā aptam ad obtemperandum rationi, superflua essent omnes admonitiones, & increpationes. ergo videtur aliqua esse talis vt sit apta parere rationi, nō est vegetatiua vt diximus. non enim admonetur vt nutriat, aut nō nutriat, quia agit semper officium suum secundum

dum cursum nature suæ: non est etiam ratio, quia ea de natura sua semper imperat, & nõ dicitur rationem parere rationi. est ergo vis appetitiua vt diximus, quæ potest persuaderi. [QVOÐ si oporteat.] Hac in parte philosophus alio modo assertit hæc eadẽ diuisionem. siquis enim dixisset, o Aristoteles tu dicis q̃ irrationalis est duplex. i. vegetatiua, & appetitiua: & postea dicis q̃ appetitiua potest quoquomodo dici rationalis: melius esset ponere hanc sub parte rationali dicendo, q̃ rationalis est duplex. i. quod quædã est rationalis per essentia, quædã per participationem. dicit philosoph⁹ q̃ nihil refert vtrũ velimus ponere istã partem quæ est obtempẽras rationi sub illo membro quod dicitur rationale, & tunc diuidamus hoc pacto, q̃ partium animæ quædã est irrationalis quædam rationalis. rationalis est duplex: quædam per essentiam talis, quædam nõ per essentiam, sed per participationem talis, & eodem rediit sententia, quia potest collocari sub irrationali ex eo quod est irrationalis natura: sub rationali ex eo quod est particeps rationis per obedientiam: nec est absurdum quod diuersis respectibus, sub diuersis membris locetur. (D I V I D I T V R & virtus.) Hæc est tertia pars huius capituli in qua diuidit virtutes secundum partes animæ quarum sunt habitus. nam per diuisionem partium animæ inuenit subiecta virtutum, in quibus sunt ipsæ virtutes & bene processit. Inuenit autem duas partes animæ humanæ: in qua est ratio, & id quod obedit rationi. ideo videtur anima humana colloari media inter ea que sunt penitus ratio, vt subtilitatem separata, & ea quæ sunt omnino expertia rationis vt bruta, & plata, & huiusmodi. sunt igitur animæ humanæ partes duæ. i. ratio, & appetitus sensitius. hæc diuisione statim diuidit philosophus virtutes, & dicit quod earum quædam dicuntur intellectuæ vel rationis, quædam morales vel morum. intellectuæ sunt in rationali parte per essentiam, id est, in intellectu, morales vero sunt in parte quæ obedit rationi, id est, in appetitu sensitiuo, & declarat has virtutes inter se differre, quia cum volumus aliquem laudare de moribus, non dicimus illum esse sapientem, sed fortem vel temperatum: cum autem volumus aliquem laudare in ratione, de intellectu, non dicimus illum temperatum vel fortem, sed sapientem. ergo illæ sunt virtutes morales: hæc intellectuæ. quod autem communi nomine debeant appellari virtutes dicit philosophus, quia ea quibus homines laudantur vel omnes habitus, qui laudari solent sunt virtutes, sed tam habitus intellectuū quam morales laudantur: ergo omnes illæ sunt communi nomine appellandæ virtutes, & in nomine conueniunt, differunt postea, quia aliæ sunt virtutes morales, aliæ intellectuæ. Notandum quod bene distinguuntur virtutes secundum potentias animæ. nam cum quilibet virtus sit perfectio eius cuius est virtus, oportet vt perfectio æquetur ei cuius dicitur esse perfectio: virtutes ergo æquabuntur illis potentiis, quarum sunt perfectiones, ita vt sicut diuiditur & distinguuntur animæ potentia: ita virtutes diuidi, & distinguui debent. Notandũ q̃ philosophus vt dixit, p̃ quanto spectat ad hoc propositum diuisit potentias animæ, vt ex tali diuisione possit distinguere virtutes, & collocare eas in propriis potentiis animæ tanquam in suo subiecto, cum virtutes sint accidentia, quæ per se stare non possunt. Quapropter distinguit potentias animæ dupliciter. i. in partem rationalem, & irrationalem. Irrationalem rursus in partem penitus irrationalem, id est, in vegetatiuam, & in aliam naturam irrationalem: participatione tamen rationalem. i. appetitiuam rationalem. item potentiam diuisit dupliciter, in partem penitus rationalem, id est, intellectum, & in partem rationalem participatione, id est appetitiuam, quæ potest cadere sub alterutro membro diuisionis. In intellectu posuit virtutes intellectuas vt sapientiam, prudentiam, & cætera. In appetitu sensitiuo posuit virtutes morales, vt temperantiam, & cætera.

ARISTOTELIS STAGIRITAE ETHICORVM AD NICOMACHVM  
Liber secundus.

*De productione virtutis intellectuæ, ac moralis.*

*Cap. I.*

ὅτι ἡ  
ἐξ ἧς, ἡδὴ καὶ



Vm autem virtus sit duplex, intellectuæ inquam atque moralis: intellectuæ quidem plurimum ex doctrina generationem habet, & incrementum. quapropter experientia indiget, temporeque. Moralis autem ex consuetudine comparatur. vnde & \* nomen habuit tale. ex quo patet nullam fieri virtutem morum in nobis natura.

Nihil enim eorum quæ sunt natura aliter, assuescit, vt lapis, cui quidem natura competit ferri deorsum : nunquam assuescet ferri sursum, neque si millies ipsum assuesfaciendi causa quispiam sursum proiiceret, simili modo nec ignis ferri deorsum : nec aliud quicquam aliter quam sibi natura competit, assuescet: neque igitur natura, neque præter naturam in nobis virtutes efficiuntur, sed idonei quidem ad ipsas suscipiendas sumus natura. suscipimus autem ipsas atque perficimur per consuetudinem. Præterea eorum quæ in nobis sunt natura, potentias prius accipimus, deinde reddimus operationes. quod quidē in ipsis sensibus intueri licet. Non enim ex eo quia vidimus vel audiuius sæpe, sensus accepimus: sed contrā habētes, vsi sumus: nō vsi, accepimus. vt virtutes accepimus operati prius, quemadmodum & in artibus. quæ nanque posteaquam didicerimus, facere oportet: ea facientes discimus: ædificatores etenim ædificantes, & citharædi, pulsantes citharam fiunt: pari modo iusta agētes iusti, & modesta modesti, fortiaque fortes efficiuntur. Testatur hoc, & id quod in ciuitatibus fieri solet. Legum nanque latores ipsos ciues assuesfacientes bonos efficiunt, atque omnis quidem legum latoris hæc est voluntas. qui verò non bene id faciunt, peccant. atque hoc ipso res publica bona à mala republica differt. Insuper ex iisdem & per eadem omnis virtus & ars similiter & fit, & corrumpitur. ex eo nanque quia pulsan citharam, & boni, & mali fiunt citharædi. simili ratione & ædificatores, & cæteri omnes. nam ex eo quia bene ædificant, boni: & ex eo quia malè, mali fiunt ædificatores & fabri. Quod nisi ita sese haberet, non esset opus docente, sed omnes boni fierent aut mali: sic igitur & in virtutibus res sese habet. agentes enim ea quæ sunt in commerciis hominum, alii iusti, alii iniusti fiunt. agentes etiam ea quæ sunt in terribilibus rebus, timereque assuescentes, aut confidere: alii fortes, alii timidi fiunt. Idem & circa cupiditates, & iras euenire videtur. alii enim temperati ac mites fiunt, alii intemperati ac iracundi: ex eo planè quia hoc in ipsis aut hoc modo vesan-  
Atque (vt breuiter dicam) omnes habitus ex operationibus similibus fiunt. Quapropter tales quasdam operationes reddere oportet. ipsarum nanque differentias habitus ipsi sequuntur. non igitur parum, sed plurimum, quin potius totum refert, sic an non sic homines ab adolescentia consuecant.

*Commen.*

**C** M autem duplex sit virtus.] In primo libro philosophus inuenit finem vltimum hominis, qui summum est bonum atque felicitas: & postquam inuenit, & diffiniuit quid sit, & in eius diffinitione accepit virtutem loco differentia, & dixit quod ad perfectionē & intelligentiam eius diffiniti, scilicet vltimi finis, & felicitatis oportet declarare partes in diffinitione positas: ideo nunc docet in hoc secundo libro de ipsa virtute in genere, vt perfectius & clarius cognoscamus ipsum summum bonum iam diffinitum, siue sit effectus virtutis, siue sit aliquid quod est causa virtutum. Diuiditur autem hic liber in tres tractatus, secundum tria principaliter consideranda de ipsa virtute, de qua ipse est tractaturus: vt posito fine sicuti diximus, & diffinito, partes diffinitionis elucescant, & media ipsa, quæ sunt virtutes, quibus possumus vt boni



sagittarii attingere illum finem. Eiusdem enim est considerare de termino, & de iis quæ ad illum terminum feruntur. sed cum primò oporteat scire rem esse: iam patuit virtutem esse. habetur igitur notitia causarum illius, de quibus etiam perfecte habebimus si est, deinde quid res est, deinde si res illa non est simplex: quotuplex est. Philosophus in primo tractatu huius libri considerat causas à quibus emanat virtus. In secundo assignat definitionem virtutis vt habeatur quid ipsa sit. In tertio diuidit virtutem in species suas vt singulæ percipiantur. Primus tractatus diuiditur in quatuor capitula. In primo considerat à quo profluit virtus. In secundo quales operationes sunt à quibus fit virtus. In tertio circa quæ veretur moralis virtus. In quarto quomodo ex operationibus studiosis generatur virtus. Primum capitulum diuiditur in duas partes. In prima resumit philosophus diuisionem virtutis, quam fecit in ultimo precedenti libro, afferendo duplicem virtutem, scilicet intellectuam, & moralem: & ostendit differentiam illarum non ex subiecto vt fecit antea, sed ex causa qua differentia ostensa relinquit intellectuam virtutem tractandam in sexto huius & exequitur de morali. Nisi enim allata differentia esset: videretur quòd virtutisque esset vna eademque danda doctrina, & simul in eisdem libris. ostendit igitur primò differentiam virtutis intellectuæ qua differt à morali, quia comparatur & augetur in nobis ex doctrina, & dicit plurimum, quia etiam fieri possit ex inuentione quantum rari sint, & admodò pauci qui facere possint. Ideo magis & vt plurimum acquiruntur per doctrinam, & à docente. Ideo experientia indigent & tempore, siue inuentione, siue doctrina sit. Doctrina non accipitur tantum vt est à docente, sed vt est ordinatus processus à principiis vel causis ad conclusiones, & effectus: vel e contra ab effectibus ad causas: quapropter talis doctrina fit ab experientia, quæ habet originem à sensibus siue per visum, siue per auditum, & reliqua: omnis enim nostra cognitio ortum habet à sensu, vt inquit philosophus. Deinde affert modum quo generatur moralis virtus, in quo differt ab intellectuæ. Et dicit quòd ea generatur ex consuetudine, vnde etiam habuit nomē, quod ad verbum græcum referendum est, quia mos & consuetudo latine non videtur consonare vt *mos* & *ethos* apud græcos, quasi dicat, moralis virtus fit ex consuetudine, quod etiam nomen indicat, quia dicitur quasi consuetudinis virtus apud græcos. quapropter cum ambo hæc genera virtutum oriantur ex diuersis causis, merito differunt inter se ob ea quæ diximus: verum differunt etiam aliis, quæ nunc non est opus asserere. Dubitatur vtrum tales differentie possint differentia istarum virtutum. nam intellectuæ virtus videtur etiam fieri ex consuetudine, & morali experientia: quare consuetudo, & experientia non videtur facere talem differentiam si ambo competunt vtrique virtuti, scilicet intellectuæ, & morali. Dicendum est breuiter quòd philosophus loquitur hic de causis per se istarum virtutum. Virtus intellectuæ, & si videtur oriri quomodo etiam ex consuetudine, est per accidens, & concurrit per accidens: consuetudo vero, & experientia, per se. Ad virtutis verò moralis generationē e contra concurrit consuetudo per se: experientia per accidens. Differunt etiam consuetudo, & experientia, quia consuetudo fit in nobis, non enim possumus consuetudine percipere vel acquirere, nisi nos ipsos exerceamus: experientia fieri potest in aliis, & experientia extra nos & in aliis facta possumus percipere, & addiscere & acquirere nobis virtutes intellectuæ, velut in arte medicinæ experientia in aliis quòd omne reubarbarū purgat choleram, & cætera. [EX quo patet.] Hæc est secunda pars huius primi capituli in qua incipit docere de virtute morali. & animaduertendū quod philosophus incipit à magis notis nobis, notiores autē sunt nobis morales virtutes quàm intellectuæ. Incipiendum autē à magis notis nobis, vt antea dixit: ostendit autē à quo profluit & fit virtus, si enim à consuetudine oritur, ergo nō à natura. oportet enim inuenire causam effectiuā eius vel earū virtutū. nam cum videamus virtutes antea nō esse in nobis, & postea fieri, necesse est eas puenire ab aliqua causa effectiuā: quarū cum multæ causæ esse possent videatur, affert duas tantum, & earū alterā dicit nō esse, scilicet naturā: alterā dicit esse. scilicet consuetudinē, & operam nostrā. nam de causā vniuersali, & principalissima quæ est deus, nunc nō loquitur, quia loquitur de causis propinquis. fortunā autē, & casum ponere causam virtutū videtur absurdū, cum sint causæ per accidens, sicuti ostensum est antea, cum dicebatur fortunā non esse causam felicitatis. relinquitur ergo quod sit à natura vel à consuetudine ex opera nostra, quæ videntur causæ propinquæ, & per se. verum non ex natura: ergo ex opera nostra, & consuetudine. quòd autem non sint nobis à natura probat philosophus. nullū eorum quæ insunt alicui à natura potest aliter assuesci vel immutari consuetudine. at consuetudine fiunt homines ex non studiosis studiosi, & mutari possunt, & aliter assuescere, ergo virtutes non insunt nobis à natura. maior ostenditur exemplo lapidis & ignis. nunquam enim assuescerent aliter quam habeant à natura: minor experientia patet. notandum quòd philosophus videtur etiā hoc asserre propter Socratem & Platonē, qui dixerunt virtutes inesse nobis à natura, cum anima creetur ab opifice summo cum omnib⁹ virtutibus tā practicis quàm speculatiuis: quas nō amittit anima, sed earū obliuiscitur, quādo venit in hoc corp⁹, postea exercitatione, & consuetudine redeunt in mentē non acquiruntur denuo, adeo vt non sit non quædā acquisitio, sed reminiscencia quadam. Huius sententiæ aduersatur philosophus, & ideo affert consuetudinem causam virtutis. [NEC igitur natura nec præter naturā.] Hæc in parte philosoph⁹ insert vñ ex supradictis, quod



appellat correlarium, & ostendit quòd & si virtus non sit in nobis insita à natura, tamen non est etiam in nobis præter naturam, quia habemus aptitudines & potentias ad illas suscipiēdas ab ipsa natura. nam virtutes sunt in subiecto in anima. Deus autem creauit animam cum tali natura, & aptitudine vt possit suscipere virtutes tanquam formas in sua materia. Nā omnis materia habet aptitudinem propinquam ad suam formam suscipiendam naturaliter, non enim posset aliter suscipere formas quas suscipit. nos igitur à natura habemus vires & potentias suscipiendi virtutes tanquam formas per consuetudinem, quæ est illa, quæ facit vt has virtutes, quas habere possumus, habeamus. Notandum quòd id quod suscipitur in aliquo habet subiectum propriū, in quo est vis passiva per quam subiectum tale potest suscipere talem rem: virtutes autem suscipiuntur in parte aliqua animæ: quæ habet talem vim suscipiendi, idcirco distinguuntur secundum vires & potentias suscepiuias. variæ sunt vires, & potentiæ: variæ etiam virtutes, & tales vires dantur animæ à deo, & ideo insunt nobis à natura: virtutes verò comparantur consuetudine non præter naturam, quia habemus aptitudinem naturalem: quam si non haberemus, tunc viderentur esse vel fieri in nobis præter naturam. & hoc idem intelligendum non solum de virtutibus moralibus, sed etiam intellectuibus. [P R A E T E R E A eorū quæ in nobis.] Hæc est alia ratio ad probandum idem. f. q. virtus moralis non efficitur à natura, sed à consuetudine. dicit enim q. in iis quæ insunt nobis natura prius habemus potentiam operandi: deinde operamur vt exemplo sensui patet: prius habemus vim videndi, postea videmus. In virtutibus moralibus? fit e contra. prius operamur, & p. con-  
suetudinem operadi acquirimus habitus, per quos deinceps, & facile & bene operamur. & dicit q. ita fit in virtutibus moralibus. sicut in artibus, quas per operationes acquirimus vt in pulsatione citharæ, & fabricatione patet. deinde per illas partes facile operamur, & rectè secundum eas, & omnia quæ dicuntur hic de moralibus possunt ac commodari intellectuibus. [T E S T A T V R hoc.] Tertia est ratio ad eandem sententiam probandam. f. q. virtus generatur à consuetudine testimonio legislatorum, qui cupiendo ciues suos bonos efficere, non relinquunt hoc naturæ, sed condunt leges quibus ponunt præmia bonis, pœnas verò malis, ad hoc vt ciues se exercent in bonis operationibus, & sic acquirant bonos habitus. i. virtutes, & fiant boni: & hoc est propositum omnium qui verè sunt latores legum, & veræ legis. q. si aliquando hoc non sequitur, est error legis vel legislatorum, & talis respublica non est bona. Vnde etiā Plato eas leges esse negabat, quæ non essent bonæ. [I N S V P E R eæ eisdem.] Hæc est quarta ratio ad probandum eandem sententiam, & posthabeamus hic expositores quosdam, qui aliter diuidunt hoc capitulum, & hunc textum. Dicit ergo philosophus, Si virtus sicut etiam ars generatur & corrumpitur ex eisdem. f. operationibus in genere, tamen vario modo se habentibus, pfectò non videtur pcedere à natura. at primum est, ergo & secundum. Hoc ostendit philosophus exemplis. nam pulsatio citharæ est vna operatio in genere quæ dupliciter, & contrario modo fieri potest. s. bene & malè. at ex bona pulsatione oritur ars pulsandi bona: ex mala verò corrumpitur talis ars. & in ædificationibus eodem modo, & in aliis artibus. similiter fit in virtutibus: generantur enim ex eisdem operationibus genere, & corrumpuntur ex eisdem, diuerso tamen modo se habentibus. nam operationes bonæ, & malæ conueniunt in genere, ambæ enim sunt operationes: differunt postea, quia diuerso modo se habent. bonæ enim rectè se habēt, malæ autè e contra: & sic patet q. ex eisdem genere operationibus generatur, & corrumpuntur virtutes, & hoc ex p. lo iustitiæ, & fortitudinis ostendit philosophus. Quæ cum ita sint, manifestū est q. operatio eadē genere se habet ad opposita, quia potest bona & mala fieri. & ideo sunt à nobis, & ex nostra consuetudine, quia operatio naturæ nō se habet ad opposita, sed vnus motus est is qui fit secundum naturā. Ex iisdē ac per eadē. f. genere. nam operationes circa idem subiectū, siue bonæ, siue malæ sunt eadem genere: licet differant postea p. bene & malè, & notandū q. philosophus intelligit hic corrupti virtutem, non solum quia corruptur habitus iam acquisit⁹ virtutis, sed etiā cum introducit vitiosus habitus. [Q V A P R O P T E R.] Ex supradictis infert duo, quæ appellantur correlaria. Primum est q. postea quam habitus sunt nō à natura, sed ab operatione, & consuetudine nostra, est animaduertendum quales operationes exercemus: quia habitus acquiruntur similes operationibus nostris: secundum est q. non parū imò totū refert adolescentes hoc vel illo modo assuescere. nam ex bona assuetudine oriuntur in eis virtutes: ex mala autè vitia, & hæc est sententia Platonis, vt alibi ostendit philosophus. Circa prædicta multa sunt quæstiones, & primum dubitatur vtrū virtutes sint à natura, cui⁹ dubitationis solutio consistit in hac distinctione. f. q. naturale est duplex: vnū quod opponitur violētō: alterū, quod opponitur siue distinguitur cōtra voluntariū, & id quod sponte fit: hæc distinctione statè possumus respondere q. virtutes sunt à natura, & nō sunt à natura. A natura sunt virtutes, & naturales nobis. f. ex eo quod opponitur violētō quafi est naturalis nobis ipsa virtus, quia nō est res violēta nobis, & contra naturam: sunt enim potentiæ omnes à natura in nobis, quibus possumus acquirere ipsam virtutem non sunt à natura, & naturales nobis ex eo q. naturale opponitur voluntario. nam licet virtutes & operationes secundum ipsas fiant à principis naturalibus, tamen sponte proficiuntur ab ipsa voluntate, cuius motus liber est ad omnem differentiam. natura autem ad vnam tantum differentiam mouet, & in hoc videtur opponi vo-

luntario, quia siue velis, siue nolis suo naturali operatur vt ignis semper fertur sursum, lapis deorsum de natura sua. hoc pacto non dicuntur virtutes esse in nobis à natura. si enim sic esset: omnes essent studiosi, sed generatur virtus ex operationibus frequentibus, quæ sunt per electionem, quæ electio procedit à voluntate. sic igitur virtutes oriuntur ex nostra operatione, & consuetudine, & non à natura, etsi potentias habeamus à natura quibus possumus eas acquirere. Dubitatur item circa id quod dicit philosophus, quod ex operationibus generantur virtutes. hoc non videtur verum tali ratione, nulla res magis perfecta oritur à minùs perfecta: sed virtutes sunt magis perfectæ operationibus, quæ ipsas præcedunt, ergo ex ipsis non videntur generari. dicendum quod semper aut æquale ab æquali, aut minùs perfectum à magis perfecto produciatur. nihil. n. potest agere vltra vires suas: verum fieri aliquid bifariam cõsiderari potest, aut vt totum & omnino, aut aliqua ex parte. ab operationibus proficiscuntur virtutes, sed non tantum ab illis: vnde illæ operationes non sunt totalis & integra causa, sed est ibi recta ratio imperans appetitui, & ponens mediocritatem, ita vt illa simul cum operantibus sit totalis causa producendi ipsas virtutes. quare ad argumentum dicendum quod verum est: sed tamen non est absurdum quod aliquid perfectius oriatur à minùs perfecto, quando illud minùs perfectum non sit causa & principium totale illius quod produciatur, sicut in virtutibus euenire videtur respectu operationum. quaritur item, an virtus vnica operatione possit acquiri, & concluditur quod pluribus operationibus est opus ad virtutem acquirendam propter circumstantias quæ variant operationes, & debita circumstantia requiruntur necessario, vt in tertio magis patebit. quaritur etiam cū actus sint externi, & interni à quibus oriatur virtus. & cõcluditur, quod nõ ab externis necessario, sed ab internis actibus, & operationibus generatur virtus. externi actus tantum indicat & ostendit virtutem: interni verò, qui reddat appetitui obtemperantẽ rationi, propriè faciunt ipsam virtutem.

*Quod virtus ab excessu & defectu corrumpatur ad mediocres inclinans operationes.*

*Cap. II.*



Cum autem præsens tractatio, non contemplationis sit (vt ceteræ) gratia, nõ enim vt sciamus quidnam sit virtus: sed vt efficiamur boni, cõsideramus: nam nulla ipsius esset utilitas: de actibus quonam modo sint agendi, cõsiderare necesse est. Hi nanque sunt authores, vt tales quidam ipsi habitus fiant quemadmodum diximus. Agere igitur ratione recta, commune est, & supponatur. posteriùs autẽ de ipso dicetur: & quid est ipsa recta ratio, & quomodo ad ceteras sese habet virtutes. Illud autem antea confiteamur oportet: omnem sermonem qui est de rebus agendis, figura & non exactè fieri debere, quemadmodum & ab initio diximus, rationes inquit vt materia postulat, semper efflagitandas. Actiones autem & ea quæ profunt, nullam habet stabilitatem, quemadmodum neque salubria. atque cùm talis sit sermo vniuersalis, multo minus is sermo certitudinis habet, qui de singularibus est, nam neque sub artem, neque sub præceptionem vllam cadunt. Sed oportet ipsos agentes ea semper cõsiderare, quæ ad tempus accomodantur. quemadmodum & in medicina fit, & in gubernandi etiã arte. Verum etsi præsens sermo talis est, vt diximus, enitendum est tamẽ opẽ ac auxiliũ ferre. Primũ igitur hoc contempleremur oportet: res istiusmodi tales esse, vt ab exuperatione defectioneue corrumpatur, vt in viribus videmus, ac valetudine fieri. nam pro rebus obscuris, claris iudiciis vtamur oportet. exuperatio nanque laborũ defectioneque vires corrumpit. similiter potus, cibiue exuperantes atque deficientes valetudinem auferunt: moderati verò faciunt, augent & cõseruant. Sic igitur & in fortitudine, ac temperantia, ceterisque virtutibus res sese habere videtur.

ὑπερβί-  
δω.

ἐν δὲ τοῖς  
ὑπερβολαῖς

qui nanque cuncta fugit, atque formidat, neque quicquam subire, perferreque patitur: is timidus fit. qui nihil omnino timet sed aggreditur omnia: is audax nimium efficitur. simili modo qui voluptate omni potitur, nec excipit ullam: intemperans. qui cunctas fugit (perinde atque agrestes homines) insensatus euadit. etenim tam temperantia quam fortitudo ab exuperatione quidem & defectu corrumpitur: à mediocritate autem conseruatur.

12 At enim non solum ortus & incrementa, corruptionesue ex eisdem & ab eisdem efficiuntur: sed & operationes in eisdem etiam erunt. Nam & in ceteris quæ sunt manifestæ magis, res ita sese habere videtur, ut in viribus. vires enim non tam copia cibi quam multorum laborum tolerantia, comparantur: & robustus ipse multum sumere cibum, & multos labores tolerare maximè potest. Sic fit & in virtutibus ipsis. nam abstinendo à voluptatibus efficiuntur temperati, & facti iam temperati, maximè ab ipsis possumus abstinere. idem & in fortitudine fit. Etenim assuescendo formidolosas res parui pendere subireque ipsas atque perferre, fortes euadimus: factique fortes maximè res formidolosas poterimus ferre.

## Commen.

8 CVM autem præfens tractatio. Hoc est secundum capitulum huius primi tractatus, in quo postquam supra ostendit virtutem generari in nobis non à natura, sed à consuetudine & actionibus nostris: nunc declarat quales sint illæ actiones, quibus efficitur ipsa virtus. diuiditur autem hoc capitulum in tres partes. In prima proponit quod & quomodo videndum est de actionibus. In secunda ostendit, quales actus efficiunt virtutem: & quales corrumpunt. In tertia ostendit de actionibus quæ sunt post habitum acquisitum. scilicet quod sunt similes illis quibus comparatus est habitus. In prima igitur parte dicit philosophus, quod cum præfens opus, id est intentio, & finis principalis huius doctrinæ moralis, non sit cognitio tantum, quemadmodum est in cæteris, id est in scientiis speculatiuis, quarum finis est tantum cognitio, sed huius finis sit actio, qua efficiuntur boni, necessarium est videre de actibus qualiter debeant fieri. nam quales sunt actus tales habitus fiunt. Notandum quod finis scientiæ moralis differt à fine scientiæ speculatiuæ. nam speculatiuæ est tantum cognitio: moralis est duplex. scilicet cognitio & actio. verum cognitio est finis minus principalis: actio principalior. [A GERE igitur.] Ostendit philosophus in genere quomodo debet fieri actus, & operationes studiose. scilicet quod debent fieri secundum rectam rationem, id est prudentiam, & hoc est commune præceptum & conuenit omnibus actionibus bonis. oportet autem illud præsupponere tanquam concessum, quia non est locus probandi in præsentiarum: sed in sexto huius declarabitur quid est recta ratio, id est prudentia, & quomodo ea sit infusa in omnibus aliis virtutibus tanquam sal in epulis, sine qua nulla esset virtus: & ubicunque ipsa prudentia adest, est causa ut ceteræ sint virtutes tales. Notandum quod actus nostri possunt esse boni & mali, propter diuersas circumstantias, & qualitates quæ illis inesse possunt, & illæ circumstantiæ, à quibus nostri actus qualitate accipiunt, determinantur ab homine prudente, qui diiudicat quæ circumstantia reddat actum bonum, & quæ malum. [I L L V D autem antea.] Ostendit modum, procedendi in hac doctrina tradenda de actibus nostris, qui modus est persuasiuus, & ab effectibus, & demonstratione, quia & non propter quid, ut in primo libro sapius dixit. materia enim virtutis & res agibiles non eodem modo se habent, etiam si in vniuersali sumantur, de quibus magis videtur, quod eodem modo se habere, & non proutari deberet. quod si in vniuersali sunt mutabiles, & variæ, multo magis eueniet hoc in singularibus, & in singulis actibus: quia singularia non cadit sub aliqua arte, & certa regula. Sunt enim variæ, & aliter atque aliter se habent ut patet in his quæ dicuntur sana, & affectiua sanitatis, quæ non sunt semper talia ut efficiant sanitatem propter varia tempora, & ætates & complexionēs varias. Afferemus tamen eam doctrinam quæ patitur subiecta materia. [P R I M V M igitur.] Hæc est secunda pars huius capituli, in quo ostendit quales actus efficiunt virtutem, & quales corrumpunt eandem: & dicit quod actus qui sunt in medio inter excessum & defectum, efficiunt & conseruant virtutem: excessus & defectus corrumpunt eandem & introducunt habitus vitiosos, & probatur hoc pacto. Omne illud quod corrumpitur extremis, generatur & conseruatur à medio: sed virtus corrumpitur extremis: ergo generatur, & conseruatur à medio. maior declaratur exemplo viri & sanitatis: minor exemplo fortitudinis, & tempe-

rantia: vt patet in textu. notandum q̄ magna est similitudo quātū ad hāc partē inter corpus, & animā. nam vt corpus habet vires & robur, & huiusmodi tanquā virtutes, & sanitatē tanquā felicitatē: sic animus habet virtutes tanquā vires, & felicitatē tanquam sanitatē. hæc autē in vtroq; generantur à medio, corrūpuntur ab extremis. Philosophus autem attulit exemplum habituum & viriū quæ sunt in corpore, tanquam notius, infensatus non est appellandus talis qui esset summe castus, virginali. f. castitate: quia fugit voluptates secundū rectā rationē. agrestis verò & insensibilis sine recta ratione. [A T enim non solum.] Hæc est tertia pars capituli in qua affert aliā sententiā talem quòd iidem actus prosuunt ab habitu, siue virtuoso siue vitioso: idem inquam ex quibus generatus est talis habitus. sicut fit in habitibus corporis: ita etiā in habitibus animi, sed in habitibus corporis ita fit vt tales operationes sint post habitum quales fuerunt ante habitū, ex quibus ille habitus factus est: ergo ita fiet in habitib⁹ animi. tales enim erūt operationes, post habitum, quales fuere illæ ex quibus est generatus. Notandū quòd philosophus videbitur hic asserre aliam sententiā à superiore. prius enim probauit quòd omnis virtus oritur ex medijs actionibus: hic autem ostendit quòd tales operationes erunt post virtutem, quales fuerunt ante virtutem, quales inquam fuerunt illæ ex quibus generata est virtus. vel etiam dicere possumus quòd hic probat etiā superiorem sententiā hoc pacto, ex talibus operationibus oritur virtus, quales sunt illæ quæ procedūt à virtute post habitum acquisitum: sed operationes p̄deutes à virtute, post habitum acquisitum consistunt in medio: ergo ex medijs operationibus oritur virtus. dubitatur quia non videtur verum quòd actus qui sunt ante habitum, & post habitum sint iidem, vt sint eiusdem speciei. verū aliquid dicitur esse idem, aut genere, aut specie, aut numero. Idem de genere non est hic intelligendum, quia est modus nimis latus. omnes enim actus hoc pacto sunt iidem, & conueniunt in genere morum. Iidem etiam numero esse non possunt actus qui antecedunt habitum, & actus qui sunt ab habitu, & sequuntur post ipsum. relinquitur quòd tales actus si sunt iidem, vt dicit philosophus, sint eiusdem speciei: & hoc non videtur verum. nam agere studiōse & non studiōse differunt specie. at agere post habitum virtutis est agere studiōse, agere verò ante habitum virtutis est agere non studiōse: ergo ista differunt specie, & non sunt eadem specie vt ait philosophus. dicendum quòd actus, & operationes quæ præcedunt, & sequuntur habitus, si considerentur ex parte sua, id est, ipsarum actionum, sunt eiusdem speciei. Nam reddere depositum, & hoc fieri ante habitum iustitiæ acquisitum, & post habitum eiusdem est speciei, & duæ tales actiones sunt eadem specie. si verò considerentur ex parte agentis non sunt eiusdem speciei. nam altera fit à non studiōse, altera à studiōse: & sic soluitur dubitatio. nam cum philosophus dicit quòd tales actus ante & post habitum sunt iidem, intelligit ex parte actionem, scilicet quòd sunt eiusdem speciei & rationis.

*Quòd virtus moralis sit circa voluptates ac tristitias.*

*Cap. III.*



Tqui signum habituū sit oportet ea voluptas quæ ipsis actionibus aduenit, & idē idem dolor. Qui nanque à corporis abstinet voluptatibus, si hoc ipso gaudet, temperans est: sin molestē fert, intemperās. Rursus qui pericula subit & gaudet, aut saltem non dolet, fortis: qui verò dolet, timidus est. moralis nanque virtus circa voluptates dolorēsque versatur. Ob voluptatem enim res improbas agimus: ob dolorē verò res posthabemus honestas. Quapropter homines ab ipsa statim adolescētia (vt inquit Plato) ita institutos esse oportet, vt iis gaudeant, doleantque, quibus gaudere dolorēque oportet. hæc est enim educatio, ac eruditio recta. Praterà si virtutes sunt circa actiones atq; affectus, omnē verò affectum, & actionem omnē, voluptas sequitur aut dolor: virtus ob id ipsum etiā circa voluptates, dolorēsque versatur. indicāt id ita esse & pœnæ: quippe cū p ipsos fiāt dolores. sunt enī medicamēta quædam: medicamenta verò per contraria fiunt. Præterea omnis habitus animi (vt & antea diximus) ad ea & circa ea naturam habet, à quibus deterior meliōrque efficitur. at ob voluptates dolorēsve, prauī habitus fiunt: ex eo sanē quia persequuntur homines atque fugiunt, aut quas, & quos nō oportet, aut cum oportet, aut quemadmodum non

I

13

I

## I

**A**T QVI signum habitum.] Hoc est tertium capitulum huius primi tractatus, quod variè accipitur ab expositoribus. quidā dicunt quòd in hoc capitulo ostenditur circa quæ versatur moralis virtus, & diuidunt ipsū in tres partes. In prima ostendunt qd virtus versatur circa voluptates & dolores ex parte operationum. In secūda ostēdūt idē ex parte habitūū. i. virtutis. In tertiā ostēdūt idem ex parte hominis, & talis est eorū ordo. quidā aliī dicūt qd in hoc capitulo affertur primò signū, quò percipiatur quādo acquisitus est habitus virtutis vel vitii, & postēā circa quæ versatur virtus. nā cūm habitus cognoscatur, aut ex voluptate, aut dolore comitante operationes, videtur qd virtus, aut etiā vitii versetur circa voluptates, & dolores, & secūdum hæc duo diuidunt capitulum in duas partes: & in prima ostēdūt qd signū acquisiti vel nō acquisiti habitus sumitur ex voluptate, aut dolore comitante operationes. In secūda ostendunt qd virtus moralis versatur circa voluptates & dolores, & sic volūt illa duo ostēdi à philosopho. Alii dicūt qd in hoc capitulo vnū tantum ostenditur. s. qd signū acquisiti vel nō acquisiti habitus in nobis sumitur ex voluptate, aut dolore comitante operationes. Nā cūm operationes pducūt cū facilitate, tūc sequitur voluptas tales actiones: & est signū acquisiti habitus in nobis, cū verò procedunt cū difficultate, tunc sequitur dolor, & est signū nō habitus nōdum acquisiti. & dicunt qd philosophus ponit pro minori syllogismi illam partem. i. qd virtus moralis versatur circa dolores, & voluptates. quam minorem postēā philosophus probat multis rationibus. Harum opinio nō Io. Argy. posthabet primam secundam magis probat. tertiā dicit esse magis accommodatā ad mentem philosophi iudicio suo. sequendo igitur hāc vltimam expositionem, dicemus repetendo altius, vt ostendatur ordo philosophi, quòd in principio huius secūdi libri, & primò capitulo cum esset tractaturus de virtute, ostendit, quòd virtus ex multis, & frequentibus operationibus, id est, à consuetudine operandi causatur. quapropter sequitur ostendere, in secundo capitulo quales operationes generēt virtutē. & idē potest intelligi de vitio, id est, qd doceat de virtutibus, sed cūm plures, & frequētes requirātur operationes vt diximus, videbatur cōgruū ostē-



dere, quòd actiones sint producendæ quousque habitum acquiramus. sed cùm numerus actionũ non possit determinatus constitui. s. vt tot actiones faciãt habitũ virtutis, quia variæ sunt dispositiones hominum ad virtutem consequendam. alii namque sunt tardiores, alii promptiores, & magis aut minus ad hanc virtutem, quàm ad illam. Ideo cùm variæ res sese habeant, est inuestigandum aliquod signum, quo percipiatur vtrum habitus sit acquisitus, aut non acquisitus in nobis, quapropter in hoc capitulo affert tale signũ. s. q̃ ex voluptate comitante operationes deprehenditur habitum iam esse acquisitum, & q̃ tales operationes p̃sunt ab habitu. ex molestia verò, & dolore comitante actiones, & ipsa difficultate ostenditur nõdum acquisitum esse habitum, & q̃ tales actiones non p̃sunt ab habitu: & sic ostendit philosophus q̃ queritur. i. quando percipitur, & ex quo habitum esse acquisitum vel non acquisitum. ratio autem talis esse videtur, probans eam conclusionem. Ille habitus qui versatur circa voluptates, & dolores, habet signum suũ vel non suũ acquisitionis, voluptatem aut dolorem sequentem operationes: at virtus moralis est habitus, qui versatur circa voluptates & dolores: ergo habet signum suũ vel non suũ acquisitionis, voluptatem aut dolorem sequentem operationes. maior est nota & exemplis ostenditur. nam siquis ab voluptatibus corporis sibi oblati abstinet cum iocunditate & facilitate, temperans est: & illud est signum q̃ iam habet habitum temperantiæ, & eodem pacto de reliquis virtutibus. minorem p̃bat philosophus octo rationibus, quarum quatuor primæ sumuntur ex parte ipsius virtutis: quatuor vltimæ ex parte hominis. sed antequàm istæ rationes afferantur, dicendũ est q̃ habitus acquisiti à nobis, ita ferme se habere videntur ad suas operationes, vt potentia naturales ad suas etiam operationes. potentia enim naturales statim exeunt in actum, & sine aliqua difficultate, & impedimento naturali exercent suas operationes, vt oculus sua potentia visiva facillimè videt quodcũque obiectum visibile sibi oblatum. Eodem modo cum est habitus iam acquisitus operationes ex tali habitu p̃ducuntur cum facilitate, vt patet in artibus quas acquirimus. primò enim antequàm acquiratur habitus artis operationes fiunt cum difficultate: deinde cùm sumus adepti dispositionem aliquam cum minori difficultate: cùm verò habitum perfectè cõsecuti sumus facile operamur, tanquàm si ille habitus esset quædã naturalis potentia. ex quo emergit sententia philosophi q̃ voluptas aut dolor, est signum virtutis acquisitæ aut nõ acquisitæ. & cum nõ possit determinatè assignari quot operationes requirantur ad habitũ consequendũ, ideo hoc passio huius termini signũ bene est vt diximus à philosopho declaratũ. Dubitatur, quia nõ videtur verum q̃ omnes operationes virtutis sequatur, & comitetur voluptas. subire enim mortẽ pro salute patrie vel p̃ fide more nostro, est opus fortitudinis, quod opus nõ sequitur voluptas. dicendũ q̃ si in hoc nõ gaudet, sufficit vt saltem nõ doleat. vel etiã dicendũ q̃ si in cunctis operationibus p̃cedentibus à tali habitu nõ gaudet: sufficit q̃ in pluribus gaudeat, vel nõ doleat animo, & si doleat corpore, vt patet. [O B voluptatẽ enim] Diximus q̃ philosophus p̃bat illã minorem. s. q̃ virtus moralis versatur circa voluptates & dolores: p̃bat inquã octo rationibus, quarũ quatuor erant ex parte virtutis, quatuor ex parte hominis. Prima ratio, habitus versatur circa illa ex quibus generatur & corrumpitur: sed virtus est huiusmodi, & per voluptates & dolores generatur, & corrumpitur: ergo virtus versatur circa voluptates & dolores. Nam propter voluptatem improba facimus, sequendo corporeas voluptates: per dolorẽ posthabemus honesta. Ita q̃ per voluptates, & dolores acquirimus, & amittimus etiã virtutes. p̃pter eã laudat Platonẽ qui dixit q̃ oportet hominẽ à prima ætate assuescere vt gaudeat quibus gaudẽdum est, & similiter doleat. [P R A E T E R E A sũt virtutes.] Omnis actus, & affectus versatur circa voluptates & dolores. at virtus versatur circa actus vel affectus: ergo virtus moralis versatur circa voluptates, & dolores. maior nota, minor quoq̃ patet. Nã aliquæ virtutes versantur circa actus vt liberalitas, magnificetia: aliquæ circa affectus, vt temperantia circa cõcupiscibile affectũ: fortitudo circa irascibile. Indicant id. tertia ratio circa illa versatur virtus ex quibus fit medicina aduersus vitia: ea sunt pœnæ, & dolores, ergo circa dolores versabitur virtus. hoc patet quia cõtraria cõtrariis sanantur: & minor p̃batur experientia ipsa. nã quando aliqui sunt mali puniuntur pœnis & doloribus, qui sunt contrarii voluptatibus quas sequuntur in adipiscendis vitiis. [P R A E T E R E A omnis habitus animi.] Omnis habitus animi circa ea versatur ex sua natura, à quibus fit aut deterior, aut melior. sed per voluptates & dolores fiunt habitus pravi persequendo vel fugiendo vt non oportet: & fiunt boni fugiendo, vel fugiendo vt oportet. Igitur virtus quæ est habitus animi versatur circa voluptates & dolores. nam virtus vult moderari, quòd voluptas & dolor perturbat: & ideo Stoici diffinierunt virtutes esse tranquillitates quasdam, & quietes, quia sedant perturbationes animi. & bene dixissent si cum aliqua moderatione dixissent: verum non rectè in hoc dixisse videntur, quia simpliciter, & absolute attulerunt virtutes esse tranquillitates sine aliqua additione, non addẽdũ vt oportet: & cum aliqua moderatione, quia virtutes sunt mediocritates quædam, & ponuntur in mediocritate perturbationum, & passionum quæ sunt circa appetitum, & ipsa virtus moderatur, & regulat appetitũ in motibus suis vt oportet, & quado oportet, & secundum alias circumstantias, & non penitus sedat appetitum vt nihil sentiat vt volũt stoici. Sic est opinio Aristotelis de virtute morali, quæ videtur pertinere ad ciuilem hominẽ. Stoicorũ



verò ad remotum & perfectiorem, quæ propter ob hæc dicta Aristotelis nō est posthabenda Stoicorum opinio. Ex his omnib⁹ cōcludit q̃ virtus moralis verlatur circa voluptates, & dolores: & dicit, Subiiciatur. s. in prima argumētatione cuius nunc p̃bam⁹ minorē. Itaque subiicitur hæc tanquā suppositio quædā, propositiones enim famosæ, quæ sumūtur in qualibet scientia, solent à philosophis appellari suppositiones. notandū q̃ p̃ declaratione illius definitiōnis, quā de virtutib⁹ ponebat Stoici dicētes esse tranquillitates, & quietes nōnulla dicēda esse vidētur. habebat illi multas rationes ad p̃bandam sententiā suam, sed afferantur. Prima ratio, quanto virtus est perfectior, tanto magis affectum & appetitum superat. ergo perfectissima, & in summo gradu virtus, ita superabit vt nullo modo sentiatū à tali habente eam virtutem in summo gradu. Secunda ratio: contrariorū ea natura est vt cum vnū in subiecto adest, alterum abest: sed virtus & appetitus vel potius affectus secundum illos sunt contraria, ergo cum vnū, id est virtus adest perfectissima: alterū, id est affectus abest necesse est. non enim in eodem subiecto simul cōsistent. Tertia ratio: sicut se habet sanitas ad corpus ita virtus ad animum. sed cum sanitas aderit corpori aberit omnis morbus ne operatio impediatur. ita & in animo cum virtus adest, aberit omnis passio ne impediatur operatio secundum virtutem ab appetitu vel affectu. Affectus enim videtur esse tanquam impedimēta in animo. Quarta ratio, dictum est felicitatem esse operationem secundum virtutem perfectam, sed virt⁹ perfectā est sedatio & purgatio animi: ex quo sequetur quòd animus resecetur virtutibus & habens virtutem perfectā erit in tranquillitate, & quiete summa. Ad hæc respondere possumus primum loquendo de virtutibus quæ sunt circa affectus. Nam iustitia, liberalitas & huiusmodi quæ sunt circa actus non habent sedare affectus vllōs, & penitus extinguere vel suffocare. sed loquimur de illis quæ sunt circa affectus & ad rationes. Ad primam cum virtutes sint moderatrices affectuum nō videtur posse separari ab eis, sed bene redigere ad mediocritatem, non autem extinguere, & suffocare omnino. Ad secundam dicendum quòd virtus, & appetitus siue affectus regulatus possunt esse simul in eodem subiecto, quia non dicuntur esse contraria eo pacto. sed irregularus est ille qui videtur opponi, & aduersari virtuti: non autē moderatus, qui videtur posse stare simul: & bene cōueniunt cum officium, & opus virtutis sit eum temperare. Ad tertiam dicendū quòd illa conclusio non est vera. s. quòd appetitus, & passio aberit ab animo sano cum virtus aderit, quia hoc intelligitur de appetitu & affectu non regulato à ratione. sed regulatus manere potest vt diximus. Ad quartam dicendum quòd si virtus est purgatio animi, nō est eo pacto vt penitus suffocetur appetitus, & affectus. Cōcluditur studiosum siue felicē quē ponit Aristoteles non esse eiusmodi, vt nō moueatur affectibus, sed moderari eos debet vt diximus. Veritatem si volumus tueri sententiā Stoicorum, dicere possumus quòd felix post habitum acquisitum virtutis euadere potest ad tantam perfectionem, vt nō moueatur affectibus. nam veluti frequentī operatione sibi virtutem cōparauit. sic operando pōt continuò secundū talem habitū addendo, & augendo gradū virtutis euadere posse videtur ad tantā excellentiam, vt sedatis perturbacionibus nō sentiat affectus. nā vbi est dare pessimum, est dare optimum. sed cū sit dare appetitū ita à ratione alienū, vel ei dominantē vt penitus imperium teneat, & viuat tanquā bellua quædā quod est pessimū: sic etiā videtur inueniri posse appetitū ita subiectum rationi, atque ita focatū ab eadē vt ratio dūtaxat operetur. quod est quoddā optimū. vbi hoc reperitur, & is homo in quo hoc esset, videretur esse sine affectibus, & in quiete, & tranquillitate ab omni perturbacione remota. hunc speculatiuū appellauimus & felicē speculatiua felicitate. Etenim quasi per speculationē, & cōtemplationē separari videtur animus ab omni appetitu vel affectu, & hoc pacto dicere possumus bene sensisse Stoicos. Peripateticorū quoque opinio se bene habebit in felicitate actiua atque ciuili, quæ videtur esse media. Nam cū non sit p̃gressus ab extremo ad extremū sine aliquo medio inter illa duo. appetitum effrenatum, & penitus sedatum, erit danda media via: & hæc erit appetitus regulatus. [E A D E M etiam dilucidiora.] Hæc est quinta ratio ad p̃bandam eandem sententiā. s. quòd virtus verlatur circa voluptates & dolores, & est prima ratio illarū quatuor quæ sumūtur ex parte hominis, cū superiores p̃bauerint eandem sententiā ex parte virtutis. Afferit igitur talem rationem. virtus moralis verlatur circa id quod cōmune omni bono humano. sed voluptas est cōmunis omni quod expetitur vt bonū humanū, ergo circa voluptatem verlatur virtus, & per cōsequens circa dolores. maior patet: minor declaratur. Nam tria sunt quæ expetuntur vt bona humana. bonū vile, honestū, iocundū: & tria cōtraria, & opposita illis, & circa hæc omnia bene agit vir studiosus: vitiosus autē in iis omnibus aberrat, & præsertim circa voluptatē propter duas rationes quas assignat philosophus. Prima est quia voluptas est maximè res communis, quæ competit omnibus animalibus. Secunda est quia reperitur in omnibus actionibus quæ procedunt ab electione, & reperitur voluptas in honesto & vitioso: non autem in voluptate semper est honestum, sed quandoque oppositum. Ex quo sciendum est quod si aliquando cōcurrant, vt idem sit honestum, & vile, & iocundū, tamen differunt secundum suam rationem formalem, & sunt res diuersæ. honestum de natura sua semper est bonum. vile verò & iocundum, quod dicitur & appellari solet, scilicet vile, & iocundū non semper est bonum, nec semper est honestum. [P R A E T E R E A cunctis.] Sexta ratio. Circa id

versatur virtus moralis, quod comitatur hominē à primis incunabilis. sed voluptas est huiusmodi, ergo circa ipsam versatur virtus, & ex consequenti circa dolorem cū eadem sit potentia contrariarum: quod autē voluptas sit insita nobis, patet, quia sequitur omnē ætatem hominis. appetitus enim est intimus omni animali, & homo statim à primordiis vitæ appetit nutrimentum, & talis cupiditas sequitur hominē semper, & dicit philosophus quod propterea est difficile eiicere talē perturbationē. [V D I C A M V S etiā.] Septima ratio. Circa ea quibus maxime diiudicamus nostras operationes versatur virtus moralis: at voluptate, & dolore maxime diiudicamus nostras operationes: ergo circa voluptatē, & dolorē versatur moralis virtus. maior patet: minor quoque. Ambo enim tā vitiosi, quā studiosi id faciūt, sed diuerso modo. studiosus enim fugit obscenas voluptates, & subit dolores, si opus est ob ipsam honestatē: vitiosus ecōtra. [D I F F I C I L I V S est.] Octaua & vltima ratio ad probandā dictam cōclusionem, & sententiam. f. quod virtus moralis versatur circa voluptates & dolores. Dicit enim ex sententia Heracliti quod difficilius est voluptati repugnare, quā irā. sed virtus atque ars versatur circa difficiliora: ergo virtus versatur circa voluptatē. Nam bene in hoc. sapere quod est difficilius melius est quā agere in eo quod est facilius. Nā si virtus versatur circa irā, & mitigat talem motū, & facilius est sententia Heracliti repugnare irā, quā voluptati, & virtus versatur circa difficiliora, multo magis versabitur circa voluptatē. Notandū quod dicitur virtutē & artem versari circa difficiliora, id est vltimū & perfectissimū illius artis vel virtutis, in quo cōsequendo est labor. vt abstinere à leuibus voluptatibus corporis bene est, sed aut facile aut nō multū difficile: At à multis & maximis voluptatibus abstinere hoc est difficillimū, & maxime circa hoc versatur virtus: & circa hanc difficillimam actionem bene operari est multo melius, & magis proprium virtutis, quā in illa facili actione circa leuē voluptatē. Similiter in artibus vt non in quavis tarda, & facili pulsatione cōsistit vis artis, sed in velocissima & aptissima, quod est difficillimum in tali arte, & sic de aliis artibus. Notandū præterea quod sententia Heracliti non est in omni parte vera: quia vehementior videtur esse impetus irā, quā voluptatis. Quapropter ad hanc declarationē est intelligendū quod irā & voluptati est resistendū tanquā hostibus, & cuiuslibet hosti qui plures partes habet idoneas ad inuadendum difficilius resistitur. Partes autē possunt esse tales in eo. f. vt sit potēs, vt sit cautus: vt habeat magnam occasionē inuadēdi. Item semper pugnator adsistat. illi igitur qui plures harum partium habebit difficile resistetur. Ira est potentior & vehementior, quā voluptas, & secundū suos vehementiores motus difficilius obliſtetur irā, quā voluptati. at reliqua tria sunt in voluptate magis, quā in ira. nā voluptas cum maiore cautione, & magis latēter nos inuadit, quā ira. pollicetur enim semper bonū, & sub specie boni nos decipit: habet etiā maximam occasionē inuadendi: quia est maxime insita naturę voluptas. asistit etiā semper, & omnes pene actiones animi vel corporis comitari videtur. Itaque secundū has partes Heracliti sententiā esset vera eo modo quo diximus. quapropter circa voluptates, & dolores versatur totum negociū virtutis, & ciuilis viri. Nam qui bene operantur circa voluptates, & dolores, abstinēdo à voluptatibus vt oportet, & in subeundo dolores & labores vt oportet, p̄ acquirēda honestate, is erit bonus. Post hac epilogat philosophus omnia quæ dixit in hoc capitulo, & in præcedētī. f. quod iam satis dictum est, quod virtus versatur circa voluptates & dolores. & quod ex quibus sit ab eisdem aliter factis corrumpitur virtus. Dubitatio oritur ex eo quod dixit philosophus in hoc capitulo, scilicet quod virtus moralis versatur circa voluptates, & dolores. hoc non videtur verum de quacunque virtute, & probatur. Illud circa quod versatur vna virtus non est materia omnium virtutum, sed circa voluptatem versatur sola virtus temperantię: ergo voluptas non est materia omnium virtutum. Item non omnis virtus versatur circa affectus, nec ex consequenti circa voluptatem vt est liberalitas, magnificentia, & huiusmodi, quæ versantur circa actus. Temperantia verō sola videtur versari circa voluptatem, ergo non omnis virtus moralis versatur circa voluptatem, & similiter dicitur de dolore: oppositum assert sententia philosophi vt pluribus rationibus ostendit. dicendum ad hanc difficultatem quod est voluptas quædam in genere: quæ prædicatur de duabus voluptatibus, scilicet animi & corporis, & est etiam sciendum quod bisariam dicitur versari circa voluptatem. Vno modo veluti circa propriam materiam vt fortitudo circa terribilia: liberalitas circa pecunias: & hoc modo non intelligit philosophus hic virtutes versari circa voluptates & dolores. nam propria materia virtutis in genere, vt ipse dicit, est vel sunt actus & affectus. Alio modo dicitur versari sicut ex quodam consequenti, vt nunc dicit versari virtutē circa voluptates, & dolores. Nam voluptas aut dolor comitatur, & cōsequitur omnem actum vel affectum circa quæ ut dictum est versatur virtus tanquam circa propriam materiam. Itaque ex consequenti virtus moralis versatur circa voluptates & dolores, & cum duplex sit voluptas vt diximus, non versatur omnis virtus moralis circa eam quæ est corporis: circa quā versatur temperantia tantum sicuti circa propriam materiam suam: sed bene versatur omnis virtus moralis circa voluptatem in genere, quæ cōsequitur omnē actū vel affectū siue illa sit animi siue corporis. His animaduersis facile soluentur omnes argumentationes in cōtra: iam factæ. nam cum dicebatur quod voluptas est materia tantum temperantię, & nō reliquarū virtutū: cōcluditur si sumatur voluptas corpo-

porea. Verum philosophus loquebatur de voluptate in genere, quæ sequitur omnem actum vel affectum, & circa talem voluptatem intelligit virtutem moralem versari ex consequenti, & pro quanto talis voluptas comitatur ipsos actus, & affectus, & non ut circa propriam materiam suam ut dictum est, & ut patet.

*Discrimen inter iusta agere, & iuste agere. Cap. IIII.*

**D**ubitauerit autem quispiam, quonam modo dicimus iusta agentes iustos, & temperata temperatos fieri oportere. Nam si iusta, temperataque agunt: iam iusti sunt & temperati, perinde atque si grammatica, musicave faciunt, grammatici sunt atque musici. An nec in artibus res ita se habet? Fieri nanque potest, ut grammaticum aliquid quispiam faciat: & fortuna & alio admonente. at tunc erit grammaticus, cum & grammaticum quippiam, & grammaticè faciet, id est secundum eam (quæ est in ipso) grammaticam artem. Præterea nec simile in artibus, & in virtutibus est. nam ea quæ ab artibus fiunt: bonum ipsum in seipsis habent. sufficit igitur: si ipsa aliquo modo sese habentia fiant. at ea quæ à virtutibus fiunt: non iuste aut temperatè aguntur, si sint iusta aut temperata, sed si & agens sic se habens agat primò quidem si sciens, deinde si eligens propter ipsa, tertio si firmo animo ac immutabili agat. Hæc autem ad \* habitus quidem cæteros habendos non requiruntur præter ipsum scire. ad virtutes autem scire quidem parū aut nihil potest: cætera verò non parum, sed totum possunt. TEXVS.

ex eo quia persæpe res iustæ, temperatæque aguntur, proveniunt. Res igitur iustæ, temperatæque dicuntur: cum sunt tales quales vir iustus ageret aut temperatus. Iustus autem ac temperatus est: nō is qui has agit, sed qui sic etiam agit ut iusti temperatique agunt. rectè igitur dicitur iustum fieri agentem iusta: & temperatum etiam temperata. qui verò hæc nō agit, nunquam euasurus est bonus. Verum plerique hæc quidem non agunt. Ad sermones autem confugientes sese philosophari putant, & studiosos hoc fore modo. atque perinde ut ægroti faciunt, qui medicos quidem diligenter audiunt, nihil autem eorum agunt quæ præcipiuntur ab illis. ut igitur illis corpus non bene sese habeat si ita curantur: sic nec his animus planè, si ita philosophantur.

*Commen.*

**D**UBITAVERIT autem quispiam.] Hoc est quartum capitulū huius primi tractatus: in quo soluit quandā dubitationē, quæ oritur ex eius dictis in primo capitulo: quibus probabatur virtutē fieri à consuetudine, & operationibus nostris. Dicebat enim q̄ sicut fabricatio fabri & citharā pulsatio citharæ: sic iusta agēdo iusti, & fortia fortes efficiuntur. & in se quæntibus etiā hanc eandē sententiā videtur ostendere. potest igitur dubitari quomodo hoc fiat, & quomodo dictum sit quod iusta agendo efficiatur aliquis iustus: nam si iusta agit iam videtur esse iustus: quod si iam est iustus, nō est opus ut fiat: hæc videtur esse implicatio, quæ indiget declaratione. dividitur autem hoc capitulum in tres partes. in prima proponit dictā dubitationē: in secunda ponit opinionem suam, quomodo iusta agendo fiat aliquis iustus: in tertia remouet opinionem eandē, quod scire virtutem satis sit ad eam consequendam. in prima igitur parte dicit philosophus quod quispiam dubitavit quod iusta agēdo quis fiat iustus, & sic in aliis virtutibus, quomodo enim iusta agi possunt nisi à iusto viro? Ergo nō videbitur verū quod dixim⁹ quod ex iustis operationibus fiunt iusti, sed bene ecōtra videtur verum, quod oportet esse iustū, postea operari. sicut enim fit in artibus, ita in virtutib⁹: sed in artibus ita fit ut prius sint artes, po-

stea operationes: ita debet fieri in virtutibus. nam oportet vt prius aliquis habeat grammaticam vel musicam, postea producat actus musicos vel grammaticos. sic videtur euenire in virtutibus. <sup>21</sup>  
 [A N nec in artibus.] Soluit vno modo dubitationem, & videtur concedere similitudinem, scilicet quod sicut fit in artibus ita in virtutibus. sed negat assumptum. quod dicitur ita fiat in artibus sicut in virtutibus vt prius sint artes postea operationes, & nullæ operationes præcedant artes: nec valet consequentia quod aliquis dixit aut scripsit aliquid grammaticum, vt habeat habitum, & artem grammaticam: quia potest proferre aliquid grammaticum a casu vel alio admonente, & tamen non sequitur vt grammaticum sit, sed tunc est grammaticus cum agit secundum habitum grammaticum qui in eo est. quare non sequitur, Produxit actum artificiosum, ergo habet artem: nec etiam sequitur, Produxit actum studiosum: ergo habet virtutem: & in hoc conueniunt virtutes & artes, & sunt similes. P R A E T E R E A nec simile.] Affectum aliam solutionem dubitationis negando aliqua ex parte similitudinem inter operationes artis & virtutis. superius concesserat <sup>22</sup>  
 eas esse similes ob vnam rationem qua conueniebant: hic negat ob aliam rationem qua differunt, nam opera artium habent in se bonum & non requirunt multas condiciones ad ostendendum quod sint facta ab homine habente habitum artis: quas conditiones requirunt operationes virtutis, ad hoc vt procedant à virtute, & à viro studioso. hæc sunt tres: primò à sciente & non casu aut ignoratione: deinde ab eligente, & non aliquo impetu naturali, aut aliter inconsiderate. eligente inquam propter se, id est propter illa talia vt iustam operationem propter ipsam, & non ob alium respectum veluti suo commodo, aut vindicta aut simulatione, & similiter: tertio vt immobili iudicio fiant, & non ab agente nunc rectè nunc non rectè. at in artibus harum trium conditionum nulla requiritur præter primam. scilicet ipsum scire, & hoc parum est in virtutibus: in artibus verò totum est ipsum scire. sed vt breuiter colligatur ordo philosophi ab initio paucis repeto. Dubitaret quis inquit philosophus quomodo possint fieri iusti ex operationibus iustis, vt antea dicebamus. nam si producit operationes iustas, & modestas, & huiusmodi, iam videntur esse iusti. veluti in artibus, si quis producit operationes musicas, ergo est musicus. tunc respondet philosophus quod non est ita in virtutibus, & in hoc sunt similes, quia non sequitur quod si quis operationes artificiosas aut studiosas producit statim habeat artem aut virtutem, & in hoc conueniunt artes atque virtutes. Differunt postea quod in arte scientia sufficit ad producendum opus, & sufficit quod opus sit à sciente productum. at in virtute non sufficit vt operatio studiosa sit à sciente producta, quia requiritur etiam electio & firmum iudicium. quod d. philosophus non valet, studiosa est operatio: ergo habet virtutem: artificiosum est opus, ergo est ab arte. sed si concederetur hoc in arte, quia opus perfectum artis videtur esse ab artifice sciente, & scientia sufficit in arte: tamen non concederetur de actibus virtutis, quia vt actus studiosi sint à virtute requiritur præter scientiam electionem, & iudicium firmum. Notandum quod illæ tres conditiones quas philosophus attribuit operationibus ad hoc vt proveniant à virtute, respiciunt tria. scilicet intellectum, appetitum & habitum. scire pertinet ad intellectum: eligere ad appetitum cum imperio rationis, & consultatione vt patebit in tertio: agere immobili iudicio pertinet ad habitum virtutis. est enim habitus de difficili mobilis vt ait philosophus in prædicamentis. cum igitur artes sint in intellectu vt in subiecto, satis est ad ipsas artes habendas ipsum scire. Cum verò virtutes morales sit habitus in appetitu, non satis est ipsum scire, vel parum est vt inquit philosophus: sed requiritur electio, & firmum iudicium ad hoc vt operationes dicantur provenire à virtute. [R E S igitur iustas.] Hæc <sup>23</sup>  
 secunda pars huius quarti capituli, in qua soluta dubitatione proposita vt penitus eam tollat, nunc ostendit, & affirmat sententiam suam fuisse veram. scilicet quod iustis operationibus fiunt iusti, & non sequitur quod agendo iusta iam sint iusti. quia non iustus & modestus est statim qui agit res iustas & modestas: sed qui ita eas agit, vt iustus & modestus agit, id est secundum habitum qui est in eo. Itaque operatio est à iusto si iuste agitur, & secundum habitum qui est in eo. verum iusta operatio potest produci ab homine nondum habente iustitiam, sed de exercente in actionibus iustitiae vt talem habitum consequatur. quare bene dictum est quod iusta agendo iustus, & modestus modestus fit, quod si quis ipsam hæc non agat nec curet, non dabit operam vt vir bonus euadat. [V E R V M perique.] Hæc est tertia pars in qua remouet opinionem, & errorem quorundam qui non agendo studiosas actiones fugiunt ad doctrinam de virtute, & credunt huiusmodi cognitione se posse euadere studiosos. sed faciunt vt ægroti, qui bene percipiunt præcepta medicorum, & tamen ea postea non seruant. Itaque sicut illi hoc modo non possunt fieri sani: sic nec isti studiosi. est enim virtus & perfectio in animo sicut sanitas in corpore.

De affectu, potentia, habitu: & quod habitus genus virtutis. Cap. V.



Ost hæc autem quidnam sit ipsa virtus consideremus oportet. Cum igitur tria sint quæ fiunt in anima, affectus, potentia, habitus, horum aliquid ipsam virtutem esse necesse est. atque affectus <sup>26</sup>

Etus quidē voco: cupiditatem, iram, metū, fiduciā, inuidiam, gaudium, amicitiam, odium, desiderium, æmulationem, misericordiam, & ea omnino quæ voluptas sequitur aut dolor. \* potentias autem eas quibus ad hos affectus suscipiēdos idonei dicimur esse. vt quibus dolere possumus, vel irasci vel misereri. at \* habitus eos, quibus bene vel male nos ad affectus ipsos habemus, vt ad irascendum si vehementer aut remisse sumus dispositi, male habemus: si mediocriter, bene: & ad ceteros affectus simili modo. Virtutes igitur vitiaque non sunt affectus. Nam affectibus quidem studiosi vel vitiosi non dicimur: virtutibus autem & vitiis dicimur. Et ob affectus neque laudamur neque vituperamur. non enim qui metuit aut irascitur, laudatur. neque qui simpliciter, sed qui modo quodam irascitur, vituperatur. at ob virtutes, vitiaque laudamur aut vituperamur. Præterea irascimur quidem & timemus sine electione. virtutes autem electiones sunt quædam: aut non sunt sine electione. Insuper affectibus quidem moueri dicimur: virtutibus autem aut vitiis non moueri, sed ali quo modo disponi. Propter hæc eadem neque potētia sunt. nam neque  
 26 boni vel mali dicimur: neq; laudamur aut vituperamur, quia possumus irasci, vel timere simpliciter. Et insuper potentes quidem sumus natura: boni vero non efficitur, aut mali natura, quemadmodum antea diximus.  
 27 Quod si virtutes neque affectus sunt, neque potentia: restat ipsas habitus esse. quid igitur sit ipsa virtus, genere diximus.

## Commen.

25 POST hæc autem quidnā sit. [Hic est secundus tractatus in quo philosophus assignat definitionem virtutis: quæ indicat nō solū essentia virtutis: sed etiam ipsius felicitatis: cū in eius definitione ponatur virtus, diuiditur in duo capita. in primo inuestigat genus virtutis, in secundo differentias eiusdem, vt completa habeatur definitio. lex genere & differentia. Primum capitulum diuiditur in duas partes. in prima proponit intentionem suam. in secunda exequitur incipiendo inuestigare genus ipsius virtutis. dicit igitur in primis q̄ post determinationem eorum quæ diximus, videndum est quid sit virtus. Notandum q̄ egregius est ordo philosophi. prius enim ostendit q̄ virtus non inest in nobis à natura, sed acquiritur per operationes, & per quas operatiōes. deinde quo pacto percipimus nos habere virtutes, & q̄ virtus versatur circa voluptates & dolores, nunc autem vult assignare definitionem virtutis. oportebat enim illa præsupponere vel ostendere: quia aliqui dicebant virtutes inesse nobis ab ipsa natura. q̄ si illa sententia non fuisset reprobata, & declarata ea quæ sunt, definitio philosophi q̄ virtus sit habitus electius, visa esset vana, & non vera. bene igitur antea illa præmisit, & nunc accedit ad definitionem virtutis.] C V M igitur tria. Hæc est secunda pars, in qua incipit inuestigare genus virtutis. & primo ostendit q̄ virtus est aliquid eorum trium quæ enumerat: deinde probat q̄ virtus est habitus. dicit igitur in primis, & ostendit quid possit esse genus virtutis. In ultimo primi libri declarauit virtutem esse in animo, & hoc iam probatum est. Cum ergo virtus sit aliquid eorum quæ sunt in animo, & illa sint tria quantum spectat ad hoc propositum. affectus, potentia, habitus: relinquitur vt virtus sit aliquid horum trium. & probatur hoc pacto, Eorum quæ sunt, & sunt in animo, aut est affectus, aut est potentia, aut habitus: sed virtus sit & est in animo: ergo aut est affectus aut potentia aut habitus. Notandum q̄ ista diuisio philosophi non videtur esse sufficiens. Nā præter illa tria videtur & alia esse in anima, vt conceptus: & species rerū intelligilium, & operationes, & huiusmodi talia, quæ nō sunt affectus: nec potentia nec habitus, vt ait philosophus. Dicendum q̄ philosophus accepit in hac diuisione principia necessaria: à quibus profliunt operationes humanæ. Nam hic non loquitur de omnibus operationibus siue principijs earū, sed tantū de nostris actionibus practicis, & earum principijs: quæ vidētur esse illa tria. Nā alio amore vel alio affectu prosequimur aliquid: timore fugimus. potentia vero videtur subire rationem appetitus. habitus hic accipiuntur ii qui sunt principia rerum agendarum, nō autē habitus speculatiui. bene igitur hæc tria posuit philosophus à quibus profliunt res agendæ. Notandū quod affectus nō capitur hic propria passio cuiusque, quæ non separatur ab his rebus, quarum est



palsio vt risibilitas hominis, vt in triangulo quod habet tres angulos æquales duobus rectis, vt par & impar in numero. & similes passionēs: de quibus habetur sententia per causam suam. sic enim cognoscitur natura rerum quæ nihil aliud est quam essentia ei cum sua potētia. Verum hic capitur affectus vt est motio appetitus sensitui ad prosequendum, aut fugiendum aliquid à nobis agendum, collocatur autem affectus talis in anima. Nam inanimata non prosequuntur, aut fugiunt, nec omnino proprie appetunt. Præterea talis affectus non ponitur in anima vegetatiua, quia nō habet vim susceptiuam vt in plana habet, enim vim nutriendi, augendi, & generandi sibi specie simile. hæc autem vires actiue dicuntur affectus autem recipiuntur in anima per potentiam susceptiuam. erit igitur affectus in anima cognoscente, & tunc queritur cum sit in anima tali vtum sit in potentia cognitiua, & videtur q̃ sit in potentia non cognitiua. Per eā enim potentiam qua percipit non fertur. Eius nanque officium est vt percipiat non vt feratur, quare erit in potentia appetitiua. sed ea est duplex: alia rationalis vt voluntas: alia sensitua. non sunt autem collocandi affectus in appetitu rationis. nam ex talibus affectibus oritur alteratio in corpore. mouetur enim cor & spiritus, ab extra ad interiores partes vt in timore, aut e contra vt in rubore: ergo debent esse affectus in appetitu, qui sit in instrumento corporeo. voluntas autem non est in instrumento corporeo nec vlla potentia de sua natura rationalis. quare cum sint in potentia appetitiua, & non sint in potentia rationali de natura sua. i. in voluntate: relinquitur vt affectus sint in appetitu sensitui. sed quid sint affectus & quales intelligat philosophus: similiter quæ sint potentia, & habitus patet in textu. [VIRTVTES igitur.] Hac in parte philosophus ostendit quidnam sit virtus illorum trium, hoc pacto. virtus est, aut affectus, aut potētia, aut habitus. non est autem affectus aut potentia, ergo est habitus. & primo ostendit quod nō sit affectus quatuor rationibus. secundum affectus non dicimur boni vel mali: at secundum virtutes dicimur boni vel mali: ergo affectus non sunt virtutes, vel virtutes non sunt affectus. Item affectibus non laudamur vel vituperamur: at virtutibus laudamur, & vituperamur: ergo virtutes non sunt affectus. Item affectus sine electione sunt: virtutes autem non sunt sine ea: ergo, &c. Item affectibus dicimur moueri: virtutibus verò non dicimur moueri. Affectus autem est motio quædam vt supra diximus. dubitatur quia nō videtur verum quod laudemur, aut vituperemur affectibus. Nā verecundia est affectus & laudamur ob ipsam vt inferius dicit philosophus. Dicendum secundum Albertum q̃ non eodē modo laudatur virtus & affectus: virtus enim laudatur vt consistit in medio indiuisibili per abnegationem extremorum, nec dicitur intendi, aut remitti. verecundia verò & indignatio cōtra vitia, & similes affectus laudantur vt intenduntur, & non vt sunt mediocritates quædā constitutæ in medio indiuisibili, de quibus loquitur philosophus, accipiendo eas laudes quibus boni viri laudari solent. [P R O P T E R hæc eadē.] nunc ostendit quod nō sit potētia duobus rationibus. Prima, potētia nō dicimur boni vel mali neq; laudamur vel vituperamur, sed vt virtutibus aut vitiis dicimur boni vel mali, & laudamur vel vituperamur vt supra etiā dixit, ergo virtus nō est potētia. Et præterea potētes. Secunda ratio: potētiæ insunt nobis à natura, virtutes non insunt nobis à natura: ergo virtutes nō sunt potētiæ. maior patet quia tales potētiæ sunt in secunda specie qualitatis. naturalis potētia vel impotentia, minor est antea probata. q̃ virtutes acquiruntur nō autē insunt nobis ab ipsa natura: ergo virtutes non sunt potētiæ. Notandum q̃ omnes istæ rationes quibus ostenditur q̃ virtutes non sunt affectus neq; potētiæ, fundantur in hac propositione q̃ ea non sunt eadem quibus non competunt eadem, sed affectibus & potētiis, & virtutibus non competunt eadem: ergo, &c. [QVOD si virtutes.] Assert illationē suā ex sufficienti diuisione. si virtutes non sunt affectus neque potētiæ, vt probatum est, relinquitur vt sint habitus. & sic genus virtutis erit habitus. dubitatur quia non videtur verum q̃ virtus sit habitus. nā omne mediū est in eodē genere in quo sunt eius extrema. vt virtus est mediū affectuum: ergo erit in eodem genere in quo sunt affectus at affectus non sunt in genere habitus. Dicendum ad hoc quod extrema virtutis sunt vitia, quæ sunt etiam habitus licet vitiosi, & virtus est media inter illa duo extrema, & inter extremos habitus vitiosos. versatur autē circa affectus tanquam circa materiam suam, & respicit mediocritatem illorū: vitia vero excessum & defectū.

## De duplici mediocritate &amp; virtutis substantia.

## Cap. VI.



PORTET autem non solum ita dicere virtutem habitum esse: sed etiam qualis nam habitus sit. Dicendum est igitur omnem virtutem: & id ipsum cuius est virtus bene sese habere, facere, & opus ipsius reddere bene. Oculi namque virtus: & oculum, & opus ipsius studiosum facit, quippe cum videamus virtute oculi bene. virtus itidem equi: studiosum efficit equum, & bonum ad currēdum, portandūq; equitem & expectandū etiam



hostem. quòd si id ipsum ita sese habet in vniuersis, & virtus ipsius etiam hominis habitus is erit, à quo bonus efficitur homo, & quo bene suum opus ipse reddet, efficietque. Quomodo autem id erit: & antea quidem diximus, & nunc etiam magis patebit, si contemplabimur qualis nam  
 31 sit ipsius virtutis natura. In omni itaque re continua, diuisibiliq; aliud plus, aliud minus, aliud æquale. Vel ex parte ipsius rei: vel ex respectu nostri accipi potest. \* Aequale autem, medium est quoddam inter exuperationem atque defectum. Atque rei quidem ipsius mediū id esse dico, quod æque ab extremorum vtroque distat. idque est apud omnes vnum & idem. Respectu autem nostri: quod neque exuperat neque deficit. idque non est apud omnes vnum & idem. vt si decem sint multa, & duo pauca: sex ipsius rei media capiuntur. æque nanque excedunt & exceduntur. atque hoc in arithmetica comparatione rationum medium esse constat. at id quod est nostra ex parte medium, non eodem sumendum est modo. Non enim si est decem quidem minas comedere nimium est, duas autem parum: sex ei minas \* ludi magister præcipiet. est enim & hoc fortasse multum ei qui accepturus est aut parum. Miloni nanque parum: incipienti verò sese exercere, nimium est. Simili modo res sese habet in cursu, ac in palæstra. hoc igitur modo quiuus artifex exuperationem quidem fugit atque defectum, medium autem quærit & expetit:  
 32 non quidem rei, sed quod ad nos medium dicitur. Quod si omnis scientia suum hoc modo bene conficit opus, ad medium ipsum respiciens, & in hoc sua redigens opera, vnde & dici solet in iis quæ bene sese habent operibus, nec auferri quicquam nec addi posse, propterea quod exuperatio quidem & defectio bonum ipsum corrumpunt, mediocritas verò conseruat, atque boni artifices ad hoc respicientes (vt diximus) operantur: virtus autem omni arte exactior est & præstantior, quemadmodum  
 33 & natura: ipsa profectò virtus medii ipsius est \* cōiectatrix. Loquor autē de morū virtute. hæc enim circa affectus actusq; versatur: in quibus est exuperatio, & defectus, & mediū. fit enim vt magis & minus quispiā & metuat & confidat: & cupiat & abhorreat, & irascatur & misereatur, & omnino delectetur ac doleat, & vtroque modo non bene, & etiam quādo oportet, & pro quibus, & ad quos, & cuius gratia, & vt oportet. hoc autem medium est & optimum quod est ipsius virtutis. similiter circa actus exuperatio est, & defectus, & medium. virtus autem circa affectus, actusque versatur, in quibus exuperatio quidem peccatū est: & defectus vituperatur, medium autem laudatur & rectè conficitur, quorum vtrūque virtutis ipsius est. virtus igitur \* mediocritas est quædam cū sit ipsius medii cōiectatrix. Præterea peccare quidem multis modis contingit.  
 34 Malum enim est infiniti (vt Pythagorici putant) bonum verò finiti. at rectè agere, vnice, quapropter & alterum facile, alterum difficile est. Facile quidem non attingere signum: difficile autem illud attingere. Et ob  
 35

ὁ ἴσθι.

ὁ ἀλάτῃς

σεχασίμῃ

Virtus  
μεσότης.

hoc igitur exuperatio quidem atque defectio vitii est. mediocritas verò virtutis. Vno nanque modo bonus est, multisque nefandus. Est igitur virtutis habitus electius in mediocritate consistens, ea quæ est ad nos definita ratione: & vt definierit ipse prudens. Mediocritas autem duorū est vitiorum: vnus per exuperationem, alterius per defectum. & ex eorū: quia illa quidem partim deficiunt, partim exuperat id quod oportet, & in affectibus, & in actibus. virtus autem medium ipsum & inuenit & expetit. Quapropter ipsa virtus, substantia quidem & ratione quid est, dicente, mediocritas est. at optimi respectu & bene sese habentis\* extremitas. Non autem omnis actus nec omnis affectus suscipit mediocritatem. Sunt enim affectus nonnulli: qui continuo nomine suo sunt cum prauitate connexi. vt malevolentia, impudentia, inuidentia, & actus idem. vt adulterium, furtum, homicidium. hæc enim vniuersa, & talia ita dicuntur: quia ipsa sunt praua, sed non exuperationes ipsorum atque defectiones. circa igitur talia, nullum est tempus recte agendi: sed semper delinquitur. neque fit vt quispiam bene vel male talium quicquam agat: qui cum oportet, & quando, & vt oportet adulteriū committendo: sed simpliciter quicquid istorum efficiatur delinquitur. Simile igitur est & circa iniustitiam, timiditatem & luxuriam: mediocritatem ac exuperationem & defectionem esse censere. hoc enim pacto, exuperationis & defectionis erit utique mediocritas. & exuperationis exuperatio: & defectionis ite defectio. sed vt temperantiæ, fortitudinisve non est exuperatio atque defectio: quia medium ipsum est modo quodam extremum: sic nec illorum est mediocritas nec exuperatio & defectio. sed vtcunque agatur semper delinquitur. omnino namque nec exuperationis & defectionis est mediocritas, nec mediocritatis exuperatio & defectio.

## Commen.

**O**PORTET autem non solum. Postea quàm philosophus inuenit genus virtutis, nunc querit differentias eiusdem vt habeatur definitio. diuiditur autē hoc capitulum in quatuor partes. In prima proponit intentionem suam, scilicet quod cum virtus sit habitus, videndum est qualis sit habitus, & affert quandam eius conditionem pertinentē ad officium eius. In secunda ostendit quod virtus est habitus consistens in medio. In tertia concludit definitionem virtutis. In quarta ostendit non omnem actum, nec affectum suscipere medium. dicit igitur in primis cum inuenierimus quod virtus est habitus, inuestigandum est, qualis est habitus, vt cognoscamus eam distincte. Omnis enim bona definitio constat ex genere & differentia: genus ostendit rem confuse: differentia verò distincte. genus habet rationem materiæ, differentia formæ. vnumquodque autem dicitur esse, & differre ab aliis per formam suam: ergo differentia est quæ constituit quamcunque rem in suo esse. Inuenio igitur genere virtutis hoc non sufficit ad cognoscendam eam quod sit habitus. nam & vitia sunt etiam habitus, quarantur itaque differentia quibus distinguantur ab aliis, & distinctæ cognoscantur. [DICENDVM est.] Affert illam conditionem vel officium virtutis: quo incipiamus cognoscere qualis sit iste habitus. Illud autem est quod virtus moralis perficit hominem: probatur. si omnis virtus perficit id cuius dicitur esse virtus, & opus eius bene reddit, & perfectum facit: hoc profecto faciet in homine virtus hominis. At primum est, ergo & secundum. quod autem primum sit probat philosophus inductiue. nam virtus oculi perficit oculum & eius opus bonum reddit, & similiter virtus equi, & in cæteris aliis: & cum hoc in omnibus fiat, profecto in homine virtus idē faciet. Antea, scilicet quādo declarauimus quod ex operationibus, & ex quibus oritur ipsa virtus. [IN OMNI itaque.] Hæc est secunda pars capituli in qua affert differentiam ponendam in defini-



## ETHICORVM

virtus est præstantior omni arte, ergo ipsa multo magis respicit medium. maior probatur à philo-  
 sopho, & ex communi proverbio quo dicere solemus in opere bene factio quòd ei nihil addi ne-  
 que demi potest: minor etiam pater, quòd virtus est præstantior arte sicut etiam natura est arte  
 præstantior, & excellentior. Notandum quòd virtus est præstantior arte, quia ars versatur circa  
 cognitionem rei quæ ab ipsa procedit, nec videtur consistere in bono in quo consistit ipsa vir-  
 tus, & ars est ad bonum, & alium apra. virtus autem semper ad bonum, nec versatur tantum circa  
 cognitionem, nec ei sufficit scientia, & cognitio vt in arte, sed requiritur electio & iudicium fir-  
 mum vt supra ostendimus. Præterea ars licet quoquomodo perficiat hominem, tamen eius per-  
 fectio videtur respicere, & terminari magis ad res externas vt statuarii ad statuum, virtus verò  
 maximè perficit habentem in quo est vt perfectio quædam. Dicit etiam quòd natura est præsta-  
 tior arte, & hoc videtur esse verum cum ars sit imitatrix nature, & id quòd imitatur aliquid est  
 imperfectius eo quod imitatur. vnde ars dicitur perfecta quando maximè assimilatur nature.  
 Omnis scientia: hic per scientiam intelligit artem. Dubitatur cum dicit artem conficere opus  
 suum redigendo illud ad medium. hoc non videtur verum, sed potius redigit ad extremum, id  
 est ad vltimum, & perfectissimum ipsius artis quoad fieri potest. Dicendum quòd ars respicit  
 medium non illud quod est inter bonum & malum, sed medium quod est inter excessum, & de-  
 fectum, quod & si possit vltimum appellari in operis perfectione, quam querit ars tãquam sum-  
 mum ipsius, tamen nõ obstat quin possit appellari medium respectu excessus & defectus, de quo  
 medio loquitur hic philosophus, nec est absurdum idem dici medium, & vltimum diuersis res-  
 pectibus. [L O Q V O R. autem.] Declarat quæ sunt media ad quæ respicit virtus. Et dicit ego <sup>33</sup>  
 nunc loquor de virtute morali non de scientia, quæ non coniectat tale medium. Virtus autem  
 moralis versatur circa affectus & actus: in quibus licet inuenire magis, & minus & medium. nam  
 potest aliquis magis, & minus timere quàm oportet, & etiam quando, & quantum oportet, &  
 eodem modo in actibus, veluti dare magis, quàm oportet & minus, & etiam cum mediocritate.  
 [V I R T V S igitur mediocritas.] Posteaquam probauit quòd virtus est coniectrix medii quod <sup>34</sup>  
 est in actibus, & affectibus, nunc probat, & concludit quòd est mediocritas quædam, omnis ha-  
 bitus qui fugit vtrunque extremum, & coniectat medium, est mediocritas: sed virtus est habitus  
 talis: ergo virtus est mediocritas quædam. Notandum quòd medium potest dici, & illud quod  
 est inter affectus vel actus dicitur quando affectus moderatus cum suis debitis circumstantiis,  
 ponitur inter duo extrema, quorum vtrunque est affectus. exempli huius est tale, si accipiamus  
 mediocrem timorem, & moderatum cum debitis circumstantiis, scilicet vt oportet & quando o-  
 portet, & huiusmodi: tunc dicemus quòd istud est medium inter duos extremos timores, &  
 affectus: id est, inter excessum & defectum, id est nimium & paruum timorem, quæ vtraque nõ  
 dicuntur vitia, sed vitiosi affectus, & extremi, & hæc duo erunt eiusdem generis cum medio,  
 quia omnia sunt affectus licet extremi sint excessus, & defectus: medius verò fugiat extrema,  
 & sit moderatus: eodem modo de actibus dicitur, inter quos erit medius actus bonus fugiens  
 actus extremos vt excessum atque defectum. quare & ille dicitur medius affectus siue medio-  
 critas ipsius affectus, & hic medius affectus siue mediocritas actus. medium siue mediocritas  
 qui est habitus inter habitus extremos, non est affectus inter affectus nec actus inter actus ex-  
 tremos: sed est habitus inter duos habitus, quorum alter est in excessu, alter in defectu. Sicut igitur  
 tres ponuntur affectus, excedens, deficiens, medius, & tres item actus, eodem modo tres ha-  
 bitus, quorum medius versatur circa medium affectus vel actus. extremi verò habitus circa ex-  
 tremum affectus vel actus. quando igitur philosophus dicit quòd virtus est medii coniectrix:  
 intelligit medii, aut affectus, aut ipsius actus circa quæ versatur: quando verò dicit quòd ipsa  
 est mediocritas intelligit quòd ipsa est habitus quidam medius. Itaque ex eo quod ipsa respicit  
 medium inter duos affectus extremos, aut actus, virtus dicitur medii coniectrix: ex eo verò quod  
 ipsa est habitus medius inter duos habitus extremos viciosos: dicitur esse mediocritas quædam.  
 Deinde quilibet habitus diuersificatur diuersitate obiectorum, scilicet actuum vel affectuum,  
 quos talis habitus respicit tanquam obiecta. habitus enim qui versatur circa voluptarium, aut  
 molestum affectum vt oportet, & quomodo oportet, temperantia dicitur: circa terribilia forsitum  
 do: circa dandum liberalitas: & similia. quæ cum sint diuersa obiecta diuersi etiam erunt habitus,  
 qui circa ista versantur, sicut sit in sensibus. Nam sicut color differt à sono, sic visus differt ab au-  
 ditu. bene ergo probauit cum sint actus & affectus, erunt habitus circa illos in excessu, & de-  
 fectu, & medio: quorum habituum duo erunt vitia: vnus medius erit virtus, & sic bene dictum est  
 quòd virtus est medii coniectrix, & etiã mediocritas. [P R A E T E R E A peccare quidè.] Assert <sup>35</sup>  
 aliam rationem philosophus qua probat eandem sententiam, scilicet quòd virtus est coniectrix  
 medii, & quòd est mediocritas. superius id probauit ex cõparatione virtutis ad artē, & etiã hoc  
 modo: si virtus versatur circa affectus, & actus in quibus est medium: virtus queret mediū, pro-  
 bauit etiam quòd est mediocritas, & habitus medius. nunc probat eandē sententiã ex difficulta-  
 te hoc pacto. Id quod est difficile est virtutis: ut inuenire mediū est difficile, ergo inuenire mediū  
 est virtutis. maior ex ante dictis, scilicet circa difficiliora inquit semper ars virtusq; versatur: mi-

nor probatur à philosopho auctoritate Pythagore, & etiam ratione. Nam medium & bonum fit vno modo: malum vero pluribus modis, scilicet quomodocunque receditur à medio. Nam sicut linea recta est vno modo: quomodocunque recedas ab illa rectitudine fit obliquum, & flexum. Et sicut signum à sagittariis vno modo tågitur, omnibus aliis ab eo disceditur: eodem pacto bene agere vnicè fit: male verò pluribus & prope infinitis modis. quapropter facile est aberrare: difficile medium inuenire. sic igitur habemus quòd virtus est mediæ coniectrix. Eadem ratione probari potest quòd est mediocritas. Ille habitus qui cum difficultate inuenitur, & acquiritur est mediocritas: virtus est talis, ergo mediocritas. Notandum quòd simile videtur euenire in bonis corporis, & in bonis animi quantum nunc spectat ad propositum. nam turpitudò, & ægro ratio corporis multis modis esse potest: sanitas autem & pulchritudo vno modo, & quotiescunque deficit aliqua earum conditionum quæ requiruntur ad pulchritudinem vel sanitatem, non erit pulchritudo vel sanitas, facile autem abesse possunt: & multis modis, difficile simul adesse: quod est vnicò modo. Eodem pacto in animo bene agere difficile: quia vnicè fit: peccare facile, quia multifariam. [E S T igitur virtus habitus electius in mediocritate consistens quæ est ad nos determinata ratione & cætera.] Hac in parte philosophus cõcludit diffinitionem totam virtutis: deinde declarat extrema inter quæ collocatur media virtus: demum quòd virtus, & mediocritas dici potest vt ostendit, & etiam extremum alio respectu. assert igitur in primis diffinitionem perfectæ virtutis. nam primo inuestigauit genus quod est habitus. deinde differentias quod est electio vel non sine electione. postea quod est mediocritas, & coniectrix mediæ, & eius medii quod est quo ad nos, & respectu nostri, & nunc addit ratione determinatam, & vt sapiens determinaret, vt completa habeatur diffinitio. tangit autem parum hic de electione, quia in tertio huius latius de clarabit: sic etiam de ratione terminata id est, recta ratione quæ est prudentia, & de tali sapiente, qui est ipse prudens, locis suis, id est in sexto latissime docebit vt seruetur ordo, in quo mirificè excellit iste philosophus, & cum in omnibus operibus accurate seruat. Notandum quòd hæc est bona diffinitio, quia constat ex genere & differentiis, & competit diffinito, id est virtuti, & distinguit eam ab omnibus aliis, quæ non sunt virtutes tales. nam per habitum distinguitur ab affectibus & potentiis: quæ, & si sint in anima vt virtutes: tamen non sunt habitus. verum cum per habitum, qui est eius genus, conueniat cū multis quæ sunt in anima, & sunt habitus vt scientiæ & artes: ideo additur illa differentia. Electius quia distinguitur à talibus habitibus. ars enim, & si sit habitus, nō tamen electius, & quia vitia sunt habitus electiui: ideo additur alia differentia. In mediocritate consistens. vitia verò consistunt in excessu, & defectu, & non in mediocritate vt virtus. verum cum medium multifariam sumi possit, & inter alia duo quorum vnum est ex parte rei secundum arithmetica rationem: alterum ex parte nostra secundum geometricam, ne sumatur medium ex parte rei addit. quo ad nos, id est, respectu nostri. addidit etiam terminatam rationem, id est rectam, quia vitiosus habet rationem, non tamen rectam, quæ est ipsa prudentia, nexus & nodus omnium virtutum, scilicet moralium: & vt magis intelligatur quæ sit ista determinata ratio addit vt sapiens diffinit, id est, recta ratio quæ est in sapiente, qui accipitur hoc in loco pro prudente, qui habet in se rectam rationem, qua metitur omnes virtutes, & studiosas actiones, qui prudens est summus in genere actiuorum vt sapiens in genere speculatiuorum: sic sapientia & prudentia in speculatiuis & actiuis, vtraque est summa in genere suo. [MEDIOCRITAS autem.] Declarat nunc philosophus quorum & inter quæ virtus sit mediocritas, scilicet inter duo vitia, quorum alterum est excessus: alterum defectus, & nō est mediocritas inter duos affectus vel actus, quorum vnus sit excessus, alterum defectus. sed bene versatur circa illos actus vel affectus, in quibus vitia excedunt & deficiunt. virtus autem in illis medium eligit. [QVAPROPTER ipsa virtus.] Nunc declarat philosophus: qd virtus & si mediocritas sit secundum substantiam, & essentiam suam rationemque formalem: tamen alio respectu, id est, secundum quòd bene se habet erit extremum, id est secundum proprietatem: quæ competit ei. virtus igitur bifariam considerari potest: primum inquantum est bonum, quod opponitur malo, & sic dicitur extremum. sunt enim duo extrema opposita, scilicet bonum & malum. In altero est virtus, in altero vitium: quod subdividitur postea in excessum & defectum alio modo considerari potest virtus secundum essentiam suam, & tunc est mediocritas inter duo extrema vitia, id est inter excessum & defectum. nec est absurdum quòd idem diuersis respectibus nunc extremum dicatur esse nunc medium. quare si quis obiceret philosopho, tu dicis virtutem esse mediocritatē, & tamen ipsa est potius quoddam extremum, quia est bonū quòd opponitur alteri extremo, id est malo, ideo declaratur quòd inquantum bonum est extremum: secundum vero essentiam suam rationemque formalem est mediocritas. ut linea secundum rationem suam formalem est longitudo sine latitudine: secundum proprietatem quandam est diuisibilis in lineas. [NON autem omnis actus.] Hæc est quarta pars, in qua cum supra dictum sit quòd affectus & actus, suscipiunt excessum, defectum, & medium: nunc limitat talem sententiam, & ostendit qd non omnis actus nec omnis affectus suscipit mediocritatē, & hoc probat tribus rationibus. Prima ratio. Illi actus atque affectus, qui statim habent connexā prauitatē, & denaturā suā semper sunt prauī, quomodocunque sumantur non suscipiūt mediocritatem, at aliqui sunt huiusmodi,




ergo tales non suscipiunt mediocritatem, & ex consequenti nō omnis actus, & affectus suscipiūt mediocritatem: quōd autem aliqui sunt tales affectus & actus ostendit philosophus. sunt enim affectus huiusmodi, vt malevolentia, impudentia & similia. actus verō vt stuprum, furtum, & alia huiusmodi in quibus nunquam rectē agere datur, sed semper delinquitur, quia sunt praua de natura sua, & non vt excessus aut defectus: tunc enim haberent medium: sed non suscipiunt mediocritatem neque excessum aut defectum, quia sunt tota praua. non enim licet in malevolentia ostendisse quantum oportet, & quando oportet: nec in furto, furari quantum oportet, & quando oportet: vt irasci licet quantum, & quando oportet: similiter in dando quantum, & cui oportet. Hæc enim suscipiunt mediocritatem cum bene aguntur: excessum & defectum cum male aguntur. illa verō quæ nominauit philosophus quomodocumque voluantur semper sunt praua. [SIMILE est.] Alia ratio: qua probat idem ex similitudine habituum vitiosorum. dicit enim quōd sicut non est mediocritas in excessibus, & defectibus qui sunt habitus vitiosi: sic in quibusdam affectibus & actibus non est mediocritas. at primum est, ergo & secundum. Assumptum declaratū a philosopho asserendo in medium quædam vitia quæ sunt excessus & defectus: scilicet iniuriam, timiditatem, luxuriam, quæ sunt vitia opposita iustitiæ, fortitudini & temperantiæ: in quibus vitis non est mediocritas: non quōd virtus non sit media inter illa extrema, sed ipsa cum sint extrema non possunt suscipere mediocritatem, sequeatur absurdum quōd esset processio in infinitū. Si enim excessus susciperent in se mediocritatem, similiter defectus, sequeatur quōd esset excessus & defectus illius mediocritatis. & rursus mediocritas in tali excessu vel defectu, & sic esset excessio excessus, & defectio defectus, & eorundem similiter mediocritas, & daretur processio in infinitum, quod est absurdum. patet igitur quōd quorundam affectuum vel actuum, & etiam excessus & defectus, qui sunt habitus vitiosi non est mediocritas. [SED vt temperatiæ.] Tertia ratio qua idem probat. sicut in virtutibus non est excessus, & defectus: sic etiam in quibusdam actibus, & affectibus non est mediocritas nec excessus & defectus. at primum est, ergo & secundum. quōd autem hoc sit manifeste patet. virtus enim est inter excessum & defectum: sed nō potest in se suscipere excessum, & defectum, quia si ita esset, possent etiam suscipere mediocritatem, sed sunt omnino praua, & semper in illis delinquitur. similiter habitus vitiosi qui sunt excessus & defectus. quare nec excessus, & defectus suscipiunt mediocritatem in se, nec ipsa mediocritas suscipit excessum & defectum. Dubitatur hæc in parte vtrum virtus consistat inter duo vitia, & media, vt dicit philosophus, & probatur quōd non. Inter extrema infinita non potest esse medium. at extrema virtutis. i. vitia quæ infinitis penē modis fiunt sententia Pythagoreorum, videntur esse talia. ergo virtus non erit media inter vitia, vt vult philosophus. Item id quod extremi rationem obtinet nō potest esse medium: at virtus est huiusmodi, ergo & cætera, minor est probata per philosophum, qui dixit virtutem esse bonum. Bonum autem habet rationem vnius extremi, quod opponitur malo vt alteri extremo: ergo non poterit dici media. Item id quod est medium inter duo extrema est particeps vtriusque extremi: sed virtus non est particeps extremorum: ergo virtus non est media inter vitia, vt dicit philosophus. Item illud quod est supremum non potest esse medium: at sunt quædam virtutes quæ obtinent locum supremi, vt magnificentia, & magnanimitas, vt patebit inferius & cætera. Oppositum tamen dixit philosophus, & ostendit quod virtus est coniunctrix mediū circa actus, & affectus, & quod ipsa est mediocritas inter excessum & defectum. Pro solutione huius dubitationis notandum quōd medium sumitur pluribus modis: primo modo vt est particeps vtriusque extremi, & sic dicitur rubedo, & alii colores mediū per participationem albedinis, & nigredinis. Alio modo dicitur medium per negationem vtriusque extremi: sicut quidam medici ponunt inter sanum & ægrum corpus neutrum. tertio modo sumitur medium in quantitate quōd distat aequaliter ab omni extremo vt centrum in circulo. Item quōd distat ab vtroque extremo per æqualem distantiam secundum arithmetica proportionem, vt numerus senarius inter secundum & decimum. Item dicitur medium secundum similitudinem rationis, & proportionem geometricam, vt sex est medium inter quatuor, & nouē. sicut enim sex se habet ad quatuor, ita ad nouē. non secundum æqualem quantitatem, sed secundum proportionem: quæ est ibi sesquialtera, vt patet. Item alio modo dicitur mediū formæ, vt forma embryonis est media inter formā seminis & hominis. His præmissis, & animaduersis afferuntur conclusiones nonnullæ. Prima quōd virtus consistit in medio, non vt sit particeps extremorum: sed per negationem vtriusque extremi. Secūda quod virtus est in medio non in eo quod est secundū æqualem distantiam quantitatis, & arithmetica proportionem. sed quōd est medium respectu nostri: & secundum proportionem geometricā. tertia quod virtus non est media vt dicitur mediū formæ. Nam si fiat progressio à formā seminis ad formā hominis oportet transire per embryonem, cuius forma est media inter formā seminis & hominis. at si fiat progressio ab vno extremo, puta ab auitia, ad alterū extremū, id est prodigalitatem, nō est opus transire per virtutē, id est per liberalitatem. nō igitur erit mediū formæ. Ad rationem primam, cum dicitur quod inter extrema infinita nō est dare mediū: sed vitia sunt huiusmodi, & cætera. dicendum quod argumentū curreret, si mediū su-



meretur per participationem, aut per æqualem distantiam in aliqua continua quantitate: sed virtus dicitur medium per negationem extremorum. & non refert siue illa extrema sint infinita: siue finita: & quanuis illa non essent actu infinita, tamen possent extendi propè in infinitum, & quasi infinitis penè modis committi descendendo à medio, id est à virtute, tamen ipsa semper stabit in puncto in diuisibili negando, & repellendo extrema vitia, id est excessum & defectum. Ad secundam rationem cum dicitur id quod virtus non est media, quia subit rationem extremi, responderi potest quòd non est absurdum quòd virtus in quantum bonum sit extremum quod opponitur malo. Alio verò respectu, id est, secundum essentiam suam dicatur medium & mediocritas inter excessum & defectum. Ad tertiam rationem cum dicitur quòd medium inter duo extrema est particeps eorum, respondetur quòd hoc esset verum de mediis quæ dicuntur participare de extremis vt viredo, rubedo, & alii colores qui dicuntur medii per participationem. verum hoc non valet de virtute: quia est medium per negationem extremorum. Ad quartam dicendum quòd magnificentia dicitur supremum in pecuniis distribuendis vel vtendis quasi respectu liberalitatis, & etiam magnanimitas respectu innominate virtutis, & quia magnificentia versatur circa magnos sumptus, & magnanimitas circa magna: tamen non obstat quin alia ratione possint esse media respectu suorum extremorum, quæ sunt excessus & defectus, vt patebit loco suo cum docebit quomodo sint media, & quæ sint eorum extrema. sic igitur soluta est dubitatio.

*Mediocrisitas inter duo extrema dispositio.**Cap. VII.*

42  Tenim id ipsum non solum vniuersaliter dicere: sed ad ipsa  
43 singula etiam accommodare oportet. Sermonum enim eo-  
rum qui circa actus versantur, vniuersales quidem magis com-  
44 munes: particulares verò magis sunt veri. actus nanque circa  
45 singularia sunt: quibus oportet sermones consentaneos esse. Hæc igitur  
46 ex descriptione sumenda sunt. Circa timores itaque fiduciaque, medio-  
critas quidem est fortitudo. at exuperantium is quidem qui non timen-  
do exuperat nomine caret. sunt autem complura quæ nominibus vac-  
cant. is autem qui confidendo exuperat: audax est. at is qui timendo  
quidem exuperat, confidendo autem deficit: timidus. Circa volupta-  
tes atque dolores, non omnes quidem, \* & minus circa dolores, me-  
diocritas quidem est temperantia: exuperatio autem intemperantia.  
At deficientes circa voluptates perpauca fiunt. quapropter nec his ad-  
positum nomen, sed insensati vocentur. Circa dandas capiendasque  
pecunias: mediocritas quidem est liberalitas. exuperatio autem & de-  
fectio, prodigalitas atque illiberalitas, quibus contrario modo exupe-  
rant, & deficient homines. Prodigus enim in erogando exuperat: in ca-  
piendo deficit. at illiberalis atque auarus in capiendo exuperat: in ero-  
gando deficit. Atque de hisce nunc quidem figura loquimur & in sum-  
ma, hoc ipso contenti: postea verò exactius de ipsis determinabimus.  
Sunt & alia circa pecunias dispositiones: & mediocritas quidem est ma-  
gnificentia. Differt enim hoc à liberali magnificus: quòd hic circa ma-  
gna, ille circa parua versatur: exuperatio autem, \* ruditas circa deco-  
rum, atque sorditas. & defectus \* circa decorum pusillitas. Atque hæc  
47 differunt ab iis quæ circa liberalitatem diximus esse: & differentiam pos-  
teriorum explicabimus. Circa honorem & eius oppositum, mediocritas  
quidem est magnanimitas: exuperatio vero \* lentitudo quædam, & de-  
fectio pusillanimitas dicitur. Vt autem ad magnificentiam sese habere

Græcus  
codex pl<sup>9</sup>  
habet,  
τὸν δὲ γὰρ  
τὰς τὸν δὲ  
ἀφ' ἑνὸς μέ-  
λισσας,  
id est, (nā  
circa cor-  
porcas, &  
eas potis-  
simū quæ  
tactu per-  
cipiuntur.)

ἀπὸ τῶν  
λίαν καὶ  
ἐκ τῶν  
μεκροπρε-  
πειν.  
χαυνότης

diximus liberalitatem, hoc differentem ab illa quòd circa parua versatur: sic sese habet & ad magnanimitatem (quæ quidem circa honorem magnum versatur) alia quædam dispositio, quæ circa paruum versatur, fit enim, vt appetatur honor vt oportet, & magis quam oportet, & minus. atque iis quidem qui in honorum exuperat appetitione, ambitiosus vocatur: is autem qui deficit, \* appetitione vacans honoris, & medius nomine caret. Dispositiones etiam ipsæ præter vnâ nomine carēt ambitiosi, nanque ambitio vocitur. Quocirca fit, vt extremi de medio loco decerent: nos quoque medium hunc, modo ambitiosum, modo vacantem honoris appetitione vocamus, & nunc ipsum ambitiosum: nunc alterum laudamus. quam autem ob causam id facimus, in sequentibus explanabitur. Nunc de cæteris eundem seruantes modum dicamus. Est igitur & circa irâ mediocritas, & exuperatio & defectio. atque cùm fere nominibus careant: medium mansuetum dicentes, mediocritatem mansuetudinem appellabimus, extremorum autem is quidem qui exuperat, iracundus, & vitium iracundia vocitur. is verò qui deficit, \* ira vacans: & defectio, \* iræ vacuitas nuncupetur. Sunt & aliæ tres mediocritates, quæ tamen si similitudinem quandam & conuenientiam inter sese habent: differunt tamen. Omnes enim sunt circa verborum, actuumve communem usum. sed differunt quòd earū vna circa verum quod est in ipsis cæteræ circa iucundum versantur: quod quidem partim est in ioco, partim in cæteris congressionibus vniuersis. & de his igitur est dicendum: vt magis cernamus in vniuersis mediocritatem quidem laudabilem esse, extrema verò neque recta, neque laudabilia, sed vituperabilia esse. Atque horum etiam pleraque nominibus carent. verum enitendum est & his, perinde atque cæteris, ponere nomina diluciditatis gratia, vt facile sequi possimus. Circa verum igitur medius quidem verax quidam, & mediocritas veritas appelletur. fictio verò, si ad maiora pergat arrogantia, & arrogans qui ipsam habet dicatur: sin ad minora, \* dissimulatio nuncupetur: & qui habet ipsam, \* dissimulatio. Circa iocundum quod in ioco consistit medius quidem comis ac vrbanius: & dispositio comitas atque vrbanius appelletur. exuperatio autem scurrilitas: & qui ipsam habet, scurra, & qui deficit, rusticus quidam: & habitus, rusticitas nuncupetur. Circa verò reliquum iocundum quod est in vita, is quidem qui est vt oportet iocundus amicus dicatur, & mediocritas amicitia. Is autem qui exuperat: si nullius gratia rei, placidus. sin sui emolumentum causa, adulator est appellandus. At is qui deficit & in cunctis est iniocundus: contentiosus quidē, difficilisque dicatur. Sunt & in affectibus & in iis quæ sunt circa affectus, mediocritates. Verecundia nanque virtus quidem non est. laudatur tamen & ipse etiam verecundus, nam & hic dicitur esse medius & exuperans atque deficiens. & exuperat quidem is qui in

ἀλιζ-  
νς.

ἀίρητος.  
ἀοργησία.

εἰρωνεία.  
εἰρωνία.

vniverſis verecūdatur: qualis eſt ipſe pauidus. qui verò deficit, aut nulla in re verecundatur, appellatur impudens: medius verò dicitur verecundus. Indignatio autem mediocritas eſt inuidia, & maleuolentia. verſantur autem circa dolorem & voluptatem, quæ oriuntur ex iis quæ proximis accidunt. \* indignans enim dolet: cum aliqui proſperitate fortunæ indigne feruntur. inuidus autem hunc exuperās de omnibus dolet. ſed maleuolus adeo deficit in dolendo vt gaudeat. Verum de his erit & alio loco tempus dicendi. De iuſtitia verò poſtea pertractabimus. atque cum non dicatur ſimpliciter diſtinguemus ipſam, & de vtraque dicemus quo modo mediocritas eſt. & ſimiliter de rationis virtutibus.

VERECONDIT-  
XOS.

*Commen.*

- 42 **E**T ENIM idipſum non ſolum.] Hic eſt tertius tractatus huius ſecūdi libri, in quo poſt quā oſtendit eſſentiam, & diſſinitionē virtutis. nunc diuidit virtutem in ſuas ſpecies, ponendo cuique ſuum nomen. Diuidit hic tractatus in tria capitula. In primo diuidit virtutē tanquam genus in ſuas ſpecies. In ſecūdo comparat extrema adinuicem, & medium id eſt virtutem ad extrema, oſtendendo contrarietatem eorum. In tertio aſſert modos nōnullos & regulas, quibus poſſimus nobis acquirere virtutes. Primum capitulum diuiditur in duas partes. in prima proponit ſuam intētionem: in ſecunda incipit cōſiderare de ſingulis ſpeciebus virtutum. Dicit igitur in primis quōd oportet non ſolum in vniuerſali tātum, & in genere aſſignare diſſinitionem virtutis vt fecimus, ſed opus eſt etiam deſcendere ad ſpecies, & ſingulas virtutes. nam in actiuis ſcientiis particularia habet maiorem certitudinem quā vniuerſalia. quia in his vniuerſalia videntur accipere certitudinem ſuam ab ipſis ſingularibus, & ſcientia actiua ordinatur ad actionem quæ verſatur circa ſingularia. oportet igitur deſcendere ad ſpeciem ſpecialiſſimam cuiuſque virtutis, & vni cuique accommodare datam diſſinitionem, vt & virtutes magis diſtincte percipiantur, & probetur bene eſſe datam diſſinitionem ex inductione ſingularū virtutum. nam ſi declarabitur, quod temperantia eſt habitus medius inter talia extrema, & fortitudo, & liberalitas, & ſingulæ alia, merito colligetur ex his quōd virtus eſt habitus cōſiſtens in mediocritate vt diximus. ſed deſcribenda ſunt hæc, & deſignanda: in tertio poſtea, & in quarto depingenda. ſed in deſignatione eſt notandum quōd ipſe primo ponit materiam vniuſcuiuſque virtutis circa quam verſatur: poſtea ponit medium circa illam materiam in qua poteſt ſiſte habere mediocriter, quōd medium eſt ipſa virtus, & nominat talem virtutem: deinde ponit extrema circa illam materiam, in qua poteſt quis ſe male habere aut excedendo aut deficiendo. [MAGIS communes.] Quia competunt. Nec magis veri, quia noſtræ actiones verſantur circa ſingularia, & ſi accommodantur ſingularibus tunc videntur magis veri. Notādum quōd cum philoſophus dicit ad ſingula, & poſtea particulares, non intelligit indiuidua, quæ de nullo inferiore prædicantur. ſed ſpecies ſpecialiſſimas, & ſic declarat ſingulas virtutes ſecundum ſpecies ſpecialiſſimas. Vt fortitudinem non hanc vel illam fortitudinem, temperantiam non hanc vel illam. Nam de ſingularibus non eſt proprie ſcientia. Quapropter à generaliſſimis deſcendentem ad ſpecies ſpecialiſſimas iubet Plato quieſcere. [CIRCA timores.] Hæc eſt ſecunda pars huius capituli. in qua philoſophus primo enumerat virtutes, & earū extrema quæ verſantur circa affectus: deinde virtutes quæ reſpiciunt res externas: demum eas, quæ reſpiciunt quōſdam actus exterioreſ in conuerſatione humana, & addit etiam quādam mediocritates, & earū exceſſus & defectus, quæ non ſunt proprie virtutes, ſed potius affectus vt verecundia, & ſimilia. In primis igitur enumerat virtutes: quæ verſantur circa affectus, & quia affectus ſunt in appetitu ſenſitiuo: appetitus autem ſenſitiuus eſt duplex, aut irraſcibilis, aut concupiſcibilis, in irraſcibili collocatur fortitudo tanquam in ſubiecto: in concupiſcibili ponitur temperantia, & ſiquæ alia ad eam reducuntur. Et notanda ſunt iſte potentia animæ, quia ex ſufficienti diuiſione potentiarum oritur numerus ſufficiens ipſarum virtutum, & percipitur cur ſint tot ſpecies, & non plures: ex diuerſitate verò obiectorum circa quæ verſantur, oritur ipſarum diuerſitas: qua inter ſe diſtinguuntur. ſunt tot, quia tot ſunt potentia: ſunt diuerſæ, quia diuerſa ſunt obiecta circa quæ verſantur. Incipit igitur à fortitudine, & ponit materiam, id eſt timores & audacias circa quæ verſatur, & cum mediocriter ſe habet eſt fortis, & eius diſpoſitio fortitudo. qui excedit in non timendo innotatus eſt, ſed dicatur intimidus: & qui excedit in audendo audax dicitur: qui deficit in audendo, & qui excedit in timendo vno nomine appellantur timidi. Notandum quōd ille qui excedit in non timēdo, poteſt appellari intimidus quoquo modo: tamen hoc nomen non attulit philoſophus quia videtur competere multis. Nam audax & fortis quoquo modo poteſt appellari intimidus, non

autem e contra, quia intimidus est vniuersalior. Semper enim à minus vniuersali ad magis vniuersale valet cōsequentiā: vt homo est animal, non e contra. [CIRCA voluptates.] Afferit aliam virtutem, id est temperantiam, quæ versatur circa dolores & voluptates, licet minus circa dolores. At circa voluptates versatur non tamen omnes, sed circa eas tantum quæ sunt tactus, & gustus, vt est cibus, potus & res venerea. Circa hæc mediocritas est temperantia, excessus, intemperantia, defectus: licet non habeat proprium nomen, tamen vocetur insensibilis quædam vt dicit philosophus. [CIRCA dandam.] Afferit nunc philosophus alias virtutes quæ versantur circa res externas, quæ aut malæ, aut bonæ putantur. & primo circa pecunias dandas accipiendæque est mediocritas ipsa liberalitas, cuius excessus est prodigalitas, defectus est auaritia. Est & alia mediocritas circa pecunias, quæ appellatur magnificentia, cuius excessus appellatur ruditas circa decorum, & sordiditas quædam: defectus verò modicitas. Notandum quòd inter liberalitatem & magnificentiam interest, quia & si ambæ istæ virtutes versentur circa eandem materiam, id est circa pecunias: tamen non eodem modo, quia liberalitas circa parua, magnificentia circa magnos sumptus, eodem modo extrema liberalitatis circa parua, extrema magnificentia circa magna, & si male versentur. magnificentia igitur est mediocritas vt diximus: excessus verò dicitur ruditas circa decorum, & sordiditas. & talis est qui facit magnos sumptus vbi non sunt faciendī, & nescit eos locare, & non peccat in eo quod parum expendat, sed cum magnos sumptus faciat est sordidus & mechanicus; & nescit vbi consistat decorum magnificentia. vnde cum græcè dicatur magnificentia μεγαλοπρεπεια quasi in magnis seruans decorum: sic excessus appellatur à philosopho ἀνυποκαλία quasi inexperience & inscitia decori, & item sordiditas βαναυσια, defectus verò appellatur modicitas: quæ sit cum aliquis versatur circa res magnas, & deficit in sumptibus cōuenientibus ei rei. [CIRCA honorem.] Afferit alias virtutes duas, quæ se habent circa honores vt magnificentia, & liberalitas circa pecunias. Est enim magnanimitas circa honores magnos mediocritas quædam, excessus verò desuetudo quædam: & talis est χαρις, id est mollis, & desuens ad existimandum se magnis dignum cum non sit, defectus verò est pusillanimitas. alia est mediocritas circa paruos honores, quæ est innominata: excessus dicitur ambitio, defectus qui est dispositio non habet nomen. ideo dicit philosophus, quòd dispositiones præter vnam quæ est ambitio non habent nomen. excessus igitur dicitur ambitio: excedens ambitiosus, medius & mediocritas non habent nomen. defectus quoque non habent nomen: deficiens verò appellatur vacans ambitione, & appetitione honoris. quare cum medius sit innominatus, appellatur interdum nominibus extremorum. [EST igitur & circa iram.] Afferit aliam virtutem respiciens iram, quæ dicitur mansuetudo licet improprie: excessus verò iracundia, defectus verò vel deficiens potius iracundia vacans. græcè enim ἀεργεια dicitur priuatiue ab iracundo. [SUNT & alia tres.] Hac in parte philosophus afferit tres alias mediocritates, quæ conueniunt in eo quod omnes versantur circa communionem verborum, & actuum, differunt postea quod quilibet est circa propriam materiam, quæ est triplex, vnde tres sunt virtutes inter se distinctæ, vel tres mediocritates, quarum vna est circa verum in verbis quæ serio dicuntur, & appellatur veritas: extrema verò vno nomine possunt appellari fictio, quæ si sit excessio, arrogantia: si defectio, dissimulatio nuncupatur. Alia est mediocritas circa iocundum quod est in verbis, quibus in iocunda cōuersatione vti solemus. talis mediocritas dicitur comitas: excessus, scurrilitas, defectus verò rusticitas. Tertia est mediocritas circa iocundum reliquum, scilicet quod est in cæteris actibus cōuersandi, quæ appellatur amicitia, non quòd sit amicitia illa propria, & versafes cum non habeatur proprium nomen eius, dicitur amicitia, quasi quædam apta, & iocunda affabilitas. Eius excessus potest esse duplex, aut enim excedēs est nullius gratia, & tunc appellatur assentator, aut sui commodi & emolumentī causa, & tunc appellatur adulator. deficiens verò morosus difficilisque dicitur. [SUNT & in affectibus.] Hac in parte philosophus afferit quædam mediocritates circa affectus, & in affectibus quæ non sunt virtutes neque habitus, sed tamen eas afferit vt ostendat quòd omnis mediocritas etiam in affectibus, & actibus est laudanda: extrema verò sunt vituperanda. primo afferit verecundiam quæ est mediocritas laudanda in affectibus: excessus verò pauiditas: defectus impudentia dicitur. est & alia mediocritas quæ est affectus, & dicitur indignatio: excessus est inuidia, defectus malevolentia, & versatur circa dolorem, & voluptatem, quæ oriuntur ex bonis & malis proximorum. inuidiam esse dicunt agricolam susceptam propter alienas res secundas, quæ non nocent inuidenti. malevolentia fit voluptas ex malo alterius. Hæc Cicero in Tufculanis. [VERVM de his.] Philosophus in libro Rethoricorum suorum de inuidia, & malevolentia, & iis affectibus tractat, quæ videntur pertinere ad oratoriam facultatem. [DE iustitia verò.] Excusat se quòd hoc loco non fecit mentionem de iustitia. nam in quinto humanis latissime docebit, similiter in sexto de virtutibus rationis, & intellectiuis.

*De virtutum ac vitiorum mutua oppositione.**Cap. VIII.*

<sup>52</sup> **V**M autem tres sint dispositiones, & duæ quidē sint vitia, quorum alterum in exuperatione, alterum in defectiōe consistit: vna autem virtus, quæ quidem est mediocritas: omnes inter se, etsi non æquē, suscipiunt oppositionem. Extremæ nanque, cum mediæ, tum inter sese cōtrariæ sunt: media verò extremis. Nam vt æquale maius

<sup>53</sup> quidem est cum comparatur ad minus: minus autem cum cōparatur ad maius: sic & habitus medii respectu quidem defectiōnum exuperāt: respectu autem exuperationum deficiunt, tam in affectibus, quam etiā in actibus. fortis enim cum ad timidum comparatur audax: cum ad audacem, timidus esse videtur. pari modo temperans respectu quidem insensati, intemperans: respectu autem intemperantis, insensatus videtur. Liberalis etiā prodigus videtur si ad illiberalem: illiberalis, si cum prodigo conferatur. Quapropter & extremorum vterque medium ipsum ab se compellit ad alterum. atque fortem, audax quidem timidum: timidus autem audacem appellat. & in cæteris simili modo. Hæc cum

<sup>54</sup> hoc pacto inter sese opponantur: maior est vtique cōtrarietas extremorum inter sese quàm ad medium. Longius enim hæc inter sese, quàm à medio distant. & perinde, atque magnum magis à paruo, paruumque à magno, quàm ab æquali vtrumque distat. Extremis insuper nōnullis ad

<sup>55</sup> medium similitudo quēdam esse videtur. vt audacię ad fortitudinem: & prodigalitati ad liberalitatem. at extremorum inter sese maxima est dissimilitudo. atque ea quæ plurimum inter se distant diffinientes: contraria dicunt. quo fit vt ea quæ magis distant magis contraria sint. At verò

<sup>56</sup> medio in quibusdam exuperatio: in quibusdam defectio magis opponitur. Fortitudini nanque non audacia quæ est exuperatio: sed timiditas quæ est defectio magis opponitur. Temperantiæ verò non insensibilitas, quæ quidem est defectio: sed intemperantia quæ est exuperatio magis opponitur. Id autem ob duas accidit causas. atque vna quidem est ex ipsius rei natura. nam quia propinquius atque similis est extremorum alterum medio, ideo non hoc ipsi, sed contrarium oppositum esse magis asserimus. vt cum audacia quidē similis fortitudini videatur atque propinquius esse, timiditas autem dissimilis: hanc illi magis oppositam esse censemus. etenim ea quæ plus à medio distant, eidem contraria magis esse videntur. Hæc igitur vna est causa: quæ quidem est ex ipsius rei natura. Altera autem ex nobis sumitur ipsis. ea nanque medio cōtraria magis esse videntur: ad quæ nos ipsi quodammodo natura sumus propensiores. nos enim ipsi quia magis ad voluptates sumus proclives, idcirco facilius ad intemperantiam quàm ad modestiam inclinamur. hæc igitur magis contraria dicimus, ad quæ fit magis accretio: & propterea intemperantia, quæ est exuperatio, magis est contraria temperantiæ.

**C**VM autem tres sint.] Hoc est secundum capitulum huius tractatus, in quo philosophus declarat oppositionem inter virtutem & vitia, & etiam vitiolorum inter se. Diuiditur autem in quatuor partes. In prima assert intentione suam, in secunda ostendit quod virtus est contraria vitiis. in tertia ostendit quod vitia sunt magis contraria inter se, quam virtuti in quarta, & dicens quod media quae sunt virtutes, & extrema quae sunt vitia, inter se omnia ista opponuntur, & dicit quomodo. [N A M vt aequale.] Hae est secunda pars in qua incipit declarare quomodo virtutes opponuntur suis extremis, & dicit quod habitus medii qui sunt virtutes opponuntur extremis secundum quod varie comparantur. nam medius habitus tam circa affectus, quam circa actus, si comparatur ad defectum, est ei contrarius tanquam excessus: si comparatur ad excessum, est contrarius tanquam defectus, vt aperte patet in textu exemplo fortis, & aliorum quae ponit philosophus. Notandum quod virtus potest considerari bifariam, vno modo vt est mediocritas, alio modo vt est bonum, vt saepius diximus. vt est mediocritas opponitur duobus extremis, quorum vnum est ex vna parte vt excessus: alterum ex alia, vt defectus. vt autem est bonum, ex vna parte contrariatur illis simul sumptis, vt malo ex altera parte, & magis contrariatur vt bonum malo quam vt mediocritas excessui atque defectui. philosophus autem loquitur hic de ea contrarietate, quae virtus opponitur vt mediocritas suis extremis, & extrema inter se vt excessus atque defectus, inter quae est magna oppositio. Notandum quod proprie, & absolute vnum dicitur vni contrariari. Nam cum contraria sint causa corruptionis, natura sagacissima, non fecit vt vni multa essent contraria. quo magis vnumquodque conseruaretur. ex his dubitaret aliquis quomodo Aristoteles velit duo extrema vni medio opponi vt ait. Dicendum quod oppositio ad hoc, possumus bifariam considerare potest. aut simpliciter, & absolute, aut secundum quid in oppositione. simpliciter vnum tantum vni opponitur vt album nigro: in oppositione secundum quid possunt vni plura opponi vt album nigro, fusco & huiusmodi. extrema igitur opponi medio videntur secundum quid, & etiam videntur inter se contrariari secundum quid: simpliciter vero virtus si sumatur vt bonum, & extrema ut malum: non enim respectiue, sed ex parte rei opponuntur & simpliciter. [H A E C cum hoc pacto.] Hoc loco & tertia parte ostendit philosophus, quod maior est contrarietas inter extrema ad inuicem quam inter extrema ad medium, & hoc probat duabus rationibus: prima ratio sumitur ad distantiam: secunda ad dissimilitudinem. Illa quae magis distant magis sunt contraria, quam ea quae minus. Sed extrema magis inter se distant quam medii ab extremis, ergo magis sunt contraria, maior patet ex diffinitione contrariorum quam asseret in sequenti ratione: minor, probatur a philosopho, quia magis distat paruum a magno, quam vtrius ab equali. ergo conclusio est vera, quod maior est contrarietas extremorum ad inuicem, quam medii ad extrema. & hoc est si sumatur oppositio respectiua, & virtus vt est mediocritas, & extrema vt excessus, & defectus secundum eam diffinitionem superius allatam. virtus enim vt medium aliquorum est medium, excessus vero alicuius est excessus, & defectus alicuius est defectus, id est, excessus refertur ad defectum, & defectus ad excessum, & medium ad vtrunque. itaque secundum respectiuam quandam oppositionem maior oppositio esse videtur extremi ad extremum, quam medii ad vtrius extremum, si virtus sumatur vt medium: & extrema vt excessus, & defectus. sin vero virtus sumatur vt bonum, & non vt medius: extrema vero vt malum, & non vt excessus, & defectus: tunc virtus magis opponetur vitiis quam vitia inter se: quia opponentur vt bonum malo, & illa vt malum malo, & bonum malo absolute opponitur, & secundum oppositionem simpliciter, & ex parte rei: non respectu nostri sicut videntur opponi media, & excessus & defectus inter se. [E X T R E M I S insuper.] Alia ratio qua idem probat, scilicet quod maior est contrarietas extremi ad extremum quam extremi ad mediu. In quibus est maior similitudo, est minor distantia. ad extrema nonnulla habent cum medio maiorem similitudinem quam inter se, ergo habent minorem distantiam, & ex consequenti minorem contrarietatem. extrema vero maiore, quod patet ex diffinitione contrariorum, quia contraria sunt quae posita sub eodem genere maxime distant: & patet hoc etiam exemplo fortitudinis, & audaciae & similibus. & intelligendum quod philosophus sumit hic virtutes vt sunt mediocritates: vitia vero vt sunt excessus & defectus. [A T vero medio.] Hae est quarta pars huius capituli, in qua ostendit quod virtus magis opponitur alteri extremorum. deinde declarat quam ob causam hoc fieri videtur. Dicit igitur quod in quibusdam magis opponitur medio excessus vt intemperantia temperantiae: quam defectus, in quibusdam vero magis defectus quam excessus, vt auaritia liberalitati. Hoc autem videtur evenire ob duas causas, dicit philosophus, quarum vna est ex parte rei & natura rei: altera est ex parte nostra, ex parte rei, & ex parte ipsorum semper illud quod est dissimilius a medio est ei magis oppositum, ut intemperantia temperantiae ex parte nostra, scilicet ea extrema ad quae secundum naturam appetitus sensitiui magis inclinamus, sunt magis opposita medio. appetitus enim sensitiui de natura sua est irrationalis, & cum fertur nutu suo semper inclinatur ad illud quod est a ratione alienum. fertur enim libentius ad magis uoluptuosum ut nunc



& magis iocundum sensui quod est alienum à ratione. at quælibet virtus semper est cum recta ratione: ergo illud extremum, ad quod natura magis trahimur secundum partem sensitivam, est magis virtuti oppositum. Dubitatur quia non videtur verum quod virtus opponatur magis alteri extremorum: nam id quod videtur æqualiter distare ab extremis, non magis vni, quàm alteri est contrarium. at virtus est huiusmodi, ergo & cætera. Item id quod de natura sua collocatur in medio, eo magis bene se habet, quo magis est in medio: at virtus de natura sua collocatur in medio: ergo quanto magis erit in medio: tanto melius se habet: & hoc pacto non magis opponetur vni extremorum quàm alteri. Pro solutione notandum quod medium vt supra patuit duplex est ex parte rei, & ex parte nostra. medium rei semper distat æqualiter ab vtròque extremo: medium ex parte nostra non sumitur secundum æqualem distantiam: sed secundum multitudinem rationis. Hac stante distinctione faciliè solvuntur argumentationes in contrarium factæ. valent enim de medio ex parte rei, nõ autem de eo quod sumitur respectu nostri, quod pertinet ad virtutem: est enim mediocritas quo ad nos. hæc & superiores distinctiones notandæ sunt, vt fugiamus nonnullas altercationes: quæ circa istas contrarietates fieri solent.

*De præceptis quæ ad ipsum medium ducunt.*

*Cap. IX.*

57 **V**irtutem igitur moris mediocritatē esse, & quomodo sit, & virtutiorum duorum mediocritatem esse, vnius per exuperationē, alterius per defectionem, & talem esse propterea quod coniectrix est eius mediū quod in affectibus est atque actibus: satis iam diximus. Quapropter difficile est studiosum esse: est enim difficile in vnoquoque medium capere: vt circuli medium inuenire, non cuiuslibet, sed scientis est tantum. Pari modo irasci quidem, & dare argētum, sumptusve facere: cuiuslibet est, & facile. sed cui, & quantum, & quando & quomodo, & gratia cuius oportet: non cuiuslibet est, neque faciliè. quod quidem est ipsum rectum, & est perrarum, & laudabile, & perpulchrum. Idcirco eum qui medium ipsum coniectat, primum quidē à magis contrario discedere oportet, & perinde atque\* Circe monebat.\* Extra vndam & fumum longe compelle carinam. Extremorum enim altero magis, altero minus delinquitur. Cum igitur consequi mediū summē sit difficile: secunda (vt inquit) navigatione, minima malorum sunt capienda. Idquæ erit hoc maximè modo quem diximus. Considerare autem oportet, & ad quæ nos sumus propensiores, nam alii ad alia natura sumus proclives. quod quidem ex voluptate, dolorēve inde proveniente percipietur, atque nos ipsos ad contrarium oportet retrahere. Longè nanque à delinquendo secedentes: ad ipsum tandem medium accedemus. vt solent ii facere, qui lignorum ea quæ sunt obliqua ad rectitudinem redigunt. In vniuersis autem cauendum est maximè à voluptate: non enim incorrupti iudicamur de ipsa. Vt ergo Troianorum senes erga Helenam sese habuerūt: sic & nos voluptatem ipsam esse affectos, in omnibusque\* illorum dicere vocem oportet. Hoc enim pacto remouentes à nobis ipsam, minus peccabimus. Hæc igitur facientes (vt in summa dicam) maximè medium attingere, consequiue poterimus. Id autem ipsum difficile est fortasse, & in singularibus maximè. Non enim faciliè determinari potest, quo modo, & quibus, & pro quibus: & quanto in tempore irascendum est. etenim nos interdum eos qui deficiunt laudamus, & mites dicimus esse: interdum ipsos infensos, appellamus viriles. Verum

Od. 4.  
Homerus  
Od. 4.

Iliad. 7.  
αλλ' αὐτὸς  
ὡς τοῖσι περ  
ἐστὶν ὁ νόμος  
σι νεέσθω.  
&c.

qui parum à recto exorbitat non capitur: siue ad defectionē, siue ad exuperationē se flectat. qui verò multum: vituperatur. non enim latet egressus. Facile autē non est excipere ratione: quousque & ad quantum à recto quispiam egressus, carpendus est. neque enim aliud quicquam sensibile determinari facile potest. talia verò in singularibus sunt: & iudicium est in sensu. Verum illud est manifestum: mediū habitum in vniuersis laudabilem esse. Oportet autem nunc ad exuperationem, nunc ad defectionem declinare hoc enim pacto facillime medium ipsum & rectum attingemus, ac assequemur.

## Commen.

**V**IRTUTEM igitur moris. Hoc est tertium capitulum huius tractatus, quibus dat regulas & documenta quibus possumus consequi medium, & ipsas virtutes. nam cum superius dixerit, & ostenderit difficultatem inueniendi medium, consentaneum fuit, vt etiam daret modum quo tale medium adipisci possumus. Diuiditur in tres partes, in prima epilogat ea quæ dicta sunt, & repetit difficultatē inueniendi medium. in secunda affert nonnulla documenta ad ipsum inueniendum. in tertia determinat ipsum medium quoad fieri potest secundum subiectam materiam. in prima igitur parte repetendo ea quæ suprà dixit cum virtus consistat in medio, & inuenire medium difficile sit: arduum certe erit studiosum euadere, & consequi virtutem. probatur. Medium inuenire difficile est, at virtus consistit in medio, ergo virtutem inuenire difficile est. maior ostenditur in textu: nam medium circuli adeò difficile est ad inueniendum vt nemo nisi sciens, & mathematicus possit inuenire, & scire demonstratiue. quòd si tale medium quod est rei, & æqualiter distans ab extremis est adeò difficile ad inueniendum: multo difficilius erit inuenire medium quo ad nos, id est virtutis, quòd non æqualiter distat ab extremis, sed quandoque declinat ad excessum, quandoque ad defectum: minor est iam probata, scilicet, quòd virtus consistit in medio: ergo conclusio patet quòd inuenire mediū in virtute morali est valde difficile. & per consequens studiosum euadere. [DICRO eum qui.] Hæc est secunda pars in qua philosophus affert tria documenta inueniendi medium. primum sumitur ex parte oppositionis mediū ad extrema: secundū nostra ex parte: tertium ex parte voluptatis. in prima affert documentum ex oppositione quæ est inter virtutem, & viciū, vel inter medium, & extrema, quia dixit quòd medium magis opponitur vni extremorum quam alteri. ergo qui vult inuenire mediū dicit philosoph⁹, fugiat maximè ab eo extremo, quod magis opponitur medio, & vbi nonnulli in textu habet Calypso: vult dicere Circe Est enim. Homeri versus: quo admonet Uliissem variis nauigationibus errantem post excidium Troiæ vt extra fluctum & fumum nauem adigat, id est, vt euitet scyllam & charybdim, & vbi sunt signa quædā ex quibus cognoscitur, scilicet ex fumo & fluctibus vt ait Homerus. at si non possumus omnino attingere mediū: saltem sumamus minus malū iuxta vetus, puerbium, secunda quādoque nauigatione esse vtendum, id est, vt agamus eo modo quo melius possumus: si eo modo quo volumus non licet. [CONSIDERARE autem.] Affert secundum documentum quod sumitur nostra ex parte. dicit enim quod est animaduertendum ad quæ magis inclinamur, & ab illis est fugiendum, & in oppositum accedendum, & affert signum quo poterimus cognoscere, ad quæ sumus magis inclinati, scilicet ex dolore, & voluptate: qui prouenit nobis ex ipsis actionibus. si enim delectamur luxuria: signum est quòd sumus inclinati ad intemperantiam, & similiter si dolemus cum deest luxuriandi facultas. talis autem debet ab intemperantia longius abire, & se ad insensibilitatem vertere. hoc enim pacto se in oppositum trahendo facilius medium inueniet: sicut illi qui ligna rectificant, flectunt enim lignum curuum ex sinistra parte in dextram vt rectum efficiatur. Dubitatur quia hoc documentum videtur quoquo modo superiori contrarium. Nam per primam regulam debemus recedere ab auaritia quæ est magis contraria medio, id est liberalitati, quàm prodigalitati: & tamen si quis esset magis inclinat⁹ ad prodigalitem per secundam regulam, magis deberet recedere à prodigalitate. Hæc ergo videntur esse opposita. Dicendum quòd vt plurimum inuenire videtur vt homines secundum appetitum sensitiuum ferantur ad id quod est magis oppositum virtuti & medio: philosophus autem antea dixit quòd hæc doctrina non oritur ex principijs necessarijs: sed ex ijs quæ vt plurimum sunt, & oportet accommodare præcepta subiectæ materiæ. quòd si fieri possit quandoque vt aliquis magis inclinetur ad extremum minus oppositum medio: hoc raro eueniet, & tamen si quando eueniet, secunda regula videtur seruanda ad medium inueniendum. philosophus igitur sibi non contradicit secundum ea, quæ vt plurimum

60 fieri solent. [I N vniuersis.] Tertium documentum est vt caueamus à voluptate: quia est insita no-  
bis à primis incunabilis: & quanuis videatur amica natura. tamen decipit nos: & nisi caueamus  
prius non occupat, & corrumpit quàm animaduertamus. quare, vt senes Troianorum cum con-  
sultarent verum esset reddenda Helena Græcis: dixerunt, quanuis sit pulchra, eam tamen resti-  
61 tuamus, vt refert Homerus. sic oportet nos repellere voluptatem, vt medium inueniamus. [I D  
autem ipsum.] Hæc est tertia pars huius capituli, in qua philosophus ostendit, quod determina-  
te assignare istud medium difficile est, præsertim in singulis rebus circa quas versantur nostræ  
actiones. singularia verò subiiciuntur sensui, & iudicium sensus circa illa versatur. at hæc singu-  
laria tantam habet varietatem, vt difficile sit in his certam regulam statuere, & diffinire verbis,  
quid in qualibet re sit omnino agendum, vt exemplo irascendi ostendi in textu. verum conclu-  
dit quod cum medius habitus semper laudetur, oportet declinare quandoque ad excessum quan-  
doque ad defectum quod videtur redigi ad superiores regulas. hæc autem facere oportet, vt me-  
dium consequamur si possumus, vel saltem ei appropinquemus quoad fieri potest.

✿ ARISTOTELIS STAGIRITAE ETHI-  
CORVM AD NICOMACHVM  
Liber Tertius.

*De voluntario & inuoluntario.*

*Cap. I.*

1 **C**UM autem virtus circa affectus, actusque versetur: & in iis  
2 quidem quæ sua sponte quis agit, laudes & vituperatio-  
3 nes: in iis autem quæ inuitus facit, venia non nunquam &  
4 misericordia locum habeat: eos forsitan qui de virtute con-  
siderant, \* & de eo quod sua sponte quis facit atque inui-  
tus: determinare necesse est. vtilis est etiam legumlatoribus hæc sanè con-  
sideratio, ad præmia, pœnâsque instituendas. Videtur itaque ea inuitus fa-  
cere quispiam, quæ violentia, vel per ignorationem facit. Id autem vio-  
lētum: cuius principium est foris, in quod nihil is qui agit, aut patitur con-  
fert. vt si ventus aliquod tulerit, aut homines potestatem habentes. At ea  
quæ ob maiorem metum malorum, aut ob aliquod bonum aguntur. vt  
si tyrannus quempiam aliquid agere turpe iuberet, habens in potestate  
& parentes & liberos, hac lege, vt si illud agat, illi sint incolumes: si non  
agat, dispereant. controuersiam habere videntur, vtrum hæc inuiti an  
sponte faciant homines. Tale etiam quid accidit & circa iactus eos, qui  
5 in tempestatibus fiunt. Simpliciter enim nemo suas fortunas eiicit spon-  
te. sed omnes propter suam, cæterorumque salutem eiiciunt: modo sint  
mentis sanæ. tales igitur actus mixti quidem sunt. Iis autem magis sunt  
similes quos sponte homines agunt. Expetuntur enim tum cum agun-  
tur: atque finis actionis in temporis conditione consistit. & spōte igitur  
& inuitum vnumquēque dicendum est agere cum agit. agit autem sua  
sponte. Est enim in ipso principium mouendi partes eas quæ sunt in hu-  
6 iuscemodi actibus instrumenta. at quorum principium est in ipso: ea a-  
gere vel non agere in ipso est situm. talia igitur sua sponte quisque agit.

At simpliciter fortassis inuitus. nemo nanque talium quicquam per se expeteret vnquam. In actibus autem huiuscemodi nonnūquam homines laudantur: cum pro magnis & honestis rebus aliquid turpe ferunt aut molestum, si verò contrā faciunt, vituperantur. est enim improbi pro nulla re honesta vel mediocri, res turpissimas ferre. In quibusdam autem laus quidem non fit: sed venia locum habet, cū ea quæ non agere oportet quispiam egerit ob huiuscemodi res, quæ naturam humanam superant, nemōque perferret. Sunt autem quædam, ad quæ forsitan non licet quenquam esse compulsū, sed potius oportet summa perpeſsum tormenta mortem obire. Ridicula nanque videntur ea quæ ad necem matris Alcmeonem Euripidis compulerūt. Est autem interdū difficile quale pro quali sit expetendum: & quid pro quo sustinendum discernere. difficilius etiam est, posteaquam cognoueris, in sentētia permanere. Fit enim plerunque, vt ea quidem quæ expetantur molesta: ea verò ad quæ cogimur turpia sint, valde laudantur atque vituperantur ii qui fuerunt aut non fuerunt compulsi. Quænam igitur dicenda sunt violenta? An ea quidem simpliciter inuitus quispiam agit quorum externa est causa, & ipse agens nihil omnino confert? quæ verò per se quidem inuitus facit, sed nunc & pro his expetuntur, principiumque est in ipso agente: ea per se quidem inuitus facit, nunc autem & pro his spontē agit? magis autē iis similia sunt quæ sua sponte quis agit. actus enim sunt circa ipsa singula: quæ quidem sponte facit. Qualia verò pro qualibus expetenda sunt non faciliē assignare possumus. quippe cum in ipsis singulis complures sint differentiæ. Quod si quispiam ideo iucunda & bona, violenta dixerit esse quia & extra sunt & compellunt omnia: erit eius sententia violenta. horum enim gratia omnes omnia agunt. Aque qui violentia, inuitisque agunt, ii cum dolore: qui ob iocundum, ii cum voluptate agunt. Est autem ridiculum externa quempiam accusare: sed non seipsum, qui quidem ab huiusmodi rebus faciliē capitur, & honestorum quidem se: turpiū autem, ea quæ afferunt voluptatem censere causam esse. id igitur violentum esse videtur, cuius principiū est foris: nihil prorsus eo conferente cui vis est illata. Omne autem quod ob ignorationem est actum, non sponte quidem est actum. Ab inuito tamen id effectū est omne pro quo dolet qui egit, ipsūque pœnitentia subit. qui nāque ob ignorationē aliquid agit, & non fert molestē se illud egisse, sponte quidem sua non egit quod nesciebat. Non tamē erit inuitus: quippe cū non doleat ob id ipsum. Qui igitur ob ignorationē quippiā egit: si ipsū pœniteat, inuitus fecisse videtur. si non pœniteat, cū is alius sit, non sponte dicatur egisse. cū enim differat: melius est vt propriū habeat nomen. At enim hæc etiā ipsa, ob ignorationē inquam agere, & ignorantem agere diuersa esse videntur. Nā ebrius aut iratus non videtur ob ignorationem agere: sed ob aliquid eorum quæ dicta sunt, non sciens, sed

ignorans. omnis igitur prauus ignorat quæ agere oportet: & à quibus est  
abstinendum. Et ob huiusmodi errorem iniusti homines, malique om-  
 15 nino fiunt. Inuitus autem dicitur quispiam agere: nō si ignorat id quod  
conducit. non enim ea ignoratio quæ facta est electione, causa est vt ali-  
quid inuitus quispiam faciat, sed prauitatis: nec etiam ea quæ est vniuer-  
salis. homines enim propter hanc ipsam reprehenduntur. Sed ea quæ est  
singulorum, in quibus, & circa quæ est ipsa actio. in his enim commise-  
ratio locum habet & venia. qui nanque aliquid eorum ignorat, inuitus  
agit. Forsitan igitur non ab re fuerit, si quæ & quot sunt ipsa determina-  
bimus. Quis itaque, quid, & circa quid, vel in quo agit, nonnūquam &  
 20 quo, vt instrumento: & cuius gratia, vt salutis: & quomodo: vt sensim vel  
vehementer. Vniuersa igitur hæc nemo ignorauerit: modò non sit infan-  
tus. Patet autem, neque enim ipsum agentem. quo nanq; pacto se igno-  
rabit? Ignorauerit autem quispiam id quod agit. vt inquit dicentes ex-  
cidisse sibi, aut nescisse arcana esse: quemadmodum Aeschylus ipsa arca-  
na cæteris. aut ostendere uolentes immisisse: vt qui \*telum immisit. Pu-  
 25 tauerit autem quispiam & filium hostem esse: vt Merope putauit. & \* ha-  
stam cuspidem habentem ea carere. & lapidem, pumicem esse. Et inter-  
fecerit quispiam salutis percussum causa, & monstrare volens (vt faciunt  
qui manibus extremis luctantur) percusserit. Cum igitur circa hæc om-  
nia in quibus est ipse actus sit ignoratio: qui horum aliquid ignorauit, is  
inuitus egisse videtur, & maximè in præcipuis. hæc autem ea videtur ef-  
 27 se in quibus est ipse actus: & id cuius gratia. Eius igitur quod ab inuito  
ob ignorationem talem dicitur esse factum: oportet actionem, dolorem  
 28 insuper, pœnitentiámque afferre. Cum autem id inuitus quispiam agat,  
quod vi & ob ignorationem agitur: id sua profecto sponte quispiam vi-  
debitur agere, cuius principium est in ipso agente, sciēte singula in qui-  
 29 bus est ipse actus. Forsitan enim non rectè dicitur, ea fieri ab inuitis: quæ  
per iram aut cupiditatem aguntur. Primò nanque nulla bellua sponte a-  
 30 get: neque pueri. Deinde quærendum est vtrum nihil eorum sponte a-  
gamus quæ cupiditate vel ira agimus: an honesta quidem sponte, turpia  
 31 verò inuiti? An ridiculum est: cum vna sit causa? Absurdum est etiam for-  
sitan ea ab inuitis agi censere, quæ oportet appetere. oportet autem & i-  
 32 nesci pro quibusdam, & cupere nonnullas res: vt sanitatem atque disci-  
plinam. Videntur etiam ea quidem quæ ab inuitis fiunt dolorem: ea ve-  
 33 rò quæ cupiditate aguntur, voluptatem afferre. Præterea quid interest  
inter ea quæ per rationem & quæ per iram peccantur, hoc ipso quod  
 34 ab inuitis agantur: etenim fugienda quidem sunt ambo. affectus au-  
tem rationis expertes non minus humani esse videntur: & actus ip-  
 35 sius hominis ab ira cupiditatēque fiunt. Absurdum est igitur hæc ab  
inuitis agi censere.

καταπαλ-  
 πτω.  
 ἐσθμαρ-  
 δει το λα-  
 λογγυμ-  
 νοι δδγομ.

**C**VM autem virtus circa affectus actūsque. In secundo libro philosophus docuit de virtute in genere, ostendendo ortum ipsius, & à quā causā est, & afferendo eius definitionē, & species ipsius, & nōnulla alia quæ erāt cognitiuē necessaria vt vidimus. nūc autē in hoc tertio libro cōsequens videbatur, vt sigillatim de vnaquaque virtute doceret: pingēdo ea quæ antea designauerat, vt plena virtutū haberetur cognitio, & summi boni natura, quod à nobis intēditur. vtrum nō ita id egit philosophus, quia necessario præcedebat doctrina, & cognitio aliorum. nam cū virtutes oriatur ex nōstris operationib⁹: videndū est à quibus principiis veniāt ipsæ operationes, de quibus oportet cōsiderare moralem philosophū. talia vērō principia sunt spontaneū, & nō spontaneū, cōsultatio, electio, volūtas, & similia, ex quib⁹ emanāt nōstri actus. merito philosophus in hoc libro antequā accedat ad expositionē, & doctrinā singularū virtutum, quæ sunt per electionē & spōte: necessariū videtur declarare spontaneū, & nō spontaneū, & electionem, & alia eiūsdē generis. Diuiditur itaq; liber iste in tres tractatus. in primo docet de omnibus principiis morū actionūque nōstrarū. in secūdo de fortitudine. in tertio de tēperantia. Primus tractatus diuiditur in quinque capitula. in primo docet quid spōte, & quid inuite fit: in secundo docet de electione: in tertio de cōsultatione: in quarto de volūtate: in quinto accōmodat hæc principia virtutibus & vitiis, ostendendo q̄ ipsa collocaūt in nostra potestate: & redarguit opinionē quorūdam. primū capitulū diuiditur in tres partes. in prima docet quid inuiti facimus per violentiā: in secūda quid inuiti facimus per ignorantia: in tertia quid spōte agimus. in prima igitur parte assert dūas rationes, quibus ostendit ad morālē philosophū pertinere cōsiderationē de eo, quod quis spōte aut inuitus facit. Prima hoc pacto, Ad scientiā morū pertinet cōsiderare de his de quibus sūt laudes, & vituperationes, & venia inter dū ac etiam misericordia digna: sed ab eo quod quisque agit spōte, aut inuitus, pcedūt laudes, & vituperationes, & illa alia: ergo ad scientiā moralem pertinet cōsiderare de eo quod quisq; agit spōte, aut inuitus. i. de spontaneo, & nō spontaneo. Secūda ratio, De his quæ sunt vtilia legulatoribus ad præmia penāsque cōstituen das cōsiderare ad morālē philosophū pertinet: sed ea quæ quis spōte aut inuitus agit sunt huiusmodi: ergo ea pertinent ad morālē philosophū cōsiderare. [PORSITAN.] Vitur moderatiōne, quia morales nō afferunt exactā certitudinem. [VIDETVR itaque.] Cū duobus modis ope remur inuiti, aut per vim, aut per ignorantia: incipit primò declarare quomodo agimus inuiti per violentiā. i. nō spontaneū per violentiā: postea declarabit nō spontaneū per ignorantia. verum cum sit spontaneū, & nō spontaneū, incipit philosophus à nō spontaneo. i. à priuatiuo, vt per eius declarationem emergat positium. i. spontaneū. Oppositorum enim, vt inquit philosophus, eadem videtur esse scientia. Notandum q̄ id quod inuite & nō sponte fit. i. nō spontaneū sūfficienter hoc modo diuisum esse ostenditur. s. per violentiam, ignorantiam. nam id quod sponte fit, habet hæc duo tāquam principia. s. appetitum, & cognitionem vel comprehensionē. nam oportet appetitum fieri ad illud, & etiam cognitionem præcedere id q̄ sponte fit. q̄ si impeditur appetitus, facit aliquis per vim: si cognitio impeditur, facit per ignorantiam: ergo duobus modis potest facere inuitus. merito nō spontaneū bifariam diuisit. Notādū q̄ spontaneū cum non diuidatur, sed pcedat vel sit ex dictis duobus principiis, & sit vnum, nō videtur posse opponi inuito, siue nō spontaneo quod est duplex. s. vnum per vim, alterum per ignorantiam. natura enim semper vnum vni videtur opponi. Dicendum q̄ hic vnum vni nō duobus opponitur. spontaneū enim opponitur nō spontaneo quod est vnum genus: quod postea subdividitur in duo membra. s. per vim, & per ignorantiam, vt dictū est: tanquam in duas species. [ID autem est violentū.] Incipit philosophus docere de vno membro ipsius inuiti vel nō spontanei: quod fit per violentiam. Violentum est igitur, dicit philosophus, definiendo ipsum: est inquam id cuius principium foris tale existit in quod agens vel patiens nihil confert. In hac definitione tria notantur ad hoc vt aliquid sit violentum. vnum q̄ principii quod mouet non fit internum ei rei, quæ mouetur violentē, sed sit ab extra: deinde q̄ tale principium sit potens per se mouere: tertio q̄ id quod mouetur violentē, non conferat aliquid adiumenti mouenti ab extra. cum igitur violento deficit aliqua istarum conditionum, nō propriē talis res appellatur violenta. quomodo autem violentum sit patet exemplis philosophi, quando aliquis mouetur præ intentionem suam à vento uel ab homine fortiore, quam sit ipse: talis motio dicitur violenta: si uerò moueretur ad eam partem, quā appetere, nō esset illa motio violenta. & ideo addidit in quo nihil cōfert agēs uel patiens, & his duobus nominibus appellat illū qui mouetur uolētē. agens enim & patiens eadem persona diuersis respectibus esse potest. nam ea ratione qua suscipit vim dicitur patiens. s. in quantum compellitur: in quātum uerò compulsiu agit aliquid aliud, ut si quis baculū habēs in manu coactus à potētiore percutiat aliū: agit illud, & dicitur agens respectu illius quod agit, licet inuitus. Itaque ea ratione qua suscipit in se vim, dicitur patiens: ea uerò ratione qua compulsiu agit aliquid aliud dicitur agens. Et notandum hic est quod rectius utimur hoc termino spōte & spōtaneo, quā volūtario. nam ad plura se extendit spōtaneū uo-



luti ad pueros, & belluas, quàm volūtario, & alio vocabulo vtitur hic philosophus in spōtanco:  
 & alio inferius in ipso voluntario. [A T ea quæ ob maiorū.] Hæc in parte philosophus primo af-  
 fert quādam dubitationē: deinde eam soluit: postea ponit duas difficultates: demum cōcludit &  
 declarat quæ sint violēta simpliciter, & quæ non proprie sint. Dubitatur igitur in primis vtrum  
 quæ ob metum maiorū malorū, vel ob magnū bonū fiunt: sint dicēda fieri à nobis inuitis, & po-  
 nit exēpla. [T A L E S igitur actus.] Soluit dubitationem philosophus tribus rationibus. Prima,  
 illæ actiones quæ sunt secūdm rationem temporis in quo agūtur sunt magis spōtaneis similes  
 quàm inuitis. at ea quæ sūt ob metū maioris mali vel ob aliquod magnū bonū, fiunt pro tēpore:  
 ergo sunt magis similes spōtaneis. nam omnis actio terminatur ad finē. Si igitur iacere in mare  
 aurū sit ob salutē: salus autē est finis, qui pro illo tēpore expetitur, & etiam qui prolicet cogno-  
 scit: ergo, quæ non impeditur appetitus nec cognitio, quæ sunt principiū spōtancie: quare tales actus  
 erūt magis similes spōtaneis. [E S T enim in ipso.] Secūda ratio ad solūedam dubitationem: illæ  
 operationes, quæ collocātur in nostro arbitrio, & potestate vt agātur vel non agātur, spōte ma-  
 gis fieri vidētur quàm inuite: at operationes quas facimus ob metū, & huiusmodi collocātur in  
 nostra potestate vt agātur vel non agātur: ergo spōte fieri videntur. nam principiū mouēdi or-  
 ganicas partes, quæ sunt instrumenta in huiusmodi actibus, est in nobis: ergo tales operationes  
 spōte sūt à nobis: sed forte non sūt spōte simpliciter, sed secūdm quid dī. secūdm tempus. non  
 enim absolute, & in omni tempore spōte fierēt: dicūtur tamen spōte fieri, quia principiū agen-  
 di est in nobis. [I N actibus autem.] Tertia ratio ad dubitationē solūedam. illæ operationes qua-  
 rum causa laudari, aut vituperari solemus vidētur spōtaneæ: at huiusmodi actus qui sūt ob me-  
 tū, & similes, sunt tales vt eorum causa laudemur, aut vituperemur: ergo videntur esse spōtancie.  
 maior nota: minor probatur à philosopho afferēdo quosdam gradus talium operationū. primus  
 est gradus eorū, qui faciunt aliquod turpe, & indecorū pro consequēdo aliquo cōmodo, & quan-  
 doque laudātur, quādoque vituperātur. verum accipit hic turpe pro fordido, q̄ refertur ad cor-  
 pus. nam turpe & turpitudō animi nūquam laudari potest, & hoc est turpe quod opponitur hone-  
 sto. est igitur duplex turpe, vnū simpliciter, & de se turpe, quod nūquam honeste agi potest: vt  
 homicidiū, adulteriū, & alia generis eiusdē. aliud est turpe secūdm quid, vt virū in magistratu  
 constitutū per locū publicū currere: quod ab alio fieri potest non turpiter, at fortum, & similia  
 semper sunt turpia, & digna reprehensione, & non possunt laudari. philosophus igitur intelligit  
 hic turpe respectū corporis. Secūds gradus est eorū, qui subeūt aliquid indecēs non tamen tur-  
 pe animi, aliquid inquam vt fugiāt magna mala, & isti non laudātur neque vituperātur: sed di-  
 cuntur venia digni. tertius gradus est eorū, qui nullo modo sunt laude, aut venia digni, quia nul-  
 la causa debēt compelli ad turpia perpetranda, vt exemplo Alcmeonis ostēdit philosophus, qui  
 vt Euripides refert, interfecit matrem, hortante & impellente Amphiarao patre. [E S T autem  
 interdum.] Afferit breuiter duas difficultates quæ eueniūt in his quæ sunt ob metum maiorum  
 malorum: quarum vna est ex parte cognitionis, alia est ex parte experientie. sententia patet in  
 textu. [Q V A E N A M igitur dicēda.] Declarat nunc philosophus qualia sint illa quæ simpliciter  
 sunt violenta, & item illa quæ sunt violenta secūdm quid, & aliqua ex parte. dicit igitur cum  
 nos attulerimus quāsdā operationes quæ videntur esse mixtæ, quæ nam sunt illa quæ sunt sim-  
 pliciter violenta? Et respondet quodd illa sunt talia, quæ aliquis agit cōpulsus, & coactus à prin-  
 cipio foris existente: in quo agēs nihil confert, vt si quis coactus, & compulsus in aliquem, per-  
 cutiat illum inuitus. secūdo declarat id quod non simpliciter est violentum. talia enim fieri vi-  
 dentur cum sunt spōte, non simpliciter, sed pro tempore spōte aguntur, quoniam principiū  
 agendi vel non agendi est in nobis, & talia sunt in nostra potestate. postea repetit illam diffi-  
 cultatem quæ oritur ex parte cognitionis propter singula quæ respiciunt personam, tempus, lo-  
 cum, & alia similia. concluditur ergo quodd illa dicuntur magis agi spōte cum sint in nostra po-  
 tate [Q V O D si quispiam iocunda.] Fuit opinio quorundam philosophorum, quodd homo agit  
 spōte ea omnia quæ proueniūt à recta ratione, inuitus autem agit turpia, & horum dicebant  
 non esse causā hominem, sed res iocundas & pulchras, quæ ab extra compellebant: honesto-  
 rum verò hominem tantum esse causā. hāc opinionem, quæ fuit cyrenæicorum, vt aiunt, mul-  
 tis in locis refellit philosophus, quia aufert liberum arbitrium, & consultationem, & labefacit  
 omnem moralem disciplinā. nunc verò reprobat duabus rationibus: prima si iocunda, & pul-  
 chra afferunt violentiam, certe omnia quæ agimus essent violenta, sed hoc est absurdum, ergo  
 iocunda, & pulchra non afferunt violentiam. quodd autem illud sequeretur ex eo percipi potest  
 quodd omnes operantur, vt ait ob iocunda, & pulchra, siue vitiose siue studiose operentur. No-  
 tandum quodd violentum aut accipitur pro afferente vim, aut pro actione violenta quæ proue-  
 nit à tali, vt ita loquar, violentante, & vim afferente. hoc loco accipitur violentum pro eo quod  
 affert vim homini. nam illi philosophi dicebant pulchra, & iocunda necessario compellere. [A T  
 qui violentia.] Secūda ratio, omne quod operamur violententer, cum dolore, & molestia agimus:  
 sed operationes circa iocunda, & pulchra non agimus cum dolore, sed potius cum volupate,  
 ergo tales operationes non sunt per violentiam, vt illi philosophi volunt. [E S T autem ridicu-  
 lum.] Concludit philosophus sententiam iam probatam, & afferit definitionem violenti vt pa-

tet. notandum q̄ violentum tribus modis describitur à philosopho: primo dixit in quo agens vel patiens nihil cōfert. secundo dixit nec agens quicquam cōfert, & omisit patiens. tertio dixit nihil conferente eo cui vis affertur, & omisit agens: omnes tamen loci re, & sententia in idem redeūt, & vnam personam designāt: quæ denominatur, quādoque ab agente, quādoque à patiente, quādoque ab vtriusque. dubitatur vtrum violentum sit causa sufficiens vt quis agat inuitus, & videatur quòd non sit sufficiens. nam aliquis proicit sursum lapidem. hic motus fit violentus: & tamen fit ab homine sponte. aliquis etiam saltat sursum, & fit motus violentus propter corpus, tamen non fit ab inuito, quia spōte eleuatur & saltat. ergo violentum non est causa sufficiens ad hoc vt quis agat inuitus. oppositum tamen dicit philosophus cum diuidit inuitum in violentum, & in id quod est inuitum per ignorantiam. dicendum quòd duplex est violentum: vnum contra naturam, & oppositur naturali. aliud est cōtra id quod sponte fit, & opponitur principio sponte agendi, quod proprie est in animalibus, & præsупponit cognitionem. primū verò non præsупponit cognitionem. Hac stante distinctione violenti facile soluntur dubitationes. sed ad hoc idem declarandum ponuntur duæ conclusiones. Prima, Violentū quod opponitur naturali non est causa sufficiens vt quis agat inuitus, quia est priuatio tantum motus naturalis, & non impedire videtur principium agendi sponte. Secunda, Violentum quod opponitur principio sponte agendi est causa sufficiens vt quis agat inuitus, & ad rationes: iactatio lapidis sursum est violenta respectu lapidis, quia est cōtra suum motum naturalem: respectu verò proicientis est spōtanea. saltatio verò sursum est etiam spontanea respectu saltantis, & non est motus violentus. Nam animal ferri potest naturaliter sursum, deorsum, & ad omnes differentias positionis. sed cum dicitur q̄ est violentus, & oppositus naturali, dicitur respectu corporis, quia mouetur sursum contra naturam suam, de quo non est attendenda ratio, quia est pars compositi: sed est attendendus motus totius coniuncti. i. animalis quod est tertia entitas: nec est tantum anima nec tantum corpus, sed tertia entitas constituta ex vtriusque. Itaque ille motus ratione partis. i. corporis non potest denominare totum illud motum violentum. Nam fit à principio interno animalis, & non à causa externa. Circa hanc partem vt clarius intelligatur quid homo agit inuitus per violentiam: dubitatur vtrū operationes quæ sunt ob metū maiorū malorū fiant spōte an inuite, & an sint mixtæ, ita tamen vt magis spōte quàm inuite fiant vt dicit philosophus. Arguitur cōtra, Nullum mixtum est aliquid eorū ex quibus miscetur, sed tales operationes dicuntur mixtæ: ergo non sunt aliquid eorū ex quibus sunt mixtæ. maior patet quia si mixtum esset aliquid eorū ex quibus est mixtum, tunc totū haberet naturam partis: minor probatur auctoritate philosophi, qui eas operationes appellat mixtas. secūda ratio si istæ operationes magis spōte quàm non spōte fierent vt dicit philosophus, hoc esset ex eo quia partim sponte, partim inuite fierent. at philosophus dicit eas fieri magis spōte, quàm inuite: ergo partim spōte, partim non spōte ex quo sequeretur quòd tales operationes, aut essent in eadem parte animæ, aut in diuersis. verum neutro modo dici potest: primo non sunt in eadem parte animæ, quia sequeretur q̄ contrarii actus essent in eodem: nec etiam in diuersis, quia cōtraria habet fieri circa idem subiectum, ergo non erūt partim sponte partim non. Pro solutione dicendum q̄ philosophus ostendit tales operationes consistere in tribus. primo de se & simpliciter non subiiciuntur principio spōte agendi. Secunda cōditio q̄ tales operationes dicuntur fieri à nobis spōte pro tempore: simpliciter autem ponit, tertia cōditio est quòd tales operationes dicuntur fieri magis spōte, quàm inuite, quia vnaquæque operatio debet diiudicari talis in tempore in quo fit, & cum est actu, & non simpliciter. Ad rationem primam respondere possumus: quòd mixtum non est aliquid ex mixtis, sed denominatur hic totū ab vna parte, & maiore, & principaliore vt sæpe fit. i. ab spōte potius quàm ab inuito, quia potius sunt sponte. Ad secundam respondetur, & cōcluditur quòd partim spōte partim inuite sunt tales operationes, & sunt in eadem, & depēdent ab eadem potetia animæ. i. ab appetitu. Ille enim est principium mouendi, & retinendi. & cum dicitur tunc essent duo contraria in eodem subiecto: respondendum est cōtrarium hoc pacto partim spōte partim inuite, sed diuersis respectibus sumitur. si enim sumantur simpliciter, & de se, sine cōditione temporis, non dicitur fieri spōte. si autem sumantur in tempore in quo fiunt: tunc à nobis spōte fiunt, & sic patet quòd tales operationes magis spōte fiunt, quàm inuite, propter tres cōditiones, quas dixit philosophus. & sic habemus declaratum primū membrum eius quod fit non spōte. i. per vim. [OMNE autem quod fit per ignorantiam.] Hæc est secunda pars huius primi capituli, in qua philosophus postea quam superius diuinit actus nostros in ea quæ fiunt spōte, & in ea quæ fiunt non spōte, & rursus id quod fit non sponte bifariam fit diuinit in id quod fit per violentiam, & id quod fit per ignorantiam: cum declarauerit de inuito, & non spontaneo per vim: nunc declarat de non spōtaneo, & inuito per ignorantiam, quod erat alterū membrum declarandum. verum cum aliquid fieri non sponte per ignorantiam duobus modis euenire possit, aut per ignorantiam agere inuitū, aut non agere inuitū, nec tamen sponte, declarat philosophus differentia quæ est inter agere per ignorantiam inuitū, & agere per ignorantiam non sponte. & assert hanc sententiam, q̄ non omne, quod fit per ignorantiam statim sequitur quòd fiat ab inuito, & probat hoc pacto. omne quod fit à nobis inuitis per ignorantiam, certe postquam cognoscitur, assert nobis dolorē & pœnitentiā: sed nō omne

quod fit per ignorantiam semper est tale, vt postea afferat nobis dolorem & pœnitudinem: ergo non omne quod fit per ignorantia fit à nobis inuitis. Vel vt melius percipiatur forma rationis dicatur hoc pacto, Omne quod fit per ignorantia ab inuito, postea sequitur pœnitudo & dolor: at aliquod fit per ignorantiam quod non sequitur pœnitudo, & dolor: ergo aliquod fit per ignorantiam quod non fit ab inuito. Exêplum maioris, vt si quis per ignorationē interfecit aliquē, & postea cum rescivit dolet & angitur. Exêplum minoris. vt si quis pro plūbo sibi debito ignoranter accepit argentū, & postea nec dolet nec cum pœnitet, talis non dicitur q̄ inuitus accepit, nec etiam spōte, quia non cognouit. Nam id quod agitur, spōte agitur per cognitionē nostram. vnde tales erunt gradus, primo qui spōte agit per cognitionem: qui verò agit non spōte, aut per violentia id erit de quo antea docuit, aut per ignorantiam. & hoc bifaria rursus aut inuitus, quia postea pœnitet: aut non spōte, quia postea non pœnitet. & cum hic non habeat propriū nomen, & sit tamen alius ab inuito, appelletur dicit philosophus nomine generis. i. non spōte agēs, quia non potest dici q̄ agat inuitus, cum non pœniteat: nec etiam quod agat spōte, cum ignorauerit. Dicatur ergo quod agat non spōte, & vocetur nomine generis. vnde ex dictis concluditur ista sententia philosophi, q̄ ignoratio ea quam dolor, aut pœnitudo non sequitur, non est causa vt a-

14 liquid agatur ab inuito: sed illa tantum quā postea sequitur dolor aut pœnitudo. [A T enim.] Affert differētiā quā est inter ignorātem agere, & per ignorantiam agere: vt ostēdat ignorātem esse & non esse causā vt aliquid fiat ab inuito. & vult q̄ cum duplex sit ignorātia, vna qua aliquis est ignorās: alia per quam agimus ignorāter, quod ista differat inter se: & hoc ostēdit duabus rationibus, ebrius & iratus non operatur per ignorātiā, sed per iram & ebrietatē: at tamen ebrius, & iratus agit ignorās: ergo non omnis ignorās agit per ignorātiā. Diuersa igitur sunt ista: maior est clara, quia ebrius & iratus agit per ebrietatem vel irā, non per ignorātiā. Minor, quia agit ignorās cum non cognoscat id quod agit ira vel ebrietate impeditus vt patet. Secūda ratio, Non omnis malus operatur per ignorantiam: at malus operatur ignorās, ergo non omnis ignorās agit per ignorātiā. Patet ratio quia malus non agit malum per ignorationē. esset enim venia dignus: tamen omnis malus agit ignorās, quia ignorat finē ob quem agit, & cum sit malus illum finē existimat esse bonum: quia habet iudiciū corruptū. [I N V I T V S autem] Postea quā ostēdit quod ignorāte, & per ignorātiā agere non sunt idem, sed istę duę ignorationes differunt: nūc ostēdit q̄ ignoratio ea qua aliquis dicitur esse ignorās, non est causa vt aliquis iure dicatur operari inuitus, sed illa potius quā fit in circumstātiis rerū singularium cum hoc vt sequatur pœnitudo. Talis enim ignoratio videtur esse digna causa vt aliquis dicatur agere inuitus, & non est causa vitii, sed digna venia. Affert igitur primo vnā sententiā. s. q̄ ignoratio eius quod prodest, id est ignorare veram vtilitatem, & bonum in rebus, non est causa vt aliquis dicatur agere inuitus. & probatur hoc pacto, Illa ignorātia, quā fit cum electione non est causa vt aliquis agat inuitus: at ignorātia eius quod prodest, & nostri boni fit cum electione: ergo talis ignoratio non est causa vt aliquis agat inuitus. Maior patet: id enim quod fit cum electione, non fit inuite: minor, Ignoratio enim eius quod prodest, & nostrę vtilitatis, & perfectionis fit per electionē. Ignorare enim id quod prodest, & etiam scire illud est positū in nostra potestate: & si illud non scimus quod scire oportebat, per electionem id factū est: quia sic placuit nobis, cum in nostra potestate fuerit collocatū. Patet igitur quod ignoratio eius quod prodest non est causa vt aliquis dicatur operari inuitus nec excusationem meretur. Item dicit quod nec ea ignoratio quę est vniuersalis est causa vt quis agat inuitus, nec est digna excusatione aut venia, sed poena potius, & reprehensione. Erat enim in nostra potestate collocatū cognoscere illud vniuersale vel non cognoscere, ergo non est causa ignoratio vniuersalis vt quis agat inuitus. Ex quibus inferit quod illa ignoratio, quę est alicuius circumstātię nō vniuersaliter sumpta, sed singularis, est causa vt aliquis dicatur operari inuitus: & hæc digna venia, & misericordia, quia peccauit ignoracione alicuius circumstātię, quā particulariter non potuit percipere. & cum multe sint ignoraciones vt patet, ista tantū vltima excusationē habet, & causā vt aliquis dicatur agere inuitus. Notandum pro declaratione eorū quę dicta sunt, q̄ ignorātia siue ignoratio est multiplex. vna est ignoratio eius quod prodest nostrę perfectioni, alia est ignoratio circumstātiarū quę requiruntur ad mediocritatē, & studiōsam operationē cōstituendā: quas inferius enumerabit philosophus. Verum ignoratio eius quod prodest bifaria esse potest, aut in vniuersali, aut in particulari. in vniuersali hoc pacto, vt si quis ignoret non esse adulterium cōmittēdum, & huius ignorationis ipse homo est causa, quia in sua potestate erat, tam cognoscere ea quę cognoscēda sunt, quam nō cognoscere: quin etiā vult philosophus vt leges, quę ad nos pertinet, teneamus. Ignorare igitur in vniuersali vel puerse scire, quod est etiā alio modo ignorare, ipse homo est causa: alia est ignorātia eius quod prodest: ignorātia in quā in particulari vt si quis ignoret hoc adulteriū non esse cōmittendū. Itaque supra vniuersale erat adulteriū non esse cōmittendū: particulare hoc vel illud adulteriū non esse cōmittendū. Et huius etiā ignorationis culpa est in nobis: & his duobus modis errat prauus ignorādo tam in vniuersali quam in particulari id quod est bonū. Relinquitur ignoratio circumstātiarū quę etiam bifaria sumi potest, scilicet in vniuersali, & in particulari:

exemplum primi, vt si quis ignoret tempus, locum, & alias huiusmodi circūstantias: quas & sci re debet, & si postea peccat quia ignoret in vniuersali, non est dignus excusatione, nec dicere po test quod egit inuitus, quia nesciebat in vniuersali, talem, ac talem circūstantiam: at tu scire de- bebās. Exemplum secundi est, vt si quis cum operatur ignorat aliquam circūstantiam, quia nō potuit ei illa particularis esse nota, quia deceptus fuit ex huiusmodi causa. vt si quis filium per- cussisset existimans esse patriæ hostem, & similia: quæ venia sunt digna, & hæc tantum ignoran- tia. Alicuius circūstantiæ in particulari est causa vt aliquis dicatur agere inuitus, si post factum sequatur pœnitudo, & dolor. ex dictis quatuor conclusiones afferri possunt. I. Ignoratio in vni- uersali vtilitatis vel eius quod prodest non est causa vt aliquis dicatur agere inuitus, vt ignora- re vsuram vel adulterium esse malū. II. Ignoratio vtilitatis vel eius quod prodest, in particulari nō est causa vt aliquis dicatur agere inuitus, vt ignorare hoc vel illud adulterū esse. III. Ignora- tio alicuius circūstantiæ in vniuersali non est causa vt quis agat inuitus, vt ignorare locū, aut tē- pus variare res agendas. hæc tres species ignoratorum nō sunt causa, vt aliquis dicat se inuitum operari, quia & ignorare & scire erat in sua potestate collocatū, & non habet excusationem. IIII. Ignoratio alicuius ci- cūstantiæ in particulari, & singulari est causa vt quis dicatur agere inui- tus. cum hoc tamen vt postea quam cognouit doleat, & pœniteat, & hoc pacto dicitur inuitum per ignorantiam, vt etiam magis patebit inferius per ea quæ dicentur. Notandum quod in specu- latiuis sunt nonnulla principia vniuersalia: vt de quolibet affirmatio, & negatio & si ab æqualibus: æqualia demas, ea quæ remanent sunt æqualia, & alia huiusmodi. in actiuis quo- que, vt omne honestum prosequendum: omne turpe fugiendum, & similia. verum vt in scientiis speculatiuis ea sunt cognitu necessaria, sic etiam ista in actiuis actionibus & vir- tutibus necessario requiruntur. [F O R S I T A N igitur non.] Postea quam philosophus attulit illas differentias ignorationis, ex quibus ostendit non omnem ignorationem esse causam vt ali- quid agamus inuitus: nunc philosophus affert numerum circūstantiarum, quas appellat singulas: circa quas versatur omnis nostra actio. & primo enumerat ipsas circūstantias, deinde declarat ipsas, & ostendit quænam sint illæ circūstantiæ, quibus ignoratis est causa vt quispiam agat inuitus. postremo concludit quid sit inuitum per ignorantiam. enumerat igitur in primis circūstantias vel cōditiones quæ requiruntur in qualibet operatione, & affert septem, quanuis nomine vnus duos intelligi velit. Prima circūstantia est quis. i. ipse agens: secunda quid, id est actus quem ag- git ipse agens. Tertia circa quid. i. materiam circa quam versatur. Quarta in quo, & hoc bifariā, scilicet in quo loco, & in quo tempore. Quinta quo, id est quo instrumento agit. Sexta gratia cu- ius. i. finis ob quem agit. Septima quomodo, scilicet fiat actio: vt sensim vel vehementer: parum vel nimium quam sit opus, & similiter. Et istæ sunt omnes circūstantiæ: circa quas versatur omnis actio. cum autem sint totæ, & non sint neque plures neque pauciores, ostendi potest hoc pacto: omnis circūstantia aut respicit agens & causam actus, aut respicit ipsum actum. si agens & cau- sam actus, tunc aut est causa efficiens, aut finalis, aut materialis. si efficiens, aut est principalis. i. quis & persona agentis: aut instrumentalis. i. quo. si finalis tunc est finis. i. gratia cuius: si materia- lis tunc est actus quod: & sic habemus quatuor circūstantias ex parte causæ actus. sin vero cir- cūstantiæ respiciant ipsum actum: tunc considerabitur, aut secundum substantiam, & essentiam suam. i. quid: aut secundum mensuram suam. i. in quo. si vel loco vel tempore: aut secundum qua- litatem. i. quomodo, & sic habemus tres alias. [V N I V E R S A igitur hæc.] Postquā philosophus 17 enumerauit conditiones, & circūstantias circa quas nostri actus versantur: nunc ostendit qua- lium sit ignoratio, quia non omnium circūstantiarum est ignoratio. & dicit quod omnia hæc, scilicet collectiue nemo ignorabit, modo sit sanæ mentis. nam personam agentis nemo ignorare potest, aliter seipsum ignoraret: quod non fit nisi sit aliquis insanus. In aliis vero ignoratio fieri potest vt ostendit philosophus, & incipit afferre secundam circūstantiam, scilicet quid est id quod agit: vt si quis ignoret vt dicitur de AEschyro, qui in sua poesi dicitur edidisse arcanæ quib⁹ utebantur in sacris Cereis. vnde vocatus in iudicium ad Ariopagum excusauit se q̃ per ignorā- tiam egisset. Aliud exemplum est, vt si quis mucronem educens ē vagina vt ostendit, interficit eum cui volebat esse dōdē: hic ignorare videbatur quid ageret. Tertia circūstantia est circa quod. i. materiam vt accidit Merope circa filiū Crespōtem quem interfecit hostem esse ratus. Ignora- ri etiam potest quarta circūstantia. i. quo. si instrumento, vt si quis ignoret hastam habere cuspi- dem: vel credat lapidem quandam esse pumicem & proiciens percutiat aliquem. Item ignorari potest gratia cuius. i. finis. i. quinta circūstantia, vt si medicus incidat venam gratia sanitatis, & sequatur oppositum. Ignorari etiam potest modus. i. sexta circūstantia, vt si pugil docere vo- lens sensim se agere credens, vehementius agat, & afferat vulnus. Omisit philosophus declara- tionem in quo. i. circulo loco, & tempus, tanquam per se notam. Ignoratio autem talis fieri po- test quando ignoratur vtrum sit sacer locus an prophanus. similiter vtrum dies festus an non. Deinde dicit Philosophus, quod ille qui ignorabit aliquam istarum septem conditionum, scili- cet in particulari dicetur agere inuitus: præcipue si eueniet vt erret, & ignoret illa duo, scilicet circa quid. i. materiam circa quā, & gratia cuius. i. finē. nemo enim vellet ignorare istas. itaq; si eue- niat vt in particulari ignoret istas, præcipue dicetur agere vt egisse inuitus. sic igitur circa singu- las istas fieri in operādo ignoratio potest præter vnā. i. personā agentis. nūquam enim seipsum igno-

- raret nisi infans. [E I V S igitur.] Declarat philosophus quòd ignoratio alicuius circumstantiæ  
 17 est causa vt aliquis agat inuitus, si hoc addatur vt sequatur pœnitudo & dolor, ex quibus habem⁹  
 inuitum per ignorantiam esse id quod fit ignoratione alicuius circumstantiæ: ex septem enume-  
 18 ratis: excipitur enim persona agentis cum hoc etiam addito, vt posteaquàm cognouit sequatur  
 pœnitudo & dolor: & sic habemus declaratum alterum membrum non spontanei .i. inuitum per  
 ignorantiam vt manifeste patet. [C V M autem id inuitus.] Hæc est tertia pars huius capituli, in  
 qua philosophus posteaquàm determinauit de eo quod fit à nobis inuitis, aut per vim, aut per i-  
 gnorantiam: nunc declarat spontaneum: & id quod fit à nobis sponte: deinde excludit, & postha-  
 bet terrorem quorundam. f. Cyrenaicorum vt aiunt. Definit igitur in primis id quod sponte fit,  
 & talis definitio oritur ex ante determinatis. nam si id quod operamur inuiti, aut per vim, aut  
 per ignorantiam agimus: certe id sponte fiet cuius principium internum est in agere, & hæc pars  
 est contra inuitum per violentiam, cuius principium extra est: præterea addit in agente scientie  
 singularia circa quæ actus fiunt, & hæc pars est contra inuitum per ignorantiam, & his duobus mē-  
 bris distinguitur ab illis sibi oppositis. pulcherrime igitur processit philosophus declarando, &  
 19 definiendo primo illa duo membra. f. inuitum per vim, & inuitum per ignorantiam, quia diffici-  
 le erat declarare id quod sponte fit, nisi antea essent illa declarata. oppositorū enim eadē est disci-  
 plina, & vnum contrarium cognoscitur per alterum. [F O R S I T A N enim.] Nunc philosophus  
 refellit errorem & opinionē quorundā de eo quod sponte fit, & dicit q̄ forsitan illorum sententia  
 non est vera, quæ dicit quòd illa quæ efficiuntur per iram aut cupiditatem fiunt à nobis inuitis.  
 20 [P R I M O nanque.] Affert rationes ad refellendā eam sententiam, & ostendendū q̄ illa quæ fiūt  
 per irā aut cupiditatem fiunt sponte: probat autē sex rationibus. Prima ratio, Si ea quæ fiunt per irā  
 & cupiditatem, non fiunt spontes, sed inuite vt dicunt illi: tunc nullum animal præter hominē nec  
 etiam pueri agerent sponte. at consequens falsum, ergo & antecedens. nā videmus pueros sua spō-  
 te agere nō nulla, & bruta etiam sponte sua accedere ad pascua & similia. Notandum quòd appeti-  
 tus est duplex, aut rationis, aut sensus. appetitus rationis, id est voluntas quæ semper præsuppo-  
 nit rationē est in pueris in potentia, quia nondū ea operatur. Appetitus sensitiuus est in eis actu.  
 at in brutis nullo modo est appetitus rationis: sed vnus tantum, quo animalia dicuntur agere spō-  
 te. quare spontaneum est principium in eis nullo modo voluntarium: ex quo hic patet id quod  
 supra diximus quòd id quod multi accipiunt voluntarium, dici debet spontaneum: quod exten-  
 ditur ad plura, quia non solum competit animalibus rationalibus, sed etiam brutis: voluntarium  
 tantum rationalibus, vnde philosophus cum loquitur de spontaneo dicit græce ἐκ τῆς φύσεως cum de  
 21 voluntario ἐκ τῆς βούλης [D E I N D E quærendum est vtrum.] Secunda ratio. Si omnia quæ fiunt per  
 iram & cupiditatem, fierent à nobis inuitis, tunc aut omnia tam bona, quàm mala fierent à nobis  
 inuitis: aut bona sponte: mala verò inuite. at neutrum horum est, ergo nec illud, scilicet quòd ea  
 quæ aguntur per iram & cupiditatem fiunt à nobis inuitis. quod autem neutrum horum sit, proba-  
 tur. Nam primo omnia, scilicet tam bona, quàm mala non fiunt propterea à nobis inuitis, quia  
 tunc homo nihil ageret sponte, cum omnis fere nostra actiua operatio fiat, aut circa iram, aut  
 circa cupiditatem, & tamen homo quandoque agit sponte. nec item est secunda pars vera quòd  
 bona fiant à nobis sponte: mala vero non. cum vna sit causa vnumque principium à quo bona, &  
 mala prouenire, & procedere possunt: verum idem erit iudiciū de ipsis, nam absurdum est po-  
 nere duo diuersa, scilicet sponte, & inuitum procedere ab vna causa: & eodem principio, scilicet  
 sponte agendi, id est cum vnum sit principium sponte agendi amborum: absurdum est dicere q̄  
 talia .i. honesta proueniunt, & fiunt sponte: turpia vero à nobis inuitis, & sic patet cōclusio. [A B-  
 22 S Y R D V M est etiam.] Tertia ratio. Si ea quæ fiunt per iram & cupiditatem fierent à nobis in-  
 uitis, tunc omnia quæ oportet appetere fierent inuite. consequens est absurdum, ergo & antece-  
 dens. quòd autem hoc esset absurdum probatur à philosopho, quia oportet appetere sanitatem,  
 disciplinam: & dicere quòd ista fiant à nobis inuitis, absurdum est. Sunt etiā nonnulla pro quibus  
 quantum oportet irasci debemus, vt si videamus patrem verberari iniuste: at dicere quòd talia aga-  
 mus inuiti, videtur esse alienum à ratione. [V I D E N T V R etiam ea.] Quarta ratio. Ea quæ fiūt  
 23 à nobis inuitis afferunt nobis molestiam, & dolorem: at ea quæ per cupiditatem vel iram agun-  
 tur non afferunt nobis eo pacto dolorem, sed potius voluptatem, ergo talia non fiunt à nobis  
 24 inuitis. [P R A E T E R EA quid interest.] Quinta ratio. Ea quæ licet fugere pariter, & non fuge-  
 re, sponte à nobis aguntur: tam ea quæ per mentē quàm ea quæ per irā cupiditatemq̄ peccantur:  
 licet fugere cū sint in nostra potestate: ergo tam illa quàm ista sponte à nobis aguntur. quasi dicat,  
 nulla differentia est inter ea delicta quæ fiunt à ratione, & ea quæ per irā fiunt vel cupiditatem:  
 differentia inquam non est, quantum ad hoc q̄ vtraq̄ fugere possunt, cum sint in nostra potesta-  
 te, & in hoc idem sit iudiciū de vtriusq̄: & si illi dicerent: isti affectus non sunt humani, quia fiunt  
 in parte animæ irrationali, mēs autem semper est cum ratione. Dicit philosophus q̄ nō sunt mi-  
 nus humani, quia si sint in parte animæ irrationali per essentiā, tamen sunt in parte rationali per  
 participationem, quæ obtemperare potest rationi in ipso homine, vt patebit. Notandū q̄ ratio  
 etiā errat & deliquit, & si recta ratio nūquā errat, quia est cū prudētia. Errat autē ratio cū abest  
 prudentia, & vrgente appetitu succūbit: vt in vitiosis apparet, vt in incontinente vel in intēpera-



to, & auaro, & similibus: & delinquit circa ea quæ sunt in nostra potestate: ideo puniuntur huiusmodi delicta, & dicuntur sponte agi à nobis. vincitur enim ratio, & se obfuscarī permittit ira vel cupiditate, & male diiudicat & errat. q̄ si dicamus delicta quæ sunt per mētem & rationem, fieri à nobis spōte: profecto & illa quæ per irā cupiditatemq̄ peccantur, sponte à nobis fieri dicamus oportet, cum in hoc, scilicet sponte vel non sponte fieri idem sit iudicium de vtriusque. [AFFECTVS autem rationis.] Sexta & vltimā ratio. operationes quæ sunt à nobis inuitis nō videntur esse propriæ humane: at operationes quæ sunt à cupiditate & ira sunt humane, ergo non sunt à nobis inuitis. maior patet, quia humane operationes collocantur in nostra potestate: minor, quia ira & cupiditas siue irascibilis, & cōcupiscibilis sunt principia in homine, & sunt in appetitu: qui, & si fit irrationalis per essentiam, tamen est rationalis per participationem, & obedientiam rationis. In brutis vero nonnullo modo est rationalis, & per hanc rationem videtur tangere motuum illorum. Dicebant enim ista duo principia carere ratione, & esse in homine sicut principium nutriendi, & similia, quæ non sunt à nobis sponte. potentia enim nutritiua de se semper nutrit, siue velimus siue non: dum viuimus. At illi dicebant idem iudicium esse de ira & cupiditate, vnde hoc refellit philosophus ostendendo quòd & si sint expertia rationis secundum essentiam suam: tamen sunt participantia rationis, & possunt obtemperare rationi, & ideo humana, quia in brutis hoc fieri non potest: nec etiam in vegetatiua potentia quæ nullo modo est apta obedire rationi, vt in fine primi libri ostendit philosophus: & sic concludit, quòd ea quæ per iram & cupiditatem fiunt, sponte dicuntur fieri.

## De electione.

## Cap. II.

**E**t determinatis autem his: eo inquam quod sponte, & eo quod inuitis quispiam agit, consequens est vt de electione dicamus. Ipsa nanque virtuti esse familiarissima, & magis quàm ipsi actus diiudicare mores videtur. Electio itaque spōte quidem nostra videtur fieri. Non tamen est idem quòd illud quod sponte fit. Sed quod fit sponte ad plura sese extendit. est enim cum pueris & animalibus cæteris nobis commune. electio verò non est communis. Et ea quæ à nobis repente fiunt, sponte quidem nostra fieri dicimus: electione verò non dicimus. Qui verò dicunt ipsam esse cupiditatem, vel iram, vel voluntatem, vel opinionem quandam: non recte dicere videntur. etenim electio non est commune homini cum rationis expertibus. at cupiditas est, & ira. Et incontinens cupiens quidem, non tamen eligens agit. continens autem contra: eligens quidem, at non cupiens agit. Et cupiditas quidem aduersatur electioni: cupiditati verò cupiditas non repugnat. Cupiditas præterea iocundi est & molesti. electio vero ro neque molesti neq; iocundi. Ira etiam minus esse videtur. quippe cū ea quæ fiunt ira: minime per electionem fieri videantur. At verò neque voluntas est: tamen si finitima hæc esse videntur. electio nanque non est eorum quæ fieri nequeunt: quòd si quis eligere dixerit ea, amens esse videbatur. voluntas autem est: vt immortalitatis. At voluntas quidem est & circa ea quæ per ipsum qui vult, nequaquam agerentur. \* Volumus enim histrionem aliquem vincere certamen, at eligit talia nemo, sed ea quæ per seipsum existimat fore posse. Præterea voluntas quidem magis est finis ipsius: electio autē eorum quæ ferunt ad finem. Vt sani quidem esse volumus: eligemus autem ea quibus erimus sani, & felices quidem esse volumus, atque ita dicimus: eligimus autē non conuenit dicere. Atque omnino circa ea versari videtur electio: quæ in nostra sunt potestate. Opinio quoque non est. Opinatio nanq; circa vniuersa videtur esse:

ἢ ἄλλω-  
ν πρὸς τὴν π  
ναυτικὴν ἢ  
ἀλλοτρίαν.



nec minus circa æterna & ea quæ fieri nequeunt:quàm circa ea quæ nostra in potestate sunt collocata. Et falso, veroque diuiditur: non malo, bonoque. electio autem hisce magis. Electionem igitur idem esse & opinionem omnino, nemo forsitan dicit. At nec etiam est idem quod opinatio quædam. eligendo nanque bona vel mala quales quidem sumus: opinando autem non sumus. Et eligemus quidem capere aliquid aut fugere, aut aliquid talium. opinamur autem quidnam sit vel cui conferat: vel quo pacto conducat. sed capere aut fugere non nimium opinamur. Et electio quidem laudatur ex eo quia est eius quod oportet magis: vel quia est recta. opinio verò ex eo quia est vera. & eligimus quidem quæ maximè scimus esse bona: opinamur autem ea quæ non nimium scimus.

38 Videntur præterea non iidem homines eligere optima, atque etiam opinari, sed quidam opinari quidem melius: ob vitium autem non ea quæ oportet eligere. Nihil autem refert si antecedit electionem aut comitemur opinio. non enim id ipsum nunc perscrutamur: sed si idem sit electio quod opinatio quædam. Quid igitur aut quale quid sit electio cum nihil sit eorum quæ diximus? Videtur itaque sponte quidem à nobis fieri.

40 attamen non omne quod sponte agimus est eligibile, sed id cuius consultatio antecessit. electio nanque cum ratione est atque mète. Subsigni

41 ficare autem id & nomen videtur: innuens ipsum ex aliis legibile esse.

περὶ αὐτοῦ  
αὐτοῦ ὅθεν  
διδόται.

Commen.

26 **D**ETERMINATIS autem. his. Hoc est secundum capitulum: in quo philosophus postquam de principio sponte agendi, & non sponte agendi, & de eo quod sponte, aut non sponte sit antea docuerat: nunc consequens erat, ut tractaret de electione, quæ est principium externarum operationum. docet igitur in primis ad moralem philosophum pertinere considerationem de electione: deinde ostendit quidnam est electio, demum quid ipsa est definiendo eam ut patebit. dicit igitur in primis quod de electione determinare oportet, & ostendit quod talis consideratio pertinet ad moralem philosophum duabus rationibus. Prima ratio, Consideratio eius quod est familiarissimum virtuti pertinet ad moralem philosophum: at electio est familiarissima virtuti: ergo consideratio electionis pertinet ad moralem philosophum. maior nota, nam philosophus morum considerat de virtute, & de omnibus pertinentibus ad virtutem: minor probatur, quia virtus oritur ab electione. Item electio cadit in definitione virtutis, & ideo est ei coniunctissima. Secunda ratio. Consideratio eius rei pertinet ad moralem philosophum, quæ maxime ostendit mores, & virtutes: sed electio est huiusmodi: ergo eius consideratio pertinet ad moralem. [Q U A M actus ipsi.] .i. externi actus. Notandum quod electio videtur esse

27 actus internus, sicut est etiam actus qui fit sponte, & isti actus oriuntur à principiis internis: verum & isti actus externi ostendunt mores, & virtutes vel vitia: non tamen ut electiones quibus precipue diiudicantur virtutes inesse vel non inesse. Nam externi actus possunt fieri per accidens, & propter ostentationem, vel simulationem aliqua vel ignorantiam vel violentiam: electio verò sponte fit nec alterius imperio subicitur nisi illius, qui eligit, & sic electio ut dicit philosophus maxime indicat virtutem. [E L E C T I O itaque sponte.] Hac in parte philosophus ostendit quidnam sit electio. Nam fuerunt variae opiniones de ipsa. quidam enim cupiditatem, quidam iram, quidam opinionem esse dixerunt. Has opiniones remouet philosophus, & simul inquirat genus electionis ponendum in definitione: postea ponuntur differentiae quibus electio differt ab aliis. Ostendit igitur in primis quod electio non est omnino id quod sponte fit, hoc pacto. Illa non sunt eadem, quorum alterum ad plura se extendit, quam alterum. at id quod sponte fit, & spontaneum ad plura se extendit quàm electio, ergo id quod sponte fit & electio non sunt eadem. Maior, ea differunt quibus non eadem competunt, & sic magis vniuersale à minus vniuersali, & genera à speciebus suis. Minor, Spontaneum ad plura se extendit, quia & in pueris, & in brutis inueniri potest, non autem electio. Item repentini motus ut per iram, & huiusmodi dicuntur fieri sponte, non tamen cum electione, ergo ad plura se extendit sponte quàm electio, ergo non omnino idem. Notandum quod electio præsupponit rationem: id quod sponte fit præsupponit appen-

titum. vnde ad plura se extendit. & dici potest quòd vbiunque fit electio, ibi spontaneum: non autem e contra, quia in aliquibus est sponte vt in brutis & pueris, in quibus non est electio. sicuti dicimus in naturalibus, quòd vbiunque est ratio, ibi videtur esse appetitus, non autem e contra. quare id quod sponte fit se habebit tanquam genus: electio verò vt species. dubitatur quia non videtur verum id quod philosophus dicit de animalibus brutis quòd in his non sit electio. nam videntur eligere, & in paucis prosequi ea quæ profunt, & fugere opposita quæ nocent. Dicendum quòd electio potest considerari duobus modis, aut proprie aut improprie. Propria erit duarum rerum propositarum, alterius acceptio cum consultatione. impropria est acceptio alterius cum appetitu. Prima competit tantum habentibus rationem. Secunda verò irrationabilibus, quæ habent sensum, & appetitum sensitiuum. philosophus autem loquitur de electione vera, & quæ proprie dicitur electio, quæ non competit nisi habentibus rationem, & sic patet solutio. [Q V I verò dicunt.] Probat electionem non esse cupiditatem quatuor rationibus. prima, Ele- 28  
ctio nō est quiddam commune homini cū aliis animalibus: at cupiditas & ira est cōmune quiddam cum aliis animalibus, ergo electio non est cupiditas. maior clara, & iam probata. minor etiā patet, quia electio præsupponit rationē quæ non est in aliis animalibus præterquam in homine. & animaduertendum q̄ philosophus hic ostendit iram, & cupiditatem esse penitus diuersam ab electione: superius verò ostēdit id quod sponte fit differre ab electioe, sed nō omnino vt ista. nam vult id quod fit sponte esse tanquam genus respectu electionis: hic autē iram, & cupiditatē omnino exterminat, & disiungit ab electione. & hic etiā nō rectē sumunt qui voluntariū, & inuoluntariū accipiunt pro eodem quod spontaneū, & non spontaneum. sunt autem diuersa vt sæpe diximus, quia spontaneum ad plura se extendit, & sæpius repetimus hoc, quia non parum refert hæc distinctio quam dicimus ad hanc materiam percipiendam. [E T incōtinens.] Secunda ratio. si electio esset idē cū cupiditate, omnis cupiens esset eligens, & omnis eligens esset cupiens. consequens falsum, ergo & antecedens. q̄ autē fit falsum declaratur exemplo cōtinētis, & incōtinētis. continens enim cum electione, incōtinens verò cum cupiditate, non autem cum electione operatur, vt apparet in septimo vbi de continētia & incōtinētia docet. ibi enim patet q̄ in cōtinēte ratio vincit: in incōtinēte verò cupiditas. vnde alter cū electione alter verò cū cupiditate operatur. [E T cupiditas.] Tertia ratio: cupiditas non aduersatur cupiditati, electio aduersatur cupiditati: ergo electio non est cupiditas. maior, nam si cupio diuitias nō cupio paupertatem, & e contra: vnde contraria non cadunt sub cupiditate, ita vt simul sint contrarie, & de contra: iis cupiditates. minor patet exemplo continētis, & incōtinētis, in quibus alterum parit cupiditas: alterum verò electio, id est oppositum vult. Dubitatur quia philosophus dicit cupiditatem cupiditati non aduersari. hoc non videtur verum. nam aliquis cupit famam, & cupit etiam colligere pecunias: at ista videntur contraria, quia magnis & magnificis sumptibus nō tenacitate pecuniarū acquiritur fama. Dicendum quòd cupiens famam, cupiet etiā ea omnia quibus acquiritur fama, & magnificos sumptus & similia. Itaque hoc modo intelliguntur contrarie cupiditates: vt aliquis cupiat famam, & non cupiat famam: vt simul cupiat paupertatem & diuitias: luxuriam & continentiam. hoc fieri non potest, & hoc modo cupiditas non est contraria cupiditati. at electio est contraria cupiditati, vt in continēte, & in incōtinēte apparet. [C V- 30  
P I D I T A S præterea.] Quarta ratio, cupiditas est iocundi & molesti, electio non est iocundi & molesti: ergo electio non est cupiditas: patet ratio media in figura. cum enim cupimus aliquid, & id nobis adest, est iocundum: cum autem non adest, est nobis molestū. vnde præsentia eius quod cupimus percipimus voluptatem: absentia verò dolorem. electio verò ea ratione qua habet obiectum bonum eligibile non est iocundi & molesti. [I R A etiam.] Supra attulit vnam rationem, qua simul ostendebat quòd electio non est cupiditas nec ira, verum superius magis intendebat 31  
ostendere quod non est cupiditas, quia illa ex declaratione statim apparet ista. asserti igitur vnam rationem sic. electio minus videtur esse ira quàm cupiditas. at non est cupiditas ergo multo minus ira: patet ratio. nam de quo magis videtur inesse & non inesse: nec ergo de quo minus. Item per iram adeo motus repentini fiunt vt cum electione non fieri posse videantur, electio verò est cum consultatione. [A T vero nec voluntas.] Postea quàm declarauit, & probauit quòd electio, 32  
non est cupiditas nec ira: hac in parte ostendit pluribus rationibus quòd non est voluntas. nam cum sit finitima, multi philosophi dixerunt esse voluntatem. Prima ratio. Electio nō est impossibile, voluntas est impossibile, ergo electio non est voluntas: patet ratio media in figura. nam voluntas expetit interdum impossibilia vt immortalitatem, & non mori: electio verò est eorum quæ fieri possunt, & à nobis fieri. Notandū q̄ voluntas late patet, & absolute fertur in bonū, & est amplissima potentia, quia interdū extenditur ad impossibilia vt videmus: electio verò est tantum eorū quæ à nobis fieri possunt vt diximus. [E T voluntas quidem.] Secunda ratio, vo- 33  
luntas est etiam earū quæ à volente fieri non possunt. electio est tantū eorum quæ ab eligēte fieri possunt, ergo electio non est voluntas. ratio patet exemplo certantium, & est alia à superiore ratione: quia illa dicebat q̄ voluntas erat interdum impossibile. hæc dicit q̄ voluntas est interdum eorū possibile. i. quæ fieri possunt: non tamen à nobis volētibz, vt illi videremus duos duces prælium cōmittentes, vellemus alterū vincere, quod fieri posset, & tamen illi electi positi in

- potestate nostra: electio verò est tantum eorum quæ ab eligente fieri possunt. [E T voluntas.] Tertia ratio. voluntas magis est finium, electio est eorum quæ sunt ad finem, ergo electio non est voluntas. [A T Q V E omnino.] Concludit quasi repetendo rationem superius tactam, quæ videtur potissima ratio per quam voluntas distinguitur ab electione. i. quòd electio est eorum quæ sunt in nostra potestate, & fieri possunt ab eligente. voluntas verò interdum est eorum quæ nō sunt in potestate eius, & non possunt fieri à volente. Notandū quòd philosophus dixit quòd voluntas est magis finis, quia voluntas videtur interdum esse eorum quæ sunt ad finem, & electio etiam videtur interdum esse finis. verum proprie sumpta voluntas vult finem, & id quod expetit sub ratione finis. Eodem pacto electio non improprie. sic enim esset etiam ipsius finis, sed propriè dicta est eorum quæ sunt ad finem. & si quando fines cadunt sub talem electionem non vt fines, sed sub ratione eorum quæ sunt ad finem cadere videntur. [O P I N I O quoque nō est.] Hac in parte philosophus ostendit electionem non esse opinionem siue opinionationem, & primo ostēdit quòd non est omnino idem quòd opinio: deinde quòd nullo modo est opinio. primo quòd non est omnino idem ostendit duabus rationibus: prima, Opinio versatur non solum circa agibilia à nobis, sed etiam circa ea quæ sunt æterna, vt circa substantias separatas, & huiusmodi: at electio versatur tantum circa ea quæ ab eligente fieri possunt, ergo electio non est opinio. Item opinio distinguitur, & diuiditur vero & falso: at electio non diuiditur per verum, & falsum, sed magis bono & malo, ergo electio non est omnino opinio. [A T nec etiam.] Superius probauit philosophus quòd electio non est omnino idem quòd opinio, & tamen hoc non excluderet q̃ aliqua vel aliqua ex parte non posset esse idem. ideo nunc ostendit quòd nec etiam aliqua ex parte est idem cum opinione, & hoc pluribus rationibus. prima ratio, Ex opinione non efficitur quales, verum ex electione efficitur quales: ergo electio non est opinio. ratio patet quia ex opinione alicuius rationis pertinentis ad fortitudinem non dicimur statim fortes, sed moderate & cum mediocritate eligendo, dicimur fortes: temperati vt cum terribilia, & huiusmodi moderate eligimus. & ponit hic philosophus electionem, & opinionem versantes circa idem, & tamen diuerso modo, quia electione dicimur quales, opinione autem minime. [E T eligimus.] Secunda ratio. ex opinione non sumimus hoc aut illud, nec prosequimur aliquid aut fugimus, sed ex electione prosequimur aut fugimus: ergo electio non est opinio. maior, nam opinamur aliquā rem terribilem: non tamen statim fugimus illam. Ex hac opinione minor patet, nam cum proponitur nobis aliquis finis acquirendus consultamus de mediis quæ sunt ad talem finem, & eligimus, & prosequimur aut hoc aut illud aut etiam fugimus hoc vel illud. [E L E C T I O quidem laudatur.] Opinio laudatur quia est vera, & vituperatur, quia est falsa. electio vero laudatur ex eo quòd est recta: vituperatur verò quia non est recta: ergo non idem est opinio & electio. [E T eligimus.] Quarta ratio. Opinione opinamur ea quæ non sunt nobis maxime certa: at electione eligimus ea quæ sunt nobis maxime certa, ergo electio non est opinio. nam opinamur ea quæ non sunt nobis certa. verum intelligibilia nobis certa scientia scimus, agibilia nobis certa & constituta electione eligimus. [V I D E N T V R præterea.] Quinta ratio. Si electio & opinio essent idem, tunc vnus & idem homo qui opinaretur optima eligeret eadem, sed hoc non fit, ergo & cætera. non enim sequitur, vt qui opinetur bona, eligat illa: vt si quis opinetur quòd fortitudo est res bona, non tamen eligit illas operationes, quibus illa consequi possit. quòd si opinio esset eadem cum aliquis opinaretur aliquod bonum, eligeret illud, hoc autem non fit vt patet. His allatis philosophus dicit quòd si quis diceret quòd opinio antecederet electionem vel electio opinionem, nihil refert quantum ad hoc vt dicantur esse eadem, quia vt vtrius modo sumatur, differunt, & non sunt vllō modo idem. vt vtrum verò opinio præcedat an electio non videtur esse præsentis speculationis. ea enim sunt in nobis principia, quæ ordinem inter se habent, dici tamen potest quòd opinio præcedit, & sequitur diuersis respectibus: præcedit cum opinionem quis facit de aliquo bono: quòd postea eligit. sequitur, veluti si quis elegerit bene facere vel prodesse amico: deinde euenit inde aliquid mali ex quo aliam facit opinionem, & secum ratio cinatur, non esse amicum beneficiis afficiendum ne mali aliquid inde eueniat, & tunc erit opinio sequēs, & hoc pacto antecedit opinio, & euenire etiam potest vt sequatur. [Q V I D igitur.] Hac est tertia pars huius capituli, in qua ostendit quid sit electio, non tamen perfecte, sed in sequenti capitulo diffiniēt eam perfecte vt patebit. concludit igitur quòd cum electio spontaneum in totum non sit nec cupiditas, nec ira, nec voluntas, nec opinio. videtur tamen quòd sit spontaneum. at non omne cum ad plura se extendat, sed id tantum, cuius consultatio antecessit. est igitur electio spontaneum id cuius consultatio præcessit, & ad hoc probandum videtur asserre duo signa. primum quòd electio est cum ratione, & mente, & per mentem accipit hic rationem cum discursu. aliud signum sumitur à nomine electionis: quasi ex quibusdam propositis vnum ante alia sumatur & legatur.

41 [C V M ratione.] scilicet, actiua. Et mente, scilicet actiua quæ discurret & inquirat.



T est ne de omnibus consultatio, & omne quoduis est consul-  
tabile: an de quibusdam non est consultatio? Atque dicendū<sup>42</sup>  
est forsitan consultabile non id esse de quo quispiam inspiēs,  
vel mente captus, sed id de quo sanæ mentis quilibet consul-  
taret. De æternis autem nemo consultat, vt de mundo: vel de diame-  
tri laterisque incōmensurabilitate. Sed neque de iis quæ consistunt<sup>43</sup>  
quidem in motu: semper autem fiunt eodem modo siue necessitate, si-  
ue natura, siue propter aliquam aliam causam. vt de solstitiis atque or-  
tu. Neque de iis quæ alias aliter sese habent: vt de siccitatibus, imbribus-  
ve. Nec item de iis quæ eueniunt à fortuna: vt de thesauri inuentione.<sup>44</sup>  
Sed neque de humanis omnibus rebus. nam quonam pacto respublica  
Scytharum optime gubernaretur, nemo Lacedæmoniorum consultat,  
nihil enim horum per nos ipsos fieri potest. Consultamus autem de iis<sup>45</sup>  
rebus agendis, quæ in nostra sunt potestate. hæ etenim restāt. Causæ nā-  
que videntur esse: natura, necessitas, fortuna, & mens insuper ac omne  
quod per hominem efficit. hominum autem quisque de iis cōsultat quæ  
agi per ipsum possunt. Atq; circa \* exactas quidem scientias & sufficien-  
tes: non consultatio. vt de literis. non enim ambigimus quonam pacto<sup>47</sup>  
literæ sint scribendæ. Sed de iis consultamus quæ fiunt quidem à nobis:  
non tamen semper eodem modo. vt de agendis per medicinam vel pecu-  
niariam artem: & eo magis circa gubernandi facultatem, quàm exercenti  
di artem deliberamus, quo minus exacta est. & de cæteris simili modo.  
Atq; magis circa artes quàm circa scientias. nā circa ipsas magis ambigi-  
mus. Cōsultatio autē in iis versatur, quæ plerunq; quidē fieri possunt: in-  
certa tamē sunt quonā euenient pacto. & in quibus est \* indeterminatio.  
Atque cū magnis de rebus deliberare volumus: sumimus & alios ad con-  
siliū, diffidentes nobis ipsis, tanquam non sufficientibus ad discernen-  
dum. Consultamus autem non de finibus: sed de iis quæ ad fines ipsos  
perducunt. Nec enim medicus si sanabit, nec orator si persuadebit,<sup>49</sup>  
neque reipublicæ gubernator: si bene, recteq; legibus ciuitatem instituet. nec  
deniq; cæterorum quispiam de fine deliberat. sed omnes posito quodā  
fine: quemadmodum, & per quæ fiet ille, considerant. Atque si per plura  
posse fieri videtur, per quod illorum facillime, optimeq; fiet, perquirūt.  
sin per vnum: quonam pacto per illud fiet, & illud idem per quid efficie-  
tur considerant, idq; faciunt, donec ad primam perueniant causam, quæ  
quidem in inuentione est vltimū. Qui nanque cōsultat, is quærere vide-  
tur: dictoq; modo perinde atque \* designationem linearū resolvere. Nō  
autem omnis perquisitio, cōsultatio esse videtur. Mathematicæ nanque  
perquisitiones, cōsultationes non sunt. omnis autem cōsultatio est cōti-  
nua perquisitio. idq; quod vltimū est in resolutione, primū esse constat

ἀντιβῆς  
ἢ ἀντιδῶ-  
ντες.

ἀσέβητον,  
quæ sunt  
indeter-  
minata.

ἀπὸ γὰρ  
μα.

in generatione. Atque si consultantes in aliquid inciderint, quod quidē  
 50 fieri nequeat: desistunt. vt si sit pecuniis opus, has autem habere nō pos-  
 sint, quod si videatur fieri posse: tunc agere aggrediuntur. Ea vero dici-  
 mus fieri posse: quæ per nos ipsos fieri possunt. nam ea quæ per amicos  
 fiunt, per nos ipsos quodam modo fiunt: quippe cum principium sit in  
 nobis. Quærentur autem quandoque quidem instrumenta: quādoque  
 51 autem vsus ipsorum & in reliquis simili modo. Interdum per quod, in-  
 terdum quomodo, aut per quem modum. Videtur igitur (vt dictum est)  
 homo principium actuum esse: & de iis esse consilium quæ agi ab ipso  
 possunt, & actus aliorum esse gratia. finis igitur non erit consultabilis:  
 sed ea quæ ducunt ad fines. Nec etiam singularia: vt si panis sit hoc, vel  
 confectum sit vt oportet. Hæc enim sensus ipsius sunt. Quod si semper  
 quispiam consultaerit, in infinitum abibit. Consultabile autem & eli-  
 52 gibile idem est. ipsum tamē eligibile definitum iam est. Quod enim cæ-  
 teris ex consultatione prætulimus, id eligibile est. definit enim tunc de-  
 53 mum vnusquisque perquirere quonam aget pacto, cum in seipsum prin-  
 cipium redigit. & in id sui ipsius quod antecedit. Hoc est enim quod eli-  
 git. Patet hoc ita esse & ex vetustissimis rebus publicis: quas imitabatur  
 Homerus: quæ nanque reges eligerent, ea populo renunciabant. Cum  
 54 igitur ipsum eligibile sit consultabile, appetibile ex iis quæ in nostra sunt  
 potestate: & ipsa electio deliberatiua appetitio rerum erit, earum quæ in  
 nostra sunt potestate. nam simul atque diiudicauimus ex consultatione:  
 affectamus deliberatione. Quid est igitur electio: figura sit dictū. & cir-  
 ca quæ versatur: & eorum esse quibus ad ipsos fines acceditur.

## Commen.

42 **E**T EST ne de omnibus consultatio. Hoc est tertium capitulum, in quo philosophus postea  
 quam declarauit de eo quod sponte sit & electione: nunc docet de consultatione, ex quo etiā  
 patebit diffinitio electionis, in qua cadit consultatio: est enim electio quasi quidam finis, &  
 effectus consultationis: quare ad cognoscendam electionē perfectē opus est cognoscere ipsam cō-  
 sultationē. Diuiditur in tres partes. in prima declarat quid sit illud quod cadit sub consultationē.  
 in secunda ostendit modum, & effectum eius & terminum. in tertia cōparat consultationē cum  
 electione. in prima igitur parte affert per modum dubitationis ea, in quibus est consultatio, & de  
 quibus, & soluit in genere, dicendo quod nō de omnibus est cōsultatio, sed de his tātum de qui-  
 43 bus homo sanæ mentis deliberat. quæ autē sint ista in sequētibus determinabit. **D**E æternis au-  
 tem. Primo igitur ostendit de quibus nō sit cōsultatio, vt illis exclusis relinquatur ea de quibus  
 sit, & affert oēs causas quæ afferri solent circa ea quæ sunt. & argui potest hoc pacto, Omnia quæ  
 sunt aut necessaria sunt à causa necessaria, vt æterna: aut natura, vt licitates, & grandines: aut à  
 fortuna, vt inuentio thesauri: aut à mente nostra, & à quibusdam principiis quæ in nobis sunt: sed  
 nec circa prima, nec circa secunda, nec circa tertia consultatio sit, ergo circa quarta, scilicet circa  
 ea quæ sūt à mente nostra, & non quacunque, sed à mente actiua. Hæc argumentio à stoicis ap-  
 pellatur per quinque aut plura sine demonstratione. probatur autem primo quod cōsultatio non  
 sit circa æterna. Circa ea quæ aliter se habere & à nobis fieri possunt est cōsultatio. at ea quæ sunt  
 æterna non possunt fieri à nobis, & semper se habet eodem modo, & sunt necessaria & perpetua,  
 ergo æterna non cadunt in cōsultationē vllō pacto. Notādum q̄ quædam sunt æterna, quæ sem-  
 per sunt talia vt substantiæ separate: quædam verò ex parte demonstrationis, quæ sunt & princi-  
 pia necessaria, & cōclusiones necessariae ex talibus principiis: & ideo philosoph⁹ attulit duo ex-  
 44 emplā, scilicet mundum & diametrum, qui semper, & eodem modo est incommensurabilis co-  
 stitæ eiusdem quadrati: pro cuius declaratione notādum est quod diameter in multis figuris repe-  
 ritur, & loquamur de figuris planis, nō de solidis. est igitur diameter circuli, & de hoc nō loqui-



# ETHICORVM

tur philosophus, est etiam diameter quadranguli, qui est figura quæ quatuor lineis, & quatuor angulis continetur: habet autem plures species, omne enim quadratum est quadrangulus, nõ autem e contra. est quadratum æqualium laterum, & rectarum linearum species quadranguli. est etiã figura ex altera parte longior. Item rombus & romboides. Philosophus igitur loquitur de quadrangulo qui est æqualium laterum, & rectarum linearum, id est de quadrato, & dicit quòd non potest vnquam reperiri aliqua communis mensura, quæ & diameter, & costa vel latus eiusdem quadrati commensuret, vt exempli gratia, diameter dicitur quadrati lineæ, quæ ducta ab angulo ad angulum diuidit quadratum in duas partes æquales: numerus quadratus dicitur, qui refultat ex multiplicatione alicuius numeri in seipsum, qui vocatur radix illius numeri quadrati, vt tres sunt radix huius numeri quadrati. I X. Nunquam igitur reperietur communis mensura diametri & costæ: nam ter tria constituunt nouem: tunc vltra, nouem & nouem constituunt decem & octo. Nunquam reperietur radix, & numerus qui in se ipsum ductus constituat decem & octo: nam propinquior est quatuor, at quater quatuor constituunt sexdecim. quare hoc est impossibile reperire communem mensuram diametro, & lateri eiusdem quadrati. verum de aliquo quadrato gulo veluti de aliqua figura ex altera parte longiore fieri posse videtur. sumatur quadrangulus ex altera parte longior, & apparebit quòd diameter erit commensurabilis cum costa eiusdem. sit costa maior vt quatuor, minor vt tres, diameter erit vt quinque. nam ducatur quatuor in seipsum & III. alterum constituunt. X VI. alterum. I X. quæ faciunt. X X V. cuius radix erit. V. & diameter. V. quæ in se ducta constituunt. X X V. ergo habent communem mensuram, diameter alicuius quadranguli ex altera parte longioris, & eius costæ. at in quadrato quod est in figura æqualium laterum, & rectarum linearum: diameter communem mensuram nullo pacto habere potest cum latere, & costa eiusdem quadrati. sequeretur enim quòd numerus par & impar essent æquales inter se: quod est absurdum. quare nunquam est commensurabilis vt dicit philosophus, & hoc est necessarium, scilicet quòd nunquam sit commensurabilis. [S E D neque de hisce.] Probat etiam nunc quòd consultatio non est circa ea quæ sunt in motu tali, vt semper eodem modo fiant siue hoc sit natura, siue necessitate, siue ab alia causa vt à deo. hæc sunt ortus & conversiones siderum, quæ modo in parte vna, modo in altera fiunt: tamen certo, & fixo ordine fiunt. Circa hæc non est consultatio, & hoc probari potest eodem medio quo probauimus superius: quia consultatio est circa ea quæ à nobis fieri possunt & aliter se habere. Notandum quòd philosophus dicit siue à natura, siue necessitate, siue propter aliam causam: quod possiße videtur propter varias opiniones philosophorum. quidam dixerunt cælum moueri necessitate quadam cum sit rotundum, quia in circuli motu quædam pars pellit, quadam pellitur: & eadem quæ pellit, pellitur nec cessario, alii dixerunt cælum moueri natura, vt ignis natura sua fertur sursum: sic cælum circulo. vnde philosophus dicit in libro de cælo, quòd si pars cæli auferretur ab eo, & ponatur hic inferius apud nos, quòd illa nõ feretur sursum aut deorsum, sed circulo mouebitur, alii dixerunt cælum moueri sicut anima, scilicet ab anima sua: ideo philosophus videtur enumerare plures causas. sed de hac materia determinare non est præsentis considerationis. [N E Q V E de iis quæ alias.] Ostendit hic philosophus quòd etiam consultatio non est de his quæ fiunt à natura quæ vario modo sese habent. Nam superiora de quibus dixit, & si semper mouentur tamen semper fiunt eodem modo: hæc verò mouentur non solum localiter, sed etiam mutantur, & circa talia non est consultatio: quod probari potest eodem medio, quia non possunt fieri à nobis. [N E C itè de hisce quæ eueniunt.] Ostendit etiam quòd consultatio non est circa ea quæ fiunt à fortuna. Nam & si ea quæ fiunt à fortuna dicuntur fieri à mente humana per philosophum: tamen fiunt per accidens, vt idem inquit in libro physcorum, & ideo non videtur proprie fieri à nobis, quia fiunt & eueniunt præter intentionem nostram: vt fodiens terram vt serat arbores, inuenit thesaurum præter propositum, & intentionem suam. [C O N S V L T A M V S.] Declarat philosophus quæ fiunt ea de quibus consultamus. nam remotis omnibus quæ fiunt aut à necessitate, aut natura, aut fortuna, vel casu: restat vt illa cadant in consultationem, quæ à mente fiunt, non tamen omnia, sed ea tantum quæ sunt posita in nostra potestate, & fieri à nobis possunt. Et omne quod per hominem, vt voluntas & similia principia. [A T Q V E circa exactas.] Hac in parte philosophus declarat de quibus humanis est consultatio, considerandos vt sunt sub artibus certis, & scientiis & facultatibus aut non certis, & affert tres sententias. prima est quòd de his non est consultatio quæ sunt determinata & certa. Secunda quòd non æque de omnibus quæ à nobis fieri possunt est consultatio. tertia quòd magis consultamus de iis quæ cadunt sub arte, quàm de iis quæ cadunt sub scientia. primo igitur sic probat, Consultatio est de rebus dubiis, sed ea quæ sunt determinata per aliquam scientiam non sunt dubia, ergo de iis non est consultatio. patet ratio exemplo philosophi. nam literæ sunt determinatæ per artē, & scientiam græmaticæ quomodo scribi debeant: ergo talia non cadunt in consultationem. [S E D de hisce.] Secunda sententia probatur hoc pacto. de iis omnibus quæ non sunt æque, & eodem modo certa non consultamus: sed ea quæ à nobis fieri possunt non æque sunt certa: ergo non de omnibus talibus est consultatio. Atque magis. Tertia sententia est quòd magis cōsultamus de iis quæ cadūt sub artibus, quàm de iis quæ cadunt sub scientiis, & ratio est, quia ea quæ cadunt sub artibus fiunt



minus certa, & de magis dubiis magis consultamus. Notandum quod nō vult philosophus quod ea quæ cadunt sub scientiis agantur à nobis, & non consultamus de scientiis, sed de modo, id est, quomodo possumus ad illarum cognitionem accedere, & minus circa scientias, quam circa artes, quia modi illi sunt magis determinati. Dubitatur circa prædicta, quia philosophus dixit quod consultatio est de iis quæ sunt in nostra potestate, & aguntur à nobis: quod non videtur esse verum hoc pacto. Iura & leges non sunt in nostra potestate, & tamen de iure, & legibus consultamus, ergo consultamus de iis quæ non sunt in nostra potestate. maior. leges & iura sunt in potestate principis, & legumlatoris. minor. consulimus iuriconsultos, & illi consultant de iis. Illa quæ aguntur à servis non sunt in potestate domini, & tamen consultamus de illis: ergo non tantum consultamus de iis quæ in nostra sunt potestate. imbres & siccitates, & talia non sunt in nostra potestate, & tamen homines consultant de iis, veluti, vtrum æstas sit futura humida an sicca, & cætera. oppositum tamen dicit philosophus, & ostendit quod de iis est consultatio tantum quæ in nostra sunt potestate hoc pacto, vt fieri possint à nobis & nostra opera. pro declaratione notanda sunt tria. primum est diffinitio consultationis quæ videtur esse talis, Consultatio est inquisitio rationis qua de rebus agendis dubiis atque incertis aliquid inuenitur certum, & determinatum. verum consultatio potest accipi duobus modis, ab vno tantum aut inter plures, cum consultatio est de magnis rebus, & magni ponderis: in qua solemus sumere socios ad consultandum, ex quo fit aggregatum ex pluribus consiliis. secundum quod assertur est quod consultatio est de iis quæ à nobis aguntur, & fieri à nobis possunt: quod probatur quia circa quæ versatur electio, & etiam consultatio. Tertium est quod consultatio non est de omnibus quæ à nobis aguntur, sed de rebus dubiis & incertis: non autem omnia quæ à nobis aguntur sunt dubia, & incerta & indeterminata. patet igitur ex iis quod consultatio est inquisitio per rationem, quia de rebus agendis aliquid emergit determinatum, & est de iis quæ fieri possunt, aut à nobis aut ab eo cui data tur consilium, & non de omnibus talibus, sed de dubiis. Ad rationes, & ad primam cum dicitur quod iura, & leges non sunt in nostra potestate. Dicendum quod iura non cadunt sub potestate iuriconsulti, sed gubernatoris reipublicæ vel principis. verum iuriconsultus dat consilium interpretando mentem legumlatoris, & dat modum consequendi tale ius. Ad secundam cum dicitur ea quæ fiunt à servis non sunt in nostra potestate: dicendum quod ea quæ fiunt à servis aliquo modo dicuntur fieri à domino, & videntur concurrere tanquam vna causa: ita quod dominus, & seruus vna tantum sint causa efficiens: sed dominus causa principalis, seruus vero esse videtur tanquam causa instrumentalis. Ad quartam cum dicitur quod imbres & siccitates non sunt in nostra potestate, & tamen de iis consultant homines: dicendum quod consultatio fit de iis nō vt vtrum fiant: sed quid agendum sit si talia. [CONSULTAMVS autem non de sinibus.] Hæc est secunda pars, in qua philosophus posteaquam ostendit de quibus est, & de quibus non est consultatio: nunc ostendit modum, & effectum siue terminum consultationis. Et primo declarat modum & ordinem procedendi in consultatione: deinde effectum eiusdem: postremo terminum ipsius. Dicit autem in primis quid est præsupponendum in consultatione, & non est aliquo modo inquirendum. nam in omni consultatione præsupponendus est finis aliquis, de quo non est consultatio: qui tunc ex parte finis esset processus in infinitum, quod est absurdum. non igitur est consultandū de fine: & hoc probat exemplo medici qui præsupponit sanitatem: deinde inquit, & consultat de iis quæ ducūt ad sanitatem. similiter facit orator, qui præsupponit suasionem afferendam auditoribus, & similiter gubernator ciuitatis præsupponit sibi finem: deinde consultat de iis quibus acquiri possit, & dicit quod duo inquiremus per consultationem. scilicet modū quo, & per quæ, id est, per quæ media vel instrumēta fieri possit vt assequamur talem finem, & de his primo consultamus: postea vero quomodo sit nobis vtendum talibus instrumentis. fit autē talis resolutio quousque deueniamus ad id quod est vltimum quod inuenimus per nostram perquisitionem, & resolutionem: quod tamen est primum in operatione, & à quo incipimus operari: sicut euenire videtur in geometria, in qua fit resolutio posteriorum figurarū: quas resoluimus in priores figuras, probādo semper posteriores designationes per priores iam probatas, quousque deueniamus ad vnam primam inemonstrabilem, quæ nullo modo in aliam resoluī possit. & videtur esse vt illa quæ primo ponitur ab Euclide quod super datam lineam contingit triangulum æquilatē collocare. simili modo cōsultans proposito fine videtur perquirere media, & resolvere & peruenire ad vñ quod est vltimū, quod inuenit perquirendo, & primum à quo incipit operari. exempli gratia. Gubernator reipublicæ proponit sibi pacem esse cum hostibus faciendam tanquam finem. mittendi sunt oratores ad aliquem principem vel rempublicam quæ se interponat, at decernendi: ergo cogendus est fenatus, hoc videtur esse vltimum quod inuenit in resoluendo, vt ita loquar & perquirendo: primum tamen à quo incipiendum est operari, & dicit philosophus quod non omnis perquisitio est consultatio. nam geometra non consultat, quāuis perquirat & resoluat. non igitur omnis perquisitio est consultatio: sed e contra, omnis consultatio est perquisitio. Nam perquisitio est tanquam genus, & differētiæ possunt colligi ex supradictis, & habebimus eius descriptionem, quod consultatio est perquisitio de iis rebus quæ à nobis fieri possunt, quorū incert-

tus est euentus. [IN resolutione.] Id est, quod est vltimum quod inuenimus perquirendo, veluti, Congregandus est senatus vt decernantur legati, in superiori exemplo, id est, primum in generatione, id est, in principio operationis vnde incipimus. [A T Q V E si cōsultantes.] Hac in parte philosophus ostendit effectum consultationis: quæ est executio. & dicit quod si cōsultantes inciderint in aliquod quod fieri nequeat, desistunt: sin verò fieri possit, aggrediuntur, & declarat illam partem quomodo intelligatur id agi à nobis posse, dicēdo non tantum quæ per nos ipsos, sed etiam quæ per amicos possumus. Sunt enim amici tanquam instrumenta: & quemadmodum instrumentorum vsus principium est in nobis: ita & amicorum esse videtur. verum quandoque quaruntur instrumenta quibus vtamur si eorum vsus est certus, & determinatus. quādoque verò quaritur opus, & vsus ipsorum, id est inuentis instrumentis quomodo ipsis vtamur ad rem exequendam. Itaque interdum quaritur quibus instrumentis, interdum quomodo vtamur. [V I D E T V R igitur vti] Declarat philosophus quasi concludendo quod in omni cōsultatione est quidam terminus: & hoc ostendit ex parte agentis hominis, quia intendit in his quæ ab eo fieri possunt, & de quibus cōsultat aliquem terminum ex parte finis, quia omnis actio est ob aliquem finem: ergo & cōsultatio. Item ex parte instrumentorum quæ sunt media quæ ducunt ad finem, ne fiat processus in infinitum: sit igitur cōsultatio ob aliquem finem, non tamen de fine. Nec certe singulares res vtrum scilicet sint, cadunt in cōsultationem, vt si hoc sit panis. bene caderet in cōsultationem, quomodo melius comparari possent, vt commeat in exercitū: sed vtrum hoc sit panis non cadit in cōsultationem, quia patet per sensum. [C O N S V L T A B I L E] autem. Hæc est tertia pars huius capituli, in qua philosophus posteaquam ostendit ordinem, & effectum, & terminum consultationis: nunc comparat cōsultationem, & electionem inter se declarando vtrumque. Nam cum cōsultatio cadat in diffinitionem electionis vt diximus, necesse fuit interponere declarationem eius vt melius innotescat ipsa electio. Ostendit igitur in quo differunt, & in quo continentur ex parte obiectorum, quæ sunt cōsultabile & eligibile. ex obiectis enim indicantur operationes: ex operationibus potentia: ex potentiis essentia. Nam obiecta sunt nobis notiora quàm actus, & actus quàm potentia, & potentia quàm essentia, vt inquit philosophus in libro de anima. Obiecta igitur ista, scilicet cōsultabile, & eligibile idem sunt in re. differunt autem ratione. Nam idem in quantum est cōsultabile præcedit seipsum in quantum est eligibile. Idem enim iam cōsultatum & determinatum est eligibile. Præcedit igitur cōsultatio electionem, & probari potest hoc pacto, Iudicium rationis præcedit electionem, aut est simul cum eas: sed cōsultatio præcedit iudicium rationis, & determinationem: ergo præcedit electionem. Patet ratio ex dictis philosophi. Nam in cōsultando, & perquirendo aliquis tunc definit procedere vterius in cōsultatione, cum accessit ad id principium quod collocatur in se ipso, id est, cum id principium à quo incipiendum est operari redigit in suam potestatem: & cum reductum idem in antecedens sui ipsius, id est, in potentiam electiuam, & rationem electiuam sui met, quæ dicitur antecedens, quia maxime antecedit ratio actiua siue potentia electiua, sequitur postea electio & actio. Probat etiam ab auctoritate Homeri, qui introductit reges, vt primo consulerent: deinde eligant: deinde proponant populo vt exequantur id quod eligerunt. Posset etiā illud dictum Homeri referri vt sit quasi confirmatio eius quod dixit, scilicet quod tunc definit vterius inquirere, & consulare cum reduximus in nos ipsos, id est, in potestatem nostram illud principium, scilicet quod est vltimum in resolutione, & primum, & principium à quo incipimus operari, vt permancamus in eodem exemplo, proposita pace vt sine cōsultatur de mediis, mittendi sunt oratores cum talibus mandatis. Quid vltra decernitis, quid vltra congregandus senatus: quod est vltimum in perquisitione & primum & principium à quo debemus incipere operari. Cum reduximus in nobis istud principium, scilicet vt quando cunque velimus possumus. congregare senatus: tunc cessat omnis cōsultatio & eligimus illud vt congregetur senatus: deinde fit, id est, congregatur, quare primo est cōsultatio: postea electio: deinde actio: & sic ordinatur successus. [P R I N C I P I V M.] Id est, quod in resolutione, & perquisitione est vltimum, & primum, & principium à quo incipimus operari. Id quod antecedit, id est rationem actiuam. Sui ipsius, scilicet summet eligentis: & non est referendum illud ad principium vt nonnulli expositores forsitan facerent, græce enim dicitur *αὐτοῦ*, id est, ipsius met reducētis, & eligentis: non autem ipsius principii. dicitur enim *αὐτοῦ* id est, in fœminino genere sicut est. *αὐτῆς*. Principium apud græcos in fœminino. [C V M igitur ipsum eligibile.] Ex dictis concludit diffinitionem electionis, scilicet quod electio est appetitio earum rerum quæ à nobis fieri possunt ex cōsultatione proveniens. Concludit autem sic, eligibile est cōsultabile, appetibile de numero eorum quæ sunt in nostra potestate constituta: ergo electio est appetitio eorum quæ sunt in nostra potestate. Patet ratio per locum à coniugatis, & dicit philosophus quod simul ac diiudicamus aliquid per cōsultationem, appetimus illud cum antea non affectaueramus, vnde electio videtur operatio quædam intellectus actiui simul cum appetitu, scilicet rationali, id est cum voluntate.

*De voluntate, & voluntate affectabili.**Cap. IIII.*

55 **V**oluntatem autem finis quidē ipsius esse, iam paulo antea diximus. Sed videtur aliis quidem esse veri boni: aliis apparentis boni. Atque fit sententia quidem eorum qui verum bonum id esse censent, quod est \* affectabile voluntate: ut id nō sit affectabile voluntate, quod is qui non recte expetit vult. Nā si sit: erit & cō-  
 56 tinuū bonum. At erat forte malum. Sententia autem eorum qui bonum apparens inquit esse quod est affectabile voluntate, ut nihil sit prorsus quod suapte natura sit affectabile voluntate: sed id quod unicuique videtur. At aliud alii videtur: & repugnantia forte. Quod si hæc non pla-  
 57 cent: dicendum est simpliciter quidem & reuera verum bonum esse affectabile voluntate: unicuique vero id quod unicuique videtur. Studioso igitur id est affectabile voluntate, quod vere est bonū: vitioso vero, quicquid contigerit. Fitque hoc perinde atque in corporibus ipsis. His enim quorū corpora bene sese habent: salubria sunt ea quæ vere talia sunt. Iis autem quorum corpora sunt ægrota, non hæc ipsa, sed alia. Similiter & amara ac dulcia, & calida, atque grauiā: & singula cæterorum. Studiosus enim homo recte singula iudicat: & singulis in reb⁹ id ipsi videtur quod vere est tale: in vnoquoque enim habitu sunt propria quædam honesta atque iucunda, atque in singulis plurimum fortasse præstat vir studiosus, in dignoscēdis iis quæ vere talia sunt: propterea quod est ut norma quædam atque mēsurā ipsorum. Multitudo verō decipi videtur ob voluptatem. Ipsa nanque bonum quidem non est: bonum tamen esse videtur. prosequuntur igitur ipsam tanquam bonum: dolorem autem fugiunt tanquam malum.

*Commen.*

55 **V**OLUNTATEM autem finis. ] Hoc est quartum capitulum huius tractatus: in quo philosophus posteaquam docuit de eo quod sponte fit, & de consultatione, & electione: nūc docet de voluntate quæ est actus internus à quo procedunt operationes externæ, & dicitur non solum potentia volitua voluntas: sed etiam operatio. In hoc autem capitulo tractat de eo prout dicit actum, & operationem ipsius potentie voluntatis, ostendendo circa ea quæ est affectiva talis, & declarando id quod est affectabile voluntate, id est, obiectum voluntatis. Diuiditur autem hoc capitulum in tres partes. In prima ostendit quod voluntas est finis, non eorum quæ sunt ad finem. In secunda ponit opinionem quorundam de obiecto ipsius voluntatis. In tertia ponit opinionem suam de ipso obiecto. In prima igitur repetit vnam sententiam de voluntate, scilicet quod voluntas est finis. Nam ea quæ sunt ad finem volumus non primo & per se, sed propter finem. Nam volumus ea quæ sunt ad sanitatem non primo propter illa, sed propter ipsam sanitatem, cū ea intendimus ut finem. [S E D videtur.] Hæc est secunda pars huius capituli, in qua affert duas opiniones diuersas de obiecto voluntatis. Prima est quod id tantum quod est per se bonum sit obiectum voluntatis. Secunda est, quod id tantum quod est apparens bonum sit obiectum voluntatis: reprobatur igitur in primis opinionem primam hoc pacto: si id quod est obiectum voluntatis esset tantum per se bonum: tunc id quod vult malus non esset obiectum voluntatis, nec esset volitum, sed hoc absurdum est: ergo antecedens patet ratio, quia si id quod est obiectum voluntatis esset tantum vere bonū, certe id quod malus, & non recte eligens vellet non esset affectabile voluntate, id est, volitum: vel si id etiam esset volitum tunc illud esset etiam per se bonū: cum autem id quod malus vult fieri possit ut sit malum: sequeretur quod malum esset per se bonum quod est absurdum: ergo absurdum etiam erit dicere quod id tantum quod est per se bonū est affectabile voluntate, vel est volitum, aut obiectum voluntatis. [SENTENTIA autem eo-

rum. Reprobatur secundā opinionē dicentis id tantū esse volitū vel affectabile volūtate quod est appārēs bonū hoc pacto. Si tantū appārēs bonū esset obiectū volūtatis, nihil esset quod suapte natura esset obiectū volūtatis vel volitū: consequens falsum, ergo & antecedit. Nam si tantū appārēs bonū esset obiectū volūtatis, nihil esset per se volitū. Si enim esset per se volitū, appārēs bonum esset vere per se bonum: at hoc non est, quia apparentia bona sunt interdum contraria, quia aliud alii appareat: vere bona non sunt contraria, & repugnantia, ergo bonum appārēs non est vere bonum nec per se volitum. Quare appārēs tantum bonum nō est obiectum volūtatis, cū pateat quod suapte natura bonum sit volitum vel volibile, & per hanc positionem excluderetur ab voluntate. [QVOD si hęc non placent.] Hęc est tertia pars capituli in qua allatis & reprobatis opinionibus aliorum de obiecto volūtatis, asserti sunt sententia, ex qua ponere possumus duas conclusiones probandas. Prima, Id quod est per se bonum, est simpliciter volibile vel obiectum volūtatis. Secunda, Id quod est appārēs bonum, est nō simpliciter, sed aliqua ex parte, & respectu aliquorum volibile vel obiectum volūtatis. Probatur prima hoc pacto. Id quod studioso est volibile est per se, & simpliciter obiectum volūtatis: sed vere bonum est volibile studioso, ergo vere bonū est per se, & simpliciter obiectum volūtatis. Maior probatur, sicut se habent corpora, ita & animus quantum ad hoc propositum. At id quod est sanū, corporibus sanis dicitur simpliciter & per se sanū: ergo id quod est volibile animo sano est simpliciter volibile. Secunda conclusio probatur hoc pacto, scilicet quod appārēs bonum nō est simpliciter volibile, sed aliqua ex parte, & respectu aliquorū id quod est volibile vitioso non est simpliciter volibile, sed secundum quid, & respectu talis hominis: sed bonum appārēs est volibile vitioso: ergo bonū appārēs non est simpliciter volibile: sed aliqua ex parte, & respectu aliquorū. Hęc ratio probatur potest similitudine animi corporis sani & aegri, sicut probata est illa superior. Addit vterius philosophus quod horum causa est. Scilicet studiosus velit bonum simpliciter: vitiosus autem non velit, causā inquam ipse habitus. Nam studiosus habet virtutem qua animus fit sanus, & bene iudicat de omnibus, propter ea talia sunt simpliciter talia qualia iudicantur: ea verō de quibus iudicat vitiosus nō sunt simpliciter talia, quia ipse habet iudiciū corruptū propter malū habitum sicut fit in gustu aegrotatis, qui cū sit affectus aliquo malo humore, omnia videtur illi talis saporis, qualis est humor quo gustus eius affectus est: & addit quod cum sint variae virtutes in vnaquaque virtute, est id quod est simpliciter honestū secundum illam virtutē, & tales honestates differunt inter se. Studiosus verō per vnaquaque virtutē iudicat ea, quae simpliciter sunt honesta, & ideo dicit quod studiosus est tanquā regula & mensura quaedam, & norma, & ea quae iudicantur ab eo sunt vere talia. Notandum quod habitus dicitur esse causa iudicandi tam in animo quā in corpore, quia ad hoc propositū simile esse videtur de vtroque. Nam in corpore ille qui est sanus recte diiudicat secundū quemlibet sensum de vnoquoque obiecto, similiter fit in animo: aegrotus autē e contra, in animo similiter, & in corpore, & hoc patet discurrendo per omnes sensus corporis, & per omnes habitus animi. Notandum quod philosophus loquitur hic de voluntate non vt potentia animae est: sed vt operatio eius potentiae, & volūtatis, & similiter fecit de electione, & cōsultatione vt actus interni sunt, & non vt potentiae: appellat autem actum volūtatis nomine potentiae, quia caremus nomine: posset autem dici volutio. Ferant autem a quo animo hos dicēdi modos, qui elegantiores quarunt: vitium enim iis terminis vt magis aperiamus mētem philosophi. Verum si sumamus, & loquamur de voluntate vt potentia, dicimus quod ipsa est latissima, & extenditur etiam ad impossibilia, quia est potentia aequalis intellectui quantum ad latitudinem suā, id est, quicquid intellectus intelligere potest: voluntas appetere potest, cum verō intellectus intelligat, & ea quae sunt, & ea quae finguntur, & non sunt, vt chimaram, similiter & voluntas potest velle ea quae sunt impossibilia. Et ratio est: quia talis potentia videtur esse aequalis intellectui. Animaduertendum tamē quod voluntas capitur bifariam, primò vt est cōmunissima, & aequalis intellectui in latitudine sua, & sic potest velle etiam impossibilia, alio modo vt est regulata à ratione, & sic non est impossibile. Nam ratio recta non dicit nisi ea quae fieri possunt.

*De iis quae in nostra sunt potestate.*

*Cap. V.*

Ευλδντ.



Vm igitur finis quidem sit affectabilis voluntate, ea verò quibus itur ad finem, \* consueabilia sunt atque eligibilia: fit vt actus ii qui circa hęc versantur, ab electione proficiantur, nostraque sponte efficiantur. At operationes virtutum circa hęc ipsa versantur. Nostra igitur in potestate ipsae virtutes: & identidem vitia collocantur. Quibus enim in rebus nostra in potestate situm est agere: in iis & non agere. Et in quibus

non agere: in iis est & agere. Quare si agere bonum (quod honestum est) in nobis est situm: & non agere (quod est turpe) in nobis est collocatum. Et si non agere malum (quod est honestum) in nostra est potestate: & agere (quod est turpe) in nobis est situm. Quòd si in nobis est situm tam honesta quàm turpia agere: & simili modo non agere. Hoc autem erat bonos & malos esse: in nobis certe est situm nos probos & improbos esse. Dicere autem sua sponte neminem prauum, nec inuitum quenquam beatum esse: alterum falso est simile, alterum vero. Nam beatus quidem nemo est inuitus: sponte autem nostra prauitas comparatur. Vel obstandum est iis quæ modo sunt dicta, & hominem non esse principium est dicendum, neque procreatorem actuum perinde ac liberorum. quòd si hæc vera videtur, nec in alia vlla principia actuum quàm in ea quæ sunt in nobis reducere possumus: quorum principia sunt in nobis, ea quoque in nobis sunt sita, sponteque à nobis fiunt. Hæc ita esse testes sunt & priuatim singuli homines, & ipsi legumlatores. Nam eos quidem qui praua faciunt si modo non vi, nec ob ignoracionẽ eam cuius ipsi non fuerint causa, illa agant, castigant ac puniunt: iis autem qui honesta agunt, honores instituunt: vt homines partim hortentur, partim prohibeant. At ad ea agenda quæ nec in nostra sunt potestate, nec nostra sponte efficiunt, nemo prorsus hortatur: quippe cum vanum sit persuasum esse cuiquam non calere, aut non dolere, aut non esurire, aut quiduis aliud tale. Nam nihilominus hæc ipsa patietur. Etenim pro ignoracione etiam ipsa pœnas instituunt, si quispiam ignoracionis esse sibi causa videretur. Ebrios nanque duplici pœna afficiendos esse putarunt. principium enim in ipsis est: quippe cum in ipsorum sit potestate ebrietatem vitare, quæ quidem ignoracionis est causa. Puniant etiam eos qui aliquid eorum ignorant quæ legibus continentur: quæ quidem scire oportet, nec sunt difficilia cognitu. similiter & in aliis quæcunque per negligentiam homines ignorare videntur: ex eo plane quia in ipsis est non ignorare. Est enim in ipsorum potestate diligentiam adhibere. at fortasse tales sunt quidam, vt diligentiam non adhibeant.

At vt tales fierent, & iniusti, aut intemperantes: ipsi sunt sanè causa dissolute viuentes, & res iniustas agentes, & potui, & rebus talibus indulgentes. Operationes enim quæ sunt circa singula tales efficiunt. Quod quidem ex iis patet qui cuius ludo vel actui student. perseverant enim in operando. Ignorare igitur ex operationibus quæ fiunt circa res singulas habitus ipsos emergere nimium hebetis hominis est. Præterea \* metas rationis egreditur: iniurias facientem hominem aut intemperate agentem, nolle se iniustum aut intemperatum esse. quòd si quis non ignorans agit ea ex quibus erit iniustus: is sua sponte erit iniustus. Nò tamen si vult cum est iniustus, desinet esse talis ac iniustus erit. Nec enim qui

ægrotat: si vult, erit sanus. & forte sua sponte ægrotat: si incontinenter vi-  
 uebat, & præcepta medicorum negligebat. Tunc igitur licebat ipsi non  
 ægrotare. Sed posteaquam valetudinem prodidit suam, non licet. Sicut  
 neque fit vt quisquam resumat lapidem quem proiecit. Erat tamē in ip-  
 so situm sumere ipsum atque proicere. Principium enim erat in ipso.  
 Modo eodem & iniusto, & intemperati licebat quidem ab initio talem  
 non fore. quapropter sua sponte est talis. Sed posteaquam talis est factus  
 non licet ipsi non esse talem. Non solum autem animi vitia, nostra spon-  
 te fiunt: sed corporis etiam interdum à nonnullis identidem comparan-  
 tur. Quos quidem & increpamus. Eos enim qui natura sunt turpes, re-  
 prehēdit profecto nemo. Sed eos qui per inertiam tales atq; otium euase-  
 runt. Idem & circa imbecillitatē \* euenire videtur. & cum quispiā men-  
 bris est captus. Nemo nanq; exprobrabit cuiquā id ipsum: si sit aut natu-  
 ra, aut ægritudine, aut vulnere cæcus: sed potius miserebitur. Quod si  
 ebrietate, vel aliquo alio flagitio captus sit oculis: omnes utiq; carpēt, ac  
 increpabūt. vitiorū igitur corporis ea quidem quæ in nostra sūt potesta-  
 te, reprehenduntur. Ea vero quæ nō sūt, non increpātur. Hæc cū ita sint:  
 & in cæteris ea vitia quæ increpantur, nostra in potestate sunt collocata.  
 Sed fortasse quispiam dicet vniuersos quidem homines id affectare sem-  
 per quod bonum apparet. ipsius tamen \* apparētiæ dominos ipsos non  
 esse. Sed qualis tandem vnusquisque est: talem & finem ipsi videri. at si  
 habitus ipsius aliquo modo sibi quisque est causa: erit & apparentiæ, ipse  
 ipsi quodam modo causa. fin vero nemo est sibi mala agendi causa: sed  
 hæc ob ignorationem finis ipsius agit, putās per ea se summum bonum  
 consecuturum, affectatioq; finis non in nostra est potestate. Sed ita natū  
 esse oportet, vt habeat quasi visum, quo quidem recte discernet, & id ex-  
 petet quod vere est bonū: atque is est ingenio bono, cui id ipsum bene  
 sese habet natura (id enim quod maximū est atque pulcherrimum, &  
 quod fieri non potest vt ab alio accipiat atque discat: quale est ortum na-  
 tura, tale habebit) atque hoc recte natura beneq; ortum esse ipsa est ha-  
 bilitas perfecta: veraque naturæ. Si igitur hæc vera sunt: cur magis virtus  
 spōte nostra quàm vitium comparabitur? Ambobus enim similiter tam  
 bono quàm malo finis ipse natura, aut quouis modo videtur ac ponitur,  
 cætera autem agunt quouis modo: ea ipsa referentes ad illum. siue igitur  
 finis non natura talis vnicique videatur, sed sit aliquid etiam apud ip-  
 sum, siue quidem finis sit naturalis, quia verò sua sponte vir studiosus cæ-  
 tera agit, virtus sponte cōparetur ac acquiratur: vitium quoque non mi-  
 nus comparabitur sponte. Et homini nāque malo eadem competunt, &  
 actūū, & finis respectu. Si igitur (vt dicitur) nostra sponte comparantur  
 virtutes (ipsoꝝ enim habituum nos ipsi cōcausæ quodāmodo sumus fi-  
 nēmq; talem ex eo ponimus, quia nos tales sumus) vitia quoque spōte

codex gre-  
 cus etiam  
 habet, &  
 αἰσθησις  
 καὶ οὐκ αἰσθησις.

φαντασί-  
 ας.

67

68

69

70

71

72

73



- 74 ab hominibus acquirerentur. similes enim subeunt modos. Communiter igitur dictū est de virtutibus: & genus ipsum figura, \* mediocritates inquam ipsas esse ac habitus. Et à quibus fiunt, & principia esse illa per se agendi, nostrasque in potestate collocatas esse & nostra fieri sponte: atque;  
 75 ita ut ipsa recta ratio iuber. Verū non similiter nostra sponte actus ac habitus fiūt. actuum enim à principio vsque ad finem domini sumus: ipsa singula cognoscētes. Habituum vero principii. Singulorum autē \* additio nō est nota: quemadmodum & in aduersa fit valetudine. sed nostra sponte ideo fiunt: quia nostra erat in potestate sic aut nō sic agere atque uti. At nunc repetentes, de singulis dicamus virtutibus, quānam sint, &  
 76 circa quæ versantur, & quo etiam modo. ex quibus & illud simul emergit quot sunt ipsæ virtutes. atque de fortitudine primum dicamus.

ἐν μέσῳ τῇ  
 τῇ ἐν πρ. ὅς  
 ἐν ἑξῆς.  
 virtus mo  
 ralis, est  
 mediocri  
 tas, est iri  
 de habit⁹  
 ut sit habi  
 tus in me  
 diocrita  
 te, ad dif  
 ferentiam  
 habit⁹ in  
 tellectus.  
 ἢ περὶ τοῦ

## Commen.

- 78 CUM igitur finis quidem sit.] Posteaquam docuit de quatuor principiis operationū humanarū, scilicet de spontaneo, electione, consultatione, voluntate, quæ sunt interni actus à quibus externa operationes prodeunt in hoc quinto, & vltimo capitulo huius tractatus accommodat ista principia ad virtutes & vitia, ostendendo tam vitia quàm virtutes esse in nostra potestate, & redarguit opinionem quorundam. Diuiditur autem in quatuor partes. in prima probat quod virtutes & vitia sunt in nostra potestate. In secunda ponit opinionem quorundam dicentium virtutes esse in nostra potestate: vitia vero minime, etenim reprobat. In tertia ostendit radices eius opinionis, & eas euellit atque extirpat. In quarta epilogat omnia quæ supra dixerat de ipsis virtutibus. Primo igitur ostendit quod virtutes nostra sponte fiunt, & in nostra sunt potestate hoc pacto. Ea quorum principia sunt in nostra potestate, & ipsa sunt in nostra potestate: sed principia virtutum, scilicet operationes ex quibus generantur habitus virtutum, & etiā principia operationum sunt in nostra potestate: ergo & virtutes. maior est clara: minor declaratur. Nā id quod prouenit ab electione est in nostra potestate collocatū, quia possumus eligere ut agamus id vel non agamus: electio autem est principium virtutum, & omnino ea quæ proficiuntur ab appetitu vel voluntate sunt in nostra potestate. & sic patet quod operationes studiosæ sunt positæ in nobis: istæ autem sunt principia virtutum. [CIRCA ista.] Scilicet quæ cadunt sub electione & consultatione. [O P E R A T I O N E S vero.] Inrelligitur de actibus & operationibus,  
 79 quæ sunt ante ipsos habitus propter virtutes acquirēdas quæ sunt similes & operationibus quæ sunt postea ab habitu acquisitis virtutis. [E T idem vitia.] Probat etiam quod vitia sunt in nostra potestate simili modo, scilicet quorum principia sunt in nostra potestate, & ipsa quoque.  
 80 At principia vitiorum sunt in nostra potestate, ergo & vitia. maior nota, minor declaratur à philosopho: quia in his in quibus est agere in nostra potestate: est & non agere & econtra. Notandum quod philosophus vitur iis terminis in nobis esse positum, & in nostra potestate. & vult significare potentiam quæ æque apta est, & indifferenter ad agendum & non agendum tam turpia quàm etiam honesta, & est potentia libera liberique arbitrii ad vtranque partē, scilicet agendi vel non agendi. [D I C E R E autem sua sponte.] Hæc est secunda pars huius capituli, in qua affert opinionem antiquorum de hac materia, & eam refellit, sed primo affert eam, & acceptat aliqua ex parte, deinde affert difficultatem, scilicet quod si ista opinio acceptaretur omni ex parte & omnino, statim euertentur, & deleterentur omnia fundamenta antea iacta de ipsis virtutibus: post hæc affert duas cōclusiones, & eas probat, ex quibus emergit solutio illius difficultatis. Dicit igitur philosoph⁹ qd nostra sentētia est hæc. Ut sponte nostra euadimus virtuosī & vitiosī: aī qui vero dixerunt sponte nostra fieri in nobis virtutes: vitia vero nobis inuitis. Et dicit quod primum est verum, quod sponte nostra, & non inuiti euadimus beati: secundum verò falsum, scilicet quod inuiti euadimus vitiosī. Nam si hic esset homo prauus non esset principium suarū operationum, & omnia quæ supra diximus funditus deleterentur, & tamen homo videtur esse principium suarum operationum, tanquam pater suorum filiorū quos sponte procreare videtur, & non inuitis. [Q U O D si hæc vera.] Allata ea opinione antiquorum, & secundum aliquam partem acceptata: nunc affert duas cōclusiones ex quibus emergit sententia sua vera, & etiam reprobatio  
 82 falsa. Prima conclusio est quod principia operationum tam studiosarum quàm earum quæ sunt vitiosæ in nostra sunt potestate, ut etiam antea tetigit: ex quo sequitur quod operationes, & etiā virtutes sunt in nostra potestate. hoc etiam probatur exemplo legumlatorum qui ponunt præmia bonis: pœnas malis operationibus, quod non facerent nisi ea eorūque principia essent in no-

fra potestate. [E T E N I M verò.] Affert aliam sententiam, & cōclusionem ex qua emergit solutio  
 dubitationis, & est talis: quod operationes quæ sūt per ignorātiā, cuius scilicet ignorātiā ho- 63  
 mo est causa: sunt collocatæ in nostra potestate, quia collocatū est vel fuit in eo homine ne igno-  
 raret. Nā operationes ob quas homo videtur iuste puniri, in nostra potestate collocatæ esse vi-  
 dentur: sed ob prauas operationes quæ fiunt per ignorātiā, cuius ignorātiā nos causa sumus,  
 iuste puniri videmur, ergo tales videtur esse in nostra potestate, & spōte à nobis fieri videntur,  
 ex eo quia nos videmur esse causa. Notādum quod Pittacus aduersus ebrios duplicē pœnā con-  
 stituisse dicitur cum aliquid deliquerit. vnam ob ipsam ebrietatē, cuius ipsi fuerūt causa, & erat  
 situm in eis ne fierent ebrii: aliam ob ipsum delictū. [A T fortasse tales sunt.] Hæc est tertia pars 64  
 huius capituli in qua primū affert vnum fundamētum eorū opinionis, cui dicebat virtutes esse  
 in nostra potestate non autē vitia, & id refellit: deinde affert aliud fundamētum, & etiam euertit  
 illud. Dicit igitur, in primis nos dicimus oportere diligētiā adhibere in cognoscēdis legibus,  
 & his quæ pertinet ad bonos mores. At dicēt fortasse, isti sunt imbecilli, & inepti propter com- 65  
 plexionem corporis, & ob eam cōplexionem ferūt etiam ad vitia diuersa, quasi naturaliter ob  
 talem cōplexionem cogāt ut phlegmatici ad tarditatē, cholericī ad iram, & similia quæ illi di-  
 cent fieri ex dispositione corporis: non ex habitu animi. [A T vt tales.] Cōtra hoc fundamētum  
 affert philosophus primo talem cōclusionem, ostendendo quod vitia & habitus vitiosi sunt in  
 nostra potestate hoc pacto. Quorum causæ effectiue sunt in nostra potestate, etiam ea quæ sunt  
 effectus erūt profecto in nostra potestate, & spōte à nobis fieri possunt: sed operationes, & actus  
 vitiosi sunt in nostra potestate, quæ operationes sunt causæ vitiorū, & habituum vitiosorū, qui  
 sunt effectus: ergo tales habitus erūt, & in nostra potestate subiiciētur, principio sponte agēdi vt  
 late patet in textu. [P R A E T E R E A metus.] Affert secūdā rationē. Is qui vult causā alicuius  
 effectus, vult etiam ipsum effectū: ergo qui vult operationem iniustā, quæ est causā iniustitiæ,  
 vult etiam habitū iniustū, & similiter, qui vult operationē alterius viti, vult etiam habitum. 66  
 Notādum quod, & si non oporteat dicere simpliciter, & in omnibus, quod qui vult causā velit  
 etiam effectū. Is tamē qui vult causā ex qua scit proficisci talem effectū, videtur etiam velle  
 etiam effectū. Aliqui tamen volunt dicere, quod quoniam vult antecēdēs, velit etiam cōsequens, &  
 existimāt hoc esse de mēte philosophi. sed non videtur hoc simpliciter esse verum in omni  
 sequētiā, vt, Volo esse in carcere cum ingēti pecunia, ergo volo esse in carcere, nō valet, sed vo-  
 lo esse hominem, ergo animal, bene valet, quare illa propositio limitata hoc pacto videtur vera,  
 quod is qui vult causā quā nouit esse causā alicuius effectus, etiam illum effectū sequi ex illa  
 causa, dicēdum est quod velit etiam illū effectū. Qui ergo vult operationem vitiosā ex qua  
 generatur habitus vitiosus, vult etiam habitum, quia scit ex actibus vitiosis generari habitum. 67  
 Nemo est enim tam hebes qui hoc ignoret. [N O N tamen si vult.] Affert aliā cōclusionē con-  
 tra idem fundamētū, scilicet quod antea quam habitus vitiosi acquirantur erat situm in nobis  
 eos fugere, & euitare: postea verò quā facti, & inueterati sunt nō est pene in nobis eos abiice-  
 re, sicut sit in habitibus corporis: ad hoc propositū sic fieri videtur in habitibus animi. Sed in il-  
 lis ita fit vt antea collocatū videatur in nobis vtrum fiant: postea verò quā facti, & inue-  
 terati non amplius videtur esse nobis eos abicere, ita euenire videtur de habitibus animi. Dicit  
 enim quod multi morbi acquirūt spōte ab hominibus, quia non obtemperāt præceptis medi-  
 corū, & non abstinēt ab iis quæ aegritudinē pariunt vel morbos: quos postquam habēt, non pos-  
 sunt repellere à seipsis, eodē pacto videtur euenire de vitiis animi quæ nostra culpa contrahun-  
 tur: postea non est pene sitū in nobis ea pro nostro desiderio delere & abicere. [N O N solum.]  
 Affert tertiam cōclusionē talem, scilicet quod multa vitia corporis tanquā habitus vitiosi spon-  
 te nostra contrahūtur, & hoc ostēdit ex eo, quia ob talia reprehendimur, & vituperamur, quod 68  
 non fieret nisi nostra culpa contracta essent: nemo enim vituperatur natura cæcū, sed eum, qui bi-  
 bacitate vt ita loquar, & nimio potu talem defectū corporis est adeptus, & sua spōte suā; culpa  
 hoc factū esset apparet. Ex his igitur tribus cōclusionibus apparet, quod fundamētū illorū  
 non est verū, cum dicūt quod homines sunt tales puta negligētes, & huiusmodi ex mala cōplexione  
 corporis. Potest enim cura & exercitatione sua talis obstarē ei cōplexioni, & in contrariū eniti,  
 adeo vt situm sit in eo, & in potestate sua studiosum euadere. [S E D fortasse quippiam.] Affert a-  
 liud fundamētum eiusdem erroris quod sumitur à potentia cognoscēdi: dicebant enim quod  
 quisque appetit id quod sibi apparet bonum, & quod huiusmodi apparentia non est collocata in  
 nostra potestate, sed qualis vnusquisque est talis sibi videtur finis. Nam potētia cognoscēdi bon-  
 num non est sita in potestate cuiusque: sed est, talis ex sua naturali dispositione, quā quisque ha-  
 bet à primordiis naturæ. Propterea alicui videtur hoc esse bonum quod vere est bonum: alicui  
 autem non ita videtur, & hoc est à natura. Itaque hoc erat fundamētum illius opinionis quod  
 quisque appetit illud quod sibi apparet bonum: apparentiæ verò non sumus domini. [A T si ha-  
 bitus ipsius.] Ad euertendū illud fundamētum affert philosophus duas cōclusiones. Prima est  
 quod apparentia finis vel boni est in nostra potestate constituta. Omnis habitus morū subiici-  
 tur principio spōte agēdi, & est in nostra potestate: sed apparentia sequitur habitum morū: ergo

- apparētia subiicitur principio spōte agēdi, & est in nostra potestate. Maior est antea manifeste probata. Minor quoque patet, nam apparentia boni sequitur habitū morum. Talis enim cuique videtur finis qualis quisque est: quisque autem talis, aut talis est per habitū quem habet virtutis aut vitiū, & sic apparentia videtur sequi habitum. Notandum q̄ illud fundamētum. sc̄. quod qualis quisque est talis sibi finis videtur, potest habere duplicem expositionē: prima est qualem habitum quisq; acquiritur, talis est finis videtur: secūda est q̄ qualis est aliquis à natura ortus, talis sibi finis videtur. i. qualem vim cognoscēdi quisq; à natura habet: talis illi videtur finis. Primo secundum primā sententiā, & expositionē, destruitur positū fundamētum illorū erroris, quia ostēditur à philosopho quod apparētia finis est in nostra potestate: quia omnis habitus morū est in nostra potestate, vt probatū est per primam cōclusionem. in sequēti verō particula ponēte cōdam cōclusionem, & ostēdet quod si illa sententiā accipiat secundum modum. sc̄. q̄ qualis quisque est à natura, talis sibi finis videtur, q̄ etiam destruitur hoc fundamētum. Nam data tali sententiā sequitur, Si non erimus domini viōrū, non erimus etiam virtutū, at virtutum volebāt nos esse dominos, ergo destruitur tale fundamētum eorum. [S I N verō nemo.] Hac in parte philosophus affert secundam sententiā. i. fundamētum illorum secundum modum acceptum, & id destruit. Dicit enim q̄ si accipiatur sententiā illa. sc̄. quod qualis est ortus à natura: talis sibi finis videtur, & quod affectatio finis nō est posita in nostra potestate, sed à natura & à primordiis generationis oporteat vt habeat quis mētem, & intellectū bonum ad discernēdum finem rectum, sicut oculus in corpore ad discernēdas differētiās colorum. Si inquam hoc est quod qualis quisque est per vim discernēdi que datur cuique à natura talis illi finis videtur: cur magis virtutes vt vultis vos Cyrenaci siue alij cōparantur, & acquiruntur spōte quā vitiā? Eadem enim ratio videtur de vtriusque si causa est à natura, & non spontanea electio nostra, quia tam bonus quā malus habet affectionem finis ab ipsa natura. [A M B O B V S.] s. bono & malo finis natura erit. Nam si natura est causa nostri intuitus ad discernēdum finem: eodem modo ipsa natura erit causa cognitionis boni finis, & per cōsequens bonarum operationum & virtutū, quemadmodum & mali. Aut igitur dicendum q̄ natura fit causa vtrorūque aut neutrorum: si neutrorum, tunc erunt ambo in nostra potestate, & spōte à nobis fient virtutes, & vitiā, & habebimus propositū, si vtrorūque tunc erit causa tam virtutū quā vitiōrum, sed hoc est contra vos quia vultis vt virtutes fiant à nobis sponte, non autem à natura. Dicendum est igitur q̄ ambo sunt in nostra potestate, & voluntaria. [S I V E igitur.] Procedit vltierius arguendo philosophus, & dicēdo quod si etiam cōcedatur vt sumatur finis quomodocūque, siue finis natura capiatur: siue electione, & vt alio modo bonus alio malus affectet finem: tamen non modo virtutes erunt in nostra potestate, sed etiam vitiā. Nihil enim curo nunc ad hoc propositū, & ad faciēdum vt hæc sint in nostra potestate vtrum finis natura sit vel minime, quia sufficit mihi vt ea quæ sunt ad finē. i. operationes, & bene vt male operari sit in nostra potestate: & vtrūque agatur nostra electione, hoc autē negari non potest, sed fateri oportet q̄ qui singulas operationes agit, quia vult, & quod velit aut nolit in seipso est, ergo quādo operabitur malum spōte sua aget quolibet particulare operationem. sicut quādo aget bonū. Igitur vitiā erūt voluntaria vt virtutes quæ sūt ex operationibus. [S I igitur.] Concludit philosophus. sc̄. habitū esse causam apparētiæ finis: vt ex hoc cōcludat vitiā esse voluntaria vt virtutes, & etiam quod apparētia finis est nostra potestate: nam si habitus generatur ex actibus, & actuum nostrorū nosmet ipsi causa sumus: ergo & habituum. Nam quicquid est causa causæ est causa causati: & quales sunt habitus nostri, tales sumus ipsi: & quales nos sumus talē ponimus finē. Si igitur ex talibus vitiis fit talis apparētia, & vitiā sunt in nostra potestate, quia operationes ex quibus oriuntur vitiā sūt nostra opera, ergo & apparētia talis ex nostra opera erit, & in nostra potestate, & vitiā quoq; sicut virtutes nostra spōte fient, quia eādem legem, & cōditionem subeunt: nam & malarum operationū nos ipsi sumus causa, ex quibus prodeunt mali habitus, ex quo malum ponemus finē: ergo spōte male agemus, & vitiā spōte fient à nobis. [C O M M V N I T E R igitur dictū est.] Hæc est quarta pars huius capituli, in quo primo repetit breuiter ea quæ de virtutibus, & operationibus dicta sunt, deinde declarat q̄ non æquo modo actus, & habitus subiiciuntur principio spōte agēdi, demū facit trāitionem ad sequētia. Dicit igitur in primis q̄ dictū est à nobis cōmuniter q̄ sunt habitus, & mediocritates, & q̄ producūt operationes similes iis ex quibus sunt ortæ, & q̄ virtutes & vitiā in nostra sunt potestate. [V E R V M non similitur.] Nūc ostēdit philosophus q̄ cum actus, & habitus subiiciuntur principio spōte agēdi, & fiant spōte, tamen non simili modo, sed actus magis videtur esse volūtarij, quā habitus: & ratio est, quia toti cognoscuntur, & singula circa quæ versantur ipsi actus: habet verō nō hoc pacto cognoscūt toti, sed ab initio, & ob ipsas operationes. Sicut medicus cognoscit quantū sanitatis recuperavit egrotus vel quātā ægrotationis accessio facta sit ex ipsis actib⁹. Sūt igitur magis volūtarij actus quā habitus, nā habitus fiunt nostra spōte, quia nostra spōte fiunt actus ex quibus generantur tales habit⁹. vnde illa dignitas accōmodari potest si fallor huic sententiæ, dignitas inquam quæ est philosophi in libro posteriorū. Propter quod vnū quodque tale, & illud magis. Nam si actibus: & habitibus cōpetit vt sint volūtarij, & habitibus per actus multo magis cōpetit

actibus. Quare diligenter cauendum est ab actibus vitiosis, quia ex similibus actibus similes generantur habitus, quos postea remouere summa est difficultas. [A T nunc repetētes.] Facit translationem philosophus dicendo quòd cum communiter & in genere antea de virtutibus dictum sit: nunc particulariter de singulis dicendum est vt perfectam cognitionem habeamus de ipsis. 76

*De fortitudine & forti.*

*Cap. VI.*

**F**ortitudinem itaque circa metus mediocritatem esse, fiduciāsq; perspicuum iam euasit. metuimus autem ea quæ terribilia sunt. atque hæc simpliciter dicendo sunt mala. quapropter & veteres metū definiētes: expectatiōē inquit esse mali. Metuimus igitur omnia mala, vt infamiā, paupertatē, morbos, inimicitias, mortē. at nō circa hæc omnia vir fortis esse videtur. sunt etenim nonnulla mala, quæ quidē metuere oportet & honestum est: & nō metuere, turpe. infamiam namque qui timet, est probus & verecundus: qui non timet impudens. Fortis tamen trāslatione dicitur à quibusdam, quippe cum aliquid simile videatur habere. est enim & ipse fortis interritus quidam. Paupertatem autem metuere forsitan nō oportet, nec morbum, nec omnino quicquam eorum quæ nec à vitio, nec à nobis ipsis proueniunt: nec tamen is est fortis qui hæc non metuit: sed hunc etiam fortem similitudine quadam vocamus. Nonnulli enim homines in bellicis quidem periculis meticolosi sunt: liberales autē sunt, & ad erogandas pecunias animose se habent. At neque si quis pro filiorum atque vxoris pudicitia timet, aut inuidiam metuit, aut aliquid tale: timidus est. Neque etiam fortis: si cum est verberibus cædendus cōfidit. Circa quæ igitur terribilia vir fortis versatur? An circa quæ sunt maxima? etenim nemo tolerantior est malorum homine forti. Mors autem maxime omnium est terribile: est enim vltimum vitæ: & nihil post, homini mortuo aut bonum, aut malum esse videtur. At enim neque circa omne genus mortis vir fortis esse videtur. Non enim circa mortem eam quæ fit in mari: aut euenit morbis. circa quam ergo mortem vir fortis erit? An circa eam quæ est pulcherrima? talis autem est ea quæ fit in bello. in maximo namque fit & pulcherrimo profectò periculo. Eodem accedūt & ipsi honores: qui tum à ciuitatibus, tum à regibus sunt instituti. Is igitur homo fortis proprie dicitur, qui circa honestam mortem, & ea omnia quæ repente eueniunt atque afferunt ipsam, interritus est: huiusmodi vero sunt ea quæ in bello contingunt. Quinciam & in mari, & in ipsis morbis vir fortis timore vacat, non tamen ita vt nautæ, fortes enim & de salute sua desperāt, & genus tale mortis moleste ferunt: illi vero spe propter experientiam sunt freti. Simul autem & viriliter, fortiterque agunt in quibus vires habent locum, aut honestum est mori: quorum neutrum est in tali genere mortis. 77

*Commen.*

**F**ORTITVDINEM itaque circa metus. Hic est secūdus tractatus huius libri: in quo philosophus incipit docere de fortitudine. nam post assignatam definitionē virtutis, cum ipsa sit gen<sup>o</sup> quod diuiditur in duas species, ideo enumerauit omnes virtutes ostēdēs definitionē eam accommodari posse cuilibet virtuti: cōsequens autē videbatur de singulis iam designatis pro- 77

- priam & axaſtam afferre doctrinam, niſi quòd præcedebat quædam conſideratio neceſſaria de principiis operationũ, & virtutũ noſtrarũ: ea autẽ ſunt interni actus, ſi id quod ſpõte fit & cõſultatio, electio atque volũtas, de quibus miro ordine philoſophus docuit, declarando quod ex his principiis noſtræ operationes, pcedunt, & vitia atque virtutes, & quod hæc ſunt in noſtra poteſtate, & noſtra ſpõte ſunt reſellendo opinionẽ eorũ qui ſuæ ſententiæ aduerſabantur. Nunc verò incipit de ſingulis docere virtutibus innuẽdo pene deſcriptionẽ cuiuſque, & ſeruat eũ ordinem quem tenuit in iſis enumerandis. ſ. declarando materiã quãquam verſatur, & mediũ & extrema, & quod extremorum ſit magis aut minus contrarium ipſi virtuti, & medio. Videtur autẽ primo incipere à fortitudine, & quia verſatur circa materiã difficillimam. 1. circa terribilia, & quia verſatur circa affectus, de quibus moderatĩs prior videtur eſſe doctrina, quã de acibus, cum oporteat hominem prius ſe interius percipere antequam producat operationes externas, & quia verſatur circa affectum vehementiſſimum. i. circa iram & partem iracibilem. Item quia ſu mit nomen quaſi à virtute & à viro, grãce enim dicitur *ἀνδρεία*. Vel etiam incepit ab hac virtute philoſophus, quia incipiendum eſt à magis notis. hæc videtur eſſe nobis valde nota, & affectus etiam ipſe circa quem verſatur, & ita dicunt nonnulli. Diuiditur autem hic tractatus in quatuor capitula. In primo docet materiã & obiectũ, circa quod verſatur fortitudo. In ſecundo de operationib⁹ eiũdẽ, & virtutib⁹ opoſitorũ. i. de exceſſu atq; defectũ. In tertio de quinque ſpeciebus nõ verẽ fortitudinis. In quarto de quibuſdã proprietatibus eius quæ videntur fortitudini competere. Primum capitulũ in tres partes diuiditur, quæ locis ſuis patebunt. Tractat autẽ in prima de obiecto fortitudinis materiãq; eiũdẽ. Omnis enim habit⁹ habet obiectũ quoddã circa quod verſatur. Procedimus enim in cognitione noſtra ex obiectis ad actus, & ab actibus ad potentias, & à potẽtiis ad eſſentias. i. à notiorib⁹ ad ea quæ ſunt nobis minus nota vt ea cognoscamus. In prima igitur declarãdo materiã fortitudinis dicit philoſophus eã verſari ſicut antea dictũ eſt circa res formidoloſas, & metũ, & fiduciã. Et poſtea oſtendit quæ ſunt ea quæ timeamus. ſ. ea quæ nos terrent, & exiſtimantur mala: vnde antiqui dixere metum expectationem eſſe futuri mali. Notandum q̃ malum biſariam conſiderari poteſt: aut vitium vel operatio vitioſa quæ in noſtra ſunt poſteſtate: & cũ ſunt mala, aut id quod aliquid eſſe dicitur læſionis noſtræ vt inopia, exiliũ, mors, & ſimilia, quæ nõ ſunt in noſtra poteſtate, & tamẽ exiſtimãtur, & appellãtur mala: nũc de his ſecundis loquitur philoſophus, quorũ eſt metus, & talia nõ ſunt in noſtra poteſtate. [A T nõ circa hæc omnia.] Hæc eſt ſecũda pars huius capituli, in qua vult declarare id quod pprie eſt obiectũ principaliffimũ fortitudinis, & ſemouere alia quæ nõ ſunt talia. Nã ſi circa ea quæ afferũt metum verſetur fortitudo, nõ tamen circa omnia talia verſatur pprie fortitudo, & primo nõ verſatur proprie circa infamiam: & probatur. Fortis laudatur, Non timens infamiam non laudatur, ergo non timens infamiam non eſt proprie fortis: nec fortitudo ex conſequenti verſatur circa infamiam, nec circa paupertatem, & morbos, & ſimilia quæ non videntur prouenire ſpõte noſtra, nec circa timorem pudicitie vxoris, quia hæc non timens non laudatur proprie fortitudine. Notãdum quòd philoſophus loquendo de inopia, & morbis dixit talia non eſſe timenda, quæ nec à nobis proueniunt. Tamen fieri poteſt vt paupertas noſtra opera proueniat: vt prodigus qui ſua opera euadit pauper, & item ægrotus qui ſua incontinentia ſuaque opera incidit in morbum. Ob hæc enim vituperari ſolemus. Verum philoſophus loqui videtur de paupertate, & morbo quæ proueniunt à cauſis externis vel à fortuna, cũ dicit talia nõ eſſe timenda. [C I R C A quæ igitur.] Hæc eſt tertia pars huius capituli: in qua philoſophus poſtea quàm ſuperius declarauit in genere, quòd fortitudo verſatur circa terribilia, & excipit nonnulla, quæ nõ videbãtur pprie obiecta eſſe fortitudinis, nũc in ſpecie, & determinate affert. Et oſtendit quid ſit illud terribile circa quod verſatur pprie fortitudo, & dicit id eſſe mortẽ circa quam eſt, & circa fiduciã, aut metum eiũdem. & pbat, Fortitudo verſatur circa terribilia, at mors eſt maximẽ terribile, ergo circa mortem verſatur fortitudo, & circa metum, aut fiduciã eiũdem. [A T enim neque circa omne.] Oſtendit philoſophus q̃, etſi circa mortẽ verſetur fortitudo, nõ tamen circa quodcũque genus mortis, ſed circa eam quæ fit in bello. nã virtus debet verſari circa ſummũ materiæ ſuæ, at in bello ſunt ſummæ terribilia, & pericula maxima, & pulcherrima: & viri fortes videntur eſſe pprie circa illa, cũ pro honeſtate & decore, pro deſenſione patriæ, & more noſtro, p fidei patrocinio ſidenti animo ſubeunt mortem, non autem circa mortem quæ fit in mari, aut in morbis, quorum alterum fortuna vel alii externæ cauſæ: alterum naturæ competere videtur. Nam ſi mors naturalis eſſet illa circa quã verſaretur fortitudo, omnes qui moriuntur eſſent fortes. [E O D E M accedunt.] Probat eandem ſententiam exemplo ciuitatum & regum, qui conſtituunt honores iis, qui pro ſalute patriæ obierunt in bello, quod eſt indicium cum honos ſit quoddam præmium virtutis, illos fuiſſe virtuoſos & fortes. [Q V I N etiam & in mari.] Affert rationes cur fortitudo non verſetur circa mortem quæ fit in mari: nam & fortes dolent tali genere mortis. vt Virgilius ille, O terq̃ue quaterq̃ue beati, &c. Et item fortes dicũtur in iis in quibus poſſunt viriliter agere, & oſtendere aliquod opus fortitudinis, quod in mari fieri minime poteſt.



Non est autem idem vniuersis terribile. Et dicimus etiam ali-  
 quid esse quod facultatem superat hominis. Id igitur vnicui-  
 que terribile est homini sanæ mentis. At ea quæ metas facul-  
 tatis non egrediuntur humanæ, magnitudine differunt, &  
 intensiōe, remissionēque. Similiter autem & ea quibus confidimus.  
 Fortis itaque impavidus est vt homo. Atque timebit quidem & hu-  
 iusmodi res formidolosās. Verum vt oportet, & vt dicat ratio tole-  
 rabit honestatis causa. Hæc enim ipsius virtutis est finis. Fit autem vt  
 hæc & magis & minus timeant homines. Et etiam vt ea quæ non ter-  
 ribilia sunt: vt terribilia metuant, atque delinquitur: cum metuunt aut  
 ea quæ non oportet metuere, aut non quemadmodum oportet, aut non  
 quando oportet, aut aliquid talium. Similiter peccatur & circa ea qui-  
 bus confidimus. Qui igitur & ea quæ oportet, & gratia cuius oportet,  
 & vt oportet, & quando oportet, fert & metuit, & idēdem confidit, is  
 homo est fortis. Fortis enim pro dignitate, & vt ipsa ratio iubet: tam pa-  
 titur quàm etiam agit. Finis autem operationis omnis is est, qui accom-  
 modatur habitui. Et viro etiam forti honestum est ipsa fortitudo. Talis  
 igitur & ipsius est finis. Singula nanque suo fine definiuntur. Fortis igi-  
 tur honesti causa subit & agit ea quæ ad ipsam fortitudinem pertinent.  
 Exuperantium autem is quidem qui in non metuendo exuperat: nomine  
 caret. Atque dictum est antea, nominibus complura vacare. At vocari  
 potest \* infans quidē vel stupidus: si nihil omnino neque motus ter-  
 ræ, neque fluctus (vt de Celtis dicitur) metuat. Sed is qui circa res formi-  
 dolas exuperat confidendo, \* audax est. Videtur autem ipse audax &  
 arrogās esse & fortitudinis simulator. Qualis igitur est fortis circa res ip-  
 sas formidolosās, talis & ipse videri vult. Itaque imitatur illum in qui-  
 bus potest. Quapropter & complures ipforum\* audaces sunt simul & timi-  
 di. In his enim ardentes res formidolosās non sustinent. Is autem qui  
 metuendo exuperat: timidus est. Nam timet ea quæ non oportet, & om-  
 nia talia ipsum sequuntur, deficit autem & in confidendo. Sed in dolo-  
 ribus exuperans magis est manifestus. Meticulosus igitur male sese ha-  
 bet circa spē, quippe cum vniuersa metuat: fortis verò cōtrā sese habet.  
 Confidere nanque, bene sperantis hominis est. Circa igitur hæc versa-  
 tur & audax, & meticulosus, & fortis. Sed diuerso modo ad hæc sese ha-  
 bēt. Illi nāque exuperant & deficiunt. At hic mediocriter sese habet, &  
 vt oportet. Et audaces quidem præcipientes sunt ante ipsa pericula, & vo-  
 lunt ea, sed cum in ipsis sunt, tergiuersantur. Fortes autem in ipsis quidē  
 operibus feruidi sunt, antea verò quieti. Vt igitur dictum est, fortitudo  
 mediocritas est circa ea quibus confidimus, & ea quæ terribilia sunt, in  
 iis quæ diximus. Et eligit atque fert ipsa: quia est honestū, & quia est tur-

13

83

84

85

36

87

88

μένόμε-  
 νος ἢ ἀνέλ-  
 γητος.  
 θρασύς.

θρασύδαι-  
 λος.



pe non subire atque perferre. Mortem autem sibi consciscere ob fugiendam paupertatem, aut amorem, aut molestum aliquid, non fortis est hominis, sed potius timidi: est enim mollitudinis, laboriosa fugere, atque  
 89 non quia res est honesta, appetit mortem: sed quia malum, fugit. Fortitudo igitur tale aliquid est.

## Commen.

82 **N**ON est autem idē vniuersis. [Hoc est secundū capitulū, in quo ostendit operationes fortitudinis, & etiā extremorū. i. excessus & defectus. & hunc ordinem seruauit ferē in omnib⁹ virtutibus declarādis. Diuiditur autē hoc capitulū in duas partes quæ patebunt locis suis. In prima igitur parte philosophus distinguit terribilia, & ostendit quoddā terribile esse excedēs conditionē humanam vt terremotus, illuiones, & similia omnibus metuēda. Alia sunt terribilia secundum conditionem humanam, & eorum, alia parua, alia magna, alia intentā, alia remissa. Notandū q̄ philosophus dicit non esse idem vniuersis terribile, nō solū, quia magis aut minus terribile est ex parte reisdē etiam, quia homines secundum suas cōditiones putant terribilia, & aliud alii videtur, vt amissio pecunię est terribile auaro, p̄digo verō, aut liberali nequaquā. [F O R T I S itaque.] Declarat nunc philosophus operationes hominis fortis, dicēdo q̄ fortis est impavidus, nō q̄ omnino nō timeat illa quæ excedunt metas humanæ cōditionis, est enim homo. Quin etiā quoquo modo timet ea terribilia quæ sunt intra metas conditionis humanæ, tamen tolerabit ea gratia honestatis. Hoc autem est commune omnibus virtutibus vt gratia honestatis agantur, at euenit q̄ hæc terribilia timeantur magis vel min⁹ quā oportet, & interdum ea timeantur quæ timēda non sunt, & similiter subeuntur quæ subeunda non sunt, ex nimia audacia. & temeritate: & hoc pacto delinquitur discēdō à mediocritate fortitudinis, vt ostendit paulo inferius particulatim fortis verō metuit, & cōfidit vt oportet, & qui hoc modo agit cū mediocritate, est appellādus fortis, quod pbat duabus rationibus. Prima, Is qui agit vt recta dicitur ratio circa materiā fortitudinis, est vir fortis: is qui cōfidit, ut oportet, & quando oportet, & cum aliis circumstātiis agit circa materiā fortitudinis ut recte dicitur ratio: ergo talis est appellandus fortis. Patet ratio, quia regula, & ueluti mensura quādam omnium uirtutum est recta ratio, & in qualibet uirtute est quādam recta ratio, ut recta ratio fortitudinis temperantiæ quoque, & sic de aliis. Secunda ratio, Is qui agit secundum finem fortitudinis, est appellandus fortis: sed qui cōfidit, & subit ea quæ oportet, & ut oportet gratia honestatis, agit secundum finem & rationem fortitudinis: ergo talis est appellādus fortis. (E X V P E R A N T I V M autem.) Hæc est secunda pars huius capituli, in qua declarat operationes uitiorū, quæ sunt oppositæ fortitudinis. i. excessus atque defectus. Dicit igitur q̄ is qui excedit in nō metuēdo caret nomine sicut multa alia, & uidetur esse causa, quia raro accidit vt sit aliquis talis: sed docetur stupidus vt infans quidā dicit philosophus, & temerarius si excedit in nō timēdo ea quæ timēda sunt, vt Celtæ & populi illi qui nō timēt fluctuationes, & tēpestates. (S E D his qui circa res.) Declarat nūc operationes uitiosi excedētis in cōfidēdo quē appellat audacē, & dicit q̄ talis videtur esse arrogās quidā, & simulator fortitudinis, & vult videri fortis cū nō sit, & dicit q̄ talis est simul timidus & audax. Ii enim qui in quibusdā sunt timidi in quibusdā audaces sunt simul timidi & audaces: sed multi homines audaces sunt huiusmodi: ergo, &c. (I S autē.) Declarat nūc operationes alterius extremi. i. timiditatis & timidi: dicēdo q̄ is qui metuēdo excedit timidus est, & eodē pacto qui in cōfidēdo deficit & sic videtur ponere quodāmodo duos modos excessus, & duos defectus qui vidētur opponi inter se. Nā excedētibus in nō metuēdo qui sunt vt Celtæ, vidētur opponi excedētis in metuendo, qui vidētur esse timidissimi: excedētibus verō in audēdo vidētur opponi deficientes in audēdo, qui sunt timidi. (C I R C A igitur hæc.) Cōparat ista inter se declarando quod circa eandem materiā versantur audax, timidus, & fortis. i. circa terribilia, diuerso tamē modo. Nam audaces sunt precipites ante pericula. Sed cum adfunt, tergiversantur: fortes verō econtra se habēt vt latissime patet in textu. (V T igitur dictū est.) Concludere videtur & ex dictis afferre quandam descriptionē fortitudinis. s. q̄ fortitudo est mediocritas circa terribilia in bello, ppter honestatem, quia est honestū talia perferre, aut turpe nō perferre. (M O R T E M autē sibi.) Dixit supra philosophus q̄ circa mortē quæ est vltimū terribiliū versatur fortis: ne igitur videretur qui ob fugiendā paupertatē, aut amorē, vel aliquid molestū sibi mortem cōscisceret esse appellandus fortis, excludit hūc errorē philosophus, & ostēdit q̄ talis potius est appellādus timidus, & mollis, cum fugiat laboriosa, quæ non sunt p̄prie mala: paupertas, & talia in cōmoda cum nō sint turpia, & non contrahuntur nostra culpa. Diximus igitur fortitudinem esse circa terribilia, & opus fortis fieri ob honestatem, & non ob fugiendam paupertatem vel amorē, quæ potius vidētur prouenire ex timiditate, quæ etiam longius abest à fortitudine quā audacia.

**D**icuntur autem & aliæ Fortitudines quinque modis. Atque prima est ipsa civilis. Maximè autem similis est. Ciues enim ob increpationes quæ sunt ex legibus, & opprobria, honoresve, pericula subire videntur. Et propterea fortissimi videtur esse: apud quos timidi quidem infames sunt. Fortes autem afficiuntur honore. Tales & \*Homerus affert: vt Diomedem ac Hectorem. Dicit enim Hektor, Nam me Polydamas ante omnes ipse reprehendet. Et Diomedes, Inter enim dicet Troianos optimus Hektor, Titydes metués puppes confugit ad altas. Hæc autem ex eo maxime similis est ei de quo supra diximus: quæ fit ob virtutē. Ob pudorē enim & appetitionem honestæ rei, honoris inquā, & ob fugiendā reprehensionem: quæ quidē est turpis. In eodem posuerit quispiam & eos qui cōpelluntur à magistratibus. Verum deteriores eo sunt: quòd non ob pudorem, sed ob metum id faciunt. Et fugiunt non rem turpē: sed rem molestam. Cogunt enim

Ilia. x.  
Ilia. 6

Ilia. o. que  
verba etiā  
sub psona  
Agamē-  
nonis re-  
feruntur.  
Ilia. 8. Vi-  
de Aristo.  
lib. 3. cap.  
10. Politi-  
corum.  
πλ & π  
πολέμου  
καινά.

ἀδλνται.

ὑπὸ καὶ π  
δὲ δμοίως  
τὸ ἐν κ  
εὐν τῆς  
βοηθείας  
συνέβη,  
id est, qd  
quidem  
apud Her-  
maum in  
Corona  
Boeotiae  
oppido  
contigit.

ii qui potestaté habent, vt Hektor. \* Quem procul à pugna trepidantē forte videbo, Is canibus fiet, fiet quoque vulturis esca. Idem faciunt & qui aliis imperant & si recedūt, verberibus afficiant. Et qui ante muros, fossas, & huiusmodi cōstruunt aciē. Omnes enim cogūt. At non necessitate: sed quia res est honesta, fortē esse oportet. Videtur etiā & ipsa singularum rerum peritia fortitudo esse. Quapropter & Socrates fortitudinem scientiam esse putauit. Tales autem alii quidem in aliis sunt. In rebus autem bellicis milites. Sunt enim in bello complures res \* nouæ, quæ quidem maximè ipsis sunt notæ. Atque ideo fortes videntur: quia quales sunt illæ, alii nesciūt. Deinde & aduersarios offendere, & seipsos tueri maximè experientia possunt, & euitare hostis conatus, & illū percutere, cum armis vti possint, & talia habeant: vt & ad faciendum sunt, & ad non patiendum aptissima, quibus efficitur, vt ipsi tanquam aduersus inermes armati, & tanquam aduersus rudes \* ludi magistri decertēt. Etenim in huiusmodi certaminibus non ii sunt pugnacissimi, qui fortissimi sunt: sed ii qui vires amplissimas habent, & optimè sese habēt corporibus. At verò milites tunc timidi fiunt: cum excrefcit periculum, & inferiores sunt copiis ac apparatu. Primi nanque fugam arripiūt. Urbana verò copiar manent, atque intereunt. \* Quod quidem & in Hermo accidit. Hæ nanque turpe fugere: & mortem tali saluti præferendam esse censent. Illi verò vt superiores ab initio sese obiectant periculis: re autem intellecta, fugam arripiunt, mortē magis quàm dedecus formidantes. Sed vir fortis non est talis. Atqui iram etiā ad fortitudinē referunt. Fortes enim & ii videntur qui ob iram feruntur, perinde atque feræ: in eos qui ipsos vulnere affecerunt. quia & fortes concitantur ira. Est enim ira res impetuosisima ad aggredienda pericula. Quapropter & Home-

91

92

93

rus dixit. Vires iniecit iræ: & animum ira concitauit. Et acuta per nares  
<sup>94</sup> vis: & efferebuit sanguis. Hæc enim vniuersa iræ concitationem impe-  
 tumve significare videntur. Fortes igitur ob honestatem agunt, & ipsa  
 ira subministrat. Feræ autem ob dolorem: quia nanque vulnus accepe-  
 runt, vel quia timent. Nam si suis in lustris sint, non inuadunt. Non igi-  
 tur sunt fortes: propterea quod à dolore concitati ac ira ad periculum ir-  
 ruunt, nihil prævidentes malorum. Nam hoc pacto & ipsi asini cum esu  
 riunt fortes essent. Non enim à pabulo verberibus dimouentur. A dulte-  
 ri quoque propter libidinem multa audet. Non igitur fortes sunt qui ob  
 dolorem ac iram ad pericula compelluntur. Maxime autem naturalis ea  
 esse videtur, quæ est ob iram, & esse fortitudo electione sumpta: sineque  
 & ipsi etiam homines, cum irascuntur dolent, cum vlciscuntur capiunt  
 voluptatem. Qui autem propter hæc agunt: pugnaces quidem sunt, at non  
 fortes. Non enim ob honestatem agunt nec ut ratio præcipit, sed ob ip-  
 sum affectum: aliqua tamen ex parte sunt similes fortibus. Nec etiam ii  
 qui sunt spe freti, sunt fortes. nam ex eo quia sæpe, multosque vicerunt,  
<sup>95</sup> fiduciam in periculis habent. Sunt autem similes fortibus, quia utrique  
 confidunt. Sed fortes quidem ob eas res quas paulo antea diximus. Illi  
 vero quia se superiores esse putant, & nihil vicissim suscepturos mali: ta-  
 le & ipsi ebrii faciunt. Sperant enim omnia sibi prospere euenire. Cum ve-  
 ro non eueniunt ipsis talia, fugam arripiunt. At viri fortis erat, res eas quæ  
 sunt hominibus & videntur formidolosæ, ferre: quia honestum est ferre,  
<sup>96</sup> & turpe est non ferre. Quamobrem & magis fortis esse videtur, subitis po-  
 tius in terroribus interritum esse ac sine turbatione, quam in præiis.  
 Est enim ab habitu magis, aut minus ex apparatu. Nam antea visa, co-  
 gitatione & ratione quispiam eligit. At ea quæ repente eueniunt, ha-  
<sup>97</sup> bitu. Fortes etiam esse videntur & qui ignorant. Et sunt non longe ab iis,  
 qui spe freti confidunt. Detiores autem sunt, qui tum dignitatis nihil  
<sup>98</sup> habent. Illi autem habent. Quapropter & aliquo tempore manent. Hi  
 vero decepti: si cognouerint, vel suspicati fuerint aliud esse quam puta-  
 bant, fugiunt. Quod quidem Argiuis contigit cum in Lacedæmonio,  
 tamquam in Sicyonios incidissent. Dictum est igitur quales nam sint ipsi  
 fortes: & ii rursus qui fortes esse videntur.

## Commen.

<sup>99</sup> **D**ICUNTUR autem & alia. Hoc est tertium capitulum, in quo philosophus postea quam decla-  
 rauit materiam, circa quam versatur fortitudo, & operationes ipsi, & vitorum oppositorum: nunc  
 enumerat quinque species fortitudinis non tamem veræ, sed similes, & ponit differetias inter  
 has, & veram, & propriam dictam fortitudinem. Diuiditur autem in quinque partes secundum quinque species su-  
 prædictas, quæ suis locis patebunt. Prima species dicitur civilis, quæ vehementer videtur similis ve-  
 ræ fortitudini. Hæc autem est cum ciues pericula subeunt ob fugiendam infamiam, & consequen-  
 dos honores ut ostendit exemplo Homeri: & hæc est valde similis veræ fortitudini. Differt ta-  
 men quia vere fortis aggreditur opus fortitudinis primo, & principaliter, quia est honestum, &  
 propter ipsam honestatem siue sequatur honor siue non: iste vero civilis principaliter subit pericu-  
 la ob honoris consequendum vel fugiendam infamiam. [CVM hisce quispiam.] Alio modo ciues  
<sup>91</sup> aggredi videntur pericula ob fugiendam poenam, & ii videntur redigi ad superiorē sciētiā for-

titudinis non propriæ quæ dicitur ciuilis, quamquàm sint deteriores supradictis, quia non faciūt fortia facta ob fugiendam turpitudinem, sed ob fugiendam pœnam, vt exemplo Homeri ostendit philosophus. Sic igitur duo erunt gradus ciuilis fortitudinis, & secundi erunt primis deteriores. [V I D E T V R etiam & ipsa.] Affert philosophus secundam speciem fortitudinis improprie dictæ: quam dicit esse peritiam quandam præsertim in rebus bellicis: hanc autem non vult esse propriæ fortitudinem, quia videtur esse ab arte, & experientia acquiri non autem electione vt est vera fortitudo. & in hoc videtur reprehendere opinionem Socratis dicentis in libro vt puto qui Protagoras inscribitur, Quod fortitudo in quavis facultate est ars & peritia quadam, & intelligit hoc pacto, vt dicimus fortem medicum, qui sine timore curare audet, & similiter in aliis artibus qui est peritus audet operari secundum illam artem: sed hoc præcipue videtur euenire in bello, vbi peritiores videntur magis confidere, & præse ferunt maiorem speciem fortitudinis, quam rudes. Verum talis fortitudo militaris videtur inferior superiore, quam appellauit ciuilem, & ignobilior. Probatur. Ea fortitudo quæ est similior veræ & propriæ fortitudini, est nobilior & præstantior ea quæ est dissimilior. At ciuilis illa supradicta est similior quam militaris: ergo est præstantior. Hanc rationem declarat philosophus cum dicit. At vero milites tunc formidat, timidique sunt, &c. [H E R M E O.] Hermes est locus in Eubœia ab Hermo dictus, quia fuit Mercurio consecratus. Vbi olim ciuitas fuit Corona appellata: quâ cū obsideret Athenienses duce Phœore, & proditione arcē cepissent, Charon dux Thebanorum missus in obsessorū auxiliū in ea pugna occubuit: ex quo extemplo milites eius qui prius audebant pugnare duce fidentes fugā arripuerunt: ciues vero, & vrbana cōpia turpe existimantes patriā relicta aufugere, perseuerantes in prælio omnes prope interierunt. [A T qui iram etiam.] Aliam affert speciem fortitudinis improprie dictæ, quæ fit per iram. Et primo ostendit quomodo est similis: deinde quomodo differt. Primo quomodo est similis probatur hoc pacto, Fortitudo qua homines imperu quodā aggreddi tur pericula, est similis veræ fortitudini: fortitudo quæ fit per irā est talis: ergo fortitudo quæ fit per irā est similis veræ fortitudini. Hoc etiā probat philosophus testimonio Homeri, qui multis in locis ostendit quod ira subministrare videtur vires fortitudini. [F O R T E S igitur.] Nunc ostendit philosophus quomodo talis fortitudo differt à vera fortitudine. Probatur, Fortitudo proprie dicta, & vera est qua viri fortes operantur propter honestatē, & vt recta ratio iubet. At fortitudo per irā nō est huiusmodi: ergo non est fortitudo proprie dicta. Nam honestas est illa quæ primo videtur animū facere fortibus viris, & etiā vires subministrare & stimulare, & impellere: ira vero nō primo. Itē probatur alia ratione, Si fortitudo quæ fit per irā esset fortitudo vera, tunc ferre, & nōnulla animalia bruta & etiā adulteri essent appellati fortes. Cōsequēs falsum: ergo & antecedens. Ratio patet in textu. Dubitatur quia philosophus dicit, quia ira videtur fortibus subministrare, hoc nō videtur verū. Nā id quod nō obtineat rationi, sed sua naturali motione mouetur nō videtur subministrare fortitudini: at ira est huiusmodi, ergo nō videtur subministrare fortitudini. Pro solutione notandum quod ira considerari potest prout est in excessu, & etiā vt est iuxta diocritates: si accipiamus eā vt est in excessu, tunc non dicimus esse cū fortitudine: si autē sumatur secundū modum, tūc est affectus regulatus à ratione, & potest esse cū forti operatione. Et ideo dicit quod est naturalissima motio ira, & si ipsa accipiat finē congruū & electionē, fiet vera fortitudo vel operatio fortitudinis: & sic in fortē cadit ira quæ est affectus regulatus à recta ratione. Virtutes enim aliqua sunt affectuū moderatrices. Verū dolor & cupiditas non comitatur fortitudinē perse, sed per accidens: dolor enim per se non cōpellit ad pericula, sed excitat iram. & similiter qui propter voluptatem consequendam aggreddiuntur pericula, non per se sed per accidens pericula subeunt, & non cōpelluntur ob verum finem fortitudinis. Ad rationem cum dicitur peritus est actus natura ad obtemperandum rationi, & si de natura sua nō sit rationalis per essentia, vt saepe vidimus. Quare exire potest affectus regulatus ab imperio rectæ rationis, ex quibus patet verā esse sententiā philosophi de tali ira moderata: sed intelligendū quod duplex videtur esse operatio fortitudinis: vna tolerandi, vt apparebit alia aggreddiendi. Ad primam operationem nō est opus ira. Ad secundas vero in aggreddiendis periculis videtur opus esse ira moderata. [N E C etiam ii.] Affert quartā speciem fortitudinis improprie dictæ, quæ est in illis, qui spe quadam cōfident, ex eo quod saepe hostes superarunt, & ostendit quomodo cōueniunt viri fortes & isti, & etiā quomodo differunt. Conueniunt enim & sunt similes fortibus in eo quod ambo cōfident: differunt tamen postea, quia fortes fortia aggreddiuntur, & cōfident ob honestatē consequendā, & turpitudinē fugiendā. Isti vero ob spem victoriæ, quā spem acquisiuerunt ex consuetudine vincendi. Et notandū quod fortis aggredditur pericula cum electione, aut præcedente, aut comitante operationem vt videtur: hoc dicitur, quia interdū eueniunt pericula subita & repentina, in quibus fortis non potest habere tempus præcedens deliberandi & eligendi: sed tamen habitum fortitudinis & electionem, quæ eum præcelsit. Item alia rationem affert philosophus ad ostendendū quod cōfidentes propter spem non sunt vere fortes. Nam vere fortes persistunt in periculis: ergo non sunt vere fortes. [Q V A M O B R E M & vir.] Hoc videtur inferri ex supradictis quod appellat cōtrolloriū,

& est tale q̄ is qui operatur fortiter in subitis periculis est fortior quàm qui in præuisis. & hoc ostēdit quia agens fortiter in repentinis periculis manifeste apparet q̄ operatur per habitum: sed ille qui agit fortiter in præuisis potest sortem operationem producere, non tamen sequitur q̄ operetur per habitum. Notandum quod qui subit pericula repentina per habitum maxime videtur ea aggredi, quia non habet tēpus consultandi & deliberandi, sed quia ex multis actibus fortibus quibus consecutus est habitum consuetudine quadam suscipit ea. Vnde superius etiam dixit. Is igitur homo fortis proprie dicitur qui circa honestam mortem, & ea omnia quæ repente afferant ipsam interitus est. Notandum q̄ hæc species fortitudinis improprie, videretur fortitudo, tan nonnullis esse eadem cū secunda specie supra dicta: sed differunt, quia fidentes propter spem ex eo quod multoties victoria potiti sunt, possunt esse tales, & tamen non habere peritiam & artem. Itaq; illi audent ob peritiā: isti ob spem quam conceperūt ex multis victoriis: diuersi igitur sunt vt patet. [F O R T E S etiam esse videntur.] Affert quintam speciem fortitudinis improprie dicta, & ostendit eam non esse verā fortitudinem, & etiam ostēdit quod est deterior quarta specie præcedenti. Probat igitur q̄ hæc non est vera fortitudo quæ fit per ignorantiam, illa confidentia quæ est similis fortitudini propter spem, & etiam deterior illa non est propria fortitudo, sed hæc quæ fit per ignorantiam est similis fortitudini improprie quæ est propter spem, & etiam deterior illa, ergo non est vera fortitudo. [D E T E R I O R E S vero sunt. Ostendit philosophus quomodo fortes ignorantie sunt deteriores fortibus propter spem. Nam illi habet aliquā dignitatem, & sustinent pericula aliquo tempore: fidentes autem propter ignorantiam, dignitatē nullam habent, & statim cognito periculo fugiunt: & hoc probat exemplo Argiuorum, qui putabāt se pugnatos cum Sicyoniis, & propterea cōsistebant in oratione decepti: cū vero cognouerunt hostes esse Lacedæmonios, ex templo fugā arripuerāt. Ex his patet quæ est vera, & proprie dicta fortitudo, & quæ non propria. Notandum quod sufficiētia quinque specierum supra dictarum potest ostendi hoc pacto. scilicet cur sint tot, & non plures nec pauciores. Nam fortitudo proprie dicta consistit in tribus. scilicet in cognitione, electione & fine, quæ est honestas accommodata fortitudini. Quod si aliqua sit fortitudo non proprie dicta, deficit ab aliquo horum trium: si deficit in cognitione, siue scientia, oritur fortitudo per ignorantiam. scilicet quinta species. si vero deficit electio, tunc fit aliqua perturbatio aggressio periculorum, scilicet aut ira aut spe: & sic oriuntur illæ duæ. scilicet tertia & quarta. Sin vero sit error in fine: hoc bifarium aut ob aliquam artem, & peritiā, & tunc est secunda, id est, militaris, aut non propter commune bonum, & honestatem, sed ob proprium bonum, scilicet propter honorem, & tunc oritur prima species, id est civilis.

## De proprietatibus fortitudinis.

## Cap. I.X.



Vanquam autem circa fiducias, metusq; fortitudo versatur: tamē non simili modō circa vtrunq;: sed magis circa res formidolosas versatur. Qui nanque in hisce non turbatur, atque se habet circa has vt oportet: magis est fortis quam is qui circa ea in quibus confidit, se habet vt oportet. Fortes igitur ex eo dicuntur: quia res (vt dictum est) inferentes dolores tolerant. Idcirco fortitudo dolores affert: & non iniuria laudatur. Difficilius enim est dolores ferre: quā à voluptatibus abstinere. Enimvero fortitudinis finis iucundus esse videtur. Verum ab euenientibus doloribus obfuscatur: vt & in certaminibus fieri solet. Nā pugilibus finis quidē ipse iucundus est gratia cuius certāt, coronę in quā atq; honoris. Sed cædi molestū est: cum sint e carne, doloresq; affert, & omnis omnino labor. Atque quia hæc sunt multa, ideo id gratia cuius certant, cū sit res parua, nihil iucundi videtur habere. Quod si tale & circa fortitudinē est, mors quidē atque vulnera forti viro molesta erunt, atque inuito. Feret tamen, quod honestū est ea ferre, vel turpe nō ferre. Atq; quo magis omni virtute pollet & felicior est: eo magis ob mortē sane dolebit. Vir enim talis maxime dignus est vita, maximisque bonis priuatur id ipsum sciens, quod quidē dolorē affert. Verum nihilo minus est fortis. Et eo magis fortasse quod honestatem quæ est in bello his antepōnit. Nec fit vt omnibus in virtutibus cum voluptate opere-

i. qui vere  
sunt fortes,  
sæpe non  
sunt præstan-  
tissimi pug-  
natiui. Sed  
qui nimis  
pollēt ve-  
ra fortitu-  
dine, &  
nullum ali-  
ud bonū  
habēt quā  
corporis  
robur. hi,

mur: nisi quoad attingitur finis. \* Nihil autem fortasse vetat, non eos qui-  
tales sunt præstantissimos milites esse: sed eos qui minus quidē sunt for-  
tes. nullum autem aliud bonum habent. Hi nanque parati sunt sese peri-  
culis obiectare: vitamque pro paruo emolumento perdunt. De fortitudi-  
ne igitur hæcenus dixisse sufficiat. Quid autem est, ex iis quæ diximus  
non est difficile comprehendere, ac assignare figura.

*Commen.*

**Q**UANTUM autem circa fiducias. Hoc est quartum & vltimum capitulum huius tra-  
ctatus: in quo philosophus affert quasdam proprietates, quæ videntur cōpetere fortitu-  
dini propriè dictæ & forti. Diuiditur in quatuor partes. In prima ostēdit quomodo for-  
tis se habet circa metus & fiducias & terribilia. In secunda quomodo circa dolo-  
res. In tertia quomodo circa voluptatem. In quarta affert quoddā obortū vel correlarium vt isti  
dicunt. In prima igitur parte dicit philosophus quod cū fortitudo versetur circa ea quæ sunt  
terribilia, & circa ea, in quibus cōfidere oportet, tamen magis est proprium fortitudinis substi-  
nere formidolosa & terribilia, quàm circa ea cōfidere in quibus est cōfidentū. [QV O fit vt ex 109  
eo.] Hæc est secunda pars in qua affert aliam proprietatem. s. q̄ fortitudo versatur circa dolores,  
& ex actionibus fortibus proueniunt etiam in agendo aliqui dolores. Circa ea versatur fortitu-  
do quibus viri fortes laudantur: sed viri fortes laudantur, quia fortiter sustinent, & perferunt do-  
lores: ergo fortitudo versatur circa dolores. Videtur etiam hoc ostendere comparatione tempe-  
rantia, in qua requirenda & exercenda, cum temperate operamur non sine dolore videmus ab-  
stinere à voluptatibus. At difficilius est perferre dolores quàm à voluptatibus abstinere vt ait  
philosophus in textu. Notandum q̄ nulla virtus acquiritur sine molestia & difficultate: tamen  
voluptatem habet propter finem, quia voluptas sequitur operationem studiosam. [ENIM vt ex 101  
fortitudinis.] Hæc est tertia pars capituli in qua affert aliam proprietatē ostendendo quo modo  
fortitudo se habet circa voluptatem, & habet voluptatem. Finis studiosi viri habet voluptatem,  
& est iocundus studioso viro. At fortis est studiosus & agit propter finem operationem fortem:  
ergo finis est eis iocundus. & sic fortitudo versatur circa voluptatem, & habet voluptatem ob-  
stinate tamen probat q̄ & si sit talis voluptas in fine, obfuscatur à doloribus qui perferuntur.  
à fortibus vt talem finem consequantur. Nam sicut fit in certaminibus & ludis: ita in fortitudi-  
ne fieri videtur. At in illis est aliqua voluptas propter præmia, & coronas, quæ victoribus præ-  
ponuntur: eodem pacto in fortibus factis est voluptas propter finem, quæ tamen obfucari vide-  
tur à doloribus quos perferit vir fortis. Ostendit præterea q̄ fortis quo magis pollet fortitudine  
atque virtute, eo magis dolet. Et hanc sententiam videtur afferre contra stoicos qui dicebāt ne-  
minem studiosum dolore, sed positos esse, & constitutos in indolentia: & hoc præcipuè dicebant  
de viro forti. Philosophus autem probat hoc pacto, Qui magis est dignus vita, magis dolet de  
priuatione vitæ, & de sua morte. At vir fortis quo est fortior & virtutibus abundans, magis est  
dignus vita & maxime dignus: ergo vir fortis dolet propter mortem. Sed quia videretur fortasse  
quoddā dolore esset alienum à fortitudine, ideo addit vltèrius philosophus quoddā fortis non mi-  
nus ob hoc quia dolet est fortis: quia anteponit iis honestatem in bellicis periculis, & anteponit  
cæteris bonis quæ sunt in vita. & sic apparet quod nō operamur cum voluptate in omnibus vir-  
tutibus nisi respectu finis, qui semper est dulcis, & iocundus in omni Virtute. [Nihil autem 102  
fortasse.] Hæc est quarta pars capituli, in qua videtur inferre obortum ex supradictis. Nam cum  
dixerit fortem virum dolore ob mortem, subire tamen propter honestatem, videtur quod fortis  
magni faciat vitam suam, & ex hoc non possunt esse optimi milites. Ideo dicit philosophus, ni-  
hil obstat si ii non sint utiles milites, sicut sunt mercenarii qui vitam exponunt pro uili merce-  
de, & emolumento. Hoc est enim non proprium fortitudinis leui de causa, & pro uili præmio  
vitam abicere: sed est fortitudinis proprium, & fortis vitam suam magnificare, & non quacun-  
que de causa eam exponere morti: sed pro communi bono, & propter honestatem ipsam, ex quo  
etiam videtur excludere proprietates dictas à tali audacia militum, quia si essent uere fortes ha-  
berent etiam prudentiam, qua inuiderent non oportere cum uili emolumento vitam commu-  
tare, sed pro honestate & communi bono ut diximus. Ex his quæ dicta sunt potest colligi quid  
sit fortitudo. s. quoddā fortitudo est mediocritas recta ratione determinata circa ea in quibus con-  
fidimus, & circa terribilia in maximis periculis propter honestatem, & commune bonum.

*De temperantia. Cap. X.*



Ost hanc autē de Téperantia dicamus. Hæc nanq; virtutes par-  
tium earū esse videntur, quæ sunt rationis expertes. Atq; tempe-  
rantiam circavoluptates mediocritatē esse, iam antea diximus.



<sup>104</sup> minus enim, & non similiter circa dolores versatur. In eisdem autem & intemperantia esse videtur. Sed nunc circa quas est voluptates determinemus oportet. Diuidantur igitur animæ atque corporis voluptates, vt honoris cupiditas, & auditas disciplina. Nam tam ambitiosus quàm auidus disciplina, eo gaudet cuius est audius. Et corpus nihil, sed mēs potius patitur. Atque ii qui voluptatibus huiuscemodi alliciuntur: nec temperantes, nec intemperantes dicuntur. Pari modo neque qui circa cæteras voluptates quæ non attribuuntur corpori occupantur. Eos enim qui fabulis, & narrationibus delectantur, & circa talia dies consumunt, \* ver- ἀδολέ-  
γεως. boso-  
<sup>105</sup> quidem atque deliros: intemperantes autem non cōsueuimus ap-  
<sup>106</sup> pellare: nec eos etiam, qui pecuniarum vel amicorum causa dolent. Tē-  
 perantia igitur non circa animæ, sed circa corporis voluptates versatur.  
 Non tamen & circa has ipsas omnes. Qui nanque rebus iis gaudent quæ  
 visu percipiuntur, vt coloribus, figuris, pictura, nec temperantes nec in-  
 temperantes dicuntur. Erſi videntur & his homines & vt oportet, & ma-  
 gis quàm oportet, & minus etiam gaudere. Simili modo neque qui re-  
 bus iis gaudent quæ auditu percipiuntur. Nemo enim aut eos qui cātu,  
 vel histrionis gaudent voce plus quàm oportet, intemperantes: aut eos  
 qui vt oportet eisdem gaudent, temperantes appellat. Nec etiam ii qui  
 circa odores gaudent: nisi per accidens. Non enim eos qui malorum aut  
 rosarum aut vaporum: sed eos potius qui vnguentorum aut epularū odo-  
 ribus delectantur, intemperantes dicimus esse. His enim intemperantes  
 ex eo gaudent, quia per hos ipsis rerum earū quas cupiūt recordatio fit.  
 Videre etiā licet & ceteros, cūm esuriunt, epularum gaudentes odore, at  
 his delectari intēperantis est: quippe cūm eius hæc obiciantur cupidita-  
 ti. Atqui neq; cætera animalia voluptatē: nisi per accidens, per hosce ca-  
 piunt sensus. Neque enim odore leporū, sed esu gaudent canes: odor au-  
 tem sensum ferit. Neq; voce bouis leo, sed esu: per vocem autē sensit illū  
 esse propinquum: atque hoc ipso gaudere videtur. Pari modo neque si  
 vidit aut inuenit ceruum, aut feram capram, hoc ipso gaudet, sed quia ci-  
<sup>107</sup> bum habebit. Circa voluptates igitur tales, temperantia, intemperantia-  
<sup>108</sup> quæ versatur, quæ quidem & cæteris animalibus sunt communes. Quo-  
 circa seruiles & ferales esse videtur. Hæ autē sunt quæ tactu, gustuq; susci-  
 piuntur. At enim & gustu intemperantes parum, vel minime vti viden-  
 tur. Gustus enim officium, saporū indicium est. Quod quidem ii faciūt  
 qui vina probant, & epulas condiunt. Non nimium autē hisce gaudent  
 intēperantes, sed voluptate, quæ fit omnis per tactū: & in esculētis ac po-  
 culētis, & in iisce quæ venerea nuncupatur. Quapropter & quidē volu-  
 pratibus deditus epularum (Philoxenus quidā Eryxius) precatus est: vt  
 lōgius sibi guttur quam gruis fieret: propterea quod tactu delectabatur.  
<sup>109</sup> Sensuum igitur maximē cōmunis est is, circa quem intemperantia ver-  
 satur. Atque propterea iure vituperanda esse videtur, quod hominibus

non ratione qua homines sunt: sed qua animalia, accidit. Talibus igitur gaudere, maximeq; talia amare: ferale est. Et enim liberalissime voluptates quæ per tactum proueniunt: exceptæ sunt. Vt eæ quæ in ludis ac certaminibus per fricationem, caloremque fiunt. Nō enim intemperantis tactus circa vniuersum est corpus: sed circa quasdam corporis partes.

## Commen.

**P**OST hanc autem virtutem de temperantia. Hic est tertius tractatus huius libri: in quo philosophus docet de temperantia statim post doctrinā de fortitudine, seruando ordinem nature: quia istæ virtutes versantur circa affectus appetitus sensitiui: quæ potentia nobis est communis cum aliis animalibus, ideo à magis vniuersalibus incipiendum putauit siue à magis notis nobis, vt nonnulli volunt. Diuiditur autem in tria capitula. In primo seruandū eundem ordinem quem seruauit in tractatu de fortitudine diligenter, & ostendit materiam circa quam versatur temperantia, & extrema ei opposita. In secundo docet operationes quæ prodeunt à temperantia, & à vitiis ei oppositis. In tertio comparat intemperantiam cum timiditate. Primum capitulum diuiditur in tres partes. In prima assignat rationem suā intentionis, dicendo quod doctrina temperantiæ successiue afferenda in ordine est post doctrinā fortitudinis: nam illa virtus declarari debet exemplo post fortitudinem, quæ collocatur in eadē parte animæ cum fortitudine: at temperantia est huiusmodi, ergo declarari, & doceri debet post fortitudinem: ita vt nulla alia intercedat. Patet ratio, quia vtrique virtus est in parte vel potentia sensitiui appetitus, quæ potentia est irrationalis de natura sua: & est duplex, irascibilis & concupiscibilis. Harum igitur virtutum fortitudo est in irascibili: temperantia in concupiscibili. Et sicut istæ potentie se habent ita & virtutes quæ in illis sunt ordinari debent. [A T Q V E temperantiam.] Hæc est secunda pars huius capituli: in qua affert materiam circa quam versatur temperantia, & assignat eam in genere, & videtur tria ex ordine afferre ad declarandam temperantiam, & eius materiam. Primum est quod temperantia est mediocritas circa voluptates. Secundum quod versatur minus circa dolores quam circa voluptates. Est enim dolor talis ex absentia voluptatum & per accidens, magis igitur erit circa voluptates. Tertium est quod circa eandem materiam versatur temperantia & intemperantia. Nam contrariorum eadem materia idemque obiectum esse videtur circa quod versatur, licet diuerso modo. [S E D nunc circa quas.] Hæc est tertia pars huius capituli in qua vt ostendat in specie, & particulariter circa quam materiam versatur temperantia, & intemperantia, primo distinguit voluptates, & ostendit circa quas non est temperantia: deinde circa quas est eadem temperantia, scilicet & intemperantia: Primo igitur distinguendo voluptates dicit quod voluptatum quædam animi sunt, quædam corporis: corporis autem sunt ea quæ fieri videntur cum aliqua mutatione corporis, & motione: animi vero sine mutatione corporis. Hæc diuisione præmissa dicit quod circa voluptates animi non versatur temperantia aut intemperantia: probatur circa eas voluptates secundum quas nemo temperans, aut intemperans dicitur, nō versatur temperantia aut intemperantia: at voluptates animi sunt huiusmodi: ergo circa tales voluptates non versatur temperantia, aut intemperantia. Maior est clara: minor probatur à philosopho. Nam audius honoris aut disciplinæ si his gaudet non dicitur temperans, aut intemperans, & tales voluptates sunt sine vlla motione, aut affectione corporis, pari modo & ii qui fabellis gaudent, quod genus voluptatum oritur ex verbis, non dicuntur temperati aut intemperati. Et intelligendum quod cum dicit fabulis, intelligendum est de rebus quæ significantur per huiusmodi fabellas: nam si fumeremus illas vt voces delectantes auditum, tunc illæ essent voluptates corporis. Nam voluptates quæ sunt per auditum, corporis sunt, & non animi, vt inferius dicit. Affert deinde philosophus tertium genus voluptatum vel dolorum quæ oriuntur ex rebus externis, sive pecuniis vel amicis, & secundū hæc nemo appellatur temperans, aut intemperans, & sic patet quod cum voluptates sint animi & sint corporis, quod circa voluptates animi non versatur temperantia aut intemperantia. [T E M P E R A N T I A igitur.] Cum relinquuntur voluptates corporis primo dicit philosophus quod circa eas versatur temperantia, deinde declarat quod non circa omnes tales corporeas: demum ostendit circa quas corporeas propriè versatur [N O N tamen.] Probat quod non circa omnes voluptates corporis versatur temperantia, & intemperantia, hoc pacto. Voluptates quæ percipiuntur sensibus externis sunt voluptates corporeæ: sed temperantia, & intemperantia non versatur circa omnes voluptates quæ percipiuntur sensibus externis: ergo temperantia, & intemperantia non versatur circa omnes voluptates corporeas. Maior patet. Nam licet sit vis animæ quæ percipiat istas voluptates, sensuū tamen ista vis ita est immersa corpori, & implicata complexionī eiusdem, ut merito dicatur corporeæ, quia sunt cum aliqua motione, & affectione corporis: minorem declarat philosophus discurrēdo per tres sensus, visum, auditum & odoratum. Et probat quod circa voluptates quæ oriuntur ex istis sensibus non dicuntur homines temperantes, aut intemperantes, & dicit quod qui gaudet odoribus

per se non dicitur intemperans: per accidens autem non dicuntur odores delectare intemperantes, ut vnguentorum aut epularum odores, cum reducunt in memoriam voluptates, quæ sunt propria obiecta temperantia, scilicet voluptas gustus & tactus. Nam ii qui esuriunt gaudent odore epularum, scilicet per accidens, & hoc est signum quod odor percipitur, & est delectabilis bifariam, per se & per accidens, ut etiam dicit philosophus in libro de sensu. Vnde de florum odor videtur percipi per se, & delectare sensum odoratus per se, & non progreditur ulterius talis perceptio: odor vero epularum, & huiusmodi rerum per accidens, quia talis odor est delectabilis ratione epularum quæ referuntur ad alium sensum: & ostendit non in hominibus solum, sed etiam in belluis fieri & euenire, ut voluptates quæ percipiuntur à visu, auditu, & odoratu, percipiuntur per accidens. Nam canis non gaudet odore leporis per se: sed propter esum. Similiter leo gaudet voce bouis non per se, sed per accidens, quia ex tali voce percipit adesse nutrimentum. Idem fit in visu: nam leo gaudet aspectu cerui aut capellæ agreitis non per se, sed per accidens, quia videtur sibi adesse escam ex qua nutrirî potest. & sic patet sententia philosophi. [CIRCA voluptates igitur tales.] Primo probauit philosophus quod temperantia, & intemperantia non est circa voluptates animi, deinde quod versatur circa voluptates corporis: postea quod non circa omnes voluptates corporis, ut non circa voluptates visus auditus & olfactus: nunc successiue ostendit circa quas voluptates corporis ipsa versetur, & tria ex ordine assert. Primum quod ipsa versatur circa voluptates corporis, quæ percipiuntur gustu & tactu. Secundum quod magis circa voluptates tactus quam gustus. Tertio infert obortum quoddam, & soluit dubitationem quæ fieri possit. Probat igitur in primis hoc pacto, Temperantia & intemperantia versatur circa voluptates corporis, at non circa voluptates quæ percipiuntur visu, vel auditu, vel olfactu, ut probatum est: ergo relinquitur ut versetur circa eas quæ percipiuntur gustu, & tactu. Vel etiam hoc modo dici potest, Temperantia & intemperantia versatur circa voluptates nobis communes cum belluis: at voluptates secundum gustum, & tactum sunt tales: ergo circa eas versatur temperantia. Patet ratio quia temperantia debet versari circa communissimam voluptatem: ea est autem gustus & tactus. Per alios enim sensus non videntur animalia bruta voluptatem capere nisi per accidens ut antea diximus. Sed per gustum, & tactum, & præcipue per tactum omnia animalia capiunt voluptatem: ergo illa est communissima. Notandum quod inter quinque sensus hominis externos, tactus est omnium communissimus. Nullum enim est animal quod tactu careat, & gustus etiam seu confuso seu distincto. Multa vero animalia aliis sensibus carent: visus autem est omnium sensuum externorum perfectissimus, & in quocunque animali est visus, in eo etiam sunt reliqui sensus. Operatur autem momento temporis, & valde spiritaliter, & per eum sensum multæ innotescunt nobis differentiæ rerum, & non est communis cunctis animalibus, sed tactus est communis omnibus: constare enim sine tactu non potest ullum animal: at in homine is sensus est perfectior quam in cæteris animalibus, & etiam gustus ratione tactus. Nam ut inquit philosophus perfectiorem habemus gustum quam odoratum. Atque hoc ex eo, quia gustus tactus est quidam, quem quidem sensum homo perspicacissimum habet: in cæteris nanque sensibus vehemèter ab aliis animalibus superatur, at tactu longe cæteris omnibus excellentius percipit. quapropter & prudentissimum est omnium animalium. Indicium autem est quod in genere hominum penes hoc instrumentum sensus ingeniosi sunt hebetes ve, & non penes aliud quicquam. Qui nanque sunt duri carne, ii sunt inepti mente: qui vero sunt molles carne: ii sunt ingeniosi menteque apti. Et notandum quod quamuis visus sit longè perfectior sensus simpliciter quam tactus: tamen bonitas visus in homine non arguit bonitatem ingenii, cum sit vnus instrumenti solus: tactus vero complexio sit diffusa per totum corpus. & quauis directè in plurium cognitionem ducat intellectus per visum, & auditum, etià quam per tactum: tamen non sequitur quod per bonitatem visus debeamus arguere bonitatem intellectus. Sed hæc latius in libro de anima. sufficiat autè nobis quod tactus, & etiam gustus sumendo eum vel distinctum vel confusum sunt communissimi sensus, & voluptates horum communissimæ, & circa quas versatur temperantia. [A T enim & gustu perparum.] Secundario ostendit philosophus quod temperantia, & intemperantia magis versatur circa voluptates tactus, quam gustus, hoc pacto. Circa illas voluptates, quibus magis gaudet intemperans temperantia, & intemperantia versatur: at voluptatibus tactus magis gaudet intemperans quam gustus: ergo temperantia, & intemperantia magis versatur circa voluptates tactus quam gustus. Maior patet. Minor declaratur à philosopho, primo ratione, secundo exemplo. Nā is qui non multum delectatur iudicio saporum, sed magis cōmestione ciborum, & eorum contactu, gaudet magis voluptatibus tactus quam gustus: sed intemperans est huiusmodi, ergo magis & potius gaudet voluptatibus tactus quam gustus. Idem probat exemplo cuiusdā gulosi, ut ita loquar, qui appellatus est Philoxenus Euricius. Is autem precabatur sibi guttur ciconiæ dari: quo indicatur quod tales homines intemperantes gaudent voluptate tactus, & magis quam iudicio saporū: & ideo volebat ille tactum fieri per longum spatium: sic igitur intemperans gaudet voluptate tactus, & magis quam gustus. Notandum quod duplex est gustus, scilicet perfectus & imperfectus. verū imperfectus discernit tantū conueniens & inconueniens nutrimentū, ut per ipsum animalia sumant

ΟΙΛΙΓΕΝΟΣ  
ΕΡΕΒΙΣ.

cibos qui sibi conueniunt: fugiant autem oppositos, & non conuenientes. & iste gustus est quidam tactus, & quasi confusus cum tactu vt ostendit philosophus in libro de anima. Gustus autē perfectus est ille qui non solum conueniens & inconueniens in cibis discernit, sed etiam differentias saporum, & iste præcipue est in homine. Nullum enim aliud animal magis gaudet differentiis saporum quam homo, qui per talem sensum distinctum eas discernit. Verum qui vtuntur iudicio huius sensus non statim sunt intemperantes, propterea dicit quod intemperantes maxime gaudent voluptatibus tactus, quæ sunt cibo vel potu vel ipsis veneris. [SEN SVM igitur] Ter<sup>109</sup> tio inferre videtur philosophus quoddam obortum ex supradictis, scilicet quod intemperantia est vehementer carpenda: quia per ipsam affectamus & quærimus ea quæ sunt affectanda à beluis, & non ab hominibus: fit enim per sensum communissimum nobis cum omnibus brutis, & est vehementer feruilis, & videtur competere homini vt est homo, non per rationem & intellectum, sed vt est animal quoddam. [ET enim liberalissime.] Videtur excipere quasdam voluptates quæ sunt per tactum vt solueret obiectionem quæ fieri potuisset. Potuisset enim quis dicere, tu asseris vituperari homines qui sunt intemperantes circa voluptates tactus, at sunt quædam voluptates tactus quæ non sunt reprehendendæ, vt sunt illæ quæ oriuntur per fricationem corporis gratia sanitatis, nam tali fricatione fit expulsio superfluitatis, & emissio sudoris à corpore cum voluptate: & talis tactus, nec voluptas proveniens ab tali tactu est vituperanda. Ideo excipit eas philosophus, & remouet ab intemperante. Dubitaret quispiam quod philosophus videtur remouere à voluptatibus quæ sunt secundum visum, auditum & odoratum, ipsam temperantiam: verum istæ sunt voluptates, & deberent esse materia aliquarum virtutum, & circa eas deberet versari mediocritas, & excessus item atque defectus: quæ mediocritas deberet reduci ad aliquam illarum virtutum quatuor, quæ sunt capita reliquarum: non erit autem talis mediocritas appellanda prudentia, non iustitia neque fortitudo: relinquitur ergo vt sit temperantia, & ad eam reducat, cuius appositum videtur sensisse philosophus. Dicendum ad hoc quod duobus modis accipi temperantia potest. Vno modo communiter dicta: quæ erit mediocritas circa voluptates sensu percipiendas: alio modo propriè dicta, quæ est mediocritas circa voluptates gustus & tactus in partibus corporis determinatis. Hac stante diuisione dicere possumus quod temperantia primo modo accepta, id est communiter versatur circa voluptates visus, auditus & odoratus: at propriè dicta solum circa voluptates gustus & tactus, & de hac propriè dicta loquitur philosophus. Notandū q. miro ordine philosophus inuestigauit materiā propriā temperantiæ per plures conclusiones, incipiendo à quodam vniuersali, & descendēdo in quoddā particulare proprium. Primo enim ostendendit hanc conclusionem quod temperantia & intemperantia versatur circa voluptate, & quoquo modo circa dolores. Secundo quod non versatur circa voluptates animi. Tercio quod versatur circa voluptates corporis. Quarto quod non circa omnes voluptates corporis. Quinto quod circa eas voluptates corporis quæ ex gustu vel tactu proveniunt. Sexto quod magis circa tactum, & non propriè circa gustum vt gustus est, sed potius vt est quidam tactus. Itaque propriè circa tactum. Septimo quod non circa omnem tactum: sed circa voluptates quæ proveniunt ex quodam tactu in partibus corporis determinatis, & non in toto corpore. Istæ autem voluptates circa quas propriæ sunt quæ sunt circa potum, & cibum res veneras. Ex quo notandum quod temperantia potest diuidi in plures species tanquam genus, sed præcipue tres species sumantur secundum ista tria propria obiecta, scilicet potum cibum & venerem. Temperantia cibi dicitur abstinentia: potus vero sobrietas: veneris autem castitas: in oculis vero nuncupari pudicitia potest.

*Quod diuersa sint cupiditatum species.*

*Cap. XI.*



Vpeditatum autem aliæ communes esse videntur: aliæ propriæ<sup>111</sup> atque adiunctæ. Alimenti nanque cupiditas naturalis est. Omnes enim cū indigent nutrimento, siccū aut humidū alimentū, & nonnunquam vtrumque cupiunt. Cubile etiā cupit (vt inquit Homerus) iuuenis atque vicens. Non autem omnes tale vel tale, vel eadem cupiunt. Quocirca nostrū id ipsum esse videtur. Habet tamē & aliquid naturale. Alios enim alia delectat: & quædā quibusdam magis (quàm alia quæcunq;) sunt voluptati. Hæc cū ita sint: in naturalibus quidē cupidita<sup>112</sup> tibus pauci peccāt, & ad vnū, ad ipsum inquā plus. Cum enim quispiam quæuis comedit aut bibit, donec impleatur superfluo: fit tū rei naturalis

exuperatio multitudine. Ipsa nanque naturalis cupiditas, indigentia est repletio. quapropter hi \* furentes circa ventrē dicuntur: quia vltra quā oportet ipsum implent atque refarciunt. Tales autem ii fiunt qui man-  
 228561-  
 1227291.  
 cipiis sunt per similes. At circa proprias cupiditates, complures hominū, multisque modis delinquant. Nam cum talium amatores ex eo dicantur: quia vel gaudent quibus non oportet, vel magis quā vt ipsi multi, vel non vt oportet, in vniuersis intemperantes excedunt. Gaudēt enim quibusdam quibus non oportet gaudere: quippe cum sint odio digna. Et si talium quibusdam oporteat gaudere: magis illis gaudent quā oportet, & quā vt ipsa gaudet multitudo. Eam igitur exuperationē quē est circa voluptates, intemperantiam esse & vituperabilem, constat. Circa vero dolores: non vt in fortitudine, sic in ipsa temperantia fit. Vt tem-  
 113 perans quidem dicatur quispiam ferendo dolores: intemperans autem non ferendo. Sed intemperans quidem ex eo dicitur, quia dolet magis quā oportet: cum voluptate non potitur atque ipsum dolorem affert ei ipsa voluptas. Temperas autem ex eo quia absentia rerum earum quæ efficiunt voluptatem non dolet, illisque abstinet. Intemperatus igitur ea omnia quæ afferunt voluptatem, vel ea quæ maxime concupiscit: & à cupiditate adeo ducitur, vt illa cæteris omnibus anteponat. Quapropter & non adipiscens & cupiens dolet. Cupiditas enim est cum dolore. Absurdo autem est per simile ob voluptatem dolere. Atqui deficientes in voluptatibus & minus gaudentes homines quā oportet: non nimium fiunt. Non est enim insensibilitas talis humana. Etenim animalia cætera cibos discernunt: & quibusdam quidem gaudent, à quibusdam vero abhorrēt. Quod si quis sit cui nullus prorsus est voluptati, nec vllus ab alio differt: is longe ab homine distat. Nomen autem nō habuit talis: quia non facile fit. Vir autem temperans in his mediocriter sese habet.  
 115 Nec enim iis gaudet, quibus intemperans maxime delectatur: sed potius moleste fert, nec iis omnino quibus delectari non decet, nec vehementer vllis rebus huiusmodi delectatur, neque si absint dolet, neque cupit, nisi mediocriter semper. Nec magis quam oportet, nec quando non oportet: vlla res omnino talis ipsum delectat. Mediocriter autem & vt oportet, eas res appetit, quæ voluptate quidem afficiunt: ad sanitatem autem bonam corporis habitudinem conferunt. Et res cæteras voluptatis effectrices identidem: si nec impedimento sint dictis habitibus corporis nec honestatis cancellos, nec facultatum metas egrediantur. Nam qui ita sese habent magis quā dignum est: eiusmodi voluptates amare videntur. at temperans non est talis: sed ita sese habet, vt ipsa ratio recta præscribit.

**C**VPIDITATIVM autem alia communes. Hoc est secundum capitulum in quo declarata antea materia temperantiae, & intemperantiae: nunc docet actus & operationes earundem. Dividitur autem in quatuor partes. In prima ostendit quomodo se habet intemperans in actibus circa cupiditates & voluptates. In secunda quomodo circa dolores. In tertia declarat insensibilitatem, quae est alterum extremorum temperantiae. In quarta ostendit quomodo temperans se mediocriter habet in actibus circa voluptates & dolores. In prima igitur dividendo cupiditates dicit quod aliae sunt naturales & communes, aliae propriae: communes dicuntur quae sunt eadem apud omnes, ut fames, & sitis. Fames est appetitus siccis & calidis: sitis vero frigidi, & humidi, ut etiam dicit philosophus in libro de anima, hae sunt naturales cupiditates, & communes, & necessariae ad vitam. De veneris vero non videtur esse eadem ratio nec hoc pacto concedendum, quia non sunt propter conservationem individui necessariae: sed videntur esse propter generationem alterius. At cupiditates proprie videntur esse & fieri nostra sponte, & esse aliae atque aliae secundum varias conditiones hominum, & etiam corporis complexionem. [HAE CUM ita sint.] Hac distinctione cupiditatum allata ostendit philosophus quomodo in his delinquitur, & quomodo in earum actibus se habet intemperans, & in cupiditatibus naturalibus, & communibus dicit philosophus quod pauci delinquant, & vno tantum modo, id est in quantitate, videlicet si talis appetens plus sumat de cibo vel potu, quam decens & opus sit: ut iis euenire videtur, qui & serui, & seruilis animi sunt dediti ventri ac supra modum implentes illi. At vero circa cupiditates proprias multifariam delinquitur, circa etiam qualitatem illarum secundum varias hominum cupiditates, & omnes circumstantias, scilicet cupiendo quae non oportet, & magis quam oportet, & non eo modo ut oportet, & sic de aliis circumstantiis, quae cum sponte omittuntur, exemplo delinquitur. Sic igitur multifariam peccatur circa proprias cupiditates ut patet in textu. [CIRCA vero dolores.] Hae est secunda pars huius capituli in qua ostendit quomodo se habet temperans & intemperans in actibus circa dolores: & dicit quod non fit sicut in fortitudine, ubi fit dolor propter praesentiam eorum quae afferunt dolorem, & tamen fortis non dolet in illis plusquam oportet: intemperans vero dolet propter absentiam eorum quae faciunt voluptatem: temperans vero eorum absentia non dolet nec abstinendo ab illis, & sic patet quomodo temperans se habet in actibus circa dolores, & quomodo intemperans dolet. Versatur igitur temperantia in actibus circa dolores, sed magis circa voluptates: fortitudo autem ut dictum est, magis circa dolores. Notandum quod vario modo se habent in actibus circa dolores fortitudo & temperantia: intemperantia & timiditas. Fortis enim aut non dolet aut non plusquam oportet dolet, cum adsunt ea quae dolorem afferunt: temperans vero non dolet cum absint ea quae afferunt voluptatem. Timidus vero dolet praesentia eorum quae afferunt dolorem: intemperans contra dolet absentia eorum ex quibus habet voluptates. Notandum igitur quod hominibus intemperatis voluptas est causa doloris per accidens, id est absentia sua sicut dicimus quod absentia nauis est causa submerisionis navis: cuius praesentia esset causa contrarii effectus, id est conservationis. [AT qui deficientes.] Hae est tertia pars huius capituli in qua philosophus declarat vitium oppositum temperantiae, id est defectum, qui & si nomine proprio caret, tamen ut declaratur quo ad fieri potest appellatur a philosopho insensibilitas, quae in admodum paucis reperitur, quia non videtur esse humana cum homo habeat principium sentiendi commune cum aliis animalibus, & cum alia animalia discernant cibos convenientes & inconvenientes, & hos appetant, & ab illis abhorreant: multo magis homo hoc facere videtur, qui habet elegantiorum gustum, & statim gaudet aut dolet, & propterea hoc vitium est innominatum, & tales homines non facile reperiuntur: pauci autem hoc pacto insensibiles erunt, qui ut inquit Cicero aspernentur oculis pulchritudinem rerum, non odore vilo, non tactu, non sapore capiantur, excludat auribus omnem suauitatem & caetera. Insensibilitas tamen capi debet proprie hic apud philosophum defectus circa voluptates gustus & tactus. Nam medium & extrema versatur circa eandem materiam. Notandum quod homo bifariam considerari potest, aut secundum intellectum speculativum, & nobilissimas operationes quae competunt ei penes magis quam humanae, ut ostendit in decimo: & talis est homo speculativus, qui in vita contemplativa versatur, & ab omni actione remota vitam degit: aut considerari potest ut civilis, qui operatur in communi more viuendi. De hoc secundo loquitur philosophus cum dicit insensibilitatem longe esse ab homine, & vix reperiri, & si reperitur est in vitio tali. Intelligendum vero quod, & si homo speculativus qui acquisitis virtutibus se ad speculandum contulerit, ob hoc contemnat omnino has corporeas voluptates, non facere videtur hoc per insensibilitatem, quae est vitium, & defectus temperantiae, sed potius quia habet ita appetitum sopitum, & sedatas omnes cupiditates, ut non defectari videatur, nisi intellectuius & speculativus operationibus. [VIR autem temperans.] Hae autem est quarta pars huius capituli, in qua ostendit quomodo temperans se habet in actibus circa voluptates & cupiditates & dolores, & declarat quod mediocritatem servat: fugit autem extrema ut patet in textu.





116 **N**OSTRA autem sponte magis intemperantia quàm timiditas comparatur. Hæc enim ob voluptatem: timiditas fit ob dolorem, quorum alterum expetimus, alterum fugimus. & dolor quidem distrahit, atque corrumpit naturam eius qui habet ipsum: voluptas autem nil tale facit, \* magis igitur intemperantia nostra sponte: quàm timiditas comparatur. Quapropter & reprehensione magis est digna. Nam ad res afficientes voluptate facilius est assuescere. Sūt enim complures tales in vita: & assuefactio fit sine periculo. In rebus autem formidolosis, contra. Videbitur etiam timiditas non perinde atque singula sponte agēdi principio subiici. Hæc enim nō affert dolorem: sed illa adeo dolore distrahunt, vt & arma proicere, & cætera contra decus agere compellant. Quapropter & violentia esse videntur. At intemperantia fit contra. Singula nanque sponte agendi principio magis subiiciuntur: quippe cum intemperans ea percipiat atque affectet. Totum 119 autem minus. Nemo enim cupit intemperans esse. Nomen autem intemperantiæ, & ad puerilia delicta ferre solemus. Habent enim similitudinem quandam. Vtrum autem ab utro dicatur, nihil ad præsentem refert sermonem. Constat tamen à priori posterius dici, atque non absurde videtur esse translatum. Est enim castigandum & temperandum id omne, quod turpia concupiscit, & incrementum suscipit magnum, atque luxuriat. Talis autem est ipsa cupiditas maxime, atque puer. Nam & pueri cupiditate viuunt: & in his ipsi maxime viget appetitio rerum earum, quæ voluptate afficiunt. Si igitur non obtemperet, neque subiici patiatur, nimium efferetur. Est enim voluptatum appetitio insatiabilis, & operatio cupiditatis omni ex parte ipsi amenti id quod est sibi affine exauget. Quodd si magnæ sint vehementesque cupiditates: rationē quoque extrudunt, atque eiiciunt. Quam ob rem mediocres sint ipsæ & perpaucæ, & rationi non aduersentur oportet. Atque id quod est tale, \* obediens & rationi temperatum castigatumque vocamus. Vt viuere autem puerū sub pædagogī præceptis oportet: sic & cupiendi vis cupere debet, perinde atque ratio iubet. Idcirco temperati vim cupiendi, concordem esse cum ratione oportet. Nam vtriusque propositum est honestas. Atque vir temperans ea cupit quæ cupere oportet, & vt oportet, & quando oportet. Hoc autem pacto: & ipsa ratio dicat. Hæc igitur sint de temperantia dicta.

μᾶλλον δὲ  
ἐκούσιον.

ἐν παιδείᾳ  
ἡ καὶ τοῦ  
σκέπτον.

## Commen.

118 **N**OSTRÆ autem sponte. Hoc est tertium capitulum in quo cōparat intemperantiā cum timideitate, & ponit differentias inter ipsas. Diuiditur autem in duas partes. In prima cōparat temperantiā cum timideitate pluribus rationibus. In secunda ostendit intemperantiā esse similē delictis puerorū: quæ tamē nō sunt habitus vel vitiosæ operationes, vt illæ quæ proeniunt ab intemperantia. Dicit autem in primis cōparando intemperantiā cum timideitate, quodd intemperantia magis fit sponte quàm timiditas. Et probatur hoc pacto, Id qd fit per

## ETHICORVM

voluptatem magis fit sponte quàm id quod fit per dolorem: at intemperantia fit pervoluptatem, timiditas per dolorem: ergo intemperantia magis fit sponte. Maior patet. Nam voluptatem communiter expetimus, fugimus vero dolorem. Maior est clara & antea probata. Item alia ratione probatur, quia timiditas acquiritur per id quod distrahit & dimouet naturam, scilicet per dolorem: intemperantia vero minime. ergo magis fit sponte. Notandum quòd omne vitium nostra sponte fit. vituperamus enim quia per electionem illa acquiramus, & nostra sponte. Verum aliud alio magis spontaneum esse videtur propter obiecta circa quæ versantur talia vitia. Nam obiectorum quædam videntur esse valde molesta & aspera: quædam vero minime, vt patet in doloribus & voluptatibus. [QVAPROPTER & reprehensione.] Ex supradictis vnum obortum siue correlarium inferre videtur philosophus, scilicet quòd intemperantia est magis vituperanda quàm timiditas, & hoc probari potest ex eo quod dictum est, scilicet quia est magis spontanea. Id enim vitium quod magis fit sponte, magis est vituperandum, intemperantia est huiusmodi respectu timiditatis, ergo magis vituperanda. Item alia ratione probatur. Duobus existentibus vitiis illud magis vituperandum esse videbitur, quod facilius cuitari potest: sed intemperantia facilius cuitari potest: quàm timiditas: ergo est magis vituperanda [VIDEBITVR etiam.] Declarat philosophus quomodo timiditas, & intemperantia non eodem ordine subiiciuntur principio sponte agendi, sed potius est ordo contrarius in ipsis: quod probatur hoc pacto. Illa vitia quæ ita se habent vt alterius obiectum magis quàm vitium, & habitus alterius vero magis vitiū & habitus, quàm obiectum esse spontaneum, diuerso ordine subiiciuntur principio sponte agendi: sed intemperantia & timiditas sunt huiusmodi: ergo diuerso ordine, & contrario subiiciuntur principio sponte agendi. Maior patet: Minor probatur à philosopho. Nam intemperantia est vitium circa voluptates, & nemo expetit habitum ipsum, scilicet intemperantiam, & esse intemperatum: voluptates vero quæ sunt obiecta magis expetunt homines, quos si interrogaremus vt vellent fieri intemperati, responderent quòd nullo pacto: sin vero vt cupiant habere voluptates se velle assererent. In timiditate vero contra fieri videtur. Expetunt enim homines timiditatem potius quàm subire dolores, & terribilia, quæ vident sustinere. Patet igitur quod diuersus, & contrarius est ordo: cum ibi magis obiectum, id est voluptates quàm vitium: hic magis vitia quàm obiectum, id est dolores communiter expetunt homines. [TOTVM autem.] Id est habitū ipsū. [NOMEN autem.] Hæc est secunda pars huius capituli in qua philosophus ne pretermittat aliquid quod ad declarandam intemperantiam pertinet: ostendit eam esse similem vitiis puerorum, quæ tamen in pueris non sunt proprie vitia, sed vtitur quadam similitudine dicendo, quod nomen luxuriæ referimus ad delicta puerorum. Vtrum autem ab vno dicatur nihil refert inquit philosophus, sufficit quòd hoc nomen prædicatur de vtriusque: de altero dicitur per similitudinem alterius. Nam cupiditas ita se habere videtur ad rationem, sicut puer ad pedagogum: quorum ambo si non obediunt præceptis imperantis: nimium efferri videntur: nimiumque labi nisi refrenentur ab iis, quæ sibi præesse debent, sed hoc totum melius intelligitur in lingua græca, quia intemperantia ἀκολασία, & intemperans ἀκόλαστος quasi in castigatus dicitur. Sicut ergo puer non castigatus à pedagogo suo, habet nimis excessiuas cupiditates, & fit effrenatus: sic appetitus intemperantis non refrenatus à ratione excessiue fertur, & sine habenis procedit in appetendis cupiditatibus.

## ARISTOTELIS STAGIRITAE ETHICORVM AD NICOMACHVM

### Liber quartus.

#### *De liberalitate, & eius extremis. Cap. I.*



Dinceps autem de liberalitate dicamus. Videtur autem mediocritas circa pecunias esse. Non enim bellicis in rebus ipse vir liberalis: nec in quibus laudatur vir temperans, nec etiam in iudiciis, sed in dandis capiendisue, & magis in dandis pecuniis laudatur. Atque pecunias ea dicimus vniuersa, quorum æstimatio mensuratur nummo. Est autem & circa pecunias exuperatio quidem prodigalitas, defectio autem illiberalitas. & illiberalitatem quidem ac auariciam iis sem-

peraccommodamus, qui magis quàm oportet pecuniis student. \* Prodigalitate autem neſcentes nonnunquam afferimus. Nam eos homines qui ſunt incontinētes, & ob intemperantiam pecunias proſtigant, prodigos vocitamus. Quapropter & flagitioliſſimi tales homines eſſe videtur. Multa nanque vitia ſimul habent. At non proprie tali nomine nuncupantur. Eſt enim prodigus qui malum vnum aliquod habet: corrumpere inquam patrimonium. Prodigus enim eſt qui ob ſeipſum perditur. videtur autem & patrimonii diſſipatio, interitus quidem ipſius eſſe: propterea quòd patrimonio ac facultatibus viuitur. Hoc igitur modo prodigalitate accipimus. Rebus autem iis quarum eſt aliquis vſus, & bene vti & male etiam poſſumus. At diuitiæ res ſunt tales. Is autem optimè re quauis vtitur, qui eam virtutem habet, quæ ad rem illam accommodatur. Et diuitiis igitur optimè is vtetur, qui virtutem eam habet quæ ad pecunias attinet. Hic autem eſt ipſe vir liberalis. At qui ſumptus quidem, datioque pecuniarum, vſus earum: acceptio verò conſeruatioque poſſeſſio potius eſſe videtur. Quocirca viri liberalis eſt potius dare quibus oportet, quàm capere vnde oportet, & non capere vnde nō oportet. Eſt enim ipſius virtutis, beneficia potius conferre, quàm ſuſcipere: & honeſta potius agere, quàm non agere turpia. Non eſt autem obſcurum, cum das quidem, ſequi vt beneficia conferas, honeſtaque agas: cum capis verò, vt ſuſcipias, aut non turpia agas. Gratia præterea ſequitur eum qui dat: non eum qui capit. Et laus etiam magis. Facilius eſt etiam non accipere, quàm dare. Homines enim multo minus erogant ſua, quàm non accipiunt aliena. Ii quoque qui dant, liberales dicuntur. Sed qui non accipiunt, non ob liberalitatem, ſed ob iuſtitiam potius laudantur. Qui verò capiunt, non laudantur valde. Liberales in ſuper homines, maximè omnium ferè ſtudioſorum amantur, proſunt enim. At id conſiſtit in dādo.

Omnes autem actus virtutum, honeſti ſunt, & honeſtatis cauſa fiunt. Et liberalis igitur honeſtatis cauſa dabit. Et rectè, dabit enim quibus oportet, & quod oportet, & cū oportet: cæteraque omnia obſeruabit, quæ dandi actum rectū ſequuntur. Et etiā cum voluptate: vel ſine vlllo dolore. Id enim quod per virtutē efficitur: afficit voluptate, aut fit cū indolentia ſane, minime verò affert dolorē. At is qui dat quibus nō oportet, aut nō honeſtatis gratia, ſed ob aliquā aliā cauſam: non liberalis, ſed alius quidam dicetur. Et itidē is qui dādo dolet. Honeſtis enim actibus talis pecunias anteponet. Quod quidē non eſt liberalis. At verò neque capiet vnde nō oportet. Talis enim acceptio non eſt eius qui pecunias non magnificat. Nec etiam ad poſtulādum propenſus erit. Facile nāque ſuſcipere beneficia, nō eſt hominis beneficia conferentis. Verū vnde oportet accipiet: ex propriis inquam rebus. Non quia id ipſum honeſtum ſit: ſed quòd neceſſarium vt donare poſſit. At neque ſuas negliget: quippe cum per illas

πῶς δὲ ἀ-  
λγοῦσιν ἐ-  
πιφύεσθαι  
ἐνίοτε σιμ-  
ωλέωντες  
ſ. cum ali-  
is vitijs.

quibusdam affectet opē asserre. Neque quibūsvīs dabit: vt quibus oportet, & quādo, & vbi est honestum largiri possit. Attinet etiam nimirum ad hominem liberalem: vt in dando adeo exuperet, vt sibi ipsi pauciora relinquat. Est enim liberalis nō ad seipsum respicere. At enim pro facultatibus ipsa liberalitas dicitur. liberalis enim actio non in multitudine rerum quæ dantur, sed in habitu dantis consistit. Hic autem pro facultatibus erogatur. Nihil igitur prohibet eum magis esse liberalem qui pauciora largitur, si modo minores ei sint facultates. Magis autem ii liberales esse vidētur, qui non compararunt sibi facultates: sed ab aliis acceperunt. Nec enim experti sunt indigentiam, & opera omnes sua amant: vt parentes, atque poetæ. At verò facile non est liberalem, diuitem esse. Quippe cum non sit ad capiendum & conseruandum, sed ad erogandum procliuus: neque magni per se faciat ipsas pecunias, sed causa dandi. Quapropter & accusatur fortuna: quod homines ii qui maximè sunt digni, minimè sunt locupletes. Accidit autem id ipsum non sine ratione. fieri enim non potest vt is pecunias habeat, qui non adhibet diligentiam vt habeat ipsas. Quemadmodum & cæteris in rebus fieri solet. Attamen non dabit quibus non oportet, neque \* quando non oportet. Et de cæteris talibus simili modo. Non enim ageret liberalitatis ipsius lege. Et consumptis ad hæc ipsa fortunis: ad ea quæ oportet, & cum oportet sumptus facere, darēque non posset. Etenim is est (vt paulo antea diximus) liberalis qui pro facultatibus erogatur: & in quibus oportet. Qui verò exuperat: prodigus est. Quocirca tyrannos prodigos non dicimus: nō enim facile videtur esse, dando ac erogando tantam rerum quas habent copiam exuperare. Cum igitur liberalitas mediocritas sit circa dādas capiendāsque pecunias: liberalis dabit in quibus oportet, & quod oportet, tam in paruis quā etiam in magnis, atque cum voluptate: & accipiet vnde oportet, & quod oportet. Nam cum virtus circa vtrunque sit mediocritas: vtrunque faciet vt oportet. Sequitur enim dationem bonam, talis acceptio. Ea verò quæ non est talis. contraria. Eæ igitur quæ sequuntur: fiunt in eodem simul. Contrariæ verò non fiunt. Quod si præter id quod oportet & bene se habet, contigerit ipsum pecunias erogare: dolebit sane. Moderate tamē, & vt oportet. ad virtutem enim pertinet, vt pro quibus oportet, & vt oportet voluptas fiat, ac dolor. Est etiam in rebus pecuniariis \* lenis socius ipse vir liberalis. Potest enim iniuriam pati: quandoquidem pecunias non multifacit. Magisque moleste fert, si quid cum oporteret non erogauerit: quā dolet, si quid cum non oporteret, erogauerit. Simonidīsque sententiā non probat. Prodigus autem & in his ipsis delinquit. Nec enim lætatur nec dolet pro quibus oportet, & vt oportet. atque hoc magis patebit per ea quæ deinceps dicemus. Diximus autem exuperationem quidem esse prodigalitem:

defectum autem illiberalitatem, & in his duobus, in datione atque acceptione, & sumptum enim in datione ponimus. Prodigalitas igitur in dando quidem, & non in capiendo exuperat: in capiendo autem deficit. at illiberalitas, ac avaritia, deficit quidem in dando: exuperat autem in capiendo, in parvis tamen. Prodigalitatibus igitur illa duo non nimium simul persistunt. Non est enim facile, nulla ex parte capientem, cunctis largiri. Cito nanque deficiunt patrimonia priuatorum hominum erogantium: qui quidem & prodigi esse videntur. Atque talis non paulo melior videbitur esse illiberali. Et ab ætate enim & ab egestate facile curari: & ad mediocritatem accedere potest. Nam habet ea quæ sunt hominis liberalis. Dat enim & non accipit: quanquam neutrum facit ut oportet, ac recte. Quod si ad hoc assuecat, vel aliquo alio modo mutetur, euadit utique liberalis. Etenim dabit quibus oportet: & capiet unde oportet. Quapropter & videtur non esse moribus prauus. Non est enim improbi, nec ingenerosi tam in dando quam in non capiendo exuperare: stolidi tamē. Qui vero hoc modo est prodigus, multo melior videtur esse illiberali atque auaro. Cum ob ea quæ dicta sunt: tum etiam quia prodigus quidem compluribus prodest: illiberalis autē nemini, ne sibi quidem ipsi. Sed plerique prodigorum (ut dictum est) & accipiunt unde non oportet: & sunt hoc ipso illiberales. ad capiendum autem proni fiunt, quia cupiunt quidem erogare. Hoc autem facile nequeunt facere: cum cito facultates ipsis deficiunt. Itaque ex alienis dare coguntur. Et simul quia nulla est eis honestatis cura, sine ullo discrimine & vndique capiunt. Dare nanque percipiunt. quoniam autem modo aut unde, nullum est apud ipsos discrimen. Quapropter nec dationes ipsorum sunt liberales. Non enim sunt honestæ, nec honestatis gratia, nec ut oportet efficiuntur. Sed interdum quos oportet esse pauperes, eos diuites faciunt. Et iis quidem qui moderati sunt moribus, nihil dant. Adulatoribus autē multa, aut quampiā aliam afferentibus voluptatem. Quā ob rem & plerique ipsorum intemperantes sunt. Nā cum facile erogent, proni sunt & ad sumptus in flagitiis faciendos. Atque quia non ad honestatē viuunt, ad voluptates declinant. Prodigus igitur si nullam prorsus habeat emendationem, ad hæc transgreditur. Cura vero diligētiaque adhibita, ad medium & id quod oportet tandē deuenit. At illiberalitas ac avaritia, incurabilis est. Etenim & senectus & imbecillitas omnis, auaros videtur efficere. Estque hominibus insita magis quam prodigalitas. plerique namque cupidi sunt magis pecuniarum, quam ad dandum procliuēs. Exceditur præterea longe, & plures species subit. Complures enim esse videntur illiberalitatis ac avaritiæ modi. Nam cum in duobus hisce consistat in defensione in quā dandi, & exuperatione accipiendi: non omnibus inest tota, sed interdum seiungitur. & quidam in capiendo exuperat: quidā

in dando deficiunt. Qui nanque talibus appellationibus nuncupantur parci, tenaces, aridi: omnes in dando deficiunt, aliena vero non appetunt, neque accipere volunt. Quidam enim in dando deficiunt, propter modestiam quandam, turpiusque rerum cautionem. videntur enim nonnulli, vel saltem aiunt ob rem suam conseruare: ne compellerentur aliquando turpe aliquid agere. Ex his est & ipse cumini sector, & quiuis talis: qui quidem ab exuperatione non dandi cuiquam, nomen habuit tale. Quidam vero ob metum abstinere alienis. Quippe cum non facile sit ipsos aliena: & non alios, res ipsorum accipere. Itaque nec accipere ipsis, nec dare placet. Quidam autem in capiendo exuperant: vndique, & quiuis capientes. Quales sunt ii qui operationes illiberales exercent. Vt lenones, & omnes tales, & sceneratores, & qui dant parua pro magnis. hi nanque omnes, vnde non oportet & quantum non oportet, accipiunt, comune autem ipsis omnibus esse videtur turpis comparatio lucri. vniuersi nanque gratia lucri, & huiusce quidem <sup>luxuriae</sup>, prauis probra sustinent. Eos enim qui grandia vnde non oportet, & quae non oportet accipiunt, ut tyrannos ciuitates expugnantes & templa expoliantes: non illiberales, sed perniciosos, sed impios, sed iniustos potius appellamus. Aleatores tamen & fures atque latrones, illiberales sunt. Turpi enim versantur in lucro. Omnia nanque causa quaestus agunt, & sustinent probra: atque fures quidem capiendi gratia, maxima pericula subeunt. Aleatores autem ab amicis quibus dare oportet lucratur. Vtrique igitur vnde non oportet lucrari volentes accipiendi actus, illiberales sunt. Merito autem illiberalitas liberalitati contraria dicitur. Nam & maius est malum quam prodigalitas: & homines magis hac ipsa peccant, quam ea quam diximus prodigalitate. De liberalitate igitur & vitiis ipsi contrariis, haec dicta sufficiant.

*Commen.*

**D**EINCEPS autem de liberalitate. Hic est quartus liber ethicorum: in quo philosophus post doctrinam fortitudinis & temperantiae, prosequitur in declarandis reliquis virtutibus moralibus, excepta iustitia: quam differt in. 5. librum ut patebit. Docet igitur in isto de liberalitate, magnificentia, magnanimitate, de virtute innominata circa honores, de mansuetudine, de amicitia quae non est affectus, nec amicitia proprie dicta de veritate, de comitate, ultimo de verecundia, quae est affectus laudabilis, non tamen virtus. Diuiditur autem hic liber in. 5. tractatus. In primo tractatu declarat virtutes circa pecunias, quae sunt duae, scilicet liberalitas & magnificentia. In secundo tractatu declarat virtutes circa honores, quae etiam sunt duae, scilicet magnanimitas, & virtus innominata, & haec quatuor dicuntur versari circa ea quae existimantur bona externa. In tercio tractatu declarat virtutem circa ea quae existimantur mala externa, quae est mansuetudo. In quarto declarat virtutes circa communem conuersationem, & actus humanos, quae sunt tres. scilicet amicitia, veritas, comitas. In quinto docet de verecundia: quae est affectus laudabilis, non tamen virtus. Numerus autem sufficiens virtutum sumitur ex suis obiectis diuersis, & diuersis modis versandi circa talia obiecta, ut etiam antea diximus. Primus tractatus diuiditur in duo capitula. In primo docet de liberalitate. In secundo de magnificentia. Primum capitulum diuiditur in quatuor partes, quae suis locis patebunt. In prima igitur parte dicit philosophus quod deinceps. & post fortitudinem & temperantiam, de liberalitate dicamus. Ea enim videtur sequi in ordine, quia sicut illae moderantur affectus ut irascibilem, & concupiscentiam voluptatum: sic ista affectus intermedios. i. cupiditatem circa pecunias. Merito igitur post illas collocatur. Verum seruando ordinem suum philosophus incipit asserere materiam circa quam versatur liberalitas, & probat hoc pacto. Quae libet virtus medio critas esse videtur circa eam materiam & obiecta, circa quae cum bene se habet lau-



daturat liberalitas laudatur cū bene se habet circa pecunias, ergo ipsa est mediocritas circa pecunias tāquā circa suā materiā, & nō circare bellicas, aut circa ea quæ afferūt voluptates. Et declarat philosophus quid intelligit p pecunias. Inō solū nūmos, sed omnia etiā quæ pratio & nūmis æstimari & mēsurari possunt. Notandū q̄ obiectū siue materia cuiuslibet virtutis est duplex, p̄pinquū & remotū. Nā fortitudo versatur circa timores & fiducias, tanquā circa materiā propinquā: circa pericula bellica & mortē, tanquā circa remotū. Idē est de tēperantia cuius materia p̄pinqua sunt voluptates, cupiditates, & huiusmodi: remota vero sunt illa quæ afferunt cupiditates, & efficiūt voluptatē vt cibis, potus & res venereæ. Liberalitatis est etiā duplex materia, p̄pinqua est cupiditas pecuniarū: remota vero sunt ipsæ pecuniæ: & hoc dicitur, quia virtutes non solū circa actus versari vidētur, sed etiā circa affectus, quos moderatur: vt est liberalitas quæ moderatur cupiditatē pecuniarū, & versatur etiā circa pecunias dādas vel accipiēdas, sed magis circa dādas. Hic autē philosophus videtur loqui de materia remota. [E S T autē & circa pecunias.]

2 Declarat philosophus eandē etiam materiā esse, p̄dignitatis & avaritiæ. Mediū & extrema versantur circa eandē materiā: at liberalitas quæ est mediū versatur circa pecunias, ergo p̄dignitas & avaritia quæ sunt eius extrema, &c. Post hęc philosophus tangit in genere avaritiā, & p̄dignitatē, quia inferius particulariter declarabit. & de p̄dignitate dicit q̄ interdū homines eā confundunt, & nō distincte accipiunt appellantes aliquando continentes p̄digos vt patet in textu. [R E B V S autē.] Hęc est secūda pars huius primæ in qua philosophus docet de actibus liberalitatis, & vitiorum oppositorū, plures afferendo cōclusiones atque sententias. Dicit igitur in primis, quod pecuniis possumus bene & male vti. i. abuti, quod probatur hoc pacto, Bonis vitilibus bene & male vtimur ad aliquem finem cōsequendum. at pecuniæ sunt vel dicuntur bona vitilia, ergo pecuniis bene vel male vti possumus ad aliquē finem cōsequendū. Maior clara: minor quoque per philosophū, qui antea dixit in primo. Vtiles enim sunt & alterius gratia. [E T diuitiis igitur.] Declarat philosophus & probat quod liberalis optime vtitur diuitiis & pecuniis. Qui habet aliquam virtutē bene vtitur illis rebus circa quas versatur talis virtus: sed liberalis habet virtutem quæ versatur circa pecunias, ergo bene vtitur pecuniis. [A T qui sumptus.] Afferit aliam cōclusionem philosophus. f. quod vtilis pecuniarum est ipsa erogatio: acquisitio vero nō est vtilis, sed possessio vt est manifestū. [Q V O C I R C A viri.] Afferit aliam cōclusionē. f. quod liberalis viri magis est dare vbi oportet quā capere vnde oportet, & hoc probat pluribus mediis. Et quia magis pertinet ad virtutem benefacere quā suscipere, & honeste agere quā non agere turpiter: & item quia operationem dandi, & gratia sequitur, & laus, & non accipiendi. Item virtus versatur circa difficilius: at difficilius est dare quā accipere, ergo magis proprium virtutis est liberalitas. & itē hoc p̄cipi potest ex cōmuni hominum more, qui proprie laudāt eos de virtute liberalitatis qui dant, & nō eos proprie qui accipiunt vnde oportet, laudant vt liberales: & item hoc idē deprehendi potest, quia liberales vehementer amantur, & hoc est, quia cōferunt beneficia, & dāt, & erogant, & profunt hominibus, & hoc consistit in dando nō autem in accipiendo. Quare liberalis magis est dare quā accipere. [O M N E S autē actus.] Hęc est secūda pars huius capituli, in qua postea quā declarauit materiā liberalitatis, & operationes ei⁹, & vitiorū oppositorū, quoquo modo nūc afferit cōditiones quæ requirūtur ad liberalitatē, & p̄prietates quaslibet quæ ei cōpetūt, adducēdo plures sentētiās & cōclusiones. Declarat igitur in primis cōditiones quæ requirūtur ad p̄cipuū actū liberalitatis hoc pacto. Omnis operatio secundū virtutē fit vt oportet, & quādo oportet, & gratia honestatis, & vt recta ratio dictat: at datio & actus liberalis est opatio p virtutes & studiosa: ergo fieri debet vt oportet, & quādo oportet, & seruatis aliis circumstantiis, quæ actū rectū, & studiosū sequūtur, & etiā dabit. Afferit secūda cōclusionē philosoph⁹, Ois act⁹ studiosus est iocundus: sed actus dādi secundū liberalitatē est studiosus: ergo & iocundus. addidit philosoph⁹, vel sine dolore, quia aliquē sunt operationes virtutis, quæ nō sūt sine dolore, vt in fortitudine vidimus, habet tamē iocunditatē respectu finis. [A T is qui dat.] Hac in parte philosoph⁹

8 afferit nōnullas cōclusiones negatiuas, quæ oriūtur ex dictis, quas adducit vt manifestius cognoscatur liberalis, & eius officia. Dicit igitur q̄ is qui dat quādo nō oportet, & nō honestatis gratia, & similes omittit circūstātiās, quæ necessario requirūtur ad perfectū actū virtutis: nō est appellādus liberalis. [E T itidē is.] Afferit aliā cōclusionē negatiuā quod is qui dādo dolet non est appellādus liberalis, cū anteponat pecuniam honestis actionibus: nec item is qui capit vnde non oportet, & itē liberalis nō facile suscipit beneficia. Notandū quod sicut fit in naturalib⁹: sic etiā fieri videtur in virtutibus, quātū ad hoc propositū: sed in naturalibus fit vt ea quæ sunt maxime actiua nō sunt facilia ad suscipiēdū: & ecōtra, quæ sunt valde passiua, minime agere possunt. Vnde ignis est maxime actiuus inter reliqua elemēta, & nō est facilis ad suscipiēdū. Idē euenire videtur in virtutibus & operationibus secundū illas: ergo qui est facilis ad cōferenda beneficia & ad dādū: nō est facilis ad eadē suscipiēda. [V E R V M vnde oportet.] Afferit aliā cōclusionē. f. q̄ liberalis accipit vnde oportet, nō quia sit honestū, nec honestatis causa, sed vt habeat vnde det & erogat. Et dicit q̄ accipit ex suis, p̄priis rebus, & hęc est conclusio clara. Notandū q̄ duplex est

actus liberalis vñs dādi, alius accipiendū. Primus est magis proprius: secundus vero est gratia pri-  
mi. [A T Q V E neque res suas.] Affert aliam cōclusionem, scilicet quod liberalis non negligit res  
suas, & hāc afferre videtur, quia supra dixerat quod liberalis non multi facit pecunias. Probat au-  
tem hanc cōclusionem hoc pacto. Illa quæ conferunt ad actiones proprias liberalitatis, id est ad  
actū dandi non negligit liberalis: sed res propriæ sunt huiusmodi: ergo non negliget res proprias  
liberalis. [N E Q V E quibusvis.] Affert aliam cōclusionē. Equod liberalis nō dabit sine vlla con-  
sideratione, & indifferēter cuique petēti: & hoc necessariū videtur afferre, cū plurib⁹ verbis de-  
clarauerit propriū actū liberalis esse in dādo, & vt intelligatur quo pacto istud fieri debeat: ideo  
dicit q̃ liberalis nō dabit cuiq; indifferēter, & assignat rationē, scilicet vt habeat vnde dare possit iis,  
quibus dare est cōgruū & honestū. Quod si largiretur sine vllō discrimine quibuscūq; nō habe-  
ret forsūtā postea vnde daret iis, in quib⁹ honeste beneficium collocatur. [A T T I N E T etiā.] Hac  
in parte philosophus affert quādam proprietates quæ competūt homini liberali: & primo affert  
talem, quod ad liberalem spectat excedere in dādo. Nam is qui ipsum nō respicit in dādo, plus  
dabit, quā pertineat, & pauciora sibi reliquet p̃ seipso: at liberalis est huiusmodi: ergo &c. [A T  
enim p̃ facultatib⁹.] Affert secundā proprietatem ne intelligatur quod liberalis sit simpliciter,  
& sine vlla exceptione talis qui plura dat, & pauciora sibi relinquit: ita vt qui plura dat sit magis  
liberalis, ideo dicit q̃ talis liberalitas attendenda est iuxta facultates. Atque ex eo affert obortū  
quoddā, scilicet quod nihil prohibet eum qui pauciora dat esse magis liberalē: si tenuiores ei sint  
facultates. [M A G I S autē.] Affert tertiam proprietatē, scilicet quod ii liberales esse videntur  
qui dant ex iis rebus quas ipsi non acquisiuerunt suo labore: sed habuerunt ex patrimonio, & ab  
aliis huiusmodi: & probat id etiam similitudine genitorū & poetarum. [A T V Vero facile.] Affert  
quartā proprietatē, scilicet quod nō facile fit vt liberalis sit diues, cum sit facilis ad erogandū,  
non autem ad capiendū & conservandū, vt late patet in textu. [C V M igitur liberalitas.] Decla-  
ratis plurib⁹ cōditionibus, ex quibus actus liberalis cōsistunt boni atq; laudabiles, & allatis pro-  
prietatibus liberalis: nūc comparat liberalem cum prodigo resumendo nonnulla quæ dixerat de  
liberali vt magis cognoscatur prodigus. Cōtraria enim vt inquit philosophus iuxta se posita ma-  
gis elucescūt. Dicit igitur cum liberalitas sit mediocritas circa dādas accipiēdasque pecunias,  
dabit vbi oportet, & quādo oportet, & reliqua vt latissime patet in textu. [D A T I O N E M bo-  
nam.] Id est cōgruū vt italoquar dationē & decentē: sequitur congrua, & decens acceptio. Est  
enim p̃pter illā, & ideo si acceptio esset vnde nō oportet, & esset turpis, nō sequeretur dationē  
liberalē & honestā, esset enī cōtraria, & nō fieret simul i eodē. Liberalis datio, & turpis acceptio:  
sed honestam dationem similis acceptio cōsequetur. Honestā, & cōgrua, & ideo se inuicem cō-  
patiuntur, & sequuntur & sunt simul in eodem, vt dicit philosophus: cōtraria vero minime. Sa-  
nitas enim & infirmitas oculi nō possunt esse simul in eodem oculo. Sed sanitas & optima visio,  
quæ sequitur ex sanitatē oculi sicut simul in eodem oculo. Quare datio honesta quæ est liberali-  
tatis nō sequetur acceptio nem turpem quæ est auaritiæ: contraria enim simul fierent in eodem,  
& se inuicem cōsequerentur quod est absurdum. [N E C Simonidis sententiam.] Sententia Si-  
monidis fuit quod debemus dolere quando facimus id quod non oportet, non autem debemus  
dolere si non facimus id quod oportet: hoc autem non placet liberali. dolet enim si non dedit  
vbi oportet. [P R O D I G V S autē.] Paucis verbis dicit philosophus, q̃ prodigus est is qui delin-  
quit in iis in quibus liberalis rectē se habet: ille autē aberrat excedēdo mediocritatem in dādo.  
[D I X I M V S autē.] Hęc est tertia pars capituli in qua cōparat prodigū cum avaro, declarādō pri-  
mo prodigū simpliciter: deinde prodigū habentē alia vitia cōnexa. Dicit igitur in primis prodi-  
gum esse cū qui excedit in dādo, & nō capiēdo vnde oportet, & sub nomine dationis cōprehen-  
ditur etiā ipse sumptus qui redigitur ad actū dandi vt patet. [I N paruis tamē.] Hoc addit ad dif-  
ferentiam tyrannorū, qui licet accipiant vnde non oportet, tamē non proprie dicūtur auari, sed  
iniusti potius, & nequā homines. [P R O D I G A L I T A T I S igitur.] Affert vnā cōclusionem  
de prodigo. Equod ista duo nō vidētur multū persisterē simul. nō capere, & nimium erogare  
per hoc, quia cito deficit patrimoniū & facultates. [A T Q V E talis.] Hac in parte affert alia cō-  
clusionem. Equod prodigus est melior quā avarus, quā probat duabus rationibus. Prima, Is  
vitiosus qui facile sanari potest est melior eo qui cum difficultate sanatur: at prodigus est huius-  
modi respectu avari, ergo est melior quā avarus. Probat autem quod prodigus facile sanari po-  
test propter ætatem, & indigentiam superuenientem. Item duobus existētibus vitiosis, is qui ad  
mediū redigi potest facilius, est melior eo qui difficilius. At prodigus est huiusmodi, vt often-  
dit in textu philosophus, ergo est melior quā avarus. i. minus malus cum vterque fit malus. Pa-  
tet ratio, quia illud quod magis conformatur cum medio facilius ad illud reduci potest, quā id  
quod longius distat, prodigalitas autem magis conformatur cum medio: dat enim & non acci-  
pit, ergo & facilius ad id reduci potest. Ignis etiā vt id in naturalibus ostendatur, facilius ad æ-  
rē reduci potest quā ad aquam, quia est inter ignem, & ærē symbolica dispositio, quæ non  
est inter ignem & aquam. [V E L aliquo alio modo.] Scilicet per ætatem vel doctrinam, & similia.

- 25 [QVAPROPTER & videtur.] Infert vnū obortū siue corolariū ex supradictis. s. q. pdigus nō videtur moribus prauus ex eo quod excedere in dādo nō videtur ingenerosi & abiecti, sed stolidi; potius. Et intelligendū q. philosophus videtur loqui de pdigo simpliciter, & nō de eo qui habet cum pdigalitate alia annexa vitia, quæ solēt comitari prodigalitatē in homine pdigo. & ideo tales flagitiosissimi existimātur ob plura vitia; sed pdigus simpliciter & pprie dicitur qui vitium vnū quod habet: q. patrimoniu consumat & pdat vnde græce *εὐτρω* appellatur, quasi se ipsum p dens, & patrimoniu suum. [A T is qui hoc pacto.] Aliam rationē affert qua pbat q. prodigus est melior quā avarus, & hoc est, quia in dādo videtur pdesse multis; avarus vero nemi-  
 26 ni. [SE D plerique.] Hac in parte philosophus docet de pdigo qui non est simpliciter pdigus, sed mixtus, quia nō solum in dando excedit, sed etiā capit vnde nō oportet, & in hoc videtur esse avarus. Itaque partim avarus, partim pdigus erit appellādus: diuersis tamen respectibus. Avarus enim inquantū capit; pdigus inquantū erogat vbi nō oportet, & aliis cir cūstātiis omisiss, & plerūque euenit vt sint intēperantes, & alia vitia cōnexa habēat, vt latissime patet in textu philoso-  
 27 phi. [A T illiberalitas ac avaritia res quādā.] Hæc est quarta pars huius capituli in qua philosophus declarat avaritiā, afferēdo plures conclusiones de ipsa, & prima est q. avaritia videtur esse quādā res insanabilis, & assignat rationes, & quia fit ex senectute, & quauis imbecillitate, & itē quia videtur magis insita nobis cū pluribus insit avaritia quā ipsa pdigalitas. Notandū q. philosophus duabus rationibus ostendit avaritiā esse insanabile, sed insanabile bifariam considerari debet: quoddā q. nullo modo sanari potest: quoddā cum difficultate sanabile. Hoc secundo modo intelligit philosophus, & rationes suæ ostendunt difficultatē, non autē impossibilitatē. Græce enim dicitur, *ἀνίατος*, & apud eos ē non solū priuationē, sed interdū etiā difficultatē significat. Notandū etiam quod illa positio videtur esse vera, vt cuius causa remoueri nō potest sit insanabile: si esset causā p se. nunc autem senectus vel imbecillitas nō est causā avaritiæ per se nec necessario: sed per accidens. Si enim esset causā per se tunc necessarii omnes senes, & omnes imbecilles essent auari: quod est falsum, verum hoc, & si plerūque sit, non tamen semper. [EX T E N D I T V R præterea longe.] Alia est conclusio. Squod avaritia magis extenditur, & procedendo accrescit. [C O M P L V R E S enim.] Hac in parte ostendit quod multæ sunt species avaritiæ, & multi modi: deficit enim in dādo, & excedit in capiēdo multis modis vt latissime patet in textu  
 28 illiberales, id est fordidus. [M E R I T O autem.] Cōcludit philosophus cōparando extrema cum medio, & ostendit quod avaritia magis opponitur liberalitati. Nam illud vitium quod maius est malum magis opponitur virtuti, & itē illud in quo homines magis peccāt, sed avaritia est huiusmodi respectu prodigalitatis: ergo magis opponitur virtuti, & medio, id est ipsi liberalitati.

## De magnificencia, &amp; eius extremis.

## Cap. II.

- 31 **C**onsequens autem esse videtur & de magnificencia pertrahere. Videtur enim & ipsa virtus quædam circa pecunias esse, non tamen sese extendit vt liberalitas ad omnes pecuniarios actus: sed ad sumptus tantum. Atque in his ipsis liberalitatem exuperat magnitudine. Nam vt ipsum nomen subsignificat, decens fit per ipsam in magnitudine sumptus. Magnitudo autem est ad aliquid. Non enim idem sumptus\* triremis, & spectaculorum præfectum decet. Decens igitur est & ad ipsum: & in quo, & circa quæ fit. Qui vero paruis in rebus, aut mediocribus pro dignitate sumptus facit, (qualis est ille qui dicit. Atque ego sæpe dedi peregre venientibus vltro) nō dicitur magnificus: sed is qui in magnis. Nam magnificus quidem liberalis est: at liberalis non continuo magnificus est. Talis autē habitus defectio quidem: circa decorum pusillitas nuncupatur. Exuperatio vero sorditas, & circa decorum ruditas appellatur: & quot sunt tales, non circa quæ oportet exuperantes magnitudine: sed in quibus non oportet & quemadmodum non oportet, quærentes sibi splendorem: de quibus posterius dicemus. Magnificus autem scienti similis est. Nam decorum ipsum contemplari potest: & magnos concinne facere

τρίημιον  
 χφ. id est  
 præfectū  
 triremis.

sumptus. Vt enim in principio diximus: habitus operationibus, & iis  
 quorum est, definitur. Sumptus igitur magnifici, magni sunt & decen- 34  
 tes: talia autem & opera sunt. Sic enim magnus erit sumptus, & decens  
 ad opus. Vt sumptu quidem opus, opere vero dignus sit sumptus, vel e-  
 tiam exuperet. Atqui magnificus honestatis causa tales faciet sumptus.  
 Hoc enim omnibus est commune virtutibus. Et etiam cum voluptate, 35  
 & sine parsimonia erogando. Exacta nanque ratio ad pusillitatem nimi- 36  
 rum attinet. Atque potius quonam pacto pulcherrimum, maximéque 37  
 decens fuerit ipsum opus considerabit, quam quanti constiterit: & quo- 38  
 nam modo confectum, quam per minimos fuerit sumptus. Necesse est  
 igitur ipsum magnificum liberalem etiam esse. Etenim liberalis, sum-  
 ptus faciet quos oportet, & ut oportet. In his autem est magnum ipsum 39  
 magnifici, ut magnitudo circa hæc liberalitatis. Et ab æquali sumptu ma-  
 gnificentius faciet opus. Non enim eadem est virtus rei quæ possidetur  
 & operis. Etenim illa quidem est ea quæ quamplurimo pretio digna est,  
 & pretiosissima, ut aurum. Opus autem quod magnum est atque pul-  
 chrum. Talis enim operis aspectus est admirabilis. At quod est magnifi-  
 cum, est admirabile, atque virtus operis est magnificentia in magnitudi-  
 ne. Sunt autem impensæ quas diximus ipsa honorabilia: ut ea quæ deorū,  
 heroumque causa fiunt. Dedicationes in quâ: & extructiones, ac sacrificia,  
 & circa omne diuinū. Et ea quæ ad rem publicam liberaliter fiunt: ut si ali-  
 quo in loco ludos splendide facere oportere putat, aut præfecturas subire  
 nauium, aut etiam epulum publicum exhibere. Atque in vniuersis (ut dixi- 40  
 mus) & ad agentem habetur respectus quisnam sit: & quas habeat facul-  
 tates. Digna enim his esse oportet, & non solum opus: verum & ipsum  
 facientem decere. Quocirca pauper non erit magnificus: quippe cum ei  
 non sint ea à quibus multos decore faciat sumptus. Qui vero aggreditur,  
 fatuus est, nam præter dignitatem facit & id quod oportet. Id vero quod  
 recte sese habet à virtute emergit. Decent autem & eos quibus talia an-  
 tecedunt, aut per seipsum, aut per maiores, aut per eos ad quos ipsi se refe-  
 runt, propinquitatis aliqua ratione. Et nobiles etiâ, & gloriosos: & quot-  
 quot sunt huiusmodi. Hæc enim vniuersa amplitudinē habent & di-  
 gnitatem. Maxime igitur talis est ipse magnificus: & in talibus impensis  
 versatur ipsa magnificentia, quemadmodum diximus. Et maxime enim, 41  
 & honorabilissimæ sunt. Priuatarum autem earum pertinent ad magnificum  
 quæ semel fiunt: ut nuptiæ, & si quid aliud tale. Et si circa aliquid tota ci-  
 uitas aut qui sunt in dignitatibus studeant: & circa hospitum susceptiones,  
 & missiones, & munera. Non enim ad seipsum, sed ad publica sumptus  
 facere magnificus solet. Ipsa autem munera simile quid habent iis quæ diis  
 dedicantur. Ad magnificum etiam pertinet & domum à se extructam  
 (ut diuitias) decenter habere. Est enim quoddam & hæc ornamentum: 42

h. singulari  
 xep.

Et item in iis magis operibus sumptus facere quæ diuturno tēpore per-  
sistere possunt. Hæc enim sunt maxime pulchra. Atque in singulis deco-  
rum ipsum seruare. Non enim eadem diis, & hominibus, & ad templū,  
43 atque sepulchrum accommodantur. Est autē vnusquisque sumptus ma-  
gnifici suo in genere magnus. Et magnificentissimus quidem is est, qui  
est magnus in magno. Hic autem is qui est in his magnus. Et differt ma-  
gnū quod est in opere, à magno quod est in sumptu. Pila nanq; pulcher-  
rima, aut pulcherrimus vrceus, puerilis quidē muneris magnificentia ha-  
bet: pretiū autem eius pusillum est, atque illiberale. Quapropter magni-  
gnifici est quocunque in genere faciat, magnifice facere. Tale nanque  
neque facile superari potest: & sese habet vt sumptus dignitas postulat.  
Talis est igitur ipse magnificus. Is autem qui exuperat atque sordidus,  
sumptus faciendo vltra id quod oportet, exuperat vt dictum est. Nā par  
uis in rebus multa consumit, & splendorem inconcinne captat. Nūc iis  
44 qui pecunias conferunt ad conuiuia sibi paranda nuptiali apparatu epu-  
lum præbens, nunc subministrans comædis, exhibens in eorum transitu  
purpuram, vt facere Megarenses consueuerunt: & omnia talia non ho-  
nestatis, sed ostentationis diuitiarum causa facit, & vt admiratione pro-  
pter hæc (vt putat) afficiatur. Atque vbi quidem multos facere sumptus  
45 oportet, paruos facit: vbi vero opus est paruis: magnos. Pusillus autem in  
decoro circa vniuersa deficit, & maximis factis sumptibus in paruo per-  
dit decorū. Et quicquid facit, tarde differendoque facit. Consideratque  
quonam pacto quàm minimos faciat sumptus. Et etiam queritur: cun-  
ctaque maiora quàm oportet se facere putat. Sunt igitur hi duo habitus  
46 vitia quidem, non tamen afferunt probra: propterea quòd neque detri-  
mento sunt aliis, neque nimium sunt deformes.

*Commen.*

31 **C**ONSEQVENS autē esse videtur. Hoc est secundū capitulū in quo philosoph⁹ docet de  
magnificentia. Sequitur enim post doctrinā liberalitatis: quia ista virtutes sunt affines cum  
versentur circa eandē materiā. scilicet pecunias. Diuiditur autē hoc capitulū in quinque; par-  
tes. In prima declarat materiā magnificentia, & vitiōū oppositorū. In secūda quomodo magni-  
ficus se habeat circa suā materiā. In tertia quomodo se habeat circa sumptus: qui p̄prie ad ipsum  
pertinet. In quarta declarat quo pacto se habet magnificus circa sumptus nō principales sibi. In  
quinta docet de vitiis oppositis magnificentia. scilicet de sordido vel experte decori, & modico. In pri-  
ma igitur dicit q̄ post liberalitatē cōsequēs est tractare de magnificentia, quæ habet affinitatem  
cum ea cū vtraque versetur circa pecunias: sed ne videatur quod istæ virtutes sint idē, affert ita-  
tim differentiā inter eas dicēdo, q̄ licet istæ virtutes cōueniant in materiā: differunt tamē inter  
se: quia liberalitas se extēdit ad omnes actus pecuniarios: magnificentia vero minime. ergo ma-  
gnificētia nō est liberalitas: nec liberalitas magnificentia. Hæc enim versatur solū circa magnos  
sumptus, & magna opera. Quod etiā patet ex ipso nomine, quod à magnitudine sumitur: & dicit  
quòd talis magnitudo est aliquid. i. refert ad duo. scilicet id quod agitur, & ad personam quæ agit.  
Tūc enim dicitur magnitudo in re, quando est opus aliquod in genere suo magnū: respicit etiam  
magnitudo personam agētis, & cuius opera sit, vt si ædificatur domus p̄ principe aliud requi-  
ritur quàm si extruatur pro priuato. & sic etiam templa aliud vterius quàm principis ædes. Ma-  
iora etiam ornamenta requirūt publici ludi, & spectacula publica, quàm vna triremis. Itaque se-  
cundū rei p̄portionē, & personam agētis, vel cuius gratia agitur magnificus esse debet. Magni-  
tudo igitur respectiua est, & magnificentia ex eo seruare decorū debet, & quod decet res, & per-  
sonas. [Et in quo, & circa quæ.] Pro eodem accipitur & idem est. Notandum quòd materia ma-



gnificetia interna, & externa esse videtur, interna est amor & cupiditas pecuniarum, quam moderatur: externa vero est duplex, aut magni sumptus circa quos versatur, & est minus remota: aut ipse diuitiarum vel pecuniarum multitudo, circa quas versatur tanquam circa materiam magis remotam. [T A L I S autem.] Declarat philosophus secundum ordinem suum, quod vitia opposita magnificetiae versantur circa eandem materiam, circa quam magnificetia mediocritas est: extrema vero aberrant, sed defectus modicitas appellatur, quae & ipsa videtur velle facere magnos sumptus: sed dolet & vltius non perficit opus. ex cessu vero dicitur sordiditas quae est dispositio exuperans magnificentiam, non in sumptibus, sed sumptibus abutitur ob imperitiam & ignorantiam quandam circa decorum, quia magnos sumptus facit in rebus paruis, & excedit in sumptu respectu rei quam facit, quae cum sit parua non est digna tanto sumptu. modicus vero e contra aggreditur res magnas, & postea deficit in sumptu non expellendo sicut magna deceret. [M A G N I F I C V S autem homo.] Haec est secunda pars huius capituli, in qua ostendit quomodo magnificus se habet circa materiam suam. i. circa magnos sumptus: & affert septem conditiones vel proprietates ipsius magnifici. Prima est quod magnificus est similis scientiis qui speculatur circa suam materiam, & inuenit id quod est agendum, & quomodo est recte agendum est similis scienti. aut magnificus est huiusmodi: ergo, &c. Nam sicut scientes sciunt resolvere conclusiones in principia, & ex principiis illas easdem deducere: sic magnificus sciit circa materiam suam inuenire quid decet, & sumptus convenientes rebus accommodare. [D E F I N I T V R operationibus.] Quia est ob operationes & finem, & ex ipsis percipitur, in quibus versatur. In eo quod est ipsius finis, & operis decori, atque honesti, quod agitur: ut enim antea dixit omnis virtus, & illud ipsum cuius est perficit, & opus eius bene reddit: at magnificetia cum sit virtus, & illud ipsum cuius est perficit, & opus eius bene reddit. At magnificetia cum sit virtus praecleara, tunc praecipue videbitur esse talis cum magnos sumptus rebus magnis accommodabit, ut & opus sit dignum magnis sumptibus & magni sumptus convenienti operi, vel etiam excedat potius, quam deficiat: ut si quis vellet publice templum aedificare, & deceat expellere non minus, quam quinquaginta millia numerum: vir magnificus debet potius declinare ad plus, quam ad minus. [A T qui magnificus.] Secunda conditio vel proprietas magnifici. scilicet ut honesti causa faciat magnos sumptus. Probat, Omnis studiosus agit ob honestatem: magnificus est studiosus, & magnificetia est virtus: ergo gratia honestatis magnificus faciet magnos sumptus atque magnificos. Et dicit quod hoc est etiam commune cum aliis virtutibus. scilicet agere causa honestatis circa materiam suam, quae honestas accommodata esse videtur unicuique virtuti. [E T etiam cum voluptate.] Tertia conditio. scilicet quod magnificus faciet magnos sumptus cum voluptate. Omni pene virtuti videtur esse commune ut operetur cum voluptate, tamen respectu modicitatis. Hoc videtur competere magnificentiae: modicus enim facit sumptus cum dolore: magnificus cum voluptate. [E T erogando.] Quarta conditio. scilicet quod magnificus faciat magnos sumptus sine parsimonia. Id quod est proprium modicitatis non est proprium magnificentiae: at modicitatis est proprium computatio cum parsimonia, & ratio cinctio cum exquisita quadam cura: ergo id non est magnificetia, sed e contra sine parsimonia erogare, & sumptus magnos facere cum largitate. [A T Q V E potius.] Quinta conditio. scilicet quod magnificus considerat magis quo pacto fiat opus pulcherrimum & maxime decens, quam quanti costet. & hoc probatur eadem ratione qua superior. Nam modicus quo nam pacto per quam paruos sumptus res aliqua fiat semper considerat. [N E C E S S E est igitur.] Sexta conditio. scilicet quod magnificus est liberalis. i. liberaliter agit: & ista proprietas non convenit modico nec alteri extremo. i. sordido, & inficio decori, quia neuter considerat conditiones & circumstantias quas servat liberalis, cum agit: magnificus vero eas servat. scilicet ut agat quando oportet, & ut oportet, & sic de reliquis. Notandum quod liberalitas accipi potest duobus modis. Vno modo, ut est veluti quoddam genus, quod diuidatur in duas species. scilicet in magnificentiam, & liberalitatem, & competere potest utrisque communi quadam ratione: ut sit mediocritas quadam circa pecunias ut oportet, & quomodo oportet per dignitatem rei. Alio modo est liberalitas proprie dicta solum in parvis rebus, & parvis sumptibus, & haec collocari potest sub illa superiore tanquam quadam specie, & etiam magnificentia sub eodem genere ut altera species, ita ut sint duae species distinctae inter se sub eodem genere liberalitatis, & sic magnificentia erit liberalitas, non autem e contra: veluti omnis habitus est dispositio, non autem e contra, ut dicit philosophus in praedicamentis: sic etiam magnificentia est liberalitas non autem e contra. Easdem enim conditiones videtur servare magnificus, quas praescribit recta ratio, & quas servat liberalis: sed hoc interest quod magnificus addit super illas magnitudinem quandam. Dubitatur utrum liberalitas sit virtus distincta a magnificetia: & videtur quod non sit distincta, & probatur, Illa virtus est idem cum alia, quae versatur circa eandem materiam idemque obiectum: at liberalitas & magnificetia versantur circa eandem materiam. i. circa pecunias: ergo liberalitas, & magnificetia idem esse videtur. At vero si quis dicat eas propterea differre, quia una sit circa paruos sumptus, alia circa magnos, respondere potest quod magis & minus non diversificat species: ergo nec istos habitus. Dicendum ad haec quod tenendo sententiam philosophi, quod liberalitas illa qua est sub genere, & proprie dicta liberalitas est distincta specie ab ipsa magnificentia. Et cum dicitur quod sunt eadem, quia versantur circa eandem materiam, respondetur quod habitus distinguuntur



non solum cum versantur circa diuersa obiecta: sed etiam cū circa idem diuerso modo, & diuersa ratione. Et verum est q̄ magis & minus nō faciunt diuersitatē specificam: sed dico q̄ istæ virtutes nō solum differūt per magis & minus, sed per rationē rectā. Nā alia est ratio recta quæ mensurat actus liberalitatis, & alia quæ mēsurat actus magnifici. Alius ergo & diuersus est modus vtriusque virtutis. Nā liberalitas seruat modū in paruis rebus. magnificētia vero seruat decorū in magnis: quæ est differentia nō parua. Differūt etiā quodā sine, quia ex liberalitate sequitur opus grātū huic vel illi: ex magnificētia vero, opus cōmune & publicū, tum magnū atque decorū. ex quo patet, q̄ cū nō solū per magis & minus, sed etiā p̄ alias rationes differēt, q̄ liberalitas propria est distinctā specie a magnificētia. Verū magnificētia est quædā liberalitas, non ea quæ est species & p̄prie dicta, sed ea quæ est genus: & hoc pacto magnificus est quidā liberalis, vt dicit philosophus. i. habet liberalitatē quæ est genus, quia seruat mediocritatem circa sumptus cū decentia debitis circūstantiis seruatis. [CIRCA hæc.]. i. circa has cōditiones. [ATQVE magnificus.] Hæc est, septima cōditio vel p̄prietas magnifici. s. q̄ pari sumptu magnificus faciet rem magis præclarā, quā liberalis: quod probatur, quia vir magnificus quocunq; sumptu opus præclarius faciet. sed fieri potest vt pari sumptu vtatur magnificus & liberalis, ergo pari sumptu faciet opus præclarius. Et videtur philosophus huius asserre rationē dicēdo, q̄ interest inter rem quæ possidetur, & opus aliquod. Res enim quæ possidetur habet hanc virtutē vt fit magni pretii, & sit ex materia pretiosa, & virtus eius videtur esse pretiositas ex parte materie. Operis autem virtus est magnitudo & pulchritudo summa. Res igitur quæ possidetur, dicitur habere magnitudinē pretii, opus autē pulchritudinē, & magnitudinē, & admirationē. Magnificus igitur magnis sumptibus vtitur in genere suo, liberalis vero etsi sumptū faciat in aliqua re, videbitur ea res si pari sumptu fiat habere æstimationē pretii: nō autem eā magnitudinē quā habet opus magnifici. Veluti si liberalis faciat præclarā pateram ex solido auro, quā dono dedat ecclesiæ cuius pretiū sit nūmōrt auri. C. magnificus pari sumptu faciet opus excellenti⁹ in pulchritudine & magnitudine. Prima res erit vtilis quo ad possessionē: istud vero pulchrius, & ad magnificētiā accommodatius: impense autē eō ptinent. Hæc est tertia pars huius. ii. capituli, in qua philosoph⁹ postea quā declarauit materiā magnificētiæ, & p̄prietates quāsdā magnifici: nūc asserit sumpt⁹ qui ad magnificū pertinet, & opera eius in quibus tales sumptus facit, & primō ostēdit hoc quod diximus: deinde declarat ad quē. i. ad quā personā spectat sumptus huiusmodi facere. Verū cū opera magnifici varia sint, alia aliis erūt magis principalia, & gradus habebūt. Nam eorū quædā spectāt ad cultū diuinū: quædā ad homines. & eorū quæ ad homines pertinent, quædā sunt publica: quædam priuata. & prima sunt magis magnifica, quā secundā: & secunda quā tertia. Dicit igitur in primis q̄ ii sumptus & ea opera præcipue & p̄prie pertinent ad magnificū, quæ sunt maxima & præstantissima omniū: sed ea quæ spectant ad cultū diuinū sunt huiusmodi. ergo ea p̄prie pertinent ad virū magnificū. Ea vero sunt vt tēpla, & similia ptinētia ad sacra, & ad cultū diuinū, & ea quæ circa reipublicā. In secūdo gradu sunt opera quæ ptinent ad homines, & nō quæcunq; sed publica: quod potest p̄bri hoc pacto. Opera maxima inter humana pertinet ad magnificū: ad publica sunt huiusmodi. ergo, &c. [ATQVE in vniuersis.] Hac in parte philosoph⁹ declarat personā ad quā pertinent tales sumptus magni: & videtur asserre tres cōclusiones ad hoc declarandū. Prima est, q̄ tales sumptus pertinet ad locupletē, & ad eū qui est præditus facultatib⁹. Nam magnitudo est ad aliud, & non dicitur simpliciter. respicit enim personā quæ facit, & opus & sumptus. Nam ad eum pertinet maximis sumptibus maxima opera facere, qui recte ea facere potest: sed diues & facultatibus abundans est huiusmodi, ergo ad eum pertinet. Ex quo sequitur secunda conclusio q̄ ad pauperem nō pertinet, quia non habet facultates, & facere ea quæ non posset, nec eum deceret. Et ex his asserit tertiam cōclusionem. s. q̄ ad eos pertinet tales sumptus, qui vel eos antea fecerint ipsi vel sui maiores, & p̄ genitores. [PRIVATORVM autē.] Hæc est quarta pars capituli: in qua asserit sumptus pertinentes ad magnificū, non vt principales: sed vt secundarios. & asserit etiam eorum quosdā gradus. Prim⁹ est sumptuum eorum qui semel in vita fieri solēt, vt nuptiæ. Secundus est circa ea quæ vniuersa ciuitas studet, vt circa hospitalitatem legatorum, & eos suscipiendos hospitio, & honorandos & similia, vt sunt munera quæ debēt esse magnifica atque ampla, & etiam ædes vt patet in textu. [ET item in iis magis.] Asserit sententiam philosoph⁹ hanc ad declarandū id quod magnifici est præter alia supradicta. s. q̄ in iis præcipue debet magnificus suos sumpt⁹ locare quæ sunt diuturna & stabilia, quia etiā pulchriora, & admirabiliora esse solent, & quandā magnitudinē præ se ferre. [ATQVE in singulis.] Hac

43 in parte philosoph⁹ asserit legem quandam cōmunem seruandam in sumptibus qui sunt ad magnificos: & dicit q̄ oportet magnificū seruare decorū, quod fit cum sumptus accommodantur operi & personæ, & illi pro quo fit talis sumptus. Itaque magnificus rationem habebit & operis, & personæ & sumptus. non enim eadem est magnitudo templi, & priuæ domus: nec sumptus esse debent æquales, sed longe maiores in templis ædificandis. Verū magnificus in quocunq; opere magnus erit, quia magnitudo operis præclarior est, & maius quiddam quā pretium, & ipsi

sumptus. [I s autem qui exuperat.] Hæc est quinta pars capituli: in qua declarat philosophus vitia opposita magnificentie. & primò de eo qui dicitur sordidus, & rudis ignarusque eius quod decet: deinde de eo qui dicitur modicus. Dicit igitur q̃ sordidus est is qui excedit in sumptibus faciendis plusquàm decet opus, quod faciendū suscipit: & volunt ii videri magnifici, & nesciūt seruare decorū, vt Megarēses qui in apparatus comici cū scenæ solerent tegi pellibus, cœperunt asserre & apponere purpureas vestes cōtra decorū & cōsuetudinē. [P V S I L L V S autem.] Affert aliud extremum philosophus quod est defectus: & ponit quinque cōditiones, & proprietates & defectus, quæ patent in textu. [S V N T igitur.] Declarat ista vitia cōmuniter philosophus dicen-  
do quòd ii habitus oppositi magnificentie vitia quidem sunt: deinde dicit q̃ non afferunt vitu-  
perationem. Prima cōclusio probari potest hoc pacto, Omnis habitus qui opponitur virtuti est vitium: sed hi duo habitus opponuntur virtuti magnificentie: ergo, &c. Secunda conclusio, Hi ha-  
bitus qui non sunt detrimenti aliis, non afferūt nimium vituperationis: isti duo supradicti sunt huiusmodi: ergo, &c. Et hæc de liberalitate, & magnificentia. Notandum quod cum sint quatuor virtutes quas isti appellat cardinales. scēperantia, fortitudo, prudentia, iustitia, ad quas reliquæ morales actiueque virtutes reduci videntur: quæritur ad quam istarū reducatur liberalitas & magnificentia. Alii dicunt ad iustitiam: & adducunt rationes, quia sicut iustia est circa actus, & extenditur ad exteriores personas: eodem modo liberalitas, magnificentia ad alios extendunt actus suos. Præterea videntur conuenire in materia, quia iustitia videtur versari circa bona externa, & etiam circa pecuniā tribuendo cuique quod suum est. Alii dicunt has reduci ad tempe-  
rantiam: quia dicunt liberalitatem versari circa affectus sicut versatur etiam temperantia. Nam il-  
la circa cupiditatem pecuniarum: hæc circa cupiditatem voluptatum corporis. Pecunie non sunt materia remota liberalitatis: propinqua autem est cupiditas pecuniarū. Sed dicit aliquis, quòd ista ratio isto loco non valet: quia cupiditas circa quam versatur liberalitas non est eadem cū cu-  
piditate circa quam versatur temperantia, quæ quidem cupiditas videtur esse corporeæ volup-  
tatis. Liberalitatis verò minime. Ad hoc dicendū quòd maior est propinquitas & similitudo inter affectum & affectum si illi duo affectus conueniant in aliquo communi, quam inter affectum, & actum: ex quo melius videntur opinari qui liberalitatem, & magnificentiam redigunt ad tempe-  
rantiam, quàm qui ad iustitiam: eorum tamen rationes non sunt contemnendæ.

*De magnanimitate, & eius extremis.*

*Cap. III.*



Magnanimitas autem circa magna quidem: vel ex ipso nomine  
versari videtur. Circa quæ verò versatur, primum accipiamus o-  
portet. Atque nihil refert, siue habitum ipsum, siue eum cōside-  
remus qui habitum habet. Videtur itaque magnanimus is esse: qui ma-  
gnis est dignus, & dignum sese magnis esse censet, qui nanque non pro  
dignitate hoc facit: stolidus est. At eorum qui præditi sunt virtute, nemo  
demens, nemo stolidus est. Is igitur quem diximus, magnanimus est.  
Qui nanque parua meretur, & hisce dignum seipsum censet: modestus  
quidem, at nō magnanimus est. Magnanimitas enim in magnitudine:  
sicut & pulchritudo corpore in magno cōsistit. Parui vero formosi qui-  
dem sunt, & membris apppositi: sed nō pulchri. Is autē qui est indignus,  
& magnis dignum seipsum censet, est \* lentus. Non est autē omnis len-  
tus, qui maioribus quàm meretur dignum seipsum censet. At is qui se di-  
gnum minoribus quàm dignum sit censet: pusillanimus est siue magna,  
siue mediocria mereatur: siue parua quidem, minoribus verò seipsum di-  
gnum esse existimet. At maximè videbitur is qui magnis est dignus.  
Quid enim faceret: si tantis non esset dignus? Est igitur ipse magnani-  
mus: magnitudine quidem extremus, ratione autem eius quod oportet  
medius. Dignum enim eo seipsum censet, quod ad dignitatem suam ac-  
commodatur. Illi verò exuperant, & deficiūt. Quòd si magnis se dignū  
cēseat: & sit dignus, & maximè maximis, circa vnum maximè versabitur

χαιρῶ,  
οὐκ ἐπὶ τῷ  
ineptus.

ipse. Dignitas autem ad externa dicitur bona. Maximum vero id asseuerat omnes esse, quod diis ipsis tribuimus: & quod maxime homines qui sunt in dignitate affectant: quodque dari premium ob res pulcherrimas solet. Tale autem est ipse honor. Hoc est enim bonorum maximum, sed externorum. Circa igitur honores & inhonorationes, magnanimus ut oportet versatur. Et sine etiam ratione, magnanimi circa honores esse videntur. Viri nanque magni, maxime seipsum dignos esse honore pro dignitate censent. Sed pusillanimus deficit, tam ad seipsum, quam ad ipsius magnanimi dignitatem. Lentus autem respectu quidem sui exuperat: non tamen ipsum magnanimū. Atqui magnanimus ipse, cum sit maximis dignus: fuerit optimus sane. Melior enim maiora semper meretur: & optimus, maxima. Eum ergo qui vere magni est animi, bonum esse oportet. Atque magnanimi videbitur id esse, quod est in vnaquaque virtute magnum. Nulloque pacto magnanimo competit aggreffo pericula, fugam ob timorem arripere, aut iniuriam facere. Gratia nanque cuius is aget turpia, cui nihil est magnum: singula vero consideranti, magnanimus si non bonus, ridiculus omnino videbitur. Nec etiam dignus erit honore: si prauus sit. Quippe cum honor primum sit virtutis, ac bonis hominibus tribuatur. Videtur igitur ipsa magnitudo animi tanquam ornamētum quoddam esse virtutum. Nam maiores efficit ipsas: & sine illa ipsa non fit. Quam ob rem difficile est vere magnanimū esse.

Non enim esse potest, si non omnis probitas adsit. Magnitudo igitur animi: maxime circa honores & inhonorationes versatur. Atque magnanimus pro iis quidem honoribus qui & magni sunt, & a studiosis hominibus offeruntur, moderate lætabitur, tanquam accommodatos sibi, vel minores etiam adipiscens. Virtuti enim accumulate, nullus dignus honor fieri potest. Acceperit tamen, quia maiora nequeunt exhiberi. Sed eos honores quos quiuis homines & paruistribuunt: paruipedit omnino. Non est enim his dignus. Similiter & id quod est honori contrarium. Non enim iure fuerit circa ipsum. Ut igitur dictum est, vir magnanimus maxime circa honores versatur. Et circa tamen diuitias, & potestatem, & omnē prosperitatem, aduersitatemque fortunæ, quocūque euenit modo, moderate sese habebit. Et neque vehemēter in prosperitate lætabitur, neque nimium in aduersitate dolebit. Neque enim circa honorem ita sese habet, qui quidem maximū bonū est. Potestates enim diuitieque propter honorē experuntur. Itaque qui hæc habent, per ipsa honoribus affici volunt. Cui igitur & honor est paruum, huic & cætera parua sunt.

Quapropter ipsi magnanimi contemptores esse videntur. Videtur autem & prosperitates fortunę ad magnanimitatem conducere. Nobiles enim & ij qui sunt in potestatibus constituti, vel diuites, digni censentur honore: in excellentia nanque consistunt. Atque omne bonum quod excellit, dignū est magis honore. Quapropter & talia magis magnanimos

faciunt. A quibusdam enim honorantur: re autē vera, solus bonus est honorabilis. Atque ii quidē quibus insunt ambo, digni magis honore cēsentur. Qui vero sine virtute talia bona habent, ii non iure se ipsos dignos magnis honoribus censent, neque magnanimi recte dicuntur. Non enim sunt hæc sine accumulata virtute. Contemptores autem, petulantesque fiunt. Non est enim facile sine virtute moderate res ferre secundas. Atque cum æquabiliter ferre non possint, putētque se cæteris antecellere: illos quidem despiciunt: ipsi vero quicquid cōtigerit, agunt. Imitantur enim magnanimum: etsi similes ei non sunt. Idque faciūt in quibus possunt. Ea igitur quæ à virtute proficiuntur, non agunt. Despiciūt autem cæteros. Sed magnanimus iure despicit. Opinatur enim vere: vultus autem vt contingit. \* Non autem parua pericula subit, nec periculo-  
 rū est cupidus: propterea quod res paucas multi facit. Sed subit magna. Atque cum in periculo versatur: vitæ suæ non parcat, quasi non sit dignū omnino viuere. Est etiam talis, vt beneficia conferat: & pudeat ipsum, si suscipiat beneficia. Illud enim superioris est: hoc inferioris. Et in retribuendo maiora beneficia conferat. Hoc enim pacto debitor insuper fiet is, qui primus contulit, atque suscipiet beneficium. Videatur etiam & eorum quidem meminisse: in quos beneficia contulit: eorum autem nō meminisse à quibus ipse suscepit. Est enim is qui suscepit, inferior eo qui contulit beneficium: ipse vero vult superior esse, & cum voluptate quidem audit ea quæ contulit: sine autem voluptate ea quæ ipse accepit. Quapropter & Thetis non enarrat beneficia Ioui, nec Atheniensibus Lacedæmonii quæ contulerunt in illos: sed quæ susceperunt ab illis. Est etiam magnanimi: neminis, aut vix indigere, subministrare autem proptere. Et ad eos quidem homines qui in dignitate sunt constituti, prosperi  
 tatibusque vtuntur fortunæ, magnum esse: ad medios autem mediocrē. Illos enim superare difficile est & gloriosum: hos autem facile. Et inter illos quidem gloriari, nō est ingenerosum. Inter humiles autem est importunū: quemadmodū viribus cōtra imbecillos cōtendere. Est etiā magnanimi, non adire ea quæ afficiunt honore, & vbi alij primas occupant partes. Et oriosum esse ac tardum: nisi vbi magnus est honos, vel opus: & paucas quidē agendas res aggredi: magnas autem & præclaras, necesse est etiā palam ipsum, tam odisse, quàm etiam amare. Quippe cū metuentis sit occultare. Et magis ipsi curæ veritatem quàm opinionē esse, & aperta loqui ac agere: est enim hoc contemptoris. Quapropter vtitur libertate. Est enim & libertate vtentis. Quapropter contemptor est, & etiā verax: nisi dissimulatione vtatur, qua quidem ad multitudinē vtitur. Et non posse ad alium viuere, nisi ad solum amicum: est enim seruile. Quapropter & omnes adulatores seruiles sunt: & omnes humiles adultores. Nec est procliuus ad admirandum. Nihil enim apud ipsum est magnū: nec est sibi mali memor illati. Non est enim magnanimi meminisse

Græc<sup>o</sup> co  
 dex sic ha  
 bet, ἐκ ἐστ  
 ῆ πικρο  
 νύδωτος,  
 & ῆ ὀλι  
 γώδωτος  
 ἐστὶ τὸ ὀλι  
 γὰ πικρὸν  
 μεγαλο  
 νύδωτος  
 ῆ, & c.

IIia. d.

μικρο  
 κ.

- 70 præfertim mala: sed potius despiciere. Nec\* de hominibus loquitur. Et enim neq; de seipso: neque de alio dicit. Nec enim vt laudetur ipse, nec vt alii reprehendantur, est ipsi curæ. Nec rursus est laudator. Idcirco nec maledicus, nec inimicos quidem: nisi ob contumeliam. De necessariis præterea rebus vel paruis, minime esse\* querulus, & ad precandum procliuius. Est enim studentis. circa hæc ita sese habere. Est etiam talis: vt res magis pulchras, sineque fructu, quàm fructuosas, vtilesque possideat. Est enim magis\* sufficientis. Insuper ipsius magnanimi, motus tardus esse videtur, & vox grauis, & locutio tarda. Non enim properat is: qui circa pauca studet: nec est vehemens qui nihil existimat magnum. Acumen autem vocis & celeritas propter hæc ipsa fieri solent. Talis est igitur ipse magnanimus. Is autem qui deficit, pusillanimus est: qui vero exuperat, lentus. Nec igitur hi mali esse videntur: quippe cum mala non faciant; 74 sed aberrare. Pusillanimus enim meretur quidē bona: iis tamen seipsum priuat quibus est dignus. Atque malum quoddam habere videtur: quia bonis seipsum dignum nō censet, & seipsum ignorare. Appeteret enim ea quibus est dignus, cum sint bona. Non tamen stolidi tales homines: sed pigri potius esse videntur. Talis autem opinatio videtur & deteriores ipsos efficere. Singuli nanque appetunt ea, quibus sunt digni. Demouent sese & à præclaris actibus & officiis quasi sint indigni, & à bonis externis simili modo. At lentī, stolidi sunt, & seipsos ignorant, & etiam clare. Nam quasi sint digni, res eas aggrediuntur quæ honorantur, deinde redarguuntur. Vestituque se & gestu, & similibus ornant. Et prosperitates suas manifestas esse volunt. De ipsisque etiam dicunt: vt ob ipsa afficiantur honore. Magnitudini autem animi pusillanimitas opponitur magis quàm lentitudo. Fit enim magis: & peior est. Magnitudo igitur animi, circa honorem (vt diximus) magnum versatur.

ἐν τῷ ἀνθρώπῳ  
πολύγυς.ἐλαφύς-  
τινός.ἀντάδης-  
κός.

## Commen.

- 72 **M**AGNANIMITAS autem circa magna. Hic est secundus tractatus huius quarti libri: in quo philosophus posteaquàm declarauit quasdam virtutes, quæ versantur circa bona externa. i. circa pecunias: nunc consequenter ostendit quasdam alias quæ versantur circa alia bona externa vt dicuntur. i. circa honores. & quia sunt duæ, ideo hic tractatus in duo diuiditur capitula. In primo tractat de magnanimitate. In secundo de virtute innominata circa mediocres honores. Primum capitulum diuiditur in quatuor partes, in quibus seruat ordinē solitū. Partes autem patebunt. In prima itaq; ostendit materiam magnanimitatis in genere: deinde in specie, & etiā declarat quomodo vitia opposita se habēt circa eadem materiam. Ponit autē in primis hanc sententiam, quod magnanimus versatur circa magna, & hæc est materia in genere circa quā versatur magnanimus. Nā is, qui cū sit dignus magnis cēset se dignū illis, versatur circa magna. sed magnanimus est huiusmodi, ergo, &c. Quod autē magnanim⁹ sit talis videtur, probare à contrario, nā capiatur huius oppositum. sc. q. magnanimus est, qui se magnis dignum putat cū non sit, talis vero esset stolidus & fatuus: ponere magnanimū fatuum absurdū esse videtur. Nullus enim studiosus est fatuus: magnanimus est studiosus, ergo, &c. Quare relinquitur vt magnanimus sit qui se magnis dignum censet, cum versetur circa magna. Ostendit id etiam philosophus exēplo aliorū, qui magnis digni non sunt: & ipsi etiā non se magnis dignos censent, quia merentur parua: tales non sunt magnanimi, sed modesti potius appellandi. [1] s autē qui est. Nūc autem philosophus ostēdit quomodo extrema opposita se habeant circa eandem materiā alsigna tam in genere: & dicit, q. is, qui est lentus vt ita loquat, & mollis animi ad hoc vt trahatur, & facile flectatur ab sermone aliorū vel opinione sua, talis in quā existimat se dignū magnis honori-

bus, cum non sit: pusillanimus vero minoribus se dignū censet, quā sit. Notandū q̄ lentus apud  
 grecos dicitur *χαλκός* quasi mollis *ἀνδρὲς χαλκοῦ* mollio, quasi ille, qui ex sermonib⁹ hominū sibi a-  
 lantium vel opinione facile flectitur & labitur ad existimandum se magnis dignum cum nō sit:  
 talis nullas videtur habere virtutes, sed esse quasi stolidus quidam nullo pacto se ad seipsum ver-  
 tens. Ille vero qui est pusillanimus videtur habere aliquam perfectionem, & est dignus aliquo  
 honore: & is habet gradus, quia aut habet magnas, aut mediocres, aut paruas virtutes, & secun-  
 dum ista varios meretur honores, sed semper minoribus se dignum censet quā mereatur. verū  
 quanto maiores meretur, & minoribus se dignū censet: tanto est magis pusillanimus. Quid enim  
 faceret si tantis nō esset dignus, vt inquit philosophus? [E S T igitur ipse magnanimus.] Remo-  
 uetur dubiū philosophus q̄ oriri posset. Nam cū dicat magnanimitatē consistere in magnitudine,  
 & ob hoc videtur q̄ occupet extremum, ergo non erit mediocritas, nec ex consequenti virtus.  
 Tollit hanc dubitationem, ostēdendo q̄ diuersis rationibus, & respectibus potest magnanimus  
 appellari extremus & medius. Nam inquantū est in summo gradu perfectionis, & habet magni-  
 tudinē quandā perfectionis, dicitur extremus. Si vero cōsideratur vt agit secūdm rectā ratio-  
 nē, tunc erit mediocritas ipsa magnanimitas, & collocatur inter excessum & defectū, quae erunt  
 extrema [Q V O D si magis.] Postea quā ostendit materiam circa quam versatur magnanimus  
 in genere more suo: nunc in specie, & magis particulariter ostēdit materiā eiusdē, & extremorū  
 oppositorū. & primō declarat eam vt diximus: deinde ostēdit quomodo magnanimitas se habet  
 ad alias virtutes. Dicit igitur in primis quōd magnanimus versatur circa magnos aliores: qui  
 bonorum externorū maxima esse putantur. Versatur autem circa vnum, quia ea quae superlatiue  
 sumuntur videntur esse vnica, & non cōpetere nisi vni. Maxime nanque ad magnanimum perti-  
 nent, sed maximū in rebus humanis videtur esse vnum: hoc autem maximū cuius est dignus ma-  
 gnanimus, intelligitur in bonis externis: nam dignitas refertur ad externa bona. Quando enim  
 dicimus hic dignus, non intelligimus dignum virtute, quā est internum bonum: sed dignum pe-  
 cunia, amicitia, honore, & similibus bonis externis. Cum ergo magnanimus dignus sit maximo  
 bono externo, vt dictum est: declarat quid sit illud, scilicet quod est honor: circa honores igitur  
 versatur magnanimus. Probat, Magnanimus versatur circa maxima externorum bonorum: at  
 honores sunt huiusmodi: ergo, &c. Maior clara: minor probatur à philosopho, scilicet quōd hono-  
 res sunt maxima inter externa bona. Illud quod deo tribuimus quasi non habeamus aliorū: ma-  
 ius inter externa, est maximum externorum bonorum: at honor est huiusmodi, &c. Item illud  
 videtur esse maximum, quod affectant ii qui sunt in dignitatibus constituti: at honores est huius-  
 modi, &c. Item illud videtur esse maximum inter externa, quod attribui solet pro praeio ob res  
 praeclaras: & honores est talis. Concludit igitur quōd circa honores versabitur magnanimus &  
 cum eiusdem potentia sit versari circa contraria: si ergo circa honores, & etiam circa contraria,  
 id est circa inhonorationes vt ita loquar. Nam & fortitudo circa timores, & audacias: & tempera-  
 tus circa voluptates, & dolores, licet circa dolores per accidens, & alia nonnulla simili modo  
 do. Notandum quōd philosophus ostendit magnanimum versari circa magnum, tanquā circa  
 materiam, & hoc habuit primū ex nomine tanquā per se notum. Verum hoc erat nisi quod ge-  
 neraliter ostēdit quale est istud magnum vel maximum. Et addit externorum bonorum, quia  
 bona animi longe maiora sunt bona, & infinita quadam laude externis anteponenda. [E T sine  
 etiam ratione.] Probauit superius philosophus rationibus quōd magnanimus versatur circa hono-  
 res: nunc autem probat etiam experientia, quia magni & praeclari viri, & summis virtuti-  
 bus praediti dicunt & censent se esse dignos honore secūdm suam dignitatem. Et addit postea  
 q̄ pusillanim⁹ deficit, & respectus sui & respectu magnanimi. Primo respectu sui, quia est dignus  
 honore, quo se dignum non censet: deficit etiam respectu magnanimi, quia putat se dignum mi-  
 nore honore, quā magnanimus, ex quo deficit ab illa mediocritate viri magnanimi. Len-  
 tus vero vel mollis putat se dignum magnis honoribus, & excedit quidem respectu sui: non  
 autem respectu magnanimi, quia non putat se dignum maioribus honoribus quā magnani-  
 mus, qui se dignum censet magnis honoribus, cum re vera sit dignus eisdem. Patet igitur quōd  
 magnanimitas, & eius extrema circa honores versantur. [A T Q V I magnanimus ipse.] De-  
 clarata materia magnanimitatis, & vitiū oppositorum: nunc comparat magnanimum, &  
 ostendit quomodo se habet ad alias virtutes morum. & primo assert nonnullas conclusiones,  
 & probat: deinde assert alias obortas ex primis. Probat igitur primū nonnullis rationibus  
 quōd magnanimos est homo, qui habet omnes virtutes. Prima ratio, Qui est dignus maximis  
 honoribus est vir optimus: sed magnanimus est dignus maximis honoribus, ergo est optimus.  
 at vir optimus habet omnes virtutes, ergo, &c. [A T Q V E magnanimi.] Secunda ratio, Is qui  
 operatur id quod est in vnaqueque virtute maximum, habet omnes virtutes: sed magnanimus  
 est huiusmodi, ergo habet omnes virtutes. Patet minor, quod magnanimus cum producat  
 operationes alicuius virtutis, eas producit in maximo & perfectissimo gradu secundum eam  
 virtutem, vt exemplo ostēdit philosophus duarum operationum: quarum alia est fortitudinis, a-  
 lia iustitiae. Non enim fugiet in praelio hostem cum pugnam aggreditur: nec pericula terribi-  
 lia, sed magno animo & fortissimo sustinebit, quod est maxima operatio fortitudinis: nec etiam



- inferent iniuriam alteri quod est iustitia, cum nihil existimet magnum quo inducatur ad inferendam iniuriam. [SINGVLA vero.] Tertia ratio qua idem probat per deductionem ad inveniētiens. Dico magnanimum esse optimum, si conceditis habeo propositum: si minus, sequitur hoc absurdum, quod magnanimus sit homo ridiculus cum se dignum censeat magnis honoribus & summis: & non sit dignus si non est optimus. At cum magnanimus habeat prudentiam: omnis enim studiosus habet prudentiam, inconueniens esse videtur arbitrari eum esse ridiculum quendam. [VIDE TVR igitur ipsa.] Ex supradictis inferit duo oborta, primum est quod magnitudo animi est decus & ornamentum reliquarum virtutum: & hoc probat ex eo quod addit incrementum reliquis virtutibus extollendo eas, & exercendo in summo gradu. Secundum est quod euadere magnanimum est valde difficile, & assignat rationem, quia in magnanimo oportet ut sit omnis probitas, & omnis virtus cumulata. [MAGNITVDO igitur animi.] Hæc est secunda pars huius capituli, in qua philosophus more & ordine suo ostendit de actibus magnanimi, & primo circa propriam materiam suam id est, circa honores, deinde circa quasdam materias secundas .i. circa prosperitatem quandam ut circa diuitias, & huiusmodi. Dicit ergo quod cum magnanimus afficitur honoribus magnis & à viris studiosis, lætabitur, tamen moderate: paruos vero non multi faciet, ut late patet in textu philosophi. [E TVR CIRCA diuitias.] Ostendit quod magnanimus moderate se habet circa diuitias, & omnem prosperitatem aduersitatemque quomodo cunque enuat, & circa potentiam, & alia bona externa. Probatur, Is qui moderate se habet circa summum externorum bonorum, etiam bene & moderate se habebit circa minora: sed magnanimus moderate se habet circa honores, qui sunt maxima externorum, ergo bene & moderate se habebit circa diuitias, potentiam, & similia quæ sunt minora. Sunt autem minora, quia & illa propter honorem expectantur. sic ergo moderate se habebit circa prosperitatem, & eadem ratio erit de contrariis. [QVAPROPTER ipsi.] Notandum quod magnanimi videntur esse superbi, tamen non sunt. Eos enim superbos dicimus qui mediocritatem excedunt, & perfas & nefas antecellere aliis volunt immoderate quadam cupiditate. Magnanimi vero propter maximas perfectiones suas in seipso conuertunt, & honores sibi à studiosis delatos moderate accipiunt, si non deferantur æquo animo ferunt: videntur enim despiciere humana, & ea se inferiora ducere, & iocunditatem habere maximam, cum seipso ad se vertunt, & suam perfectionem cognoscunt. Cicerō, Contemnamus igitur omnes ineptias: quid enim leuius huic leuitati nomen imponam? totamque vitam bene viuendi in animi robore ac magnitudine, & in omni rerum humanarum contemptione ac desipientia, & in omni virtute ponamus. [VIDENTVR prosperitates.] Hæc in parte philosophus ostendit quod bona quæ dicuntur fortunæ, ut potentia, diuitiæ & huiusmodi, videntur conferre ad magnanimitatem hoc pacto ut magis honore digna putetur, quia illa bona consistunt in genere suo in quadam excellentia. Verum hoc dicit philosophus, non quia magnanimus efficiatur magis magnanimus, aut magis dignus honoribus ob affluentem & prosperitatem: sed quia ita videtur & existimatur opinione vulgi, non quod re vera ita sit, quia probitas & virtus ut ipse addit, vera digna est honore, unde qui illa habent sine virtutibus, & se dignos honoribus censent non sunt magnanimi licet videri velint: sed potius insolentes & arrogantes: ex quo apparet quod magnanimi sunt ex ipsis virtutibus, & ob virtutes digni honoribus, non autem proprie ob externa bona ut patet in textu. [NON autem parua.] Hæc est tertia pars huius capituli in qua philosophus more suo assert multas proprietates magnanimi. Verum cum dictum sit magnanimum operari summum in vnaqueque virtute, primo assert proprietates quæ accipiuntur ex materia aliarum virtutum, & præsertim fortitudinis & liberalitatis, quæ sibi magis accommodatur: deinde assert proprietates quæ sumuntur ex materia propria ipsius magnanimi: demum assert eas vltius proprietates quæ sumuntur ex aliis puta ex medio criticibus illis quæ versantur circa communem conversationem hominum. Hæc autem omnes proprietates quæ multæ sunt successiue patebunt. Prima sumitur ex parte fortitudinis, scilicet quod magnanimus, nec pro parvis rebus nec frequenter adit pericula & hoc probat, quia pauca sunt quæ magnanimus multi faciat: & addit aliam proprietatem etiam ex parte fortitudinis, scilicet quod magnanimus cum in periculis versatur non parcat vitæ suæ: quasi non sit dignum viuere, & parcere vitæ suæ, & non anteferre ea pro quibus vitam periculis maximis obiecit, veluti salutem patriæ & religionis & similia. Itaque non putaret dignum viuere: omnis is & posthabitis, quorum causa maxima illa pericula subit. [EST etiam talis.] Hæc est alia proprietates ex parte liberalitatis, scilicet quod magnanimus libenter confert beneficia: pūdet autem suscipere, quia illud superioris & perfectioris: hoc autem inferioris, & minus perfecti. Agens enim ea ratione qua agit videtur esse perfectius quam patiens & suscipiens. Unde materia prima imperfectissima dicitur. Est & alia proprietates magnanimi quod in retribuendo est largus, & excedit ne beneficiis superetur. Itaque, & largissimus est & gratissimus in remunerando iuxta sententiam Hesiodi, qui eadem mensura reddere iubet qua acceperit, aut cumulatio si possit. [VIDEATVR etiam.] Est & alia proprietates ex parte liberalitatis, scilicet quod magnanimus libenter audit beneficia quæ contulit, & non libenter ea quæ suscipit. & assert ad hoc duo exempla, vnum ex Fabula apud Homerum: aliud ex historia. Nam cum Thetis inducatur ab Homero quod accedit ad Iouem

# ETHICORVM

pro impetrando beneficio ab eo pro Achille filio suo, quem despexerat Agamemnon; nec commemorat Ioui beneficium, quod in ipsum contulisse eam dicit Homerus, scilicet cum Mars & Neptunus & alii vellent eum capere, & sibi regnum auferre: Thetis commouit Briareum giganteum, vt ferret auxilium Ioui, cuius presentia terribili illi desisterunt ab incepto. Hoc illa beneficium non reutilit Ioui vt Achilles volebat, sed dixit, Si gratum tibi vnquam, &c. Sulpice patrocinium filii mei. Eodem pacto Lacedæmonii cum iam superarentur in bello à Thebanis opem ab Atheniensibus petiere, & cum antea ab vtrisque essent inuicem plura accepta collataq; beneficia, Lacedæmonii quæ contulerant tacere, quæ acceperunt commemorarunt vt facili<sup>9</sup> auxilium impetrarēt, & libentius audirentur: ex quibus colligitur ad propositū philosophi, q<sup>uod</sup> magnanimi libenter audiunt cōmemorantes beneficia quæ ipsi magnanimi cōtulerunt, nō autē ea quæ acceperūt. [E S T etiā magnanimi.] Alia proprietas & cōditio magnanimi nullius aut vix indigere, aliis autē prodesse. [E T ad eos.] Affert nunc philosophus nōnullas proprietates quæ sumuntur ex materia propria magnanimitatis. f. ex parte honorū. Prima est, quod ad magnanimitū pertinet, magnum inter præclaros viros se præbere, & inter mediocres mediocrem, quia ineptum videtur, & à magnanimo alienum magnum se præbere inter eos qui longe inferiores esse videntur. [E S T etiā magnanimi.] Secunda proprietas ex parte honorū. f. quod magnanimi est non adire ea loca vbi tribuuntur honores vel ceteri antecellūt. Quod dupliciter intelligi potest: vel q<sup>uod</sup> magnanimus non adit celebritates vbi fiunt honores, quia omnes se virtutē ad spectacula illa, & præferūt alia: ipse autē posthabetur, & omnes intenti sunt ad illa quæ admirantur: ipse autem non vult admirari. Vel etiā intelligi potest, q<sup>uod</sup> magnanimus non accedit queritando honores, nec vltro se offerendo vt honoretur: sed expectabit vt sibi vltro deferantur, & aquo animo feret, vel potius despiciet si non ei exhibeantur magnitudine animi ductus. [E T otiosum.] Affert alias proprietates philosophus ex parte illarum virtutum quæ cōsistunt circa cōmunem cōuersationem, & vi<sup>66</sup> uendi modū. Et prima respectu sui debet esse tardus, hoc pacto vt non moueatur pro quacunque causa leuissēd pro rebus maximis, & præclarissimis vt eum decet. [N E C S S E est.] Secunda proprietas respectu aliorū, vt patet in textu. [E T magis ipsi.] Tertia proprietas. f. q<sup>uod</sup> magis debet esse ei curæ veritas ipsa, quā opinio, vt Sallustianus ille, qui esse, quā videri bonus malebat. [E T lo<sup>67</sup> qui.] Est & alia proprietas, scilicet quod magnanimi est loqui, & agere palām, & eam probat inferendo aliam proprietatem, quod decet eum veracē esse: nisi opus sit dissimulatione vt ad vulgus, & ad multitudinem quod addere videtur philosophus, quia superius dixit quod inter magnos geret se, & præbebit magnum: inter mediocres vero mediocrē. Ex quo inter vulgus dissimulabit præstantiam suā, ne videatur velle excellere inter multitudinem: ideo non se ostendit valde præclarum & excellentem. Ipsius est etiā alia proprietas magnanimi, scilicet quod eius non est posse viuere cum alio. I. ad arbitriū alienum, nisi cum amico suo cuius idē est velle atque idem nolle. Non igitur versabitur cū quibuscūq; nec erit ei accommodatum viuere ex nutu alieno vt faciunt adulatores & viles, qui videntur indigere quocunque, & adulantur hominibus quod est alienum à magnanimo. [N E C est procliuus.] Allatis proprietatibus ex parte aliarum virtutū, & ex parte materiae proprię magnanimitatis: nunc alias affert philosophus ex dispositione propria ipsius magnanimi. Prima est. f. quod nō est procliuus ad admirandum. Probatur, Is qui nihil existimat magnum non est procliuus ad admirandum. Magnanimus nihil rerum humanarū existimat magnum. ergo, &c. Notandum quod admiratio fieri potest circa interna, & circa externa. Circa interna admiratio videtur cōpetere magnanimo, quia admiratur, & magnificat virū summis virtutibus præditum. Alia est circa externa. f. circa diuitias, & potētiam, & similia. & de hac loquitur philosophus, & eam remouet à magnanimo. [N E C est sibi.] Alia est proprietas sumpta ex parte magnanimi. f. quod magnanimus non est memor iniuriarū, & non retinet irā aut odiū, quia paripendit tales iniurias sibi non digno illatas. vnde & magnanimi appellari solent qui Clementissimi sunt in eos à quibus se læsos arbitrantur. Quare & Demosthenes ad Alexandrū & Cicerō multis in locis hanc speciē magnanimitatis miris esserunt laudibus. Hinc & illud est verū, animum vincere, iracundiam cohibere, victoriam temperare, & reliqua. [N E C de hominibus.] Alia proprietas ex parte magnanimi. f. quod non multum loquitur de hominibus, aut laudando, aut vituperando: nec de se etiam loquitur præbendo occasionem vt de se alij loquantur vt faciūt ventrosi homines. [D E necessariis præterea.] Alia proprietas. f. quod magnanimus non est querulus si sibi desint necessaria vel parua, nec est promptus ad precandum, quia hoc pertinet ad eum cui huiusmodi res sunt cordi: magnanimo autem talia curæ non sunt nec circa talia studet. [E S T etiā.] Alia eiusdem proprietatis. f. quod ipse mauult possidere res præclaras sine vitiositate, quā viles, & antequam honestum vtili, & hoc est quia illud magis est sufficientis hominis, & perfecti. [I N S V P E R ipsius magnanimi.] Alia proprietas sumpta ex dispositione magnanimi, scilicet quod magnanimi motus, & incessus est tardus, vox gravis, & nō nimium properata. His enim contraria indigentis & imperfecti potius esse videntur. Notādū q<sup>uod</sup> proprietates omnes allata bifariam sumi possunt, aut ex parte ceterarum virtutū, quas magnanimus exercet in summo gradu, aut ex parte propria ipsius magnanimi. At de temperantiæ materia nō videtur facere mentionem, quia parū videtur operari circa illā. Notandum quod motus est actus imperfectus.

vnde definitur, quod est actus entis in potentia ea ratione qua in potentia est celeritas autem motus indicat indigentiam, ideo magnanimus cum grauitate mouetur. Obseruat enim decorum: Et Cicero de Pompeio inquit, Cn. Pompeius vir ad omnia summa natus habebat in voce splendorem, & in motu summam dignitatem. [I s autem qui deficit. Hæc est quarta pars huius capituli, in qua secundum ordinem suum philosophus declarat vitia opposita magnanimitati: & primo communiter dicit quod isti duo vitiosi oppositi magnanimo non sunt mali, quia nemini nocent: sunt tamen in eo vitiosi, quia à recto medioque aberrant. PVSILLANIMVS.] Antea communiter nunc sigillatim ambo declarat. & primo de pusillanimo afferendo primo actum suum, deinde rationem illius actus: tertio affectum qui sequitur ex tali causa. Primus actus est eius quod priuat fe bonis aliquibus, quibus videtur esse dignus: ratio vero est & causa, quia seipsum ignorat, & quia forte aliquis putaret pusillanimum esse stultum cum se ignoraret: remouet hoc philosophus, & dicit quod tales homines non sunt stulti, sed potius acuti vel nonnulli textus græci habent, vel potius segnes vel alii textus dicunt. Quicquid sit, philosophus vult eos non esse ob hoc appellandos stolidos, sed potius quod se ignorant in eo, quia non putant fe dignos aliqua præclara. Postea affert effectum quod talis opinio facit ipsos deteriores quam essent, & in hoc sunt inferiores lentis, & fluentibus opinione sua quia ob talem opinionem abstinent etiam à rebus præclaris. A T lenti.] Declarat aliud extremum, & dicit quod isti læti siue molles, id est, qui facile compelluntur vel sermone aliorum vel opinione sua ad existimandum fe maximis dignos esse cum non sint: isti inquam tales sunt stolidi, & seipsos ignorant. quod videtur esse commune cum pusillanimo, tamen diuersus est modus fe ignorandi, quia illi non fe dignos censent quibus sunt: isti vero dignos censent quibus non sunt: & isti stolidi, illi vero minime sunt. [MAGNITVDINI autem animi.] Hæc in parte philosophus consuetudine sua comparat ista extrema inter fe respectu medi, & dicit quod pusillanimitas magis opponitur magnanimitati quam lentitudo, & hoc probat duabus rationibus. Primo, quia pusillanimitas frequentius fit & magis: secundo quia videtur esse deterius malum, & hoc respectu ipsius medi. Et quia ille mollis & fluens in errorem per experientiam videtur citius corrigi, quia aggreditur aliquid agendum circa honores, & si eo non potitur, cadit ab sua opinione: vel si potitur, intelligit fe non satisfacere illius dignitati, vt opinabatur. Dubitationes nonnullæ ex prædictis oriri videntur. Primo dubitatur vtrum magnanimitas sit virtus: & probat quod non. nã humilitas est virtus vt asserit veritas nostræ fidei: sed magnanimitas videtur esse opposita humilitati, ergo non erit virtus. Item cuiuscuique virtutis opus, & materia videtur esse in eo cuius est virtus. at honos, qui est materia magnanimitatis est in honorante vt ait philosophus in primo, ergo non est in eo cuius est virtus: quare non erit virtus. Ad hæc dicendum, & primo quod verum est illum habitum qui aduersatur virtuti non esse virtutem. Sed minor negatur quod magnanimitas repugnet humilitati quæ proprie est virtus, & cum dicitur quod est contemptor. ad hoc respondere possumus, quod non contemnit studiosos viros, & virtutibus præditos, sed eos, qui virtutibus vacui sunt ob res externas, puta ob genus vel diuitias vel ob aliquam magnam prosperitatem laudantur. Ad secundam rationem dicendum quod propinque, & immediate magnanimitas versatur circa cupiditatem honoris, cuius ipsa est moderatio, & est in potestate habentis secundo, & remote circa honores, qui sunt in honorantibus: & sic patet solutio. Dubitatur secundo, quia magnanimitas non videtur virtus distincta à cæteris virtutibus. probatur, Nulla virtus distincta operatur operationibus aliarum virtutum: at magnanimitas est huiusmodi, ergo & cætera. Minor declaratur ex eo, quia magnanimus operatur magna, & summa secundum vnamquamque virtutem. Item magis & minus non faciunt differre specie: ergo magnanimitas quando differret à reliquis virtutibus, non differret ab illa virtute innominata quæ est etiam circa honores, per hoc, quia magnanimitas circa magna, hæc circa mediocres vel paruos honores fit. Quare autem non differt ab aliis virtutibus, aut si differt à cæteris, saltem non differt ab innominata virtute quæ est circa honores. Ad hæc dicendum, & ad primam rationem quod magnanimitas est virtus distincta. Et licet operare operationibus aliarum virtutum: tamen versatur circa magnitudinem cuiusque virtutis, producendo operationes in summo gradu. Præterea habet alias materias circa quas versatur ipsa, & non aliæ, innominatam excipimus de qua dicemus postea. Habet igitur materiam propinquam cupiditatem honoris, habet etiam remotam ipsos honores, circa quæ duo versatur ipsa, & nullæ aliæ præter virtutem innominatam à qua etiam est distincta alia ratione. Et ideo respondemus ad secundam argumentationem, qua dicitur quod magnanimitas, est virtus innominata, non differt cum ambæ sint circa eandem materiam, id est circa honores, & non differunt per magis, & minus, & magnum, & paruum. Dicendum quod hoc in loco magnum & paruum videtur facere diuersitatem speciei, quia magnus honos differt non solum magnitudine à paruo vel mediocri honore, sed etiam facilitate & difficultate. Nam qui circa parua versatur facilius operatur, quam qui circa magna, ob quæ est dignus magnis honoribus, quia cum difficultate venit ad summum perfectionis. Vel dicere etiam possumus quod diuerso modo versantur vt superius dictum est de magnificencia & liberalitate.



Idetur autem circa honores (vt antea diximus) & alia quædā 77  
 esse virtus, quæ quidem perinde se habere videtur ad animi  
 magnitudinem, atque sese habet ad magnificentiam libera-  
 litas. Hæ nanque virtutes ambæ à magnitudine discedunt.  
 Circa vero mediocritas paruaque, nos vt oportet disponunt. Atque vt in 78  
 capiendis, dandisque pecuniis mediocritas est, & exuperatio, & defe-  
 ctio: sic & in honorum appetitione fit, vt magis quàm oportet, & mi-  
 nus, & vnde oportet, & vt oportet, appetantur honores. Reprehendi-  
 mus enim ambitiosum hominem: atque honoris appetitione vacan-  
 tem illum: quia plus quàm oportet, & vnde non oportet honorem ap-  
 petit. Hunc, quia ne ob res quidem honestas honoribus affici vult. In-  
 terdum autem illum tanquam virilem, & rei cupidum pulchræ: inter-  
 dum hunc tanquam moderatum, modestumque laudamus: quemad-  
 modum antea diximus. Constat autem cum pluribus modis quispiam  
 alicuius cupidus rei dicatur, non ad idē nos semper ambitiosum ipsum  
 referre. Sed cum laudamus: ad plerosque, quia magis quàm plerique ho-  
 nores cupit: cum reprehendimus, ad id quod oportet, quia magis quàm  
 oportet honores affectat. Cum autem nomine mediocritas careat: cō- 79  
 tendere de ipsa tanquam regione vacua, videtur extrema. In quibus ve-  
 ro exuperatio est, & defectio: in iis est & medium. At honores & magis  
 quàm oportet affectantur, & minus. Ergo fit vt affectentur, & vt opor-  
 tet. Laudatur igitur hic habitus, quo vt oportet affectantur honores: cū  
 fit mediocritas circa hominem nomine carens. Atque ad ambitionem  
 quidem vacuitas appetitionis honoris: ad vacuitatem autem appetitio-  
 nis honoris, ambitio. Ad vtrumque autem vtrumque quodam modo esse  
 videtur, quod quidem & in cæteris videtur esse virtutibus. Extremi au- 80  
 tem hic opponi videntur, quia medio nullum positum est.

## Commen

VIDE TVR autem & circa honores. Hoc est secundum capitulum huius tractatus: in quo 97  
 declarat secundam virtutem circa honores paruos vel mediocres quæ caret nomine, &  
 tamen est mediocritas & habitus quidam medius inter duo extrema: quorum alterum  
 dicitur ambitio, alterum vero græce, *ἐπιδορυαία*, quasi vacuitas appetitus honoris. Diuidi-  
 tur hæc capitulum in tres partes. In prima proponit intentionem suam. In secunda eam decla-  
 rat. In tertia determinat de virtute dicta, & vitiis oppositis. Dicit igitur in prima parte quod  
 sicut sunt duæ virtutes circa bona externa, scilicet circa pecunias liberalitas, & magnificentia:  
 ita circa alia, quæ dicuntur etiam externa bona, debent esse duæ, scilicet circa honores ma-  
 gnanimitas & innominata virtus: quæ sic se habebit ad magnanimitatem sicut liberalitas ad ma-  
 gnificentiam. Nam sicut magnificentia versatur circa magnos sumptus, liberalitas circa par-  
 uos vel mediocres: ita magnanimitas circa magnos honores, & innominata virtus circa par-  
 uos vel mediocres. Siquis autem quæreret cum philosophus posuit ante doctrinam de liberalita-  
 te, postea de magnificentia cur non fecit idem in istis duabus virtutibus: hæc vt puto assignare  
 possumus rationem. Magnanimitas habet maiorem conformitatem cum magnificentia, licet  
 sit diuersarum specierum quàm innominata virtus. Cum ergo philosophus docuisset de ma-  
 gnificentia, congruum fuit vt recentissime loqueretur de magnanimitate: potius quàm de in-  
 nominata virtute, quæ maiorem habet dissimilitudinem. Sic enim facere interdū cōsuevit phi-  
 losophus, vt res magis hæreat menti, & notitia clarior reddatur quo ad nos. Vnde in prædicamē-  
 tis cū fecisset in quantitate mentionē de paruo & magno, quæ videbātur pertinere ad relationē:

statim post quantitatem posuit prædicamentum relationis, & si qualitas esset prior ex parte rei.  
 78 [A T Q V E vt in capiendis.] Hæc est secunda pars capituli, in qua declarat suam propositâ intentionem. Sicut fit in capiendis dandisque pecuniis, sic in honoribus. At circa pecuniâs sunt duæ mediocritates vt patuit, sic circa honores esse debet: tenet ratio ob sufficientem similitudinem materiæ. Nam sicut pecuniæ sunt bona externa, ita honores. Secundo probat eandem sententiâ ex communi opinione hominû, qui circa mediocres vel paruos honores reprehendunt extrema: ergo debet esse etiâ mediocritas. Reprehendunt enim nimis ambitiosos, & eos etiam qui nimium refugit mediocres honores vel paruos: ergo erit aliquis medius habitus laudabilis circa mediocres honores vel paruos. Verum cum medium innominatum sit, & cupidus appelletur diuersis respectibus, interdum laudamus & vituperamus extrema. Primum ambitiosum laudat homines, interdum si cõparetur cum remisso, vituperant: si cõparetur cum eo quod oportet, & cû medio. Item remissum laudat cõparatû cum ambitioso: vituperat cõparatum cum eo quod oportet, & quod recta ratio dicit, & cum medio. Cupidus enim multifariâ dicitur, quia respectu eius cupidum dicimus, qui minimè cupit, & sic etiam cupidum dicimus respectu eius qui cupit quântum oportet. Quare laudamus interdum eum cupidum: quia magis appetit, quàm vulgus, & viles homines: & vituperamus, quia magis affectat quàm oportet, & recta dicit ratio. quare cum respectu ue dicatur cupidus diuersis respectibus, nunc laudamus, nunc vituperamus: laudamus cum referimus eum ad vulgus, & dicimus esse magis cupidum quàm vulgus: vituperamus cum dicimus eum esse magis cupidû, quàm oportet. & sic dicere solent homines. Ex quo deprehenditur quòd sicut sunt extrema vituperanda circa hæc: sic etiam est aliquod medium laudabile, quod caret nomine. [C V M autem nomine.] Hæc est tertia pars huius capituli, in qua philosophus determinat de medio, & extremis circa mediocres vel paruos honores. Et dicit quòd ista mediocritas vacat nomine, quia vtrûque extremum videtur velle sibi vendicare medium vicissim, & occupare quasi vacuum possessionem. Verum est profecto, inter hæc mediocritas quadam probatur. Vbi-  
 79 que sunt extrema, id est excessus & defectus, ibi est etiam medium: sed circa appetitû in paruis aut mediocribus honoribus sunt extrema vt iam antea patuit: ergo & mediû necessario inest. Patet ratio, quia extrema sunt relatiua ad medium, & vbiçûque est vnus relatiuorû necesse est alterum esse. Sunt enim simul vt inquit philosophus in prædicamentis, & posita se ponunt, &  
 80 perempta perimunt. [V T R V M Q V E quodammodo.] Quia nunc cum alio, nunc cum altero videtur habere similitudinem: verum non est intelligendum vtraque, & cætera, scilicet quòd medium esset quoddam tertium cõstans ex vtrisque vel vtrorûque particeps, sicut rubedo est particeps albedinis & nigredinis. Nam medium tale, quod est virtus nullo pacto dicitur per participationem extremorû, sed per negationem penitus. Dubitaret quispiam cur philosophus circa honores & pecunias duplices ponat virtutes, circa voluptates vero vnâ, & similiter circa alios affectus tales. Dicendum ad hoc quòd circa tales affectus non est nisi vna difficultas, veluti moderari cupiditatem voluptatû: verum circa cupiditatē pecuniarum vel honorû, & circa ipsas pecunias & honores sunt duo difficilia: vnû circa magna, alterû circa parua vel media. At si quis diceret etiam sunt duo difficillima circa voluptates, scilicet & circa magnas vnû, alterum circa paruas. Dicendum quòd quicûque temperabit magnas, temperabit etiam paruas vel mediocres: sed circa honores & pecunias non ita euenire videtur, quòd quicunque bene se gerit circa magna, bene etiam se habeat circa parua: sed sunt duo difficillima, merito duæ erûnt virtutes & duplices circa talia. Dubitatur etiam, quia philosophus dixit quòd honores sunt maxima rerum externarû, hinc autē appellat eos mediocres vel paruos, & non superlatiue vt in eo loco. Dicendum quod philosophus dicebat honores esse maxima quâdâ cum eos cõparabat ad extrema diuersi generis vel speciei, puta ad potetiam vel pecunias: quorum honorû externorum honores dixit esse maxima. Hic autē cõparat honores cum honoribus inter se, & certum est quòd habet gradus, & sunt maximi, & mediocres, & parui vel minimi: quare cõparati cum illis dicuntur maxima, comparati inter se dicuntur magni, mediocres vel parui: & sic patet dubitationis solutio.

*De mansuetudine, eiusque extremis.*

*Cap. V.*

81 **M**ansuetudo autem est quidē mediocritas circa iram. Ad cû mediû & extrema fere nomine careât, ad mediû quidem mansuetudine ipsam adducimus declinatē ad defectionē, vacantē nomine. Exuperatio vero quēdā iracundia dici potest. Etenim affectus quidē  
 82 est ira. Ea vero quę ipsum efficiūt, multa sunt & diuersa. Is igitur qui pro quibus, & quibus oportet, & vt oportet, & cû oportet, & quâto in tem-

pore oportet irascitur: laudatur. Estque hic mansuetus: siquidem laudatur ipsa mansuetudo. Mansuetus enim ac mitis: perturbatione vacare, & non ab affectu duci: sed pro his, & tanto in tempore irasci solet perinde atque ratio iubet. Peccare autem circa defectionem magis videtur. Nō est enim vindex ipse mansuetus, sed potius clemens, & ad veniam dandam propensior. Defectio autem, siue sit quādam iræ vacuitas, siue aliquid aliud, vituperatur. Qui nanque non irascuntur pro quibus oportet, & vt oportet, & cum oportet, & quibus oportet, fatui esse videntur. Nam neque sentire, neque dolere videntur. Atque qui non irascitur, nō videtur esse aptus ad vliscendum: perferre autem contumelias, & suos negligere, seruire est sane. Exuperatio vero per omnia quidem fit. Nam fit & in quibus non oportet, & pro quibus non oportet, & magis & velocius, & maiore in tempore quā oportet. Non tamen vniuersa eidem insunt: quippe cum esse non possit. Malum enim & seipsum perdit, & si integrum sit, intolerabile fit. Iracundi igitur cito quidem irascuntur, & quibus non oportet, & pro quibus non oportet, & magis quā oportet. At cito desistunt. quod quidem & optimum habent. Hoc autē ideo fit, quia non detinent iram, sed reddunt: quo pacto & manifesti sunt ob celeritatem, Deinde cessant. Exuperatione autē sunt celeres: & ad quouis, & pro quouis iracundi, \* qui summæ sunt bilis. Vnde & summæ bilis homines appellantur. Amari autem cum difficultate placantur: & longo tempore sunt sub ira. Detinent enim ipsam. Sed vbi reddiderint, cessant. Vltio nanque ponit iræ modum, pro dolore voluptatem efficiēs. Quod si hoc non fiat: habent ipsum pondus. Etenim quia non est manifestum nemo persuadet ipsis. vt in se autem concoctio fiat iræ, tempore opus est. Sunt autem tales homines & sibiipsis & amicissimis permolesti. Infensos autem eos dicimus: qui pro quibus non oportet, & magis quā oportet, & longiore tempore irascuntur, sineque vltione vel pœna, non reconciliantur. Māsfuetudini autem magis exuperationem opponimus. Fit enim magis: quippe cum humanius sit punire. & ipsi infensi, difficiliore sunt ad vitam simul agendam. At enim (quod & antea dictum est, & ex iis quæ dicuntur emergit) non est facile determinare, quonam modo, & quibus, & pro quibus, & quanto tempore irascendum sit, & quo vsque iratus, recte faciat quis aut peccet. Qui nanque parum transgreditur, non reprehenditur, siue ad exuperationem siue ad defectionem se flectat. Nonnunquam enim deficientes: laudamus, māsfuetosque vocamus. Et ipsos infensos, tanquam aptos ad dominandum: viriles dicimus esse. Facile igitur non est assignare rationem: quantū, & quo modo quispiam egressus vituperandus est. In singularibus enim ex sensu iudicium est. Illud tamen est manifestum: medium quidem habitiū, quo quibus oportet, & pro quibus oportet, & vt oportet irascimur,

ἀνθρώποι  
οἱ οἱ δὲ  
πικροί,  
δυσδιαλ  
τοί.



& simili modo de cæteris, laudabilem esse. Exuperationes autem, defectionesque vituperandas. Atque si parum distet à medio, leuiter: si plus, magis, si nimium vehementer esse carpendas. Constat igitur habitum medium consequendum esse, ac amplectendum. Sed de habitibus qui sunt circa iram, satis iam diximus.

## Commen.

- 81 **M**ANSVETUDO autem est quidem. Hic est tertius tractatus huius libri, in quo philosophus declaratis virtutibus, quæ sunt circa bona externa: nunc declarat virtutem, quæ ut aiunt, videtur respicere mala externa. Hæc autem est mansuetudo, quæ versatur circa iram. Continet autem hic tractatus vnum tantum capitulum, & diuiditur in sex partes quæ suis locis patebunt. Dicit autem in primis more suo philosophus, quod mansuetudo est mediocritas circa iram tanquam circa materiam suam: & cum non habeat proprium nomen, tributum est ei vnum nomen declinans ad defectum. Excessus verò & defectus circa eandem quoque materiam versantur. Sed excessus dicitur iracundia. Ponit autem differentiam inter iracundiam & iram, quia ira significat affectum, iracundia verò habitum excedentem circa talem affectum: & addit quoddam multa sunt causæ ex quibus ita fieri videtur. [I s igitur quidem qui.] Hæc est secunda pars huius capituli in qua determinat de ipsa mediocritate, dicendo, quod is qui irascitur pro quibus oportet, & ut oportet est laudabilis, vult enim vacare animi perturbatione: irasci tamen pro quibus oportet, & cum aliis circumstantiis sequendo rationem rectam, & talis dicitur mansuetus. [D E F E C T I O autem.] Hæc est tertia pars capituli, in qua declarat defectum mansuetudinis, dicendo quoddam siue sit vacuitas iræ siue aliquid aliud, cum sit extremum vituperatur: & hoc ostendit, quia talis videtur esse stolidus quidem & insensatus, quia nulla causa commouetur, & videtur esse ferulis & huiusmodi, ut patet in textu: nam cum declinat à medio, videtur esse vituperandus. [E X V P E R A T I O verò.] Hæc est quarta pars huius capituli, in qua declarat alterum extremum, id est excessum circa iram, qui appellatur iracundia. Sed primo declarat qualis est iste excessus, deinde affert nonnullas species eiusdem, & dicit quoddam fieri potest per omnes illas easdem circumstantias, contrario tamen modo, quia is irascitur quando non oportet, & pro quibus non oportet, & similibus: non tamen simul omnia ista concurrunt in eodem, nec vni, & eidem simul contingere videntur. Malum enim seipsum destruit, & vitia contrariantur etiam inter se: & cum est totum atque integrum non potest tolerari, quia videtur corrumpere etiam subiectum in quo est. [I R A C V N D I igitur.] Nunc philosophus affert quasdam species excessus. Ipsi sunt iracundiæ, quæ videntur esse tres, scilicet exandescencia ut ita loquar, amaritudo & acerbitas. Primi igitur iracundi sunt: qui celeriter mouentur ad iram, quia fulua cholera videtur prædominari in eis, quæ cum acuta, & subtilis sit propter caliditatem suam facile accenditur, & eleuatur, & sic fit appetitus vindictæ. Qui verò nullo modo irasci videntur, frigidi sunt atque humidi, quia carere videntur fulua, & atra bili: sed illi acuti exemplo excitantur ad iram pro quocunque, unde nomen iracundiæ sortiti sunt, ac cito desistunt: quod est in eis bonum, Non cadat sol super iracundiam vestram. & Psalmista, Irascimini, sed nolite peccare. Isti tamen superius dicti, si habi- um habent iracundiæ in vitio sunt, & in vna specie excessus mansuetudinis, qui est habitus vitiosus. [A V T E M amari cum difficultate.] Affert secundam speciem iracundiæ, & intelligendum quod hi possunt etiam in parte cholericæ appellari: habent enim bilem fuluam participantem de cholera nigra, & ideo ira perseverat in eis. Nam talis humor viscosus est, & non cito potest resolui & digeri: cum autem omnis digestio sit motus: motus paulatim factus indiget multo tempore, & ideo multum in illis perdurare videtur ira, ex quo molestem est tale hominum genus, & sibi & amicis. [I N F E N S O S autem eos.] Affert tertiam speciem iracundiæ, & eorum qui magis etiam perseverant in ira quam secundi, hi cholericæ dici non possunt sed melancholicæ: prædominatur enim in eis atrabilis, quæ etiam à quibusdam melancholia dicitur, quæ videm frigida est, & sicca, & materia grossa, & quia difficillimè dissoluitur perdurat diu, & ij differunt à secundis, quia amari facilius placentur: hi autem difficilior, & sunt insensibili quibus non oportet & cætera. Dubitaret fortasse quispiam cur plures ponit iracundiæ species, deinde cur tres, & non plures aut pauciores. Dicendum quoddam ponere plures primum necessarium videbatur, quia manifestum est irascentes vel iracundos non irasci eodem modo: & differentia videtur esse, quia etiam causæ sunt diuersæ. tres autem posuit, quia ira oritur ex ebullitione sanguinis circa cor: quæ triplex esse videtur, aut subtilis, aut grossa, aut media. Secundum primam sunt acuti, in quibus prædominatur cholera fulua, quæ est subtilis ut diximus: at secundum grossam sunt acerbij tertij in ordine, in quibus prædominatur melancholia: secundum mediā quæ utraq; participat, sunt amari secundi in ordine. [M A N S V E T V D I N I.] Hæc est quinta pars capituli, in qua comparat extrema inter se, & ad ipsum medium, & ostendit quoddam excessus magis op-  
87 portuit mansuetudini quam defectus. Probat hoc pacto, Id vitij quod circa iram frequētius fit,

magis opponitur medio: at iracundia est huiusmodi, id est ipse excessus: ergo magis opponitur medio. Item id vitium quod peius est & magis nocet, magis opponitur virtuti, & medio. At excessus est huiusmodi respectu ipsius defectus, ergo excessus magis opponitur medio quam defectus, id est ipsa iracundia magis opponitur mansuetudini. [A T enim quod & antea.] Hæc est 88  
 sexta pars huius capituli, in qua remouere videtur obiectionem quæ fieri posset contra eum, quia non videtur esse ex ante dictis præfinitus terminus, quousque debemus progredi, aut versus excessum, aut versus defectum, ut attingamus medium. Non enim visus est particulariter & præcise determinare, ideo dicit, quod id apparet. Et repetendum est quod antea diximus, scilicet quod non facile possumus assignare & determinare præcise, quando, & pro quibus, & quousque sit irascendum ut patet in textu. [F A C I L E igitur] Id est in ipsis conditionibus particularibus, & circumstantiis, scilicet quis, quando, quantum, & reliqua quæ scribit recta ratio: verum cum singularia cadant sub sensum non videntur posse determinari vniuersali regula, & firma ratione, sed sufficit quod medium habitus semper est laudandus, & qui magis ei appropinquat minus est reprehendendus.

*De affabilitate eiusque extremis. Cap. VII.*



**N**on congressionibus autem & cōiuctu, & vsu communi ver-<sup>90</sup>  
 borum ac rerum, quidam placidi esse videntur. Qui quidem pro voluptate afferenda laudant omnia, & nihil aduersantur. Putantes haud quaquam sese molestos cuiquam esse oportere. Quidam contra in omnibus aduersantes, neque curam ullam habentes si dolorem afferent, \* difficiles contentiosque vocantur. Patet igitur hos quidem duos habitus esse vituperandos, medium autem inter hos laudandum. Quo quidem quispiam ea quæ oportet, & ut oportet acceptabit, & similiter ægre feret. Verum ipsi nomen nullum est positum. Persimilis autem est amicitia. Talis est enim is qui me-<sup>91</sup>  
 dium hunc habet habitum, qualem probum hominem, amicum dicere solemus, sumpta dilectione. Sed differt ab amicitia, quod est sine affectu, dilectioneque eorum quibus cum is cōgreditur, qui hunc habitum habet. non enim amore vel odio, sed quia talis est ipse: probat singula ut oportet. Nam similiter tam ad notos, quàm ad ignotos, tam ad familiares, quàm ad non familiares id ipsum agat: in singulis tamen ut conuenit. Non enim æque familiarium & externorum curam habere, neque dolore similiter eos afficere oportet. Vniuersaliter igitur dictum est, ip-<sup>92</sup>  
 sum congrredi ut oportet. Respiciens autem ad honestatem, vtilitatemque coniectabit dolorem non afferre, vel delectare. Videtur enim hic circa voluptates dolorisque eos versari, qui in congressionibus fiunt. Atque quibus voluptatibus non est honestum ipsi, vel affert damnum delectare, eas moleste feret, & eliget dolorem inferre. Et si facienti deformitatem non paruum afferat, aut damnum: oppositio vero paruum dolore, non probabit sed ægre feret. Diuerso autem modo cum iis qui sunt in dignitatibus: & cum priuatis, & cum magis minusve notis: & cum aliarum id eundem differentiarum hominibus congredietur, singulis tribuens id quod decet. Et per se quidem expetens delectare: cauens autem dolorem afferre, & sequens ea quæ eueniunt si sint maiora, honestum inquam, & id quod conducit. Atque voluptatis gratia magna, quæ eueniet, dolorē affert paruum. Talis est igitur ipse medius, sed no-

ὁ νόμος  
 καὶ δύσε-  
 εις.

93 men habet. Is autem qui delectat, si id agit studens esse iucundus, nō ob aliud quicquam, placidus vocatur. Sin emolumentī causā sui, vt inde sibi proueniat in pecuniis, & in iis quæ pecuniis comparatur vtilitas: adulator. Eum vero qui moleste fert omnia: difficilem contentiosumque quendam diximus esse. Videntur autem extrema inter sese oppositionē suscipere: quia medium nomine caret.

*Commen.*

90 **I**N CONGRESSIONIBVS autē & vsu. Hic est quartus tractatus huius libri, in quo successiue philosophus declarat de virtutibus circa actus humanos, & communem conuersationem hominū, ex quibus oritur voluptas aut dolor. Diuiditur in tria capitula. In primo docet de quadam virtute, quam per similitudinem vocat amicitiam. in secūdo de veritate: in tertio de comitate. Primum capitulum diuiditur id tres partes: in prima ostendit circa voluptates, & dolores non omnes, sed eos qui proueniunt in conuersando ex communione verborum, & actuum esse mediocritatem & extrema: in secunda declarat eam, & etiam quasdam proprietates: in tertia vitia opposita. Dicit autem in prima incipiendo ab extremis, quia medium nomen nō habet, quōd in conuersationibus cōmunibus viuendi, quidam reperiuntur nimium assentantes placendi studio, quidam e contra morosi atque difficiles, & omnibus molesti. Ex his extremis pbat philosophus sicut etiam superius fecit, in nonnullis aliis esse circa hanc materiam quādam mediocritatem, qui vbiunque sunt extrema, ibi datur etiam medium. [VERVM ipsi nomen.] Declarat hac in parte philosophus quæ est secunda huius capituli, hanc mediocritatem ex parte cuiusdam nominis quo eam appellat similitudine quadam, amicitiam: ponit tamen differentiam quæ est inter eam, & amicitiam proprie dictam, quia hæc non est cum affectu, & cum amore: illa vero cum affectu. Sed tamen est habitus quidā talis gratus, & dulcis in cōuersando cum sit secundū rectam rationem, & debeat circumstantiis, quia talis est, id est quia habet talem habitum. [NON enim æquē.] Nam gradus plures sunt societatis hominum, vt in libro de officiis Cicero docet.

92 Summatim igitur affert philosophus quasdam proprietates quæ tali habitui tribuuntur: quæ videntur esse quinque. Prima est quōd talis versabitur cum omnibus vt oportet: secunda est quōd respiciens ad honestatem, & vtilitatem coniectabit non asserere dolorem, aut voluptatem, vt videntur facere extremi habitus, & declarat de quibus voluptatibus, aut doloribus loquitur. Tertia proprietas est duplex, nunc ex parte huius conuersantis, nunc ex parte illius cū quo talis conuersatur: & est huiusmodi, scilicet, quod is conabitur asserere voluptates, quæ sunt honestæ, aut noni damnosæ, aut sibi qui affert, aut illi cui afferuntur: quod si voluptates illæ sint alterutri damnosæ, aut turpes, non afferet illas, sed potius afferet illi dolorem, fugies damnū & turpitudinē, & existimans per hoc melius fore tam sibi quā ei cum quo ipse conuersatur. Quarta proprietas est quōd diuerso modo versabitur cum iis qui sunt in dignitatibus constituti, aut priuati, & cum notis, aut ignotis. Quinta proprietas est quæ sumitur comparatione voluptatis ad dolorem, scilicet quōd talis vir expetet per se delectare: cauebit autem asserere dolorem, & sequetur & faciet secundū illa quæ eueniunt, scilicet honestū & vtile. sed magis semper cauebit de se ab inferendo dolorem quā afferendo voluptatem. [I s autem qui delectat.] Hæc est tertia pars huius capituli in qua declarat vitia opposita tali mediocritati. & dicit quōd excedens in delectādo non est vno modo, nam aut delectat solum delectandi causā, & non ob alium respectū vel studio lucrandi, primus dicitur assentator: secundus adulator, vt patet in textu: deficiens morosus appellatur, & is magis opponitur medio quā excedens.

*De veritate, & eius extremis.*

*Cap. VII.*

94 **C**IRCA eadem fere versatur & arrogantia mediocritas: quæ quidem & ipsa nomine caret, atque non inutile fuerit de iis etiā pertractare. Nam & ea magis quæ ad morem pertinent percipiemus: si de singulis fuerit pertractatum. Et virtutes etiam ipsas mediocritates esse credemus: si id in omnibus fuerit ita sese habere ipsepectum. De iis igitur qui in conuictu ad voluptatem congregiuntur, atque dolorem: iam diximus. Sed nunc de veracibus mēdacibusque similiter, & in verbis, & in actibus, & in fictione dicamus. Arrogans itaque præclara, & ea quæ non insunt, & maiora quā insunt, fingere sibi

videtur. Dissimularor autē contra, negare quæ sibi insunt, aut imminuere solet. At medius cum sit talis vt vnū quodque quale est ipsum dicat, atque ostendat, tam vita, quàm verbis est verax, ea sibi inesse confitendo quæ insunt: & neque maiora neque minora. Fit autem vt horum vnumquodque quispiā, & alicuius, & nullius rei causa faciat. atque qualis est vnusquisque talia tam dicit quā agit. & ita viuit, nisi alicuius gratia agat. Per se autem mendacium improbum est, & vituperabile. Verum autem probum ac laudabile. Itaque verax quidem cum sit medius, est laudabilis. Mendaces autem ambo vituperabiles sunt, sed arrogans magis. At enim de vtroque dicamus oportet, prius autem de veraci. Atque nō de illo nunc dicimus: qui in stipulationibus verum dicit, & in iis quæ ad iustitiam & iniustitiā pertinent. (Hæc enim ad aliam accommodantur virtutem) sed de eo qui in quibus hoc nihil refert, & in verbis & in vita ex eo vera dicit, quia habitu talis est. Atque talis æquus & bonus esse videbitur. Qui nanque verum amat, & in quibus nil refert vera dicit: is multo magis vera dicet, in quibus refert. Vt turpe enim mendacium faciet: quod & per se fugiebat. Talis vero laudabilis est. Magis autē ad defectionē veritatis declinat. Hoc enim æquabilius esse videtur propterea quod exuperationes sunt permolestæ. Sed qui res sibi maiores quàm insunt fingit, si nullius causare: prauo quidem est similis. Non enim mendacio gauderet. Vanus tamen magis, quàm malus esse videtur. Sin alicuius gratia: si gloriæ vel honoris, non nimium est vituperandus, vt arrogans. qui verò seu pecuniæ ergo, seu eorum quæ ad pecuniam rediguntur: \* deformior est. Arrogans autem: non in potentia, sed in electione consistit: habitu nanque quia talis est, arrogans est, sicut & mendax quidam ipso mendacio gaudens, quidam gloriam aut lucrum affectās. Qui igitur gloriæ causa sunt arrogantes, ea simulant pro quibus homines laudantur, aut beati esse dicuntur. Qui vero gratia lucri, ea quorum vsus ad proximos transit, & quæ non inesse latere possunt. Fingūt enim se medicos, vel vates egregios. Quapropter plurimi hominum talia simulant: ac arroganter sibi assumunt. Sunt enim in ipsis ea quæ dicta sunt. At dissimulatores attenuantes sua: elegantiores moribus esse videntur. Non enim id lucri causa facere videntur, sed fugientes tumiditatem. Maxime autem hi negant ea quæ sunt præclara, vt & Socrates faciebat. Sed qui parua manifestaque dissimulant: ii \* delicati simul maliciosique dicuntur. Et facile sperni possunt. Atque id ipsum arrogantia videtur interdū, qualis est Lacædemoniorum vestitus. Nam & exuperatio, & nimia defectio: ad arrogantiam pertinet. Sed qui moderate dissimulatione vtuntur, nec ea dissimulant quæ nimis ante oculos sunt & extant: gratiosi esse videntur. Aduersari autem arrogans ipsi veraci videtur. Est enim dissimulatore deterior,

ἀσχημο-  
νέστερος.

εὐκλεῖα  
νοῦς ἔστι.

- 94 **C**IRCA eadē fere versatur.] Hoc est secundū capitulū, in quo philosophus declarat aliā mediocritatē, quā itidē est in cōuersatione humana: & dicitur veritas, & collocatur inter duo extrema, scilicet inter arrogantiam, & dissimulationē. Diuiditur enim in quatuor partes, quā suis locis patebunt. In prima videtur tria asserre, vnū q̄ circa eadē ferme versatur arrogantia mediocritas, id est, ipsa mediocritas, cuius excessus est arrogantia. Secundū q̄ non est inutile de iis docere. Tertiū assignat huius rationē. Erit enim aliqua utilitas in talibus habitib⁹ declarandis, quia percipiemus euidentius omnes virtutes esse mediocritates, si hoc appareat omnibus competere.
- 95 [ARROGANS itaq̄.] Hęc est secūda pars huius capituli, in qua ostēdit quid est mediū circa hanc materiā, & quid extrema, & quā pertinet ad vtrāq̄. Dicit igitur in primis q̄ arrogans fingit sibi inesse pręclara, quā nō sunt, & illa quę sibi insunt facit maiora verbis exaugēdo: dissimulatur autē negat ea quę sibi insunt, aut illa verbis minuit & extenuat: mediū vero nec sibi fingit inesse quā nō sunt, & ea quę insunt, nec maiora, nec minora facit. [A T qui sit.] Declarat philosophus quomodo hęc cōditiones insunt cuiq̄ istorū. Horum enim singula possit fieri alicuius, & nullius gratia. i. nō ob vltiorem finē, qui nullius gratia faciunt hęc: sunt autē veraces, aut arrogantes, aut dissimulatores, quia ii proprie vidētur agere, & dicere secundū habitū qui in ipsis est, & nō aliqua alia causa externa ducti, & nō ad aliquē alium respectū. Nam proprie veraces veritatem dicunt vt veritatē dicant, & mēdaces mentiuntur vt mentiātur proprie dicti. autē aliqua causa exteriorē permoti, veluti, aut glorię aut lucri cupiditate, magis videntur agere & dicere propter talē causam, quā propter habitū, aut mentiēdi, aut dicendi verū: nam remota causa illa, & pręmio veritatis vel mēdaciū, nō tales apparent, sed verax vel mendax secundū habitū siue sit causa siue nō sit: semper se ostendit talē qualis est. [PER se autē.] Declarat philosophus quid in his habitibus est dignū laude, & quid reprehensione. Mendaciū inquit est vituperandū, & hoc tribuitur vtriq̄ extremo. Mediū verō laudabile: sed extremorū arrogēs est magis vituperandū quā dissimulatur & eius operationes. [A T enim de vtroq̄.] Hęc est tertia pars capituli, in qua ostendit & declarat ipsam mediocritatē, & quid maxime pertineat ad eā & ad veracē. declarat igitur prius de mediō, & ostēdit de quo verace nunc loquatur. Est enim aliquis verax qui in iudiciis & testimoniis vera dicit, alter est qui cōuersatione, & locutione cōmuni est verax, & de hoc loquitur. [A T Q V E talis æquus.] Declarat philosophus quid maxime pertineat ad ipsū veracē de quo nūc loquitur dicēdo q̄ ipse videtur esse prob⁹, quia semper vitur veritate, & ea gaudet, & dicit q̄ talis magis declinat versus dissimulationē, non tamē discedendo à mediō. Nō enim omnia quę sibi insunt prædicat ac proficitur. Et nō debet exponi iste textus vt faciūt nōnulli, qui dicūt q̄ iste verax nō est ita posit⁹ in mediō, quia æqualis est declinare magis ad dissimulationē quā ad ostentationē: nos autē dicimus q̄ est in mediō, & distat ab vtroq̄ extremo, nō per distantia quantitatis, sed per negationē extremorū. Habet tamē cū sit in mediō similitudinē maioriē cū defectu quā cū excessu, sicut etiā supra de mānitudine diximus, & de quibuscūq̄ aliis dici potest. Notandū q̄ veritas de qua loquimur est cōformitas eorū quę agūtur, & dicuntur vt cōcurrant verba cū factis: hęc virtus videtur reduci ad iustitiā, & esse cōnexa cum ea, quia sicut iustitia est ad aliū ita hęc virtus ad aliū esse videtur. Item cōsistit in æqualitate quadā actū & cōuersationū, quod videtur esse propriū iustitię, quā ponit etiā æqualitatē in actibus humanis. quare ad iustitiā quoquo modo reduci videtur: licet sit distinctus habitus vt patet in quinto. [S E D qui res sibi maiores.] Hęc est quarta pars huius capituli, in qua philosophus declarat vitia opposita tali mediocritati. & primo videtur distinguere arrogantē & dicit q̄ est triplex, vnus qui maiora sibi fingit quā insunt nullius rei causa, & is dicit philosoph⁹ paruo est similis, quia gaudet mendacio, & mētitur vt mētiatur per habitū mentiēdi qui est in eo: & addit quod potius videtur vanus quā malus, cū nullius causa mētiatur, sed solū quia gaudet mēdacio. Secūdo modo dicitur arrogēs, qui sibi maiora fingit alicui⁹ causa, & is dicit duplex: aut causa glorię, & honoris, & talis secundū philosophū non est multū vituperandus: aut causa pecunię, qui est tertius in ordine, & talis est lōge deformior: verū neuter istorū duorū videtur proprie vituperandus propter habitū arrogantiam, nisi illum haberet simul cum istis causis: sed videtur mentiri, non quia delectētur mēdacio vt mendaces, sed alio stimulante vicio, aut ambitionis, aut auaritię, quia causa honoris vel lucri impellūtur ad mentiēdū. [A R R O G A N S autē.] Declarat manifestius philosophus in quo consistit arrogantia, dicendo quod nō cōsistit in potētia, & ex eo q̄ habet aliquid ex quo potest, aut non potest se iactare. sibi assumendi & mētiendi, sed in ipso habitu & electiōne quę ab habitu proficiscitur, & sit de ipso vt de mēdaci. Quidā. n. est mēdax quia gaudet mēdacio, alter ob aliquā causam mentitur, & is nō dicitur talis per habitū, sed talis arrogās potest esse duobus modis. scilicet aut causa glorię, aut causa lucri, vt supra diximus. Et philosoph⁹ declarat in textu quales sint, & quomodo sibi assumant ea quę non habent. Ea quę diximus. s. vñ vsus ad proximos & potentia latēdi. [E T I A M sunt his.] s. medicinę & aruspiciņę. [A T dissimulatores.] Nunc philosophus declarat alterum extremum. i. ipsū defectū. & primo cōparat eū cum excessu dicēdo, quod ij tales videntur elegantiores quā arrogantes, qui non causa lucri

aut aliqua cupiditate ducti id faciunt, sed causa euitanda timiditatis. [M A X I M E autem.] Osten- 103  
dit philosophus quod duobus modis fieri hic defectus potest: alij nāque negāt ea quæ sunt præ-  
clara sibi inesse, sicut faciebat Socrates, qui vtrēs ironia occultabat sciētias quas habebat: alij ve-  
rò sunt qui negant ea quæ sunt parua & manifesta, & hi appellantur græce *λαττωτανοίγοι*. Hi  
enim sunt tales, vt cum habeant paruas virtutes vix laudibus dignas, & omnibus manifestas, eas  
minuūt verbis, vt audientes reassumāt atq; amplificēt: & non sunt proprie ironici, vt de Socrate  
superius dicebatur, sed habēt in paruis rebus astutiā quandā, quæ spernēda est, & parui faciēda.  
Græcis superatū: isti igitur qui parua, & manifesta quæ in se habēt, ea verbis minuunt, vt aliis  
laudādi occasione præbeant, tali nomine appellātur, quasi sint astuti & callidi in minimis rebus,  
& delicatis, & parui momēti: verū hoc interdum arrogātia esse videtur. Cum enim ea negāt &  
minuūt verbis, quæ sunt in eis manifesta, magis ex eo laudari velle videntur, & in arrogantiam  
incidere, & ipsum excessum, dum ad defectū inclināt, sicut Lacedæmonij videbātur facere: qui  
cum essent in bello omnium prope Græcorū excellentissimi, ex nimio cōtemptu vestium quibus  
tenuissimis utebātur, in arrogātiā quādam videbātur incidere. Perūt aliquādo Diogenes con-  
spicari Platonis cathedrā valde ornatā, in eam præfente Platone suisq; discipulis ascēdisse, eam-  
que pedibus multoties præfisse, dixisseque, fastū tuum calco à Plato. Ad hoc Platonem respon-  
disse aiunt, fastum fastu calcas ò Diogenes, quasi ex ea contemnendi ostentatione sibi gloriam  
quereret. [A D V E R S A R I V S autem.] Comparat extrema inter se, & cum medio morose, & 104  
ostendit excessum magis opponi medio, id est arrogantiam quā defectum, vt patet.

*De comitate, & eius extremis.*

*Cap. VIII.*



Vm autem sit & requies in vita, atque in hac ipsa, ioco sese re- 105  
creēt homines: videtur & hic esse quādam æquabilis congres-  
sio, & dicendo, & audiendo ea quæ oportet, & vt oportet.  
Differt autem & dicendo inter tales, & audiendo tales. Atque 106  
patet & in his exuperationem esse mediū, & defectionem. Qui igitur in 107  
ridiculis exuperant, scurræ videntur esse ac importuni, affectantes om-  
nino ridiculum, & magis coniectantes facere risum, quā honeste lo-  
qui: & non afficere eum dolore, in quem facete dicunt. Qui vero neque  
dicerent quicquam ridiculi, neque alios dicere paterentur, rustici, du-  
rrique esse videntur. At is qui cum moderatione iocatur, comis atque vr-  
banus vocatur: talem sanè moris iam habitum assecutus, vt ad bene re-  
ctèque iocandum sese flectere possit. Huiscemodi nanque motiones  
mores ipsius esse videntur: atque vti corpora, sic & ipsi mores, motioni-  
bus discernuntur. Cum autem exundet ipsum ridiculum, plurimique io-  
co, salibúsve magis quā oportet gaudeant: scurræ quoque eodem no-  
mine nuncupantur, vt gratiosi, elegantes. Sed eos differre atque non pa- 108  
rum, ex iis quæ diximus constat. Accommodatur autem huic habitui me-  
dio, & ipsa\* dexteritas. Atque ipsius est dextri, ea dicere & audire, quæ ad  
modestum virum, liberalēque accommodantur. Sunt enim quādam,  
quæ ioco dicere & audire: talem hominem decet. Atque ipsius liberalis  
iocus & eruditi à seruilis ioco, rudisque differt. Licet hoc tā in antiquis,  
quā in nouis comediiis intueri. Quibusdā enim verborū obscenitas, 109  
quibusdam potius subintellectio ridiculum erat: atq; hæc nō parum ho-  
nestatis differunt ratione. Is ne igitur dicendus est recte facetiis vti, qui  
dicit ea quæ liberum hominem decet? an is qui cum qui audit, dolore  
non afficit, vel etiam delectat? An & hoc indefinitum esse videtur. Est 110



enim aliud alij odio, & iucundum: talia autem & audiet. Quæ nanque fert audiendo, ea videtur & facere: at non quiduis faciet. Etenim faciet, conuitia quædam sunt. Et legûlatores nonnulla conuitia dicere vrant. Fortasse autem illos & nonnulla prohibere facere dicere oporteret. vir itaque gratus ac liber, ita sese habebit, quasi sibi ipsi lex sit in ioco. talis est igitur ipse medijs siue dexter, siue vrbani, siue comis dicatur.

111 Scurra autem à ridiculo superatur. Et neque sibi atque alijs parcat, modo moueat risum. Eaque dicit, quorum nihil prorsus gratus ipse diceret: & aliqua quæ ne audire quidem perferret. Sed rusticus ad tales congressiones inutilis est. quippe cum nec ipse quicquam afferat salis: & cum asferunt alii, ægre molesteque ferat. Requies autem & iocus, in vita necessaria esse videntur. Tres igitur eæ sunt quas diximus mediocritates in vita. Sunt autem omnes circa verborum quorundam, actuumve communem usum. Sed differunt quòd vna circa veritatem: cetera circa voluntatem versantur. Atque harum altera quidem est in ioco: altera autem in congressionibus reliquæ vitæ consistit.

## Commen.

105 **C**VM autem sit & requies. Hoc est capitulum tertium huius tractatus, in quo philosophus declarat aliam mediocritatem circa cōuersionem, & cōmunem hominū vitā: quam appellat comitem in ioco. Diuiditur in quatuor partes, quæ suis locis patebūt. In prima igitur probat quòd circa iocū potest esse virtus, & vitia opposita: circa id quod est vtile in vita & conuersatione humana, potest esse mediocritas excessus atque defectus. sed iocus est vtilis in cōuersione humana, ergo circa iocū potest esse mediocritas excessus atque defectus. Maior nota, minor declaratur. s. quòd iocus est vtilis: quia homines plerūque in negocijs versantur, & nisi cessarent non possent perdurare. Vnde interdum fit intermissio & cessatio quædam. Cessatio autē vt in decimo inquit philosophus, est propter operationem. Cessare igitur oportet aliquādo vt recreari possimus, deinde melius operari. Nam ad hoc propositum vt sit in corpore, ita in animo: quæ cessatio iocūda recteat, vt cessatio à laboribus recreat corpus. Cū igitur homines operationibus intermissis recurrat ad iocū, fieri potest vt circa illū quidā excedat, quidam deficiat: & sic habemus excessum & defectū: cōsentaneū est vt sit etiam qui bene & mediocriter circa illum se habeat, & hūc comē vel vrbānū appellamus: excedētem verò scurrā, deficientē durū atque agrestem. æquabilis, quæ nec excedet nec deficiat. [D I F F E R R E T.] Est differentia non solum de quibus sunt faciet, sed etiam inter quos dicūtur. Circa hæc. s. dicēdo, & audiēdo. [Q V I igitur in his.] Hæc est secunda pars huius capituli in qua philosophus declarat excessum, & defectū, & mediocritatē, & appellat eo pacto quo diximus. Equòd excedētes in ridiculis scurræ dicūtur: qui non tam animaduertūt vt honesti rationē habeāt, & ne offendāt eos de quibus dicūtur ridenda: quā studeāt vt moueāt risum: deficientes verò inepti agrestesq; vocātur, qui nec ipsi quicquam iocūdi dicūt, nec alios dicere patiūtur, medium verò seruātes vrbani comēsque nūcupantur. Post hæc affert rationē philosophus qua ostēdit in ioco mediocritatē, & extrema esse talia secundum mores, dicēdo quòd omnes istæ motiones indicāt vniuscuiusque qui habet tales motiones: nam ad hoc propositū vt sit in motibus corporis, sic in motibus animat motus corporis indi cāt corpus quāle est, veluti si bene incedit est sanū: sin male est egrum: eodem pacto motiones animi indicabūt mores animi, & animā quālis est in moribus. quare qui habet tales motiones vt nimium gaudet abundēsq; ridiculis scurræ nūcupantur, & sic de alijs. s. qui minime gaudet ioco, agrestis: qui mediocriter, & vt oportet, & decet, comis erit vt dictū est. Verū cum plerūq; hominum magis abundant quā deficiāt, & ad excessum magis progrediātur, fit vt homines sæpe eos qui nimium abundāt ridiculis & excedūt, comes & vrbanos appellēt, & elegātes cum re vera sint scurræ, & maxime differāt ab vrbanis, & mediū seruantibus, vt supra innouit. [A C C O M M O D A T V R autem habitui.] Hæc est tertia pars huius capituli, in qua philosophus successiue ostēdit quid pertinet ad quæque istorū trium habituum, & primo quid attinet ad vrbānū. Secūdo quid ad scurrā. Tercio quid ad rudē atque agrestē accommodatur. & primo de vrbano hoc pacto. Ad hominē dextrū, & habentem dexteritatē quādam ingenij pertinet ea dicere atque audire, quæ sunt hominis modesti atque ingenui: at vir vrbani habet dexteritatē ingenij: ergo ad eum spectat,

& dicere, & audire ea quæ sunt modesti, & c. [QVIBVS DAM enim.] Scilicet personis quæ in- 109  
 troducebatur, tam in antiquis quam nouis comediis: antiquæ comediæ tanquam satyræ fuerit  
 apud priscos comicos. Ferunt autē eos priscos solitos esse res obscœnas verbis apertis nominare:  
 postea verò cū essent homines modestiores facti cōsueisse si qua obscœna inciderat ambitu ho-  
 nestorū verborū tegere, vt subintelligi possent: verū obscœna quæcūque sint, & quomodo cūque  
 dicatur, minimè vrbānum decet. Vnde Cicero in libro de Officiis, In primisq; prouideat ne ser-  
 mo vitii aliquid indicet esse in moribus, quod maximè tum solet euenire, cum studiose de ab- 110  
 sentibus detrahēdi causa, aut per ridiculum, aut seuerè, male dice cōtumelioseq; dicitur. Sic ergo  
 ab obscœnis cauēdum, & c. [I s ne igitur dicendus.] Dixit autē philosophus virū vrbānū dicere,  
 & audire ea quæ ingenuum decet, & innuit quod ad eundē spectat non offendere, cum de aliquo  
 facite loquitur: ex quo dubitando quæritur, vter sit dicendus facetus. an qui dicit ea quæ inge-  
 num decet, an potius qui non offendit audiētes. & dicit quòd hoc secūdum est quasi infinitum  
 & indeterminatum: ergo non est determinādus vrbānus hac cōditione vt non offēdat. Deinde  
 subdit q̃ sunt quædā cōuitia in facetiis, quæ etiam prohibētur legibus, & ab his cauebitur vrbā-  
 nus. Sed vt melius intelligatur sentētia & textus philosophi, dico quod videtur philosoph⁹ velle  
 ostēdere secūdum modū dubitādi, q̃ hæc mediocritas vrbani hominis determināda est ab vr-  
 bano, qui vtitur ioco respectu suimetipsius, non autē eorū qui audiūt. vt dicat ea quæ seipsum  
 deceat: non autē quæ offēdāt vel delectēt eos in quos dicitur iocus. Atque cum ignoret cōdi-  
 tiones & appetitū audiētium, debet metiri iocū secūdum seipsum, vt ea dicat in alios, quæ ipse  
 in se dicta libetè audiret, & quæ decētia essent. Debet præterea suimetipsi esse lex, ne incurrat  
 in eas facerías quæ sunt cōuitia, & legibus prohibētur. Text⁹ quoque sic ordinari potest. Quo-  
 nam pacto est determinādus vrbānus in recte iocādo? vtrū sumendo eum vt respiciat seipsum  
 dicēdo ea quæ ingenuū decet? vel sumēdo eum respectu audiētium, vt talis dicatur vrbane iocari  
 qui respicit audiētes, & rationē habet cōditionum eorū, an hoc infinitū. Soluit quasi dicēdo  
 hoc secūdum. I. iocari secūdum appetitum audientium est indeterminatum: nec regula capi de-  
 bet ex appetitu audiētium cum varius sit, & aliud alium delectet. [S C V R R A autem.] Declarat 111  
 philosophus nunc successiue qualis sit excedens. f. quòd est is qui vincitur à ridiculo. i. à re quæ  
 mouet risum, & permittit se superari ab ea veluti intemperans à voluptate. Itaque sic se superari  
 permittit vt nec libi nec aliis pareat. [S E D rusticus.] Declarat alterum extremum. i. defectum, &  
 eum qui illum habet, dicendo quòd est inutilis in communi conuersatione viuendi, cum relaxa-  
 tio, & cessatio in ioco mediocris necessario videtur requiri. f. vt melius operemur. [T R E S igitur.] 112  
 Cum philosophus attulerit hæc mediocritates, & dixerit eas versari circa communem con-  
 uersationem vitæ, ne idem esse viderentur veluti versantes circa eandem materiam: ideo affert  
 differentiam philosophus, & eas distinguit vt patet in textu.

## De verecundia.

## Cap. IX.

**D**E verecundia autem, vt de aliqua virtute dicere nō oportet. Est 113  
 enim affectui magis quàm habitui similis. Itaque diffinitur ti-  
 more: timorūque dicitur dedecoris quidam. Et fit perinde, atque  
 circa res formidolosas timor fieri solet. nam qui verecundantur erube-  
 scunt: qui timent mortem, palleſcunt. Vtrunque igitur ad corpus quo-  
 dammodo accommodatum esse videtur: quod quidem magis ad affe-  
 ctum videtur, quàm ad habitum pertinere. Non autem ad quauis æta- 114  
 tem is affectus, sed ad iuuenilem accōmodatur. Censemus enim eos, qui  
 huius ætatis sunt, verecūdos esse oportere: vt cum non sine pērturbatio-  
 ne viuant, multūque ob hoc peccent, à verecundia prohibeantur delin-  
 quere. Atque laudamus quidem iuuenū eos qui sunt \* verecūdi: sed ne-  
 mo ex eo senioresm hominem laudabit, quia est \* verecūdos. Nihil enim  
 eorum ipsum oportere censemus agere, pro quibus emergere verecun-  
 dia solet. Neque enim homini probò verecundia competit: quippe cum  
 pro rebus improbis fiat. Non enim sunt res tales agendæ: quòd si quæ- 115  
 dam reuera, quædam opinione sunt turpes, nihil refert. Neutræ nanque  
 sunt agendæ. Quare non est verecundandum. Sed improbi est, & talem 116  
 esse, vt aliquid turpē agat. Probum autem ideo quempiam esse puta-

re, quia ita se habet: vt si turpe quid egerit verecundetur, absurdum est sane. Verecundia nanque fit pro iis quæ spõte quispiam facit: sed nõquam sua sponte vir bonus res agat turpes. Fuerit autem verecundia probum, ex suppositione. Nam si egerit, verecundabitur. Hoc autem in ipsis vir-  
 117 tutibus non est. Quod si impudentia, & quempiam non pudere res tur-  
 118 pes agẽtem improbum est: nihilum magis ob id ipsum probũ erit quem-  
 118 piam res turpes agentem verecundari. At vero neque continentia virtus  
 est, sed & quẽdam permixta. Ostendetur autem ipsa posterius. Nunc de  
 iustitia dicamus oportet.

## Commen.

113 **D**E VERECUNDIA vero. Hic est quintus tractatus huius libri, qui habet vnum capi-  
 tulum tantum: in quo philosophus posteaquam de omnibus virtutibus docuit quas antea  
 proposuerat in enumeratione, relinquebatur tractare de verecundia, & indignatione: nũc  
 de verecundia tantum docet, & indignationem omittit: quia illa quæ dicuntur de vere-  
 cundia, possunt ferme intelligi de indignatione quam tetigit antea, scilicet quod est laudabilis,  
 quanquam non sit virtus: & etiam horum exacta cognitio ad oratorem quoquo modo spectat,  
 qui studet cognoscere quonam pacto sint mouendi affectus aut sedandi. Diuiditur hoc capitu-  
 lum in tres partes, quæ suis locis patebunt. Sed in prima sua intentionem proponendo, dicit q̃ ve-  
 recundia non est virtus: probatur duabus rationibus, Nullus affectus est virtus: verecundia est affectus:  
 ergo verecundia non est virtus. Ratio patet per definitionẽ verecundia: Vel hoc modo proba-  
 re possumus, Timor dedecoris non est virtus sed affectus: at verecundia est timor dedecoris:  
 ergo non est virtus. Maior clara, minor probatur a philosopho per definitionẽ verecundia: vt pa-  
 ret. Secunda ratio, Id quod fit cũ motione corporis non est virtus neq; habitus: at verecundia fit  
 cũ motione corporis, ergo nõ est virtus vel habitus. Patet ratio ex eo, quia omnis affectus appe-  
 titus sensitui, qui est affixus organo corporeo, fit cũ motu aliquo & mutatione corporis: & dicit  
 q̃ fit timor dedecoris circa erubescenda vt ita loquar, sicut timor mortis circa formidolosa.  
 114 [NON autem ad quantum.] Hæc est secunda pars huius capituli, in qua philosophus ostendit ve-  
 recundiam cõpetere tantũ sicut proprium ætati iuuenili, & recenti: ex quo etiam inferri potest  
 q̃ non est virtus, quia competeret tam senibus quàm iuuenibus: quod vero cõpetat solum iuue-  
 nili ætati, probat philosophus. Primo, illis competit verecundia qui cum perturbationibus agi-  
 tentur, verecundia prohibetur ad delinquendo: at iuuenes sunt huiusmodi, ergo illis cõpetit ve-  
 recundia. Item illis qui ob verecundiã pudoremq; laudatur cõpetit talis affectus: sed iuuenes sunt  
 huiusmodi, ergo illis cõpetit verecundia & pudor, non autem senibus vt dicit philosophus, quia  
 magis habet sedatos affectus, & viget magis ratione, & peritia rerũ agendarũ: nec cũ delinquit  
 eã se emendandi expectationẽ vel spem præbent quàm iuuenes: quare verecundia cõpetit iuueni-  
 bus. Notandũ q̃ omnis affectus corporeus fit cũ aliqua corporis mutatione. Igitur cũ verecun-  
 dia fit affectus appetitus sensitui, patet quod non fit sine mutatione corporis sicut timor. Siquod  
 nõ fit sine corporis mutatione: sunt tamẽ contrario modo isti duo affectus, licet ambo cũ muta-  
 tione corporis. Nã in verecundiã fit motus à corde ad partes extrinsecas, quasi à centro ad circun-  
 ferentiã corporis: in timore vero siue formidine econtra fit. scab externis partibus ad internas.  
 & videtur euenire vt in ciuitatibus, quæ cũ oppugnantur ad illã partem, magis cõcurrunt defen-  
 sores, vbi maius periculũ imminet: in metu igitur mortis fit defectus in ipso corde, vbi est fons  
 vitæ: totus igitur sanguis eo cõfluit tanquã ad arcẽ, & propterea partes externæ relinquunt sine  
 colore, qui oritur ex sanguine, & tunc pallefcunt homines in timore: sed in verecundiã fit ecõtra,  
 quia defectus videtur esse in partibus externis. ideo sanguis mouetur ad exteriores partes, ac si  
 fiat velamen quoddã ab ipsa natura, quo ipsum dedecus tegatur. [CENSEMVSENIM.] Sequit-  
 114 ur philosophus ostendendo q̃ non omni generi hominum competit verecundia, non senibus vt  
 supra ostensum est, non etiã viro studioso. Probatur, Verecundia provenire videtur ex impro-  
 bis: at vir probus, non committit neque committere debet improba: ergo ei non competit ve-  
 115 recundia, qui est studiosus & probus. [QVOD si quædam re vera.] Nunc videtur philosophus  
 afferre tres obiectiones, & eas solvere. Prima est. Tu dicis ò Aristoteles quod probus non debet  
 committere improbanos vero dicimus q̃ improba sunt bifariã, aut secundum veritatem, aut se-  
 cundum opinionem: cur igitur cum cogis habere rationem opinionis? Sufficit vt caveat ab illis  
 quæ secundum veritatem sunt improba, & secundum ea non erubescat. Ad hoc respondet phi-  
 losophus, quod neque prima, neque secunda committere debet probus, sed fugere etiam ea quæ  
 116 opinione sunt improba, nec ex cõsequenti erubescere debet. [SED improbi est.] Remouet secũ-  
 dam obiectionẽ philosophus quæ fieri posset, Tu dicis ò Aristoteles, q̃ verecundiã a probis viro

## ETHICORVM

remouēda est. Ergo à te intelligere velim, cum probus delinquit num debet erubescere? Ad hoc respondet philosophus, quòd turpia delicta sponte committuntur & sunt, & circa ea quæ non sunt mittet aliquid turpe ex quo erubescere debeat: secus enim probus nō esset, nec virtute imbutus. intelligere nanque debemus probum hic eum qui habet habitum virtutis. Cum igitur sponte nunquam operabitur turpe, profecto ei non competit verecundia: quæ cum ita sint, dicit philosophus, quòd verecundia erit res proba ex suppositione hoc pacto, scilicet quia primo præsupponit delictum: postea sequitur ipsa verecundia, quæ de se non esset proba, sed ex suppositione: ne: ergo non pertinet ad virum probum, quia præsupponeret vt committeret aliquid turpe: deinde haberet verecundiam, at hoc est absurdum tribuere viro studioso, quia turpe committitur sponte. at vir probus sponte non facit turpia: nec ergo ei competet habere verecundiam. [QVOD n] si impudentia.] Tertia obiectio quæ non est admodum dissimilis ab antecedenti, cur auersus Aristoteles verecundiam à viro probò, quæ habet oppositam impudentiam. nam si impudentia est res turpis, pudor videtur esse res proba. Ad hoc respondet philosophus negando consequentiam, quia non valet, Impudentia est res improba, ergo verecundia est res proba, sicut de aliis videmus oppositis, vt de timore, & audacia: quorum si alterum est improbum, non sequitur vt alterum sit probum: quare vir probus neutrum debet habere, scilicet neque impudentiam, neque etiam verecundiam, quæ præsupponit delictum, quòd non est in viro probò præsupponendum. Notandum quòd quantum ad hoc propositum spectat quòd causa remota remouet effectus, non loquimur nunc de effectibus illis productis, quia non dependent à quibusdam causis suis, vt filii qui remotis parentibus superesse possunt. Dicimus ergo iis omisiss quòd verecundia sit propter timorem dedecoris. Dedecus autem voluntarie fit, & turpitudinem erit causa voluntaria: sed causa peccandi, & turpitudinis committendæ nunquam apud probum voluntarie fit, ergo nec voluntaria erit. Concluditur ergo, quòd si quis diceret impudentia est res vitiosa: ergo verecundia studiosa. dicendum quòd neutrum horum est virtus, & quòd si impudentia est improbum quid, non tamen sequitur quòd verecundia pertineat ad studiosum, cum semper malum: & delictum præsupponere videatur, veruntamen male operantē erubescere melius esse puto quàm impudentem esse: & nullum dedecus timentem, quia videtur esse pudor affectus laudabilis in iuuenibus proprie. [A T vero nec continentia.] Hæc est tertia pars huius capituli, in qua postea-<sup>118</sup> quàm ostendit quòd verecundia non est virtus, sed affectus quidam: nunc affert quandam dispositionem laudabilem quæ etiam non est virtus, & hæc est continentia. quasi dicat, quòd non est mirandum quòd verecundia sit laudabilis, & tamen non sit virtus: quia sunt etiam alia. i. dispositiones quædam laudabiles quæ, tamen non sunt virtutes sicut est continentia. Contiens enim nondum habet habitum, & quanuis in eo ratio superet appetitum, tamen non sine difficultate & pugna. In ipso vero temperato qui habet iam habitum virtutis, statim rationis obtemperat appetitus: sed hæc in septimo latius. Notandum quòd indignatio videtur esse affectus laudabilis, & tamen hic potius attulit continentiam, quia videtur quadrare proposito suo ob similitudinem quam habet cum verecundia.

## ARISTOTELIS STAGIRITAE ETHICORVM AD NICOMACHVM Liber Quintus.

### *De iustitia, iniustitia, & modis iniusti. Cap. I.*



**D**E iustitia autem & iniustitia consideremus oportet, circa quales actus versantur, & qualis nam mediocritas sit ipsa iustitia, & inter quæ iustum ipsum medium est, atque hæc consideratio eundem seruat modum doctrinæ quo antea dicta considerauimus. Videmus itaque omnes talem habitum dicere iustitiam velle, quo homines apti sunt ad res iustas agendas, & quo iusta agunt & volunt iusta. Eodem modo talem habitum & ipsam iniustitiam dicere, quo iniurias agunt homines, resque volūt iniustas. Quapropter & nobis hæc primum, vt in figu-

2 ra subiiciantur. Non enim in sciētiis, & potentiis, atque habitibus res se-  
 se habet eodem modo. Eadem nanque potentia scientiāque contrario-  
 rum esse videtur. Sed contrarius habitus non est contrariorum, nempe à  
 sanitate sana dūtaxat, & non contraria fiunt. Dicimus enim quempiam  
 3 ambulare sane, cum perinde ambulat atque sanus. Sape igitur cōtrarius  
 habitus ex contraria cognoscitur: saepe etiam habitus ex subiectis. Nam  
 si bona corporis habitudo fit nota, & ipsa mala corporis habitudo fit ma-  
 nifesta. Et ex iis quæ bonam habitudinē efficiunt corporis ipsa bona ha-  
 bitudo fit nota, & ex ipsa rursus ea quæ faciunt ipsam. Si enim habitudo  
 bona sit spissitas carnis, & malam habitudinem raritatem esse carnis: &  
 id quod efficit habitudinem bonam, efficere spissitatem in carne neces-  
 se est. At vero plerunque sequitur, si alterum pluribus modis dicatur, &  
 4 alterum pluribus dici: vt si iustum, & ipsum iniustum. Videtur autē tam  
 iustitia quàm iniustitia pluribus modis dici. Sed quia propinqua est ip-  
 sarum æquiuocatio, latet: & non ita vt iis quæ longe distant, est manife-  
 sta. Multum enim talia differunt forma. Patet enim clauem æquiuoce  
 dici, & eam quæ sub collo est animalium, & eam qua ostia clauduntur.  
 Sumatur igitur quot iniustus dicitur modis, atque videtur iniustus esse,  
 5 & qui à legibus exorbitat, & qui plus capit, atque iniquus. Quare patet  
 6 & iustum esse eum qui legitime facit, & eum qui æquus est. Iustum ergo  
 7 est quod est legitimum, & quod est æquum. iniustum vero quod est con-  
 tra leges, & quod est iniquum. Cum autem iniustus & pluris sit auidus,  
 non erit ipse circa omnia bona: sed circa ea duntaxat in quibus consistit  
 prospera fortuna atque aduersa, quæ simpliciter quidem semper sunt bo-  
 na, alicui vero non semper: homines autem illa sibi optant, atque perse-  
 quuntur: at non oportet. Sed optare quidem ea quæ sunt simpliciter bo-  
 na, & sibiipsis esse bona. Expetere autem ea quæ sibiipsis sunt bona, o-  
 8 portet. At enim iniustus non semper plus, sed minus etiam expetit in  
 iis, quæ sunt simpliciter mala. Sed quia videtur & minus malum quo-  
 dam modo bonum esse, & plus habendi cupiditas ipsius est boni, fit vt  
 pluris ob id ipsum videatur auidus esse. Est autem iniquus (hoc enim  
 continet, & est commune) & legum transgressor: hoc enim, legum in-  
 quam trāsgressio, id est iniquitas, omnem iniustitiam continet, & est ad  
 iniustitiam omnem commune. Cum autem legum transgressor sit ini-  
 9 stus, qui vero legitime facit iustus, constat omnia legitima esse quodam-  
 modo iusta. Ea nanque quæ à facultate ferendarum legum sunt defini-  
 ta, legitima sunt, & horum vnumquodque iustum dicimus esse. Ipse au-  
 tem leges de omnibus dictant, coniectantes aut communem omnium  
 vtilitatem, aut optimorum, aut principum, vel virtute, vel aliquo alio ta-  
 li modo. Quare vno modo dicimus iusta ea quæ felicitatē eiusque partes  
 societati ciuili efficiunt & conseruant. Præcepit autem lex & ea agere,

quæ ad virum pertinent fortem, vt non deferere locum in acie, non fugere, nō abiicere arma. Et itē ea quæ sunt temperātis. Vt nō committere adulteriū, nō libidine vti. Et etiā ea quæ sunt māsuēti, vt nō pulsare, non cōiuitia dicere. Et in cæteris idētidem virtutibus atque vitiiis: alia iubens, alia vetans. Recte quidem ea quæ recte posita est: deterius autē \* quæ inconsulte est exarata. Hæc igitur iustitia, perfectā quædā est virtus: at non absolute, sed ad alium. Atque ob id ipsum iustitia præclarissima persæpe virtutum esse videtur. Et neque est heſperus ita, neque lucifer admirabilis. Et prouerbio dicere cōsueuimus. Iustitia in sese virtutes continet omnes. Atq; perfecta maxime virtus est: quia perfectæ virtutis est vsus, idq; est ex eo quia nō ad se solum; sed ad aliam etiā is qui ipsam habet: vti virtute potest. Cōplures enim in propriis quidem vti possunt: sed in iis quæ sunt ad alium nequeunt. Et propterea sentētia \* Biantis illa bene sese habere videtur, \* Magistratus virum ostendit. Ad alium enim est: & in societate iam ipse magistratus consistit. Ob id autem ipsum & alienum bonum ipsa iustitia sola virtutum esse videtur: quia ad alium est: agit enim ea quæ alii vel principi vel reipublicæ conferunt. Pessimus igitur est qui ad seipsum, & ad amicos vitur prauitate. Optimus autem non qui ad seipsum: sed qui ad alium vitur ipsa virtute. Hoc enim est opus difficile. Hæc igitur iustitia non pars virtutis: sed tota est virtus. Similiter & iniustitia huic contraria non vitii pars: sed totum vitium est. Quid autem interest inter hanc iustitiam & virtutem ex iis quæ diximus innotescit. Sunt enim idem. esse autem nō est idem. Sed quo quidem est ad alium, est iustitia: quo vero talis est habitus simpliciter virtus.

## Commen.

**D**E iustitia autem & iniustitia.] Postea quā philosophus diligentissimè docuit de omnibus virtutibus moralibus, quas in secūdo sibi declarādas proposuit: in hoc quinto libro docet de ipsa iustitia, quæ præclarissima virtus est, & cognitu difficillima, nec sine ratione posterior in ordine collocatur. Nam cum dicatur multipliciter, sit aliquo modo tota virtus, & quasi aggregatum quoddam ex omnibus virtutibus moralibus, merito consentaneum fuit ad eius notitiam præbendam prius nosse alias omnes virtutes. Diuiditur autem hic liber: in tres partes principales. In prima docet de iustitia proprie dicta. In secunda de æquo & bono: in tertia verò de iustitia quæ non est propria, sed per translationē, & similitudinē dicitur talis. Prima pars duos cōtinet tractatus, & aliarū duarū duos. Itaque quatuor sunt tractatus. Primus tractatus rursus diuiditur in quinque capitula: in primo docet de iustitia in cōmuni, describēdo, & diuidendo ipsam in iustitiam legalem siue legitimam, & iustitiam particulare quæ est pars. In secundo docet de iustitia particulari & definit, & diuidit eam in duas species: incōmutatiuam, & distributiua. In tertio ostēdit quomodo oportet sumere mediū in iustitia distributiua. In quarto quomodo sumitur mediū in iustitia cōmutatiua. In quinto excludit errorē circa mediū iustitiarū, & refellit opinionē pythagoricorū. Sed diligēter cōsiderādas est philosophi ordo, qui vt in aliis multis: ita etiam in hoc libro mirabilis est. In hoc autē capitulo primo incipit à quodā confusō, & cōmuni quasi designādo secundum cōsuetudinem suam ea quæ postea pingere vult. Deinde gradatim ea aperit & distinguit. Nā cum sint quatuor termini. iustitia, iustū, iuste agere & ius: de omnib; vel pluribus istis loquitur pene simul. Postea verò successiue aperit omnia vt sunt, & qualia sunt. Primo igitur describit iustitiā, & iniustitiā in cōmuni, vt aliquā notitiā quasi perfigurā tradat de ipsis. Deinde vt cōfusionem tollat, ostēdit quod iustitia & iniustitia dicitur multipliciter, & incipit diuidere ipsas ostēdēdo qd alia est iustitia legalis quæ dicitur tota: alia particularis: & similiter iniustitia. Et cū velit ostēdere istos habitus loquitur in cōcreto, sumēdo iustos & iniustos, & res tales quæ magis percipiūtur quā habit; in abstracto, sicut etiā superius se-

ὁ ἀπερχόμενος  
δὲ αὐτῷ μέ-  
γας.

Biantis, β  
Sopho-  
cles ad-  
scribit So-  
donii  
Laertius  
Pittaco,  
ἐλθέτω καὶ  
τοὶ πᾶντες  
δὲ ἅπαντες.



cit cum loqueretur de magnanimitate sumpsit magnanimum. In hoc autē principio pauca tangit de particulari iustitia vt aliquantulū innotescat : quia de hac latius dicit postea refumendo eam, cum de ipsa tractare videatur esse sua principalis intentio: de iustitia verō legali dicit plura in hoc loco, quia posterius eam omittet, & tamē vult vt de ea habeatur notitia, ne incidamus in æquiuocationem, & alteram pro altera sumamus. Ea autem declarata refumit iustitiam particularem vt distinctē & late doceat de ea, diuidendo in partes suas vt in sequētibus apparebit. Sed intelligēdum, quod antea declarauit primo virtutes quæ versantur circa affectus, vt est fortitudo, & temperantia: deinde eas quæ sunt quasi mediæ, id est partim circa affectus, partim circa actus vt est liberalitas, & huiusmodi. Nūc autem in ordine eam virtutem declarat quæ est circa actus, & cum in illis attendērēt mediocritates primo circa affectus, & ex cōsequenti circa actus. hic verō attēditur quomodo sint circa actus, & quomodo iustitia ad alium operetur, quare post doctrinam illarum ponitur hæc in ordine, & obsuperiore rationem etiam, quia iustitia dicitur aliquo modo tota virtus, & oportebat antea cognoscere omnes virtutes ad hæc cognoscendam, quæ aliquo modo dicitur esse aggregatū quoddam ex illis vt antea disimus. Primum autem capitulū diuiditur in quatuor partes, quæ suis locis patebūt. In prima igitur parte philosophus proponēdo intētionem suam dicit quōd nunc oportet cōsiderare de iustitia & iniustitia. Primo circa quos actus versatur. Secundo qualis mediocritas sit. Tercio inter quæ sit tanquam inter extrema iustū ipsum vt mediū, & per hæc tria videtur iustitia differe à ceteris virtutibus. Nam per primum differt, quia cæteræ virtutes sunt circa operationes internas, & ipsos affectus: posterius verō circa actus externos: iustitia autē cum non cōsistat in affectu primo, attēditur & versatur circa actus: per secundū modū differt iustitia ab aliis virtutibus, quia illæ sunt in medio rationis quo ad nos: iustitia verō est in medio rei, & quod sumitur ex parte rei, per tertium modum differt ab aliis: quia qualibet virtus est mediocritas inter extrema vt inter excessum & defectū: quorū verque est habitus, & alter ab alio distinctus. Iustitia verō est in medio alio pacto, quia ambo extrema occupat iniustitia sicut inferius suis locis apparebit. Addit postea philosophus q̄ in declaranda iustitia vtetur doctrina vt antea, quia non demonstratiuum per causam, sed ea qua vsus est in reliquis virtutibus. [V I D E M V S itaque.] Hæc est secūda pars huius capituli, in qua affert descriptionē iustitiæ & iniustitiæ in genere secūdum cōmunem sentētiā hominum, & primo iustitiam dicit esse habitū, per quē homines disponūtur ad agēdum, & per quem volunt & agūt res iustas: secūdo iniustitiā dicit esse habitū, per quē homines disponūtur ad operandū, & volūt & agūt res iniustas. Has autē descriptiones præsupponere videtur quasi figuram quandam: quam postea pingere oportet. Notādum quōd illæ descriptiones bene assignatæ esse vidētur, si sumātur iustitia, & iniustitia in genere. Dicit enim q̄ iustitia est habitus, per quē homines sunt apti, & dispositi ad res iustas agendas. Nam sicut per quālibet virtutē homines sunt apti ad operandū ea quæ sūt secūdum virtutē illam: ita per iustitiā in sexto. Virtus enim moralis intētionem facit rectā. Ad didit postea, agūt & volūt, quia nō sequitur, producit iustas operationes, ergo est iustus: sed oportet operationes producere secūdum habitum talis virtutis per volūtātē, & electionē, ideo bene addi volūt. Dicit etiam nōnulli q̄ per hoc philosophus innuit in quo subiecto est iustitia, scilicet in volūtate non autē in appetitu sensitiuo, sicut sunt alie virtutes morales, quæ non reducuntur ad iustitiā, sed de hac materia, & de subiecto virtutū moralium alius dabitur cōmodior locus dicēdi: hoc autem dicimus quia variæ fuerunt opinionēs de subiecto virtutū. Quidā dixerunt omnes virtutes morales esse vt in subiecto in appetitu sensitiuo, quidā in voluntate, quidā in appetitu & voluntate simul, quidā omnes in appetitu præter iustitiam quam in voluntate collocarūt, tamen non ostēditur causā cur ipsa iustitia non sit etiam in appetitu sensitiuo, cum sit habitus, qui videtur etiā moderari quoquo modo affectū internum vt cæteræ virtutes: sed hæc disputationē in alium locū differamus. [N O N enim in sciētis.] Probare videtur philosophus illas descriptiones bene fuisse assignatas, quia non ita fit in habitibus vt in potētis, & sciētis quæ sunt cōtrariarum: at cōtrariæ operationes non fiunt ab eodem habitu, sed à contrariis habitibus: ideo in assignatione iustitiæ non oportuit ponere contrariā, nec etiam in assignatione iniustitiæ, sed vtrūque habitū definire per ea quæ sunt sibi propria, & accommodata, nam incōueniens fuisset dicere quōd iustitia est habitus per quē operamur res iustas & iniustas. Verum sciētia, & potētia suscipiunt cōtrariā, & per cōtrariā definiri possunt: vt visus est potētia visua nigredinis, & albedinis: & sciētia est nigri, & albi veri & falsi: sed habitus iustitiæ non est iustus & iniustus, & hoc probat exēplo. nam sanitas est veluti quidam habitus corporis, à quo proficiūcunt omnes operationes non læsæ, non autē ab eodē habitu proficiūcunt operationes læsæ, quare sanitas non est cōtrariarum: potētia verō, & sciētia est cōtrariarum, cum iustitia, & iniustitia non sint sciētia nec potētia, sed habitus: ideo vnaquæq̄ ex sibi accomodatā definita est opposito modo, & non vna atque eadē ex cōtrariis. Dubitatur hæc in parte, quia dicere quispiam posset: temperantia est circa voluptates & dolores. Fortitudo circa timores, & audacias vel fiducias, quæ sunt cōtrariæ: ergo habitus est contrariorū vt sunt illæ virtutes: præterea sciētia est cōtrariorū, sed sciētia est habitus, ergo habitus est cōtrariorū. Cōtra philosophū,

dicendum quòd habitum esse contrariorum duobus modis considerari potest, aut subiectiue & obiectiue & operatiue. Itaque cum dicitur quod fortitudo, & temperantia est cōtrariorum, dicendum quòd obiectiue versatur circa timores & fiducias, quæ sunt cōtraria: non tamen actiue, quia operationes quas producit semper sunt fortes: & non cōtrariae, id est nunc fortes nunc non fortes. Ad secundam rationem dicendum quòd verum est sciētiam esse habitum, sed duplex est habitus, scilicet actiuis & speculatiuis. Scientia est habitus speculatiuis, iustitia actiuis: & de actiuis loquitur hic philosophus, considerando eum secundū suas operationes. Itaque non sequitur quòd si habitus speculatiuis sit contrariorum, vt scientia, quòd sit habitus actiuis etiā contrariorum, & præsertim si sumatur secundum suas operationes, quas non producit contrarias vltimo pacto: quinetiam si sumamus scientiam secundum operationes suas, & si sit rerum contrariarū vt ostendimus: tamen secundum eam forsitan non dicemus nos producere operationes contrarias, scilicet ignorantia operationes: verū scientia consideratur hic vt habitus perceptiuus contrariorum. [S A E P E igitur fit.] Cum superius posuerit exemplum in sanitate, dicendo quòd illi sibi ne incedunt, qui ambulant vt sani: quòd etiam percipi videtur ex his qui, ambulant vt acri, quia sani non ambulant vt acri, ideo tanquam obortum videtur inferre ex supradictis quod sapes contrarius habitus cognoscitur ex contrario habitu. & cum hoc modo cognoscatur, & etiā aliis modis, ideo ponit tres modos. Primus est ex contrario habitu vt diximus. Nam si bona habitudine sit manifesta, item & ex ea mala habitudine innotescit. Secundus est ex subiectis, quòdque vero subiectum ex habitu percipitur. Nam si est bona habitudine spissitas carnis, cōsequens est vt mala habitudine sit raritas carnis. Tertius modus est ex causa effectiua, & interdu causa effectiua ex habitibus, & item ex his quæ bonam habitudinem efficiunt corporis, ipsa bona habitudine, & reliqua in textu. Bene igitur allata sunt descriptiones illæ iustitiæ & iniustitiæ, cum ex perceptione vnius habitus contrarii, percipitur alius habitus contrarius. Bene etiam explicauimus modos quibus cognoscitur habitus. Nam ex habitu cognoscitur subiectū, & causa à qua proficitur talis habitus: & ex subiecto e contra, & causa cognoscitur talis habitus vt dictum est. Notandum quòd ex cognitione alterius cōtrarii emergit cognitio alterius, & hoc modo multi philosophi venabantur cognitionem alterius contrarii: vt si albedo est color disgregatiuis visus: nigredo erit color congregatiuis, & sic definitio contrarii non ostēditur omnino, & proprie, sed innotescit aliquo modo. [A T verò plerūque sequitur.] Hæc est tertia pars huius capituli, in qua philosophus posita descriptione iustitiæ in genere, & in cōmuni cum ipsa multifariam dicitur, diuidit eam in suas partes subiectiuas. Dicit autem in primis quòd plerūque fit vt si vnum contrariorum dicitur multifariam & alterū etiam: non est tamen hoc verū in omnibus, sed in multis: & affert hoc ad propositum suum de iusto & iniusto, quorū vtrūque multifariam dicitur, ex quo etiā iustitia & iniustitia multis modis dicuntur: tamen hoc non videtur in ipsis valde manifestum, quia ea de quibus iustitia & iniustitia dicitur, non multū videtur inter se differre: sed late æquiuocatio in illis. verū affert exemplum eorū quæ sunt æquiuoca, & multipliciter dicuntur, tamen eorū æquiuocatio est manifesta, quia valde sunt inter se diuersa atque distracta. Æquiuoca verò dicitur vt in prædicamentis ostendit philosophus, quorū nomen cōmune est, ratio verò substantiæ diuersa secundum illud nomē. Sed ea quorū æquiuocatio manifesta apparet, sunt, vt clauis. Significat enim & instrumentum quo ostiū clauditur, & ossa quæ sunt sub collo animalis: hoc & si sit cōmune nomē, tamē ratione substantiæ manifestissimē apparet esse diuersa. Notādū quòd eorū quæ dicuntur multipliciter, quædam manifeste differūt, quædam latēt. Quādoque enim ea quæ sunt sub eodem nomine, habēt rationē aliquo modo similē, & illa vidētur aliquo modo propinqua: sunt autē plura huiusmodi quæ dicuntur partim æquiuoca, partim vniuoca: sicut est de animalia quæ dicitur vegetatiua, sensitiua & rationalis, & cōmune est nomē, & ratio quoque modo similis, licet prius de vna quā de altera prædicetur, & dicatur, & sit diuersa species earū: quædam verò sunt quæ habēt tantum cōmune nomen: rationē verò penitus distractā. & ista vidētur esse æquiuoca casu, vt canis qui dicitur æquiuoce de marino, & cœlesti, & terrestri cane, & in iis facile patet æquiuocatio: in iustis verò, & iniustis quæ multifariam dicuntur æquiuocatio videtur latere. [S V M A T V R igitur.] Nunc philosophus incipit diuidere iustitiā, & iniustitiā: & primo pbat quòd iustus multifariam dicitur hoc pacto. Iniustus dicitur multifariam: at sæpe fit vt quot modis dicitur vnū oppositorū, tot dicatur & alterū: ergo iustus qui est cōtrarius iniusto, dicitur multifariam. Etenim ex magis noto nobis. i. iniusto procedit philosophus ad declarandum iustum nobis minus notū, tūc vltro iniustus dicitur multifariam. scilicet duobus modis. Nam transgressor legum & is qui est pluri cupidus qui etiā dicitur iniquus, iniustus appellatur. Ergo iustus dicitur multipliciter. Sclerator legum, & qui non est pluri cupidus, sed æquus: Præterea dicit quòd tot modis dicitur iustū, & iniustū. i. operatio iusta & iniusta, quot modis dicitur iustus & iniustus: sed ista dicuntur bifariam, ergo etiam iustū & iniustū: quare iniustum erit transgressio legum, & cupiditas pluri vt ita loquar. Similiter etiam iustitia, & iniustitia dicitur bifariam per locū à cōiungatis. [A T Q V E iniquus.] Hoc non est tertium membrū, sed est declaratiuum eius qui plus appetit, quasi dicat, philosophus qui plus appetit. i. iniquus. Notādū quòd fit sicut supradixim⁹, vt

ab altero contrarior cognoscatur alterum, & hoc non indifferenter, sed quando vnum est notius altero, sicut hic fit vbi iniustitia est notior iustitia, & iniustus iusto, & iniustus iusto. Nam vitia magis cognoscuntur cum habeant latitudinem, & pluribus ac pluribus modis fiant, & committantur. Virtutes autem consistunt in puncto, & medio indiuisibili, & difficile est mediū attingere. Quare ex magis noto processit philosophus ad declarandum minus notum nobis: præterea bene posuit hunc ordinem etiam ut per hominem iustus declararet operationem, & per operationem habitum. [CVM autem iniustus.] Hoc loco declarat philosophus membra diuisionis allata, & dicit cum iniustus sit is qui plurius est cupidus, non dicitur cupidus absolute omnium bonorum, sed eorum quæ dicuntur fortunæ bona, & externa ut diuitiæ, honores & huiusmodi, at ista dici videntur simpliciter, & de se bona: at non semper alicui sunt bona vt probo vero sunt bona tanquam instrumenta ad exercitationes virtutum, improbo vero mala propter abusionem illorum, & addit ulterius quod homines ea bona quæ de se talia esse videtur, petunt sibi quæ adesse precantur, de ipsorum vfu nihil cogitantes, nec secum reputantes quod in perniciem eorum se vertere possint. Multi enim vt in principio inquit ob diuitias perire, quare precari debemus quod ea quæ sunt simpliciter bona, sint etiam nobis bona, & expetere ut adsint nobis ea quæ nobis semper, & absolute sunt bona, vt sunt bona interna. Notandum quod diuitiæ, & alia huiusmodi externa quæ hic dicuntur simpliciter bona: proprie nec bona, nec mala dici possunt, tamen si alterutrum dicendum sit, bona potius appellatur quam mala. verum diuersificantur secundum vsum, sed quantum ad hoc propositum spectat, bonum bifariam capere possumus, aut vere proprie bonum quod est perfectio hominis, aut bonum sicut instrumentum, hoc secundo modo dicere possumus de externis quod sunt bona quibus vimur tanquam instrumentis ad exercendas operationes virtutum. Verum ut ad propositum redeamus cupidus plurius dicitur ille: qui sibi plus de bonis externis expetit quam sit æquum. [A T enim iniustus.] Cum iniustus sibi plus bonorum externorum expetat quam conueniens sit, statim sequitur quod etiam minus malorum externorum vt minus habere paupertatis, minus tributorum, & similibus: itaque non semper dicitur iniustus plus appetens: sed etiam minus interdum appetens, tamen communiter dicitur appetens plurius quia reuertitur pene in idem cum dicitur appetens, plus bonorum, & minus malorum, quia appetens minus malorum videtur esse plus boni appetens cum minus malum habeat aliquo modo rationem boni, in quantum est eligibile, in duobus enim malis, vt inquit Cicero, cum fugiendum maius sit: minimū est eligendum, ex quo fit vt minus appetens mali sit plus appetens boni, & ideo erit plurius cupidus quam æquū sit, ergo & iniquus etiam transgressor legum, nam iniquitas comprehendit omnem iniustitiam, & improbitatē. Itaque omnis iniustus siue sit plus siue minus appetens, est iniquus, & transgressor legū. Sed notandum quod philosophus dicit inferius quod est iniustitia quæ est transgressor legū, & nihil differt à tota vitiositate nisi ratione. Nam iniustitia dicitur ad alius: tota vitiositas ad seipsum vt patebit inferius, est etiam alia particularis iniustitia, quæ non est tota vitiositas, sed species vitii. Cum igitur philosophus dicit quod plus appetēs est iniquus: possumus dicere quod est iniustus ille particularis vt iniquus comprehendat plus, & minus appetens: vt iniustus particularis potest etiam dici, est iniquus, id est transgressor legum vt iniquus extendat se ad plura. i. ad omne genus improbitatis, ita vt omnis plus appetens sit iniquus, & transgressor legum, non autem e contra, quia possunt esse alia species improbitatis, & transgressionis legis, quæ non erit iniustitia illa particularis, quæ est pars vitii, & pars iniustitiæ totius. [CVM autem legū transgressor.] Hæc est quarta pars huius capituli. In qua philosophus declarat iniustitiam, quæ dicitur tota virtus, & legalis siue legitima, & primo determinat de iusto tali, quia nobis est notius, deinde de iustitia: probat autem quod omnia legitima sunt quodammodo iusta. Illa omnia quæ sunt instituta, & determinata à legibus sunt quodammodo iusta: sed omnia legitima instituuntur à legibus, ergo sunt quodammodo iusta. Notandum quod philosophus dicit quodammodo: quia aliquid legitimum videtur iustum huic ciuitati, quod alii ciuitati non esset propter differentiam rerum pub. & gubernationum secundum virtutem. Post hæc dicit philosophus quod leges de omnibus distant coniectantes communem utilitatem providendo in omnibus: & videtur tangere tres status gubernandi ciuitates. s. rempub. optimates, & monarchiam: in omnibus leges prouident tribuendo poenas, & præmia vel secundum virtutem vel merita vel alio modo. Hæc cum ita sint, dicit philosophus nos vno modo dicimus iusta ea quæ efficiunt, & conseruant felicitatem ciuilem, iubent enim leges ea quæ sunt viri fortis, & temperati, & sic in aliis virtutibus respectu ciuilis societatis vt ipsa fiat, & conseruetur quod ad fieri possit felix. & dicit quod illa lex est bona quæ recte, & consulte posita, quæ autem temere: mala esse videtur. Plato vero dicebat non esse eas appellandas leges, quæ improbe essent. Notandum quod omnes operationes quæ pertinent ad vnamquæque virtutem, faciunt, & conseruant talem virtutem. Ex virtutibus autem, & operationibus secundum virtutem emergit ipsa felicitas, quare cum leges determinent de omnibus quæ faciunt, & conseruant felicitatem humanam, ista autem sunt operationes secundum virtutem, constat omnia legitima esse iusta. Propositum enim ipsarum legum, & omnium legumlatorum, & gubernatorum ciuitatū esse debet felicitas communis, & ciuilis societatis quoad fieri potest, vt sicut medico sani-

tas, ita gubernatoribus ciuitatū, & cōditoribus legum suorū ciuī salū, & felicitas proposita sit. 10  
 [HAE C igitur iustitia perfecta.] Declarauit superior philosophus de iusto legitimo q̄ est nobis  
 notius: nūc de ipsa iustitia legitima dicēdo, quōd est perfecta virtus nō simpliciter, & absolute,  
 sed ad aliū vt patebit inferius, & item est tota virtus, vnde persape omnīū virtutū præclarissima  
 esse videtur, & neq; hesperus neq; lucifer ita mirabilis vt Euripides inquit. Hesperus & lucifer  
 eadē est stella. Veneris, & in ortu dicitur lucifer, quia præcedit solem: in occasu hesperus quia  
 sequitur. Affert postea aliā auctoritatē Theognidis poeta, qui dixit iustitiā cōtinere in se omnes  
 virtutes. Duo igitur proposuisse videtur, vnū quōd iustitia est perfecta virtus non absolute,  
 sed in vsu ad aliū. Itē quōd ipsa est tota virtus cū cōtineat omnes virtutes. [A T Q V E perfecta.] 11  
 Probat illud primū philosophus quod proposuit hoc pacto: illa virtus, qua potest studiosius vtī  
 nō solū ad se, sed ad aliū, est virtus maxime perfecta: sed iustitia legitima est huiusmodi, ergo est  
 perfecta virtus: patet ratio quia virtus perficit habentē, quōd si vltra hoc studiosius potest vtī ta  
 li virtute ad aliū erit profecto illa virtus valde perfecta, quia additur virtuti id quod est difficile,  
 scilicet bene operari ad aliū, quia potest quis facilius se bene gubernare quā seipsum, & alios,  
 & ppter ea bene dictū est à Biāte q̄ magistratus virū ostendit, & hanc sententiā laudat philoso  
 phus, quia magistratus est administratio quādā ad aliū. i. ad cōmune bonū in societate ciuili. Ob  
 id autē ipsum. Ex supradictis infert vnū obortū. scilicet quod ex eo q̄ virtus est ad aliū nō dicitur bo  
 nū habentis bonū: sed alienū, cū respiciat bonū alterius & humanæ atq; ciuili societatis bonū  
 ex quo perfecta, & præclara virtus esse videtur iustitia: in qua vt inquit Cicero splēdor est vir  
 tutis maximus: ex qua viri boni nominantur. [P E S S I M V S igitur.] Affert aliud obortū siue cor  
 relariū, ex supradictis ad idem propositū. Nam si ille est optimus qui non tantū ad seipsum: sed 12  
 ad alios virtute virtute conuerso ille erit deterius qui & ad seipsum, & ad alios virtutē prauit  
 atē, & est quasi probatio sententiæ suæ ab opposito. Et notandū est q̄ philosophus loquitur hic  
 de actiuis, nā speculatiua virtus excellētiōr est, quā actiua: licet tantū habentē perficiat. Exce  
 dit enim nobilitate vt patet in sexto. [HAE C igitur iustitia.] Probat quōd iustitia legitima est  
 perfecta virtus: nunc declarat secundū quod proposuit. Quōd est tota virtus cuius probatio ex  
 supradictis colligi potest, vt concludendo dicatur quōd illa virtus ad quam pertinet vtī qua  
 libet virtute est tota virtus, sed iustitia legitima est huiusmodi, ergo iustitia legitima est tota vir  
 tus. [Q V I D autē interest.] Hac in parte philosoph⁹ videtur remouere obiectionē quā oriri po  
 tuisset ex dictis. Nā potuisset aliquis dicere: si iustitia est tota virtus, superflue videtur philoso  
 phus eam asserre præter enumeratas virtutes. Dicit ergo philosophus quod differentia quæ est  
 inter virtutē totā, & ipsam iustitiā patet ex dictis. Diximus enim q̄ est tota virtus nō simplici  
 ter, & absolute, sed cū hac exceptione, vt sit tota virtus ad aliū. Itaq; sunt idem re, differūt autem  
 ratione. Nam si capiūt omnes enumeratas virtutes, & cū ipsis etiā iustitia particularis, tunc di  
 cemus quod hoc aggregatū est tota virtus, sumēdo eam absolute. Verū si sumatur quōd earum  
 siue huius aggregati vsus ad aliū, tunc illa eadem tota virtus hoc modo sumpta dicitur iustitia.  
 Dubitatur circa ea quæ dixit philosophus quōd iustitia legitima est tota virtus. Nam varia fue  
 runt de ea opiniones. Quidam enim dixerunt hanc esse virtutem quādam distinctā ab aliis, si  
 cut est fortitudo, tēperantia, & aliæ inter se virtutes distinctæ, veluti quādam species virtutis.  
 Probāt hoc pacto, illa sunt diuersa, & distinguūt quorū subiecta sunt diuersa: sed subiectum in  
 quo est iustitia est voluntas, vt illi aiunt. Appetitus verō est subiectū in quo est tēperantia & cer  
 go istæ virtutes erunt distinctæ inter se, cum habeāt distincta subiecta in quibus sunt. Verū si  
 quis diceret quōd hæc est præstantior cōtra eos, ergo est tota: nō valet consequētia, quā homo sit  
 præstantius animal, quā equus, & tamen non est totū animal. Hæc opinio nō videtur vera, & res  
 pondendū ad eorū argumentum hoc modo. Cum enim dicunt quorū subiecta sunt diuersa: ea  
 etiā diuersa sunt: cōcedo si accipiat vnū particulare subiectū: sed accipio quandam potentiam  
 cōmunem ipsius animi in qua conueniūt appetitus & voluntas: & in illa potētia cōmuni dico hæc  
 virtutem esse veluti habitum aggregatū ex cunctis virtutibus: in eo subiecto & in ea potētia,  
 quæ appellari potest voluntas adepta, vniuntur enim inter se per ipsas virtutes: cū appetitus irra  
 tionalis de se sit per obedientiā rationalis, & vniunt cū voluntate, & in illa potentia dicere possu  
 mus quod est iustitia legitima: quæ est tota virtus ad aliū. nam illud aggregatū omnium virtu  
 tum si sumatur vt est perfectio habentis ad seipsum dicitur tota virtus: sin verō vt est ad aliū: di  
 cetur iustitia legitima. Præterea sunt alii qui etiā alia ratione compulsi dixerunt iustitiam hæc  
 non esse totam virtutem, & arguebant hoc pacto, Si iustitia est tota virtus: iniustitia erit tota vi  
 tiositas vt ita loquar. Et qui haberet talem iniustitiam haberet totam vitiositatem & omnia vi  
 tia in se: quod nō videtur posse fieri, quomodo enim habebit simul auaritiā, & prodigalitatem,  
 audaciam, & timiditatem, & huiusmodi, quæ in eodem simul esse non possunt: quare nemo pote  
 rit esse vitiosus secundum talem iniustitiam. Horum quoq; opinio nō videtur esse vera licet ipsi  
 suis rationibus magis appropinquant sententiæ philosophi. Dicendum igitur primum tota vir  
 tus vt perfectio quādā potest esse in viro studioso: quia simul sumptæ possunt esse in eodē cum  
 nō cōtrariantur inter se. Quōd si omnia vitia nō possunt esse simul in eodem, nō sequitur q̄ nō  
 possint esse virtutes. Illud enim est ex ratione vel cōditione vitiōri, quæ ita inter se cōtrarian

tur vt simul se compati non possint. Malum enim, vt inquit antea philosophus, seipsum destruit. Quare erit vitiositas tota eorum vitiorum quæ simul esse possunt. Philosophus itaque hanc opinionem habere videtur quod homo habeat potentias & aptitudines: secundum quas omnes virtutes suscipere possit. Verum cum istæ potentia sint particulares habebit vnaquæque suam virtutem tanquam in sua sede collocatam: quæ erit perfectio talis potentia. Redundare autem postea videtur quædam potentia communis quasi quidam nodus ab illis virtutibus compactus, & in tali potentia erit aggregatum omnium istorum virtutum tanquam quoddam totum ex virtutibus simul sumptis constitutum. Non enim anima dicitur secundum vnam partem vel potentia esse perfecta: quæ autem omnes partes vel potentia sunt perfecta: oritur quoddam totum ex illis perfectionibus simul sumptis, & hæc est tota virtus, quæ ob suam perfectionem cum extenditur ad alium aliquod nomen habere debet. sit A. sed melius est vt vocetur iustitia legitima, quia leges iubent omnia opera virtutis fieri, & etiam ad alium, & ad commune bonum ciuitatis, & ideo appellatur iustitia secundum leges. Nam vt videbimus paulo post, alia est iustitia particularis quæ est una species virtutis, & differt ab hac ut apparebit: hæc sufficiunt pro declaratione, sed de subiecto iustitiæ alio loco dicendum erit.

*Quid iustitia particularis, & quotuplex. Cap. II.*

- <sup>15</sup> **Q**uærimus autem eam iustitiam, quæ virtutis est pars. Est enim quædam vt diximus. Et item iniustitiam eam: quæ pars vitii quædam est. Esse autem hanc iniustitiam, hoc indicat signum. Qui namque cæteris vitiis operatur, iniuriam quidem facit, at non plus capit. Vt qui clypeum timiditate proiecit, aut qui conuitia ob iracundiam dixit, aut qui non attulit ob illiberalitatem per pecunias opem. At cum quispiam sæpe plus capit: nullo tum eiusmodi vitiorum is operatur, nec etiam vniuersis, aliqua autem prauitate. Vituperamus enim illum, atque ob iniustitiam, est ergo alia quædam iniustitia: vt pars totius iniustitiæ quædam & iniustum idem quoddam: vt pars totius iniusti.
- <sup>16</sup> Quod quidem est præter legem. Præterea si quidam lucrandi causa facit adulterium, atque pecunias accipit, quidam erogat, damnumque patitur ob cupiditatem: hoc quidē intemperans potius quam pluris auidus, ille autem iniustus, sed non intemperans esse videbitur. Paret ergo talem
- <sup>17</sup> illum videri, quia lucratur. Insuper alia quidam omnes iniuriæ: ad aliud quod semper vitium rediguntur. Vt si commiserit quispiam adulterium: ad intemperantiam. Si deseruerit in acie socium: ad timiditatem. Si pulauerit quempiam: ad iracundiam. Sed si lucratus fuerit: ad nullam aliam prauitatem, quam ad iniustitiam ipsam refertur. Quare perspicuum est
- <sup>18</sup> præter totā, aliam esse quandam iniustitiam partē vniuocā: quia definitio genere est in eodē. Ambeque namque id possunt, vt sint ad aliud. Verū hæc quidem circa honorē versatur, vel pecunias, vel salutē, vel si quo vno nomine cōplecti hæc vniuersa possumus: & ob voluptatem quæ fit à lucro. Illa verò circa omnia ea, in quibus studiosus versatur. Iustitias igitur esse plures: & aliam quandam esse præter ipsam totam virtutem perspicuum iam euasit. Sed quænam sit & qualis: sumamus deinceps oportet. Determinatum est itaque iniustum quidem esse quod est contra leges: & quod est iniquum. Iustum autē quod est legitimum: & quod est æquum. Iniustitia igitur antea dicta est: a qua proficiscitur id iniustum quod contra leges dicimus esse.\* At cum iniquum & iniustum quod contra leges est, non idem sit: sed alterum ad alterum sese habeat vt pars ad totum

Ista desideratur in  
Græco co  
dice, quæ



tamē ha-  
bet vetus  
interpres  
ὁ δὲ δὲ  
ἀλλ' ἐστὶν  
ὡς μέγας  
πῶς ὅσον  
αὐτὸν  
i. Quum  
autē plus  
& iniquū  
nō idē sit,  
sed alterū  
alteri, vt  
totū parti  
subiūcia-  
tur.

(nam iniquum omne, iniustum quod contra leges: iniustum autē quod  
contra leges non omne, iniquum. Plus nanque omne, iniquum: iniquū  
autem non omne, plus) iniustum etiam & iniustitia: nō eadem sunt, sed  
diuersa ab illis. Et hæc sunt vt partes: illa vt tota. Hæc enim iniustitia to-  
tius est iniustitiæ pars, & iustitia iustitiæ simili modo. Quare de iustitia  
quæ quidem est pars: & de iniustitia similiter est dicendum, & de iusto  
etiam & iniusto. Ea igitur iustitia quæ perinde atque tota virtus est ordi-  
nata, & ea iniustitia quæ aduersatur illi, quarum altera virtutis, altera  
vitiū totius ad alium vsus est: omittatur. Et iustum id & iniustum quod ad  
has attinet: patet quonam sit modo definiendum. Etenim pleraque le-  
gitimorum ea fere sunt: quæ à tota virtute agunt. Lex enim iubet vniuf-  
cuiusque virtutis viuere ratione: & vetat vitiū cuiusvis viuere modo. At-  
que legitimorum ea quæ ad publicam pertinet disciplinam, ea sunt quæ  
virtutem totam efficere possunt. Sed de singulorum disciplina, qua qui-  
dem vir bonus est absolute, vtrum sit civilis an ad aliam facultatem per-  
tineat: determinandum posterius est, non est enim idem fortasse virum  
esse bonum, & ciuem bonū. Iustitiæ autē eius quæ est pars & eius quod  
ad ipsam attinet iusti: vna quidem species est ea quæ in distributione cō-  
sistit, aut honoris aut pecuniarū aut cæterarū rerum quæ inter eos diuidi  
possunt, qui in eadem ciuili societate versantur. In his enim sit. vt quis-  
piam & non æquum habeat ad alium, & etiam æquum. Alia autem ea,  
quæ in commerciis est hominum emendandis, cuius sunt partes. Com-  
merciorum nanque quædam sua sponte faciunt homines: quædam in-  
uitis ipsis efficiuntur. Et ea quidem quæ sponte faciunt talia sunt: vendi-  
tio, emptio, mutatio, vadimonium, locatio, depositio, mercede condu-  
ctio. Atque propterea sponte hæc fieri dicuntur quòd principium ipso-  
rum sponte procedit ac igitur. Eorū autem quæ inuitis fiunt, quædā clā-  
destina sunt: vt furtum, adulterium, veneficium, lenocinium, seruorum  
seductio, cedes cū dolo, falsum testimoniū. Quædam violenta vt verbe-  
ratio, vincula, mors, rapinæ, mēbrorum captio, conuitium, contumelia.

## Commen.

QVÆRIMVS autem eam iustitiam. Hoc est secundum capitulum huius tractatus: in  
quo postea quàm docuit iustitiam legitimam esse aggregatum quoddā ex omnibus vir-  
tutibus: ex quibus simul sumptis videtur resultare quoddam totum, quod est iustitia le-  
gitima: nunc vult ostendere esse aliam iustitiam, quæ est vna species virtutis di-  
stincta ab aliis virtutibus, sicut species à suis speciebus, & ab iustitia legitima sicut pars à toto.  
Concurrit enim ista virtus simul cum aliis virtutibus ad constituendam iustitiam legitimam:  
concurrit inquam vt pars quædam constitutiva. Diuiditur autem hoc capitulum in quatuor spar-  
tes quæ suis locis partebunt: ostendit autem in prima quod est alia iustitia quæ est vt pars virtu-  
tis, & hoc declarat ex iniustitia sibi opposita. Cōtrarius enim habitus ex habitu cōtrario cogno-  
scitur vt superius dixit. Probat autem hoc pacto. si est aliqua iniustitia vt pars totius virtutis, sit  
erit aliqua iustitia quæ erit pars totius virtutis. At primum est. aliqua iniustitia vt pars, ergo e-  
rit etiam secundum. aliqua iustitia particularis. Quòd autem sit quædam iniustitia vt pars, pro-  
bat philosophus hoc medio, quia aliæ operationes vitiorum aliorum quæ dicuntur esse iniusti-  
tiæ non dicuntur esse operationes tales, nec vlla illarum plus appetendi. Ergo est attribuenda huic  
vitio propria sua operatio distincta ab aliis. Quare erit vna species vitiū quæ dicitur iniustitia cōsi-  
stens in plus appetēdo: si enim discurremus per singula vitia reperiemus eorū actus esse lōge di-



uerfos vt timiditatis, & iracundiæ, & sic de alijs. Sin verò fumantur simul etiam differet, quia habet suam propriam operationem tantum plus appetendi vitiosum distinctam ab alijs cum eâ videretur vt iniquum. Erit igitur species quædam vitij distincta ab alijs speciebus vitiorum, quæ dicitur iniustitia, & erit pars illius iniustitiæ quæ dicitur tota, & iniustum tale similiter erit pars illius iniustij quod transgreditur leges. Differt autē hæc iniustitia ab illa sicut pars à toto. [P. R. AE-

- 15 T E R E A si quidam lucrandi causa.] Ostendit idem alia ratione, sumendo vnum actum & diuersum finem. Nam qui adulterium committit vt inde lucrum habeat ob talem finē dicitur fecisse iniuriam gratia lucri, & iniustus erit. Contra si damnū patitur ob libidinem non dicitur iniustus: sed intemperans ob talem finem, ex quo patet quod etiā in similibus actibus diuersi fines faciunt vitia differre, & distincta esse. Finis igitur pluri appetendi ostendit esse vitium quoddā sibi accommodatum. Id autem est iniustitia particularis vt patet. [I N S V P E R A LIA.] Probat idem alia ratione: illud vitij ad quod proprie redigetur iniuria lucrādi est distinctum à cæteris vitijs, & iniustitijs vt ita loquar. At iniustitia est aliqua ad quā redigitur iniuria lucrandi, ergo illud erit distinctū à cæteris, & sic erit vnū vitij iniustitiæ particularis cui attribuetur tanquam propria sua operatio iniuria lucrandi, & plus capiendi. Notandū quod philosophus dixit. At cū quispiā sæpe plus capit, q̃ posuit quia nō dicitur per vnā tantū operationē aliquis vitiosus, nec etiā studiosus: frequentatis enim operationibus acquiritur habitus ex quo talis dicitur vitiosus vel studiosus secundū habitū qui in ipso est: ideo philosophus vt diximus addit sæpe. [Q V A R E peripici cū est.] Hæc est secunda pars huius capituli in qua philosophus cōparat iustitiam legitimā quæ dicitur tota cū ea quæ dicitur pars, & particularis declarando in quo cōueniunt, & in quo differunt. Verum vt iniustitia quæ est tota vitiositas, & iniustitia particularis cōueniunt in nomine, & etiā in ratione: quia ratio vtriusque est in eodē. Sin eo quod est ad aliū iustitia tota, & iustitia particularis se habere videntur, cōueniunt enim in nomine, & in quadam ratione communi: quia ambæ sunt ad alium, differunt postea, quia versantur circa diuersā vt dicit philosophus. Notandum quod iustitia legitima, & particularis videntur cōuenire, & in nomine quia vtrique iustitia dicitur, & in quadam ratione cōmuni ipsius generis, quia vtraq; est ad aliū. Sumamus igitur habitum quandam communem istis duabus iustitijs: cuius nomē fit iustitia, & definitio eius fit virtus ad alium. Ista igitur iustitia communis ambabus: quæ est virtus ad alium diuidatur in iustitiā totā legitimā, & in iustitiā particularē, quæ duæ iustitiæ cōueniunt in nomine, & etiā in quadā ratione ipsius generis: quia vtraq; est virtus ad aliū. Differunt tamen postea: quia versantur circa diuersā. Nam legitima iustitia versatur circa omnia circa quæ versatur studiosus, & aggregatum omnium virtutum. Particularis verò iustitia circa determinatā materiā vt dicit philosophus. Præterea non eodem modo ad alium esse videntur: quia legitima videtur esse ad alium. i. ad Remp. Particularis vero ad alium. i. ad hunc vel illum particularem hominem, quare non videntur esse omnino vniuoca, vt cum habeant idem nomen habeant penitus eandem rationem, cum illud quod dicitur ad alium diuersimode intelligatur, & sicut de iustitia tota, & particulari dicimus: eodem pacto de iniustitia tota, & particulari dicendum censemus, scilicet quod cōueniant & differant inter sese supradictis modis. Sumatur igitur iustitia superior quæ est tanquam genus, id est virtus ad alium & diuidatur in iustitiā totā & particularem, & definiatur istæ duæ iustitiæ. Iustitia legitima cum fit virtus ad aliū est habitus electiuius circa ea omnia circa quæ versatur studiosus ad obseruandas leges ob bonum commune. Iustitia particularis cum fit etiam virtus ad alium, est habitus electiuius circa talem materiā, scilicet determinatā, puta honores, pecunias, & talia externa bona tribuens cuique quod suū est. Iniustitia vero tota cū fit vitium ad alium: est habitus electiuius transgrediendi leges detrimenti communis, & sui commodi gratia. Iniustitia vero particularis quod est habitus electiuius circa determinatā materiā sumens quod suum non est. [D E T E R M I N A T V M est itaq;.] Hæc est tertia pars huius capituli in qua philosophus declarat quem ordinē habent inter se istæ iustitiæ, scilicet legitima & particularis resumendo diuisionem superius allatā, & determinationem factā, scilicet quod determinatum est id esse iniustum quod est contra leges, & id etiam quod est iniquum: similiter quod iustum est id quod est secundū leges, & quod est æquū. His præmissis ostēdit has iniustitias scōtra leges, & particulare hunc ordinē inter se habere vt altera sit vt totū, altera vt pars, & hoc declarat quibusdā terminis hoc pacto, Sicut se habet iniquū respectū pluri, sic iniustitia contra leges ad iniustitiā particulare. Sed iniquū est vt totū, plus vero vt pars respectū iniqui, ergo iniustitia scōtra leges erit vt totum respectū particularis iniustitiæ. Valet cōparatio propter cōuenientia quæ est inter illa quæ habent ad inuicem aliquem ordinē. Assumptum autē declaratur, scilicet q̃ iniquum est vt totum respectū pluri: quia omne plus est iniquum, nō autē omne iniquū est plus: quia magis est aliquod iniquū quod est minus. Iniquum igitur habet sub se plus & minus. Quare plus videtur esse vna pars eius: sic etiā iniustitia particularis videtur esse pars iniustitiæ totius: sic dicitur de iustitia legitima, & iustitia particulari. Quare ex cōparatione illorū terminorū facit illam cōsequentiā philosophus, nō autem ex ordine essentiali: vt ait expositor quidam. Verū nonnulli textus vbi dicit plus habet. [C O N T R A leges.] Et tunc possemus formare rationem hoc pacto, sicut se habet iniquū ad id quod est scōtra leges, sic se habet iniustitia

particularis ad iniustitiam quæ est vitiositas: sed iniquum est vt pars respectu eius quod est contra leges, sic iniustitia particularis est vt pars respectu iniustitiæ quæ est tota vitiositas. Nam ini-  
 quum est vt pars, cum comparatur ad id quod est contra leges. Est autem vt totum cum compa-  
 ratur ad plus ratio, tamen reperitur iste textus vbi ponitur contra leges loco eius quod dicit plus:  
 & antiqui exponunt secundum primum textum quem attulimus. Verum quomodo concite se ha-  
 beret textus, patet quod sententia philosophi est quod iste iustitia ita se habent inter se vt altera  
 sit vt totum altera, vt pars, legitima enim est vt totum, particularis vt pars, & eodem modo dicen-  
 dum de vtraque iustitia. [E] A igitur iustitia, cum vellet philosophus omissa iustitia, & iniustitia  
 quæ dicitur tota: accedere ad declarandam iustitiam particularem, assignat rationem cur sit omit-  
 tenda illa iustitia legitima, quia constat satis declaratio eius cum declarauerimus omnes virtutes  
 ex quibus ipsa constituitur, & etiam ex supradictis determinatū sit de ea, & de iniustitia sibi op-  
 posita, similiter de iusto ad iustitiam talem, scilicet totam & iniusto ad iniustitiam talem perti-  
 nente. Nam iustitia talis completitur vnamquæque virtutem & vniuscuiusque vsum ad alium.  
 est enim legitima. Lex autem quæ proprie est lex iubet viuere secundum rationem cuiusque vir-  
 tutis: vitia autem prohibet. Verum de his quæ pertinent ad publicam disciplinam, & de his quæ  
 ad priuatam, & similiter ad virum bonum, & ad ciuem bonum, si sit diuersa ratio atque doctrina  
 posterius dicemus, scilicet in libro politicorum, vbi determinatur illa quæstio vtrum idem sit,  
 & ostenditur alium esse virum bonum, & alium ciuem bonum respectu quarundam rerum pu-  
 blicarum, & gubernationum quæ non sunt rectæ. Verum in optima politia, & gubernatione rei  
 publicæ non esse videtur ciuis bonus qui non sit vir bonus. Nam ciuili disciplina videtur præ-  
 supponere hominem iam imbutum virtutibus, & docere quomodo illis in communi, & ciuili  
 societate vtendum sit. Notandum quod vnum, & idem subiectum videtur disciplinæ moralis, &  
 politicæ, scilicet homo ea ratione qua subiicitur virtutibus, & felicitati, diuerso tamen modo, id  
 est, moralis: ad ipsum: ciuili ad alios, & commune bonum. Nam est subiectum moralis disciplinæ  
 in quantum subiicitur virtutibus, & felicitati: quæ ipsum perficiunt: perfectum verò suscipit di-  
 sciplina ciuili, & ostendit quomodo talibus virtutibus vtatur ad alium, id est, ad commune bo-  
 num ciuitatis. & sic etiam ciuili scientia moralem disciplinam præsupponere videtur. Sed hæc  
 magis ad librum politicorum spectant. [I] V S T I T I A E autem eius quæ est pars. ] Hæc est quar-  
 ta pars huius capituli in qua philosophus omissa iustitia legitima: incipit late exponere de ea  
 quæ est pars, & particularis iustitia. Itaque eam sumit, & diuidit in duas species: quarum vna di-  
 citur iustitia distributiva, alia verò dicitur commutativa siue correctiua morum & commercio-  
 rum. Hæc rursum commutativa siue correctiua duobus sumitur modis, quia duo sunt commer-  
 tiorum genera: quædam enim sunt sponte, vt venditio, & alii, vt ita loquar, huiusmodi contra-  
 ctus, quædam verò sunt inuite, & hoc dupliciter, aut per ignorantiam, aut per vim, exempla po-  
 nit philosophus in textu, & in sequentibus latius declarabuntur. Habemus ergo particularem ini-  
 stitiam diuisam in sua membra, quorum alterum est iustitia distributiva: alterum iustitia com-  
 mutatiua, siue correctiua commerciorum.

## De iusto distributiuo

## Cap. III.

τὸ ἴσχυ



Vm autē iniustus sit iniquus, & iniustum iniquum: constat &  
 aliquod medium esse iniqui, atque hoc est ipsum æquū. Quo  
 enim in actu plus est, & minus, in eodē est etiā æquum. Si igitur  
 iniustum est iniquū: iustum est æquum. Quod quidē & ab-  
 que ratione cūctis ita esse videtur. At cum æquum sit medium: iustū, me-  
 dium quoddā erit. Ipsum autē æquū in minimis est duobus, necesse est  
 igitur ipsum iustū, & mediū esse & æquum, & ad aliquid, & quibusdam.  
 Atque quo mediū quidē est, hoc aliquorū est, quæ quidē plus sunt, & mi-  
 nus. quo autē æquū est, duobus est: at quo iustū est, quibusdam est: ipsum  
 ergo iustum, in minimis quatuor consistat necesse est. Quibus enim est  
 iustum, duo sunt, & res in quibus & ipsæ duæ sunt. Atque eadem est æ-  
 quitas quibus atque in quibus. Nam vt sese habent ea in quibus, sic sese ha-  
 bēt & illa. Si enim non sunt æqui: nō æqua habebūt: sed hinc pugna nascuntur,  
 & inulationes. atque querelæ: cum æqui non æqua, aut æqua non  
 æqui habent ac potiuntur. Id ita esse ex eo quod pro dignitate sit cōstat.


Iustum enim quod in distributionibus est: omnes vno ore pro dignitate quadam oportere esse dicunt, ipsam tamen dignitatem non eandem omnes inquirunt esse: sed populares quidem libertatem, \* pauci vero potē  
 25 tes opulentiam, nonnulli nobilitatem, optimates vero virtutem. Iustum ergo, rationum quandam comparisonem subit. Comparisonem nāque rationum subire, non absoluti numeri solum: sed numerabilis etiā omnino proprium est: etenim comparatio rationum, æqualitas est rationum: & in quatuor minimum est, & seiunctam quidem in quatuor esse constat. An non & continua in quatuor est: vno nanque termino vititur vt duobus: & his illum sumit hoc pacto, vt A sese habet ad B: sic B sese habet ad C. bis igitur dictum est ipsum b, quare si b bis positum fuerit, quatuor erunt ea quæ comparisonem subeūt rationum. Est autem & ipsum iustum in quatuor minimis: & ratio eadem est. Sunt enim seiuncta similiter: & quibus, & quæ. Erit ergo vt est a terminus ad b terminum: sic c terminus ad terminum d. Et mutato ergo ordine, vt a sese habet ad c: ita b sese habebit ad d. Quare & totum ad totum, quod quidem distributio ipsa coniungit. Et si ita compositum fuerit, iuste coniungit. Cōiunctio igitur a termini cum c, & b cum d, iustum est id quod ad distributionem accommodatur, & est medium eius quod comparisonem rationum non subiit: quod enim subit ipsam, medium est, iustū  
 27 autem subit. Talem autem rationum comparisonē, Mathematici geometricam vocant. In geometria nanque fit: vt & totum ad totum perinde sese habeat, atque ad vtrunque sese habet vtrunque. Non est autem  
 28 continua hæc comparatio rationum. Non enim fit terminus vnus numero, cui & quod. Iustum igitur hoc, in comparatione rationum consistit, Iniustum autem est id, quod à comparatione rationum exorbitat.  
 29 fit igitur aliud plus, aliud minus. Quod quidem & in ipsis operibus accidit, in bonis enim qui iniuriam facit, plus habet: qui iniuriam patitur, minus. In malis autem contra, boni nanque rationem subit minus malum ad maius malum: minus enim malum, magis quàm maius est expetibile. At quod expetitur bonum est: & quod magis maius. Hæc igitur vna species iusti.

## Commen.

23 **C**VM autem iniustus vir sit iniquus. [Hoc est tertium capitulum, in quo Philosophus sumit alterum membrum particularis iustitiæ superius diuisæ, scilicet iustitiā distributiua, & eā declarat. Diuiditur in duas partes, in prima ostēdit iustū distributiū esse medium, & secundum aliquam proportionem vel similitudinem rationis: in secūda declarat secundum quā similitudinē rationis sit medium, & secundū quam proportionē. In prima igitur probat Philosophus qd iustum distributiū est medium hoc pacto. Omne æquum videtur esse medium, sed iustum distributiū est æquum: ergo iustum distributiū est mediū. Patet maior, quia æquū est medium inter inæqualia, id est inter plus & minus. Minor quoque à contrario ostēditur, quia iniustum est iniquum: ergo iustum erit æquum. Contrariarū enim cōtraria sunt cōsequentia. Patet ergo qd iustū distributiū est medium.] A T Q V E hoc est ipsum æquū. [Nunc ostēdit Philosophus quodd tale medium est secundum proportionem, & similitudinem rationis. Primo autē videtur præsupponere duo, quorum primum est quod omne æquum est in duobus minimis. nā æquū est ad aliquid, ergo oportet esse saltē inter duo. Illud quod dicitur æquale, & illud ad quod dicitur æquale esse, sicut, simile dicitur alicui simile, & sic requirit saltē duo minima, & duos ter-


minos, & ex hoc Philosophus videtur inferre secundum præsuppositum. Quod cum æquum sit in duobus minimis, iustum quoque erit in duobus minimis: & quod iustum est mediū, & est equū, & dicitur ad aliquid ex quibuldam. Ex quo sequitur quod iustum sit in quatuor minimis, quia iustum est etiam relatiuum, & in quantum iustum requirit etiam duos terminos sicut æquum. iustum igitur erit medium, & æquum & relatiuum: cum sit medium ponetur inter duo extrema. Siniqua, quorum vnū est plus, aliud minus: quia vero est æquum consistit in duobus inter que est relatio, quare vt est æquum est inter duo, vt vero est iustum, est aliquid. i. respicit personas, sic igitur est ad aliquid & quibus. i. ad personas, & in rebus quæ tribuuntur, sic ergo est medium in quatuor minimis. Dicitur autem in quatuor minimis, vt puto, quia iustitia, vt ostendit, est secundum similitudinem rationis, quæ ad minus in quatuor terminis minimis fieri solet. His præsuppositis Philosophus probat, quod iustum distributiuum est medium aliquam similitudinem rationis hoc pacto, illud iustum quod consistit saltem in quatuor minimis: quorum vnū se ita habet ad alterum, sicut reliquum ad reliquum est medium secundum aliquam proportionem, & similitudinem rationis: sed iustum distributiuum est huiusmodi, ergo iustum distributiuū est medium secundum aliquam proportionem, & similitudinem rationis. Maior patet, quia illud iustum quod consistit in quatuor terminis: quorum primum se habet ad secundum, sicut tertium ad quartum, consistit in aliqua similitudine rationis. Minor patet ex præsuppositis, quia diximus quod iustum distributiuū est æquū, ergo requirit duos terminos, posita est iustū, ad aliquid ex quo requirit duos alios terminos, & sic erunt quatuor termini. s. duæ personæ, & duæ res quibus terminabitur proportionalitas, & similitudo rationis in qua consistit iustum distributiuum. [I D ita esse.] Probat idem alia ratione quæ sumitur ex parte dignitatis, & ex sententia omnium hominum qui dicunt iustum distributiuum oportere fieri secundum dignitatem personarum quibus fit distributio, ita vt qui maiorē habet dignitatē plus habeat, qui minus, habeat minus, & ista est aliqua similitudo rationis, quare ex hac cōmuni opinione iustum distributiuum consistet in aliqua proportionalitate & similitudine rationis, sed quāquā omnes in hoc cōuenire videantur, nō tamen cōsentiūt, quānā sit illa dignitas secundū quam debet fieri distributio, vel honorū vel pecuniarū, & aliorū quæ diuidi inter ciues possunt. Sed quidā dicūt libertatē vt populares, alii opulentiam vt potentes, alii vero virtutem vt in ciuitatibus quas optimates gubernant. Atque ex iis habemus quod iustum distributiuū est mediū secundum aliquam proportionalitatem, & similitudinem rationis. [E T quibus.] s. rebus vbi est æqualitas eorum quæ distribuuntur. Et illa. s. quibus distribuētur. i. personarū, quibus fit distributio. Notandū pro declaratione supradictorū, quod similitudo rationis est æqualitas rationum: quam isti proportionē vel proportionalitatem vocāt. Continet autem duas rationes, ratio autē est saltē in duobus, similitudo vero rationis in duabus rationibus. Exemplum primi inter duo, & quatuor est ratio, & respectū quidem quantitatis qui dicitur ratio dupla: similiter inter, iiii, & vi, est ratio dupla. Verum similitudo rationis continet saltem duas rationes, & quatuor terminos. Exemplum huius secundi, sicut secundum ad quatuor, ita tertium ad sextum. Sunt enim hic duæ rationes, ex quibus resultat proportionalitas siue similitudo rationis, duas habens rationes, vt diximus, & quatuor. Notandum præterea quod æquum duobus modo dis accipi potest, vno modo vt nec superet, nec superetur: alio modo vt superet quidem, sed tamen seruet æqualitatem respectū personarum quibus distribuitur. Videtur ergo iniustum distributiuo cadere posse vtrunque æquum. Nam si sint personæ parīs dignitatis, necessarium seruabitur ibi æqualitas rerum distribuendarum, ita, vt id quod dabitur, non superabit, nec superabitur. Consistit etiam in æqualitate rerum: quarum altera superat, & altera superatur: tamen seruatur æqualitas respectū personarum, veluti si Achilli detur & Aiaci, & Achilles superet Aiacem in decimo, si dabuntur eis æqua secundū quantitatem: nō seruabitur iustum: sed quanto Achilles superat in dignitate tanto id quod ei additur, superare debet. Cum ergo dupliciter sumatur æquum vel æquale, dixit Philosophus quod si non sint æqui, scilicet in dignitate & meritis: non æqua habebunt, scilicet in quantitate, quia plus digno, & plus merenti, plus etiā debetur. Quod si hoc pacto non seruetur æquum exemplo dicit Philosophus, nascuntur pugna, & discordia, & querere, scilicet quando æqui in dignitate habeant, non æqua in dignitate, aut contra, nō æqui in dignitate habent æqua in quantitate. [I V S T V M igitur in similitudine.] Hæc est secūda pars huius capituli: in qua Philosophus posteaquam declarauit quod iustum distributiuū consistit in aliqua proportionalitate vel similitudine rationis: nunc ostendit qualis sit ista similitudo afferendo duo: primum quod similitudo rationis consistit non solum in numero simpliciter, & absolute accepto: qui dicitur consistere ex vnitatibus abstractis à rebus, sed etiam in numero rerum numeratarum. exemplum numeri primo modo sumpti, est vt. iiii. v. x. exemplum secundi modi vt quatuor digitū vel quinque pedes, vt sunt etiam nummi: personæ & alia similia, & hoc affert philosophus vt hinc habeat quod proportio siue similitudo rationis consistit etiā in rebus, & personis, ex quo innoteat, quod iustitia consistit in adæquatione secundū talē proportionalitatem quā inferius declarabit. Notandū quod similitudo rationis, cū autem dico similitudine rationum inter sit in numeris, & per se ex cōsequenti, & ratione ipsius numeri, fundatur in rebus numeratis: be

ne ergo Philosophus accipit non solum numerū separatum, sed etiam res numeratas: in quibus dicit consistere similitudinem rationis. Declarat vltcrius quid est similitudo rationum, dicendo quod est æqualitas rationum, vt hinc habeat iustitiam esse ad æquationem resultantem ex similitudine rationum. Secundum affert quod similitudo rationis cōsistit saltem in quatuor minimis, id est ad minus in quatuor terminis. Potest habere etiam plures, v, sex, vel octo, decem, vt sicut se habet hoc ad hoc, & hoc ad hoc, & sic deinde: ita illud ad illud. Verum in paucioribus, quā quatuor constare non potest similitudo rationum, & hoc etiam probat Philosophus hoc pacto, similitudo rationum disiuncta consistit saltem in quatuor minimis, id est ad minus quatuor terminis. Eodē pacto similitudo rationum continua. At præter ista non inuenitur alia similitudo rationum: ergo omnis similitudo rationum consistit in quatuor terminis ad minus. Patet ratio per sufficientem diuisionem, & vtrique probari potest. Disiuncta similitudo rationum quam isti dis-continuum sicut discretam appellāt, dicitur illa quæ habet omnes terminos disiunctos hoc pacto, vt sicut se habet, A, ad B, ita C, ad D. Hæc dicitur disiuncta, quia non est aliquis terminus communis: sed omnes isti quatuor sunt distincti, & seiuncti, vt in numeris, hoc pacto sicut, se habet quatuor ad duo, ita duodecim ad sex. In hac manifeste patet quod sunt quatuor termini. Continua vero est illa quæ videtur consistere in tribus: tamen cōsistit in quatuor, quia vnus terminus repetitur bis, & sic probatum est quod omnis similitudo rationum est in quatuor terminis. notandum quod ad hoc propositum numerus bifariam dicitur: omittit autem nunc numerum quæ isti appellant numerantem, id est animam rationalem. numerus igitur bifariam sumitur, aut formalis, aut materialis. Formalis numerus est abstractus ab omni materia secundum rationem suā: dicitur autem constare ex vnitatibus absolutis, nec applicatis alicui rei, & dicitur cumulatio vel congregatio, siue compositio vnitatum: sic enim plato numerum diffiniuit. talis est numerus circa quem versatur arithmetica, vt ostendit philosophus in libro posteriorum. Considerat enim arithmeticus numerum vt numerus est absolute, & non vt est in talibus ac talibus rebus, sed abstractum, & secundum suam rationem formalem. Materialis autem numerus est qui numeratur: quantus per hunc etiam numeramus: vt per quinque digitos possum numerare quælibet quinque, & videtur numerus materialiter oriri ex diuisione continui. Verum cum similitudo rationum consistat in vtrisque, tamen primo & principaliter consistit in numero abstracto, secundaio in rebus numeratis, & hoc ex ordine naturæ, respectu autem nostri primo similitudo rationū videtur esse vel consistere in rebus numeratis, Philosophus igitur attulit illud præsuppositū quod non solum in numeris est similitudo rationum absolute, sed etiam in rebus numeratis, quibus. s. personis, & ea quæ, scilicet res. Vt itaque se habet, A, terminus: cum velit declarare Philosophus qualis est ista similitudo rationum, in qua consistit iustum distributiuum. Primo ostendit eam quomodo fit: deinde ostendit eam esse geometricam: post ea declarat quod est geometrica disiuncta. Demum quod iniustum oppositum iusto distributiuo exorbitat, & est alienū à tali proportionalitate siue similitudine rationum geometricarum. probat igitur in primis hanc sententiā qd iustum distributiuū consistit in ea proportionalitate quæ est æqualitas rationum hoc pacto, scilicet quod consistit in quatuor terminis: quorum sicut se habet primus ad secundum, ita tertius ad quartum, & promiscue, & mutato ordine, sicut primus ad tertium: ita secundus ad quartum: & rursus sicut primus ad secundum, & tertius quartum, ita se habet primus cum tertio simul hoc totum: ad secundum cum quarto simul: sententia hæc est. Sumantur quatuor termini, scilicet duæ res, & duæ p̄sone, sit Achilles dignitatis & meriti, vt xii. Aiax vt vi. sint res duæ, scilicet vna pretii, vt viii, altera vt quatuor, tunc sicut se habet Achilles qui est, xii, ad Aiacē, vi, est enim ratio dupla, ita se habet res, viii, ad rem, iiii, est ratio dupla vel iisdem statibus terminis promiscue hoc pacto. Sicut se habet Achilles, vt xii, ad rem, viii, ita se habet Aiax, vi, ad rē, iiii: est enim proportio sesquialtera, vel similitudo rationum sesquialtera: ex duabus enim illis rationibus primo fit proportio dupla, & item ex duabus aliis fit proportio sesquialtera.




# ETHICORVM

Ex hac igitur figura possunt illæ duæ proportiones deprehendi, sit etiam ut sicut persona veluti Achilles se habet ad personam, id est Aiace[m] & res ad rem, ita totum ad totum ut res, ut persona simul ad rem, & personam simul sumptam: puta sicut se habet Achilles xii, ad Aiace[m], vi, & res octo ad rem quatuor, est enim ratio dupla, ita se habet Achilles duodecim cum re sua octo ad Aiace[m] sex cum re sua quatuor, est enim proportio vel ratio dupla: vnum enim totum cōtinet, xx, aliud vero, x, ut ex figura percipi potest, & promiscue se habet Achilles duodecim ad rem octo, ut Ajax sex ad rem quatuor, ita se habet Achilles duodecim, & Ajax sex: cōtinet enim hoc totum, xviii, ad re octo, & rem quatuor, continet duodecim. nam est proportionalitas sesquialtera.



Ex hac etiam figura percipi potest proportio dupla, & sesquialtera. Et item totius ad totum, & dupla & sesquialtera



Notandū pro maiore declaratione q[uod] in genere tres sunt similitudines rationū, scilicet geometrica: arithmetica, musica, & ad has omnes alia tanquā ad capita reducūt. Geometrica proportio, aut similitudo rationum vel continua esse potest vel disiuncta. Continua hoc modo, sumātur tres termini. ix. vi. & iiii. tunc sicut se habet nouē ad sex ita sex ad quatuor, hac est proportionalitas geometrica siue similitudo, vbi similis est excedēdi ratio, est etiam cōtinua quia vnus terminus. Sex repetitur bis, est etiam sesquialtera, quia maior numerus continet minorem cum dimidio eiusdem. Disiuncte hoc pacto, sumātur xii. vi. viii. iiii. tunc sicut se habēt. xii. ad sex ita octo ad quatuor, est: a similitudo geometrica disiuncta dupla. Similis est enim excedēdi ratio dupla, & nullus terminus repetitur bis. Arithmetica vero similitudo rationū, aut cōtinua, aut disiuncta: cōtinua sumātur, viii, vi, iiii: quare vt octo ad sex, ita sex ad quatuor. Verū viii, excedit, vi, in ii, & vi,



excedit, iiii, in totidem, & differt à geometrica continua, quia ibi est similitudo sesquialtera: & ibi attēditur quoddam similis sit ratio. Hic vero q̄ sit idem excessus quantitatis. sicut enim octo excedit in quātitate, ii, ipsum, vi, ita in eadem quātitate vi, excedit iiii. Verū proportio similis non est. Nam octo ad vi, habet rationē sesquialterā: & vi, ad iiii, habet rationem sesquialterā: ex quo cū rationes sint dissimiles, nō potest esse proportio geometrica, sed cū excessus in quātitate sint similes, ideo est arithmetica proportio, vbi quantitas attēditur. Disiuncta quoque fieri potest arithmetica hoc pacto: sicut se habet xii, ad viii, ita vi, ad ii: & hic etiam apparet excessus similis quantitatis, & est disiuncta, quia nullus terminus repetitur bis, vt manifeste apparet. Est & alia. tertia quæ dicitur musica, quæ oritur tribus terminis positis inter se, ita q̄ sicut se habet primus ad tertiu, ita se habet excessus primi, quo excedit secundū, ad excessum, ii, quo excedit tertiu. sumatur, vt, i, ii, tunc vltra: vt se habēt vi, ad duos: sic excessus quo, vi, excedit iiii, ad excessum quo iiii, excedunt, ii, at vi, ad ii, habent rationem triplam. Ter enim ipsum cōtinet: sic vi, cum excedat iiii, & iiii, excedit ii, in vnitatem, ergo habebunt excessus ad excessum triplam rationem. Ternarius enim ad vnitatem habet rationē triplam, quia ternarius numerus vnitatem continet ter, & talis videtur esse similitudo musica: sed primo similitudo rationum videtur competere geometricæ: deinde musicæ: tertio & remote magis arithmeticæ. Verum vt ad geometricam reuertamur, triplex progressio vel coniunctio fieri videbatur hoc pacto. Sicut se habet primum ad secundum, ita tertium ad quartum, vel vt rebus & personis accommodemus, sicut se habet persona ad personam, ita res ad rem. Item promiscue sicut se habet persona ad rem, ita persona ad rem. Item totius ad totum, sicut se habet persona ad personam, & res ad remita persona, & persona simul ad rem, & rem simul, & promiscue sicut se habet persona ad rem, & persona ad rem: ita persona, & res simul: ad personam & rem simul. Verum nemo moleste ferat, si ij termini sapius repetuntur. Fit enim vt apertius pateat in his locis sententia Philosophi. [T A L E M autem rationem.] Declarat autem Philosophus quoddam talis similitudo rationum in qua consistit iustum distributiuum est geometrica non autem arithmetica nec musica: hoc pacto. Illa similitudo rationum, quæ ita habet, vt primum ad secundum, ita tertium ad quartum, & item vt primum ad tertium, ita secundum ad quartum, & item vt primum ad secundum, & tertium ad quartum, sic primum cum tertio, at secundum cum quarto est geometrica, sed ista quam supra attulimus, & in qua diximus consistere iustum distributiuum, est huiusmodi, ergo &c. talem scilicet in qua diximus consistere iustum distributiuum. [N O N est autem.] Affert aliam sententiam Philosophus, scilicet quoddam illa similitudo: in qua consistit iustum distributiuum est disiuncta non autem continua. probatur, illa similitudo est disiuncta, in qua non sumitur vnus terminus communis, at ista similitudo in qua consistit iustum distributiuum non habet communem terminum, ergo est disiuncta, & non continua. maior patet minor declaratur à Philosopho, quippe cui, id est persona & quod, id est res ipsa quæ distribuitur, non concurrunt vt possint fieri vnus terminus. Sic igitur summo ordine habemus à Philosopho primo quoddam iustum distributiuum consistit in aliqua similitudine rationum. Secundo quod in similitudine geometrica. Tertio quod in geometrica disiuncta vel discreta, vt aiunt. [I N I V S T V M autem.] Nunc declarat Philosophus iniustum oppositū aberrare à tali similitudine rationis, aut in plus, aut in minus: vt superioribus exemplis ostendi potest. Nam si iustū distributiuum consistit, vt Achilles, xii, habeat primum, viii: & Aiax, vi, habeat præmiū iiii, profecto iniustum erit si x, tribuantur Achilles, duo Aiaci, vel e contra: quomodoque enim aberrat à medio secundū talem similitudinem rationū, vel in plus vel in minus oritur ipsum iniustum. [I N malis iniustus habet minus.] Qui patitur iniuriā habet plus, sed videtur iniustus habere plus de bono: quia minus malum videtur subire rationem boni, inquantū est eligibile magis, vt ait Philosophus. [V N A species iusti.] scilicet distributiuū, iustū igitur distributiuum consistit in similitudine rationum geometrica disiuncta siue discreta, vt isti appellant.

## De iusto commutatio.

## Cap. IIII.

**R**ESTAT autem id iustum, quod fit in emendandis commertis: tum iis quæ sua sponte faciunt homines, quàm iis quæ inuitis ipsis efficiuntur. Hoc autem aliam habet speciem à priore. Iustum enim distributiuum communium: in dicta semper comparatione rationum consistit, nam si è pecuniis publicis distributio fiat: eadem fuerit ratione quam habent inter sese ea quæ in rempublicam sunt collata, & iniustum quod huic opponitur, id est quod à comparatione ratione exorbitat. Iustum autē quod & in cōmertis, est quidem æquum quoddam: & iniustū, iniquum. Sed nō illa

comparatione rationum: sed arithmetica. Nihil enim refert: si probus  
 prauo detraxerit, an prauus probo. Neque si adulterium probus, an prauus  
 commiserit: sed ad differentiam no cumentis: lex respicit tantum. &  
 vtitur vt æqualibus: si hic iniuriam facit, ille patitur: & si hic nocuit, ille  
 est læsus. Quare iniustum hoc cum sit iniquum: iudex æquare conatur.  
 Nam hic quidem percussus est, aut occisus, ille vero percussit, aut occi-  
 dit, passio, atque actio diuisa est in partes non æquas, sed ad æqualita-  
 tem, auferendo lucrum, respectu damni, redigere nititur iudex. Dicun-  
 tur enim hæc in talibus, absolute dicendo. atque quanquam hæc no-  
 mina quibusdam accommodata non esse videntur, vt ei qui percussit lu-  
 crum, & ei qui passus est damnum: cum tamen mensurata fuerit passio,  
 hoc damnum, illud lucrum vocatur. Quare æquum quidem, inter plus  
 & minus: medium est. Lucrum autem atque damnum: plus sunt & mi-  
 nus. Contrario autem modo, plus boni, & minus mali lucrum: con-  
 trarium autem damnum, quorum medium, est ipsum æquum: quod  
 quidem dicimus esse iustum. Quare iustum emendatiuum, medium  
 est inter damnum & lucrum. Quapropter & cum controuersiam ha-  
 bent, ad iudicem ipsum confugiunt. Ire autem ad iudicem, est ire ad  
 ipsum iustum. Iudex enim vt iustum est animatum suapte natura. Et  
 quærunt iudicem medium. Et vocant nonnulli \* mediatorem vt ipsum  
 iustum affecuturi, si medium iustum consequantur. Mediū ergo quod-  
 dam est ipsum iustum. Siquidem & iudex medium est. Iudex autem  
 ad æqualitatem redigit. Et perinde atque si linea in duas inæquales par-  
 tes diuisa, id quo maior pars dimidium excedit abstulerit, minoremque  
 addiderit parti. Cum etiam totum diuisum fuerit duas in partes inæ-  
 quales, tum suum aiunt habere: cum æquum acceperint. Aequum au-  
 tem medium est: inter maius & minus, in arithmetica comparatione  
 rationum. \* Nam si sint duo æqualia: & ablata ab altero quantumuis  
 partem addideris alteri, talibus duabus excedit partibus alterum. Si e-  
 nim ablata fuisset, & non addita: vna sola parte excederet. Excedit er-  
 go medium vna, & ipsum medium excedit id à quo est ablatio facta vna.  
 Hoc ergo cognoscemus & quidnam auferendum ab eo sit qui plus  
 habet, & quid addendum sit ei qui minus habet. Id enim quo medium  
 excedit: addendum est ei qui minus habet, id autem auferendum à ma-  
 ximo est: quo exceditur mediū. Sint æquales lineæ tres, a, b, c, d, e, f, atque  
 ab a b: pars auferatur a g, & addatur ipsi lineæ e f, sitque illa h c. Quare  
 tota linea h e f excedit g b lineæ parte h e, & parte e l: excedit ergo me-  
 diam c d lineæ h e parte. Est autē hoc in cæteris artibus. Etenim e medio  
 tollerentur: nisi agens ageret, & quantum, & quale, & patiens pateretur  
 hoc, & tantum & tale. Nomina autem hæc (damnum inquam & lucrum) 38  
 ex iis contractibus quos sua sponte faciunt homines tracta sunt. Qui n.  
 emendo, vèdendo, cæteraque agēdo quæ lege concessa sunt, plus habet

μεσότη-  
 τος.

Gecus co-  
 dex sic ha-  
 bet, 2/3  
 ὅσοις ἢ ἐν  
 μέλει δι-  
 καιορ, ὅτι  
 δι' ἧς ἔστι  
 ὁ αὐτὸς ἀπ-  
 ὸς ἐπὶ  
 δι' ἧς ἐπὶ  
 δι' ἧς ἐπὶ  
 ὁ δὲ ἡσυχί-  
 ας.

quàm suum, ij lucrari: qui minus quàm in principio, ij damnum pati dicuntur, sed qui neque plus, neque minus habent, sed sua per seipsa sunt facta: ij se sua inquirunt habere, & neque damnū pati, nec lucrari. Quare iustum medium est, inter lucrum quoddam & damnum (quod fit iniustis hominibus) æquale inquam & prius & posterius habendo.

## Commen.

<sup>24</sup> **R**ESTAT autem id iustum. Hoc est quartū capitulum huius tractatus, in quo philosophus posteaquam superius diuinitatem particularem in duas partes. scilicet in distributiuam & correctiuam commerciorum, & iam distributiuam, quæ versatur circa munera publica distribuenda pluribus declarauit: nunc docet de altero membro. id est iustitiæ correctiuæ commerciorum. Diuiditur autem in duas partes. In prima ostendit quod hæc iustitia est medium secundum proportionalitatem arithmetica, & quod est medium inter lucrum & damnum. In secunda ostendit quoniam pacto ea sit medium secundum talem proportionalitatem arithmetica. In prima autem parte narrat philosophus primum quod est vna alia species iustitiæ diuersa à distributiuā, & declarat quid ad illam pertinet ut ostendat quid interest inter correctiuam, & distributiuam: deinde quid pertinet ad illam correctiuam, ex quo etiam patet vtriusque differentia. Post hæc affert sententiam quandam de iusto tali correctiuo scilicet, quod istud iustum est medium inter damnum, & lucrum, & hunc ordinem in prima parte seruare videtur ut patebit. Dicit igitur in primis quod est alia species iustitiæ diuersa à prima, cum consistat in correctione commerciorum, hæc autem dupliciter fieri possunt, aut sponte, aut inuitis nobis ut supra ostēdit, & nunc tangit, & tale iustum non consistit in similitudine rationum geometrica quæ seruatur in iusto distributiuo cum res communes distribuuntur. Nam si fiat distributio iuste ex pecunia publica seruabitur proportionalitas geometrica, ut qui cōtulit plus etiam plus ei tribuatur, & minus ei qui cōtulit minus, ut superioribus exemplis patere potest. At correctiuā non seruat talem proportionalitatem, sed eam quam nunc ostēdet. At iustum id declarat quod istud iustum quod est quoddam æquum non simpliciter, sed quoddam, istud inquam consistit proportionalitate arithmetica. Probatur. Vbi æquum non respicit rationem personarum, sed solum qualitatem damni & lucri, profecto ibi æquum, & iustum in arithmetica consistit, non autem in geometrica. At æquum & iustum correctiuum non respicit qualitatem personarum, sed quantitatem damni & lucri, ergo tale iustum correctiuum cōsistit in similitudine rationum arithmetica. Maior est clara. Nam in geometrica proportionalitate, & distributiuā iustitiā, attenduntur res, & personæ, & in hac arithmetica, & correctiuā respicitur quantitas excessus, qua excedit vna pars aliam, vel numerus numerum, ut ad æquatio fiat secundum arithmetica proportionem. Minorem videtur probare philosophus exemplis, cum enim corriguntur commercia hominum, qui corrigi non considerat qualitatem personarum: sed quantitatem rerum circa quas factum est commercium, scilicet damnum, quia quantitate superat lucrum, & redigit & lucrum & damnum ad æqualitatem. Item affert aliud exemplum: ut si sit percussus, & percussus vel interficiens, & interfectus, non respicit personas iudex, sed damnum inter pulsationem actiuam, & passiuam, quod inæqualitas dicitur, quam iudex per hanc speciem iustitiæ ad æqualitatem redigit, non respiciendo personas nisi per accidens eueniat. ut si quis pulsauerit constitutum in magistratu punietur maiori pœna quàm si priuatum pulsauerit, & in tali casu respicietur persona, sed per accidens sit ut inferius patebit. Post hæc philosophus pro declaratione minoris remouet cauillationē quandam. Nam potuisset dicere aliquis, tu appellas lucrum si quis pulsauerit, & damnum si pulsatus fuerit, at in his rebus non dici debet lucrum vel damnum, sed in pecuniis potius, & similibus rebus. Ad hoc respondet philosophus quod nonnullis videtur quod non possit dici, ego tamen ostēdo quomodo possit dici utendo istis terminis simpliciter. Nam antequam fuerit mensurata actio vel passio, & inæqualitas, non videtur esse ibi lucrum vel damnum: sed cum mēsurata fuerit statim videtur ibi esse damnum, & lucrum, & posse dici, ut qui amisit oculum habet damnum cum amisit oculi commoditates. At damnum refertur ad lucrum, ergo si passio dicitur damnum, actio dicitur lucrum ut patet. [N I H I L interest:] respectu personarum, scilicet. [V T I T V R illis.] Personis in eadem æqualitate. Passio atque actio est vna, & eadem res, & ista tota actio atque passio diuisa est in partes inæquales, & ut respicit agentem dicitur actio, ut vero patientē passio: ut in libro Physicorum ostendit philosophus. [L V C R V M ipsum auferēdo.] Quia amisit oculum punito illo à iudice qui effodit, videtur quodammodo oculum recepisse. Notandum quod hoc iustum correctiuum cōsistit in arithmetica proportionalitate, quia non respicit personas, sed tantum inæqualitatem rei. Quia res rem excedit alteram, & reducit ad æqualitatem. At verò iustum distributiuum personarum habet rationem eo modo quo supra diximus. [Q V A R E æquum.] Affert philosophus ex supradictis vnam sententiā, scilicet quod iustum hoc est medium inter damnum, & lucrum: & eam probat duabus rationibus. Prima æquum huius correctiuæ iustitiæ est mediū inter

# ETHICORVM

damnum, & lucrum: at iustum correctiuum est æquum, ergo est medium inter damnum & lucrum. Secunda ratio, iudex est medium inter plus, & minus, quorum alterum est lucrum alterum damnum: at iudex est quoddammodo iustum tali iustitia, quia iustum est medium inter lucrum, & damnum, ergo iustum correctiuum est medium & c. Patet ratio quia iudex est medium quoddam inter plus, & minus: & cum nascitur controversia statim curritur ad iudicem, tamquam ad quoddam medium, & animatum iustum quod æquat inæqualiter se habentia ac si esset vna linea in partes diuisa inæquales: tunc si auferatur à maiore, & addatur minori: dicere solemus quod vterque illorum habet rem suam, id est æqualitatem, & ideo tale iustum videtur consistere in eo vt quasi aliquod totum diuidatur in partes æquales. Vnde & nomen sumpsisse videtur. Nam apud Græcos *δίκαιον* & *δίκη* dici videtur verso *χ* in \* quasi duatim & diuisim vt ita loquar, Græci enim *δὴ τὸ τοῦ καὶ διό- μαιον* & *δίκαιον* *ἐστὶ δίκη* sibi. Ex his patet quod iustum correctiuum est medium inter plus, & minus, & lucrum, & damnum secundum proportionalitatem arithmetica, sua natura. id est secundum suam naturam: quia quando fit contra naturam non est vere iudex nec proprie appellandus iudex. [AE Q V V M autem medium est.] Hec est secunda pars huius capituli, in qua philosophus ostendit, 36 quod pacto inuenitur medium tale iustitiae correctiuae, quod est inter plus & minus secundum similitudinem arithmetica. hoc autem declarat similitudine quadam asserto d lines: quarum exemplo istud medium innotescere possit. Dicit ergo quod si sint duo æqualia, puta. viij. & viij. & ab altero auferatur vna pars vt duo. Hec pars aut addi potest alteri. viij. aut non, si addatur tunc fiet x. & excedet alterum diminutum quod remansit. vj. in duabus partibus, id est bis duobus. Quod si essent ablata ei, & non addita alteri, in vna tantum parte & dualitate alterum, diminutum, id est sex excederet, quod cum sit ei addita superat medium in vna parte, id est dualitate, medium vero excedit illud diminutum in altera dualitate. Quare auctum excedet diminutum in duabus partibus, & dualitatem cum sit. x. & illud vi. & sic erunt inæqualia. quod si velimus ad æqualitatem mediumque redigere, tunc auferenda est pars illa, qua excedens superat medium, id est vna dualitas, & addenda ei, quod tali parte, & dualitate deficit à medio, & sic fiet æquatio, & medium inuenietur. Sed vt clarius intelligatur sumantur lineæ, sint tres lineæ æquales: quarum vna appellatur. A B. altera. C D. & alia. E F. & G D. Sit media ad quam iudex tanquam lignum respiciens superiorem lineam diminutam, ad inferiorem auctam, id est excessum & defectum ad æqualitatem reducere debet. Auferatur ergo à prima linea. A B. vna pars, scilicet A G. & addatur tertiae quæ dicitur. E F. & media relinquatur intacta. Et illa pars quæ additur sit. H E. Ex his sequitur quod linea aucta quæ vocatur. H E F. superet lineam diminutam vocatam, g. b. in duabus partibus, scilicet vna quæ dicitur H E. alia quæ vocatur e l. & est æqualis priori parti. Medium vero lineam e. d. quæ permansit intacta superat in vna tantum parte, scilicet ea quam habuit ex diminuta linea. Cum ergo excedens linea excedat inferiorem in duabus partibus æqualibus, & medium in vna: iudex cum voluerit redigere ad æqualitatem respiciens mediam, auferet ab excedente illam partem qua media excedit, & addet inferiori, & sic fiet æqualitas, & adæquatio vt in figura patet. 37

A	ii	g	iiii	b
C				D
H	ii	e	ii	lz
				F

EST autem hoc.] Cum antea philosophus visus sit declarare medium secundum arithmetica proportionalitatem quod versatur circa easdem res: nunc vero ostendit quod hoc pacto sumitur circa res diuersarum artium. scilicet secundum proportionalitatem, & similitudinem arithmetica. Probatur, si hoc pacto non inueniretur medium in rebus diuersarum artium, tunc destruerentur ipsæ artes. Consequens absurdum, ergo & antecedens. Patet ratio, quia artium alia est præstantior alia, & opus præclarior facit: quod si inter opera non fieret adæquatio, deficerent pro-

fecto artes, quia præclarior artifex nollet permutare suum opus præclarior quam alterius artificis opere vilior: nisi agens. i. ille qui habet opus quo alius indiget ageret quantum & quale patiens. i. ille qui indiget tali opere pateretur. i. susciperet tantum & tale. Notandum quod philosophus per agens intelligit eum artificem, qui habet aliquod opus, quo alius indiget: per patiens intelligit eum qui indiget eo, & suscipit tale opus. Itaque in permutatione operum quæ sunt in artibus, fit vt vterque possit esse, & agens & patiens diuersis respectibus. fit faber & sutor: opus fabri fit domus: sutoris calceus. Faber igitur facit domum qua ipse non indiget, & sic dicitur agens. Vt autem indiget calceo dicitur patiens. Eodem modo sutor commutatio igitur cum fiat inter duas personas, & vtraque dat, & suscipit ex quo vtraque videtur esse agens & patiens diuersis respectibus vt dictum est. Dicit præterea philosophus, & vtur iis terminis. scilicet, & tale, quantum & quale: quia cum fiant varia opera, oportet vt in permutando redigantur ad aliquam æqualitatem, vt si de se vnum opus non sit ita perfectum sicut aliud, oportet vt accipiantur tot illius generis vt adæquet perfectionem alterius: & sic vnum opus euadat tantum, quantum alterum & etiam tale. [NOMINA autem hæc.] Declarat philosophus originem istorum nominum. scilicet & luci. & di-



dicitur. Sin minus: non erit æquum neque cōstabit societas. Nihil enim  
 prohibet vnus opus alterius opere præstabilius esse. Hæc igitur ad æ-  
 qualitatem redigantur oportet. Est autem hoc & in cæteris artibus. Et- 44  
 enim è medio tollerentur, nisi agens ageret, & quantum & quale, & pa-  
 tiens pateretur hoc, & tantum, & tale. Non enim duobus ex medicis fit  
 societas, sed ex medico atque agricola, & ex diuersis omnino, ac inæ-  
 qualibus. Verum hi redigantur ad æqualitatem oportet. Quapropter ea 45  
 vniuersa quorum est permutatio inter sese cōparabilia quodam modo  
 esse oportet. Pro quo numus in vsum hominum venit: & fit quodam  
 modo medium. Metitur enim cuncta, quare & excessionem atque de- 46  
 fectionem: quotnam calcei domui vel victui sunt æquales. Oportet igitur  
 quod est ædificator ad futorem: tot pro domo, vel alimento calceos  
 esse. quod si hoc non fuerit, non erit permutatio, neque societas. Hoc au-  
 tem non erit: si non æqua quodam modo fuerint. Oportet ergo aliquo 47  
 vno mensurari cuncta, sicut & antea diximus. Hoc autem est reuera qui-  
 dem indigentia ipsa: quæ omnia continet. Nam si non indigeant, aut  
 non similiter, non erit permutatio, aut non eadem erit. Numus autem  
 ex instituto factus est vt pro indigentia sit. Et propterea nomen hoc ha-  
 bet quod non natura cōstat: sed lege. Et in nobis est situm ipsum muta-  
 re atque inutilem facere. Erit igitur tunc repassio, cum redacta fuerint 48  
 in æqualitatem: vt quod est ad futorem agricola, id sit opus futoris ad a-  
 gricolæ opus. Oportet autem in figuram comparationis rationum du- 49  
 cere, cum permutare voluerint. Sin minus, alterum extremum excessus  
 habebit vtrosque. Sed cum habent sua, sic æquales & socij sunt, quia hæc  
 æqualitas in ipsis fieri potest. Atque sit agricola quidem a, & alimētum 50  
 c, futor autem b, & opus ipsius quod in æqualitatem iam est redactum  
 d, quod si hoc pacto non esset repassio, non esset sane societas. Ipsam au-  
 tem indigentiam continere, vt quidam vnum, hoc sane declarat. Cum 51  
 enim aut ambo sese non indigent mutuo, aut alter, non fit permutatio:  
 sicut fit, cum eius quispiā indiget quod habet ipse, vt vini, pro quo dat  
 ille triticum exportandum. Oportet igitur hæc redigi ad æqualitatem.  
 quod si nūc non indigeat, num⁹ quasi vas intercedit pro permutatione  
 futura, si ipsa indiguerit fore. Liceat enim oportet hūc afferēti accipere.  
 Patitur igitur idem & ipse. Non enim semper æquale potest. Attamen  
 magis ipse persistere solet. Idcirco definitæ sint pretio res omnes oportet.  
 Sic enim erit permutatio semper. quæ si erit, societas erit. Numus igitur  
 (vt mensura) res ipsas metiendo, redigit ad æqualitatem. Etenim ne-  
 que societas fuerit sine permutatione, neq; permutatio sine æqualitate,  
 neque æqualitas sine communi mēsurā. Atque re quidem vera fieri ne-  
 quit, vt ea quæ adeo differunt, conueniant communi mēsurā. Attamen  
 indigentia ratione satis fieri potest. Vnum quid igitur esse oportet, at-



que hoc ex suppositione. Quapropter numus vocatur. Hic enim facit vt  
omnia mensura conueniant. Mensurantur enim omnia numo. Sit do-  
mus quidem a \*vnciæ autem decem b: & lectica collocetur in c. Atque a  
quidem dimidium sit ipsius b, vt pretiū domus quinque vnciæ sint, aut  
æquale, c autem id est lectica sit pars decima ipsius b. Patet igitur quot  
lecticæ domui sunt æquales, sunt enim quinque. Hoc autem modo per-  
mutatio erat antea quàm esset numus. Nihil enim interest siue lecticæ  
quinque: siue pretium quinque lecticarum detur pro domo. Dictum est  
igitur quidnam sit iustū atque iniustum. His autem determinatis: con-  
stat iuris actionem medium inter hæc esse, agere inquam ac pati iniu-  
riam. Alterum enim est plus habere, alterum minus. Iustitia autem non  
eodē modo quo priores virtutes mediocritas est, sed quia medij est, hoc  
est æqui, iniustitia autem extremorum. Et iustitia quidem est qua iustus  
dicitur electione actiuus iusti: atq; distributiuus, & sibi ipsi ad alium, ac  
alij ad alium, non hoc pacto vt commodi quidem plus sibi tribuat, &  
proximo minus, incomodi autem contra. Sed æqui, quod ex compara-  
tione rationum emergit, & alij simili modo ad alium, iniustitia autem  
contraria, iniusti. Hoc autem est exuperatio & defectio cōmodi vel in-  
comodi contra cōparationem rationum. Quapropter iniustitia exu-  
peratio est & defectio: quia est exuperationis & defectionis: in se quidē  
exuperationis eius quod est simpliciter commodum, & defectionis eius  
quod est incommodum. In aliis autem in toto quidem similiter, eius  
profecto quod à comparatione rationum exorbitat, vt contigerit. Iniu-  
ria autem minor quidem est iniuriam pati, maior autem iniuriam face-  
re. De iustitia igitur ac iniustitia, quænam sit vtriusq; natura, sit dictum  
hoc modo. Similiter & de iusto vniuersaliter, atque iniusto.

## Commen.

V IDETVR autem nonnullis & e contra passio.] Hoc est quintum capitulum huius primi  
tractatus, in quo philosophus affert opinionē pythagoreorū de iustitia, & eam refellit, &  
simul ostēdit quomodo iustū sit medium: diuiditur autem in quatuor partes quæ suis lo-  
cis patebūt. In prima igitur asserendo sententiam pythagoreorū, dicit quod videtur qui-  
busdam iustū non aliquod, sed simpliciter omne iustū esse re passum vel ecōtra passionem. Hanc  
sentētiā reprobatur philosophus hoc pacto. Id quod nō accōmodatur nec iusto distributiuo, nec  
correctiuo, sed discordat ab vtroq; non est iustū vt illi dicebāt: sed ecōtra passio est huiusmodi,  
quia non accōmodatur iusto distributiuo, nec correctiuo, sed discordat eo modo quo illi ponūt.  
ergo ecōtra passio non est iustū. Maior patet, quia duæ sunt species iustitiæ vt vidimus. vna di-  
tributiuā, alia correctiuā, vnde & iustū duplex. scilicet distributiuum, & correctiuum. Id igitur quod  
discordat ab vtroq; non erit iustū. Minorem probatur philosophus, & primo quod discordat à iu-  
sto distributiuo: quia fieri non potest vt quis eadem patiatur quæ cōtulit in rēpub. vt si quispiam  
patriam seruauerit: quid ecōtra patietur vel suscipiet à repu. vt par gratia referatur? probatur vltē-  
rius quod non accōmodatur vel potius discordat ecōtra passio à iusto correctiuo. Nam fieri po-  
test vt quispiā percussit hominē in magistratu constitutū: tunc iste non patietur eadem immo  
luet pœnas, & plus patietur, verū secūdum nos debeat eadē pati. Item in magistratu cōstitutus si  
percussit aliquem priuatū: tunc iste non eadē ecōtra patietur quod debebat fieri per vestrum  
iustū, quare patet his exēplis quod ecōtra passio vestra discordat à iusto etiam cōmutatiuo vel  
correctiuo. Affert etiā vltērius ad suū propōsitū ostēdendū, quod magna interest vrū quispiam  
spōte an inuitus agat. Si autē iustū esset ecōtra passio, tūc quomodo cūque ageret aliquid, & in-  
ferret semper ecōtra pateretur eadē, at qui inuitus fecerit nō punitur à legibus: ergo absurdū est  
iustū esse e contra passionem, & sic male dicebāt pythagorici quod iustū simpliciter nihil aliud

est quam ecōtra pāsiōnem, & adeo credebāt hoc vt dicerēt iustum Rhadamāti, nō esse nisi tale: accommodantes Hesiodi carmen, qui dixit quōd si quis patietur ea quæ egit, tunc creē iustū sit. [DISCREPAT.] s. à iusto distributio & correctio eo modo quo diximus. Notādum quod sicut dicit philosophus, Pythagorici diffiniunt iustum ecōtra pāsiōnem. Nam iustum vt omnes asserūt, est æqualitas quædam. i. vult vt personæ vel res redigātur ad æqualitatem. Pythagorici vero errarūt in hoc quōd accommodant ecōtra pāsiōnem omni iusto, & non bene fecisse videntur sic simpliciter, & sine distinctione vlla diffiniēdo iustum, tamē accommodatur ecōtra pāsiō alicui iusto: nam videtur habere locū in aliqua parte iustitiæ commutatiuæ. præsertim in ea quæ versatur circa cōmētia voluntaria quæ sunt in cōmuni societate vt apparet. Dubitatur quia philosophus videtur sibi repugnare. Nā superius dixit in iusto correctio quōd iudex respicit iniurias, & non cōditionem personarū, & ideo dixit illud iustū cōsistere in arithmetica proportionalitate quæ non respicit qualitātē personarū. Hic autē dicit, & affert exemplū in iustitia correctiua vbi attēditur dignitas, & qualitas personarū, vt si quis percussit virū in magistratu constitutum, non solum reperiatur ecōtra, sed etiam magis punitur. Dicēdum ad hanc dubitationem, quōd philosophus loquitur ibi de iis quæ cōmūiter eueniūt. Præterea videtur ibi accipere priuatas personas, at si quis percussit virū in magistratu cōstitutum, non punitur, quia personam illam tāquam priuatam percussit, sed quia videtur percussisse rem pub. cum ille publicam personam gerat vt apparet ex p̄lo allato. [SED in societatibus.] Hæc est secunda pars huius capituli, in qua philosophus reprobat sententia pythagoricorū, nūc ostendit quod iustum istud pythagoricorum, id est, ecōtra pāsiō verificatur in aliqua parte iustitiæ correctiue, scilicet in ea quæ cōsistit in cōmētiis hominum: deinde declarat formā iuxta quam dicitur quōd iustum est ecōtra pāsiō. Probat igitur primo hoc pācto. Id quod in cōmutando secūdu similitudinem rationis, & non iuxta æqualitatem cōtinet, & cōseruat ciuitatem, est iustū correctiū cōmētiariorum. At ecōtra pāsiō est huiusmodi, ergo ecōtra pāsiō est iustū correctiū. Patet ratio ex ipso philosopho qui dicit quōd ecōtra pāsiō est iustū correctiū, non autem simpliciter iustum vt volebant pythagorici, & secūdu æqualitatem vt oculum pro oculo vel manū pro manu. Verū si dixissent vt intellexissent ecōtra pāsiōnem secūdu similitudinem rationis vt nos ponimus, non errassent: quia ciuitas cōseruatur cum sit retributio, & repēsiō secūdu similitudinem rationis, vt si quis intulerit malum, reportet secūdu similitudinem rationis malum à lege: si bonum, etiam reportet bonū & gratiam, vnde & templum gratiarum in ciuitatibus cōdegerēt, ad quod respicientes meminerunt gratiarum, & referūt gratias bene meritis, & recompensationem inuicem pro beneficiis, vt & ille rursus, & cōferre beneficia incipiat, & iterum reportare, & in his cōsistit ecōtra pāsiō non iuxta æqualitatem: sed iuxta similitudinem rationis: quia si das mihi opus tuum non reddam tibi opus meum, quia forsitan non indiges illo, sed reddam æquiualens illi. & sic patet quōd ecōtra pāsiō est iustū correctiū, non iuxta æqualitatem, vt videbātur intelligere pythagorici. Nam quæ societas vel commutatio æqualibus fieri potest? Non enim ex duobus medicis fieri societas solet, & commutatio inter ea quæ sunt eiusdem artis, sed ex diuersis, & inæqualibus cum rediguntur ad æqualitatem secūdu similitudinem rationis. Nam circa iustitiam commutatiua semper quidem oportet esse æqualitatem rei ad rem, non tamen actionis & pāsiōis, quod importat ecōtra pāsiōnem: sed in hoc oportet adhiberi proportionalitātē vt fiat æqualitas rerū, eo quod actio vnius artificis maior est quā actio vel opus alterius. vt si faber dat futuri domum, non futor reddat ei domum, nec si dat ei vnam domū reddat vnum calceum minoris pretii, sed calceus secūdu similitudinem rationis. i. vt tot sumantur calcei vt æquent pretium domus, & sic fiet recōpensatio & retributio, & econtra pāsiō iusti cōmutatiui, vt nunc inferius ostendet philosophus. [CO NVNCTIO autem.] Cum velit declarare philosophus illam formulam similitudinis rationum secūdu quam fit econtra pāsiō iusta, sumit diuersos artifices, & diuersa opera, inter quæ iusta cōmutatio fieri possit. Sumantur igitur quatuor elemēta. A. B. C. D. & A. sit faber. B. sit futor. C. domus. D. calceus: ponantur in forma vel figura quadrati vt primo. A. faber : & ex opposito per rectam lineam. B. futor. Deinde sub. A. fabro per rectam lineam sit. C. domus eius opus: & sub. B. futor ponatur D. calceus oppositus domui per rectam lineam: deinde intelligamus duos diametros vnum ab A. in. D. alium ab. B. in. C. ex qua coniunctione per diametrum statim apparebit iustum quod est econtra pāsiō, & retributio, & recōpensatio secūdu similitudinem rationum, hoc pācto: vt cum faber sit præstantior artifex, sit vt. vi. quā futor qui sit vt. iii. & opus quoque fabri, scilicet domus sit. iiii. & calceus. ii. tunc fiat coniunctio per diametrum hoc pācto, si fiant calcei æquales domui, vt sicut se habet faber ad futorem, ita domus ad calceum: sed faber ad futorem habet rationem duplam: ita etiam domus ad calceum. Vnde æquentur calcei cum domo secūdu similitudinem rationis, vt tot calcei sumantur vt æquent domum: deinde fiat coniunctio per diametrum vel econtra pāsiō, quæ erit, si faber habeat æquiuales calceos, & futor domum: nam prius oportet vt æquentur res commutandæ, deinde fiat econtra pāsiō, & cōmutatio per diametrum, quæ erit iusta, si opera æquata erunt, non secūdu æqualitatem vt vnum ad vnum, veluti vna domus ad vnum calceum, sed si æquatæ fuerint secūdu similitudinem

rationis, vt tot sumantur calcei vt æquent domum. Qua adæquatione facta secundum debitam proportionalitatem oritur iusta cõmutatio, & ecõtra passio, & vterque agit, & patitur, & affert, & suscipit æquivalens, id est agens agit quantum, & quale: & patiens patitur tantum & tale, id est faber qui est agens cõferendo domum, & patiens suscipiendo calceos: & item sutor qui est agens cõferendo calceos, & patiens suscipiendo domũ, & vterque agit tantũ & tale, quantum & quale patitur. i. suscipit, & sic etiã patitur quantũ agit, & hoc in reb<sup>9</sup> operib<sup>9</sup>q; diuersis, & inter artifices diuersos, inter quos cadit propriè cõmutatio, & huiusmodi cõventiones: non enim ex duo b<sup>9</sup> medicis, sed ex medico, & sutore, & fabro fit societas, vt apparet in figura, & textu philosophi.

[A D æqualitatem.] scilicet per diametru[m]. [Q V A P R O P T E R] omnia quorum est permutatio. Hęc est tertia pars huius capituli, in qua philosophus cum antea declarasset formulam rationum in qua sit ecõtra passio: nunc ostendit quomodo in permutationibus dicta formula poterit obseruari, & primo declarat ea omnia quoru[m] est permutatio, esse talia vt inter se comparari possint. Non. n. linea & lapis comparantur inter se nec permutari possunt. Res autem quæ permutantur, & si sint variorum generum, tamen propter indigentiam humanam comparantur secundum communem mensuram, quæ est ex instituto & impositione hominum non ex natura. Id autem est nummus: qui rebus mensuram ponit, & æstimationem. & propter hoc nummus in vsum venit, ideo fit quodam modo medius nummus. Nam est inter res permutandas: quarum altera est maioris pretii: altera minoris. deinde per mensuram nummi illæ res inæquales ad æqualitatem rediguntur. Ex quo fit vt nummus metiatur quot nam calcei sint æquales domui. Mensurat enim domum, & item calceum, & sic nummus æquabit, quia tot calcei addentur vt æquales sint domui. [Q V O D A M] modo. [id est, aliqua ex parte.] Ob id ipsum, scilicet sit quedam mensura. Notandum quod philosophus dixit ea quæ permutantur quodam modo comparari inter se:

& dixit quodam modo, quia propriè ea dicuntur comparari inter se quæ sunt eiusdem generis, vel potius eiusdem speciei. at illa quæ permutantur sunt diuersarum rationum, & tamen comparantur per communem mensuram quodam modo, deinde permutantur. Notandum quod philosophus dicit quod nũmus est quodam modo medius, veluti dicitur iudex medius inter illum qui habet plus, & illum qui habet minus, auferendo ab eo qui habet plus, & addendo illi qui habet minus. Verum iudex est res animata: nummus inanimata. Præterea res quæ deferuntur ad iudicem erant antea æquæ: postea facta iniuria sunt iniquæ, & orta inæqualitate curritur ad iudicem, & ille æquat reducendo ad pristinam æqualitatem quo ad fieri potest. Nummus verò alio modo quia sumitur pro communi mensura ad æstimationem rerum permutandarum non vt mediator iudex, sed vt communis mēsurā, ideo dicit quodam modo. [O P O R T E T] igitur tot esse.]

Declarat philosophus quomodo mensurantur res permutandæ, vbi inter se quodam modo sunt comparabiles. Qualem enim faber rationem habet ad suturem: tot calceos oportet conferre pro domo. Quod si hoc pacto non fiat, nec permutatio sequi poterit, nec ecõtra passio. At illud non fiet, scilicet vt tot calcei conferantur pro domo, nisi adæquentur. Vnde oportet aliquo vno cuncta quæ permutantur mensurari. id autẽ erit indigentia & necessitas quædam in rebus huiusmodi. Nam illud metitur res permutandas: sine quo permutatio rerum fieri non potest: sed indigentia videtur esse huiusmodi, ergo indigentia videtur quædam esse mensura rerum permutandarum. Verum nequis obiciat quod etiam sine indigentia est nummus: quo res permutantur: ideo addit vterius philosophus quod nummus subit vicem indigentia, quia fit quodoque vt alter indigeat, alter non: & tunc nummus introducit, qui non natura constat, sed ex instituto & impositione hominum: vnde etiam nomen sumpsisse videtur *ἐκ τῆς τοῦ νόμου*, id est à lege: & adeo collocatur in nostra potestate vt non solum ipsum inueniamus, sed etiam deponamus quandocunque libet. Notandum quod vt dictum est, faber excedit suturem, & opus fabri excedit opus sutoris adeo vt positus superioribus numeris habeat proportionalitatem geometricam duplam. vt sicut se habet faber ad suturem: ita calceus ad domum, vel domus ad calceum: sed faber excedit suturem in duplo, & domus eodem pacto excedet secundum istam proportionalitatem eque geometrica dicitur, quæ cadit hic cum ista cõparantur. Verum si permutatio fieret hoc pacto, non bene se haberet cum sit hic inæqualitas, quæ æquari debet per similitudinem rationis, vt fiat ecõtra passio, vt sint duo calcei qui æquent domum: & sic faber, & sutor erunt æquales. Nam animaduertendum diligenter, quod cum illa comparantur antequam fiat permutatio, cum inquam comparantur hoc pacto, vt sicut se habet faber ad suturem, & c. videtur esse proportio geometrica ex qua percipitur inæqualitas: quæ obseruanda non est, cum sit permutatio, sed redigenda ad æqualitatem, vt opus minus æquetur cum maiore, vt quasi proportionalitas illa geometrica reducat ad arithmetica[m], quæ est illa quæ attenditur in permutando, quia æqualitas rationis geometricæ, quæ est fabri ad domum, & sutoris ad calceum, sit æqualitas rationis arithmeticæ eius.

dem quantitatis, adæquando multos calceos domui: & per hunc modū fit permutatio, & retributio congrua, ex qua bene cōstabit ciuitas: quæ retributio & coniunctio fit per diametros rerum ad personas. Nam ponatur ex vna parte persona cum sua re vel opere, ex altera parte persona alia cum sua re. Hæ res vel opera ad personas sūt inter se sicut anguli. iiii. nec potest deduci res ad personam nisi per lineam diametralem ab angulo rei ad angulum persone, quare talis permutatio & coniunctio fit per diametrum vt apparet. Sed non attenditur hic personarum dignitas, quia non videtur altera alteram excedere: nisi ratione operis, sed sufficit vt æquetur opera inter se, & fiat permutatio secundum similitudinem arithmetica[m]. [E R I T igitur.] Declarat philosophus quomodo fiat contra passio recte in permutationibus rerum per communem mensuram. i. per nummum, quem dixit subire vicem indigentia. Sumantur elementa A. B. C. D. & A. fit agricola. vi. & B. futor. iiii. & C. alimentum. iiii. & D. calceus. ii. Vt igitur se habet agricola ad futorem: ita alimentum ad calceum. verum cum horum alterum excedat alterum, hæc æquanda sunt secundum similitudinem rationū cum permutatio fiet, quod nisi adæquantur, tunc apparet quod permutatio esset iniusta, & inæqualis, & altera persona haberet vtroque excessus. Veluti agricola vel faber qui est alterum extremum, haberet vtrique excessum si fieret permutatio: vt se habent inter se secundum proportionalitatem geometricam, hoc pacto habet vtrique excessum. & excellentiam artis qua excedit futorem: ponatur enim quod excedat in duplo, & item haberet excessum operis, quia haberet tantum quantum valeret, & excederet in duplo, ita vt si daret opus vt quatuor haberet tot quot faceret octo. Nam sicut persona excedit persona: sic quod recipit excederet id quod dat, sed excedit in duplo: si res in pretio debet excedere in duplo si permutatio fieret hac geometrica ratione, vbi attenditur dignitas personarum, & sic altera persona haberet vtroque excessus. Sic. n. requireret proportionalitas geometrica: vt quod agricola ad futorem: ita opus futoris ad agricolæ opus, sed non est ea seruanda in permutatione rerum vbi attenditur æqualitas operum: & sic exponūt nonnulli. Quidam verò referunt vtroque excessus: ad excessum & defectū. i. plus, & minus hoc pacto, quia agricola habet vnū calceum. i. minus, & habebit plus in eo quod excedit futorem dignitate artis, posito quod sit dignior. Item futor minus in eo quod excedit dignitate artis habebit plus, quia habebit alimentū quod est pluris pretij. [O P O R T E T autem hæc.] Quasi re reducenda est talis proportio ad similitudinē rationis arithmetica[m], vt non attēdatur dignitas personarū, sed opera eorū æquanda sunt vt agricola habet tot calceos, quot valet triticum ad alimentum suum. [H A B E N T ipsi sua.] I. quādo quisque habet tantū, quantum dedit: & sic poterit cōstare societas, & fieri potest cōmutatio cōgrua, & nummus erit mensura quedam ex qua ponatur æstimatio rebus. [Q V O D autē indigentia cōtinet.] Declarat philosophus quomodo indigentia videtur continere omnia ista in permutationibus, scilicet vt fiant, & quid est mensura, & quomodo nummus subit vicem indigentia. Probat quod indigentia videtur cōtinere omnia ista humana hoc pacto. id quo vno & quasi solo permutationes rerū fieri possunt, continent res omnes humanas: sed indigentia videtur esse huiusmodi. ergo & cætera. Maior nota, quia sunt permutationes rerū, & id sine quo non potest fieri permutatio inter homines, videtur continere res humanas. Nam si fiat permutatio possunt conuenire homines, & sit pagus & ciuitas, & cætes hominū. Minor declaratur, quia nisi esset indigentia, non esset permutatio. Is enim qui non indiget non permutat. Et dixit ad probandum hanc minorē, quod si vterque indigeat certe fit permutatio: si alter tantum, fiet etiam permutatio: quod si neuter, non fit permutatio. Verū ad declarandum eam partē in qua dixit, si alter tantū indigeat fit permutatio (alia sunt clara per se) affert exēplum dicēdo quod fiet hoc nummo intercedēte qui subit vicem indigentia futuræ, alio in tēpore, quia nūmus est tanquam vas: sed oportet vt nūmus sit talis vt id possit efficere. Nam si nūmus non esset in vsu vel esset adulterinus nō fieret permutatio, quia tunc subiret vicē indigentia. Hæc cum ita sint, philosophus videtur asserre obiectionem, & eam soluere, dictum est enim indigentiam non semper esse, & ideo oportere nūmum intercedere, qui cum subeat vicem indigentia similiter erit de nūmo, quia variatur & non semper est, nec semper valet idē vt experientia patet: ergo non semper erit permutatio. Hanc obiectionē soluit cōcedendo ipsū nūmum habere mutationē: tamen magis persistere. i. pretium eius quā reliqua rerum. & subdit quod propterea oportet res ipsas esse pretio definitas, quæ permūtāde sunt: & sic erit semper permutatio, quia nūmus videtur æquare res humanas ad hoc vt semper fieri possit permutatio: & facit hūc discursum quod nec societas esset sine permutatione, nec permutatio sine æqualitate, nec: æqualitas sine cōmuni mensura quæ videtur esse nummus. Dicit etiam vltimius quod sunt aliquæ res quæ de natura sua non possunt mēsurari cōmuni mēsurā in permutatione, & ista videtur mēsurari per indigentiam: ex quo videtur esse aliquid oportere: quo mēsurari omnia possint quæ permūtātur. at. i. nūmū vt ostēdit exemplo philosophus per designationem, & descriptionem. Si. n. sint permūtandæ lēctica & domus, permūtari non possunt nisi mēsurentur cōmuni mēsurā qua imponatur pretium eis. Hæc autem erit nummus. Sumātur igitur vnciæ. x. & domus, & lēctica, & dicamus quod lēctica valet vnam, domus verò quinq[ue] vncias: & sic domus erit dimidia lēctica verò decima pars vnciarum. Quare quinq[ue] sumenda est lēctica vt sit æqualis cum domo: quinq[ue] igitur lēctica adæquant domū, & hoc pacto res men-

furari dicuntur nummo. Nummus autem ex suppositione venit in vsum, & ex instituto. Nam si nummus non haberet talem mensuram, non esset in vsum: eam habet quam imponit sibi ratio, & experientia hominum: si verò non habet, tollitur. Dicit post hæc philosophus quòd ante inuentionem nūmi erat permutatio rerum, & indigentia mensurabat res, & pretium mutabatur vt requirebat indigentia: vt quinque lecticae pro domo permutassent, quia mensurassent labores domus cum lectica, & sic vidissent quòd valebat quinque. vnde nulla differentia est si permutentur quinque lecticae an pretium quinque lecticarum. ex quibus patet quid sit iustum, & iniustum: & ex hoc apparebit quid sit iustitia & iniustitia. [ E X suppositione. ] Quia non fit à natura, sed ex lege, & instituto hominum.

<sup>52</sup> Domus Vnciæ. x. Lectica.

<sup>53</sup> V A B C j



[ S I T domus. ] Oñdendit quomodo cum nummus intercedit fit mensuratio, & imponitur pretium vt permutatio fiat. Notandum quod inter res permutandas cadit nummus ex institutione hominū: sed res quæ sunt diuersorum generū, & rationum non videntur mensurari posse ex parte naturæ, quia mēsa debet esse de genere eorum, quæ mēsurantur: vt quantitas continua mensuratur quantitate continua, non discreta. Nam si res per mensuram debent

mensurari, habere debent illam mensuram quæ sit pars illarum rerum. Quare nummus ipse mediū cadit inter res mensurandas propter indigentiam: quia imponitur pretium alteri rei, & sic etiam alteri, & in nummo & pretio conueniunt, & hoc pacto ex instituto est nummus quodammodo mensura. [ H I S autem hoc pacto determinatis. ] Hæc est quarta pars huius capituli, in qua philosophus posteaquam in superioribus declarauit quomodo iustum est medium: nunc ostēdit quomodo iustitia quæ est habitus sit mediocritas vel medium. Et primo ostēdit quò pacto ope ratio iustitiæ sit medium: deinde quò pacto ipsa iustitia sit medium: præterea qualis habitus est iustitia: postea qualis habitus est iniustitia: postremo epilogat supradicta. Probat igitur in primis hoc pacto: plus habere, & minus habere est agere, & pati iniuriam: iuste agere est medium inter plus habere & minus, ergo agere iuste est medium inter agere iniuriam, & pati. Maior nota ex antedictis cum inquit supra. Qui enim plus sibi tribuit quam alteri, iniuriam facit. Minor

<sup>54</sup> patet de se, ergo, & c. [ I V S T I T I A autem non eodem modo. ] Declarat nūc philosophus quomodo iustitia est medium. Non enim est medium eo pacto quo dictum est in aliis virtutibus, nam in aliis virtus erat media inter duo vitia opposita, quæ sunt habitus: iustitia verò est ipsius mediū. iusti quod est inter plus & minus, & sic est in medio duorū extremorum, quorum alterum est plus alterum minus. Notandum quòd iustitiæ opponitur vnum tantum vitium. s. iniustitia, quæ subit vicem duorum non vitiorum vel vitiosorum habituum: sed extremorum, quorum alterum est vitium. s. plus habere, & intelligo plus habere non solum plus de bonis, sed etiam cum habetur minus de malis, & sic igitur plus habere erit in vitio. Alterum verò minime. i. ipsum minus habere. Ratio est autem cur vnum tantum vitium. s. iniustitia opponitur iustitiæ, & ipsa non est media inter duo vitia: quia aliarum virtutū extrema vt puta audacia, & timiditas diuersis operationibus committuntur, & cōtrariis. Vnica autem operatione impossibile est agere audaciam, & timiditatem quæ sunt excessus & defectus fortitudinis, quæ duo sunt vitia, & differunt inter se re, & ratione. Iniustitia verò vna & eadem res conficit vnica operatione plus, & minus. i. excessum & defectum: qui sunt idem re, differunt tantum ratione. Nam qui aufert, & plus habet, & alicui aufert (sunt enim ista relatiua) cui verò aufertur minus habet. Itaque vna & eadem ablato facit plus habere eum qui aufert, & minus eum qui aufertur, & sic iniustitia vnum re conficit vt vnumque extremum: quæ extrema differunt inter se ratione tantum prout subeunt rationes plures, & minoris, & excessus, & defectus, quia licet sit eadem res iniustitia, tamē alie est eius ratio vt est plus: alia vt est minus. Sic igitur apparet quomodo iniustitia non cōsistit in medio duorum habituum vitiosorum qui sunt excessus, & defectus: sicut consistunt alie virtutes, sed distribuendo aut commutando res sine proportionalitate sicut in rebus talem excessum atque defectum: similiter & iustitia est effectiua mediū, quia adæquando res facit illud quod est medium in rebus esse æquum inter homines, inter quos distribuuntur aut cōmutantur tales res: tamen regulat etiam affectum, & appetitum hominum: & quantis omnes dicant iustitiam esse in voluntate vt in subiecto, forsitan non esset absurdum collocare eam in appetitu in quantum moderatur ipsum, & regulat à plus appetendo. [ E T iustitia quidem. ] Hæc in parte philosophus docet qualis habitus est ipsa iustitia, dicēdo quòd iustitia est: quia iustus dicitur esse talis vt agat electione, & sibi, & aliis æquē tribuat. i. non solum sibi ad alios: sed etiam aliis ad alios. & videtur explicare definitionem siue descriptionem iustitiæ, quæ videtur magis competere iustitiæ distributiue. Hæc enim præstantior altera esse videtur: definitio autem talis est, quòd iu-

<sup>55</sup>

istitia est habitus, quo iustus electione agit, non tribuendo sibi, & ceteris plus, & minus, sed æque. Alia autem pars addi potest quæ pertinebit ad correctiuā, scilicet quæ redigit personas quarum altera iniuriam perpeffa est, & res permittendas ad æqualitatem: & hoc pacto videtur completi ambas partes iustitiæ. [IUSTITIA autem est contra.] Declarat nunc philosophus qualis habitus est iniustitia, & dicit quod est e contra, scilicet quia vir iniustus agit per electionem iniuste excessus, & defectus tribuendo præter similitudinem rationum. Hæc est contraria definitio ipsi iustitiæ, & ideo iniustitia dicitur esse excessus, & defectus, quia plus, & minus distribuit, & com modorum & incommodorum: sed opposito modo. Item cum cæteris distribuit dat plus, & minus: & non semper dat vni & eidem plus, sed nunc vni nunc alteri, & indifferenter. Et potest sic definiri, quomodo est habitus, quem habens operatur electione iniusta sibi plus quam aliis tribuendo, & aliis non æque, & quo non rediguntur personæ, & res permutandæ ad æqualitatem. [EXCESSIONIS & defectionis.] Et hoc fit duobus modis aut ad se, aut ad alios. [VERVM id.] scilicet iniustum tale. [MINVS quidem est iniuriam pati.] Ille qui habet minus dicitur pati: ille vero qui habet plus dicitur facere iniuriam, & sic visus est philosophus comparare extrema iustitiæ inter se: sicut supra in aliis. Notandum quod vt alias dictum fuit sicut est de motu, & omni actione: sic de operatione iustitiæ esse videtur. at motus erit idem inter terminum à quo, & terminum ad quem, & tamen diuersis nominibus ob diuersos respectus nuncupatur, veluti doctrina vel potius doctio, vt ita loquar, eadem est operatio inter eum qui discit, & qui docet, sed vt est à doctore discitur actio: vt est ad discitem passio: eodem pacto iniustitia vnam operationem facit, scilicet iniuriam, quæ est vna & eadem, tamen diuersas habet rationes, nam si agit iniuriam, est qui patitur, & e contra, & vt est ab agente dicitur actio, & vt ad patientem dicitur passio, & sic est excessus & defectus, ob diuersos respectus vt patet. De iustitia igitur. Con cludit philosophus epilogando breuiter ea quæ dicta sunt de iustitia, & iusto, & iniusto.

*De iniuria, iusto civili, herili, & æconomico. Cap. VI.*



VM autem fieri possit, vt iniuriam quispiam faciat, & nōdum sit ipse iniustus: quales nam iniurias quispiam faciēs vnaquaque iniustitia iam est iniustus, fur inquam vel adulter, vella tro: an hoc modo nihil interfuerit? Etenim fieri potest vt quispiam coeat cum muliere sciēs cum qua coit. Sed non ob electionis principium: sed ob affectum. Atque iniuriam quidem agit: sed iniustus non est. Veluti neque fur: furatus est tamen. Neque adulter: adulterium tamen fecit. Et eodem de cæteris modo. Quomodo igitur sese habet ad ipsum iustum repassio, dictum est antea. Oportet autem non latere iustum quod nunc quæritur, id esse quod est simpliciter iustum: ipsum inquam iustum civile. Hoc autem est inter socios vitæ: vt sit sufficientia liberorum, atque æqualium, aut in comparatione rationum consistens, aut in numero. Quare in quibus hoc nō est, inter eos civile iustum non est: sed quoddam iustum & per similitudinem quandam. In iis enim est iustum: quibus inter se ponitur lex. Lex autem iis poni solet: in quibus est iniustitia. Iudicium enim: diiudicatio est iusti atque iniusti. In quibus verò est iustitia, in iis est etiam iniuriam facere: sed non in omnibus est iniustitia: in quibus est iniuriam facere. Hoc autem est plus quidem ex simpliciter bonis, minus autem ex simpliciter malis sibi tribuere. Idcirco non sinimus hominem dominari, sed rationem: quia sibi ipsi id facit, & fit tyrannus. Magistratus autem custos est iusti: quod si iusti, & æqui. Atque quia nihil sibi ipsi plus tribuendum esse censet, si est iustus (ex simpliciter enim bono plus sibi nou tribuit, nisi comparatione rationum sit ad ipsum accommodatum) ideo alij,



non sibiipſi laborat. Atque ob idipſum, alienum bonum inquit iuſtiti-  
 am eſſe, ſicut & antea diximus: merces ergo quædam tribuenda eſt ipſi,  
 honos inquam & præmium. Sed quibus hæc non ſufficiunt: ij ſunt ty-  
 68 ranni. Herile autem, paternumque iuſtum non idem: ſed his eſt ſimile.  
 69 Non eſt enim iniuſtitia ad ſua ſimpliciter: id autem quod poſſidetur, &  
 filius quandiu ſit tantillus, & non ſeparatus: vt pars ipſius eſt patris. Se  
 verò nemo vult ledere: quapropter non eſt ad ſeipſum iniuſtitia. Neque  
 ergo iuſtum, neq; iniuſtum ciuile. Eſt enim lege: atque in iis eſt, in qui-  
 bus lex eſſe poteſt. Qui quidem ij ſunt quibus ineſt æqualitas imperadi  
 atque parendi. Idcirco magis ad vxorem iuſtum eſſe videtur, quam ad  
 filios, & ea quæ poſſidentur. Hoc enim eſt rei familiaris iuſtum verum,  
 & hoc aliud eſt à ciuili.


*Commen.*

60 **C**VM autem fieri poſſit vt iniuriam quiſpiam. Hic eſt ſecundus tractatus huius libri, in quo  
 oſtendit quid ſit iuſtum ciuile. Nam antea philoſophus diuiſit iuſtiti-  
 am in ſuas partes, & eas declarauit: & iuſtum ſimiliter, quod proficiſcitur ab vtriſque, & videbatur expleuiſſe totam  
 materiam de iuſtitia & iniuſtitia, ſed cum iuſtum multifariam dicatur (eſt enim iuſtum ci-  
 uile, & aliud quod habet ſimilitudinem ciuilem, & cum alia multa dubitari poſſent de iniuria quæ  
 ſit) ideo nunc aſſert hunc ſecundum tractatum, vt oſtendat quid proprie ſit iuſtum ciuile, & ap-  
 pellat iuſtum ciuile illud quod poſtea diuiditur in naturale, & legitimum, & continet etiam di-  
 ſtributum, & commutatum: de quib⁹ antea loquutus eſt. Diuiditur hic tractatus in quatuor  
 capitula. In primo oſtendit quid ſit iuſtum ciuile, & in quibus conſiſtit, & in quibus non conſiſtit.  
 In ſecundo diuidit ipſum. In tertio ſoluit dubitationem antea motam. In quarto mouet quædam  
 dubitationem de iniuria, & eam ſoluit. Primum capitulum diuiditur in tres partes, quæ ſuis locis  
 patebunt. In prima igitur parte philoſophus mouet dubitationem, quam etiam in tertio ca-  
 pitulo latius ſoluit. Dicit ergo cum fieri poſſit vt quis iniuriam faciat, & non ſit iniuſtus, quæ-  
 rendum eſt quæ nam ſint illæ iniuriæ, quibus homo dicatur iniuſtus. Sunt nonnulli qui huc lo-  
 cum ſic exponunt. Cum à nobis dictum ſit antea quid ſit iuſtum & iniuſtum, & iuſtum ſit quod  
 ille qui facit iniuriam ſit iniuſtus, tamen cum fieri poſſe videatur vt aliquis iniuriam faciat, &  
 non ſit ſtatim appellandus iniuſtus: quænam erunt iniuriæ ex quibus homo iniuſtus dicatur ſec-  
 undum vnamquamque ſpeciem iniuſtitia? veluti ſur ſecundum ſpeciem iniuſtitia: quæ eſt de  
 furto, vel vt mœchus ſecundum ſpeciem iniuſtitia: quæ eſt in mœchando, quænam illæ erunt?  
 Omnes enim iſti habitus vitioſi videntur poſſe reduci ad iniuſtiti-  
 am quæ eſt tota vitioſitas, quænam igitur erunt, poſtea ſoluit interrogando prius, & dicendo an nihil intereſſe videtur in-  
 ter hæc? Deinde declarat exemplo, & dicit quod ſiquis coeat cum muliere non eligendo id cum  
 antecedenti deliberatione, ſed motus aliqua perturbatione animi iniuriam quidem facit: ſed  
 nondum eſt appellandus iniuſtus, ſicuti etiam fur qui furatur non furetur, ſed propter aliquam  
 animi perturbationem cum non anteceſſerit deliberatio, furtum quidem fecit, non tamen ſem-  
 per, & ſtatim eſt appellandus fur qui furatur: ſed ii qui ſic furantur vt fures: & mœchi qui mœ-  
 chantur per electionem, & ſecundum habitum. Et ſic diſcurrendo per vnamquamque ſpeciem  
 iniuſtitia: qui iniuriantur vt iniuriuntur per ſe, & non per accidens, aut propter alium finem,  
 iniuſti dicendi videntur ſecundum vnamquamque ſpeciem iniuſtitia: ſecundum quam talem  
 operationem producunt cum electione. Verum expoſitio propria huius textus, & accommo-  
 data menti philoſophi talis eſſe videtur, quam nunc aſſerimus, vt clari⁹ intelligatur philoſo-  
 phus. Mouet dubitationem philoſophus, & dicit interrogando quòd cum fieri poſſit vt aliquis  
 faciat iniuriam, & nondum ſit iniuſtus, quomodo facta erit illa iniuria, ex qua homo ſit iniuſtus  
 ſecundum vnamquamque ſpeciem iniuſtitia: & ponit exempla, veluti iniuſti vt fur vel adulter  
 vel latro: poſtea interrogando dicit an improbanda eſt hæc dubitatio? quaſi dubitauimus recte  
 an nihil intereſt, vtrum aliquis faciat iniuriam ex habitu aut ſubita diſpoſitione, aut aliqua per-  
 turbatione animi. ſed quomodo cumque quis faciat iniuriam iniuſtus eſt? poſtea ſoluit, quòd qui  
 non facit iniuriam ex electione non eſt appellandus iniuſtus: ſicut non eſt dicendus fur, qui  
 non furatur per electionem, & habitum, ſed aliqua ſubita diſpoſitione aut perturbatione com-  
 pulſus. Sed in omni iniuſtitia permultum intereſt vtrum perturbatione aliqua animi: quæ  
 plerumque brevis eſt, & ad tempus, an conſulto, & cogitato fiat iniuria. [QVOMODO igitur.]  
 61 Hac in parte philoſophus auget hoc dictum, & redigit nos ad memoriam eorum quæ dicta  
 ſunt de eontra paſſione. Diximus enim quomodo eontra paſſio ſe habet ad iuſtum, quia non

est simpliciter iustum, & omne iustum, & non est quod nunc queritur, scilicet ciuile & simpliciter iustum. Notandum quod philosophus mouet dubitationem, & soluit breuiter, & eam dimittit vt inde resumatur. Quare facit hoc quia posset aliquis dubitare de quo iusto loquatur cum sint plura, scilicet domesticum, æconomicum, vt inferius patebit. Quapropter interponit hanc declarationem dicendo quod id quod queritur non est nisi ciuile iustum, quod d est vt inferius declarabitur: non enim est repassum. Nam dictum est de eo prius quale sit, & quomodo se habet ad iustum, & ideo sequitur. [O P O R T E T autem non latere.] Hac in parte secunda capituli philosophus ostendit quid est illud iustum ciuile de quo loquitur, & declarat quod ciuile iustum est illud quod est in societate humanæ vitæ, & est causa talis societatis, & eius conferatix sufficiens vt conferuetur reipub. libertas, aut distributiuæ secundum similitudinem rationum, scilicet geometricam, aut commutatiuæ secundum numerum, id est, secundum proportionalitatem arithmetica. Sciendum quod d iustum multifariam dicitur. scilicet iustum simpliciter, & hoc est ciuile: aliud item per comparationem dicitur tale, scilicet iustum rei familiaris de quo non loquitur. ideo dixit non oportet nos latere id iustum de quo loquimur. scilicet ciuile est. [Q V A R E quibus.] Declarat philosophus ubi, & in quibus non est tale iustum ciuile, & ostendit non quod est in his quibus non est communis societas vitæ talis, vt sit sufficiens inter liberos, & æquales: vnde innuit quod iustum familiare non est huiusmodi. Nam inter patrem & filium, dominum & seruum, virum & uxorem non est iustum simpliciter & ciuile, sed quoddam iustum, quod per similitudinem dicitur. [I N iis enim est iustum.] Ostendit philosophus in quibus sit iustum ciuile, & declarat quod est inter liberos, & æquales: non autem inter patrem & filium: dominum & seruum, virum & uxorem. Probat. In illis in quibus non datur lex seruanda non est iustum simpliciter & ciuile. at patri & filio, seruo & domino, viro & uxori non imponitur lex seruanda: ergo inter eos non erit ciuile iustum. Ratio patet: quibus enim datur lex obseruanda in his potest esse iniustitia proprie, & in quibus est iniustitia in illis fit iniuria, & propterea datur lex, quia non possunt proprie facere iniuriam, lex prohibet & punit: iniustitia verò videtur esse proprie inter æquales, & appellantur æquales etiam illi qui sunt cæteris digniores, dummodo sit seruata proportio dignitatis, & sint pares libertate, vnde non finunt aliquem esse tyrannum vt inquit infra, sed pariter legibus obedire volunt. Legum enim vt inquit Cicero serui facti sumus vt liberi esse possimus. Inter æquales igitur cadit iniustitia quando æquales non habent æqua. Sed inter dominum & seruum non est æqualitas. Est enim seruus pars domini hoc pacto vt instrumentum quoddam animatum, vt ait philosophus in libro Politicorū: nec etiam inter patrem, & filium: nec inter virum & uxorem ea æqualitas, & si aliquo modo esse videatur, vt inter eos cadat iniustitia, ad iniustitia talis, sed per similitudinem quadam. [I N quibus autem iniustitia,] id est, in quibus est habitus iniustitiæ in illis semper cum iniuriatur est iniustitia: sed in quibus est iniuria, scilicet quando iniuriantur non in omnibus necessario est habitus iniustitiæ, quia potest fieri iniuria etiam ab aliquo qui non habet habitum, sed ob aliquam animi perturbationem, vt supra dictum est. [I D C I R C O non finimus.] Ex supradictis philosophus infert tria oborta, id est tria correlaria. Primum est quod cum inter liberos sit iustum illud ciuile, statim sequitur quod non finunt aliquem esse tyrannum & hominem dominari pro suo arbitrio, quia plus de commodis sibi tribueret & minus de incommodis: sed rationem & legem dominari voluit, quod pollicetur magistratus, & principes qui custodes iusti sunt, & esse debent. Quod si iusti sunt custodes: & etiam æqui custodes erunt. Est enim proprium munus magistratus vt inquit Cicero, intelligere se gerere personam ciuitatis, debereque eius dignitatem, & decus sustinere: seruare leges, iura describere, ea fidei suæ commissa meminisse, & c. Notandum quod interest inter hominem, & verum hominem. Homo enim est imperfectus & perficitur per virtutes: & cum est perfectus tunc est vere homo. Fit etiam nonnunquam vt homines aliqui surripiant magistratus, & cum sint improbi, & imperfecti euadant tyranni: ideo non finimus hominem dominari, sed rationem, id est hominem vere habentem rationem, id est vtem illa, & viuentem secundum illam. Est enim animata ratio verus homo, & studiosus. [A T Q V E quia nihil.] Hæc est secunda sententia orta ex supradictis, id est, secundum correlarium, scilicet quod princeps, & magistratus, & iustus gubernator non censet sibi plus quam cæteris tribuendum. Oportet enim ipsum de se esse iustum proportionem seruata vt non sibi plus tribuat nisi secundum similitudinem rationum geometricam, vnde & alteri laborat. Quare bene dictum est quod magistratus virum ostendit, cum ad alium sit iniustitia, & ad bonum alienum atque commune vt antea patuit. Notandum quod principis, & magistratus officium est, vt reipub. gubernet sicut gubernator nauium, ita vt omnes sint salui, qui in illa sunt. at gubernator hoc facere non potest nisi habeat gubernandi artem. Sic princeps per virtutem quæ est in ipso gubernat omnes & virtutibus ad alium, & ad commune bonum quod indicat maximam perfectionem. Vnde vsus ad alium non solum est huius iniustitiæ quæ est pars virtutis, sed etiam totius virtutis: quam ea ratione qua est ad alium, & commune bonum legitimam iustitiam diximus. Vnde & difficillima virtus, & ideo præclarissima dicitur esse iustitia cum operari ad alios, & æqualitatem seruare difficile sit, atque ideo valde præclarum. Difficile est inquit Cicero cum præstare omnibus cupieris seruare æquitatem: quæ est iustitiæ maxi-

me propria. Ex quo fit neque disceptatione vinci se, nec vilo publico ac legitimo iure patiatur, existuntque in repub. plerunque largitores & factiosi, vt opes quam maximas consequantur, & sint vipotius superiores: quam iustitia pares: sed quo difficilius, hoc præclarius. Hæc in de officiis. (MERCEſ ergo quædam.) Tertium est correlarium. Quod debetur præmiū iusto bene gubernanti tempub. f. honos & gloria. Postquam enim adeptus est virtutes, & confert se ad rempub. & incipit opera: i ad alios secundum habitum virtutum, quem in se habet: tunc debetur ei à ciuibz, & à repub. honos & gloria: sed ij qui talibus honoribus non quiescunt, cum nullum ciues habeant præmiū maius quod dare possint, euadent tyranni, quoad per eos fieri poterit. (HÆ RILE autem.) Hæc est tertia pars huius capituli, in qua determinat de iusto quod per similitudinem dicitur, & est triplex. Inter patrem & filium, dominū & seruū, virū & vxorem. Sed hoc vitumū appellat philosophus rei familiaris iustum. Verum si paterfamilias referatur ad filiū, & ad seruū & vxorem, quia idem potest esse pater, & dominus, & vir, omnia illa poterūt dici rei familiaris iusta. Verum de illo vltimo quod appellat rei familiaris iusti, dicit philosophus quod habet maiorem similitudinem cum ciuili: licet non sit idem. At paternum & herile habet etiam aliquam similitudinem, sed tamen sunt idem. Quod autem inter hos non sit tale iustum probatur, in quibus non est iniustitia, in illis non est iustum ciuile. at inter dominum & seruū, patrē & filium non est proprie iniustitia: ergo non erit iustum ciuile. Patet ratio, Nullus est iniuria ad seipsum, nec ad suū: sed seruus est aliquid domini dum possidetur, & filius aliquid patris: quare non erit inter hos iniustitia: quia nemo sibi iniuriam facit nec suis, at seruus est possessio animata domini: filius vero est aliquid patris. Item inter virū, & vxorem non est æqualitas, nec ergo iniustitia proprie dicta. Veruntamen vbi est maior æqualitas, ibi maior similitudo iusti ciuilis, & cū vir & vxor sint magis æquales, quam pater, & filius, aut dominus, & seruus. Ideo dicit philosophus, q̄ iustū inter virū & vxorē, quod appellat familiare, est magis simile ciuili iusto quam illorū iusta: nō tamen est id de quo loquitur. Notandū q̄ inter eos videtur esse iustū ciuile: inter, quos est æqualitas vicissim imperādi atq; parendi. In repub. enim nō semper sunt iidem imperantes, sed est vicissitudo quædam æqualitate, vt alii nunc parent, nunc impient secundū leges: sed dominus semper imperat seruus: seruus semper obedit, & sic inter eos non est æqualitas, nec ex consequenti ciuile ius. Pater etiā semper est pater, & filius semper est filius: ideo nō est æqualitas. Verū inter virū, & vxorē etiā non est, pprie æqualitas: & si maior esse videatur quā inter patrē, & filiū, & herum, & seruū. Nam vt vir est paterfamilias: sic illa materfamilias, & vna cū viro rem familiāre gubernare videtur, Nā vir extra, vxor ea quæ sunt domi curare debet & cōseruare. Quare videtur ob hæc habere quandā æqualitatem: attamen sunt inæquales, quia vir non subit vicem matrisfamilias, nec illa ecōtra viri officiū inquantum est vxor: præterea si quæ leges sunt vir imponit eis vxori: sic igitur patet quod nō proprie est inter virum & vxorem ciuile iustum.

*De iusto naturali, & legitimo.**Cap. VII.*

70  Iuileis autem iusti aliud est naturale, aliud legitimum. Et natu-  
71 rale quidem est quod vbique vim habet eandem: & non quia videtur vel non videtur. Legitimum autem quod à principio quidem nihil refert, sic aliter habet. Cum vero positum fuerit, refert. Quale est, mina captiuos redimi, vel capram diis, sed non duas oues mactare: & etiam ea quæ de singulis lege iubentur. vt sacra Brasida  
72 facere, & quæ publicis decretis instituuntur. Videntur autem quibusdā omnia talia esse. Propterea quod omne quod natura constat, immobile  
73 est, & vim eandem habet vbique: sicut ignis hic, & apud Persas vrit: iusta autem moueri vident. Verum hoc non ita sese habet, sed aliquo modo. Atque apud deos quidem nihil vilo modo forsitan est quod ita sese habet: apud nos autem est quidem aliquid etiam natura constans, mutabile verum non omne. Attamen aliud est natura, aliud non natura. patet autem. Quidnam eorum quæ possunt & aliter se habere natura, constat: & quid nō, sed lege ac instituto, si ambo mutari similiter possunt? Et ad cætera eadem accommodabitur definitio. Dextera nanque maius validior est læua, natura: & tamen fieri potest, vt omnes euadant apti ad v-

tendum manu sinistra perinde ac dextra. Iustorum autem ea quæ ex instituto sunt & ob vtilitatem, similia sunt mensuris. Non enim omnibus in locis æquales sunt vini, tritici quæ mensuræ. Sed ubi quidem emunt, maiores sunt: ubi autem vendunt, minores. Simili modo & ea quæ non naturalia sunt, sed humana iusta: non eadem sunt ubique. Nam neque respública: sed vna tantum ubique secundum naturam est ipsa optima. Vnumquodque autem iustorum, & legitimorum, vt vniuersale sese habet ad singula. Etenim ea quæ aguntur sunt multa. Vnumquodque autem illorum est vnum. Est enim vniuersale. Interest autem inter iniuriā & iniustum: & inter ius & iustum. Iniustum enim est natura, vel instituto. Id autem ipsum cum actum fuerit iniuria est: antea vero quàm sit actum nullo modo est iniuria, sed iniustum: pari modo & ius. Vocatur autem magis iusti actio ipsum commune. \* ius autem iniuriæ emendatio. Quæ vero & quot species vniuscuiusque ipsorum sunt, & circa quæ versantur: considerandum est postea.

ἀδίκους.  
ἀδικήματα.  
δικαιο-  
σύνη καὶ  
δικαίωμα

## Commen.

CIVILE autem iustum diuiditur. ] Hoc est secundum capitulū huius tractatus: in quo philosophus distincto iusto ciuili à paterno, herili & vxorio: nunc illud resumit & diuidit in suas partes. Hoc autē capitulū in duas partes diuiditur quæ suis locis patebūt. In prima igitur parte philosophus affert diuisionē iusti ciuilis dicendo, quod quoddā est naturale: quoddam legitimum. Naturali tribuit duas conditiones: vnam ex parte sui effectus. scilicet habet ubique; eandem vim, id est idē efficit apud omnes gentes. Alia sumitur ex parte causæ suæ: quia non est ex nostra institutione ex eo quod videtur, aut non videtur nobis: sed consistit quodammodo ex parte naturæ. Notandum quod non videtur esse discrepantia inter philosophū, & iurisperitos in declaratione iusti naturalis, quāuis philosophus iustum diuidat in illius & melius philosophus: quia iustum est vniuersale: ius particulare cum applicatur particulari rei. Conueniunt autem in declaratione rei hoc pacto, quia iuris periti diuidunt ius bifariā, primo. scilicet naturale, & ius gentium: & naturale est apud illos cōiunctio maris, & sœminæ, & procreatio, & educatio liberorū: ius autem gentiū appellat quod est apud omnes gentes: sicut est pacta seruare: legatos tutos esse, & similia. Philosophus vero ista duo appellat naturalia, quia sicut nos non videmus esse causā effectrix nostra institutione iusti quod natura constat: similiter nec eius quod est ubique gentiū. Nam duplex videtur esse natura in homine, vna qua conuenit cū cæteris animalibus, alia qua cōuenit tantum cum cæteris hominibus. Nam homo procreat sicut alia animalia, & educat procreata, & hæc competunt homini ex parte naturæ communis cum aliis animalibus. Cum vero habeat aliā naturam qua differt ab aliis animalibus: communicat tamen cum omnibus aliis hominibus: iura quæ inde nascuntur ab illis dicuntur iura gentium, sicut legatos tutos esse, & vt Cicero inquit, non prohibere aquam profluentem: pati ab igne ignem tapere, si quis velit consilium deliberanti dare quæ sunt vtilia iis quæ accipiunt: danti non molesta. sic igitur ista duo iura vno nomine cōplectitur philosophus, iustū naturale appellās, ideo in re non videtur discrepare à iurisperitis. Notandū quod præter ista duo iura, quæ philosophus nomine naturalis cōprehendit, & item legitimum, sunt apud eum iusta ciuilia, quia seruantur in ciuitatibus, & cōmuni vitæ societate. Verum intelligendū vterius quod sicuti fit in speculatiuis quantum ad hoc propositum spectat: ita etiam in actiuis. sed in speculatiuis quædam sunt vt principia, quædam ex principiis procedentia, id est conclusiones: sic in actiuis quædam sunt tanquam principia, quædam ab illis profluentia. at in speculatiuis principia quædam sunt per se nota, & statim cognitis terminis percipiuntur lumine intellectus agentis sine vllō discursu, vt de quolibet affirmatio, & negatio, & de nullo istorum ambo, aut cum discursu imperceptibili: vt si ab æqualibus æqualia demas, ea quæ remanent sunt æqualia. Et omne totum est maius sua parte, & similia quæ sumuntur in scientiis tanquam per se nota, & non probantur, sed ex illis positis tanquam per se notis, & vi illorum procedimus deinde ad probandas conclusiones vt late offendit philosophus in libro posteriorum. Eodem pacto in actiuis sunt quædam iura naturalia nobis, nota ex natura communis cū cæteris animalibus, & ex natura propria cuiusque hominis quæ non videntur fieri nostra institutione, sed ex illis, tanquam ex principiis iura ciuitatum, & legitima tanquam conclusiones in speculatiuis prodire profluereque videtur: duplex enim ponitur intellectiua vis. Nam specu-


lari, & agere non est eiusdem virtutis atque potētiae. Ex quo coacti sunt philosophi ponere duas vires intellectus, scilicet speculatiuam, & actiuam. Verum vt in intellectu speculatiuo sunt ea principia quæ diximus quasi innata: ita in intellectu actiuo videtur collocari principia vt eis ex ipsa natura sine vlla probatione intellectus assentiri videatur: vt sunt illa, Omne honestum prosequendum, omne turpe fugiendum, pacta seruanda, non violandi legatis: & similia à quibus latores legum tanquam à quibusdam vniuersalibus instructi principis leges postea condunt. Quare cum ita sint, merito philosophus ista principia naturalia dixit iusta, cum suppet natura hæzere cuique intellectui sano videantur sine cuiusquam doctrina. Verum vtrum in actiuis procedant effectus ex illis tanquam ex prius notis nobis sicut in speculatiuis, in præsentia omitamus, quia non pertinet ad hanc doctrinam. [E G I T I M V M autem.] Declarat philosophus aliud membrum iusti ciuilis, dicendo quòd iustum legitimum est: quod antequam poneretur nihil referebat vtrum hoc vel illo modo esset: postquam vero positum est, refert. Et videtur trifarià philosophus ostendere tale iustum, vt si esset commune quod ad totam ciuitatem pertineret, vel singulare quod ad vnum tantum hominem pertinet, & tertium quasi medium inter illa duo: quod ad aliquod membrum ciuitatis pertineret, & huiusmodi diuisio colligi potest ex philosophi exemplis quæ ponit. Primum pertinere videtur ad communem, & omnem ciuitatem vt redimi captiuos. Nam inter Lacedæmonios, & Athenienses vigente bello, sanctum fuit vt captiuu redimipossent certo pretio, scilicet vna mina, & hoc videtur pertinere ad legitimum iustum cõmune, & illud item de vna capta, & nõ duabus ouibus: quod ponitur à philosopho exempli causa, licet factũ nõ inueniatur. Aliud est exemplum pertinens ad vnum. Brasidas rex Lacedæmoniorum fuisse dicitur, & multa beneficia in Amphipolitas contulisse, ex quibus post mortem illius instituit eam gentem tradunt sacra facere in memoriam Brasidæ. Tertium exemplum est de publicis decretis non ad totam rempublicam pertinentibus, sed ad aliquod membrum ciuitatis vt ad mercatorum membrum vel alicuius alterius facultatis particularis. [V I D E N T V R autem quibusdã.] Hac in parte philosophus cum velit remouere opinionem quorundam de iusto supradictõ: primo eam asserte deinde refellit, dicebant enim illi non esse bifariam diuidendum iustum eo pacto quo diuisit philosophus, quia omne iustum ciuile erat legitimum, non autem naturale vt philosophus dicit, & arguebant hoc pacto. Illud quod est naturale apud omnes homines est idem, & nõ mutatur. Sed iusta non sunt eadem, nec eadem permanent apud omnes, sed omnia sunt mutabilia: ergo nõ sunt naturalia. Nam legati non sunt apud omnes gentes tuti, & semper tuti. [V E R V M hoc non ita sese habet.] Excludit & reprobatur hanc opinionem philosophus, & primo videtur negare quòd omnia naturalia sunt immutabilia: deinde quod omnia iusta sunt immutabilia. Dicit enim quòd non ita se habet simpliciter, sed aliqua ex parte: & primo negat quòd omne quod constat natura, permaneat semper immutabile, dicendo quòd si qua sunt iusta immutabilia, non erunt nisi diuina. Sed ea quæ sunt apud homines licet consentiant naturæ: tamen non semper permanent immutabilia, quare non est vera illa vestra propositio, quòd omne naturale sit immutabile apud omnes. Videmus enim quòd constat natura, vt manus dextera sit nobilior, quia ab ipsa est principium motus: tamen fieri potest vt quidam æquè vtantur bene vtrique manu, & hoc potest esse apud omnes homines. Nam id quod contingit homini potest omni homini contingere, & sic patet quòd illa quæ sunt naturalia mouentur atque mutantur. Postea ostendit quòd etiam illa minor propositio non est vera, scilicet quòd omnia iusta sint mutabilia: nam quædã sunt mutabilia propter varietatem morum, & hominum interdum aberrantium à recta ratione: verum naturalia iura sunt eadem apud omnes gentes sanæ mentis, & ea ratione qua homines: sicut dicimus esse quædam simpliciter, & de natura sua sana, quæ tamen alicui non sunt sana, scilicet ægroto, & item dulcia & huiusmodi: sed vt clarius ordo intelligatur, talis videtur esse processus. Sunt nonnulli dicit philosophus, qui putant omnia iusta esse legitima, non autem esse aliqua naturalia iusta: & assignant hanc rationem, quòd vident ea quæ sunt naturalia non mutari, & vbique habere eandem vim sicut ignis, hic & apud Perlas: iusta vero mutari, & esse diuersa. Nos autem dicimus primum quòd hoc non est simpliciter verum, quòd omne naturale, & constans natura sit immutabile, & semper se habeat eodem modo, sed aliqua ex parte, & secundum quid est verum. Nam si diceremus ea quæ sunt diuina firma esse, & semper se habere eodem modo, hæc concedenda videntur. Verum de omnibus naturalibus pertinentibus ad homines non est concedendum, quia eorum aliqua semper se habent eodem modo, aliqua vero sunt mutabilia. Exemplum primum, vt homo est animal rationale, & similia quæ sunt in primo modo dicendi, per se, & semper se habent eodẽ modo. Exemplũ secundũ: homo habet manũ dextram aptiorem quàm sinistram, quod non semper est: fieri enim potest vt sit amphidexter: sic igitur cum quædam naturalia sint mutabilia, & aliter se habere possint, non erit mirum si etiã iusta naturalia non semper se habeant eodem modo. Dicamus igitur quod iustorum quædam constant natura, quædam lege, & ex instituto, & si etiã ambo mutari possent, & aliter se habere. quod si queratur cũ iustũ naturale, & legitimum sit vtrunque mutabile, quæ erit differentia inter hæc dicitur quod ex hoc percipi poterit. scilicet cum viderimus aliquod iustum esse commune pluribus gentibus vel omnibus, tunc dicemus illud iustũ esse naturale. Cum vero videbimus aliquod aliud non esse commune, sed tantũ esse alicuius ciuitatis

der regionis, vt sunt mentura diuerſa vini & tritici, diuerſis in locis: tunc dicemus illud iuſtum eſſe legitimū. i. ex lege & inſtitutione, non autē ex natura. Quare nō obſtat noſtra ſentētiæ veſtra obiectio, qđ dicitis iuſtū non eſſe naturā, quia naturalia nō poſſunt aliter ſe habere: iuſta ve ſo aliter atq; aliter ſe habēt, cū oſtēderimus qđ etiā naturalia quzđā aliter ſe habere poſſunt, & ſi vt plurimū ſe habeant eodē modo, & cōmuniōra ſunt quā ea quæ ex inſtituto ſunt: nam nō ſolū iuſta naturalia aliter ſe habere poſſunt, ſed etiā talis determinatio erit ad quēdā alia naturalia, & quæ natura conſtat ſicut de amphidextris diximus. Siquid vero eſt vna vbique agendi ratio ſecundū naturam, ea erit optima, ſicut ſunt ea quæ ſunt dulcia natura vt mel. Tamen alicui non ſunt vt gutturi corrupto, & hoc non eſt ex natura mellis, ſed ex corruptione illius: eodē pacto iuſta naturalia de ſe non habent hanc varietatē, ſi homines eſſent omnes vt eſſe debent, ſequēdo rationem ducem. [V N V M Q V O D Q V E autē iuſtorum.] Quia philoſophus in precedentibus loquēdo de iuſtitia ſæpe vſus eſt vocabulis & terminis, qui videntur habere magnā ſimilitudinem inter ſe, vt aperte cognoscatur quid vnūquodq; ſignificat, vult aſſignare propriā ſignificationem cuiuſque, & videntur diſſere ſecundū vniuerſale & particulare. Primo igitur declarando naturam iuſti ciuilis, dicit qđ iuſtū ciuile ſumimus vniuerſale: vt colendus eſt deus: tutos oratores & legatos eſſe debere: depositum eſſe reddendum & ſimilia. Iſta igitur vniuerſalia ſunt ſub quibus cadunt ſua ſingularia quæ ſunt plura: & tamen vnūquodque illorū ſubit rationē vniuerſalis ea ratione qua iuſtū eſt. [N T E R eſt autem inter iniuriā, & iniuſtū, & inter ius atque iuſtū: & offendiſt quod iuſtum & iniuſtum eſt in vniuerſale, & antequam agatur, & hoc eſt contra nōnullos qui ſumunt ius antequam agatur. Iuſtum igitur eſt ius: ita dimittere legatos: depositū reddere: hoc cum agitur, nunc apud iſos vel illos dicitur ius. Ita vt omne ius præſupponat iuſtum, non autē contra. Iuſtū enim redactum ad opus eſt ius. Iniuſtum quoque natura quod eſt contra iuſtū naturale vel iniuſtum ex inſtituto, quod eſt contra iuſtum ex inſtituto. Iniuſtum inquā eſt vniuerſale, vt committere adulteriū. Cum vero agitur eſt iniuria, vel cum aſum eſt iniuria dicitur. Sic igitur iuſtum eſt antequam fiat, vt reddere depositum, vel punire maleſicia eſt iuſtū, poſteaquam factum eſt dicitur ius. Verum dicit philoſophus qđ vtrum hoc modo dicendi pro omni iuſto aſu. Nonnunquā pro emendatione iniuriæ, cum dicimus quod iudex fecit ius quando emendauit aliquod maleſicium. Alio modo omne iuſtum aſu. i. omne opus iuſtū dicitur ius, vt in diſtributione vel commutatione, vnde apud graecos poſuit duo nomina philoſophus, ſcilicet δικαιοσύνη & δικαιοσύνη, apud latinos vero non ſunt. Ideo apparet magna conſuſio in textu. Si cigitur habemus quod iniuſtum eſt vniuerſale, & antequam fiat: iniuria vero ipſum iam aſum. Eodem pacto iuſtum antequam fiat. Ius vero cum eſt factū. Verum hoc cōmuniū dicitur pro quocumque aſu iuſto: ius autem vocatur correctio iniuriæ: communis enim dicitur δικαιοσύνη, quod videtur comprehendere quemcumque aſum iuſtū, ſiue ſit iuſtitia diſtributia, ſiue correctiua: & δικαιοσύνη vero videtur cōprehendere, & ſignificare correctionem tantum iniuriæ, quod videtur eſſe cuiuſdam partis iuſtitia operatio, & non cuiuſcumque iuſtitia aſus & operatio.

*De triplici nocumento quod aliis irrogatur.*

Cap. VIII.



 Vm autem iusta sunt, & iniusta ea quæ diximus: iniuriam quidem quispiam facit, & ius agit, cum ea sua spõte agit: sed cum inuitus, non iniuriam facit, neque ius agit. Agit enim ea quibus accidit vt sint iusta aut iniusta. Iniuria autem atque iuris actio tunc est, cum à sponte agente fit. Tunc enim vituperatur: & simul tunc iniuria est. Quare erit quid iniustum quidem, sed nondum iniuria, si non à sponte agente sit factum. Equidem id à sponte agente fieri dico (quemadmodum vt prius est dictum) quod quispiam in se situm sciens agit, & non ignorans, neque quem, neque quo, neq; gratia cuius: vt quæ pulsatur, & quo, & gratia cuius, & vnũquodq; illorum neq; per accidens, neq; vi. Vt si quispiã vi mouens manum alterius ipsum pulset. Sponte. n. ipse tum sua non pulsatur: quippe cum non sit in se situm. Fieri etiã potest vt qui pulsatur sit pater. Ipse autẽ sciat quidẽ illum hominem esse: vel alium quem eorũ qui adsunt: ignoret autem esse patrẽ. Idem dicen dũ est & de eo gratia cuius agitur: & circa totum etiam actum. Quod igitur ignora-



tur, aut non ignoratur quidem, non est autem in ipso situm, sed vi fit: id omne agitur ab inuito. Et eorum enim quæ nobis natura competunt cōplura scientes agimus, atque patimur, quorum nihil aut nostra sponte aut inuitis fit nobis: vt senescere aut mori. Est autem in iniustis ac iustis similiter id quod per accidens dicimus. Nam si quispiam depositum inuitis, & ob timorem reddiderit: non est dicendum hunc iustum, aut ius agere nisi per accidens. Similiter est dicendum & eum iniuriam facere atque iniusta per accidens agere, qui cogitur, atque inuitus non reddit depositum. Eorum autem quæ sponte agimus: alia electione agimus, alia sine electione. Ea cum electione agimus, quæ antecessit deliberatio. Ea sine electione: quæ non antecessit deliberatio. Cum igitur læsio sit in societatibus triplex: tunc sunt cum ignoratione peccata, cum quispiam egerit aut circa quem, aut quod, aut quo, aut gratia cuius agere non putauit. Nam aut non percutere, aut non hoc, aut non hunc, aut non gratia huiusce putauit. Sed accidit id cuius gratia non putauit: vt non vt vuleraret sed vt pungeret, aut non quem, aut non hoc modo. Atque cum extra rationem sit læsio: infortunium est. Cum non extra rationem, sine tamen vitio: peccatum. Etenim peccat quidem quispiam cum ipse est principium causæ: aduersa vero fortuna vititur, cum est foris. Cum autē sciens quidem sed non deliberatione præmissa quispiam lædit: iniuria est. Cuius generis ea sunt vniuersa quæ per iram efficiuntur, aliàsque animi perturbationes quæcunque necessario, vel natura hominibus accidunt. Hæ enim iniuriæ sunt. Atque ij qui ob hæc nocent ac peccant, iniuriam quidem faciunt: tamen nondum ob hæc ipsa sunt iniusti vel prauui. Non enim nocent ob prauitatem: sed cum nocet quis electione, iniustus est atque prauus. Quapropter perrecte ea quæ proficiuntur ab ira, non diiudicantur ex prouidentia fieri. Non enim is incipit qui facit iram: sed is qui prouocauit ad iram. Præterea non fit in talibus controuersia si factum sit necne: sed si iure sit factum. Ira nanque ob apparentem oriri iniustitiam solet. Non enim de facto perinde atque in commerciis contendunt, vbi necesse est alterum improbum esse si non id faciat obliuione: sed de re conuenientes, iure an iniuria sit facta, disceptant. Qui autē fecit insidias, non ignorat. Quare alter putat iniuriam pati: alter non putat, quod si electione nocuerit, iniuriam facit. Atque his iam iniuriis est iniustus qui iniuriam facit: cum comparationem rationum, aut æqualitatem transgreditur. Pari modo iustus etiam est cum ius agit electione, ius autem agit si solum sua sponte agit. Eorum autem quæ ab inuitis sūt, alia sunt venia digna: alia non sunt venia digna. Nam ea quæ non solum ignorantes, sed ob ignorantiam etiam faciunt: ignoscenda sunt. Sed ea quæ faciunt non ob ignorationem, sed ignorantes quidem, ob affectū autem non naturalem, neque humanum: non sunt venia digna.

**C**VM autem iusta sint & iniusta. Hoc est tertium capitulum huius secundi tractatus, in quo soluit dubitationem motam in primo capitulo. secundum quam iniuria quis sit proprie iniustus, & similiter secundum quod ius aliquis sit proprie iustus. Diuiditur autem in quatuor partes quæ suis locis patebunt. Dicit ergo in primis quod omnia quæ sunt sponte, sunt ius vel iniuria: quæ vero sunt iniuste non dicuntur esse ius vel iniuria nisi per accidens. Accidit enim ut hæc sint iusta vel iniusta. Notandum quod ex dictis philosophi emergit quod aliquod est iustum quod non est ius, & aliquod iniustum quod non est iniuria. Nam si quis iniuste reddidit depositum, is non fecit ius, quia non egit per se nec sponte sua, tamen egit iustum per accidens, quia illud quod est iustum opus, & potest esse ius si ab aliquo fiat sponte. Eodem modo, si quis iniuste retinet depositum non dicitur facere iniuriam: tamen facit id quod est opus iniustum non per se, sed per accidens, & potest esse iniuria si fiat sponte. Notandum præterea quod istud per se, & per accidens soluit omnem dubitationem quæ oriri potest non solum in iis, sed etiam in operationibus aliarum virtutum. Nam si quis egerit operationem temperantiae, si per accidens, non proprie temperans dici potest. [E Q V I D E M id à sponte agere.] Declarat philosophus id quod sponte, & id quod iniuste sit quæ respondere videtur, & consonare cum iis quæ in tertio libro latissime dicta sunt, & est necessarium hoc loco tangere, & hæc ad declarationem eorum quæ dicta sunt, & insequentium quæ dicuntur. Id igitur sit sponte dicit philosophus, quod aliquis agit in sua potestate constitutus, sciens omnes circumstantias, & condiciones requiritas, scilicet quem, quid, quando & reliqua: & addit quod oportet sponte agentem non solum scire illa singularia dicta, sed scire etiam illa per se, & non per accidens: & item oportet quod non agat aliqua vi compulsus. Vidimus enim in tertio quod spontaneo opponitur non spontaneum, quod est aut per ignorantiam aut per vim. Declarat primo hoc secundum membrum dicendo quod si quis compulsus alterius manu percutat aliquem is non sponte agere videtur. Item declarat aliud membrum, scilicet quomodo dicitur ignorare, & quid est dicere scire per accidens, & non per se, ut si quis pulset patrem quem non cognoscit illum ut patrem, sed ut hominem, & addit vterius philosophus quod id quod ignoratur, aut quod non est situm in potestate agentis videtur fieri ab iniusto: ex quo deprehenditur quod ad hoc ut fiant aliqua nostra sponte non sufficit esse tale ut sciatur. Nam senescere, & augeri & mori quanuis sciatur, tamen non dicuntur fieri sponte: sed requirunt præter ea ut illa res sit in nostra potestate collocata, & à nobis fieri possit. Post hæc philosophus accommodat supradictas distinctiones iustas, & iniustas iuri & iniuriæ: ut patet in textu exemplo depositi: quod retinetur, & non redditur. Notandum quod bene adduxit philosophus declarationem de eo quod sit sponte aut non sponte: quia sine hac distinctione non videtur constare illa virtus, & hoc præsertim videtur competere iustitiæ. [A T qui eorum quæ sponte agimus.] Hæc est secunda pars huius capituli, in qua postea quam supra inuestigauit quid sit iniuria, & docuit quando aliquid iustum vel iniustum agitur non iniuste, sed sponte: nunc inquirat & declarat quænam sint illæ iniuriæ ex quibus proprie aliquis dicatur iniustus: quia pluribus modis sponte agitur, & in hoc consistit solutio dubitationis motæ in primo capitulo huius secundi tractatus. Affert autem primo diuisionem vtilem ad ea quæ dicturus est, dicendo quod eorum quæ sunt à nobis sponte, alia sunt cum electione, alia sine electione: vnde non valet, hoc est factum sponte, ergo cum electione: sed bene e contra, hoc est factum cum electione, ergo sponte, cum sponte agere sit magis vniuersale. Nam sponte agere competit etiam brutis ut in tertio vidimus: agere vero cum electione solum competit habentibus voluntatem & rationem. Quare vbiunque est electio ibi voluntas, & vbiunque voluntas ibi principium sponte agendi: sed non e contra ut antea patuit. [C V M igitur latio sit.] Affert philosophus diuisionem quandam læsionum quæ sunt in electionibus humanis quæ est triplex. Vna quæ fit ab iniusto: alia quæ fit à sponte agentis: tertia quæ fit ab eligente: & per hanc diuisionem offendit quod aliquis per accidens agat operationem iniustam, non tamen erit iniustus. Nam ille qui agit iniuste ea ratione nec iustus dicendus est nec iniustus, sed fieri potest ut quis agat rem iniustam iniuste, ergo ille non erit iniustus. Affert post hæc distinctionem philosophus eorum quæ sunt à nobis iniuste ponendo duplicem gradum. Nam quædam sunt ultra rationem & opinionem & talia non dicuntur peccata, sed infortunatæ læsiones: quædam vero non extra rationem peccantur, & hæc dicuntur quidem peccata cum principium agendi, & potentia sit in auctore peccati: non tamen dicuntur facta cum vicio ut patet in textu philosophi. Sed ut melius intelligatur eius ordo procedendi, Aristoteles cum velit declarare quis sit vir iustus, & iniustus, primo inquit quis sit iniustus. Hoc cognitum à contrario cognoscetur iustus. Sed cum iniustus sit qui facit iniuriam secundum quandam modum nocendi, videndum est quomodo noceri potest, ut aliis sepositis relinquantur is nocendi modus secundum quem fiat iniuria, ex qua proprie dicatur iniustus: & ideo attulit superiores distinctionem quam declarare incipit, & nunc sequetur. [C V M autem sciens.] Prima & superior latio non est iniuria licet sit iniusta actio: nunc vero offendit fieri posse iniuriam non tamen ille erit iniustus. Vnde non sequitur hic egit iniuriam, ergo est iniustus, etiam si sponte egerit: quia requiritur ut agat cum electione, & deliberatione præcedenti: quod si quis per iram vel aliam

huiusmodi leserit perturbationem, iniuriam quidem facere poterit: non tamē statim sequitur quod sit homo iniustus. Notandum quod philosophus dicit perturbationes atque affectus, qui necessario vel natura hominibus insunt, necessario inesse dicuntur talia, ut fames, sitis & huiusmodi: natura vero ut timore, iram, & similia. Nam si quis propter famem intollerabilem agat aliquid iniustum, dicitur fecisse iniuriam, non tamen appellabitur iniustus. Idem dicitur de ira, metu, misericordia, & similibus quarum perturbationum aliqua motus si quis agat aliquid non habet tempus deliberandi, quod si haberet fortasse non egisset talem iniuriam: ex quibus patet quod aliquis agere iniuriam potest sponte & sciens, tamen non erit iniustus, quia non videatur nocere ob prauitatem, ut inquit philosophus. [§ E D cum nocet quis.] Hac in parte philosophus ostendit quando aliquis, & per quam iniuriam factam dicitur iniustus, & ostendit hoc pacto, si qui agit iniuriam per principium coniunctum causam iniustitiam est iniustus. At is qui agit iniuriam cum electione, & deliberatione antecedenti est huiusmodi: ergo talis erit iniustus. Ex his soluta est dubitatio superius allata, scilicet quænam sint illæ iniuriæ ex quibus aliquis dicatur iniustus, quæ philosophus in hoc locum distulisse videtur propter multas dubitationes de iure & iniuria, quæ intercedebant, quas solvere oportuit, & multas distinctiones asserre declarando de quo iusto intendat, videlicet de ciuili, & quomodo diuidatur in naturalem, & legitimam, & quomodo se habet tanquam vniuersale ad singula & reliqua: quibus solutis, & declaratis venit per distinctiones pulcherrimas ad declarandum, & soluendum ob quas iniurias quis dicitur iniustus. nam non ob ea quæ sunt ab iniuris, nec ob ea quæ sunt sponte sine electione, sed tantum ob eas iniurias quæ sunt ab aliquo electione & deliberatione præcedenti. [Q V A P R O P T E R perfectæ ea quæ proficiuntur.] Hæc est tertia pars huius capituli, in qua philosophus allatis superioribus sententiis, scilicet quod is qui lædit sine electione sciens, aliqua perturbatione compulsus, iniuriam quidem facit, non tamen proprie est iniustus: sed ille tantum qui ob prauitatem, & cum electione nocet est dicendus iniustus: nunc hæc declarat & probat: & primo refutando illum qui sciens sine electione operatur, & lædit aliqua perturbatione vehementer permotus, ostendit quibusdam rationibus quod talis non est proprie iniustus, quia suæ iniuriæ non habentur quasi sint ex providentia factæ, sed per aliquam subitam perturbationem, quæ arguit non ex habitu factam esse talem iniuriam, veluti illi qui ira quæ est vehemens perturbatio, nocent & iniuriam faciunt, quasi principium sit extra se: ex quo apparet quod iniuriam facit cum sponte faciat, & sciens, & in suo arbitrio se lædere vel non lædere: non tamen est iniustus cum non lædat cum electione. Probat idem ex signo quodam, quia cum aliquis iniuriatur per iram disceptatur de iure cum constet de facto: quod non disceptaretur si proprie putaretur iniustus, sed cum constet de facto, & ita sit manifesta iniustitia: ideo de facto non disceptatur, ut in commerciis cum negatur depositum vel aliquid tale, ubi necesse est alterum duorum esse improbum nisi fiat obliuione. Sed illi inter quos facta est iniuria per iram cum conueniant de re facta, disceptant de iure. Quare non potest esse ibi occulta fraus eo pacto, quo esse potest in commerciis ubi lædens decipere potest sciens, puta negando depositum. Nam talis decipiens non ignorat, scilicet se facere vel fecisse iniuriam, sed in ira ille qui passus est iniuriam putat se accipere iniuriam. Ille vero qui lædit putat non inferre iniuriam, sed perturbatus ira existimat se iure offendere vel iniuriam non afferre. Verum iniuriam quidem facit, non tamen est dicendus iniustus. [Q V I autem facit insidias.] Declarat nunc philosophus quod quando sit iniuria cum vitio, & cum lædens lædit cum electione est iniustus: nam qui lædit eo principio quod ad vitium pertinet est dicendus iniustus: sed qui lædit cum electione est huiusmodi, ergo talis dicitur iniustus, & iustus e contra qui facit ius eo principio quod pertinet ad virtutem, & cum electione ius facit. [C O M P A R A T I O N E M rationum.] Innuit iustitiam distributiuam. (A E Q V A L I T A T E M.) Innuit iustitiam commutativam, & correctiuam commertiorum. Ex his potest concludi quod iniustus est qui sciens iniuriam facit, & cum electione ac deliberatione præcedenti. Iustus vero e contra. Nam omnia quæ dicta sunt de iniusto, & iniuria competunt iusto contrario modo. (E O R V M autem.) Hæc est quarta pars huius capituli, in qua philosophus distinguit ea quæ fieri videntur a nobis iniuris, & eorum dicit aliqua esse venia digna, aliqua non, sed notandum quod philosophus sumit hic iniurium fieri largo modo id quod vere non est proprie tale, sed id quod fit a nobis ob perturbationem aliquam necessariam vel naturalem quæ antea attulit: & tamen illa sunt a nobis sponte cum principium agendi vel non agendi sit in nobis: sed sumit philosophus largo modo fieri ab iniuris, quia non sunt cum electione. Horum igitur dicit philosophus, aliqua sunt venia digna, aliqua non. Nam ea sunt ignoscenda non quæ facimus ignorantes tantum, & enim talia non essent digna venia, sed quæ ignorantes facimus per ignoracionem. Notandum quod ignorantem agere ut in tertio percipimus, vult philosophus qui ignorat in vniuersali: per ignorantiam vero illum qui in agendo ignorat in particulari aliquam circumstantiam. Exemplum primi, ut si quis ignoraret esse adulterum turpe: exemplum secundi, ut si quis ignoret hanc esse uxorem vicini, existimans, & credens sine dubio esse suam. Quare primus ignorans tantum in vniuersali non est excusandus, sed ignorans: & non solum ignorans tantum, sed per ignoracionem in particulari circumstantia aberrans dignus videtur venia, si simul sit ignorans, & per ignoracionem agat. Item

si quis ignorans agit ob perturbationem, aut necessariam, aut humanam, videtur venia dignus: ut si quis egerit ob famem, quia talis est ignorans in vniuersali, & compellitur ab affectu necessarii. Nam si compulsus vel incitatus ob voluptatem non ob famem egerit iniuriam, non est dignus venia. Ideo addidit perturbatione non humana, & cetera, ut apparet in textu. Hic videtur esse duobus modis venia dignus, aut cum errat, & agit per ignorantiam, siue sit ignorans in vniuersali, siue non, dummodo agat per ignorantiam in particulari ignorando aliquam circumstantiam: aut cum ignorans in vniuersali, & sciens in particulari agit aliqua naturali necessitate compulsus ut fame. Sed si ignorans in vniuersali lædat, & noceat nulla necessitate compulsus, nec excusatione, nec venia dignus esse videtur.

## De pati iniuriam.

## Cap. IX.



Mbigit autem quispiam si determinatum sit satis: de facien-  
do, patiendoque iniuriam. Atque si ita sit ut Euripides in-  
quit, absurde dicens. Quæris parentem quomodo occidi  
meam? Sermo est brevis: non exitus longos habet. Volens  
volente, vel volentem non volens. Vtrum enim reuera sua sponte quis-  
piam iniuriam patiat an nemo, sed omnes inuiti, quemadmodum &  
omnes qui iniuriam agunt, sua faciunt sponte? Et vtrum omnes hoc  
modo: an quidam inuiti. Similiter & cum patiuntur homines ius? nã  
omnes cum ius agunt, sua faciunt sponte. Quare consentaneum est ra-  
tioni, similiter opponi eos qui iniuriam, & qui ius patiuntur, ut aut spõ-  
te patiantur aut inuiti: at absurdum videbitur si omnes etiam ius pati sua  
sponte dixerimus. Nonnulli nanque non sua sponte ius patiuntur. E-  
nimvero de hoc quoque quispiam dubitauerit si omnis qui passus est  
iniustum, iniuriam patitur: an ut in agendo sic & in patiendi res sese  
habet? Etenim fit ut ad vtrumque per accidens ipsa iusta accomode-  
tur, & eodem modo iniusta. Nõ enim est idem iniusta agere, & iniurias  
agere, neque iniusta pati, & iniurias pati. Similiter & in agendo, patien-  
doque ius. Fieri enim non potest ut patiat ut quispiam iniuriam. Nisi quis  
iniuriam faciat. Aut ius patiat: nisi ius quispiam agat. Quod si simpli-  
citer iniuriam facere, sit sua sponte quẽpiam lædere: & id ipsum, sponte  
inquam lædere: sit lædere scietem & quem, & quo, atque quomodo, in-  
continens autem ipse sibi sua noceat sponte, ipse nimirum iniuriam pa-  
tatur sua sponte, fierique potest ut sibi ipsi iniuriam faciat. Atque hoc etiã  
ipsum, vnum quid est eorum quæ dubitantur: si fieri inquam possit ut si-  
bi ipsi quispiam iniuriam faciat. Præterea fit ut sua spõte quispiam ob in-  
continentiam ab alio sponte nocente lædatur. Quare fit ut sua sponte  
quispiam iniuriam patiat. An definitio dicta non recte sese habet, sed  
huic, lædere inquam scientem quem, & quo, atque quomodo: hoc est  
addendum præter illius voluntatem? Læditur igitur sua quispiam spõte  
patiturque iniusta. Sed iniuriam sua sponte patitur nemo, nemo nãque  
vult, neque incontinens ipse sed præter voluntatẽ agit. Neque enim vl-  
lus id vult quod nõ existimat esse bonũ, incontinens autem id agit, quod  
non putat esse agendum. Qui vero dat sua, quemadmodum arma sua

Diomedes Glaucus dedit, ut dicit Homerus. Proque nouem, centum: pro ferro tradidit aurum. Is iniuriam non patitur: dare nam est collocatum in ipso. Sed ut iniuriam patiat, non est in potestate ipsius situm: sed is sit qui iniuriam agat oportet. Patet igitur sua sponte neminem iniuriam pati. Insuper ex iis quæ proposuimus, hæc duo restant deinceps dicenda: uter iniuriam faciat, utrum is qui plus præter dignitatem tribuit, an is qui illud habet: & si fieri possit ut sibi ipsi quispiam iniuriam faciat: Etenim si sit illud quod prius est dictum, & qui distribuit non, qui plus habet, iniuriam faciat, si quispiam plus alii quam sibi tribuat sciens, sponteque: quod quidem moderati homines facere videntur (bonus enim & æquus, minora sibi tribuere solet) is profecto sibi ipsi iniuriam facit. An neque hoc simplex est? Ex alio namque bono plus forte consequitur: ut gloriam, aut absolute honestum. Soluitur præterea & per diffinitionem agendi iniuriam. Nihil enim ipse præter suam patitur voluntatem. Quare non iniuriam patitur ob id ipsum: sed si minus capit, læditur tantum. Patet autem distribuentem, iniuriam agere: sed non eum semper qui plus habet. Non enim is iniuriam facit cui inest iniustum: sed is cui potestas inest id faciendi sponte. Hæc autem est unde est principium actus. Quod quidem in ipso est distribuyente, non in accipiente. Præterea cum facere multis dicatur modis, & modo quodam expertia animæ, & manus, & feruus occidat hero iubente: iniuriam quidam non agit, iniusta autem facit. Insuper si iudicauit ignorans, non iniuriam facit legitimo iusto, nec est iniustum iudicium, est tamen aliquo modo iniustum. Aliud enim est legitimum iustum: aliud primum. Sin vero cognoscens iudicauit iniuste: plus habet & ipse vel gratiam vel vindictam: perinde igitur & is, qui ob hæc iudicauit iniuste, plus habet, atque si quispiam acceperit iniuriæ partem. Nam in illis, qui fundum peruerso iudicio tribuit: non fundum cepit, sed argentum. Atqui putant homines in seipsis esse situm iniurias facere. Quapropter & iustum esse facile arbitrantur. Hoc autem non ita sese habet. Coire namque cum vxore vicini, & pulsare proximum, dareque argenti manu facile est, & collocatur in ipsis: sed hæc agere sic se habentes, neque facile est, neque in ipsis est situm. Simili modo cognoscere iusta atque iniusta, nullam sapientiam esse putant. Propterea quod non est difficile, ea de quibus leges dicuntur: intelligere. At non hæc sunt ipsa iusta: nisi per accidens. Sed tunc sunt iusta cum quodam aguntur modo: & quodam distribuuntur modo. Id autem difficilius est, quam ea quæ sanitatem efficiunt scire. Et ibi namque mel, vinum, veratrum, aduersionem, incisionemve scire, per facile sane est. Sed quoniam modo ad sanitatem efficiendam, & cui, & quando sint tribuenda, tanta est difficultas scire, quanta est medicum esse. Ob id autem ipsum, & iusti non minus esse putant iniuriam facere, quia viriustus non minus, sed etiam magis horum singula facere potest: vitare inquam vxorem cuiuspiam,

& pulsare aliquem. Et vir fortis in acie proicere clypeum: tergisque ver-  
sus fugam arripere. At timide agere & iniuriam facere, non est hæc face-  
re, nisi per accidens. sed sic se habentem hæc facere. Quemadmodum &  
mederi, atque curare non est incidere, vel non incidere, aut medicamen-  
ta dare, aut non dare. sed hoc modo sese habentem hæc agere. Iusta au-  
tem in iis sunt qui participes sunt eorum quæ sunt simpliciter bona. Ha-  
bent autem & exuperationem in his & defectionem. Nam quibusdam  
non est ipsorum exuperatio, vt diis fortasse: quibusdam vero nulla pars  
est utilis, incurabilibus inquam malis, sed omnia nocet. Quibusdam au-  
tem vsque ad aliquem terminum, atque hoc est humanum.

## Commen.

**A**MBIGET autem quispiam. Hoc est quartum capitulum huius secundi tractatus, in quo  
mouet plures dubitationes quæ oriri videbantur ex ante dictis, & eas soluit. Diuiditur au-  
tem hoc capitulum in quatuor partes. In prima mouet tres dubitationes, & ibi includitur  
vna alia: & sic videntur esse quatuor, & eas soluit, & ex illis oriuntur duæ aliæ dubitati-  
ones quas etiam soluit postea in secunda parte. In tertia affert tres opiniones de facilitate iusti, &  
eas reprobat. In quarta ostendit in quibus bonis, & personis sit iustum, & in quibus non sit. In  
prima igitur parte format talem dubitationem: vtum re vera sua sponte quis patiatur iniuriam.  
Deinde hoc pacto, vtum omnes patiantur iniuriam inuiti, an quidem inuiti: quidam sponte vel  
volentes vt inquit. Notandum quod philosophus congrue mouet hanc dubitationem, quia dixit  
ante quod is facit iniuriam qui sponte agit iniustum: & si agit sine electione non est iniustus, si  
eligens est iniustus. Ex quo videtur quod omnis qui patitur iniuriam sponte patiatur: sicut a-  
gens sponte agit. E contra etiam videtur quod sicut agere iniuriam est sponte, sic e contra pati  
iniuriam fiat inuite, & hæc videtur esse vera sententia. Cogitur etiam mouere talem quæstionem  
ex sententia Euripidis, qui inducit Bellerophontem se hoc pacto excusantem de matricidio, q  
volens volentem, aut volentem volens occidit, ac si mater voluisset vt sibi fieret iniuria. & hanc  
sententiam non videtur probare philosophus, ideo dixit absurde Euripidem dicere: nam potest  
bene conuenire volens volentem, aut nolens nolentem: Euripides vero contrario modo eam at-  
tulit: ideo mouet quæstionem philosophus [E T V T R V M omnes.] Affert aliam dubitationem  
ex opposito: nam sicut dubitamus vtum omnis qui patitur iniuriam sponte patiatur: sic de iis  
qui patiantur ius vtum omnes inuiti an volentes patiantur ius: an quidam sponte, quidam inui-  
ti, & hoc est verum. Sunt igitur duo paria oppositionum, iniuriam agere, iniuriam pati: ius age-  
re & ius pati. Et videtur consentaneum quod eodem modo ista opponantur, vt si alterum sponte  
agatur, & alterum quoque: & similiter, si pati iniuriam fiat sponte, eodem modo ius pati sponte  
fiat: ita vt eodem pacto formetur quæstio de patiendo ius sicut de patiendo iniuria. Et dicit phi-  
losophus q videtur absurdum dicere, quod omnes sponte patiantur ius. Nam ius est vel emenda-  
tio iniuriæ vel æqua retributio. Ille igitur cui datur, & redditur sponte videtur pati: ille vero cui  
aufertur non sponte pati ipsum ius, nec ille similiter, qui mittitur ad supplicium. Quare quidam  
sponte, quidam inuitus patitur ius, & hæc videtur vera determinatio huius quæstionis de patien-  
do ius. [E N I M vero de hoc.] Affert aliam dubitationem philosophus, quæ oritur ex dictis & eâ  
soluit. Dubitatur enim vtum omnis qui patitur iniustum patiatur iniuria: ita vt idem sit iniustum  
pati, & iniuriam pati. Quatuor igitur sunt oppositiones, scilicet iustum agere, iustum pati: iniustum  
agere, iniustum pati: ius agere, ius pati: iniuriam agere iniuriam pati. Soluit autem philosophus per  
distinctionem iniusti & iniuriæ, ostendendo quod non est idem iniustum pati, & iniuriam pati.  
Sicut enim agens inuitus & per accidens agere potest rem iniustam, non tamen agit iniuriam: sic  
patiens pati potest per accidens iniustum, non tamen patietur iniuriam. [A D vtunque.] Scilicet  
ad agentem & patientem accommodatur iustum & iniustum per accidens: nam agens quando agit  
sponte per se quidem agere videtur. Vnde superius dixit philosophus. Iniuria autem atque ius de-  
finiuntur si sponte vel inuite agente proficiantur. Nam cum à sponte agente proficiantur, vir-  
tueratur, & simul tum etiam iniuria est. Quare quippiam erit quidem iniustum, sed nondum  
iniuria: quando vero agit inuitus, aut per vim, aut per ignorantiam dicetur agere iniustum per  
accidens, vnde philosophus supra eodem loco inquit. Agit enim ea quibus accidit vt sint iusta  
aut iniusta. Nam si quis compellus manu alterius aliquem percutiat vel ignorauerit esse pa-  
træ, per accidens videtur egisse iniustum. Eodem pacto si quis inuitus depositum reddat per ac-  
cidens egit id quod est iustum. Similis ratio erit de patiente. Per se enim patietur, & per accidens




iniustum patietur eo modo quo diximus. Quare non est idem pati iniustum, & pati iniuriam vel pati iustum, & pati ius. Nam ius & iniuria pender ab alio agente. Iniustum vero videtur quod aliquis sibi ipsi facere possit per accidens ut diximus, ut si quis seipsum lædat inuitus. At iniuriam facere est sua sponte lædere, & scientem quem & cætera. Notandum pro declaratione omnium quæ dicta sunt hucusque in hoc capitulo, quod hic notandi sunt isti duo termini, scilicet agere & pati, deinde isti quatuor. Iniuria, ius: iniustum, iustum, quorum quilibet coniunctus cum altero duorum illorum facit vnā oppositionem. Vnde quatuor oriuntur oppositiones, scilicet iniuria agere: iniuria pati. Ius agere, ius pati. Iniustum agere, iniustum pati. Iustum agere, iustum pati. Querit igitur philosophus de prima oppositione hoc modo. vtrum quis sponte patiatur iniuriam, & concludit q̄ non, sed à contrario fit, eodem modo de pati iniuriam vel de agere iniuriam. Nam ut agere iniuriam semper fit sponte ita pati iniuriam semper videtur fieri inuite. Deinde querit de secunda oppositione. vtrum semper ius pati fit sponte, ut ius agere semper fit sponte, & concludit q̄ non est similiter de istis oppositis, ius pati fit sponte, sed ius agere semper fit sponte. Sed ius pati quandoq̄ fit sponte quandoq̄ inuite vel à quodam sponte à quodā inuite, ut ostendimus. Post hæc querit de altera oppositione, scilicet tertia, vtrum fit idem iniustum pati, & iniuria pati: & concludit q̄ eodem modo fit de pati iniusta sicut de agere iniusta, sed non idē est pati iniustum, & pati iniuriam, ut declarauimus. Postremo declarat quartā oppositionem, ostendens quod sicut aliud est iniustum pati, & iniuria pati vel agere, similiter aliud est iustum pati, & ius pati vel agere. [Q V O D si simpliciter.] Corroborat quæstionem iam antea allatam asserendo primo descriptionē agendi iniuriā. Scquod agere iniuriā est sponte sua lædere, cognoscendo singula circa quæ versatur talis actio. Postea probat q̄ potest aliquis sua sponte iniuriā pati, & primo ostendit hoc exemplo incontinentis qui videtur sibi ipsi iniuriā facere, ergo ipsemet patietur. Deinde ostendit idem alia ratione. Fieri. n. potest ut aliquis, puta incontinens, patiatur sponte sua lædatur ab amica. Quare videtur ut aliquis sponte volens sua iniuriā patiatur, quamvis hoc non sit verū. [A N definitio.] Soluit dubitationē philosophus accipiendo illam descriptionē sponte agendi iniuriam, & addēdo ei vnā partem: ex cuius additione soluitur dubitatio. Cum enim dicit iniuriā facere est sponte sua lædere, sciendo quem & quo & singula alia. Addendū est præter voluntatē illius cui affertur iniuria: ex quo patet quod nemo volens patitur iniuriā: læditur autem sua sponte, & patitur id quod est res iniusta, non tamen volens patitur iniuriā. Nā si incontinens de quo magis videtur, non vult iniuriam pati, multo minus cæteri. Quod autē incontinens nolit ex eo percipitur, quia aduersatur rationi, & ei parti quæ est pars rationalis sequendo appetitum sensitiuum: q̄ autem nolit id quod agit patet, quia nemo vult nisi bonum, & tamē ille agit quod non putat esse agendum, sequendo appetitum sensitiuum. & asserit exemplum Glauci, quem Homerus inducit recognouisse in bello Diomedem hospitem patrum, noluisseque secum pugnare, & inuicē arma permutasse, Glaucom dedisse arma aurea, & accepisse ferrea, & per hoc videtur soluere secundum argumentum, quia dat sua sponte, ergo non patitur iniuriā. Oportet enim ut fit qui agit iniuriam. Sua autem donans non patitur iniuriam, quia in potestate eius est sua donare: sed iniuriam pati non est in potestate eius qui patitur. Cōcluditur ergo quod nemo volens iniuriam patitur. [I N S V P E R ex iis quæ proposuimus.] Secūda est pars capituli vbi ex supra dictis duo determinanda restabant. sc. vtrum iniuriam faciat is qui distribuit an qui accipit ultra dignitatem. nam ex eo quod de Glauco diximus quod qui sua donat non patitur iniuriā, illa quæstio oriri videtur in distribuēdo vtrum faciat iniuriam an qui plus tribuit an qui plus accipit. Secūda quæstio est vtrum sibi ipsi quis iniuriam faciat quam voluit superius, & in fine huius libri eam latius soluet. [E T enim si sit id.] Arguit nunc per secundā quæstionē augendo ipsam, & dicendo q̄ qui sibi minus tribuit quā dignitas posulet, videtur sibi iniuriā facere, & hoc videtur pendere à primā dubitatione. Nam si quis distribuat sibi, & alteri & sibi tribuat minus quā sua dignitas exigit, tunc videtur enire ut aliquis sibi ipsi faciat iniuriā, & tamen nō destit homines hoc obseruare videtur. Quomodo ergo se res habebit? Nā hæc ratio videtur cōfirmare dubitationē nostram. sc. an quis sibi ipsi iniuriam affert. Prius est dictum. sc. dubitando non tamē soluēdo. [A N neque hoc simplex.] Affert philosophus duas solutiones. prima est q̄ illi minus sibi tribuitur pecuniarum vel huiusmodi bonorū quæ dicuntur fortuna, plus tamen sibi tribuitur gloriæ & honestatis. Quare non est illud intelligendum simpliciter q̄ sibi minus tribuat: quia de aliquibus minus de aliquibus plus. Aliam solutionē affert per diffinitionem agendi iniuriā, quia agere iniuriā est sponte sua facere alicui rem iniustam præter voluntatem eius cui affertur. Soluitur igitur ea dubitatio, quia cum sponte sua sibi minus tribuat, patet q̄ non facit sibi iniuriam, quia nō patitur ipse iniuriā cū non sit præter eius voluntatē. Notandū quod illi qui plus tribuit aliis quā sibi, faciunt propter honestatem, ne videantur causa sui esse in magistratibus constituti: tamen sibi ipsi non faciunt iniuriam duabus rationibus: primo quia faciunt id præter honestatem & gloriæ quibus adæquatatur illud minus quod sibi tribuunt. Secundario cum sponte sibi sumat illud minus, est quædam læsio, & quoddam detrimentum voluntarium, non autem iniuria, quia fit sponte sua. Quare non sibi ipsi facit iniuriam ut apparebit in sequentibus latius. (P A T E T autem.) Soluit primā dubitationem philosophus vter faciat iniuriā an qui plus distribuit

an plus habet præter dignitatem. Et concludit tribus rationibus, quòd non semper qui plus habet, sed qui distribuit, facit iniuriam: & bene dicit non semper, quia aliquando fieri potest ut accipiens habensque plus, iniuriam faciat, ut si quis distribuat sibi, & cæteris vel huiusmodi. Prima autem ratio philosophi talis est. Is qui sua sponte facit iniustum facit iniuriam: sed qui distribuit plus quam dignitas patitur facit sua sponte iniustum, ergo iniuriam: & nõ ille semper qui plus suscipit plusque habet: nam principium agendi esse videtur in distribuente. Notandũ quòd semper fieri videtur ut qui distribuit plus agat iniuriam. Fit etiam quandoque ut qui præter dignitatem habet plus à distribuente, iniuriam agat. Veluti si quis distribuat sibi & alteri, & sibi præter dignitatem plus tribuat, & hoc fit cum evenit ut idem sit distribuens, & accipiens. Vel etiam si accipiens ipse distribuente corrumpat. Simpliciter ergo distribuens plus quam æquũ fit facit iniuriam. Accipiens vero quandoque non autem semper facere videtur iniuriam, & eo pacto quò diximus. [P R A E T E R E A si facere.] Hæc est secunda ratio talis ad idem probandum quòd distribuens plus est ille qui facit iniuriam, non autem semper ille qui accipit: & præsupponit quot modis sumitur facere, scilicet tripliciter inuenire videtur, scilicet aut non proprie sua sponte: vel sua sponte, & cum electione. Nam dicimus inanimatum aliquod occidere ut lapidẽ, & huiusmodi, & item animatum ut feruum. Vtrumque videtur esse instrumentalis causa, sed alia inanimata alia animata quæ faciunt iniusta. Causa autem principalis est illa in qua est principium agendi, & mouendi, instrumentalis animata ut feruus: inanimata ut lapis: ex parte igitur agentis, & distribuents plus quam decet erit iniuriam facere, non autem semper ex parte habetis. [I N S V P E R si iudicauit.] Tertia ratio qua idem probat asserendo distinctionem quandam, quam etiam supra attulimus, & huic loco potius accommodata esse videtur quam illi. Nam distribuens potest tripliciter considerari, ut faciat, aut inuitus, aut sponte, aut electione. Primum fieri potest ignoratione. Sed ignoratio est duplex, aut iusti naturalis, aut iusti legitimi. Tunc si ignoras hæc ambo agit non agit iniuriam, scilicet per se: si vero alterum ignorauerit tunc aliquo modo illa res est iniuria, aliquo modo non est. Quòd si vtrumque iustum cognoscens egerit distributionem iniquam, tunc manifeste facit iniuriam. [N E C est iniustum.] Scilicet secundum leges. [A L I V D primum.] Scilicet iustum naturale. [P L V S habet.] Nam si non habet plus eius rei quam dat: tamen habet eius quod appetit, scilicet vel gratiæ vel vindictæ: & eodem modo plus habet, & est iniustus, ac si haberet partem eius rei quam dat, puta agrum vel aliquid aliud pro parte ipsius ut argentum. [A T qui putant homines.] Hæc est tertia pars huius capituli, in qua philosophus adducit tres opiniones quæ tunc florebant apud vulgus, & eas refellit. Prima erat quòd facile est esse iustum, & hoc quia facile est esse iniustum, cum in nobis sit positum facere iniuriam cum volumus, & item cum in nobis sit collocatum facere iusta, ergo vtrumque erit facile. Hanc opinionem reprobatur philosophus, quòd licet in nostra potestate sit facere iniuriam, tamen determinato quodammodo, & sic se habentes non est facile: aut quia non habent habitum, aut quia deficit materia iniuriandi, ideo non semper est situm in nobis. [E S T facile.] Id est facilius quam esse iustum. [C O L L O C A T V R in ipsis non tamen semper.] Notandum quòd in nobis est simpliciter collocatum esse iustus vel iniustos, & omnino esse studiosos vel vitiosos. Sed si consideremus conditiones quæ requiruntur ad vtraque opera, & ad generationem vitij vel virtutis, nõ videtur facile nec semper esse in nobis ut agamus cum velimus. Multa enim sunt quæ prohibere possunt nostras operationes, siue bonas siue malas, & opus est tempore in acquirendo vtrumque habitum, licet facilius sit vitiosum euadere quam studiosum. Et ideo non repugnat sibi, & ei quòd antea dixit virtutes, & vitia esse in nostra potestate, & operationes studiosas vel vitiosas: nam simpliciter loquendo ita est, sed loquendo cū hac additione quandocunque volumus, patet quòd nõ semper fit ut quando, & quoties velimus agamus & cum facilitate. Non enim facile est habitum acquirere præsertim habitum virtutis. [S I M I L I quoque modo.] Secunda opinio eorũ qui dicebant quòd facile est cognoscere res iustas, & iniustas, & ex hoc arguebat facile esse iustas operationes exercere: hoc pacto. Id quòd facile percipitur, facile potest fieri: sed res iustæ facile percipiuntur, ergo facile possunt fieri. & ratio nem probant ex eo quòd iusta docentur à legibus, & iuris peritis, quorum diffcultate percipere nõ est difficile nec magna sapientia, & ex consequenti non esse rem magnā nec diffcultem iustas operationes producere. Hoc autẽ refellit philosophus, dicendo, quòd licet facile sit percipere iusta, quia facile percipiuntur leges & præcepta iuriconsultorum, tamen illa quæ dicuntur in illis locis sunt iusta, non per se, sed per accedens: non enim iustum in scripto est per se iustum: sed quòd respicit voluntatem, & principium sponte agendi. Quare & si facile sit percipere iustum ut scriptum, tamen non est facile id agere, & eo modo sicut fieri debet iusta, id est secundum illas conditiones quæ requiruntur ad iustas operationes: sed est diffcultius, quā scire ea quæ sunt sana in medicina. Accommodat enim hanc dubitationem ad medicinam, in qua non est difficile scire ea quæ sunt sana, sed vti ipsis ut oportet ad faciendam sanitatem: tanta est diffcultas, quanta est medicū euadere. Facile est enim scire quòd helleborũ purgat talem humorem, tamen vti illo ut oportet, & quando oportet ad sanitatẽ faciendam est valde difficile. facile est ergo cognoscere res iustas materialiter: Sed vti illis ut oportet, & quando & quomodo difficile. [C E R T O modo.] Scilicet per

- electionem, & seruatis conditionibus quæ requiruntur ad virtutē, & quas præscribit recta ratio.
- 101 [A T QVE ob id ipsum.] Affert tertiam sententiam quorūdam dicentium non minus iustum quā in iusto facile esse iniuriā facere alijs, nec minus ad eum pertinere. Nam dicūt esse in nostra potestate esse iustum vel iniustum. Cū igitur ista sint posita in nostra potestate, inquit facilia factū sunt: ergo videtur quod iustus cū vult facere potest iniusta: quia ipse scit iusta, & iniusta cum scientia sit contrarium hoc pacto: non autem eo vt iniustus sciat iusta: & ratio est, quia per rectum cognoscimus obliquum: non autem e contra, quia rectum est iudex sui & obliqui, non autem e contra, ergo iustus scit iusta, & iniusta. Quæ cū ita sint, patet quod iustus potest facere res iniustas melius quā iniustus, quia melius illa cognoscit. & probant hoc exemplis vt vitiantem vxorem alienam vel pulsando, & similibus vt patet in textu. Hoc refellit philosophus, & dicit quod iustus non potest agere res iniustas, & quod hoc est impossibile, quia iniuste vel timide agere, non est hæc facere nisi materialiter, & per accidens: sed iniuste vel timide agere sic se habentem, id est sic & hoc pacto dispositum & habentem iniustitiam vel timiditatem ad quod requiritur vt habet electionem. Iustus verò non habet electionem iniuste agendi: ergo non aget iniuste nisi per accidens, & quasi materialiter, sicut dare potionem non est mederi nisi materialiter: sic ergo vitare vxorem cuiuspiam est iniustum materialiter. Quod si fiat ab habente iniustitiam erit etiam iniuria, scilicet si agatur ab habente talem dispositionem vt sit sed iustus non habet talem dispositionem, nec iniustitiam, ergo non aget ista vt iniuriā, vt si habeat rem cum vxore vicini per ignorantiam existimans esse suam. Ob id ipsum, scilicet quia putant facile esse scire iusta, & iniusta, & ideo facile esse euadere iustos, & iniustos cum volumus. [S I C se habentem.] Vt sponte agentem vel cum electione & habitu. Hic igitur loqui videtur philosophus de
- 102 iniuria quæ fit cum electione. [I V S T A autem in iis.] Hæc est quarta pars huius capituli, in qua ostendit in quibus bonis dici debeant esse iusta de quibus loquutus est, & ad quos pertinet ista iniustitia, tam distributiua, quā commutatiua. & dicit quod hæc iusta sunt in his qui sunt participes bonorum simpliciter, & quia simpliciter bona multifariam dicuntur: ideo addit & explanat de quibus bonis loquatur. Nam proprie simpliciter bona sunt bona animi, vt virtutes, diuitiæ verò dicuntur simpliciter bona, quia sunt semper bona apud probum hominē, & sanā mentis: & ideo dicunt bona simpliciter, quia vir bonus semper virtutē recte diuitiis, & honoribus, & alijs generis eiusdem. Verum declarat de quibus bonis loquatur cū dicit habet autem exuperationem & defectionem. Bona verò animi non suscipiunt excessum nec defectum, quia virtus consistit in medio indiuisibili. Quare ista interna bona non auferūt ab externo nec distribuuntur vt externa, ideo bene adiunxit de illis quæ suscipiunt excessum & defectum. Post hæc ostendit philosophus quibus personis competunt ista iusta. Nam si iustum competit his qui habent & versantur circa hæc bona externa. Non competit forsitan diis, id est substantiis separatis. & addere videtur fortasse propter Platonem qui in illis dixit esse viuites, quod philosopho non videtur placere, quia virtus videtur esse sedatio perturbationum: quare vbi non est perturbatio non ponitur virtus. At videtur absurdum ponere in substantiis separatis affectus, & perturbationes. Quare tales virtutes, & iusta non competent eis, verum adducere rationem Platonis, & ostendere de quibus virtutibus loquebatur, & quomodo, non videtur esse præsentis temporis. Cū igitur hominibus talia iusta competant dicit philosophus non tamen omnibus, quia prauis & insanabilibus non sunt talia bona distribuenda, nec iniquo quicquam dari debet, quia esset sibi instrumentum ad vitia. Restant ergo vt studiosis, & paratis exercere operationes studiosas talia competent iusta, quorum alter est magis vel minus studiosus, & talibus ista bona vtenda, & distribuenda competent vsque ad aliquem terminum. Nam tales sunt medij inter substantias separatas quibus non competunt humana bona: & inter iniquos, & improbos homines & insanabiles, quibus nulla talia sunt tribuenda, quia peruerterent & abuterentur. [Q V I BVS D A M vero.] Hoc refertur ad substantias separatas ad quas non esset excessus talium bonorum. i. non possemus excedere intribuendo secundum conditionem earum. deficeremus enim, & omnia nostra bona deficerent ab merito, & dignitate earum. Quia longe plura, & maiora bona conuenirent eis quā tunc ea quæ à nobis tribui possint, quāuis ista nullo modo competāt eis, quibusdam scilicet hominibus aliquo modo studiosis, hoc est humanum, scilicet iustum.

## De æquitate &amp; bonitate, &amp; æquo &amp; bono. Cap. X.

- 105  Einceps autem dicendum est de æquitate & bonitate, atque æquo & bono: quonam modo sese habet æquitas quidem & bonitas ad iustitiam: æquum autem & bonū ad iustum. Nam considerantibus neque simpliciter idem, neque genere diuersum esse videtur. Atque interdum laudamus æquum & bonum: virumque talem. Quare & alia alludātes trāserimus pro bono: ipsum æquius,
- 106

declarantes melius esse. Interdum rationem sequentibus absurdum vi-  
 detur: si æquum & bonum (si sit quid præter iustum) laudabile sit. Nam  
 aut iustum non est studiosum, aut æquum & bonum, si aliud sit à iusto,  
 aut idem sunt, si vtrunque est studiosum. Hæc igitur dubitatio ob ea fe-  
 re quæ dicta sunt emergit de ipso æquo & bono. Recte autē aliquo mo-  
 do sese habet omnia: & nihil prorsus ipsius aduersatur. Nam æquum &  
 bonum, iustum est, & est aliquo iusto melius: & non vt aliquod aliud ge-  
 nus, melius est ipso iusto. Idem est ergo iustū, atque æquum & bonum.  
 Et vtrunque quidem cum sit studiosum: præstabilis tamen est ipsum  
 æquum & bonum. Fit autem hæc dubitatio quia æquum & bonum: ius-  
 tum quidem est, non autem quod secundum legem, sed emendatio le-  
 gitimi iusti. Causa autem est: quia lex quidem omnis, vniuersalis est. Fie-  
 ri autem nō potest: vt de quibusdam vniuersaliter recte dicatur. In qui-  
 bus igitur vniuersaliter quidem dicere necesse est, fieri autem non po-  
 test vt recte dicatur: in iis lex id accipit, quod fit plerunque haud igno-  
 rans peccatum. Et est nihilominus recta. Peccatum enim non est in le-  
 ge, nec in legislatore, sed in ipsa rei natura. Continuo nanque rerum ea-  
 rum quæ sub actionem cadunt: materia talis est. Cum igitur lex quidem  
 vniuersaliter loquitur, in iis autem præter vniuersale quippiam accidit,  
 tum recte sese habet, vt ea parte qua legislator omisit, atq; peccauit ab-  
 solute locutus, emendetur defectus, quod & ipse legislator si adesset, hoc  
 modo dixisset, & si sciuisset, iubentē legem tulisset. Quapropter iustum  
 quidem est & præstabilis aliquo iusto, non tamen simpliciter iusto, sed  
 eo quod peccat, propterea quod simpliciter dictum est. Atque est natu-  
 ra ipsius æqui & boni, emendatio legis ea ex parte qua deficit ob vniuer-  
 sale. Hæc enim est causa, & vt non omnia sint lege: quia de quibusdam  
 impossibile est ponere legem. Quare decreto est opus. Indefinitæ nan-  
 que rei, indefinita & regula est, sicut & ædificationis Lesbæ plumbea  
 norma. Ad lapidis enim figuram mutatur, & non manet. Et decretum  
 ad res ipsas simili modo. Patet igitur quid est æquum & bonum, & esse  
 iustum, & quo iusto præstabilius est. Ex quo etiam emergit, quisnam sit  
 homo bonus & æquus. Est enim is qui talia eligit atque agit, & qui non  
 \*exacte iustum in deteriore exequitur partem, sed imminuit, tametsi  
 legem adiutricem ad illud habet & habitus hic æquitas & bonitas est.  
 Quæ quidem iustitia quædam, & non alius quisquam habitus est.

æquum &  
 bonum  
 id est iustum  
 mi iuris  
 homo.

Commen.

DEINCEPS autem dicendum videtur. Hic est tertius tractatus & secunda pars principalis  
 huius libri, in qua philosophus docet de bonitate, & æquitate, & quonam pacto bonū &  
 æquum se habet ad iustum, videtur enim esse iustū quoddam. Quare ad eundem pertinet  
 cōsiderare de bono & æquo ad quē pertinet cōsiderare de iusto. Cōtinet autē hic tractatus vnū  
 capitulum secundum nōnullos. Quidam verò, & forsitan melius dicūt continere duo capitula, &  
 subiciunt ei secundum capitulum, quod illi alij dicunt esse tractatum. Quare isti faciunt vnū tra-  
 ctatum cōtinentem duo capitula: illi duos tractatus, & vnumquemq; vnū capitulum cōtinentem.  
 Quicquid sit, quia nō multū refert. Primum capitulum diuiditur in duas partes. In prima pro-

ponit inquirendo, & dubitando quid sit bonum & æquum. In secunda soluit dubitationes, & ostendit quid sit bonum & æquum. Dicit igitur in primis proponendo suam intentionem quod considerandum est deinceps de bonitate & aequitate, quomodo se habet ad iustitiam, nam videtur nunc esse idem cum iustitia in genere, nunc verò diuersa. i. non esse simpliciter idem: quare dubitatur & incipit philosophus arguere pro vtraque parte. Primum quòd æquum, & bonum non videtur esse idem quod iustum duabus rationibus: prima, Illud quod magis laudari solet quàm iustum, videtur esse aliud à iusto: sed bonum & æquum est huiusmodi, ergo est aliud à iusto. Secunda, Cum accipimus aliquid pro bono, & significans idem cum bono, videmur sumere aliud à iusto. At æquum & bonum est huiusmodi, ergo videntur esse idem inter se, & aliud à iusto. Deinde arguit pro opposita parte, ostendendo quòd æquum & bonum idem esse videtur hoc pacto, Si æquum & bonum non esset idem cum iusto, alterum eorum non est studiosum & dignum laude: consequens falsum, ergo & antecedens. Nam absurdum esset dicere quòd iustum non sit studiosum, & dignum laude, & sic etiam de æquo & bono. Quare vtraque erunt studiosa, & digna laude, & idem. [L A V D A M V S.] Scilicet æquum & bonum magis quàm iustum ho-  
<sup>104</sup> minem. [R E C T E autem aliquo modo.] Hæc est secunda pars huius capituli, in qua soluit dubi-  
<sup>107</sup> tationem, & assert causam eiusdem. Dicit ergo quòd ista quæ opposito modo dicitur de bono & æquo & iusto recte se habent, & non sibi aduersantur vt apparent. Nam & si bonū, & æquum sit cuiusdam iusti correctiuium, atque ex eo melius quodam iusto: non tamen ob hoc est genere diuersum à iusto. Multa enim sunt quorum alterum est perfectius altero, & tamen idem sunt genere. Vt equus & homo idem sunt in genere animalis, vtrunque enim est animal, & tamen homo est longe perfectius, quàm equus. Assert deinde rationem dubitationis, quæ ex eo videtur emergere: quia bonum & æquum est iustum quoddam, non id quod emanat à lege, sed ab emendatione legis, & iuris legitimis: ideo aliquo modo est iustum quod subordinarī videtur ad naturale: aliquo modo non est iustum, quia non est legitimum, sed emendatiuum eius. quare cum v-  
traque sint studiosa: præstabilius est bonum & æquum. Probatur, Omne emendatiuum & emen-  
datio est melior eo quod emendatur, & corrigitur. At bonum & æquum est huiusmodi respectu iusti legitimis, ergo est melius iusto legitimo, non tamen est melius omni iusto vt infra patebit.  
<sup>108</sup> ideo dicit. [A L I Q V O iusto.] & cætera. Sunt idem non tamen simpliciter, sed aliquo modo. No-  
tandum quòd præter iustitiam est bonitas, & æquitas, quidam habitus etiam perfectius animi  
nostri: & cum non transcat limites iusti, tamen est perfectior aliquo iusto vt inferius latius ap-  
parebit. [C A V S A autem est.] Assignat causam cur bonum, & æquum sit emendatio legis, quia  
<sup>109</sup> lex vniuersaliter fertur, & evenit interdum aliquid quod non fuit dictum à legislatore ob natu-  
rum rerum agendam, quæ non est permanens, sed variatur. Quare ubi lex deficit & omittit,  
indiget emendatione & supplemento. Vnde fit vt oriatur bonum & æquum. Ea igitur quæ non  
possunt aliter se habere vniuersaliter, proferri possunt cum sint firma atque stabilia. Ea autem  
quæ aliter possunt atque aliter se habere, non possunt eo pacto vniuersaliter proferri. Lex ergo  
profert vniuersaliter res agendas: quæ cum sint mutabiles, opus est emendatione, quæ nihil aliud  
est, quàm æquitas & bonitas, & tunc potest probari quòd iustum legitimum indiget interdum  
emendatione hoc pacto, Illud iustum quod deficit nec semper est vtile vt seruetur, indiget inter-  
dum emendatione: sed iustum legitimum est huiusmodi, ergo iustum legitimum indiget inter-  
dum emendatione. Patet ratio quia iustum debet esse ob commune bonum societatis civilis, &  
eorum qui simul vivere debent. Sed iustum legitimum deficit aliquando, nec omnibus casibus  
providet, nec semper est vtile vt seruetur. Veluti si lex pœnam capitis ponat, si quis peregrinus  
muros ciuitatis ascenderit: venerunt hostes ad oppugnandam urbem, ascendit peregrinus, & tutatus  
est ciuitatem: lex illa & si non sit mala, tamen in eo casu cui non prouidit, quia est vniuersaliter  
probata, non videtur esse seruanda: quia videretur aduersari iusto naturali quod iubet vt bene fac-  
cienti gratia habeatur. Quare oportet vt aliquando legitimū iustum emendetur. Nam si adesset  
<sup>110</sup> legislator idem diceret. si quòd talis non est puniendus. [A L I Q V O iusto.] scilicet quod emendatur.  
Notandum quæ ea quæ sunt, multi faciam considerari possunt: sed ad hoc propositū, quædam sunt  
perpetua nec mensurantur vilo tempore, nec prius habet atque posterius, sed æterna sunt vt deus,  
& ea quæ sunt in mente diuina: quædam verò sunt producta ab eo, & hæc si accipiuntur in vni-  
uersali secundum suam rationem formalem videntur esse perpetua, vt sunt quidditates rerum, quæ  
non possunt aliter se habere: & talia videtur firma, & sequi naturam productoris, non tamen ean-  
dem perfectione qua deus eorum auctor. Quare diminute videtur habere suam perpetuitatē, quia  
dependent à causa sua. Verum si accipiuntur in singulari, tunc singularium quædam videntur esse  
perpetua, quædam non. Nam cælum secundum hunc philosophum semper manet, vt in libro de  
cælo dicere videtur. Verum perpetuitas cæli magis operē differt à diuina, quia diuina vna atq;  
eadem simul nec est ibi aliqua mēsa aut motus. Cælum verò tempore mēsuratur cum moueat-  
<sup>111</sup> tur in loco. Est enim tempus mēsa motus secundum prius atque posterius, vt ait philosophus  
in libro physicorum, ex quo videtur secundum motum habere imperfectiōnem, nam motus est  
actus imperfectus. Verum ea singularia quæ sunt à concavo lunæ ad centrum terræ (de anima-  
bus humanis, & substantiis nō loquor quæ perpetuæ sunt & à perpetuo auctore producuntur, & non



composita vilo pacto ex materia: ea in qua singularia magnopere permutantur si secundum potentiam suam fumantur: sin verò secundum communem ordinem, producendi plerunque sunt eodem modo: nam vt plurimum homo nascitur cum quinque digitis. Sed dicimus sæpe permu-  
tari, quia quotidie quadam generantur, quædam corrumpuntur: vnde mundas iste inferior ge-  
nerabilis, & corruptibilis appellari solet. Verum ea quæ aguntur à nobis maiorem etiam susci-  
piunt varietatem, & ideo cum lex velit vniuersaliter providere non potest in his quæ aliter at-  
que aliter se habent, adeo vt id quod iustum vno tempore videtur & est, alio tempore esset ini-  
ustum. Talis est conditio rerum agibilibus, quæ ex opere nostri intellectus dependent, & hinc or-  
ta esse videtur bonitas, & æquitas legis correctiua. quare præclare noster Cicero, Incidunt sæpe  
tempora cum ea quæ maximè videntur digna iusto homine eoque: quem virum bonum dicimus:  
commutantur fiuntque contraria: vt non reddere depositum, etiam nec furioso facere promissi-  
sum, quæque pertinent ad veritatem, & ad fidem non seruare sit iustum. Referri enim decet ad  
ea quæ posui in primo fundamenta iustitiæ. Primum ne cui noceatur, deinde vt communi utili-  
tati seruiatur. Notandum igitur vt ad nostrum propositum redeamus, quòd fieri potest emen-  
datio legis dupliciter. primo modo cum aliqua lex non est bona nec utilis ciuitati, & tunc fit e-  
mendatio tollendo eam, legemque mutando, quod pertinet ad conditorem legum: alia est emen-  
datio legis, qua non tollitur lex, sed emendatur, quia loquitur vniuersaliter de quibuscumque, de qui-  
bus necessario oportet fieri emendationem non adhaerendo scripto legis, sed & intèntioni legis-  
latoris. prima emendatio legis non est æquitas & bonitas, sed pertinet ad legislatorem: secunda  
verò pertinet ad bonum & æquum quod corrigere debet, & supplere ei in particulari, cui opus est  
in vniuersali non tetigit: sed omisit in eo quæ defecit, nõ quia lex non fuerit recta, accepit enim  
id quod plerunque fieri solet, quia non potuit accipere id quod semper fieri solet ob naturam, &  
conditionem rerum quæ aguntur à nobis, quæ variantur & mutantur, & ideo oportet vt bonitas,  
& æquitas suppleat ex quo aliquo iusto præclarior dicitur cuius est correctiua. [A T Q V E hæc  
est natura.] Hac in parte philosophus describit ipsum bonum & æquum, quod est emendatio legis  
in ea parte qua omisum est propter vniuersalitatem legis in aliquo particulari, cui opus est  
indefinita regula & decretis: sicut videtur esse plumbea quædam regula in lesbo. Nam in illa re-  
gione sunt lapides vehementer duri, ita vt non facile attrahi possint, nec incidendo accom-  
modari ad aliquam determinatam mensuram. Vt si quis vellet reducere multos lapides pro ali-  
quo ædificio construendo, non potest constituere firmam regulam, ad quam possit eos lapides  
reducere tanquam ad communem mensuram. Quare utebantur regula plumbea: quæ posita super  
illos lapides flecteretur per inæqualia illorum lapidum, & sic designare poterant aliquam  
mensuram: cum qua coniungi posset lapis, & quæri alius eiusdem formæ quo ad fieri poterat. vt  
igitur quot sunt formæ variæ illorum lapidum, tot sunt flexiones illius plumbeæ regulæ & men-  
suræ: ita etiam quot sunt particularia, quæ indigent correctione in lege, tot erunt decreta. De-  
cretum enim est particularis lex, quod ad aliquid particulare spectat, quæ decreta sint indetermi-  
nata pro varietate rerum particularium, & ideo non manet idem decretum ad plura particula-  
ria, sed quolibet decretum accommodatur suo particulari pro arbitrio, & deliberatione, quæ  
procedit à iure vel à iusto naturali, quod est in mente boni & æqui viri, qui præstet tali iudicio,  
& hoc est bonum, & æquum, & iustum. [I N F I N I T A E rei.] Id est indeterminata & incerta.  
[Q V O iusto.] Scilicet legitimo, quod deficit ob conditionem rerum agibilibus. [E X quo patet.]  
Declarat concludendo ex prædictis quòd bonus & æquus vir qui talia eligit atque agit, & non  
exacte, iustum in peiorem exequitur partem & cætera. Reliqua vt patet in textu, vnde Cicero,  
Existunt etiam sæpe iniuriæ calumnia quadam, & nimis callida, & malitiosa iuris interpretatione.  
Ex quo illud, summum ius summa iniuria, factum est iam tritum sermone proverbiū. [H A-  
B I T V S etiam is.] Hic afferri potest quædam descriptio æquitatis hoc pacto: quòd æquitas, &  
bonitas est iustitia quadam, & habitus in animo ex electione emendatiuis eorum quæ omittit,  
& in quibus deficiunt leges, quia sunt vniuersaliter latæ. Talem verò habitum in se habens vir  
bonus, & æquus appellari potest. Notandum quòd quantum ad hoc propositum spectat sicut  
fit in speculatiuis, sic in actiuis: sed in speculatiuis scientiis ita fit quòd vnaquæque scientia ha-  
bet terminos suos, vltra quos egredi non licet, & habet principia sua quæ non debent probari ab  
artifice scientiæ illius. probantur autem ab artifice superioris scientiæ: eodem modo fit in virtu-  
tibus, & præsertim in ipsa iustitia de qua loquimur. Nam iustitia legitima procedit ex principis  
suis, & videtur ea præsupponere tanquam nota, & probata. Ea autem sunt quæ iure naturali con-  
tinentur, in quibus fundantur leges, & instituta, quia sunt talia, vt cognitis eorum terminis, &  
quid ipsa significant sine probatione vnusquisque sanæ mentis facile assentiretur. Quare legum  
latores præsupponunt illa principia iusti naturalis: deinde faciunt tanquam conclusiones ex prin-  
cipiis instituta leges suas correspondentes illis. Cum verò accidit aliquis defectus ex conditio-  
nem rerum quæ sunt, & mutantur, quem non comprehendit lex vniuersaliter lata, tunc cum legis-  
lator non adit, accedit vir bonus, & æquus, & quasi subit personam legislatoris, & supplet de-  
cretis vel alio modo, & est quasi iustum quoddam naturale, animatum, emendans ea in quibus  
deficit lex vel decretis, vel alio modo.



**P**Atet autē ex his quæ diximus: si fieri possit vt sibiip̃s quispiam iniuriam faciat necne. Iustorum enim quædam ex omni virtute à lege sunt ordinata, vt lex non iubet quenquam seipsum occidere: quæ verò non iubet, vetat. Præterea cum quispiam contra legem lædit non laesit: tum is iniuriam sponte facit. Sponte autem is iniuriam facit, qui scit & eum cui facit, & modum quo facit. At qui seipsum ob iram occidit: sponte id quod lex non permittit, contra legem efficit rectam: iniuriam ergo facit. Sed cuiam quæso? An ciuitati: non sibiip̃s? Nam sua patitur sponte. nemo verò sponte iniuriam patitur. Quapropter & ciuitas mulctat. & instituta est ignominia quædā aduersus eum qui sibi mortem conscivit, vt ciuitati iniuriam facientem. Præterea fieri non potest vt sibiip̃s quisquam iniuriam faciat ea ratione qua iniustus est: qui solum iniuriam facit, & non omnino est vitiosus. Hic enim differt ab illo. Homo nāque iniustus est quodammodo sic prauus, vt ipse timidus: non vt totam habens prauitatem. Quare nec hac iniustitia sibiip̃s quisquam iniuriam facit. nam idem simul ablatum ab aliquo ac eidem additum esset: quod fieri nequit. Sed semper inter plures, iustum, atque iniustū esse necesse est. Præterea qui iniuriam facit: sponte agit, & electione, & prior. Qui nanque læsus, idem vicissim facit: iniuriam facere non videtur: ipse autem simul eadem patitur, sibi que facit. Præterea sua sponte quispiam iniuriam pateretur. Insuper sine singulis iniuriis, iniuriam facit nemo. At nemo adulterium sua cum vxore committit. Nemo parietem confodit suum. Nemo res suas furatur. Omnino autem hoc (sibi inquam iniuriam facere) solatur definitione iniuriam patiendi, sua nanque sponte patitur iniuriam nemo. At verò constat vtrūque prauum esse: facere inquam iniuriam atque pati. Alterum enim est plus, alterum minus habere medio. quod quidem perinde sese habet atque in medicina quidem quod ad sanitatem: in exercitandi autem arte, quod ad habitudinem corporis bonam conducit. Peius tamen est iniuriam facere. Hæc enim cum vitio est, atque vituperatur. Et vitio vel perfecto & simpliciter, vel prope. Non enim omne quod spōte fit, cum iniustitia est. Sed pati iniuriam sine vitio, & iniustitia est. Pati igitur iniuriam per se quidem minus est malum: per accidens autem nihil prohibet malum esse malum. At non curæ est arti. Sed dolorem lateris maiorem morbum quàm pedis offensionem esse dicit. Quanquam fieri potest nonnunquam contra per accidens, si euenerit vt quispiam offenso pede caperetur ab hoste, & trucidaretur. At qui per translationem atque similitudinem est iustum, non sibi ad seipsum, sed suorum quibusdam. Non omne autem iustum: sed herile, vel rei familiaris. His enim rationibus distat ea pars animæ quæ rationem habet, ab ea parte quæ rationis

est expers. Ad quas inspiciētibus, ad seipsum iniustitia esse videtur: propterea quod in his est pati aliquid contra suas appetitiones. Vt igitur est quod iustum magistratum gerenti, & quibus ipse præest: sic & his etiam esse videtur. Sed de iustitia quidem cæterisque morum virtutibus hoc fit modo determinatum.

## Commen.

**P**A T E T autem ex iis quæ diximus. Hic est quartus tractatus, & tertia pars principalis huius libri secundum nonnullos. At secundum alios est secundum capitulum huius tertij tractatus: sed quicquid sit philosophus docet in eo de iustitia metaphorice dicta. Nam iustitia & iniustitia, dicuntur aut proprie, vt quæ sunt inter diuersos homines: aut improprie vt quæ sunt vnus hominis ad seipsum, & has induxit ob Platonē, qui dixit iustitiam & iniustitiam esse non solum ad alium, sed etiam ad seipsum. Vnde dicere solebat Plato quod nemo patitur iniuriam: sed d omnis homo facit iniuriam, quia quisque sibi facit iniuriam. Hoc autē videbatur esse contra philosophum qui dixit iustitiam esse ad alium, & per hoc etiam differre ab aliis virtutibus. Itaque congruum fuit nunc de tali materia considerare, & etiam de clarare dubitationem ad hoc propositum, scilicet vtrum sibi quis iniuriam faciat. Diuiditur hoc capitulum in tres partes. In prima declarat quod nemo sibi iniuriā facit, ex quo emanat solutio dubitationis motæ. In secunda ostendit quomodo fe habent adinuicem iniuriam facere & iniuriam pati. In tertia quod per translationem non proprie potest quis sibi ipsi iniuriam facere. In prima igitur parte philosophus assertit ipsam dubitationē, & arguit pro ea probando duabus rationibus quod potest quis sibi ipsi iniuriam facere. Prima, Qui agit id quod lex vetat, iniuriam facit: sed qui seipsum interficit, facit id quod lex vetat: ergo iniuriam facit. Sed nulli alij quā sibi, cum ipse sit agens, & patiens: ergo fieri potest vt quis sibi iniuriam faciat. Secunda ratio. Qui præter legem nocet sua sponte, is quidem iniuriam facit: sed seipsum interficiens est huiusmodi, ergo iniuriam facit: & nemini alij nisi sibi, ergo aliquis sibi ipsi iniuriam facit. Notandum quod non videtur verum in omnibus quod si lex non iubet aliquid illud vetet. Sed valet in his quæ sunt mala, quia si lex non iubet aliquod malum, certe vetat illud fieri. vt lex nō iubet filium verberare patrem, ergo vetat illud fieri. Nam sunt quædam adeo manifesta mala, & aduersa naturæ vt lex de illis nō loquatur. [AN ciuitati.] Soluit dubitationem philosophus, ostendendo quod nemo sibi iniuriam facit, & arguendo contra rationes prædictas hoc pacto. Is qui sua sponte patitur non facit sibi iniuriam: sed qui seipsum interficit patitur sua sponte, ergo non facit sibi iniuriam, quia nemo patitur iniuriam sua sponte sed inuitus. Item is qui punitur à ciuitate facit iniuriam ciuitati: sed qui seipsum interficit, punitur à ciuitate, ergo videtur facere iniuriam ciuitati. Notandum quod ferunt antiquitus statutum fuisse legibus, vt qui seipsum interficeret insepultus iaceret: & hoc quia videbatur offendisse rempub. quia auferendo vnum talem, videtur auferre quoddam membrum reipub. & eam ob hanc causam lædere. Plato si adesset, aliaratione dixisset hūc debere affici ignominia & inhumatū iacere, scilicet quia egit contra præcepta diuina, & offendit deum opificem vniuersi, cuius propriū est educere animas à corporibus, sicut etiam eius est introducere easdem: & cum statuerit talem animam tanto tempore in corpore permanere, qui ante cōstitutum tempus eam educit, videtur ledere voluntatē diuinam: veluti si quis fugiat à carcere, vel educat aliquem ante tempus impositum à ciuitate. Ideo Socrates noluit effugere de carcere: non debet igitur anima deduci de corpore antea quā vñsum fuerit auctori suo. Quod tangit etiam Cicero in Catone maiore, Vt ait Pythagoras inquit sine iussu imperatoris, id est dei de præsidio & statione vitæ decedere. Philosophus verò hic publicè tantum tēgit iniuriam, quia loquitur de ciuili. [P R A E T E R E A neque fieri potest.] Cum vñsus sit antea philosophus soluere dubitationem secundum iustitiam legitimā, quæ est tota virtus, vel iniustitiam quæ est tota vitiositas: nunc secundum iustitiam quæ est particularis, & maxime secundum iustitiam correptiuam cōmertiorum, tum iniustitiam eidem oppositam. Et videtur probare hoc pacto per rationē ducentem ad impossibile. Siquis interficiēdo seipsum sibi iniuriam faceret: tūc idem haberet plus, & minus, & idem simul esset quod eidem auferretur, & adderetur, sed hoc est impossibile: ergo & illa positio, scilicet qd aliquis sibi iniuriam faciat est impossibilis, ex qua hoc sequitur, Qui solum iniuriam agit, scilicet secundum iustitiam particulare, non omnino vitiosus, scilicet secundum iniustitiam totam, quæ tota dicitur vitio sita, est, vt timidus qui habet aliquā partem iniustitiae, id est prauitatis [N E C hac iniustitia.] Scilicet particulari. inter plures. i. inter diuersas personas. [P R A E T E R E A qui.] Affert aliam rationem philosophus, quæ formatur à quibuscumque expositioribus hoc pacto, Siquis sibi ipsi iniuriam faceret, tūc vnus, & idem simul ager, & patietur: & non prius ager, & postea patietur: sed hoc est impossibile, ergo nemo sibi iniuriam facit. Sic igitur nonnulli hanc rationem

- Inducunt: & dicunt eam non valere, quia non est impossibile quòd quis simul agat & patiatur, & tamen prior est agens, & hoc esset verum si loquatur de prioritate originis: sed non est ad propositum philosophi, & non bene exponunt hunc textum iudicio meo, quia philosophus vult probare, quòd si quis sibi iniuriam facit, tunc vnus, & idem erit alius à seipso: consequens impossibile, ergo & antecedens. Quòd autem illud sequatur, ut quis sit alius à seipso, probatur: quia si agat sibi iniuriam ipsemet agat, & patietur sponte, & electione & prior. Sed iniuria fit à volente in nolentem: ergo vnus, & idem vellet, & nollit, & esset ex consequenti alius à seipso. Prior quòd sit principium agendi. [P R A E T E R E A sequeretur.] Alia ratio: si quis sibi ipsi iniuriam faceret, tunc aliquis sponte sua iniuriam pateretur: sed hoc est impossibile, ergo & antecedens. Pater ratio, quia non possumus dicere quòd vnus, & idem respectu vnus, & eiusdem iniuriæ sponte agat, & inuitus patiatur eandem iniuriam: nec etiam sponte patiatur ex definitione patiendi iniuriam. [I N S V P E R sine singulis.] Alia ratio ad idem probandum. Quando aliquis iniuriam facit alicui aut verberat eum, aut furatur ei, aut vitiat uxorem vel filiam eius, & sic discurrendo per singula secundum aliquam speciem iniustitiæ iniuriam facit, & cum aliquo istorum vitiorum delinquit in alium, vocatur nomine talis vitij & iniustitiæ. Veluti si surripit aliena vocatur fur, quia furatus est, sed si acciperet sua non vocaretur fur. Item si haberet rem cum sua uxore nò appellaretur adulter, quare si singulas quæremus iniurias non inueniemus aliquam quam sibi ipsi aliquis dicatur inferre. [O M N I N O autem.] Quinta ratio quam affert philosophus ex definitione patiendi iniuriam concludendo quòd nemo sibi iniuriam facit: quia sequeretur quòd pateretur sponte, & volens ipsam iniuriam, & esset contra definitionem superius allatam qua soluitur hæc quæstio: cum ex illa dicatur quòd pati iniuriam non fit sponte ut supra patuit. [D E F I N I T I O N E iniuriam patiendi.] Qua supra diximus quòd patiens iniuriam præter suam patitur voluntatem. [A T verò constat utrunque.] Hæc est secunda pars huius capituli, & locus proprie, ubi philosophus videtur comparare ad inuicem agere & pati iniuriam, sicut fecit in extremis aliarum virtutum. Dicit autem in primis quòd facere, & pati iniuriam sunt mala, & pernitiosa. Probatur hoc pacto, Illa quæ discedit à medio sunt mala, & vitiosa: sed facere & pati iniuriam sunt huiusmodi: ergo sunt mala & vitiosa. Maior patet, minor quoque ostenditur, quia facere iniuriam est plus habere quàm oportet: pati verò est habere minus, medium autè est æquum, quòd nec plus habet nec minus quàm oportet. Probatur hoc exemplo medicinæ, & artis gymnasticæ, in quibus plus & minus est perniciosum: medium verò effectuum, & cōseruatiuum, tum sanitatis, tum bonæ habitudinis corporis: & ipsa sanitas, & bona habitudo in mediocritate quadam consistunt.
- [P E T I V S tamen] Cum declarauerit in quibus conueniunt, scilicet quòd ambo sunt mala: nunc ostendit differentiam eorum, probando quòd longe peius est facere quàm pati iniuriam hoc pacto. Illud quod fit cum prauitate, & merito vituperatur: peius est eo quòd non fit cum prauitate nec merito vituperatur: sed facere iniuriā est cum prauitate, & vituperatur: ergo est peius quàm pati iniuriam pati [V E L perfecte & simpliciter.] Id est, quādo talis prauitas, & iniuria committitur sponte, & cum cognitione, & electione præcedenti. [V E L prope,] scilicet cum talis iniuria fit sponte, & cum cognitione, non tamen cum electione, quia est deterius cum est cum electione: tamen quomodocūque sit ipsa iniuria sponte facta, semper est cōiuncta cum aliqua praua dispositione, & vituperanda. Ille autè qui patitur iniuriam potest esse remotus ab omni vitio, & quando philosophus utrumque appellat malum non est respectu personæ, scilicet patietis, sed respectu inæqualitatis quæ discedit à medio. Nam pati iniuriam est quoddā inæquale, & ille qui patitur non videtur esse in culpa cum non patiatur sponte, & agendi principium sit in agente. vnde Cicero, Pati quam facere præstat iniuriam: sic igitur patiens remotus potest esse à vitio, & à prauitate.
- [P A T I igitur per se quidem.] Licet per se deterius sit facere iniuriam quam pati: tamen per accidens euenire potest, ut sit magis perniciosum pati, ut exemplo probat. Nam medicina comparat inter fe dolorem lateris, & pedis offensionem, & deteriorem dicit absolute esse dolorem lateris, euenire tamen per accidens potest ut ex offensione pedis maior perniciēs sequatur, ut si quis ex offensione pedis ceciderit, & capiatur ab hostibus, non tamen ob hoc est asserendum ita esse simpliciter, quia hoc accidit: de iis verò quæ accidunt, neque ars neque scientia curam habet, nec de iis quæ competunt alicui rei per accidens, cum infinita pene accidere posse videantur, de quibus non datur scientia neque ars. [A T Q V I per translationem.] Hæc est tertia pars huius capituli, in qua philosophus declarat iniustitiam illam quæ per translationem, & similitudinem dicitur. Hanc autem in medium affert propter opinionem Platonis, qui posuit iniustitiam, & iniustitiam sui ad seipsum, & quòd aliquis potest sibi ipsi iniuriam facere. Ipse verò superius multis rationibus probauit quòd iustum & iniustum est ad alium, & inter plures, & quòd nemo sibi iniuriam facit. Ideo hæc affert philosophus quasi dicēdo, Si est iustum sui ad seipsum hoc non est illud de quo principaliter locuti sumus, id est civile iustum, sed veluti quoddam iustum partis ad partem per similitudinem quandam, & simile ei quod est heri ad serum, vel viri ad uxorem, vel etiam patris ad filium. Nam est inter partem animæ rationalem quæ secundum ordinem naturæ imperare debet: & irrationalem quæ debet

obtemperare rationi, sicut seruus domino: vxor quoquo modo viro, & filius patri, vt etiam in fine primi libri vidimus. Notandum quòd Plato posuit iustitiam & iniustitiam sui ad seipsum. Vidit enim quòd anima nostra habet duas potentias, quarum vna est rationalis de se, & natura sua, altera irrationalis: particeps tamen aliquo modo rationis, inquantum scilicet obedit & obtemperat rationi: non tamen vt fiat rationalis per essentiam. Illa prima est potentia qua præcipue homo videtur differre à beluis secundum essentiam & operationes. Secunda verò conuenire videtur cum eisdem, scilicet in appetitu sensitiuo. Videtur tamen fieri posse vt eodem quoque differat, scilicet cum ratio eum sibi obsequentiſſimum reddit. Quòd si econtra fiat, scilicet vt appetitus dominetur rationi, tunc homo videtur quodammodo euadere turpior belua pervertendo ordinem naturæ, quia beluæ non habent rationem, nec ex consequenti appetitum, quæ possit obedire rationi. Quare cum vtuntur appetitu suo non videtur aberrare à terminis naturæ suæ. Cum igitur istarum partium vel potentiarum, (cum enim partes animi dico, potentias intelligo) altera sit producta vt domina, altera vt ancilla, Plato oriri iustitiam dicebat cum ratio dominaretur, & quasi sedens in puppi clauum teneret: appetitus verò obtemperaret, quia vtrique pars haberet quod suum esset. Deus enim ita creauit vel produxit rationem: vt præciperet appetitui sensitiuo. Quod si conuenienter fiat tunc oritur iustitia illa Platonis veluti concordia quædam potentia ad potentiam, & perfectionis ad perfectionem. Quod si secus fiat, scilicet vt appetitus rationem trahat deorsum ad seruitutem, & ad concuam vitam: tunc oritur iniustitia illa quam diximus, & inæqualitas potentia ad potentiam, quia domina ratio captiua trahitur: & id quod obtemperare debet imperat cõtra ordinem quem deus humanæ naturæ imposuit. Hanc iniustitiam appellauit Plato: illam verò iustitiam, ex quo dicebat non modo fieri posse vt sibi quis iniuriam faceret, sed etiam quòd nullæ siebant iniuriæ nisi à seipso. Habemus nos quoque Chrysostomi sacrum dialogum, quòd nemo læditur nisi à seipso. Philosophus autem dicebat, Nemo iniuriam patitur: omnes iniuriam agunt, id est cum sit aliquid iniustum ab aliquo: tunc ille cui inferitur non patitur iniuriam, sed ille inferens agit iniuriam sibi ipsi. Nam si alicui auferuntur fortune, non patitur ille iniuriam, quia sua non erant nec bona animi sui, quorum ablatio est proprie iactura, & iniuria quæ non potest fieri nisi à seipso. Nemo igitur iniuriam patitur hoc pacto: omnes tamen iniuriam agere possunt, scilicet sibi ipsis vt diximus. Et intelligebat de ista iniuria animi qua auferitur rationi quod suum erat, id est imperium, & tributum appetitui quod non est suum: præterea auferitur appetitui perfectio, quam cõsequutus esset obtemperando rationi. Factus esset enim particeps rationis eo pacto quo dictum est si paruisset secundum ordinem, ergo sponte sibi iniuriam omnes faciunt cum operantur aliquod turpe: nemo autem patitur iniuriam, scilicet ab altero. Quæ e si inspiciamus nobilitatem animæ humanæ, & ordinem potentiarum eius, & quomodo alia est nobilior alia, videbitur inter illas esse iustitia quædam, & sic etiam iniuria sui ad seipsum eo pacto quo diximus. Philosophus autem multa dicit antea, & disputauit circa ista, vtrum volenti iniuria fiat, & cætera quæ videbantur procedere contra Platonem. Locutus est autem de ciuili iustitia quæ proprie est ad alium. Verum hæc iustitia interna videtur esse causa externæ iustitiæ, quod forsitan Aristoteles non negasset, cum ipse etiam ostendere videatur cum loquitur de amicitia, quòd amicitia sui ad seipsum videtur esse causa amicitia, quæ est amici studiosi ad alterum amicum studiosum. Quare præclara, & egregia videtur esse Platonis opinio, hic autem philosophus videtur se excusare ab huiusmodi speculatione, dicendo, quòd si qua est iustitia, præter illam quam diximus, scilicet ciuilem, est illa per translationem, scilicet quam Platonici posuerunt. [N O N sibi ad seipsum.] Id est, totius ad totum. [S E D suorum quibusdam.] Id est, partis ad partem, & potentia ad potentiam. [N O N tamen omne iustum.] Quia non erit ciuile. Sed herile, id est, veluti heri ad seruum, & viri ad vxorem & patris ad filium. [H I S rationibus,] scilicet quibus vir distat ab vxore, herus à seruo, & pater à filio. [I N S P I C I E N T I B V S,] scilicet Platonici. [P R A E T E R appetitiones.] Nam ratio appetitui dominari, & vellet trahere appetitum, appetitus econtra appetit trahere rationem, & ita saluatur ratio non spontanei, non quidem totius ad totum, sed partis ad partem. Ita vt idem secundum partem agat, secundum partem patiat, & sibi ipsi quis iniuriam infert, quia sponte faciendum aliquod iniustum, & turpe, seipsum lædit circa bona animi quæ nemo auferre potest nisi ipsemet sua sponte, quod concessisset philosophus, dixisset tamen hanc non esse iustitiam vel iniustitiam ciuilem, id est ad alium de qua loquitur, sed per similitudinem quandam vt dicit in textu imponendo finem libro, & doctrinæ, de virtutibus morum.

*De recta ratione, duplici virtute, & partibus anime.*

*Cap. I.*

**C**VM autem antea dictum sit medium expetendum esse, non  
exuperationem, neque defectionem, & medium perinde se-  
se habeat atque recta ratio dicat: hoc ipsum deinceps diui-  
damus oportet. In omnibus enim dictis habitibus (quemad-  
modum & in cæteris) est quoddam signum: ad quod is inspiciens qui  
rationem habet intendit, atque remittit, estque quidam terminus me-  
diocritatum, quas inter exuperationem defectionemque dicimus esse:  
ita sese habentes ut recta ratio statuit. Atque sermo talis est quidam ve-  
rus: non tamè dilucidus. Nam & in quauis opera, atque cura circa quam  
versatur scientia, verum est dicere: neque nimium, neque parum esse e-  
laborandum vel quiescendum, sed mediocriter, & ut ratio recta præscri-  
bit. At qui hoc tantum habet, nihil plus scierit: ut si quispiam dixerit ea  
esse corpori afferenda quæ medicina, & ut is qui hanc habet scientiam  
iubet. Quapropter & circa habitus animi non modo vere hoc dictum  
esse oportet: sed etiam determinatum quænam sit ipsa ratio recta, & quæ  
eius sit definitio. Virtutes itaque anime, superioribus in locis diuissimus:  
& alias moris, alias mentis diximus esse: atque de moris quidem virtuti-  
bus iam transegimus. De reliquis verò dicamus oportet: prius hisce de a-  
nima declaratis. Duas igitur esse animæ partes antea diximus. Eam quæ  
rationis est particeps: & eam quæ eiusdem est expers. Nunc autem iden-  
tidem pars ea quæ rationem habet est diuidenda. Atque sit suppositum  
duas esse partes quæ sunt participes rationis. Vnam qua contemplamur  
ea quorum principia, ut aliter sese habeant minime fieri potest. Alteram  
qua perspicimus ea, quæ aliter sese habere possunt. Eæ nanque animæ  
partes, diuersæ sunt genere, quæ sunt aptæ ad res eas cognoscendas quæ  
genere differunt. Siquidem ipsis inest rerum cognitio similitudine qua-  
dam atque accommodatione. Atque harum altera vis sciendi: altera vis  
subducendi rationem vocetur: consultare nanque, rationemque subdu-  
cere, eadem possunt. Nemo autem de iis rebus consulat quæ aliter sese  
habere non possunt. Quare vis subducendi rationem: vna pars eius par-  
tis est animæ quæ rationis est particeps. Sumendum est igitur quisnam  
vtriusque sit optimus habitus. Hic enim vtriusque est virtus. Virtus au-  
tem est ad proprium opus.

*Commen.*

**C**VM autem antea dictum sit medium. Mirum ordinem in tradenda doctrina seruans phi-  
losophus Aristoteles, postea quam de vnaquaque virtute morali diligentissime docuit:  
nunc tractare aggreditur de recta ratione, quæ cum in definitione virtutis superius assigna-

ta pars vna atque vltima relinqueretur, necessario hoc in loco declaranda erant. Verum cum hoc totum pendere videatur ex cognitione virtutum intellectiuarum: ostendit latissime vnamquamque virtutem intellectiuam in hoc sexto libro, incipiendo primo à potentis animæ quæ sunt principia operationum nostrarum, & resumendo breuiter diuisiones iam antea allatas vt apparebit inferius, simul etiã hoc agit, quia in fine primi virtutes diuiserat in morales & intellectiuas, & expleta doctrina moralium, consequens erat intellectiuas declarare: vt cognita natura cuiusque virtutis, cognosceretur perfecte ipsa felicitas, in cuius definitione itaquam potissimam partem virtutem assumpserat. Diuiditur autem hic liber in quatuor tractatus. In primo determinat de partibus animæ quæ sunt principia nostrarum operationum. In secundo de virtutibus intellectiuis. In tertio de quibusdam habitibus qui videntur habere similitudinem cum ipsa prudentia. In quarto mouet & soluit quasdam quæstiones circa sapientiam & prudentiam. Primus tractatus diuiditur in duo capitula. In primo proponit intentionem suam veluti exordium quoddam, & affert diuisionem potentiarum animæ. In secundo declarat ea, quæ sunt principia humanarum operationum. Primum capitulum diuiditur in duas partes, & in prima philosophus proponendo suam intentionem dicit, quod cum antea declaratum sit medium esse sumendum in virtutibus inter excessum atque defectum, vt recta ratio terminat: nunc declaranda est ista recta ratio, quia ipsa est infusa in omnibus habitibus tam moralibus de quibus dictum est, quàm in aliis intellectiuis, de quibus non est dictum. Nam in omnibus habitibus laudabilibus, & studiosis ista duo esse videntur, scilicet quoddam perfectum, ad quod respiciens veluti sagittarius qui talem habitum habet magis & minus, operatur secundum rectam rationem quo illud attingat. Et est etiam hoc aliud, scilicet quidam terminus mediocritatum, quem egredi non licet declinando, aut ad defectum, aut ad excessum. Vnde & ille poeta inquit, Est modus in rebus, sunt certi denique fines, Quos vltra citràque nequit cõsistere rectum. Hoc autem percipi potest recta ratio, quæ cum sit infusa in omnibus habitibus studiosis inuestiganda est. Distinguenta est præterea, quia non vnifariam dicitur. Quot enim sunt virtutes, & habitus intellectiui, tot videntur esse species rectæ rationis. Sunt autem virtutes & habitus intellectiui, ars, prudentia, scientia, sapientia, intellectus. Vnicuique istorum sua est recta ratio atque propria, vt apparebit inferius. [Q V O D D A M signum,] id est finis quem intendit cuius habitus. Notandum quod virtutū quædam morales, quædam intellectiuæ: & nobiliores videtur esse intellectiuæ quàm morales, ea ratione quæ morales perficiuntur. Definita est autem virtus quod est mediocritas. Hæc autem mediocritas non accipitur secundum naturam rei, sed secundum rectam rationem: ea igitur cognoscenda est, & distinguenda vt particulariter intelligatur: quia in genere cognitionis eius esset cõfusa. [A T Q V E sermo talis est quidem verus] Ostendit philosophus quod propter hoc quod dictum est sic in genere, & vniversallyter, quod recta ratio est illa quæ respicit signū ad quod tendere debemus atque illa determinat mediocritatem: non tamen hoc sufficit ad percipiendam rectam rationem, vt exemplo artis probatur. Sicut recta ratio facienda se habet ad factibilia, & ea quæ ab arte cõficiuntur ita recta ratio agendi se habet ad agibilia. Sed ad benefaciendum in quauis arte non sufficit scire facienda esse secundum præcepta artis: ergo in rebus agendis non sufficit scire agendum esse secundum rectam rationem: sed determinanda est ista ratio, quanam sit, & quæ sit eius definitio vt particulariter, & distincte cognoscatur: vt cognoscere medicus debet nō solum operari debere secundum præcepta medicinæ: ea quæ prosunt corpori, sed etiam quanam sint illa talia, & quibus partibus accommodanda. [Q V A P R O P T E R & circa habitus.] Ostendit philosophus ex his quæ dixit quod oportet declarare quid sit ipsa recta ratio, & quæ sit eius natura atque essentia, & qui sit eius terminus. [D E T E R M I N A T V M.] Duobus modis exponi potest. Vno modo qui sit eius terminus, id est eius definitio, quæ est vt quidam simplex terminus. Nam quod nomen implicite significat: definitio significat explicite, & ideo definitio potest appellari quidam terminus. alio modo terminus accipi potest pro effectu rectæ rationis. Nam id quod describit recta ratio in qualibet re est terminus perfectionis illius rei, & quasi mēsurā quædam statuens modum in vnaquaque re. Videtur enim accedere recta ratio ad statuendum fines & metas operationum, vltra quas progredi non licet. Vtraque expositio bona, & accommodata videtur. Notandum quod bifariam loqui possumus de recta ratione. Vno modo quod virtutes acquirendæ sunt, & operationes earum producendæ vt dicta recta ratio, sequendo regulam eius, nec declinando ad excessum vel defectum. Alio modo quod videndum est quid sit ista recta ratio: non modo secundum genus, sed etiam secundum vnamquamque speciem eius, & essentiam cuiusque habitus verò sunt diuersi. Sic etiam diuersa debent esse rationes. Quare primo dicendum est quod virtutes debent sequi rectam rationem tanquam ducem: hæc est vera sententia, & verus dicendi modus, tamen est vehementer obscurus, & non sufficit quia oportet videre vterius quid ipsa sit, sed cum habitus sint diuersi qui reguntur recta ratione, videre oportet quid ipsa sit non modo secundum genus vt diximus: sed etiam secundum vnamquamque speciem eius, vt intelligatur quæ sit cuique habitui sua propria ratio recta. Videndi igitur erunt habitus intellectiui cum sint formæ potentiarum animæ: deinde potentia sunt ipsius animæ vt ordine procedatur. [V I R T V T E S itaque animæ.] Hæc est secunda pars huius



capituli, in qua philosophus postea quàm præmisit intentionem suam veluti exordium quoddam: nunc repetit diuisionem illam factam in extremo primi libri de ipsis virtutibus, vt ostendat quòd relinquatur tractare de virtutibus intellectiuis, & vt resumatur distinctionem potentiarum animi. Ex quibus distinguatur habitus intellectiui, & percipiatur species recte rationis. [D V A S igitur esse animæ partes.] Resumit philosophus eam diuisionem, quam fecit in vltima parte primi libri, cum dixit animi nostri duas esse partes, vnā rationalem, alteram irracionalem: atque partem irracionalem aliquanto latius ibi declarauit, quia in ea parte collocabantur pene omnes virtutes morales, de quibus immediate dicturus erat. Nunc verò irracionali parte omiſſa, rationalem assumit: in qua collocantur virtutes mētis & intellectiua, de quibus dicturus est, & eam diuidit dicendo quòd vna est eius pars, scilicet potentialis, accipit enim partem hic pro potentia. Vna inquam eius pars qua necessaria percipimus, & ea quorū principia aliter se habere non possunt. Alia verò, qua percipimus ea, quæ modo fieri, modo non fieri possunt, & quorum principia non videntur esse eo pacto necessaria, sed potius cōtingentia. [S V P P O S I T V M fit.] Quia non debemus asserre multas probationes. Nam in locis suis vt in libro de anima hæc latius tractantur. [E A E nanque animæ partes.] Probat membra diuisionis allata, & ostendit illa genere esse diuersa ex obiectis suis diuersis, hoc pacto. Diuersarū rerum percipiendarum, diuersæ debent esse potentia: sed necessaria & cōtingentia sunt obiecta percipienda, diuersa etiam genere: ergo harum rerum potentia percipiua genere debent esse diuersæ. Patet ratio, quia perceptio fit secundum conuenientiam, & similitudinem quandam cognoscentis ad id quod cognoscitur, quòd si res & obiecta sunt diuersa, potentia etiam cognitiua debet esse diuersa, & distincta vt vnaqueque potentia percipiua sit accommodata rebus quæ percipiuntur. Notandum quòd cognitio nostra videtur fieri ex coniunctione cognoscentis, & cogniti, quod fieri non posse apparet nisi secundum conuenientiam, & similitudinem quandam, non quod res sint in nobis tales, quales sint extra: sed agunt, & mouent sensus nostros: deinde deferuntur ad phantasiam, deinde phantasmata repræsentantur intellectui possibili, & suscipiuntur ab omnibus conditionibus materiæ spoliata in ipso intellectu possibili: mediante intellectu agente, & vi luminisque ipsius. Itaque non res, sed similitudines rerum in anima repræsentantur. Vnde in libro de interpretatione dixit philosophus, quòd verba sunt signa passionum quæ sunt in animo: passionēs verò similitudines rerum. Et in libro de anima: atqui necesse est aut res ipsas, aut ipsarum formas atque species in anima esse: at non sunt in eas ipse profecto. Non enim ipse lapis in anima, sed forma lapidis inest: ergo forma rerum, & species in anima sunt: quare anima est vt manus. Manus enim instrumentorum est instrumentum: & intellectus forma formarum existit. Qualis enim est lapis, lignum, & similia, tales sunt ipsæ res: sed earum similitudines, & species, quare cum res percipiendæ secundum similitudinem, & conuenientiam percipiuntur, & res percipiendæ sint diuersæ genere, & dissimiles: alteræ enim sunt necessaria, alteræ cōtingentes: diuersæ etiam debent esse potentia. [A T Q V E harum altera vis sciendi.] Nunc videtur philosophus imponere nomina iis potentis, quarum altera vocatur sciendi vis, altera ratiocinatiua, siue consultatiua, & subducendi vis: & prima est qua percipimus necessaria, vel est de necessariis, & iis quæ nō possunt aliter se habere. Altera est circa contingentia, & ea quæ possunt aliter se habere, quæ consultatiua potentia dicitur, vel vis quædam subducendi rationem, id est ratiocinatiua. Idem enim est consultare, & subducere rationem. Versatur autem circa contingentia, quia nemo consultat de necessariis, & de iis quæ aliter se habere non possunt, sed de contingentibus, & iis quæ possunt aliter atque aliter se habere. [S V M E N D V M est igitur.] Declarat philosophus quòd habitus istarum partium est virtus earundem, & perfectio, & propterea dicit quod sumendi sunt habitus istarum partium, quia iis inuenitis habebitur virtus earum. Probatur, Id à quo proficiscitur opus perfectum, & proprium alicuius potentia est virtus illius potentia. Sed habitus optimi sunt à quibus proficiscitur operatio optima istarum potentiarum: ergo habitus optimi sunt virtutes earundem. Maior patet, quia virtus consistit circa perfectum, & proprium opus. vnde in secundo inquit philosophus. est ergo dicendum quod omnis virtus & illud ipsum cuius est virtus bene se habens perficit, & opus eius bene reddit, scilicet cuius est virtus. Minor quoque est manifesta, quia si sunt habitus perficientes istas potentias sunt etiam virtutes earundem, ex quibus proficiscitur optima operatio. quare accipiendo habitus optimos istarum potentiarum, habebimus quoque inuentas virtutes earundem vt patet. Dubitatio quædam oritur ex supradictis, quia philosophus velle videtur quod diuersæ debent esse potentia percipiua & rationales, scilicet vna scientifica, vt ita loquar, alia consultatiua. Hoc non videtur esse verum, & si sint etiam res percipiendæ diuersæ. Argunt igitur contra philosophum multis rationibus. Prima, omnia quæ intellectus agens agere potest, intellectus possibilis suscipere potest: sed cum intellectus agens intelligibilia agere possit, siue necessaria sint siue contingentia: sic intellectus possibilis intelligere posse videtur, & suscipere etiam talia, & si diuersa sint cum sit vnica potentia. Secūda, præterea omnia quæ percipiuntur à potentia rationali perceptiua cōtinentur sub suo adæquato obiecto: sed talis potentia adæquatum obiectum est ens sub quo comprehenduntur necessaria, & contingentia: ergo contingentia & necessaria percipiuntur ab tali potentia vnica. Tertia, sicut

se habet materia prima ad omnes formas materiales suscipiēdas: sic se habet anima ad species rerum percipiēdas. sed materia prima vnica potentia suscipit omnes formas, ergo eodem modo anima vnica potentia percipit tam necessaria quā contingētia, & sic non erit potentia rationalis diuidenda in duas. Oppositorum tamen dicit philosophus diuidendo ipsam in scientificam & consultatiuam, quia sicut res differunt, ita & potentie debent differre. Pro solutione duarum afferuntur opiniones, prima dicit quod contingētia duobus modis accipitur, aut in vniuersali, & secundum suam rationem formalem, & sic contingētia videtur esse necessaria, cum comprehendatur sub quodam conceptu communi, & sic erit vna tantum potentia. Secundo modo sumuntur in singulari, & non vniuersali ratione, sed vt variari possunt, & hoc pacto sunt diuersarum potentialium, & dicunt quod singularia percipiuntur à vi sensus interni cogitativa. Dicunt ergo quod sunt hoc pacto duae partes animae, vna sciendi, alia ratiocinādi siue consultandi, id est vis cogitativa quae est de singularibus, & nō de vniuersalibus. Ista opinio mihi videtur falsa: quia philosophus diuidit partem animae quae est rationalis per essentiam, cum comprehendatur in quas illa diffunditur sunt de natura sua rationales. at vis cogitativa non est de se rationalis. Alia opinio est Burlei: qui dicit quod ista pars animae non vere diuiditur in illas duas potentias, sed dicit quod diuidi videtur respectu habituum: quos suscipit, & quibus informatur. Nam dicit quod est vnica vis quae anima percipit necessaria, & contingētia, tamen suscipit duos habitus, scilicet scientiam, quae est de necessariis, & opinionem quae est de contingētibus. & quod philosophus procedit differendo. Haec quoque opinio mihi non placet nec eius solutio. Nam philosophus manifeste videtur fumere potentiam rationalem antequam informetur vllō habitu, & eam diuidere in duas potentias diuersas nōdum informatas habitibus. Prius enim differat, postea informantur diuersis habitibus, quare de se videntur esse diuersae. Verum nonnulli hic decipiuntur: quia credunt philosophum tantum loqui de iis quae à natura fiunt, sed non modo naturalium sit sermo, sed eorum etiam quae nostra opera fiunt. Sed res quae fiunt à natura, & non videntur posse fieri à nobis, & ea quae fiunt à nobis, & non fiunt à natura differre genere videntur. Cum igitur res differant genere, & principia, diuersa videntur esse potentiae perceptivae, & diuersa principia percipientia. Nos igitur dicere possumus partem animi rationalem diuidi à philosopho in duas potentias ratione diuersas. Nam sicut res percipiendae differunt: ita potentiae percipientes: quia perceptio fit secundum similitudinem. Praeterea philosophus loquitur hic magis de contingētibus quae à nobis fiunt, quā de iis quae à natura. Ad rationes vero respondere possumus. Ad primam cum dicitur quod quae intellectus agens agit, intellectus possibilis suscipere potest, concedendum est, sed dicendum quod intellectus agens bifariam dici potest, scilicet intellectus & speculatiuus & actiuius. Sic etiam possibilis. Ad secundam cum dicitur quod vnum obiectum debet esse adaequatum cuiusque potentiae: concedo si accipiatur potentia confusa antequam distinguatur. Hic autem distinguatur in suas partes vt vidimus. Ad tertiam dicendum quod verum est de materia remota, & in confuso accepta: de propinqua verò minime. Nam alia est potentia ad formam offis, alia formam carnis: sic illa potentia rationalis primo sumpta indifferēter se habet: sed distincta postea in suas partes ad diuersa, & vnaquaeque illius ad sibi propria, & accommodata.

## De principiis agendi.

## Cap. II.



Ria autem sunt in anima, quae sunt agendi, veritatisque principia: sensus, intellectus, appetitus. Atque sensus, nullius est principium actus. Quod quidem ex eo patet quia beluē sensum quidem habent: actionis autē sunt expertes. Est autē id in appetitu persecutio atque fuga: quod est affirmatio, negatioque in mente. Quare cum moris quidē virtus, habitus sit electiuius: electio verò appetitus deliberatiuius, ob hanc ipsā, & rationē veram, & appetitum rectū esse oportet, si electio sit studiosa. Atque eadē illam quidem dicere: hūc autē persequi. Haec igitur mēs, atque veritas actiua est. Mentis autē eius (quae contēplandi: non agēdi, neque faciēdi principium est) bonū ac malum, verū est atque falsum. Hoc enim mētis est omnis, opus. Sed actiuae mentis veritas est consentanea appetitui recto. Electio igitur actus principium est vnde est motus, sed nō id gratia cuius. Appetitus autem, ea quae

tio quæ alicuius est gratia, electionis principium est. Iecirco neque sine  
 18 intellectu, mentéque, neque sine \* habitu moris est ipsa electio. Si ne nan- <sup>ὁρᾷ ἑαυτὸς,</sup>  
 que mente, atque more non est actio bona: nec item contraria. Mens au- <sup>appetitus.</sup>  
 tem ipsa nihil mouet: sed ea quæ alicuius est gratia, & actiua. Hæc enim  
 & effectrici menti præest. Nam omnis qui facit, gratia huius facit. & nō  
 est simpliciter finis: sed ad aliquid. Et alicuius id quod efficitur: sed non  
 id quod agitur. Ipsa nanque bona actio finis est: & huius est appetitus.  
 19 Quapropter electio vel intellectus est appetitiuus: vel appetitus intelle-  
 ctiuus. & tale principium est homo. Nulla autem res facta, est eligibilis.  
 20 Nemo enim eligit Iliū expugnasse. Neque enim de eo consultat quod  
 factū est: sed de futuro ac contingente. Factū autem non contingit non  
 factum esse. Quapropter recte Agatho dixit. Hoc etiam ipse deus, solō-  
 que carere videtur. Infectum ut faciat, quod factum est atque peractum.  
 21 Opus igitur vtriusque partis intellectiua, veritas est: quare quibus habi-  
 tibus maxime pars vtraque verum dicit: ii sunt ambarum virtutes.

## Commen.

11 **T**RIA autem sunt in anima.] Hoc est secundum capitulum huius primi tractatus, in quo  
 posteaquam diuisit animam in suas partes, scilicet potētiales ut inde accipiat eos habitus,  
 qui sunt virtutes intellectiua: nunc declarat principia operationum humanarum. Diuidit  
 ut autem hoc capitulum in tres partes. In prima ostēdit id quod dictum est, scilicet quot  
 sunt principia humanarum operationum. In secunda quomodo differt intellectus speculatiuus  
 ab intellectu actiui. In tertia declarat quomodo se habet intellectus, & appetitus ad actum hu-  
 manum. In prima igitur parte dicit esse tria principia agendi, & veritatis percipiēda. scilicet sen-  
 sus, appetitus & intellectus, ut philosophus enumerat. Notandum quōd quatuor sunt potētiæ  
 animæ quæ sunt principia operationum suarum. Prima est vegetatiua quæ est potētia nutriendi:  
 augendi, & generandi simile in specie, & cōmuni nomine appellatur vegetatiua, & hæc vis non  
 est principium actus humani. Nam si ita esset tunc plantæ dicerentur agere, cum hæc vis com-  
 petat non solum animatis sensitiuis sed etiam plantis. Hanc igitur omisit philosophus cum vi-  
 deretur manifestum quōd ipsa non est principium rerum agendarum humanarum. Tres verō  
 illas enumerauit de quibus magis videbatur. Dubitaret aliquis cur philosophus duas attulit po-  
 tentias, cum fecit superius illam diuisionem bimembrem. Hic verō affert tria, scilicet intelle-  
 ctum, appetitum & sensum. Dicendum, ibi philosophus sumpsit partem animi rationalem, & di-  
 uisit in duas: quæ sunt rationales in quibus collocantur habitus intellectiui tanquam perfectio-  
 nes illarum potentialium quæ ambæ sunt rationales, & ambæ perceptiua. Hic autem sumpsit  
 principia tria nostrarum operationum: non solum earum ex quibus fiūt habitus intellectiui, sed  
 etiam omnium aliarum: ut paulatim veniat ad habitus intellectiui. Sensus enim non est poten-  
 tia rationalis. Appetitus non est potentia perceptiua. Intellectus verō est rationalis, & percepti-  
 ua, & est duplex, aut speculatiuus, aut actiui: & alter est circa scibilia, alter circa agibilia, sicut  
 sunt potētiæ illæ supra allatæ, quæ comprehendi posse videntur sub nomine intellectus. No-  
 tandum quōd per appetitum intelligere possumus communem quādam rationem quæ prædi-  
 catur de voluntate, & appetitu sensitiui. Appetitus enim sensitiuus est appetitus qui sequitur  
 sensum. Voluntas etiam est appetitus quidam qui sequitur intellectum. Vnde philosophus in li-  
 bro de anima. Volūtas enim appetitus est quidam, at cum sit motus per rationem, & per volun-  
 12 tatem etiam fit, at appetitus absque ratione mouet, & reliqua, & c. [A T Q V E sensus.] Remouet  
 nunc etiam sensum philosophus probando quōd non est principium rerum agendarum hoc pa-  
 cto. Id quod est commune homini cum cæteris animalibus non est principium rerum agenda-  
 rum humanarum: at sensus est huiusmodi, ergo sensus non est principium rerum agendarum hu-  
 manarum. Patet ratio, quia bestia habent sensum non tamen agunt, sed aguntur potius instinctu  
 quodam naturali cum sint expertes rationis. [E S T autem id in appetitu.] Remouit sensu relin-  
 13 quitur ut mens siue intellectus, & appetitus sint principia rerum agendarum, & ostendit quomo-  
 do conueniunt ad hoc vti sunt principium actionum: postea ostendit de principio speculatio-  
 num. Probat autem hoc pacto de appetitu & mente. Ea quæ concurrere possunt, & re ipsa con-  
 currunt ad res agendas cum conformitate quadam, quam habent inter se, ut alterum imperet:

alterum obediat, sunt principia rerum agendarum: sed mens, & appetitus sunt huiusmodi, ergo sunt principia rerum agendarum. Maior est clara. Minor declaratur a philosopho. Nam dicit quod id est apud appetitum prosecutio vel fuga, quod est apud intellectum affirmatio vel negatio de eadem re. Nam intellectus facit affirmationem, dicendo hanc rem esse bonam, & propterea sequendam: & tunc appetitus prosequitur illam. Similiter quando intellectus negat aliquid esse bonum, appetitus refugit illud. quare prosecutio est in appetitu, sicut affirmatio in intellectu, & fuga in appetitu sicut negatio in intellectu. Dicit enim intellectus cum sit perceptiuus hoc esse prosequendum, & ille sequitur illud esse fugiendum, & ille fugit, & sic quadam proportionem vniuntur. [QVARE cum moris.] Hæc sententia sequitur illam probatam. Quod mens, & appetitus sunt principia rerum agendarum hoc pacto, Cum est electio bona, est ratio vera & appetitus rectus. Sed cum est virtus, moris est electio bona: ergo cum est virtus moris est ratio vera & appetitus rectus. Patet hoc quia si ad electionem causandam concurrunt mens, & appetitus, & electio, est principium rerum agendarum, sequitur quod intellectus, & appetitus sint principia rerum agendarum. [RATIONEM veram,] scilicet actiuam. [ATQVE eadem.] Hoc posuit quia in aliquibus hæc principia dissentiunt, & pugnant inter se sicut in continente. [MENTIS autem eius quæ speculandi.] Hæc est secunda pars huius capituli in qua declarat mentem actiuam & intellectum speculatiuum. & ostendit quomodo istæ mentes, siue intellectus conueniunt, & quomodo differunt: & dicit quod mentis speculatiuæ bonum & malum, est verum & falsum. Nam bonum eius est verum: falsum est autem malum. Vnde si in ipsa est bonus habitus, erit ibi veritas: si malus, erit ibi falsitas. Postea videtur se corrigere philosophus cum dicit, Hoc enim mentis est omnis opus, quasi est commune etiam menti quæ est principium agendi: ipsa enim habet etiam verum probonem, falsum pro malo, ergo hoc non competit solum menti speculatiuæ. Ideo philosophus altius repetendo huiusmodi attributum, scilicet veri & falsi, dicit illud competere vtrique menti. sed tamen diuerso modo. Nam verum apud mentem actiuam est aliquid concurrentis cum appetitu recto: non autem speculatiue. Præterea verum agibile vt ita loquar ordinatur ad aliquid aliud vltius. i. ad actionem, & ad fugam vel prosecutionem appetitus, speculatiuum verò est propter se. Desinit. n. mens speculatiua in cognitione veritatis: actiua verò cognita veritate agenda: rei desinit in ipsa actione bona: quam principaliter intendit. Notandum quod est mens siue intellectus speculatiuus, & actiuus, & est etiam factiuus vt apparet inferius, & culibet istorum competit quodam modo bonum & malum, & verum & falsum. Nam in mente speculatiua potest esse habitus verus vt scientia: potest etiam falsus. i. ignorantia & scientia erit bonum & verum: & ignorantia e contra. Eodem modo in mente actiua prudentia erit bonum & verum, imprudentia e contra. Idem dici potest de mente factiua: in qua est ars vt bonum & verum, & oppositus habitus e contra: & hoc fieri videtur non solum ex parte habituum, sed ex parte etiam potentiarum, quæ possunt quodammodo suscipere verum & falsum, bonum & malum. Est tamen differentia inter verum quod competit menti actiua, & illud quod competit speculatiua. Nam speculatiua cum aliquis intelligit aliquam conclusionem geometricam, non intelligit nisi propter se. vt intelligat & propter eius intellectionem. at veritas mentis actiua ordinatur ad aliquid aliud vltius. i. ad actionem, similiter mentis factiua ad aliquid opus. [ELECTIO igitur actus principium est.] Hæc est tertia pars huius capituli: in qua ex superioribus dictis ostendit quomodo se habet mens actiua, & appetitus ad actiones humanas: ostendendo quod illa sunt principia à quibus profluit actus humanus hoc pacto, Electio est principium effectiuum actuum humanorum: sed appetitus & mens actiua est principium electionis, ergo appetitus, & mens actiua est principium actuum humanorum. Patet hæc ratio. quia, quicquid est causa cause, est causa causati. Vbi enim est electio ibi cōsultatio: vbi cōsultatio ibi ratio vel mēs, & etiā appetitus. Quare post hæc addit quod electio non est sine intellectu, quod probatur. Operatio bona, & mala est ab electione, ergo electio non est sine mēte. Dicit etiā sine more. i. sine morali appetitu. [VNDE motus profluit.] i. vnde originem sumit actiones, quarū est illa principium effectiuum. [SEDE non id gratia cuius.] i. finis. [RATIO quæ est gratia cuius.] i. mens actiua cuius intellectio est ad aliquem finem agendum. Non. n. cessat in ipsa intellectione veritatis. i. agenda, vt ita loquar, sed vult agere. Speculatiua verò cessat in ipsa intellectione veritatis. Speculator enim intellectus speculatiuus vt speculādo, & percipiēdo veritatē, seipsum perficit. Itaq; ipsemet videtur sibi ipsi principium & finis, vnde possumus imaginari intellectu actiuum linea recta cum ad actionē se dirigat: speculatiuum verò quasi circulo operari cum se ad seipsum vertat. [MENS autē illa nihil mouet.] Hæc in parte philosophus videtur innuere differentiam inter intellectu actiuū & speculatiuū. Dicit quod mēs siue intellectus speculatiuus nihil mouet. i. nō est principium agēdis, sed speculādi. Actiuus verò est ille qui mouet & hic præest. i. nobilior est mēte, & intellectu factiuo in quo ponitur ars. Nā intellectu factiuo ordinatur ad aliquid aliud vltius, quia facit gratia cuiuspiā, & opus veluti sanitas, statua vel huiusmodi artis opus refertur & ordinatur ad aliquid aliud vltius. i. ad ipsam felicitatē. at intellectus actiuus actio est finis, & nō ordinatur ad aliquid aliud vltius. Vnde talis est ordo, intellectu speculatiuus est nobilior actiuo, & habitus qui sunt in ipso. scilicet sapientia, intellectus, & scientia nobiliores habitibus actiuis, id est ipsa prudentia. Itē

actiuus intellectus est nobilior factiuo, & habitus eius qui est prudentia est nobilior habitu illius qui est ars: & horum duorum. factiuus & factiuus intellectus cur alter sit nobilior altero, assignat rationem. Nam de speculatiuo magis forsitan manifestum videbatur, scilicet quod erat nobilior. Præterea in fine huius cõfert sapientiam cum prudentia. Verum de intellectu actiuo & factiuo: qui ambo conuenire videntur in eo quod sunt operatiui, differentia nobilitatis magis expetenda erat, ideo assignauit rationem illam quod factiuus opus ordinatur ad vltiorem finem, actiuus verò actio bona est finis. Quare intellectus actiuus est nobilior factiuo vt manifestissimè patet.

19 [E T huiusmodi est appetitus.] scilicet finis, hunc enim expetit, & adhuc terminatur, quia bona actio est humana felicitas. Definita est enim quod est actio animi secundum virtutem. Notandum quod philosophus dicit hic quod mens illa, scilicet speculatiua nihil mouet, sed actiua. s. & addendus etiam appetitus. Nam dicit in libro de anima quod intellectus actiuus mouet, & alius cuius gratia ratio cinatur, qui quidè sine ab intellectu speculatiuo differt. Appetitus etiam omnis alicuius est gratia, quod enim obiicitur appetitui. i. principium intellectus actiuus, at vltimum huius initium est operationis, quare non sine ratione principia mouendi videntur hæc esse duo. Appetitus. s. mens; actiua. Hæc sunt verba philosophi in libro de anima cum loquitur de principio mouendi secundum locum. Ostendit enim quod principia mouendi sunt intellectus & appetitus: & cum duo sint intellectus, sumit actiuum ostendendo quod differt à speculatiuo ipso sine. Speculatiuus enim habet finem verum intelligibile, actiuus verò bonum agibile: ideo ratio cinatur alicuius causa, etiam appetitus appetit alicuius causa. Nam illa potètiæ videntur esse principia mouentia quæ agunt alicuius causa vt consequantur aliquid extra se, quod acquiri potest per talem motum, & actionem: at intellectus actiuus, & appetitus sunt huiusmodi, ergo ipsa sunt principia mouentia. Item paulo inferius in eodem libro de anima: at verò speculatiua quidem ratio non mouet, sed manet: at cum existimationis ac rationis actiua quædam sit vniuersalis, quædam particularis vel singularis (illa nanque dicit bonum esse honoribus afficiendum: ista verò dicit hunc aut me bonum esse) hæc iam opinio mouet, sed non illa vniuersalis, quin potius ambæ mouent: at altera magis quiescit, altera non. Ex his verbis philosophi patet, cum ratio sit duplex, speculatiua non mouet, actiua verò mouet, & ista aut est vniuersalis aut singularis. Vniuersalis cum speculatur res agèdas: singularis cū affert singularem propositionem quæ in actione consistit. Exemplum primi: cum intellectus dicit bonum esse afficiendum honoribus. Exemplum secundi cum dicit, iste vel ego sum bonus: ergo & oritur operatio ipsa, vt mouet: & dicit quod singularis mouet, deinde resumit & dicit quod ambæ, verum magis singularis. Quousque n. statur in vniuersali nūquam fiet actio, sed si veniat ad singularem, iste est bonus, statim veniet ad operationem afficiendo eum honoribus. Singularium enim non est scientia, sed bene singularium est operatio: sic ergo habemus quod speculatiua mēs siue intellectus speculatiuus non mouet: intellectus verò actiuus, & appetitus mouent. [Q V A P R O P T E R electio.] Inferit philosophus sententiam siue correlarium obortū ex supradictis. s. quod electio, aut intellectus est appetitiuus, aut appetitus intellectiuius. Sed videtur hic accipere philosophus appetitum pro appetitione, & intellectū pro intellectiōne: & hoc pacto electio erit appetitio intellectiua, aut intellectio appetitiua. quare habet electio duas causas. s. appetitum & intellectū. s. actiuum, vnde in tertio philosophus describendo electionem dixit esse operationē quandam intellectus actiui, simul cum appetitu proueniens ex cōsultatione antecedenti vt ibi patuit. [E T tale principium est homo.] Agendi per intellectum, & appetitum, & ex consequenti per electionem. Ista. n. sunt principia operationum nostrarum, & homo est principium istorum principiorum, quia per ista operatur. Notandum quod est principium quod, & principium quo, sicut in arte, artifex est principium quod & ars siue potentia factiua est principium quo, siue per quod operatur: eodem pacto in iis quæ agūturā nobis est dare vnum principium quod, vt non sit principium quos: & est dare principium quo, quod nullo pacto sit quod est etiam dare principia, quæ diuersis respectibus veluti quædam subalterna possunt esse, quod & quo. Homo igitur in rebus agendis ita est principium quod, vt non sit quo: animus verò siue potètiæ animi erūt principia quibus, & per quæ homo agit & operatur, veluti intellectus actiuus, & appetitus est principium respectu hominis, quia homo mediante, vt ita loquar talibus principijs operatur. sic igitur intellectus respectu hominis dicitur principium quo: respectu alicuius alterius effectus dicitur principium quod: & sic est deuenire ad vnum principium quo vt non sit quod, & etiam erit vnum principium quod vt non sit quo, veluti artifex, qui facit statuam est omnino principium quod & non quo: ars siue potentia factiua est principium quo respectu artificis qui per illud facit: respectu verò manus erit quod: & sic manus instrumenti puta mallei: & sic veniemus ad vnum vltimum, quo vtetur præcedentia principia: ipsum autē non vtetur alio, & sic erit quo, vt non sit villo modo quod. Concluditur ergo quod homo est principium intellectus & appetitus, & ista electionis, & electio rerum agendarum. [N V L L A autem res.] Declarat philosophus circa quæ obiecta electio est, ostendendo quod non est præteritorum, sed futurorum & non omnium, sed eorum quæ possunt, & fieri, & non fieri, & non à quocunque, sed à nobis. Probatur. Cōsultatio non fit de præteritis, sed de futuris, quæ à nobis fieri possunt, & aliter se habere: sed electio est effectus cōsultationis,

vt in tertia paruit: ergo electio erit de iis quæ à nobis fieri possunt, & aliter se habere, vnde in libro de anima inquit philosophus. quo circa semper quidem ipsum appetibile mouet, idque est aut bonum, aut apparet bonum: attamen non omne bonum mouet, sed id quod est agendum bonum. Agendum autem, id est, quod aliter sese habere etiam potest, & reliqua. ] V T R I V S Q V E  
partis. ] Concludit philosophus quod vtrunque istarum mentium, quæ sunt potentia partis rationalis animæ opus est veritas. Ambæ enim versantur circa verum. Actiua tamen mens vel intellectus circa verum vt ita loquar agibile, id est, quod ordinatur ad actionem vt vidimus. Hi igitur habitus secundum quos vtraque maxime verum prospicit, & ipsam rectam rationem habet, sunt virtutes, & perfectiones istarum potentiarum: actiua itaque potentia suos habebit habitus perfectiui, secundum quos veritatem rectamque rationem prospiciens operabitur, similiter & speculatiua: quare querendi sunt habitus isti vtriusque mentis, id est, habitus isti intellectiui, & sic ad eos declarandos accedet.

*Habituum intellectualium enumeratio, quod scientia obiectum, & quæ proprietates.*

*Cap. III.*



E ipsi igitur rursus dicamus oportet, alius initio sumpto. Sint itaque ea quibus verum anima dicit affirmando aut negando numero quinque. Hæc autem sunt ars, scientia, prudentia, sapientia, intellectus. Fieri enim potest, vt falsum existimatione, opinio- neque dicatur. Scientia igitur quidnam sit hinc perspicuum est, si exacte dicere oportet, & non similitudines sequi: omnes enim putamus id quod scimus, aliter sese habere non posse. Quæ verò possunt aliter se habere, post contemplationem latent si sint an non sint. Ipsum ergo scibile necessario est: ergo est æternum. Quæ enim necessario simpliciter sunt: æterna sunt omnia: at æterna ingenta, & incorruptibilia sunt. Præterea omnis scientia doceri, & scibile dici posse videtur. At ex antea notis (vt in \*olutiuis etiam diximus) sit omnis doctrina. Nam alia per inductionem, alia per ratiocinationem efficitur. Atque inductio quidem principium est ipsius vniuersalis. Ratiocinatio autem est ex vniuersalibus. Sūt enim principia ex quibus ipsa ratiocinatio constat, quorum non est ratiocinatio: ergo inductio. Scientia ergo demonstratiua est habitus: & cætera quæ in resolutiuis determinauimus. Tum enim quispiam scit: cum aliquo modo credit, & sunt ipsi principia nota. Si enim non sint magis quàm conclusio nota: per accidens habebit scientiam. De scientia igitur sit hoc modo determinatum.

*Commen.*

DE IPSIS igitur rursus dicamus oportet. ] Hic est secundus tractatus huius sexti libri, in quo postquam superius partem rationalem animæ diuisit, in scientificam vt ita loquar, & consultatiuam: nunc docet omnes eos habitus, qui sunt virtutes harum potentiarum, vt ex illis vnā accipiat quæ est principium, & recta ratio rerū agendarum. i. ipsam prudentiam. Diuiditur autem hic tractatus in sex capitula. In primo docet quid sit scientia. In secundo quid est ars. In tertio quid est prudentia. In quarto quid est intellectus qui est habitus principiorū. In quinto quid est sapientia. In sexto explicat aliqua de ipsa prudentia. Primum capitulum diuiditur in duas partes quæ suis locis patebunt. In prima igitur parte philosophus enumerat virtutes animi secundum diuisionem factam partis rationalis, quibus anima semper potest dicere verum, & ille potentia perficiuntur, verum quæ prospiciunt in operationibus suis, & dicit eas esse quinque. s. artem scientiam, prudentiam, sapientiam, intellectum. Ex his vt diximus, semper anima videtur prospicere vel dicere verum vel affirmando. s. aliquid esse vt homo est animal, aut negando vt homo non est lapis, quæ negatio vera est. Opinionem verò & existimationē quæ pro eodem hic accipitur non connumerat inter virtutes rationales, quia re vera opinio non est virtus. Probatur. Omne id quo anima falli potest non est virtus, at opinione anima falli potest, ergo opinio non est virtus. Maior est nota, quia virtutes sunt perfectiones animæ, quæ si fallerent animam non perficeret ipsam. Minor declaratur auctoritate philosophi qui dicit quod opinione falli con-




tingit, ergo conclusio est vera. Notandum quòd illa vis quæ est in brutis est similis potentia cogitativa: quæ est in nobis: à nonnullis appellatur existimativa: sed non debet tali nomine proprie appellari, quia existimatio proprie dicta est tantum animæ rationalis, & est quali quoddam genus commune ad hæc omnia, scilicet opinionem, scientiam, sapientiam, intellectum, artem, prudentiam. Vnde philosophus in libro de anima. Sunt autem existimationis ipsius hæc differentia, scientia videlicet, opinio & prudentia, & c. Verum quandoque existimatio capitur pro opinione tantum ut accipit hic philosophus existimationem, & opinionem pro eodem. Dubitatur quia non videtur verum id quod dictum est, scilicet quod iis quinque virtutibus intellectibus semper anima prospiciat, & verum dicat. Nam ars quandoque fallitur: similiter prudentia. Dicendum quòd anima iis virtutibus semper dicit verum, sed tamen est differentia, quia secundum habitus mentis speculativæ qui sunt scientia, sapientia, intellectus, semper anima dicit verum, tam ex parte rerum quam ex parte nostra, & illorum habituum. Sunt enim de necessariis, & iis quæ non possunt aliter se habere, & ideo falli non possunt, sed semper illis habitibus anima prospicit, & dicit verum. Secundum verò habitus mentis consultativæ ut sunt prudentia, & ars quarum altera est in mente activa, altera in factiva. Anima semper dicit verum quantum ex parte sua, quia tales habitus verum representant: ex parte verò rerum, & executione evenit quandoque ut anima non semper dicat verum, & tunc talis error fit per accidens, & non per se ut culpa fit in prudentia vel in arte, sed in conditione, & varietate rerum circa quas versantur, quæ contingencia sunt, & possunt aliter atque aliter se habere, ideo evenit interdum ut fallantur. Notandum præterea quod philosophus dixit esse quinque habitus intellectuales, & non plures nec pauciores, & non assignavit rationem sufficientem talis divisionis, sed nos talem asserere possumus sumendo eam ex obiectis circa quæ versantur, quæ tetigit supra philosophus: & dixit esse diversæ genere. Tot enim habitus esse oportet quot obiecta vere percipienda. Sunt autem primo dupliciter, aut necessaria, aut contingencia: contingencia verò sunt, aut ea quæ fiunt à nobis, aut quæ fiunt à natura. De contingentiis naturæ non est virtus. Relinquantur ergo contingencia quæ fiunt à nobis, & ipsa necessaria. At necessaria quædam sunt principia, circa quæ habitus est principiorum qui dicitur intellectus. Quædam sunt ex principiis, id est conclusiones de quibus est habitus qui dicitur scientia, & quia ex iis duobus videtur fieri posse aggregatum quoddam, ideo oritur tertius habitus qui dicitur sapientia, quæ est veluti amborum nodus, & quasi ut ita loquar quædam scientia adepta. Hi igitur tres habitus circa necessaria versantur. Contingentia verò quæ fiunt à nobis, & quæ possunt aliter se habere, quædam sunt agibilia, quædam factibilia. Circa agibilia est prudentia. Circa factibilia ipsa ars, & sic habemus quinque habitus, & virtutes intellectuales. Restant contingencia quæ fiunt à natura, quæ quia non semper vere percipi possunt à mente speculativa ad quam pertineret eorum cognitio: ideo de iis omnibus est opinio, quæ quidem non est virtus ut dictum est, & ideo philosophus exclusit eam à numero virtutum intellectuales. Sciendum est tamen quod opinio potest esse de omnibus, scilicet de necessariis, & de contingentibus, & vera & falsa. Ut quòd terra non sit minor sole, & quòd triangulus non habeat tres angulos æquales duobus rectis, & aliis huiusmodi, videtur esse opinio, & si proprie sit de iis de quibus non est alius habitus. [SCIEN TIA igitur quid nam sit.] Hæc est secunda pars huius capituli, in qua philosophus ex quinque habitibus allatis sumit vnum. i. scientiam & ipsam declarat, primum ex obiecto: postea ex modo suo processui, demum videtur asserere suam definitionem. Dicit ergo in primis quòd intelligere possumus quid sit scientia si percipiamus vere illos habitus iam dictos seorsum distinctos inter se non similitudinem sequendo illorum, quæ convenire videntur, & non distinguunt. Distinguuntur per obiecta diversa & per ea, quæ unicuique per se cōpetunt, quare videamus de scientia obiecta sua, & ea quæ cōpetunt ei per se, & videtur asserere tria. Primum quod scientia versatur circa necessaria. Secundo quòd circa æterna. Tercio quod circa id quod neque generatur neque corrumpitur. Prima conclusio probatur hoc pacto. Id quod aliter fieri non potest necessarium est. at id quod scitur aliter fieri nō potest ergo id quod scitur est necessarium. Maior est clara, minor probatur à philosopho ex cōmuni hominum opinione. Omnes enim existimamus ut id quod scimus aliter sese habere nō possit. vnde in libro posteriorū. scire inquit vnaquaque rem simpliciter non ut sophista per accidens arbitramur cum causam ob quā res est, illius causam esse: & fieri non posse quo res aliter sese habeat cognoscere arbitramur. Tūc ultra sectūm probatur sic. omne necessarium proprie dictū, est perpetuum: at id quod scitur est necessarium, ergo id quod scitur est perpetuum. Tūc ultra tertium probatur sic. Nullū perpetuum, aut generatur, aut corrumpitur. at id quod scitur, & circa quod versatur scientia est perpetuum: ergo non generatur, nec corrumpitur: ergo scientia est circa necessaria perpetua, & ingenerabilia, & incorruptibilia: sed nō sufficit hoc, quia etiā opinio videtur circa hæc versari, quare declaremus ulterius sententiā ex modo sui generationis. [P R A E T E R E A omnis scientia.] Declarat igitur scientiam ex parte suæ causæ, & generationis, & videtur asserere tria. Primum quòd scientia ex antecedenti sit cognitione. Secundū quod scientia sit ex syllogismo. Tertiū quòd sit ex syllogismo demonstrativo. Primum probat hoc pacto. Omnis doctrina omnisque disciplina intellectiva ex antecedenti sit cognitione: sed scientia sit ex doctrina intellectiva, ergo scientia sit ex antecedenti cognitione. Maio-

rem ostendit philosophus in libro posteriorum. est enim liber priorū qui dicitur resolutiuorum priorum, & est liber resolutiuorū posteriorum, in cuius principio inquit quoddam omnis doctrina omnisque disciplina intellectiua ex antecedenti fit cognitione. Minorem ostendit philosophus in textu, scilicet quoddam scientia ex doctrina, fieri & scibile, id est, id cuius est scientia disci potest. Notandum quoddam doctrina & disciplina subiecto sunt idem, differunt ratione, ut via ab Athenis Thebas, & à Thebis Athenas. Ut enim est à doctore, dicitur doctrina: ut verò suscipitur à discipulo, dicitur disciplina. Notandum quoddam bifariam scientia acquiri posse videtur, aut doctrina quod fit plerumque, aut inuentione, quod fit raro, & summa cum difficultate. Vbi traditur doctrina à doctore est terminus à quo, discipulus & suscipiens terminus ad quem. Verum in inuentione, intellectus agens est ut doctor: passibilis verò ut discipulus: concurrunt etiam sensus, & admiratio & alia huiusmodi. quare non solum doctrina à doctore tradita quæ est propria, sed etiam ab inuentione per intellectum agentem adepta ex antecedenti fit cognitione. Secunda conclusio probatur hoc pacto, Omnis doctrina quæ ex antecedenti fit cognitione, aut per syllogismum, aut per inductionem fieri solet. sed scientia fit ex doctrina ut paulo ante probauimus, ergo scientia fit aut per inductionem, aut per syllogismum: non fit autem per inductionem, ergo per syllogismum. quod probari potest hoc pacto, afferendo primo eas argumentationum species quas ponit philosophus. Vnde notandum quoddam quadruplex est argumentatio, syllogismus, inductio, enthymema, exemplum. In libro priorū ostendit philosophus quid sit syllogismus & enthymema. In topicis quid sit inductio, & exemplum ut ibi patet. Syllogismus est oratio in qua quibusdam positis necesse est per ea quæ posita sunt aliquid aliud euenire, ut, Omne animal est substantia: omnis homo est animal, ergo omnis homo est substantia. Inductio est processio à singularibus ad vniuersale. Ut hic ignis calefacit, & ille ignis calefacit, & ille atque ille: ergo omnis ignis calefacit. Enthymema est processio ab vna propositione ad conclusionem. Hoc communiter solet appellari consequentia. Ut homo est, ergo animal est. Exemplum est processio à singularibus ad singulare simile. Ut, Dionysius clandestinis insidiis aggressus est tyrannidem: Pysistratus eodem pacto, & talis atque talis: ergo iste Catilina aggreditur tyrannidem. Verum cum hæc sint quatuor, Enthymema reducitur ad syllogismum: exemplum ad inductionem. Nam enthymema est syllogismus imperfectus. Exemplum quoque est inductio imperfecta. Vnde philosophus in libro posteriorum inquit: aut exemplo, quod est inductio, aut, enthymemate: quod quidem est syllogismus: facultas ipsa solet oratoria suadere. Cum igitur scientia fiat per inductionem vel syllogismum, & inductio vtatur singularibus: scientia verò sit de vniuersalibus, ergo scientia non erit per inductionem. Relinquitur ut sit per syllogismum, principia enim quibus vtitur syllogismus scientificus vniuersalia sunt, & ex iis concluduntur vniuersales conclusiones. Tunc ultra tertia conclusio probatur hoc pacto, scilicet quoddam si scientia est per demonstrationem, scientia est per syllogismum: sed syllogismus aut est probabilis, aut deceptiuus, aut demonstratiuus: non est autem per syllogismum probabilem, aut deceptiuum, ergo per demonstrationem. Sumit enim demonstratio principia necessaria, & ex iis cogit conclusionem sequi necessariam, non modo ex forma syllogismi, sed etiam ex materia, adeo, ut sequatur non solum necessitas consequentis, sed etiam consequentis. Hæc autem non sunt in syllogismo probabili neque in deceptiuo. Quare cum inductio sit principium vniuersale. i. procedat à singularibus ad vniuersale, & innotescat nobis vniuersale per inductionem in his quibus vniuersalia sunt minus nota nobis, & magis nota ex parte naturæ, & cum syllogismus, scilicet demonstratiuus ex vniuersalibus vniuersales concludat conclusiones, & item sumat principia necessaria: merito scientia non erit per inductionem, sed per syllogismum: & non per quēcunque. s. vel per deceptiuum aut probabilem, sed per demonstratiuum. [A T Q V E inductio est principium & vniuersalis ipseus.] i. principium, & via ad percipiendum vniuersale in iis in quibus vniuersalia nobis sunt minus nota quam ex parte naturæ. sunt enim remotissima à sensu: quare procedendo inductiue per singularia venimus in cognitionem vniuersalium: deinde ex vniuersalibus principiis procedimus ad vniuersales conclusiones in syllogismo demonstratiuo, & scientifico. Ideo dicit postea in textu. [R A T I O C I N A T I O autem, & c.] Videtur enim loqui de rationatione demonstratiua. Ideo subdit. [S V N T ergo principia.] Scilicet quorum non est demonstratio. Si enim esset principiorum demonstratio, tunc principiorum essent alia principia, & rursus aliorum alia, & esset processus in infinitum, & tolleretur omnis scientia. Standum igitur est in principiis quorum non est ratio cinatio demonstratiua, sed eorum est inductio. Cognoscuntur enim inductiue procedendo ab singularibus ad vniuersalia: vel si sint maximæ illæ dignitates extrinsece cognitæ terminis percipiuntur vi & lumine intellectus agētis, sed hæc in libro posteriorū latissime patent. [S C I E N T I A ergo.] Declarata scientia ex parte sui obiecti circa quod est, & ex parte suæ causæ & generationis, nunc concludit eius definitionem remittendo nos ad resolutiua posteriora, & dicens quoddam scientia est habitus qui fit per demonstrationem ex veris ut ibi inquit, & primis mediisque vacantibus, & item ex notioribus, & prioribus ipsa conclusione causisque eiusdem. Postea subdit inferius in eodē libro resolutiuorū. Vera igitur esse oportet, quia fieri nequit ut id sciat quod non existit, veluti diametrum commensurabilem esse, scilicet cum costa, & latere eiusdem qua-

drati: & paulo inferius. Causæ enim sint oportet, & notiora atque priora. Causæ, quoniam tum scimus cum cognoscimus causam: priora siquidem causæ sunt, & antea cognita non modo solum, quid significent, scilicet, sed etiam altero quod videlicet sint, & paulo inferius. Ex primis autem esse nil aliud est quam ex propriis principiis esse. Idem enim primum atque principium est. Est ergo scientia habitus demonstratiuus: quo percipimus conclusiones necessarias per causas suas veras primas immediatas, & notiores & priores ipsis conclusionibus. Veluti si habemus cognitionem huius conclusionis quod luna potest eclipsim vel obscuritatem pati, & cognoscimus huius causam esse interpositionem terræ: tunc huius effectus scientiam habemus per causam suam: & fieri potest demonstratio talis. Omne illud inter quod & solem fieri potest interpositio terræ est eclipsibiles, vt ita loquar, & pati obscuritatem potest: at luna est huiusmodi, ergo potest obscuritatem & defectum pati. Sic igitur cum habemus cognitionem multarum, & plurium conclusionum per demonstrationem ex causis suis propriis, & accommodatis, a prioribus & notioribus & cæteris conditionibus tunc generatur in nobis scientiæ habitus. [T V M enim quispiam.] Oportet ad habendam scientiam conclusionis vt principia & causæ sint nobis magis notæ quam conclusio, & effectus, & vt eis magis credamus quam conclusioni. Aliter enim per accidens habemus scientiam & non per se. Qui enim fieri potest vt ignotum sciamus per ignotius? nam si cognoscimus vtraque, scilicet principia, & conclusionem, & alterum per alterum, id est conclusionem per principium, profecto magis cognoscimus principium quam conclusionem, & causam magis quam effectum. Vnde est illa philosophi dignitas, propter quod vnumquodque tale, & illud magis. Verum alia est notitia conclusionis, alia principiorum. Nam hæc pertinet ad habitum principiorum, qui dicitur intellectus vt inferius apparebit, illa pertinet ad scientiam, quæ est habitus conclusionum: & hæc præsupponit illam ita vt principiorum sit maior notitia, maiorque certitudo, & maior eis habeatur fides, vnde in libro posteriorum: magis enim principiis, aut omnibus, aut quibusdam credere quam conclusioni necesse est. Atque ei qui per demonstrationem scientiam est habitus non solum ipsa principia magis nota, magisque credita sunt quam id quod ex ipsis ostenditur, sed etiam nihil prorsus eorum quæ principiis opponuntur: ex quibus erit ratiocinatio falsa contrariâque veræ, credibilis sit aut notius principiis ipsis oportet, & reliqua. Hæc enim in libro posteriorum late patent.

## De arte.

## Cap. IIII.

 Orum autem quæ aliter sese habere possunt est & aliquid quod sub effectum, & aliquid quod sub actionem cadit. Diuersa vero sunt effectio, atque actus. De his autem ipsis & externis sermonibus credimus. Quare & habitus qui cum ratione actiuus est, diuersus est ab eo habitu qui cum ratione est effectiuus, neque alterum ab altero continetur. Neque enim effectio actus est: neque actus effectio. Atqui cum extruendarum ædium facultas, ars quædam, sic ac habitus quidem faciendi cum ratione, nullaque sit ars quæ non sit habitus faciendi cum ratione: nec ullus habitus talis qui non sit ars, sit vt idem sit ars, atque habitus faciendi vera cum ratione. At vero circa generationem ars omnis versatur, & inuentionem, contemplationemve, quoniam pacto fiat eorum aliquid quæ & esse, & non esse possunt, & quorum principium non in eo quod efficitur, sed in ipso est faciente. Nam neque eorum quæ necessario sunt, vel fiunt est ars: neque eorum quæ sunt secundum naturam. Hæc enim in seipsis habent principium ipsum. Cum autem effectio, atque actus diuersa sint: artem effectiois esse, non actus, necesse est. Atque circa eadem quodammodo versatur ars, & fortuna, quemadmodum & Agatho dicit. Quippe ars fortunam: fortunæque diligit artem. Ars igitur (vt diximus) habitus est quidam faciendi, falsa cum ratione. Contrarium autem artis habitus est faciendi, falsa cum ratione: circa id quod se aliter habere potest.

**E**ORVN autem quæ aliter sese habent & cætera. Hoc est secundum capitulum huius tractatus, in quo postquam philosophus determinauit de vno ex quinque habitibus intellectiuis. i. de scientia, quæ quidem est habitus intellectus, & mentis speculatiuæ, & eam diffiniuit vt patuit: nunc docet de alio, id est de arte que quidem est habitus mētis consultatiuæ, quæ communi nomine appellari solet mens actiua, & subdiuidi in actiuam & factiuam. Ars verò est habitus in mente siue in intellectu factiuo. Diuiditur autem hoc capitulum in quatuor partes quæ suis locis patebunt. In prima parte ostēdit duos esse habitus, qui versantur circa ea quæ possunt aliter se habere: quorum vnus est principium agendi, id est prudentia, alter principium faciendi, id est ars. Versantur igitur ambo circa obiecta quæ possunt aliter se habere, & quæ tamen obiecta sunt diuersa, quia alia sunt agibilia alia factibilia, & habitus ergo isti diuersi erūt, & etiā eorum operationes diuersæ. aliud est actio, aliud effectio: & aliud agere quod est prudentia, & aliud facere quod est artis, & de iis etiam credimus. [EX TERNIS sermonibus.] Id est cōmuni sermoni hominum, vt nonnulli exponunt. Dicitur tamen à nobis in primo Ethicorum. Vbi philosophus inquit, Dicuntur autem de ipsa, & in externis sermonibus nonnulla sufficienter, quod scripti sunt nonnulli libri ab Aristotele extra ordinem doctrinæ, qui appellantur externi sermones ad differentiam internorum librorum, qui sunt scripti in ordine ad doctrinam vt ibi patuit. Cum igitur isti duo habitus inter se differant, intelligendum est quod non differant tanquam aliqua duo, quorum alterum sit sub altero, veluti quædam species sub genere, vt homo ab animali differt: sed sicut duæ distinctæ species inter se differunt, vt homo & equus, vt fortitudo & temperantia & huiusmodi. Nam nec actio est effectio, nec effectio est actio, quod si essent sequeretur quod vnus esset sub altero, tanquam species sub genere: sed isti diuersæ species habituum. [A T Q V I cum extruendarum.] Hæc est secunda pars huius capituli, in qua ostēdit illum habitum qui est principium faciendi esse ipsam artem, & ipsam artem nihil aliud esse quam habitum cum ratione vera factiuum, nec habitum cum ratione vera factiuum esse aliud quam artem, & sic diffinitionem conuerti cum suo diffinito. & hoc probat exemplo artis ædificatiuæ, ex quo inductione dici potest idem esse in reliquis artibus. Nam si ædificatiua est habitus cum ratione vera factiuus. Item statuariæ: ite fabrilis est huiusmodi, ergo patet inductiue quod omnis ars est habitus cum ratione vera factiuus, & omnis habitus talis est ars, & ad hanc diffinitionem afferendam contulit diuisio supra allata, quod eorum quæ possunt aliter se habere, quædam sunt agibilia, quædam factibilia, nam ars non est agibile, ergo factibile, id est cum vera ratione habitus factiuus: ex quo distinguitur etiam ab habitu actiuo, id est à prudentia, quia prudentia est habitus actiuus, non factiuus, & agibile non factibile vt patet. [A T verò circa generationem.] Hæc est tertia pars huius capituli, in qua philosophus ostēdit quomodo ars versatur circa suam materiam, & primo tangit tria ex parte artis. Et duo postea ex parte materiæ: primo enumerat tria, scilicet generationem, inuentionem, contemplationem: & incipit ab eo quod est vltimum in executione, & primum in intentione, scilicet agere ratione operis. Nam præcedit consideratio, & inuentio in operando, sed tamen facit prius mentionem generationis, ac si resolveret aliquod opus artis, quod est vltimum in executione, & primum in intentione. Incipit enim artifex primum speculari & considerare. Veluti Appelles quomodo Alexandri figuram faciat, deinde inuenire quomodo est faciendæ, & operari demum facit ipsam figuram, qua facta cessat statim sua effectio. Quare circa hæc tria versatur ars, id est circa contemplationem rei quam facere vult: deinde circa inuentionem ipsius in operando & fugiendo: demum circa generationem operis, quod est vltimum istarum trium, & tamen principale, & primum quod intenditur, quia consideratio, & fictio sunt ob opus ipsum. Post hæc affert duas cōditiones ex parte materiæ suæ: in qua est alia forma introducenda accidentalis. Primum est quod materia talis non est necessaria: sed id fieri, & non fieri potest, vt lectica & talia, secundum quod materia talis non habet in se principium internum, scilicet ipsam artem. Est enim principium artis in faciente, id est in ipso artifice, non autem in eo quod fit, id est in opere, vel in materia de qua conficitur opus. Tribus modis fit aliquod opus ab artifice, aut transmutando partes materiæ, aut addēdo aliquid, aut auferendo secundum diuersitatem, & indigentiam materiæ. Notandum quod philosophus dixit generationem esse operationem vnam artis. Cum generatio videatur esse natura, & verum est. Commune enim quid est generatio arti, & naturæ, & propterea ars dicitur imitatrix naturæ: sed in hoc differt quod natura generat formas substantiales, & hæc est generatio proprie & simpliciter dicta: ars verò generat formas accidentales, & hæc appellatur generatio improprie & secundum quid. Vnde in libro Physicorū dicit philosophus. Cum autem res multifariam fiant, & quædam non absolute fieri, sed aliquid fieri, quædam absolute fieri simpliciter quæ dicantur quod solis nimirum substantiæ competit, & cætera. [N A M nec eorum quæ necessario sunt.] Hæc est quarta pars huius capituli, in qua philosophus ostēdit quo pacto ars per suam materiam differat ab aliis habitibus intellectiuis, & primo à scientia: sed cum scientia triplex esse videatur, scilicet metaphysica, mathematica, naturalis. Primo differt à metaphysica, & mathematica, quia iste versantur circa ea quæ necessario sunt, vel sūt necessario, vt lunæ eclipsari: & etiam naturalis scien-

tia est de necessariis, quia omnis sciētia circa necessaria versatur. Eodem modo intellectus, & sapiētia qui omnes habitus sunt speculatiui, & versantur circa ea quæ aliter se habere non possunt: ars verò circa ea quæ possunt aliter se habere. ergo cum materia sint diuersi, diuersi erunt habitus, & ars per hanc rationem differt ab iis omnibus. Præterea differt à naturali sciētia, quia illa est rerum naturalium, quæ in se habet principium sui motus, & mutationis: illa verò quæ ab arte sunt non habent in se principium motus, & mutationis & alterationis. Notandum quòd natura est principium internum rerum naturalium: ars verò est principium externum respectu rei artificialis, cum sit in artifice qui habet talem habitum, & tale principium. Quòd si dicamus statuat Alexandri lapideam moueri deorsum, non eo quo statua, sed eo quo lapis, & res quædam naturalis deorsum fertur. Itaque ipsa ut statua per accidēs, & non per se habebit tale principium internum. Natura verò est principium per se in rebus naturalibus, ut patet ex diffinitione eius in secundo Physicorum. Natura est principium quoddam, & causa ut id moueatur atque quiescat, in quo primum per se, & non per accidens inest. Ars verò est principium externum respectu rerum artificialium, ut patet in principio eiusdem secundum Physicorum. Inter hæc autem inquit, & ea quæ non constant natura hoc interesse videtur, quòd ea quæ natura cōstant principium in se ipsis motus statui: aut per locum, aut incrementi decrementive, aut alterationis habere videntur. at lectica, vestis, & alia similis generis, quæ talibus nominibus appellatur atque ab arte sunt: eo nullam vim nullumque principium mutationis insitum habent, & paulo inferius, simili modo sese habere videntur: vnumquodque eorum quæ per artem conficiuntur. Nihil enim eorum in seipso prorsus extructionis suæ principium atque originem habet. Postea dicitur: ars verò naturam habere dicimus quæ huiusmodi principium habet, & cætera. [CVM autem effectio.] Cum antea declaratum sit artem differre à tribus illis habitibus intellectiuius mentis speculatiuæ: nunc declarat eam differre ab habitu actiui, id est à prudentia cum quæ magis videbatur conuenire quàm cum illis. Probat quod differat hoc pacto. Quorum fines, & obiecta sunt diuersa, & habitus illorū sunt diuersi, sed facibilia, & agibilia: & effectio, & actio sunt huiusmodi, ergo istorum habitus erunt diuersi, scilicet prudentia & ars. [ATQVE circa eadem.] Ostendit philosophus quòd ars, & fortuna videntur quoquo modo conuenire, quia videntur quasi versari circa eandem materiā, id est circa ea quæ possunt aliter se habere: & hoc probat auctoritate Agathonis poetæ: qui vult quod vbiunque sit ars ibi possit esse fortuna & econtra: quomodo autē differant ista duo philosophus non ponit, sed ex hoc colligi potest, quia dixit quòd vnum comitatur alterum. Illa igitur quæ sese comitantur non sunt idem, quia nihil comitatur seipsum, præterea differunt, quia ars est principium per se, fortuna per accidens. Nam natura est causa per se, mens quoque est causa per se. At casus est causa per accidens, circa ea quæ sunt à natura. Fortuna verò est causa per accidens circa ea quæ sunt à mente ut in secundo Physicorum ostendit philosophus. Et nos in primo Ethicorum nonnulla retulimus. [ARS igitur vti diximus.] Cōcludit philosophus afferendo diffinitionem artis ut supra, scilicet quòd ars est habitus quidam cum ratione vera factiui. Habitus sumitur hic loco generis, & ideo dixit quidam, quia non omnis habitus est ars, sed quidam. Differentia autem est cum ratione vera factiui: contrarius verò habitus qui græce *πραγμα* dicitur est cum falsa ratione factiuius circa ea quæ possunt aliter se habere. Notandum quod ignorantia bifariam dicitur, negationis, & dispositionis, ut habemus à philosopho in primo posteriorum. Cum igitur philosophus sumit hic habitum arti oppositum, non sumit imperitiam quandam negationis, sed malæ dispositionis, sicut in medicina ignoratio dicitur cum nullo modo scitur, & talis ignoratio dicitur negationis, & nō est proprie opposita scientiæ medicinæ. Alio modo dicitur ignoratio cum male, & peruerse scitur medicina, & talis est proprie opposita: & sic habemus quòd ars est habitus factiuius, & non actiuius: & quod differt à cæteris habitibus mentis, & quòd versatur circa materiā quæ potest aliter se habere, quæ habet principium extraneum: & quomodo conuenit, & differt cum fortuna, & est habitus cum ratione vera factiuius: contrarius verò econtra.

## De prudentia.

## Cap. V.

**P** prudentia vero quænam sit, hoc perceperimus pacto: si contemplabimur quosnam ipsos prudentes dicimus esse. Videtur itaque prudentis esse, bene consulere posse circa ea quæ sibi sunt bona, ac profunt, non aliqua ex parte, ut quænam ad sanitatem vel vires, sed quænam ad bene viuendū omnino conducant. Argumento est id ita esse: eos etiam qui circa aliquid versantur prudētes dici, cum bene ad finem studiosum aliquem excogitauerit ea, quorum nulla est ars. Quare & omnino prudens is est, qui ad consul-

randū est aptus. Consultat autem de is nemo: quā aliter sese habere non  
possunt, aut de iis quā ipse agere nequit. Quare sciētia quidem est cum  
demonstratione (quorum autem principia aliter sese habere possunt: eo-  
rum non est demonstratio, cuncta enim & aliter sese habere possunt) ne-  
que de iis quā sunt necessario, consultatio fieri potest: ipsa prudētia pro-  
fecto, neque scientia, neque ars esse potest. Scientia quidem: quia quod  
sub actionem cadit, aliter sese habere potest. Ars autē: quod aliud actio-  
nis, aliud effectiois est genus. restat ergo habitum ipsum esse agendi,  
vera cum ratione; circa ea quā sunt bona homini atq; mala. Finis enim  
effectiois, est quid aliud prāter ipsam effectioem. Actionis verō non  
semper. Est enim ipsa bona actio finis. Quocirca Periclem & viros tales  
arbitramur esse prudentes, quia quā sibiipsis, & quā ceteris hominibus  
sunt bona, perspicere possunt. Esse autem eos tales putamus, qui ad rem  
familiarem atque ad rem publicam administrandam sunt apti. Vnde &  
temperantiam conservatricem prudentiā appellamus. Conseruat au-  
tem talem existimationem. Voluptas enim & dolor non omnem exi-  
stimationem corrumpit, atque peruertit. Non enim hanc, triangulum  
tres angulos æquales duobus rectis habere. Sed eas quā circa id haben-  
tur: quod cadit in actionem. Nam principium quidem rerum agenda-  
rū id est, gratia cuius sunt ipsæ. ei verō qui corruptus est ob voluptatem  
aut dolorem, continuo non videtur principium ipsum, nec huius gratia  
ac propter hoc ipsum, expetenda esse vniuersa atque agenda. Vitium e-  
nim principij corruptiuum est. Quare prudentiam habitum esse agēdi  
circa humana bona, vera cum ratione, necesse est. At verō artis quidem  
est virtus, prudentiā verē non est. Et in arte quidem qui sua sponte pec-  
cat magis est expetendus. Circa verō prudentiam minus, quemadmo-  
dum & circa virtutes. Patet igitur prudentiam virtutem quandam esse:  
non artem. Cum autem duæ sint animæ partes rationem habentes: al-  
terius erit ipsa prudentia virtus, ipsius inquam opinatiuæ. Nam opina-  
tio circa id versatur, quod aliter sese habere potest, & prudentia ipsa.  
Atqui neque habitus est cum ratione solum, huius autem indicium est,  
talis quidem habitus obliuionem esse, prudentiā verō non esse.

## Commen.

**D**E PRUDENTIA verō tractabimus.] Hoc est tertiū capitulum huius tractatus, in quo  
postea quā declarauit duas virtutes intellectiuas, quarū altera speculatiui intellectus, al-  
tera cōsultatiui factiui perfectio est. Nūc de altero habitu mētis cōsultatiuæ docet, id est  
de prudentia quā ipsius cōsultatiuæ non factiua, sed actiue perfectio est: hæc etiam est recta ra-  
tio, qua terminatur, & definitur mediocritas omnium virtutū moralium. Diuiditur autē hoc ca-  
pitulum in tres partes. In prima ostēdit quid est prudentia. In secūda declarat differentiam inter  
artem, & sciētiā & prudētiā. In tertia ostēdit subiectū in quo, & obiectū circa quod est, pro-  
prie est prudētia. Declarat igitur in primis quid est simpliciter prudēs, vt ex hoc tāquam ex ma-  
gis noto possit inuenire diffinitionem prudētiæ: hæc enim percipi potest facilius ex operatione  
prudētis. Nam vt sæpius dictū est, habitus ex operationibus cognoscitur. Dicit igitur quod eos  
solemus appellare prudētes qui bene cōsulare possunt, non circa aliquod vnū veluti circa cor-  
poris sanitatem vel robur, quā non videtur minus pertinere ad medicinā vel gymnasticā: sed



eos potius qui bene consilire possunt circa ea quæ simpliciter conferunt ad bene degendam vitam humanam: & hanc sententiam cõfirmare videtur quodam signo, & communi sermone hominum. Quasi dicat, quemadmodum eos qui ad aliquem finem bonum assequendum, recte excogitauerunt ea quibus consequerentur talem finem, consueuimus in ea re appellare prudentes (non loquimur de iis quæ ad rem pertinent) sic etiam equum esse videtur eos, qui simpliciter de omnibus ad bene viuendum pertinentibus recte cõsultant, simpliciter appellare prudentes. Soller plerunque philosophus in iis moralibus, & actiuis sumere probationes ex communi iudicio hominum, quia notiores sunt, & interdum iis rebus accomodare: & vt alibi inquit, Non omnino

- 37 vana videtur fama quam populi multi decantant. [CONSULTAT autem nemo de iis rebus.] Affert nunc philosophus differentiam inter habitus iam dictos, qui sunt scientia & ars, & ipsam prudentiam, vt possit afferre eius diffinitionem: & dicit quòd nemo cõsultat de iis quæ sunt necessaria, neque de iis quæ non possunt agi à nobis, sed à natura aguntur, vel ab alia causa: nos verò consultamus de iis quæ aliter se habere possunt, & agi à nobis vt in tertio latissimè ostendit. Post hæc declarat prudentiam non esse scientiam nec artem, & primo probatur quòd scientia non est prudentia hoc pacto, sciẽtia non est de iis quæ possunt aliter se habere: prudentia est de iis quæ possunt aliter se habere, ergo prudentia non est scientia vel econtra. Patet ratio, quia supra ostensum est scientiam esse de necessariis, & habitus distinguuntur per obiecta diuersa. Probatur item alia ratione quod prudentia non est scientia. Scientia est cum demonstratione: prudentia non est cum demonstratione: ergo prudentia non est scientia. Demonstratio est rerum & conclusionum quarum principia sunt necessaria, & non sunt eiusmodi vt possint aliter se habere, ex quibus & si necessaria conclusio sequi possit secundum aliquam formam syllogismi, non tamen secundum materiam, erit enim quædam necessitas consequentiæ. In demonstratione verò ex principiis necessariis sequeretur non modo necessitas consequentiæ, sed etiam consequentis, cogente & forma syllogismi & materia. præterea prudentia est de iis quæ aguntur, scientia non est de iis quæ aguntur, ergo scientia non est prudentia vel econtra. Item probatur quòd prudentia non est ars, licet hoc inferius latius declarabit. Quorum habituum operationes sunt diuersæ, & ij habitus sunt diuersi, at effectio & actio sunt operationes diuersæ. nam aliud genus actionis aliud effectiois: ergo & habitus erunt diuersi. Sed prudentia est habitus actionis, ars effectiois, ergo prudentia non est ars, nec econtra ars est prudentia. [RESTAT ergo vt ipsa.] Concludit ex supradictis diffinitionem prudentiæ, dicendo, quòd cum non sit scientia nec ars, relinquatur vt prudentia sit habitus agendi vera cum ratione circa ea quæ sunt homini bona & mala. Post hæc declarat hanc diffinitionem secundum eas partes quæ indigere videbantur declaratione. Est autem vltima pars illa qua dixit quòd versatur circa ea quæ sunt homini bona & mala, & hoc videtur probare tribus rationibus. Prima vnde sumitur quòd prudentia versatur circa ea quæ agi, & non quæ extrui à nobis possunt. Agi inquam à nobis quæ sunt homini bona, & mala, & commoda vel incommoda, quæ non dicuntur effici sed agi. Nam talis actio est perfectio agentis, & in eo cuius est actio. Effectio verò videtur terminari ad extremum opus, & quasi esse perfectio operis illius, & rei fabricata. Præterea effectio ordinatur ad vltiorem finem: actio verò interdum est finis & agentis bonum, veluti felicitas ipsa quæ est operatio animi secundum prudentiam. Quare prudentia versatur circa ea quæ sunt homini bona, & mala. [QUOCIRCA Periclem.] Affert aliam rationem quæ sumitur ex signo. Dicit enim quòd solemus Periclem appellare prudentem, & alios huiusmodi homines, qui in publicis pariter ac priuatis rebus recte prospicere solent ea quæ sunt bona, & commoda. [VNDE & temperantiam.] Probat alio signo philosophus, quia temperantiam appellare solemus cõseruatricem prudentiæ: dicitur enim græce temperantia, *σωφροσύνη*, ἀπὸ τοῦ σώζειν τὴν ἀφρόνησιν, quia videtur cõseruatiua esse prudentiæ, ex eo, quia præcipue moderatur voluptatem & dolorem. Quæ labefactare solent existimationem, & iudicium percipiendi bona & mala. per voluptatem enim vitia consequimur, dolore aufugimus à virtute. Quare cum temperantia cõseruet tale iudicium prudentia quo prospicimus bonum finem in rebus agendis, signum est quòd prudentia versatur circa huiusmodi quæ sunt bona, & mala homini dirigendo actiones nostras vt recte sequamur ea quæ sunt nobis bona, fugiamus autem mala. non videtur autem labefactare eo pacto existimationem illam voluptas, & dolor, qua percipiuntur quædam speculatiuæ conclusiones, vt est illa, quòd triangulus habet tres angulos aequales duobus rectis. quanquam si veritatem quarimus, posthabenda sunt etiam voluptates ei qui speculationi dare operam vult. Verum cum voluptas, & dolor corrumpat existimationem illam rerum agendarum, signum est quòd prudentia circa talia versatur: nam principium rerum agendarum est finis ob quem actiones aguntur. Quòd si quis habet existimationem, & iudicium corruptum, non recte percipietur ab eo tale principium, id est talis finis rerum agenda rum, qui dicitur principium, quia mouet intellectum & appetitum. est enim appetibile, & ideo mouet tanquam agendum bonum sub ratione boni. Id autem est, aut bonum. aut apparatus bonum. Ille igitur qui habebit iudicium corruptum ob voluptatem, non prospiciet bonum finem. Nam qualis quisque est, talis sibi videtur finis. Vitium autem corruptum finem illum vel iudiciu de tali fine: ex quibus patet quòd bene assignata est diffinitio prudentiæ, & bene addita illa pars agendi

circa humana bona. Notandum quòd finis in rebus agendis dicitur esse principium quia mouet. Nam vt in ædificando domum: ædificatorem mouet extractio domus, & ipsum opus quod est primum in intentione, & vltimum in executione: ita in agendo finis ipse, & si sit vltimum in executione: tamen est primum, & principium mouens, & causa principalis vt agatur. Vnde à philosopho finis solet appellari causa causarum. [A T verò artis quidem.] Hæc est secunda pars huius capituli, in qua philosophus, & si antea aliqua differentiam attulerit inter artem & prudentiam, tamen quia magna videtur esse affinitas inter eas: affert alias rationes ad probandam eandem differentiam, quarum vna est talis. Artis est virtus: at prudentia non est virtus, ergo prudentia non est ars. Paret ratio quia ars indiget virtute ad perficiendum suum opus, & præcipue virtute iustitiae, nam ob prauitatem vel auaritiam vel inuidiam vel aliquid huiusmodi, potest quis negligere suum opus ab arte sua conficiendum, qui tamen habet bonum habitum ipsius artis. Sed quando dicimus virtutem ad artem pertinere: non videmur dicere hoc quia ars constituitur ex virtute recte operandum videtur artifex indigere virtute morali, & præsertim iustitia, quia moralis virtus intentionem facit rectam: quare artifex nisi iustitiam habeat, & probitatem, non recte & bona vt ita dicam fide vtetur arte in opere faciendum: at prudentia non indiget aliqua virtute morali cum sine illis esse non possit, neque ille sine prudentia, quia est recta ratio, & quasi forma quædam omnium virtutum moralium. Coniungitur enim cum appetitu recto, & videtur oriri quasi quidam nodus omnium virtutum, & hoc fit quando appetitus operationibus studiis assuefactus est obedire rationi vt decet. [E T in arte quidem.] Alia est ratio qua ostendit quod ars à prudentia differt hoc pacto. In arte ille potior, & magis expectendus esse videtur, qui sponte peccat, scilicet quam ille qui non sponte. Circa prudentiam verò, & alias virtutes fit e contra. Potior est igitur, & magis expectendus: intelligendum est hoc secundum artem. Nam spontaneus defectus non arguit imperitiam artis. At non spontaneus arguit imperitiam & ignorantiam artis. Itaque voluntarium vitium tale in arte, & si vitium sit, tamen non videtur esse vitium artis: potest enim esse malus homo, & peritus artifex, & abuti illa arte. At circa prudentiam fit e contra. Vitium enim voluntarium arguit defectum prudentiæ, & prauitatem hominis non habentis vere prudentiam, sed astutiam quandam, & sic in reliquis virtutibus morum, in quibus ignorantia non sua culpa commissi excusari solet. Delictum verò voluntarium spontaneumque reprehendi. At in arte, & si voluntarium delictum reprehendendum sit, non tamen vt artis delictum, sed inuoluntarium bene reprehenditur, vt artis defectus, cum imperitiam præ se ferat. Ex his patet prudentiam non esse artem, sed esse virtutem quædam. ars verò non eo pacto videtur virtus vt illa. [C V M autem duæ sint.] Hæc est tertia pars huius capituli, in qua philosophus declarat subiectum in quo est ipsa prudentia: & dicit cum duæ sint animæ partes rationales, scilicet speculatiua & consultatiua, vt supra declarauit, quæ communiter appellari solent intellectus speculatiuus & practicus, prudentia erit in altera, scilicet in consultatiua & ratiocinatiua, quæ est etiam principium opinandi: & assignat rationem, quia vtraque, scilicet opinio & prudentia versantur circa idem obiectum in genere, scilicet circa ea quæ possunt aliter se habere: differunt tamen vt supra vidimus, quia opinio est etiam de naturalibus quæ à nobis fieri non possunt, præterea non est virtus, quia falli potest: prudentia verò est virtus, & circa verum perspicendum in eo quod agendum est non fallitur, nec fallit ex parte sua, licet ex parte rerum falli possit. [A T Q V I nec habitus est cum ratione solum.] Hæc in parte dicunt quidam philosophi velle prudentiam non solum esse habitum cum ratione, sed oportere eam esse coniunctam cum recto appetitu vel sua operatione, ex eo quia prudentia non fit obliuio. Nam si esset habitus cum ratione tantum, eius fieret obliuio, sicut aliorum habituum intellectiuiorum. & referunt hoc ad reliquos omnes habitus intellectiuios, scilicet quòd eorum fiat obliuio: prudentia verò minime, quia coniuncta est cum appetitu recto, & moralibus virtutibus, secundum quas magis continue operamur, & earum obiecta frequentius nobis occurrunt, & ad hoc propositum accommodata illa esse videtur quæ à philosopho in primo libro dicuntur. Etenim nullis in rebus humanis tanta est certitudo quanta est in operationibus istis quæ à virtute proficiuntur. hæc nanque stabiliore, & scientiis ipsis esse videtur, quæque rursus ipsarum cæteris antecellunt, & maxime firmæ fixæque sunt, idque propterea quòd in ipsis ipsi beati, & maxime & continuatissime viuunt. Hoc enim causa esse videtur quo minus circa ipsas fiat obliuio. Verum vt eo loco diximus quomodo virtutes sint stabiliiores scientiis diligenter intelligendum est. Nam ambo sunt habitus de difficili mobiles: præterea scientiæ versantur circa necessaria, virtutes circa ea quæ possunt aliter se habere: sed intelligendum est hoc quantum ad operationem, & exercitationem ipsarum. Continue nanque occurrere nobis videntur agibilia, & obiecta virtutum, vt cibus & potus, negotia tum publica, tum priuata, & alia huiusmodi, in quibus humana versatur vita: quorum frequentem exercitationem fit, si recte agamus vt habitus virtutum magis figantur in animo, vt ita loquar, quam scientiæ habitus, & hoc videtur esse causa quo minus circa eas fiat obliuio. Accedit præterea appetitus rectus qui semper cum virtute morali coniungitur, & obliuione non tollitur. Cæterum quidam alij dicunt philosophum hac in parte probare eandem distinctionem superius allatam inter

artem, & prudentiam, & non referunt hæc ad habitus speculatiuos, sed probât solum de arte, hoc pacto. Ars est habitus solum cum ratione: at prudentia non est habitus solum cum ratione, est enim etiam cum appetitu vel operatione sua. ergo prudentia nō est ars. Nam ille habitus .s. ars cuius fieri potest obliuio, est solum cum ratione. At prudentiæ non est obliuio, ergo prudentia nō est habitus solum cum ratione. Ratio patet ex his quæ superius diximus, q̃ prudentia non videtur esse obliuio, quia & ipsa, & virtutes morales cum quibus semper prudentia est coniuncta, versantur circa ea quæ in vita humana continue nobis pene occurrunt, & fit earum exercitatio ferme continua. Artis vero non eo pacto: ergo magis eius fieri obliuio potest. Quicquid sit, cōcludendum quod non sufficit vt prudentia sit habitus cum ratione solum, nam hoc commune est aliis habitibus: siue sint speculatiui, siue ars, sed oportet etiā vt sit cum appetitu recto cōiunctus: ex quo sequitur quod prudentiæ non fiat obliuio: cum appetitus continue appetat, & cōiunctus cum prudentia ei semper addit: materiamque præbeat operationum, quibus & conseruatur & ita bilior sit ipsa prudentia. Dubitatur circa ea quæ dicta sunt in hoc capitulo: & primo, vtrum ars sit distincta à prudentia, vt dicit philosophus, & videtur q̃ sint idem. Illi habitus qui versantur circa eadem obiecta sunt idem: sed ars & prudentia versantur circa eadem obiecta, ergo, &c. Maior patet quia habitus distinguuntur per diuersa obiecta. Minor probatur, quia vtque habitus versatur circa ea quæ à nobis fieri possunt, & aliter se habere, ad hæc dicendum quod ars, & prudentia sunt habitus distincti, vt declarauit philosophus. Primo quia artis est effectio, prudentiæ est actio non effectio. Item quia artis est virtus, prudentiæ non est virtus. Item artis est obliuio: prudentiæ non est obliuio. Ad rationem allatam supra respondendū, q̃ & si obiecta vtriusque sint eadē in eo quod possunt aliter se habere, differunt tamē, & diuersa sunt ratione in eo, q̃ alia sunt factibilia, scilicet artis obiecta, alia agibilia. s. prudentiæ. Dubitatur præterea, quia philosophus dixit temperantiam esse conseruatricem prudentiæ, & tamen hoc etiam videtur esse aliarū virtutum. Nam vitium, inquit philosophus, corrumpit existimationem bonam, & rectum iudiciū rerum agendarum, ergo virtutes seruabunt. Contrariorum enim contraria sunt consequentia, quare non tantum hoc erit temperantiæ munus. Dicendum quod hoc præcipue tribuitur temperantiæ, quia & si omnis virtus versetur circa voluptates, & dolores, quæ veram existimationem destruit, tamen ipsa temperantia magis quàm alia versatur circa voluptates, & circa vehēmentiores, quæ maxime labefaciunt rectum iudiciū rerum agendarum. Quare & si alia virtutes cōseruent prudentiā, non adeo tamen vt temperantia, & alia vitia itidem, quantum corrumpant eandem, non adeo tamen vt intemperantia. Propterea philosophus videtur temperantiæ hoc officium conseruandi magis tribuere quàm aliis virtutibus. Dubitatur præterea, quia philosophus ostendit prudentiam esse virtutem intellectuā, constituens eam in parte animi rationali consultatiua, id est in intellectu actiua. Et tamen videtur, & probatur quibusdam rationibus q̃ ipsa est moralis. Cuiuslibet virtutis intellectuæ videtur esse obliuio: sed prudentiæ non est obliuio: ergo prudentia non est virtus intellectuā. Patet ratio auctoritate philosophi dicentis quod obliuio est eius habitus qui est cum ratione, & q̃ prudentiæ non est obliuio vt in textu apparet. Itē omnis forma videtur esse in eodem subiecto, in quo est id cuius est forma, sed prudentia est forma virtutum, ergo erit in eodem subiecto in quo sunt virtutes, sed virtutes, scilicet moris sunt in appetitu: ergo ibi erit etiam prudentia, & sic erit virtus moris. Maior est nota, quia vbiūque est compositum ibi sunt partes compositi. Minor patebit inferius, quod prudentia est forma virtutum moralium. Item prudentia perficit appetitum ad bonum, sed virtus intellectuā perficit potius intellectum ad verum. Ergo prudentia non erit virtus intellectus, sed potius moris. Philosophus tamen superius declarauit prudentiam esse virtutem intellectus, & non dixit moris. Probat etiam quia perficit aliquam partem mentis, id est intellectum actiuum ad verum dicendum, ergo est habitus mentis, & intellectus, & non moris. Ad primam rationem cum dicitur q̃ cuiuslibet virtutis intellectuæ fit obliuio: negatur ista maior, quia prudentia est virtus intellectuā, & tamen eius non fit obliuio, quod si alii habitus intellectuui haberent illas cōditiones, quas habet prudentia vt essent coniuncti cū appetitu recto, & cum virtutibus moralibus, & daretur occasio continue operandi, tunc eorū sicuti prudentiæ nō fieret obliuio. Ad secundam cum dicitur q̃ forma est in eodem subiecto, in quo est id cuius est forma: respondendum quod prudentia nō est forma virtutum informans, & interna: sed est externa dirigens & gubernans, & ideo non oportet vt ipsa sit in eodem subiecto cum virtutibus moris. Non. n. est prudentia in appetitu sensitiuo, sed in parte animi rationali per essentia. Sin parte consultatiua, vt superius vidimus. Ad tertiam cū dicitur quod virtus intellectuā perficit intellectum ad verū, concedendum, & dicendū q̃ prudentia perficit intellectum ad verum, & tamen cum hoc stat simul vt perficiat appetitum ad bonū: sed intelligendum quod perfici appetitum ad bonum vno modo intelligitur vt inclinatur ab bonum, alio modo vt dirigatur ad idem. Primū fit per virtutes moris quæ sunt in ipso appetitu. Leue enim fertur sursum per leuitatem quæ est in ipso, & sic appetitus per virtutē moris, quæ est in ipso inclinatur semper ad bonum, sed hoc modo prudentia non perficit appetitum sensitiuum, quia non est in ipso, sed perficit eum dirigendo, & perducendo ea quæ faciunt ad finem bonum cōsequendum qui expetitur. Vnde inferius inquit, etenim virtus quidem propositū

ipsum efficit rectum. Prudentia autem ea vniuersa quæ ad illud tendunt atque perducunt. Cum igitur prudentia perficiat appetitum vt dirigens non oportet necessario vt ipsa sit in eo qui dirigitur. sicut dominus dirigens seruum non est in eo: inclinans vero est in eo quod inclinatur: & sic patet quodd virtus moris est in appetitu, prudentia vero in intellectu, & forsitan non essent reprehendendi illi qui dicunt omnes virtutes moris esse in appetitu sensitivo, ob hanc rationem, quia omnis virtus moralis est circa voluptatem & dolorem. Notandum est tamen quodd prudentia solet nunc collocari inter virtutes morales, nunc inter virtutes mentis. Nam enumerat quatuor virtutes morales, ad quas alia rediguntur, scilicet prudentiam, iustitiam, temperantiam, fortitudinem. Enumerant etiam habitus intellectiuios quinque, & ponunt prudentiam inter eos. Nam vt ipsa habet operationem consultandi, videtur esse locanda inter virtutes mentis. Vt vero operationem dirigendi appetitum consiciendo sua vi quasdam mediocritates ex parte affectuū, videtur quoquo modo esse moralis. tamen virtus est intellectiua ea ratione, qua est veluti forma perfectiua intellectus actiui. Nam vt inquit philosophus, cum duæ sint anima: partes rationē habentes, vterius erit ipsa prudentia virtus, scilicet mentis consultatiue & actiua.

## De intellectu.

## Caput VI.



Vm autem scientia existimatio sit de vniuersalibus & iis quæ necessario sunt. Sintque demonstrabilia, sciētiæque omnis principia (est enim ipsa scientia cum ratione) principii rei scibilis nec est scientia, nec ars, nec prudētia. Sciētia, quia ipsum scibile demonstrabile est. Ars & prudentia: quia in iis versantur, quæ se se aliter habere possunt. At neque sapientia est. Est enim sapientis, de quibusdam demonstrationem habere. Quod si ea quidem quibus verū dicimus, & nunquam falsum in iis quæ possunt aut non possunt aliter se habere, hæc sunt: scientia, prudentia, sapientia, intellectus: horū autem trium habituum nullus esse potest: atque tres dico, prudentiam, sciētiā, sapientiam: restat intellectum esse principiorum.

## Commen.

CVm autem scientia existimatio sit. Hoc est quartum capitulū huius secundi tractatus, in quo postquam determinauit de tribus habitibus mentis, scilicet scientia, arte, & prudētia: nunc declarat alium habitum qui dicitur intellectus, & est habitus intellectiuios principiorum. Diuiditur hoc capitulum in duas partes: in prima affert quasdam cōclusiones negatiuas, quibus distinguit hunc habitum à cæteris habitibus mentis. In secunda affert vnam affirmatiuam, qua ostendit intellectum esse habitum principiorū. Dicit ergo in primis, quodd cū sciētia sit circa vniuersalia, & necessaria, & circa cōclusiones demonstrabiles, & cum sint principia ex quibus oriuntur tales cōclusiones, & omnis scientia: profectio principiorum huiusmodi rerū scibilium erit aliquis habitus proprius: non est autem scientia, non ars, non prudentia, non sapientia, ergo erit alius habitus. Prima conclusio quodd scientia non est habitus principiorum probatur sic, scientia est de iis quorum est demonstratio. at principiorum rerum scibilium non est demonstratio: ergo principiorum non est scientia. secunda conclusio. Ars est eorum quæ possunt aliter se habere. at principia rerum scibilium non possunt aliter se habere: ergo eorum non est ars: sunt enim principia & causæ necessariae. Tertia conclusio probatur eodem modo, scilicet quodd prudentia est de iis quæ possunt aliter se habere: sed principia scibilium non possunt aliter se habere ergo eorum non est prudentia. Quarta conclusio, sapientia est etiam de conclusionibus quæ demonstrari possunt. Sed principiorum non est demonstratio: ergo eorū non erit sapientia, inquam est conclusio. Notandum quod scientia versatur circa necessaria, & item habitus principiorum, qui dicitur intellectus versatur circa necessaria: sed illa sunt cōclusiones, & effectus, quorum cognitio ex causis suis pertinet ad scientiam. Hæc vero necessaria sunt principia & causæ, quarum cognitio pertinet ad habitum principiorum, qui dicitur intellectus: vtrorūque vero cognitione videtur oriri notitia, quæ pertinet ad sapientiam, quæ qualis habitus sit patebit inferius. [QVOD si ea quidem, quibus vere.] Hæc est secunda pars huius capituli: in qua affert conclusionem illam affirmatiuam quodd principiorum est intellectus hoc pacto, Principiorum rerum scibilium, aut est scientia, aut sapientia, aut ars, aut prudentia, aut intellectus: sed eorum non est ars nec scientia, nec sapientia, nec prudentia, ergo eorum est intellectus: Quodd autem nō sit ars, nec scientia, nec prudentia, nec sapientia, probatum est antea: sed artem hic non enume-

rauit philosophus, quia reliquit tanquam per se notum, & eadem est probatio, id est eodem medio de ipsa, & prudentia. Quod autem relinquatur vt sit intellectus habitus principiorum, cum non sit aliquis istorum quatuor, patet ex eo, quia non sunt nisi quinque habitus intellectiui, quibus verum percipimus, scilicet tria circa ea quae non possunt aliter se habere, id est sapientia, scientia, intellectus: & duo circa ea quae possunt aliter se habere, scilicet ars, & prudentia. At ex illis non est sapientia, non est scientia: & ex his nullus, scilicet neque prudentia neque ars restat vt sit intellectus. [EXISTIMATIO.] Dicitur est superius quod existimatio proprie dicta est tanquam genus ad omnes habitus intellectiuios, & in eo loco adduximus philosophum in libro de anima: quare scientia existimatio dici potest, Principij rei percipiendae scientia, id est principij rerum scibilem. De quibusdam, quae possunt demonstrari: principia vero vt principia non demonstrantur. Notandum quod principia demonstrationum ex quibus oritur scientia, quaedam sunt dignitates, quaedam positiones: dignitas est oratio indemonstrabilis, & nulla indigens demonstratione, quia de se patet. Vnde Theophrastus describendo dignitatem, dicit quod est opinio cui omnes homines assentiuntur, vt est haec, De quolibet verum est dicere quod aut est, aut non est, & de nullo istorum ambo. Huiusmodi principia, quae statim innotescent cognitis terminis, necesse est discendum habere ex sese sine vlla doctrina, & afferre ex domo sua. vnde philosophus in libro posteriorum inquit, Principiorum autem ratio cinandi vacantium medio id quod indemonstrabile est, quodque non est necesse discendum habere, positionem appello. Id autem quod necesse est cum habere, qui discendo quoduis est perceptiuus, dignitas appellatur. Sunt enim talia quaedam, quae quidem affert is ex sese qui discit ad vnamquamque scientiam perdiscendam & cetera. Has autem dignitates appellare solent isti communes animi conceptus, quia omnes homines ex sese naturaliter percipiunt, & nesciunt pene vt inquit Auerrois vnde habeant. & istae dignitates dicuntur esse principia complexa. Positio vero iterum subdividitur, quia quaedam est suppositio, quaedam diffinitio: Suppositio est principium complexum, quod declaravit philosophus in libro posteriorum cum dixit, Rursus ea quidem positionum, quae vtriusque enunciationis accipit partem, esse inquam quipiam: aut non esse suppositio dicitur, & cetera. Diffinitio autem est principium in complexum, vt in eodem loco dicit philosophus: ea vero quae sine hoc ipso esse diffinitio, suppositio iterum aut suppositio esse potest aut petitio. Differt autem suppositio à diffinitione vt in mathematicis apparet. Nam quid est vnitas, & vnitatem esse vt inquit philosophus non eadem sunt: verum horum principiorum quaedam sunt vt causae vniuersales, quaedam minus vniuersales, & quasi particulares respectu vniuersalium: & quaedam ingrediuntur demonstrationem vi, & virtualiter vt isti dicunt: quaedam formaliter, ex quibus sequitur necessario conclusio quasi effectus quidam cuius est scientia, id est cognitio ex tali causa, & principio vel principiis. Principiorum vero & causarum cognitio pertinet ad intellectum, qui dicitur habitus principiorum de quo est sermo. Notandum praeterea quod philosophus perpulchre ostendit breuibus quod habitus principiorum debet esse diuersus à sapientia & scientia, praesertim cum ista duo versentur circa necessaria vt intellectus. Primum quod est distinctus à scientia, quia non idem videtur esse habitus principiorum, & indemonstrabilium, & conclusio. & eorum quae indigent demonstratione. Nam cum in scientia procedatur à principiis ad conclusiones, videntur relinquere principia alicui alii. In omni enim motu relinquatur terminus à quo, & acquiratur terminus ad quem. Oportet igitur primi termini relictis sit aliquis habitus, sicut scientia est termini ad quem, erit ergo intellectus qui percipiet principia tantum. Tunc vitra principia sunt conclusionum principia: sunt enim duo veluti correlatiua, scilicet principia, & id quod est ex principiis. at vtriusque non est aliquis habitus, quia principiorum est intellectus: eorum vero quae sunt ex principiis est scientia: vtriusque vero simul est dandus aliquis habitus qui cognoscat principia, non modo eo quod principia sunt, sed etiam secundum omnes suas condiciones: & etiam vt habent respectum ad conclusiones: & talis habitus erit sapientia distincta ab illis aliis. Nam cum fit ordo inter istos, alter erit altero prior, & distinctus ab alio. Notandum praeterea quod talis habitus principiorum acquiratur: praecedit enim cognitio terminorum, veluti antequam intelligamus quod omne totum est maius sua parte, oportet nos percipere quid significat totum, & quid significat pars. Antecedit etiam cognitio sensitiua. Nam omnis cognitio intellectiua ortum habet à sensu, quare & iste habitus intellectiuius ortum habebit à cognitione terminorum, & à sensu & experientia: & acquiratur vt diximus secundum philosophum Aristotelem, quia anima nostra est tanquam tabula abrasa, in qua nihil est depictum nec vllus habitus insitus à primordio. Plato tamen vult omnes habitus virtutum, & scientiarum animam habere innatos, obliuione tamen sopitos esse cum ingreditur corpus, & exercitatione excitari, ita vt discere apud eum sit reminisci. generatur tamen secundum Aristotelem talis habitus eo modo quo dictum est: sed in anima est tamen potentia, & aptitudo acquirendi eum. intellectus. & cum non haberet aliud nomen, appellauit philosophus hunc habitum nomine potentiae suscipientis eum, id est intellectum. Nam intellectus speculatiuus, aut est principiorum tantum, aut conclusionum, quae sunt ex principiis, aut vtriusque: conclusionum tantum ex principiis est scientia, quae fit per demonstrationem cum discursione ex principiis ad conclusionem, & causa ad effectum vtriusque: est sapientia vt videbimus.



Principiorum tantum est alius habitus: qui cum non habeat aliud nomen, appelletur intellectus nomine potentia suae intellectus. Quare in intellectu speculatio ista tres erit habitus distincti inter se. Dubitaret autem quispiam cum philosophus dicat hic scientiam non esse principiorum ex eo quia est cum demonstratione: in primo tamen posteriorum dicit esse principiorum scientiam. Ad hoc dicendum quod scientia bifariam considerari potest, ut proprie, aut improprie. Scientia proprie dicta est illa quae de conclusionibus est per demonstrationem, quam hic philosophus appellat scientiam, cum dicit eam non esse principiorum. Alia est improprie dicta, id est scientia sine demonstratione, quam hic philosophus appellat intellectum principiorum: in libro vero posteriorum appellat scientiam indemonstrabilem, quia principiorum non est demonstratio. Nos autem inquit ibi philosophus, nec omnem scientiam esse demonstratam dicimus, sed eorum quae mediis vacant, id est principiorum vacantium medio indemonstrabilem esse. Quare cum hic philosophus ostendit scientiam non esse intellectum, nihil aliud est quam ostendere scientiam proprie dictam quae est conclusio, non esse scientiam illam improprie dictam, quae est principiorum: quam hic appellat intellectum. ibi autem dixit esse duplicem scientiam ob opinionem quorundam, qui scientiam tollebant dicendo, quod omnis scientia est per demonstrationem: & cum principiorum non sit demonstratio, non erit scientia: & si principia non scientur: ignorabuntur conclusiones, quia ex magis notis debemus pergere ad minus nota. Quod si principia non scientur, conclusiones non poterunt sciri: & sic non erit scientia rerum ut esse apparet. Ad hanc quaestionem soluendam Aristoteles affert duplicem scientiam, vnam sine demonstratione, aliam per demonstrationem: scientiam per demonstrationem proprie dictam fatetur non esse principiorum, sed scientiam sine demonstratione improprie dictam dicit esse principiorum, quae ita nota esse vult ut maior sit eorum certitudo quam conclusionum. & ideo non indigent demonstratione. Itaque ad illam quaestionem soluendam vitur illa distinctione scientiarum in illo proposito: hic vero ubi loqui oportebat distincte de singulis habitibus intellectus, appellat hunc habitum principiorum intellectum, quorum maior est certitudo, quam conclusionum ut diximus. Notandum quod duplices sunt causae: aliae essendi, aliae intelligendi: ut se habent essendi ita intelligendi. Essendi iterum duplicia sunt, quaedam prima, quaedam non omnino prima. Prima sunt quae non praesupponunt alia priora in eo genere, ut in genere causae efficietis deus. In genere causae materialis, materia prima. Verum deus est omnino prima causa sine ulla distinctione generis & simpliciter primum. Materia vero & si non praesupponat aliud primum in suo genere: tamen praesupponit causam efficientem deum, ut potentia praesupponit actum, ut dicit philosophus in metaphysicis. Nam prima essendi sunt quae praesupponunt alia priora in eodem genere, ut substantiae separatae ipsum deum, & coelum substantias separatas, vel etiam deum ipsum, intelligendi principia: eodem modo primum principium affirmatiuum est simpliciter primum, ut de quolibet affirmatiuo & negatiuo primum vero principium negatiuum praesupponit illud affirmatiuum, est tamen primum in suo genere. sed nullo istorum ambo: alia vero posteriora in genere rediguntur ad illa. Affirmatiua nam ad primum principium affirmatiuum rediguntur, ut omne totum est maius sua parte, & sic de aliis: negatiua vero, ut si punctum puncto addatur non fit maius, & similia ad primum principium negatiuum rediguntur. Sed haec latius in libro posteriorum. Hic tantum concludatur quod principiorum esse maior certitudo, & quod habitus eorum praclarissimus est, qui appellatur intellectus a philosopho. & bene videtur instituisse natura ut talis habitus facilius acquiratur quam alii, ut inde accedere possumus ad scientiam, & sapientiam quae cum maiore difficultate acquiruntur. Ex iis omnibus quae dicta sunt colligi potest definitio, & descriptio talis habitus hoc modo. Intellectus est habitus perceptiuus principiorum. Quorum cognitio vel ex cognitione tantum terminorum sine discursu, aut cum discursu imperceptibili, ut sunt communia principia, vel ex sensu vel experientia vel aliter ortum habet, & redigenda sunt in memoriam ea quae dicta sunt in primo libro, cum philosophus dixit quod principiorum quaedam inductione, quaedam sensu & cetera.

## De sapientia.

## Caput. VII.



Sapientiam autem in artibus iis tribuimus, qui in ipsis sunt exactissimi. Phidiam enim, sapientem sculptorem lapidum dicimus: & Polycletem statuarium identidem sapientem. Atque hic sapientiam nil aliud intelligimus quam ipsius artis virtutem. At quosdam etiam esse sapientes omnino, non aliqua ex parte: nec aliquid aliud quam sapientes arbitramur, ut in Margite dixit Homerus. Diuum is munere: nec flosor nec durus arator. Nec sapiens alia vlla nimirum extitit arte. Quare constat exactissimam scientiarum ipsam sapientiam esse. Sapientem ergo non solum ea scire quae ex

47

48

49



principiis cognoscuntur: sed etiam circa principia dicere vera oportet.  
 50 Quare sapientia intellectus est & scientia: & (vt caput habens) scientia  
 51 eorum quæ honorabilissima sunt. Per absurdum est autem si quispiam fa-  
 cultatem ciuilem, aut prudentiam studiosissimam esse putet, si non sit  
 52 homo eorum optimum quæ sunt in mundo. Quod si sanum quidem,  
 ac bonum aliud est hominibus, aliud piscibus, album autem & rectum  
 semper est idem: & sapiens omnes idem profecto, prudēs vero diuersum  
 dixerint esse. Singula nanque quod suum perspicit bonum, id prudens  
 dixerint esse, ei quæ seipsa gubernanda commiserint. Quapropter & nō-  
 nulla mutōrum animalium prudentia dicunt esse: quæcunque sua in vi-  
 53 ta prouidendi vim habere videntur. Constitit autem eandem nō esse  
 sapientiam & facultatem ciuilem. Nam si eam facultatem sapientiā esse  
 dicent, quæ circa commoda propria versatur: multæ sane sapientiæ erūt.  
 Non enim vna circa omnium animalium bonum: sed alia atque alia cir-  
 ca vnumquodque versatur, nisi de omnibus quæ sunt: vna sit & facultas  
 medendi. Quod si homo præstantissimum esse cæterorum animalium  
 54 diceretur: nil refert. Etenim homine sunt alia longe diuiniora natura: vt  
 quæ diximus: sapientiam, scientiam esse & intellectum, eorum quæ ho-  
 norabilissima sunt natura. Quapropter Anaxagoram, & Thalem, & si-  
 55 miles: sapientes quidē, at non prudentes inquirunt esse, cum vident ipsos  
 propria commoda ignorare, & superflua quidem, & admiranda, & diffi-  
 cilia cognitu diuinaque scire ipsos, sed inutilia dicunt, quia non quærūt  
 bona humana, prudentia autem circa humana versatur, & in quibus ha-  
 bet consultatio locum. Prudentis, enim hoc maxime opus dicimus esse,  
 56 bene inquam consulere. Consultat autem de iis nemo, quæ aliter sese ha-  
 bere non possunt. & quorum non est aliquis finis, atque is bonum agen-  
 dum. Is autem ad bene consulendum est simpliciter aptus, qui conie-  
 ctura quod est homini optimum eorum quæ cadunt in actionem: exco-  
 57 gitando mente capere potest. Neque prudentia est vniuersalium solum,  
 58 sed singula etiam oportet cognoscere. Est enim actiua, & actio circa sin-  
 gula ipsa versatur. Quapropter & nescientes nonnulli, magis quàm nō-  
 nulli scientes idonei sunt ad agendum. Et in cæteris ii qui sunt experti.  
 Nam si quispiam sciat leues carnes facile concoqui, ac esse salubres: quæ  
 vero sint leues ignoret. non efficiet sanitatem. Sed qui scit auium carnes  
 leues esse, atque salubres, is efficiet magis. Prudentia autē est actiua: qua-  
 59 revtranque cognitionem, aut hanc potius habere oportet. Fuerit autem  
 60 quædam & hæc architecturæ subiens rationem.

## Commen.

47 SAPIENTIAM autem circa artes. Hoc est quintum capitulum huius secundi tractatus, in  
 quo philosophus determinat de vltimo habitu mentis ex quinque superius propositis, id est  
 de sapientia qui est nobilissimum omnium habituum intellectus. Itaque in operatione secundū  
 eam philosophus videtur collocare summā felicitatem humanā, vt in x. apparet. Diuiditur autē

hoc capitulum duas in partes. In prima ostendit quid sit sapientia simpliciter dicta. In secunda declarat, & probat quod ipsa non est prudentia nec civilis facultas. In prima igitur parte ostendit ex signo, & similitudine quadam, sicut etiam fecit antea de prudentia, ostendit inquam sapientiam secundum quid, vt ex eo declarat sapientiam simpliciter, & proprie dictam. Nam artifices inquit eos solemus appellare sapientes, qui sunt suis in artibus excellentissimi, & tunc nihil aliud intelligere videmur nisi summam rationem & regulam illius artis: per quam aliquis euadit summus in ea arte. Et perpulchre accipit philosophus hanc similitudinem vt ex ea inferat, & declarat quod sicut solent appellari artifices quoquo modo sapientes respectu propriae artis in qua excellunt: sic simpliciter sapiēs appellabitur ille qui summam habet in vnaquaque scientia artis virtutē, id est perfectionē summam illius. [A T quosdam etiam sapientes.] Declarat philosophus sapientiā simpliciter & proprie dictam, ostendendo quod est habitus exactissimus omnium scientiarum: & probari potest hoc pacto. Sicut se habet ea, quæ quoquo modo dicitur sapientia, & secundum quid ad illam artem respectu cuius dicitur sapientia: sic se habet sapientia proprie, & simpliciter dicta respectu cuiuslibet scientiæ: sed illa quæ quoquo modo, & secundum quid dicitur sapientia, ita se habet vt sit certissima, & exactissima respectu propriae artis: ergo sapientia proprie & simpliciter dicta est certissima, & exactissima respectu omnium scientiarum, & summum & excellentissimum tenet locū. Et sic talis est qui dicitur proprie, & simpliciter, & non quodam modo & secundum quid in aliqua arte. Vt de Margite dixit Homerus in poemate, quod Margites scribitur quod non fuit fissor, aut arator, aut in aliqua arte sapiens, scilicet quodam modo, & improprie, secundum quid: sed simpliciter & proprie sapiens. [S A P I E N T E M ergo non solum.] Ex supradictis infer sententiam quandam siue obortum, quod appellant correlarium, scilicet quod oportet sapientem non solum scire ea quæ sunt ex principiis, scilicet conclusiones. Verum etiam bene sentire de principiis, & ea perfecte cognoscere, vt perfecta sit in eo cognitio vtrorumque quoad fieri potest. Et non solum scientiam habeat conclusionem, sed intellectum etiam principiorum. [Q V A R E sapientia.] Affert nunc philosophus ex antea dictis diffinitionem sapientia: tali. Sapientia est intellectus atque scientia simul: & quasi caput habens scientia summam præstabilissimamque rerum. Hæc diffinitio videtur emergere ex dictis, quia dixit quod oportet sapientē scire conclusiones quarum est scientia, & habere veritatē principiorum quorū est intellectus. Merito igitur sapientia simul est vtrorumque. Dubitatur quia dixit quod sapientia simul est scientia & intellectus. Hoc non videtur verum, quia posuit supra quinque habitus distinctos obiectis, & operationibus, & nullus videtur includere alium. Hic vero sic videtur diffinire sapientiā vt non videatur differre à scientia, vel intellectu, nec esse habitus distinctus. Dicendum ad hoc secundum expositores: quod sapientia est habitus simul scientia, & intellectus, & non est aliquis illorum: sed quoddam tertium resultans ex illis duobus simul sumptis, & in eo quod est scientia differt ab intellectu: & in eo quod est intellectus differt à scientia. Hæc solutio vera est, sed tamen aliquid vltra ei videtur esse addendum, dicendumque quod non solum sapientia est habitus distinctus per intellectū à scientia, & per scientiam ab intellectu, sed etiam ab aliis conditionibus. Primo quia sapientia cognoscit simul conclusiones, & principia eo pacto quo ipsa cognosci possunt, & reddit quoquo modo rationem eorum. Præterea cum duplicia sint alia communia, alia propria cuique scientia, sapientia de vtrisque reddit rationem, & propria probare potest à priori: communia vero & si cognitis terminis statim elucescant, tamen probare potest à posteriori. Vnaqueque vero scientia habet sua principia propria, quæ à priori nullo pacto probat. suos enim cæcelos transierat, & hoc primi philosophi sapientisquæ officium esse videtur. s. probare inferiorū principia, id latissime declarat philosophus in libro posteriorum. Eorū inquit, quibus in demonstratiuis vtuntur scientiis alia cuiusque scientia propria: alia communia sunt, & paulo inferius. Propria sunt vt lineam esse talem rectūve. Communia, vt si ab æqualibus æqualia demas, ea quæ restant, æqualia sunt, &c. Verum principia communia cognitis terminis extēplo patent, & non indigent probatione: & si quæretur probatio, afferretur à sapiente primoque philosopho, & illa maxime dignitates à posteriori probabuntur. At vero principia propria à priori etiam probantur, à sapiente: non autem probari debēt ab eo artifice eaquæ facultate cuius propria sunt principia. De principiis enim vt inquit philosophus, non est reddenda ratio geometrarum, vt est professor geometriæ. Eadem sunt & in cæteris scientiis obseruanda, & paulo ante etiam in resolutiuis posterioribus sic inquit, quod si id constat, patet fieri non posse quo quisque propriorū principiorum exhibeat demonstrationem. Erunt enim illa omnium principia, & illorum scientia domina omnium erit. Etenim is scit magis qui superioribus ex causis scit. Nā scit tum ex prioribus, cum ex causis scit quæ non effectus subeunt rationē. quare si magis scit, & maxime si est illa scientia, magis profecto maximeque scientia est & cætera. Ex quibus percipi potest quam late pateat primæ philosophiæ, & sapientiæ amplitudo: versatur enim circa ens quod est obiectum suum, ea ratione qua est secundum omnem suam latitudinem, & ideo non clauditur certis quibusdam, & determinatis finibus, quemadmodum aliarum facultates: sed ea est quæ distinguit, & assignat fines proprios cuiuslibet scientiæ. Nam cum ens multiplex sit & a ratione qua numerus est, assignatur arithmetico. in quantum vero magnitudo assignatur geometrarum, & tam arithmeticus quam

geometra obligatur seruare cancellos suos, nec transgredi debet. Tunc enim transiret de subiecto in subiectum: & de genere in genus: & sic permiscerentur omnes scientiæ. Sed primus philosophus per omnia principia, & vnamquamque scientiam discurrere potest, & probare ea quæ à tali scientia quorum illa sunt principia probari non possunt, merito sapientia prima princepsque omnium scientiarum dicitur à philosopho: & distinguitur ab intellectu & scientia, quia intellectus vt intellectus non facit ea quæ diximus: nec scientia vlla, vt patet ex dictis. Accedit præterea quod sapientia considerat substantias separatas à materia ea ratione qua separatae sunt. & probat de iis quasdam proprietates quas competunt eis per se: & hoc etiam distinguitur ab intellectu & scientia. Notandum quod sapientia dicitur caput habens à philosopho. quod duobus modis intelligi potest, aut respectu sui, quia ipsa sumit principia prima in sua maxima latitudine, & communitate, vt de quolibet affirmatio, & negatio & cætera, & non restringitur necessario ad aliqua principia determinata vt alia scientia: quæ si sumunt principia communia contrahunt ipsa, & accommodant subiecto suo, vt si ab æqualibus æqualia demas, & cætera. Geometra magnitudinibus, Arithmeticus numeris accommodat istam communem dignitatem: ac sapientia primæque philosophia sumit principium illud primum cum omni latitudine, scilicet de quolibet affirmatio & negatio, quod est dignitas maxima, & caput omnium dignitatum. Versatur etiã circa substantias separatas & ipsum deum, qui est causa omnium à quo tanquam à capite omnia prosiliunt. Quare sapientia quæ circa contemplationem eius versatur, iure appellari videtur caput habens. Alio modo dici potest caput habens respectu aliarum scientiarum, quorum principia probat, & continet quasi caput cuiuslibet scientiæ: ideo vt supra diximus in resolutiuis posterioribus princeps à philosopho appellatur & domina scientiarum. Cum autem dicit, [E O R V M] quæ honorabilissima sunt, [I]ntelligi potest aut respectu conclusionum aut principiorum, vel etiam substantiarum separatarum. De quibus nulla alia scientia contemplatur, & est nobilissimum subiectum sapientiæ, de quo sapiens post omnia alia tractat tanquam de rebus omnium supremis. De nostra autem theologia quæ summa est omnium facultatum, & scientiarum, tempus dicendi non esse videtur. [P E R] absurdum est autem. Hæc est secunda pars huius capituli: in qua affert differentiam inter sapientiam, & prudentiam, quia multi confundebant hos habitus mentis, putantes esse idem. Probat autem differentiam illorum sex rationibus: sed primo affert quod scientia non est facultas ciuilis, affert inquam hanc sententiam tanquam notam, quia patet cum altera sit circa necessaria, altera circa ea quæ possunt aliter se habere: & exinde probat quod sapientia non est prudentia sex rationibus. Prima ratio, Si prudentia esset idem quod sapientia, tunc prudentia esset habitus præstantissimus omnium habituum mentis. Consequens absurdum, ergo & antecedens. Patet ratio, quia si prudentia, & sapientia essent idem, quicquid competet sapientiæ, competet etiam prudentiæ: sed sapientiæ competit, vt sit habitus exactissimus, & præstantissimus omnium, ergo competet etiam ipsi prudentiæ. sed hoc est absurdum, nisi iam homo circa quem versatur prudentia, esset nobilissimum omnium entium mundi, quod non concederet philosophus, quasi dicat: Si homo esset nobilissimum omnium entium quæ sunt in mundo, tunc prudentia esset nobilissimum omnium habituum ratione nobilioris subiecti, quia versatur circa ea quæ sunt hominis, & circa humana bona: at homo non est nobilissimum omnium entium mundi: ergo nec prudentia erit nobilissimum habituum omnium. quod autem homo non sit nobilissimum entium probatur, quia secundum nonnullos philosophos siue cælum orbisque cælestes sumeres, dicerent esse nobiliora entia, cum ea ponant animata nobilioribus animabus, quod est contra fidei veritatem, siue sumeres substantias separatas, quæ sunt nobiliores, quam homo: circa quas est sapientia, & non prudentia, cum prudentia sit circa humana. Verum de mundo secundum veritatem fidei nostræ que tenenda est, dicendum esset quod homo esset nobilior eo inquantum deus ita instituit vt esset propter hominem ipse mundus, & etiã omnia alia inferiora, in quibus omnibus referimus nos ad sacrorum sententiam. Sed philosophus ipse hoc medio ostendere videtur quod sapientia non est prudentia. Secunda ratio. [Q V O D] si sanum quidem. Affert secundam rationem hoc pacto, Illi habitus inter se differunt, quorum alter versatur circa ea quæ sunt eadem apud omnes: alter circa ea quæ vario modo se habent: sed sapientia versatur circa ea quæ sunt eadem apud omnes, & prudentia minime: ergo sapientia differt à prudentia. Ratio patet, & minor probatur à philosopho, quia album, & rectum quæ constant natura, & eorum cognitio semper est idem, & scientia est de his quæ sunt semper eadem, & multo magis sapientia, verum bona humana circa quæ versatur prudentia varia sunt, & varia est prudentia ob hanc rerum varietatem. Quinetiam solemus quedam animalia bruta, & bestias appellare prudentes, similitudine quadam, quia prouident circa ea quæ sibi sunt bona: sed cum aliud sit sanum & bonum piscibus, aliud aliis animalibus: ideo alio modo dicemus formicam esse prudentem, alia ratione vulpem, alia apes: & sic de aliis brutis, quæ, & si non habeant vere prudentiam, affert tamen istam similitudinem philosophus, vt ostendat prudentiam variari ex diuersitate bonorum circa quæ versatur. [S A N V M] ac bonum. Quæ diuersa sunt apud diuersa. [C O N S T I T E R I T] autem non esse. Hæc est alia ratio profluens ex dictis: sed sumit in ea non solum prudentiam, sed etiam facultatem ciuilem, & probat quod sapientia differt ab illis hoc pacto, Si prudentia & facultas ciuilis

esset idem cum sapientia: tunc sapientia non esset vna atque eadem, sed plures. Sed consequens falsum, ergo & antecedit. Patet ratio, quia diuersa sunt res pub. diuersa sunt commoda, bonaque animalium. quòd si sapientia esset circa hæc, non esset vna atque eadem, quemadmodum est. Nā istorum est alia atque alia facultas, nisi sit vna omnium facultas mendendi: at etiam medicina nō est vna, cum alia sint sana homini, & bona, alia brutis: quare sapientia nullo pacto erit prudentia ciuiliſq; facultas: quanquā hæc proprie nō versentur, nisi circa humana bona, quæ tamen possunt aliter se habere vt sapius diximus. Post hæc philosophus videtur excludere obiectionem quandam, quia posset aliquis dicere sapientiam esse idem cum prudentia, & facultate ciuili, quia sapientia est præstantissimus habitus omnium, & similiter prudentia facultasque ciuiliſ. Probatur quia homo est præstantissimum animalium: ergo facultas quæ est circa hominem erit nobilissima omnium, & sic erit idem cum sapientia. Ad hoc videtur dicere philosophus quòd & si homo sit præstantissimum animalium omnium quæ sunt in hoc mundo, tamen sunt alia quedam res præstantiores in ratione rerum vt ipse dicit: ergo prudentia facultasque ciuiliſ non erit habitus præstantissimus: sed ipsa sapientia quæ versatur circa substantias separatas, & nobiliora subiecta. & sic rursus assert definitionem sapientia, scilicet, [SAPIENTIAM scientiam esse & intellectum eorum quæ, &c.] Earum quæ natura sunt præstantissimæ vt patet in textu. [QVAPROPTER Anaxagoram.] Assert rationem ad idem probandum quòd sapientia non est prudentia hoc pacto, Prudentia versatur circa res humanas, sapientia non versatur circa res humanas: ergo sapientia non est prudentia. Probat hoc ex signo, & communi sermone hominum, qui appellabant Anaxagoram, Thaletem, & alios huiusmodi homines sapientes, non autem prudentes, quia negligebant propria commoda, & rem familiarem vt inquirerent res altissimas, & arcana naturæ. Vnde illud Ciceronis de Democrito, patrimonium inquit neglexit, agros deseruit incultos, quid quærens aliud nisi beatam vitam? quam & si in rerum cognitione ponebat, tamen ex illa inuestigatione naturæ cōsequi volebat, vt esset bono animo. Id enim ille summum bonum inuestigabat, *καὶ εὐδαιμονίας* infra appellat, id est, animum terrore liberum. Notandum quòd multum interest inter sapientiam & prudentiam: tamen est etiam aliqua similitudo: quia sicut se habet sapientia, respectu omnium scientiarum: sic prudentia respectu virtutum moralium. Nam omnis scientia accipit principia sua probata iam à sapientia: est igitur sapientia princeps, & obtinet locum architecturæ respectu aliarum scientiarum: similiter prudentia habet principia omnium rerum agendarum cum sit recta ratio, quæ ponit in mediocritate ipsos affectus, & operationes eorum: habet igitur & ipsa prudentia locum architecturæ respectu omniū virtutū moralium. ideo philosophus probat multis rationibus istas virtutes nō esse idē, vt patuit & patebit. [PRUDENTIS enim hoc maxim.] Quinta ratio. Prudentia versatur circa ea de quibus est consultatio, & finis bonus agendus: at sapientia non versatur circa talia: ergo sapientia non est prudentia. Post hæc assert quandam proprietatem prudentis, scilicet quòd maxime est opus prudentis bene cōsultare vt patet in textu. [NEQVE prudentia est vniuersaliū solum.] Sexta ratio. Sapientia est tantum de vniuersalibus, prudentia non est tantum de vniuersalibus, sed etiam de singularibus: ergo prudentia non est sapientia. Maior est clara, quia tam intellectus quàm scientia est tantum circa vniuersalia, ergo sapientia quæ est simul ex vtrisque constans, erit solum circa vniuersalia, Minor probatur à philosopho. Nam prudentia est vniuersaliū, quia in rebus agendis sunt principia vniuersalia de quibus nulla alia virtus considerat quam prudentia: consultat etiam prudens vtrum sit facienda pax. Vtrum magistratus sint electione constituendi, & alia huiusmodi. Verum non solum est vniuersaliū, sed etiam singulariū, quia ipsa est principium agendi dicit philosophus. omne autem agendi principium versatur circa singularia, quia vniuersale non potest agi à nobis: sunt autē à nobis res singulares, id est hæc vel illa vt experientia percipi potest. [QVAPROPTER & nescentes.] Ad eam rationem confirmandam assert philosophus quoddam exemplū experientia sumptum, ex quo patet quòd prudentia magis est circa singularia quàm vniuersalia: cum sint nonnulli qui non habent cognitionem in vniuersali, & sunt efficaciores in agendo, quam illi qui tantum sunt scientes in vniuersali. Et assert exemplum in medicina, vbi est quoddam vniuersale principium, scilicet quod leuia sunt sana, & facili digestiōis: alia est particularis propositio quòd carnes auium sunt leues & salubres, ille qui habet propositionem vtranque sciet curare ægrotum aliquem melius, quàm ille qui habet vniuersalem tantum, vel particularem tantum: at ille qui habet vniuersalem tantum, nullo modo curabit: sed qui habet particularem solum melius inducere potest sanitatem quàm ille qui habet tantum vniuersalem. Vnde in primo inquit philosophus, neque enim isto modo sanitatem considerare videtur medicus, sed hominis sanitatem, immo forsitan huius: nam singulis medetur in ipsa, igitur prudentia ita fit quòd oportet prudentem complecti vtrunque: tamen si alterum eligendum sit sumere potius oportet particulare, quia est magis accommodatum ad actionem, & hoc habens aptior erit ad agendum. Et cognitio illa vniuersalis videtur ordinari ad singularem, & ad ipsam actionem vt experientia patet. [QVARE vtranque.] Assert philosophus vnum correlarium, & documentum ortum ex dictis, scilicet quòd oportet eum qui futurus sit perfecte prudēs cōplecti vtranque co-

60 gnitionem, quòd si altera sit tantum eligenda magis expetenda est particularis quàm vniuersalis, quia erit aprior ad agendum. [F V E R I T autem quædam.] Afferit philosophus aliud correlarium siue obortum, scilicet quòd cum prudentia sit tam vniuersalium quàm singularium, erit aliqua prudentia quæ subire videtur rationem architecturæ, & præfidentis, vt in ædificando fieri solet: alia vero erunt subeuntes rationes earum artium quæ subsiciuntur architecturæ. Nec est absurdum vt subeat diuersas rationes, cum multifariam dicatur vt apparebit in sequenti capitulo.

*De partibus prudentiæ.**Cap. VIII.*

61 T qui ciuilis facultas, & prudentia idem est habitus, esse ta-  
62 men ipsarum non idem est. Eius autem quæ in ciuitate ver-  
satur, ea quidem (quæ est vt architectura) prudentia, legum  
est ferèdarum facultas. Quæ vero in singulis versatur: ciuilis  
nomine communi vocatur. Hæc autem est actiua, & deliberatiua. De-  
cretum enim in actionem venit vt vltimum. Iccirco rem ciuilem hos so-  
los gerere dicunt. Hi nanque soli agunt: perinde atque ii qui suis mani-  
bus artis conficiunt opus. Videtur autem ea maxime prudētia esse: qua  
sibiipfi quispiam vni quærit ac prospicit bona. Atque hæc ipso commu-  
ni nomine prudentia nuncupatur. Illarum autem alia gubernandi rei fa-  
miliaris: alia ferendarum legum facultas, alia ciuilis vocatur. Atque hu-  
ius alia est deliberatiua, alia iudicialis. Cognitionis igitur quædam spe-  
cies fuerit: \* ea quæ bona sunt sibi scire. Sed magnam differentiam ha-  
bet. Atque qui sciūt ea quæ sibiipfis sunt bona, in illisque versantur, pru-  
dentes esse videntur: ciuiles autem negotiosi. Quapropter & Euripides  
dixit, Qui nanque prudens sum: negotio sine Licebat inter milites cui  
vivere: Aequamque partem habere, cunctis ex bonis. Quærun-  
t enim quod sibiipfis est bonum, & hoc arbitrantur esse agendum. Ex hac igitur  
opinionem est ortum, prudentes hos esse. & tamen proprium vniuscuiusque  
iusque bonum, non est fortasse sine rei familiaris gubernatione, at-  
que ciuilis. Præterea enim quonam modo sua cuiusque administranda  
sit res, non est manifestum, atque considerandum est. Indicatur id quod  
dicitur illo signo. Geometræ enim iuuenes, & mathematici, ac sapiētes  
in talibus fiunt: prudentes autem fieri non videntur. Causa autem est,  
quòd & singularium rerum est ipsa prudentia: quæ quidem per experie-  
tiam notæ fiunt. Iuuenis autem non est expertus. Experientiam enim  
temporis efficit longitudo. Nam & hoc quispiam considerauerit: cur puer  
mathematicus quidem fieri potest, sapiens autem aut naturalis non po-  
test: An quia mathematica quidem sunt per abstractionem: horum vero  
principia, experientia innotescunt: & hæc quidem adolescentes nō cre-  
dunt, sed dicunt: illorum autem definitiones non sunt obscuræ: Præterea  
peccatum quod fit in consulendo: aut circa vniuersale, aut circa singula-  
re fieri solet: ignorare nanque quispiam potest, aut omnes aquas ponde-  
rosas esse prauas, aut hanc ponderosam esse. Prudentiam autem nō esse  
scientiam patet: est enim (vt dictum est) ipsius extremi. Tale enim id,  
quod cadit in actionem, opponitur igitur intellectui. Hic enim est ter-

ὁ δὲ ἀνὴρ  
ἐνδεύων.

minorum, quorum ratio non est. Hæc autē est vltimi cuius non est sciē-  
tia, sed sensus: non propriorum quidem, sed qualis est is quo sentimus id  
quod vltimum in mathematicis est triangulum esse. Stabitur enim &  
ibi, sed hic prudentia magis est sensus: illius autem est alia species.

## Commen.

**A** T Q V I ciuilis facultas & prudentia. Hoc est sextum & vltimum capitulum huius secū-  
di tractatus, in quo postquam declarauit quinque habitus sibi propósitos qui sunt intel-  
lectiui: nunc sumit ipsam prudentiam, vt eam latius declaret: cum vēit eam esse vel ab ea  
profluere rectam rationem gubernatricem omnium virtutum moralium, eamque distin-  
guit in suas partes subiectiuas. Diuiditur autem hoc capitulum in tres partes quæ suis locis pate-  
bunt. In prima igitur dicit philosophus quod ciuilis facultas, & prudentia est idem habitus re, &  
subiecto, non tamen sunt idem ratione, sed differunt. hoc in multis fieri videmus sicut ascensus,  
& descensus: concauum & conuexum in circumferentia, & alia similia: quæ re, & subiecto idem  
sunt, differunt tamen ratione. Eodem pacto prudentia, & ciuilis facultas idem est habitus: diffe-  
runt tamen ratione. nā talis habitus dicitur prudentia ea ratione qua est principium agendi bo-  
na ad seipsum. Ciuilis vero facultas ea ratione qua est principium agendi bona erga plures, præ-  
sertim in repub. & similem rationem videntur habere inter se prudentia, & facultas ciuilis: vt ha-  
bent virtus tota, & iustitia legitima. Est enim vtraque, vt in quinto inquit philosophus, eadē  
re, sed ratio non est eadem: sed vt est ad alium, est iustitia, vt talis est habitus, simpliciter virtus:  
ita est de prudentia & facultate ciuili. vtraque enim est habitus agendi cum vera ratione circa  
humana bona: vt vero talis est habitus ad seipsum & ad vnū, dicitur prudentia: vt vero ad aliū, & ad  
plures dicitur ciuilis facultas, & sic differunt ratione, & ex parte vsus, vt manifestius apparebit  
infra. [E I V S autem quæ circa ciuitatem.] Cum igitur iste habitus prudentiæ aut sit ad seipsum,  
& dicatur prudentia, aut sit ad plures versantes in ciuitate, & hæc dicatur ciuilis: nunc philoso-  
phus subdiuidit istam prudentiam ciuilem, dicendo quod eius prudentiæ ciuilis quædam est fa-  
cultas ferendarum legum, quæ præsidet aliis partibus prudentiæ, & obtinet locum architectu-  
ræ, quædam alia est quæ versatur circa singula ciuitatis, vt ius dicendo, & decreta agendo, & di-  
cit quod solet appellari a communi nomine ciuilis facultatis, sub qua est: & ad eam pertinet non  
condere leges, quia id est munus ciuilis architecturæ: sed agere & decernere circa singula reip.  
Nam decretum vt ait philosophus, quod est huius prudentiæ cadit in actionem vt vltimum. Pri-  
mo enim fit consultatio, deinde electio. postea decretum: demum executio. Consultatur vtrum  
Carthaginem sint mittendi legati an nō: deinde eligitur ex iis duobus alterum, veluti quod sunt  
mittendi: deinde decernitur, & fit decretum vt mittantur legati, quod est vltimum precedentiu,  
& cadit in actionem, vel decernitur de aliqua controuersia. & addit philosophus quod ii qui  
habent hanc prudentiam ciuilem versantem circa singula, dicuntur soli temp. administrare, quales  
videntur esse magistratus, qui ius dicunt, & de controuersis decernunt, secundum quæ præci-  
piuntur à legibus, vel in senatu decernunt hoc vel illud agere. at prudentia illa ciuilis legum fe-  
rendarum providere videtur in vniuersali ferendo leges, & propterea tales conditores legū vi-  
dentur potius vt architecti iubere ex legibus quæ agenda sunt quàm ipsi agere. hi autē secundi ve-  
luti manuales vt ita loquar artifices respectu architecti, videntur esse quasi ministri legū exequē-  
do ea quæ præcipiuntur à legibus, circa singula nūc decernēdo, nunc iudicādo & in singulis mē-  
bris repub. administrādo: ideo talis prudentia ciuilis dicitur actiua, & deliberatiua à philosopho:  
illa vero prudentia architectonica totū corpus ciuitatis respiciēs quasi ipsius nauis optima gu-  
bernatrix sedet in puppi clauū tenens, & præcipit per leges quid agendū sit, sic igitur duplex est  
prudentia ciuilis: vna architectonica, legū, vt ita loquar, cōditrix: alia actiua, & deliberatiua quæ  
appellari solet cōmuni nomine ciuilis. at illa quæ est sui ad seipsum qua antea, & in principio ra-  
tione diximus differre à illius facultate, cōmuniter & præcipue solet appellari prudentia: quasi ho-  
mines cū appellant aliquem prudentē, intelligere videntur eum qui bene procurat circa ea quæ  
sibi sunt bona. Post hæc philosophus resumit illā facultatem ciuilem, & diuidit eam trifariam, ad-  
dendo vnū mēbrū cuius antea nō fecit mentionē. Dicit enim qd alia est peritia rei familiaris gu-  
bernandæ, alia cōditrix legū: alia ciuilis. i. actiua & deliberatiua: vel alia deliberatiua alia iudicia-  
lis. Vtō prudentia illa quæ versatur circa priuata cōmoda erit quædā species cognitionis: sed ta-  
men diuersa ab illis aliis, & magnam differentiam habet, cum hæc cognitio sit circa propria &  
priuata: illa vero circa communia. Ideo dicit quædam species quasi sit prima diuisio talis, alia pro-  
pria, alia communis: & hæc postea communis continet alias species vt colligitur ex textu philo-  
sophi. Verum pro maiori declaratione huius partis, vt magis distincte appareat diuisio philoso-  
phi quæ quoquo modo videtur confusa: procedemus per bimembrem diuisionem, vt innuitur in  
philosopho. Sumatur igitur prudentia quæ possit diuidi in suas partes, vt cōmunis conceptus, hoc



paſſo. Prudentia alia eſt vnus ad ſeipſum quæ præcipue appellari ſolet nomine prudentia: alia eſt ad plures, tunc vltra illa quæ eſt ad plures, aut eſt ad plures vt in domo, & hæc dicitur prudentia rei familiaris: aut eſt ad plures in ciuitate quæ dicitur prudentia ciuiliſ. Rurſus prudentia ciuiliſ, aut eſt circa ferendas leges, quæ dicitur vt architectura iudicialis, aut circa ſingulas res gerendas reipub. quæ cum non habeat aliud nomen ſumit nomē generis, & ideo appellatur ciuiliſ: & hæc rurſus, aut eſt deliberatiua, aut iudicialis, & qui ea vtuntur dicuntur ſubire vicem eorum, qui obediunt architectis. Nam illa quæ eſt circa ferendas leges præſidet omnibus agentibus reipub. & verſantibus circa ſingula, quæ aut decernuntur, aut iudicantur: præſidet inquam præci-  
piendo omnibus aliis facultatibus quæ requiruntur ad gerendam conſeruandamque reipub. & hæc correfpondere videntur iis quæ in principio eth. corum dixit philoſophus. Atque videbitur inquit eius eſſe profecto, quæ maxime dominatur: maximeque rationem ſubit architectura. Talem aut ſeſe offert ipſa ciuiliſ facultas: hæc enim & quas ſciētias in ciuitatibus eſſe, & quales quenque diſcere & quouſque oportet, inſtituere ſolet: eas præterea facultatū, quæ ſum-  
mis afficiuntur honoribus, vt rem militarem, rem familiarem & oratoriā artem huic ſubſeſſe facultati videmus. cum igitur & his & cæteris actiuiſ ſciētias hæc vtatur, & leges ferat atque inſtituat, &c. Ex quibus colligitur q. optimi, & prudentiſſimi gubernatoris reipub. præclariffimū munus eſt bonis legibus inſtituere ciuitatē: & hæc ſpecies facultatis prudentiæ quæ ciuiliſ inter alias facultates actiuaſ veluti architectura quædā eminere videtur, vt patet ex dictis philoſophi.

[A T Q V E qui ſciunt ea quæ ſibiipſis ſunt bona.] Hæc eſt ſecunda pars huius capituli: in qua philoſophus aſſert quondā communem opinionem vulgi circa prudentiam. Deinde eā reſellit. Dicit enim quodd homines vulgo communiter appellare ſolent eos prudentes qui ſciunt commodam propria. eaque procurant quæ ad ſe pertinent poſthabita cura aliorum. Viros autem vacantes reipub. negotiis non prudentes, quia videtur negligere propria, & curare aliena: ſed negociioſos appellat, & ad hanc vulgi opinionem probandam aſſert auctoritatem Euripidis, qui inducit Philoctetem quandam reſpondentem cuidam, qui eum interrogabat quonam paſſo fuiſſet deceptus à Pyrrho cum eſſet prudens, & Philoctetes reſpondet, quo nam modo ego ſum prudēs? cum mihi liceret ſumere ſtipendium inter cæteros milites ſine cura alieni negotiū, & ego reliqui omnia propria cōmōda, & adiui gubernationē exercitus, procurādo aliena negotia: ſic enim euuſi non prudens, ſed negociioſus, & loquitur ſecundum opinionem vulgi: ideo poſt hæc addit philoſophus q. i. dicuntur prudentes vulgo, qui quærunt priuatum bonum, & commodum, & id agē dum putant poſthabitis cæteris. Notandum q. prudentia diuiditur in eam quæ eſt ſui ad ſeipſum, & in eam quæ eſt ad plures: quod ſi vulgus vtrunque appellaret prudentiam, & magis publicam quā priuatā, bene ſentiret: ſed cum illam quæ eſt ſui ad ſeipſum tantum appellet prudentiam, aliam vero excludat, ideo reſellitur à philoſopho, & ſimul conſtituitur diuiſio ſuperius allata, quod vtraque eſt prudentia, & habitus idem reſ, differt tamē ratione: quia alia eſt ratio eius vt eſt ad vnum, alia vt eſt ad plures, & cum vterque ſit habitus agēdi cū vera ratione: loquimur enim de vera prudentia, tamen præclarior eſt idem habitus vt eſt ad plures: quā e. a. ratione qua eſt ad vnum tantum, vnde in primo philoſophus inquit. Quanquam enim vnus hominis idem & ciuitatis eſt bonū, ciuitati tamen comparare conſeruareque bonum maius perfectiusque eſſe videtur, ex quibus patet q. præclarior eſt cōſulere communi bono quā proprio. Quinetiā ipſum proprium tunc vere adeſſe videtur, cum eſt coniunctum cum communi bono familiarē & ciuitatis. [A T T A M E N proprium vniuſcuiusque bonū.] Hac in parte reſellit opinionē vulgi exiſtantis eos tantum eſſe prudentes, qui ſuis commodis, & bonis conſulunt: communia vero procurantes eſſe negociioſos. dicit ergo philoſophus quod nō eſt ſicut opinatur vulgus, quia propriū cuiuſque hominis bonum non eſt ſine gubernatione rei familiaris & ciuiliſ: & hoc poteſt dupliciter intelligi: primo modo quia cognitio rerū ſpectantiū ad ſeipſum, non erit in prudente ſine cognitione rei familiaris & ciuiliſ. Oportet enim vt qui debet ſcire res vere vtilēs & bonas ſibi: ſciat ea quæ ſunt vtilia, & bona rei familiari & publicæ. Alio modo intelligi poteſt, q. bonū cuiuſque non eſt ſine bono familiari, & ciuili: quia homo eſt animal ſociale, nec ſolus videtur viuere humana vita, ſed alia quadam vita vt alibi oſtēdit: ſed in vita ſociali nō videtur aliquis vere eſſe prudēs erga ſeipſum, vt percipiat perfecte ea quæ ſibi ſunt bona ſine prudentia familiari & ciuili.

[P R A E T E R E A enim quonā paſſo.] Alia ratio qua dicit q. illa opinio vulgi non eſt vera, quia non apparet quomodo aliquis poſſit gubernare rem ſuā ſine cognitione rei familiaris & ciuiliſ: ſed obſcurū eſſe videtur ſine tali notiā. Quare gradus videtur eſſe in ipſa prudentia. Et ſummus eſt illius qui verſatur circa gubernationē reipub. ſine qua non videtur qui perfecte gubernare rem priuatā, neque perfecte re propria agere niſi ſit cū publico bono cōiuncta. [I N D I C A T V R id quod dicitur.] Alia ratio qua pbat per quoddā ſignum ſententiā ſuam contra opinionem vulgi, præſupponendo q. ille eſt prudens qui habet experientiam rerum ſingularium quæ pertinent ad vitam humanā. Tunc vltra ille eſt prudens qui ſcit res ſingulas pertinentes ad vitā humanā. ſed res familiares & ciuiles pertinent ad vitam humanā: ergo ille eſt prudēs qui habet cognitionem rerū familiarium atque ciuiliū. Patet ratio ex probatione philoſophi, qui dicit q. fieri poteſt vt iuuenes ſciant res mathematicas, & in his eſſe ſapientes: prudentes autē eſſe non poſſunt: quia

prudentia non solum est vniuersalis, sed etiam singularium: quorum cognitio experientia indiget & temporis longitudine. Quae non possunt euenire iuueni: est enim rudis ut inquit in primo, experientiamque non actum vitae. Oportet igitur prudentem peritiam habere rerum singularium. Singulae autem res sunt, non solum quae pertinent ad vnum, sed etiam quae pertinent ad rem familiarem atque civilem. [SINGULARIUM.] Non solum vniuersalis. [NAM & hoc.] Ex dictis videtur oriri dubitatio, quae philosophus affert & soluit. Quaritur. unde sit cur puer potest fieri mathematicus, non autem sapiens. i. primus philosophus neque naturalis philosophus. Et affert postea solutionem quod ideo fit, quia principia mathematica vel res mathematicae sumuntur per abstractionem. Principia primae philosophiae, & etiam naturalis innotescunt sensu vel experientia quae longo tempore indiget. Mathematica vero non indigent experientia, quia eorum principia sunt definitiones rerum quae abstrahuntur à singularibus, & non indigent experientia. Ex quo patet quod fieri mathematici possunt non autem primi philosophi neque sapientes, neque naturales: neque ob eandem causam prudentes ut supra ostendit. [HAE C non credunt.] i. principia naturalis & primae philosophiae. [SE D dicuntur.] i. ut audiunt ea referunt, non autem credunt, quia non habuerunt experientiam. [NON sunt obscura.] Cognitis enim terminis facile percipiuntur, & praefereunt res mathematicae magnam euentiam. Sunt enim ut ille inquit, in primo gradu certitudinis. Notandum quod bene philosophus attulit hic istas tres species scientiarum quae oriuntur à triplici genere rerum. Quaedam enim sunt in materia, ut naturales, quaedam sciuntur à materia, ut metaphysicae, quaedam media ut mathematicae. Ista autem res cognoscuntur per principia sua: principiorum autem naturalium perceptio fit aut sensu & inductione, quae experientia indiget: sic etiam principia mathematicae. Mathematica vero principia cognitis terminis habentur per abstractionem quam facere possunt pueri, abstrahentium non est mediatio ut inquit philosophus. [PRAETEREA peccatum.] Affert quartam rationem ad probandam sententiam suam contra opinionem vulgi hoc peccatosi prudentes errare non debet in consultando, oportet eum singula scire in re familiari atque civilium principum est. ergo & secundum patet ratio, quia prudens est qui non errat in consultando, & oportet ut habeat notitiam non solum in vniuersali, sed etiam singularium rerum in re familiari & civilium: quod si non habent & sibi proponatur aliquid de re familiari vel civilium, facile errare poterit quod est contra prudentem. Et dicit quod potest errare dupliciter, aut circa vniuersale, aut circa singulare ut probat exepio ignorationis de aqua leui & graui. Circa vniuersale enim fieri potest error, veluti si quis ignoret omnes aquas ponderosas esse prauas: circa singulare ut si quis ignoret hanc esse ponderosam, cum sit. & hac similitudine ostendit quomodo potest fieri error circa vtrumque. Ad hoc igitur ut prudens non erret debet habere cognitionem rerum tam pertinentium ad rem civilem quam familiarem gubernandam: quia ille est perfectus prudens qui scit bene consulere de quavis re pertinente ad vitam humanam, si sibi proponatur, siue sit de re communi, siue de propria. [P R V DENTIAM autem non esse.] Hae est tertia pars huius capituli, in qua philosophus postquam diuisit prudentiam in membra sua, visum est sibi necessarium afferre differentiam inter scientiam, & prudentiam: inter intellectum & etiam prudentiam: quod, & si antea fecisset, tamen post diuisionem prudentiae in partes suas hoc congruum videbatur, simul etiam, quia dixerat nuper quod pueri mathematici fieri possunt, & non prudentes, nec metaphysici, nec naturales, ut omnis confusio tolleretur, affert nunc differentiam istam, & primo ostendit quasi aliquid iam quoquo modo notum quod prudentia non est scientia hoc pacto. Scientia versatur circa vniuersalia tantum: prudentia non versatur circa vniuersalia tantum, sed etiam circa singularia: ergo prudentia non est scientia. Patet ratio, quia prudentia non solum circa vniuersale, sed etiam circa extremum quod est singulare versatur. Dicitur autem extremum quia descendendo ab vniuersali ultimo loco inuenimus: cadit enim in actionem: unde superius, decretum enim in actionem venit ut vltimum: quare cum scientia sit tantum circa vniuersale, prudentia vero etiam circa singulare: at vniuersale, & singulare videtur opponi relatiue, & manifeste differre, certe scientia, & prudentia differunt. [OPPONITVR autem intellectui.] Nunc affert differentiam inter prudentiam, & intellectum principiorum hoc pacto. Ii habitus distinguuntur qui se habent opposito modo circa sua obiecta, sed prudentia, & intellectus principiorum sunt huiusmodi, ergo distinguuntur. Ratio patet, quia & si ambo isti habitus sint extremorum: tamen alius. i. intellectus est extremorum quae sunt prima ex parte naturae. i. vniuersalia: alius. i. prudentia est etiam extremi quod videtur primum ex parte nostrae. i. singulare: unde de philosophus in libro posteriorum, atque quidem ad nos priora notiora ve dico, quae propinquiora sensui sunt. Ea vero simpliciter priora notiora ve quae à sensu longius distant. Sunt autem remotissima quidem ea quae sunt vniuersalia maxime, & propinquissima vero singularia sunt, atque haec inter se opponuntur, &c. Dicit ergo philosophus quod intellectus (TERMINORVM). i. principiorum, siue sint complexa ut dignitates, & huiusmodi, siue sint definitiones. Nam talium principiorum non est ratio. i. ratio cinatio vel probatio vel definitio. Principia. nam ut antea vidimus, quorum est intellectus non demonstratur proprie ea ratione quia principia sunt, nec definiuntur iterum si sint definitiones, quia tunc definitionum esset definitio. Quare talium terminorum & extremorum, & principiorum non est ratio nec etiam scientia proprie dicta: at prudentia est etiam vltimi & extremi cuius non est scientia. Tamen non extremorum quorum est ipse intellectus princi-

piorum, sed est non solum circa vniuersale sibi accommodatum, sed etiam est vltimi. i. extremi & singularis cuius non est scientia sed est sensus, & non quiuus, quia talis extremi non est sensus. 72 [P R O P R I O R V M.] i. sensus externus. Nam sensus est duplex, aut externus, aut internus: externus est aut visus, aut auditus, & alij tres quos appellat sensus proprii, quia quilibet sensus externus percipit obiectum suum proprium, & non alterius sensus obiectum: quia visus percipit colorem, & non sonum, auditus sonum, & non colorem, & sic quilibet sensus externus est proprii obiecti. Quare cum philosophus dicit vltimi. i. ipsius singularis est sensus non proprium. i. est sensus non externus, sed internus. Sensus etiam interni sunt plures, sed videtur intelligere hic philosophus de cogitativa potentia quæ in brutis dicitur, non existimativa vt quidam dicunt, sed alio nomine, quia existimatio est tamquam genus opinionis, & complectitur vires rationales: vnde philosophus in libro de anima. Sunt autem existimationis ipsius hæc differentie, scientia videlicet, & opinio, & prudentia, & c. Et hæc non cõpetunt brutis, quare nec existimatio. Nos igitur per hanc vim sensitivam quæ dicitur cogitativa in nobis percipimus indiuidua omnium prædicamentorum vt hanc substantiam, hanc vel illam quantitatem vel aliquam, & in mathematicis triangulum vltimum. i. vltimam figuram. Nam si mente resoluamus figuram multorum angulorum, vt, hexagonum in pentagonum, inde in quadrangulum, demum deveniemus ad triangulum aliquem, quia non est figura rectilinea duorum angulorum. quare aliquis triangulus vt æqualiter vt indiuiduum vagum percipietur ab ista vi cogitativa, quæ est præclara potentia sensitiva interna. Nam elicit vt isti aut species, & cognitionem specierum non sensatarum ex speciebus, & cognitione formarum sensatarum: vt amicitiam, inimicitiam, paternitatem, filiationem, & alia huiusmodi, quæ dicuntur species non sensatæ, quia non sunt formæ earum sensibiles sensibus externis, vt sunt colorum formæ & huiusmodi. Auerrois arabs philosophus commentator, post sensus externos ponit duas potentias sensitivas, quæ sunt perceptivæ tantum: duas retentivas quæ sunt retentivæ tantum. Ponit. n. ex templo post quinque sensus externos sensum commune perceptivum tantum: deinde imaginativam retentivam tantum, postea cogitativam perceptivam tantum, deinde memorativam retentivam tantum: post hæc est ipse intellectus qui non ponitur in instrumento corporeo, nec extenditur extensione subiecti, & ipse solus percipit vniuersale abstractum ab omnibus conditionibus materiæ, & vtitur omnibus illis potestis sensitivis vt ministris. Quare cum philosophus dicit quoddam prudentia magis est sensus, non intelligit quod prudentia sit sensus. Nam est in intellectu actiuo in subiecto vt vidimus: sed magis est sensus. i. ipsa prudentia vtitur magis hoc sensu quam alio. si ipsa cogitativa vi, quæ immediate videtur ministrare intellectui: præterea is qui deliberat non accipit hoc sensibile sensu externo, vt hoc album, aut hunc sonum, sed hanc pacem quæ percipitur sensu interno. i. a cogitativa potentia. & addit quod illius s. sensus externi est alia ratio, & alia species. s. quam interni. Cogitativa enim quæ est internus sensus est nobilior externo sensu. Cum immediate subministrat intellectui, & percipiat species non sensatas, quas non percipiunt sensus externi, vt aliquam amicitiam, & inimicitiam, pacem aliquam, & huiusmodi: quæ & si prudentia & ipse intellectus percipiat, & etiam eminentiore modo, vtitur tamen immediate isto sensu interno, id est cogitativa vi vt ministrat.

## De bona consultatione.

## Cap. I X.

73 **A** T vero querere, ac consultare differunt. Consultare nanque est aliquid querere. Oportet autem & de bona consultatione quidnam sit, accipere, vtrum scientia quædam sit, \*an opinio, 74 an coniectatio bona: an aliquod aliud genus. Scientia igitur non est. Non. n. de iis querunt quæ sciunt. At bona cõsultatio quædam 74 est consultatio. Qui verò consultat: querit, rationemq; subducit. Atqui neque bona coniectatio est. Ipsa nanque sine ratione, & cito fit: ad consultationem verò longum temporis spatium adhibetur. Atque aiunt ce- 75 leriter quidem deliberata esse agenda, cum mora autem consulendum. 76 Præterea, diuersa sunt: solertia, & consultatio bona. Solertia verò, bona quædam est cõiectatio. \*At neque opinio vlla. Sed cum is qui male deli- 76 berat peccet, is autem qui bene consultat recte deliberet: cõstat bonam consultationem rectitudinem esse quandam. Non autem scientiæ, neque opinionis. Scientiæ nanque non est rectitudo: quippe cum neque peccatum sit. Opinioni verò rectitudo, veritas est. Et insuper determi-

natū iam est id omne, cuius est opinatio. at verò neque sine ratione est ipsa consultatio bona, deficit ergo à mente. Hęc. n. nōdum est enūciatio. Etenim opinatio nō inquisitio: sed quædam iam enūciatio est. Qui verò consultat siue bene siue male cōsultet: querit aliquid, rationemque subducit. Sed ipsa cōsultatio bona: consilij quædam est reëtitudine. Quapropter quærédum est primum quidnam sit consilium: & circa quid ipsum versetur. Cum verò multipliciter reëtitudine dicatur: constat non omnem reëtitudinē, bonam cōsultationem esse. Incōtinens. n. & prauus id quod videre preponit attinget cogitādo rationemque subducendo. Quare recte quidem cōsultabit. Malum autē magnū, existimabit. Bene verò consultasse, bonū quoddam esse videtur. Talis. n. reëtitudine cōsiliij, qua bonum quispiam assequi potest, bona est cōsultatio. At potest quispiam & hoc ratiocinatione falsa attingere: atque id quidē quod facere oportet, assequi, non autem per quod oportet, sed falsus medius terminus esse potest. Quare nec ipsa bona est cōsultatio, quia quispiam adipiscitur quidem id quod oportet: non tamen per quod oportet. Præterea fieri potest, vt alius longo deliberans tempore id cōsequatur: alius cito. Igitur nec illa bona est consultatio: sed eadem reëtitudine bona est consultatio, qua quispiam ratione conducentis assequitur, quod oportet, & vt oportet, & cum oportet. Insuper fit vt & absolute quispiam bene consultet: & ad aliquem finem. Atque bona quidem cōsultatio absolute est ea: qua ad eum finem qui est absolute finis pergitur recte. Quædam autem ea, qua ad aliquem finem. Quod si bene cōsultare prudentum est: consultatio bona reëtitudine est ea, qua ratione conferentis ad aliquem pergitur finem, cuius ipsa prudentia est existimatio vera.

## Commen.

**A**T VERO quærere ac consultare differunt. Hic est tertius tractatus huius sexti libri, in quo posteaquā declarauit quinque habitus intellectiuios, dixitq; plura de ipsa prudentia, diuidendo eam in membra sua: nunc declarat quasdam aptitudines siue habitus qui cum re si sunt videntur, coniungi cum ipsa prudentia, & ad eam redigi, vt bona cōsultatio, sagacitas, scientia, & huiusmodi quibus prudētia bene producere potest suas operationes. Diuiditur autem hic tractatus in tria capitula. In primo docet quid sit bona cōsultatio. In secūdo quid sit sagacitas. In tertio quid sit scientia. Siue. n. sint vires siue aptitudines, siue dispositiones prudentiæ, harum profecto cōsideratio pertinet ad locum vbi agitur de prudentia. Primum capitulum diuiditur in tres partes quæ patebunt, sed ante omnia philosophus tractaturus de consultatione ostendit quòd quærere, & consultare differunt. quando sunt aliqua duo quorum alterū est vniuersalius altero, illa inter se differunt. at quærere & consultare sunt huiusmodi, ergo inter se differūt. Patet ratio, quia quærere est vniuersalius, cum ab eo non conuertatur essen di cōsequentia. Omne. n. consultare est quærere, sed tamen non omne quærere est cōsultare, cum quæramus interdum aliqua de quibus non fit consultiari. Vnde in tertio Ethicorum libro, sed videtur non omnis perquisitio esse consultatio: ceu cum mathematici aliquid perquirunt, verum omnis consultatio perquisitio est, & c. Post hæc philosophus cū velir definire bonam consultationem, & inuestigare genus, & differentias ponendas in definitione. remouet nonnulla ne existimaretur esse genera eius, ostendendo quòd non est sciētia non opinio neque aliud huiusmodi. & primo quòd non est scientia hoc pacto, scientia non est inquisitio. bona consultatio est inquisitio: ergo scientia non est bona cōsultatio. Maior patet. Non enim quærimus de iis quorum sciētiam certitudinemque habemus. Nam scientia videtur esse terminus inquisitionis: Minor probatur, quia bona consultatio est consultatio: at consultatio est perquisitio, & omne consulere est quærere, non autem econtra vt antea percepimus. [ATQVI nec bona coniectatio.] Ostendit præ-

terea quòd bona còsultatio non est bona coniectatio hoc modo. Bona còiectatio fit sine discursione, & fit extemplo: at bona consultatio non fit sine discursione, & ratiocinatione, ergo bona consultatio non est bona coniectatio, cum non fiant eadem tēporis mensura: & bona consultatio cum examine fiat vt ita loquar, bona autem còiectatio non ita. vnde aiunt vt dicit philosophus, longo spatio confutandum, celeriter postea agendum: & vt inquit ille, vbi consulueris, mature facto opus est, & sic patet quòd sunt diuersa. [P R A E T E R A diuersa sunt solertia.] Probat idē alia ratione, Si bona còsultatio esset bona coniectatio, tunc bona còsultatio esset solertia. at non solertia, ergo non est bona coniectatio. Sed animaduertendum quomodo valeat ista argumētatio, Solertia est quādam species bonæ coniectationis, & videtur esse inuentrix mediij quod est causa coniungendi duo extrema ex quibus oritur conclusio, nam vt dicit philosophus, in libro posteriorum, solers videtur esse ille qui perceptis extremis acute & celeriter còiectat medium. vt si videat quis pauperem loquētem cum diuite, còiectat statim illum pecunias querere, & talis coniectatio est mediij, quod est finis, & causa ob quam illa duo extrema iunguntur: bona autem consultatio est mediij non eius quod est finis, sed eorum quæ sunt ad finem. Cū igitur solertia sit quādam species talis bonæ coniectationis, oportet dicere in ea argumentatione ad hoc vt valeat dicere inquam hoc pacto. Si bona consultatio esset bona coniectatio, tunc esset aut solertia, aut aliqua alia species bonæ coniectationis: at non est solertia neque alia species bonæ coniectationis, ergo bona consultatio non est bona coniectatio. At neque vlla est opinio prorsus. Nunc autem philosophus dicit bonam còsultationem non esse opinionem, & quia hoc satis manifeste patet: ideo non probat. Simul etiam quia hoc idē tāgit inferius: probari tamen potest hoc pacto, Opinio non est inquisitio: bona còsultatio est inquisitio, ergo bona consultatio non est opinio: præterea opinio est assensio firma alterius partis cōtradictionis: bona autem còsultatio non est huiusmodi, ergo ipsa non est opinio. [S E D cum is qui male.] Hæc est secūda pars huius capituli, in qua posteaquam declarauit quid non est bona consultatio, nunc declarat quid ea sit ex parte generis, hoc pacto. Quicūque recte beneque deliberat id agit rectitudine quadam: at bene consultans bene deliberat, ergo bene consultans id agit rectitudine quadam, ex quo patet quòd bona consultatio est quādam rectitudo, & sic habemus genus bonæ còsultationis. Omnis enim bona consultatio videtur esse rectitudo non autem ecōtra, [Q V I bene còsultat recte deliberat.] sper bonam còsultationem, quæ est rectitudo quadam vt diximus. [N O N tamen sciētia neque opinio.] Hæc est tertia pars huius capituli, in qua philosophus inuenit genere bonæ còsultationis, nunc quarit differentias ponendas in eius definitione, & primo ostendit quòd rectitudo ista pertinet ad bonam còsultationem non est sciētiæ rectitudo, hoc pacto, illius non est rectitudo pertinet ad bonam còsultationē, cuius nullus potest esse error: at sciētiæ non est error: ergo sciētia non est rectitudo. Patet ratio, quia si sciētia esset error non esset vere sciētia mentis habitum, vt inquit philosophus in secūdo posteriorū, quibus verū perspicimus, quidam veri perpetuo sunt vt intellectus, atque sciētia, & c. Deinde ostendit quòd non est rectitudo opinionis hoc pacto: opinionis rectitudo est ipsa veritas, sed bonæ còsultationis rectitudo est cōsiliij, ergo non est rectitudo opinionis. Item opinio est rei iam determinatæ, & firmæ, bona còsultatio non est rei determinatæ, ergo bona consultatio non est opinio, nec rectitudo vnius est rectitudo alterius. Item bona consultatio non potest esse sine ratione. i. sine discursu: sed opinio potest esse sine discursu: ergo opinio non est bona consultatio. & dicit philosophus quòd deficit à mēte. i. ab opinione, quia ipsa est semper cum discursu, nec est adhuc firma, & quarit quid sit agendum, nec quiescit donec deliberetur & decernatur. Ideo dicit philosophus quòd nōdum est enūciatio. i. aut affirmatio aut negatio. s. vt dicat hoc esse agendum vel non esse agendum, sed quid & quonā pacto sit agendum quarit atque discurre. Verum opinio non quarit, sed de re posita, & terminata est quādam enūciatio. i. quādam assensio affirmadi aut negadi. Dicit secum hoc esse, aut non esse arbitradō. [S E D ipsa còsultatio bona.] Hæc in parte philosophus declarat quòd bona consultatio est rectitudo cōsiliij: quod probari potest hoc pacto. Bona còsultatio cum sit quādam rectitudo, aut est sciētiæ, aut opinionis, aut cōsiliij: sed nec primum, nec secundum: restat vt sit tertium, scilicet vt sit rectitudo cōsiliij, quod cum ita sit, videndū est inquit cuius est cōsiliij, & circa quod versatur, deinde dimittit hoc, quia latissime declarauit in tertio, quòd cōsiliij est eorum quæ sunt ad finem, & quòd de æternis nemo consultat nec de aliis multis quæ ibi refert, sed consultamus de iis quæ agi possunt, & à nobis quidem agi vt ibi patet. [C V M verò multipliciter.] Declarat philosophus qualis esse debeat ista rectitudo cōsiliij pertinet ad bonam còsultationem Nam cum multifariam dicatur rectitudo cōsiliij, primo ex parte finis sibi propositi. Secundo ex parte mediorum, quibus acquiritur talis finis. Tertio ex tempore, & mensura consultationis. Videndum est quas conditiones habere debeat ea rectitudo cōsiliij, quæ est propria bonæ consultationis, vt suis differentiis ab aliis distincta perspicatur & complexa afferatur definitio eius. Non enim omnis rectitudo cōsiliij pertinet ad bonam consultationem, nam aliqua videtur pertinere ad incontinentem, qua dirigendo consilia sua conatur attingere finem aliquem perniciosum sibi propositum. Talis autem rectitudo cōsiliij non pertinet ad bonā consultationem, sed illa quæ habet sibi propositum bonum finem. Vnde addenda est illa particula,



scilicet vt sit rectitudo consilij circa bonū finem sibi propositum. [RECTE quidem quia recta  
 poterunt esse media.] Propositum tamen malum. [AT potest quispiam.] Addit vterius aliam  
 conditionem ad rectitudinem consilij quæ est propria bonæ cōsultationis. requiritur enim non  
 solum vt finis sit bonus, sed etiam omnia media, quæ tendunt & diriguntur ad illum finem. Nam  
 fieri potest vt inquit, quod aliquis assequatur bonum finem, non tamen per decetia media. & ibi  
 videtur esse rectitudo consilij, non tamen pertinens ad bonam cōsultationem, cum non sint  
 debita media. Nam si quis consilium agat succurrendi amico: propositū tale, & finis videtur esse  
 bonus, tamen si querat furadum esse vt ei subueniat, non erit hoc bene cōsultare. Vis enim pru-  
 dentia est vt bono proposito fine, media honesta inueniat ad talem finem cōsequendum. Ratio-  
 cinatione falsa: quasi dicat quod simile sit in rebus agendis, vt in speculandis, & syllogizando.  
 Veluti quod non folium ex veris, sed etiam ex falsis potest fieri conclusio vera ex forma syllogis-  
 mi, hoc pacto. Omnis lapis est risibilis. Omnis homo est lapis: ergo omnis homo est risibilis. Hic  
 propositiones præmissæ sunt falsæ, & tamen conclusio ex illis secundum formam syllogismi est  
 vera. Eadem etiam fieri potest ex veris propositionibus hoc pacto. Omne disciplinabile est risi-  
 bile: omnis homo est disciplinabilis, ergo omnis homo est risibilis. Innuat ergo philosophus qd  
 sicut conclusio vera concludi potest tam ex falsis quàm veris propositionibus, & illa cōsultatio, quæ est per mala me-  
 dia, non erit bona cōsultatio, quauis dici possit quædam rectitudo consilij vt patet, posuit au-  
 tem philosophus similitudinem sumptā à speculatiuis vt declararet eam quæ est in actiuis. nam  
 sicut in illis dicitur proprie verum, & falsum: & sicut ibi se habet verum ad falsum: ita in actiuis  
 bonum ad malum. [P R A E T E R E A fieri potest.] Addit tertiam cōditionem philosophus. Non  
 enim omnino sufficit vt sit finis bonus, & media bona: sed requiritur etiam congruitas, & op-  
 portunitas temporis, & quasi quidam modus vt nec nimium celeriter, nec nimium tarde, sed vt  
 res exigit, & vt oportet & decet secundum tempus deliberemus. Quare rectitudo consilij bonæ  
 cōsultationis requirit etiam vt diximus debitam mensuram temporis. Sed ea rectitudo: allatis  
 conditionibus requisitis ad hoc vt rectitudo consilij sit bona cōsultatio: nunc ex dictis affert  
 definitionem bonæ cōsultationis dicendo, quod rectitudo consilij est bona cōsultatio talis,  
 & econt: a bona cōsultatio est rectitudo consilij talis. scilicet qua qui vtilitatis ratione cōsequitur id  
 quod oportet. i. finem bonum, & vt decet. i. debitis mediis, & cum oportet. i. congruo tempore.  
 Accipit autem hic vtile pro bono, & pro eo quod confert nobis simpliciter, & non respectu ali-  
 cuius deprauati iudicii. [I N S V P E R fit vt & simpliciter.] Diuidit nunc bonam cōsultationem  
 philosophus. Ex eo quod duo sunt fines respectu quorum dicitur cōsultatio bona, est simplici-  
 ter finis, qui est vltimus finis humanus. i. ipsa felicitas, est etiam finis aliquis particularis, cum a-  
 liquis cōsultat de iis quibus pergitur ad aliquem finem particularem, veluti de componendo  
 bello: cuius compositione sequatur pax, & felicitas totius ciuitatis: talis igitur finis particula-  
 ris ordinatur ad vltiorem finem, & ad simpliciter finem. i. ad felicitatem: sic igitur de vtroque  
 fide particulari, & de simpliciter fine potest esse bona cōsultatio. [Q V O D si bene cōsultare.]  
 Affert descriptionem ipsius bonæ cōsultationis magis breuē, in qua definitione accipit ipsam  
 prudentiam. Nam si bene cōsultare est proprium prudentis, dicemus quod bona cōsultatio est  
 ea rectitudo consilij, qua vtilitatis. i. boni causa quis assequitur aliquem finem, cuius prudentia  
 est vera existimatio, & hoc addito non oportet apponere alias conditiones, quia vbi cunque est  
 prudentia, ibi videtur esse alia virtutes. Cum. n. ipsa cōstituat medio critates in aliis virtutibus,  
 ipsa etiam inueniet bona media, & bonum finem & congruum tempus. Potest igitur dici bre-  
 uissimè definiendo bonam cōsultationem, quod bona cōsultatio sit cōsultatio prudentis. Vnde  
 philosophus videtur redigere hæc omnia actiua ad prudentiam tãquam ad principem & mode-  
 ratricem istarū virtutum actiuarum & moralium. Notandum quod bona cōsultatio duobus mo-  
 dis sumi potest, primo vt habitus tantum sicut prudentia, & vt vis quædam quæ est pars pruden-  
 tia vel vis eiusdem quæ prudens potest bene cōsultare Alio modo pro operatione sicut philo-  
 sophus videtur accipere cum dicit eam profluere ab ipsa prudentia: & sic dupliciter defini-  
 ri potest. primo modo quod sit habitus mentis, quo quispiam cōsultare bene potest proponendo si-  
 bi bonum finem, & seruando bona media, & congruitatem temporis: quod si accipiatur vt ope-  
 ratio definitur vt vltimo loco definiuit philosophus cum dixit, cuius prudentia est vera existi-  
 matio. Notandum quod cōsultatio potest sumi in genere: & sic considerata non est adhuc ad  
 bona aut mala. Deinde diuidi potest in duas species. i. in bonam & malam cōsultationem. Bona  
 cōsultatio est illa quæ habet illas conditiones quas diximus, & ea est aut ad bonum finem sim-  
 pliciter, aut ad aliquem finem bonum particularem. Mala cōsultatio est cum aut deficit à fine  
 bono, aut à mediis bonis, & à tempore congruo & debito.

De sagacitate.

Cap. X.



St autem & ipsa sagacitas, cui contrarium est hebetudo, quibus  
 sagaces dicimur, ac hebetes: nec idem omnino quod scientia  
 aut opinio (omnes enim scientes vel opinantes, sagaces essent)



nec vna quædam scientia. Vt aut medicina de sanis, aut geometria circa magnitudines. Neque. n. de iis est quæ sunt semper, & non mouentur. Neque de iis quæ à quouis fiunt, sed de quibus dubitauerit quispiam, aut  
 85 consultauerit. Quapropter est quidem de iis circa quæ versatur, prudentia. Non est autem idem sagacitas: & prudentia. Prudentia nanque præceptiua est. Finis. n. ipse est, quidnam sit agendum, aut non agendum  
 86 præcipere: sagacitas autem iudicatiua est solum. Idem est enim sagacitas, & bona sagacitas: quippe cum sagaces, sint & boni sagaces. Neque  
 87 autem habere, neque accipere prudentiam, est ipsa sagacitas, \* sed in opinationis vsu ad ea bene iudicanda de quibus est prudentia, alio dicente consistit. Fitque hic perinde atque cum discipulus ea discit, ac comprehendit quæ à scientiam tradente præcipiuntur.

In codice  
 sic legitur  
 ἀλλ' ὅτι  
 πρὸς τὸ μὴ  
 θάνατον λέ-  
 γειται συνέ-  
 ναι, ὅτι περὶ  
 τοῦτο τῆς  
 ἐπιστήμης,  
 ὅτι περὶ ἐν τῷ  
 χρόνῳ τῆς  
 διέξεως τῆς  
 κριτικῆς περὶ  
 τοῦτο ὅτι ἡ  
 φρόνησις  
 ἐστὶν, ἀλλ'  
 οὐ λέγεται  
 τῇ ἡ κριτικῇ  
 ἐν καλῶς  
 τῷ χρόνῳ,  
 ὅτι λέγεται  
 περὶ τοῦτο.  
 Ἐν τῷ δευτέρῳ  
 ἐλάττω δὲ  
 τῆς νομῆς ἡ  
 σύνεσις,  
 καὶ ἡ μὴ δι'  
 τῆς οἰκίας  
 μαθητικῆς  
 συνείας  
 ἐπὶ μάλιστα.

## Commen.

84 **E**ST autem & ipsa sagacitas: cui quidem. [Hoc est secundum capitulum huius tertii tractatus: in quo postea quam antea declarauit quid sit bona consultatio, nunc declarat alium habitum mentis actiui: qui habitus siue dispositio pertinet ad prudentiam, & dicitur sagacitas. Dicitur autem hoc capitulum in duas partes. In prima ostendit quod non sit sagacitas. In secunda quid ipsa sit sicut fecit de bona consultatione. Primo igitur proponit sagacitatem esse habitum siue dispositionem: & eius contrarium hebetudinem, & hoc probat ex iis, qui habent illa. Quod si dam. n. homines sagaces vocamus, quosdam hebetes. Post hæc ostendit quod sagacitas non est idem, quod scientia nec opinio nec aliqua scientia in specie, & probat hoc pacto. Si sagacitas esset scientia vel opinio, tunc omnes scientes, & opinantes essent sagaces. Consequens falsum, ergo & antecedens: probatur consequentia, quia sicut scientia dicitur sciens, sic ex consequenti diceretur sagax si idem esset scientia & sagacitas. Assumptio patet, quia multi sunt scientes, & opinantes, & tamen non sunt sagaces. Item probat vterius sagacitatem non esse aliquam particularem scientiam, vt magis innotescat quod non est scientia. & probat hoc modo, Si sagacitas esset aliqua scientia particularis veluti geometria vel medicina vel huiusmodi: tunc sic medicina esset de sanis, & geometria de magnitudinibus: sic esset & illa. Consequens falsum, ergo & antecedens. Patet autem ratio, quia scientiæ diuersificatur, aut subiectis, aut modis diuersis quibus versatur circa talia subiecta: nunc vero est manifestum quod sagacitas non est circa talia, & eo modo vt scientia. Notandum quod philosophus videtur sumere hic scientiam largo modo non eam quæ distinguitur contra artem, sed illam quæ prædicari potest de arte & scientia, quæ definitur potest hoc pacto, Scientia est habitus in quo est ordo inter priora, & posteriora. Hæc definitio videtur competere scientiæ quæ est supra artem, & scientiæ propriæ dictæ: ideo posuit philosophus illa duo exempla, quorum vnum est ars. s. medicina, aliud scientia propriæ vt geometria. Patet igitur quod sagacitas non est de iis de quibus est scientia vel opinio. Idem de iis quæ sunt semper nec de iis quæ nunquam mouentur & huiusmodi, sed de iis de quibus fit consultatio, & quæ agi possunt, & à nobis quid agi. Hæc talia in tertio sunt recitata. Nam ex varia distinctione rerum de quibus ibi fit mentio videtur oriri distinctio habituum qui sunt in nobis: versatur autem circa ea omnia circa quæ versatur ipsa prudentia. i. circa ea quæ aliter se habere possunt, & à nobis agi. [NON est autem idem sagacitas.] Et si sagacitas, & prudentia versentur circa eadem, & in hoc conueniant: tamen vt intelligatur quod non sunt iidem habitus, ostendit philosophus esse diuersos hoc pacto. Hi habitus sunt diuersi, quibus competunt diuersæ operationes, ad prudentiam & sagacitas sunt huiusmodi: ergo sunt diuersi. Patet ratio quia, & si sit quædam propinquitas inter ista duo, & videantur hoc modo cõuenire, quia sunt circa eadem: differunt tamen quia diuerso modo versantur circa ea. Nam prudentie munus est propositio fine, qui videtur proponi à virtute moralis siue ab appetitu disposito: à virtutibus moralibus querere illa quæ perducant ad talem finem. Deinde inuenire. Demum præcipit quod est vltimum & principale eius officium. Hæc tria videntur esse prudentia, sagacitas tantum est diiudicatiua. Nam ille est sagax qui diiudicat huiusmodi res pertinetes ad prudentiam, & hæc non potest esse sine prudentia, nec prudentia sine illa in eo quod est cum sit aptitudo quædam prudentiæ. Et sic patet quod sagacitas est principium diiudicandi, post hæc addit philosophus quod idem est sagacitas, & bona sagacitas, & hoc addere videtur philosophus, quia homines inter dum sumunt sagacitatem pro astutia quædam malitiosa, sed ipse vult vt sagacitas accipiat in bonam partem, & ideo dixit quod idem est sagacitas & bona sagacitas, & non euenit vt supra de consultatione, vbi ostendatur quod quædam consultatio est bona, quædam non bona, sed sagacitas semper intelligitur bona vt etiam prudentia.] **N E Q V E** autem

habere nec accipere.] Posset aliquis dicere si sagacitas non est prudētia, est tamen habere aut accipere & accipere prudentiam. Probatur igitur quod nullum istorū est sagacitas, hoc pacto, Ea quæ non sunt simul, non sunt eadē: sed sagacitas, & accipere prudētiā non sunt simul, ergo non sunt eadem. Valet enim, sunt eadem, ergo sunt simul: sed non eōtrā. Dubitatur quia philosophus videtur loqui de sagacitate & prudentia, quæ sunt habitus quoquo modo, ergo ostēdit habitum præcedere habitum, per hoc quod vna operatio præcedit alteram. Nam accipere vel accipere prudentiam, & diiudicare, & similia sunt operationes, & de iis videtur loqui. Dicēdum quod ita se habēt operationes vt ipsi habitus. Nam si vnus habitus præcedit alium, & operatio eius videtur præcedere operationem alterius secundum aliquam prioritatem secundum eorum sententiam, qui ponunt ordinem in similibus. [Sed in opinionationis vsu.] Hæc est secunda pars huius capituli in qua posteaquam ostendit quid non est sagacitas: nunc declarat quid ipsa sit, & quantum hoc innuit cum dixit supra, quod est ipsa diiudicandi principium, tamen hic apertius eam ostendit afferendo quandam similitudinem, ex qua colligi potest definitio sagacitatis. Accipit igitur ista quatuor. Prudentiam & disciplinam, & doctorem in quo actu est scientia, & discipulum qui eruditur a doctore, & ex operationibus docendi & discendi ostendit quid sit sagacitas, & dicit, quod sicut fit quando quis vtitur sua scientia docēdo, quia tunc est discipulus qui discit, & bene diiudicat de iis quæ dicit magister, dāo quod non sit homo hebes: sic se habet in rebus agendis sagacitas respectu prudentiæ. Doctōr autem quærit, & inuenit quid sit dicēdum: postea affert illud, sic facit prudens, & prudentia in agendis, scientia igitur doctoris est sicut prudentia. Est autem ibi discipulus qui dicitur sagax. i. bene percipiens illa quæ dicuntur. Quod ille ita se habet vt bene ea percipiat, tunc dicitur habere sagacitatem, & hoc nihil aliud esse videtur nisi discere. i. bene percipere ea quæ dicta sunt. Idem fit in ipsa prudētia & sagacitate cuius officium est percipere ea quæ a prudente sunt inuenta, bene esse coniuncta. In opinionationis vsu. f. docendo per scientiam quam habet in se: tunc ipsum discere. f. quod facit discipulus bene percipiēdo ea quæ docentur, dicitur sagaciter se habere: quia bene diiudicat ea quæ dicuntur: sic in agendis cum prudens percipit res circa quas versatur ipsa prudentia: tunc sagax dicitur qui recte, & bene diiudicat ea quæ percipiuntur. Atque hinc. f. ex hoc bene a discendo, & vltius diiudicat ea quæ discuntur a magistro. Græce οὐτως ἀνὰ τοῦ μαθητοῦ. Notandum quod sagacitas duobus modis dici potest, vno modo in speculatiuis, & alio modo in actiuis quæ ab illa videntur appellari. Hæc autem in agendis nunc pro habitu nunc pro operatione sumitur, sicut diximus de bona cōsultatione. Notandum præterea quod ex dictis emergit etiam clarior ratio illa superior quod sagacitas non est, accipere prudētiā: sed est post inuēta & præcepta a prudentia: quia de talibus iudicat, & bene ostendit cōditionem eius philosophus, collocando prudētiā & sagacitatem in diuersis vt clarius intelligeretur. Ex supradictis afferri potest definitio sagacitatis hoc pacto: Sagacitas est habitus in agendo: qui est principium diiudicandi ea omnia quæ a prudentia præcipiuntur.

De sententia.

Cap. XI.

**I**A verò quæ vocatur sententia, qua bene sentientes homines dicimus sententiāque habere: iudicium est rectum æqui & boni viri. Cuius hoc iudicium est. Bonum enim & æquum virum ad ignoscendum procliuem dicimus esse. Et veniam in aliquibus dare: bonum & æquum esse. at venia, sententia est iudicatiua recta æqui & boni viri. Recta autem est ea quæ est ipsius veracis. Omnes autē habitus sine ratione ad idem tendunt. Nam sententiam, sagacitatem, prudentiam, & mentem ad eosdem afferentes: prudentes illos atque sagaces, & sententiam habere, mentēque dicimus. Omnes. n. hæc potentiæ: extremorum sunt, ac singularium. Atque idem ea ratione qua est idoneus ad ea iudicanda de quibus est prudens: sagax est, benēq; sentiēns. aut ad dandam veniam aptus bona. n. & æqua, omnibus sunt cōmunia bonis: ea ratione qua ad alium tendunt. Sunt autem singularia & extrema ea omnia quæ agi possunt. & prudentem oportet ipsa cognoscere. & sagacitas & sentētia circa hæc ipsa versatur. Hæc autem sunt extrema. Et intellectus extremorum est ad partem vtrāque. Etenim primorum tetmi-

91 norum ac extremorum: intellectus est & nō ratio. Is quidem qui ad demonstrationes attinet immobilium terminorum, atque primorum. Is autem qui in agendis rebus versatur, extremi & contingētis, atque alterius propositionis. Hæc enim principia sunt eius, gratia cuius. Ex singularibus enim emergit ipsum vniuersale. Horum igitur sensum habere oportet. Hic autem est intellectus. Quapropter & naturalia hæc esse videntur. Atque sapiens quidem natura est nemo: sententiā autem habet, & sagacitatem & intellectum natura: signum autem est nos hæc ætates sequi putare: atque hanc ætatem intellectum dare sententiāque habere, vt pote quæ à natura proficiuntur. Quocirca principium, & finis est intellectus. Ex his enim & de his ipsæ demōstrationes efficiuntur. Quare non minus eorum qui sunt experti, & seniorū vel prudentium in demonstrabilibus sententiis, opinionibusve, quā ipsi demonstrationibus mentem adhibere oportet. Quia nanque iam experiētia vsum habent: principia ipsa cernunt. Quid igitur prudentia, & sapientia est, & in quibus vtraque versatur, & diuersarum animæ partium vtranque virtutem esse, iam diximus.

## Commen.

88 **E**A VERO quæ vocatur sententia. Hoc est tertium capitulum huius tractatus, in quo postea quā ante docuit de bona consultatione, & de sagacitate: nūc declarat sententiā, quæ est alius habitus mentis siue dispositio quædam, & est coniuncta cum ipsa prudentia, & ad eam pertinet. Diuiditur autem in duas partes. In prima ostendit quid ipse habitus sit, & affert diffinitionem eius. In secunda comparat omnes istos habitus simul vt patebit. Dicit ergo in primis quod sententia est huiusmodi vt ex ea appellemus quosdam bene sentientes, & mites sententia, qui eam habent, & postea affert diffinitionem suam dicendo, quod sententia est iudicium rectum viri boni, & æqui. & hoc probat per quoddam signum, quia dicimus bonū & æquum virum habere mitem sententiā. & postea describit mitem sententiā dicens, quod ipsa est viri boni, & æqui iudicium circa ea quæ sunt bona & æqua, & subdit quod recta sententia est illa, quæ est iudicium viri boni & æqui, qui vere est talis, vt patet in textu. Notandum quod sententia ad hoc propositum duobus modis sumi potest. Primo modo vt habitus. Secundo modo vt operatio profuēs ab habitu. Hic autem philosophus videtur diffinire eam vt operationem: potest autem describi vt habitus hoc pacto, Sententiā est habitus, qui viri boni & æqui est iudicandi principium quo ipse diiudicat, & ignoscit vt oportet. Notandum quod sententia, & sagacitas sunt principia iudicandi ea quæ præcipit ipsa prudentia, & in hoc conuenire videntur. Differentia verò est quia sagacitas est viri sagacis: sententiā autem viri æqui & boni. Sagax sequitur omnem ordinem eorum quo inuenta & præcepta sunt à prudente iudicando ea recte quæ sita esse & inuenta. Sententia verò cum sit post prudentiam diiudicat etiam ipsa ea quæ præcipiuntur à prudentia, sed non eodem modo vt sagacitas, quia sagacitas non videtur esse correctiua. Sententia verò forsitan eorum correctiua esse possit, quæ euenirent præter intentionem prudentis, quia vniuersaliter loquendo non potuit complecti omnes casus qui euenire possent. Itaque si eueniat aliquid in quo seruando iussa prudentis fieret error, tunc sententia se interponit talia iudicando, & vir bonus habens talem sententiā recte corrigere potest. Patet igitur quod sententia est principium iudicandi ea quæ inuenta, & præcepta sunt à prudente, & est iudicium boni, & æqui viri. Ita quod in diffinitione eius cadere videtur vir bonus, & æquus, vt manifeste apparet. Notandum quod sententia sumitur multifariam, vt alicuius scripti mens, vt ea quam affert iudex: tum mēs & opinio. Hic autem non capitur istis modis, sed vt dictum est aut pro iudicio æqui, & boni viri: aut pro habitu qui est principium talis iudicij, & talis est coniuncta cum prudentia: æquitas autem & bonitas est habitus in voluntate vt plerique aiunt: vel potius in appetitu sensitivo coniunctus cum ipsa iustitia, & æquitas, & bonitas, & non est principium iudicandi: sed mouēdi appetitum vt feratur ad aliquid ignoscendum vt oportet: sententia verò est principium iudicandi propterea est in intellectu actiuo. [O M N E S autē habitus.] Hæc est secunda pars huius capituli, in qua philosophus posteaquam diffiniuit ipsam sententiā: nunc comparat dictos habitus inter se. Scilicet sententiā, sagacitatem, prudentiam, tum etiam intellectum qui sumitur hic pro habitu principiorum actiuorum. Ostendit ergo quod omnes ij habitus conueniunt primo, quia

sunt simul in eodem subiecto, vt qui est prudens sit sagax, & e contra. Deinde quia omnes sunt extremarum, & singularium rerum de quibus est prudentia Sunt igitur in eodem omnes vt diximus, quia prudens idem est etiam sagax, & sententiam habens: differunt tamen isti habitus ratione, quia alia est ratio prudentia, alia sagacitatis, licet sint in eodem: nam eidem dicimus prudentem, quia quærit, inuenit & percipit ea quæ sunt agenda pro aliquo fine bono consequendo. Idem etiam dicitur sagax, quia percipit omnia quæ præcepit prudens, & diiudicat illa se recte habere. Idem quoque dicitur habere sententiam vt diiudicat iussa à prudentia cōsiderando personas, & conditiones, & voluntates, occasiones & tempora, ea quæ indiget correctione, & venia ob aliquem particularem casum, qui in vniuersali à prudente legum latore cōprehendi non potuit, & fieret error si feruaretur in eo præceptum prudentis. Itaque sententiam habens cum sit æquus & bonus vir iudicio suo quod est sententia diiudicat illud, & æquitate, & bonitate emendat, is etiam dicitur habere intellectum. i. mentem actiuam principiorum quæ sunt principia rerum agendarum: & experientia comparatur, quæ principia vt habet dicitur habere intellectum. Vnus ergo & idem est homo habens omnes istos habitus qui sunt in intellectu actiuo tãquam in subiecto, & omnes ii habitus sunt etiam extremarum. i. singularium rerum. Dicit postea philosophus quodd. [E T intellectus extremorum est ad partem vtranque.] Accipere videtur nomen commune. i. intellectum actiuum, & speculatiuum. Nam sicut sunt duplices res. i. speculabiles & agibiles, ita etiam duplicia sunt principia, & duplex intellectus, id est habitus principiorum, quorum alter est speculatiuum: alter verò principiorum actiuorum: licet proprie intellectus, qui est habitus principiorum in speculatiuis dicatur vt supra declarauit philosophus, & vterque est extremorum, sed diuerso modo, quia extrema sunt diuersa, & alia vniuersalia: alia singularia. quare siue incipiat ab vniuersalibus, quæ sunt prima ex parte naturæ: siue à singularibus quæ sunt prima ex parte nostræ, semper extremorum est intellectus: dicuntur autem principia esse extrema, quia sunt prima. at in speculatiuis sunt vniuersalia, in actiuis sunt singularia. Quare hinc vel inde capias, semper extremorum est intellectus, id est habitus principiorum qui dicitur intellectus. at speculatiuus est extremorum vniuersalium: actiuus singularium. Singularia enim sunt principia in rebus agendis: quorum oportet habere sensum, hic autem est intellectus non quod sensus sit vis vel intellectiua vel rationalis: sed appellatur intellectus hic à philosopho ipsa vis cogitatiua, vel quia immediate subministrat intellectui, vel quia ista vis cogitatiua adeo eminet inter omnes vires sensitivas internas vel externas, vt respectu illarū videatur esse quasi vt quidam intellectus, non quod sit secundum essentiam, sed respectiue vt diximus. De hac vi sensitiva loquutus est etiā supra philosophus in vltimo capitulo secūdi tractatus, cum inquit quodd talis est is sensus, quo sentimus vltimū in mathematicis esse triangulum, & talis immediate subministrat intellectui. Hanc quoque in tertio de anima si bene memini appellat intellectū passiuum. [A D partem vtrāque.] siue procedatur ab vniuersalibus ad singularia ex parte & ordine naturæ: siue ab singularibus ad vniuersalia ex parte nostræ. Primorum. i. principiorū intellectus est. Et non ratio. i. non est demonstratio, si. n. principiorum esset demonstratio tūc esset eorū scientia proprie dicta, at principiorum vt principia sunt non est sciētia, sed intellectus. [I S autem qui ad demonstrationes attinet.] i. speculatiuus est primorū immobilium. i. principiorū intellectus est. Et non ratio. i. & non possunt aliter se habere. [I S autem qui in agēdis rebus.] i. actiuus est. Extremi. i. primi ex parte nostræ, & cōtingētis, id est eius quod potest aliter se habere. Atque alterius propositionis, id est singularis propositionis. Nam per intellectum speculatiuum sit processus in quo sumuntur omnes propositiones vniuersales, & principia vniuersalia, quæ sumuntur in demonstrationibus, & illæ cōstant semper ex iis quæ vniuersaliter cōpetunt rebus, & ea ratione qua ipsa sunt vt declarat philosophus in libro posteriorū. At per intellectū actiuum sit processus in quo sumitur principium singulare, & si sumatur per similitudinem, vt ratiocinatio quædā, oportet vt altera propositio sit singularis, quia principium in rebus agēdis est singulare. [H A E C enim principia sunt eius.] Hoc duobus modis intelligi potest, vel quia ex singularibus sit manifestū vniuersale, vel quia singulares propositiones sunt causa agēdi cum sint propinquæ istis: aguntur quæ sunt singularia vel eius gratia cuius. i. finis. [H I C autē est intellectus.] i. hæc potētia sensitiva dicitur intellectus hic nō q. sit secundum essentia suā, est. n. irrationalis: sed quia talis potētia sensitiva, quæ in nobis cogitatiua appellari solet, ita alios sensus excedit vt respectu illorū videatur esse intellectus quidam: vel quia immediate subministrat intellectui vt diximus, tamen alio modo intellectus actiuo: alio modo speculatiuo: verum quoniam pacto ex singularibus emergat vniuersale, & singularia sint principia rerum agendarum exemplo declarari potest. Vt si quis discurrendo dicat quodd Philippus rex macedonum est inimicus Atheniensium, quia Philippus occupauit Piræum: delevit longa mœnia: & fecit hoc vel illud ex quibus singularibus multis oritur vniuersale, & fieri ratiocinatio potest: quicunque facit hoc vel illud contra Athenienses est eorum hostis, s. at Philippus est huiusmodi: ergo est eorum hostis. [Q V A P R O P T E R & naturalia hæc esse videntur.] Ex supradictis tria correlaria videntur inferre, philosophus, primum est quod ista. i. habitus isti vel dispositiones videntur esse naturales, quia non comparantur doctrina vt sapientia quæ non ita videtur esse naturalis, sed illa potius naturales esse videntur, & hoc videtur oriri ex eo quia diximus ea versari circa singularia quorum est sensus. quodd autem naturales

videantur probat per quoddam signum. Nam dicimus hanc ætatem habere prudentiam, hanc sagacitatem vel intellectum. Vnde isti habitus videntur naturam sequi cum à natura ætates proveniant. Notandum quod omnes isti habitus videntur esse naturales, tamen non insunt nobis natura neque præter naturam: sed sumus nos ad illos suscipiendos, & acquirendos apti à natura: acquiruntur tamen ut diximus. Verum cum videamus quosdam secundum complexionem, & bonam temperiem instrumentorum aptos natura ad sagacitatem & prudentiam consequendam: hinc est quod dicimus has virtutes esse naturales. Nam si cum tempore accesserit experientia rerum agendarum cum rectitudine, videntur euadere tales, at ipsa sapientia ex doctrina plurimum habet argumenti, vnde videmus interdum homines parum sagaces in rebus agendis esse sapientes, & summa scientia præditos. [QVO circa principium & finis. Infert aliud correlarium philosophus, scilicet quod intellectus est principium & finis, & hæc sententia utriusque intellectui accommodari possit videtur. Primo de speculativo quia ex his, id est ex principiis & de iis, scilicet et conclusionibus, efficiuntur demonstrationes, cum ex primis procedimus ad probandas conclusiones, & sic erit principium. & finis si resoluamus conclusiones in principia sua, ultimo inueniuntur ut finis. vel est finis cum incipiendo à magis notis nobis: veniamur ipsa principia magis nota natura. Eodem modo de actiuo intellectu dicitur principium, cum sit processus à singularibus quæ sunt principia rerum agendarum ut antea vidimus, & finis quia sunt principia eius cuius gratia agitur, ut paulo antea dixit. Verum philosophus in libro posteriorum cum loquitur, de intellectu qui est habitus principiorum. Principium quidem est inquit ipsius principii. Hoc forsitan intellectui actiuo respectu rerum actiuarum quoquo modo accommodari potest. verum de actiuo dicere possumus quod est principium, quia ex iis, scilicet singularibus tamquam ex principiis fiunt demonstrationes, id est rationationes largo modo, & similitudine quadam sumptæ ut sint de actiuis rationationes. sepe enim hæc similitudinem à speculatiuis sumpsit philosophus, & actiuis accommodauit, & conclusio hoc pacto erit singularis: singulare enim agitur à nobis. [QVA R E non minus.] Tertium correlarium affert philosophus, quia dixit quod prudentia est circa singularia, propterea dicit quod non minus est adhærendum sententiis expertorum hominum qui dicuntur prudentes, quam demonstrationibus: quia tales homines sunt longa experientia quasi oculum quandam consequuti: quo facile prospicere possunt principia rerum agendarum. Dicit autem eos adeptos esse oculum vel visum, quia inter omnes sensus externos certissimus est sensus visus: sic similitudine quadam intellectus: qui acquiritur à prudentibus est quasi oculus, quo ita intuentur principia rerum agendarum, ut non facile decipi possint. [I A M diximus.] Vtrius peroratione dictorum breuissimè, repetendo differentiam sapientiæ atque prudentiæ de qua longè antea dicere incepit, ostendendo quod circa diuersa obiecta versantur, id est sapientia circa ea quæ non possunt aliter se habere, prudentia circa ea quæ possunt aliter se habere. Item quod alia est alterius potentia virtus quam alia. Nam sapientia est intellectus speculatiuis, prudentia actiuis, & qualem locum habet sapientia in speculatiuis, talem videtur habere prudentia in actiuis, & de iis præcipue diligentem inuestigationem fecit facietque philosophus, quia ut patebit in decimum in operatione secundum prudentiam videtur collocare felicitatem actiuam, in operatione verò secundum sapientiam videtur ponere felicitatem speculatiuam. Dabitur circa prædicta de istis tribus virtutibus mentis actiuæ, siue aptitudinibus, scilicet bona consultatione, sagacitate & sententia, scilicet utrum sint ut partes prudentiæ, & probatur quod non sunt partes ipsius prudentiæ rationibus. Partes prudentiæ sunt habitus cum recta ratione agendi: sed bona consultatio, sagacitas, & sententia non sunt habitus agendi cum recta ratione, ergo non sunt partes prudentiæ. Item omnis pars est quodammodo prior suo toto, sed istæ virtutes non sunt priores ipsa prudentia: ergo non sunt eius partes. Item si bona consultatio, sagacitas, & sententia essent partes prudentiæ, aut essent partes subiectiuæ aut essentiales, aut integrales: sed nullo istorum modorum sunt partes, ergo nullo pacto sunt partes. nam si essent partes subiectiuæ, tunc prudentia prædicaretur de eis tanquam aliquod genus de suis speciebus: sed philosophus dicit quod nullus istorum habituum est prudentia. Præterea si essent partes essentiales, tunc prudentia constitueretur ex illis tanquam quoddam compositum ex materia & forma, quod est absurdum. Nec etiam componitur ex illis tanquam quoddam totum integrale cum sint reſtitutiones quædam, & tunc esset reſtituendo reſtitutinis, & sic iterum atque iterum procederetur in infinitum. Patet ergo ex dictis quod non sunt partes prudentiæ, & probatur etiam ex dicto Aristotelis dicentis quod isti habitus siue aptitudines coniunctæ sunt cum prudentia, ergo differunt ratione, & definitione, ergo non erunt prudentiæ. Ad oppositum arguitur, & probatur quod istæ tres virtutes sunt partes prudentiæ: quia si non essent, tunc essent aut virtutes morum, aut intellectiuæ, præter eas quæ sunt allatæ: sed non sunt virtutes morum, quia tales sunt in appetitu, istæ verò sunt in mente & intellectu, sed nec etiam virtutes intellectiuæ cum illæ non sint proprie nisi quinque, scilicet ars, prudentia, & aliæ quas numerauit philosophus. Pro solutione notandum quod partes multifariam dicuntur. Primo modo ut pars subiectiuæ, & species quædam generis, ut homo respectu animalis. Secundo modo ut pars essentialis, sicut materia & forma dicitur pars compositi. Tertio modo ut pars integralis sicut manus, caput & huiusmodi, respectu totius ho-

minis. Quarto modo vt habitus subiecti & prædicati, id est incomplexorum respectu complexi alicuius, id est propositionis vel forsitan vt pars diffinitiuæ. Quinto modo sumitur pars vt potentia alicuius sicut anima dicitur habere partes, id est vires atque potentias quæ appellantur partes potentiales. His præmissis secundum hos modos quinque afferuntur conclusiones. Prima quod illi tres habitus non sunt partes subiectiuæ: quia non prædicatur prudentia de istis itaque de suis speciebus, quod patet ex dictis philosophi dicentis esse diuersas a prudentia. Secunda quod non sunt partes essentiales vt materia, & forma, quia præcedunt totum. At isti habitus siue aptitudines non præcedunt prudentiam, sed sequuntur vt vidimus. Tertia conclusio quod non sunt partes integrales eadem ratione, quia præcederent ipsum totum, id est prudentiam & non præcedunt, & distinguerentur vt alie virtutes moris vel mentis. Quarta quod non sunt partes vt habitus incomplexorum, quia præcederent etiam tales partes: & non sequerentur. Quinta conclusio quod istæ tres virtutes vel aptitudines dicuntur partes prudentiæ: vt potentiales, & vt aptitudines quæ sunt in ipsa prudentia, quibus ipsa potest exercere suas vires. Vnde superius dixit philosophus. Omnes enim hæc potentie extremarum sunt, & singularum rerum. Probatur etiam, quia sicut in aliis virtutibus fit vt sit primo vna virtus habitus simplex. habet autem multas aptitudines, & potentias quibus exercere potest varias operationes: sic erit de prudentia: nam fortitudo producit operationem in aggrediendo pericula. Producit aliam in sustinendo aduersa, quæ operationes variæ sunt, & per varias potentias, & aptitudines videtur produci, eodem modo alia est liberalitatis operatio in dando vbi oportet: alia in non accipiendo vnde non oportet. Et istæ variæ operationes per varias vires, & aptitudines quibus vitur liberalitas fieri videntur. Sic dicemus de prudentia quæ est virtus tres istas aptitudines habens ad suas operationes exercendas: habet enim bonam consultationem quæ fit à prudente: præterea prudens querit quomodo possit adipisci aliquem bonum finem. postea inuenit media, & tædem præcepit vt illa fiant quæ sunt inuenta, sed hæc diiudicantur postea non per consultationem, sed per sagacitatem quæ inest prudentiæ vt quædam proprietas, & vt risibilis homini. Per sententiam verò diiudicat ea quæ suscipiunt variationem, & quæ indigent emendatione: ex eo quod in vniuersali comprehendere non potuerunt omnes casus. Itaque prudens vir sententia, & iustitia diiudicat talia, & vt vir æquus, & bonus corrigit vt oportet, & sic patet quod isti tres siue habitus, siue aptitudines quædam sunt partes potentiales, & vt potentia quædam ipsius prudentiæ quibus exercere commode potest diuersas operationes & officia: hæc distinctione præmissa respondere possumus argumentis, & rationibus oppositis. Ad primam cum dicitur in minori quod isti non sunt habitus siue aptitudines agendi cum ratione: negatur hoc cum sint in intellectu activo, & sint principia agendi. Ad secundam cum dicitur quod partes sunt priores toto, hoc non est verum de partibus quinto modo dictis, scilicet potentis, cum videantur esse accidentia quæ sequuntur ipsum subiectum vt aptitudines quædam, & prius est subiectum secundum aliquam prioritatem, postea sunt illa quæ sequuntur illud. Ad tertium cum dicitur quod si essent partes aut essent subiectiuæ, aut essentiales, aut integrales, & quod nullo istorum modorum sunt, ergo non sunt. Dicendum quod non est sufficiens diuisio, quia sunt alio modo partes præter istas, scilicet partes vt potentie, quomodo sunt isti habitus siue aptitudines respectu ipsius prudentiæ.

## De utilitate sapientiæ, atque prudentiæ.

## Cap. XII.



Vbitauerit autem quispiam ad quidnam habitus hi sunt vti-<sup>79</sup>  
les? Nam sapiëntia quidem nihil eorum contemplatur: ex quibus fuerit homo felix. Nullius enim est generationis: prudentia autem hoc quidem habet. Sed cuiusnam gratia opus est  
ipsa? si prudentia quidem est ea quæ circa iusta & honesta, bonaque homini versatur: hæc autem sunt ea quæ viri boni est agere: atque ipsa sciendo non magis ad agendum nos sumus idonei, siquidem virtutes sunt habitus, quemadmodum nec ea sana, quæ non efficiunt bonam corporis habitudinem, sed ab ipsa proueniunt. non enim magis apti sumus ad hæc agenda, medendi artem, aut exercendorum corporum facultatem habendo. Quod si non horum gratia sit prudens ponendus, sed vt studiosi homines fiant: iis non fuerit vtilis sane qui iam sunt studiosi. At nec etiam iis qui studiosi non sunt: nihil enim refert siue ipsi habeant: siue aliis habentibus pareant. Atque hoc satis est<sup>99</sup>



100 nobis:quemadmodum & in sanitate. Nam etsi valere volumus:medici-  
nam tamen non dicimus. Insuper absurdum sane videbitur si prudētia,  
quæ quidem est inferior sapientia, sit magis domina quàm ipsa, magisq;  
princeps. Nam ea quæ agit, dominatur in singulis atque iubet. De his  
101 igitur est dicendum. Nunc enim de ipsis dubitauimus tantum. Primum  
itaque dicimus, has expetendas necessario per seipsas esse, quippe cum  
sint partium vtrarumq; virtutes, etiam si neutra ipsarum quicquam effi-  
102 ciat. Deinde & faciūt quidem. At non vt medicina sanitatem, sed vt sa-  
nitas: sic sapientia felicitatem. Nam cum sit pars totius virtutis, felicem  
103 efficit, ex eo quia habetur, ac operatur. Præterea opus ipsum & per pru-  
104 dentiam, & per virtutem moris efficitur. Etenim virtus quidem propo-  
siti in ipsum efficit rectum: prudentia autem ea, quæ in illud perducūt.  
105 Quare autem partis animæ quæ quidem est principium vegetandi, nulla  
est talis virtus: quippe cum in ipsa non sit agere, aut non agere situm. De  
106 eo verò quod dictum est non esse magis aptos ob prudentiam homines  
ad honesta, iustaque agenda: paulo altius incipiendum est, hoc princi-  
pio sumpto. Nam vt iusta agentes quosdam nodum iustos esse dicimus,  
vt eos qui faciunt ea quæ legibus sunt instituta inuiti, vel ob ignoratio-  
nem, vel ob aliquid aliud, & non ob ipsa: & si agunt ea quæ oportet, &  
107 quod virum oportet agere studiosum. Sic (vt videtur) agere singula v-  
numquemque oportet modo quodam affectum, vt sit homo bonus, ob  
electionem inquam & ipsorum gratia quæ aguntur. Electionem igitur  
rectam efficit virtus. Sed ea quæ illius gratia sunt agēda, non sunt ipsius  
108 virtutis, sed ad aliam potentiam spectant. Dicendum autem de ipsis di-  
lucidius est. Est igitur quædam potentia: quam\*habilitatem vocāt. Hæc *dicta virtute.*  
talis est vt ea possit agere atque attingere quæ ad suppositam intentio-  
nem conducunt. Si igitur propositum sit honestum, laudabilis est: Sin  
improbum, versutia est. Quapropter & ipsos prudentes habiles, & ver-  
futos dicimus esse. Ipsa verò prudentia non est quidem hæc dicta poten-  
109 tia. Non tamen est sine ipsa. Habitus autem ipse huic oculo imprimitur  
animæ. Neque absque virtute, sicut diximus, atque constat. Ratiocina-  
tiones enim agendarum rerum principium habent, cum talis sit ipse fi-  
nis, & ipsum optimum, quicquid tādē sit illud. Sit enim (verbi gratia)  
110 quicquid contigerit. Hoc autem non nisi bono viro videtur, prauitas  
enim peruertit, facitque vt circa principia rerum agendarum homo fal-  
111 latur. Quare patet prudentem neminem esse posse, nisi sit bonus.

## Commen.

67 **D**UBITAVERIT autem quispiam. Hic est quartus & vltimus tractatus huius sexti libri  
in quo philosophus postquam antea declarauit quinque habitus & virtutes intellectiuas,  
scilicet scientiam, artem, prudentiam, intellectum, sapientiam. Et item tres habitus siue ap-  
titudines connexas cum ipsa prudentia, quæ dicuntur partes potenciales eiusdem. Nunc affert  
quasdam dubitationes circa prudentiam, & eas soluit considerando nonnulla ne-

cessaria vt patebit. Diuiditur autem hic tractatus in duo capitula. In primo mouet dubitationes  
 & soluit, & ostendit esse connexionem quādam inter prudentiam & morales virtutes. In secun-  
 do declarat istam cōnexionem qua simul vniuntur. Primum capitulum diuiditur duas in partes  
 quæ patebunt. In prima igitur parte philosophus proponit suam intentionem, scilicet quod du-  
 bitandum est quidnam profint, & vtilis sint sapientia, & prudentia in vita humana. Deinde au-  
 ge: istam dubitationem, & prius ostendit quod sapientia non videtur cōferre ad acquirendam  
 felicitatem humanam, cum non cōsideret de iis quæ sunt in nostra potestate quæ efficiunt felici-  
 tatem, & quorum est generatio, id est actio vel aptitudo vt fieri vel non fieri possint, & quæ  
 possint aliter se habere: sed de æternis, & de necessariis quæ non possunt aliter se habere. Nam  
 ille habitus non videtur conferre ad humanam felicitatem qui versatur circa ea quorum non est  
 generatio, id est actio, vel circa contingentia vt possint agi à nobis, & aliter se habere: sed est de  
 necessariis, & æternis & sapientia est huiusmodi & cætera. [PRVDENTIA autem habet qui-  
 dem.] Afferit secundam dubitationem philosophus quod prudentia non videtur conferre vitæ  
 humanæ hoc pacto Ille habitus sine quo homo potest exercere bonas & honestas operationes  
 non videtur conferre vitæ humanæ, at prudentia est huiusmodi, ergo prudentia non videtur  
 conferre vitæ humanæ. Ratio patet, & probatur à philosopho exemplo medicinæ atque gym-  
 nasticæ. Nam sicut fit de sanis, scilicet operationibus quæ profluunt à sanitate: sic fieri videtur  
 de operationibus iustis, & honestis, quæ proueniunt à bono viro, sed constat quod sine cogni-  
 tione medicinæ possunt à corpore sano profluere sanæ operationes, ergo sic erit de prudentia,  
 quod sine ipsa poterit ab homine prodire honestæ operationes. Nam sicut ex sanitate de se vi-  
 dentur prodire posse sanæ operationes sine cognitione medicinæ, sic ex virtutibus, studiosæ, &  
 bonæ operationes sine lumine, & adiumento prudentie. Quare superflua videtur esse prudentia.  
 Notandum quod sanum multifariam sumi solet, aut pro causa effectiua sanitatis, vt potio vel her-  
 ba, & similia: aut sumitur pro susceptiuo sanitatis, vt corpus dicitur sanum in quo est sanitas, aut  
 sumitur pro operatione sanæ: vt est bona digestio, bona ambulatio & huiusmodi: philosophus au-  
 tem accipit hic sanum non id, quod efficit sanitatem, sed operationem sanam, quæ prouenit à sa-  
 nitate, & bona habitudine corporis, & ideo dicit quod prudentia, & si habet hoc ipsum, scilicet  
 vt versetur, & consideret ea quæ sunt generationis, & possint agi & aliter se habere, & quæ con-  
 ferre videntur ad vitam humanam: tamen quid est opus prudentia cum bonus vir hæc agere pos-  
 sit ex sese sine vlllo adiumento prudentiæ: cum sint operationes virtutis, & bonus vir habeat vir-  
 tutes in se. Non enim ad agendum ex eo magis apti videmur, quia cognoscimus ea quæ sunt ho-  
 nestæ si habeamus virtutes quæ sunt animi sanitates, quemadmodum non sumus magis apti ad  
 producendas operationes sanas habentes sanitatem, & bonam habitudinem corporis. Non in-  
 quam sumus magis apti ex eo quod sana percipiamus, sana inquam quæ non sunt effectiua sani-  
 tatis, nec bonæ habitudinis corporis, sed sanas operationes prouenientes à sanitate, à bona cor-  
 poris habitudine. quare si ob cognitionem sanarum operationū non euadimus aptiores ad exer-  
 cenda opera sanitatis, & prudentia ita se habeat in operationibus honestis exercendis, quod non  
 euadimus aptiores cognitione illa, quid est opus ipsa prudentia? vel quid cōfert ad vitam huma-  
 nam? nam virtus videtur esse animi sanitas, sicut bona corporis habitudo sanitas corporis. verum  
 sicut sani homines corpore videntur producere posse operationes sanas sine scientia medicinæ,  
 aut gymnasticæ facultate: sic sani virtutibus animi sine prudentia lumine videntur producere  
 posse iustas atque honestas operationes. Quod si hoc ita se habebit, superflua, & inutilis videbi-  
 tur. ipsa prudentia, merito ergo dubitatur. [QVOD si non istorum gratia.] Quia visus est supra  
 philosophus dicere prudentiam esse inutilem studiosis, & iam virtutem habentibus, posset ali-  
 quis dicere, quod si prudentia non confert ad operationes exercendas acquisita virtute: confert  
 tamen ad hoc vt iij qui non habent virtutes studiosi efficiantur, & eas consequantur. ideo philo-  
 sophus dicit quod nec habentibus nec non habentibus virtutem, confert prudentia. Primo ha-  
 bentibus non est vtilis vt antea patuit: non habentes quoque ea minime indigere videntur cum  
 sufficiat vt discant ab iis, & pareant illis qui eas habeant. Nam sicut non est opus vt medicinæ  
 scientia sit in eo qui vult habere valetudinem sufficit enim vt sit in alio: nam per accedens medi-  
 cus seipsum curat: eodem pacto poterit aliquis euadere sanus animo consequendo virtutes sine  
 vlla prudentia, si pareret aliis studiosis. Est autem prudentia virtus perceptiua: morales virtutes  
 non sunt perceptiue: & sicut sanitas sine cognitione medicinæ videtur producere sanas opera-  
 tiones: ita virtutes morales sua opera sine lumine prudentiæ. quod si hoc sit, superflua erit pru-  
 dentia studiosis, præterea superflua erit etiam iis qui virtutes consequi volunt, cum sufficiat eis  
 sequi præcepta eorum qui eas habent, & non querere vltiorem cognitionem: quod si ita sit vt  
 tam studiosis quam non studiosis superflua sit prudentia, inutilis esse videtur in vita humana.  
 Merito igitur dubitamus. Non istorum gratia, scilicet vt prædeant ab eo tales operationes. Sicut  
 habeant, scilicet virtutes, siue habentibus, scilicet virtutes de moralibus loqui videtur. [I N S V-  
 PER absurdum sanæ.] Afferit philosophus aliam dubitationem de nobilitate sapientiæ atque pru-  
 dentiæ. Nam antea loquendo de sapientia & prudentia, sapientiam præstare excellentiam voluit,  
 & nobiliorem esse prudentia, præsertim ob subiecti nobilitatem, circa quod versatur sapiētia,

68

69

109

postea vero dixit inter ceteras facultates prudentiam civilem obtinere locum presidentis & architecturæ: & item in principio libri ethicorum dixit quod civilis facultas præcipit quas scientias in ciuitatibus esse velite: & sic videretur dominari sapientiæ: merito igitur dubitatur de istis, & postea dicendum erit quomodo se habeant inter se. [P R I M V M itaque dicimus has.] Hæc est secunda pars huius capituli, in qua philosophus postea quam adduxit rationes quæ probabāt sapientiam, & prudentiam esse inutilem vitæ humanæ, & proposuit quæstionem vtrū sit earū virtutum nobilior: nunc soluit duas primas dubitationes, tertiam vero quæstionem differet in finē sequentis capituli, vt ibi patebit. Hac autem in parte philosophus quobus modis soluit illas dubitationes. Primo modo dicere videtur, si concedatur quod sapientia non cōsideret aliquid eorum quæ conferunt ad vitam humanam, & quod sine prudentia possint agi operationes secundū virtutem, scilicet moralem, à bono viro, quod tamen non est verum: sed si concedatur, nihilominus dicimus has esse per se expetendas, quod potest probari hoc pacto. Illi habitus qui sunt perfectiōnes animæ nostræ sunt per se expetendæ: sapientia & prudentia sunt perfectiōnes duarum partium, i. potentiarum nobilissimarum animæ, scilicet actiue mentis & speculatiue: ergo sapientia, & prudentia sunt per se expetendæ etiam si nullā ab iis prodiret operatio vt obicitur. [D E I N D E faciunt.] Soluit secundum modo concedendo maiorem, negando minorem, scilicet quod prudentia & sapientia non agunt quicquam ad felicitatem consequendam, & dicit quod operantur, immo efficiunt felicitatem, & non vt medicina efficit sanitatem, sed vt sanitas quæ est bona corporis habitudine efficit sanas operationes cum sit in corpore sano, & non vt externū quoddā veluti medicina: sic ille habitus acquisitus, itaque operatur sapientia, vel homo per sapientiā: & est habitus nobilissimus speculatiuus secundum quem operatio summa dicitur esse felicitas. Prudentia quoque est nobilissimus habitus actiuius secundum quē operatio dicitur etiā felicitas actiua, & in agēte sunt isti habitus. Itaque nō agunt vt medicina, quod vt externū respectu ægroti efficit sanitatē, sed vt sanitas suas operationes: quare cum superius dicebatur, nos possumus sine medicina producere sanas operationes cum limus corpore sani, dico quod non valet de prudentia quod possumus producere opera secundum virtutem sine prudentia, quia prudentia non se habet respectu animi, sicut medicina respectu corporis, sed sicut sanitas, & quemadmodum sine sanitate non possumus producere opera sana: sic sine prudentia, non possumus producere operationes secundū virtutem, cum illa sit recta ratio virtutum moralium, & omnino cum illis connexa, vt patebit infra. Sapientia igitur operatur aliquid, immo efficit sicut sanitas operationes sanas in corpore, sic illa operationem suam internam in animo, quæ dicitur esse felicitas. Prudentia quoque actiua efficit felicitatem, & operatur, vt magis etiam infra patebit. Dicit autem philosophus de sapientia. [C V M sit pars totius virtutis.] Vidim⁹ enim quod virtus sit sumatur tota & diuidatur in partes exemplo diuidetur in virtutem moris, & mentis, sapientia igitur cum sit pars totius virtutis, quia est mentis perficit habentem, & felicem reddit, & secundum eam erit speculatiua felicitas. at vero secundum virtutem moris coniunctam cum ipsa prudentia, est actiua felicitas. quod autem sit cum ea annexa, & quomodo, patebit inferius. [P R A E T E R E A opus ipsum.] Soluit philosophus dubitationem etiam ex parte tantum prudentiæ, probando hoc pacto, & ostendendo eam esse vtilem ad vitam humanam, finemque vltimum consequendum. Illa virtus quæ necessaria concurret ad omnia opera secundum virtutem moralem, ita vt virtus moralis sine ea operari non possit, necessario requiritur, & est utilis ad vitam humanam, & felicitatem consequendā, at prudentia est huiusmodi, ergo necessario requiritur, & est utilis ad felicitatem consequendā in vita humana. Patet ratio, & minor probatur à philosopho. Nā ad hoc vt operatio agatur secundū virtutē, opus est vt intentio sit recta, deinde vt dirigatur operatio. At primū est virtus moralis, secundū prudentia: ergo sine prudentia non potest virtus moralis operari. Nā appetitus informatus morali virtute, & si nō percipiat, recte tamen expetit finē, & appetit ferri ad illū, sed indiget lumine prudentiæ, quæ est virtus perceptiua, vt ostendat sibi viā. Itaque ea est quæ dirigit, & inuenit omnia bona media quæ ad illū finem perducūt recte & expetunt a virtute morali: quibus mediis inuētis deinde præcipit, & iubet vt ea agantur. ex quo patet quod prudentia magnopere confert ad felicitatem, & ad operationē secundū virtutem moralem requiritur necessariū vt sit coniuncta.

[Q V A R T A E autem partis animæ.] Quia superius dixit philosophus illum habitum esse per se expetendum qui est perfectiō alius partis animæ, vel ostendit sapientiam atque prudentiā perfectiones esse mentis, nequis crederet quālibet potentiā animæ habere huiusmodi virtutes quæ sint earū perfectiones. Excludit hunc errorem, & dicit quod quartæ particulæ animæ, i. potentiæ vegetatiue nulla prorsus est huiusmodi virtus & perfectiō conferens ad felicitatē, quare in vltimo primo primū libri cōvellet diuidere virtutes secundū potentiās animæ, eā quoque posthabuit, nā illa potentia secundū quam nō possumus nostro arbitratu, & sponte agere vel non agere, nullā videtur habere virtutem vel intellectuam vel moralem: at vegetatiua est huiusmodi, ergo nullam habet talem virtutem. patet ratio quia non possumus non ea operari, præsertim sua principali operatione, i. nutritiua: semper enim nutrit dum viuunt animal, & eius cessatio mors est, vt inquit philosophus. Quarta autem particula, i. quarta potentia dici potest, quia in homine est humana anima, quæ habet potentiā intelligēdi, secundū locū mouendi, sentiendi, vegetandi: huius potentiæ ve-

getatiua est nutrire, augere & generare sibi simile in specie, vt alibi ostēditur à philosopho. [DE 106  
 ea vero.] Hac in parte philosophus declarat quòd prudentia est connexa cum omnibus virtutibus moris, & hoc pertinet ad dubitationem, & obiectionem super allatam soluendam, cum dicebatur quòd ad sanitatem non est opus discere medicinam: sic non est opus prudentia ad exercendas operationes secundum virtutem. Contra hoc igitur arguit philosophus, ostendendo quòd prudentia non potest esse sine virtutibus morum, sed est omnino coniuncta cum illis hoc pacto. Recta electio alicuius rei non potest esse sine virtute morali: sed prudentia non potest esse sine electione recta, ergo prudentia non potest esse sine virtute morali. Maiorem probat philosophus, quòd quemadmodum iustae operationes interdum sunt à quibusdam qui non sunt iusti vt in quinto patuit: quia ab iniuris sunt, vel ignorantes, sic fit vt etiam aliae operationes studiose produci possint à viro non studioso eo modo quò diximus, sed ad hoc vt aliquis dicatur iustus, & habens habitum virtutis, requiritur non solum vt agat iusta atque honesta, sed agat cum electione recta. & sic patet quòd electio recta semper est cum virtute, & ideo virtus est habitus electiuus, & cetera. Minorem quoque probare possumus ex dictis philosophi, scilicet quòd prudentia non est sine electione recta, quia electionem rectam facit virtus moralis: sed ea inuenire quorum gratia fit electio non est virtutis moralis, sed prudentia, quae & inuenit, & praecipit quae sunt agenda. Quare hoc pacto soluitur id quòd superius obiectum est de prudentia quòd videbatur esse superflua, quia iusta & honesta, & omnino actus virtutis poterant homines producere sine prudentia, nec magis ob eam erant apti ad operandum sicut non sunt magis apti ad opera sana producenda ob cognitionem medicinae. Soluit inquam philosophus altius repetens ac dicens quòd ad operationes quae sint secundum virtutē ab viro studioso factae per se, & non per accidens, requiritur electio bona quam rectam facit moralis virtus, & vt illius gratia agantur: sed prudentia est illa quae necessario requiritur vt perscipiat quae sunt illius gratia: ex quo cum electione, & virtute morali fit coniuncta, oportet, & requiritur necessario. Addit vterius philosophus ad hoc declarandū, quòd est in animo quaedam vis, & potentia: quam dicere solent aptitudinem quandā perspicendi ex ipsa natura, cuius absentia videtur esse stultitia: haec cum sit naturalis apta est ad agendum, & attingendum ea quae perducunt ad propositū, & intentū finē ab appetitu siue studioso, siue vitioso. Possumus. n. ea vtī & abuti. quare bifaria esse potest, quaedam laudabilis si intentio sit bona: quaedam contra si intentio sit mala. Verum cum sit potentia apta ad perscipiendum, & bonum & malum habitum: si suscipiet bonum habebit prudentiam: si malum habebit malitiam, quae est eius malus habitus & quasi quaedā peruersa prudentia, licet nullo modo prudentia appellanda sit, sed malitia quaedam & astutia. Non vult autem philosophus quòd vna & eadem potentia de se sit bona & mala, sed possit suscipere habitum bonum ipsam prudentiam, & tunc est laudabilis: vel habitum malum ipsam malitiam vel astutiam, & tunc est vituperabilis. & dicit philosophus quòd homines solent appellare prudentes astutos, quia sunt apti ad perscipiendum, sed improprie, quia confundunt. Nam astutus & malitiosus praesupponit finem prauum intentum ab appetitu: prudens vero praesupponit bonum finem, & inuenit bona media quae ducunt ad illum: quare improprie tales dicuntur prudentes. Nam prudentia est habitus laudabilis, astutia vero & malitia est vituperanda: & addit quòd prudentia non est talis vis, nam eam praesupponit sicut habitus potentiam sine qua esse non potest cum sit eius perfectio, sed illi potentiae perceptivae quae est tanquam oculus quidam imprimatur ipse habitus, & ipsa virtus prudentiae. ex his patet quòd prudentia non est sine electione: electio non est sine virtute morali: ergo prudentia non erit sine virtute morali. Dirigit. n. prudentia hanc vim ad ea omnia inuenienda bona quae ducunt ad bonum finem. Ratiocinationes enim, id est, discursiones quibus procedit prudentia ad inuenienda media in rebus agendis habent principium. finem sibi propositum, & intentum ab appetitu: & talis est bonus finis, & talis bono viro apparet. Est. n. natura virtutis vt feratur ad bonū finem: vitij vero ad prauum. Corruptit enim iudicium ipsa prauitas causa quae esse videtur vt fiat error circa principia rerum agendarum, id est circa fines. Vnde antea in capitulo prudentiae, nam principium inquit rerum agendarum, id est vt patet, gratia cuius sunt ipsae. i. finis: ei vero qui corruptus est ob voluptatem, aut dolorem, continuo non videbitur principium ipsum nec huius gratia, & cetera. Et haec ei correspondet: atque hoc non nisi bono viro videtur atque apparet. Prauitas. n. peruerit, &c. Concluditur ex his omnibus quòd prudentia non potest esse sine virtute morali, & quod necessaria ad virtutes moris, & honestas operationes exercendas secundum virtutem, & quòd operatur ad felicitatem humanam. In sequenti vero capitulo ostendet etiam quòd virtus moralis non potest esse sine prudentia. [NON ob ipsa.] Id est non gratia ipsorum honestorum, quia si fecissent ob ipsa essent forsitan dicendi studiosi. [IPSARVM gratia.] Veluti ut agat non timore, aut alia causa, sed ipsarum gratia veluti propter iusta esse, ut ita loquar, & agat honesta propter honestatē & honestatis gratia. Sed percipere, scilicet media quibus assequamur finem bonū non est virtus moralis, sed alterius potentiae ut declarat, Malitiosus, improprie dicimus. Huic oculo. i. tali potentiae perspicendi, imprimitur, tanquam forma quaedam perfectiua ipse prudentiae habitus. [NEC absq; uirtute.] scilicet morali. Cōcurrit enim appetit⁹ rect⁹, & cōuenit cū ipsa prudentia. Ratiocinationes. scilicet quibus procedit prudentia ad inuenienda media. Principium habent. scilicet finem ipsum

110 intentum ab appetitu. Optimum, uel simpliciter uel in genere uel respectu eorum quæ aguntur ob ipsum finem. [H O C sane.] Scilicet optimum quod contigerit, ita tamen ut sit uere bonum. Circa principia rerum, id est circa fines. Ex dictis patet quod prudentia est utilis & necessaria ad uirtutes moris, & quod ipsa operatur multum ad felicitatem humanam consequendam.

*De natua virtute: virtutum, & prudentiæ connexione: Cap. XIII.*

fii



Considerandum autem iterum est & de virtute. Etenim ut prudentia sese habet ad \*habilitatem, quæ non est idem, sed simile: sic & proprie virtus sese habet ad naturalem virtutem. Omnibus enim singuli mores inesse quodam modo natura videntur. Etenim & iusti natura: fortesque, atque ad temperantiam nati videmur: ceteraque continuo habemus ex ipso ortu. Sed esse tamē quærinus aliquid aliud, quod est proprie bonum, & talia nobis alio modo inesse. Pueris enim ac belluis naturales habitus insunt. at absque mente nocere videntur. Atque ut robusto sit in corpore sine oculis se mouente (errat enim vehemēter ex eo quia non habet visum) sic & hic accidit. Si vero mentē acceperint, in agendo differt. Atque habitus ille similis, tūc erit proprie virtus. Quare ut in opinatio duæ sunt species: habilitas, atque prudentia: sic & in morali sunt duæ, vna naturalis virtus, altera proprie virtus. Atque harū ea quæ est proprie virtus: non fit sine prudentia. Quapropter inquirunt virtutes omnes, prudentias esse. Et Socrates partim recte quærebat, partim peccabat: peccabat quia virtutes omnes, prudentias esse putabat: bene dicebat quod non esse sine prudentia ipsas aiebat. Hoc autem huius indicium est. Etenim nūc omnes cum virtutem diffiniunt: dicentes ipsam habitum esse, & afferentes ea circa quæ versatur, addunt secundū rectam rationē. \* Videntur igitur omnes vaticinari quodā modo talē habitum esse virtutē, qui est secundū prudentiam. Oportet autē parumper migrare. Est enim is habitus virtus, qui non solū est secundū rationē rectam, sed cum recta etiam ratione. Recta autē de talibus ratio ipsa est sane prudentia. Socrates igitur virtutes ipsas rationes esse arbitrabatur. Omnes enim sciētias esse dicebat: at nos cū ratione esse censuimus: Patet igitur ex dictis, fieri nō posse ut sine prudentia sit homo proprie bonus, & absque morum virtute prudēs. At enim & ea ratio qua quispiam differuerit separari virtutes: hinc solui potest. Nō enim idē ad omnes suscipiendas aptissimus est ingenio: quare aliā iam accepit, aliam nōdum accepit. Hoc enim in naturalibus quidem virtutibus fieri potest. At in iis quibus absolute dicitur homo bonus, fieri nequit. Etenim cum prudentia quæ est vna, simul inerunt vniuersæ. Constat autem & prudentia opus esse, etiā si non esset actiua, quia partis est virtus. Et sine prudentia, sineque virtute, electionem rectam non fore. Altera nanque finem: altera ea quæ sunt ad finem agere facit. At vero neque sapientiæ præest: neque præstabilioris est partis, sicut neque ars medendi præsidet sanitati. Non enim utitur ipsa, sed videt ut fiat. Illius igitur gratia (non illi) iubet.

δ' αὐτοῦ ταυτα.

Codex  
Græcus  
hic addit,  
ὁ γὰρ ὅς ἐστι λό-  
γος ὁ κα-  
τα τὸ πῶς φέ-  
ρεται.  
id est, re-  
cta autem  
ratio, quæ  
est secun-  
dum pru-  
dentiam.



Præterea simile est ac si quispiam facultatem ciuile principē esse deorum  
asserat: propterea quod præcipit de omnibus quæ aguntur in ciuitate.

*Commen.*

**C**ONSIDERANDVM autem. Hoc est secundum capitulum huius tractatus, in quo pos-  
tea quàm antea ostendit prudentiam esse connexam cum virtutibus moralibus: nunc vice-  
versa declarat ipsas virtutes morales sine prudentia esse non posse, & item omnes virtutes  
esse simul, quia sunt vna cum prudentia. Diuiditur autem hoc capitulum in tres partes quæ  
suis locis patebunt. in prima igitur parte probat quod virtus moralis non potest esse sine prudē-  
tia, & ad hoc declarandum præmittit duas sententias: prima est talis, Sicut est in parte animæ ra-  
tionali actiue vbi est ipsa prudentia: sic est in ea parte vbi sunt virtutes morum: sed in illa parte  
rationali est vis quædam naturalis, & habilitas quædam perspiciendi: ita erit in ista virtus vel po-  
tentia naturalis qua anima suscipere potest virtutes morum. Diximus enim antea de prudentia  
quod illa præsupponit quandam habilitatem naturalem, quæ suscipere potest bonum habitum &  
malum: bonum ipsam prudentiam, malum ipsam astutiam siue malitiam. Dico igitur quod sicut  
se habet prudentia ad habilitatem illam naturalem quæ non est prudentia, sed habet similitudinē  
cum illa cum possit eam suscipere in se: eodem pacto se habet virtus proprie, id est moralis ad eā  
virtutem quæ non est proprie virtus, sed est naturalis virtus, & quasi habilitas, & potentia quæ-  
dam naturalis. & hoc probat ex communi hominum opinione qui putant virtutes quædam na-  
turales esse in appetitu sensitiuo, & in ea parte vbi morales suscipiuntur virtutes. Quidam enim  
fortes quidam temperati, quidam iusti videntur esse natura, & à primis inuitamentis nostræ ge-  
nerationis. Post hanc sententiam declaratam ostendit philosophus non solum tales naturales vir-  
tutes inesse homini, sed alias etiam esse quæ proprie dicuntur virtutes probando, hoc pacto, Pro-  
prium bonum hominis, & virtus proprie dicta non potest lædere hominem, & habent, sed na-  
turales lædere possunt, ergo tales virtutes non sunt bonum hominis, & virtutes proprie dictæ,  
quare ponere alias virtutes oportet præter naturales. Ratio patet exemplo puerorum & bestia-  
rum. Nam pueri habent aptitudinem ad fortitudinem, temperantiam, & huiusmodi, & denomi-  
nantur tales ob illas aptitudines naturales. Verum cum non habeant vsum rationis & mentis vi-  
dentur lædere posse si ipsis abutantur. Bestiæ vero nonnullæ fortes, aliæ mansuetæ, vel prudētes  
dici solent per quædam similitudines: & cum non habeant rationem & mentem, nocere interdū  
videntur tales virtutes. Itaque vt robustum corpus animalis bruti siue hominis, carens visu, si  
mouetur: offendi vehementer errareque videtur: sic naturalis virtus si sit in aliquo sine lumine  
rationis, & virtutis proprie dictæ, occasionem præbet habenti vt vehementer lædatur. Ex quo  
patet quod virtus naturalis non est proprie virtus nec proprium hominis bonum, quare alias  
oportet esse virtutes, quæ sint propriæ, & cum sint cum recta ratione tanquam cum visu, & oculo  
ducentem non possunt offendere neque errare. Ex iis quæ dicta sunt vltimus affert tertiam sen-  
tentiam ob quam aliæ sunt allatæ, scilicet quod virtus morum non est sine prudentia. quam probat  
hoc pacto: mens & recta agendi ratio est ipsa prudentia, sed virtus moralis non est sine  
mente, & recta ratione agendi, ergo virtus moralis non potest esse sine prudentia. Patet ra-  
tio, quia prudentia est habitus mentis consultatiue, & recta agendi ratio, vt antea vidimus.  
Virtus autem morum non est sine recta ratione, naturales enim virtutes esse possunt sine ratio-  
ne recta, morales non possunt, & sic ordine habemus has tres sententias, & conclusiones proba-  
tas. Prima quod sicut vis & habilitas illa naturalis perspiciendi se habet ad prudentiam, ita sunt  
naturales virtutes, quæ se habent ad virtutes morales. Secunda quod naturales virtutes non  
sunt proprium hominis bonum, nec sunt virtutes proprie dictæ. Tertia qua concluditur quod  
virtus moralis non potest esse sine prudentia vt successiue patet. [E T E N I M vt prudentia.]  
Quia sicut prudentia perficit, & dirigit vim illam naturalem, & habilitatem perspiciendi: sic vir-  
tus moralis illam naturalem virtutem. vel perinde est quod sicut prudentia non est sine vir-  
tute morali, sic moralis virtus non est sine prudentia, quodammodo, quia neque natura pro-  
prie insunt, neque præter naturam ipsæ virtutes, sed sunt aliæ virtutes proprie dictæ: præter istas  
naturales quæ acquiruntur per istas. [I L L E similis.] Scilicet virtutibus naturalibus. [I N opina-  
tuo.] Id est in mente consultatiua & actiua. Notandum quod est similitudo quædam inter vir-  
tutes seu aptitudines naturales, & virtutes proprie dictas, quia sunt perfectiue illarum potentia-  
rum, & ideo appellantur virtutes propriæ, nam in speculatiua parte animæ, quædam est aptitu-  
do ad suscipiendā scientiam similis scientiæ, non tamen est idem. Quia talis vis sine scientia pro-  
pria potest errare, & talis vis appellari potest acumen intellectus atque ingenii, similiter in actiua  
est parte animæ habilitas, & aptitudo ad perspiciendi similis prudentiæ, quæ tamen non est pruden-  
tia: ostendimus: sic est de alia parte animi, id est de appetitu, qui est sedes, & domiciliū virtutū  
moralium, ubi sunt potentie naturales, quibus alii ad fortitudinem, alii ad temperantiam, alii ad  
aliud ferri vidētur, & suscipere possunt habitus, & virtutes, proprie dictas. Tales igitur aptitudines  
dicuntur in appetitiuis præsertim ubi non habent proprium nomen, virtutes naturales nō quod  
sint proprie virtutes, nullæ enim, proprie dictæ insunt nobis natura ut in secundo ethicorū ostēdit



philosophus, sed dicuntur quodammodo naturales, quia per tales potentias, & vires sumus apti natura ad illas suscipiendas. Vnde in secundo, Nec natura inquit, nec præter naturā in nobis virtutes efficiuntur, sed sumus quidem ad ipsas suscipiendas apti natura. Et item potentes quidē sumus natura, boni vero nō efficiuntur, aut mali natura. Ex quibus patet quod virtutes illæ quas philosophus appellat naturales esse aptitudines, & vires ad suscipiendas virtutes, non autem virtutes proprie dictas. Patet etiam quod virtutes morales, & proprie dictæ non possunt esse sine oculis prudentiæ, sed necessario sunt cum ea coniunctæ. [QVAPROPTER inquit virtutes.] Ad probandam eandem conclusionem quod virtutes morales non sunt sine prudentiā, asserti antiquorum sententiam: qui dixerunt omnes virtutes esse prudentias vt Socrates & socratici omnes. Arguebant enim hoc pacto, Omnis habitus qui est recta ratio agendi est prudentia. omnis virtus est huiusmodi: ergo omnis virtus est prudentia. Et dicit philosophus quod isti partim bene dicebant, partim errabant. Errabant enim in hoc quia dicebant omnes virtutes esse prudentias. Differt tamen virtus moralis à prudentia. Nam virtus moralis non est cognititia, prudentia est cognititia. Præterea virtus moralis est in appetitu, prudentia in intellectu: quare non bene dicunt quod virtutes morales sunt prudentiæ, & errabant in hoc. In eo autem bene dicebant, quod virtutes morales non possunt esse sine prudentia, & nos idem asserimus: ex quo confirmat sententiam suam superius allatam. Notandum quod Plato in libris civilis scientiæ inducit Socratem differenter de rebus civilibus, & ibi dicit virtutes esse rationes, non quod omnino sint idem, sed quod à reclaratione proficiantur, & ea indigeant: quod etiam innuit philosophus cum bene sensisse Socratem inquit in eo, quia assererat virtutes non esse sine prudentia. Quod si sane intelligamus sententiam Socratis vt est intelligenda: videbimus illam conuenire cum sententiā philosophi. [HOC autem huius iudicium est.] Ad eandem sententiam probandam accommodat philosophus testimonium eorum philosophorum, qui æquales temporibus suis diffiniebant virtutes dicentes esse habitum circa actus vel affectus vt recta præscribit ratio, ex quo percipi potest quod prudentia est annexa cum virtutibus moralibus, Deinde emendat philosophus aliquantulum istam sententiam dicendo quod parumper digrediendum est ab istis. Nam ipsi videntur vaticinari quod virtutes indigent prudentiā & præcepto, & directione rectæ rationis, quod & si verum sit, tamē vltcrius est etiam addendum. Vbi enim dicunt quod virtus est habitus sese habens vt recta præscribit ratio: dicere etiam oportet quod est habitus simul cum recta ratione, quia non valet. hic habitus dirigatur à recta ratione, ergo est cum recta ratione. Nam serus vt habitum obediendi quem habet obedit domino suo prudenti, & recte facit quæ ille præcipit, non tamen est virtus in seruo licet sit habitus directus à recta ratione, quia talis recta ratio non est in seruo. Quare dicendum quod virtus est habitus electius in mediocritate consistens, nostra ex parte terminatus recta ratione, ita vt simul sit cum ea quia non videtur sequi, determinatur secundum rectam rationem, ergo est cum ea: sed bene e contra valet. His dictis addit vltcrius ad suum propositum philosophus quod Socrates putabat omnes virtutes esse rationes, quia dicebat, Omnis scientia est ratio, omnis virtus est scientia: ergo omnis virtus est ratio. Nam in tertio etiam dicit philosophus cum de fortitudine loquitur, quapropter inquit Socrates fortitudinem scientiam esse putauit. Videtur enim homo procedere per virtutes ad res agendas ordine quodam: & quantum non sit scientia proprie dicta, per similitudinem tamen dicitur virtus, ergo ratio recta erit vt ille ait, cū sit scientia quædam. Nos autem inquit philosophus non dicimus esse rationes, sed cum ratione recta esse censemus. Vltimo concludit quod virtus moralis non potest esse sine prudentia vt in hoc capitulo declarauit: & quod prudentia non potest esse sine morali virtute vt in præcedenti capitulo ostendit, ideo dicit quod fieri non potest vt sine prudentia sit vir bonus, & habeat virtutes morales, aut sit prudens sine virtutibus. s. moralibus. i. quin sit bonus vt antea dixit. [A Tenim & ea ratio, qua quispiam.] Hæc est secunda pars huius capitulo: in qua soluit argumentationem, & obiectionem nonnullorum: qui dicebant virtutes morum nō esse simul. & philosophus ait quod ex dictis nostris sequitur quod virtutes morum sint simul, sed ratio eorum qui contradicunt solui potest hoc modo. Afferamus primo rationem eorū quæ est talis, is qui habet aptitudines non æquas: nec pariter ad suscipiendos diuersos habitus: fit vt suscipiat vnum habitum sine reliquis, aut hunc vel illum, & non istum: sed homo est huiusmodi, quia non est æque omnis homo aptus ad easdem virtutes pariter, sed magis ad hanc quàm ad illam: & hic magis ad fortitudinē, ille magis ad temperantiā. & cum sint variz istæ perfectiones, & obiecta & operationes earum diuersæ, & insuper aptitudines naturales, videtur esse quoquo modo verisimile vt nō omnes virtutes sint simul. & hæc ratio videtur procedere contra sententiam philosophi: ideo dicit quod talis ratio soluetur isto modo quo diximus, quod virtutes morales non possunt esse sine prudentia & e contra. [HOC enim ipsum in naturalibus.] Soluit eorum rationem philosophus dicendo quod eorum ratio videtur valere quoquo modo in virtutibus naturalibus: quia fieri potest vt aliquis sit magis aptus ad vnā virtutem quàm ad aliam, sed in virtutibus proprie dictis, quæ acquiruntur opera nostra hoc fieri nō potest: quin vbi est vna virtus ibi sint reliquæ: & hæc sententiā probat hoc pacto. vbiunque est prudentia ibi sunt omnes virtutes: sed vbiunque est vna virtus ibi est prudentia, ergo vbiunque est vna virtus ibi sunt omnes virtutes. Maior probatur quia vbiunque est

prudentia vere ibi est appetitus semper paratus obedire rationi, & ex consequenti ibi est omnis probitas, & omnis virtus. Minor est clara, quod ubi est una virtus ibi est prudentia, cum nulla virtus moralis possit esse sine recta ratione, id est prudentia. Norandum quod virtutes dupliciter dicuntur. uno modo improprie & naturales, quae oriuntur ab ipsa natura per dispositiones quae sequuntur complexionem corporis humani, & instrumentorum eius. & cum vnum corpus plerumque non habeat aequae omnia instrumenta bene disposita, nisi sit temperatissimum in omnibus partibus: cum inquam ita sit plerumque fit ut vnus homo habeat aptitudinem ad vnam virtutem magis, quam ad aliam. Alio modo proprie dicuntur virtutes: secundum quas homo simpliciter, & absolute dicitur vir bonus: per primas enim non dicitur absolute vir bonus, sed secundum quid & aliqua ex parte, ut si dicatur bonus ad suscipiendas tales virtutes vel tales operationes exercendas. Hac distinctione percipitur quod euenire potest in naturalibus potentiis, & virtutibus improprie dictis, quod non pariter & aequae sint in vno aptitudines illae, sed magis vna quam alia: sed in virtutibus morum non potest fieri, cum nostris operationibus acquirantur. Verum cum adest ipsa domina prudentia, omnes aliae circumsistunt virtutes, & appetitus rectus, & paratus obtemperare recte rationi. Secus enim si esset, tunc prudentia deficeret ab aliqua operatione virtutis, & ab aliqua re agenda recte: ex quo sequeretur quod non esset vere prudentia nec habitus cum vera ratione actiuis, sed perfecte prudens, & simpliciter prudens est ille, qui simpliciter in omnibus, & circa singula recte se habet, & cum vera ratione. Concluditur ergo quod qui habet prudentiam habet omnes virtutes morales, & qui habet vnam, habet prudentiam: ergo omnes virtutes sunt simul cum prudentia, & simul inter se distinguuntur tamen ratione & distinctione: re autem simul sunt quali connexae nodo, & vinculo prudentiae. [CONSTAT autem opus esse prudentiae.] Hae est tertia pars huius ultimi capituli, in qua philosophus breuiter repetit solutiones illas duas factas in primo capitulo: & etiam assert tertiam solutionem, quam in hunc locum distulerat. Repetit igitur breuiter solutionem factam contra illos qui dicebant sapientiam & prudentiam non esse necessarias ad vitam, & felicitatem humanam: & hoc magis repetit de prudentia, quia multa dixit de ea cum ostenderet simul esse cum virtute morali, quasi dicat. Quod si prudentia non esset principium agendi vt est & homo, concederetur vobis tamen esset expetenda de se in vita humana cum sit perfectiua intellectus actiui ut antea diximus. Talis enim potentia intellectiua non debet esse frustra in nobis. & idem etiam de speculatiua dici potest, quia etiam tantum conferunt ad felicitatem humanam ut utraque operatio secundum istas sit felicitas, scilicet alia actiua alia speculatiua, ut apparebit in x. huius libri ethicorum. Deinde repetit secundam solutionem dicendo quod ex dictis patet quantum prudentia faciat ad felicitatem consequendam, duo n. sunt quae requiruntur ad actionem finis, & ea quae ducunt ad finem. Finem proponit virtus moralis, prudentia vero media inuenit bona quae ducunt ad talem finem, & diiudicat omnia recte, & praecipit ea quae sunt agenda, & statuit medio critate actuum, & affectuum, & ipsarum virtutum, adeo vt quasi earum fortuna esse videatur. Quod si vnaquaeque virtus operatur in nobis, ista tamen magis quam aliae, quia ostendit obiectum bonum, & percipit illud, & prosequitur inueniendum media bona, & iubet vt easiant quibus consequi possimus bonum finem, & ideo philosophus ostendit nobilitatem huius virtutis contra oppositionem illorum declarando quod illud est perfectius quod etiam de se sine vlla utilitate, & commodo est expetendum. Alio modo, illud est expetendum maxime à quo profluit aliquod praclarum bonum: prudentia est huiusmodi cum sit quasi quaedam forma virtutum moralium, & cum sit causa vt vbiusque sit illa sint etiam omnes virtutes. quod cum antea ostensum sit, congruum fuit repetere solutiones praedictas vt renouaret nobilitatem huius virtutis, & ostenderet quantum sit necessaria ad vitam humanam. Incidit etiam in hanc breuem replicationem philosophus vt inde commode accederet ad soluendam dubitationem motam in superiori capitulo de nobilitate sapientiae atque prudentiae, quam nunc soluere intendit. [AT vero neque sapientia praest.] Soluit philosophus obiectionem dictam. Dubitatur enim superius, quia videbatur quod prudentia esset nobilior sapientia, cum prudentia obtineret locum architecturae, & iuberet de aliis facultatibus, quas vellet esse in ciuitate, & quousque & cetera. Ostendit igitur philosophus quod talis ratio non valet, & quod sapientia est nobilior, quam prudentia cum sit in nobiliore potentia animae, & habeat nobiliorem finem ad quem videtur ordinari prudentia, ille habitus qui est perfectio, & virtus nobilioris partis animae est nobilior quam alter qui est virtus ignobilioris. At sapientia est huiusmodi respectu prudentiae. ergo sapientia est nobilior quam prudentia. Patet ratio, quia sapientia est perfectio intellectus speculatiui, prudentia actiui: & manifestum est quod intellectus speculatiuis excedit actiui nobilitate. Sed ad solutionem eius quod obicitur, quod prudentia iubet, animaduertendum est, quod aliud est iubere huic, aliud iubere de illo: non ergo sequitur, quodcumque iubet simpliciter praestantius est: & affert duo exempla. Nam medicina iubet, non tamen sanitati, quia esset nobilior sanitas, & tamen non est nobilior vt ordinatur ad illam, sed bene iubet gratia sanitatis. Nam ad hoc vt aliquis sit nobilior altero ob iubendi imperium, oportet vt iubeat illi sicut architectus artificibus manufacturiis, sed prudentia est architectura respectu aliarum facultatum actiarum: & si iubet de sapientia vel gratia illius, tamen non iubet illi. Deinde assert aliud exemplum quod

sumitur à facultate ciuili dicendo, quòd si hoc esset vt ob hunc suum iubendi modum esset nobilior, sequeretur quod esset nobilior deo vel rebus diuinis, quod esset absurdum. Quia iubet gratia illius de religione & cultu diuino. Disponit facultas ciuilis de omnibus quæ sunt in ciuitate, & eorum curam habet, inter quæ sunt templa, & sacra & omnino cultus diuinus. Quare patet q̃, & si prudentia iubeat de sapientia, & gratia illius, non tamen est nobilior ea: cum non iubeat ei. Notandum quòd prudentia est præclarus habitus ob multas rationes quas vidimus, tamen si conferatur cum habitibus speculatiuis videtur esse inferior. Primo intellectus, & scientia sunt de necessariis & perpetuis, prudentia de iis quæ sunt à nobis, & possunt aliter se habere. Præterea illi habitus sunt virtutes nobiliores potentia animæ, scilicet intellectus speculatiuis: prudentia vero actiuis, quare si scientia & intellectus sunt nobiliores ipsa prudentia, multo nobilior erit sapientia, quàm illa. Vtrum si discurremus per singulas condiciones, reperiemus sapientiam mirum in modum excedere ipsam prudentiam in nobilitate. Primo quia est in nobiliore potentia animæ vt dicit philosophus: deinde versatur circa nobiliora obiecta, id est circa perpetua & necessaria, & præcipue, quia versatur circa substantias separatas. Habet etiam nobiliorem finem cū speculatio anteponatur actioni. Non enim videtur quiescere homo in actiua felicitate, sed videtur velle vterius progredi quoad fieri potest. Præterea si prudentia ita se habet ad sapientiam vt medicina ad sanitatem: & medicina videatur iubere gratia sanitatis, & ob eam operari: sic prudentia videbitur ad sapientiam ordinari: & finis forsitan illius ad finem illum præstabiliissimum omnium humanorum dirigi & ordinari, sed hæc in decimum librum differantur. Hic tantum intelligatur quòd sapientia est nobilior prudentia vt dicit philosophus. Verum cum dictum sit, & in præcedenti capitulo, & etiam in isto quod prudentia non potest esse sine virtutibus moralibus, deinde q̃ virtutes morales non possunt esse sine prudentia. Demum quòd virtutes mori omnes sunt simul circa hæc, & ob hæc. Dubitatur vtrum sit verum id quod dicitur à philosopho. Quòd data vna virtute ibi etiam sint reliquæ omnes, & sunt simul, hoc non videtur verum, & probatur his rationibus. Quicumque est magis dispositus ad vnam rem suscipiendā quàm aliam, & non æque ad omnes, videtur nunc vnam nunc aliam, & omnes pariter suscipere, sed quilibet ferme homo videtur respectu virtutum suscipiendarum magis dispositus, & aptus ad vnam suscipiendā quàm ad aliam: ergo videtur nunc vnam nunc aliam suscipere, & non pariter omnes. Item nullius virtutis operationibus acquiritur alia virtus præter eam quæ est propria operationis illius: ergo operationibus virtutis vna tantum acquiritur virtus, & non omnes vteratim sequatur, quòd vbi sit vna, sint reliquæ. Patet ratio ista: quia ex similibus operationibus similes generantur habitus, vt inquit philosophus, & virtutes sunt distinctæ secundum potentias, operationes, & obiecta vt vidimus: non ergo ex quauis operatione quauis virtus, sed determinata acquiritur. Item fieri non potest vt omnes operationes virtutum, & studiosas producamus, ergo fieri non potest vt omnes simul acquirantur. quare non erunt simul omnes, ita vt vna data reliquæ etiam intelligatur adesse: oppositum tamen videtur sentire philosophus cum dicat & probet: quòd vbicumque est ipsa virtus prudentia ibi sint omnes virtutes. Pro solutione eorum quæ dicta sunt ponitur primo duæ opiniones: quarum prima est, quod virtutes bene iam dicitur, quædam necessariae vt per illas homo euadat bonus: quædam non sunt necessariae quanuis per eas euadat homo bonus. Necessariae sunt illæ quatuor, quas isti appellant cardinales, scilicet prudentia, iustitia, fortitudo, temperantia, & sine istis dicunt fieri non posse virum bonum. Præter has sunt liberalitas, mansuetudo, & alia morales, quas dicunt esse viles, non tamen necessariae ad hoc vt quis bonus euadat. Dicunt præterea quod bonus tripliciter dicitur, primo modo improprie ob aptitudines naturales. Secundo modo secundum quid: vt bonus citharedus. Tercio modo vir bonus simpliciter qui illas quatuor habet virtutes. Dicunt post hæc quòd philosophus quando loquitur de coniunctione virtutum, intelligit de illis quatuor principalibus ita vt illæ sint quæ necessario requirantur ad constituendum virum simpliciter bonum, & illæ alia non sunt necessariae quanuis conferat, & dicunt quòd data vna virtute de illis quatuor alia sequuntur: & omnes alia, scilicet tres sunt cum prudentia, & quod hoc intelligit philosophus cum dicit quòd vbi prudentia est ibi sunt omnes virtutes, id est illæ tres. Hæc sententia iudicio meo non videtur vera: quia philosophus vult ostendere virum simpliciter bonum, qui habet omnes virtutes simpliciter non excipiendo has vel illas, & distinguendo vt faciunt. Secunda opinio est quæ videtur verisimilior quòd virtus dicitur perfecta duobus modis. Vno modo perfectione sua interna, & propria vt temperantia dicitur perfecta, quia homo potest omnes operationes temperatas producere. Secunda perfectio virtutis est externa, quam vnaquæque virtus ab alia accipit. Vt magnanimitas accipit ab aliis virtutibus omnibus: huiusmodi enim perfectionem accipit vnaquæque virtus ab aliis vicissim, quæ est adiumentum ad operandum. Nam tunc dicitur virtus perfecta quando non impediuntur operationes secundum illam virtutem: & hoc fit quando quis præter illam habet alias virtutes: ergo ad hoc vt virtus dicatur hoc modo requiritur vt ad perfectionem suam propriam accedat alia perfectio proueniens ex vnaquæque virtute, ita vt vna sit quasi adiutrix, & perfectrix alterius, ne operatio impediatur: & ad hoc declarandum tale adducatur exemplum. Ponatur

## ETHICORVM

quòd aliquis sit temperatus in summo gradu, & habeat temperantiam perfectam secundum perfectionem propriam, & non adiuetur à perfectione externa, id est ab aliis virtutibus. Sit ex altera parte talis auarus. Tunc proponatur sibi adulterium committendum magna vi pecuniæ oblata. Ille aut recusat aut non. Si non recusat adulterium, non erit temperans: si recusat, tunc quia est auarus cum difficultate abstinere, & producit operationem temperatam cum difficultate, ergo non erit perfecte temperans, quia signum habituum est facilitas, id est cum operatio producat cum voluptate & facilitate: tunc indicatur quòd habitus inest, ut dicit philosophus in secundo: cum vero producat cum dolore, & difficultate tunc est indicium nondum ibi adesse habitum vere, sed dispositionem quandam. Eodem pacto si ponatur aliquis esse intemperans, & quòd ex altera parte sit iustus, & in re iudicanda offeratur sibi aliqua voluptas, aut accipiet: & ea de causa iniuriam afferet alteri, & non erit iustus, aut si non accipiet, & non inferat iniuriam, cum difficultate abstinere, & cum difficultate faciet iustitiam: at vere iustus non debet cum difficultate, & dolore operari iusta, sed cum facilitate & voluptate. Quare ad hoc ut perfecta dicatur virtus oportet vt non impediatur operatio propria, & ad hoc concurrat adiumentum aliarum virtutum vt vna iunetur ab altera: ne si sola sit vna impediatur à vicio alio vt exemplis ostendimus. Hac distinctione allata afferunt illi postea duas conclusiones ad suum propositum confirmandum. Prima est quòd si in aliquo sit virtus perfecta vtraque perfectione, interna scilicet & externa, & propria & aliena: tunc necesse est vt sint in eo omnes virtutes & sint simul: secunda est qd si sit vna virtus perfecta tantum vna perfectione, id est sua interna & propria, non est necesse vt ibi sint reliquæ omnes. Hæc opinio est probabilior quam prima, tamen & ista non est admodum tuta, quia philosophus dicit quòd cum vna virtute, scilicet prudentia, erunt omnes virtutes simul. Ponit enim vnam virtutem perfectam de se, & cum prudentia addit ibi, & reliquæ simul omnes virtutes aderunt. His ergo posthabitis dicendum est secundum mentem philosophi quòd data vna virtute vt virtus est, & vt consistit in indiuisibili (quia vniuersiusque rei summum querendum est) omnes virtutes dari necesse est. Loquitur enim philosophus exactissime de virtute. Quicquid est autem de quo ordine, & via disputatur, id est vt ille inquit ad vltimam sui generis formam speciemque redigendum. Ostendit enim philosophus quòd cum prudentia est, omnes virtutes sunt: at cum vna est virtus, & vere virtus, prudentia est, ergo cum vna est virtus omnes virtutes sunt: & talis videtur esse sententia ratioque philosophi. Verum pro maiore declaratione est notandum, quòd duæ sunt potentie in quibus suscipiuntur virtutes, scilicet intellectus, & appetitus: sed loquamur de intellectu actiuo, in quo suscipitur prudentia, & de appetitu in quo suscipiuntur virtutes morales. Istæ vires de se sunt nudæ, & non habent ullam perfectionem nisi naturalem, id est aptitudinem suscipiendi virtutes, quæ sunt habitus. Ideo philosophus habilitatem posuit perspicendi in mente actiua, quæ suscipere prudentiam potest, alia posuit aptitudinem naturalem in appetitu quæ suscipere virtutem moralem potest vt supra vidimus. Verum & si plerunque reperitur vt vnus homo habeat maiorem aptitudinem ad vnam virtutem suscipiendam quàm ad aliam: tamen sicut dari potest corpus sanissimum: sic dari potest videtur appetitus habens æque aptitudines naturales ad omnes virtutes suscipiendas. & quauis philosophus dicat hoc non fieri in virtutibus naturalibus, videtur hoc dicere, quia rarissime fit, & sumit id quod vt plurimum fit, sed tamen quia dari potest concedatur quòd talis erit æque aptus ad omnes virtutes, verum quicquid sit necessario requiruntur istæ aptitudines in vtraque parte, & potentia animæ ad hoc, vt anima suscipiat virtutes, nam sicut materia nisi esset disposita primo, nullam susciperet formam, cum ipsa sit indifferens ad omnes formas elementorum suscipiendas, ita & illa. Disponitur ergo primo aliquo modo vt suscipiat hanc potius quàm illam formam. Eodem vel simili modo aptitudines naturales videntur disponere appetitum ad virtutem acquirendam, & habilitas illa perspicendi intellectum actiuum ad suscipiendam prudentiam, quæ acquiritur per talem habilitatem vt etiam acquiruntur virtutes morales per aptitudines naturales ipsius appetitus: dicendum est igitur quòd non potest dari perfecta prudentia quin insint omnes virtutes: & æque quia non prius videtur oriri prudentia quàm morales virtutes: nec prius morales virtutes quàm ista: sed ambo pariter, & æque, ex quo sequitur quod vna data reliquæ ibi sint oportet. Sed oritur difficultas, quia distinguitur virtutes non ratione solum, sed etiam obiectis, & operationibus genere diuersis, & ostendit quod non ex quibusuis operationibus quauis oritur, sed ex determinatis determinata. Dicendum quòd licet virtutes morum sint diuersæ, tamen habent duplex vinculum. Primum quia omnes virtutes sunt mediocritates, aut affectuum, aut actuum quæ oriuntur à vi perspicendi vel ipsa prudentia, similiter operationes ipsarum virtutum habent conjunctionem talem ut simul oriuntur ob nodum ipsius prudentiæ vel potentie perspicendi quo simul coniungantur. Aliud vinculum est conditio prudentiæ quæ videtur dare esse virtutibus, & ideo cadit in definitionem virtutis ipsa prudentia cum dicitur quòd est habitus electiuus in mediocritate consistens respectu nostri determinata ratione, id est à prudentia. quare cum habeant hoc commune vinculum tam ex parte prudentiæ quàm ex parte virtutum, quia tali modo colligantur: merito dicitur quòd vbi prudentia est ibi reliquæ erunt virtutes. Verum tota vis consistere videtur in eo vt appetitus redigatur ad

mediocritatem, & efficiatur obediens rationi, quòd si uerè, & perfectè redigetur ad hanc mediocritatem, erit etiam paratus ad aliam, licet non exerceantur operationes. Vnde si prudentia redigit appetitum ad moderationem iræ, rediget etiam ad moderationem cupiditatis, quia prudentia est latissima. Nam in paupere potest esse liberalitas licet non habeat facultates saltem ex parte prudentiæ, quæ habet appetitum redactum, & paratum ad tales operationes exercendas. Quòd si facultas datur, operabitur si vere sit prudens. Præterea totum officium virtutis videtur consistere in electione bona. Quòd si desint facultates, tamen poterit adesse perfectio interna, & appetitus paratus obedire rationi quandocunque occasio tulerit. Quare ubi est electio bona, ibi & ratio vera, & appetitus est rectus. Nam cum moris quidem virtus, ut ante dixit philosophus, habitus sit electiuus, electio vero appetitus sequens deliberationem, propterea, & rationem veram, & appetitum rectum esse oportet si electio sit studiosa. Itaque dicere possumus quod cum ex propriis operationibus acquiritur aliqua virtus, ubi primum prudentia adest, acquiruntur etiam aliarum virtutes, id est quædam firma dispositio ad exercendas omnes operationes secundum quamlibet virtutem cum facultas & occasio tulerit: est enim prudentia communis mensura omnium mediocritatum, aliter prudens non esset perfectè prudens quod est absurdum. His dictis atque præmissis respondere possumus rationibus quas supra posuimus contra hanc sententiam. Ad primam cum dicebatur quòd homo non potest suscipere æque virtutes omnes cum habeat aptitudinem naturalem magis ad unam quam ad aliam, & non pariter, & æque ad omnes. Dicendum quòd dari potest talis homo æque dispositus, vel si hoc non sit, quia rarissime fit in naturalibus aptitudinibus, tamen ut dicit philosophus, non sequitur quia virtutes proprie dictæ quibus absolute dicitur homo bonus non possint esse simul, immo necessario sunt ob ipsam prudentiam. Nam si concederetur id, quod ut plurimum fit, ut homo sit naturaliter magis aptus ad unam virtutem quam ad aliam acquirendam: tamen non sequitur, quia habeat potentias secundum quas potest suscipere omnes, licet cum maiore difficultate unam quam aliam. Verum cum aliquam ex suis propriis operationibus acquirit, disponitur appetitus quodammodo etiam ad alias, ita ut cum prudentia adest, sint reliquæ virtutes omnes acquisitæ ut diximus. Ad secundam cum dicitur quòd ex operationibus vnus, una oritur virtus, illud conceditur in principio cum oritur habitus, tamen una cum prudentia omnes aliarum oriuntur virtutes ita ut simul sint. Ad tertiam rationem cum dicebatur quòd homo non potest simul omnes operationes producere: dicendum quòd respectu affinitatis quam habent virtutes inter se, & cum ipsa prudentia si acquirit habitum perfectè vnus virtutis, ibi immediate aderunt reliquæ. Quòd si non acquireret omnes per operationes: acquireret tamen per electionem quæ est actus quidam internus, quare pauper poterit esse hoc pacto liberalis, quanuis non habeat facultates, scilicet per electionem. Tenendum est igitur secundum sententiam philosophi quòd ubicunque est una virtus, ibi sunt reliquæ, per hoc quòd ubicunque est prudentia, ibi sunt omnes virtutes morales. Et ubicunque est una uirtus ibi est prudentia: ergo ubicunque est una uirtus ibi sunt omnes. Nam nisi sint simul uideretur quoquo modo talis operari cum difficultate, & tunc non esset virtus proprie in eo, sed potius dispositio quædam nondum perfectæ: philosophus autem non videtur loqui hic de virtute quæ est in via generationis: cum dicit, una data omnes sunt simul, sed de virtute exactissima & perfectæ, quæ cum iungitur prudentiæ fit quidam nodus virtutum, & aggregatum quoddam, & appetitus ut sapius diximus promptus est, & paratus in quacunque operatione studiosa rationem sequi. Cõcluditur ergo quòd omnes virtutes morales sunt simul connexæ inter se, & etiam cum prudentia, ita ut non separentur nisi ratione sua formali, & definitione. Sunt enim hoc pacto distinctæ, quia habent diuersa obiecta circa quæ versantur, diuersas etiam potentias quas perficiunt, & diuersas rationes formales, & tamen in eo in quo una perfectæ est, sunt etiam reliquæ simul una cum prudentia secundum ea, quæ ex dictis philosophi colliguntur. Hanc sententiam sequutus est Cicero cum inquit, sed ne quis sit admiratus cum inter ipsos philosophos constet, à meque ipso sæpe disputatum sit, qui vnus haberet omnes habere virtutes: nunc itaque sciungam: quasi possit quisquam qui non idem prudens sit iustus esse. alia est illa cum veritas ipsa limitatur, & in disputatione subtilitas, alia cum ad opinionem communem omnis accommodatur ratio, quamobrem ut vulgus ita nos hoc loco loquimur ut alios fortes alios viros bonos, alios prudentes esse dicamus, &c. Sic ergo habemus egregiam doctrinam virtutum summo ordine à philosopho traditam, quarum aliarum virtutes morales, quæ collocantur in appetitu, aliarum intellectiuarum, quæ collocantur in intellectu secundum diuisionem quam in fine primi ethicorum philosophus posuit.

ARISTOTELIS STAGIRITÆ ETHI-  
CORVM AD NICOMACHVM,  
Liber Septimus.

*De heroica virtute, continentia, & earum oppositis. Cap. I.*

**P**ost hæc dicendum est alio sumpto principio, tres esse species eorum quæ circa mores sunt fugienda, vitium, incontinentiam, feritatem. Atque contraria quidem duobus manifesta sunt. Aliud enim virtutem, aliud incontinentiam appellamus. Ad feritatem autem & immanitatem: maxime virtutem eam conuenit dicere, quæ est supra nos: heroicam inquam quandam atque diuinam. vt Homerus de Hectore, propterea quod eximiabonitate præstabat, dicentem Priamum introduxit. Nec iam hominis sane mortalis filius ille. Esse videbatur: sed diuo femine natus. Quare si ex hominibus ob virtutis exuperationem dii fiunt (vt aiunt) talis quidem is habitus fuerit, qui feritati opponitur. Etenim vt feræ, neque vitium est neque virtus: sic neque dei. sed hoc quidem præstabilius est virtute: illud autem diuersum quid est, à vitio genus. Atque vt raro fit virum esse diuum: vt appellare Lacones consueuere cum valde aliquem admirantur (dicunt enim, vir diuus hic est) sic & ferus, atque immanis est inter homines raro. Maxime vero inter nationes barbaras est. Fiunt autem quidem tales & ob morbos. læsionesque principii. Et eos etiam homines qui in vitiis exuperant: hæc infami cōsueuimus appellatione notare. Sed de tali quidem dispositione mentio aliqua posterius fiet. De vitio vero prius est dictum: nunc de incontinentia, mollitudine, luxurie: & de continentia, atque constantia est dicendum. Neque enim vt idem quod virtus & vitium, neque vt diuersum genus hæc sunt putanda. Atque vt in cæteris egimus: afferre ea quæ videtur oportet, & dubitare primum. Deinde omnia quæ probabilia sunt aut saltem plurima, maximeque præcipua circa hos effectus ostendere. Nam si soluantur quidem ea quæ difficultatem afferunt, relinquantur autem ea quæ probabilia sunt, satis sane fuerit demonstratum. Videtur itaque continentia quidem, constantiaque, studiosa esse ac laudabilis. Incontinentia vero & mollitudo, praua, atque vituperabilis. Et idem esse continens, & persistens in ratione: & idem etiam incontinens, & rationem egrediens. Et incontinens quidem, improba sciens improba esse, agit ob perturbationem: continens autem cupiditates sciens prauas esse non sequitur ob rationem. Et temperantem quidem continentem esse aiunt atque constantem. Talem autem alii temperatam esse omnem: alii nullum dicunt. Et item intemperantem incontinentem esse, & in-

*incontinentes.*



continentem intemperantem: confuse nonnunquam diuerfos inquit esse. Interdum etiam ipsum prudentem incontinentem esse non posse, interdum nonnullos homines qui prudentes, ac habiles sunt: incontinentes esse dicunt. Præterea incontinentes & iræ, & honoris, & lucri dicuntur. Ea igitur quæ dicuntur, hæc sunt.

## Commen.

**P**OST hæc dicendum est alio sumpto principio.] Cum in superioribus libris philosophus tradidisset doctrinam de omnibus virtutibus tam morum quam rationis: quarum virtutū ipsæ morales perficiunt appetitum, intellectuæ vero ipsum intellectum tam actiui quam speculatiui, vt distincte vidimus: nunc consentaneum forsitan videbatur vt iam de felicitate tam actiua quam speculatiua concluderet: nisi aliqua prius intercederet cognitio necessaria. Sunt. n. nonnulli affectus vel dispositiones circa mores, quæ non sunt proprie virtutes vel vitia, sed habent similitudinem cum illis, & sunt vel fugienda vel prosequenda vt vitia, & virtutes: quare cum circa mores sint ad eundem pertinere videbatur considerare de his, ad quem pertinebat de vitiis, & virtutibus. Merito igitur post doctrinam virtutum hanc philosophus aggreditur in hoc septimo libro docendo de heroica virtute, & immanitate, & de continentia, & incontinentia, constantia & mollicitie: post hæc de voluptate, & dolore multa declarat cognitu necessaria vt patebit. Diuiditur autem hic liber in duos tractatus. In primo affert hos habitus siue dispositiones quas diximus, & eas declarat. In secundo docet de voluptate & dolore. Primus tractatus diuiditur in decem capitula. In primo affert tres species eorum, quæ circa mores hominum sunt fugienda, atque eorū contraria, & transit ad ea declaranda: in reliquis vero capitulis quid agat, & quomodo procedat philosophus, suis locis videbimus. Primum capitulum diuiditur in duas partes quæ patebunt. In primis igitur dicit philosophus proponendo intentionem suam, quod dicendum est alio sumpto initio, & altius repetito, quia huiusmodi habitus vel dispositiones nō sunt proprie virtutes vel vitia, & ideo non possumus sequi ordinem, quem seruauimus in doctrina virtutū & vitiiorum, sed alio sumpto initio dicendum est inquam tres esse species fugiendorū circa mores. s. vitium, incōtinentia atque immanitas siue feritas. Cōtraria vero quæ sunt prosequenda circa mores tria sunt: quorū duo sunt manifesta. s. virtus & continentia: tertium appellat virtutem heroicā quæ videtur quoquo modo superare conditionē humanā, & affert ad hoc suum propositum testimoniū Homeri. Itaque hæc virtus heroica diuina dicitur: non quia dei sit, cum ille habeat in se omne perfectionē supereminenti modo: sed quia facit homines similes quoquo modo deo, sicut feritas dicitur, non quia sit ferarū, quia beluæ non habent neq; vitia neq; virtutes: sed quia facit quoquo modo homines magis similes feris quàm alia vitia vel fugienda. Virtus igitur heroica immanitati siue feritati opponitur, & probari potest hac ratione quam inquit philosophus, summo vitio opponitur summa virtus, & excellentissima: sed immanitas siue feritas est summū, & plus quàm vitium. Heroica autē virtus est optima, & plus quàm virtus: ergo heroica virtus immanitati siue feritati opponitur. Itē rarissimo vitio opponitur rarissima virtus: at feritas est vitium rarissimum: heroica quoq; est virtus rarissima: ergo feritati opponetur heroica virtus. & ad hanc sententiā affert testes Lacones, qui virū aliquē vehementer excellentē solent appellare tali nomine vt patet in textu. Notandū q̃ homo collocari solet inter essentias separatas & belluas. Nā per intellectū videtur habere similitudinē cū illis separatis: per appetitū sensitiuū cū belluis. Cū igitur viuūt ea vitia quæ humana dicitur, aut per vitia aut virtutes nō videtur assimilari pprie, aut illis substantiis separatis per virtutes: aut accedere ad belluas per vitia: ita quod merito dici possit brutum animal. Nam belluæ non est virtus nec vitium cum non habeat rationem neque electionem: & non est etiā substantiarum separatarū cum omnino careant affectibus. Virtutes vero sunt circa affectus: virtutes inquam morales. Illæ autem substantiæ separatæ videntur viuere mente vt in decimo ostendit philosophus: cum igitur appetitus hominis obtemperat rationi, tunc homo viuūt per virtutes morales vt studiosus, nō tamen vitia simili substantiæ separata: similiter cum appetitus dominatur rationi, tunc viuūt vt homo vitiosus, non tamen adhuc vt fera. Verum cum homo ita virtute excellat: & summum attingat in vnaquaque virtute, ita vt appetitus summissus rationi pene extinguatur, tunc videtur assimilari substantiis separatis, & viuere vitia quadam excedente conditionem humanam: cum vero appetitus ita obruit rationem, vt pene extincta videatur, tunc videtur homo excedere improbitate, & assimilari belluis, & descēdere ad vitam quasi inferiorem humana vitia, & similem vitæ ferarum, & sic fit immanis quidam: hanc vitam immanem dicit præcipue reperiri apud Barbaros, quia vt videtur ratione: sed vitium immanitatis quod dicitur plusquàm vitium: non modo ex habitu & consuetudine fieri videtur, sed etiam ex moribus & lesionibus membrorum. Verum hæc quæ ex morbis est, non erit vitium & immanitas simpliciter: & proprie vt patebit infra, Verū cū de immanitate dicēdum

fit postea: de vitio & virtute dictum sit prius. Nunc sequitur ostendere hos affectus, scilicet continentiam & incontinentiam, constantiam, mollitudinem, quæ sunt dispositiones quædam propinquæ vitiis & virtutibus, & si non sint propriæ aut vitia, aut virtutes: sed in via ut perseverando in operationibus eadant postea talia. [NUNC de incontinentia.] Hæc est secunda pars huius capituli, in qua aggregitur declarationem harum dispositionum ut diximus, quæ nec virtus, aut vitium propriè sunt: quanvis non multum absint ab eis. Nam cum continentia, & constantia eiusmodi sint ut pugnent cum ratione, & non obtemperant ei, statim non sunt dicendæ virtutes. Cum vero tandem rationem sequantur, & si cum difficultate, tamen non sunt à virtute alienæ: de incontinentia quoque, & mollitie simili modo dicendum erit, quod non sunt vitia nec à vitiis aliena, ut infra latius apparebit. Nam in ipso incontinente fit pugna inter appetitum, & rationem, & appetitus superat. In ipso vero continente fit etiam pugna, & tamen ratio superat. at in vitioso sine ulla pugna statim appetitus dominatur. In studioso vero statim ratio vincit sine difficultate. Ex quibus patet quod continens non est propriè studiosus: & incontinens vitiosus, & continentia est virtus propriè, nec incontinentia vitium, licet non multum absit à vitio vel virtute. Ostendit autem post hæc philosophus modum procedendi, dicendo quod faciemus in iis sicut in aliis cōsuevimus locis. Afferemus primo opiniones antiquorum de his: postea soluemus aliqua necessaria circa istos habitus vel dispositiones. [VIDE TUR itaque continentia quædam.] Hæc in parte philosophus incipit afferre opiniones priscorum de his dispositionibus, & primo quod continentia, & constantia videntur esse laudabilia, & studiosa cum sequantur rationem: incontinentia e contra, & mollitudo esse improba quædam & vituperanda. (ET incontinens.) Secunda fuit opinio eorum qui putant quod idem est continens, & constans, & persistens in ratione, & incontinens, & rationem egrediens, & hæc opinio non videtur vera ut apparebit, & incontinens quidem. Tertia fuit opinio eorum qui dicebant quod incontinens est is qui sciens improba agit ob cupiditatem, continens vero contrario modo, ut patet. Censent præterea. Quarta fuit opinio quæ continentiam constantiam & temperantiam essent idem, quamquam eorum nonnulli dicerent hæc non esse omnino idem, quidam vero penitus idem. Interdum etiam asserunt. Quinta fuit opinio de prudentia, & incontinentia, quia aliqui putabant prudentem non posse incontinentem esse, quidam vero e contra, fieri posse censebat ut prudentes, & habiles incontinentes essent. (PRÆTEREA incontinentes.) Sexta fuit opinio quod continentia non solum sit circa voluptates, sed etiam circa iram, honorem, & lucrum, & hæc sunt inquit opiniones quæ habentur de iis.

*De continente, & incontinente, Cap. II.*



Vbitauerit autem quispiam, qui sit, ut recte quispiam existimans agat incontinententer? Sciētem igitur inquirunt quidam impossibile esse. Nam absurdum est (ut arbitrabatur Socrates) si scientia insit: aliud quippiam vincere, & ipsum perinde atque mancipium trahere. Socrates enim omnino contra rationem ipsam pugnabat, incontinentiamque exterminabat. Neminem enim existimantem, præter id quod est optimum agere: sed ob ignorantiam dicebat. Hæc igitur sententia iis aduersatur, quæ manifeste apparent. Atque querere oportet quisnam in ipsa perturbatione si ob ignorantiam agit: ignorantia sit modus: constat enim incontinentem non putare illud esse bonum, antequam in perturbatione sit constitutus. Sūt autem qui hæc partim concedunt, partim non concedunt. Etenim scientia quidem nihil esse validius consentitur. at huic non assentiuntur neminem agere præter id quod visum est melius. Quapropter inquirunt, incontinentem à voluptatibus superari: non scientiam quidem sed opinionem habentem. at vero si sit opinio, non scientia, neque vehemens existimatio quæ resistit, sed remissa (sicut in ambigentibus) venia danda est, si non in his persistit aduersus vehementes cupiditates. at prauitati non est venia danda: nec aliorum cuiquam quæ vituperabilia sunt. Est ne igitur id quod resistit prudentia: Hæc enim est validissima. At est absurdum.

erit enim idem prudens atque incontinens simul. Nemo autem dixerit prudentis esse ea sponte agere: quæ prauissima sunt. Et insuper demonstratum est antea prudentem aptum ad agendum esse (est. n. quidē extremorum) & cæteras virtutes habere. Præterea si continens est ex eo quia vehementes ac prauas habet cupiditates: neque temperatus continens erit, neque continens temperatus, etenim neque vehementes habere cupiditates neque prauas, est temperati. At oportet. Nam si cupiditates sint bonæ, prauus est habitus ille, qui prohibet non sequi. Quare non omnis continentia est studiosa: Sin imbecilles, & non est quid egregium, nec etiā magnū si sint prauæ ac imbecilles. Præterea si cōtinētia in quauis opinione facit persistere, & praua est: vt si & in falsa. Et si incōtinētia à quauis opinione dimouet, erit aliqua incōtinētia studiosa, quale fecit Neoptolemus apud Sophocle in Philoctete. est enim laudabile: quia nō perstitit in iis quæ suaserat Vlysses ob mentendi dolorem, præterea\* captio mentiens, dubitatio est. Quia nanque admirabilia præterque opinionem sophistæ inferre volunt redarguendo, vt cum attigerint videantur acuti: ratiocinatio facta dubitatio fit. Ligatur enim mēs cū manere quidem non vult, quia conclusio non placet: procedere autem non potest, quia rationem soluere nequit. Fit autem aliqua ratione vt imprudentia cum incontinentia sit virtus. Qui nanque habet vtrunque: contraria iis quæ existimat ob incōtinētiā agat: existimat autem bona esse mala, & agere non oportere: quare bona agat, & non mala. Præterea qui persuasus agit, voluptatesque sequitur atque eligit: melior eo videbitur esse, qui non ob rationem sed ob incontinentiam agit. Nam facilius curari potest: quippe cum possit illi dissuaderi. At incontinens obnoxius est ei prouerbio quo dicimus: quid insuper bibere opus est, cum strangulat aqua? Etenim si non persuasum esset ipsi ea non agenda esse quæ agit: dissuasus tandē cessasset. Nunc vero persuasum est ei, & nihilominus talia agit. Insuper si circa vniuersa continentia sit, atque incontinentia: quidnam sit ille qui est incontinens absolute? Nemo enim habet incōtinētiās omnes. Dicimus autem quosdam simpliciter incontinentes esse. Tales igitur quædam hac in materia dubitationes emergunt. Horum autem alia tollere, alia relinquere oportet. Dubitationis enim solutio inuentio est.

## Commen.

**D**UBITABIT autem quispiam, qui sit. Hoc est secundum capitulum huius primi tractatus, in quo philosophus refert opiniones allatas de cōtinētia, & incōtinētia. Et affert dubitationes, & quæstiones circa ipsas declarando, & cōfutando ea quæ sibi vidētur necessaria, non eodē ordine eas resumens, quo supra posuit, sed aliā prius aliā posterius, vt patebit in singulis. Diuiditur autē hoc capitulum in sex partes quæ suis locis declarabūtur. In prima incipit dubitatio quærere circa tertiā opinionē. Vtrū fieri possit vt aliquis recte existimās, agat incōtinenter: dicebat enim tertiā opinio q. incōtinentes scīs esse improba, agit ob cupiditatem, quæret igitur quis quomodo hoc fieri possit vt habeat rationē incorruptā, agat tamen cōtra rationē, & arguit primo pro hac parte, quasi hoc fieri nō possit, afferendo sententiam Socratis, qui dicebat quod cū scientia sit habitus validissimus: si ponatur esse in ipso incōtinentē nō vinceretur à cupiditate quæ est debiliior quā sciētia, quare fieri nō posse vt sciens. i. scientiā habēs agat

incontinenter, hæc sententia videtur excludere incontinentiam ex ratione morum. Dicebat enim q. qui scit non potest existimare rem quam scit aliter se habere. Nec vnquam aget contra id quod scit esse optimum, nec contra illud procederet nisi ignoracione. Vnufquisque enim videtur ferri ad bonum siue verum, siue deceptiuum. at sciens nō videtur circa id quod scit posse decipionem ergo si sit sciens superabitur scientia eius a cupiditate, quæ est debilior quam scientia, nec dimouebitur ab ea, & in contrarium trahetur, & ob hæc Socrates videbatur tollere omnino incontinentiam ex moribus hominum, vt ait philosophus in textu. [HÆC igitur sententia iis aduerfatur.] Allata opinione Socratis, arguit statim ad oppositam partem & contra hanc sententiam, ostendendo quod opinio illius refellitur sensu, & experientia, quia aduerfatur his quæ manifeste apparent. Nam videmus quod est aliquis habens rationem non corruptam, & percipientem ea quæ sunt turpia, tamen ea agentem propter cupiditatem: & talis non videtur esse nisi incontinens, ergo illa sententia non est acceptanda quæ dicit incontinentiam non esse circa mores hominum. Post hæc dicit philosophus hoc esse dignum consideratione, quomodo & per ignoracionem agat incontinens cum sit sciens, & quæ ignoratio sit ista & quando. Nam antequam sit in perturbatione est sciens, & postea quando est in perturbatione videtur quasi ignorans. nā tria sunt tempora consideranda: primo quando non est in perturbatione, & tunc est sciens: secundo quando est in perturbatione, & videtur quasi ignorans, & est similis ebrio qui habet scientiam, & non agit secundum illam scientiam, sed agit quasi sint pueri, qui dicunt carmina quæ non intelligunt: & sic illi proferunt labiis esse turpe quod tunc vix mente cognoscūt. Tertium tempus est quando perfecta res turpi rursus redit ad scientiam & cognoscit. Et inferius acceptabit philosophus aliqua ex parte sententiam Socratis, quam supra vilis est refellere omnino. [S V N T autem quibus.] Hac in parte philosophus affert solutionem quorundam circa hanc sententiam Socratis: deinde solutionem eam refellit. illi enim in hoc assentiebantur Socrati, quod sciētia esset habitus validissimus: ita vt a cupiditate superari non posset. Verum ex altera parte dissentiebāt in eo quod volebant incontinentiam esse in moribus hominum, sed incontinentem non habere scientiam, sed opinionem: quæ cum sit imbecillior scientia, superari poterat a cupiditate, & voluptate, & ita esset incontinens non habens scientiam. Nemo enim ageret præter id quod scit vitium est melius, sed præter opinionem, quæ superari posse videtur a voluptate. [A T vero si sit opinio.] Arguit contra solutionem illam philosophus hoc pacto, Si in ipso incontinente non est scientia, necque firma existimatio, sed opinio quadam talis vt facile a voluptatibus superetur, tunc venia danda esset incontinenti & incontinentiæ: sed incontinentiæ non est danda venia nec excusatio, cum sit prauitas & res digna vituperatione, ergo non est ab incontinente remouenda scientia, & ponenda talis opinio vt facitis. Notandum quod philosophus dixit antea continentiam non esse virtutem proprie, nec incontinentiam esse vitium: quamquam non longe a virtute vel vitio: nunc vero dicit incontinentiam esse prauitatem, ergo videtur esse vitium. Dicendum quod vitium potest sumi duobus modis, aut communi modo aut proprio: communi vt est fugiendum, & prauum, quod de vitio, & incontinentia, & immanitate, quæ sunt tres species fugiendorum circa mores. Proprio modo vt est vitium proprie dictum, quod ex opposito contrariatur virtuti proprie dictæ. Incontinentia igitur dicitur prauitas primo modo, non vt est vitium proprie dictum, sed vt prauum fugiendum & vituperabile. [E S T ne igitur id quod refellit.] Hæc est secunda pars huius capituli, in qua philosophus affert questionem circa quintam sententiam, & opinionem supra allatam. non enim seruat ordinem quem tenuit in illis proponendis, sed vt sibi opportunum videtur. Dubitat ergo & querit vtrum in ipso incontinente sit prudentia, & primo ostendit quod videtur esse in eo prudentia: postea declarat & probat quod non est. Dicit ergo in primis, incontinens non videtur habere scientiam sed opinionem: at opinio quæ sunt in homine prudentia est validior, ergo erit in ipso incontinente prudentia vt videtur. Post hæc affert duas rationes contra hanc sententiam. Prima ratio: si in ipso incontinente esset prudentia, prudens esset incontinens. at hoc est absurdum, ergo absurdum est dicere quod prudentia sit in ipso incontinente. Nam incontinens agit res prauas & turpes: prudens non agit res turpes: ergo prudens non est incontinens. Secunda ratio. Prudens est aptus ad omnes res bonas agendas, & complectitur omnes virtutes morum: sed incontinens non est aptus ad res bonas agendas nec complectitur omnes virtutes morum, ergo incontinens non est prudens. [E X T R E M O R V M.] id est singularium. [P R A E T E R E A si continens ex eo.] Hæc est tertia pars huius capituli, in qua philosophus arguit contra quartam opinionem quæ erat quod temperantia, & continentia esset idem: videtur procedere hoc pacto, Continentia vel continens versatur circa cupiditates, & eas habet aut vehementes aut leues: si vehementes, tunc ultra aut prauas, aut bonas: si vehementes & prauas non potest esse temperatus. Nam temperati non est habere vehementes cupiditates, nec prauas, cum appetitus non pugnet cum ratione in homine temperato. at oportebat tamen. s. vt haberet ad hoc vt sit idem ipse temperatus, & continens secundū uestram positionē. Quare si continens habet vehementes cupiditates & prauas, nō potest esse temperatus vt patet. Sin autem ipse habeat vehētes & bonas: prauus erit ille habitus qui resistit bonis vehētibz; cupiditatibus, nam cōtinēs pugnat

cum cupiditatibus & tandem vincit. q. si resistat bonis & vehementibus, continētia erit habitus prauus: & sic non erit omnis studiosa. at omnis temperantia studiosa est, ex quo habemus q. si cupiditates erunt vehementes siue prauae, siue bonae, temperantia non est continētia. Verum si cupiditates sunt remissae, & non prauae, tunc continētia non esset egregius habitus vt existimatur: ergo non habet remissas cupiditates non prauas: sin vero sunt remissae & prauae, tunc continētia non esset potens dispositio, & tamen est cum resistat magnis cupiditatibus. Concluditur ergo quod cum continens non versetur circa remissas cupiditates, nec circa vehementes bonas, sed potius habeat vehementes & prauas, & temperati non sit illas habere. Concluditur inquam q. temperans non est idem quod continens, nec temperantia idem quod continētia vt volebat quarta opinio, & hoc videtur innuere philosophus licet non manifeste inferat conclusionem. [P R A E T E R E A si continētia facit.] Hæc est quarta pars huius capituli, in qua philosophus arguit contra secundam opinionem qua dicebatur quod continens idem est quod constans, & perseverans in ratione vel potius in proposito & opinione. Incontinens vero e contra est idem quod inconstans digrediens à sua opinione. hanc sententiam refellit philosophus declarando, q. si illa opinio esset vera, sequeretur quod aliqua continētia posset esse praua, aliqua incontinētia bona & studiosa. at hæc sunt duo absurda, ergo absurda videbitur illa opinio, ex qua hæc sequitur. Nam primū si continens sit idem quod perseverans in opinione vt illi volunt, fieri potest vt habeat opinionem falsam & prauam, & perseverantia in illa erit continētia praua: præterea si incontinens sit idem quod digrediens à sua opinione, fieri potest vt habeat opinionem prauam à qua digrediens omittit illam prauam opinionem, & hoc pacto aliqua incontinētia esset bona, si incontinētia esset nō persisterere in opinione, & probat hoc exemplis Neoptolemi & sophistarū. Inducitur Neoptolemus apud Sophoclem in quodam opere quod inscribitur Philoctetes primū mentiri: postea confiteri veritatē, & digredi à falso: ergo si incontinētia est inconstātia, & digressio à proposito, talis digressio Neoptolemi à proposito falso, sit laudabilis, ergo aliqua erit incontinētia laudabilis. quod est absurdū, quia nulla prauitas est laudabilis, ergo aliqua erit incontinētia laudabilis. quod est absurdū, quia nulla prauitas est laudabilis. Secundu exemplū est de sophisticis rationibus quibus illi conantur decipere homines, vt inanam gloriā consequantur. & quāuis nō recte concludant conclusionem, ex præmissis tamen rationibus eorū ligatur mens ne scientis soluere, velut quidā interrogabant vt in posterioribus dicit philosophus, Scis ne omnē dualitatem esse parē? si se omnem scire dicebat, offerebant dualitatem quandā, quā habebant occultam: & dicebant eam non potuisse scire esse parē, cum ignorasset eam esse in rerū natura, solunt illi non recte vt tibi ostendit philosophus: quare ligatur mens ne scientis soluere talibus rationibus deceptiuis. Quod si mens nō persisteret in illa assensione talis digressio esset incontinētia laudabilis, quare absurde dicunt quod continētia faciat hominem persisterere in quavis opinione, & incontinētem nō persisterere vt illa quarta opinio vult. [F I T autem aliqua ratione,] probat etiam idem alia ratione hoc pacto, si incontinētia esset omisio rationis, & opinionis vt illi dicebant, tunc sequeretur, quod ex duobus vitiis posset componi vna virtus, quod est valde absurdum: primū quia virtus est simplicissima forma & indiuisibilis. Deinde dicitur per abnegationem externorū, ex quo patet quod est absurdum dicere eam consistere ex partibus, & ex partibus duabus vitiis. quod autem hoc sequatur ex eo apparet, quia fieri potest vt incontinens sit imprudens, & per imprudentiam existimet aliquam rem malam esse bonam, & per incontinētiā omittat illam falsam opinionem, si incontinētia vt illi volunt omisio opinionis est: sed omisio prauae opinionis videtur esse probitas, & virtus. & hæc fiet ex illis duobus vitiis: ergo ex vitiis conficietur virtus quod est absurdum: & sequitur ex quarta illa opinione, ergo absurda, & posthabenda est illa opinio. [P R A E T E R E A qui persuasus agit.] Hæc est quinta pars huius capituli, in qua philosophus affert dubitationem circa primam opinionem, quia illa dicebat quod continētia est de numero bonorum, incontinētia de numero prauorum, quia posset aliquis dubitare in quo genere prauorum ipsa esset ponenda, & vtrum esset peior quā vitium. Idcirco in parte ista facit hanc determinationem differendo, & disputando non autē asserendo, quia videtur inferre disputatue vt diximus id ex quo appareat intemperantiam esse minorem improbitatem quā incontinētiā. Nam intemperans persuasus agit prauum, & dissuasiōne remoueri & sanari potest, & incontinens non persuasus à ratione operatur prauum cum ratio repugnet, & cū percipiat illud esse prauum, & non persuasus à ratione, quia aduersatur appetitui suo, exequitur illud prauum, & intemperans persuasus, & eligens voluptates persequitur quas dissuasus potest omittere, & sanari posse videtur: incontinens cum non agat persuasus non videtur dissuaderi posse & dissuasiōne moueri. Affert post hæc & accommodat huic proposito proverbium quo dicitur, quod non est asserendus potus ei qui suffocatur aqua, quia dando illi potum nihil proficitur. Simile sit de incontinente quem frustra dissuadet quis, cum percipiat quid agit, & tamen exequitur illud, & aliter agit quam sibi ostendat ratio agendum esse. Notādum quod in hac parte philosophus procedit argumentando, & differendo non asserendo: quia nec verum est, nec sua sententia vt intemperantia, quā incontinētia vel intemperans cum incontinens sit potior. Nam intemperans est vitiosus, & habet rationem iudiciumque corruptum. Incontinens vero nō dum est vitiosus proprie nec habet rationem eo modo corruptam: præterea facilius sanari potest quā

intemperans, vt declarabit inferius: sed nunc arguit hinc inde vt magis illucescat veritas, & determinatio sua quam affert infra. [I N S V P E R si circa vniuersa.] Hæc est sexta pars huius capituli in qua philosophus affert dubitationem circa sextam opinionem, quæ dicebatur, quòd incontinentia est circa multa obiecta & vniuersa, vt circa honorem, lucrum, & huiusmodi: arguit philosophus contra hoc dicendo quòd data hac opinione, statim sequitur quòd non erit simplex incontinentia, & proprie dicta, si versatur indifferenter circa talia, sed mixta quædam: sed hoc est absurdum, quare dicendum erit quòd continentia, & incontinentia circa determinata obiecta versatur, id est circa voluptates. quòd si diceretur alio modo, tunc non proprie nec simpliciter, sed secundum quid diceretur, at nos propriam & simplicem querimus, vt patebit infra. postea dicit philosophus quòd harum dubitationum quædam sunt soluendæ vel rollendæ, tanquam nõ veræ: quædam autem relinquendæ tanquam bonæ, vt veritatem inueniamus circa tales affectus & dispositiones.

*Quonam pacto continentes agunt. Cap. III.*



Rimum itaque considerandum est: si incontinentes, scientes  
 agant, nec ne, & quonam modo scientes. Deinde circa quæ sit  
 incontinens ponendus, & continēs. Vtrum circa voluptatem  
 omnem atque dolorem, an circa definitas quasdam volupta-  
 atque dolores. Et vtrum idem sit, an diuersus, continens, atque constās,  
 Similiter & de cæteris quæ ad hanc attinent contemplationem. Est au-  
 tem considerationis initium vtrum continens & incontinens, iis circa  
 quæ versantur differant, an modo. Dico autem hoc pacto, vtrum in-  
 continens ex eo solum sit incontinens: quia circa hæc versatur, an non: sed  
 ipso modo, an vtriusque. Deinde si continentia, & incontinentia sint cir-  
 ca vniuersa: necne. Neque enim circa omnia versatur is, qui est in-  
 continens absolute: sed circa ea quæ est intemperans. Neque simpliciter sese  
 habet ad illa. Effet enim incontinentia, ac intemperantia idem: sed hoc  
 modo. Nam ille quidem elegans ducitur: putans semper oportere, per-  
 sequi voluptatem præsentem: incontinēs autem non putat quidem per-  
 sequitur tamen. Si itaque vera sit opinio, sed non scientia, qua transgre-  
 dientes incontinenter homines agunt: nihil refert ad rationem. Non-  
 nulli nanque eorum qui opinantur non ambigunt: sed arbitrantur ex-  
 acte se scire. Si igitur opinantes ex eo quia remisse credunt magis quàm  
 scientes: contra suam agent existimationem, nihil differet ab opinio-  
 ne scientia. Sunt enim qui non minus opinioni suæ, quàm alii suæ  
 scientiæ credunt, vt ex Heraclito patet. Sed cum dupliciter dicatur sci-  
 re (Nam & is qui scientiam quidem habet, non autem vtitur ipsa: & is  
 qui vtitur, dicitur scire) hæc inter se differunt: habentem inquam sci-  
 entiam: at non contemplantem, & habentem, ac contemplantem: age-  
 re ea quæ agere non oportet. Hoc enim videtur absurdum. Sed nõ si nõ  
 agat contemplando. Præterea cum propositionum duo sint modi: ni-  
 hil prohibet vt quispiam agat contrarium eius quod scit, si habeat qui-  
 dem vtriusque: vniuersali tamen, & non particulari propositione vta-  
 tur. Nam ea quæ aguntur singularia sunt. Differt autem & ipsum vni-  
 uersale. Nam aliud est in ipso: aliud in re. Vt omni homini sicca con-  
 ducit. Et hic est homo vel siccum est, quod est tale: sed si hoc sit tale: aut  
 non habet, aut non operatur. Magna igitur per hos emergit vtique dif-



ferentia modos, atque adeo vt hoc quidem modo non absurdum esse, alio vero modo mirabile videatur. Præterea fit vt homines scientiam habeant, alio modo quam nuper diximus. Nam in habendo quidem, sed non vt edo differentem cernimus habitum: vt quispiam & habeat quodam modo, & non habeat ipsum. Qualis est dormiens, & \* furens, ac ebrius. At hoc modo disponuntur ii qui sunt in perturbationibus constituti. Nam iræ, & cupiditates veneræ: cæteraque similia, corpus etiā manifeste permutant. Atque nonnullos & in furorem, ac insaniam adigunt. Patet igitur dicendum esse incontinentes perinde sese habere atque hi sunt affecti. Dicere autem eas sententias quæ à scientia proficiuntur, nullum est signum, etenim ii qui sunt in huiusce perturbationibus constituti, demonstrationes, & carmina dicunt Empedoclis. Et qui primum discunt, nectunt quidem orationes: sed nondum sciunt. Oportet enim ipsorum insideant menti: ad quod tempore opus est. Quare putandum est, vt histiones poemata recitant: sic & incontinentes agentes sententias dicere. Insuper & hoc modo quispiā naturaliter inspexerit causam. Opinionum enim alia est vniuersalis: alia de singularibus est, quibus iā ipse præsidet sensus. Atque cum ex ipsis ratio fuerit vna: anima conclusum ipsum in contemplandis quidem dicat, in agendis autem rebus cōtinuo agat necesse est. Nā si omne dulce gustare oportet, & hoc est dulce vt vnum quid singularium: is hoc simul & agat qui potest, nec prohibetur necesse est. Cum igitur vna quidem vniuersalis inest opinio gustare vetans: alia vero dicit, omne dulce voluptatem afferre, & hæc insuper hoc esse dulce: hæc operatur, atque inest forte cupiditas. Illa quidem hoc fugare dicit: cupiditas autem ducit. Mouere enim partes singulas potest. Quare fit vt à ratione quodam modo, & opinione incontinentes agatur: non tamen per se contrarie, sed per accidens. cupiditas enim rectæ rationi, sed non opinatio aduersatur. Quare & propter hoc belluæ, non sunt incontinentes: quia non vniuersalem existimationem, sed singularium imaginationem, atque memoriam habent. Quomodo autem soluitur ignoratio, ac rursus fit incontinens, sciens: eadem est ratio, & de ebrio & dormiente: & non huius est propria perturbationis, quam quidam \* naturalibus audire oportet. Cum autem vltima propositio rei sit sensibilis opinatio, atque actuum domina, hanc incontinens aut nō habet dum est in perturbatione, aut sic habet vt in habendo non sit scire sed dicere, perinde atque temulentus Empedoclis carmina profert. Et quia terminus extremus non est vniuersalis: nec ad scientiam vt vniuersalis attinere videtur. Atq; id accidere videtur quod Socrates quærebat. Non enim ea quæ proprie scientia videtur esse præsentē, fit perturbatio: nec ipsa ob perturbationē distrahitur, sed sensitua. De his igitur si sciens inquam incontinens, an non sciens: & quonam modo sciens incontinens ter agat, tot à nobis sint dicta.

μη μολυνό  
μην.

ἢ δὲ ἴσῃ  
φυσιολ  
γῶν.

PRIMUM itaque cōsiderandū est. [Hoc est tertiū capitulū huius primi tractatus: in quo philo-  
 15  
 sophus posteaquā attulit opiniones priscorum de continentia, & incōtinentia, & cōstā-  
 tia, & huiusmodi. Et circa hæc posuit dubitationes quāsdā & oppositōnes: nunc solvere in-  
 tendit primam dubitationē, quæ posita est in præcedenti capitulo, vtrū in continēs agat scīs in  
 continēter. Diuiditur hoc capitulum in tres partes quæ suis locis declarabūt. In prima igitur  
 præmitendo ordinē de quibus dictū est: dicit cōsiderandū esse vtrum sciens vel non sciens  
 incontinens agat, & si sciens quonā pacto, hæc enim est magna difficultas & in hac se dilatat in  
 tertia parte huius. Deinde dicit cōsiderandum esse circa quæ versatur incontinētia, an circa o-  
 mnes voluptates & reliqua quæ patent in textu [E S T autem cōsiderationis initium.] Præmissis  
 16  
 ordine eorum de quibus dicere inferius intendit: assert nunc duas dubitationes, & statim soluit.  
 Nam earum solutio videtur esse fundamentum eorum quæ ab eo dicentur inferius. Prima dubi-  
 tatio est vtrum continens & incontinens differant obiectis circa quæ versantur: an modis diuer-  
 sis versandi circa eadem obiecta eandemq; materiā. Hæc dubitatio introduci potest duobus mo-  
 dis: primo vtrū continens, & incontinens differāt inter se ob id, quia versentur circa diuersa ob-  
 iecta & materiā. an quia versantur circa eandē diuerso modo. Vel alio pacto introduci potest,  
 vtrum continens & incontinens differant, scilicet a temperato & intēperato, an in materiā, vel in  
 modo versandi diuerso, & hæc secunda expositio magis consonare, & cōuenire videtur cum iis  
 quæ dicentur inferius, quia hanc dubitationem soluit potius secundo modo sumptam quā pri-  
 mo, [D I C O autem.] Hoc addit vt magis seipsum declarat. [D E I N D E si continentia & inconti-  
 17  
 nentia.] Assert secundam dubitationem talem: vtrum continentia & incontinētia versentur circa  
 omnia obiecta, an non: & statim assert solutionem huius secundæ questionis, dicendo qd  
 simpliciter incontinens, de quo loquimur, non versatur circa omnia sed circa ea quæ versatur intem-  
 perans, id est circa voluptates. deinde infertur solutio secundæ dubitationis, scilicet qd licet intē-  
 perans, & incontinens versentur circa eandem materiā, id est circa voluptates corporis: tamen  
 nō simpliciter eodem modo, quia essent idem, quod est absurdum, sed diuersa. nam intemperans  
 eligit, incontinens nō eligit, ergo incontinens non est intemperans, licet versentur circa eādem  
 materiā. Et notanda est distinctio ista, quia videtur esse fundamentum eorum quæ dicentur in-  
 ferius. Neque simpliciter, id est non eo modo quo intemperans [S I itaque vera sit opinio.] Hæc  
 18  
 est secunda pars huius capituli: in qua philosophus posteaquā præmisit non nulla necessaria, nūc  
 sumit rationem illam priscorum, qui nitebantur soluere opinionem Socratis, & difficultatē sua  
 sententia ortam, cum diceret incontinentem non habere scientiam eorum quæ prætergrederen-  
 tur ob cupiditatem: illi autem aiebant habere opinionē, & non scientiam. Philosophus autem o-  
 stendit qd talis solutio illorū non est bona, quia nil refert vtrum in ipso incontinentē sit scientia  
 vel opinio quā ille transgredebatur in agendo: & post habeat ipsam siue sit scientia siue opinio  
 sequendo cupiditatem: nam illi putabant ideo vinci rationem incontinentis, quia non haberet  
 scientiā rem validissimā, sed opinionem quæ est imbecillior, & superari a voluptatibus potest.  
 Hoc autē non esse verum dicit, quia sunt nonnulli qui habēt ita infixam, & firmam opinionem,  
 ac si haberent scientiā. Nam si dicunt incontinentes ex eo habere opinionē, quia remisse creden-  
 tes agant contra existimationem & iudiciū suū. Hoc argumentum non valet, quia fieri potest  
 ita vehemens opinio vt in habente sit tanquam scientia. & hoc ostendit exēplo Heracliti qui o-  
 pinabatur qd omnia essent in continuo motu. Huic opinioni adeo hærebat Heraclitus, vt nō mi-  
 nus crederet quā si certissime sciret. Quare si ponamus qd in incontinentē sit opinio, & non scie-  
 tia: nihil refert necesse fore propositum nostrū vt vincatur, quia opinio sit debiliior, cum possit  
 esse opinio talis vt respectu habentis sit tanquam scientia. Notandum quōd multipliciter differt  
 19  
 scientia ab opinione, scientia semper est de necessariis, opinio vero non semper. Scientia est per  
 demonstrationem. opinio non est per demonstrationem: & scientia semper est vera: opinio po-  
 test esse falsa. Sunt & alia multa quibus differunt, verū ad propositum, & si semper scientia sit fir-  
 ma, opinio autē non semper, tamen fieri potest vt aliquando in hoc sint similes id est vt sit opi-  
 nio vehemens & firma, ac si esset scientia quædam, vt exēplo ostendimus. [S E D cū dupliciter di-  
 catur scire.] Hæc est tertia pars huius capituli, in qua philosophus incipit soluere dubitationem  
 quam mouit in principio capituli præcedentis. Vtrū in continēs sit sciens, & si sit quomodo sit:  
 circa dubitationem attulit sententiam Socratis, & priscorum vt vidimus, & duo facit. Primo so-  
 luit questionem afferendo tres distinctiones, deinde soluit alio modo ex parte naturalis pos-  
 sessionis rerū agendarum vt late appareat sententia, & solutio quam intendit. Prima distinctio  
 est quōd scire bisariam dicitur. Vno modo habitu vt is qui habet & non vitur, alio modo vt est  
 in actu, & operatione vt est ille qui habet scientiam & vitur. Nam primo modo, vt hoc patet  
 ex exemplo, dicimus geometram dormientem, & non operantem vel speculantem habere scientiā  
 geometræ & habitum. Secundo modo dicimus scire cum speculari secundum scientiam, & ha-  
 bitum geometriæ quam habet faciendo aliquam demonstrationē: veluti quōd triangulus habeat  
 tres angulos æquales duobus rectis & huiusmodi. eodem pacto citharedus dicitur habere artem

citharizandi in habitu. Primo modo si stet dormiens: secundo modo si operetur secundum habitum qui est in eo, & vtatur arte sua. Hac distinctione allata affert vnam conclusionem philosophus, quia innuere videtur quoquo modo solutionem quandam. nam quando dicimus incontinentem scire, possumus vno modo intelligere quod habet opinionem vel scientiam in habitualio modo quod vtatur & actualiter speculetur & consideret secundum talem scientiam. Quod si vtroque modo ponatur scire in ipso incontinente, id est vt habeat in habitu, & contempletur, id est vtatur ipsa & consideret secundum eam dum agit forsitan erit absurdum: sed primo modo tantum nihil refert, id est vt habitu habeat, & non contempletur cum agit. Veluti si ponamus aliquem scirerem quandam esse bonam, & habitu illam scientiam cognitionemque habere, non tamen habere actum, id est vti ea cum agit, nec eam respicere cum operatur. [H O C enim videtur absurdum.] Scilicet ponere vtroque modo scire in ipso incontinente, scilicet cum habere scientiam habitu, & vti cum agit incontinente, sed non, scilicet erit absurdum dicere, quod habeat scientiam & cognitionem illam habitu, & postea non consideret, & contempletur, vel ea vtatur cum agit. Notandum quod philosophi solent aliis terminis hanc distinctionem facere. Dicunt enim quod actum quidam primus, quidam secundus. Primum appellant ipsum habitum, quia est tanquam forma perfectiua potentiae: & forma solet appellari actus respectu materiae, vt anima dicitur actus à philosopho. Secundum appellant operationem: eodem pacto scire dupliciter est, aut primo actu, id est habitu: aut secundo, id est operatione, & primo modo incontinens dicitur sciens cum agit: secundo vero non dicitur sciens. Nam si haberet scientiam secundo modo, id est vt eam respiceret quam habet, nunquam operaretur secundum incontinentiam: sed culpa sua quod non respicit eam cum agit, sed posthabet & dimittit vt praesentem sequatur voluptatem. Et animaduertendus est hic philosophi modus quem ille multis in locis seruat vt medium suis distinctionibus capiat. Nam antea vidimus quod nonnulli priscorum dicebant incontinentem scientem esse. Socrates vero dicebat fieri non posse, vt sciens sit incontinens: philosophus vero medium tenens partim scientem partim non scientem esse voluit, afferendo distinctionem de modo sciendi. Cum enim res distinguuntur, quae indigent distinctione, multae auferuntur dubitationes, & ipsa veritas manifestius elucescit. Plato primo his est vsus distinguendi modis: erant enim antea scientiae quasi crudeae: Plato cepit distinguendo tollere aequiuocationes vt in Phaedro de furoribus, & aliis in locis facit distinctiones praeclearas: postea philosophus iste mirum in modum amplificauit hos distinguendi modos, vt tollerentur omnes cauillationes sophistarum, quibus hic semper inimicissimus facit. [P R A E T E R E A cum propositionum.] Affert philosophus secundam distinctionem, & solutionem eiusdem quaestionis, scilicet vtum incontinens sit sciens, & si est, quomodo sit. Videtur autem dicere hoc pacto, quod in ratiocinatione siue discursione, & syllogismo actiuo duae propositiones sumuntur: vniuersalis vna: altera singularis. & fit quandoque vt sciamus vtraque, & fit etiam vt sciamus tantum alteram. & intelligitur hic de vniuersali, & particulari circa eodem terminos, vt omnis magnes attrahit ferrum, hic est magnes, & cetera. Potest ergo fieri vt incontinens sciat in vniuersali, nesciat postea particulare cum agit, sicut in speculatiuis dicimus, quod fieri potest ut quis sciat omnem triangulum habere tres angulos aequales duobus relictis, ignoret autem hunc vel illum triangulum, sed cum sit quoddam vniuersale quod habet sub se singulare, quod ignorari non potest cum scitur suum vniuersale: quoddam vero vniuersale sit quod sciri potest sine suo singulari, ideo philosophus affert distinctionem illam nequis obiceret dicendo, quod fieri potest ut sit vniuersale aliquod, quo scito ignorari non potest suum singulare: quod si hoc competeret incontinenti tunc non esset vera solutio tua, scilicet quod incontinens sciat vniuersale, postea utro cum agit non sciat singulare, affert igitur hanc distinctionem quod duplex est vniuersale: aliud in ipso qui habet: aliud in re. Exemplum primi, ut omni homini sicca proficiunt, hic est homo, & cetera. Hac propositio singularis ignorari non potest respectu vniuersalis quod est in ipso, id est in ipso homine. Nam cum sciat tale vniuersale in ipso homine, id est in se, non potest ignorare hanc propositionem singularem, id est, hic est homo, nisi seipsum ignoraret, quod est absurdum. Exemplum secundi, omne siccum homini prodest: at hoc est siccum & cetera. Tale igitur vniuersale quod est in re sciri potest, & tamen ignorari potest singulare. nam & si sciam quod omne reubarbarum purgat choleram, quod est vniuersale in re, tamen ignorare possum hoc vel illud reubarbarum. Quare dicere potest philosophus ad tollendam illam obiectionem: cum ergo loquor de incontinente, & dico quod ipse habet scientiam habitu & vniuersale: cum vero agit singularem propositionem non percipit, non intelligo de vt vniuersali in ipso quod sciri non potest, quin sciatur suum singulare: sed intelligo de vniuersali in re quod sciri potest, & tamen non percipi singulare suum quod locatur sub ipso vt exemplis patuit. Loquendo igitur de vniuersali quod est in re, dicere possumus quod incontinens agere potest sciendo vniuersale: postea vero cum agit non percipiendū singulare: non est autem absurdum vt incontinens habeat vtrasque propositiones, scilicet vniuersalem & particularem. & tamen cum agit non vtatur cognitione, & scientia illius in singulari, & id est non habere in actu & operatione: sic agit contra id quod scit, & erit quoquo modo sciens respectu vniuersalis: quoquo modo nesciens respectu singularis, ex eo quia cognitiōe in particulari, ppo

fitione non uritur. itaque si hoc modo scire dicatur incontinens non erit absurdum, sed illud ab-  
 surdum esset si diceretur cum scire, & uti scientia in singulari cum agit. [PRÆTEREA fit ut  
 homines.] Affert tertiā distinctionem philosoph⁹, ex qua emergit tertia solutio. Nam dictum est  
 superius qd scientes dici possunt, & in habendo, & in vtendo. i. habitu & actu secundo: nunc autē  
 istud habere scientiam. s. in habitu non vtendo ea, bifariam dici potest, aut quod habeat, & non  
 operetur, quia si est ociosus non impeditur aliqua perturbatione: aut qd habeat, & nō operetur ob  
 aliquam perturbationem & huiusmodi. Sicut est dormiens, ebrius, furēs & alii eiusdem generis.  
 & isti videntur differre, quia ille sine perturbatione est habitu sciens, tamen non considerans ac-  
 tū, quia stat ociosus, hic vero alter scientiam habet habitu, & impeditur potest multifariam, aut  
 somno, aut ebrietate, aut perturbatione, ne exerceat operationes secundū scientiā quā habet: &  
 huic similis ex quo innuitur solutio, videtur esse incontinens qui habet cognitionem & scientiā  
 in habitu, & cū superueniunt vehementes cupiditates, permittit se superari, & fit similis ebrio  
 cum sit in illis perturbationibus constitutus, quæ non solū exagitant animū, sed etiā corpus per-  
 mutant, aut pallore, aut tremore, aut similibus. [DICERE autē incontinētes.] Remouere vide-  
 tur obiectionē quæ fieri potuisset hoc modo. Tu dicis, d. Aristoteles incontinētē habere scien-  
 tiā cum impedimēto, ita ut nō vtatur ea cū agit. Nos tamen videmus aliquos incontinētes dice-  
 re, & proferre sententias, quæ indicant eos esse cōstitutos in scientiā, & ideo non videntur igno-  
 rare, sed percipere cum agunt. Respondet philosoph⁹ qd fieri potest ut proferant talia. Verū hec  
 tantū verbis dicitur, & nō sequitur per hoc qd sint in scientiā constituti: sicut etiā pueri qui pro-  
 ferunt orationes quas non intelligūt, & hiltiones carmina in scena quæ recitant, & tamen non  
 intelligunt quod importatur per illa. quare non sequitur quod si incontinētes proferunt senten-  
 tias ad scientiā & cognitionē pertinentes quod sint in scientiā constituti. Et sic erunt quodāmo-  
 do scientes, & quodāmodo non scientes, eo modo quo dictum est. [IN SVPER hoc etiā pacto.]  
 Allatis distinctionibus illis & solutionibus: nunc eiusdē dubitationis aliam solutionem affert ex  
 parte naturalis perfectionis scientiæ actiue, & dicit naturaliter, non quia à natura proficiscatur  
 hæc ratio, sed quia sic fit naturaliter in perfectione scientiæ actiue & opinionis. Nam fit hoc mo-  
 do qd quædam est opinio vniuersalis, quædam singularis, quæ est circa res agendas singulares,  
 quarū est sensus. Et ex iis duabus opinionibus fit quandoq; vna opinio, & vna sententia, quam in-  
 telligit philosoph⁹ esse conclusionem, & non minorem propositionem, sicut aliqui dicunt ex-  
 positores. Fit. n. ex vniuersali, & singulari conclusio hoc pacto, Omne animal est substantia, So-  
 crates est animal, ergo Socrates est substantia. Hæc est opinio vniuersalis. s. omne animal est sub-  
 stantia: & est alia singularis, id est Socrates est animal, & ex his opinionibus fit vna, quæ est cōclu-  
 sio. s. Socrates est substantia, cui necessario assentitur mens cū sequatur necessario ex præmissis se-  
 cundū formam syllogismi. Verū sicut fit in speculatiuis ita in actiuis: sed in speculatiuis hoc fit  
 ut posita vniuersali, & particulari secundū formā syllogismi necessario sequitur conclusio: sic in ac-  
 tiuis posita vniuersali, & singulari statim sequitur operatio, quæ est conclusio in actiuis. s. execu-  
 tio ipsa post discussionē factā ut patet in hoc exēplo, vbi ponitur vniuersalis opinio & particu-  
 laris, ex quib⁹ fit vna tertia. i. conclusio & executio ipsa hoc modo, Omne dulce est gustandum, hoc  
 est dulce. & statim fit executio, & prosecutio illius quæ est conclusio actiua. Nā in speculatiuis fa-  
 tis est nosse conclusionē, sed in actiuis non tantū est conclusio quæ infertur, sed etiā quæ agitur,  
 cum statim post discussionē illā fiat executio. & ista processio fieri videtur naturaliter in rebus  
 agendis, licet non animaduertetur. Primo. n. habemus aliquam cognitionē sub qua ponimus ali-  
 quam particulā, & postea infertur conclusio ex illis, id est operatio & executio si non prohibe-  
 tur. [CVM igitur vniuersalis.] Præmissis iis quibus percipitur processio, quæ naturaliter fieri vi-  
 detur in rebus agendis: nunc philosoph⁹ accedit ad solutionē, qua intelligi possit quomodo in-  
 continēs operetur: & animaduertendū quod de eadē re diuersæ opiniones, & propositiones esse  
 possunt: quæ diuersæ cū sint, non tamen sunt contrariæ ut de aliquo dulci dicere possumus, quod  
 est turpe, & etiam quod affert voluptatem. Ponatur autē ut dicit philosoph⁹ vna cognitio vni-  
 uersalis vetans nos gustare, id est nullum dulce est gustandum, si etiam alia quæ dicat, quod omne  
 dulce affert voluptatem, tunc allato aliquo dulci ut hoc est dulce quod est singularis opinio,  
 & propositio statim incontinens, si addit cupiditas, collocabit illam propositionem singularem  
 sub vniuersali affirmatiua quam habet, scilicet sub hac vniuersali, quod omne dulce affert volu-  
 ptatem: collocabit inquam istam singularem: Hoc est dulce, & statim concludet operando  
 & exequendo si impedimentum absit, requiritur primo ut sit vniuersalis opinio, deinde singu-  
 laris alia, & rei singularis quæ agi possit à nobis, & ut addit cupiditas, & remotioni sit operan-  
 di impedimentum ut possit fieri executio, illa autem alia vniuersalis negatiua, id est, nullum  
 dulce est gustandum, relinquatur ab incontinente. nam cum possit illam singularem, scilicet  
 hoc est dulce collocare sub ea negatiua bona quam habet: ipse collocat sub affirmatiua vniuersali,  
 & si habet illam bonam negatiuam. quare dicit philosoph⁹ quod ex vniuersali ratione, & sin-  
 gulari opinioni quæ est contraria vniuersali, illi non per se, sed per accidens, quia coniungitur  
 cum cupiditate incontinens operatur: & sic ex vniuersali ratione non corrupta, quæ dicit nullū  
 dulce gustandum est, & opinione particulari quæ dicit hoc est dulce, agere videtur incontinens.

nam cupiditas est connexa huic singulari opinioni: quæ cupiditas est contraria illi vniuersali rationi per se, opinio autem illa singularis est, contraria per accidens, quia de se non esset contraria nisi esset cupiditas quæ trahit rationem, & mouet etiam partes organicas corporis, & sic incontinentes permittens se superari operatur. [A. R A T I O N E quodammodo & opinione.] Quia oportet vt tam vniuersalis quàm particularis adsint ibi in incontinente, scit in continens quod nullum dulce, scilicet turpe est gustandum, scit etiam quod omne dulce affert voluptatem: repræsentatur sibi aliquid dulce, & concupiscentia mouet, discurrit ille & negatiua illa ratio veras gustare dulce, quæ dicit nullum dulce est gustandum, retrahit eum, & si non esset cupiditas faceret bonam conclusionem, quia discurrit secum hoc pacto, nullum dulce est gustandum: hoc est dulce, & statim operatione concluderet, ergo non est gustandum, & non gustaret, & non laberetur: verum cum sit ibi cupiditas præsens, & vrgens, ipse ponit illam singularem opinionem, scilicet hoc est dulce, sub illa alia vniuersali affirmatiua, scilicet omne dulce affert voluptatem. quare si omne dulce affert voluptatem, scit enim hanc propositionem prius vniuersalem, deinde, & hoc est dulce, ergo & cætera. Concludit operando, & gustando, & exequendo, quod si ipse collocasset sub illa prima bona, & negatiua quæ dicit quod nullum dulce est gustandum, bonam fecisset conclusionem, & non gustasset, sed cum habeat scientiam illius vniuersalis non vitur postea cum agit, & ex hoc non habet scientiam actû, & si habet in habitu: intemperans vero differt ab eo, quia habet corruptam rationem, & non putat illam negatiuam esse veram, vt in continens: qui eam percipit & non sequitur, sed intemperans putat potius oppositam illius negatiuæ esse veram, scilicet quod omne dulce est gustandum, quia ex mala cõsuetudine habet corruptum iudicium rationis: incontinens vero cum habeat & percipiat illas duas vniuersales propositiones quod nullum dulce est gustandum, & quod omne dulce affert voluptatem, extemplo cum aduenit hoc dulce cupiditate vrgente, quæ est contraria negatiuæ propositioni: quia illa vetat gustare, cupiditas suadet: incontinens ponit singularem illam sub affirmatiua, & concludit affirmatiuè operando vt potiendo illo dulci, & oblitus pene dum est in illa perturbatione primæ propositionis bonæ negatiuæ vetantis omne gustare, cuius scientiam habet in habitu, sed in operando eam non respicit. quare dicitur quod aliquo modo sciens aliquo modo non sciens operatur. Et cum dicimus incontinentem habere scientiam in habitu eo pacto & non actû, non sumimus scientiam proprie dictam, sed largo modo, pro cognitione quadam quam ille habet vniuersalis illius propositionis & huiusmodi. Nam loco suo philosophus exactissime scientiam proprie dictam declarauit, vt vidimus. Percepimus etiam expositione huiusmodi propositionum, & vniuersalis & singularis discursum incontinentis, & processum quem facit in operando. Verum discursum & ratiocinationis eius ex vniuersali, & singulari sequitur conclusio, quæ non desinit in cognitione tantum, vt in speculatiuis: sed in opere & executione rei secundum appetitum, à quo ratio superatur, vt dictum est. Et notandum quod sit pugna inter ista, quia scientia & cognitio illa vniuersalis coniuncta cum ratione aduersatur opinioni particulari non de se, sed opinioni coniunctæ cupiditati, & sit pugna, & in ipso incontinente superatur ratio. In eo vero qui est continens vincit ratio vt patet, sed videtur philosophus sententia sua tenere mediam viam inter superiores, quia non remouet omnino scientiam ab incontinente, vt faciebat Socrates, nec tribuit solam opinionem, vt illi prisci. [Q V A R E & propter hoc bellus non sunt incontinentes.] Ex supradictis infert vnum correlarium philosophus, quo ostendit incontinentem esse non posse sine ratione, quia non sufficit tantum concupiscentia: & ideo dicit quod bestie non possunt esse incontinentes, quod probari potest hoc pacto, omnis incontinens habet vniuersalem cognitionem cui aduersatur cupiditas, sed nulla bellua habet vniuersalem cognitionem cui aduersetur cupiditas: ergo nulla bellua est incontinens. Patet ratio quia belluæ habent imaginationem, & apprehensionem, & memoriam rerum singularium: non autem percipiunt vniuersale: quod percipitur ratione, & intellectu tantum: Ex quo patere potest quod intellectus tantum excedit memoriam, phantasiam, & alias huiusmodi potentias instrumentales quæ singularium sunt aut perceptiuæ, aut retentiuæ, quantum superat potentia rationalis irrationalem, & intellectiua sensitiua, & omnino ea quæ cognoscit vniuersale, illam quæ nullo modo percipit vniuersale. Concluditur ergo, quod belluæ nullo pacto incontinentes esse possunt, cum habeant rationem, & vniuersalem exaltationem. [Q V O modo autem soluitur ignoratio.] Respondet philosophus obiectioni, quæ fieri posset & oriri ex antedictis, quia dictum est quod in continens habet cognitionem, & scientiam: postea in operando obfuscatur à perturbatione, quia sub lata rursus reuertitur in pristinam scientiam, quam habitu habet. Quæritur ergo quo modo ex sciente fit ignorans, & rursus ex ignorante fit sciens: & quomodo pellitur illa caligo. Ad hæc respondet philosophus, quod fit simili modo de ebrio & dormiente, quorum solutio à philosopho naturali petenda est, qui de somno, & vigilia & similibus doctrinâ tradit: & hoc dicit philosophus ne videatur transire de genere in genus, & permiscere scientias, quæ & principiis & subiectis distinguuntur. intelligendum est tamen quod sicut fit in somno & ebrietate, ita in ipsa incontinetia euenire videtur. Nam primo homo vigilat, postea accedit somnus, qui vigilæ quædam pri-



uatio est & operationis. Ligantur enim sensus, unde somnus ligamen sensuum exteriorum appellari solet: soluto deinde somno iterum fit vigilia, in ebrio quoque ascendunt vapores & perturbant spiritum vitalem, & cerebrum, & instrumentum quo vitur ratio: soluto autem vapore illo rursus spiritus incipit meare purus, & instrumentum idoneum reddere ad operationes exercendas. Similiter fit de incontinente: qui primo habet scientiam, & cognitionem illam vniuersalem & scit nullum dulce esse gustandum, & hoc esse dulce, & ideo non esse gustandum. Sed postea vrgentibus cupiditatibus quasi ebrietate inretitus, & non respiciens cognitionem illius bonæ propositionis negatiuæ collocat singularem sub affirmatiua, & concludit affirmatiue potiendo dulci: sed deinde vt fit solutio ignorantie generatæ per ebrietatē remoto vapore: sic fit igitur ignoratio incontinens remotis perturbationibus, quæ non procedunt in infinitum, & sic reddit ipsa ratio quasi quædam lux, & sera eum poenitentia capit quasi secum dicentem, sciebam quod nullum dulce gustandum est, & hoc cum esset dulce non erat gustandum: ego tamen gustavi prohibente ratione. [C V M autem vltima propositio.] Declarat philosophus etiam magis quomodo incontinens dicatur & nesciens & ex hoc emergit solutio dubitationis de sententia Socratis. duas diximus incontinentem habere propositiones, vniuersalem & singularem, & hæc vltima est rei sensibilis opinatio, quæ dicitur domina rerum agendarum, quia actio est rerum singularium. nam si afferatur sola vniuersalis nunquam fiet actio: incontinens igitur cum agit adueniente cupiditate habet quidem sopitam illam vniuersalem, singularem vero quæ est domina rerum agenda- rum, aut non habet, quia non vitur ea, aut si habet non animaduertit secundum eam, nec percipit se habere, atque ideo abutitur, & si profert eam facit vt vinolenti, qui proferunt Empedoclis carmina, dicere enim & proferre vt supra etiam dixit scientiam non indicat, & sic dici potest quod fit quodammodo sciens, & non sciens, cum agit ipse incontinens diuersis modis vt patuit. Afferit præterea alium modum solutionis ipse philosophus, scilicet quod duplex esse videtur scientia, vniuersalis, & singularis: vniuersalis est firma & perseverans, à qua non dimoueri solet, tamen non est domina rerum agendarum. Alia vero est opinatio quædam rei singularis & sensibilis. Cum hæc ita sint, dicere possumus quod illa scientia quæ est vniuersalis, & proprie talis non vincitur in ipso incontinente, nec illa præsentem incontinens agit incontinenter, & hoc fortasse intellexit Socrates inquit philosophus cum dixit quod nemo agit præter scientiam suam, & sic accommodat propositio suo sententiam Socratis. Intellexit inquit de vniuersali, cuius proprie est scientia, qua præsentem non fit perturbatio, sed cum extremus est terminus, id est singularis & præsentem singulari opinacione, quæ non est scientia proprie, sed rei sensibilis est, tunc fit perturbatio, & quasi caligine obfuscatur incontinens: & hoc pacto vidimus quomodo sciens & quomodo non sciens incontinenter agit incontinens, & etiam quomodo intelligi possit sententia Socratis, quæ philosophus, vt consuevit, accommodauit proposito suo. Solet enim refellere aliorum opiniones primo: deinde si quid est boni trahere ad sententiam suam vt verior appareat, quando alia quæcunque ex ea parte qua sunt vera conueniant secum, & falsa discordent, vt fecit in primo, & in aliis locis.

*Circa quæ continens, & incontinens versatur.*

*Cap. IIII.*



**T**R V M autem sit aliquis incontinens absolute, an aliqua ex parte sint omnes, & si sit, in quibusnam sit, dicendum deinceps est. Patet igitur continens atque constantes, & incontinentes ac molles: circa voluptates doloresque versari. Quoniam autem eorum quæ voluptatem efficiunt: alia sunt necessaria, alia per se quidem expetibilia sunt, exuperationem autem habent. Atque necessaria quidem dico: quæ ad ipsum pertinent corpus, alimentum inquam, Veneris vsum, & huiusmodi cætera, circa quæ temperantiam, intemperantiamque posuimus. Non necessaria vero, per se autem expetibilia, victoriam, honorem, diuitias & quæ sunt similis generis quæ bona sunt, & delectant. Eos quidem qui in his præter rectam rationem quæ est in ipsis, exuperant, absolute quidem incontinentes non dicimus. Sed hæc addentes pecuniarum incontinētes, & lucri, & honoris, & iræ dicimus: vt diuersos & similitudine nomen idem habentes. vt homo qui ludo in olympico vicit. Communis, enim ratio parum ab illius ratione propria differebat. Attamen erat di-



uerſa. Atque huius ſignum eſt illud. nam incontinentia quidem non ſolum vt delictum: ſed etiam vt quoddā aut ſimpliciter, aut aliqua ex parte vitium vituperatur. At horum nemo. Eorum autem qui circa corporis voluptates verſantur, in quibus temperantem, intemperatēque ponimus, qui non eligendo, ſed præter electionem ac mentem, efficiētū quidem voluptatem exuperationes perſequitur, dolorem autem inferentium fugit ſamis, ſitis, æſtus, frigoris, & omnium quæ ad tactum guſtumque pertinetis non additione circa hæc inquam (vt circa iram) ſed abſolute, ſolum incontinens dicitur. Cuius hoc indicium eſt: circa nanque has voluptates, & non circa vllam illarum intemperantes dicuntur, & propterea in eodem incontinentem ponimus & intemperantem, & continentem ac temperantem. Sed illorum neminem quod circa voluptates eaſdem quodam modo doloresque verſantur. Atque ſunt quidē hi circa hæc eadem, ſed non eodem modo: ſed illi quidem eligunt: hi vero non eligunt. Quapropter potius eum intemperantem dixerimus, qui non cupiens, aut remiſſe exuperationes voluptatum proſequitur, ac mediocres fugit dolores, quā hunc qui ob vehemētes cupiditates eadem agit. Quid enim facere t ille ſi cupiditas adueniret ingens: & circa rerum neceſſariorum indigentiam vehemens dolor? Cum autem cupiditatum ac voluptatum, aliæ genere ſint honeſtæ, ſtudioſæque, aliæ non ſint (eorum enim quæ voluptatem efficiunt, quædam expetibilia ſunt natura, quædam hiſce contraria, quædam media, quemadmodum prius diſtinximus: vt pecuniæ, luctum, honor, victoria) in omnibus talibus atque mediis non ex eo vituperantur homines, quia hiſ afficiuntur, cupiūt atque amant: ſed ob modum, & quia exuperant. Quapropter qui præter rationem aut vincuntur aut ſequuntur quippiam eorum quæ natura ſunt honeſta & bona, non laudantur. Vt ii qui circa honorem, magis quā oporteat ſtudent: aut erga filios & parentes. Etenim bona ſunt hæc: & laudantur qui circa hæc ſtudent. Attamen eſt & in hiſ exuperatio quædam: ſi quiſpiam (vt Niobe) & aduerſus deos contenderet, aut ſi erga patrem afficeretur, vt Satyrus ille qui patris amator appellabatur. Inſanire nanque nimium videbatur. Circa igitur hæc nulla eſt prauitas propterea quod vnunquodque per ſe (vt diximus) natura eſt expetibile: exuperationes tamen ipſorum improbæ ſunt, ac fugiendæ. Similiter nec incontinentia: etenim incontinentia non ſolum eſt fugienda: ſed etiā vituperanda. Ob perturbationis autem ſimilitudinem adiungentes ſingula incontinentiam circa vnunquodque dicunt: vt malum medicum, aut malum hiſtrionem, quem abſolute non dicerēt malum. vt igitur, neque hic abſolute dicitur malus, quia non eſt vitium quicquam ipſorum, ſed rationum comparatione ſimile: ſic & illic ſolam exiſtimandū eſt incontinentiam & continentiam eſſe quæ in iis eſt circa quæ temperantia, in-

temperantiaque uersatur, circa autem iram per similitudinem dicimus. Quapropter & ipsam addentes, incontinentem dicimus iræ, quemadmodum & honoris & lucri.

## Commen.

**V**TRVM autem sit quispiam incontinens & cætera. Hoc est quartum capitulum huius primi tractatus: in quo postea quam soluit primâ dubitationem positam in principio antecedentis capituli si incontinens agat sciens, necne: & si sciens agat quomodo sciens, & eam pluribus modis declarauit: nunc declarat aliam quæstionem etiam ibi secundo loco positam, scilicet utrum sit absolute incontinens, & circa quam materiam sit proprie ille qui simpliciter est incontinens. Diuiditur hoc capitulum in quatuor partes quæ patebunt. In prima parte uidetur proponere duas quæstiones. Prima est utrum quis simpliciter sit incontinens, an omnes incontinentes sint secundum quid, & aliqua ex parte, ita quod nullus sit simpliciter incontinens & absolute. Secunda est si aliquis sit simpliciter, & absolute incontinens circa quam materiam proprie sit. **P A T E T** igitur continentes. Hæc est secunda pars huius quarti capituli, in qua philosophus incipit declarare illas duas quæstiones, & primo affect materiam in genere ipsorum habituum vel dispositionum, scilicet continentia & incontinentia, constantia, & mollitudinis, & dicit eam esse circa voluptates, & dolores. Et accipit hic non tantum voluptates, & dolores corporis: sed in genere & communiter. Notandum quod omnis uirtus & vitium uersatur circa voluptates & dolores, & propterea cum continentia & constantia sint propinque uirtuti: incontinentia uero & mollitudo sint propinque uitio, ideo habitus isti siue dispositiones uidentur uersari circa eandem materiam. **Q U O N I A M** autem eorum quæ uoluptatem. Hæc est tertia pars huius capituli, in qua primo diuidit materiam circa quam in genere uersatur incontinens: deinde ex diuisione illa uenatur incontinentem & continentem simpliciter, & dicit quod afferentium uoluptatem quædam sunt necessaria: quædam expectanda per se, sed suscipiunt exuperationem & excessum uituperandū, ut honores & diuitiæ & alia huiusmodi, circa quæ excessus fieri potest, & defectus, ut antea uidimus. Et hæc dicuntur de se expectanda, non tamen ut felicitas vel uirtus quæ non suscipiunt excessum vel defectū, ut in præcedentibus declarauit philosophus. Efficit enim excessus ipse & excessus & defectus, & posset fieri, processus in infinitum: sed circa illa potest fieri excessus expectado plusquam oportet. & quanuis dicantur de se expectanda, sunt tamen ob aliud: cum ordinentur ad uirtutem & felicitatem. Qui igitur circa hæc quæ efficiunt uoluptatem & non sunt necessaria, excedunt præter rationem rectā, non dicuntur absolute, & simpliciter incontinentes, sed cum hac additione ut incontinens circa honores vel circa diuitias, & huiusmodi, ita ut nisi adderetur illud, scilicet circa honores vel diuitias non intelligeretur. Sed cum dicitur incontinens, non addendo aliud, intelligitur circa voluptates corporis, quia proprie tales dicuntur incontinentes, sed illi alii dicuntur per similitudinem, & cum additione, sicut homo in olympia uictor, cum hac additione dicitur homo, scilicet, homo uictor qui & si habeat rationem communem cum homine, differt tamen ab homine, & ab seipso ut est homo simpliciter, & à sua ratione propria cum alia sit eius ratio qua homo est, & alia qua homo in olympico uictor. Sic est alia ratio incontinētis qua incontinens est simpliciter, & absolute, & alia qua incontinens secundum quid. Hoc deinde probat philosophus à signo, & communi hominum sermone, nam incontinentia circa voluptates corporis, quæ est absoluta, talis uituperari solet, quia aut est uitium, aut aliqua ex parte & propinqua uitio: sed incontinentia dicta secundum quid non uituperatur ut uitium, sed solū ut delictum quoddam reprehenditur. His dictis ostendit philosophus eos qui sunt incontinentes simpliciter. & dicit quod sunt illi qui uersantur circa voluptates corporis, circa quas uersatur temperans, & intemperans: hæc sunt voluptates gustus, & tactus ut in tertio paruit. Tales igitur qui circa illa excedunt non eligentes, sed præter electionem dicuntur absolute incontinentes, & proprie & sine ulla additione. Signum autem huius est quod intemperantes appellari solent qui circa supradictas voluptates uersantur, & non circa illa alia: sic etiam incontinentes qui uersantur circa easdem voluptates circa quas uersantur intemperati, appellari absolute incontinentes debent: non cum additione ulla, ut hi qui uel circa iram uel lucrū dicuntur incontinentes: ex quo addit ulterius quod in eodem incontinentem ponimus, & intemperantem, quia uersatur circa eandem materiam, & ex hoc uidentur aliquo modo bene dixisse qui idem esse dixerūt continentem, & temperantem, & incontinentem, & intemperantem, sed tamen differunt ut nunc ostendit. **A T Q U E** sunt quidem. Ne uideretur ob supra dicta quod esset idem omnino incontinentes simpliciter, & ipse intemperans, & ideo statim subdit. Quod, si uersentur circa eandem materiam, non tamen eodem modo: quare differunt inter se. quod autem non eodem modo atque ex eo differant probatur. Illi inter se differre uidentur quorum alter eligens operatur, alter non eligens. at intemperans eligens, incontinens non eligens agit & operatur, ergo inter se differunt, cum diuerso modo uersentur circa eandem materiam uoluptatum & dolorum. His di-

Etis assert philosophus vnum aliud, scilicet quod magis intemperatē dicemus illum qui facile, & sine resistentia vlla parum concupiscens sequitur excessum voluptatum quā qui vehementibus cupiditatibus stimulatus excedit in voluptatibus eisdem, & per hæc verba inferre videtur quod sit deterior quam incōtinens. Nam quid faceret si cupiditas adesset iuuenilis, cum parum concupiscens tantopere sequitur voluptatem, & fugit dolores mediocres provenientes ex indigentia talium rerum quæ dicitur necessaria? ex quo patet quod est deterior, cum paruis vincatur, & ideo etiam differūt cum alter sit deterior altero. i. intemperās ipso incōtinente. Notādum quod continētia & incōtinētia dicitur proprie & improprie, vel simpliciter, & secundum quid: continētia proprie dicta versatur circa determinatam materiam. i. circa voluptates corporis secundum gustum & tactum, quæ admodum temperantia. Cōtinētia vel in continētia improprie dicta & secundum quid versatur circa honores, vel iram, vel lucrum, vel aliquod huiusmodi: sed nūquam talem appellamus cōtinētem vel incōtinētem simpliciter, sed incōtinētem cum hac additione. i. circa honores, incōtinētem circa lucrum, & sic de aliis. Notādum quod ea obiecta quæ efficere videntur voluptatem circa alimentum dicuntur necessaria, non quoad voluptatem, sed quoad nutrimentum, & ad victum, qui necessario requiritur pro cōseruatione individui in vita humana. Intelligēdum item quod Veneris vsus non est necessarius pro cōseruatione eius individui in quo est, & qui illū exercet, sed pro generatione alterius, vt patet. [CVM autem cupiditatū ac voluptatum.] Hæc est quarta pars huius capituli: in qua philosophus postea quā attulit materiam incōtinētiæ proprie dictæ, & incōtinētiæ improprie, & secundum quid, secundum illam diuisionem quam fecit: nūc addit aliud membrum, quia superior diuisio videbatur diminuta ad præsens propositum. Nam supra locutus est tantum de incōtinētia simpliciter & secundum quid, quæ clauduntur intra metas humanæ naturæ, atque ex eo videtur excludi immanitas. In hac verò diuisione videtur completi ea quæ transgrediuntur cōditionem humanæ naturæ, vt voluptates, & cupiditates immanes, & incipit iam innuere materiam immanitatis: vt paulatim deueniat ad eam quam paulo post declarat. Voluptatem igitur efficiētia tria sunt: quædam natura expetenda, vt victoria: honores & hæc superius appellauit non necessaria, & de se expetenda: quædam contra naturam vt edere carnes humanas quod est immanitatis: quædam media & hæc superius quæ hic dicit media appellauit necessaria circa corpus vel pertinentia ad corpus, aut pro cōseruatione individui, aut pro generatione alterius, vt diximus. quare hic addita est vna pars pertinēs ad immanitatem, verum in illis duobus. sc. mediis & natura expetēdis vituperari homines solent in eo quod excedunt modum, vt Niobe in amandis filiis, & ideo pœnas dedit vt referunt fabulæ poetarū. Nam Latona contrahit arcum & cætera. Vt inquit poeta ille. Afferit item exēplum de satyro qui adeo in amando patre excessit, vt inde cognomen acciperet, & patris amator sit appellatus, & demum eo mortuo sibi mortem conscruerit, & ideo infānus à philosopho dicitur. Circa igitur ista versatur incōtinens secundum quid, & dicitur incōtinens, cum circa illa excedit cum additione, & per similitudinem quædam sicut dicimus malum medicum: quem simpliciter non diceremus, malum, sed cum hac additione medicū malum. Et quem admodum hic non dicitur simpliciter malus, quia non est vitiosus, sed per similitudinem quandam, quia est malus medicus, eodem pacto incōtinens circa iram vel lucrum, & talia, dicitur incōtinens per similitudinem quandam, & ideo dicimus incōtinētem addendo circa honorem, circa lucrum & huiusmodi. Sed continens & incōtinens simpliciter, & absolute, & proprie est circa quæ temperantia & intemperantia. i. circa voluptates corporis, vel dolores respicientes gustum vel tactum: ea verò circa quæ dicitur ipsa immanitas, patebunt in sequentibus.

*Quod circa delectabilia præter naturam non sit incōtinētia, & eius duæ sint species.*

*Cap. V.*



Vm autem quædam natura voluptatem efficiant: quorum alia simpliciter, alia generibus animalium voluptatem, atque hominum afferūt: quædam non natura, sed partim ob \* morbos, partim ob consuetudinem, partim ob naturas prauas delectent: licet & circa horum singula similes habitus cernere. Dico autem ipsos immanes: vt mulierem illam quam grauidas rescindentem, fœtus deuorare aiunt, aut qualibet ferunt nonnullos circa Pontum efferos homines delectari, quorum alios inquinaui crudis, alios humanis carnibus gaudere, alios suos filios in conuiujs comedendos mutuo dare, aut id quod de Phalaride dicitur. Atque hi quidem sunt

habitus ferales. Alij autem quosdam ob morbos, & ob insaniam fiunt, vt qui mactauit matrem atque comedit: quique conferui iecur item comedit. Alij sunt ex morbo, vel ex consuetudine: vt euulsiones pilorum, & vnguium eius, & carbonum, & terræ: & insuper venereorum habitus maribus. Aliis enim natura: aliis ex consuetudine accidunt. Vt iis qui à pueritia consuescunt. Quibus igitur causa est natura, eos nemo dixerit incontinentes. Quemadmodum neque mulieres, quod venerem non agant sed patiantur: pari modo neque eos qui ob consuetudinem, morbosve se habent. Igitur singula quidem horum habere extra fines est vitij: quemadmodum & ipsa feritas. Habentem autem vincere aut vinci, non est ea quæ absoluta est continentia aut incontinentia: sed ea quæ per similitudinem dicitur. Quemadmodum & is, qui circa iram sic se habet dicendus est cum affectu, & non incontinens absolute. Omne nanque vitium exuperans & dementia, & timiditas, & intemperatía, & acerbitas, aut est feralis aut ex morbo. Nam qui talis est natura vt vniuersa formidet, etiam si obstrepuerit forex, timidus est timiditate ferali. \* Quidam etiam muscipulam ob morbum pertimescebat, & dementium qui natura quidem ratione carent, sensûque tãrummodo viuunt, immanes sunt. Quales nonnullæ nationes sunt longe habitantium Barbarorum. Qui verò nō natura, sed ob morbos vt comitalem, aut insaniam: ij sunt morbofi: fieri autem potest, vt horum aliqua quispiam interdum habeat tãrum, sed non superetur. vt si Phalaris puerum percipiens comedere, sese detineret, aut à nefanda libidine abstineret. Fit etiam vt nō solum habeat, verum etiam superetur. Vt igitur & prauitatem ea quidem quæ est humana, absolute dicitur prauitas, alia vero cum additione (feralis inquam, aut ex morbo) & non absolute: sic & incontinentia alia est feralis, alia ex morbo. Absolute autem ea est sola, quæ intemperatíæ humanæ non egreditur fines. Perspicuum igitur est incontinentiã & continentiam in iis esse duntaxat, circa quæ intemperatía temperantiãque versatur. Et in cæteris speciem aliam incōtinentiæ esse: quæ quidem non absolute, sed per translationem incontinentia dici solet.

## Commen.

CVM autē quædam natura voluptatem.] Hoc est quintum capitulum huius tractatus, in quo philosophus postea quàm declarauit circa quæ versatur incontinentia simpliciter, & proprie dicta, & item incontinentia secundum quid, sumendo ea quæ non egrediuntur terminos conditionis humanæ: nunc ostendit circa eas voluptates, quæ humanæ naturæ cancellos transeunt continentiam & incontinentiam dici secundum quid & aliqua ex parte, non autem simpliciter, & proprie. Nam antea declarauit quomodo sit incontinens proprie, & simpliciter: & item improprie, & secundum quid circa ea quæ sunt humanæ naturæ terminis nunc clausa, quomodo videtur esse incontinens improprie, & secundum quid in his voluptatibus quæ excedunt naturam humanam. Diuiditur hoc capitulum in duas partes quæ suis locis patebunt. In prima parte philosophus talem sumit diuisionem, quod eorum quæ voluptatem efficiunt, quædam natura efficiuntia sunt, quædam non sunt talia: rursus eorum quæ natura efficiunt voluptatem, quædam simpliciter sunt huiusmodi vt ea quæ sunt communia omnibus animalibus, & videntur omnibus asferre voluptatem, vt alimentum: quædam verò sunt voluptaria secundum genera animalium, quia aliud genus animalium, aliud genus alimentis delectat, vt fenum vel hordeum ipsum equum, carnes crudæ leonem: sic ergo vt

περὶ δὲ  
τῶν πρὸς  
τῇ φύσει  
διπλῶν  
ἀρετῶν.

ὁ δὲ, πρὸς  
καλὴν ἔθελον  
δύναμις  
συμ.

animalia distinguuntur genere vel etiam specie: sic ista voluptaria distingui videtur, simpliciter tamen sunt communia illa quæ cõmuniter omnia delectant animalia, vt frigidum, & humidum in potu, vel siccum & calidum in cibo. cum enim fameliscunt, appetunt siccum & calidum nutrimentum, cum sitiunt humidum & frigidum, hoc simpliciter est commune omnibus: sed postea aliud huic, aliud illi generi animalium est voluptarium, vt exemplo ostendimus: sic ergo habemus quomodo illa quæ natura efficiunt voluptatem aut simpliciter sunt, aut determinata secundum varia genera ipsorum animalium. Item illa quæ non efficiunt naturam voluptatem, sed cõtra naturam pluribus causis efficere possunt. Alia enim ob morbos delectare possunt, alia propter mores & consuetudinẽ, quædam etiam propter flagitiosam naturam atque peruersam, vt multis exemplis declarat philosophus. Nam quædam efferatæ gentes crudis vel humanis carnibus vescuntur. Itaque mulierem Lamiam fuisse tradunt in Põto regnatẽ, quæ fetus deuorabat. à qua dicunt postea appellatas eas quas vulgo lamias appellant. Alios iniquiunt filios comedendos in conuiuio tradere, vt de Phalaride aiunt, quod filium mactauit, cuius est præter ceteros, vt inquit Cicero, nobilitata crudelitas. Alij quoque ob infaniam capiunt ex aliqua re voluptatẽ contra naturam, vt ille qui conserui iecur concupiuit. Alij ob morbos vel ob malam cõsuetudinem, vt dicit in textu. [Q V I mactauit matrem.] Hic nũcupatus est Xerxes, non tamen fuit ille qui in Græciam traiecit exercitum: venus Marium ex quo patet quàm sit nefanda libido, cum sit contra naturam, & pertineat ad immanitatem. [Q V I B V s igitur causa est.] Hæc est secunda pars huius capituli, in qua declarat quomodo incõtinentia seu continentia impropria, & secundum quid esse possit circa voluptates tales, quæ excedũt humanam naturam, vbi sunt immanes. Nam cum trifariam dicantur immanes, aut à natura peruersa, aut à cõsuetudine, aut à morbo & infania: sumit philosophus primo immanes à natura peruersa, & ostendit quod tales non dicuntur incõtinentes proprie: pari modo dicitur de alijs, qui propter consuetudinẽ sunt immanes, & sese habent morbose, quod non sunt incõtinentes proprie. [I G I T V R singula istorum.] Nunc declarat philosophus quomodo fieri possit vt sit incõtinentes secundum quid circa immanitatem, & ostendit quod dicitur per similitudinem quandam, sicut dictum est de incõtinentem circa iram, & lucrum, & familia, cum additione vt vidimus: eodem modo circa immanitatem dicitur aliquo modo incõtinentes cum additione per similitudinem quãdam. Probatur, Sicut se habet prauitas ad prauitatem, ita incõtinentia ad incõtinentiam: sed prauitates quædam sunt simpliciter, quædam verò non simpliciter, sed immanes: sic continentia, & incõtinentia se habebit: nam incõtinentia circa voluptates corporis natura dicitur incõtinentia simpliciter: circa voluptates corporis contra naturam, non est simpliciter incõtinentia, sed secundum quid, & per similitudinem em. Vel dñci & argui potest hoc pacto, ostendendo quod incõtinentia immanis, non est proprie incõtinentia & simpliciter. Incõtinentia quæ transgreditur metas intemperantiæ humanæ non est simpliciter incõtinentia: at illa quæ dicitur incõtinentia immanis est huiusmodi, ergo non dicitur simpliciter incõtinentia. Nam si illa est tantum incõtinentia simpliciter, quæ non egreditur fines intemperantiæ humanæ, & quæ est circa voluptates corporis, circa quas est humana intemperantia: sequitur quod illa quæ versatur circa voluptates egredientes naturam humanam, non sit simpliciter incõtinentia, sed per similitudinem quandam, & talis erit incõtinentia immanis. Dicit ergo philosophus quod habere singula istorum quæ enumerauimus de immanitate esse extra metas vitij, sicut est ipsa immanitas. Verum habentem vel versantem circa ista: si superet, continentem: sin superetur, incõtinentem appellabimus: non simpliciter, & absolute, sed cum additione hac incõtinentem immanem, sicut dicimus etiam improprie incõtinentem circa iram cum additione talis perturbationis. Dicimus enim incõtinentem, & adiungimus circa iram: sic incõtinentem circa illa quæ transgrediuntur humanam conditionem dicemus cum additione, scilicet immanem, ne intelligeretur quod esset incõtinentes simpliciter & proprie, ideo additur illud quia non proprie dicitur incõtinentes, sed similitudine quadam. Nam omne excedens vitium, quod est immanitatis, aut est immane, scilicet vel flagitiosa natura, vel moribus ex quibus proprie videntur esse immanes, aut ex morbo quo improprie dicimus forsitan ipsos immanes. Cum igitur excedit vehementissime in timiditate supra cõditionem, & solum naturæ humanæ, talis dicitur timidus immanis, & sic de alijs: & ipse quoque incõtinentes circa ea quæ naturam humanam videntur excedere, dicitur incõtinentes immanis, & non erit proprie & absolute incõtinentes. Immanitas multis modis fieri potest, & circa multa: sed fieri etiam potest vt aliquis non superetur ab appetitu, & si cupiat ea quæ sunt immanitatis, vt Phalaridis ostendit exemplo: sed si quis habeat, & superetur, talis erit incõtinentes immanis, quare sicut prauitatis alia est simpliciter dicta, vt vitium: alia cum additione veluti vitium cum hac additione immanitatis: sic erit de continentia & incõtinentia. Nam alia erit incõtinentia secundum quid immanis, veluti ex morbo profluens, & omnes incõtinentiæ tales dicuntur secundum quid & improprie, & cum additione: alia erit proprie, & simpliciter & absolute, quæ versatur circa fines intemperantiæ humanæ. Vt igitur supradicta breuiter repetamus, ea quæ efficiunt voluptatem: alia sunt natura, alia non sunt natura. rursus ea quæ sunt natura, aut simpliciter sunt talia, & communia omnibus animalibus, vt alimentum: alia secundum genera, & varias species

animalium vt fœnum equo, carnes crudæ leoni, vinum homini, & sic de aliis similibus. Ea verò quæ non sunt natura talia, sed prætergrediuntur naturam humanam, aut propter morbum circa quæ est immanitas secundum quid, vel propter mores vel flagitiosam naturam, circa quæ est immanitas simpliciter & proprie. Hæc igitur quæ naturam excedunt humanam, & terminos vitii si quis habeat aut vincere potest aut vinci: si ea appetens tamen superet, & non vincatur ab appetitu, non dicitur continens absolute, sed per similitudinem quandam: sin verò vincatur, & superetur, dicitur incontinens non tamen simpliciter, & absolute, sed cum additione, scilicet incontinens immanis, & similitudine quadam. Notandū quod loquēdo de vitiis, & virtutibus quæ non egrediūtur naturam humanā, qui habet virtutē habet etiam rationē: qui habet vitia habet corruptam rationē: sed immanitas est quoddam excedēs vitium humanū, & quidam excessus circa vitia, vt timidas quæ longe sit maior quā cōpetat naturæ humanæ: vt si quis timeat murem & huiusmodi, dicitur timiditas immanis & similia. Huic opponitur heroica virtus, quæ etiam ipsa exuperare videtur cōmunes vires cursus humani, & ideo raro inuenitur: talis autem videtur esse summum cuiusq; virtutis, & esse etiam quoquo modo mediocritas non inter duo vitia proprie dicta, sed inter duas immanitates, & prauitates, quarum altera est excessus, altera est defectus, vt fortitudo heroica est mediocritas inter audaciam immanem, & timiditatem immanē: nec obstat si quis dixerit quod magnanimitas consistat in summo, quia ipsa versatur circa magnū cuiusque virtutis, communi cursu hominum: heroica autem est circa magnum cuiusque virtutis: quod est supra communem cursum humanæ naturæ, quare illa est in summo vt non superet communem cursum, hæc est in summo ita vt superet sicuti diximus, & sic soluitur dubitatio.

*De incontinentia iræ: voluptatum differentiis, & vitio humano. Cap. VI.*

**I** Ost hæc autem & minus esse turpem, iræ quā cupiditatem incontinentiam ostendamus. Ira nanque aliqua ex parte & non perfecte rationem audire videtur: perinde atque veloces ministri. Qui quidem anteaquam totum id audierint quod dicitur, excurrunt: deinde in agendo aberrant. Canes etiam anteaquam considerent si sit amicus, si tantum pulsauerit ostium, latrant: sic & ira propter caliditatem, celeritatemque naturæ audita quidem ratione, non præcepto autem audito: ad ipsam properat vltionem. Ratio nanque vel imaginatio contumeliam aut paruipensionem esse ostēdit. Illa autem ac si ratiocinatione facta concluderit oportere tali bellum inferre: statim insurgit. At cupiditas si solum dixerit ratio aut sensus hoc afferre voluptatem, pergit ad fruēdum. Quare ira quidem sequitur quodam modo rationem: cupiditas autem non sequitur. Turpior igitur est, Nam incontinens quidem iræ à ratione quodam modo vincitur: cupiditatis autem non à ratione sed à cupiditate. Præterea magis est ignoscendum, si quispiam naturales appetitiones sequatur. Quippe cum & cupiditates tales sequenti quæ sunt omnibus communes, & quoad communes sunt, venia magis detur. At ira atque acerbitas magis est naturalis, quam ex cupiditates quæ exuperant, & quæ non sunt necessariae. Vt qui se excusabat quod patrem pulsaret. Et hic enim dixit suum patrem pulsabat, & ille suum: & hic etiam (ostenso puero) cum vir fuerit, ne pulsauit. Est enim nobis gentile. Et qui trahebatur à filio, sistere iubebat in ostio: & se enim patrem eousque traxisse dicebat. Præterea iniusti magis sunt ij qui magis occulte procedunt, ac insidias faciunt. Atqui iracundus igitur non insidias facit, nec ira, sed est



manifesta. Cupiditas autem contra, quemadmodum Venerem aiunt. Nam ipsam dolos neccere dicunt. Et Homerus baltheum ipsi tribuit in quo fraudem etiam inesse dicit. Fraus quoque inest: quæ prudẽtem per sæpe fefellit. Quare si cupiditas magis sit iniusta quàm ira, & incontinentia quæ est circa ipsam, turpior erit ea quæ est circa iram, & absolute incontinentia atque quodam modo vitium. Insuper nemo vitur libidine dolens. Sed qui facit per iram, dolens omnis facit: qui vere exequitur libidinem, id facit cum voluptate. Si igitur ea sunt magis iusta quibus irasci magis iustum: & incontinentia profecto quæ fit ob cupiditatem, magis erit iniusta: non est enim in ira libido. Incontinentiam igitur circa cupiditates. Turpiorem esse incontinentiam circa iram: & incontinentiam atque incontinẽtiam circa corporis cupiditates voluptatẽque versari, ex iis quæ diximus perspicuum iam euasit. Harum autem ipsarum differentiarum sunt sumendæ. Nam (vt ab initio diximus) aliæ sunt humane ac naturales & genere, & magnitudine: aliæ ferales, aliæ ob labefactatũ principium atque morbos emergunt. Circa autem harum tantummodo primus: temperantia, intemperantiæque versatur. Quapropter & feras nec temperatas nec intemperatas nisi per translationem dicimus: & si quo omnino aliud genus animalium ab alio differt petulantia, coitu, voracitatẽque. Non enim habent electionem, nec rationem, sed dimotẽ sunt à natura: perinde atque homines qui sunt mente capti atque insani. Feritas autem minus est malum, quàm vitium: sed terribilius est. Nõ enim corruptum est id quod est optimum: vt in homine \* sed non habet. Fit igitur perinde atque si quispiam inanimatum animato compararet, vtrum sit peius. Semper enim prauitas eius quod non habet principium minus nocere potest. At mens principium. Perinde est igitur atque si quispiam iniustitiam ad iniustum hominem cõpararet. Est enim vtrumque aliquo modo peius. Homo nanque malus milles plura mala, quàm fera facere potest.

## Commen.

39 **P**OST hæc autem incõtinentiam iræ minus.] Hoc est sextum capitulum huius tractatus, in quo philosophus postea quàm distinxit incõtinentiam simpliciter & incõtinentiam secundum quid, & obiecta vtriusque & materiam immanitatis: nunc cõparat incontinẽtiam simpliciter, & proprie dictam ad incontinentiam iræ quæ est incontinentia secundum quid. Diuiditur autem hoc capitulum in duas partes. In prima comparat incontinentias illas vt diximus, & quærit vtra sit deterius. In secunda verò comparat vitium proprie dictum. i. vitium humanũ ad ipsam immanitatem. In prima igitur proponendo intẽtionem suam dicit deterius esse incontinentiam cupiditatis quàm iræ, & iræ minus turpem, & hoc probat quatuor rationibus. Prima ratio. Id quod aliquo modo audit rationem, esse videtur minus turpe quàm illud quod nullo modo audit rationem, sed ira audit quoquo modo rationẽ, & si non omnino: at cupiditas non audit rationem, ergo turpior videbitur cupiditas & libido, quàm ira: & minus turpis ira quàm cupiditas, & ex consequenti incõtinentia iræ videbitur minus turpis quàm incontinentia cupiditatis. Quod autem ira aliqua ex parte videtur audire, non tamen exaudire & exequi ostendit duobus exemplis, quorum vnum est serui accelerantis, & non expectantis omnino præceptum domini. Aliud est canis latrantis antequam sciat si sit amicus. Notandum quod interest inter incõtinentiam simpliciter quæ est cupiditatis atque libidinis, & incõtinentiam iræ. Quia hæc videtur ali-

45 Magnitudine. i. acceptæ in excessu & quantitate, non transeundo tamen fines humanos, & si in excessu acceptæ sunt praua, & fugienda vt patet. [FERITAS autem minus.] Comparat nunc philosophus vitium humanum cum immanitate, atque intelligendum quod sicut intemperantia est circa illas primas cupiditates: sic immanitas simpliciter circa secundas que dicuntur immanes, & immanitas secundum quid ea quæ ex læsionibus membrorum vel mo. bis emergunt. Oñedit igitur philosophus quod feritas siue immanitas minus est malū. i. minus nocium quàm vitium, tamen est terribilius posito quod vtrique sint praua. hæc duæ conclusiones vno medio videntur posse ostendi, hoc pacto. Illud prauum quod est cum ratione videtur esse deterius magisque nocium, quàm illud quod non est cum ratione: sed vitium humanū respectu feritatis videtur esse huiusmodi: ergo vitium humanū videtur esse peius magisque nocium quàm feritas vel immanitas. Eodē medio probatur quod immanitas sit malum terribilius, quia illud à quo ratio distinguitur est terribilius eo à quo non distinguitur: sed feritas respectu vitii est huiusmodi, ergo est terribilius. Patet ratio quia ferus vel immanis omittit rationem, sed vitiosus est cum ratione, licet corrupta. Nam viuere cum ratione bifariam ad hoc propositum considerari potest, aut integra, aut corrupta. Veluti iudex qui sciat quid velint leges, tamen corruptus non iudicat secundum scientiam legum quam habet. Iudicat enim cum cognitione illa, & scientia, non tamen secundum scientiam & rationem. Ferus & immanis, nec primo, nec secundo modo dicitur viuere cum ratione, licet habeat rationem, & animam rationalem, ideo dicit philosophus quod non habet corruptum id quod est optimū in homine. i. rationem vt habet homo vitiosus, sed est omīssa, & exilis propterea dicitur Græce *βέλους*. i. instar belluarum. post hæc adducit similitudinē philosophus, quia intelligatur natura feritatis, & vitii humani, scilicet quod sit perinde ac si comparetur inanimatum cum animato, quasi dicat, tanta est distantia inter vtraque ista: quanta est inter animatum & inanimatum: ita vt non videantur posse commode comparari. Ea enim quæ comparantur debent comparari in aliqua propinqua ratione in qua cōueniant. at animatum ab inanimato vehementer distare videtur. Vel etiam intelligi potest quod comparētur, sed oportet inuenire rationem communem secundum quam comparentur, & aliquid commune: id autem erit nocumētum, quasi dicat vtrique nocua sunt, sed magis vitium quàm feritas, vt animatū magis quàm inanimatum: postea addit aliam similitudinem, quod sicut se habet iniustitia ad iniustum, ita feritas ad vitium humanum. Nam cum iniustitia non habeat principium quo perse non videtur ita lædere nisi respectu eius in quo est, sicut ipse iniustus qui est principium quod, & habet iniustitiam principium quo: eodem pacto vitiosus & ferus cum vtrique sint mali. i. nocui: tamen homo vitiosus cum habeat rationem licet corruptam plura nocumenta facere potest quàm fera non habens rationem, vel ferus, & immanis omittens rationem.

*De continente, incontinente, constante, & molli.*

*Cap. VII.*

46 **I**t autem vt circa voluptates dolorēsque per tactum, gustumque & cupiditates ac fugas, circa quæ versari tēperantiam & intemperantiam prius est definitum: ita sese habeat quispiam, vt aut superetur ab iis ipsiis quæ plerique superāt homines, aut superet ea ipsa à quibus plerique vincuntur. Atque si circa voluptates ita sese habeat: primo quidē modo incontinens est: secundo autem cōtinens. Sin circa dolores, primo quidē modo mollis est: secundo autem constans. In horum autem medio plurimorum hominū habitus collocantur: etsi ad deteriores magis 47 declinant. Quoniam autē quædam voluptatū sunt necessaria, quædam non necessaria, & vsque ad quædam terminum: exuperationes verò defectiōesve non sunt necessaria. Et simili modo res sese habet & in cupiditatibus, atque doloribus. Qui voluptatū exuperationes, aut exuperantes voluptates ob electionem atque ob ipsas, & ob nullā rem aliam inde prouenientem prosequitur: intemperans est. Hunc enim non pœnitere necesse est. Quare est incurabilis. Quem enim non pœnitet, is est 48 incurabilis. Qui verò deficit, oppositus est: atqui qui inter hos medius collocatur: temperans est. Similiter intemperans est, & qui (non quia vincitur, sed ob electionem) dolores corporis fugit. Eorum autem qui

alius ob voluptatem: alius ob eius fugam doloris, qui à cupiditate prouenit: ducitur. Quare inter sese differunt. Cuilibet enim deterior esse videbitur: si quis non cupiens, aut remisse, quippiam ageret turpe, quam vehementer cupiens, & si non iratus pullaret, quam concitatus ira. Quid enim ageret: si esset in perturbatione? quapropter intemperans incontinente deterior est. at eorū quos diximus, alter mollitudinis magis subicitur speciei, alter est incōtinēs. Atque incōtinenti quidē continēs: molli vero cōstans opponitur. Cōstantia nāque in resistēdo: cōtinentia vero in superādo cōsistit. Sūntq; diuersa resistere ac superare: sicut haud vinci & vincere. Quapropter & cōtinentia magis q̄ cōstātia est expetenda. Qui autē aduersus, quæ plerique resistunt & possunt, deficit: is mollis est atque delitiis diffuēs (delitiæ nāque sunt mollitudines quædā) qui quidē vestem trahit, ne subeat laborem tollendi, & cū imitetur ægrotantem: se non putat miserum esse, qui misero similis est. Similiter res se habet, & circa continentiam & incontinentiam. Nō est enim mirū si quis à vehementibus exuperantibus, aut voluptatibus, aut doloribus vincitur: quin ignoscendum est si resistens vincitur tandem: vt Theodecti poetæ Philoctetes, à serpente morsus. Aut Carcini Cercyon in Alope: & vt homines ij qui detinere risum enitentes accumulatum illum effundūt: vt accidit Xenophanto. Sed si quis iis quibus multitudo resistere potest: succumbit, & non aduersari potest, nō ob generis naturam aut ob morbum qualis est mollitudo quæ regibus Scytharum inest ob genus. Et vt fœmella à maris distat natura. Videtur autem & is quis est ad iocum propensior, intemperans esse: est tamen mollis. Nam iocus relaxatio est: siquidem requies est. Qui vero ad iocum procliuus est: ex iis est qui in hac exuperant. Atqui in continentia alia est temeritas, alia infirmitas. Quidam enim deliberatione facta, nō persistunt in iis quæ statuerūt ob perturbationem: quidam ex eo quia non consularunt, à perturbatione ducuntur. Sunt enim qui ante sentientes & prauidentes: ac seipsos rationemque excitantes, non superantur à perturbatione, siue voluptatem id quod mouet, siue dolorem efficiat, peinde atque pratitillati non titillantur. Maxime autē celerēs ac biliosi atra bili: temeraria incontinentia sunt incontinentes. Illi enim velocitatē: hi ob vehementiam, non expectant rationem: ex eo quia ipsius sunt imaginationis sequaces.

## Commen.

**F**IT autem vt circa voluptates molestiasve. ] Hoc est septimū capitulum huius tractatus, in quo philosophus affert differentias istorū habituum. scilicet temperantiæ, cōtinentiæ, cōstantiæ, & oppositorum, comparādo ea inter sese, vt cum videantur versari circa eandem materiam, videamus quomodo distinguātur. Diuiditur autē in duas partes, quæ suis locis declarabūtur. In prima igitur ostēdit differētiā inter incontinētiā, & mollitudinem, & eorū opposita, scilicet cōtinentiā & cōstantiā, cum omnes versentur circa dolores, & voluptates corporis, tactus, & gustus, aut fugiendo, aut prosequēdo circa quæ versatur tēperantia, & intemperātia. Dicit ergo quòd dupliciter versantur homines circa voluptates, & dupliciter circa dolores. Nā vt superātur à voluptatibus iis, quas pleriq; vincūt, & sic sunt incōtinentes: aut superant voluptates à quibus

quo modo audire rationem: illa verò minime. sed hoc intelligendum de incōtinentē cum est in perturbatione & agit. Nam incōtinentis cōsiderari potest aut antequā perturbatione occupetur, & tunc habet sciētiam, & rationem, quia adhuc viget in eo cum non sit adhuc victus: aut considerari potest perturbatione irretitus à qua vincitur ratio, & tunc proprie dicitur incōtinentis, & hoc modo dicitur quòd non audit neque exaudit rationē. vnde & si in ea perturbatione constituto afferatur aliquod obiectū sensum mouens: fertur statim sine ratione ad illud assequendum vt potius si fieri possit: incōtinentis secundum iram videtur quoquo modo discurrere cum ratione: postea tamen ea posthabita cōcludit secundum appetitum excedēs modum. [P R A E T E R E A magis est dāda.] Afferit secundum rationem, illud quod est naturalius est minus turpe quā 43  
id quod est minus naturale: sed ira est naturalior quā cupiditas, ergo ira est minus turpis quā cupiditas atque libido: & ex consequenti incōtinentia irae est minus turpis quā incōtinentia cupiditatis atque libidinis, & ideo videtur maiore venia digna illa quā hæc, cum sit affectus naturalior vt ostendit philosophus ex successione generationis à parentibus accepta, & afferit exemplum eius qui patrem verberauit, à quo suus quoque parens fuerat pulsatus. Ex quo videtur inferre quòd magis similes sint patribus filiis, videtur quòd ira sit naturalior quā libido, quæ non ita videtur fluere ex principiis complexionis, & generationis, quemadmodum ira, vt innuere videtur philosophus: ex quo sequitur illa principalis conclusio quod incōtinentia secundum iram minus erit turpis, ex eo quod est naturalior, quam incōtinentia cōcupiscentiæ & libidinis. Notandum quòd nutrimenta quæ appellantur necessaria bifariam considerari possunt: aut secundum debitam quantitatem, & qualitatem, aut excessiue in quantitate, & qualitate: primo modo naturalissimæ & necessariae omnino esse videtur cum sine illis vivere non possimus. Secundo modo minime sunt necessariae vt dicit philosophus. Non enim nimia quātitate alimēti aut qualitate saporum indigemus. Itaque si excessiue aut superflue accipiantur, videtur esse contra ordinem naturæ, veluti faciunt ij qui variis epulis gaudent, aut ex multis saporibus vnum conficiunt, aut nimia quantitate ventrem implent, & ob hanc rationem cupiditates circa huiusmodi quæ non sunt necessariae videtur minus esse naturales quā ira. De re autem venerea dictū est sapius quòd nullo modo est necessaria pro indiuiduo in quo est, sed tātum pro generatione alterius. [P R A E T E R E A magis iniusti.] Tertia ratio. Illa incōtinentia quæ magis est iniusta turpior est quā minus iniusta: sed incōtinentia circa cupiditatem est huiusmodi respectu incōtinentiæ circa iram, ergo incōtinentia cupiditatis est turpior illa. Patet ratio, quia est magis iniustum quod vitur insidiis quā manifeste, & aperte procedens & operāns: sed incōtinentia cupiditatis, & ipsa cupiditas videtur esse huiusmodi, quia videtur latenter irrepere & dolis vti, quod declaratur auctoritate poetarum, qui vocāt venerem dolosam, & Homerus dicit baltheum Veneris esse varium, & multorum colorum, & in ipso loco fraudem inesse quæ posset etiam decipere prudentes. Notandum quòd philosophus dicit incōtinentiam simpliciter quæ est cupiditatis, esse turpiorem quā incōtinentiam iræ, & esse quodāmodo vitium, non quòd sit proprie vitium, sed quia sit vitio propinquior quā incōtinentia iræ. [I N S V P E R nemo libidinem.] Id cui magis succensumus, & cōtra quod magis indignamur, est deterius quā id cui minus. at incōtinenti circa libidinem magis succensumus quā incōtinenti circa iram: ergo videtur esse deterius. Nā magis indignamur contra eum qui cum voluptate agit, quā ei qui cum dolore: & incōtinentis est talis quòd agit cum voluptate, ergo videtur esse deterius. Concluditur ergo quòd incōtinentia circa voluptates est deterius quā circa iram vt patuit ex si pradiictis, & simul etiam patet ex dictis quòd ipsa incōtinentia & cōtinentia proprie dicta & simpliciter est illa quæ circa cupiditates, & voluptates corporis versatur. [H A R V M autem ipsarum differentia:] Hæc est secūda pars huius capituli, in qua philosophus comparare vult inter se vitium humanū, & immanitatem, ostēdendo quòd immanitas siue feritas minus est malum quā vitium, & si sit malum terribilius. Refumit autem diuisionē antea factam cupiditatum, quarum aliæ humanæ naturales sunt, & genere & magnitudine humanæ: aliæ verò dicitur immanes natura, scilicet vel consuetudine vel ex morbo, verum circa primas cupiditates est temperantia & intemperantia, & facit hanc mentionem vitij proprie dicti, scilicet intemperantia, vt veniat ad comparationem vitij & immanitatis. Atque statim ex iis infert vnum correlarium quòd bestia non dicuntur esse temperatæ neque intemperatæ, nisi per similitudinem quandam cum excedūt in deuorando vel in aliquo nouimento, vel in libidine, & aliquo huiusmodi: non tamen proprie dicuntur tales, cum non habeant rationē neque electionem. Vbi enim non est ratio, non est electio neque vitium neque virtus proprie dicta: bestia autem non habet rationem neque electionem, ergo nec vitium nec virtutem proprie. [E T si quid, omnino.] Intelligi potest hoc pactō vt philosophus comparat istas bestias quæ trāseunt naturam sui generis in aliquo dictorum trium s. deuorando, & cætera, ad homines immanes vt ostendat homines immanes esse excedendo naturam in genere suo, veluti bestias quasdam transientes naturam sui generis: vel quia differant aliis differentiis ipsa bruta inter se, cum non habeant rationem neque electionem, & ex consequenti nec temperantiam nec intemperantiam nisi per similitudinem quandam & improprie. 44

plerique vincuntur, & sic sunt continētes. Eodem modo circa dolores, ii qui superātur à doloribus quos plerique vincunt molles: qui verò superant dolores à quibus plerique vincuntur constantes appellantur. Quatuor igitur habitus sunt vel dispositiones vt apparet. scilicet continētia & incontinētia, constantia & mollitudo, inter quæ differentia per voluptates & dolores patet ex supradictis. Verum inter hæc plurimi habitus quoquo modo mediū reperiūtur, qui non sunt omnino continētia vel constantia, nec incontinētia vel mollitudo, & versantur circa eadem. Nam cum multi sunt gradus circa vehementes & leues voluptates aut dolores, sit etiam vt multi sint habitus. Nam in continens superatur non solum à vehementibus cupiditatibus, sed etiam interdum ab iis quas plerique superant: continens verò superat vehementes cupiditates, quod si quis leues superabit videtur esse minus perfectus quàm continens, nec imperfectus vt incontinens: sic etiam qui magis resistit doloribus quàm mollis, & minus quàm constans, quare inter illa quatuor quidam habitus vel dispositiones collocari videntur quasi mediæ, declinantes tamen magis ad imperfectiōem, & ad deteriores partes. i. magis ad mollitudinem, & inconstantiā declinat quàm ad continētiā, & constantiā, vt dicit philosophus. Notandum quod continens & incontinens, constans, & mollis versantur circa voluptates, & dolores: tamen incōtinens magis est circa voluptates: mollis verò circa dolores. Nam incōtinens vt fruatur voluptatibus magis agit  
47 mollis verò vt fugiat dolorē, qui quidem oriri videtur ex absentia voluptatum. [QVONIAM quædam voluptatum.] Distinguit hac in parte philosophus continētiā & incontinētiā à temperantiā & interperantiā, ex qua distinctiōe emergit etiam manifestius differentia inter continētiā & constantiā. Nam cum omnes isti habitus siue dispositiones circa voluptates, & dolores eiusdem generis versentur: oportet vt philosophus quemadmodum facit diligenter distinguat & earum differentiam ostendat ex diuersis modis versandi. Sumit ergo diuisionem voluptatum vt fecit sæpius, dicendo, quod voluptatum quædam sunt necessaria, vt sunt ex quæ ad viuendum pertinent vsque ad debitum terminū quantitatis, & qualitatis, comitantes alimentum. Quædam verò non necessaria: vt ex quibus homo carere potest, aut circa honores vel huiusmodi, quæ habent etiam quendam modum: vel sunt excessus, & defectus earū quæ ad viuendum pertinent, & nutrimentum comitantur. Nam & si cibum, & potum quædam voluptates necessario consequantur vsque ad debitum terminum dicuntur necessaria, sed excessiones, aut in quantitate vel qualitate, vel defectiōes non dicuntur necessaria, & idem quod de voluptatibus dicitur, de cupiditatibus dici potest & doloribus, quia similis ratio esse videtur. Hac distinctiōe allata dicit philosophus quod ille qui per electiōem persequitur voluptates excedēdo dicitur intemperans: qui verò deficit, erit in altero extremo. i. insensibilis quidam vt in tertio vidimus: qui verò mediocritatem seruat vt oportet, & quomodo oportet temperans erit medius inter istos. at etiam qui per electiōem fugit dolores prouenientes ex absentia voluptatū per electiōem inquam fugit, & non quia vincatur, intemperans quoque erit. Nam si ex eo fugeret dolores, quia vincatur non per electiōem esset mollis. Eorum. n. qui non eligunt si voluptatibus vincatur erit incontinens: si fuga doloris qui prouenit ex cupiditate absentium voluptatum dicitur mollis. ex diuersis igitur versandi modis oritur differentiā istorum habituum. Aliud est per electiōem sequi voluptates excedendo, & per electiōem similiter fugere dolores prouenientes ex cupiditate absentium voluptatum quod est intemperantis. Aliud est non eligēdo, sed quia pugnando succumbit appetitui voluptatē sequi quod est in continētis: aliud item dolores proueniētes ex cupiditate absentium voluptatum, non per electiōē fugere quod est ipse mollis. Diuersi. n. sunt isti modi versandi, & se habendi circa huiusmodi voluptates & dolores, in ipso autem temperato non fit repugnātia appetitus cum ratione, quia statim cedit appetitus rationi: in ipso verò incōtinente, & cōstante pugnat ratio cum appetitu & vincit, in ipso autem intemperato non fit etiam pugna, quia statim ratio cedit appetitui, & eligit extēplo voluptates, & eligit propter ipsas, & non propter aliquid aliud, quod addidisse videtur philosophus, quia si persequeretur voluptatem ob aliquid aliud veluti ob lucrum vel huiusmodi non diceretur proprie intemperatus, vt ostendit in quinto pluribus in locis. Nam si quis inquit lucrandi causa cōmittit adulterium atque accipit, quidam erogat damnūque patitur ob libidinem: hic quidem intemperans magis quàm plurius ille iniustus sed non intemperans magis esse videbitur. significatur enim habitus cum aliquis per electiōem agit, & propter illud tale quod persequitur: vt si quis per electiōē furatur vt furetur, & persequitur voluptates propter voluptates vt ipsis potatur, sed hæc antea vt diximus declarauit. [INCVRABILIS.] Non simpliciter, non enim putandum est hominem vitiosum omnino sanari non posse, sed respectu incontinētis qui facilius sanari potest cum habeat rationē incorruptam, & cum delinquit pœnitentia fecisse rem turpem. [CVI-  
49 LIBET enim deterior esse videbitur.] Posteaquam attulit differentias inter hos habitus: nunc comparat inter se, & primo ostendit intemperantem esse deteriore incontinēte, hoc pacto, Ille qui non cupiens, aut parum cupiens agit turpe est deterior illo qui idem facit propter vehementes cupiditates: sed intemperans agit turpe parum cupiens, incontinēs verò valde, & magis cupiens: ergo intemperans erit deterior incōtinente, & hanc rationē probat philosophus exemplo irati. [A T eorum quos diximus.] Hac in parte ostendit continētiā esse præfatiorem ipsā



constātia: & probat hoc pacto, qui vincit est præstantior eo qui resistit tātum: sed cōtinens non solum obstat, sed etiā vincit: cōstans verò tantum resistit. ergo cōtinens est præstantior cōstante. Nam cōstans resistit doloribus qui proueniūt à cupiditate absentiū voluptatum: continēs verò, nō solum resistit cupiditatibus voluptatū, sed etiā superat & ulterius progreditur vincere quā resistere: quare potior videbitur esse continētia quā cōstantia. [ QV I autē ad aduersis. ] Hæc in parte videtur declarare philosophus mollitudinē & incontinentiā, & dicit quòd is est mollis qui facile vincitur à doloribus, quibus multi homines resistere solēt, & qui delitiis dissoluit: similiter incontinentes erit qui à voluptatibus superatur, quas maior pars hominū superat. & isti sunt deteriores quā illi, qui à vehemētibus voluptatibus vel doloribus superantur: quia non videtur esse omnino isti qui à vehemētibus superantur molles, & ideo dicit eos esse dignos venia, non quòd sint simpliciter digni venia, sed respectu illorū superiorū qui à leuioribus voluptatibus vel doloribus superantur: quare isti qui habēt aduersarios potētiores, videntur digni maiore venia, vt ostendit pluribus exēplis, vt Philoctetē inducit tragicus poeta Theodestus morsum serpētis aliquanto tollerātem, victū deinde magnitudine doloris exclamātem, & succūbentem dolori, & c. Itē Cercinus tragicus inducit Cercionē quendam, qui non potuit ferre dolorē proueniētem: sibi ex filia violata, ex quo tandem est mortuus, cum tamen aliquā diu sustinisset dolorē. Item vt Xenophātus quidam, qui nitēs tenere risum in cōuiuio: vbi aliquātulum sustinuit, tādē facietis superatus risum effudit. Tales igitur qui magnos dolores non sustinēt, quoquo modo habēt aliqua ex parte occasione venia: & magis ignoscēdum est iis quā illis qui succūbunt doloribus, quibus multitudo resistere potest: succūbunt inquā non morbo aut debili quadam natura, vt regibus Scytharū euenit, qui sunt natura molles, sed ob delitias, & mollitudinem quā dā. Nos si pes cōdoliūt, vt inquit Cicero, si dens, sed fac totū dolere corpus ferre non possumus. Opinio est quā dā effeminata ac leuis, nec dolore magis quā in eadē in voluptate, quā cum liquefcimus fluimus mollitia. Apis aculeū sine clamore ferre non possumus, & c. Et notādum quòd philosophus attulit exēplum de facietis in cōuiuio, ne aliquis crederet illū esse quoquo modo venia dignū qui superatur à voluptatibus circa gustum & tactum: sed dixit de voluptatibus mouentibus risum, vt vidimus supra. Præterea ne aliquis putaret eum esse intemperatē, qui ad iocū est propēsiōr, addit hūc esse potius mollem appellandum, qui excedit in nimia relaxatione, & ludo, ob fugiendum laborem, & molestiam ex rebus agēdis, quærēs etiam vilia, & ludos interdū pueriles, & non est comis nec scurrā, sed molestiam fugiēs ex rebus agēdis, & sequēs nimium iocos, & ludos pueriles, vnde Græce dicitur *παυδολος*. [ A T qui incontinentia. ] Hæc est secunda pars huius capituli in qua philosophus diuidit incontinentiā in duas species. scilicet in temerariam incontinentiam, & infirmam. Nam bifariam fieri possē videtur vt incontinentes labantur ad voluptates: aut præcedente consultatione, & deliberatione, & tunc appellantur incontinentes infirmi: aut non præcedente, & tunc dicūtur temerarii, & celeres sine cōsideratione. Ideo dicit philosophus quòd quidam rapiūtur qui non cōsultant. quidam verò non persistentes ob infirmitatem animi voluptatibus tādē cedūt, & si antea cōsultent: sunt autem nōnulli qui persistūt, quare præmittentes cōsultationem & deliberationem bifariam cōsiderari possunt: aut persistentes in ea aduentantibus perturbationibus, aut non persistentes: non persistentes sunt incontinentes infirmi: persistentes ergo erūt illis oppositi. i. continētes firmi, qui sunt similes illis. Qui prius titillati. i. præfricati, vt ita loquar, antea, postea non titillantur: quasi non mouentur cum præmisserint cōsultationem, & se præparauerint & rationem excitauerint, sed persistent. at temerarii & celeres, qui sunt acuti, & melancholici maxime agunt incontinententer secūdum eam incontinentiā quam appellant temeritatem, quia acuti propter velocitatem cholera cito agunt. Illi verò melancholici celeriter agūt, quia habent vehementes imaginationes propter humorem atrum, & ducūtur vehemētī phantasia potius quā ratione: ideo neutri rationem expectāt. Quare cum cholericī & melancholici statim vt temerarii labantur, sequi econtra videtur quòd flegmatici, & sanguinei tardius ferantur vt infirmi: & sic apparet quòd & ambo sint incontinentes, tamen diuersi sunt modi, & diuersæ species, quas etiam inferius comparabit inter se in sequenti capitulo.

## Discrimen incontinentis ab intemperato.

## Cap. VIII.



T verò intēperantem quidem nō pœnitet, vt est dictum. In electione nanque persistit. Incontinens autem facilis est omnis ad pœnitentiam: quocirca non ita res sese habet, vt dubitauimus. Sed ille quidē incurabilis: hic autem est curabilis. Vitium. n. morbis est hisce persimile: aqua intercuti inquam, & tibi. Incontinentia verò, morbo comitrali. Etenim illud, cōtinua: hæc non continua est improbitas. Atque omnino diuer-



35 sum est genus incontinentiæ, atque vitij. Vitium enim latet: incōtinen-  
 tia vero non latet. Horum autem ipsorum ij qui ante rationem ducun-  
 tur, meliores iis sunt, qui rationem quidem habent, non autem persifit  
 in ea. A minore nāque perturbatione vincuntur: & non absque delibe-  
 ratione, vt illi. Incontinens enim similis est iis qui cito fiunt ebrij: & pau-  
 36 co vino: & pauciore quā plerique. Patet igitur incontinentiam vitium  
 nō esse: nisi aliqua ex parte fortasse. Nam hæc quidem est præter electio-  
 nem: illud autem cum electione. In actionibus tamen est similitudo, vt  
 Demodocus in Milesios dixit. Milesij nanque insipientes quidem non  
 sunt: ea tamen faciunt quæ agunt insipientes. Et incontinentes iniusti  
 quidem non sunt: iniuriam tamen faciunt. Cum autem alter sit talis: vt  
 non ex eo quia est ipsum persuasum, exuperantes corporis voluptates,  
 præterque rationem recta sequatur, alteri sit persuasum, propterea quod  
 talis est vt ipsas sequatur: illi quidem dissuaderi facile, huic autem haud  
 facile potest. Principium enim ipsum, virtus quidem conseruat: vitium  
 vero corrumpit. Id autem gratia cuius, principium est in actibus: perinde  
 suppositiones ipsæ in mathematicis. Neque igitur ibi docēdorum  
 principiorum est ratio: neque hic. Sed virtus aut naturalis, aut \* assuetu-  
 37 dine parta, causa est opinandi circa principium recte. Talis igitur homo  
 temperans est, at cōtrarius est intemperans. Est autem quidem alius, ob  
 perturbationem à recta ratione discedēs: quem perturbatio vt non agat  
 quidem vt recta ratio iubet, superat. Vt sit autem talis vt ipsi sit persua-  
 sum oportere persequi voluptates libere, tales non vincit. at hic est in-  
 continens, qui quidem intemperante melior est. Nec est absolute pra-  
 uus, cōseruatur enim id in ipso, quod est optimum, principium inquam  
 ipsum. Alius autem est huic contrarius: is qui persifit, & non ob pertur-  
 bationem à ratione discedit. Ex his igitur patet hūc quidem studiosum:  
 illum autem, improbum habitum esse.

## Commen.

53 **A**T VERO intemperantem quidem. ] Hoc est octauum capitulum huius tractatus, in quo  
 philosophus posteaquam attulit differentiam inter temperantiam, & cōtinentiam, atque  
 eorum opposita, & duas attulit species incontinentiæ: nunc comparat intemperantiam, &  
 incontinentiam, quod & si in præcedenti capitulo paucis verbis fecerat, & quasi inci-  
 denter: tamen nunc id facere vult pluribus rationibus, vt apertius eorum differētia intelligatur:  
 simul vt soluat quæstionem quam disserendo antea mouit. Diuiditur autem hoc capitulum in  
 duas partes, quæ patebunt. In prima igitur parte philosophus incipit ostēdere differentiam inter  
 incontinentem & intemperantem. & probat intemperantem esse deteriore in cōtinentem tribus  
 rationibus. Prima ratio, Is quem post rem turpem actam non pœnitet, est deterior eo quem pœ-  
 nitet. at ipsum intemperantem non pœnitet, incontinentem pœnitet: ergo intemperans est dete-  
 rior incontinente. Nam intemperans persifit in electione & proposito, incōtinentis facit ad  
 penitentiam. Et hæc ratio simul differētiā ostendit inter hos, & etiam alterum esse altero dete-  
 riorē. Notandum quod sicut omnis virtus est cum electione: sic omne vitium esse videtur  
 cum electione. & vitiosus tam ante rem actam, quā postea videtur habere electione, ideo non  
 pœnitet, quia putat id quod agit esse agēdum cum habeat corruptam rationem: incontinentes verò  
 habet rationem incorruptam, & appetitum sensitiuum repugnātem ei, quia non est informatus  
 virtute, quæ appetitū facit rectum: quare cum rationem habeat corruptam, & dicentem sibi turpe  
 rem aliquid non esse agendum, & non esse gustādum dulce: vincit tandem appetitus, sed cum post  
 rem actam redit ad rationem, percipit se fecisse quod faciēdum non erat, & habet penitentiam.

[QVO circa non ita res sese habet.] Afferit secundam rationem philosophus, malum continuum differt, & est deterius malo non continuo: sed intemperantia est malum continuum, incontinentia non est malum continuum: ergo intemperantia differt ab incontinentia & est deterior. Maior patet de se. Minor probatur a philosopho, quia intemperantia est vt morbus qui semper adest: incontinentia vero vt morbus, qui non semper adest, vt est morbus epilepsie siue comitalis: intemperantia vero est similis morbis aquae inter cutem & tabi, id est hydropisi & phthisi, qui morbi continui sunt: hydropisis *ἡ δὲ τοῦ ὕδατος*, id est, ab aqua dicitur. fit enim in corpore humor aquosus. Phthisis vero in ventre superiore, multifariam incipit spuer sanguinem qui talem patitur morbum, deinde saniem, postea sequitur detentio salivae, & postea tandem ipsa mors. Iti igitur morbi quibus intemperantia similis dicitur continui sunt. at epilepsia, id est morbus qui caducus siue comitalis appellari solet qui assimilatur huic morbo, cuius causa non est continua, nec talis agrotus semper coniunctus cum morbo: & incontinens quoque non semper & statim ad voluptatem dispositus, sed pugnat ratio cum appetitu, & demum vincitur: intemperans vero continuo habet paratum appetitum sine vlla pugna ad persequendas voluptates, & continue est in hac dispositione sine repugnantia rationis. Verum philosophus hoc loco nactus occasionem, soluit vnum dictum quaestionis allatae antea in fine secundi capituli huius tractatus, vbi duo attulit: vnum quod incontinens diffusus, intemperans vero suavis, agit: alterum quod incontinens insanabilior videtur, propterea quia dissuaderi non poterat. Primum soluet inferius, secundum soluet nunc. Et ostendit quod incotiens est sanabilior intemperato, vbi in eo loco oppositum attulerat, & ideo dictum est a nobis quod philosophus disserendo non asserendo ibi procedebat. Ostendit autem quod incontinens est insanabilior intemperato, quia intemperatus non habet penitundinem, & habet morbum continuum, & ideo est insanabilis dicit philosophus, non pro impossibili, sed cum difficultate sanabilis: incontinens vero habet penitundinem, & non morbum continuum, ideo est sanabilior. [A TQVE omnino diuersum est genus.] Afferit tertiam rationem philosophus, quia idem probat quod intemperantia differt ab incontinentia, & est deterior ea. Illud malum quod latet habentem, differt & est deterius eo malo quod non latet habentem: sed intemperantia latet, incontinentia vero non latet habentem, ergo intemperantia differt ab incontinentia, & est deterior. Illa ratio declaratur, quia intemperans habet vitium, & rationem corruptam, sicut febricitans habet corruptum gustum, & putat illud esse bonum quod ab eo appetitur: incotientia vero est malum manifestum habenti, & quoquo modo cognoscit illud esse malum quod ab eo appetitur, & ideo in eo fit pugna inter rationem, & appetitum. Horum autem ipsorum posteaquam probauit intemperantem differre ab incontinenti, & esse deteriorem illo: nunc comparat duas species incontinentiae, quas superius attulit, scilicet infirmitatem & temeritatem & ostendit infirmitatem deteriorem esse temeritate sic, Is qui deliberatione facta incontinententer agit est deterior eo, qui non deliberatione facta agit incontinententer: sed infirmus agit facta deliberatione, temerarius non facta deliberatione agit incontinententer. ergo infirmus est deterior. Patet ratio, quia cum vterque habeat rationem in corruptam, infirmus ante consultat, tamen non persistit in eo quod consultauit esse agendum. praeterea infirmi a leuiore perturbatione vincuntur: temerarii vero a vehementiore superantur, quare cum duo sint vituperandi, qui superantur in praelio, quorum alter armatus accesserit alter inermis: & alter habeat hostem potentiorum, alter non ita, manifestum est quod armatus, & habens debiliorem aduersarium vituperandum magis est & deterior: sicut videtur infirmus respectu temerarii. [INCOTIENTENS igitur.] scilicet infirmus est similis iis qui modico vino sunt ebrii. [PATET igitur incontinentia.] Facit conclusionem philosophus eorum quae dixit, ostendendo quod incontinentia non est simpliciter vitium: sed aliqua ex parte, ex quo emergit differentia eius ab intemperantia. Nam incotientia non est vitium simpliciter, sed aliqua ex parte. at intemperantia est vitium simpliciter, ergo incontinentia non est intemperantia. Quod autem incontinentia non sit vitium simpliciter, probat philosophus, quia est preter electionem: vitium vero est cum electione vt est intemperantia. Conueniunt tamen in agendo, quia intemperans & incontinens agunt eadem, id est vitiosa, tamen non eodem modo, quia alter cum electione, alter sine electione, & alter est vitiosus, alter vero, id est incontinens non est proprie vitiosus agit tamen res vitiosas & iniustas, & videtur similis miles iis de quibus inquit ille, quod non sunt insipientes, tamen agunt res insipientes & stultas: sic ergo conueniunt in agendo eadem: differunt quia intemperans agit cum electione, vitium enim est habitus electiuus consistens in excessu aut defectu. Praeterea non habet penitundinem incontinens e contra & sine electione agit, & post delictum penitundinem habet. Notandum quod accipit hic iniustum pro intemperante, & iniuste agere pro intemperanter agere. intemperantia enim sicut alia vitia est pars quaedam iniustitiae totius, quae iniustitia tota dicitur vitiositas vt patuit in quinto. [CVM autem alter sit talis vt non ex eo.] Haec est secunda pars huius capituli, in qua philosophus afferit aliam partem quaestionis, quam supra attulerat in fine secundi capituli huius tractatus. Attulit. n. duo, vnum quod incotiens cum non agat persuasus dissuaderi non poterat:

intemperans verò cum agat persuasus dissuaderi poterat. Alterum quòd ex eo quòd dictū est intemperans erat sanabilior. Hanc secundam partem supra reprobat, ostendendo quòd incontinens erat sanabilior: nunc aliam partem sumit, & reprobat vt pateat rem non ita sese habere, vt eo loco dubitando, & dissuadendo dixit, non autem affirmando. Ostendit igitur nunc oppositum, scilicet quòd incontinens facile dissuaderi potest, intemperas verò non facile: is qui errat circa principium rerum agendarum non facile dissuaderi reuocarique potest, sed intemperans est huiusmodi, ergo intemperas non facile dissuaderi potest, & reuocari & sanari. Patet ratio, quia intemperas à seipso persuasus & errat circa principium rerum agendarum cum sit vitiosus. vitium enim principium corrumpit, præsertim intemperantia: virtus verò conseruat, præsertim temperantia: vnde in sexto, temperantiam conseruatricem prudentiæ appellamus: conseruat enim talem exilimationē. Siquis igitur errat circa principia, non potest facile dissuaderi, & sanari à sua opinione: quia principium rerum agendarum est ipse finis: cuius gratia cetera fiunt: vnde in sexto. Principia nanque rerum agendarum ea sunt gratia quorum ipsæ aguntur, id est fines: verum vt principia & suppositiones quæ sunt species principiorum se habent in mathematicis: sic finis in rebus agendis. supponit enim geometra quòd à puncto ad punctum licet rectā lineam ducere. Pōnit etiam tale principium quòd punctus est cuius pars non est, & talia principia, & similia non probantur in mathematicis, quia iis assentiri oportet. Quòd si quis erret circa principia, & aliter credat, non potest ei aliquid probari in geometria, & talis male sentiens circa principia, male & peruersè percipiet omnia quæ sequuntur ex illis. Eodem pacto in rebus agendis cum principium sit ipse finis, si quis eum recte accipit bene est. Sin male, non poterit ei afferri ratio, quia facile remoueat ab opinione talis principii peruersè sibi propositi. Et dicit philosophus quòd talis principii non est ratio, sed virtus quæ ostendit nobis tale principium. virtus inquam quæ oritur, aut à natura, aut à consuetudine. Nam sicut in speculatiuis principiorum docendorum non est ratio, nec probatio: sic etiam in actiuis. Nam in speculatiuis innoscunt nobis, aut inductione vel sensu ex quo fit memoria, & ex multis vt ita loquar memoriis experientia oritur, & ipsum demum vniuersale in intellectu quodammodo constituitur, cuius lumine scientiæ principium pullulat vt ait philosophus in libro posteriorum. Ita ex natura & habitu acquisito principiorum cognitio fit. Idem fit in actiuis. Principiorum cognitione quorū non est ratio, ne fiat processus in infinitum, ferimur ad tale principium, quod est rerum agendarum finis: aut per naturalem habilitatem perspicendi, aut ferimur ad æstimandum illum esse bonum finem, vt est per virtutem acquisitam ex consuetudine, quare virtus aut habilitate natura, aut assuetudine generata causa est, vt recte opinemur circa finem talem. intemperas igitur cum non modo virtute careat, sed etiam sit vitiosus errat circa tale principium quod est ipse finis rerum agendarum, & sequitur id quod sibi apparet bonū, & quod putat esse bonū cum re vera sit malum, & id quod est bonū apparet malum, vt febricitanti, cui id quod vere est dulce apparet amarū ob gustū corruptū. Itēperans autē, & omnino vitiosus habet corruptam rationē & iudicium de vero fine. Ei enim vt in sexto inquit philosophus, qui corruptus est ob voluptatē, aut dolorem, non videbitur cōtinuo principium ipsum nec huius gratia, id est finis. Vitium enim corrumpere suapte natura principium solet, sed virtus conseruat quæ est causa recte opinandi circa talem finem, vt euenit temperato: intemperato autem male opinādi circa finem rerum agendarum, merito dicitur quod non facile dissuaderi, & remoueri potest à sua opinione. Incōtinens verò cum nōdum habeat rationem corruptam facile dissuaderi, & sanari potest: ideo dicit philosophus est alius quidam. i. ipse incōtinens quem perturbatio superat adeo vt non agat secundum rectā rationem: non tamen superat, vt persuasus sequatur voluptates sicut sequitur persuasus ipse intemperans, & ideo incōtinens minus est malus quā intemperans: nec est incontinens appellandus simpliciter prauus cum habeat incorruptam rationem, & si in ea non perseveret, sed est alius sibi oppositus qui persistit in ratione recta, & non dimouetur ab ea ob perturbantem, id est ipse continens, in quo ratio superat appetitum.

*De continētis, & pertinacis conuenientia & differentia. Cap. IX.*



Varendum est autem, vtrum is sit cōtinens qui quauis in ratione, electioneue perstat: an is qui in recta persistit. Et vtrum is sit incontinens qui non permanet in quauis electione rationeue: an is qui persistit in ratione falsa, & electione non recta, quemadmodum antea dubitauimus. An per accidens quidem in quauis, per se autem in ratione vera, rectaque electione alter perstat, alter nō perstat. Nam si quispiam hoc expetit, aut sequitur, per se quidem hoc expetit atque sequitur, per accidens autem ipsum prius. at quod est

per se, id simpliciter esse dicimus. Quare sit, ut aliquo quidē modo quavis in opinione, absolute autem in vera, alter persistat, alter non persistat. Sunt autem quidam in opinione persistentes: quos pertinaces appellant. Hi non nisi cum difficultate dimoueri à sua sententia possunt. Et simile quidem quid habent cum continente: sicut & prodigus cum liberali, & audax cum confidente. Sunt autem in multis ab illo diuersi: continens enim non mutat sententiā ob perturbationem, atque cupiditatem. Nam cum acciderit, facilem sese offeret recta persuadenti. Illi verò non à ratione mutantur. Nam cupiditates capiunt: atque à voluptatibus plerique ducuntur. Sunt autem ij pertinaces, qui suā sententia: & qui sunt indocti, ac rustici. Atque suā sententiā homines, ob voluptatem atque dolorem sunt pertinaces. Gaudent enim vincentes si non è sua sententia dissuasione vlla dimoueantur. Et dolent, si sua sint irrita, ut decreto. Quare potius sunt incontinenti, quàm continenti similes. Sunt etiam qui non ob incontinentiam in sententia non persistunt. Vt Neoptolemus apud Sophoclem in Philoctete, quamquam ob voluptatem non persistit, sed honestum. Erat enim honestum illi vera loqui: ab Vlyse autem fuerat illi persuasum mētiri. Etenim non omnis qui propter voluptatem quippiam agit, intemperans est, aut prauus, aut incontinens: sed qui agit ob turpem. Cū autem sit & quidam talis, ut minus quàm oporteat corporis gaudeat voluptatibus, non persistens in ratione, inter hunc & incontinentem, medius ipse cōtinens collocatur. Incontinens. n. non persistit in ratione: quia magis quàm oportet voluptatibus delectatur. Hic verò non permanet: quia minus quàm oportet eisdem gaudet. At continens persistat, & ob neutrum sententiam mutat. Oportet autem si continentia sit studiosum: habitus hos utrosque contrarios, improbos esse, quemadmodum & videntur. Sed quia per paucis alter hominibus inest, raròque admodum: fit ut temperantia soli cōtrarium intemperantiæ esse videtur, sic & continentia soli incontinentiæ aduersari putatur. At verò cum ob similitudinem multa dicātur: factum est ut temperans per similitudinem continens dicatur. Cōtinens enim talis est, ut nihil præter rationem ob voluptatem corporis agat: & temperans etiam talis est. Sed ille quidem habet prauas cupiditates, hic autem non habet. Ethic quidem est talis, ut non delectetur præter rationem: ille verò talis, ut delectetur quidem, sed non ducatur. Similes etiam sunt incontinens & intemperans: qui quidem diuersi sunt. Vterque enim corporis sequitur voluptates, sed alter & oportere putat: alter non putat.

## Commen.

Q VERENDVM est autem vtrum is sit continens. Hoc est nonum capitulum huius tractatus, in quo philosophus cōparatis illis sex habitibus inter se qui versantur circa corporis voluptates atque dolores: nūc soluit dubitationem allatam in secūdo capitulo cōtra opinionem priscorum, qui dicebāt continētem esse perseverātem in ratione & opinione: incontinentem verò ecōtra. Quo quidem dato ostendit ibi philosophus fieri posse, ut aliquis incontinentes esset

bonus & continens malus. Nam si continens est inquit perseveras in quavis opinione vt illi dicere videbantur, & sit in opinione mala, tunc perseveras in ea esset malus: & incōtinens contra si discederet ab opinione falsa esset bonus. Hanc difficultatem nunc removere soluerē; videtur philosophus. Diuiditur autem hoc capitulum in tres partes quae patebūt. In prima igitur dicit philosophus quod querendum est vtrū continētis sit persistere in quavis opinione: an in recta tantum: postea subdit soluendo istam partem primam dubitationis, quod d continens persistit semper in recta ratione per se, & eo quo cōtinens est. Per accidens verō in quavis, & in falsa opinione persistit. Nam si quis per se amat vinū dulce, per se amat dulce: per accidens verō, vinum. Nam si amaret vinum per se, non solum amaret dulce, sed etiam quaecūque vinum: quare per se hoc expetir, scilicet dulce, per accidens verō illud primum. i. vinum. Continēs igitur permanet per se in opinione quam putat esse veram: id autē quod est per se, dicimus simpliciter esse: per accidens autem id quod est per aliud, vt exemplo ostēdimus. ergo continēs in opinione vera per se permanet: per accidens verō in quavis opinione. Secūda pars dubitationis simili modo ostenditur, quod in continens discedit per se à vera sententia, & opinione, ergo simpliciter, vt ostensum est supra: per accidens verō, & per aliud, & secūdum quid à quavis opinione. Notandum quod cum dicitur cōtinens per se manet in vera sententia: per accidens verō, & per aliud in falsa: intelligendum est quod continens intendit persistere in vera opinione. Eodem modo dicēdum est quod incontinens non persistit per se in sententia vel opinione quae est vera: per accidens verō in quavis non persistit. Notandum praeterea quod cum dicitur quod cōtinens per se manet in vera ratione, intelligitur de quarto modo per se, vbi in subiecto explicatur causa praedicati, vt patet in primo posteriorum. Nam cum dicitur continens permanet. i. intendit manere per se in vera opinione, explicat causam persistēdi in vera opinione, & ista est causa effectrix persistēdi, & illius persistētia. scilicet cōtinētia. Et ista propositio est similis illi quae dicit: medicus per se curat aegrotum, edificator per se aedificat: sic est de continētia, illud per se explicat causam illius persistētia quae ponitur in praedicato. Idem est dicēdum de illa propositione quod incontinēs per se egreditur à vera sententia, & opinione, & sic soluitur dubitatio illa. Nam cum queritur vtrum continens persistat in quavis opinione, an in vera tantum, respondetur quod per se ea ratione qua continens est persistit in vera, sed per accidens in quavis. Incontinens per se discedit à vera. per accidens à quavis. [S V N T autem quidam hominum.] Soluta illa dubitatione, nunc philosophus ostendit quod praeter continentes, & incontinentes sunt nonnulli permanentes in sententia, & opinione sua, pertinentes tamen cōtinētes appellari non debent. Habent tamen similitudinem quādam in eo quod ambo videntur permanere. Nam quemadmodū prodigi conuenire videntur cum liberali in dando: ambo enim dant, & audaces cum forti in aduēdi periculis, differunt tamen plurimū: sic isti cum continētibus in eo quod ambo sunt permanentes, differunt tamen plurimis. Continēs. n. si quando mutat sententiam relinquēdo aliquam falsam opinionem, non perturbatione aut cupiditate persuasus relinquit illam, sed ratione, quae ostēdit illam opinionem esse falsam quam putabat esse veram. Pertinaces verō non ratione persuasi, sed voluptate vel cupiditate sententiam mutant. Post haec diuidit philosophus istos pertinentes: dicendo, quod eorum quidam dicuntur sui capitis, & quidam indocti atque rustici. Indocti quia non habēt doctrinam, & siquam habēt opinionem, nolunt ab ea dimoueri: rustici verō quia non habent experiētiam rerū. at illi qui sunt sui capitis ob voluptatem, & dolorē sunt tales, quia gaudēt non dimoueri à sententia: dolent verō etiam si ratione ab eadem dimouēantur, & propterea dicit philosophus quod incōtinēti magis similes quā cōtinēti esse vidētur, quod dupliciter potest exponi, quia sicut incōtinens prosequitur magnas voluptates: sic isti sequuntur summas voluptates quas ex eo capiunt, quod persistūt in sua sententia. Alio modo exponi potest, quia dixit quod cōtinens persistit in sua ratione, & non dimouetur à perturbatione: isti verō non à ratione, sed à perturbatione dimouētur, propterea sunt magis similes incontinētibus qui etiam dimouētur à sententia, & trahuntur à perturbationibus. [S V N T etiam qui non ob incōtinētiā.] Afferunt nonnullos alios philosophus qui non persistūt in opinione sua, & tamē non sunt dicēdi incōtinētes & hoc affert vt bene discernatur in quo proprie cōsistat cōtinens, & incōtinens. Adducit autem exemplum Neoptolemi cuius superius meminit, qui persuasus fuerat ab Vlyse vt mendacia diceret Philocteti, & cum sic persuasus esset, postea apud Philoctetem non permāsit in tali persuasione, & sententia, in qua tūc fuerat, sed vera dixit ob molestiam quā habebat mētendi, & ob voluptatem vera dicēdi: quare non vituperatur si non permāsit, sed laudatur. Ipse verō incōtinens vituperatur, vt patet, & sic nititur philosophus distinguere omnes ab continente, & incōtinente qui habent similitudinem aliquam cum illis, ne vice illorum sumerentur, & vt illi distincti ab omnibus aliis clarius discernantur. [C V M autem sit & quidam etiam.] Hae est secunda pars huius noni capituli, in qua ostendit quomodo continētia subit rationem mediocritatis, & collocatur inter duo extrema, quae cum non sint vitia, tamen sunt propinqua vitio, vt continētia est propinqua virtuti, & si non sit proprie virtus, & probatur hoc pacto, Vbi est excessus & defectus, est etiam medium. at circa voluptates & dolores, circa quae versantur cōtinens, & incōtinēs est excessus & defectus: ergo etiā mediocritas. Maior patet cū videatur esse relatiua. Minor

probat à philosopho. Dicit enim quòd sunt nonnulli non persistentes in ratione, quia minus gaudent quàm oportet: & talis dici potest quoquo modo insensibilis non persistens. Sunt etiam alii gaudentes voluptatibus magis quàm oportet, non persistentes in ratione, & tales sunt incontinentes. Itaque illi deficient, ii excedunt, inter quos medijs sunt còtinentes. Verum dicit philosophus quòd cum deficientes raro inueniantur, sit vt còtinentia solum incontinètiæ & excessui, sicut temperatía intemperantiæ videatur esse còtraria, & non videatur habere defectum: habet tamen vt vidimus, licet raro inueniatur. [A T verò cum ob similitudinem multa.] Hæc est tertia pars huius capituli, in qua philosophus ostendit non sine ratione appellari quædam eodem nomine cum similitudinem habeat: & hoc affert vt ostendat aliqua ex parte verà esse opinionem illorum priscorum, qui dixerūt continentiam esse temperantiam & incontinètiā intemperantiā: habent enim similitudinem in multis cum versentur circa eadem, & còtinentia sit mediocritas quædam sicut temperatía, & incontinètia excessus sicut intemperatía: sed tamen ex alia parte differūt in multis, & ideo statim philosophus affert differentias quasdam, vt nihil indidicissum relinquitur. Primo còtinentes habet prauas cupiditates: temperas non habet: ergo differūt. Præterea temperans non delectatur præter sententiā rationis cum habet appetitum obediētem rationi, & sedatas cupiditates: continens verò nondum habet appetitum alluefactum, sed repugnantem & cupientem voluptates, & delectaretur in his nisi ratio prohiberet, quam tādē sequitur, & si cum difficultate. Quare differunt temperans & continens, similiter intemperans, & incontinēs sunt diuersi, & affert rationem quia & si ambo voluptates sequantur, tamen alter censet eas esse sequendas, & sequitur si ipse intemperans, alter verò, id est incontinens non censet eas esse sequendas cum habeat rationem incorruptam, sequitur tamen eo pacto vt vidimus antea.

*Quòd prudentia, & incontinètia simul in eodem non sint. Cap. X.*



T qui neque fieri potest vt idem sit prudens atque incontinens simul. Est. n. demonstratum, prudentem simul & more studiosum eundem esse: præterea non solum ex eo quia scit, prudens est: sed ex eo etiam quia idoneus est ad agendum. at incontinens non est idoneus ad agendum. \* Habilem autem nihil prohibet esse incontinentem. Quapropter & interdum nonnulli prudentes esse videntur, atque incontinentes: quia differtabilitas à prudentia eo modo què supra diximus. Et sunt ratione quidem propinqua, electione verò diuersa. Nec incontinens sese habet, vt is qui scit ac contemplatur: sed vt is qui dormit, aut est vinolentus, & spòte sua quidem agit. Scit. n. quodammodo & quid, & cuius gratia facit. Malignus tamen non est. Electio nāque est bona. Quare semimalignus est, & non iniustus. Non est. n. insidiator. Nam ipsorum alter quidem non persistit in iis quæ statuit consultando. Biliofus autem atra bili: nec ad còsultandum omnino est aptus. Et similis est igitur incontinēs quidem ciuitati, quæ decernat quidem omnia quæ sunt agenda, & leges habeat bonas, sed non vtatur, vt Anaxandrides facere dixit, Vrbs còsultabat, leges quæ negligit almas. Malignus autem ciuitati, quæ legibus quidem vtatur: sed prauis. Est autem continètia atque incontinètia circa id quod multitudinis exuperat habitū. Alter enim magis, alter minus persistit: quàm plurimi possunt. Facilius autem ea curari potest incontinètia, qua biliofi atra bili incontinententer agunt, quàm eorum qui deliberāt quidem, sed non persistūt. Et ij facilius curari possunt: qui per assuetudinem, quàm ij qui natura incontinētes sunt. Est enim facilius còsuetudinem, quàm naturam mutare. Ideo enim & consuetudinem mutare difficile est, quia similis est naturæ. Quemadmodum Euenius pœta dixit, Vfus, longus mos est

ἄνθρωπος

ἄνθρωπος



ac meditatio crebra: Hunc tãdem assero naturam mortalibus esse. Quid igitur continentia sit, & incontinentia, & quid constantia, mollitudoque; & quomodo inter sese habeant habitus huius iam diximus.

## Commen.

63 **A**T QVI neque fieri potest, vt idem homo sit prudens] Hoc est decimum & vltimum capitulum huius primi tractatus, in quo posteaquam supra soluit dubitationes illas & ostendit continentiam esse mediocritatem quandam, & qua ratione nonnulli priscorum accipiebant continentiam pro temperantia: nunc refellit opinionem priscorum. q. incontinens non est prudens, quæ est quinta in ordine in primo capitulo allata, & cum in secundo capitulo etiam contra eam disseruisset, & alias iam soluisset: nunc quoque hanc quæ relinquebatur soluit, vt exactissimam doctrinam de continentia & incōtinentia præbeat nobis. Diuiditur autem hoc capitulum in tres partes quæ patebunt. In prima igitur assert talem rationem, ad probandum q. prudens non est incontinens, nec incontinens prudens, vt quidam priscorum dicere videbantur. Nullus incontinens est studiosus: omnis prudens est studiosus, ergo nullus prudens est incontinens, & per conuersionem simplicem nullus incontinens est prudens. Maior est nota cum antea viderimus quod incōtinentia est vituperanda, & vitio propinqua. Minor probata est in sexto, q. prudens est vir bonus, & est cum omnibus virtutibus morum, & separari non potest eo quo prudens. [PRAETEREA non solum ex eo.] Assert aliam rationem philosophus. Omnis prudens est aptus ad agendum: incontinens non est aptus ad agendum, ergo incontinens non est prudens. Patet ratio, quia prudentia est habitus cum ratione vera actiuus. Itaque prudens non solum scit & cognoscit ea quæ sunt agenda, sed etiam est idoneus ad agenda illa cum non solum vniuersalium sit prudentia, sed etiam singularium. Habet præterea solertiam, sententiam, bonam consultationem, per quas est idoneus ad res agendas: incontinens autem non est aptus ad res agendas, nam & si ante perturbationem cognoscat res agendas, tamen perturbatione accedente dimouetur à sententia, & non persistit in eo quod putabat agendum: quare non est aptus ad agendum. Et sic patet q. incōtinentes non est prudens, has etiam rationes tetigit ante philosophus in secundo capitulo, cum diserebat contra istam opinionem, & demonstratum est antea inquit prudentem hominem aptum ad agendum esse, quippe cum sit quidem qui circa extrema versatur, atque omnes alias virtutes habere: his allatis rationibus subdit philosophus, quod licet incontinens non sit prudens ita vt sit aptus ad res agendas: tamen fieri potest, vt incontinens habeat aptitudinem, & habilitatem prospiciendi ea quæ agenda sunt: quæ habilitas est vis naturalis, & potetia quæ informari potest contrariis habitibus non simul, sed aut prudentia, aut malitia, & astutia, vt in sexto latissime dictum fuit: & propterea antiqui illi decepti propinquitate, quam habet prudentia cum tali habilitate quæ esse potest in tali incontinente, dixerunt prudentem esse incontinentem. Nam illa vis & habilitas prospiciendi videtur esse propinqua prudentie, est tamen diuersa, quia prudentia semper respicit bonum finem, & eligit recte ea quæ ducunt ad talem finem: sed vis illa prospiciendi cum sit communis tam malitiæ & astutiæ quam prudentiæ non semper respicit bonum finem, nec semper eligit bona media quæ perducant ad illum finem, sed ad intentum finem qui est quandoque malus, vt ponitur ab callido & astuto homine. [NEC incontinens sese habet vt is.] Hæc est secunda pars huius decimi capituli, in qua philosophus resumit dubitationem quandam. Scitru scies ipse incōtinentes esse dicatur, & vtrū agat scies, quæ in tertio capitulo huius tractatus latissime declarauit, resumit inquit nunc non solum, quia eius declaratio vehementer pertinere videtur ad cognoscendam naturam incontinentis, sed etiam vt soluat obiectionem quandam quæ oriri posset ex supradictis. Nam si incōtinentes non est prudens nec vt sciens: ergo videbitur esse ignorans: ex quo videbitur venia dignus, quod est absurdum, cum res vitiosas agat, & vituperatur. q. si non est venia dignus, ergo est prauus, at non est omnino prauus. dicit ergo philosophus q. incōtinentes cum agit incontinententer non sese habet vt sciens, nec contempletur. Sed ita est sciens vt ebrius, aut dormiens, qui & si habituum scientiam habeat, ea tamen non vitur: eodē pacto incontinens habet rationem incorruptam, & scit quid est agendum, tamē veniēte perturbatione irretitur, & obfuscat, sicut ille qui vino fit ebrius, & videtur tunc nescire, cum tamē habitu scientiæ habeat: ex quo cum dici posset contra philosophum incōtinentem esse dignum venia cum agat quasi ignorans, statim subdit philosophus sponte sua quidē agit, & scit cum agat quodāmodo, & quid agit, & cuius gratia, & dixit quodāmodo, quia non videtur postea scientia illa cum agit, & obfuscat perturbatione à qua se permittit superari. quare cum sponte agat & quodāmodo sciat, quid & cuius gratia agit, non erit venia dignus: sed tamen ne videatur ex eo q. sponte agit, & quodāmodo sciens q. sit prauus. i. vitiosus & sceleratus simpliciter, ideo addit, at prauus non est. i. vitiosus simpliciter, quia non valet iste, prauam rem facit, ergo est prauus & vitiosus, & assignat rationem prauitatis & vitiositatis hominis. Electio praua est. at incontinentis electio non est praua, ergo non est prauus & vitiosus. Patet ratio, quia incontinens habet incorruptam rationem, & cognoscit quid sit agendum, & habet electionem bonam, tamen dimittit eam cum à perturbatione

tione occupatur, & non agit secundū eam. Vnde superius cū distingueret incontinentē ab intem-  
 perato dixit q̄ intemperatus qui habet prauam electionē agit eligens, incontinens sine electio-  
 ne, vel prater electionem. Nam si ageret cum electione, & secundum electionem, cū bonam ha-  
 beat, bene & recte ageret: tamen ipse turpiter agit, quia cū habeat electionem bonam, eam di-  
 mittit, & sequitur perturbationē & cupiditatem. [QVARE semiprauus est.] Afferit vnum obor-  
 tum siue correlarium philosophus, quod emergere videtur ex dictis. Nam si incontinens non est  
 prauus, & tamen sponte agit ea quæ sunt praua, quid ergo erit? Dicit philosophus, q̄ est semi-  
 prauus, quia non est omnino & simpliciter prauus & vitiosus, & non est iniustus. i. intemperans.  
 Intemperantia enim est pars iniustitie totius, vt patuit in quinto, vel iniustus. i. prauus. Etenim nō  
 est infidiator. i. non habet habitum infidiandi, & hoc declaratur à philosopho. Infidiator, primo  
 consultat de insidiis agendis, & deliberat & eligit ea quæ postea exequitur. at incontinens non  
 eligit ea quæ postea exequitur. Nam cum incontinentes bifariam sint vt antea diuifimus. i. teme-  
 rarij & infirmi: infirmi quidem consultant & deliberant, sed adueniente, & vrgente perturbatione  
 ne non permanent in proposito, nec sequuntur suam consultationem, vt infidiatores: temerarij  
 vero non consultant quidem, sed rapiuntur extemplo à perturbatione. Quare cū nec isti nec  
 illi sint infidiatores, & non sint plures species incontinentis proprie dicti, incontinens non erit  
 infidiator. Post hæc vt ostendat differentiam quæ est inter simpliciter prauū, & incontinentem  
 dicit philosophus q̄ incontinens est similis ciuitati deliberanti ea quæ sunt agenda, & habenti bo-  
 nas leges, tamen non eis vtenti. Nam incontinens habet rationem incorruptam, & cognitionem,  
 & electionem bonam, & percipit non esse adulterium committendum, tamen perturbatione vr-  
 gente non vitur illis, sed posthabitis sequitur cupiditatem ducem: prauus autem vt est intem-  
 perans, est similis ciuitati, quæ & malas habet leges, & ipsis vitur, prauis inquam, & perniciosis  
 legibus. Iis dictis philosophus addit quod continentia, & incontinentia versatur circa id quod  
 transgreditur atque excedit habitum multitudinis. Declaratur quia continens magis persistit in  
 superandis voluptatibus quàm plerique alij: incontinens verò minus, quasi plures hominum in-  
 uenirentur qui superarent eas voluptates à quibus superatur in continens & non superarent eas  
 quas superat continens. Vnde superius in septimo capitulo, fit vt circa voluptates molestiæ (ve. si  
 gustus & tactus, vt quis aut superetur ab his quas plerique superat, aut superet eas à quibus pleri-  
 que superantur: & si circa voluptates hoc eueniat primus continens, secundus incontinens: sin  
 circa dolores, alter est mollis, alter est constans. Inter hos autē plurimorum habitus collocantur,  
 & si magis ad deteriores declinent, &c. Notandum q̄ inter alias differentias quæ est inter conti-  
 nentem & incontinentem est illa, quod continens superat eas voluptates, à quibus plures supe-  
 rantur, incontinens econtra superatur ab iis, quas multi superarent. [EACILIVS autem ea cura-  
 ri possunt.] Hæc est tertia pars huius decimi capituli, in qua philosophus comparat duas species  
 incontinentiæ inter se, & primo ostendit q̄ incontinēs temerarius melancholicus est sanabilior  
 quàm infirmus: is qui incontinenter agit non antecedente deliberatione, & consultatione est sa-  
 nabilior quàm ille qui agit ante deliberans, & consultans, non tamen persistens: sed primus dici-  
 tur temerarius melancholicus, secundus infirmus, ergo temerarius melancholicus est sanabilior:  
 patet ratio cum agat subito, & sine consultatione. [ET ii facilius curari possunt.] Declarat quo-  
 que philosophus q̄ incontinēs natura est minus sanabilis quàm incontinens consuetudine, quia  
 difficilior quis dimouetur à natura quàm à cōsuetudine, quàm acquiritur. Nam id quod acquiri-  
 tur assuetudine, propterea dici solet q̄ difficile remouetur, quia consuetudo videtur verti in na-  
 turā quandā, & fieri similis ei, & hoc probat auctoritate cuiusdā Eueni poetæ, vt patet in textu.  
 Vitur deinde peroratione philosophus eorum quæ dixit de continentia, & incontinentia, vt pa-  
 tet. Notandū quod sicut duplex est cognitio in nobis, sic duplex videtur esse appetitus. Est enim  
 cognitio intellectus, & cognitio sensus: sic etiam est appetitus qui sequitur cognitionem intelle-  
 ctus & talis est appetitus rationis, id est ipsa voluntas: qui sequitur cognitionem sensus est ap-  
 petitus sensitiuus. Ii igitur appetitus, id est voluntas & appetitus sensitiuus secundū philosophum  
 dicere possumus quod aut bene separentur aut male: bene separentur in ipso continente, in quo  
 fit pugna inter appetitum sensitiuum, & rationem, & volūtas seu ratio non cedens ei superat &  
 fugat eum, male separentur in ipso incontinente, in quo voluntas seu ratio fugatur. Item bene  
 coniunguntur aut male: bene in ipso temperato, in quo voluntas facile imperans trahit eum ad  
 se tanquam equum habentis, & tunc appetitus sensitiuus fit nobilior quàm erat, quia fit rationalis  
 per participationem, & obsequentiam. Male coniunguntur vt in ipso intemperato, in quo ap-  
 petitus sensitiuus imperans trahit deorsum voluntatem ad se tanquam pedissequam. Voluntas  
 est rationalis per essentiam. Appetitus sensitiuus irrationalis per essentiam. fit autē rationalis per  
 participationem, vt diximus, id est per obsequentiam in ipsis hominibus, quia in brutis fieri non  
 potest, cū non habeant rationē cui appetitus sensitiuus obsequi possit: in hominibus vero mo-  
 do voluntas, modo appetitus superat. Vnde philosophus in tertio de Anima, Vincit, inquit, in-  
 terdum appetitus in hominibus voluntatem, interdum hæc illum: appetitus inquam appetitum  
 vt supra cum fit inter ipsos pugna contentiōne, & cætera, & hæc pro declaratione præsentis ma-  
 teriæ.

*De voluptate.*

Cap. XI.

69 **A**D IPSVM autem ciuilem philosophum pertinet.] Hic est secundus tractatus huius septimi libri, in quo philosophus tradere doctrinā intendit de voluptate atque dolore; quia cum nouissime locus esset de constantia & mollitudine, & continentia, & incontinentia, & huiusmodi habitibus qui versantur circa voluptates & dolores, circa quā versatur temperantia, & intemperantia, & toties de iis obiectis mentionem fecit; consequē videbatur vt immediate ostenderet quid ipsa sint, & quam opinionem de illis habuerint prisci. Nam si alicuius habitus obiectū arque materia ignorabitur, & ipse profecto habitus ignorabitur; preterea in superioribus libris philosophus sæpius dixit omnes virtutes versari circa voluptates, & dolores: quare eiusdem erat dehac materia doctrinam tradere, ne enim parum esset ad res agendas vt ipse inquit bene vel male gaudere aut dolere. Diuiditur hic tractatus in quatuor capita. In primo affert opiniones priscorum de voluptate, & dolore, & illorum rationes. In secundo affert solutiones illarū rationum, & refellit ea quæ sibi necessaria esse videntur. In tertio ostendit aliquam voluptatem esse non solum bonum, sed quoquo modo summū bonum. In quarto declarat voluptates corporis quæ videntur esse prauæ, vt patebit. Primum capitulum diuiditur in tres partes, quæ suis locis declarabuntur. In prima philosophus præmittendo suam intentionem dicit qd ad ciuilem philosophum spectat considerare de voluptate & dolore, & probat tribus rationibus: prima ratio, Ad eum spectat considerare de voluptate & dolore, ad quē pertinet tanquā ad architectū considerare de fine humano: sed philosophus ciuilis est huiusmodi, ergo ad eū pertinet considerare de voluptate & dolore. Patet ratio, quia ad architectū pertinet considerare ea quæ spectant ad finē consequendum: versari autem hoc vel illo modo circa voluptatē, & dolorem, aut est malum aut bonū, & conducit aut dimouet ad finē humano. vnde in secundo, Quare sit, inquit, vt hac de re

A iiiij

circa voluptates, dolorē ſe totum negotium ſit, & ipſius virtutis, & ciuiliſ etiam facultatis. No-  
tandum quòd cum philoſophus dicit pertinere ad philoſophū ciuile cōſiderare de voluptate, &  
dolorē: intelligit ciuilem qui ſit moralis & economicus & item ciuiliſ, ac ſi ſit quidam commu-  
nis conceptus qui prædicetur de omnibus iſtis. Vel intelligi etiam de morali philoſopho po-  
teſt cum dicit ciuilem, quia ſcientia moralis continet prima elementa ſcientiæ politicæ, & talem  
ordinem videtur habere ad ſcientiam ciuilem, qualem habet liber phyſicorum ad philoſophiam  
naturalem. Interdum enim philoſophus huiuſmodi terminos ſumit large. [IN SVPER & neceſ- 70  
ſarium eſt.] Secunda ratio: ad eum pertinet cōſiderare de voluptate & dolore, ad quem pertinet  
cōſiderare de virtutibus & vitiis: ſed moralis & ciuiliſ eſt huiuſmodi, ergo ad eū pertinet cōſi-  
derare de voluptate & dolore. Patet ratio quia voluptas, & dolor eſt quaſi quædā materia com-  
munis circa quam omnis virtus vitiumque verſatur. Subiicitur enim, inquit philoſophus, in ſe-  
cundo virtutem quidem talem eſſe vt circa voluptates atque dolores optimarum rerum ſit ope-  
ratrix: vitium autem e contra, addit deinde tertiam rationem philoſophus: ad eum pertinet cōſi-  
derare de voluptate & dolore, ad quem pertinet cōſiderare de felicitate, ſed ad philoſophum  
moralem atque ciuilem pertinet cōſiderare de felicitate, ergo & de voluptate & dolore. Patet  
ratio auctoritate priſcorum, quorum nonnulli ita putarunt voluptatem eſſe coniunctam felicitati,  
vt beatum appellarint à gaudento: quod ad verbum quæcumque referendum eſt, dicitur enim  
maximè quaſi immortalis gaudens, vel valde gaudens. [QVI BVSDAM igitur nulla voluptas.] 71  
Hæc eſt ſecunda pars huius capituli, in qua philoſophus incipit afferre opiniones priſcorum de  
voluptate, & ſequitur ordinē ſuum quo perſeque vitur, primo enim præmittendo intētionem  
ſuam oſtendere ſolet ad eum pertinere cōſiderare de tali re. Poſtea afferit opiniones aliorum  
& rationes: deinde reſellit ea quæ ſibi videntur reſellenda, demum aſſert ſententiam ſuam &  
eam probat, & ſi quid eſt boni in opinionibus aliorum accommodat propoſito ſuo. Aſſert igitur  
tres opiniones antiquorum de voluptate. Prima eſt quòd nulla voluptas eſt bonum, nec per ſe,  
id eſt de naturā ſua, nec per accidens, id eſt nec adiuncta alicui bono. nam potius facit vt illud bo-  
num habeat aliquid mali propter ſuam cōmixtionem. Secūda fuit opinio, quòd & ſi plures ſint  
malæ, aliquæ tamen ſunt bonæ. Tertia fuit quòd & ſi omnes voluptates ſunt bonæ, nulla tamen  
eſt ſummum bonum humanū, vt latiſſime patet in textu philoſophi. [NON bonū igitur.] 72  
Hæc eſt tertia pars huius capituli, in qua philoſophus incipit afferre rationes illius primæ opinionis,  
quæ ſunt ſex: quibus probant quòd nulla voluptas eſt bonum. Prima ratio, nulla generatio ſen-  
ſibilis ad naturam eſt: bona omnis voluptas eſt generatio ſenſibilis ad naturā: ergo nulla voluptas  
eſt bona. Maior probatur, quia ſinis tantum eſt bonum ſecundum ipſos: & cum nulla generatio  
ſit ſinis, nec de genere ſinis, ergo non erit bona. Quæ autem generatio non ſit ſinis, patet, quia ipſa  
eſt motio quædā ad finem vt ædificatio ad domum: minor quoque probatur, quia voluptas ſit ge-  
neratio ſenſibilis ad naturam. i. motio quæ ſentitur & eſt ad naturam. i. ad repletionem naturæ, vt  
eſt comēſtio, vt ita loquar, & potatio. Itaque talis voluptas quæ ſumitur ex nutrimento dicitur ab  
illis generatio, & motio quædam in naturam, & additur ſenſibilis ad differentiam plātarum, quæ  
nutriuntur, tamē non ſentiunt voluptatem vt manifeſtum eſt. [PRÆTEREA vir temperans.] 73  
Alia ratio. Id quod fugit temperans eſt malū & non eſt bonum, at vir temperans fugit volupta-  
tes, ergo voluptas non eſt bonum. Præterea vir prudens. Secunda ratio prudens ſequitur vacui-  
tatem doloris & fugit voluptatem: ergo voluptas non eſt bonum. [PRÆTEREA voluptates  
impedimento.] Quarta ratio. Nullum bonum eſt impedimento prudentiæ, ſed voluptas eſt impe-  
dimento prudentiæ: ergo voluptas nō eſt bonum. maior patet, quia bonum bono non contra-  
riatur, & propter hoc omnes virtutes poſſunt eſſe ſimul: at malum contrariatur non ſolum bono,  
ſed etiam malū malo, vt in poſtprædicamentis docet philoſophus, quare & deſtructum ſui ipſius  
dicitur eſſe: minor quoque eſt clara, nam voluptas corrumpit iudiciū rerum agendarum, tem-  
perantia vero conſeruat. vnde græce nomen habet, quæ ſignificat eam conſeruatricē eſſe pruden-  
tiæ, vt in ſexto declarauimus. Exemplo quoque rei venereæ, vt dicit philoſophus, percipi licet  
quantū voluptas ſit inimica prudentiæ. Huic accommodari poteſt illud quod aſſert Cicerò de vo-  
luptate corporis in Catone maiore. Cum homini inquit deus nihil præſtabilius mente deſiſſet,  
huius diuino muneri ac dono nihil tam eſſe inimicum quā voluptatem. Neque enim libidine do-  
minante temperantia eſſe locū, neque omnino in voluptatis regno virtutē poſſe cōſiſtere. [PRÆ- 75  
TEREA ars nulla eſt voluptatis.] Quinta ratio. Omne bonum eſt opus artis, nulla voluptas eſt  
opus artis, ergo nulla voluptas eſt bonum. Patet ratio, quia omne bonum humanum proficiſcitur  
à recta ratione: omnem autem rectā rationē dicebant illi aut eſſe artem, aut cū arte. [IN SVPER  
puerique & beſtiæ.] Sexta ratio. Id quod pueri & beſtiæ ſequuntur non eſt bonum, voluptas eſt  
huiuſmodi, ergo voluptas non eſt bonū. Patet ratio quia pueri & beſtiæ viuunt ſecundū vitā ſen-  
ſitiuā. [NON eſſe autē omnes.] Secunda ſequitur opinio cuius philoſophus duas aſſert rationes  
quibus illi probāt quod nō omnes voluptates ſunt bonæ. Prima ratio, Si aliquæ voluptates ſunt præ-  
uæ, nō omnes voluptates ſunt bonæ. at primū eſt, ergo ſecundū. Patet ratio, quia ſunt quædā vo-  
luptates quæ vituperantur. Secūda ratio. Si quædā voluptates afferūt detrimentū nō omnes ſunt  
bonæ. At primū eſt, ergo & ſecundū. Patet ratio ex morbis, quos pariūt voluptates. [EX eo vero.] 77

Tertia opinio sequitur quæ dicit quod, & si omnis voluptas est bona, non tamen est summum bonum. & probat tali ratione, Illud quod nullo modo est finis, non potest esse summum bonum: at voluptas est huiusmodi, quod non est villo pacto finis: ergo non potest esse summum bonum. Patet ratio, & maior est manifesta: minor probatur, quia nulla generatio est finis sed ad finem. at per illos omnis voluptas est generatio: ergo nulla voluptas est finis, & ex consequenti non potest esse summum bonum, & talia dicebantur à priscis.

*Improbatio rationum de voluptate.*

*Cap. XII.*

78 **N**on effici autem ob ea quæ dicta sunt, vt voluptas bonū non  
sit, nec id quod est optimum: ex hisce sane cōstabit. Primū  
79 nāque cum bonum sit duplex (est enim aliud absolute: aliud  
alicui bonum) & naturæ ipsæ, & habitus hæc sequētur. Qua-  
re sequentur & motus, & generatōnes. Atque earum quæ prauæ viden-  
tur esse: quædam sunt simpliciter prauæ, alicui verò non sunt, sed expe-  
80 titibiles huic, quædam nec huic: sed nonnunquam & tempore paruo. ex-  
petibiles verò non sunt. Quædam neque voluptates sunt, sed videntur:  
quæ sunt cum dolore, & medicaminis gratia, quales sunt ægrotantium.  
81 Præterea cum bonorum aliud sit operatio, aliud habitus, operationes  
quæ ad naturalem cōstituunt habitum, per accidens afficiunt volupta-  
te. Est igitur operatio in cupiditatibus \* restantis habitus atque naturæ: ὁ πόλις  
subdolētis  
Nam & sine dolore, cupiditatēque sunt voluptates: vt operationes con-  
templandi, non deficiente natura. Signum autem est quod non eisdem  
gaudent homines cum repletur, & cum est constituta natura: sed cum  
est cōstituta iis quæ simpliciter afficiunt voluptate: cum repletur & con-  
82 trariis. Nam & acribus gaudent & amaris: quorum nihil prorsus aut na-  
turæ, aut simpliciter afficit voluptate. Quare nec voluptates. Nam vt ea  
quæ voluptatem efficiunt inter sese distant: sic & voluptates eæ quæ ab  
illis proueniūt. Atqui non necesse est aliquid aliud esse præstabilius vo-  
83 luptate: vt quidam inquirunt generationis ipsius finem. Non enim ge-  
nerationes: neque cum generatione sunt omnes: sed operationes & fi-  
nis. Nec eueniunt dum fiunt, sed cum fit vsus. Nec omnium est finis a-  
84 liud quicquam, sed earum quæ ducunt ad perfectionem naturæ. Qua-  
propter & non bene sese habet, voluptatem dicere generationem esse  
sensibilem: sed dicendum est potius operationem eius habitus esse, qui  
85 est secundum naturam, & pro hoc sensibilem, sine impedimēto. Vide-  
86 tur autem ex eo generatio quædam esse, quia est propria bonum. Ope-  
rationem enim generationem esse existimant, est autem diuersum. At  
verò si voluptates esse prauas ex eo censent, quia nonnullæ rerum affe-  
rentium voluptatem morbos efficiunt, idem & in salubribus rebus cō-  
seebunt. Nonnullæ nanque obsunt pecuniariæ rei. Hoc igitur pacto prauæ  
87 sunt ambæ. At non sunt ob id ipsum prauæ. Nam obest interdum ad  
sanitatem & contemplatio. Impedit autem neque prudentiam neque  
habitum vllum voluptas ea quæ ab vnoquoque prodit, sed alienæ. Nam  
88 eæ voluptates quæ ad cōtemplationem emergunt & disciplinam, con-



ferunt potius ad contemplandum, atque discendum. Id præterea quod dicitur nullam vilius artis opus voluptatem esse, cum ratione accidit. Nec enim vlla alia operatio artis est, sed potentiæ: quâquam & vnguentaria ars, & coquinaria, voluptates esse videntur. Temperantem autem fugere voluptatem, & prudentem sequi vacuitatem doloris, pueros denique persequi, belluâsque, afficientes res voluptate, eodem omnia modo soluuntur. Nam cum voluptatum, (vt dictum est) aliæ sint absolute bonæ, aliæ non bonæ, tales voluptates tam pueri quàm belluæ persequuntur, & harum indolentiam prudens quas cupiditas comitatur, & dolor, quæque corporis sunt. Hæ nanque tales sunt, & harum exuperationes, quibus intemperans, intemperas est. Quapropter has temperans fugit. Nam sunt voluptates & temperantis.

## Commen.

**N**ON effici autem ob ea quæ dicta sunt. Hoc est secundum capitulum huius secundi tractatus, in quo philosophus incipit refellere opiniones prætorum, præsertim primam & tertiam: secundæ verò, rationes & modum probandi potius refellit quàm ipsam opinionem, vt patebit infra. Diuiditur autem hoc capitulum in sex partes, quæ suis locis declarabuntur. In prima autem parte dicit philosophus, quod non sequitur neque sit rationes assignatas à primis illis quod nulla voluptas sit bonum, vt dicebat prima opinio: neque etiam sequitur quod voluptas non sit summum bonum, vt tertia dicebat opinio. His præmissis incipit philosophus distinguendo voluptates arguere contra primam opinionem hoc pacto, Si voluptatum aliquæ sunt simpliciter bonæ, opinio prima prætorum quæ dicebat nullam voluptatem esse bonum non est vera: at primum est, ergo & secundum: consequentia patet & assumptio probatur à philosopho per sufficientem diuisionem voluptatum hoc modo sumptam, vt sese habet bonum, ita sese habet natura & habitus, & item voluptates quæ naturam, & habitus consequuntur. At bonorum aliud est simpliciter bonum, aliud non simpliciter, sed alicui bonum: sic & natura & habitus, & ex consequenti voluptates quæ dicuntur motus, & generationes secundum illas voluptates, in qua quæ ex illis sunt quædam erunt simpliciter bonæ, quædam alicui bonæ, & non simpliciter & de se bonæ. Sic etiam prauarum voluptatum quædam sunt simpliciter, & de se prauæ, quædam tamen alicui & secundum quid non dicuntur prauæ. Et rursus, voluptatum simpliciter prauarum, quædam à nullo, quædam ab aliquo experuntur, & item voluptatum quædam apparentes, quædam veræ. Cum igitur voluptates vt breuiter repetamus sint generationes, & motiones secundum illos ad naturam, & naturam & habitus sicut bonum dicantur simpliciter, & secundum quid sic etiam voluptates dicuntur bonæ vel prauæ, aut simpliciter, aut secundum quid: ergo aliquæ voluptates erunt bonæ, & non erit vera opinio quæ dicit quod nulla voluptas est bonum, vt patet ex distinctione voluptatum multifariam facta. Primo quod voluptatum quædam simpliciter & de se bonæ, quædam alicui, & istæ possunt esse simpliciter prauæ, quæ tamen alicui non videbuntur prauæ. Secunda diuisio voluptatum simpliciter prauarum, quædam à nullo, quædam ab aliquo experuntur. Tertia diuisio voluptatum, quæ ab aliquo experuntur, quædam semper, quædam non semper experuntur, sed interdum & modico tempore. Item voluptatum quædam veræ, quædam apparentes alicui cum re vera non sint. Nam voluptates veræ quæ sunt tales de se, debent vehementer abesse à doloribus: quæ verò sunt cum dolore, nec per se & simpliciter, sed per accidens sunt appellandæ voluptates. vt alleuaciones ægrotantium per medicinam. Tales enim voluptates eis videntur cum non sint veræ voluptates. Ex his patet quod illa opinio non est vera quæ dicit nullam voluptatem esse bonum, cum appareat aliquam esse bonam. [HÆC sequuntur.] Scilicet bona & bonorum distinctionem: quod sicut bonum dicitur aut simpliciter aut alicui: sic naturæ & habitus dicuntur generationes, id est operationes quæ proficiuntur à natura vel ab habitu. Notandum quod illa opinio non est vera, quia sumit omnem voluptatem esse malum, vel nullam voluptatem esse bonum, quia omnis voluptas est generatio ad naturam. hoc autem non est verum, quia est quædam voluptas quæ non est generatio, vt patebit infra. [PRÆTEREA cum bonorum aliud sit operatio. Refellere vult philosophus primam rationem illius primæ opinionis, quæ volebat vt nuper diximus, quod nulla voluptas esset bona, ex eo quia omnis voluptas est generatio sensibilis ad naturam, & affert duas conclusiones probandas, ex quibus postea procedit contra illam: prima conclusio est quod operatio constituens naturam, non est per se voluptas, sed per accidens: secunda conclusio, operatio quæ proficitur à natura vel ab habitu est voluptas simpli-




pliciter, & per se & non per accidens. Prima conclusio probatur hoc pacto, Ea operatio quæ est  
 coniuncta cum dolore non est simpliciter voluptas, sed operatio quæ constituit naturam est con-  
 iuncta cum dolore, ergo operatio cõstituens naturam non est per se & simpliciter voluptas, sed  
 per accidens: maior est clara, quia simpliciter voluptas excludit omnem dolorem. Nam cum sit  
 fames vel sitis, tunc videtur deficere natura: postea fit operatio proficiscens ad naturam, id est re-  
 pletio, & hanc dicit philosophus non esse simpliciter voluptatẽ, quia est mixta cum dolore. qua-  
 re nõnulli philosophi dixerunt voluptatem esse coniunctam cum dolore, & simul & semel fieri  
 in eodem animali ob hanc causam. Sic ergo patet quod omnis operatio quæ proficiscitur ad reple-  
 ndam naturam non est voluptas per se, sed per accidens. Probari etiam potest eadem cõclusio  
 hoc modo ex signo, Sicut se habent efficientia voluptatem, sic se habent voluptates quæ ab eis  
 proficiscuntur: sed illa quæ replent naturam efficiunt voluptatem non simpliciter, sed per acci-  
 dens: ergo voluptas talis ab illis procedens erit per accidens. Patet ratio ex signo, quo ostendit  
 philosophus illos qui replentur non affici voluptate simpliciter vt patet in textu. Secunda con-  
 conclusio probari potest similibus mediis hoc pacto: omnis operatio quæ est seiuncta à dolore est  
 voluptas simpliciter, sed operationes quæ procedunt à natura & habitu sunt à dolore seiunctæ:  
 ergo tales operationes sunt voluptates simpliciter. Patet ratio quia à natura repleta, & cõstituta  
 prodeunt operationes aliquæ sine dolore, similiter ab habitu bono, quia producitur cum faci-  
 litate, & cum voluptate simpliciter. quare omnis operatio proficiscens à natura constituta vel ab  
 habitu erit voluptuosa simpliciter, & non per accidens. Potest etiam ex signo probari hoc modo,  
 sicut se habent efficientia voluptates: sic se habent voluptates quæ ab illis prodeunt: sed illa quæ  
 proficiscuntur à natura cõstituta vel ab habitu, sunt efficientia simpliciter voluptatem: ergo vo-  
 luptas ab eis procedens erit simpliciter talis. ex quibus patet solutio contra rationem eorum qui  
 dixerunt nullam voluptatem esse bonum, quia omnis voluptas est generatio ad naturam. Nam hoc  
 voluptati quæ præcedit constitutam naturam vel habitum accommodari forsitan potest, vt sit  
 imperfecta: non tamen omni voluptati, quia non ei quæ sequitur post constitutam naturam &  
 habitum, vt supra ostendimus. Vbi autem philosophus dicit. [N A M sine dolore.] Innuere vide-  
 81 tur illam secundam conclusionem quam attulimus, quasi ostendendo quod d sunt voluptates sine  
 dolore & cupiditate, illæ operationes quæ prodeunt à natura non deficiente, sed à natura bene  
 constituta & ab habitu, sicut sunt operationes speculatiuæ, quæ sũt sine dolore & cupiditate, &  
 sine defectu, & indigentia naturæ: & sic tali exemplo vti videtur ad declarandam illam cõclusio-  
 nem quam diximus. [A T qui non necesse est aliquid.] Hæc est secunda pars capituli, in qua phi-  
 82 losophus refellit rationem tertie illius opinionis supra allate, quæ dicebat, quod & si omnis vo-  
 luptas sit bona: tamen non est voluptas quæ possit esse summum bonum, & arguebat hoc modo,  
 Id quod non est finis, non potest esse summum bonum: Voluptas non potest esse finis cum sit ge-  
 neratio, & generatio sit ad finem, ergo voluptas cum non possit esse finis, non potest esse summum  
 bonum. Nunc autem philosophus negat illam minorem ostendendo esse falsum illud quod dicitur,  
 quod voluptas non potest esse finis, quia non omnis voluptas est generatio, vt illi accipiebant.  
 Et inferebant postea, quod cum omnis voluptas sit generatio, & nulla generatio sit finis: ergo  
 voluptas non est finis. Dicit ergo philosophus quod non omnes voluptates sunt generationes,  
 sed est aliqua voluptas quæ est operatio, & non generatio, & talis est illa quæ est post habitum,  
 & cõstitutam naturam. Nam illa quæ est ad naturam vel habitum, adiuncta est cum dolore, & est  
 voluptas per accidens: & de tali est verum quod ipsa non est finis, sed ad finem. Post hæc philo-  
 sophus reprehendit diffinitionem illorum de voluptate, cum dicit voluptatem esse generatio-  
 nem sensibilem ad naturam, & eam corrigit dicendo, quod illi dicebant diffinire voluptatem  
 quod est operatio eius habitus qui se habet secundum naturam, & loco sensibilis debebant po-  
 nere sine impedimento, ita vt voluptas diceretur esse non generatio sed operatio habitus secun-  
 dum naturam sine impedimento. Itaque hæc diffinitio corrigit illam priscorum ponendo pro  
 generatione operationem, & pro sensibili sine impedimento. & declarat deinde generationem,  
 quia illi putabant generationem & operationem esse idem: quod si operatio omnis esset ge-  
 neratio, & operatio quædam sit finis vltimus, sequeretur quod generatio quædam esset finis vltimus:  
 at voluptas est generatio per illos, ergo voluptas posset esse vltimus finis. Verum illi errabant,  
 quia omnis generatio est operatio, non autem e contra, quia operatio quæ est ad habitum, & na-  
 turam constituendam, potest quoquo modo appellari generatio: sed illa operatio quæ sequitur  
 naturam, & habitum cõstitutum non est generatio, sed finis, cum non ordinetur ad aliquid aliud  
 vltius. quare aliud est operatio, aliud generatio, & non sunt omnino idem, cum generatio vi-  
 deatur esse quoquo modo operatio quædam ante habitum, & naturam constitutam. Sed tamen  
 est operatio alia post habitum, quæ nullo modo est generatio, cum illa sit finis: generatio autem  
 sit ad finem. Non est necesse aliquid esse præstabilius, scilicet quod voluptas, quasi non oportet  
 dicere aliquid aliud esse præstabilius voluptate, vt dicunt illi prisci finem esse præstabiliorem  
 generatione quæ est ad finem. & quia voluptas est generatio secundum illos ideo voluptas erit  
 ad finem, & habebit aliquid præstantius se, id est ipsum finem. Nos autem dicimus quod non om-  
 nis voluptas est generatio, sed quædam est finis: quare ratio vestra, o Prisci, cõcluderet de volu-

prate quæ est generatio, non autem de ea quæ est finis vel cum fine: hoc autē addo, quia cum fine  
 ultimo, & cum felicitate videtur esse voluptas coniuncta: semper adeo ut re videatur quasi esse  
 idem cum felicitate, & differre ratione, ut in decimo latius apparebit. [S E D vsus eorum.] Id est  
 idem cum habitu. Non enim sunt operationes quæ sunt proprie fines, dum generatur habitus, sed cum  
 fit vsus ipsorum: est autē vsus habituum operatio quæ ab ipsis habitibus proficiscitur. [A L I V D  
 quicquam.] Scilicet ipsa operatio post habitum quæ est coniuncta voluptati. Sed earum, scilicet  
 operationum & voluptatum, quæ ducunt ad cōstituendam deficientem naturam, scilicet, est ali-  
 quid aliud. i. aliquis finis cum sint generationes ad finem ordinatæ, Secundum naturam, ut ex-  
 cludat vitium quod videtur esse cōtra naturā. Corruptit enim naturam. [V I D E T V R autem.]  
 Scilicet generatio quia est proprie bonū, & finis, & illi existimant operationem esse generatio-  
 nem, quod si generatio est idem quoddam operatio, & quædam operatio est finis, ergo sequeretur  
 quoddam aliqua generatio est finis contra illos, esse tamen diuersum & aliud, scilicet generatio quam  
 operatio: quia omnis generatio videtur esse quoquo modo operatio, non autem e contra. Con-  
 cluditur contra illos quoddam non verum esse nullam voluptatem esse finem, ut illi dicebant, sed hæc  
 materia latius apparebit in sequentibus. [A T verò si voluptates esse prauas.] Hæc est tertia pars  
 huius capituli, in qua nunc sumit secundam opinionem priscorum, quæ posita fuit supra inter pri-  
 mam & tertiam, & redarguit modum probandi, & vnam argumentationem illorum, qua cum  
 vellent probare opinionem suam, quoddam non omnis voluptas est bona, sed quædam praua, argue-  
 bant ex eo, quia omne quod affert detrimentum vel morbum est prauum: sed quædam efficien-  
 tia voluptatem, & ex consequenti voluptates prouenientes ex illis afferunt detrimentum vel  
 morbos: ergo quædam voluptates sunt prauæ. Philosophus autem videtur negare illam maio-  
 rem, quod omne afferens detrimentum vel læsionem corpori sit malum vel prauum. Sequeretur  
 enim quod res salubres efficientes sanitatem essent prauæ, quia interdum aliquæ illarū sunt de-  
 trimento rei pecuniariæ, & eam vel lædunt vel impediunt. Item sequeretur quod contemplatio  
 esset mala, quæ interdum videtur obesse corpori & sanitati, quia videtur consumere de spiritu,  
 qui debet penetrare ad alias partes corporis ad fouendum ipsum, & ipse trahitur ad cerebrum  
 instrumentum sensuum interiorum: quo administrantur phantasmata, quæ deinde representan-  
 tur intellectui. Quare esset absurdum dicere quod contemplatio esset praua, quia non nocet corpori  
 cum perficiat animā, quæ est optimum & præstabiliissimū in homine: sic igitur retorquet argu-  
 mentum priscorum philosophus. [I M P E D I T autem neque prudētia.] Hæc est quarta pars huius  
 capituli, in qua philosophus arguit contra vnam rationem quæ fuit quarta in ordine illius  
 primæ opinionis quæ dicebat quod nulla voluptas est bonum, & inter alias rationes afferbat il-  
 lam, nullum bonū est impedimento prudētiæ, sed voluptas est impedimento prudētiæ, ergo volu-  
 ptas non est bonum. Hanc rationem soluit philosophus concedendo maiorem, quod nullum  
 impediēs prudētiā videtur esse bonum. Ad minorē, quod licet aliquæ voluptates sint impe-  
 dimēto prudētiæ, non tamen omnes, nam voluptas quæ prodit ab operatione prudētis iuvat  
 prudētem non impedit: nec alicuius habitus propria voluptas impedit habitū à quo prodit, sed  
 alienæ voluptates sunt illæ quæ impediunt. nam voluptates cōtemplationis, & disciplinæ profi-  
 ciunt, & conferunt ad contemplandum, & discendum, quia sunt proprie, ut in decimo ostendit  
 philosophus. Quare non voluptas proprie dicta, sed ea quæ est per accidēs impedit prudētiā,  
 & argumētatio vestra valet de ea non autem de omni voluptate nec de propria. Itaque non erit  
 verum quod nulla voluptas sit bonum. [I D præterea quod dicitur nullum.] Hæc est quinta pars  
 huius capituli, in qua philosophus soluit aliam rationem primæ opinionis, quæ ratio fuit quin-  
 ta in ordine hoc pacto, omne bonū est opus ipsius artis, nulla voluptas est opus artis, ergo nulla  
 voluptas est bonum, & probatur, quia omne bonum proficiscitur à recta ratione, quæ est ars se-  
 cundum illos. hanc soluit philosophus negando primo maiorem, & dicēdo quoddam operatio pro-  
 prie non est artis, sed potentiæ quæ habet talem habitum. Est enim potentia respectu artis  
 principium quoddam, unde omnis operatio primo erit ipsius potentiæ in qua postea fundatur ars,  
 quoddam si voluptas sit operatio non erit bonum artis sed potentiæ. Itaque operatio non erit artis,  
 vel ars non erit operationis: sed potentiæ. Præterea si ars est recta ratio, est fastidium & eor-  
 um quæ aguntur a nobis: deinde negat minorem philosophus, scilicet quoddam voluptas non sit  
 opus artis, immo ostendit quod voluptas est opus ipsius artis alicuius: exemplo vnguentari-  
 æ & coquinariæ artis, quæ sunt effectrices voluptatum: ex quo patet quod illa ratio non est  
 vera, nec ex consequenti opinio quæ dicebat quoddam nulla voluptas est bonum, quia non est opus  
 artis. [T E M P E R A N T E M autē fugere voluptatem.] Hæc est sexta pars huius capituli, in qua  
 philosophus soluit secundam rationem & tertiam & sextam illius primæ opinionis, & dicit quod  
 omnes hæ rationes facile solui possunt eodem modo, scilicet per distinctionem factam de volu-  
 ptatibus, & primo soluit sextam, quæ dicebat, quod bestia, & pueri sequuntur non est bonum,  
 voluptas est huiusmodi, ergo non est bonum. Dicit ergo philosophus cum voluptatum aliæ sim-  
 pliciter sint bonæ, aliæ non simpliciter bonæ, concedo quod pueri sequuntur quoddam voluptates,  
 & bestia etiam eas quæ non sunt simpliciter bonæ, nec proprie & simpliciter voluptates,  
 cum sint annexæ alicui dolori: & de talibus ratio vestra concludit quod non sunt bonæ, quia non

sunt simpliciter bonæ. Post hæc philosophus soluit tertiam rationem, dicendo quòd prudens nõ sequitur voluptates corporis, quæ non sunt proprie voluptates, cum sint admixtæ cum dolore, sed sequitur indolentiam & vacuitatem doloris, procedentis ex absentia talium voluptatum quæ sunt corporis. nam si ipse doleret ex absentia talium voluptatum non esset prudens: quare concedimus quòd fugit tales voluptates quæ sunt impedimento prudentiæ, sed non suas proprias: quare ratio vestra valet de illis voluptatibus, quæ non sunt proprie voluptates, & tamen non valet de illis quæ sunt proprie prudentis: eodem pacto soluit secundam rationem, quòd temperans fugit excessus voluptatum quæ non sunt necessariae, nec proprie voluptates nec simpliciter, tamen habet alias sibi proprias quas sequitur, quæ sunt honestæ, & sibi accommodatæ: quare ratio illa valeret si tantum vnifariam dicerentur voluptates, & essent illæ voluptates non bonæ: sed cum voluptates aliæ sint simpliciter, aliæ non, ratio vestra posset concludere de his quæ non sunt proprie voluptates, sed de voluptatibus simpliciter non valet. Itaque illa distinctione voluptatum soluit philosophus omnes istas rationes, concludendo quòd illæ non valent, nec ex consequenti illa opinio quæ dicebat prima in ordine, quòd nulla voluptas est bonum. Notandum pro his omnibus quæ dicta sunt in hoc capitulo, & etiam precedenti, quòd philosophus accipit voluptatem hic pro operatione, quemadmodum illi prisci accipiebant pro operatione, & vt corrigat illos pro generatione ponit operationem, & pro sensibili sine impedimento. verum intelligendum est quòd voluptas non est operatio, sed est accidens quoddam operationis, sequens eam tanquam color superficiem. Quare aliud est operatio aliud id quòd est annexum cum operatione, id est ipsa voluptas: tamen quia operatio & voluptas sunt idem subiecto: ita operatio quam sequitur voluptas, cum non possit esse sine voluptate, ideo dixit philosophus voluptatem esse operationem, quia simul sunt voluptas, & operatio. Et cū dicitur à philosopho quòd voluptas est operatio, est prædicatio identica vt isti aiunt: distinguuntur tamen ratione, quia aliud est operatio ea ratione qua operatio est, & aliud voluptas ea ratione qua voluptas est, & diuersa competunt eis: nam voluptati competit vt dicatur iungi cum operatione: sed operationi competit vt sit subiectum quoddam, ex quo pullulat ipsa voluptas, & eam operationem comitatur tanquam pulchritudo bonam complexionem, & compositionem, & tanquam qualitas quædam. vnde in primo dixit philosophus quòd vita felicitis habet voluptates internas annexas operationibus, quæ sunt veræ voluptates, & in decimo etiam ostendet hæc latius. Concludendum igitur quòd voluptas differt ab operatione secundum rationem, & est qualitas quædam operationis, quare describi potest hoc modo, voluptas est qualitas quædam annexa operationi prodeunti ab habitu, qui est secundum naturam sine impedimento, sed hæc latius in decimo.

*De voluptatum speciebus.**Cap. XIII.*

89  Tqui malum & ipsum dolorem esse, ac fugiendum concedi tur. Alius aliqua ex parte ex eo quia affert impedimentum. At contrarium fugiendo, quo fugiendum quid est atque malum, est bonum. Igitur voluptatem bonum quid esse necesse est. Eo nanque modo quo Speusippus soluebat, non conuenit solutio. 90 Vt minori maius & æquali voluptatem contrarium esse. Non enim sub malo voluptatem ipsam vt speciem dixerit sub genere collocari. At vero nihil prohibet, voluptatem aliquam optimum esse, si non nullæ voluptates sunt prauæ. Quemadmodum & scientiam aliquam, si sunt non nullæ scientiæ prauæ. Quin potius forsitan & necessarium est expetibilem esse aliquam summe. Si sunt vniscuiusque habitus operationes siue impedimento: siue omnis operatio sit felicitas, siue vnus cuiuspiam ipforum, vacans impedimento. Hoc autem est voluptas. Quare fit vt aliqua voluptas, ipsum sit summum bonum: etiam si forte pleræque voluptatum sint simpliciter prauæ. Atque ob id ipsum felicem vitam, iucundam esse omnes arbitrantur: nec tuncque ipsam voluptatem cum felicitate, non absque ratione. Nulla nanque operatio perfecta est, si impeditur. At felicitas operatio est perfecta. Quapropter felix indiget bonis & 93

corporis, & externis, ipsaque fortuna: quo non impediatur. Qui autem aiunt, cum qui rota torquetur, & magnis in calamitatibus est constitutus, felicem esse si modo sit bonus: nihil profecto dicunt, aut sua sponte, aut inuiti. Quia vero felix indiget & fortuna: ideo quibusdam fortunæ prosperitas, & felicitas, idem esse videtur. Quod non est ita. Nam & ipsa si exuperat, impedimentum affert: atque fortasse iure tum non est prosperitas appellanda, definitio enim ipsius, est ad ipsam felicitatem. Illud etiam belluas hominesque persequi voluptatē, indicat ipsam esse quoddam modo summum bonum. Quam populi celebrāt, omnino fama perire nulla potest. Sed quoniam eadem natura, habitusque optimus neque est neque videtur, nec voluptatem eandem omnes sequuntur: voluptatem tamen omnes sequuntur, fortasse autem & persequuntur: non eam quam putant neque quam dicerent, sed eandem. Omnia namque diuinum quid habent natura. Sed corporis voluptates ex eo sibi nomen hoc vendicarunt, quia sæpissime occurrunt, & omnes sunt ipsarum participes. Solas igitur has esse putant, quia solæ sunt notæ. Patet etiam nisi voluptas & operatio sit bonum, felicem viuere cum voluptate non posse. Cuius namque gratia ipsa est opus, si non bonum est. At simul & cum dolore ipsum viuere contingit. Dolor enim neque malum est neque bonum, si neque voluptas. Cur nam itaque fugeret? Neque igitur studiosi ipsius vita iucunda erat, si non sint & operationes ipsius iucundæ.

## Commen.

**A**T QVI malum & ipsum dolorem esse. Hoc est capitulū tertium huius secundi tractatus, in quo philosophus postea quā attulit opiniones antiquorum, & rationes & solutiones earundē de voluptate & ex consequenti de dolore: nunc probare vult voluptatem esse bonum, & etiam summum bonum. si quod aliqua voluptas est summū bonū. Diuiditur autē hoc capitulum in tres partes quæ suis locis declarabūtur. Primo igitur probat quod voluptas est bonum hac ratione, Id quod aduersatur rei malæ & fugiendæ, est bonum: sed voluptas aduersatur dolori qui est res praua & fugienda, ergo voluptas est bonum. maior est nota. nam malo & fugiendo aduersatur bonum. minor ostenditur quod voluptas aduersatur dolori, qui est res mala, & fugienda. Et addit philosophus quod dolor accipi bifariam potest, aut dolor qui est simpliciter malum, aut qui est aliqua ex parte malum, quia impedit operationes secundum virtutem. Exemplum primi, vt dolor qui fit ex cupiditate, & absentia voluptatū, & talis videtur toto genere, & simpliciter prauus & malus. Exemplū secundi vt dolor proueniens ex obitu amici, qui non videtur esse malum simpliciter, quia non aufert de perfectione interna, sed malū quia est impedimentum operationū virtutis: sed quomodo cunque sumatur dolor, siue simpliciter siue aliqua ex parte, voluptas ei videtur aduersari. Notandum quod illa propositio maior philosophi quod id quod opponitur rei malæ, & fugiendæ sit bonum, si accipiat simpliciter non videtur esse vera. Nam malum malo opponitur non solum bonum, & fugiendum fugiendo aduersatur non solum prosequendum. Non enim valet hoc opponitur malo & fugiendo, ergo est bonum. Prodigalitas enim opponitur auaritiæ vt rei malæ & fugiendæ, & item timiditas audaciæ, & tamen non est bonum, & sic de multis aliis dici possit. Etenim cum contrariorum quædam sint sine medio, vt ægrum & sanum secundum philosophos, quanquam medici mediū ponant corpus neutrum: quædam vero cum medio vt album & nigrum, inter quæ sunt fuscum, viride & similia, in his quæ non habent mediū valeret ista consequentia, quod remoto vno opponitur alterum, & posito vno remouetur alterum. Vt non est sanum, ergo est ægrum, vel est sanum, ergo non est ægrum secundum philosophos. At in contrariis habentibus medium non valet. Nam cum dico non est albū, nō sequitur vt sit nigrum, quia posset esse viride, fuscum, & sic de aliis. Eodē pacto non valet: hoc opponitur malo ergo est bonum, cum possint esse duo extrema mala contraria, & medium sit bonū per negationē etiā extremorū, quare illa propositio philosophi debet intelligi limitata. Illud quod opponitur alicui malo & fugiendo vt mediū, & medium per negationē extremorū, illud inquā

videtur esse bonum: at voluptas videtur aduersari dolori vt medium: ergo voluptas est bonum, loquendo de vera voluptate. [E O nanque pacto quo Speusippus soluebat.] Refellit philosophus solutionem Speusippi, quam faciebat ille ad soluendam rationem supra allatam. Is Speusippus Platonis fuit ex forore nepos, & cum Plato inueheretur contra voluptatem prauam eam ostendens, voluptatem tamen corpoream: is quasi suæ philosophiæ hæres sententiam illius tuebatur, & cum ei afferretur illa ratio quam supra philosophus attulit, quod id quod opponitur fugiendo & malo est bonum: sed voluptas opponitur dolori vt malo fugiendo, ergo est bonum: quæ ratio videtur esse etiam ab aliis adducta. Soluebat Speusippus hanc rationem, vt ostenderet voluptatem non esse bonum vt illi volebant, cuius solutionem re darguit nunc philosophus. Dicebat enim Speusippus voluptas aduersatur dolori vt extremum, quare non valet, dolor est malum, ergo voluptas bonum. Inquiunt enim vt dicit philosophus in decimo, non si dolor sit malum, voluptatem continuò bonum esse. Aduersatur enim & malum malo, & ambo ei quod neutrum est. Vnde Speusippus videtur ponere dolorem vnum extremum, voluptatem aliud extremum, medium autem vacuitatem doloris: adeo vt si quis vellet transire ab vno extremo ad aliud, transiret per indolentiam tanquam per medium, & illa duo extrema, scilicet voluptatem & dolorem opponi inter se vt maius minori, & medio vt æquali: philosophus vero cum videatur collocare voluptatem proprie dictam in medio, dicit quòd illa solutio Speusippi non est bona nec accommodata, quia ipse etiam fateretur voluptatem non esse omnino sub genere mali: adeo vt nulla voluptas sit bona. nam est quædam species voluptatis quam ipse fateretur esse bonam, quòd si voluptates essent sub genere mali, nulla esset bona voluptas, quod est absurdum. Male ergo locabat ille voluptatē, ponendo eam vt extremum, quia sic esset sub genere mali: & si competet generi vt sit malum, competet etiam speciebus suis. [A T vero nihil prohibet voluptatem aliquam.] Hec est secunda pars huius capituli, in qua philosophus postea quam attulit rationem qua ostendebat voluptatem esse bonum: nunc affert aliam ad probandum quòd aliqua voluptas sit summum bonum, & ipsa felicitas. Deinde affert duas alias rationes ad idem probandum, itaque erunt tres. Et intelligendum quod eodem modo dicimus voluptatem esse felicitatem, sicut diximus voluptatem esse operationem. Nam voluptas vt diximus non est proprie operatio, sed qualitas quædam operationi annexa pullulans ex ea quasi proprius quidam affectus. Eodem modo dicimus nunc quòd voluptas est summum bonum humanum atque felicitas, non quòd sit proprie felicitas, & essentia eius sit felicitas, sed est quiddam annexum felicitati, & consequens ipsam vt proprius affectus, adeo vt idem subiecto esse dicatur, differre tamen ratione: hæc autem dicimus, quia expositor quidam iudicio meo non bene intellexit hunc locum, qui dicit hanc conclusionem non esse de mente philosophi, cum probet in decimo voluptatem non esse summum bonum, verum intelligendum quòd voluptas non sit secundum se summa summum bonum, si posset sumi sine operatione, sed coniuncta cū operatione, cū operatio secundū virtutē sit felicitas, & voluptas sit operatio: non quòd operatio sit essentia eius, sed subiectum, ita vt voluptas sit operatio hoc pacto. i. connexa operationi vt proprius affectus, eo modo quo antea diximus pulchritudinem esse coniunctā, & pullulare ex bona complexionē, & compositionē membrorum. & forsitan sicut dicimus honestum, & decorum sequi virtutem tanquam proprium affectum, sed hæc in decimo, vbi magis patebit quæ sit propria sententia philosophi. Prima igitur ratio philosophi qua probat voluptatem esse summum bonum, talis est, Si operationes cuiusque habitus sint sine impedimento, aliqua voluptas erit summum bonum humanum: sed primum est, ergo & secundum. Assumptio patet quòd operatio quæ proficiscitur ab habitu vt se habet secundum naturam, proinde videtur sine impedimento. Consequentia declaratur, nam si operationes prouident ab habitu sine impedimento cum habitus ordinentur ita vt vnus sit nobilior alio, vsque ad perfectissimum habitum, & operationes ordinantur, veniendo vsque ad perfectissimam, cum qua erit coniuncta summa voluptas, & hæc simul cum operatione tali perfectissima potest dici summum bonum. Quare & si aliquæ voluptates sint prauæ, tamen non sequitur quin aliqua possit esse summum bonum, sicut esse potest scientia aliqua optima veluti sapientia: & si scientiæ quædam sint peruersæ sicut veneficæ & tales. [V O L U P T A T E M E S S E O P T I M U M.] Intellegendo sicut diximus non quòd voluptas secundum essentiam suam sit proprie operatio quæ est felicitas & summum bonum, loquitur enim hic large philosophus, sed quia comitatur operationem, & felicitatem, & est in felicitate tanquam prius affectus in subiecto suo, sed in decimo patebit hoc latius. [A T Q V E ob id ipsum vniuersi.] Aliam rationem affert philosophus ex signo quòd homines appellant felicitatem iocundam vitam vel cum voluptate, ex quo philosophus probat aliquam voluptatem esse summum bonum, primo hoc pacto, Omnis operatio perfecta est sine impedimento: at felicitas est operatio perfecta: ergo felicitas est sine impedimento. Tunc vltra: omnis operatio sine impedimento est voluptas, aut annexa cum voluptate: sed felicitas est operatio sine impedimento, ergo felicitas est voluptas aut annexa cum voluptate: at felicitas est summum bonum humanum, ex quo summum bonum humanum, aut erit voluptas aut annexum cum voluptate, ergo aliqua voluptas quoquo modo, & eo pacto quo diximus erit summum bonum humanum. [Q V A P R O P T E R felix.] Infert philosophus vnum correlarium



ortum ex supradictis, ex quo deinde afferuntur duæ aliæ sententię. Dicit quodd felix indiget bonis corporis & externis, quia supra dixerat felicitatē esse operationem sine impedimento. quare ad hoc vt operatio quæ est felicitas, non sit impedita, indiget bonis corporis, & externis tanquā instrumentis. [QVI autem aiunt hominem.] Vnam sententiam affert quæ oritur ex dicto correlario. Stoici enim dicebant quodd felicitas consistit tantum in virtute, & bonitate, adeo vt non modo bonis corporis, aut externis felix carere possit sine vlla læsione felicitatis: sed etiam si sit in rota aut Phalaridis tauro constitutus, & habeat virtutes: tamen est felix cum nihil possit laedere felicitatem nisi culpa, fraus, vitium. Philosophus igitur sumens hanc sententiam dicit quodd ii siue sponte siue inuiti, id est aliqua ratione compulsi quam soluere non possunt nihil dicunt, quia in summo dolore constitutus cum perfecte nequeant exercere operationes secundum virtutem, nõ proprie videbitur esse felix: felicitas enim est operatio quæ dā non impedita. [QVI vero felix.] Affert secundam sententiam quæ oritur ex correlario supradicto, nam cum felicitas 25 igitur bonis externis putauerunt quidam nihil interesse inter felicitatem, & prosperitatem, quam sententiam reprobatur philosophus hoc pacto, Id quod affert impedimentum felicitati non est felicitas, sed prosperitas si excedat impedit felicitatem, ergo prosperitas excedens, & superabundantia externorum bonorum non est felicitas, sed potius impedit felicitatem. Maior nota, quia nihil sibi ipsi contrariatur: minor probatur, nam prosperitas habet aliquem terminum cum sit instrumentū quoddā: omne enim instrumentū debet esse accommodatum artifici qui vtitur illo, cū igitur prosperitas & xterna bona, sint instrumenta felicitis, si excedunt non erunt sibi accommodata instrumenta ad operandum, quare erunt impedimento ipsi felici, & sic nimia & excedens prosperitas non modo non est felicitas, sed potius impedimento ei, vt dicit philosophus. Notandum quodd quando philosophus dicit superius felicem indigere bonis corporis, & externis, videtur loqui de felicitate actiua quæ est ad alios, vel ad familiam vel ad ciuitatem. Nam speculatiua vel nõ indiget, vel valde paucis indiget, vt videbimus in decimo. Hoc etiam ipsum bel- 30 las inquam hominesque. Affert aliam rationem philosophus ad idem probandum, quodd aliqua voluptas est quoquo modo summum bonum, id quod omnes tam homines quàm bestię persequuntur, videtur aliquo modo esse summum bonum: sed voluptatem omnes homines & bestię persequuntur, ergo aliqua voluptas videtur esse summum bonum. Hanc rationem probat aucto- 35 ritate Hesiodi, qui non omnino vanescere eam famam dixit, quam plurimæ gentes decantant, ex quo in aliqua parte videbitur vera ista communis omnium persecutio, id est, videbitur quodd aliqua voluptas sit quoquo modo summum bonum. Verum quia aliquis sibi obicere posset, quod licet pueri, & belluæ sequantur voluptates, tamen per hoc non indicatur quodd voluptas sit summum bonum: quia illi sequuntur voluptates quæ non sunt propriæ & veræ voluptates, & alii alias persequuntur. Ad hoc dicit philosophus quodd ex optima natura, & optimo habitu proficiscitur optima operatio: cum ergo non sit omnium optima natura, & optimus habitus, sit vt cum omnes appetant voluptatem, tamen non omnes optimam persequantur, sed forsitan eam quam non putant, nec eam quam interrogati dicerent: at ipsi feruntur ad appetendum id quod sibi apparet optimum, quia habent diuinum quoddam quo trahuntur ad appetendum id quod est optimum, sed postea ij qui non habent optimam naturam nec habitum, persequuntur eas voluptates 40 quas facile possunt adipisci, & nõ eam voluptatem quæ est vere & simpliciter voluptas. Hæc nõ est ita nota & manifesta, cum sit voluptas animi. hinc est quodd voluptates corporis quæ sunt magis notæ, & communiores vsurpauerunt sibi hoc nomē voluptatis, adeo, vt cum homines loquuntur de voluptatibus intelligant vt plurimum de voluptatibus corporis, & per hoc videtur excusare quoquo modo illos philosophos, qui dicebant omnem voluptatem esse prauam, cum loqui viderentur de voluptate corporea: quare falluntur in eo quod putant eas solas esse voluptates, scilicet corporeas, cum tamen propriæ, & vere non sint voluptates vt patuit. [P A T E T etiam nisi voluptas sit bonum.] Hæc est tertia pars huius capituli, in qua affert vnam rationem ad probandam aliquam voluptatem esse bonum, ex qua deducitur duæ argumentationes ducentes ad impossibilia hoc pacto, Si voluptas non sit bonum: felix non viuet cum iocunditate. Consequens falsum ergo & antecedens. assumptum patet, quia felix viuit cum iocunditate summa, & habet proprias voluptates, vt in primo, & in decimo dicit philosophus. consequentia probatur, quia felix sequitur omnia bona: at si voluptas non sit bonum exterminaret eam statim à se tanquam non bonum, sed ea non separatur à felici vt diximus, ergo erit bonum. Secunda argumentatio 45 ducentes ad impossibile vel falsum, est talis, Si voluptas non sit bonum, felix viuet cum dolore. consequens falsum, ergo & antecedens. Assumptū est manifestum, quia felix non debet viuere cum dolore: consequentia probatur, quia si voluptas non sit bonum, nec etiam erit malum. ergo non erit nec malum, nec bonum. Eodem pacto se habebit contrarium suum, id est dolor, quia non erit nec malum, nec bonum. At id quod non est nec bonum, nec malum potest adesse felici, quia non repugnat: ergo felix poterit habere dolorem, & viuere cum dolore, quod videtur absurdum & falsum, vt patet, ad quod tollendum dicere oportet voluptatem saltem aliquam esse bonum, & cum felicitate coniunctam.





27 **E** corporis autem voluptatibus considerandum est eis qui  
 dicunt nonnullas voluptates expetibiles esse valde, & hone-  
 98 stas, sed non corporis, & in quibus temperans ipse versatur:  
 99 cur igitur contrarii dolores sunt prauis? malo nanque bonum  
 contrarium est. An necessariae voluptates sic sunt bonae, quia & id quod  
 100 est non malum, est bonum: an usque ad aliquem terminum bonae sunt?  
 101 habitum enim eorum ac metuum, quorum non est melioris exuperatio,  
 neque voluptatis est. Eorum autem quorum est, est & voluptatis ex-  
 operatio. At bonorum corporis est exuperatio, & prauus in persequen-  
 do exuperationem, sed non necessariae voluptates consistit: omnes enim  
 gaudent quodam modo & epulis, & vino, & venere, sed non ut oportet.  
 Contra autem: in ipso dolore facit. Non enim exuperationem: sed om-  
 nino fugit dolorem. Non enim est exuperationi dolor contrarius: nisi  
 100 ipsi persequenti exuperationem. At enim cum non solum ipsum verum:  
 sed etiam falsi causam oporteat dicere (hoc enim ad faciendam fidem  
 101 conducit: nam cum id rationi consentaneum fuerit visum, ob quod ve-  
 rum esse videtur quod non est verum, facit ut ipsi vero magis assentia-  
 mur) dicendum est cur corporis voluptates expetibiliores videntur. Pri-  
 mum igitur ex eo, quia pellunt dolorem. Atque ob exuperationes do-  
 loris, voluptatem exuperantem uti medelam, & omnino voluptatem  
 corporis persequuntur. Ipsae autem medelae vehementes sunt. Quapro-  
 pter & ipsas sequuntur: qui tales videntur cum contrarium adest. Et pro-  
 pter haec igitur duo (sicut dictum est) voluptas non studiosum esse vide-  
 tur: quia aliae pravae naturae sunt operationes: aut ab ortu, quemadmo-  
 dum feræ, aut ob consuetudinem: quales prauorum sunt hominum.  
 102 Aliae sunt medicamenta, quia sunt indigetis, & melius est habere quam  
 fieri. Aliae accidunt dum perficiuntur. Per accidens igitur sunt studio-  
 sae. Præterea ipsas quia sunt vehementes: ut persequuntur qui aliis ne-  
 queunt gaudere. Ipsi itaque sibi quandam sibi comparant. Quæ cum  
 sine quidem nocumento sit, non est increpandum: cum vero cum de-  
 trimento, perprauum est. Neque enim habent alia quibus gaudent, &  
 nec aliud habere plerisque permolestum est ob naturam. Nam animal  
 semper laborat: ut naturales etiam sermones testantur, videre ac audire  
 dolorem inferre dicentes. Sed consueti iam sumus, ut aiunt. Similiter in  
 iuuentute quidem ob incrementa, perinde disponuntur ac vinolenti. Et  
 iuuentus ad voluptates propensior est. Biliofi autem atra bili natura sem-  
 per eget medicamento. Continue nanque corpus ob complexionem  
 mordetur: & semper in appetitione sunt vehementi. Voluptas autem  
 contraria: & quævis etiam modo sit vehemens pellit dolorem, & propter  
 103 ea intemperantes homines prauique sunt. Voluptates autem ex quæ si-  
 ne dolore sunt exuperationem non habent. Atque hæc proficiuntur ex

iis, quæ natura, & non per accidens afficiunt voluptate. Ea vero dico per accidens afficere voluptate, quæ medentur: etenim quia fit vt homini medeatur, eo quòd sanum permanet, aliquid agente: ideo talia afficere voluptate videtur. At ea natura voluptate afficiunt, quæ faciunt operationem talis naturæ. Nulla autem res eadem ex eo nos semper delectat, quia non est simplex nostra natura. Sed inest & aliquid aliud: quo corrumpibiles sumus. Quare si quippiam agat alterum, id est alteri naturæ preter naturam. Et cum æquatur: neque molestum, neque iucundum videtur quod agitur. Quod si alicuius natura sit simplex: semper eadem operatio iucundissima erit. Idcirco deus vna semper, simplici quæ gaudet voluptate. Non enim solum motionis est operatio: sed & immobilitatis. Et voluptas inquiete potius, quàm in motu consistit. Mutatio vero omnium dulcissimum est secundum poetam, ob prauitatem quandam. Vt enim homo prauus, facile est mutabilis: sic & natura praua est ea, quæ indiget mutatione. Non est enim simplex nec bona. Sed de continentia quidem atque incontinètia, & de voluptate, dolorique & quid vnumquodque ipsorum est, & quonam modo alia ipsarum sunt bona, alia mala, diximus. Deinceps autem de amicitia dicemus.

## Commen.

**D**E CORPORIS autem voluptatibus cõsiderare] Hoc est quartum capitulum huius secundi tractatus, in quo philosophus postea quàm attulit rationes & sententias priscorum de voluptate, & solutiones earundem, & postea quàm probauit voluptatem aliquam esse bonum, & quoquo modo, id est coniunctam cum felicitate, dici posse secundum eam considerationem summum bonum. eo pacto sumptam quo supra diximus: nunc loquitur de voluptatibus corporis. Diuidit hoc capitulum in tres partes, quæ suis locis declarabuntur. In prima igitur philosophus affert vnā dubitationem de voluptatibus corporis, & eam soluit. dictum est enim quādam voluptates esse simplices voluptates, & omnino liberatas à dolore, quæ non sunt corporis, cum corporeæ sint semper cum dolore quoquo modo permixtæ: ex quo sequi videtur quòd sint prauæ, ergo dolores corporis qui eis opponuntur erunt boni. quare considerandum est ab iis qui ponunt, vt ipsæ videatur facere Aristoteles, voluptates corporis esse prauas, quid dicerent de doloribus oppositis, sunt ne prauæ? & si sunt prauæ, cur sunt, cū voluptates oppositæ sint etiam prauæ, voluptates inquam corporeæ, nam si voluptates corporeæ sunt prauæ, videretur quòd dolores oppositi essent boni cum malo bonum sit contrarium: quomodo igitur se habebunt dolores? [A N necessariæ voluptates.] Soluit hac in parte philosophus afferendo duplicem responsonem. Prima cum dicitur quòd voluptates corporeæ sunt malæ, & dolores mali, dicendum quòd necessariæ corporis voluptates. In nutrimenti sunt bonæ ex eo, quia non sunt malæ, ergo quando de illis dicitur sunt non bonæ, ergo malæ, non valet de necessariis. Cū igitur inter bonum & malum medium cadere videatur. Itaque cibus & potus ad sufficientiam pro victu necessarij sunt, & iis adiunguntur quædam voluptates, quas si dicamus bonas, quia non sunt malæ, tamen non sunt simpliciter bonæ nec malæ: sic dicere possumus etiam quòd dolores contrarij, illis non sunt boni nec mali simpliciter: quòd si illas dicamus bonas, quia non sunt malæ, sic dolores oppositos dicemus esse malos, quia non sunt boni, & eo modo quo non bonum dicitur malum. [A N vsque ad aliquem terminum?] Affert secundam solutionem philosophus, dicendo quòd voluptates corporis, scilicet sequentes victum sunt bonæ vsque ad aliquem terminum, donec seruetur mediocritas, & afferunt vnā distinctionem talem quod habituum, & motuum quidam sunt non suscipientes excessum melioris: nam operatio secundum virtutem non habet excessum melioris. Quidam vero sunt qui suscipiunt excessum, ea igitur siue sint habitus siue motus, & operationes, quæ suscipiunt excessum, habent etiam excessum voluptatis: ea vero quæ non suscipiunt excessum, non habent etiam excessum voluptatis. Exempli primi, vt in cibo cum sit excessus est prauus & vituperabilis, & sic voluptas excedens. Exempli secundi, vbi non fit melioris excessio, vt in speculationibus & operationibus secundum virtutem: quæ cum non suscipiant excessum eius quod est melius, non suscipiunt etiam excessum voluptatum, & ideo non erit in illis praua voluptas. Hac distinctione

præmissa ostendit philosophus q̄ omnes voluptates corporis sequētes excessum sunt prauæ hoc pacto. Quarū operationū excessio est praua & vituperanda, & earū voluptas est praua & vituperanda: sed operationū corporis excessio est praua & vituperanda, ergo, & voluptas sequens talē excessionem erit praua, & vituperanda. Hanc eandem rationem ostēdit quodā ligno, dicendo q̄ nos solemus appellare prauos, nō eos qui vītutē cibo & potu tanto, quantū est necessariū, sed excedentes. Postea addit philosophus q̄ omnes homines gaudent cibo & potu & venere, sed nō vt oportet, quia excedunt & excessio est vituperanda: non mediocritas in cibo & potu, cum sint res necessariæ ad vītū. De venere autem alia videtur esse ratio quantū ad necessitatem, quia nō est necessaria pro vita, & conseruatione indiuidui ca vntis, sed omnis superflua quo ad eum: sed necessaria dicitur pro generatione alterius indiuidui, vt aliās dictum fuit. Excedunt igitur modū in voluptatibus corporis, vt sunt intemperantes, & fugiunt dolores non modo excedentes, sed quousque ne impediatur quod minus possint excessiue potiri voluptatibus. Addit postea philosophus q̄ excessui voluptatis non dicitur dolor esse contrarius, nisi quoquo modo dicatur contrarius persequenti excessum voluptatum, & sic innuere videtur solutionem quæstionis allatæ, Nam cū dicitur, si voluptates corporis sunt prauæ, cur dolores contrarii sunt etiam prauis? respondetur quod voluptates non necessariæ, & excedentes sunt prauæ, quibus non est dolor cōtrarius proprie. Nam si aliquo modo sit contrarius, erit persequenti talem excessum voluptatum, cum eum prohibeat suo modo potiri voluptatibus: quare ipsi voluptatibus excedentibus, & superfluis non sunt proprie contrarii dolores, ex quo sequitur absurdum, quod si illæ voluptates excedentes sunt prauæ, dolores qui non sunt contrarii sint prauitū autem præsupponas eos esse contrarios, nos autem concedimus q̄ voluptatibus necessariis, & non superfluis dolores erunt contrarii: at voluptates illæ quæ necessario sequuntur vītū, non excedentes modum, non dicuntur prauæ: quare dolores qui sunt proprie contrarii illis, si dicantur mali non erit inconueniens, quia opponentur prauis dolores, & non prauæ voluptates, & non opponitur prauæ voluptates excedentes & superflue, & dolores ipsi, quia dolor illis nō est proprie cōtrarius, vt dicit philosophus.

100 [A T enim cum non solum verū.] Hæc est secunda pars huius quarti capituli, in qua philosophus soluta illa dubitatione, nunc vult assignare causam cur voluptates corporis magis expetibiles videantur, quam alie, cum tamen non sint expetendæ. dixit enim quod excessio voluptatū est praua: nunc autem dicit quod cum hoc sit verum oportet assignare rationem huius fallaciæ, quia homines putant contrarium illius quod est verum, id est, putant voluptates corporis magis expetendæ esse cum non sint. [P R I N V M igitur ex eo quod pellūt.] Affert rationem philosophus illius fallaciæ hoc pacto, voluptates quæ pellunt dolorem videntur magis expetendæ quàm alie quæ non pellunt: sed voluptates corporis sunt huiusmodi, ergo illæ videntur magis expetendæ, cum re vera non sint. Patet ratio, quia cum famescens vel sitiens dolet ob famem, & sitim, postea ex nutrimento, & voluptate sequenti cibum, & potum pellūt dolores: & sic voluptates corporeæ pellunt dolores, & ideo videntur magis expetendæ quàm alie. quapropter ad excessiuos dolores pellendos homines quærent excessiuas voluptates tanquam medicinas talium dolorum: quæ me dicine quanto sunt vehementiores, tanto videntur esse potentiores ad fugandum morbum. quare illi tales voluptates sequuntur, quia videntur esse medicina, & expulsivæ dolorum eo tempore, quo contrarium, id est, dolor adest, & eo tempore quærentur ab illis vt expellant molestiam & dolorem talibus voluptatibus. [E T propter hæc igitur duo sicuti diximus.] Dixit superius quod voluptates illæ corporeæ videntur esse magis expetendæ quàm alie, cum re vera non sint: nunc assignat rationem cur non sint, scilicet quia non sunt studiose nec bonæ, & affert duas causas. Nam corporis voluptates quedam sunt prauæ, aut natura peruerfa veluti immanes aut consuetudine vitiōrum. Præterea sunt vt medicina, quæ non sunt bonæ simpliciter sed alicui, id est, ægrotanti. & quia sunt medicina ostendunt indigentiam, pellunt enim famem & sitim: & per accidens dicuntur studiose, cum præcedant habitum & naturam constitutam, & sequuntur eam indigentem: & melius est habere vel esse quàm fieri, & in natura esse iam constituta, quā in famescente & deficiente: & melius est habere sanitatem quàm fieri sanū. quare si corporis voluptates quæ sunt natura vel consuetudine prauorum dicuntur prauæ, & item illæ quæ sunt ad replendam naturam indigentem, & pellendum dolorem, non dicuntur studiose nisi per accidens: concluditur quod voluptates corporis non sunt studiose nec re vera expetendæ vt expetunt multi.

102 [P R A E T E R E A eas ipsas quia sunt.] Affert aliam rationem philosophus, quæ ostenditur cur voluptates corporis, & excessiones earum æstimentur bonæ, & expetendæ, cum re vera non sint. Nam cum homines inquit continuis pene laboribus, & doloribus exagitantur, & expellere eos velint, nec vllam medicinam reperire videantur confugiunt ad voluptates, & quando honestas, & veras voluptates habere non possunt, vertunt se ad voluptates corporis, quæ sunt in promptu, & facile possunt acquiri, cum debent potius sibi comparare veras voluptates quæ sequuntur operationes virtutū. Omnes enim quibus eueniunt cōtinui pene labores & dolores, indigent voluptate aliqua: sed cuncti pene homines sunt huiusmodi, ergo indigent aliqua voluptate. Ratio patet ex naturalibus rationibus quæ testantur, quod nobilissimi etiā sensus nostri cū dolore operantur, sed propter assuetudinem non sentimus. Multi quoque dolores neces-

fario fequuntur naturam corporis noſtri, vt aere frigido vel calido, potu vel cibo, ſomno vel vigilia, motu vel quiete: cum igitur doloribus laboribusq; vexati indigere videantur voluptate, quādo illas ſtudioſas, & honeſtas voluptates non habent, multi ſe ad corporeas virtutes quaſe facile aſſequi poſſunt, exiſtantes eas eſſe medicinas dolorum, & neſcientes veras, & ſimpliciter voluptates, quæ coniunctæ cum operationibus virtutum omnem dolorem excludunt. Aſſert poſt hæc philoſophus exempla iuuenum & melancholicorum ad confirmandum quòd homines fugientes dolores & labores, quibus plerumque exagitantur ſe conſerunt ad voluptates. Nam conſtituti in iuuentute ſunt ſimiles ebriis propter exagitationem aſiduam partium corporis, quæ augentur & perturbant corpus, & ideo quaerunt voluptates, & non habentes ſimpliciter voluptates cōfugiant ad corporeas: ſimiliter melācholici qui propter humorem illum qui mordet, & obrodit membra illorum, varie mouentur in corpore, conſugiunt ad voluptates tales, & hinc eſt qd ea ſolæ putantur eſſe voluptates cum non ſint vere, & ſimpliciter dictæ. Poſt hæc dicit quod non ſolum illa voluptas quæ directe eſt contraria tali dolori, vt ſitienti bibere, ſed etiam quauis alia dummodo ſit vehemens, putatur expulſiua doloris, & hinc eſt quòd homines intemperati, quia cum velint expellere dolores, quaerunt voluptates, & non habentes veras, conſugiunt ad voluptates tali dolori directe oppoſitas: quas ſi habere non poſſint conſugiunt ad quacunq; poſſunt, & vt cōtingit ſequuntur, dummodo ſit vehemens & maior voluptas quàm dolor. VOLVPTATES autem hæc quæ ſine dolore. Hæc eſt tertia pars huius capituli, in qua philoſophus declarare videtur illius dubitationis veritatem, qua quaeritur quæ voluptas ſit potior, an animi, an corporis, & primo aſſert hanc ſententiam, & probat qd voluptates mentis, ſunt præſtabiliores voluptatibus corporis, hoc modo. Voluptates eæ quæ non habent exceſſionem vituperandam, ſunt præſtabiliores his voluptatibus quæ talem habent: ſed voluptates mentis non habent, voluptates vero corporis habent exceſſionem vituperandam, ergo voluptates mentis ſunt præſtabiliores voluptatibus corporis. Maior eſt nota. Minor declaratur a philoſopho. Nam voluptates mentis, quæ ſunt a dolore ſeiuſcæ, nullam habent exceſſionem vituperandam, & non ſunt vt medicina illæ corporeæ, & corporeæ voluptates, & quæ aliquo modo ſunt mixtæ dolore, & exceſſionem ſuſcipiunt vituperandam. Aſſert deinde aliam rationem philoſophus ad idem probandū, voluptates quæ proueniūt ab afficientibus voluptate natura, & ſimpliciter, ſunt præſtantiiores voluptatibus prouenientibus ab his quæ afficiūt voluptate per accidens: ſed voluptates mētis ſunt a voluptariis natura, & ſimpliciter, corporeæ vero a voluptariis per accidens: ergo illæ quæ ſunt mentis, lōge præſtatiores ſunt corporeis voluptatibus. Pater ratio, quia voluptates corporis proueniunt ab iis quæ per accidens afficiunt voluptate, & eo in tempore quo contrarium adeſt. Voluptates vero mētis proueniunt ab iis quæ ſunt iocūda natura vt ſunt obiecta intellectus noſtri, quæ conſiderans intellectus noſter maxima afficitur voluptate. Ea vero quæ afficiūt voluptates per accidens ſunt medicina, ſit enim vt homo quaſi æger, & indigens curetur ab agente aliquid quod eſt ſanum in eo: in homine plura dicuntur ſana, vt mēs, ſenſus, nutritiua viſ. Cum igitur corpus indiget aliquo & ei aſſeratur illud ſi viſ interna nutritiua occurrat ad dirigendū tale quod aſſertur, tunc oritur voluptas quædam, quia aliquid quod eſt ibi ſanum. i. viſ nutritiua operatur aliquid. Oritur inquam voluptas mixta cum dolore, quia eſt ad repletionem deſicientis naturæ, & ideo talia quæ afficiunt voluptate ipſum corpus per accidens videtur afficere, at ea ſunt natura voluptaria, & iocūda quæ faciunt operationem talis naturæ. ſ. perfectæ & conſtitute in ſuo ſtatu. Nam quando habitus eſt perfectus proſiciſcitur ab eo faciles operatiōes, & cū voluptate, quæ proprie eſt & ſimpliciter voluptas. Concluditur ergo qd voluptates mentis longe ſunt præſtatiores voluptatibus ipſius corporis. NVLLA autem res eadem. Nūc philoſophus aſſert duo quæ videntur competere humanis voluptatibus. Primum eſt qd hominibus non ſemper idem eſt iocundum, ſed nunc vnū nunc aliud: & hoc euenire videtur quia natura noſtra nō eſt ſimplex, ſed ineſt aliquid in ipſa quod corrumpi poteſt. ſ. corpus. Nam ex parte vna ſumus mortales. ſ. ſecundum corpus, altera parte ſumus immortales. i. ſecundum animam: quare cum hæc duo ſint contraria natura ex quibus fit vnū compoſitum. ſ. homo, aliud delectat corpus, aliud animum, & pretereā nunc vertimus nos ad vnā voluptatem accommodatam animo, nunc ad aliam accommodatam corpori, & alia eſt præter naturam alterius, qd ſi ſumeretur aliquid vtriuſque commune, tūc illud neque moleſtum neque iocundum eſſe videretur, verum ſi vertamus nos etiam ad alteram partem qua ſumus corruptibiles. ſ. ad corpus, reperiemus ex eo etiam variis rebus delectari, quia corpus noſtrum componitur ex contrariis. i. ex ipſis quatuor elementis quæ inter ſe habent qualitates contrarias, vnde nunc frigidum & humidum cum eſt ſitis, nunc calidum & ſiccum cū eſt fames ſibi eſt voluptati: ex quo varia nos delectant, quod ſi ſit aliquid natura ſimplex, ei ſemper vna & eadē operatio iocundiſſima erit, ex hoc infert obortum. [I DCIRCO deus vna ſemper.] Oritur ex ſupradictis correlarium tale. Nam ſi id quod eſt ſimplex gaudet ſimplici voluptate, deus cū ſit ſimplex & ſimplicis naturæ, ſemper vna atq; ſimplici voluptate gaudere debet. Quod probari poteſt hac ratione, ſi diuerſitas voluptatis ſit ex diuerſitate naturæ, certe ſimplex natura gaudebit vna, & ſimplici voluptate, at primum eſt, ergo & ſecundum. Partes rationis declarata ſunt per ſupra dicta, itaque patet cōcluſio: verum quia aliquis poſſet dicere, Voluptas eſt in mo-

tu, deus est immobilis, ergo deus non gaudet voluptate. Nā motus dicit imperfectionem, deus est perfectissimus. Ad hoc respondet philosophus, quod non omnis voluptas est motus, quia nō omnis operatio quæ est subiectum voluptatis, est motio. Nam operationis omnes partes sunt simul, motionis autem non. Nam operatio proficiscens à natura, & habitu perfectō, magis consistit in quiete quàm in motione vt speculatio : & sic voluptas cum ea coniuncta: operationes vero quæ tendunt ad repletionem naturæ motiones dici possunt, cum sint imperfectæ. Voluptas igitur consistit magis in quiete & immobilitate. quare deus gaudebit voluptate, nec tamen mutabitur nec forsitan dicere possumus proprie quòd quiescat, ne tribuatur aptitudo mouendi, sed quod est immobilis, & operatio etiam est immobilitatis, sed hæc ad theologiam pertinent, ad cuius veritatem nos referimus. [MUTATIO vero.] Afferit secundum philosophum, quod videtur competere humanis voluptatibus, & id est varietas, & mutatio quæ nobis videtur esse dulcis, vt ille poeta inquit, ex imperfectione nostræ naturæ. quare vt in homine vitioso euenit propter habitū peruersum, vt varia quærat: sic nobis euenire videtur ex imperfectione naturæ, quæ componitur ex contrariis vt variis delectemur. Post hæc philosophus vtitur peroratione eorum quæ dicta sunt septimo libro finem imponens.

## ARISTOTELIS STAGIRITAE

## ETHICORVM AD NICOMACHVM

## Liber octauus.

## De amicitia.

## Cap. I.

**P**ost hæc consequens est de amicitia pertractare. Est enim quædam virtus: aut est cum virtute. Res est præterea summe necessaria in vita. Nemo. n. habens cætera omnia bona sine amicis expeteret viuere. Nam & locupletes & in principatu, potestateque constituti: plurimum amicis indigere videntur. Quid enim prodest talis prosperitas beneficio sublato? quod quidem maxime fit in amicos, ac maxime commēdatur. Aut quo nam pacto sine amicis custodiri, conseruarique potest? quo nanque magis abundat: eo magis periculis subiacet. In paupertate quoque cæterisque calamitatibus vnicum esse confugium amici putantur. Iuuenibus etiam conferunt ad compescenda peccata. Et senibus ad obsequium, atque ad eos actus perficiendos quos ob imbecillitatem ipsi peragere nequeunt. Et iis itē qui sunt \* in statu, ad actiones honestas. etenim si duo simul eant: intelligere magis, atque agere possunt. Inesse etiam amicitia videtur natura ei, quod genuit, ad id quod est ortum ab eo. Non in hominibus solum, sed in plurimis etiam animalibus, & iis inter sese quæ sunt eiusdem gentis: & hominibus maxime. Quapropter amatores hominum laudamus. Cernere etiam quispiam potest, & in ipsis erroribus: familiarem omnem hominem homini, atque amicum esse. Ciuitates etiam amicitia continere videtur. Et legūlatores circa hanc magis quā circa iustitiam student. Concordia nanque simile quid amicitia esse videtur. Hanc autem maxime affectant: seditionem autem vt inimicam maxime expellunt. Et si sint quidem amici: iustitia non est opus. Sin vere sint iusti, indigent amicitia. Et id quod maxime iustum est, ad amicitiam attinere videtur. Non solum autem necessarium est: sed & hone-

stum. Laudamus enim eos, qui amant amicos: copiamque amicorum, honestum esse putatur. Et quidam eosdem viros bonos esse, atque amicos putant. Est autem controuersia de ipsa non mediocri. Quidam enim similitudinem quandam ipsam esse posuerunt, & similes esse amicos. Vnde & similem ad similem inquirunt, & monedulam ad monedulam, & similia. Quidam contra, singulos inter sese omnes tales inquirunt esse: & de iis ipsis altius, naturaliūve perquirunt. Euripides quidem inquitens. Cum est sicca tellus: ipsa certe tum imbrem amat. Cum turget æther: imbre cum cælum tumet, affectat ut telluris in sinus cadat. Heraclitus autem contrarium dicens esse conducens, & ex differentibus pulcherrimum concentum oriri, & per contrarietatem omnia fieri. Sed his contraria complures alii sentiunt & Empedocles, qui quidem simile appetere simile dicebat. Naturales igitur dubitationes omittamus: non enim ad hanc sunt accommodata considerationem. Quæ vero sunt humanæ, ad mores affectusque pertinent: eas cōsideremus. Ut sit ne inter omnes homines amicitia: an impossibile est prauos esse amicos. Et utrū una species amicitia sit, an plures. Qui nanque vnam esse putant, quia magis est, atque minus: non sufficienti argumento ducuntur. Nā & quæ sunt diuersa specie magis sunt atque minus. Sed de his antea diximus.

## Commen.

POST hæc consequens est de amicitia pertractare. Hic est octauus liber ethicorum in quo philosophus doctrinam de amicitia tradere intendit, & etiam in nono ut patebit. Nam in superioribus libris proposuit primo finem consequendū, id est ipsam felicitatem siue actiuam siue speculatiuam: deinde cum descripsisset eam per virtutem successiue doctrinam exactissimam de virtutibus tradidit, tam moralibus quàm intellectuīis: & cum prater hæc essent aliqua circa mores quæ non sunt proprie virtutes vel vitia, & tamen sunt fugienda vel prosequenda, ut continentia & incontinentia & huiusmodi, quæ ad considerationem moralis philosophi pertinebant, ea omnia in præcedenti libro declarauit. Relinquebatur consideratio de amicitia valde necessaria: quæ si sumatur proprie dicta, continet honestatem, iocunditatem, & vtilitatem, & est solum inter bonos: quare cum præsupponere videatur omnes virtutes, merito earum doctrina præcessit, & nunc consentaneum est ista sequatur: pertinet etiam ista magnopere ad felicitatem præsertim actiuam. quare antequam de ea concluderet ut facit in decimo, congruum erat, ut de amicitia doctrinam traderet. Hæc autem amicitia proprie dicta ut est habitus in anima, videtur secundum opinionem quorundam collocari in voluntate, tanta est præstantia eius: ut vero refertur ad alios, videtur esse bonum maximum externū. Itaque nunc virtus esse videtur, nunc coniuncta cū virtute. Diuiditur hic liber in tres tractatus. In primo considerat amicitiam quæ est inter æquales. In secundo amicitiam quæ est inter inæquales. In tertio offert querelas quæ oriri solent inter amicos. Primus tractatus diuiditur in sex capitula quæ suis in locis declarabuntur, & afferentur ea quæ necessaria videbuntur. Primum capitulum diuiditur in duas partes. In prima ostendit quod cōsideratio de amicitia ad morale philosophum pertinet. In secunda offert quasdam dubitationes & sententias præcorum de amicitia. Præmittendo igitur intentionem suam philosophus sex rationibus probat, quod consideratio amicitia ad morale philosophum pertinet. Prima ratio. Ad morale philosophum pertinet considerare de omnibus iis quæ sunt virtutes aut coniuncta cū ipsis virtutibus: sed amicitia aut est virtus aut coniuncta cū virtute, ergo cōsiderare de amicitia ad morale philosophum pertinet. Maior nota, minor quoque auctoritate philosophi declaratur qui dicit quod amicitia aut est virtus, aut coniuncta cū virtute: sed quid nā sit postea patebit. [R. E. S. est præterea.] Secunda ratio. Illud quod est summe necessariū in vita pertinet ad considerationem philosophi moralis: sed amicitia est valde necessaria in vita, ergo amicitia pertinet ad considerationem philosophi moralis. Maior est nota. Minor declaratur à philosopho, qui enumerat quolibet statum hominū & quolibet ætatem: & ostendit quod in omni tempore, & in omni conditione opus est amicis: primo homines in prosperitate constituti indigent amicis, ut habeant quibus recte beneficia cōferant: quid enim diuitia: quid externa bona sibi prodesse, nisi



aliis communicarent, præsertim amicis: quos habere debent quasi delicias suas vt liberalitate be-  
 neficentiaque vtantur vt decet, & erga quos decet. Habere etiam amicos debent vt sint quasi si-  
 delissimi custodes rerum suarum, i præterea, qui sunt in aduersis constituti maxime videtur in-  
 digere amicis, vt eos habeant quasi refugium, & præsidium vitæ suæ; hoc idem declarat philoso-  
 phus ex parte ætatum. Iuuenibus enim & senibus est opus amicis, vt ostēdit aperte in textu. Viri  
 quoque & iam cōstituti in ætate amicis indigent vt Homerus indicare videtur: cum inquit de  
 Diomede, qui proficisci volebat exploratum hostium castra, si duo simul eant intelligere magis  
 atque agere possunt, & sic patet ex parte ætatis, & conditionibus vitæ q̃ amicitia valde est necess-  
 faria: ex quo ad moralem considerationē pertinet. Notandū quia dixit amicitiam esse valde neces-  
 sariam in vita q̃ necessarium sumi potest, aut large aut stricte: necessarium stricte est sine quo ho-  
 mo nō potest viuere vt respirare: large est id sine quo homo sanæ mentis, & perfectus non potest  
 relicti viuere. Itaq; alterum necessarium esse videtur ad viuendū, alterū ad bene viuendū. [IN-  
 ESSE etiā amicitia videtur.] Tertia est ratio ad idem probandū in qua loquitur de amicitia lar-  
 go modo sumpta, id quod homini naturaliter cōpetit & confert vehementer ad vitam humanā,  
 pertinet ad considerationē philosophi moralis: sed amicitia est huiusmodi, ergo pertinet vehe-  
 menter ad considerationem philosophi moralis. Maior est nota. Minor probatur. Nam esse  
 quādam amicitia naturalis veluti inter patrem & filium, quæ licet non sit amicitia proprie dicta,  
 quia est inter inæquales, & nō requirit reciprocum amorem, & non præsupponit mores, tamen  
 amicitia quādam est naturalis cōpetens nō homini solum, sed etiā reliquis animalibus, quæ quo-  
 quo modo diligunt prolem suam. verum hoc præcipue hominibus competit, ex quo eos laudare  
 solumus quia erga alios beneuoli sunt, & ad hoc cōfirmandum dicit philosophus, quod experientia  
 percipi potest, quanta naturaliter beneuolentia homini ad hominē inest, cum erratibus ostēditur  
 iter, præbetur hospitium & alia eiusdē generis, quæ nunquā fierent nisi naturalis amor inesset.  
 Notandum q̃ amicitia habet magnam latitudinem, & multifariam dicitur. Nam quādam proprie  
 dicta, quādam per similitudinem, quādam vtilis, quādam iocunda, quādam honesta, quādam natu-  
 4 ralis vt inferius patebit. [CIVITATES etiam amicitia.] Quarta est ratio. Id quod continet  
 ciuitates pertinet magnopere ad considerationem philosophi moralis: quod id iustitiam continet ci-  
 uitates, ergo amicitia pertinet magnopere ad cōsiderationem philosophi moralis. Maior est nota.  
 Minor declaratur, quia id maxime videtur cōseruare ciuitates in quo magnam curam adhi-  
 bent legumatores, & id est, vt ciues sint beneuoli & concordēs inter se. Concordia enim videtur  
 esse aliqd iplius amicitia, discordia e contra, quare eam expellunt quo ad fieri potest tan-  
 quam labem, & perniciem ciuitatum. Nam concordia, vt Salustius inquit, paræ res crescunt: di-  
 scordia maximæ dilabuntur, & veritas Saluatoris quæ mentiri non potest, omne inquit regnum  
 in se diuisum desolabitur, & domus supra domum cadet, &c. [E T si sint quidem amici.] Quinta ra-  
 5 tio. Id quod magis ciuitatem cōseruare videtur quā iustitia, ad moralem philosophum perti-  
 net: sed amicitia est huiusmodi, ergo amicitia ad moralem philosophum pertinet. Maior nota.  
 Minor declaratur a philosopho. Nam si amicitia adest non est opus iustitia. Nam amicitia est æ-  
 qualitas quādam inter amicos, quod & si adest iustitia, tamē opus est amicitia, quia licet tribua-  
 tur cuiq; suum in ciuitate, tamen si ciues non habent amicitiam inter se, nec in prosperitate nec  
 in aduersitate habebunt refugium vllū, nec alia aderunt supra enumerata, quæ ad bene degēdam  
 vitam requirūtur. Et ad hoc cōfirmandum addit philosophus, quod id iustū, quod maxime est  
 tale ad amicitiam spectat, quasi dicat, cum multa dicātur iusta. spaternū, herile, vxorium, ciuile,  
 id quod est maxime & proprie iustū. i. ciuile videtur pertinere ad amicitia, quia consistit in quā-  
 dā æqualitate: & amicitia proprie dicta est inter æquales. quare magna ob hāc causā similitudo  
 esse videtur, vel etiam quia sicut iustū ad alios videtur oriri ex iustitia quādam interna quæ iusti-  
 tia est potentia ad potentiam secundum Platonem, vt in fine quinti libri diximus, veluti cum o-  
 bedientem reddimus appetitum, & tribuimus imperium rationi quod suū est, sic ex amicitia in-  
 6 terna sui ad seipsum videtur oriri amicitia ad alios cum vertitur vir bonus ad amicos eos qui si-  
 bī similes sint, vt patet infra. [NON solum autē amicitia.] Sexta ratio. Hoc modo. Considera-  
 tio rei non modo necessaria, sed etiam honesta in vita ad moralem philosophū pertinere vide-  
 tur, sed amicitia est res non solum necessaria eo pacto vt supra ostendimus, sed etiam honesta in  
 vita: ergo ea, & eius cōsideratio ad moralem philosophum pertinet. Maior est clara. Minor decla-  
 ratur quia laudamus eos, qui amant amicos suos, & comparant sibi copiam amicorū veluti opti-  
 mam, & pulcherimam suppellectilem. Præterea sunt etiam qui tantum tribuunt amicitia vt eos-  
 dem viros bonos atque amicos esse existimēt. Ex quibus omnibus patet quantū sit necessaria co-  
 gnitio amicitia, & eius cōsideratio ad moralem philosophum merito pertineat. Notandū q̃ phi-  
 losophus dixit superius amicitiam esse virtutem quādam aut coniunctā cū virtute, & ob hoc  
 non videtur absolute appellare virtutem. Nam nunc videtur esse virtus, nunc nō videtur. Primo  
 videtur, quia omnis virtus, aut circa actus versatur, aut circa affectus: at amicitia est huiusmodi,  
 & c. Præterea quoquo modo ei videtur competere definitio virtutis: nam amicitia propria dicta  
 est habitus, est etiam electus, in mediocritate quoque consistit cū habeat excessum atque defe-  
 ctum, & reperitur plus, & minus amare quā oportet, & etiam mediocriter quo ad nos, & item

determinata ratione, quia prudens erit, & studiosus habēs huiusmodi amicitiam proprie dictam. quare videbitur amicitia esse virtus, & nonnullis placuit eam redigi ad iustitiam, quidā vero eam coniunctam esse putauerunt cum qualibet virtute, & pullulare ex ipsis virtutibus veluti affectus quidam, quorum sententia non est contemnenda. Nam prius videtur esse amor sui ad seipsum, deinde ad alios: sed tum videtur amare seipsum maxime atque simpliciter, cum est simpliciter bonus & studiosus, unde oritur sententia illa quod vir præstans virtute dolet cum obit mortem, & si eam subeat propter honestatem & commune bonum, dolet tamen, quia percipiendo virtutes suas vehementer seipsum diligit, & cognoscit se maxime dignum vita. Talis igitur amor sui ad seipsum videtur oriri ex summa fecunditate perfectionis suæ. Amat enim seipsum eo quo studiosus est ac etiam alios studiosus amat, simile enim fertur ad simile, unde ortum habere videtur amicitia proprie dicta, incitatur namque studiosus ad amandos eos in quibus virtutes esse cognoscit, & primū fit beneuolentia, postea conuersatione consuetudineque frequēti fit habitus, & reciproca beneuolentia ex quo ortū est de sale proverbium. quare ex iis inferitur quod amicitia videtur quoquo modo pullulare ex virtutibus veluti quidā effectus qui sit coniunctus cum illis. Huic sententiæ illud Ciceronis consonare videtur, qui in virtute inquit summū bonum ponit, præclare illi quidem, sed hæc ipsa virtus amicitia, & gignit & continet, nec sine virtute amicitia villo pacto esse potest. Cōcluditur ergo quod nunc virtus nunc coniuncta cum virtute esse videtur. Sed si sumatur ut est habitus videbitur esse virtus, & bonum internū: si ut ad alium refertur, & est reciproca beneuolentia, videbitur esse externū bonum, & non virtus, coniuncta tamē cum virtute quoquo modo. Sed vtrū sit bonum internū an externum, & nunc internū nunc externū inferius inuestigabitur diligentius ut late nobis patere possit natura ipsius amicitia. [C O N T R O V E R S I A tamē de ipsa.] Hæc est secunda pars huius capituli, in qua philosophus posteaquam ostēdit quod ad morale philosophum pertinet consideratio amicitia, nunc more suo incipit asserere opiniones priscorum de ipsa amicitia, & refellere ea quæ sibi videtur, & ea quæ sunt recte dicta, trahere postea ad sententiam suam. Priscorū igitur quidam dixerunt amicitia esse similitudinē quandam, ponentes eam sub similitudine tanquam sub quodam genere, videbāt enim hunc habitū fieri inter similes, & sententiam suam confirmabāt proverbio quo dicitur simile ad simile ferri, & monedulam ad monedulam pergere, & talis opinio non videbatur nimis aberrare a dictis philosophi. quia amicitia quoquo modo in similitudine videtur consistere, non tanquam in genere nec etiā simpliciter, quia sequeretur quod amicitia posset fieri inter colores, sed est quidam respectus similitudo, qui respectus fundatur in amicitia: quidā vero alii dixere cōtrario modo, scilicet quod amicitia consistit in cōtrarietate, & dissimilitudine, cum viderent quosdam similes inter se, & in arte sua non habere amicitia, sed emulationem potius, quasi quidā alii dicunt contra quam dixerint illi superiores. dicunt enim isti omnes tales qui sunt similes esse ad se inuicem figulos. i. aduersantes ut de figulis dicit Hesiodus καὶ μακροὶς μακροὶ ἄλλοι, καὶ τέκτονι τέκτων, id est, & figulus figulum odio habet, & faber fabrum, &c. [E T de his ipsis altius naturalius ve.] Affert philosophus causas altius repetens à rebus naturalibus, quibus illi ostendebant amicitiam constare, alii in contrarietate, alii in similitudine, qui dicebant amicitiam consistere in contrarietate, afferebant exemplum rerum naturalium, quod sicut se habet in rebus naturalibus sic & in amicitia: sed in illis multa conueniunt ad vnum, & cōferunt sibi inuicem, ergo & sic erit in amicitia. Maior videtur valere per similitudinem sufficiens tem, quia in multis imitatur naturam, veluti in iis quæ sunt per artem. Minor declaratur auctoritate Heracliti & Euripidis, qui dixit terram arefactam expetere imbrem, & aerem prægnantē imbre, affectare ut effundatur in terram. & Heraclitus quoque inquit contrariū conferre suo cōtrario, & ex dissimilibus oriri pulcherrimū contentum vniuersi, ut dicit in textu. Postea affert rationē eorum qui dicebant ipsam esse similitudinem, sicut fit in rebus naturalibus, sic fit in amicitia: sed in illis fit ut ipsæ consistant in similitudine, sicerit in amicitia. Patet ratio auctoritate Empedoclis, qui dicere solebat quod simile appetit simile, & res habētes similitudinē habent inter se concordiam quæ est quasi quodā amicitia. Notandū quod philosophus affert istas sententias priscorum de amicitia inter se contrarias, non tamē affert vllam solutionē, quia hæc in processu suo etiam patebunt. Dicere tamen possumus pro maiore declaratione quod simile appetit simile per se: fugit vero simile, per accidens. Nam si faber odit fabrum, vel figulus figulū, id non est per se, nec ea ratione qua figulus est aut faber, sed quia impedit alter alterius lucrum: quod si remoueatur impedimentum lucri vel honoris & huiusmodi, amabit alter alterum propter similitudinem & conuenientiam quæ est inter eos. Similiter dicendum est de contrariis. Nam contrarium fugit contrarium suum per se, quia alterum alterum corrumpit, sed quando dicimus cōtrariū pergere ad contrarium non per se, sed per accidens videtur appetere, ut in medicina. Nam qui sentit offensionem per calorem appetit frigidum non per se, sed ut per calidum expellat id quod sibi affert nocumentum. Bene ergo dicimus quod simile appetit simile per se, fugit autem per accidens: e conuerso autem dicitur in cōtrarietate: amicitia ergo consistit in similitudine & æqualitate, unde si alter alterum amicorum excedit, oportet ut talis inæqualitas redigatur ad quādam æqualitē si debeat constare amicitia. [A T enim naturalis quidem.] Nunc philosophus cōstabit opinioibus eorum qui de amicitia loquebātur secundum res naturales, perquirat eas quæ accommodatæ erāt

philosopho morali, & secundum quod pertinet ad moralem philosophum loqui de iis. Cum enim loquamur de moribus, posthabenda sunt sententia reru naturalium ne confundantur scientia, & misceantur naturalia moralibus. & assert duo consideranda. scilicet utrum inter omnes homines amicitia fiat, an non fiat inter prauos, & utrum vna, an plures sint species amicitia. [QV] I nanque putant. Soluit philosophus dubitationem qua bifariam introduci potest & bifariam solui. Primo modo introduci potest hoc pacto, utrum vna sit species amicitia, an sint plures species, illi qui putant ex eo esse vnam speciem quia amicitia videtur esse & differre secundum magis & minus arguebant hoc pacto, in quibus est magis & minus non est vnum genus, quod habet plures species. at amicitia dicitur secundum magis, & minus, ergo amicitia non est vnum genus quod diuidatur in plures species, sed est vna tantum species, quae dicitur secundum magis & minus. Maior est nota. Nam species distinctae ex opposito sub aliquo genere sunt aequae, sub ipso ut homo, & equus, & non dicitur homo magis animal licet nobilius dicatur animal, quia in eo quod animal sunt videntur habere communem rationem. & magis & minus non facit differre specie ab alia albedine. Minor quoque patet quod amicitia dicitur magis & minus amicitia, ut in maiore gradu inter hos quam inter illos, quare vna erit species amicitia, haec quaestio taliter introducta soluitur, negando maiorem illam quae dicebat quod ea quae habent magis & minus non sunt diuersa species. Nam aliqua sunt differentia inter se specie, & suscipiunt magis & minus, dicit philosophus, & non ponit exempla, sed dicit se antea dixisse, scilicet aut in hoc libro aut in aliis ante istum editis, tamen nos possumus asserere nonnulla talia, ut actus & potentia, substantia & accidentis quae sunt distincta inter se magis quam specie, & tamen respectu entis habent magis & minus. Nam substantia magis dicitur ens quam accidentis secundum communem opinionem. Ceterum utrum ens praedicetur vniuocae de decem pradicamentis secundum nonnullos philosophos, an aequiuoce, an per analogiam non est praesentis operis, sufficit ad hoc nostrum propositum, quod aliqua sunt diuersa species, quae tamen suscipiunt magis & minus, hoc etiam exemplum asseri potest de materia & forma. Nam forma dicitur magis natura quam materia, ut ostendit philosophus in secundo physicoorum. Sic ergo primo modo exponitur textus. Querendum est utrum vna sit species amicitia an plures, & statim respondet dicendo, qui nanque putant esse vnam tantum speciem amicitia propterea mouentur, quia suscipiunt magis & minus, & statim respondet quod id non ducuntur sufficienti signo, quia multa sunt quae suscipiunt magis & minus, & tamen sunt diuersa species inter se, haec prima expositio est communis, alia asseri potest non minus accommodata menti philosophi talis. scilicet ut non querat philosophus utrum amicitia sit vna species an habeat plures species. Sed querat utrum sit vna species. i. vna communis ratio amicitia quae aequae competat omni amicitiae, an sint plures species & rationes amicitiarum quae conueniant in communi nomine amicitiae, rationes tamen illarum sint diuersae ac si aequiuoce praedicaretur amicitia de illis. Illi igitur qui putabant esse vnam speciem, & vnam rationem amicitiae vniuocae competentem amicitia cunctis, mouebantur ex eo, quia in illis quae suscipiunt magis & minus est vna ratio communis competens omnibus. at in amicitia est magis, & minus, ergo in amicitia est communis ratio competens omnibus aequae amicitia, & non erunt plures amicitiae rationes sicut in coloribus albis, contra hanc sententiam sic introductam, & probatam, philosophus irruit negando maiorem. scilicet quod non videntur illi duci sufficienti signo, cum dicunt esse communem vnam rationem aequae competentem iis quae suscipiunt magis & minus. Nam substantia & accidentis non habent vnam rationem communem aequae competentem ambobus, quanuis ens magis, & prius dicatur de vno quam de alio, id est de substantia quam de accidente secundum communem opinionem. quare non valet illa vestra ratio & maior. Notandum pro secunda expositione allata quod amicitia sumi potest ut vnus communis conceptus & diuidi in vtilem, iucundam & honestam, & vna dicitur magis amicitia quam alia. si honesta magis dicitur amicitia quam vtilis vel voluntaria. quare dicitur secundum magis & minus definitio illa quae est benevolentia mutua non latens, vt patebit inferius, competet magis amicitiae honestae quam aliaui alteri: ex quo praedicabitur amicitia, per analogiam vt magis competat honesta amicitia, & prius quam aliis, & de aliis inquam praedicetur per similitudinem quandam rationis, ut conueniant in nomine, & similitudine rationis ut per analogiam praedicetur, ut diximus.

## De amabili.

## Cap. II.

**N**atebunt autem haec fortasse: si ipsum amabile fuerit notum. Non enim omne quoduis amari videtur, sed ipsum amabile. Hoc autem: aut bonum, aut iucundum, aut vtile esse videtur. Atque id vtile videbitur esse per quod efficitur aliquod bonum aut voluptas. Quare fit: ut amabilia sint ipsum bonum & iucundum, ut fines. Vtrum igitur ipsum bonum ament homines: an id quod ipsis est

bonum: Discrepant enim nonnunquam hæc. Similiter & circa ipsum iucundum. Videtur autem id quisque amare, quod bonum est sibi. Et esse simpliciter quidem amabile, ipsum bonum: vnicuique autem, id quod est vnicuique bonum. Amat autem quisque nō id quod sibi bonum, sed quod apparet. Neque quicquam id refert. Erit enim ipsum amabile apparens. Cum itaque tria sint ea propter quæ homines amant: in amario-  
ἀντι-  
λήπης.
ἐνιούς.
ne quidem inanimatarū rerum, non dicitur amicitia. Quippe cum non sit\*reciprocus amor: neque voluntas boni illarum. Est enim ridiculum forsitan: vno bonum quempiam velle. Quod si vult: saluū illud vult esse, vt habeat ipse. at oportere aiunt amico bona illius gratia velle. Eos autem qui hoc modo volunt bona, \*beneuolos dicunt: si non idem, & ab illo fiat. Mutuam nanque beneuolentiam, amicitiam esse dicunt: an adiungendum est, non latentem? Sunt enim complures iis beneuoli, quos non videntur: putant autem studiosos esse, vel frugi. Atque fieri potest: vt illorum etiam quispiam eodem ad hos modos afficiatur. Igitur hi mutuo quidem beneuoli esse videtur. Amicos autem ipsos quodam modo quispiam dixerit latentes. Vt erga sese mutuo sunt affecti. Oportet ergo amicos mutuam habere beneuolentiam, & velle sibi mutuo bona non latentes, ob vnum quid eorum quæ dicta sunt.

## Commen.

**P**ATEBUNT autem hæc fortasse si ipsum.] Hoc est secundum capitulum huius tractatus, in quo postquam ostendit pertinere ad moralem philosophum considerare de amicitia, & postquam attulit controuersias priscorū naturaliter loquentium, & eas posthabuit, & attulit quæstiones considerandas de ipsa secundum morales, nunc inuestigare intendit definitionem amicitia, & videntur hæc continuari cum dictis in precedenti capitulo, quia dixit querendū esse vtrum plures an vna sit species amicitia, & ideo statim dicit hoc fore manifestū si considerabimus obiectum amicitia. ipsum amabile. Diuiditur autem hoc capitulum in duas partes, in prima inuestigat genus ponendum in definitione amicitia quod est beneuolentia: in secunda differentias ponendas in eadem definitione quæ sunt duæ. scilicet mutua & non latens. Dicit igitur primo philosophus q̄ patebunt hæc, scilicet vtrum sit vna species amicitia an plures: si innotescat nobis ipsum amabile vel amandum quod est obiectum amicitia, & hoc probatur tali ratione. Illud circa q̄ versatur amicitia, & operatio eiusdem est obiectum ipsius. at amabile est huiusmodi: ergo amabile est obiectum circa quod versatur amicitia, & operatio eius, siue amor siue amatio dicatur. Maior declarari exemplis potest. Nam sicut ens est obiectū proprium intellectus, similiter color seu visibile ipsius visus, sic obiectum amicitia erit id, circa q̄ amicitia & eius operatio versatur. Maior est clara q̄ amabile vel amandum est obiectum adequatum, & proprium ipsius amicitia, vt patet. [HOC autem aut bonum.] Inuento & probato q̄ amabile est obiectum adequatum ipsius amicitia, incipit nunc diuidere ipsum in suas species dicendo quod amabile aut est bonum, aut vtile, aut iucundum, & hæc sunt tria, quæ amare solemus. Præter hæc autem nullum videtur esse amabile, vterius intelligendum q̄ istorum duorum vtrumque. Bonum & iucundum esse vt finis: vtile autē videtur esse ad finē, & non finis sicut diuitia, & medicina quæ sunt ad vterius. i. ad finem ordinata. Dubitatur, quia nō videtur verum q̄ amabile diuidatur eo modo, quo diuisit philosophus, quia bonū videtur cōprehendere vtile, & iucundū, & esse tanquā genus quoddā cū vtile dicatur bonū & etiam iucundū. dicendū q̄ philosophus accipit hic bonū quod est aut finis aut ad finē, & accipit bonum cōfuse, & prout ex opposito distinguitur contra iucundum vel vtile, vt patet. [VTRVM igitur bonum.] Affert dubitationem quandam philosophus & eam soluit, quæ talis est. Distributū est amabile in tres species, in bonū, vtile & iucundum. Ista interdū discrepare videntur, quia aliud est bonū simpliciter, & aliud secundum quid & quod alicui dicitur bonū, & alio modo sumitur bonum absolute, & alio modo bonū apparet, sic etiam vtile & iucundum: vtrum igitur dicis esse amabile bonū simpliciter, an id quod dicitur esse alicui bonū? Respondet philosophus q̄ quisque videatur amare id quod est sibi bonum. Postea dicit q̄ simpliciter. i. absolute & sine vlla exceptione amādum, & amabile est id quod est simplici-

ter, & absolute bonum. Cuique autem id quod cuique est bonum, de mum concludit q̄ quique amat id quod sibi apparet bonum siue sit apparens, & etiam vere existens, siue sit tantū apparens, & non vere existens. quare amatur id quod apparet esse bonū. Nam siue simpliciter sit siue non sit, dummodo appareat, amatur atque expetit sub ratione boni, est tamen aut bonum simpliciter, aut bonum apparens, vnde philosophus in tertio de anima. Quo circa semper quidem ipsū appetibile mouet, idque est aut bonum, aut apparens bonum. Ex dictis philosophi emergere videtur quasi amicitia genus. i. amor siue beneuolētia, quā deducitur ex re amāda, & est ab amantē ad id q̄ amatur. & quantū non explicauit genus amicitia, nos tamen possumus asserre, & elicere ex dictis eius dicendo q̄ amicitia est beneuolentia. verum sicut amabile, aut est simpliciter aut apparet: ita beneuolentia, simpliciter erit circa simpliciter amandum: beneuolentia apparens circa amandum siue amabile apparens, & similiter amicitia. [C V M itaque tria sint ea.] Hæc est secunda pars huius capituli, in qua inuestigato iam genere inquirunt differentias ponendas in definitione amicitia. dictum est enim quod amicitia est beneuolentia, & beneuolentia est genus: nunc ostendit quod est mutua, quā differentia est prima, & ostendit hoc pacto, Omnis reciprocus amor est mutua beneuolentia, amicitia est reciprocus amor, ergo amicitia est mutua beneuolentia. Patet ratio per hoc quod amicitia non dicitur, circa inanimata, quia ibi nō est reciprocus amor nec voluntas boni illorum gratia. Nam in hoc maxime consistit amicitia. s. in velle bonum alicui gratia ipsius cui bonum volumus, & dicit philosophus quod est amor quidam erga inanimata: non tamen illorum gratia, ergo non est ibi voluntas boni ipsorum nec beneuolentia mutua nec amicitia. [A N adiungendum est.] Hucusque declarātū est q̄ amicitia est beneuolentia mutua, sed hoc non sufficit cum mutua beneuolentia possit esse etiam inter eos qui sese nunquam viderunt, & se inuicem amant, & alter nescit de altero: quare philosophus addit aliam particulam, & differentiam, scilicet non latente, vt habeamus perfectā definitionem amicitia, scilicet q̄ amicitia est beneuolentia mutua, non latens, cui definitioni assignatæ in genere cum additur propter vnū aliquid prædictorū. s. aut propter bonum, aut iucundū, aut vtile videtur constitui species amicitia differentes inter se vt patebit in sequenti capitulo. Dubitatur circa definitionem allatam amicitia, & primo circa genus, quia beneuolentia non potest esse genus amicitia. Id quod est principium amicitia non potest esse amicitia: at beneuolentia est principium amicitia, ergo beneuolentia non potest esse amicitia, nec e contra. Maior est nota, quia principium non est id cuius est principium, vt punctus est principium lineæ, tamen non est linea: vnitās est principium numeri, tamen non est numerus. Minor patet auctoritate philosophi, qui in sequentibus dicit beneuolentiam esse principium amicitia, ergo conclusio vera. Dubitatur circa differentiam primā, quia non videtur q̄ sit mutua, & hoc exemplo ostendi potest. Nam accipio amicitiam Socratis & Platonis & patet q̄ amicitia Socratis non est illa Platonis, nec cōtra. Nam accidens vnū nō potest simul esse in duobus subiectis realiter distinctis. quare amicitia quæ est in Socrate est sua & ipsius Socratis, & amicitia quæ est in Platone est ipsius Platonis: ergo nō est beneuolētia mutua. Præterea matres & patres amant filios suos paruos, eo etiam tēpore quo non amantur ab illis nec cognoscuntur. Nō igitur ibi mutua beneuolentia, & tamē dicitur esse amicitia matris ad filium vel patris ad eundē, ergo superfluum fuit ponere mutuā in definitione illa. Dubitatur circa aliam particulam, & differentiam illam. s. non latentem, quia videtur superflua. Sumamus enim Socratem & Platonem & dicamus q̄ alter alterum vicissim amat, & tamen Socrates nescit amorem Platonis, & Plato amorē Socratis, & si vterque amat atque amatur, ibi cum sit mutua beneuolentia est amicitia, licet lateat, quia eius manifestatio non videtur aliquid amicitia adijungere. Nam ponamus q̄ postea sciant ita vt illa beneuolentia mutua, quæ antea latebat fiat non latens, quid postea? nihil enim accedere videtur beneuolentia mutua ex tali manifestatione, quia in vtroque est beneuolētia mutua, vt erat antea, quare superflua erit illa particula. Oppositum tamen philosophus attulit vt vidimus, & eius sententia videtur esse vera, & partes recte posita: in illa definitione, & definitio bene assignata, cū constet ex genere, & differentiis tanquam ex partibus essentialibus, & definitio videatur segregare amicitiam ab omnibus aliis quæ non sunt amicitia, & itē conuerti cum suo definito, ita vt omnis amicitia sit beneuolētia mutua non latens, & omnis beneuolentia mutua non latēs sit amicitia. Verū pro declaratione præmittendæ sunt quædam distinctiones, & primo intelligendū q̄ beneuolentia sumi potest vt quoddā commune genus, q̄ diuidatur in amicitiam, & beneuolentiam, ita vt amicitia dicatur beneuolentia, & beneuolētia item vt species alia ex opposito distincte dicatur beneuolētia, sicut dispositio & habitus appellantur cōmuni nomine dispositionis. Nam habitus est dispositio, & item dispositio est dispositio. Nam quædā est dispositio quæ non est habitus, & tamē omnis habitus est dispositio, vt docet philosophus in prædicamentis. Nā dispositio illa quæ videtur esse species & opponitur ex opposito habitui, dicitur esse de facili mobilis, & habitus de difficili, & tamē ambo collocantur sub dispositione tãquā sub quodā cōmuni genere. si sequamur eos qui dicunt dispositionē & habitū differre vt species distinctas, & collocatas sub eodē genere dispositionis, & sicut ibi dispositio species cū nō habeat aliud nomē sumit nomē generis: sic in hoc loco beneuolentia subiunct nomē generis sic dicitur. Præterea alia assertur distinctio q̄ amicitia cōsiderari multifaria solet,



## ETHICORVM

vno modo est qualitas quædam absoluta, & non mutua, nec habens relationem, vt est amicitia matrum ad filios quæ consideratur, vt est qualitas quædam in matre non habens correspondentiam in filiis: ideo largo modo dicitur amicitia. Item amicitia considerari potest significans relationem quandam æquiparantiam, quæ fundatur in qualitate illa absoluta, sicut si sint duæ albedines æqualis gradus sint similes. Considerantur autem ibi duo, scilicet albedo quæ est fundamentum & relatio, scilicet similitudo quæ fundatur in albedine: albedo autē ipsa primo in subiecto est suo, eodem pacto fit in amicitia, vbi est relatio æquiparantiæ. Nam si in vno extremo ponitur amicitia, oportet & in altero poni, vt in Socrate & Platone ponitur altera alteri respondens, & hæc amicitia hucusque est beniuolentia mutua. Item tertio modo consideratur amicitia, vt accedat alter respectus, scilicet vt vterque sciat beniuolentiam alterius, & sic erit amicitia integrā, vt sumitur in definitione à philosopho. Nam prima est impropria. Secundò modo est etiam imperfecta licet propius accedat. Tertio modo est amicitia definita à philosopho. His distinctionibus præmissis respondere possumus dubitationibus. Ad primam quod beniuolentia non potest esse genus amicitia, cum sit principium eius. respondetur per distinctionem superius factam, quod amicitia non est beniuolentia quæ est species, sed beniuolentia quæ est genus. at cum dicitur quod beniuolentia est principium, conceditur de beniuolentia quæ est species: sicut dispositio quæ est species est principium habitus, & tali ratione non est genus, sed illa est genus quæ de vtrisque dicitur speciebus, & sic amicitia erit vna species sub genere beniuolentiæ collocata. Ad secundam dubitationem cum dicitur quod illa particula, scilicet mutua est superflue posita à philosopho, quia amicitia quæ est in Socrate est propria Socratis, & quæ est in Platone est ipsius Platonis, ergo non est mutua, quia non migrat de subiecto in subiectum. Responderi potest per distinctionem illā, quod non accipitur hic mutua vt amicitia transeat de subiecto in subiectum, id est ab amico in amicū, sed accipitur hic respectus & relatio æquiparantiæ secundū similitudinem vt amicitia quæ est in Socrate sit similis amicitia quæ est in Platone, non autem transeat in Platonem. & eodem modo amicitia quæ est in Platone sit similis amicitia quæ est in Socrate, non autem transeat in Socratem, sed sit similitudo, & correspondentia quædam, vt par pari referatur quasi repasio quædam, & illæ duæ amicitia differant tantum numero, & specie conueniant vt sint eadem amicitia, & eiusdem rationis si habent idem obiectum. & hoc pacto necessario ponitur mutua, quia mutuo se referunt: sed cum dicebatur matris ad filium est amicitia, & tamen non est mutua, respondetur quod talis amicitia dicitur largo modo vt distinctione supra allata ostendimus, & non dicitur proprie amicitia, eo modo quo proprie sumitur. Ad tertiam dubitationem, cum dicebatur quod illa particula non lateat superflue ponitur, quia nihil adiungi videtur amicitia ex eo quod sit manifesta, quia eodem modo cum sit mutua beniuolentia in Socrate & Platone erit amicitia siue sciant illi siue nesciant se amare & amari. Dicendum quod necessario requiritur illa particula ad perfectam definitionem amicitia, quia ibi est relatio quædam quæ adiungitur ei, & fit mutatio quædam in subiectis: quæ cum antea nescirent se amari, postea sciunt, & talis cognitio multum facit ad constituendam perfectam amicitiam, quare non frustra ponitur illa particula, non latens.

### *De speciebus amicitia.*

### *Cap. III.*

**D**ifferunt autem hæc species, & amationes, ergo & amicitia. Tres igitur sunt amicitia species, æquales numero amabilibus ipsis: ob vnumquodque enim est amatio mutua, non latens. Atque qui se se mutuo amant: hoc bona sibi inuicem volunt quo amant. Qui igitur ob vtilitatem se mutuo amant, non per se amant: sed quo aliquod ex sese mutuo capiunt bonum. Similiter & qui amant ob voluptatē, non enim facetos amant, quia sunt tales: sed quia ipsis afferunt voluptatem. Qui igitur ob vtilitatem amant: ob suum diligunt bonū. Et qui ob voluptatem ob id quod est ipsis iucundum: & non quo talis est is qui amatur, sed quo est vtilis aut iucundus. Per accidens igitur hæc sunt amicitia. Non enim amatur quo talis est is qui amatur: sed quo vel bonum aliquod affert, vel voluptatem. Tales autem amicitia, facile dissolui possunt: non permanentibus ipsis similibus. Nam si non vterius iucundi sint aut vtilēs: amare desistunt. Vtilitas autē non permanet: sed aliā alia fit. Dimoto igitur eo propter quod erant amici, dissoluitur & amicitia: utpote quæ ob illud



20 erat. Maxime autem amicitia talis in sensibus fieri videtur. Huius enim  
 ætatis homines, non voluptatem, sed vtilitatē sequuntur: & in iis iuue-  
 nibus atque viris, qui suæ student vtilitati. tales autem nec multum si-  
 mul viuunt. interdum enim nec sunt iucundi, nec indigent igitur tali  
 congressione, si non sint vtilēs. Nam eousque iucundi sunt, quousque  
 21 boni consequendi spem habent. cum his amicitii & hospitalitiam po-  
 nunt. Iuuenū autem amicitia: ob voluptatem constare videtur. Viuunt  
 enim cum affectu, & id maxime sequitur, quod sibiipsis est iucundum,  
 & præsens. At cum mutatur ætas: alia fiunt & ipsa iucunda. quocirca ci-  
 to fiunt amici, citoque desistūt. nam simul cum eo quod ipsos afficit vo-  
 luptate & amicitia ipsa mutatur. talis vero voluptatis, celeris fit mutatio.  
 Proni sunt etiam ipsi iuuenes ad amores. Plurimū enim amatoriæ amici-  
 tiæ perturbatione fit, & ob voluptatem. Quapropter amant, & cito de-  
 sistunt: eadem die propositum sæpe mutantēs. Hi volunt totos dies vna  
 versari, simulque viuere. Sic enim fit ipsis id quod per amicitia suam affe-  
 22 ctant. Bonorū autē amicitia, similiūque virtute, perfecta est amicitia.  
 Hi nanque mutuo sibi bona similiter volunt: quo boni sunt. Boni vero  
 sunt per seipsos. Atque ij maxime sunt amici qui bona amicis: illorū gra-  
 23 tia volunt. Propter seipsos enim ita sese habent, & non per accidēs. Per-  
 24 manet igitur horum amicitia, quandiu sunt boni. At virtus res perma-  
 nens est. Atque horū vterque bonus est simpliciter & amico. Boni enim  
 ipsi, & absolute, & sibi mutuo boni sunt & vtilēs & iucundissimi simili  
 modo. Nam boni, & absolute, & sibi mutuo sunt iucūdi. Singulis enim  
 propriæ actiones sunt voluptati: & quæ sunt tales. Bonorum autē actio-  
 nes tales sunt, aut similes, talis autem amicitia, non sine ratione perma-  
 25 nens est. Coniunguntur enim in ipsa omnia quæ in amicis esse oportet.  
 Nam omnis amicitia aut est ob bonum: aut ob voluptatem: vel simplici-  
 ter, vel amanti, & ob similitudinem quandam. Hæc autem omnia bo-  
 norum per seipsos amicitia: insunt. Huic enim similes sunt & cætera. Et  
 id quod est absolute bonum, est & iucundum simpliciter. Maxime igitur  
 hæc sunt amabilia: & amare ac amicitia, in his est maxime, & optima  
 26 amicitia. Sunt autem merito tales amicitia: raræ. Pauci enim sunt tales.  
 Tempore insuper & cōsuetudine opus est. Secundū enim prouerbiū,  
 non fit vt mutuo sese cognoscant, antequam simul consumant dictam  
 salis mensuram. Nec igitur fit: vt acceptetur antea, sintq; amici, quàm a-  
 mabiles vtrique videantur esse, atque credatur vterque. Qui verò ea ce-  
 leriter inter sese mutuo faciunt, quæ ad amicitiam attinent: volunt qui-  
 dem esse amici: sed non sunt, nisi sint & amabiles, & id ipsum sciāt. Ami-  
 citia: nanque voluntas: non amicitia celeriter fit. Hæc igitur & tempo-  
 re, & cæteris perfecta est amicitia: & per hæc omnia fit. Et vtrique similis  
 est ab vtroque quod quidem amicis insit oportet.

**D**I F E R V N T autem illa tria nimirum specie.] Hoc est tertium capitulum huius tractatus, <sup>16</sup>  
 in quo posteaquam assignauit definitionem amicitiae, & eam probauit: nunc diuidit eam in  
 plures species, declarando quo pacto distinguuntur, & sic quoquo modo apparebit solutio  
 dubitationis supra allatae in primo capitulo, scilicet utrū sit vna species an plures. Diuiditur au-  
 tem hoc capitulum in duas partes. In prima declarat duas species amicitiae, quarum vna est ad v-  
 tilitatem, alia est ob iocunditatem. In secunda declarat aliam speciem quae est ob bonitatem ubi  
 consistit amicitia proprie dicta. affert igitur in primis tres conclusiones probandas. Prima est  
 quod tres sunt species amicitiae, & probatur hoc pacto. Quot sunt amabilia specie distincta, tot  
 sunt species amicitiae quae circa illa versantur: sed ea quae amantur sunt tria distincta specie, ergo,  
 & tres erūt amicitiae species distinctae, id est tres species amicitiae. Maior est nota per diuisionem  
 antea allatam, quod amandum triplex est, scilicet aut vtile aut iocundum, aut bonum, & minor  
 quoque declaratur. Nam amicitia debet distingui secundum distinctionem obiecti sui, quod su-  
 pra tripliciter est diuisum. Notandum quod potentiae, & habitus distinguuntur per operationes,  
 & per obiecta ut dicit philosophus in libro de anima, & sic ex diuersitate obiectorum sumitur  
 diuersitas, & actuum, & potentiarum atque habituum, cum igitur obiectum amicitiae sit triplex,  
 amicitiae tres erunt species. [O B VNUM quodque enim istorum.] Affert secundam conclusionem  
 hoc pacto, Omne id cui competit assignata definitio amicitiae est amicitia: sed istis tribus specie-  
 bus supra nominatis competit assignata definitio amicitiae, ergo illae tres species dictae sunt a-  
 micitiae. Paret ratio, quia amicitiae quae est ob vtile competit ut sit beneuolentia mutua non la-  
 tens, & amicitiae item quae est ob iocundum, & item ei quae est ob bonum. Notandum quod a-  
 micitiae non est vna ratio formalis quae aequè competat istis tribus amicitiae, & vniuocae, nec  
 etiam æquiuocae. quare collocari videtur amicitia sic sumpta inter æquiuocum, & vniuocum, ut  
 prædicetur de partibus suis subiectiuis & istis tribus speciebus per analogiam quandā, & per si-  
 militudinem rationis, vnde amicitiae nomen, & ratio competet iis tribus speciebus amicitiae, non  
 tamen aequè. Nam primo & simpliciter cōpetet illi quae est ob bonum: postea verò & per simi-  
 litudinem competet illis aliis speciebus amicitiae. Nam dicuntur amicitiae, & beneuolentiae mu-  
 tuae non latentes ob similitudinem quam habent cum amicitia quae est ob bonum, quae simpli-  
 citer est amicitia, & vera beneuolentia mutua non latens & proprie dicta. Notandum quod ama-  
 tio est affectio vel operatio quaedam amicitiae, non tamen omnis. Ista enim habent ordinem, ut  
 ubi est amicitia sit amatio, & non e contra. Nam est aliquādo amatio ubi non est amicitia. [Q V I <sup>18</sup>  
 igitur ob utilitatem.] Affert tertiam cōclusionem philosophus, quā postquam diuisit amicitiam  
 in species suas, incipit considerare de vtili, & iocunda, quod non sunt per se, sed per accidens a-  
 micitiae. Probatur, amicitia quae est inter eos qui se ipsos non propter se amant, sed propter aliquid  
 aliud, non est amicitia per se sed per accidens: sed amicitia quae est ob utilitatem, & ea quae est ob  
 voluptatem est huiusmodi, ergo tales amicitiae non sunt per se sed per accidens. Maior est nota,  
 quia si amamus aliquem ob pecuniam, profecto pecuniam amamus per se, illum verò per acci-  
 dens, & ob aliquid aliud, & ob ipsam pecuniam. Minor declaratur, quia in amicitia vtili amat  
 vtilitatem quidem per se, & amicus ille per accidens, similiter est de iocunda, ut si quis amat facietum  
 ob voluptatem, amat quidem voluptatem per se, facietum verò per accidens, & sic tales amici-  
 tiae dicuntur esse per accidens, ut aperte dicit in textu philosophus. [A T Q V E tales amicitiae <sup>19</sup>  
 facile.] Nunc declarat philosophus quod istae duae amicitiae quae fundantur in vtilitate, aut volu-  
 ptate facile dissoluantur hoc modo, Illae amicitiae quarum causae facile cessant facile etiam dis-  
 soluantur: sed amicitiae quae sunt ob vtilitatem aut voluptatem sunt huiusmodi, ergo tales amici-  
 tiae facile dissoluantur. Paret ratio, quia remota causa per se alicuius effectus à qua talis effectus  
 dependet, remouetur etiam ille effectus: vnde cum causae huiusmodi amicitiarum vtilis, & io-  
 cundae facile mutantur, quae sunt vtilitas & voluptas, facile dissoluantur tales amicitiae. Nam se-  
 cundum diuersas aetates diuersae sunt vtilitates, & comoda, quin etiam in eadem aetate saepe mu-  
 tantur vtilitas, & commodum. Nam ægrotus facit libenter amicitiam cum medico, pauper cum  
 diuite causa commodi: mutata autem causa facile mutatur amicitia. eodem modo euenit in ami-  
 citiis quae sunt ob voluptatem, nam facile mutantur voluptates, & variantur & varia delectant  
 in variis aetatibus constitutos. Alia n. adulescentes afficiunt voluptate. Cum igitur  
 vtilitas, & voluptas sint causae non solum efficiētes, sed etiam finales, harum amicitiarum, & ces-  
 sante causa amicitiae cessat amicitia, causae autem tales. sc. voluptas & vtilitas facile mutantur, &  
 cessante merito amicitiae quae sunt ob illa facile dissoluitur. [M A X I M E autem amicitia talis.] <sup>20</sup>  
 Affert aliam sententiam de istis duabus amicitiae quae sunt ob utilitatem vel ob voluptatem, quā  
 declarat subiecta in quibus plerumque sunt secundum varias aetates. Nam in nonnullis videntur  
 viles praecipue reperiri, in quibusdam verò potius iocundae. dicit autem quod amicitia quae est  
 ob vtilitatem maxime reperiri videtur in senibus, & etiam in iis iuuenibus, qui maxime sunt intēti  
 suae commoditati. Non omnes iuuenes sunt eiusdem conditionis, sed quidam sequuntur vilita-  
 tem, quidam & ob hoc saepius sequuntur voluptatem: maxime verò amicitia ob vtilitatem in se-

nibus fieri videtur, quia cum indigeant magis ope & auxilio in illa ætate quàm in alia, quærunt amicos viles, reperitur tamen iuvenes interdum ita dediti lucro, & commodis, vt eos tantum quærant amicos vnde vtilitatem se consequi posse confidunt. Post hæc dicit philosophus quòd amicitia hospitalitatis poni etiam potest inter huiusmodi amicitias quæ constant vtilitatis gratia. Nam hospes hospitem amat, & suscipit commodi & vtilitatis causa vt experientia patet. Notandum quòd hos senes, & iuvenes quos hic philosophus accipit, sumit non studiosos, nam si studiosi essent diligenter se inuicem ob virtutem, & bonitatem & stabilitatem & stabilitatem inter se præcipue est amicitia iocunda, dicendo quòd talis amicitia maxime reperitur in iuuenibus, & adolescentibus, & assignat rationem, quia ipsi plerumque viuunt secundum perturbationem, & secundum appetitum, amantes id quod affert voluptatem præsentem: & post hoc infert quòd iuuenum amicitia facile soluitur & mutatur, quia mutatur causa voluptatis, & ipsa voluptas quæ constabat amicitia. nam cum mutatur ætas mutatur affectus circa id quod afficit eos voluptate: quare parum stabilis est huiusmodi amicitia. Itaque cito fiunt amici & cito desistant. Nam vertuntur facile ad amores vt plurimum lasciuos, quia viuunt plerumque cum perturbatione, & quia appetunt mutuas voluptates volunt frequenter simul versari, quare facile oritur amicitia inter eos, & facile citòque dissoluitur, tum ex parte rerum quæ afficiunt voluptate, tum ex parte amantium. utroque enim modo declarauit philosophus mutabilitatem huius amicitia. [BONORVM autem hominum amicitia.] Hæc est secunda pars huius capituli, in qua posteaquam declarauit qualis est amicitia ob vtilitatem, & ob voluptatem: nunc transit ad veram amicitiam bonorum hominum, & eam declarat afferendo plures conclusiones vt euidentius percipiatur. Prima conclusio est quòd bonorum amicitia est perfecta hoc modo, ea amicitia qua homines se ad inuicem amant propter seipsos, & non propter aliquid aliud, est perfecta amicitia: sed amicitia bonorum est huiusmodi, ergo talis amicitia est perfecta. Patet ratio, quia tales amici volūt sibi mutua bona, & vt veri amici qui amicū amant ipsius amici gratia. [A TQVE ij maxime sunt.] Afferit aliam conclusionem quòd amicitia bonorum est maxima amicitia, illa amicitia qua aliqui mutuo sibi vltū simpliciter bona est maxima amicitia: sed amicitia bonorum est huiusmodi: ergo est maxima amicitia. est enim per se & non per accidens neque propter aliud. [PERMANET igitur horum.] Alia est conclusio quòd amicitia bonorum est permanens & stabilis hoc pacto, ea amicitia quæ habet causas firmas, & stabiles, est permanens & stabilis: sed amicitia bonorum est huiusmodi, ergo amicitia bonorum est permanens & stabilis. Patet ratio quia amicitia bonorum constat virtute quæ est firma, & stabilis, vt antea vidimus. [A TQVE horum vterque.] Alia est conclusio hoc pacto, ea amicitia, quæ amat id quod est simpliciter amandum est simpliciter amicitia, sed amicitia bonorum est huiusmodi: ergo amicitia bonorum est simpliciter amicitia. Patet ratio, quia talis videtur esse amicitia quale est amandum. Vnde si est amandum siue amabile simpliciter, amicitia quæ dicitur respectu illius, erit simpliciter amicitia. Innuit etiam quòd amicitia bonorū est perfectissima, & probari potest hoc modo. Illa amicitia cui nihil deest perfectissima est amicitia: sed bonorū amicitia est huiusmodi, ergo amicitia bonorum est ex omni parte completa. Nam complectitur non modo bonitatem, sed etiam iocunditatem & vtilitatem, quæ sponte sua vt ita loquar, & suapte natura sequuntur amicitiam bonam. primò enim nodus amicitie est ipsa virtus & bonorū morum similitudo, deinde sequitur vtilitas ex sese ita vt non vtilitatem amicitia, sed vtilitas amicitiam sequatur vt inquit Cicero. Boni enim amici absolute sunt boni vt dicit philosophus in textu: præterea sibi mutuo viles tum etiam iocundi, nam suæ propriæ operationes sibi iocundæ sunt, & quæcunque sunt similes suis: at boni amici & studiosi similes habet operationes studiosas & similibus delectantur, studiis & moribus. [TALIS autem amicitia permanens.] Alia est conclusio quasi orta ex dictis qua confirmatur superior conclusio iam allata, scilicet quòd bonorum amicitia est firma & permanens & probatur hoc pacto, Illa amicitia quæ per se complectitur omnia ea, quæ reperiuntur in amicis, est maxime stabilis amicitia: sed bonorum est huiusmodi: ergo est maxime firma & stabilis. Patet ratio, quia omnis amicitia aut est ob bonum vel ob iocundum vel ob vtile, & iocundum inquam vel simpliciter vel aliqui, veluti amanti, quia non est simpliciter iocundum, sed per similitudinem quandam, & per accidens. At hæc omnia per se insunt amicitia bonorum, quia ibi est bonum, & iocundum simpliciter, & bonum simpliciter & cætera, id est vile & iocundum comitantur ex sese. Merito igitur tales amicitia stabiles esse dicuntur, cum earum obiectū vi contineat omnia alia quæ reperiuntur in aliis amicis: sed ita vt si illis competant per accidens, amicitia bonorum competant per se. Nam amicitiam bonorum sequitur iocunditas simpliciter, & per se, & non est eius rationis cuius est voluptas in amicitia quæ sunt tantum ob voluptatem, quia illa est secundum quid, & apparens, sed hæc simpliciter & vera. Notandum quòd homo cum est adeptus virtutes, gaudet vehementer perfectione sua, quia non incassum videtur esse productus à deo, diligit autem seipsum magnopere vt bonū, eodem pacto cum videt aliquem studiosum, & sibi similem, amat illum ea ratione quæ percipit illum esse bonum: & ex cōsequenti gaudet illius probitate, & resultat summa iocunditas ex tali amicitia, & vtilitas, quia volunt mutuo sibi bona & quæritur.

amicitia tot partibus egregiis completa, & cumulatâ, est præclara, & firma amicitia fundamentum habens virtutum, & eorundem morum similitudinem. Nam omnium societatem vt inquit Cicero nulla præstantior est: nulla firmitior, quam cum viri boni moribus similes sunt familiaritate coniuncti. [S V N T autem merito tales.] Affert aliam conclusionem, quòd amicitia bonorum est rara hoc pacto, Amicitia quæ habet causam difficilem raro fieri solet, sed bonorum amicitia habet causam difficilem ergo raro fit. Patet ratio, quia virtus est causa amicitie bonorum, quæ difficile comparatur, & circa difficile versatur, vt antea patuit. Simul etiam quia fieri non potest sine prudentia quam consequi difficile est. Affert aliam rationem philosophus ad eandem conclusionem probandam. Ea amicitia quæ indiget diuturnitate temporis vt fiat est rara: sed bonorum amicitia est huiusmodi, ergo amicitia bonorū est rara, ratio patet, & declaratur à philosopho antiquo proverbio, quòd homo non cognoscit hominē perfectē nisi longitudine temporis, & nisi comedat modium falis, vnde cum amicitia debeat esse non latēs, & amici se debeat inuicem cognoscere, ideo requiritur diuturnū temporis spatium, & illud proverbium accommodatur quòd de sale dicitur, quòd tetigit etiam Cicero cum inquit. Verum est quòd dicitur multis modis falis simul esse edendos vt amicitia munus expleti sit. His dictis soluere videtur tacitam obiectionem, nam aliquis dicere posset quòd multi breui tēpore sunt amici exhibendo inter se omnia quæ ad amicitiam requiruntur. Ad hoc dicit philosophus quòd ij non sunt proprie amici: potest tamen esse in eis voluntas amicitie, & beneuolentia quedam, non tamen erit amicitia proprie, licet ibi esse appareat alius operationes ad amicitiam pertinentes. Nam sicut potest aliquis operari operationes studiosas etiam si non habeat virtutē: sic fieri potest, vt aliqui agant tanquā amici, cum re vera non sint proprie amici, sed habeant voluntatē contrahendi amicitiam. Post hæc cōcludit philosophus quod talis amicitia bonorū est perfecta tēpore, & omnibus aliis supradictis, & similis fit vtrique amicorū ab vtroque, quod requiritur ad amicitia: propter hoc scilicet quòd sint similes in virtute. Merito igitur talis amicitia rara est quod est signū perfectionis, & simpliciter amicitia cum habeat fundamentum, & causam ipsam virtutē. Digni enim sunt amicitia vt ille inquit, quibus inest causa car diligantur. Raro genū & quidē omnia præclara rara. Nec quicquā difficilius quā reperire q̃ sit omni ex parte in suo genere perfectū.

*Quod studiosa amicitia proprie dicatur amicitia: alie vero  
per accidens. Cap. IIII.*

Cap. IIII.

Græcè  
melius, ἢ  
ὁ, ὅς ἐστι  
ἡδὺ ὁ μισῶ  
μα πῦρος  
ἔχει· καὶ ὅτι  
οἱ ἀγαθοί,  
ἡδὺς ἀλ-  
λῆλαιοι· ὁ-  
μῶς δὲ καὶ  
οἱ. 2 3 τὸ  
χοήσιμην  
ὅτι βίβει  
δὲ καὶ ἄλλοις  
οἱ ἀγαθοί.  
μάλιστα δὲ  
καὶ, & c.

**A** vero quæ ob voluptatem, & ea quæ ob vtilitatem est: similitu-  
dinem huius habent. Boni nanque & iucundi & viles sibi mu-  
tuo sunt. maxime autē & tales amicitiaē permanent. cum æqua-  
le sit ab vtriusque, vt voluptas. & non solum hoc modo, sed etiam ab eo-  
dem. vt inter facetos fit: & non inter amatorem ac adamatum. Hi nan-  
que non delectantur eisdem. Sed ille quidem aspectu gaudet admati:  
hic autem obsequio amatoris. Desinente verò pulchritudine: amicitia  
quoque nonnunquam desinit. Illi nanque aspectus non est iucundus,  
huic autem obsequium non præstatur. Plerique autem in amicitia per-  
manent, si ex consuetudine mores dilexerint, eosdem mores habentes.  
Sed qui non ob voluptatem in amoribus, sed vtilitatem commutant: ij  
& minus sunt amici, & minus permanent. Qui verò sunt ob vtilitatem  
amici, ij simul cum vtilitate dissoluuntur. Non enim hi sese mutuo, sed  
vtilitatem amabant. Fit igitur vt pravi prauis, & boni prauis, & neutri  
quibusvis amici sunt ob voluptatem atque vtilitatem: sed boni soli sunt  
propter seipsos amici. Mali nanque seipsis non gaudēt, nisi vtilitas pro-  
ueniat aliqua. In sola etiam bonorum amicitia, nullum calumnia lo-  
cum habet. Non enim facile cuiquam quisquam de eo credere potest,  
quem ipse diuturno tempore comprobauit. In his ipsis est, & sibi mutuo  
credere nunquā iniuriā facere, cæterâq; omnia quæ amicitiaē verē cōsen-

27

28

25

tur inesse. In cæteris autem amicitiiis, nihil prohibet ea quæ sunt hisce contraria fieri. Nam quandoquidem homines, eos etiam dicere consueverunt amicos, qui ob vtilitatem amant: vt ciuitates (societates enim à ciuitatibus, conducentis gratia fieri videntur) & item eos qui se propter voluptatem mutuo diligunt, vt pueri: nos etiam fortasse tales quidem amicos dicere oportet. Asserere autem species amicitie plures esse. Atque primo quidè & proprie amicitiam eam esse, quæ bonorum esse hominum, ratione sane qua boni sunt, cæteras autem per similitudinem. Quo nanque bonū quoddam in ipsis est & simile, hoc sunt amici. Id enim quod afficit voluptate, bonum quoddam iis est, qui voluptatem amant. Non autem multum hæc copulantur. Nec iidem ob vtilitatem, voluptatemque sunt amici. Nam ea quæ per accidens sunt, non nimium coniunguntur. In has autem species amicitia distributa: prauī quidem erunt ob voluptatem aut vtilitatem amici, hac ratione similitudinem subeuntēs, boni autem sunt propter seipsos amici. Ea nanque ratione qua boni sunt. Hi igitur sunt absolute amici: illi vero per accidens, & quia sunt similes his.

## Commen.

**E**A VERO quæ ob voluptatem & ea quæ. Hoc est quartum capitulum huius tractatus, in quo philosophus postea quàm declarauit tres species amicitie secundum rationem cuiusque: nunc comparat ambas illas, scilicet vtilem & iucundam cum amicitia bona, & ostendit in quibus sunt similes, & in quibus sunt dissimiles, & differunt. Diuiditur itaque in duas partes quæ declarabuntur. In prima igitur assert ea in quibus similitudinem habere videntur illæ duæ amicitie, cum amicitia perfecta: primo quia boni amici sunt iucundi sibi inuicem: eodem pacto amici qui sunt ob iucunditatem. Item amici boni sunt sibi inuicem viles: eodem vel simili modo ob vtilitatem. Quare ob hanc conditionem illæ duæ amicitie videntur habere similitudinem quandam cum amicitia perfecta: præterea si sunt permanentes aliquo tempore, habent similitudinem in eo quod sunt permanentes cum perfecta amicitia, quæ est vehementer firma vt videmus. illæ vero si permanent aliquanto temporis, fit hoc cum æquale sibi inuicem rependunt, vt voluptatem pro voluptate: sed cum iucunda sint, & voluptaria diuersa, requiritur etiam ad stabilitatem talis amicitie, vt eisdem voluptariis delectetur, quod euenire videtur inter faceros, non autem inter amatores, & eum qui amatur amore amatorio, quia non delectantur eisdem, ideo cito dissoluitur talis amicitia. Deinde ostendit quod alio modo fieri potest vt talis amicitia aliquanto temporis permaneat, si alter alterius mores diligit ex consuetudine, & quia similes moribus sunt: diligunt se enim vicissim ob similitudinem quam habent inter se, ex qua similitudine morū coniunctio amicitie permanet aliquod tempus, & sic ex istis duabus conditionibus ostendit philosophus quod illæ duæ amicitie habent similitudinem cum bona amicitia, tamen in pluribus differunt, & nihil etiam in quibus similes esse videntur differunt, quia vtile & iucundum in bona amicitia simpliciter est tale in illis vero non simpliciter, sed secundum quid & ipsis. Post hæc philosophus ostendit quando fit vt illæ amicitie duæ minus permanent cum permutant voluptatem cum vtilitate: sed quicquid fit patet quod illæ duæ amicitie habent causam, altera voluptatem, altera vtilitatem, quibus cessantibus cessat amicitia, & illæ causæ facile cessant, quod si aliquod tempus permanent, fit cum eueniunt ea quæ supra dixit philosophus de amicitia, quæ est ob voluptatem, quæ dicta etiam accommodari etiam possunt amicitie ob vtilitatem. [P 1 T] igitur vt voluptatem. Hæc est secunda pars huius capituli, in qua philosophus postquam declarauit similitudinem quam habere videntur amicitie viles, & iucundæ cum ea amicitia quæ est ob bonum, & quæ est simpliciter amicitia: nunc ostendit dissimilitudinem quam habent, & quomodo differunt ab illa, asserendo plures condiciones quibus illæ distinguuntur à bona amicitia. Prima conditio est quod illæ duæ amicitie inter quosvis homines reperiri possunt, bona autem simpliciter inter bonos tantum. Et hoc declarari potest duabus conclusionibus. Prima cunctis hominibus quibus contingit amabile vtile esse aut iucundum: contingit amicitiam contrahere ob voluptatem aut vtilitatem, sed quibuscumque siue malis, siue non malis fieri potest vt amabile fit vtile vel iucundum: ergo quibuscumque contingit amicitiam contrahere ob vtilitatem aut voluptatem

vt patet in textu. Secunda amicitia quæ est inter homines qui seipsos amant propter seipsos tantum, & non propter aliquid aliud, est solum inter bonos: sed amicitia quæ perfecta & simpliciter dicitur, est huiusmodi, ergo amicitia perfecta est solum inter bonos: & sic ex ista conditione duabus conclusionibus probata, patet prima maxima differentia quæ est inter duas istas amicitias, & amicitiam perfectam, cum illæ fieri possint inter quosvis: hæc solum inter bonos. [IN SOLA <sup>29</sup> etiam bonorum hominum.] Afferet aliam conditionem qua amicitia bonorum differt à cæteris, & hic non bene iudicio meo tractatum fuit vocabulum illud à quibusdam quod dicit mutabile, & debebat poni calumnia loco illius: & ideo hic expositores sequendo illud vocabulum transmutabile, non etiam est accomodatum omnino sententiæ philosophi. Nam querelæ propria sunt ab amico de amicis quando non seruant leges amicitia, sed hic intelligitur de calumniis quas maledici afferunt alicui de amico suo accusando illum, boni igitur amici non acceptant hæc calumnias, quia sunt certi de amico suo: ceteri vero forte acceptant: quare dicit philosophus quod bonorum amicitia est sola. & *ἀπὸ πάντων*, id est sine calumnia. Probatur in ea amicitia quæ est inter homines qui sese diuturno tempore re ipsa cognouerunt, non habet locum calumnia: sed bonorum amicitia est huiusmodi, ergo in bonorum amicitia non habet locum calumnia. Nam diuturna consuetudine, & mutuis operationibus longo tempore factis facile perfectus est animus, & natura, & mores virorumque, ex quo generata & inserta est in animis virorumque tanta fides, & firma opinio alterius de altero, vt in tali amicitia calumnia locum non habeat, sed in cæteris habere potest, & ergo bonorum amicitia differt ab illis. His dictis afferet quandam obiectionem quæ fieri posset, & eam remouet. Siquis enim diceret quare illæ duæ amicitia ob vtilitatem, & voluptatem vocantur amicitia, cum tu Aristoteles per tuas differentias facias tantopere eas distare à verâ & perfectâ amicitia? Hanc obiectionem soluit philosophus quasi dicendo illas non esse proprie, & simpliciter amicitias, sed quia homines consueuerunt eas sic appellare vt exemplo ciuitati, & puerorum ostendit in textu: nos quoque appellamus eas amicitias sequendo istam consuetudinem loquendi, sed tamen ne confundamus, & ne decipiamur, ponere oportet plures species amicitia, & asserere ordinem & distinctionem inter, eas dicendo quod amicitia bonorum ea ratione qua boni sunt, est proprie & vere, & simpliciter amicitia: reliquæ verò adumbratæ, & imagines quædam amicitia, ita vt si vocentur amicitia dicantur per similitudinem quandam, quia vt amicitia vera est ob simpliciter bonum, ita illa est ob voluptatem quæ tali apparet esse sibi bonum, & illa quoque ob vtilitatem quæ bonum sibi esse videtur, quia talium sunt amatores, licet illa non sint vere bona: quare ob talem similitudinem istæ appellantur amicitia. ex quibus colligitur quod definitio amicitia supra allata per analogiam, & similitudinem rationis istis amicitia videtur competere, ita vt per prius attribuenda sit amicitia bonorum, cæteris vero posterius, & per similitudinem quandam. [NON autem multum hæc copulantur.] Afferet aliam conditionem philosophus quia illæ duæ amicitia à bonorum amicitia differunt, quia illæ quæ sunt ob vtilitatem & voluptatem non multum coniunguntur. Probatur, Hæc amicitia quæ sunt per accidens non multum coniunguntur, sed amicitia quæ sunt ob voluptatē, & vtilitatem sunt per accidens, ergo non sepe nec multum coniunguntur. Maior declaratur, quia amicus ob vtilitatem est intentus rebus vtilibus, qui vero ob voluptatem est e contra intentus rebus voluptariis, nec facile reperiuntur amici qui sibi sint inuicem amici ob vtilitatem, & iucunditatem: id est non fit facile vt in amicitia quæ est ob vtilitatem sit etiam iucunditas, aut in amicitia quæ est ob voluptatē sit etiam vtilitas: harum enim amicitiarum causæ sunt per accidens, & ideo non multum coniunguntur. Verum in amicitia bonorum omnia illa, scilicet vtile, iucundum & non secundum quid sed simpliciter talia reperiuntur, est enim bona, & iucunda, & vtilis simpliciter, & per se non per accidens. [Istas autem species amicitia.] Afferet aliam concludendo quod boni amici sunt simpliciter amici, & propter seipsos, cæteri verò illi per accidens, & ea ratione dicuntur amici quia habent similitudinem quandam cum istis vt supra diximus.

*Qui dicendi amici, & qui ad amicitiam apti.*

*Cap. V.*



T autem in virtutibus alij habitu, alij actu boni dicuntur: sic & in amicitia. Amicorum enim alij simul viuentes gaudent se mutuo: bonaque conferunt. alij dormientes aut locis seiuncti non operantur quidem: sed ita sese habent, vt operentur amice. loca nanque non dissoluunt amicitiam absolute: sed operationem. Quod si diuturna absentia fuerit: amicitia quoque videtur obliuionem efficere. vnde dictum est: taciturnitas amicitias complures dissoluit. Atqui neque senes neque seueri videntur



esse ad amicitiam apti. Exigua enim afficiunt voluptate, nemo autem conuersari cum eo potest qui dolorem afferat, aut non sit iucundus. maxime nanque natura videtur molestiam quidem fugere: oblectamenta  
 35 autem affectare. Qui vero se quidē mutuo acceptant, non simul autem viuunt: ij beneuolis magis sunt similes, quàm amicis. Nihil enim tam proprium est amicorum quàm viuere simul. Non egenates quidem, vtilitatem affectant. simul autem viuere, & ipsi beati, etenim solitarios quidem hos esse minime conuenit. Vt simul autem degāt: fieri non potest, nisi sint iucundi eisdēque gaudeant: quod quidem amicitia sodalitia  
 36 videtur habere. Bonorum igitur amicitia: maximē est (vt saepe diximus) amicitia. Nam amabile quidem & id expetibile esse videtur, quod est absolute bonum, aut iucundum: vnicuique vero quōd ipsi est tale. bono  
 37 autem propter hęc vtraque bonus. At vero amatio quidem similis est affectui: amicitia vero habitui. Amatio nanque nō minus est ad inanimata. Amici autem amant sese mutuo cum electione. electio vero ab habitu proficiscitur. Et volunt iis bona quos amant, illorum gratia: nō per affectum sed habitum. & amantes amicum id amant quod sibi ipsis est bonum. Virenim bonus factus amicus, bonum fit ei cui iam est amicus. Vterque igitur, & id quod sibi bonum est amat: & par reddit voluntate atque iucūditate. Dicitur enim amicitia æqualitas. Maxime autem hęc bonorum amicitia insunt.

## Commen.

32 **V**T AVTEM in virtutibus quidam habitu, quidam actu. Hoc est quintum capitulum huius tractatus, in quo posteaquam diffiniuit amicitiam, & distribuit eam in suas species, & ostendit amicitiam bonorum esse amicitiam proprie & simpliciter: illas vero alias non proprie, sed per similitudinem: nunc declarat amicitiam comparando eam cum suo actu. Diuiditur autem hoc capitulum in duas partes, quæ declarabuntur. In prima hanc probat conclusionem, sicut fit in cæteris virtutibus vel habitibus, ita in amicitia: sed in illis fit vt in quibusdam sit habitus, in quibusdam vero actus coniunctus cu habitu: sic erit in amicitia. Patet consequentia per sufficientem similitudinem, nam cum amicitia sit habitus quidam, id quod competit aliis habitibus competit etiam amicitia: in eo quod habitus est. Assumptio declarari potest, quia est aliquis fortis habitu tantum, sicut dormiens fortis qui habet habitum fortitudinis, & tamen non operatur. fit etiam vt aliquis habeat actum coniunctum cum habitu sicut fortis cum operatur, & pugnat pro communi bono. Simili modo de amicitia, & amicis dici potest, quia potest fieri vt habeant amicitiam & non operentur simul viuendo, conuersando vt locis distracti: fieri etiam potest vt habeant habitum, & etiam actum coniunctum cum habitu vt illi qui simul viuunt, & sibi mutuo beneficia conferunt, & operationes amicitia: exercent. Sic igitur patet quōd in amicitia quidam habitu esse possunt qui dicitur primus actus, quidam etiam non solum habitu, sed etiam operatione, qui dicitur secundus actus, vt fit etiam in virtutibus. Notandum quōd philosophus dicit absentiam amicorum non tollere amicitiam, nisi diuturnitate temporis eius fiat obliuio, sed tollere operationem & vsum. Verum sunt multæ operationes amicitia: vt bene velle, benefacere, conuersari, has omnes non tollit absentia amicorum sed aliquas. nam tollit conuersationem, & conuictum: non tamen tollit beneficia, beneuolentiam & similia, & sic intelligenda est sententia philosophi. [QVOD si diuturnior absentia.] Affert aliam conclusionem philosophus quod longa & diuturna absentia amicorum videtur mandare obliuioni amicitiam. Nam sicut à viuendo, & conuersando simul oritur amicitia, sic etiam dissoluitur à contrario, scilicet cum non viuunt simul, vnusquisque enim habitus augeri & conseruari videtur ab eisdem operationibus à quibus oritur, & corrumpitur à contrariis, sic erit de amicitia, & sicut à determinatis operationibus determinati oriuntur habitus: sic à determinatis operationibus nascitur amicitia. Hæ autē operationes sunt conuersari & viuere simul: cuius contrarium est non conuersari simul nec vna viuere. Ideo dicit q̄ diuturna absentia, non enim brevis cum amicitia

sit habitus, sed diuturna tollit amicitiam, & hoc confirmat vetusto proverbio, quod diuturnum  
 silentium multas dissoluit amicitias. [A T Q V I neque senes neque seueri.] Tertia est conclusio  
 quod & senes, & seueri homines non sunt apti ad amicitiam cōtrahendam, aut operandum secun-  
 dum eam hoc modo, hi qui non sunt apti ad operationem amicitiae exercendam, non sunt apti ad  
 amicitiam: sed senes & morosi non sunt apti ad operationes amicitiae vt conuersari, & viuere si-  
 mul, ergo non videntur esse apti ad amicitiam. & hæc ratio videtur accommodata sententiae su-  
 periori, quia diximus philosophum comparare amicitiam ipsam ad actum suum. Notandum quod  
 senes possunt habere amicos: tamen dicuntur in senectute non facile contrahere amicitia, sed po-  
 tius in iuuentute contrariam ad senectutem perducere. Itaque non est intelligendum dictū phi-  
 losophi quod senes possint habere amicitiam antea saltem contrariam, sed quod non sint ad ami-  
 citiam apti vel denuo contrahendam vel exercendam secundum operationes amicitiae, quarum  
 præcipua videtur esse conuersari, & viuere simul, & gaudere mutuo conuictu: sed vita senum, &  
 eorum qui sunt morosi parum est iucunda. & hoc non videtur intelligendum de omnibus seni-  
 bus, & seueris, sed philosophus loquitur de his secundū quod plerumque sunt: reperiuntur enim  
 quidam senes qui gaudent honestis voluptatibus, & sunt apti ad conuersandum cum aliis homi-  
 nibus, & hi sunt qui in iuuentute studiosi euaserunt & orati virtutibus. [Q V I vero se quidem  
 mutuo.] Affert aliam conclusionē, quod ij qui se mutuo probant, & tamen ptererunt id quod  
 est proprium, & præcipuum in amicitia, scilicet viuere & conuersari simul, sunt magis similes be-  
 neuolis quàm amicis, nam præcipuum munus amicitiae est viuere simul quo ad fieri potest: quod  
 statim innuit philosophus, tanquam aliam conclusionem vt probet quod supra supposuit de actu  
 amicitiae, quod amici simul viuentes se mutuo gaudent: quod est proprium amicitiae, & probari  
 potest hoc modo. Id quod beati quousque amici affectant est maxime proprium amicitiae: sed si-  
 mul viuere & simul conuersari maxime expetunt amici etiam felices atque beati, ergo simul vi-  
 uere & simul conuersari est maxime proprium amicitiae. Patet ratio quia multos videmus expe-  
 tere multa, non tamen dicimus ea esse bona nisi vir studiosus approbet, & expetenda esse diudi-  
 cet, qui est vera regula & mensura vt declarabit etiam inferius. Nam sicut fit de sanis ita de bo-  
 nis, nam non sana sunt dicenda quæcunque expetit quiuis, sed ea quæ sanus & habens gustum,  
 & iudicium incorruptum: sic est de bonis & de amicitia, cuius proprium esse videtur id quod  
 amici studiosi expetunt, qui incorrupte diiudicant, & id est simul viuere ex quo maxime si-  
 munt iucunditatem, nam simul versari non possent, nisi sibi mutuo essent iucundi, & iisdem  
 gauderent rebus, quod videtur reperiri in sodalitie vt dicit philosophus. Notandum quod si-  
 mul viuere non intelligitur hoc pacto vt vnus versetur cum altero solum comedendo vel o-  
 ciose ambulando vt pecudes, sed ita vt alter alteri conferat ea quæ sunt mentis, & quæ perti-  
 nent ad virtutes & bona animi, monendo, communicando, & mutuo gaudento hostis opera-  
 tionibus ex quibus redundat vera & summa voluptas. Notandum quod amicorum sunt ope-  
 rationes internæ & externæ, quæ externæ sunt minus præstantes quàm internæ, quæ sunt men-  
 tis & rationis: sed externarum operationum amicorum simul viuere videtur esse maxime pro-  
 prium amicitiae eo modo quo diximus. [B O N O R V M igitur hominum.] Hæc est alia  
 conclusio quod bonorum amicitia est perfecta, quam & si antea probauit philosophus, tamen nunc  
 occasionem nactus eam denuo infert ex supradictis, & probari potest hoc modo. Ea amicitia  
 qua amatur id quod est simpliciter iucundum, & simpliciter bonum, est maxima amicitia: sed  
 amicitia bonorum est huiusmodi, ergo amicitia bonorum est maxima amicitia. Nam cum ama-  
 bile sit id quod est simpliciter bonum, aut iucundum, cuique vero fit quod est sibi tale, viro bo-  
 no hæc vtraque insunt, quia est amabilis simpliciter, & de se, & amabilis amico: omnia enim quæ  
 in amicis esse oportet vt supra dixit bonorum per se amicitiae insunt. [A T vero amatio quidem  
 similis est affectui.] Hæc est secunda pars huius capituli, qua probat amicitia esse potius habitum  
 quàm affectum, amationem vero potius affectum. Dixit enim antea amicitiam esse habitum, &  
 habere actum suum. cum ergo hoc præsupposuisset, nunc merito probat duabus rationibus,  
 prima est ista, Electio proficitur ab habitu, & non ab affectu: sed electio quadam profici-  
 scitur ab amicitia, ergo amicitia habitus non affectus. Maior est nota quia operationes quæ  
 proficiuntur ab habitu eliguntur antea quàm fiant. Minor est etiam clara: nam amicus eli-  
 git & cum electione respondet in amando. Secunda ratio, qui volunt bona amicis illorum gra-  
 tia, non per affectum, sed per habitum id agunt: sed amici proprie volunt bona amicis illorum  
 gratia, ergo per habitum amicitiae qui inclinat eum ad expetendum ea quæ sunt amicis bona,  
 quare concluditur quod amicitia est habitus non affectus, amatio vero potius affectus: & lo-  
 quitur de amatione quæ est ante habitum amicitiae, & largo modo sumpta, quæ extenditur etiam  
 ad inanimata, & non de ea quæ est operatio quadam amicitiae post habitum. Notandum quod  
 electio tripliciter sumi potest vt alibi diximus, aut vt principium quo duobus propositis eligi-  
 mus alterum potius altero: alio modo vt est affectus consultationis & deliberationis, vt in tertio  
 declarauit: tertio modo vt proficitur ab habitu qui est actus volutatis inclinata ad hoc magis  
 quàm ad illud, per habitum qui est in ipsa, & sic tertio modo hic accipi potest. Verum si collocare  
 velimus amicitia in voluntate dicere possumus quod habitus amicitiae est in voluntate, & habitus

38 & habitus quoque charitatis quem ponunt theologi. vnde per habitum charitatis fertur præcipue voluntas ad deum: per amicitiam vero non solum per charitatem fertur ad homines. [E T amantes amicum.] Remouet tacitam obiectionem philosophus, quia dixit q̄ amici volunt bona amicis illorum. Hoc forte videretur absurdum quòd amemus aliquem propter ipsum, & nullo modo propter nos, vnde oritur difficultas & dubitatio. Respondet igitur philosophus q̄ amicus amatur gratia amici, & etiam ppter nos, quia bonus amicus est bonum simpliciter cum sit repletus virtutibus, & est bonum alicui, id est amico suo. Amatur igitur amicus propter se, & gratia eius qui amat, quia bonum amici redundat ad amantem. Nam mutuo sibi tribuunt, & red dunt pari voluntate, & iocunditate ea quæ sunt bona, quia amicitia dicitur esse æqualitas quædã, & hæc intelliguntur de amicitia bonorum & de perfecta amicitia.

*In qua amicitia plures possunt esse amici.*

*Cap. V I.*

39 **I**N feueris autē atque senibus, tanto minus fit amicitia: quanto difficiliore sunt, & minus congregationibus gaudent. Hæc enim ad amicitiam maxime spectare, & ipsam efficere videntur. Quocirca iuuenes quidem cito: senes autem non cito fiunt amici. Non enim fiunt iis amici, quibus non delectantur. Similiter nec feueri. Sed tales beneuoli quidem mutuo sibi sunt. Etenim & bona volunt: & prompti sunt ad necessitates, amici vero non valde sunt: propterea quòd non simul degunt. Neque sese mutuo delectantur: quæ 40 quidem ad ipsam amicitiam maxime pertinere videntur. Non fit autem vt amicitia perfecta multis quispiam sit amicus, quemadmodum nec vt cõplures simul adamet. Est enim exuperationi similis. tale autē ad vnũ aptum fieri. Multos vero eidem vehementer placere, non facile est: fortasse autem nec bonus esse. Oportet autem & experientiam accipere, & in consuetudine fieri: quod quidem est perdifficile. Ob vtilitatē autem ac voluptatem multis placere quis potest. Cõplures enim sunt tales. Et 41 subministraciones manifeste, breui in tempore fiunt. Harũ autem ea magis est similis amicitia: quæ est ob voluptatem: cum eadem ab vtriusque proueniunt, & sese mutuo gaudent, aut eisdẽ. Quales sunt iuuenũ amicitia. Inest. n. magis in his liberalitas. At ea quæ ob vtilitatē cõstat: eorũ est hominum qui quæstui vacant. Beati etiã vtilibus non indigent, sed iucundis, cum quibuscũ. n. simul viuere volunt: & molestum paruo quidem tẽpore ferunt. Continue vero nemo, nec ipsum bonum toleraret, si dolore ipsum afficeret. Quare iucundos quærunt amicos. Sed forsitan & bonos oportet: cum sint tales & etiam ipsis. Sic. n. ipsis inerũt, quæ amicis inesse oportet. Qui autem sunt in potestatibus constituti: diuisis 42 vt videntur amicis. Alii. n. sunt ipsis viles: alii iucundi. Vt autem ambo sint iidem non nimium fit. Neque cũ virtute iucundos quærunt, neque viles ad honesta. Sed facetos quidem quærunt, voluptatē appetẽtes: habiles autē vt agunt ipsum præceptum. Atque hæc homine in eodem nõ nimium fiunt. Studiosus autem homo iucundus est simul (vt diximus) atque vtilis. Sed talis amicus non fit excedẽti, si nõ & virtute excedatur. Sin minus non æquatur: cum rata sit inferior ratione. Non nimium autem tales fieri solẽt. Hæc igitur amicitia dicta, in æqualitate consistunt.

Eadem enim ab vtrifque sunt, & sibi mutuo volunt. Aut aliud pro alio (vt voluptatem pro vtilitate) commutant. Dictum est etiam has minus amicitias esse: minusque permanere. Videntur autem ob similitudinē, & dissimilitudinem eiusdem: & esse amicitiae & non esse. Nam similitudine amicitiae quae est ob virtutem: videntur amicitiae esse altera namque voluptatē: altera habet vtilitatē, quae quidem insunt & illi. Sed quia illa quidē omni calumnia caret: & stabilis est, haec vero cito dissoluntur, aliique compluribus differunt: non videntur ob illius dissimilitudinem amicitiae esse.

## Commen.

**I**N seueris autē atque senibus tāto minus fit amicitia. ] Hoc est sextū capitulū huius tractatus, in quo philosophus posteaquā declarauit amicitia cōparando eā ad suū actū, nunc ipsam considerat cōparando eandē cum subiectis in quibus est. i. cū amicis. Ipsa enim est habitus in subiecto, & nō potest esse nisi in amicis. Diuiditur autem hoc capitulum in quatuor partes quae declarabuntur. In prima igitur parte philosophus cōparando amicitiam ad subiecta sua vt ostendat qui homines sunt proprie apti ad amicitiam, & qui non sint proprie apti, probat hanc conclusionem, quod senes & morosi non sunt apti ad amicitiam hoc pacto, hi hominum qui sunt diffi- ciles, & minus gaudent conuictu & conuersatione aliorū sunt inepti ad amicitiam: at senes & homines seueri sunt huiusmodi, ergo sunt inepti ad amicitiam. Supra etiam de iis tetigit, sed ibi loquebatur de actu amicitiae, hic autem de subiectis, sed ex hac sententia statim insert alia quae sequitur ex opposito, quod iuuenes sunt apti, & cito contrahunt amicitiam, quia gaudent conuictu & conuersatione mutua, vnde oritur amicitia. Post haec philosophus videtur solvere obiectionem quae fieri potuisset contra ipsum, quia dixit senes & seueros non posse consequi apte amicitiam. quod non videret verum, quia senes & seueri beneuoli sunt sibi mutuo, & prompti etiam ad beneficia conferenda. Ad hoc videtur respondere philosophus concedendo esse verum quod sunt beneuoli & benefici, tamen non sequitur quod sint admodum amici, quia parum delectantur conuersatione, & conuictu mutuo in quo maxime consistit amicitia, quare ad amicitiam non erunt admodum apti. & hoc intelligendum vt supra diximus, quod non sint admodum apti ad amicitiam denuo contrahendam vel exercendam viuendo simul, & conuersando, & iocunditatem sumendo ex mutuo conuictu. Et hoc vt plurimum. Nam in omnibus non videret omnino valere, cum quidam sint studiosi ac prudentes senes, qui conuersatione sibi sumunt, & aliis afferunt iocunditatem, & voluptatem honestam. Moderati. n. & non difficiles senes nec inhumani, vt inquit, Cicero tolerabilem agunt senectutem. [NON fit autem vt amicitia perfecta.] <sup>40</sup> Hae est secunda pars huius capituli, in qua determinat de multitudine amicorum comparando amicitiam ad sua subiecta. Et primo ostendit, quod secundum amicitiam perfectam non potest quis pluribus esse amicus tribus rationibus, & prima est talis, ea amicitia quae est similis exuperationi, & excessui nō potest quis pluribus esse amicus, sed amicitia perfecta est huiusmodi, ergo secundum amicitiam perfectam non potest quis pluribus esse amicus. Patet ratio. quia amicitia perfecta comparata ad alias species amicitiae videtur esse exuperatio quaedam, & in summo gradu: & ea quae dicuntur esse secundum superexcellentiā quandam non posse competere pluribus, ea amicitia qua debet quis vehementer placere, non potest quispiam pluribus esse amicus: sed amicitia perfecta est huiusmodi, ergo secundum amicitiam perfectam non potest quispiam pluribus esse amicus, quia non facile est plures vt dicit philosophus, eidem placere. Secunda, ea amicitia quae indiget magna experientia, & longa consuetudine ad hoc vt fiat, non facile potest extendi ad plures: sed amicitia perfecta est huiusmodi: ergo amicitia perfecta non est inter multos, & non extenditur ad plures. Notandum pro declaratione eorum quae dicta sunt, quod exuperatio & excessus hoc in loco nō accipitur vt excedat bonum tanquā excessus quidā vitiosus medium excedens, sed dicitur excessus in genere illius boni. id est summu, veluti in genere amicitiae super excellentiā, & summu gradu tenet perfecta amicitia, quia comparata ad alias videtur vehementer excedere. Nā ista amatur amicus propter se, ibi propter externā rē, & propter aliquid aliud. i. propter vtilitatem aut voluptatem. Præterea id quod amatur in amicitia perfecta est simpliciter bonū, & iocundum & vtile, in aliis vero apparet & secundū quid, & sic apparet quod amicitia perfecta excedit alias, & tenet summu gradu, & nō potest esse ad plures, quia dimi- nueretur, & esset remissa amicitia, & caderet ad pfecto, & ad summo gradu. Notādū præterea quod ea quae dicitur per exuperationē & superexcellentiā in superlatiuo aut positiuo dici possunt aut negative. primo modo Socrates dicitur albiſſim⁹ omniū positiuo, quia excedit oēs in albedine: secūdo modo negatiue, quia nemo est albi⁹ illo: & tamē alij possēt esse in eodē gradu albedinis

vt essent plures eque primi sicut decem dicuntur genera generalissima in superlatiuo. quare primus modus non competit nisi vni soli. Secundus potest competere pluribus. Hac distinctione stante Burleus dicit quod perfecta amicitia non dicitur similis exuperationi, nec primo, nec secundo modo. Nam primo modo non erit, quia amicitia perfecta qua quis amat amicum bonum non videtur excedere amicitia qua quis seipsum amat. quare amicitia talis non erit positius quam amicum amicum summam, & maximam, nec secundo modo negatiue, quia si sint plures combinationes amicorum bonorum, tamen alia erit perfectior, & vt ira loquar ardentior alia, & infirmillarum excedit amicitias ob vtilitatem, & voluptatem, & sic erit summa respectu amicorum illarum, & non erit summa respectu perfectissimarum combinationum qua sunt excellentiores illa. quare non erunt combinationes illa aequae primae, & sic amicitia perfecta non erit superlatiuat, nec primo modo positius, nec secundo negatiue. Ex quo ratio philosophi dicit Burleus, videtur esse ex quodam veri simili, sed parum vehemens, in quo ego Burleum minime sequor, quia meo iudicio ratio philosophi est valde accommodata. Et debet intelligi quod amicitia perfecta sit similis exuperationi non tantum vt sit exuperatio amoris, sed etiam respectu aliarum conditionum simul vt respectu amoris, respectu experientiae, & temporis & conuersationis. & accipi videtur amicitia perfecta comparata ad alias, quae cum sint valde remissae possunt competere pluribus vt inferius ostendet philosophus. Pluralitate enim amicorum videtur amor & amicitia fieri remissior. Amicitia autem perfecta cum sit in summo gradu comparata ad illas non extenditur ad plures. [O]b vtilitatem tamen ac voluptatem. Declarat nunc philosophus quod amicitia quae est ob vtilitatem ac voluptatem potest extendi ad plures hoc pacto, ea amicitia, qua quispiam multis placere, & satis facere potest: ad multos videtur posse extendi: sed amicitia ob vtilitatem, ac etiam ea quae est ob voluptatem est huiusmodi, ergo talis amicitia potest extendi ad plures. i. secundum eam potest quis pluribus esse amicus. Et innuit aliam rationem philosophus quia non indiget longo tempore, sicut perfectam antea diximus indigere. Harum autem ea magis est. Comparat nunc istas duas amicitias inter se, scilicet vtile & iocundam, & ostendit quod ea quae est ob iocunditatem est magis amicitia appellanda quam ea quae est ob vtilitatem tribus rationibus, quarum prima est ista, Ea amicitia quae est magis similis amicitiae perfectae, magis amicitia est dicenda quam ea quae minus: sed amicitia ob iocunditatem est magis similis amicitiae perfectae quam ea quae est ob vtilitatem: ergo est magis appellanda amicitia. Secunda ratio. Amicitia magis ingenua est magis amicitia, & similior perfectae, quia ea quae est minus ingenua, & minus liberalis: sed amicitia iocunda est magis ingenua, & liberalis quam ea quae est ob vtilitatem, ergo est magis amicitia, & similior perfectae amicitiae. Nam ea quae est ob vtilitatem, contrahitur inter eos homines qui quaesui & artibus fordosis dediti sunt vt in textu dicit philosophus. Tertia ratio. Ea amicitia qua pluribus hominibus & etiam iis qui appellantur beati: est opus, magis amicitia, & similior perfectae esse videtur quam ea quae non est eisdem necessaria: sed amicitia iocunda est huiusmodi: ea vero quae est ob vtilitatem non est talis, ergo amicitia iocunda potius, & magis est appellanda amicitia, quia ea quae est ob vtilitatem, vt patet in textu, quod homines quarentes iocunditatem volunt amicos iocundos, sed oportet vt habeant bonos dicit philosophus, quia iis omnia inerunt quae sunt amicis bona. [A] T hominum ij qui sunt. Hae est tertia pars huius capituli, in qua philosophus determinat de amicis distributis: qui ad diuersa officia deputantur respectu vnius amici, & assert hanc sententiam, quod ii qui sunt in magistratu, & potestate constituti diuisi vtuntur amicis, id est aliis ad voluptatem, aliis ad vtilitatem, & non vtuntur amicis simul vtilibus, & iocundis quia non vtuntur bonis & studiosis. Quare diuisi & distincti vtuntur. & probatur eo medio, Amici qui sunt simpliciter iocundi, & viles simul sunt boni simpliciter & absolute, at ii qui sunt in potestatis constituti non vtuntur bonis simpliciter & absolute, ergo non eisdem simul vtuntur iocundis atque vtilibus, sed aliis ad voluptatem vt faciet, aliis ad vtilitatem aptis. Non enim haec duo facile coniunguntur cum sint per accidens. Sed si quis diceret quod ii qui sunt in potestatis constituti cum excellent iis qui sunt inferioris dignitatis seu potentiae non habebunt aequalitatem, nisi virtute bonorum compulsi se declinent, & aequent se bonis secundum proportionalitatem quandam, & similitudinem rationis, vt quantum ipse in potestate constitutus dignitate excedit, tantum se virtute superari cognoscat, & sic adaequatio ne quandam fieri patiatur, quam raro solent principes, & homines in potestatis constituti tolerare. Hae igitur amicitiae dicuntur. Hae est quarta pars huius capituli, in qua philosophus concludendo ostendit species istas amicitiae consistere in quadam aequalitate, & accommodata posuit hoc quia supra dixerat quod vir bonus, & studiosus excellenti non sit amicus, nisi fiat adequatio quaedam inter eos, & ex quo videtur innuere quod in qualibet amicitia requiritur quaedam aequalitas, & nunc ipse declarat per ea quae dicit quod eadem mutuo sibi volunt, & vicissim permu-

tant tales amici vt patet exēplis de amicis qui sunt ob voluptatem, & de iis qui sunt ob vtilitatē. Nam de perfecta amicitia est manifestum. Post hæc dicit philosophus quòd ista amicitia quæ sunt parum stabiles videntur esse amicitia ex vna parte propter similitudinem quandam quam habent cum vera & perfecta amicitia, ex alia parte ob magnam dissimilitudinem, & ob multas differentias, quibus differunt ab amicitia bonorum quæ est secundum virtutem, non videntur esse amicitia, & sic videtur eas excludere & existimare non esse proprie amicitias, sed qualidam adumbratas imagines amicitia.

## De amicitia in excellentia.

## Cap. VII.

**E**st autem & alia species amicitia quæ in excellentia consistit: 44  
vt amicitia patris ad filium, & omnino senioris ad iuniorem,  
virique ad uxorem, & principis omnis ad eos qui ipsi subiiciuntur. Atque hæc inter sese etiam differunt. Non est enim eadem amicitia parentibus ad liberos: & principibus ad subditos. Nec patri ad filium, & filio ad patrem. Nec viro ad uxorem, & uxori ad virum. diuersa enim est vniuscuiusque horum virtus ac opus. Diuersa etiã sunt & ea propter quæ amant. Diuersa igitur & amationes & amicitia. Atque eadem quidem vtrique ab altero nec fiunt, nec sunt quærenda. Sed 45  
cum libri quidem ea parentibus tribuunt quæ tribuenda sunt genitoribus, parentes autem filiis quæ natis tribui debent stabilibus taliū & bona est amicitia. Oportet autem & amationem omnibus in amicitia quæ in excellentia consistunt \* comparatione fieri rationum. Magis enim amari præstabiliorem, vtilioremve, quàm amare oportet. Et cæterorum vnumquemque similiter. Nam cum amatio fit pro dignitate: tunc fit aliquo modo æqualitas. Quod quidem amicitia esse videtur. Æquale autem in iustis & in amicitia, non similiter sese habere videtur. Est enim 46  
iustis quidem æquale primo, quod est pro dignitate: secundo quod est in quantitate. In amicitia autem id quidem quod est in quantitate, primo. Id autem quod est pro dignitate secundo. Constat autem: si in virtute vel vitio, vel diuitiis, vel in aliqua re, magna distantia fiat. Nō enim vltcrius sunt amici: nec dignum putant se esse amicos. Maxime autem hoc est manifestum in ipsis diis immortalibus. Hoc nanque plurimum bonis omnibus antecellunt. Constat autem & in regibus, nec enim his se esse amicos dignum putant: qui sunt longe inferiores. Nec item optimis viris aut sapientissimis: ii qui nullius sunt pretii. Exacta igitur in talibus non est definitio quousque sint amici. Multis enim ablatis adhuc 47  
amicitia manet. Quòd si nimis fuerint separati (vt a deo) non permanet. Vnde & dubitatur si amici velint amicis ea bonorum quæ maxima sunt, vt deos esse: non enim vltcrius erunt ipsis amici quare nec bona. Amici nanque bona sunt suis amicis. Quod si bene sit dictum, amicum amico bona illius gratia velle: manere oportet, qualiscunque sit ille. Homini autem volet maxima bona inesse: & fortasse non omnia: sibi enim ipsi maxime quisque vult ipsa bona. 48



44 **E**ST autem & alia species amicitia, quæ. Hic est secundus tractatus huius octavi libri, in quo philosophus postea quæ declaravit species amicitia considerando eas secundum quod in æqualitate consistunt nunc considerat de amicitia quæ sunt inter homines inæquales, & in excellentia consistunt. Diuiditur autem hic tractatus in sex capitula quæ suis locis patebunt: primum capitulum diuiditur in tres partes. In prima affert intentionem suam, ostendendo alias esse amicitias præter enumeratas antea in primo tractatu. In secunda declarat quonam pacto possint conservari amicitia tales de quibus nunc loquitur. In tertia affert quandam dubitationem & eam soluit. In prima igitur philosophus proponendo intentionem, & sententiam suam dixit, quod est, & alia species amicitia quæ dicitur consistere in excellentia, non quod uterque pariter excellat, sed ut unus amicus excellat alterum, ita quod termini sint inæquales, & affert tales amicitias sicut est patris ad filium, viri ad uxorem, & huiusmodi. Et hæc omnes consistunt in excellentia, quia alter terminus alterum excelsit, & ostenduntur in hac parte tres conclusiones. Prima est quod hæc amicitia quæ sunt inter personas inæquales differunt specie ab illis supra enumeratis, quia alter consistunt in æqualitate, istæ in excellentia ut videbimus: & hanc primam conclusionem non probat, quia de se patet. Secunda conclusio est quod hæc amicitia quæ consistunt in excellentia uno modo inter se ut amicitia patris ad filium differt specie ab amicitia, quæ est viri ad uxorem, & sic de aliis. Tertia conclusio est quod hæc amicitia quæ consistunt in excellentia, & in imparitate personarum differunt alio modo inter se, ut amicitia patris ad filium, ab ea amicitia quæ est filii ad patrem, & omnino amicitia superioris ad inferiorem ab ea quæ est inferioris ad superiorem. Et has duas conclusiones ultimas probat philosophus simul & primum hoc pacto: quorum virtutes, & opera atque officia sunt distincta specie, eorum amicitia differunt specie: sed eorum qui sunt superiores excellentia, & eorum qui sunt inferiores: opera virtutes atque officia sunt distincta specie, ergo & eorum amicitia differunt specie. Patet ratio, aliud enim est officium patris ad filium, & aliud regis ad subditos, & aliud viri ad uxorem, & item aliud patris ad filium, & aliud filii ad patrem, & sic de aliis dici potest. Alia ratione idem probare possumus hoc pacto, eorum amicitia quæ amant propter diversam specie sunt distincta specie: sed excellentes & inferiores amant propter diversam specie, ergo eorum amicitia erunt distincta specie. Patet ratio discurrendo per singulas amicitias tales. Nam alia ratione, & ob aliud pater amat filium quam princeps subditos, & vir uxorem: & alia item ratione, & propter aliud pater amat filium quam filius patrem, & sic de aliis. [A T Q V E vtrique quidem non eadem.] Hæc est secunda pars huius capituli, in qua philosophus ostendit quonam pacto amicitia istæ quæ dicuntur consistere in excellentia, durare & permanere possint. Quod non fecit in iis amicitia supra dictis quæ consistunt in ipsa æqualitate, quia ibi si feruere æqualitas conservari possunt, hic autem ubi est tanta distantia servari possunt difficiliter, quare inæqualitas quæ est in istis redigenda est ad æqualitatem quandam si debeat conservari, & constare amicitia. Probatur si omnis amicitia consistit, & conservatur æqualitate, profecto & ea amicitia quæ dicitur esse in excellentia, consistet, & conservabitur æqualitate. At primum est, ergo & secundum. Cōsequenter probatur siue coniunctum, nam id quod competit omni amicitia competit etiam alicui amicitia ut isti quam nunc affert: at omni amicitia competit æqualitas, ergo & isti. sed duplex est æqualitas ut ad nostrum propositum spectat, aut quantitatis, aut rationis. Istæ igitur amicitia secundum excellentiam dictæ non possunt conservari æqualitate quantitatis, id est secundum arithmetica proportionalem ut ita loquar, quia alter est superior altero dignitate & conditione vite, ergo servari poterunt æqualitate rationis, id est secundum geometricam proportionalitatem, & similitudinem rationis, ubi attenditur conditio personarum ut alibi dictum est. Meliori enim & præstantiori plus debet tribui, & ideo melior, & præstantior plus amari debet ab minus præstanti, quam e contra. Dubitaret quispiam, quia hoc non videtur verum. Nam pater est excellentior filio inquantum est pater, & tamen magis diligit filium quam filius patrem ut experientia patet. Dicendum quod sententia philosophi non est intelligenda simpliciter, sed amari hoc pacto, id est coli & haberi in reuerentia sicut præstantior haberi debet ab eo qui est inferior. [A E Q V A L E autem in iustis ea amicitia.] Dictum est antea amicitia constare æqualitate. Hoc etiam dictum fuit antea de iustitia, nunc igitur dicit philosophus quod non simili modo est in vtrisque, & ut intelligatur differentia. Notandum quod ut antea percepimus, quædam iustitia consistit in æqualitate secundum similitudinem rationis geometricam, & hæc est iustitia distributiva, quædam in æqualitate quantitatis secundum similitudinem rationis arithmetica, & hæc est iustitia commutativa. Verum cum iustitia distributiva sit rerum publicarum, & pertineat ad gubernationem optimatium, ubi attenditur virtus, & merita personarum, videtur esse præstantior quam commutativa, & primo loco & gradu dignitatis collocanda, quare principalior erit iustitia quæ consistit in æqualitate secundum similitudinem rationis geometricam quam illa quæ consistit in æqualitate quantitatis. In amicitia fit e contra, quia principalior est amicitia quæ consistit in æqualitate quantitatis ubi erit commutatio æqua, & par pari refertur, quam ea quæ consistit in æqualitate secundum similitudinem rationis geometricam, ubi attenditur excellentia personarum, & hæc sunt

amicitiæ de quibus nunc philosophus loquitur. Dicit igitur philosophus q̄ æquale in iustis, & amicitia diuerso modo se habet, quia in iustitia primo, & principaliore loco attenditur æqualitas, secundum similitudinem rationis, vbi consideratur dignitas. Secundario vero & secundo loco æqualitas quantitatis, vbi non habetur ratio personarū. In amicitia fit e contra, quia primo & principaliore loco attenditur æqualitas quantitatis vbi par pari refertur, & mutua beneuolentia. Secundo loco attenditur dignitas, & æqualitas secundū similitudinē rationis vt sunt amicitia istæ quæ sunt inter superiores, & inferiores personas adeo vt vix cōstare possint, & non constarent nisi fieret adæquatio quædam secundum similitudinem rationis, quare pro tanto dicuntur esse & conservari amicitia illæ: pro quāto æqualitas quædā fit in illis. Ex quo patet quod amicitia quæ sunt inter personas æquales sunt principaliores amicitia, quia habent æqualitatem quantitatis. & ex consequenti quanto minor fit distantia, tanto est amicitia firmitior, & magis propria. & quāto magis discedit ab æqualitate quantitatis tanto est debilior, adeo vt in magna distantia non possit fieri amicitia, & hoc probat philosophus tribus exemplis. Vnum est vt dei vel substantiarum separatarum ad homines qui tantum præstant nobis, vt inter ipsas, & nos non cadat amicitia proprie. Secundum exemplum est regū erga eos qui ipsis subiiciuntur. Tales enim non audent dicere se esse amicos regibus. Et tertium exemplum est optimorum, & sapientissimorum hominū, quibus ii qui sunt ignari & à virtute alieni non audent affirmare se esse amicos proprie, quia in tanta distantia nō videtur fieri aut seruari posse amicitia: ex quo colligitur quod cum in magna distantia, & inæqualitate non possit consistere amicitia, quāto maior erit æqualitas, & æqualium personarum: tanto firmitior & magis propria erit amicitia, & in his primum locum tener æqualitas quantitatis vt patet: in iustitia vero e contra vt vidimus. [IN talibus igitur non est.] 47  
Videtur solvere vnam obiectionem philosophus, posset enim quis dicere: si magna distantia amicitiam dissoluit, fieri potest vt alter amicorū fiat dignior, & incipiat excedere alterum, & successus iue excedat, querendum est quis terminus dandus sit excellentiæ: vt non dissoluatur amicitia, & quousque seruetur. Nā cum alter incipit excellere videtur destrui æqualitas quantitatis: postea vero cum multum maximèque excellit videtur etiam destitui æqualitas rationis quæ sit secundum dignitatem. Ad hoc dicit philosophus q̄ non dantur neque dari possunt cancelli & fines determinati, sed sufficit q̄ multis allatis ab altero, & additis alteri, vel quæ sunt in altero adhuc in huiusmodi excellentia seruari potest amicitia: sed si maxima & longissima sit distantia, vt dei ad hominem, tunc nō potest constare amicitia de qua loquimur. [Vnde & dubitatur si amici velint.] Hæc est tertia pars huius capituli, in qua mouet, & soluit vnam dubitationem philosophus, talem quæ videtur oriri ex supradictis, quia dixit amicitiam dissolui si alter amicorū vehementer alterum excedat, hoc videtur esse contra id quod dictum est amicū optare bonū amico. Dubitatur ergo vtrum illa sententia sit vera, scilicet vt amici velint amicis maxima bona, nam si ita sit videtur exoptare dissolutionem amicitia quæ fit per super excellentiam quandam, sed hoc est absurdum, quod amicus exoptet amittere amicum suum. Ex altera parte dictum est amicū ex optare amico suo maxima bona, quid ergo dicendum est? hanc dubitationem soluit philosophus duobus modis. Primo modo quod verum est id quod antea dictum est, Amicum amico bona expetere: non tamen propter hoc exoptare debet summum illum excessum longissimamque distantiam, sed bona huiusmodi vt non destruant amicitiam, & bona quæ pertinent ad naturam humanam vt manere possit amicus, & seruari amicitia quo ad fieri potest. Secunda solutio est quod amicus vult bona amico nō tamen omnia, sed ea quæ competunt humanæ nature, deinde dicit quod primo sibi quisque exoptat bona deinde amico, quia non videtur æquum vt exoptet amico bona quæ sibi sint detrimento, & causa vt amittat amicitiam, sed quisque primo sibi vult bona, deinde etiam amico, & sic seruari posse videtur amicitia inter eos.

*Quod amicitia magis consistat in amare quàm amari. Cap. VIII.*

ὑποφύλαξ  
ἔστω.



Lerique autem ob ambitionem, magis amari quàm amare velle videntur. Quapropter plerique amant ipsos adulatores. Adulator enim inferior est amicus, aut fingit se talem, & magis amare quàm amari. Amari autem propinquum huic esse videtur, affici inquam honore. Quod quidem plerique affectant. Non perse autem sed per accidens videntur honorem expetere. Nam plerique gaudent, cum honorantur ab iis qui sunt in potestatibus propter spem. Putant enim se si quo indigeant, id ab illis impetraturos. Gaudent igitur ipso honore, vt signo beneficii suscipiendi. Qui

autem appetunt à bonis viris atque scientibus honorari, confirmare opinionem eam quã ipsi habent de se affectât. Gaudent igitur, quia sunt boni, credentes eorum iudicio qui id dicunt. Amati autem per se gaudent. Quapropter præstabilius ipsum esse quam honorari videbitur: & amicitia expetenda per seipsam esse. Videtur autem magis in exhibendo  
 51 amore: quàm in suscipiendo consistere. Argumento sunt matres, amando gaudentes. Nonnullæ nanque suos tollendos filios dant: & amant quidẽ scientes. Vt amentur autem ab illis non quærunt, si vtrunque fieri nequeat. Sed satis ipsis esse videtur si in prosperitate vident illos esse constitutos. Amântque illos: etsi illi non possunt ob ignoracionem ea quæ sunt exhibenda retribuere matri. Cum igitur amicitia magis in amando consistat, & laudentur qui amant amicos: virtus amicorum videtur esse amare. Quare in quibus hoc fit pro dignitate: ii stabiles sunt amici, & amicitia talium est stabilita. Hoc autem modo & qui sunt inæquales, maxime fuerint amici. Equales enim fieri possunt: Aequalitas autem & similitudo est amicitia. Et maxime quidem eorum similitudo qui similes sunt virtute. Nam cum stabiles per seipsos sint, & tales inter se sunt. Et neque indigent prauis, neque talia subministrât: quin potius etiam prohibent. Est enim bonorum hominum neque ipsos delinquere, neque amicos permittere praua subministrare. Pravi autẽ stabilitatem quidem non habent: quippe cum neque sibi ipsis similes perseuerent. Breui vero tempore fiunt amici: sua gaudentes mutuo prauitate. Vtiles autem & iucundi permanent magis. Permanent enim quousque voluptates aut commoda sibi mutuo præstant. Ex contrariis autẽ  
 53 maxime videtur ea fieri amicitia quæ ob vtilitatem efficitur. Nam fit amicus pauper diuiti, ac indoctus scienti. Cuius enim quis indiget: id affectans aliud affert pro ipso. Huc trahere quispiam & amatorem ac adamatum: & pulchrum ac turpẽ potest. Quapropter & amatores ridiculi videntur interdum: indignum esse censes perinde amari vt amant. At si similiter quidem amabiles sint: amandi sint fortasse vt censetur, Si vero nihil amabilis habeant, ridiculum est profecto, sese vt amant amari oportere censere. Fortasse autem neque contrarium per se contrarium appetit: sed per accidens. Appetitio vero, ipsius est medii. Hoc. n. est bonum, veluti sicco: non vt humidum fiat, sed vt accedat ad medium, & calido, & cæteris simili modo. Sed hæc quidem missa faciamus. Non. n. ad hunc locum accommodantur.

*Commen.*

49 **P**LERIQUE autẽ ob ambitionẽ magis amari. ] Hoc est secundũ capitulũ huius tractatus: in quo philosophus posteaquam declarauit quomodo amicitia æqualitate seruatur, & soluit quasdam dubitationes: nũc ostendit quomodo amare, & amari se habet ad amicitia. Nã in amicitia est amor actiuus vt ita loquar, & passiuus de quibus fieri cõsideratio debet. Diuiditur autẽ hoc capitulũ in tres partes, quæ suis locis declarabũtur. In prima autẽ parte vult comparare inter se amari & honorari, sed dicit in primis q nonnulli quærũt potius amari quàm amare propter ambitionem, & ostendit hoc quodã signo adulatorum, quos illi qui amant volunt magis amari quàm amare, & plerique homines sunt huiusmodi: ergo plerique magis amari volũt quàm

# ETHICORVM

amare. Secundario probat ex eo, quia amari videtur esse propinquum ipsi honorari, sed plerique propter ambitionem expetunt honorari ergo amari. [A T Q V E non per se honorat.] Comparat nunc philosophus ista duo inter se. Nam amari & honorari, & ostendit quod praestabilius est amari. Illud quod per se expetitur est praestabilius eo quod expetitur per accidens: sed amari per se, honorari autem per accidens expetitur, ergo amari est praestabilius quam honorari. Maior est nota, Minor declaratur à philosopho, quia omnes qui cupiunt honorari expetunt id ob aliquid aliud, si à principibus, & iis qui sunt in potestatibus constituti, propter utilitatem expetere videntur: sin vero à bonis & sapientibus, expetunt id quasi testimonium quoddam, & iudicium quo confirmare gaudent opinionem de se habent, & de virtute sua, & gaudent tali honore propter aliud. i. vt euadant certiores de sua virtute, vnde in primo honorem sequi videntur vt se bonos studiososque esse credant. Itaque à sapientibus, & apud illos qui ipsos cognoscunt, & ob virtutem honoribus affici querunt, sed amari gaudent per se vt dicit philosophus quare concluditur quod amari sit praestabilius quam honorari, & ipsa ergo amicitia praestabilior omnino quam honor. [A T qui videtur ipsa amicitia magis.] Hæc est secunda pars huius capituli, in qua primo comparat amare, & amari inter se. i. amorem actiuum & passiuum: quorum vterque pertinet ad amicitiam, deinde ostendit quomodo conseruatur amicitia amore actiuo. Probat igitur quod amicitia consistit magis in exhibendo, quam in suscipiendo amorem duabus rationibus: primum ex signo quodam, quia matres amant & gaudent ipsæ amare, & non querunt amari ab illis, ex quo apparet ex ordine quodam naturæ quod amicitia magis consistit in exhibendo amorem quam in suscipiendo. Præterea in eo magis consistit virtus amicitiae in quo homines magis laudantur: sed in amando magis laudantur quam in suscipiendo amorem, ergo in amando magis consistit virtus amicitiae quam in suscipiendo amorem. Patet ratio, quia eos qui amant suos amicos laudare solemus, & beneuolos appellare, &c. Notandum quod secunda ratio philosophi videtur esse probabilius quam prima. Nam illud exemplum de amore matrum erga filios non videtur competere amicitiae propriae dictae, cum illa sit beneuolentia mutua, &c. Sed beneuolentia matrum esse naturalis, hæc autem ex electione, & merito laudatur vt dicit philosophus. Notandum præterea quod amicitia est habitus, sed ab habitu prodit operatio, quod siquid accidat habitui respectu suscipientis illud non erit operatio talis habitus, & cuiuscunque habitus virtus consistit potius in actione, quam in passione: ergo laus, & virtus amicitiae magis in amare quam in amari consistit. Item amare est in potestate & arbitrio nostro: amari autem non est in nobis, ergo praestabilius est amare quam amari, & in illo magis consistit amicitia. [Q V A R E in quibus id fit.] Declarat philosophus quo pacto conseruatur amicitia per actum amandi, & ponit quatuor conclusiones probandas. Prima est quod illi qui amant vt decet, & vt dignitas postulat seruant æqualitatem, ii sunt stabiles & permanentes amici. Probatur, hi qui seruant æqualitatem in amicitia sunt stabiles & firmi amici: sed hi qui amant vt dignitas postulat sunt huiusmodi, ergo qui amant vt dignitas postulat sunt stabiles & firmi amici. Patet ratio, ex verbis philosophi in textu. Nam quando persona excedit personam ibi est inæqualitas, quæ est redigenda ad æqualitatem amando secundum similitudinem rationis, & vt dignitas postulat. Secunda conclusio, ii qui sunt similes in virtute per se sunt stabiles & firmi amici: sed boni sunt similes virtute, ergo per se, & de se sunt stabiles & firmi amici. Tertia conclusio, ii qui sunt discordes inter se sunt parum stabiles & permanentes amici: sed vitiosi & prauis sunt huiusmodi, ergo vitiosi & prauis sunt parum stabiles & permanentes amici. Quarta conclusio, ii qui amant aliquid quod videtur amandum quauis simpliciter non sit, magis sunt constantes amici quam homines prauis: sed qui contrahunt amicitiam ob utilitatem, aut iocunditatem sunt tales, ergo sunt magis firmi & constantes amici, quam prauis homines. Nam tandiu manere videntur amici quandiu mutua compensatio iocunditatis vel utilitatis manet, & ii videntur quoquo modo esse medii inter prauos, & bonos amicos, quia minus durant, quam amici boni, & magis quam prauis homines, & quam illi qui ob aliquam turpitudinem sunt amici. [A T vero ex contrariis maxime.] Hæc est tertia pars huius capituli, in qua docet quo pacto fieri amicitia potest ex oppositis terminis, & sic videtur aliqua ex parte accommodare proposito suo sententiam eorum qui dicebant quod amicitia consistat contrarietate, & quod contrarietas erat causa amicitiae, vt quod terra sicca amat imbrem, & reliqua. Philosophus igitur ostendit quod amicitia quoquo modo fit ex oppositis, vt inter pauperem & diuitem, & doctum, & indoctum, tales enim amici videntur oppositi: tamen fit quandoque inter hos amicitia quædam, & ea præcipue quæ est ob utilitatem: minus autem illa quæ est ob voluptatem, quæ fit quoquo modo inter amantem, & amatum, & turpem, & pulchrum, licet non sit appellanda amicitia. Post hæc inserit vnum obortum siue correlarium ex dictis, quod amatores ridiculi videntur interdum si expetunt amari sicut & amant. Et reliqua quæ patent in textu. Sic igitur contrarietas quoquo modo locum habet in iis amicitias quæ tamen non sunt dicende amicitiae, at in amicitia bonorum vbi summa concordia est, & morum similitudo contrarietas locum habere non potest vt est manifestum. Fortasse autem neque contrariū, soluit tacitam obiectionem philosophus, quia dixit quamdam amicitiam aliquo modo consistere ex contrariis, sed cum amicitia consistet inter duos quorum alter amat, & appetit contrarium suū, ergo videbitur quod aliquid appetat corruptionem sui ipsius. Nam contraria sese mutuo corrumpunt, vnde si siccum appetit humidum vide-

tur appetere corruptionem sui cum non possit idem esse simul siccum & humidum. Hoc autem videtur absurdum, quòd aliquid appetat corruptionem sui, quare non videtur fieri posse vt aliquo modo vlla amicitia constet ex contrariis. Ad hanc obiectionem respondet philosophus, ex qua responſione etiam patet quid sit pſicis dicendum cum contrarium suum appetere aiunt. Dicit enim philosophus quòd contrarium non appetit contrarium simpliciter & pſe, sed per accidens, & talis appetitio re vera est cupiditas mediij vel appetitio mediij, vt vnum contrarium redigatur ad mediocritatem quòd videtur sibi esse congruum vt sicco, non vt fiat humidum sibi est expetendum pſe sed vt ad medium redigatur, sed hæc consideratio dicit philosophus, sicut etiam dixit in principio libri transgreditur fines huius scientiæ moralis, nam pertinet ad scientiam naturalem, & ideo est omitenda.

*De ciuili amicitia.**Cap. I X.*

Idetur autem amicitia, & iustū (vt in principio diximus) circa eadem & in eisdem esse. In omni nanque societate iustum aliquod, & amicitia esse videtur. Itaque vt amicos appellant: simul nauigantes, & cõmilitones, & ceteros similiter socios. Atque quatenus communicant, eatenus est amicitia, & iustum enim eodem modo. Et prouerbiū recte, ea quæ sunt amicorum, communia dicit esse. Amicitia nanque in communicatione, societateque consistit. Atque fratribus quidem sodalibúsque cuncta communia sunt, ceteris autem definita. Et aliis plura, aliis pauciora. amicitiarum enim aliæ magis, aliæ minus amicitia sunt. Differunt autem & iusta. Non enim eadem sunt parentibus ad filios & fratribus inter se: neque sodalibus atque ciuibus, & in ceteris similiter amicitia. Diuerſa igitur sunt & iusta ad horum singulos. Et incrementa suscipiunt, quòd sunt ad magis amicos. Est enim grauius, sodali quàm ciui pecuniam auferre, & fratri quàm extraneo opem non ferre: & patrem quàm quemuis alium pulsare. Crescit autem & iustum cum amicitia simul: quippe cum sint in eisdem, & æque sese extendunt. At vero societates omnes: similes sunt partibus societatis ciuilis. Nam ob vtilitatem aliquam conueniunt homines: & aliquid eorum consequuntur, quæ ad vitam conferunt. Ciuilis quoque societas, conducentis ab initio constitui gratia permanereque videtur, hoc enim & latores legum coniectant: & iustum id inquiunt esse, quòd publice prodest. Ceteræ igitur societates per partes vtilitatem appetūt. Nautæ quidem eam quæ ex nauigatione prouenit, acquisitionem inquam pecuniarum aut aliquid tale: milites autem eam quæ fit ex bello, siue pecuniam, siue victoriam, siue ciuitatem affectent. Eodem modo contriбулésque & populares. Nonnullæ autem societates gratia voluntatis constare videntur. vt \* eorum qui simul choros exercent, aliæque similia: & eorum qui pecunias conferunt ad conuiuia sibi paranda, hæc nanque sacrificij, conuentúsque causa sunt. Omnes autem hæc sub ciuili societate esse videntur. Non enim pſens commodum ciuilis affectat: sed ad omnem vitam. Atque sacrificia & cœtus circa hæc faciunt, honorem diis tribuentes, & sibiipsis requiem pſtantes cum voluptate. Vetusta nanque sacrificia, conuentúsque post frugum fieri perceptionem (vt primitiæ) videntur. Hoc enim in tempore maxime otio in-

ως θιασμο-  
των καὶ  
ἐργασίῳ.

V I D E T U R autem amicitia & iustitia. Hoc est tertium capitulum huius tractatus, in quo philosophus posteaquam declarat partes amicitiae quae consistunt in excellentia, & quomodo amare, & amari se habent ad ipsam amicitiam, & soluit obiectiones nonnullas vt vidimus: nunc considerat & declarat quomodo amicitia ipsa consistit in societate. Diuiditur autē hoc capitulum in duas partes. In prima facit quod dictum est. Ostendit quo pacto amicitia consistit in societate. In secunda declarat omnes societates esse similes societati ciuili, & ad eam redigi tanquam partes ad totum. In prima igitur parte secundum sententiam expositorū probat quod omnis amicitia consistit in societate hoc modo: omnis iustitia & iustum cōsistit in societate, sed omnis amicitia consistit quodammodo in iis in quibus consistit iustum, ergo omnis amicitia consistit in societate. Probat etiam idem alia ratione sumpta ex modo loquendi. Nam homines appellant, suos socios in aliqua re agenda, appellant dico amicos, vt cōsilonites sese amicos appellant, similiter & nautae: hoc autē est iudicium qd amicitia consistit in societate, & quo magis est societas eo magis videtur esse iustitia, & iustum & amicitia. Ostendit etiam idem communi prouerbio quo dicitur qd ea quae sunt amicorum sunt communia, quod non esset nisi amicitia consisteret in societate & communitate, hanc partem expositorēs introducunt eo pacto quo diximus, & quauis rationes sint verae, tamen non sunt fortasse ad intentionem philosophi, quia mea sententia philosophus potius probat quod amicitia, & iustum circa idem versantur, & in eodem consistunt, vt per hoc concludat quod amicitia quaedam est etiam ciuilis sicut iustitia, & probat in primis qd amicitia, & iustum versantur circa eadem, & in eisdem consistit hoc pacto. Ea quae consistunt in societate circa eadem, & in eisdem consistit, sed amicitia & iustum cōsistunt in societate, ergo amicitia, & iustum circa eadē versantur, & in eisdem consistit, minorē autē qua dicitur amicitia, & iustum cōsistere in societate, pbat rationibus supra allatis, & puerbio illo cōmuni, & exēplis illis vt vidimus. [D I F F E R V N T autē & ipsa.] Probat nunc philosophus quod iusta differunt, & hoc pbat exēplis: quia aliud est iustum patris ad filium, & aliud inter fratres, & sic de aliis. quod si iusta diuersa, & amicitiae erunt diuersae. Ex quo probari videtur qd iustitia & iustum versantur circa eadē: nos autē introducere possumus qd haec sit probatio illius minoris supradictae, & quod amicitia, & iustum consistit in societate, quia amicitia, & iustum variatur ratione variarū societātū vt patet exēplis patris ad filiū, & sic de aliis. [D I F F E R S A igitur.] Probat insuper philosophus qd iusta, & iniusta nō solum sūt varia in diuersis amicitias, & societatibus, sed etia incrementa suscipiunt vt patet ex contrario. scilicet iniusto, vt iniuria. Nam maiorem videtur facere iniuriam si filius pulset patrem quā si extraneum, & sicut est de iniusto, ita videtur esse, & sequi de iusto: nos autem introducere possumus hanc partem quod probetur iustum versari circa eadem circa quae amicitia, & in societate cōsistere ex eo, quia ambo similiter incrementa, & decrementa suscipiunt, & magis & minus sunt iusta, & amicitia secundum diuersas societates, vt exemplis patris ad filium, & fratris ad fratrem, & similibus percipi potest. Nam si contentio quaedam & comparatio fiat vt inquit Cicero quibus plurimū sit officium tribuendū principes sunt patria & parentes, proximi liberi, &c. Quare haec vt diximus gradus suscipiunt, & incrementa & decrementa secundum diuersas societates vt huiusmodi exemplis patet potest. [A T Q V E societates omnes similes.] Hae est secundapars huius capituli, in qua philosophus declarat omnes alias societates similes esse partibus societatis ciuili, & ad eam reduci tanquam partes ad suū totum, & primo ostendit quomodo conueniunt, deinde in quo differunt. Nam sicut primo similes, quia societates, & conuentiones omnes videtur respicere aliquod cōmodum, & vtilitatem aliquam, & idem fit in societate ciuili. Nam & legumatores publicam vtilitatem respiciunt atque cōmunē: aliae quoque societates particulares similes sunt in eo quod vtilitatem cōmodūque affectant, vt nautarum, & militum societates, & aliae quas in textu aperte tangit philosophus. Sunt autem nonnullae quae constare videntur gratia voluntatis vt sunt eorum qui simul exercent choros, & conuiuia, & haec fieri videntur gratia sacrificii, & conuiuii: sed & ciuitates quoque solemnia faciunt sacrificia, & festos dies celebrant, verum ex altera parte societates ciuiles. Et istae particulares differunt, quia illae versantur circa particulares vtilitates & cōmoda, ciuilis vero cōmuni vtilitatem & omnem, non autem partem quaerit, & vt illae reducuntur tamen ad eam sicut partes ad totum. [O M N E S autem haec sub ciuili.] Declarat philosophus quod omnes istae particulares societates sub ciuili collocari videntur tanquam partes sub toto, & excludendae sunt prauae societates, vt coniurationes, & facinorosorum hominum contentiones: aliae autem vt diximus ad ciuilem reduci videntur. Probat, omnis societates quae est ob particularem vtilitatem collocari videtur sub ea quae est ob totā societatis ciuilis est ob totā & cōmuni vtilitatem, aliae vero particulares ob partem ergo aliae particulares collocari videntur sub ciuili societate, & ad eam redigi tanquam partes ad totum. Patet ratio, quia sicut se habent partes vtilitatis ad totam vtilitatem: ita societates quae sunt circa partes vtilitatis ad



societatem quæ complectitur totam, singulæ autē societates respiciunt proprias & particulares utilitates vt exemplo nautarum, & commilitonum & similium declarauit philosophus, ciuilis vero non præsentem, sed perpetuam quo ad fieri potest, & communem utilitatem vitæ humanæ affectat. Quod si quis afferat societates quæ fiunt ob iocunditatem, istæ quoque partem querere videntur, & propriam non totam, & communem, ciuilis, vero communem relationem querere videtur. vnde præsci solebant sacrificia, & cæteris instituere post collectionem fructuum. postea affert tanquam conclusionem quod omnes huiusmodi societates particulares sunt partes ciuilis, & quod amicitia tales sequuntur societates huiusmodi. Nam erit amicitia vbicumque est societas, siue ob utilitatem siue ob iocunditatem, & erit quædam amicitia respectu totius & communis utilitatis, & iocunditatis, & ista erit ciuilis amicitia, vnicuique nostrum vt inquit Cicero chari sunt parentes, chari sunt liberi, propinqui, familiares. sed omnes omnium charitates patria vna complexa est & reliqua.

*De speciebus reipublicæ.**Cap. X.*

<sup>59</sup> **R**Ei autem publicæ, tres sunt species: & totidem etiam transgressiones & quasi labes illarum. Et illæ quidem sunt: regnum, & optimorum potestas, & tertia est ea, quæ è censibus fit. Quæ censu potestatem dicere, accommodatum videtur. Plurimi autem rempublicam appellare consueuerunt. Atque harum optima <sup>60</sup> quidem est regnum, deterrima vero censu potestas. Transgressio autem regni quidem tyrannis est. In vtraque enim vnus est princeps, sed inter sese plurimum differunt. Nam tyrannus quidem suum, rex autem eorum qui ab ipso reguntur considerat commodum. Non est enim rex, nisi sit ex sese sufficiens, & bonis omnibus antecellat. Talis autem nullius indiget rei: non ergo suas ipse, sed eorum qui reguntur utilitates considerat. Qui nanque talis non est, forte potius quidam est princeps quàm rex. Tyrannis autem est contraria regno. Suum nanque bonum sequitur ipse tyrannus. Quo magis patet ipsam esse pessimam. Pessimum enim id est quod est contrarium optimo. Fit autem in tyrannidem ex regno transgressio. Tyrannis enim principatus est, prauitas eius, <sup>61</sup> in quo vnus est princeps. Præuus autem rex, fit tyrannus. Ex optimatum vero potestate ad paucorum potentiam fit transgressio: vitio principum qui res ciuitatis præter dignitatem distribuunt, & cuncta bona sibi vel plurima tribuunt: & magistratus semper eisdem plurimi diuitias facientes. Pauci igitur & prauis pro optimis dominantur. Sed ex censu potestate ad popularem fit transgressio potestatem. Sunt enim hæc finitimæ. Nam & censu potestas, multitudinis esse solet: & pares sunt omnes qui sunt in censu. Minime vero prauum est popularis potestas. Parum enim reipublicæ transgreditur speciem. Res igitur publicæ hoc maxime modo mutantur. Minima enim sic atque facillima fit ipsarum <sup>62</sup> migratio. Similitudines autem ipsarum & quasi exempla quispiam & in domibus accipere potest. Societas enim patris ad filios: regni præ se fert effigiem. Nati nanque patri sunt curæ. Hinc & Homerus Iouem patrem appellat. Ipsum nanque regnum, imperium est suapte natura paternum. Patris autem apud Persas imperium tyrannicum est. Suis enim filii vtuntur vt seruis. Heri etiam ad seruos tyrannicum est. Nam in ipso utilitas agitur heri. Atque hoc quidem rectum esse videtur: sed

Perfarum aberrat. Diuerſorum enim diuerſa ſunt imperia. Viri autem & vxoris ſocietas: ſimilis optimatū poteſtati videtur, pro dignitate nanque vir præſidet & in iis quæ virum decent: quæ vero vxori accommo-  
dantur, hæc illi tribuit. Quod ſi in omnibus vir dominetur: in paucorū poteſtatem mutatur. Præter dignitatem enim hoc facit: & non ea ratio-  
ne qua præſtabilioreſt. Interdum autem dominantur vxores: ob ampli-  
tudinem patrimonii. Non igitur ſunt imperia ob virtutem: ſed ob di-  
uitias, & potentiam, perinde atque in paucorum ſit poteſtate. Fratrum  
vero ſocietas, ſimilis eſt cenſu poteſtati. Sunt enim pares, præter diſfe-  
rentiam ætatis. Quocirca ſi multū ætatibus diſſerant: non fraterna inter  
ipſos ſit amicitia. Popularis autem poteſtas, in iis maxime habitationi-  
bus eſt: quæ domino carent. Hic enim omnes ſunt æquales. & in quibus  
princeps eſt imbecillis: & vnicuique in eſt poteſtas.

## Commen.

**R**E I autem ciuiliſ & publicæ tres ſunt ſpecies. Hoc eſt quartum capitulum huius tractatus, in quo philoſophus poſtea quàm declarauit amicitiam conſiſtere in ſocietate, & quòd amicitia & iuſtum circa eadem verſantur, & quòd ſingulæ ſocietates ad ciuilem reducuntur tanquam partes ad totum: nunc diſtinguit ſocietatem ciuilem in ſpecies ſuas atque eas declarat, & ſimilitudine ipſarum declarare etiam videtur ſocietates rei familiaris, & hoc quia ad illas non ſolum ſe extendit iuſtitia, ſed etiam amicitia. Nam in quibus ſocietatibus eſt iuſtum in iis videtur eſſe amicitia. Diuiditur autem hoc capitulum in duas partes. In prima diſtinguit ſpecies rei ciuiliſ, In ſecunda ſocietates rei familiaris. Dicit in prima philoſophus quòd rei ciuiliſ tres ſunt ſpecies, & recte gubernationes, tres inſuper tranſgreſſiones illis oppoſitæ. Sed earum quæ ſe recte habere dicuntur, Prima gubernandi ſpecies eſt regum, Secunda optimatum, Tertia quæ græce dicitur *δημοκρατία*, & commode appellari poteſt cenſu poteſtas quam communiter ſolent appellare rempub. tribuendo ei nomen cōmune, & quaſi generis nomen. Has tres ſpecies recte gubernandi, poſt hæc philoſophus inter ſe cōparare videtur, & in primo gradu perfectionis ponit regnum. In ſecundo optimatum potentiam: In tertio & infimo loco cenſu poteſtatem quam deterrimam appellant ſi comparetur cum optima, id eſt minus bonam. Notandum quod philoſophus in Politicis latiſſime loquitur de ſpeciebus rei ciuiliſ, ſed quantum ad hoc propoſitum ſpectat intelligendum quòd tres ſunt ſpecies rei ciuiliſ ſententia huius philoſophi, quanuis Plato reliquerit tertiam ſpeciem, id eſt cenſu poteſtatem, & reprehenditur ab Ariſtotele eo in loco, quia ipſam omiſit. Laudat autem ibi philoſophus magnopere ipſum regnum & antepōnit cæteris ſpeciebus rei ciuiliſ, & publicæ gubernandæ. Vult enim redigere ipſam gubernationem ad vnum, ſicut hoc vniuerſum vno gubernatur, deinde ponit in ſecundo gradu optimatum gubernationem, poſtremo ponit cenſu poteſtatem, omnes autem ibi gubernatores proponere ſibi debent felicitatem ciuitatis, & commune bonum reipub. quod ſeruato ſeruatur reſpubl. Sin econtra fiat, tunc oriuntur tranſgreſſiones tres quæ ſunt labes illarum bonarum gubernationum. Nam rex ad tyrannidem, optimates ad paucorum potentiam, cenſu poteſtas ſiue reſpub. ad ſtatum popularem delabitur. nam aut vnus gubernat rem ciuilem, & publicam, aut plures: ſi vnus optimus conſulens bono reipublicæ, & tunc videtur eſſe rex, aut peſſimus referens omnia ad ſuum commodum, & tunc erit tyrannus: ſi plures tunc aut omnes ſerme aut pauci, ſi pauci iterum aut optimi aut peſſimi: ſin optimi tunc ſit optimatum gubernatio: ſin peſſimi tunc ſit paucorum potentia: ſin vero ſint pene omnes, tunc aut ſunt tribuentes æqualiter aut inæqualiter, primo modo erit cenſu poteſtas ſiue reſpublica. ſecundo ſtatus popularis, & ſic tot ſunt ſpecies. [TRANSGRESSIO autem regni tyrannis eſt.] Diſtinguit nunc philoſophus labes illarum rectarum gubernationum, & dicit primo tyrannidem eſſe labem, & tranſgreſſionem regni. Conueniunt autem regnum & tyrannis in eo quod in vtroque eſt vnus qui gubernat, in aliis maxime diſſerunt. Tyrannus enim ſemper proprium & ſuum, rex cōmune commodum, & bonum eorum qui ab eo reguntur quatit, & in aliis multis diſſerunt. Sed ponere poſſumus duas conſuſiones ſecundum verba philoſophi, prima quòd rex omnia agit pro vtilitate, & cōmuni bono eorum qui regitur. Probatur, ille princeps qui eſt ex ſeſe ſufficiens, & omnibus bonis ornatus eſt, omnia agit pro bono eorū qui gubernantur ab eo: ſed rex eſt huiusmodi: ergo rex agit omnia pro cōmuni commodo, & bono populorum qui reguntur ab eo, rex

enim proprie dictus rex debet esse optimus à regendo latine, græce βασιλεύς à gradu populi appellatus, quasi populi semper rationem habere debeat, vnde Homerus pastores populorum appellat reges. Nam si suæ utilitati, & commodo consuleret, non esset appellandus rex, sed potius quidam sorte princeps vel tyrannus. Secunda conclusio quod tyrannus est pessima forma gubernandæ reipub. Probatur ex eo, quia opponitur optima gubernationi, vt patet. [A T E X optimatum potestate.] Declarata tyrannide quæ est labes regni, nunc declarat transgressionem, & labem optimatum quæ est paucorum potentia ob prauitatem principum reipub. pauci nanque sunt, & mali, vt patet in textu. [S E D ex ea quæ est censu potestas.] Declarat nunc tertiam labem. Cuiusmodi censu potestatis seu reipub. quæ labes atque transgressio dicitur popularis potestas, & non sit magna transgressio. Notandum quod censu potestas fit gubernatio in re ciuili hoc pacto, vt possint ciues gerere magistratus secundum facultates & mensuram census, quod si magna præfinitur mensura census, vt excludantur pauperes, orietur paucorum potentia, quia pauci sunt qui magnas habeant facultates: sin vero mediocritas seruetur vt æqua ratio habeatur tam diuitum quam pauperum, tunc videtur oriri censu potestas, & non sit ita magna transgressio vt in superioribus, sed hæc in Politicis latius patet. Vidimus igitur ex supradictis quod tres sunt species bonæ regendæ reipub. tres etiam malæ, & transgressionibus ipsarum, verum sicut regnum est optima gubernatio in genere bonarum, & secundo gradu optimatum potestas. Tercio reipub. seu censu potestas, ita in genere prauarum eodem modo se oppositæ habent. Nam tyrannis quæ regno opponitur est in primo gradu prauitatis, paucorum potentia in secundo, status popularis in tertio, & sic sunt transgressionibus vt plurimum, vt in Politicis ostendit philosophus. [S I M I L I T U D I N E S autem ipsarum & quasi.] Hæc est secunda pars huius capituli, in qua philosophus allatis iam antea tribus speciebus rectis gubernandæ reipub. & tribus transgressionibus ipsarum, nunc afferre videtur aliquas societates in re familiari similes illis tribus rectis & non rectis. Primo igitur dicit philosophus quod similitudines ipsarum societatum ciuilium sumet quis in domibus, & in ipsa re familiari, veluti patris ad filios gubernatio est similis gubernationi regis ad subditos, quamquam pater quoquo modo videtur superare ipsum regem in beneficiis dandis, habet tamen similitudinem vt diximus, superat inquam quo ad vnā personam qua est causa generandi, educandi & erudiendi. Quauis beneficiarum ad plures extendantur, sed si pater vtatur filiis tanquam seruis, tunc fit transgressio quædam similis tyrannidi. Addit autē qd hoc quidem de seruis rectum esse videtur, quia seruus, vt ipse dicit in Politicis, natura seruus esse videtur, & ideo non videtur alienum à natura si heri seruus vtatur vt seruus, sed iniquum faciunt patres si liberis vtantur vt seruis. diuersa enim sint imperia vt dicit philosophus, & diuersa dominandi officia. Nam aliud est paternum: aliud herile. Sed viri atque vxoris Affert aliam societatem in re familiari. f. vxoris: quæ si recte se habeat similis est optimatum potestati, quia hic tribuuntur officia secundum dignitatem, vt etiam fit inter optimates, quod si transgressio fiat, erit similis paucorum potestati, vt patet in textu. [A T vero fratrum.] Affert aliam similitudinem societatis in re familiari. f. fratrum, quæ si recte se habeat est similis censu potestati, excepto si plurimum distent ætatibus, quia tunc erunt quoquo modo paternæ potius quam fraternæ. Sin vero domus careat patre familiæ, vel sit ille imbecillis tunc fit transgressio similis populari gubernationi, quia ibi oritur effrenata libertas. Notandum quod philosophus dixit amicitiam in societate consistere, propterea attribuit commode supradictæ, & cum dixisset omnes redigi ad ciuilem bene dixit istas familiæ similes esse ciuilibus, vt postea ostendat in iis omnibus esse amicitiam, & sicut vna societas est præclarior altera, sic & amicitia.

## De amicitia regia, paterna, æconomica, &amp; fraterna.

## Cap. XI.

65 **N** Vnaquaque autem republica tantum amicitia esse, quantum & iusti videtur. Atque regis quidem amicitia ad eos qui reguntur, in excellentia beneficij consistit. Confert enim in eos beneficia, qui ab ipso reguntur. Siquidem cum sit bonus, curam ipsorum habet, quo bene sese habeant: vt ouium pastor. vnde & Homerus Agamemnonem populorum nuncupauit pastorem. Talis autem est amicitia paterna: beneficiorum vero magnitudine differt. Est enim essendi causa pater: quod maximum esse videtur, & enutritionis, ac eruditionis. Hæc eadē & cæteris maioribus tribuuntur. Natura namque pater filiorum, & aui nepotum, & rex eorum quibus præsidet, impe-

rium obtinet. Hæ autem amicitia in excellentia consistunt. Quapropter & honoratur ipsi parentes. Et iustum igitur in his non idem est: sed quod efflagitat dignitas. Sic enim sese habet & amicitia. Et viri etiam ad uxorem eadem est amicitia, & in optimatum potestate. Est enim ut virtus postulat, & præstabiliori plus tribuitur boni & quod vnicuique accommodatur. Sic autem sese habet & ipsum iustum. At amicitia fratrum, similis est sodalitiæ. Sunt enim pares atque æquales ætate. Tales autem \*eiusdem plerunque disciplinæ, & eorundem sunt morum. Similis est huic, & quæ est in censu potestate. Ciues enim pares esse solent ac boni. Et quisque nunc dominatur, nunc paret, & æque. Sic igitur est in ipsis & amicitia. In transgressionibus autem, quemadmodum & iustum: sic & amicitia exigua est & minime est in ea, quæ pessima. In tyrânide namque nihil aut perparum est amicitia, in quibus enim nihil est commune imperanti atque parenti: nec amicitia est. Nam neque iustum, sed tale quidem est, quale est artificii ad instrumentum: & animæ ad corpus, & hero ad seruum. Hæc enim omnia, vtilitatem quidem ab iis suscipiunt, qui ipsis videntur: sed amicitia non est ad inanimata, nec iustum: quin neque ad bouem vel equum: neque ad seruum, ea ratione qua seruus est, non est enim quicquam commune. Seruus enim animatum est instrumentum. Instrumentum autem inanimatum est seruus. Ad seruum igitur hoc ipso quo seruus est, non est amicitia: sed quo est homo. Nam omni homini iustum quiddam esse videtur ad omnem hominem, qui communicare secundum legem, pactionemque potest: quare & amicitiam, ratione qua homo est. Perparum igitur & in tyrânide est amicitia atque iusti. In popularibus autem potestatibus plurimum. Cópura enim his sunt communia: cum sint pares.

## Commen.

**I**N VNAQVAQUE autem repub. sic amicitia. Hoc est quintum capitulum huius tractatus, in quo posteaquam declarauit societates ciuiles & familiares, quod vehementer pertinebat ad declarandos gradus amicitia: nunc ostendere intendit quomodo se habet ipsa amicitia in societatibus istis. Nam ut antea dictum est, iustum & amicitia in societate consistere videntur, & alterum cum altero simul crescere videtur, atque decrescere, & esse magis & magis. Quod si societas sit vehemens, amicitia quoque vehemens esse videbitur: sed cum societates sint diuersæ, amicitia & iusta diuersarum quoque rationum esse videntur, ut patebit inferius. Diuiditur autem hoc capitulum in duas partes, in prima ostendit quomodo amicitia est in societatibus rectis. In secunda quomodo sit in transgressionibus. In prima igitur dicit philosophus, quod amicitia est in vnaquaque repub. sicut & iustum. sicut igitur se habet iustitia in vnaquaque societate, sic & amicitia. Videtur enim esse talis & tanta qualis & quanta est iustitia, ostendit autem in primis quod amicitia regis ad subditos est in excellentia beneficij & talis videtur etiam esse paternæ: excedit tamen ipsa paterna magnitudine beneficiorum, & ideo videtur esse vehementior, & hæc non solum ad patres, sed etiam ad avos referri possunt. Excedit autem pater ipsum regem in beneficiis dandis. In magnitudine, & hoc intelligendum est sicut supra etiam diximus, si referatur ad vnum. Nam & si filius maiora beneficia suscipiat quam subditi à rege suo, tamē beneficia regum ad plures sunt & latius se pandunt, ut est manifestum. [E T iustum in istis non est idem.] Nam aliud videtur esse iustum patris ad filium, & aliud filij ad patrem, & sic regis ad subditos. Nam in iis iusta & amicitia & societates diuersarum rationum esse videntur. [V I R I autem amicitia.] Declarat nūc philosophus quonam pacto amicitia viri ad uxorem est similis amicitia quæ in optimatū gubernatione, & societate, ubi attenditur virtus & dignitas & secundū dignitatem erit iustum, & amicitia, ut in textu late patet. [A T amicitia fratrum.] Osten-

dit quòd amicitia fraterna quæ est velut fodalitia quædam, quia fratres simul educantur, & seruant amicitiam vt fodales, & quasipares, ostendit inquam quòd est similis amicitia quæ fit in societate censu potestatis siue reipub. vbi paritas queritur. [I N transinigratio nibus autem.] Hæc est secunda pars huius capituli, in qua philosophus ostendit quomodo se habet amicitia in transgressionibus societatum ciuilium, & primo declarat quòd in tyrânide quæ transgressionum est pessima, aut nihil est amicitia, aut vehementer exigua. Probatur, vbi nihil est commune imperanti atque parenti ibi non est amicitia nec societas: sed in tyrannide nihil est commune imperanti atque parenti, ergo in tyrannide non est amicitia nec societas. Maior est nota ex dictis philosophi dicentis quòd vbi non est iustum non est etiam amicitia. Minor declaratur à philosopho. Est enim perinde vt instrumenti ad artificem, & heri ad seruum, & huiusmodi, quorum non queritur vtilitas à superioribus propter illa, sed pro se vt possint vti illis pro sua commoditate propria: sic anima vitur corpore vt instrumento quodam. Sed hic oritur quædam difficultas, quia non videtur verum quòd sic se habeat dominus ad seruum sicut se habet anima ad corpus, vel artifex ad instrumentum: nam artifex est animatus, instrumentum est inanimatum, sed nò est ad inanimata nec etiam ad irrationabilia amicitia, cum ista sint omnino diuersa, sed inter dominum & seruum videtur cadere aliqua amicitia cum sint eiusdem naturæ humane. Quare non videtur tenere illa similitudo philosophi, hanc difficultatē tollit philosophus, ostendēdo q̄ seruus potest considerari vt est homo, & item vt est seruus, ad seruum igitur vt est seruus non videtur esse amicitia à domino, quia tunc videtur seruus esse veluti quoddam instrumentum animatum: sed ad seruum & dominum vt verque est homo, potest esse aliqua societas, & amicitia cū verque possit subire leges & pactiones, & iustum cadat inter eos, & per consequens amicitia. Patet igitur quòd tyrannide in qua principes vtuntur subditis vt seruus parum vel nihil est amicitia, quia etiam abest iustum. [I N popularibus autem.] Declarat nunc philosophus quomodo se habet amicitia in transgressionibus illa quæ est minus improba quàm alia, & dicitur popularis. Ostendit autem philosophus q̄ ibi plurimum est amicitia quod non est simpliciter intelligēdum, sed respectu & comparatione aliarū transgressionum. quasi dicat, plus est amicitia ibi quàm in aliis transgressionibus, plus inquam in ipsa potestate populari, quia est ibi quædam paritas, & multa communia popularibus vt leges, iura, iudicia, suffragia, consuetudines. Notandum quòd philosophus declarauit amicitiam siqua est in tyrannide dicendo, eam esse exigua vel nullā, & etiam eam declarauit quæ est in populari potestate: sed nihil dixit de ea quæ est in paucorum potentia, quia cognitio extremis facile cognoscitur id quod medio modo se habet. Nam si in tyrannide parum vel nihil, in populari multum respectu aliarum transgressionum per consequens percipi potest quid sit in paucorum potentia.

## De amicitia fodalitia, &amp; filiali.

## Cap. XII.

**M**nis igitur amicitia (vt dictū est) in societate consistit. Consanguineam autem quispiam sciunxit fodalitiam. Ciuium autem amicitia, & contribulum, & simul nauigatium, & quotquot sunt tales, magis in societate consistunt. Nam stipulatione quasi quadam cōstare videntur. Inter has quispiam & hospitalitiam collocarit. Consanguinea vero multiplex esse videtur. Pendet autem omnis ex paterna. Parentes enim diligunt natos vt aliquid sui: nati vero parentes vt aliquid ex illis. Atque magis sciunt parentes eos qui sunt ex ipsis, quàm nati, se esse ex illis. Magisque coniunctum est id ex quo natum est ipsi nato, quàm factum ei quod fecit. Est enim ei ex quo est ortum: proprium id quod ex ipso est ortum: vt dens, crinis, & quid vis habenti. Nullum autem illorum id ex quo orta sunt, aut minus. Accedit eodem & temporis longitudo. Parentes enim natos continuo diligunt. Illi vero parentes: in incrementis tempore susceptis, & mentis comprehensione vel sensus. Ex his autem patet & cur magis diligant matres. Parentes igitur natos vt seipsos amant. Qui nāque ex ipsis sunt orti, sunt quasi ipsi alij separatione. Nati vero parentes vt orti ex illis. Fratres autem sese mutuo diligunt. Quod ex eisdem sint orti. Identitas enim quæ est ad il-

la, idem inter ipsos facit. Quapropter eundem sanguinem dicunt, & stirpem, & talia. Sunt igitur quodam modo idē & in diuifis. Magnum autem ad amicitiam est & enutritos simul esse, & ætatis æqualis. AEQUALIS enim æqualem delectat, & ipsi familiares, sodales sunt. Et idcirco fraterna amicitia sodalitæ similis est: patrueles vero cæterique propinqui, ex his sunt coniuncti, propterea quod sunt ex eisdem. Atque alij magis, alij minus sunt ex eo coniuncti, quia prope est aut distat origo. Amicitia autem quæ filiorum est ad parentes, & hominum ad deos: vt ad bonum est atque excellens. Nam maxima beneficia contulerunt. Fuerunt enim essendi causa, & alimenti, ac educationis. Habet autem & voluptatem, & vtilitatem talis amicitia magis quàm extraneorum: quanto & vita communior ipsis est. Sunt autem in fraterna amicitia ea quæ & in sodalitia sunt: & magis in bonis, & omnino in similibus quanto coniuncti sunt magis, atque ab ortu sese mutuo diligunt. Et quanto sunt magis similibus morum, qui ex eisdem sunt orti: & simul nutriti, & similiter educati, ac eruditi. Probatio enim, quæ quidem fit tempore, plurima est atque firmissima. Sunt etiam & cæteris in consanguineis ea quæ ad amicitiam attinēt: vt rationum comparatio flagitat. Viro autem & vxori secundum naturam amicitia videtur inesse. Homo nanque natura coniugale magis est, quàm ciuile: quanto prius & necessarium magis est domus, quàm ciuitas & procreatio communior animalibus. Atque cæterorū quidem animalium, hic societatis est terminus. Homines autem coniugium subeunt non solum procreationis, sed eorum etiam gratia quæ ad ipsam conferunt vitam. Officia nanque continuo sunt diuifa, atque alia viri, alia vxoris. Opem itaque sibi mutuo ferunt, res proprias in commune ponentes. Quapropter hac in amicitia vtilitas inesse videtur, atque voluptas. Fuerit autem & ob virtutem, etiam amicitia: si boni sint. Est enim vtriusque virtus: atque hoc ipso esse gaudebunt. Filij autem coniunctio esse videtur. Idcirco & citius ij qui carent liberis disoluuntur. Filij nanque bonū est, vtriusque commune. Ipsum autem commune continet. Quærere vero quonam modo viro viuendum est cum vxore, & omnino amico cum amico: nil aliud esse videtur, quàm quærere quomodo iustum est. Non enim idem iustum videtur amico ad amicum, nec ad extraneum, & sodalem, ac condiscipulum esse.

## Commen.

**O**MNIS igitur amicitia sicut dictum est. Hoc est sextum & vltimum capitulum huius secundi tractatus, in quo postquā distinxit societates ciuiles, & tribuit eis similes societates rei familiaris in quibus etiam est amicitia, & dixit omnē amicitiam consistere in societate, nūc se iungit & diuidit amicitias inter se ita quod alia magis, alia passionibus consistunt. Nam & si omnes in societate sint constitutæ, tamen alia natura magis, alia passionibus & electione magis constare videntur. Cū ergo variae sint causæ, & variae amicitiae merito sunt distinguendæ. Diuiditur autē hoc capitulum in tres partes quæ suis locis patebunt. In prima igitur parte philosophus præmittit id quod sæpius dixit quod omnis amicitia consistit in quadam societate, tamen aliquis merito distingueret amicitia consanguineam, & sodalitam à cæteris amicitijs, quia ciues & contribules, & similes, vt etiā sunt hospites vidētur habere societates cōstatas passionibus.



- Conſanguinea vero & ſodalitia non eodem pacto. quare diſtinguenda ſunt iſta amicitia vt alia magis alia minus in ſocietate conſiſtunt, & vt alię ſunt quoquo modo in ſocietate naturali vt eſt conſanguinea: ſodalitia vero quia videtur oriri ex conuerſatione ſodalium à primis incunabulis, qui ſimul & nutriuntur, & erudiuntur, diſtinguitur ab illis aliis ſimul cum ipſa conſanguinea. alia autem in quadam paſſione & conuentione conſiſtunt. Notandum quòd amicitia quæ eſt inter propinquos & conſanguineos, habet cauſam naturam eiſdem ſanguinis & eandem ſtirpem, & ſecundum reſpectum quem habent ad illam ſit coniunctio, & amicitia: ſodalitia habet cauſam conuerſationem à primis incunabulis inceptam, quæ videtur quaſi naturaliter eſſe contracta, & non ex electione: at ciuiles & contribules, & huiusmodi ex electione, & paſſione viuunt conſtitute amicitiam. [CONSANGVINEA autem amicitia.] Hæc eſt ſecunda pars huius capituli in qua incipit determinare de amicitia quæ eſt inter conſanguineos & propinquos, afferendū nonnullas conſiderationes de ipſa. Eſt enim multiplex & multifaria, ob multos gradus propinquitatis dicuntur tales amicitie: omnes tamen videntur pendere, & originem ducere à paterna, & in hoc conuenire quod ab eodem principio fluunt, & primo incipiendo ab amicitia paterna aſſert rationē mutui amoris inter ſe: deinde comparat amicitias ſeu amationes iſtas. ſcām quæ eſt patris ad filium, & eam quæ eſt filij ad patrem, & oſtendit quòd parentes magis amant filios quàm filii amant parentes tribus rationibus. Prima ratio, quo magis quis cognoscit cauſam ob quam amat, eo magis videtur amare: ſed parentes magis cognoscunt cauſam quare amant filios quàm filii quare amant parentes, ergo parentes magis amant filios quàm e contra amentur ab illis. Patet ratio, quia parentes amant filios, quia ſunt ipſorum aliquid: filii vero amant parentes, quia ſunt ex illis. Magis autem cognoscunt parentes hanc cauſam, quia ſunt orti ex ſe, quàm nati, quod ſunt ex illis. Secunda ratio, quo magis eſt aliquis coniunctus alicui, eo magis amat illum: ſed patres eſt coniunctior filiis quàm filii parenti, ergo parens magis amat filium quàm amentur ab eo. Nam videntur ſeſe habere vt totum ſe habet ad partem. partis enim eſt vt totum quoddam generas, filius vt pars quædam generata, quæ videtur contineri à toto, ſicut dens vel manus continetur ab eo qui habet illa, & habens eſt propinquior eis quàm ea ſunt coniunctiora, magis enim diſtare videntur filii, igitur ſunt vt partes quædam ſciūt. Tertia ratio, Qui longiore tēpore amant videntur magis amare quàm qui minus, ſed parentes longiore tēpore amant filios quàm filii amant parentes, ergo parentes magis amant illos. Patet ratio, quia amicitia videntur tēpore ſuſcipere incrementa. [EX iis etiam patet cur magis.] Videtur ex ſupradictis oriri iſta pars, qua oſtendit quòd ſi amor paternus comparatur cum materno, maior videtur eſſe maternus ſecundum rationes ſupradictas, id eſt duas. ſ. Et quia matres magis cognoscunt filios ſuos quàm patres, & quia longiore tēpore amant ex eo quod prius incipiunt, & ideo ſecundum iſtas duas rationes quæ ſupra allatae fuerunt ad oſtendendum quòd maior erat amor parentum erga filios quàm e contra, percipi etiam poteſt cur matres magis diligant natos quàm patres diligant eoſdem. [IN SVPER parentes.] Redit ad illam ſententiam ſuperiorem concludendo quòd parentes magis amant filios quàm amentur ab eis, quia amant natos quaſi ſeipſos diſtinctos, tamen quaſi ſeparatione. Notandum quod amor quo quiſpiā ſeipſum amat eſt vehementiſſimus, & talis videtur eſſe cauſa, vt philoſophus dicit inferius ceterorum amorum quibus amamus alios. cum igitur parens amet filium vt aliquid ſui videtur ſeipſum amare, & ideo talis amor eſt vehementiſſimus. [FRATRES etiam ſeſe mutuo diligunt.] Declarata amicitia patrum ad filios & filiorum ad patres, nūc declarat aliam conſanguineam amicitiam. i. fraternam: & oſtendit quòd fratres ſeſe mutuo diligunt, quia ſunt ab eiſdem parentibus atque ex eo ſunt quodammodo idem. Probat, quæcunque ſunt vni, & eidem tertio eadem, illa inter ſe ſunt eadem: ſed fratres ſunt parentibus eadem, ergo idem erunt inter ſe. Nec eſt intelligendum quòd ſint omnino idem, ſed in quantum referunt ad illud tertium, id eſt ad parentem, & identitas parentū facit vt fratres ſint quodammodo idem inter ſeſe, vnde dicit ſolent quod fratres ſunt eadem ſtirps, & idem ſanguis, & idem quodammodo in diuerſis corporibus. Poſtea aſſert aliam cauſam quare fratres habent amicitiam vehementer inter ſe, & dicit educationē, quæ ſit ſimul eſſe etiam ingentis amoris, quia vt prouerbio dicitur: æqualis æquali delectat, vnde etiam oritur ſodalitia, cui ſimilis eſſe videtur fraternam amicitia, vt patet in text. [PATRVELES vero ceterique.] Aſſert amicitiam aliorum propinquorum ſucceſſiue per rectam lineam, qui ſunt coniuncti inter ſe, quia ſunt orti ex eiſdē, & alii magis vel minus coniuncti ſecundum propinquitatem vel diſtantiam eius vnde originē habent. [AMICITIA autem ea quæ ſiliorum eſt.] Quædam proprietates aſſert philoſophus quæ videntur competere ſupradictis amicitias conſanguineis, & propinquorum. & primo oſtendit quod amicitia ſiliorum ad parentes eſt amicitia ad aliquod excellens bonum. Habet enim terminum bonum atque excellens. Itaque conſiſtit in excellētia, & hoc patet: quia magnitudine beneficiorum pater excedit filium, mirū in modum ob generationem, & alia quæ dicit philoſophus. Secunda proprietas eſt quod iſta amicitia habet maiorem iucunditatem, tum etiam vtilitatem quàm amicitia eorum qui nō ſunt coniuncti. Primo enim viuunt ſimul. præterea parentes vident aliud filios, & filii parentes, ſibi quoque inuicem profunt, & omnino eorum vita cū ſit cōmunis, vtilis eſt, atque iucunda. [SVNT autem & in frater-

na amicitia.] Affert proprietates fraternæ amicitia: dicendo quòd ea fere omnia quæ sunt in amicitia socialitia sunt in amicitia fraterna, vt educatio, eruditio, & huiusmodi: quæ omnia sunt in amicitia fraterna, & præsertim bonorum fratrum. Deinde affert aliqua ob quæ huiusmodi fratrum amicitia conseruatur. Primo quia ab ortu sese mutuo diligunt, & quia similitum morum sunt tales boni, & quia simul sunt nutriti, & educati, & alia quæ dicit philosophus. ex quibus fit vt talis amicitia sit firma & constans. [S I M I L I sunt modo.] Breuiter tangit proprietates amicitiarum reliquas, quæ sunt inter consanguineos. Sunt enim diuersæ prout propinquiores aut longinquiores sunt in gradibus, & ideo dicit vt ratio postulat, scilicet sunt magis & minus vt ratio, & propinquitas postulat, quæ est inter eos proportionem seruata, omnes tamen licet alij magis alij minus iure naturæ coniuncti esse amicitia debent. Sanguinis enim coniunctio, vt inquit Cicero, & beneuolentia deuincit homines charitate. Magnum est enim habere momēta maiorum, eisdem vt i sacris, sepulchra habere communia, &c. [V I R O autem & vxori natura nimirum.] Hæc est tertia pars huius capituli, in qua post consanguineam amicitiam declaratur amicitiam cōiugalem, quæ & si non fit ex eodem sanguine vt superiores, tamen natura videtur constare: probat igitur in primis afferendo quādam proprietates hanc conclusionem, & proprietatem, quòd amicitia coniugalis est naturalis, hoc pacto, homo est animal magis coniugale quàm ciuile, sed est naturaliter ciuile, ergo multo magis erit coniugale natura. Patet ratio ista, & in Politicis ostendit philosophus quòd homo est ciuilis natura, & inclinatur naturaliter ad hoc vt sit sociabilis ciuili societate: sed quòd fit etiam magis coniugale natura quàm ciuile probatur duabus rationibus. Prima ratio, quia id est magis naturale homini, quod est magis necessarium, & prius natura: sed esse coniugale est prius & magis necessarium quàm esse ciuile, ergo est magis naturale homini. Nam domus prius est natura quàm ciuitas, & est magis commune, est magis naturale: sed procreatio filiorum ad quam ordinatur coniugalis societas videtur esse huiusmodi, ergo procreatio liberorum ex coniugali societate, & omnino coniugalis societas videtur esse magis naturalis quàm societas ciuilis, ex quibus concluditur quòd viri ad vxorem naturalis est amicitia. [A T Q V E cæterorum quidem.] Affert aliam proprietatem quæ est, quòd hæc societas viri & vxoris conuenit in procreatione filiorum cum cæteris animalibus, quærit ea omnia quæ pertinet ad vitam humanam, propterea officia eorum statim sunt distincta vt vir procuret ea quæ sunt foris, vxor seruet ea quæ sunt domi, & mutuo sibi auxilium ferunt, & alia similia, vt in æconomicis & politicis ostendit philosophus, & sic patet quòd talis societas non solum est naturalis, sed etiam æconomica. [Q V A P R O P T E R hæc in amicitia.] Ostendit philosophus quomodo se habet amicitia huius societatis ad illa tria, quæ amicitiarum dicuntur obiecta: & dicit quòd hæc amicitia continet interdum non solum voluptatem, & vtilitatem: sed etiam virtutem. Vtilitas inesse videtur, quia consulunt ambo communi vtilitati, voluptas quoque ob generationem, virtus etiam adest quandoque, & si non sit virtus in vxore eius rationis cuius est virtus in viro, tamen est accommodata qualitati foemellæ: sunt autem viri virtutes proprie dictæ, vxoris vero virtutes ei accommodatæ, & proprie competens sibi vt in æconomicis & politicis latissime ostendit philosophus, quod si sint probi & studiosi vtique in genere suo, diligit vir vxorem vehementer, & diligitur ab ea, & iucundū erit coniugium illud, & iucunda inter eos amicitia. Atque filii nexus. Docet philosophus quo modo firmatur talis amicitia. Primo patet quòd sunt liberi qui sunt nexus, & nodus talis amicitia: deinde patet etiam per oppositum suum, quia id cuius absentia citius dissoluatur amicitia, præsentia magis conseruatur: sed absentia filiorum & priuatione citius dissoluatur talis amicitia, ergo præsentia magis conseruatur & firmatur. Item quia filii sunt commune vtriusque bonū vt patet in textu. [Q V A E R E R E autem quoniam pacto.] Videtur respondere obiectioni quæ oriri potuisset ex ante dictis, Assignasti cū Aristotele causas amicitiarum propinquorum, & coniugalis amicitia, & huiusmodi societatum, tamen non dedisti regulam viuendi cum illis. cui respondet philosophus, quod hoc nihil aliud est quærere quàm quoniam pacto fit iustum. Itaque scire debet quòd quæle est iustum, talis debet esse viuendi modus, & regulæ & officium: sed iustum est diuersum vt in quinto vidimus, præterea non eodem modo vel idem iustum seruandum esse videtur, idemque officium ad amicum, & extraneum, & sic de aliis similibus à quibus, & erga quos non eadem sunt seruanda officia, vt in æconomicis viri, & vxoris & aliorum in politicis regulam viuendi docet philosophus, & Cicero quoque in libro de officiis latissime doctrinam tradit quid deceat, & quomodo oporteat officia seruare in diuersis societatibus vitæ, diuersa enim sunt & iustum similiter est diuersum, ex quo patet qd amicitia videtur habere magnam similitudinē cum iustitia, & in multis conuenire ac si esset iustitia quædam. Facere enim amicum quæ decent erga amicum, opus videtur esse iustitiæ. Consideranda est igitur conditio, & qualitas personarum, & societatum, & seruanda deinde secundum illa officia sunt vt recta ratio postulat.

*De duplici iusto, & de compensanda amicitia.**Cap. XIII.*

83 **V**im autem tres sint amicitia (vt ab ab initio dictum est) & in  
 vnaquaque alij sint pares amici, alij impares (nam similiter bo  
 ni fiunt amici, & præstabiliior deteriori: similiter & iucundi, &  
 ob vtilitatem etiam in commodis pares & differentes) pares,  
 quidem: tam amando, quàm cæteris æquales esse oportet: impares au  
 84 tem id reddere quod excellentiæ ratio flagitat. Fiunt autem in amicitia,  
 quæ vtilitatis est gratia, vel sola vel maxime, inculcationes non sine ra  
 tione, atque querelæ. Qui nanque sunt ob virtutem amici: prompti  
 sunt ad beneficia sibi mutuo conferenda. Hoc enim est & virtutis & a  
 micitiæ. Atque cum ad hoc certatim properent: nullæ prorsus inter  
 ipsos accusationes, nec rixæ fiunt. Nemo enim amanti, & beneficia  
 conferenti succenset, sed si sit gratus, beneficiis respondet. Atque qui  
 in beneficiis conferendis exuperat, cum id assequatur quod cupit, non  
 inculcabit amicum. Vterque enim bonum affectat. Nec in iis quæ ob  
 voluptatem constant, querelæ nimium fiunt. Nam si simul degere  
 gaudent: fit id simul vtriusque quod appetunt. Ridiculus autem videtur  
 & qui non delectantem inculcat: cum liceat non conuersari. At in ea  
 quæ vtilitatis gratia constat, locum inculcationes habent, atque querelæ.  
 Nam cum sese mutuo pro vtilitate vtantur: semper indigent pluris, &  
 minus quàm oportet sese habere putant, atque queruntur ex eo quia  
 non tot assequuntur quot indigent, cum sint digni. Qui vero confe  
 runt beneficia, nequeunt tot conferre: quot indigent ij in quos bene  
 85 ficia conferuntur. Videtur autem vt duplex est iustum, aliud sine scripto,  
 aliud lege, sic & eius amicitia quæ est vtilitatis gratia, alia moralis, alia  
 legitima esse. Fiunt igitur inculcationes tum maxime, cum non per ean  
 86 dem commutant & dissoluantur. Atque legitima quidem est ea, quæ  
 in definitis consistit, & quædam est omnino sordida de manu in ma  
 num, quædam liberalior ad tempus, sed per pactionem, quid pro quo.  
 Est id quod debetur in hac, manifestum, & non ambigitur. Habet au  
 tem dilationem ad amicitiam attinentem. Quapropter apud nonnul  
 los horum non sunt iudicia. Sed arbitrantur eas oportere contentos ef  
 87 se, qui fide commutarunt. Moralis autem non in definitis consistit, sed  
 vt amico quidem largitur, aut vt alij (quisquis is tandem sit) accipere au  
 tem dignum esse censet, æquale aut plus, quasi nõ dederit, sed mutuaue  
 rit. Atque si nõ vt commutauit, dissolutio fit: inculcabit, Hoc autem ideo  
 accidit: quia omnes vel plurimi, volunt quidem honesta, anteponunt  
 autem ea quæ profunt. Atque honestum quidem est beneficia confer  
 88 re, non vt vicissim suscipiantur: vtile vero suscipere. Si potest igitur, di  
 gnum reddere oportet beneficium iis qui accepit, & sponte quidem. In  
 uitus enim non est faciendus amicus. Vt errore igitur in principio fa  
 cto: & beneficio à quo accipere non oportebat, suscepto (non enim ab

amico, nec ob ipsum id faciente) dissoluere ipsum oportet, vt beneficio pro definitis suscepto, atque polliceri, cum posset reddere. Nam si non posset, nec dignum is qui dedit, ipsum suo munere cēfuisset. Quare reddendum est si habeat facultatem. In principio autem considerandum est, à quonam beneficium, & pro quo confertur: vt pro his suscipiat, aut non suscipiat illud. Existit autem dubitatio, vtrum eius qui contulit beneficio? Qui nanque beneficium acceperunt, extenuantes id ipsum, ea di-  
cunt sese cepisse, quæ parua erant illis: quæque ab aliis licebat accipere. Illi vero contra ea quæ maxima rerum erant suarum: quæq; ab aliis assequi non poterant, & in periculis, aut necessitatibus talibus. An quia amicitia est ob vtilitatem: vtilitas eius qui beneficium suscepit, mensura est statuenda? Hic est enim qui indiget: & huic fert opem, vt accepturus æqualem. Tantum igitur auxilium fuit, quantum vtilitatis habuit hic. Et reddendum est igitur tantum quantum ipse consecutus est, vel etiam plus. Est enim magis honestum. In amicitia autem quæ sunt virtutum,  
accusationes quidem non sunt. Mensuræ autem similis est electio eius, qui beneficium contulit. Id enim quod est virtutis ac moris præcipuum, in electione consistit.

## Commen.

**C**VM autem tres sint amicitia: vt ab initio diximus.] Hic est tertius tractatus huius octau-  
libri, in quo philosophus postea quàm diuisit amicitiam, & vnamquamque partem decla-  
rauit vt ostensum est, nunc ostendit quo pacto fiant incusationes & querelæ in amicitia.  
Diuiditur autem hic tractatus in duo capitula, in primo declarat querimonia quæ oriuntur in  
amicitiis æqualium personarum: in secundo ostendit querimonia quæ sunt in amicitia inæ-  
qualium. Primum capitulum diuiditur in quatuor partes quæ suis locis patebunt. In prima igitur  
parte philosophus docet narrando quo pacto in amicitia possint euitari querelæ, & dicit quod  
tres sunt species amicitia, vt antea dixit, ea ratione qua triplex est obiectum: scilicet vtile, aut iucun-  
dum, aut bonum, & in vnaquaque istarum trium reperiri amicitia potest tam æqualium quàm  
inæqualium personarum, & hoc ostendit philosophus tangendo singulas species. Nam in ami-  
citia quæ ob bonum & ipsam virtutem, possunt amici fieri & illi qui sunt pariter boni, & item  
illi quorum alter est melior, & studiosior altero. Eodem modo in amicitia ob iucunditatem, &  
ii qui pariter sunt iucundi, & ii quorum alter est iucundior altero: sic in amicitia ob vtilitatem  
simili modo fieri possunt amici. verum si amici sint æquales, & pares in quacunque amicitia pa-  
riter debet in amore respondere, & in aliis quoque officiis par pari referre: si vero sint inæqua-  
les, & impares ob alterius partis excellētiam, tunc tribui, & retribuere debet vnicuique secundum  
dignitatem, & similitudinem rationis. [F I V N T igitur ea in amicitia quæ.] Hæc est secunda  
pars huius capituli, in qua philosophus ostendit, & dicit quod in amicitia ob vtilitatem contra-  
ctis sunt querelæ tantum vel vt plurimum in illis, in studiosis vero amicitia non sunt, & hoc  
probat, quia in ea amicitia sunt omnia quæ exoptant amici, & illi tales amici prompti sunt  
ad faciendā ea mutuo, & quasi certatim, quæ sibi inuicem sunt grata, & accepta. [N E C in iis  
etiam amicitia.] Declarat philosophus quod in amicitia quæ est ob voluptatem non nimis  
sunt querelæ, & præsupponere videtur quod tales conuersentur simul, quod ab vtriusque expetitur,  
tunc vltra amicus ob voluptatē, aut gaudet conuersatione alterius amici aut non gaudet. Si gau-  
det non accusabit amicum conuersando: si vero non gaudet non etiam queretur de eo si non est  
sibi iucundus, cum sibi liceat quandoocunque vult conuersationem illius euitare. [A T in ea quæ  
commoditatis gratia cōstat.] Hæc est tertia pars huius capituli, in qua philosophus ostendit quod  
in amicitia ob vtilitatē sunt querelæ, & primo declarat quod sunt, deinde causas ostendit qui-  
bus oriuntur, demum docet quomodo euitari possunt. Dicit igitur quod in amicitia quæ est ob  
vtilitatem querelæ præcipue locum habent. Probatur, In ea amicitia, in qua amici sibi mu-  
tuo non satisfaciunt querelæ oriuntur & sunt: sed amicitia ob vtilitatem est huiusmodi, ergo

- in amicitia ob vtilitatem querelæ præcipue oriuntur & fiunt. Huius argumentationis declaratio de se patet in textu. [V I D E T U R autem vt duplex est iustum.] Declarat philosophus hac in parte vnde, & ex quibus causis querimoniarum fieri solent in huiusmodi amicitias quæ sunt ob vtilitatem, & assertit diuisionem quandam talis amicitia dicendo, quod sicut diuiditur iustum, ita & amicitia vtilis distribuitur: sed iustum aliud scriptum, id est legitimum, aliud non scriptum, id est naturale, & quasi ex communi more gentium, vt in quinto declarauimus: eodem modo amicitia ob vtilitatem quædam est legitima quæ videtur in pactione consistere, quædam moralis, quæ non ex pactione, sed ex consuetudine quadam oriri videtur. Hac diuisione stante dicit philosophus quod querelæ tum maxime fiunt cum non commutant amici secundum eandem speciem talis amicitia vtilis, id est cum alter amicorum commutat, & credit commutare secundum legitimam, alter vero commutat, & credit commutare secundum moralem, & alter sequitur pactiones, & dissoluitur, scilicet amicitia, quanuis nonnulli exponant quod querelæ fiunt cum non cõmutant, id est obligantur, & dissoluantur, id est cum dissolutiones sũt, & vt ita loquar dissolutiones quasi cum obligationes fiant pactione secundum legitimam, dissolutiones secundum moralem, tunc querelæ oriuntur, sed quicquid sit hoc videtur velle philosophus, quod inculpationes, & querelæ oriuntur cum alter amicorum in commutationibus vtilibus quæ fiunt inter eos sequitur amicitiam legitimam quæ in pactione consistit, alter vero sequitur moralem quæ ex consuetudine pendet. [A T Q V E legitima quidem est ea.] Distributa amicitia ob vtilitatem in legitimam & moralem, nunc vt partes istas clarius intelligantur declarat vnumquodque membrum philosophus, & primo amicitiam legitimam quæ in pactis consistit, dicendo quod ea non vniformis est, sed partim forensis & mechanica, in qua fit commutatio de manu in manum sine dilatione temporis, quia statim reddit, & retribuit ei à quo accepit vt in emptione, & venditione, & in cõmutatione mercimoniarum fieri solet, cum res cum rebus, aut res cum nummis commutatur, nec amicorum fidei creditur: partim vero est liberalis, & ingenua magis si comparetur cum superiore, & ea est vbi conueniunt quid pro quo debeat dari, & manifestum est debitum, sed habeat dilationem temporis amicabilem vt ita loquar, & pertinentem ad commoditatem, & fidem amicorum, postea addit philosophus quod quibusdam horum non sunt iudicia, sicut in superioribus vbi non seruatur id quod pactione est manifestum, sed putant eos contentos esse debere qui fide permutarunt: verum querelæ fieri possunt vel solent cum non seruatur in quod dignum videtur fide amicorum. [M O R A L I S autem in pactionibus certis.] Sumit nunc philosophus alterum membrum diuisionis, id est amicitiam vtilem quæ dicitur moralis, non quia sit de se ingenua vt illa quæ est ob virtutem, sed quia inter istas amicitias ob vtilitatem est magis liberalis cum ex more pendere videatur, non autem in pactione, & conuentione consistere. Veruntamen amici in tali amicitia dant non addendo quid pro quo, sed intentione recipiendi, & quando non recipiunt queruntur, & tunc fiunt inculpationes. dant igitur vt simulent honestatem, sed quia vt plurimum anteponunt vtilia, dant animo, & intentione recipiendi, adeo vt si non dissoluatur, & retribuat simili modo ab amico statim fiunt querelæ. commutans enim & donans spe fecit recipiendi quasi commodaret. cum postea non fit retributio vt sperabat, queritur non vt commodauerit, sed vt donauerit, veluti qui annulum dedisset in nuptiis amico animo recipiendi tantundem vel etiam plus, si postea non recipit queritur vt donans non aperiendo intentionem quam habuit in principio cum dedit. Non enim dicit se male tractari, quia commodari, sed quia donauerit, & tamen intentio sua fuit vt commodaret, quare fiunt querimoniarum. & assignat rationem philosophus quod hoc euenire videtur: quia plerumque homines expectant honestatem, & tamen postea anteponunt vtilitatem vt patet in textu. [E V M itaque qui potest.] Docet in hac parte philosophus quonam pacto euitari possint querimoniarum tales dicendo quod qui potest tribuere sponte debet, quia non est inuitus faciendus amicus. Nam si tu velles cum amico vt datorem liberalem gratia honestatis, & ille quærat vtilitatem, tunc si non retribuas, sponte videris velle facere tibi amici inuitum, nolentem tali modo amicitiam tuam, nam si ipse non vult esse amicus nisi ob vtilitatem, sponte reddendum est ei, fieri potest nec est trahendus inuitus ad amicitiam secundum præscriptum tuum, quia ipse quærit amicitiam ob vtilitatem. quare vel accipe eum eo pacto amicum, & redde sibi sponte si habes facultatem: vel si non vis amicum tali modo, redde ei quod debes, & noli secundum voluntatem tuam contra id quod ipse vult facere eum amicum. scus enim esset facere eum amicum nolentem, quod non est faciendum, quia antea debes videre à quo accipias beneficium, vtrum ab amico gratis dante, an ab eo qui retributionem quærit. sed accepto beneficio retribuire debet suscipiens si fieri potest sponte sua, ac si per pacta obligatus esset, ne oriantur querelæ, & retribuire debet secundum dignitatem eorum: sed vtrum dantis an suscipientis sit statuere mensuram beneficii, in sequentibus manifeste declarabit philosophus. [E X I S T I T autem hoc loco questio quædam.] Hæc est quarta pars huius capituli, in qua philosophus mouet dubitationem vel questionem quandam, & eam soluit. Dicit ergo dubitando, si reddendū est secundum dignitatem, & conuenientiam, queritur quisnam mensurā, & existimationem huius beneficii statuere debet,



an ille qui accipit, an is qui contulit. Nam cum in iis non fiat certa pãctio quid pro quo sit reddendum, ad hoc vt tollãtur querelæ retribuendum vt dignitas postulat & conueniens est, sed dubitatur mensura huius retributionis accipienda ne sit ex vtilitate suscipientis an ex beneficio dantis & de hac materia dicitur latius in nono libro: sed si nos vertimus ad partem suscipiẽtium, semper tales minuunt beneficia: sin ad partem benefactorum, illi econtra augent beneficia sua. quare videtur quoquo modo quod neuter istorum sit aptus ad talem mensuram statuendam retributionis. [AN cum amicitia sit ob vtilitatem.] Soluit quæstionem philosophus ostendendo quod mensura retributionis sumenda est ex parte suscipientis, vt sit tanta quanta fuit commoditas recipientis. æstimanda est igitur commoditas eius qui suscepit, & talis debet esse mensura, sed de hac materia latius loqueretur in nono, vt ibi patebit. Post hæc dicit philosophus quod in amicitia bona, quæ est ob virtutem non fiunt querelæ, nec talis solutio ibi requiritur. Nam electio cum sit præcipuum in virtute, debet in tali amicitia esse mensura, & quasi cum benefactore dicere: contuli beneficium ob virtutem, debeo exigere retributionem & remunerationem? minime. habui enim quod expetebam: contuli studioso ob virtutẽ & honestatem, & amico qui est alter ego, & produxi operationem studiosam ob ipsam dationem, & non vt inde reciperem aliquam vtilitatem, sed vt facerem opus virtutis, & contuli amico gratia ipsius, & sic electio erit mensura, electio inquam studiosi viri, & amici, vt patet in textu.

*De querelis amicitia in excellentia, & de abdicatione. Cap. XIII.*



T vero dissentiũt & in amicitia quæ in excellentia consistunt. Nam vterque dignum existimat plus habere, Atque cum hoc non sit, dissoluitur amicitia. Qui nanque præstabilius est plus habere oportere se putat. Plus enim tribuendum est bono: eadem censet, & qui magis vtilis est. Si nanque quispiam inutilis sit, non æquale inquit ipsum habere oportere. Subministrationẽ enim & non amicitiam fieri dicunt: si non pro dignitate operum ea fuerint quæ ab amicitia fiunt. Nam vt in pecuniarum societate plus ij capiunt qui plures pecunias conferũt: sic arbitrãtur & in amicitia fieri oportere. Qui vero eget & qui est inferior contra. Ad amicum nanque bonum: spectare censet, egentibus opem ferre. Quid enim prodest (inquiunt) amicum esse quempiam studioso viro aut potenti: si nihil consecuturus sit inde? Videtur autem vterque recte censere. Atque plus quidem vtriusque est ex amicitia tribuendum. Non tamen eiusdem, sed excellenti quidem honoris, egenti autem lucri. Virtutis enim & beneficentiæ præmium, honos est: indigentia vero auxilium, lucrum. Hoc ita sese habere & in rebus publicis constat. Non enim is honoratur, qui nihil boni reipub. præstat. Id enim quod est publicum ei tribuitur qui beneficia in rempublicam confert. At honor publicum est. Non enim fit, vt simul quisquam pecunias à republica & honorem accipiat. Nemo nanque fert in omnibus minus habere. Qui igitur in pecuniis imminuitur, ei honorem tribuunt: qui vero munera suscipit, ei pecunias dant. Quod enim fit pro dignitate: id æquat & conseruat amicitiam, vt est dictum. Sic igitur & iis est agendum atque congregiendum, qui impares sunt. Et iis qui in pecuniis aut virtute vtilitatem accipit: reddat honorem oportet, id reddendo quod potest. Amicitia nanque id exposcit quod fieri potest: non id quod est pro dignitate. Neque enim in omnibus est: vt in honoribus erga deos, atque



parentes. Nemo enim vnquam dignum reddere potest. Sed qui quoad  
 54 potest obsequitur: bonus & æquus esse videtur. Quapropter videbitur  
 patrem quidem non licere filio abdicare, filium autem patri licere. De-  
 bentem enim reddere oportet. At quicquid egerit, nihil vnquam iis di-  
 gnum fecerit quæ à patre suscepit. Quare semper debet. Quibus autem  
 debetur, potestas est dimittendi. Igitur & patri. simul autem nemo for-  
 sita vnquam sese mouere videtur: nisi ille exuperet prauitate. Nam abs-  
 que amicitia naturali, humanum est auxilium non negare. Illi autem fu-  
 giendum est, aut non studendum opem afferre: cum sit prauus. Plerique  
 enim suscipere quidem beneficia volunt: conferre autem nolunt, ac fu-  
 giunt vt inutile. Sed de his quidem consue sit dictum.

## Commen.

- 91 **A**T VERO dissentiant homines, & in amicitia. [Hoc est secundum capitulum huius ter-  
 tij tractatus, in quo posteaquam declarauit, quo pacto sint querelæ in amicitia æqualium  
 personarum: nunc ostendit quomodo sunt in amicitia inæqualium personarum, quæ dicun-  
 tur secundum excellentiam. Diuiditur autem hoc capitulum in tres partes quæ declara-  
 buntur. In prima autem philosophus afferendo controuersiam eorum quæ sunt in amicitia secun-  
 dum excellentiam, dicit quod ij dissentiant, & sunt querelæ ab iis, quia uterque amicorum pu-  
 tat debere plus habere quàm habeat, & affert primo rationem querimoniarum, & controuersia  
 ex parte superioris, & super excellentis. Si enim sit virtute præstantior dignum iudicat vt plus ei  
 92 tribuatur: in sit vtilior eodem modo plus sibi deberi putat: vt exemplo eorum qui societates ob  
 vtilitatem faciunt ostendit philosophus. [A T is qui eget atque inferior.] Affert rationem ex parte  
 93 inferioris siue sit inferior virtute siue vtilitate. Dicit enim quod inferiores putant decere bo-  
 num ac potestatem amicum prodesse, & opem afferre egentibus amicis. Secus enim quid prodesset  
 amicitia talis si nihil consequi posset inde. [VIDE TVR autem uterque recte censere.] Hæc  
 est secunda pars huius capituli, in qua aliatis querelis istorum inæqualium, & rationibus vtrius-  
 que partis, nunc videtur declarare veritatem, & postea redigere eos ad concordiam. Vnusquisque  
 enim eorum recte putat debere, inquit philosophus, habere plus non tamen eiusdem rei, quare  
 duæ afferuntur conclusiones. Prima ratio, Præmium virtutis tribuendum est præstantiori,  
 sed honos videtur esse quoddam præmium virtutis, ergo honos tribuendus est præstantiori.  
 Secunda ratio, Id quod est subsidium indigentiarum dandum est egenti & inferiori, sed lucrum & pec-  
 unia est huiusmodi, ergo danda sunt egenti, & inferiori: patent rationes istæ, quia honos vide-  
 tur esse quædam retributio pro operationibus virtutis, & pro beneficiis præstitis, quibus super-  
 excellentes superant inferiores, & lucrum & pecunia videtur esse subsidium accommodatum in-  
 digentibus. Probat etiam philosophus istas conclusiones exemplo rerum publicarum vbi hæc  
 seruari solent, & adæquatio fieri pro dignitate: sic igitur is qui beneficiū accipit, aut in pecuniis,  
 aut in virtute debet benefactori & excellentiori retribuere honorem quoad fieri potest, vt con-  
 stare tali adæquatione possint amicitia. Verum sunt amicitia nonnullæ in quibus non potest  
 fieri digna retributio vt filiorum ad parentes, & huiusmodi: ideo dicit philosophus, sufficit secun-  
 94 dum possibilitatem. [QVA PROPTER videbitur vtrique patrem.] Hæc est tertia pars huius  
 capituli, in qua philosophus affert sententiam siue correlarium obortum ex antedictis. Nam su-  
 pra dixit quod in quibusdam non fit, neque fieri potest digna retributio, & recompensatio pro  
 beneficiis acceptis veluti principalissime erga deum postea erga patrem, & statim infert sen-  
 tentiam duplicem, quod filio non licet repudiare & abicere patrem, probatur, qui semper est obli-  
 gatus & debitor, non debet abicere creditorem, sed filius est semper debitor, ergo non debet abi-  
 cere creditorem suum perpetuum, id est patrem. E contra licet creditori abicere, & dimittere à  
 se debitorem, sed pater semper est creditor respectu filij, ergo patri licet. Post hæc addit quod &  
 si hæc ita sint pater non videtur se mouere ob excellentem prauitatem, quare pater non consue-  
 uit dimittere, & abicere filium, nisi sit filius vehementer prauus. nam præter vinculum natura-  
 le, quo pater astringitur filio, humanum est opem & subsidium afferre egenti: sed si filius sit val-  
 de prauus fugiendum est, vel non studendum est à patre subsidium ei afferre, & subuenire, filius  
 tamen patrem nunquam deserere debet: multi sunt autem qui beneficia suscipere volunt & non  
 conferre, & non benefaciunt. Concludit postea imponendo finem octauo libro, vbi diffinita est  
 amicitia, diuisa item, & differentiarum amicitiarum allata.

ARISTOTELIS STAGIRITAE  
ETHICORVM AD NICOMACHVM  
Libernonus.

*Quæ conseruant amicitiam.*

*Caput primum.*

**I**N omnibus autem amicitiiis, quæ sunt dissimiles specie:  
comparatio rationum æquat, atque cōseruat amicitiam,  
vt est dictum. Vt & in ciuili societate futuri pro calcea-  
mentis, & textori, & cæteris pro dignitate permutatio  
fit. Arque his quidem communis habetur mensura, nu-  
mus ipse ad quem omnia referuntur, & quo mensurantur. In amatoria  
autem amicitia, interdum amator queritur quod supra modum amans,  
non vicissim amatur, nihil habent forte amabile: interdum is qui ada-  
matur: quod cum prius cuncta polliceretur, nunc nihil facit. Fiunt au-  
tem talia: cum ille quidem ob voluptatem adamatum: hic autem ob  
vilitatem diligit amatorem, & hæc non assunt vtrisque. Nam cum pro-  
pter hæc sit amicitia, fit dissolutio: cum ea non fiunt gratia quorum ama-  
bant. Non enim se mutuo amabant: sed ea quæ inerant, quæ non per-  
manent. Quapropter tales & amicitia sunt. Morum vero amicitia cum  
per se sit, permanet vt est dictum. Differunt autem & cum alia fiunt  
ipsis, & non ea quæ appetunt. Est enim simile ac si nihil fieret: cum  
non id assequitur quod affectat. Quale fecit & qui citharædo pollice-  
batur: quanto melius cantaret, tanto se plura daturum. postridie vero  
repositi promissa, voluptatem reddidisse dixit pro voluptate. Si igitur  
vterque hoc affectaret, satis vtrique haberet. Sin vero ille volupta-  
tem, hic lucrum affectabat, & alter habet, alter non habet, non be-  
ne sese habet ipsa societas. Quorum enim indiget vnusquisque, hæc &  
assequi vult, & horum gratia dabit ea quæ habet. Vtrius autem est æsti-  
mationem facere: eius ne qui dat an eius qui primo accepit? Nam qui  
dat videtur illi permittere: quod quidem & Protagoram fecisse aiunt.  
Cum enim docuisset ea quæ profitebatur: discipulum æstimare iube-  
bat, quanti ipsi videntur ea quæ scit, & tantum accipiebat. Nonnullis  
autem in talibus satis est illud. Sufficiens socio merces sane est statuen-  
da. Qui vero prius acceperunt argentum, deinde nihil eorum quæ pro-  
miserunt ob exuperationem promissionum efficiunt: merito incu-  
santur. Non enim perficiunt ea quæ pepigerunt. Hoc fortasse sophistæ  
facere compelluntur, quia nemo daret pro iis quæ sciunt argentum. Hi  
igitur (ea pro quibus acceperunt mercedem, non efficientes) merito acu-  
santur. Eorum autem in quibus subministrationis non fit pactio: qui  
propter seipsos exhibent, in culationibus carent, vt diximus. Talis est

enim ea amicitia, quæ ob virtutem conflat. Remuneratiôque facienda est electione, hæc enim est amici atque virtutis. Sic est faciendum & in societate quæ fit ob philosophiam. Non enim tantæ dignitati rei, pecuniæ æquari possunt. Nec honos paris vnquam fiet momenti: sed satis est forsitan, vt ad deos atque parentes id quod fieri potest. Quod si datio non sit talis sed pro aliquo maxime quidem oportet forsitan retributionem fieri, vt vtriusque videtur esse pro dignitate. Si vero hoc non accidit, non solum necessarium, verum etiam iustum esse videbitur: ipsum præhabentem hanc ipsam statuere. Nam si quantum hic vtilitatis habuit, aut pro quanto voluptatem expetit, tantum ille receperit: dignam de hoc remunerationem habebit. Etenim in rebus venalibus ita fieri videtur. Et quibusdam in locis sunt leges quæ vetant spon te actarum cōtractionum iudicia esse, propterea quod oportet vnumquemque ad eū qui credidit sic dissolutionem facere vt societate contraxit. Putant enim eum iustius esse statuere cui permissum est quàm eum qui permisit. Etenim plerumque non eque estimant qui habent & qui accipere volunt. Sua enim cuique, & ea quæ dat, multo videntur precio digna. Attamen retributio fit ea (quam statuunt ii qui capiunt) quantitate. Oportet autem fortasse, non tanti æstimare, quanti videtur dignum habenti: sed quanti æstimabat antea quam haberet.

## Commen.

**I**N omnibus autē specierum dissimiliam amicitia. Hic est nonus liber ethicorū, in quo philosophus perueerat in tradenda doctrina de amicitia, & iis quæ ad eam pertinent. Nam in præcedenti libro declarauit amicitiam eam diffiniendo, & diuidendo in suas species. scilicet ob vtilitatem, voluptatem, & virtutē, & declarauit istas omnes non esse æque amicitias, nā maxime & proprie amicitia dicitur illa, quæ est ob virtutē, vt sit habitus qui est in animo, vt perfectio quædam præsupponens omnem aliam virtutem, & prudentiam, & etiam ad bonum externum. Diuisit autem eam in amicitiam æqualium, & inæqualium, & vtranque declarauit. Attulit præterea omnes societates asserendo ciuilem ad quam ceteræ reducuntur in quibus est vestigium amicitia, quia amicitia videtur consistere in societate, & qualis est societas talis videtur esse amicitia. Declarauit etiam de querimoniis quæ fieri solent præcipue, & maxime in amicitia quæ est ob vtilitatem. Relinquebantur alia consideranda vt sunt proprietates multæ quæ competunt non solum amicitia proprie dictæ, sed sunt etiam quæ competunt aliis, & similiter quæstiones ad amicitia attinentes, quæ omnia in hoc nono libro declarat philosophus vt patebit. Diuiditur autē hic liber in tres tractatus: in primo declarat ea quæ pertinet ad conseruationē, & dissolutionem amicitia, & quasdam operationes ad amicitiam pertinentes. In secundo mouet quasdam dubitationes ex parte amantis & eas soluit. In tertio mouet dubitationes ex parte amati, & eas etiam soluit: vt cognitis proprietatibus, & solutis quæstionibus ad hanc materiam pertinentibus: perfecta de amicitia, & natura eius quo ad fieri potest habeatur cognitio. Primus tractatus diuiditur in septem capitula, quæ suis locis patebunt. Primum capitulum quoque diuiditur in duas partes. In prima narrat quomodo conseruatur amicitia dissimilium, & quomodo fiunt querelæ propter repensionem. In secunda affert remedia talium querelarum. Dicit igitur in primis quod in omnibus amicitia dissimilium specierum proportionalitas, & similitudo rationis conseruat amicitiam, & hoc declarat exemplo societatis ciuilis, vbi fit repensio secundum similitudinem quandam rationis. Nam futuri pro calceis datur id quod est dignum, & conueniens, & similitudo rationis conseruat amicitiam: dissimilitudo verò dissoluit. Dicit autem philosophus amicitias dissimilium specierum non eas quæ sunt inter duos æquales ob idem obiectum scilicet vtilitatis vel voluptatis, vel virtutis: sed eas potius, vbi alter amat ob vtilitatem, alter ob voluptatem vel virtutem, quæ proprie dicuntur specierū dissimilium propter diuersa obiecta, quāuis aliquo modo illæ possint etiam dici dissimiles, quæ sunt ob idē obiectum inter personas inæquales. Amicitia igitur dissimilium specierū redigi possunt ad æqualitatem, si adæquentur repen-

sione secundum similitudinem rationis, vt fit in ciuili societate, in qua est nummus quasi communis quædam mensura, qua omnia adæquari possunt, veluti si faber domum facit sutori, sutor calciamenta fabro, æstimabuntur domus, & æstimabuntur calciamenta: si domus valet decem, & calciamenta vnum, repetantur igitur decies secundum nummum vt æquent pretium domus, & sic fiet æquatio, verum in amicitia non est determinata nec manifesta mēsurā, sed videtur esse id quod quique expetit, vt si amicitia sit ob virtutem, erit virtus: si ob vtilitatem videtur esse vtilitas, & sic de iocunditate, quare repensio & adæquatio fieri videtur in amicitia dissimilibus secundum tales mensuras. [IN amatoria autem amicitia.] Declarat hac in parte philosophus quoniam pacto querelæ, & discordiæ oriuntur in amicitia ex defectu repensionis, & hoc fieri videtur tribus modis. Primo cum non fit repensio per affectum internū, veluti si amans amet, & nō ametur e contra. Secundo modo cū nō fit repensio rerum externarum. Tercio cum fit quidem repensio, nō tamen earum rerum esse quas ille petit. veluti si querit vtilitatem, tu des ei voluptatē, & hoc est, dicit philosophus, ac si nihil rependeres. Ad declarādos illos duos, philosophus primo affert exemplum amoriæ amicitia, & amicitia qua alter amat ob voluptatem, alter ob vtilitātē. Cum igitur amatori non rependitur amor, & affectus internus vt ipse vellet, tum queritur talis amator, & immerito, tamen dicit philosophus si non habet quod sit dignum amore. Secundus modus est, cum amatus queritur quod non habet vtilitatem ab amatore, & repensio rerum externarum, vt ei pollicitus fuit amator, & statim addit philosophus quod talis amicitia dissoluitur, quia non se amant: sed illæ voluptatem hic vtilitatem, & cessantibus istis statim cessat amicitia, & talia cessant de facili, quia non sunt stabilia, sed in bonis amicitia amatur virtus, quæ est res firma & stabilis. [DIFFERENT autem.] Hic innuitur tertius modus, qui fit cum datur quidem repensio, sed non earum rerum quas talis exoptabat, vt exemplo citharædi ostendit philosophus. vbi cum nō facta esset repensio conueniens appetitui eius, querelæ ortæ fuisse videntur in tali societate. Quare ex defectu repensionis vt diximus cum non fit conueniens neque cōpetens recompensatio, querelæ oriri videntur. [VTRIUS autem fit æstimatiōe ponere.] Hæc est secunda pars huius primi capituli, in qua philosophus affert videtur remedia talium querelarum, quæ sunt in huiusmodi amicitia: sed primo affert dubitationem, & soluit & ostēdit quod ad recipientem beneficium pertinere videtur ponere æstimationem remunerationis. Probat, cum deest statuere remunerationem, cui permittit qui contulit beneficium: sed recipiens est huiusmodi, ergo ad recipientem pertinet statuere remunerationem. & hoc probat exemplo Protagoræ. Post hæc philosophus affert nonnullos qui multa polliceri solent, & accipiūt antea mercedem, deinde nihil seruant promissorum, & ii sunt digni reprehensione, & compelluntur tales petere antea, quia nemo daret postea pro iis quæ sciunt, quia vana sunt quæ sciunt, & captiones quædam inanes pro quibus nihil debetur. [SUFFICIENTI scocio.] Hæc est sententia Hesiodi, & videtur innui quod merces sit statuenda ab eo qui suscipit. [SED EORVM inter quos subministratiōis.] Ostendit nunc philosophus quomodo debet fieri remuneratio in iis amicitia & societatibus, in quibus non fit pactio. Nam in prædictis cadit pactio vel requisitio operis. Conductor enim alicuius operarii requirit, & exigit operā ab illo, & discipulus flagitat doctri- nam à magistro, & tamen faciendum est sicut protagoras & Hesiodus dicebant quod recipienti statuenda repensio, & oportet statuere sufficientem mercedem. verum sunt nonnullæ amicitia, in quibus non fit pactio, quia per se ipsos exhibet amicitiaque philosophus primo ostendit quomodo statuendæ sint remuneratores in iis quæ sunt ob virtutem, deinde in iis quæ sunt ob vtilitatem, aut ob voluptatem: in quibus nulla est pactio. Dicit igitur quod in amicitia ob virtutē vbi non est pactio vlla, remuneratio statuenda, & faciendā est eiectione, quia verus amicus dat amici gratia, nulla intentione recipiendi, sed pro liberalitate, & operatione virtutis, & beneficentia qua prius videtur respicere amicum quā extraneum: ideo absunt querelæ ad huiusmodi amicitia. sic etiam videtur agendum in amicitia, quæ sunt inter adulescentes, & docentes philosophia, quia neque præceptor neque discipulus debet ponere determinatam mercedem, quia digna reperiri non potest dicit philosophus: sed electio debet esse mensura sicuti in virtute, cum philosophia obtinere videatur eā rationē in intellectu speculatio quā obtinet virtus in actiuo vel in appetitu. Vult igitur electio vt fiat sicut fieri potest, & si nō potest fieri digna retributio, fiat secundū possibilitatē, vt late patet in textu. (si vero non hoc pacto.) Declarat nunc philosophus successiue, quomodo debet fieri remuneratio & repensio in amicitia quæ sunt ob vtilitatem aut voluptatē, in quibus non est pactio. dicit ergo quod ad recipientem beneficiū etiam in istis videtur statuendā esse retributio. & primo probat hoc modo, si qui magis scit quanti est beneficium collatum debet statuere repensionem: sed is qui suscepit magis, & melius, scit quanti est beneficium collatum: ergo is qui suscepit debet statuere repensionem. hæc ratio & amicitia ob vtilitatem & amicitia ob iocunditatem potest esse communis. Probat idem exemplo rerū venalium in quibus emptor videtur statuere pretium. Nā venditor petit plus, emptor vero æstimat quantū vtilitatis aut iocunditatis sibi afferre potest, & ponit pretiū quod sibi videtur cōmodū & congruum pro vtilitate, aut iocunditate recipienda. Probat etiam idem auctoritate legū nonnullarum, quæ in quibusdam ciuitatibus vetat iudicia esse sponte contractarum rerum. i. contractuum

qui sunt certa pactione sponte ab utroque contrahentium facti. Nam ille qui credidit & dedit, videtur se permisisse fidei recipientis, & hoc putant esse seruandum. volunt enim vt stetut fidei, & iudicio eius cui permisit cū sit repensio. sed debet dicit philosophus ii qui suscipiūt beneficia æstimare, & statuere remunerationē, secundū indigentia quam habebant ante beneficii susceptionem, quia postea facile decipiuntur. Ex iis omnib<sup>9</sup> patet quod is debet statuere remunerationem qui accepit beneficia non is qui contulit, & hoc videtur probasse philosophus supra per totū tam in amicitiiis & societatibus quæ sunt cū pactione, quàm in iis quæ sponte fiunt. Sin vero accideret vt animus conferentis responderet iudicio recipientis tunc remuneratione esset vtriusque accommodata, & id est quod dicit philosophus, oportet forsitan remunerationem fieri iudicio vtriusque sed si id non accidat vt concurrant in iudicia & conueniant, tunc ex parte recipientis repetenda videtur qui nouit, & animaduertere debet quanti sit beneficiū susceptum, & quantum sibi profuerit, & quanti æstimabat antequam susceperet.

*Quod singulis pro dignitate sunt beneficia rependenda. Cap. II.*

**A**bent autem & talia dubitationē: vtrum oporteat omnia patri tribuere, in omnibusque temperare. An ægrotanti quidem parendum sit medico. Deligenti vero ducem exercitus, deligendus sit rei militaris peritissimus homo. Simili modo: vtrum amico sit potius, an studioso subministrandum. Et benefactori reddenda sit gratia, an sodali potius dandum: si vtrūque fieri nequeat. Omnia igitur talia, exacte determinare, non est facile. Multas enim ac varias habent differentias: & magnitudine, & prauitate, & honestate, atque necessitate. Verum non omnia eidem esse tribuenda non est obscurum. Atque beneficia plerumque reddenda sunt potius, quàm est largiendum amicis: sicut & mutuum reddendum est potius cui debeas, quàm dandū sodali. fortasse autem neque hoc agendum est semper: vt redemptū à prædonibus vtrum eum qui ipse redemit, redimere vicissim oporteat quicūque is sit: aut non capto quidem, repetenti vero mutuum reddere: an redimere patrem? Videbitur enim patrem potius quàm se etiam redimere illum oportere. Debitum igitur (vt diximus) simpliciter est reddendum. Si vero datio honestate, aut necessitate excedat: ad hæc ipsa est declinandum. Interdum enim neque est æquum beneficium retribuere: cum alter quidem in studiosum, sciens studiosum esse, contulit beneficium, alter autem illum flagitiosum esse existimat. Nonnunquam enim nec ei qui mutuauit vicissim est mutuandum. Nam ille quidem putans se recepturū, bono mutuauit viro: hic autem non sperat à prauo recipere. Siue igitur reuera hoc sic se habeat, nō æqualis est dignitas. Siue non ita quidem se habeat, putet autem sic se habere: non videbitur absurde facere.

**Q**uod igitur sæpe est dictū, sermones qui de affectibus, actibusve fiunt, perinde habent definitionē, vt ea circa quæ sunt. Non eadem igitur vni uersis esse reddenda, neque patri cūcta (quemadmodum neque Ioui sacra omnia dantur) non est obscurum. Quod si diuersa tribuenda sunt parentibus, & fratribus, & sodalibus, & beneficiis, tribuenda sunt singulis sua, quæque ad quemque accommodantur. Sic autem & facere videtur. Nā ad nuptias vocant cognatos. Genus enim iis est commune. quare & actus qui circa hoc sunt. Et ad sponsalia etiam maxime cognatos propter idem putant accedere oportere. Videbitur autem parentibus

maxime alimentis filios vt debentes, opitulari oportere: & honestius esse iis qui causa sunt essendi, quàm sibiipsis subuenire. Houorẽ etiam vt diis tribuere oportet, non omnem autem parentibus: neque eundem patri matrìque, neque sapienti, aut imperatori. Sed patri paternum, & similiter matri maternum. Omni quoque seniori honor est tribuendus, qui ad ætatem accommodatur, assurgendo, locumve cedendo, & talibus. Sodalibus autem atque fratribus præstada est libertas, omniumque communitas, atque cognatis, & iis qui sunt eiusdem tribus, & ciuibus ac cæteris vniuersis semper est enitendum id quod accommodatur tribuere, & comparare quæ insunt singulis ratione familiaritatis, & virtutis, aut vtilitatis. Eorum igitur qui generis sunt eiusdẽ facile est iudiciũ. differentium autem est difficilius. Non tamen ob hoc desistendum est, sed vt fieri potest, ita est distinguendum.

*Commen.*

**H**ABENT autẽ & huiuscemodi res dubitationẽ. ] Hoc est secundum capitulum huius tractatus, in quo affert quassã dubitationes circa officia, & remunerationes quæ sunt ad amicos & eas soluit ostendendo quod cuique tribuendum est secundum dignitatem. Diuiditur autem hoc capitulum in duas partes. In prima affert dubitationes. In secunda eas soluit. Primo igitur videtur afferre tres dubitationes quæ pertinent ad officia humana cuiusque perfectionis, & artis videlicet. Prima ratio, vtrum oporteat filium tribuere omnia patri, & in omnibus obedire, & statim infer sententiam oppositam, & probationem innuere videtur exemplis. San ægrotanti filio parendum sit magis medico, quàm patri, nec dubium hoc esse videtur, nam potius debet parere medico: nec videbitur in hoc contra officium facere, nec etiam si ad gubernationem exercitus eligat peritum rei militaris ducem potius quàm ineptum quem pater expetere. Secunda dubitatio est, an magis sit amico dandum an studioso viro. Tertia est, reddenda ne sit gratia benefactori an sodali dandum potius. [ OMNIA igitur talia. ] Hæc est secunda pars huius capituli, in qua philosophus incipit declarare has quæstiones, & primo videtur soluere in genere, & quoquo modo excusare, quod non potest omnino afferri exacta solutio propter varietatem, quia videbitur officium potius faciendum ex eo quod est maius: nunc quia honestius nunc quia magis necessarium, variis enim de causis quæ variantur in vita ipsũ officium variari videtur, vt in libro etiam de officiis ostendit Cicero, vt multa affert ad hanc materiam accommodata. verum si volumus dare quandam regulam vniuersalem, dicere possumus quod non omnia eidem tribuenda sunt, sed vnicuique vt decet, & vt oportet tribuendum est. [ ATQVE beneficia plerunque reddenda. ] Incipit magis particulariter soluere philosophus, & primo illas duas vltimas. i. secundam & tertiam quæstionẽ, dicendo quod vt plurimum benefactori, & bene de nobis merito reddere potius beneficia debemus quàm sodali conferre. Nam cum duo genera liberalitatis sint vt inquit Cicero, vnum dandi beneficium, alterum reddendi, demus nec ne in nostra potestate est, non reddere bono viro non licet si modo id facere possit sine iniuria. Reddendum est igitur vt plurimum, & dicit plerunque id faciendum esse, & non semper quia euenire potest vt illud fieri non debeat vel aliud potius fieri vt exemplo redimentis, & patris capti ostendit in textu. Simpliciter itaque debitum benefactori est reddendum, sed secundum quid, id est interdum non videtur id esse agendum, veluti cum honestius vel magis necessarium est amico fame pereunti subuenire, quàm benefactori beneficium referre: eodem pacto dicere possumus quod depositum simpliciter est reddendum: sed interdum euenit vt non sit reddendum, veluti si quis gladium apud te sana mente deposuerit, repetat insanus non reddere vt inquit Cicero officium sit. Aliquando etiam beneficium retribuere non est æquum vt boni, & prauis, & mutuat, & mutuo accipietis exẽplo ostendit in textu philosophus, sed excusat se postea ab exacta determinatione atque doctrina ob varietatem rerum quæ circa hanc materiam contingunt de affectibus & actibus humanis. [ NON eadẽ igitur vniuersis. ] Soluit philosophus illam primã quæstionẽ, ostendendo quod non eadẽ omnibus, sed vnicuique, & singulis tribuenda sunt ea quæ decent, & declarat quæ parentibus, quæ fratribus, & quæ propinquis tribuenda videntur, & discurret per singula officia vt patet in textu de manifeste concludendo, quod semper enitendum est id quod accommodatur decetque tribuere, sunt enim officia vt Cicero inquit, quæ magis aliis quàm aliis debeantur, vt vicinum citius adiuueris in fructibus percipiendis quàm familiarem, at si in iudicio est propinquum potius, & amicum quàm vicinum defenderis & similia.



<sup>12</sup> **E**st etiam dubitatio, si dissoluendæ sint amicitia, necne ad eos qui non permanent. An ad eos qui ob vtilitatem aut voluptatem amici sunt, cum hæc non habent: non est absurdum dissolui? Illorum enim erant amici: quibus deficientibus, rationi consonum est amare. Inculauerit autem quispiam si ob vtilitatem aut voluptatem amans: ob mores simulat amare. Quod enim superius diximus: plurimæ sunt inculcationes inter amicos cum non similiter putant, & sunt amici. Cum igitur quispiam sua se opinione fefellerit, putaueritque ob mores amari nihil illo tale agente, tum seipsum is accusare debet. Cum vero à simulatione illius deceptus fuerit, tum eum qui decepit, iustum accusare: & magis quàm eos qui nummos adulterinos conficiunt, quanto maleficium ipsum circa præstabilius est. Quod si acceptat ut bonum, factus est autem prauus, atque videtur: est ne amandum? An impossibile est? siquidem non omne quoduis est amabile, sed bonum. Neque autem dignum est paruum amicum habere, neque oportet. Non enim amatorẽ prauorum esse oportet, neque similem euadere prauo. Dictum est autem simile simili esse amicum. Est ne igitur statim amicitia dissoluenda, an <sup>14</sup> non omnis: sed in qua est incurabilis ob prauitatem? Qui autem emendari possunt, iis magis ferendum est in moribus auxilium quàm in pecuniis: quanto præstabiliiores sunt & magis amicitia proprij. Nihil autẽ absurdi videbitur facere, qui amicitiam dissoluit. Non enim huic aut tali amicus erat. Cum igitur mutatum ad priores mores redigere nequeat: <sup>15</sup> sese ab illo seiungit. Quod si alter permaneat, alter magis bonus euadat, multumque virtute differat: est ne vtendum amico? An fieri nequit? In magna autem distantia maxime manifestum sit: ut in amicitiiis quæ à pueritia contrahuntur. Nam si alter mente permaneat puer, alter optimum in virum euaserit: quonam modo fuerint amici? cum neque eadẽ ipsis placeant, neque eisdem gaudeant, doleantque. Neque enim hæc erunt in ipsis. Sine vero his esse amici non possunt, simul enim ipsos viuere impossibile est. Atque de his antediximus. Oportet ne igitur ipsum non secus ad illum sese habere, quàm si amicus nunquam fuisset: an factæ memoriam consuetudinis habere oportet? Atque ut amicis potius quàm extraneis arbitramur gratificari oportere, sic & iis qui fuerunt amici, tribuendum est aliquid ob amicitiam quæ antea fuit. Cum nõ ob exuperationem prauitatis est dissolutio facta.

*Commen.*

<sup>12</sup> **E**st etiam dubitatio si dissoluendæ sint. Hoc est tertium capitulũ tractatus in quo philosophus postea quã in præcedẽtibus declarauit quomodo debet fieri remunerationes in amicitiiis, & præsertim in vtilibus, & iocundis, & quomodo officia sint seruanda erga vnũquẽque, & alia multa quę p̄tinere videbãtur ad seruandã amicitia, tũc asserre videtur dubitationes, & quædam alia, quæ spectant ad dissolutionem amicitiarũ, & primo de amicitiiis vtilibus, & iocundis soluere videtur: cũ dubitando dixerit vtrum sint amicitia dissoluendæ altero amicorũ non permanẽte. Diuiditur autẽ hoc capitulũ in duas partes. In prima, ut diximus, loquitur de amici-

tiis quæ sunt ob vtilitatem aut iocunditatem. In secunda de amicitia quæ sunt ob virtutem. Dicit igitur in primis quod dubitasset quispiam si dissoluenda sit amicitia altero amicorum non permanente, & soluere videtur quod dissoluenda sunt amicitia illa, quæ propter vtilitatem aut voluptatem constabunt, quia cessant causæ amicitia: deinde continuando dicit quod quispiam eum incusabit, qui cum amaret ob voluptatem vel vtilitatem, simulabat se amare ob virtutem, & mores. Hinc enim querelæ in iis & in culationes oriuntur, verum cum is decipitur credens se amari ob virtutem, cum nullum signum faciat amator amandi eum ob virtutem, & mores, tunc debet accusare seipsum, & ignorantiam suam. Sin vero deceptus fuit ob simulationem amantis, tum accusare merito debet illum simulantem, & iure de eo conqueri, quia fraudem commisit circa amicitiam, quæ non minor esse videtur quam circa nummos, cum sit amicitia longe præclarius quam nummus. Possumus etiam introducere hunc textum quod philosophus quasi dicat dubitando, si reprehendendus sit amicus ab altero qui amans ob vtilitatem vel iocunditatem simulabat se amare ob virtutem, & postea quod philosophus soluat dicendo, quod si amator nullum fecerit signum amandi ob virtutem, debet amatus seipsum arguere si credit se diligere ob bonos mores, sin vero decipitur ob simulationem amantis tunc iure conqueri debet de tali amico ficto. [ QVOD vero accipiat ut bonum. ] Hæc est secunda pars huius capituli, in qua philosophus videtur asserere quatuor dubitationes siue questiones circa amicitias quæ sunt ob virtutem constata, & eas deinde soluere ut patebit. Prima questio est. Vtrum sit dissoluenda amicitia ea, in qua alter amicorum bonus amabat alterum ut studiosum, & is postea, quem ille ut studiosum probat euasit prauus, soluit philosophus dicendo quod oportet, & decet soluere talem amicitiam, & ostendit quod durare non potest: primo quia prauus non est amandus, præsertim à bono viro: deinde, si vir bonus amaret amicum qui euasit prauus, tunc videretur euadere similis illi. Dicitur enim simile simili esse amicum, sed esset absurdum quod bonus similis euaderet prauo, ergo est dicendum quod bonus non eum amabit amplius, nec ulterius inter eos constabit amicitia. [ E S T N E igitur statim amicitia. ] Secunda est questio quæ videtur præsupponere primam. Nam cum bonus vir soluere debeat amicitiam cum eo qui euasit prauus, statim ne est dissoluenda talis amicitia, & dimittendus talis amicus? & respondere videtur philosophus soluendo quod talis amicus, aut ita est prauus factus ut possit curari, & corrigi, aut ita ut sit insanabilis: si primo modo est ut sit sanabilis, tunc adhibenda est cura & diligentia, ut ad bonam frugem, & pristinos mores bonus quo ad fieri potest reuocetur, & liberetur ægritudine animi, & subsidium ferendum est ei quod longe magis ad officium pertinere videtur quam si pecuniis indigenter iuaret, cum longe sint præstabiliores ipsi mores quam pecunia: sin vero secundo modo est ut sit insanabilis, dissoluenda est omnino amicitia. [ N O N enim tali. ] Scilicet prauo existenti erat amicus. [ QVOD si alter eodem in statu. ] Tertia questio est qua dubitando dicit philosophus, sint duo amici, alter maneat in statu, alter vero euadat studiosissimus, & excedat illum alterum in virtute vehementissimis, queritur vtrum ille valde studiosus habeat vel habere ipsum oporteat talem amicum, ubi est tanta differentia. Soluit philosophus dicendo quod fieri non potest ut seruet amicitiam cum eo propter nimiam distantiam & dissimilitudinem: amicitia vero necessario consistit in similitudine, unde postea oritur conuersatio qua maxime fit, & conseruatur amicitia. quare philosophus hoc probat exemplo amicitia quæ in pueritia contrahitur, & probare videtur hoc modo, Qui non possunt conuersari, & viuere simul non possunt esse amici, sed taliter distantes sunt huiusmodi, ut non possint conuersari & viuere simul quia non delectantur, nec dolent eisdem: ergo non possunt esse vel conseruari amici. [ O P O R T E T ne igitur ipsum. ] Quarta est questio quæ videtur præsupponere præcedentem, qua dubitando dicit an is amicus virtute excellens debet ita posthabere amicum qui remansit in statu suo ut se habeat ad eum tanquam ad extraneum quendam, qui nunquam sibi fuisset amicus. Soluit dicendo quod debet seruare memoriam eius, & illi magis succurrere, & gratificari quam alienis, nisi ob magnam prauitatem dissoluta sit inter eos amicitia. Notandum pro iis quæ dicta sunt in penultima questione: quod si duo sint amici, & alter euadat studiosissimus, alter permaneat in eodem gradu soluenda est amicitia. Hoc videtur dubium cum antea posuerit amicitiam esse posse aliquam in excellentia inter personas inæquales, & distantes inter se, cum tribuitur vnicuique secundum dignitatem, non ergo fiet dissolutio. Quare intelligendum quod philosophus loqui videtur hic de amicitia exactissima & perfectissima: cum dicit quod inter huiusmodi distantes non erit vel non durabit amicitia, scilicet quæ est perfecta, & quæ requirit similitudinem morum, & æqualitatem quantitatis, & eiusdem perfectionis. Nā amicitia illa inæqualium personarum & quæ consistit in excellentia: forsitan esse poterit inter tales distantes, si fiat ad æquationem secundum dignitatem, & similitudinem rationis ut ille qui remansit in eodem gradu tribuat excellentiori quod ei tribuendum est: sed illa perfecta amicitia consistens in æqualitate eiusdem quantitatis, & perfectionis ob virtutem de qua nunc videtur loqui philosophus, in tanta distantia seruari non potest, cum studia, conseruationes, conuiuius, exercitia, & alia quibus fieri & conseruari tales amicitia solent, sint apud tales diuersa.

*Quæ opera amicitia: & quòd non sint prauorum.**Cap. IIII.*

**A** vero quæ ad amicos attinent, & quibus amicitia definitur: ex iis quæ ad seipsum quisque facit profecta esse videntur. Ponunt enim amicum esse, qui vult & agit bona, vel quæ videtur, amici gratia, aut eum qui vult esse, viuereque amicum gratia ipsius amici. Quod quidem matribus ad suos accidit filios, & iis amicis qui sunt offensi. Quidam autem eum esse dicunt, qui versatur vnà cum amico, & eadem expetit: aut eum qui dolet vnà, atque gaudet cum amico. Maxime autem & hoc matribus accidit. Horum etiam aliquo, & amicitiam ipsam definiunt. Vnumquodque autem horum, viro competit erga se bono: reliquis vero ea ratione qua tales esse existimat. Videtur autem (vt dictum est) virtus & studiosus ipse, vniciuique esse mensura. Hic enim sibi ipsi consentaneus est. Ac eadem affectat anima omni & vult igitur sibi ipsi bona, & quæ apparent, ac agit. Est enim viri boni, bonum agere: & sui ipsius gratia. Mentis enim causa, quæ quidem vnusquisque esse videtur. Et vult etiam se viuere, saluumque esse: atque id maxime quo sapit. Est enim bonum homini studioso, esse. Vnusquisque autem sibi vult ipsa bona. Factus vero alius: nullus expetit cuncta illud quod est factum habere. Habet enim & nunc deus summum bonum: sed est id quod est ipse. Videtur autem id vnusquisque esse quod intelligit, aut maxime. Atque talis secum degere vult, libenter enim hoc cum voluptatēque facit. Nam & actarum rerum recordatio periocunda est: & futurarum spes bona. Talis autem afficit voluptate. Et insuper contemplationibus mente abundat. Præterea maxime secum vnà dolet, atque lætatur. Idem est enim omnino ipsi molestum, atque iucundum: & non aliàs aliud. Est enim sine pœnitentia prorsus. Ex eo igitur quia vnumquodque ipsorum ad seipsum competit studioso: ad amicum autem sic se habet vt ad seipsum (amicus est enim alius ipse) & amicitia videtur horum aliquid esse: & quibus hæc insunt videntur esse amici. Quærere vero vtrum ad seipsum sit, an non sit amicitia: nunc omittamus. Videbitur autem hoc amicitia esse: quo duo vel plura ex iis est quæ sunt dicta. Et quòd exuperatio amicitia, similis est ei quæ ad seipsum. At vero videtur ea quæ dicta sunt & ipsis multis inesse, quāuis sint prauī. An hoc participes ipsorum sunt, quo sibi ipsis placent, & bonos se esse existimant? Nam eorum qui vehementer sunt prauī atque nefarii, nemini hæc insunt: sed nec inesse videntur. Fere autem neque prauis. Dissident enim secum & alia quidem cupiunt: alia autem volunt: vt incontinentes. Nā iis quæ bona sibi videntur, anteponunt ea quæ voluptate afficiunt, atque nocent. Quidam rursus ob formidinē atque inertiā eas agere res omittunt quas putant sibi ipsis optimas esse. Qui vero multas res graues atque nefandas egerunt: vitam ob prauitatem odio habent ac fugiunt, sibi que mortem consciscunt. Quærunt præterea alios ipsi flagitiosi qui-

buscum conuerſentur: ſe vero ipſos fugiunt. Nam ſi ſint ſecum, recordā-  
tur multarum, grauiūque rerum: & ſperant alias tales. Si cum aliis au-  
tem ſint obliuiſcuntur. Atque cum nihil habeant quod ſit amabile: nul-  
la re proſus afficiuntur ad ſeiſſos, quæ ad amicitiam attinet. Neque igi-  
tur vna ſecum gaudent, atque dolent. Eſt enim eorum anima in ſeditio-  
ne. Atque interdum ob prauitatem dolet: abſtinens à quibuſdam inter-  
dum lætatur. Et hæc quidem pars huc, illa autem illuc trahit vt diuellē-  
tes. Quod ſi fieri nequeat vt doleat ſimul atque lætetur: at paulo poſt do-  
let, quod lætatus fuit, & nolle ſibi ipſi illa voluptati fuiſſe. Improbi nan-  
que pœnitentia ſunt reſerti. Improbis igitur: ne erga ſe quidem amice  
affectus eſſe videtur, propterea quod nihil habet quod ſit amabile.  
Quod ſi ita ſeſe habere vehementer eſt miſerum: totis viribus fugienda  
eſt prauitas, & enitendum eſt bonum eſſe. Sic enim ad ſeiſſum habebit  
amice: & alii amicus poterit eſſe.

## Commen.

**E**A VERO quæ erga amicos agenda ſeruandæq; ] Hoc eſt quartū capitulum huius tracta-  
tus, in quo poſtea quā declarauit plura quæ pertinere videbantur ad conſeruatiōē, & diſ-  
ſolutionem amicitia, nunc docet de operationibus amicitia æfferendo originem earū, &  
oſtendendo quæ, & quot ſunt. Nam inter cætera tria eſſe videtur quæ cōpetunt amicitia  
veræ tanquā opera quædā atque officia, ppria: beneficentia, beneuolentia, concordia, ſive vtriuſ-  
que conſenſus, & iſta videtur oriri ex amore quo quis ſtudioſus, & bonus vir ſeiſſum amat. Di-  
uiditur autē hoc capitulū in tres partes, quæ ſuis locis patebūt. In prima autē dicit philoſophus  
q̃ operationes, & officia amicitia quæ ſeruanda ſunt erga amicos, originem habent ex iis quæ  
quiſque ſibi facit & tribuit. Amicus enim dicitur alter ipſe. Notandū ex iis quæ ſibi quiſque tri-  
buit omnia pene opera atque officia proſiciſci videtur quæ amicus erga amicum ſeruare debet.  
Ex ſe igitur originem habent, non tamen quomodo cunq; ſe habente, & indifferenter accepto,  
ſed ex ſeiſſo bono, & ſtudioſo exiſtente viro. is enim meſura & regula eſſe videtur rerum agē-  
darum & affectuū omnium. [DEFINIENTES enim.] Aſſert nunc ea philoſophus quibus de-  
finiri videtur amicitia. Complures enim priſcorum definiētes amicum tribuere ei videbantur  
illa tria quæ colligi videntur ex definitionibus illorum, ſcilicet beneficentiam, beneuolentiam,  
concordiam. Nam ii qui dicunt amicum eſſe qui amici gratia vult, & agit bona, innuere videtur  
beneficētiā: qui vero dicunt eum eſſe amicum qui vult eſſe, & viuere amicum, innuere viden-  
tur beneuolentiā. Quidā autē dicentes amicum eſſe qui verſatur cum amico, & eadem expetit,  
innuere videtur concordia, & idē velle atque idē nolle. Sic igitur iſta tria colligi videntur ex de-  
ſinitionibus antiquorum, quæ & ſi ſint opera, & officia amicitia, tamen videntur habere originē  
ab amore quo ſeiſſum quis amat, vt patebit inferius. Eſt autem primum in ordine beneficentia,  
in qua tres requiruntur conditiones. ſ. vt beneficiis vti in amicitia velit, agat, & agat amici gra-  
tia, ea quæ ſunt bona vel quæ ſibi videntur bona, quod adiunxit, quia amicus facit ea quæ credit  
eſſe bona. quod ſi aliter eueniat præter intentionem ſuam, hoc non obſtat quin faciat amici offi-  
cium, quia non ſtetit per eum. Secunda definitio pertinere videtur ad beneuolentiā, quæ & ſi  
videatur eſſe extenſa in omnibus iis, tamen magis videtur elucere hic, ſcilicet velle eſſe & vi-  
uere amicum, & hoc naſcitur ab eo quod quiſque ſeiſſum amat, & vult ſeiſſum viuere. quod ſi  
amicus eſt alter ipſe, merito idem optabit erga illum. Tertia definitio pertinere videtur ad cō-  
cordiam, vbi tanguntur tria, ſimul conuerſari quod eſt actus externus: eadem expetere, & velle,  
quod eſt actus internus: & gaudere dolerēque eiſdem, quod eſt affectus internus, vt patet. No-  
tandum quod amicitiam dicit philoſophus deſcribi aliquo iſtorum vel omnibus, non tamen eſt  
propria definitio talis niſi à poſterioribus quibuſdā. Nā definitio proprie dicta datur per eſſen-  
tialia, & ppria, & ita definita eſt antea à philoſopho amicitia à quibus conſtituitur,  
& explicatur eſſentia, & natura amicitia. Hæc autē quæ ſupra allata ſunt ſequuntur, & præſuppo-  
nunt amicitia cum ſint opera, & officia quæ ab ea p̃ficiſcuntur. Quare definitio ex talibus à poſte-  
rioribus quibuſdā criticis interdū demōſtratio quædā dicitur eſſe à poſteriori, & ſiquis dice-  
ret amicitia ſuperius definita eſt p̃ beneuolentiā quā per aliquod prius, dicendū q̃ beneuolētia  
ſumebatur ibi vt genus, & vt habitus vel diſpoſitio quædā: hic vero vt operatio. Nō enim vni-  
verſariā beneuolētia ſumitur, vt etiā antea diximus. [E T IISCE amicis qui ſunt offenſi.] Hoc addere

videtur philosophus vt ostendat hoc esse signum quòd amicus vult amicum esse, & viuere gratia ipsius amici, quia etiam inter eos vbi aliqua offensæ vel contentiones cecidere, remanet tamen beneuolentia quædam qua ei exoptat bona, nulla causæ suæ vtilitatis, aut voluptatis: sed tatum amici gratia. [A T qui horum vnumquodque.] Hæc est secunda pars huius capituli, in qua ostendit quomodo ista quæ tribuuntur amicis se habent ad virum bonum, & quomodo vir bonus hæc sibi ipsi tribuit & videtur innuere duas cõclusiones: prima, id quod est mensura, omnium rerum agendum, & humanarum operationum est etiã mensura ipsius amicitia: qua quis seipsum amat: sed vir bonus, & ipse vir studiosus, & bonus est huiusmodi, ergo virtus & vir studiosus, & bonus est mensura amicitia: qua quispiam seipsum amat. Patet ratio ex dictis philosophi q. electio, & virtus & omnino ipse studiosus vir, est mensura rerum humanarum. Nam in vnoquoque genere id summum esse videtur pro mensura quod est perfectum in eo genere, & omnia deinde dici solent magis, vt minus perfecta prout magis vel minus distant à perfectissimo. Vnde cum homo studiosus perfectus esse videatur in specie humana, merito dicitur quod ex eo sumitur mensura tantquam in saporibus diiudicandis ex gustu sano, & incorrupto, & non ex prauo, & egro accipi indicium solet. Secunda conclusio, ex eo homine cui primo, & per se competunt ea quæ pertinent ad amicitiam sui, proficiuntur ea quæ ad amicitiam spectant amicorum: sed vir studiosus est huiusmodi, ergo ex viro studioso proueniunt ea quæ ad amicitiam spectant amicorum. Patet ratio, quia viro bono, & studioso competunt primo, & per se omnia illa officia amicitia, & munera & operationes beneficentia, & beneuolentia, & concordia. Reliqui vero tantum, quantum se existimant esse bonos. Studiosus autem primo, & per se cum sibi sit consentaneus, & eadem affectet omnibus viribus animi, quia eadem in eo vulnatio, & appetitus sensitiuus: qui & si interdum repugnat rationi, tamen in viro bono obtemperat, & vnitur ei, & ideo eadem expetit nulla parte vel potentia animi repugnante. Nam sicut in quinto diximus de iustitia illa platonica quæ dicebatur esse sui ad seipsum, & potentia ad potentiam, & quod videbatur esse causa iustitia: ad alium: sic de amicitia dicere possumus quæ est sui ad seipsum, id est partis ad partem, vel potentia ad potentiam, quæ videtur esse origo amicitia: ad amicum, & quasi idea atque exemplar, & hoc studioso maxime videtur competere, quia vult sibi bona per se cum se amat, & gratia sui ipsius, id est mentis quæ est in principe in eo. Nam per appetitum videtur esse animal, per rationem & mentem videtur differre à brutis. Aget igitur bona gratia mentis suæ, hæc autem sunt illa quæ pertinent ad bonos mores, & speculationem rerum altissimarum, & quæ perficiunt vtrumque intellectum, scilicet tam actiuum quam speculatiuum. Viuere igitur vult, & potius vita secunda, id est operatione, & operatione ea quæ est mentis atque intellectus. Vnusquisque autem exoptat sibi bona, quæ sibi sunt bona, & non aliena: hominis autem bona proprie sunt mentis bona, quod si esset factus alius veluti per impossibile quædam bellua vel similis bellua ob prauitatem & vitia: si inquam factus esset alius non peteret sibi illa bona adesse, quæ nunc expetit, & vt accedamus per verba philosophi nullus factus alius, scilicet ad seipso expetit cuncta habere, id est, vt cuncta habeat illud tale quod factus est, scilicet aliud à se, id est à mētē sua quæ videtur esse præcipua pars vel principale quiddam in eo, veluti factus equus non expeteret bona hominis, sed equi, & factus leo non expeteret bona hominis, sed leonis, & sic de aliis: vnusquisque enim expetit sibi accommodata, & propria bona vt equus equina, homo ea quæ sunt rationis & mentis. Deus autem cum sit perfectissimus, habet in se suum summum bonum, & sibi proprium quod nullo pacto cuiquam alii cõpetit præterquam ipsi. Et addit postea, quod videbitur autem id esse quicquid quod intelligit, non simpliciter quicquid homo videtur esse id quod intelligit. i. intellectus & mens, sed maxime, quod adiunxit quia homo non est solum mens: sed quædam tertia entitas, quauis mens sit præcipuum, & principale quid in homine, & forsitan id etiam adiunxit ne videretur omnino sequi opinionem Platonis, qui animam nostram appellabat hominem: corpus autem quasi vestem hominis. Postea dicit philosophus quod vir bonus secum degere vult: & secum viuere, quia gaudet memoria, & conscientia recte factorum, & spe bona futurorum, & cum habet mentem tranquillam, & alienam à perturbationibus contemplatione abundat, & gaudet, in qua magna pars felicitatis humanæ contineri videtur. Ex quibus patet quod cum hæc omnia enumerata quæ sunt officia, & operationes beneficentia, & beneuolentia, & concordia competunt primo, & per se viro studioso vt est amicus sui ad seipsum, competunt etiam ei vt est amicus ad alterum, & ex eo tanquam ex origine, & fonte proueniunt hæc quæ ad ipsam amicitiam pertinere diximus, & hoc etiam patebit magis nunc inferius. [HOC igitur ipso quod vnumquodque.] Declarauit philosophus viro studioso competere vt agat ea omnia erga se quæ ad amicitiam pertinent, ex quo habet statim conclusionem illam probatam, quod ex eo quod vir studiosus facit erga se omnia quæ pertinent ad amicitiam amici qui est alter ipse, coniectari possumus amicitiam esse aliquid horum, vel omnia quæ facit is erga se, qui se vehementer amat: hi sunt amici dicit philosophus, qui faciunt erga suos amicos ea quæ vir studiosus facit erga seipsum, & sic concluditur sententia sua quem ostendebat probare, quod officia & operationes amicitia, & amicorum, originem habent ab amicitia, qua vir studiosus seipsum amat. [QVAE-  
RERE vero vtrum ad seipsum.] Videtur hac in parte se excusare philosophus à determinatione

huius questionis. scilicet utrum sit amicitia ad seipsum, quod videbatur presupposuisse superius. quare et autem aliquis utrum ad seipsum sit amicitia, & dicit quod hoc est omittendum nunc cum antea tetigerit, & inferius dicit nonnulla, ex quibus oriri videtur solutio huius questionis, quoniam etiam hic tangat aliqua ex quibus conicere, & probare possumus amicitiam esse ad seipsum. Nam dicit quod illa videtur amicitia à qua proficiuntur duo vel plura eorum quæ diximus. scilicet pertinere ad amicitiam, sed ab amicitia ad seipsum proficiunt aliqua supradictorum vel omnia: ergo illa videbitur esse amicitia. Præterea alia ratione idem videtur ostendere hoc modo. Id videtur esse amicitia cuius similitudine dicitur exuperatio amicitia. id est amicitia perfecta quæ summa est amicitiarum, & ideo dicitur exuperatio ut antea declarauimus: sed amicitia sui ad seipsum est huiusmodi, ut eius similitudine dicatur perfecta amicitia, ergo amicitia sui ad seipsum est amicitia. Quanquam dicant nonnulli quod philosophus non vult quod sit amicitia sui ad seipsum per ea verba duo vel plura, quia amicitia debet esse inter duos vel plures, & ipse homo non est nisi vnus, quorum ego expositionem minime sequor. Notandum est igitur quod amicitia constat ob hoc, & ab ea proficiunt officia ea, quia vir studiosus amat seipsum, & sibi tribuit ea omnia, cōcedere debemus dispositionem siue benevolentiam qua se quisque amat esse amicitiam, & habere gradus sicut habet ista quæ sunt amicorum ad amicos. nam studiosissimus, & perfectissimus se magis amat quam minus studiosus, & sic successiue, veluti amicitia ad amicum est magis & minus. quod si quis dixerit non esse hic benevolentiam mutua, dicendum primo quod hæc amicitia sui ad seipsum est origo, & quasi exemplar atque idæa reliquarum. Vnde amicus sumere mensuram, & regulam debet ad exercenda officia erga alterum amicum. scilicet qualiter studiosus erga seipsum, deinde duo hic etiam in amicitia ad seipsum cadere videntur, appetitus & ratio, quæ quando cōueniunt, & vniuntur ita ut appetitus obtemperet rationi, tunc oriri videtur concordia, & amicitia quædam potentia ad potentiam, sicut de iustitia dictum est supra, & talis amicitia ad seipsum cum sit origo, & quasi idæa, aliarum præstantissima esse videbitur, & summa cum iocunditate coniuncta. [At vero videntur ea quæ dicta sunt.] Hæc est tertia pars huius capituli in qua philosophus ostendit quo pacto supradicta competunt hominibus qui non sunt studiosi. Dicit igitur quod ista videtur competere multis. id est multitudini & videtur ponere gradus ut sint quidam studiosissimi, quidam pessimi, quidam inter istos. ea igitur quæ dicta sunt supra, studiosissimo competunt proprie, pessimis nullo pacto, intermediis vero intantum competere videntur inquantum sese existimat esse bonos, & cum bonum ametur, ergo seipsum amat, & faciunt quoquo modo ea officia quorum supra meminit. id est intantum inquantum se bonos esse existimant. [Disident enim fecerunt & alia.] Declarat hac in parte philosophus, quod prauis hæc supra dicta amicitia opera non cōpetunt, & primo quod non cōpetunt eis officia beneficentia, probatur, his qui faciunt sibi nocua non competunt opera beneficentia: sed prauis sunt huiusmodi, ergo prauis non competunt opera beneficentia, & hanc rationem probat exemplo incontinentium, qui percipiunt meliora sequuntur tamen deteriora, & voluptuosa quæ sibi sunt nocua. Probat etiam idem alio medio, quia prauis omittunt agere ea quæ sibi essent optima, omittunt inquam ob inertiam quandam ut faciunt incontinentes secundum quid vel etiam molles. [Quod vero multas res graues.] Sequitur nunc declarando, quod prauis etiam non competunt opera quæ pertinent ad benevolentiam, quia habentibus odio lucem, & vitam ut sunt prauis non competunt officia benevolentia, & opera eius. [Quod vero præterea.] Ostendit tertio loco, quod prauis etiam non competunt officia concordia, quia non possunt secum conuersari, & seipsos fugiunt conscientia scelerum, & secum dissident nihil habentes boni quod ad amicitiam spectat, & eorum animus est in seditione, & seipsos punire tyrannos, ut ille poeta inquit, Haud alia ratione velis cum dira cupido Mouerit ingenium feruenti tincta veneno. Virtutem ut videant intabescantque relicta. Notandum quod totus iste ordo ut mihi videtur correspondet ex opposito illi quem tenuit philosophus, quando enarrauit ea superius quæ competunt bonis, ostendendo quod sibi sunt consentanei, & reliqua, quæ sibi successiue possunt, hic contra quæ reperiuntur in prauis successiue attulit ostendendo quod secum dissident & alia gradatim opposita bonis ut vidimus. [Quod si ita esse habere.] Concludit philosophus afferendo duas sententias obortas. Prima est quod cum summa miseria sit in prauitate constituta, omnibus modis fugienda est prauitas. Secunda contra quod probitas, & virtus est comparanda ut late patet in textu.

## De benevolentia.

## Cap. V.

**B**enevolentia autem, amicitia quidem est similis, non tamen est amicitia. Fit enim benevolentia: & ad ignotos & latens. Amicitia vero non fit. Hæc autem antea diximus. At nec etiam est amatio. Non enim habet extensionem nec appetitionem. Amationem autem hæc sequuntur. Et amatio quidem est cum



consuetudine. Benevolentia autem fit & repente: vt fit & erga certâtes. Spectantes enim beneuoli fiunt ipsis: & volunt bona. Nihil autem agerent simul. Quod enim diximus, repente fiunt beneuoli: & leuiter diligunt. Videtur igitur benevolentia principium amicitiae esse: sicut & ad amandi, voluptas ea quae per aspectum efficitur. Nemo nanque amat: si non antea delectatus fuerit forma. Qui vero gaudet forma, non continuo & amat: sed cum absentem desiderat, praesentiamque affectat. Sic igitur & amicos, impossibile est esse: nisi beneuoli fuerint. Beneuoli vero non continuo & amant. Volunt enim duntaxat iis bona, quibus beneuoli sunt. Sed nihil agerent simul: neque pro illis molestiam susciperent ullam. Quapropter quispiam per translationem principium ipsam amicitiae dixerit esse. Diuturnam autem factam, & ad consuetudinem accedentem, amicitiam fieri. Non eam quidem esse ob utilitatem: neque eam quae ob voluptatem est. Neque enim pro hisce benevolentia fit. Qui nanque beneficium accepit, retribuit pro iis quae accepit benevolentiam, faciens iusta. Qui vero vult aliquam prosperitatem habere, spe commodi alicuius consequendi per illum: non illi, sed sibi potius beneuolus esse videtur. Quemadmodum nec amicus si illi propter aliquem usum obsequium praestat. Omnino autem benevolentia ob virtutem, ac bonitatem aliquam fit. cum cuiuspiam quispiam pulcher, aut fortis, aut aliquid tale videtur: vt & in certantibus diximus.

## Commen.

**B**ENEVOLENTIA autem amicitiae quidem est similis. ] Hoc est quintum capitulum huius tractatus, in quo philosophus posteaquam declarauit ea quae ad amicitiam pertinent profluere ab iis quae bonus sibi ipsi tribuit, & ea reducebantur ad tria opera siue officia, scilicet ad beneficentiam, concordiam, benevolentiam. Nunc accipit ista philosophus docendo de singulis ea quae sunt cognitu necessaria, & primo de benevolentia. Diuiditur autem hoc capitulum in tres partes quae suis locis patebunt. In prima igitur parte incipit ostendere philosophus, quid non sit benevolentia, afferendo hanc conclusionem, quod benevolentia non est amicitia. Primo, quia amicitia est inter eos qui se mutuo cognoscunt: sed benevolentia potest esse erga ignotos. Item amicitia non est latens, benevolentia latere potest eum cui bona volumus: ergo benevolentia non est amicitia, quantum sit similis amicitiae, quia oportet omnes amicos esse beneuolos. non tamen est idem. [ A T nec etiam est amatio. ] Ostendit ulterius philosophus quod benevolentia non est amatio. Probatur, amatio habet extensionem & appetitionem: sed benevolentia non habet haec talia, ergo benevolentia non est amatio. Quidam expositor dicit quod amatio est intensus benevolentia, & sic nihil intererit inter haec duo nisi magis & minus: ita vt benevolentia, sit remissa amatio, & amatio intensus benevolentia. haec expositio & si tolerari potest, tamen mihi non satisfacit, quia amatio media esse videtur inter benevolentiam & amicitiam, sicut dealbatio inter duos terminos. Terminus a quo erit benevolentia, terminus ad quem ipsa amicitia, & hoc innuere videtur philosophus per illud quod dixit amatio habet extensionem & appetitionem. Appetit enim praesentiam amati, benevolentia non ita curat, vel dicere possumus habet appetitionem, id est est extensus appetitio. Praeterea probatur quod amatio non est benevolentia hoc pacto. Amatio est cum consuetudine, benevolentia esse potest sine consuetudine, quia repente fieri potest: ergo benevolentia non est amatio. Notandum quod benevolentia duobus modis considerari vel sumi potest, aut vt genus quod praedicatur de amicitia, aut vt species quae distinguitur ex opposito, ab amicitia tanquam altera species: ita vt sint duae species benevolentiae. scilicet amicitia & benevolentia sumens nomen generis. quando igitur philosophus accipit in definitione amicitiae benevolentiam, sumit eam quae est genus. Hic vero accipitur benevolentia quae est species, siue sit dispositio quaedam siue operatio: sed haec distinctio facta est antea in quadam dubitatione. [ VIDE T V R igitur benevolentia principium. ] Haec est secunda pars huius capituli, in qua philosophus posteaquam ostendit quid non sit benevolentia, nunc ostendit quid sit, dicendo quod est principium amicitiae. & probatur hoc modo, Sicut se habet voluptas per aspectum pulchritudinis ad

amorem qui fit propter pulchritudinem, sic beneuolentia respectu amicitiae: sed illa voluptas per aspectum est principium amoris, ergo & beneuolentia est principium amicitiae. Postea addit quod per translationem aliquis dicit beneuolentiam esse principium amicitiae, sicut nos dicere solemus cor esse fontem sanguinis. Nam ut à fonte scaturit aqua, sic à cor de emanare videtur sanguis, & spiritus per translationem quandam: sic etiam dicere possumus beneuolentiam esse principium amicitiae quasi per translationem quandam. Ipsa tamen beneuolentia si ei addatur consuetudo frequens, ut fit inueterata, fit amicitia, & erit tanquam terminus à quo, aliqui tamen textus habent hic ociosam amicitiam dicit, &c. Quod si ita se haberet quod mihi non multum probatur, tunc dicere possumus beneuolentiam esse quoquo modo amicitiam, scilicet ociosam, id est per translationem quandam. Nam sicut per amicitiam quis vult bona amico: sic per talem beneuolentiam: sed erit ociosa, quia non pariet operationes quas parit ipsa amicitia. Patet igitur quod beneuolentia de qua loquitur hic philosophus per translationem quandam dicitur esse principium amicitiae. Notandum quod rem aliquam fieri aliquid dicitur ut subiectum veluti homo fit albus: sed ex hoc fieri hac ratione priuationis ut ex immusico fit musicum, & ex pane fit sanguis, & ex femine fit animal: non quod seminis forma ibi remaneat: sed remota priore forma introducit altera denuo forma, ut in libro physicorum docet philosophus. Sic igitur beneuolentiam esse principium amicitiae dicimus per translationem, quia ex beneuolentia inueterata fit amicitia, non quod illa species manens quae distinguitur ex opposito tanquam dispositio ad habitum fiat amicitia: sed est dicendum quod ex tali dispositione oritur amicitia, ut igitur dispositio se habet ad habitum, similiter se beneuolentia ad amicitiam habere videtur, & ii mihi non satisfaciunt, qui dicunt beneuolentiam non esse principium materiale non formale, non finale, sed effectiuium. Mihi autem videtur quod possit dici etiam materiale, quia ex ea tanquam dispositione dicitur fieri amicitia, & ita destruitur illa dispositio, & generatur habitus: sin accipitur beneuolentia ut operatio, tunc dici potest principium instrumentale, & si volumus effectiuium vel etiam materiale ob subiectum in quo dicitur esse. Intelligendum est autem quod si ponere ordinem velimus in istis ut sunt ad homines, considerare possumus proficere à voluntate beneuolam operationem, deinde beneuolentiam quae fit ut dispositio quaedam, postea amationem succedere quae fit operatio praecedens amicitiam, quasi amica operatio. Demum amicitia quae est habitus ex qua postea proficiuntur officia amicitiae, siue sint beneficentiae, siue beneuolentiae, siue concordiae. Beneuolentia autem ut dispositio vel operatio praecedens dici principium potest amicitiae, principium inquam materiale si consideretur ut ex quo fit effectiuium vero si sumatur ut quod facit. [NON eam quidem quae ob utilitatem.] Hae est tertia pars huius capituli, in qua philosophus declarat cuius nam amicitiae beneuolentia non dicatur esse principium, & cuius dicatur. & primo ostendit quod non est proprie principium amicitiae quae fit ob utilitatem, aut voluptatem. Probatur, si beneuolentia est pro eo, & gratia eius bona volumus, profecto beneuolentia non erit principium amicitiae ob utilitatem, aut voluptatem. At primum est, ergo secundum. Patet ratio, quia in amicitia utilitatis, aut iocunda beneuolentia non videtur esse pro illo, sed pro se, & pro sua utilitate vel voluptate, & hoc etiam percipi inde potest, quia interdum euenit ut aliquis accipiat beneficium veluti in bona amicitia, & retribuatur bene de se merito beneuolentiam post utilitatem, & beneficium acceptum, quod est indicium beneuolentiam non esse principium amicitiae utilis vel iocundae, cum retribuatur post, & non ante beneficium acceptum. Nam ille gratus & memor accepti beneficij reddit sibi iusta, beneuolentiam, non ob utilitatem futuram, quia id fecisset antequam susciperet, & esset sibi beneuolus non illi: sed pro beneficio iam accepto. ex quo patet, quod beneuolentia proprie non dicitur esse principium amicitiae quae est ob utilitatem vel eius quae est ob voluptatem. [ATQVE omnino beneuolentia.] Declarat nunc philosophus quod beneuolentia principium proprie videtur esse amicitiae bonae atque honestae cum afficimur alicui beneuolentiam habentes ob virtutem, vel aliquod bonum illius ut patet in textu. scilicet habemus cuius amicitiae beneuolentia fit proprie, & cuius non sit. Nam sicut amicitiae quae sunt ob utilitatem vel voluptatem non dicitur proprie amicitiae: sic etiam beneuolentia non dicitur proprie in illis.

## De concordia.

## Cap. VI.



Atque qui concordia etiam ad amicitiam attingere videtur. Quapropter non est eadem opinatio. Hae enim & iis qui sibi mutuo sunt ignoti: inesse potest. Nec eos qui de re quauis sunt eiusdem sententiae, concordēs dicunt. Velut eos qui de cœlestibus eadem sentiunt. Non enim ad amicitiam pertinet, de his esse concordēs. Sed ciuitates concordēs inquirunt esse: cum de iis quae conferunt eadem sentiunt eliguntque, atque agunt

ea quæ publicè visa sunt. Circa igitur ea quæ in actionem veniunt, concordēs sunt homines, & horum circa ea quæ in magnitudine sunt: possuntque vtrisque vel omnibus inesse. Vt ciuitates concordēs sunt: cum omnibus videtur, magistratus esse diligēdos, aut societatem cum Lacedæmoniis ineundam esse, aut magistratum gerere Pitacum: cum vellet & ipse. At cum vterque seipsum vult (vt ij volunt qui in Phœnicis sunt) seditionem habent. Concordēs enim esse, non est idem vtrunque intelligere quicquid tandem id sit: sed in eodem idem. Vt cum & populus, & boni rempublicā optimates gerere volunt. Sic enim fit omnibus quod  
 33 exoptant. Ciuilis autem amicitia videtur ipsa concordia esse, sicut & di-  
 34 citur. Nam circa commodā & ea quæ pertinent ad vitam versatur. Est autem talis cōcordia in bonis. Nam & secum quisque horum est concors, & omnes inter se sunt concordēs: quippe cum eisdem omnino sint. Taliū enim voluntates manent, & non refluunt vt Euripus: volūntque semper ea quæ iusta sunt, & quæ profunt. Hæc autem & communiter affe-  
 35 ctant. Prauos vero concordēs esse, impossibile esse, nisi paruo in tem-  
 pore: quemadmodum & amicos esse. In rebus quidem vtilibus plus: in subeundis vero laboribus subministratiōnibŭsve minus habere percu-  
 36 pientes. Vnusquisque autem hæc sibi volens, proximum perscrutatur: & prohibet, perit enim res ipsa communis: cum ab ipsis non conseruetur. Fit igitur vt in seditione versentur: sese quidem vicissim virgētes, seipsos vero nolentes facere iusta.

## Commen.

- 31 **A**TQVI concordia etiam ad amicitiam. Hoc est sextum capitulū huius tractatus, in quo philosophus posteaquam in præcedenti determinauit de benevolentia: nūc de concordia quæ ad amicitiam pertinet ostendit ea quæ necessaria sunt. Diuiditur autem hoc capitulum in quatuor partes quæ suis locis declarabuntur. Primo igitur ostendit philosophus circa quod, & cuius non dicitur esse concordia, afferendo in primis hanc sententiam quod concordia nō est opinatio eiusdem rei. Probatur, opinatio eiusdem rei potest esse inter ignotos: sed concordia proprie non potest esse inter ignotos: ergo concordia non est opinatio eadem vel eiusdem rei. Præterea non dicitur proprie circa quodecunque. Nam sententia eadem circa speculationē non dicitur proprie concordia ea præsertim quæ ad amicitiam pertinent. Nam si ita esset tunc inimici qui possunt hoc modo esse cōcordes, dicerētur eo pacto amici, quod est absurdum.
- 32 [S E D ciuitates concordēs dicimus.] Hæc est secunda pars huius capituli, in qua philosophus ostendit circa quæ dicitur esse concordia, & declarat quod versatur circa ea quæ aguntur vel agi à nobis possunt. Probatur, cōcordia circa ea versari videtur circa quæ ciuitates vel ciues cuiusque ciuitatis sunt cōcordes: sed res agendæ sunt tales, ergo res agendæ, & agibilia sunt ea circa quæ versatur concordia. & afferre videtur plures cōditiones ad declarandū ea circa quæ dicitur esse concordia. Primo quia concordia est circa res agibiles à nobis, deinde circa res magnas, quia minima non videtur tollere cōcordiam. Præterea circa res quæ possint adesse vtrisque vel illis inter quos est concordia veluti magistratus eligēdos esse & huiusmodi. Præterea non sufficit vt res possint esse eodem circa quæ versantur: sed oportet etiam de ipsis idem sentire. Nam Euripides in Phœnissis recitat de Polinice, & fratre qui erant bene concordēs de regno quod esset regnū. Verum diffentiebat postea de hoc, quia quilibet eorū volebat esse rex, oportet igitur vt idē velint. [C I V I L I S autem amicitia videtur.] Hæc est tertia pars huius capituli, in qua philosophus ostendit quomodo concordia se habet ad amicitiam ciuilem, & dicit quod videtur esse idē. Quod probat ex cōmuni & vulgari modo loquendi. Nam omnes dicunt tunc esse amicitiam ciuilem, quando ciues sunt inter se concordēs. Idem ergo videtur ciuilis amicitia & concordia: sed tamen est differentia, quia vbicumque est amicitia ciuilis est concordia: sed non ecōtra. Nam concordia est pars ciuilis amicitie, quia potest esse cōcordia de aliqua re particulari, & discordia de aliqua alia: quod si accipiatur concordia vniuersaliter de omnibus rebus, dicemus quod idē quasi erit amicitia, & con-

## ETHICORVM

cordia, & vbi erit vnum, erit & alterū eo pacto quo diximus. [A T Q V E talis cōcordia in viris.] Hæc est quarta pars huius capituli, in qua philosophus determinat de subiecto cōcordiæ, cuius descriptio ex dictis philosophi colligi potest, q̃ cōcordia est cōsensio de rebus agendis magnis, quæ vtriusque inesse possunt, & de eodē. Offēdit autē philosophus q̃ cōcordia est in bonis viris, quia ij sunt qui sibiip̃s consentiunt, & stabiles sunt in proposito, & cum secum ipsi conueniant etiam cum aliis sunt concordēs: ostendit præterea q̃ concordia non est in prauis, quia volunt plus de vtilibus, & minus de laboribus, vnde discordia, & iniustitia oritur, vt patet in textu.

### *De beneficentia.*

### *Cap. VII.*



Identur autem ij qui beneficia contulerunt: magis eos amare <sup>35</sup>  
in quos beneficia sunt collata, quā ij qui acceperūt, eos qui  
contulerunt. Atque vt præter rationem eueniens queritur. Plu- <sup>36</sup>  
rimis igitur videtur id ex eo fieri: quia hi quidem debent, illis  
vero debetur. Vt igitur in mutuis debitores quidem volunt suos credi-  
tores non esse, hi vero de salute quoque debitorum diligentiam adhi-  
bent: sic & eos inquit qui beneficia contulerunt, velle eos esse erga  
quos fuere benefici vt gratias accepturos, illis vero non esse curam red-  
dendi. Epicharmus igitur fortasse dixerit hæc ipsos dicere, aspicientes  
ad malum. Videtur autem hoc esse humanum: plerique enim immemo- <sup>37</sup>  
res sunt, & suscipere potius quā conferre beneficia appetunt. Videbi-  
tur autem causa naturalior esse, & non similis ei quæ de creditoribus di-  
citur. Non est enim erga debitores amatio: sed voluntas salutis, recipien-  
di causa. Sed qui beneficia cōtulerunt, diligunt atque amant eos qui be-  
neficia acceperunt. Etsi nulla in re sunt vtilēs, neque in posterum futuri.  
Quod quidē & artificibus accidit. Magis enim vnusquisque proprium <sup>38</sup>  
amat opus, quā ipse ab opere amaretur si animæ particeps esset. Ma-  
xime vero forsitan hoc circa poetas accidit. Hi nanque sua diligunt poc-  
mata supra modum: & perinde atque filios amant. Tali igitur simile est  
& id quod faciunt ij qui beneficia contulerunt. Quod enim suscepit be-  
neficium: ipsoꝝ est opus. Hoc igitur & amant magis quā opus eum  
qui fecit. Huius autem causa est, quod vniuersis est expetibile, atque a-  
mabile esse. Sumus autem actu: nam viuendo sumus atque agendo. Qui  
igitur fecit: est actu suum quodammodo opus. Diligit itaque ipsum  
opus, quia amat & esse. Hoc autem est naturale. Quod enim est poten-  
tia: id opus ipsum actu declarat. Et insuper ei quidem qui contulit bene- <sup>39</sup>  
ficium honestum est id quod egit. Quare gaudet eo in quo est hoc. At  
ei qui accepit, nihil est honesti in eo qui contulit, nisi conferens: quod  
quidem minus est iucundum atque amabile. Est autem præsentis qui-  
dem operatio, futuri autem spes, facti vero memoria iucunda. Sed iucun-  
dissimum est quod est actu, & amabile simili modo. Ei igitur qui contu-  
lit beneficium ipsum opus. Diuturnum est enim ipsum honestum. Sed  
ei qui cæpit, transacta est ipsa vtilitas. Memoriæque honestarum qui-  
dem rerum, est periucunda: vtilium autem non nimium aut minus.  
Expectatio vero, contra sese habere videtur. Et amare quidem simile <sup>40</sup>  
est actioni: amari autem passioni. Eos igitur qui circa actum excellunt,

sequitur amare: & ea quæ ad amicitiam attinēt. Præterea quæ facta sunt cum labore, ea magis diligunt omnes: vt & pecunias magis diligunt, qui acquisiuerunt, quam qui ab aliis acceperūt. At beneficium quidem accipere, sine labore esse videtur: beneficium autē conferre difficile. Propter hæc & matres filios magis amant. Generatio nanque laboriosa est magis: & magis sciunt esse suos. Videbitur autem hoc & iis accommodatum esse, qui beneficia contulerunt.

## Commen.

- 35 **V**IDENTVR autem ij qui beneficia contulerunt. Hoc est septimū capitulum huius tractatus, in quo philosophus posteaquā determinauit de beneuolentia, & concordia, nunc docet de ipsa beneficentia, afferendo primo vnum notandum, quod benefactores videtur magis amare debitores suos in quos beneficia cōtulerunt, quam ametur econtra. Diuiditur autem hoc capitulum in tres partes quæ declarabuntur. In prima igitur præmittendo suam intentionem dicit philosophus quodd ij qui conferunt beneficia videntur magis amare si bi obligatos quam amentur ab eis, & quarit vnde causa sit huius rei quæ videtur præter rationem. [P L V R I M I S itaque videtur.] Hæc est secunda pars huius capituli, in qua affert rationem quam adducebat nonnulli ad hoc propositum. erat autem talis, quod conferens beneficia est vt creditor recipiens vt debitor quidem, vt in mutuis dici solet. Creditores igitur videtur amare debitores, & habere curam eorum, econtra debitores non curant de salute creditorum. Post hæc philosophus affert sententiam Epicarmi dicentis quod hoc accidit in prauis qui ob prauitatem sunt immemores beneficiorum, & homines respicientes ad istos tales ingratos, dicit postea id vniuersaliter fieri, & non est verum in bonis viris. [V I D E T V R autem id ipsum esse.] Hæc est tertia pars huius capituli in qua primo soluit rationem allatam illorum priscorum, deinde affert sententiam suam, & in primis dicit quod Epicarmi sententia non videtur vera, vt hoc eueniat ob prauitatem hominum prauorum: sed videtur potius esse res humana competens homini vel humanæ naturæ, vt sit quasi quoddam sequens conditionem, & fragilitatem vt ita loquar humanam, quia complures hominum malunt accipere quam conferre. his dicitis soluit philosophus rationem allatam priscorum, ostendendo qd similitudo illa debitoris & creditoris non valet: cupit enim creditor debitorem viuere vt exigit mutuum vel debitū. Verum beneficii amant eos, quibus beneficia contulerunt, nullā sperantes etiam vtilitatem. quare asignanda est causa naturalis. [Q V O D quidem artificibus.] Affert rationes plures secundū sententiam suam ostendendo, & concedendo qd beneficii magis amant eos in quos contulerunt beneficia, quam amentur, & boni etiam magis amant bonos, quia causæ sunt naturales. Prima ratio, omnis homo naturaliter magis amat suum opus quam ametur ab eo si esset animatum vel animal aptum ad amandum: sed susceptor beneficiorum videtur quasi esse quoddam opus benefactoris, ergo magis amat benefactor illum in quem beneficium contulit quam ametur econtra. Patet ratio discurrendo per artes inductiue, deinde assignare causam huius videtur. Hoc enim artifices faciunt amando vehementer opera sua, & præsertim poetæ sua poemata amant. Quodd si poemata essent animata vt possent reddere amorem non versa vice adeo amarent auctores suos, vt patet in amore parentum, & filiorū. Assignat autem causam, quia omnes homines naturaliter appetūt esse. Videntur autem homines per operationem vel opus præcipue esse, & maxime esse actū. Simili modo dicere possumus de iis qui beneficia contulerunt erga eos se habere qui susceperunt beneficia. Notandum qd poetæ videntur magis amare poemata sua quam alij artifices suum opus, quia alij videntur habere subiectam materiam, & circa illam operari imprimendo formam tantum, ex quo opus tale non videtur totum esse illorum: sed poetæ videtur ex se se inuenire materiam, & omnia denuo fingere vnde poetæ dicuntur. Notandū qd esse duplex dici solet. Primum est viuere primo actu, secundū est operari, id est secundo actu. Notandū præterea qd opus bifariam sumi potest, vno modo qd producit vt sit simpliciter, veluti filius respectu patris, alio modo vt sit aliquid tale veluti dare alicui alimentum, dicitur quoquo modo opus illius quasi vt alimentum vt ita loquar: eodem modo susceptor beneficiorum dici potest opus benefactoris isto secundo modo vt aliquid tale, & opus secundum quid. Notandū qd homo cum habet primam vitam, est in potentia ad secundam, id est ad operationem: viuimus autem vita prima vt viuamus secundā. vt operemur operationes quæ nobis competunt, aliter enim frustra videremur esse producti. Nobis autem expetibile est esse, & viuere non solum vita prima: sed etiam secundā. i. actu secundo, & ipsa operatione, opus autem offendit, & repræsentat secundam vitam quæ vehementer à nobis expetitur, ergo & opus. Est autē operatio aliqua quæ nunquam separatur à prima sicut fit in vegetatiuis, vbi vegetare nunquā separatur à principio vegetatiui. Nam cessatio potentie vegetatiuæ, vt inquit philosophus, mors est, itaque dum viuimus secundus actus. i. ipsum vegetare sem

## ETHICORVM

per coniungitur cū primo. intelligendū est tamen quòd prius est vegetatiuum, & est in potentia ad vegetandum postea operatur. quare prius est vegetatiuum quàm vegetare, non prius tempore, quia nunquam separatur operatio: sed prius ex ordine, & ex parte nature, & originis. est enim principium vegetandi, & omne principium videtur esse prius eo quod est ex principio ea ratione qua principium est, & omnino causa sua vt ita loquar, causato. Verum, vt ad propositum redeamus opus videtur indicare, esse illius, qui producit tale opus, & quia nō potest aliquis semper operari idcirco opus repræsentat actū id quod est in potentia. Nam cum statuarius nō operatur, est in potentia ad secundum esse, id est ad operationem: q̄ si produxerit statuum illa semper repræsentat illum artificem, & indicat in potentia statuarium, esse quodammodo actū, vnde illa consequentia valere videtur, omnes homines appetunt suum esse, ergo amant suum opus, quia homo appetit naturaliter esse tam primum quàm secundum. Habet autem primum esse per formam suam, & animam rationalem, & tunc est in potētia ad secundum esse, id est ad operationem. quare anima dicitur actus primus corporis physici potentia vitam habentis, id est habentis potentiam viuendi secundo actū, & operandi, & tale operari dicitur secundum esse, quod cum expetitur ab omnibus, & repræsentatur per opus, merito opus amatur à nobis naturaliter quasi quedā imago nostri esse. fit etiam plerunq̄ vt opus veluti statua magis duret quàm artifex in vita, ex quo videtur quoq̄: amare tale opus. Hæc cū ita sint, patet cur benefactor naturaliter magis amat susceptorem beneficii sui quàm ametur e contra, cum sit quodammodo suum opus, vt dicit philosophus & repræsentet benefactorem quasi in secundo actū quo vnusquisq̄ expetit potissimum viuere, vt dictum est supra. [E T insuper ei quidem qui.] Adducit aliam rationē philosophus ad idem probandum q̄ benefactor magis diligit eum cui beneficium contulit quàm diligatur e contra, hoc pacto, Honestum magis est iucundum atque amabile quàm vile: sed magis honestum est beneficia conferre quàm suscipere quod est vile: ergo beneficia conferre magis amatur quàm suscipere. benefactor autem habet honestum collocatum in suscipiente hoc modo, vt sit benefactori honestum, suscipienti vero sit vile. quare benefactor diligit istud honestum, & ipsum in quem contulit magis quàm ametur e contra, & notandum q̄ vnum atque idem veluti beneficium dicitur esse honestum atque vile, vt idem motus dicitur actio & passio, qui quidem motus est in eo qui mouetur & patitur. Dicitur autem actio respectu agentis, passio respectu patientis: eodem modo beneficium collatum dicitur honestum respectu conferentis, vile respectu recipientis, licet sit idem. quare benefactor habet honestum quod est suum in ipso suscipiente, ergo & illum amat, suscipiens e contra non habet honestum aliquid suum in operante ergo non tantopere amat illum: sed si habeat aliquid respectu sui illud est vile quòd minus est amabile. [E S T præterea præsentis.] Affert aliam rationem philosophus omne quod est præsens magis est iucundum quàm præteritum aut futurum, siue honestum sit siue vile: sed ei qui contulit beneficium magis est ei præsens quàm ei qui suscepit, ergo magis est iucundum agenti quàm suscipienti tale beneficium. Nam ex tribus quæ afferunt voluptatem (ea autem sunt præsentis operatio, futuri spes, & facti memoria) ex tribus inquam illis præsens est magis iucundum quàm illa duo. Nam præteritum videtur esse iucundum, quia olim fuit præsens & futurum, quia erit præsens: ergo multo magis præsens. Nam propter quòd vnumquodque tale, & illud magis, verum opus benefactoris, quia honestum magis permanet, & magis est præsens, quàm suscipientis utilitas, ideo benefactori magis est suum opus iucundum. Et addit philosophus q̄ honestarum rerum memoria est iucūda, quia aliquis dicere potuisset, si ille cui collatum est beneficium abesset vel esset mortuus quomodo est sibi iucundum opus illud quod non est præsens? ideo dicit q̄ memoria collati beneficii, & rei honeste actæ est iucunda. Cum igitur magis vigeat honestum quàm vile, & magis sit iucūdam atque amabile, merito benefactor magis diligit illum in quem contulit honestum tale: diligatur e contra. [E T amare quidem.] Alia est ratio talis. Actio tribuenda est excellentiori, passio inferiori: sed amare est actio, amari vero passio, & conferens beneficium eo quo conferens est excellentior suscipiente: ergo illi tribuendum est amare, huic amari: sed ille cui potius tribuitur amare magis amat quàm ille cui tribuitur amari, ergo conferens beneficia, & benefactor magis amat quàm ametur à suscipiente. [P R A E T E R E A quæ facta sunt.] Affert aliam rationē philosophus, quæ est quinta in ordine hoc pacto, ea quæ facta sunt cum labore magis diliguntur ab hominibus: sed beneficium conferre laboriosum est, & fit cum labore, suscipitur autem sine labore, ergo conferre beneficium magis amatur, & ex consequenti ille, in quem collatum est beneficium, magis amatur à conferente quàm ipse suscipiens amet e contra. Hanc rationem declarat philosophus exemplo eorum qui acquisierunt pecunias, post hæc infert vnum obortum siue correlarium, quod videtur confirmare rationes suas, q̄ propter hæc mater videtur magis amare filium quàm ametur e contra, & propter laborem partus, & propter certitudinem filiorum: sic benefactor magis videtur amare suscipientem quàm ametur ab eo propter laborem, & quia certior est de beneficio collato quàm suscipiens, & sic habemus consententiam peregrine probatam à philosopho q̄ benefactores magis amant eos, in quos beneficia contulerunt quàm amantur ab illis, & rationes etiam habemus, cur hoc fieri videatur.



*De amatore sui.**Cap. VIII.*

42 **V**bitatur autem & vtrum oporteat seipsum amare maxime: an aliquem alium. Increpant enim eos qui seipsos maxime amant. Et vt turpe, sui amatores appellant. Atque prauus quidem sui gratia agere cuncta videtur: & tanto magis quanto prauior est. Incusant igitur ipsum, quia nihil nisi sibi agit. Probus autē ob honestatē: & tanto magis ob honestatem, gratiāque amici, quanto praeftabilior est: sua ve-

43 ro negligit. Ab his autem verbis non sine ratione ipsa opera discrepant. Nam eum inquit oportere summe amare: qui maxime est amicus. Is autem maxime est amicus, qui vult cui vult bona illius gratia: si nullus etiam scierit. At haec ipsi ad seipsum maxime competunt. Et cetera omnia quibus definitur amicus. Dictum est enim ab ipso ea omnia quae ad amicitiam attinent: & ad ceteros peruenire. Eodem accedunt & pro- uerbia vniuersa. Vt anima vna, & amicorum omnia sunt communia, & amicitia est aequalitas, & tibiā genu propinquus. Haec enim vniuersa ipsi ad seipsum maxime competunt. Maxime nanque amicus est sibi. Et se igitur ipsum maxime amare oportet. Dubitatur autem merito,

44 vtrū oporteat assentiri: cum vtrisque videatur esse credendum. Fortasse igitur tales sermones distinguendi, determinandique sunt: quousque, & quonam modo sint veri. Si itaque sumpserimus quonam vtrique modo sui amatorem dicunt: fuerit forsitan manifestum. Qui igitur hoc reprehendendum esse existimant: eos amatores sui appellant, qui sibi plus tribuunt in pecuniis, & honoribus, & voluptatibus corporis. Haec enim ipsa multitudo affectat. & ipsis vt optimis omni studio incumbit. Quapropter & in certamen veniunt. Qui igitur in hisce plus habere pergunt ij cupiditatibus, & omnino affectibus, eique parti animae quae rationis est expers gratificantur. Tales autem sunt ipsi multi. Idcirco & appellatio orta est ex multitudine: quae quidem est praua. ergo iuste vituperantur ij: qui ita se amant. Non est autem obscurum: vulgus eos qui sibi ipsis talia tribuunt, sui amatores dicere consueuisse. Nam si quis semper studeat agere iusta maxime omnium, aut temperata, aut quaeuis ceterorum quae a virtutibus proficiuntur, honestatēque omnino sibi ipsi semper vendicet, atque vsurpet: hunc nemo dicet amatorem sui, ne-

45 que vituperabit. Magis autem videbitur talis homo sui amator. Nam ea sibi tribuit quae pulcherrima, maximēque bona. Et gratificatur ei quod

46 sui ipsius potissimum, in omnibusque illi obtemperat. Vt autem & ciuitas id esse maxime videtur, quod est potissimum & alius omnis conuentus: sic & homo. Amator igitur is est maxime sui: qui illud amat illique gratificatur. Et continens igitur dicitur & incontinens quia mens vincit. Aut non vincit: propterea quod ipsa est hominum quisque. & egisse ipsi & sua sponte ea videntur quae cum ratione maxime egerunt, non igitur est obscurum, hoc esse maxime vnumquemque: & hoc maxime

virum bonum amare. Quapropter sui maxime est amator, diuersa specie  
 ab eo qui reprehenditur, tantumque differt, quantum vita cum ratione  
 differt à vita cum perturbatione, & appetitio, aut honesti, aut eius quod  
 conferre videtur. Qui si omnes ad consequendam honestatem & ad res  
 agendas pulcherrimas decertarent, atque contenderent: & omnibus pu  
 blice ea quæ oportet, & unicuique priuatim maxima bonorum inessent.  
 Siquidem virtus est tale. Quare bonum quidem hominem amatorem  
 esse sui oportet. Nam & sibi ipse & cæteris proderit, agendo honesta.  
 Præuū autem non oportet. Et sibi nanque nocet & propinquis: affe  
 ctus prauos sequendo. Ea igitur quæ vir improbus agit ab iis discrepant,  
 quæ agere oportet. At probus quæ oportet, ea & agit. Mens enim omnis  
 id expetit: quod est optimum sibi, & probus obtemperat menti. Atqui  
 verum est illud quod de studioso dicitur: complura inquam ipsum age  
 re, & amicorum, & patriæ gratia, & si opus fuerit mortem obire. Et pe  
 cunias enim, & honores abiicit: & ea bona omnino de quibus homi  
 nes decertant, sibi vendicans honestatem. Expetet enim potius volupta  
 tem breui tempore vehementem, quàm longo leuem. Et vitam hone  
 stam vno anno, quàm quauis multis. Et vnum actum honestum, ma  
 gnūque: quàm multos & paruos. Atque iis qui pro amicis, qui pro pa  
 tria mortem obeunt: hoc forsitan accidit. Magnam igitur sibi ipsius eli  
 gunt honestatem: abiiciētque pecunias vt amici capiant plures. Hinc  
 enim amicus facultates: ipse consequitur honestatem, atque sibi magis  
 tribuit bonum. Eundem & circa honores modum, magistratūque ser  
 uabit. Nam hæc omnia, amico suo concedet. Est enim hoc honestum  
 ipsi, ac laudabile. Merito igitur studiosus esse videtur: antepōnēs omni  
 bus honestatem. Fit etiam vt & res agendas concedat amico: sitque ho  
 nestius seipsum fuisse causam vt agat illas amicus, quàm si ipsemet agat.  
 In vniuersis igitur laudabilius: ipse studiosus plus honestatis tribuere si  
 bi ipsi videtur. Sic igitur sui ipsius (vt diximus) amatorem esse oportet: vt  
 ipsi autem multi sunt, non oportet.

## Commen.

**D**VBITATUR autem vtrum hominem oporteat. Hic est secundus tractatus huius libri:  
 in quo philosophus posteaquam declarauit ea quæ pertinere videbantur ad conuersatio  
 nem, & dissolutionem amicitiae, & de benevolentia, beneficentia atque concordia, & hu  
 iusmodi amicitiae operibus & officiis, nunc mouet quasdam dubitationes necessarias circa ami  
 citiam ex parte ipsius amanti. Diuiditur autem hic tractatus in duo capitula, In primo mouet  
 quæstionem de amante respectu sui ipsius & soluit. In secundo mouet quæstionem de amante re  
 spectu alterius, & etiam soluit. Primum capitulum diuiditur in tres partes quæ declarabuntur.  
 In prima igitur parte proponit philosophus dicendo, vtrum oporteat hominem amare seipsum  
 maxime. Dicitum est enim antea, quod vir bonus maxime seipsum amat. Incipit autem philoso  
 phus in hac quæstione arguere pro altera parte hoc pacto, id quod est turpe non est faciendum:  
 sed amare seipsum maxime existimatur esse turpe, ergo amare seipsum non est faciendum. Patet  
 ratio ex communi sermone hominum, qui omnes ferme vituperant amatores sui ipsius quasi res  
 ipsa sit turpis. Ex quo prauū videntur hoc facere quærendo semper commoda sua, & nihil agendo  
 extra se, id extra appetitum suum & suam utilitatem, boni vero contra poshabitis & neglectis  
 propriis rebus consulunt patriæ & amicis. [A T enim ab his rationibus.] Allata ratione pro vna  
 parte dubitationis, nunc arguit pro altera parte philosophus, probando quod oportet hominem

maxime seipsum amare. Nam id facere quisque debet ex quo profuit, & oritur omnis amicitia: sed ex amore sui ipsius oritur amicitia, ut antea vidimus, ergo amare seipsum maxime quisque debet. Probatur id quoque ex communibus prouerbiis eorum quæ attribuuntur amicitia vulgariter, ut sunt hæc. Dicunt esse vnam animam duorum amicorum, & quod ea quæ sunt amicorum sunt communia, & quod amicitia est quædam æqualitas, & quod amicus se habet ad amicum sicut genu ad crus, quæ habet tantam propinquitatem ut nihil intersit medium. Hæc igitur & similia quæ in prouerbiis allatis dicuntur maxime competunt alicui ad seipsum, ut ea quisque sibi maxime tribuat, ex quo videbitur quod ex consequenti quisque maxime seipsum amare debeat. Post hæc dicit philosophus quoddam merito dubitatur cum pro vtraque parte probabiles, ut vidimus, & verisimiles afferantur rationes. [F O R T E igitur tales sermones distinguendi.] Hæc est secunda pars huius capituli, in qua philosophus determinat questionem distinguendo qualiter aliquis dicatur amator sui secundum vtranque partem obiectionis: quo cognito fiet manifestum id quod queritur. Nam alio modo sumitur ab iis qui vituperant, & alio modo ab iis qui laudant amatorem sui. Nam amator sui vno modo sumitur ex parte sensus, & appetitus sensitui, alio modo ex parte rationis, & partis rationalis: sicut Plato duplicem dixit esse hominem internum & externum. Internum appellat eum qui viuunt ratione atque intellectu: externum vero qui viuunt appetitu sensitui. Sic igitur amator sui ipsius erit duplex, aut partis sensitivæ, aut rationalis, & si accipiantur amatores sui ipsius primo modo, tunc erunt vituperandi ut prima sententia dicebat. Nam qui indulget appetitui sunt vituperandi, sed amatores sui ipsius tribuendo sibi plus in bonis externis, & voluptatibus corporis, indulgent appetitui sensitui, ergo tales amatores sui secundum potentiam irrationalem sunt vituperandi: & cum multitudo plerumque talis sit ut potius appetitum sensituum sequatur quam intellectum vel rationem, hinc est orta appellatio amatorum sui ipsius & vituperatio, quia cum dicunt amatores sui intelligunt eos secundum appetitum suum sibi illa omnia tribuunt de bonis, & commodis externis, & de voluptatibus corporis, trahentes omnia ad propriam vitilitatem vel voluptatē. quare iure vituperantur dicit philosophus, hoc modo se amantes, sed illi qui sibi plus tribuerent de virtutibus, & bonis animi à nemine vituperabuntur ut amatores sui, sicut superiores. [M A G I S autem videbitur talis homo.] Hæc est tertia pars capituli, in qua allata distinctione illa de amatore sui ipsius, & declarato quod amator sui secundum partem irrationalem merito est vituperandus: nunc ostendit amatorem esse laudandum qui se amat secundum mentem, & rationem, & assert in primis hanc sententiam, quod magis est amator sui qui se amat in bonis animi: qui sibi tribuit maiora, & excellentiora bona magis seipsum amat: sed tribuens sibi bona mentis, & rationis, tribuit sibi maiora, & excellentiora bona, ergo seipsum magis amat, & magis est amator sui. Patet ratio de se. Itē qui indulget, & largitur bona ei quod est præcipuum in ipso, maxime est amator sui, sed indulgēs menti & rationi indulget ei quod est in se præcipuum: ergo talis maxime est amator sui, & magis seipsum amat. [V T autem & ciuitas.] Assert nunc quasdam conclusiones philosophus, quæ pertinent ad declarationem sententiæ proximæ allatæ, quæ magis est amator sui qui se amat in bonis animi, & maxime se amat qui indulget menti & rationi, ut principalissimo quod est in ipso. Prima conclusio est quod homo videtur præcipue esse id quod est principalissimum in eo. Probatur. Sicut est in ciuitate, & omnino in quavis multitudine & cœtu, ita & in homine esse videtur: sed in ciuitate ita est quod ipsa præcipue esse videtur in quod principalissimum est in easic & homo. Vnde cum principes vel magistratus, & gubernatores veluti optimates agunt aliquid, statim dici solet quod ciuitas fecit illud, quia id quod est principale in ea egit illud: vnde & homo eo pacto præcipue id esse videbitur quod est principale in eo: sed hæc similitudo latius patet in politicis, ubi ostenditur quod in homine est quasi ciuitas quædam: est enim in eo aliquid quod imperat, & aliquid quod patet sicut in ciuitate. Secunda conclusio quod mens est præcipua pars in homine, id quo homo dicitur continens vel continens est præcipuum in homine: sed ratio & mens videtur esse id quo homo dicitur continens si illa superat vel incontinens si superatur, ergo mens & ratio est præcipuum quid in homine, cum totus homo suscipiat denominationem continentis vel incontinentis prout ratio superat, aut superatur. Alia ratione probatur eadem conclusio, quia id quo homines videtur maxime agere sua sponte est præcipuum in eis: sed ratio est huiusmodi ergo, & cætera. Tertia ex iis sequitur conclusio, quod homo est præcipue sua mens. Quarta quod inferitur conclusio, quod cum homo sit præcipue id quod est principalissimum in eo, id est mens & ratio, & amat illud tribuendo sibi bona honesta & accommodata, maxime seipsum amare videtur, & maxime esse amator sui ipsius, ut patet ex dictis. Quinta conclusio est, quod vir studiosus maxime est amator sui. Probatur, qui amat mentem & rationē, quæ est quid principale in homine, seipsum vehementer amat: sed vir bonus amat mentem, & rationē indulgendo ei, ergo vir studiosus vehementer & maxime seipsum amat, & proprie est amator sui. Notandum quod homo componitur ex anima & corpore tanquam ex partibus essentialibus & constitutivis: quare ista sententia philosophi non videtur vera quod mens sit homo, quia statim sequeretur quod pars totum: quod est absurdum, quia ipse homo est totus, falsa etiā esset sententia si diceretur sensus vel corpus vel appetitus sensitivus est homo, quanquā illa prima propositio quod mens est homo, sit minus falsa. Habet enim falsa ordinē inter se,

# ETHICORVM

vt in metaphisicis dicit philosophus, vt vnū sit magis falsum quā alterū, veluti duo sunt quatuor vel duo sunt. x. prima propositio minus est falsa, intelligenda est igitur sententia philosophi cum dicit qd homo est mens, non qd sit omnino mens, sed maximum & praeipuum in homine est mens & ratio. Nam homo videtur esse magis intellectus quā sensus. Manente enim intellectu & ratione homo magis idem manere videtur quā per aliquod aliud. Corpus enim videtur variari, & permutari, quia alteratur & nunc augetur, nunc minuitur, nunc suscipit vnam alterationem, nunc aliam. [QVA PROPTER hic maxime sui.] Videtur hac in parte philosophus distinguere amatorem mentis suae ab amatore partis sensitiuae, & videtur ostendere qd tales amatores videntur differre specie, postea videtur asserere duas differentias, quarū vna sumitur ex parte operationis & vitae, sic enim differunt vt vita honesta à turpi, & honesta viuendi ratio à turpi modo viuendi. Altera differentia sumitur ex fine. Alter enim honestatem intendit, & sibi proponit: alter vero cupiditates, quae sunt turpes & nociuae. Post hac subdit philosophus quod omnes laudant studiosos honestatis, qd si certatim homines de honestate contenderent, publice & priuatim maxima bona inessent, vt sunt ipsae virtutes talia bona. Post hac philosophus asserit duas conclusiones. prima est, qd eum qui seipsum amado prodest sibi, & aliis, maxime amatorem sui esse oportet & deet: sed vir studiosus est huiusmodi, ergo virum studiosum maxime oportet amatorem esse sui. Item eum praecipue deet amatorem esse sui, cuius operationes non discrepant à rebus agendis, quas agere oportet: sed vir studiosus est huiusmodi, ergo & cetera. Secunda conclusio est qd prauum non oportet amatorē esse sui ipsius, quia se amado sibi, & aliis nocet, & quia operationes suae discrepant à rebus quas agere oportet, ergo prauum non oportet esse sui amatorem. [VEL eius quod videtur prodesse.] Hoc addere videtur philosophus, quia bonus homo non solum appetit honesta, sed etiam ea quae sibi vtilia sunt, dummodo non pugnent cum honestate, & hac amat vtilia inquam non vt finem, sed vt sunt instrumenta ad finem. [MENS enim omnis.] [non corrupta, sed in sua bona dispositione constituta, vt est in viro bono.] [AT qui verum est illud de studio.] Ostendit philosophus in praecedentibus studiosum oportere maxime esse amatorem sui: nunc autem videtur remouere dubitationem nascentem ex dictis. Nam si dicas studiosum maxime se amare, ergo non tribuet patriae, & amicis, sed sibi ipsi. Sin dicas qd tribuet plurimum amicis, & patriae: ergo non se amabit, tollendo hanc dubitationem sed solvendo rationem, qua supra dicebatur qd abiicit bona externa pro honestate, & in hoc differt à prauo. Dicit philosophus amicum sibi omnia tribuere quae pertinent ad honestatem, reliqua amicis, & patriae: itaque seipsum amat hoc pacto, & tribuit illis quae sunt tribuenda, vt latissime patet in textu. Concludit postea philosophus dicendo qd oportet hoc pacto, & non eo modo quod sumit vulgus, hominem esse sui amatorem proponendo sibi in omnibus honestatē, & eam sibi tribuendo, vt ii qui breuem potius vitam, & honestam quā longam, & turpem expetendam censent, vnus dies bene actus inquit Cicero peccanti immortalitati anteponendus esse videtur.

*De amicis felicis, & quibus indigeat.*

*Cap. IX.*



St autem controuersia & de ipso felice: si indigeat amicis necne. Non esse enim (inquiunt) ipsis beatis, & ex sese sufficientibus opus amicis. Insunt enim ipsis omnia bona. Cum igitur ex sese sint sibi sufficientes, nullius indigent rei. Amicum autem inquiunt cum sit alter ipse: ea asserere amico, quae ipse per se amicus consequi nequit. \* Vnde & hanc sententiam dicunt. Fortuna cum bona est: amicis cur opus? At absurdo simile est vniuersa bona tribuentes felici, amicos ipsi non tribuere: quod externorum bonorum maximum esse videtur. Quod si ad amicum conferre potius quā accipere beneficia spectat, atque ad virum bonum, virtutemque, dare beneficia pertinet, magisque honestum est amicis quā alienis largiri, beneficiaq; conferre: vir studiosus iis indigebit profecto, qui largitionis beneficia sunt accepturi. Quapropter & quaeritur vtrum prosperis in rebus, an in aduersis opus sit magis amicis, vtpote cum & is qui mala fortuna vitur, iis indigeat qui beneficia conferent, & iis qui prospera fortuna fruuntur: iis sit opus, ad quos beneficia collocabunt? Est etiam forsitan absurdum: beatum ipsum solitarium facere.

Εἰς τὴν ἑαυτοῦ  
δὲ δούλου  
ἐν δὲ δόξῃ, π  
δὲ δὲ δόξῃ

51

52

53

54

55 Nemo enim expetet per se bona cuncta habere. Nam homo, ciuile animal est, & cum aliis aptum vna viuere. Hoc igitur competit & felici. Habet enim ea omnia, quæ natura sunt bona. Constat autem melius esse cum amicis, probisque, quàm cum extraneis ipsum, & quibusuis conuer-  
 56 sari. Amicis ergo beato est opus. Quid igitur illi primi dicunt: & qua parte vera loquuntur? An quia vulgus eos amicos esse putat qui viles sunt? talibus igitur non indiget ipse beatus: quippe cum omnia bona insunt.  
 57 Nec etiam iis qui ob voluptatem amantur aut perparum. Nam cum sit  
 58 ipsius vita iucunda: aduentitia non indiget voluptate. Atque cum amicis talibus haud indigeat: non videtur indigere amicis. Hoc autem non est forsitan verum. Nam in principio dictum est felicitatē operationem esse quandam. Constat autem operationem ipsam fieri: & non vt quandam rem esse, quæ possidetur. Quod si felicem esse in viuendo ac operando consistit, boni autem operatio, studiosa & iucunda per se, vt initio diximus: resque propria ex iis est quæ delectant atque magis propin-  
 quos quàm nos ipsos, & actus illorum, quàm nostros possumus contemplari. Studioforumque hominum actus si sint amici, iucundi sunt ipsis bonis (habent enim ambo ea quæ sunt natura iucunda) beatus profecto talibus indigebit amicis: si expetit actus bonos & proprios contempla-  
 59 ri, talesque sunt ipsius boni: si sit amicus. Arbitrantur autem homines felices iucunde viuere oportere. Solitario igitur, difficilis est vita. Non est enim facile per seipsum continuo operari: cum aliis vero atque ad alios facile est. Erit igitur operatio continua magis, cum sit per seipsam iucunda. Quod quidem esse circa beatum ipsum oportet. Studiosus enim hoc ipso quo studiosus est: gaudet quidē iis actibus, qui à virtute proficiuntur, moleste autem fert eos, qui à vitiis prodeunt: perinde atque musicus delectatur quidem eleganti cārū, offenditur autem prauo. Fuerit etiam & quædam virtutis exercitatio ex conuictu bonorum: vt & Theognidi  
 60 placet. \*Naturalius autem considerantibus: studiosus amicus expetibilis esse natura studioso videtur. Diximus enim id quod est bonum natura, studioso bonum, & iucundum esse per se. Diffiniunt autem ipsum viuere animalium quidem, potentia sensus: hominum autē sensus, vel intellectio-  
 61 nis. Potētia vero ad operationē reducitur, & ipsum præcipuum in operatione consistit. Ipsum autem viuere videtur proprie esse ipsum sentire vel intelligere. At ipsum viuere de iis est, quæ sunt per se bona atque iucunda. Est enim definitum. Definitum autem natura est bonum. Quod vero natura est bonum, id & bono est bonum. Quapropter omnibus iucundum esse videtur. Nō oportet autē vitā sumere prauā atque corruptam: neque in doloribus constitutā. Indefinita nanque est talis:  
 62 quæadmodum ea que insunt ipsi Eritque hoc manifestum magis in sequentibus de dolore. Si vero ipsum viuere bonum est: & iucundum etiam est. Quod vel ex eo videtur, quia omnes appetunt ipsum & maxime boni at-

Verba  
 Theogni-  
 dis quæ  
 iuxta cap.  
 12. huius  
 citantur,  
 ὅτι ὡς λεί-  
 γη ἐοικέν  
 ἰς τὸ ἀπὸ  
 ἐοικέν δὲ  
 δὲ ξένῳ, τὴν  
 δὲ κατὰ τὴν  
 συμμίξαις  
 ἀλλήλων καὶ  
 τὴν οὐκ ὄντων  
 νόον.



que beati: his enim viuere maxime est expetibile, & horum vita est beatissima. Qui autem videt, viuere sentit, & qui audit, audire, & qui ambulat, ambulare & in ceteris similiter est aliquid sentiens nos operari. Sentire vero nos sentire: & intelligere nos intelligere possumus: quod quidem est nos esse. Esse enim, sentire vel intelligere: sentire autem se viuere: de iis est, quæ per se sunt iucunda. Vita namque natura est bonum. Bonum autem sibi quempiam inesse sentire, voluptate afficit. Ipsum vero viuere expetibile est, & maxime bonis: propterea quod esse bonum est ipsis, atque iucundum. Sentientes enim id quod est per se bonum: voluptate afficiuntur. At studiosus ut erga seipsum: sic sese habet & ad amicum. Amicus enim est alter ipse. ut igitur seipsum esse est unicuique expetibile, sic & suum amicum esse, vel similiter. Esse autem ideo est expetibile, quia sibi bonum esse ipse sentit. At talis sensus iucundus per seipsum est. Sentiat ergo & ipsum amicum esse oportet. Hoc autem fieri potest, cum ipso simul viuendo, & verba, mentemque commutando. Sic enim in hominibus dici videtur simul viuere, & non (ut in pecoribus) eodem in loco pasci. Si igitur ipsum esse per se est expetibile viro beato, cum natura sit bonum atque iucundum: simile autem est & amici ipsius esse. Amicus etiā ex iis est profecto, quæ expetibilia sunt beato. At quod est expetibile beato, id adit oportet, vel egens erit hac parte. Opus est igitur ei qui felix futurus sit: studiosis amicis.

## Commen.

**E**ST autē cōtrouersia & de ipso felice. [Hoc est secundū capitulū huius tractatus, in quo philosophus postea quā in precedēti soluit quæstionē de amatore respectu sui ipsius, nūc affert dubitationē de eodē respectu alterius, & eam soluit. Diuiditur autem in duas partes quæ declarabuntur. In prima philosophus proponēdo dubitationē quæ est vtrum vir felix indigeat amicis, incipit arguere pro parte negatiua, id est quod nō videtur indigere, hoc pacto, Hi quibus insunt omnia bona, & quibus nihil deest nō indigēt amicis: sed felices sunt huiusmodi, ergo felices nō indigēt amicis. Patet ratio quia amicitia videtur expeti ut amicus alteri amico subueniat: verū felix, ut in primo vidimus, videtur esse ex se sufficiens. Probat idē sententia Euripidis poetæ tragici, cū inquit cui est bona prosperitas nō est opus amicis: sed felici est bona prosperitas, ergo felici nō est opus amicis. Euripid. in Electra inducit Horestē rogātē Menelaū ut sibi subueniat, & dicentē quod tūc sibi erat opus auxilio cū esset in aduersis constitutus. Nā cū bona prosperitas aderat, nō erat opus amicis. [At absurdū esse videtur.] Arguit nūc philosophus pro parte affirmatiua ostendēdo quod felix indigeat amicis pluribus rationibus. Prima ratio, Bona omnia tam externa quā interna tribuuntur felici, sed amici sunt maxima bona inter externa, ergo amici tribuēdi sunt viro felici. Patet ratio, quia si vir felix presertim felicitate ciuili & actiua, indiget bonis externis, & amicus est externorū bonorū maximū, profecto nō debemus auferre ab homine felice ipsos amicos. [QVO D si ad amicū cōferre.] Secūda ratio. Si ad felicē pertinet cōferre beneficia, felici est opus amicis. At primū est, ergo & secundū. Patet ratio quia ad felicem pertinet potius benefacere quā bene pati, & felicitas in actione cōsistit. Si igitur ad felicē pertinet cōferre beneficia, quibus magis cōferet quā amicis? quid enim prodest ut philosophus in principio octauū inquit, prosperitas, si beneficiū auferatur: quod quidē maxime fit in amicos ac maxime cōmendatur. [QVO circa quæritur & id ipsum.] Hinc illa quæstio oritur, dicit philosophus, vtrum in aduersis an in secundis magis indigeamus amicis: ex quo ad idem probandū deduci alia ratio potest hoc pacto, Si in omni cōditione vitæ est opus amicis, profecto vir felix indiget amicis: sed primū est, ergo & secundū. Patet ratio, quia in aduersis cōstituti indigēt ope amicorū, ut ab ipsis beneficia suscipiāt, in prosperitate similiter indigēt amicis, ut eis beneficia conferāt. Itaque alterā partē asserere nō potes, quin asseras alteram. [ABSVRDV M est etiam forsitan.] Alia ratio, Si absurdū esset asserere beatū atque felicē solum viuere oportere, beato & felici est opus amicis. At primū est, ergo & secundū. Coniunctū videtur esse manifestū. Assumptio declaratur, quia hominī videtur naturaliter cōpetere ut sit animal sociale atque ciuile, ut in politicis ostēdit philosophus.]



lofophus. Non debet igitur vir felix viuere folus, actius præfertim & ciuilib, de quo nunc præcipue loqui videmur. Nemo enim habens cætera bona, vt in principio octauī inquit philofophus, fine amicis expeteret viuere, quòd fi folus viuere non expetit, & fi eft ei viuendum cum aliis, melius eft ipfum viuere cum amicis, & bonis viris, quàm cum hominibus extraneis, ergo felix indiget amicis. [F O R S I T A N.] Hanc particulam addere videtur philofophus propter felicem fpeculatiuum, qui non videtur admodum indigere amicis aut bonis externis, quanquam vt Auguftinus dicit in libro, vt puto, de trinitate. fine focio nulla eft iucunda poffeffio: fic habemus rationes pro vtraque parte. [Q V I D igitur illi primi dicunt? Hæc eft fecunda pars huius capituli, in qua philofophus poftea quàm antea dubitationem attulit vtrum felix indigeat amicis, & pro vtraque parte tam negatiua quàm affirmatiua differt, nunc foluit quæftionem, & primo quibufdam rationibus moralibus, deinde quibufdam naturalibus. Affert autem in primis tres conclufiones, quarum duæ funt negatiuæ, alia affirmatiua. Prima quòd vir felix non indiget amicis vtilibus. Secunda q̃ vir felix non indiget amicis afferentibus voluptatem. Tertia q̃ vir felix indiget amicis bonis & ftudiofis. Primo igitur dicit philofophus cū rationes nunc vltimo allatæ videantur probabiles & verifimiles, quid dicunt, & quid volunt illi primi: cum afferunt felicem non indigere amicis? quomodo igitur & quouſque dicunt veritatem, poſtea hoc declarat dicendo quòd vulgus & multitudo eos tantum vocant amicos qui funt viles: quòd fi ita intelligunt tunc verum videbitur quod dicunt felicem non indigere amicis, fcilicet vtilibus, & fic habemus primam conclufionem, quæ probari poteſt hoc pacto, qui habet bona interna atque externa, & eft ex ſeſe fufficiens, non indiget amicis vtilibus, ſed vir felix eft huiufmodi, ergo vir felix non indiget amicis vtilibus. [N E C etiam in iis qui ob voluptatem.] Secunda conclufio. Qui habet ex ſeſe voluptates, & ſatisfacit ſibi in voluptatibus internis non videtur indigere amicis voluptariis, nec aduentitia quadam voluptate: ſed vir felix eft huiufmodi, ergo is non videtur indigere externa, & aduentitia voluptate. [A V T perparū.] Hoc addere videtur philofophus, quia felix interdum indiget relaxatione, & recreatione propter defatigationem corporis. [H O C autem non eft forſitan.] Tertia conclufio, quæ ſe tenet pro parte affirmatiua quòd vir felix indiget amicis, & amicis ftudioſis, & probatur tribus rationibus. Prima, Si homo magis ſpeculatur, & intuetur aliorum operationes quàm ſuas, vir felix indiget ftudioſis amicis: ſed primum eſt, ergo & ſecundum. Aſſumptū patet, nam homines magis conſiderare, & intueri videntur opera aliorum quàm ſua, vnusquifque ſerme videtur magis deficere in iudicio ſui propter aſſectū proprium. Homo præterea potius videtur intelligere recta linea quàm reflexa. Talis enim modus intelligendi, & vertendi ſe ad ſeipſum tribuitur magis ſubſtantiis ſeparatis quæ ſe perpetuo intelligunt nec accipiunt incrementa. Hominis autem intellectio videtur terminari primo ad rem intellectam, & fic ex communi curſu magis homo videtur ſpeculari, & intueri aliena opera quàm ſua. Cum vero incrementa aſidue in ſcientiis accipiendo maximam fuerit cognititionem conſecutus, tunc ad ſeipſum tandem ſe vertere, & reflectere ad ſe videtur, cōſequentiā autem illam ſiue coniunctam, ſcilicet quòd vir felix indiget ftudioſis amicis ſi homo magis ſpeculatur opera aliorum quàm ſua, declarat philofophus multis propoſitionibus. Prima q̃ felicitas eſt operatio. Secunda quod operatio fit, & non eſt res, quæ fit quædam poſſeſſio vt affectus atque virtutes. Tertia quòd operatio ftudioſa vehementer eſt iucunda ftudioſo viro. Quarta quòd magis poſſumus contemplari & cōſiderare proximorum actus quàm noſtros. Quinta, quòd vir ftudioſus vehementer delectatur bonis operationibus ftudioſi amici. Sexta, quam videtur præſupponere q̃ nō poſſumus delectari re aliqua niſi antea ipſam cognouerimus qua delectamur, quare concluditur q̃ ideo vir felix indiget amicis bonis vt poſſit intueri eorum operationes ftudioſas quæ ſibi ſunt propria & accommodata, & ſimiles ſuis, & illis gaudere, & iucunditatem ſumere cum amicis verus fit quaſi alter ipſe. Notandum quòd philofophus dixit operationem fieri, & non poſſideri: ex quo videtur quòd operatio non fit de numero permanentium, ſed de iis quæ ſunt ſucceſſiua, quare intelligendum q̃ aliquid bifariam fieri dicitur. Vno modo ſucceſſiue vt pars poſt partem, alio modo ſimul, ita vt dependeat à producente & conſeruante: quo remoto remoueretur & illud quod fit & conſeruatur ab ipſo. Primo autē modo cum fit aliquid per partes, aut fit hoc pacto vt antecedens corrumpatur pars, cum fit alia, ſequens, vt de tempore & motu dicitur, quæ videtur eſſe dum ſunt, & partes non videntur perſiſtere, aut fit hoc modo vt partes remaneant, ſicut domum fieri dicimus per partes, quarum vna fit poſt aliam, & permanent, vt fundamentum parietes, & cætera. Secundo autem modo fit aliquid ſimul cum totum producit, & omitamus nunc generationem formæ ſubſtancialis, quæ etiam ſimul fit, ſed loquamur de operatione quæ fit tota ſimul, & dependet à producente. Quare dicendum hac diſtinctione præmiſſa quòd operatio, & ea quæ eſt felicitas non fit ſucceſſiue per partes, nec vt motus vel tempus, nec vt domus, ſed tota videtur produci, & eſſe in indiuiſibili, potentia animæ. Nam ſi pars poſt partem fieret & corrumpereſt, tunc cum ſpeculamur imperfecte intelligeremus, nec ſequeretur voluptas ipſam operationem totam tam actiua, quàm ſpeculatiua ſi fieret per partes, quare fit ſecundo modo operatio tota, & ſimul ita tamen vt dependere videatur à producente, ſicut lumen dicitur fieri, & totum diffundi per hemiſpherium noſtrum, & pendere à luce vel à

corpore solis luminoso: sic igitur fit operatio quæ cum felicitas, non ut motus, nõ ut domus, sed ut id quod producitur, & dependet à felice operante, & conseruatur ab eodem, quia proprie dicitur felix dum operatur: & est in actu secundo. Notandũ quòd philosophus dixit nos magis aliorum actus quàm nostros intueri posse, & contemplari, quod accommodatè dicitur secundum illam sententiam quam attulit. & quia nimium nos amamus, difficile iudicamus de nobis, unde est illud, nosce teipsum. [ARBITRANTVR etiam homines.] Secunda ratio ad idem probandum, 50  
 is quem communi hominum sententia iucunde viuere oportet indiget amicis studiosis: sed felix est huiusmodi, ergo felix indiget amicis studiosis. Patet ratio, præsertim de felici actiuo & ciuili, quia si solus sit non facile potest operari. Quòd si summa iucunditas sit ex operationibus studiosis, & solus non potest commodè operari, ergo indiget aliis, id est amicis, cum quibus, & ad quos bene operetur, consulendo & benefaciendo amicis suis, & eisdem operationibus gauden- 60  
 do bonis scilicet & studiosis, sicut musicus eleganti cantu. [VERIT etiam & quædam.] Tertia est ratio, is quem decet exercitatio virtutum indiget amicis studiosis, sed felix est huiusmodi, ergo is indiget amicis studiosis: & hoc probatur sententia Theognidis poetæ, bona inquit di- sces si cum bonis uerferis, si cum prauis bona quæ in te erūt amittes. Igitur societas amicorum opportuna erit felici ad exercitacionem virtutum, & fiet uicissitudo quædam dum ad se inuicem operabuntur bona, & etiam ad alios, & sic patet quibusdam moralibus rationibus quod felix indi- 65  
 get amicis non quibusuis, sed studiosis. [NATURALIS autem hoc ipsum.] Soluti in hac parte philosophus quæstionem illam quibusdam naturalibus rationibus probando, & ostendendo eandem conclusionem quod felici est opus studiosis amicis, & primo præmittendo intentionem suam dicit quòd si hanc rem naturalius inuestigare volumus, reperiemus bonum amicum esse natura experibilem, & assert per ordinem tres conclusiones. Prima, Esse atque viuere est homini studioso per se bonum atque iucundum. Probatur, omne quod est suapte natura bonum: est ipsi studioso per se bonum atque iucundum: sed esse atque viuere est suapte natura bonum: ergo esse atque viuere est ipsi studioso per se bonum atque iucundum. Maior patet, quia vir bonus, & felix est mensura perfecta ita ut quod est simpliciter bonum viro studioso, sit bonum & iucundum per se, ut in septimo declarauit, minor ostenditur à philosopho, sed ante declarat quid sit ipsum viuere. Nam viuere in brutis animalibus diffiniuius per potentiam sentiendi, in hominibus pro quanto communicat cum aliis animalibus, & per potentiam intelligendi, pro quanto, id est sibi proprium, & differt ab aliis animalibus, nam in libro de anima ostendit philosophus quòd ipsa est actus corporis potentia vitam habentis, & in brutis est principium sentiendi, in hominibus vero non solum sentiendi, sed etiam intelligendi ut ibi docet latissime hæc omnia, sed cum viuere sit aut in potentia, aut in actu, quia potentia reducitur ad actum, principaliter viuere erit in operatione, & in actu secundo, quibus præmissis infert philosophus id ex quo elicitur probatio minoris quòd esse, & viuere est per se bonum, & natura iucundum, quia est definitum, bonum autem ut Pythagorici dicebant est finitum, malum vero infinitum, & vitam in ordine bonorum corruptione in ordine malorum collocabant. Verum cum aliquis dicere potuisset ipsum viuere non esse bonum omnino ut ipse ait, quia vita praua, & corrupta non est bona, nec expetenda, nec definita: tollit philosophus hanc obiectionem ostendendo quòd non loquitur de tali vita, sed illa quæ competit studiosis quorum vita est definita, & non indefinita parua & corrupta. Nam ut vitia dicuntur indefinita: sic etiam vita talis. His dictis declarat philosophus quòd esse, & viuere est bonum, & ex consequenti iucundum, quod patet quòd ab omnibus expetitur, & maxime ab ipsis bonis atque beatis quorum vita est felicissima, ut ait philosophus. [DIFFI- 61  
 NIENT.] Scilicet philosophi. [POTENTIA sensus.] Id est per potentiam sensus. Hominum autem sensus, quicquid est in animali potentiarum est etiam in homine, & perfectiori modo. clauduntur enim in ipso, sicut triangulus in quadrangulo, ut dicit philosophus in libro de anima habet, præter illa etiam homo alia multo præstantiora ut intellectum & rationem quæ non sunt in illis animalibus brutis vlllo pacto. [IN SEQUENTIBVS.] Id est in decimo libro ubi loque- 62  
 mur de voluptate & dolore. Qui autem videt, his videre sentit. Secunda est conclusio hoc pacto, sentire se sentire, & intelligere se intelligere bonum est, & iucundum felici. Probatur, sentire se esse, & viuere & intelligere se esse atque viuere est bonum naturaliter, & iucundum felici actiuo studioso viro: sed sentire se sentire, & intelligere se intelligere est sentire, & intelligere se esse & viuere, ergo sentire se sentire, & intelligere se intelligere est bonum atque iucundum studioso viro, & omnino felici ipsi. Patet ista ratio, quia si viuere est iucundum, & bonum studioso ut antea probauimus, profecto percipere istud esse, & viuere erit sibi iucundissimum. percipit autem cum sentit se sentire, & intelligit se intelligere, quia in homine ipsum viuere diffinitum est supra per sentire & intelligere. Notandum quòd philosophus dicit quòd videns sentit se videre, & audiens, & cætera. hoc non videtur verum, quia nulla potentia instrumentalis vertit se ad seipsam, hoc enim competit intellectui qui esse potest intelligens, & id quod intelligitur: verum potentia sensitua, & instrumentales extenduntur extensione subiecti, & non possunt vertere se ad seipsas, nam si hoc verum esset visum suam visionem videre, tunc visus vel oculus videret se ipsum sicut intellectus se ipsum intelligit, & intelligit suam intelligence. Animaduertenda

sunt igitur verba philosophi qui caute loquitur. Non enim dicit videt se videre, aut audit audire, sed sentit se videre, id est per superiorem potentiam sensitivam, veluti per sensum communem quo sentire possumus nos videre vel audire. Et ad hanc sententiam declinare videtur philosophus in libro de anima, cum loquitur de sensu communi ubi dicit. Cum autem sentiamus nos videre ac audire, necesse est aut visum sentiamus quod videamus, aut alio sensu. At si alio sensu & cetera, non igitur videndo sentimus per visum nos videre, sed per superiorem potentiam veluti per sensum communem, ut diximus, plures autem potentiae sensitivae internae, quae sunt superiores, & successiue ordinatae quousque accedatur ad potentias non sensitivas, sed rationales, ut est mens, & ipse intellectus qui seipsum intelligere potest, quare sentire se videre vel aliquam sensationem non est necesse ut sensus idem in seipsum vertatur, sed sufficit ad hoc ut superior potentia sensitiva percipiat operationem inferioris potentiae sensitivae, sed intelligendo se intelligere bene, requiritur ut intellectus vertatur ad se, & in seipsum reflectatur, quia non habet superiorem potentiam aliam intellectivam. Eset enim processio in infinitum: sed haec in libro de anima.

[A T V I R studiosus vii habet.] Tertia est conclusio talis quod bonum est studioso viro amicum suum esse, & vivere, & est idem iocundum percipere ipsum amicum esse & vivere. Probatur, sicut se habet felix & studiosus ad seipsum, sic etiam ad amicum: sed felici est bonum se esse, & vivere & id percipere est sibi iocundum, igitur & erga amicum similiter eveniet. His dictis philosophus assignat modum quo felix istud percipere potest de amico suo, scilicet conuersando: & simul viuendo non ut bellus, sed vita rationali quae homini coepetit, quod si id quod est bonum & iocundum felici inest ei oportet nec in hac parte deficiat, & id est percipere amicum suum esse, & vivere, & hoc percipi non potest nisi conuersando, profecto viro qui futurus sit felix, & ad hoc ut sit felix perfecte opus est amicis, & non quibusvis, sed studiosis, sic igitur tribus conclusionibus quarum altera pendet ex altera subtilissime allatis, & probatis à philosopho sua concluditur principalis intentio, quod vir felix indiget studiosis amicis, ut diximus. Et notandum est quod philosophus vult constituere felicem perfectum humanis bonis omnibus quoad fieri potest, quod si esset aliquid bonum humanum merito expectandum quod ille caret: non esset perfectus proprie felix, quare non modo interna bona, sed etiam externa quae conferre ad felicitatem possint, & ex quibus ille sumere queat iocunditatem sibi congruam, tribuere philosophus nititur. Verum amici maxime videtur esse ut ipse ait inter externa bona, quare & tribuendi sibi iure videntur: simul etiam quia vitam iocundiorem efficiunt ipsi inquam amici boni, & studiosi, & vir felix iocundam vitam degere debet, quare in hac parte non oportet eum deficere, & maxime atque imperfectum esse: merito igitur ei tribuuntur boni amici. Dubitatur utrum amicitia sit bonum internum an externum, quia in principio philosophus dixit eam esse virtutem vel cum virtute, hoc autem in capitulo dicit amicum esse maximum externorum bonorum, quare pro utraque parte arguere possumus, postea declarationem quaestionis asserre, & primo videtur quod amicitia non est bonum externum. Nullus habitus est bonum externum, amicitia est habitus, ergo amicitia non est bonum externum. Patet ratio, quia amicitia videtur esse habitus electivus, & consistere in medio critate quodammodo, & esse aut virtus, aut habitus quidam praesupponens ceteras virtutes morales. Item nullum bonum externum est in potentia animi, & in potentia rationali tanquam in subiecto, sed amicitia est in potentia animi, & in potentia rationali, id est in voluntate, ut plerique autumant, ergo amicitia non est bonum externum. Ex altera parte non videtur etiam amicitia esse bonum internum: bona interna videntur esse in nostra potestate: amicitia non est omnino in nostra potestate, ergo amicitia non est bonum internum. Quod autem non sit in nostra potestate ex eo patet, quia cum sit beneuolentia mutua, pendet etiam ex amore alterius. Item philosophus dicit amicum esse maximum externorum bonorum, ut supra in hoc capitulo vidimus: ergo amicitia ipsius amici erit etiam bonum externum ut videtur. Pro declaratione huius quaestionis intelligendum est quod amicitia considerari potest primo ut est habitus absolutus, & quasi perfectio quaedam in animo illius qui amat, & ex parte vnus. Aut secundo modo considerari potest ut est habitus simul cum respectu, id est aggregatum quod est aequalitas quaedam requirens mutuam amationem. Primo modo erit bonum internum, sed non est proprie amicitia integre, nec omnino amicitia, nam ad hoc ut constituitur amicitia in esse suo completo: requiritur correspondentia amoris ut diximus, & hoc videtur quasi addere supra modum virtutis, nam in qualibet virtute sufficit actus ex parte vnus studiosi, sed in amicitia non sufficit actus vnus quia requiritur ut actus duorum mutuo se amantium concurrant, & forsitan ob hoc philosophus dixit supra vel cum virtute, & non quod esset absolute virtus, quia videtur aliquid addere supra rationem virtutis, si sumamus amicitiam proprie dictam, non potest igitur esse vna amicitia quin sit altera respondens illi: ita ut si duae sint numero in duobus amicis, tanquam in subiectis suis, altera tamen respiciat alteram. Et vna species amicitiae erunt, quia amicitia dicitur de hac, & de illa, & erit ibi relatio quaedam aequiparantiae, ut isti aiunt, sicut haec albedo est similis illi albedini, & similitudo in utroque videtur esse subiecto. Secundo igitur modo, ut ex dictis percipi potest, erit integra amicitia, habens mutuam amationem, & hoc pacto sumpta nunc bonum internum, nunc externum diuersis

# ETHICORVM

respectibus appellari posse videtur. nam amicitia quæ est in me erga amicū respectū mei est mihi bonum internum. respectū amici est sibi bonum externum. Item amicitia quæ est in amico erga me respectū sui est sibi bonum internum, respectū mei est mihi bonum externum: & ideo dicit philosophus amicum esse maximum externorum bonorum ipsi felici, & non dixit amicitiam absolute, sed amicum. & eodem modo dici potest amicitiam amici esse felici bonum externum, sed ut est in eo qui amat est sibi bonum internum, & sic diuersis rationibus, nunc internum, nunc externum dicitur bonum.

De numero amicorum.

Cap. X.



Vnt ne igitur quam plurimū faciendi amici, an (ut de hospita-  
 litate dictum concinne fuisse videtur. Hospite ne careas: ho-  
 spes neque pluribus esto) sic & ad amicitiam accommoda-  
 bitur: neque sine amicis esse, neque rursus nimium multos  
 habere amicos. Ad eas igitur amicitias quæ sunt ob vtilitatem: & valde  
 id quod dictum est, accommodatum esse videbitur. Multis enim vicissim  
 subministrare laboriosum est, neque ad hoc agendum, facultates ipsæ  
 sufficiunt. plures igitur iis qui sunt ad facultates proprias satis: superuaca-  
 nei sunt, atque ad bene viuendum impedimento. nō ergo opus est ipsis.  
 ii quoque qui comparantur ob voluptatem: sufficiunt pauci, ut in epu-  
 lis condimentum. At sunt ne studiosi plurimi comparandi? An & mul-  
 titudinis amicorum est quidā numerus: perinde ac ciuitatis? Nec enim  
 decem ex hominibus ciuitas constare potest: nec etiam est ex centum  
 milibus adhuc ciuitas. sed quantitas nō est forsitan vna quædam deter-  
 minata. sed omnis ea quæ est media inter quasdam multitudines defi-  
 nitas. & amicorum igitur multitudo quædam est definita. Atque ii for-  
 tasse sunt plurimi, cum quibus quispiam viuere potest. hoc enim ad ami-  
 citiam pertinere maxime videbatur. Fieri autem non posse ut vna cum  
 multis quispiam viuat, seque multis impertiat, non est obscurum. Prete-  
 rea illos etiam inter sese amicos esse oportet, si simul omnes viuere sunt:  
 hoc autem difficile est in multis. Est etiam perdifficile gaudere familia-  
 riter cum multis, atque dolere. concurrere enim hæc simul possunt: cū  
 vno inquam dolere, & cum altero gaudere. Forsitan igitur bene est non  
 quærere quàm plurimos amicos habere, sed quot ad communem vitam  
 habendam sufficiunt. Neque enim posse videtur multis vehementer a-  
 micum esse. Quapropter neque ad amare plures, exuperatio enim quæ-  
 dam amicitia. hoc autem est ad vnum. Et vehementer igitur amare, ad  
 paucos erit: hoc & in ipsis rebus ita se habere videtur: amicitia nanque  
 sodalitia, non fiunt multi amici. & quæ fama celebrantur, inter duos fu-  
 isse dicuntur. Qui vero multos amicos habent, & omnibus sese familia-  
 riter offerunt: ii nemini amici esse videntur, nisi ciuilitate, quos & \* pla-  
 cidus appellant. fit igitur ut ciuilitate multis sit quispiam amicis: etiam si  
 non sit placidus, sed vere vir probus. sed ob virtutem & se ipsos amicitia:  
 non est ad multos. amabile autem est: & paucos inuenire tales.

## Commen.

**S**VNT ne igitur quā plurimī facienda amici? Hic est tertius & vltimus tractatus huius noni libri, in quo philosophus postea quā attulit nonnullas quæstiones, & solutiones ad amicitiam pertinentes ex parte amantium, nunc affert alias etiam ex parte eorum qui amantur, & eas soluit. Diuiditur autem in tria capitula quæ suis locis declarabuntur. Primum capitulum diuiditur in duas partes. In prima philosophus affert quandam quæstionem, in secunda eam soluit. Primo igitur dicit philosophus cum felici sit opus amicis vt probatum est, facienda sunt nobis quam plures amici, quanto enim plus bonorum acquirere possumus, tanto magis laborandum esse videtur, vt ex eis quā plurimum consequamur. Sed amici sunt maxima externorū bonorum vt dixit philosophus, ergo danda opera videtur vt ex eis quā plures habeamus. Quærit igitur philosophus an multi sint nobis comparandi amici? an faciendum sit vt Hesiodus inquit de hospite, ne careas illis nec habeas plures. [A D eas igitur amicitias quæ] Hæc est secunda pars huius capituli, in qua philosophus cum quæstio in genere proposita sit vtum quā plures sint nobis parandi amici, & amicitia trifariam dicatur, soluit secundum vnamquamque speciem amicitie, & primo quod amici qui sunt ob vtilitatem non sunt plurimi comparandi. Probatur duabus rationibus, Ex iis hominibus non oportet multos habere amicos, quibus, & subministrare, & inferuire laboriosum est: sed amici ob vtilitatem sunt huiusmodi, ergo amicos ob vtilitatem non oportet habere quā plures: nam multis quærentibus vtilitatem commode satis fieri non potest, & si istud non fiat statim, cessabit amicitia. Item ii qui sunt impedimento ad bene viuendum non sunt nobis comparandi: sed quā plures amici ob vtilitatem sunt huiusmodi, propriam enim quærent vtilitatem & curiosi sunt circa commoda sua: ergo tales amici ob vtilitatem non sunt quā plures comparandi. [I I quoque qui comparantur.] Accipit aliam speciem amicitie, & secundum eam declarat etiam quæstionē propositam, vbi pauci sufficiunt amici nō est opus multis, sed amici faceti, & ob voluptatem pauci sufficiunt vt condimentum in epulis, ergo non est opus multis huiusmodi amicis, sed pauci sufficiunt amici ob voluptatem, non intelligendo ob turpem voluptatem, quia tales nulli sunt cōparandi, sed post habendi omnes: pauci vero ob voluptatem, id est pauci faceti sufficiunt ob relaxationē quandā, nā frustra sit per plura quod potest fieri per pauciora, & æque bona, vt dici solet. [A T studiosi nec plurimi sunt comparandi.] Similiter, sumit nunc philosophus speciem amicitie quæ est ob virtutem, & ostendit quod talium amicorum ingens multitudo parari non potest, sed quantitas determinata sumenda est: vt patebit infra. Dicit igitur in primis quod sicut est de ciuitate, ita de amicitia tali esse videtur, sed de ciuitate sic est quod ea non videtur constare posse ex decem tantum hominibus, nec etiā proprie sine consensione ex superabundanti multitudine veluti ex centum milibus: sic exempli gratia ponamus eam esse nimiam, & excedentem multitudinem, eodem pacto amicitia in multitudine nimia non videtur posse constare, sed sumendus numerus determinatus, & tot parandi amici vt eis satisfacere possimus secundum conditiones amicitie: Expositores quidam hunc locum de multitudine ciuitatis exponunt quod est dare maximam, & minimam vltra quam non debet fieri diminutio, aut additio, aut additio, quasi sint duæ quantitates determinatæ numero à quibus digredi nec ascendendo nec descendendo licet. Mihi autem videtur quod philosophus velit, quod parua copia non conficiat ciuitatem, nec nimia ex qua sit confusio. Postea dicit, est ne quantitas determinata? minime: sed est ea quæ est inter duas quantitates determinatas. Cōsideranda est igitur conditio loci, & regionis, & tunc statuatur quædam accommodata multitudo, vt in politicis ostendit philosophus. Exemplum, si regio esset idonea decem milibus duo essent parum, viginti nimium, ergo sumenda erit accommodata multitudo veluti decem. non est igitur mens philosophi iudicio meo vt nominatim sint duæ quātitates determinatæ omnino vltra quas nō possint dari maiores vel minores: sed sumenda sunt maiores, & minores definitē secundum loci exigentiam, & sumenda quædam media multitudo inter illas quantitates eo pacto definitas, quæ sit accommodata regioni & loco: sic etiam numerus amicorum accommodatus sumendus esse videtur secundum vitam & conuersationē. [A T Q V E ii fortasse plurimi.] Declarat nunc philosophus quod in amicitia ob virtutem non possunt multi cōparari amici, & ideo quā plures non oportet sibi comparare multis rationibus. Prima ratio quod sunt ii quibus cum viuere conuersari quæ possumus tot sunt nobis studiosi comparandi amici, sed cum multis non possumus conuersari, & viuere, ergo non oportet multos sibi tales comparare amicos, patet ratio, quia præcipuum in amicitia est viuere, & conuersari cum amico, sed difficile est conuersari, & viuere cum multis, verum omnis difficultas debet remoueri ab amicitia præsertim studiosi cum sit habitus afferens summam iocunditatem amicis, difficile est igitur verari cum multis eo modo præsertim qui in amicitia perfecta requiritur, quare paucitate amicorum magis constabit talis amicitia quā multitudine. [P R A E T E R E A illos etiā.] Alia ratio, si quis habeat plures amicos tales oportet, vt illi etiā sint amici inter sese, sed hoc est valde difficile, ergo & difficile, & arduū est habere plures amicos in tali genere vel specie amicitie. [I D quoque difficile.] Alia ratio, cū officiū amici sit dolere amicis aduersis, & gaudere gaudio illius, si plures habeas amicos, eueniet vt simul tibi gaudendum sit atque dolendum diuersis causis amicorum: sed hoc est vehemēter difficile, vt fiat cum



## ETHICORVM

multis, ergo non est opus vel est difficile quā plures huiusmodi habere amicos. [FOR SIT AN igitur bene habet] Alia ratio. Si quis plures habeat amicos, sit ut in tali amicitia nō sit amator intensus, & vehemens: sed in amicitia bonorum hoc esset inconueniens, ergo ad hoc ut sit amor intensus oportet ut pauci adsint amici, nam amicitia perfecta vehemens est in amore, & est exuperatio quādam amicitiae quasi summum gradum tenens in genere amicitiarum, ut in octauo docuimus: sed ea quae superlatiuo modo dicuntur, non competunt multis. (HAEC ita esse & in ipsis rebus.) Alia ratione quae deducitur ex ipsa experientia, & exemplo rerum probat propositum suum. Sicut fit in amicitia sodalitia, sic fieri videtur in amicitia quae est ob virtutem: sed in ea fit ut pauci, & plerumque duo tantum fiant amici, sic in amicitia bonorum, & studiosorum euenire videtur. similitudo videtur teneri, quia magna est aequalitas inter eos qui simul nutriti, & educati sunt, & sodales facti, & saepe dictum est, amicitiam talem esse similem fraternae amicitiae, & huic etiam ob aequalitatem: em: quod autem in huiusmodi amicitia pauci vel ut plurimum duo sint amici probat philosophus ex communi fama, quae celebrari solent quādam paria amicorum, veluti ea amicitia celebrari solet quam inter Patroclum & Achillem, & quam inter Pyladem & Orestem, & item ea quam inter Scipionem & Laelium fuisse tradunt, & Cicero de duobus Pythagoreis sic inquit. Damonem & Pythiam Pythagoreos ferunt hoc animo inter se fuisse, ut cum eorum alteri Dionysius tyrannus diem necis destinauisset, & is qui morti esset addictus, paucos sibi dies commendandorum suorum causa postulauisset, vas factus est alter eius sistendi, ut si ille non reuertisset, moriendum esset ipsi, qui cum ante diem se recepisset a admiratus eorum fidem tyrannus petiit ut se ad amicitiam tertium adscriberent. sic igitur talibus exemplis colligi potest quod intensa amicitia, & vehemens est ad paucos, & ut plurimum inter duos ut patet ex philosophi dictis. Post haec philosophus videtur asserere hanc sententiam, quod qui omnes vel multos volunt habere amicos, nullos habent vere amicos, sed placentes, & assentatores ut saepe fieri solet, verumtamen fieri potest ut vir bonus plurimos ciuili amicitia habeat amicos, sed perfectos, vera amicitia multos reperire non potest, quibus concluditur, quod si plurimi in tali specie amicitiae comparari possunt ut constarent amici boni, & perfecti plurimi essent proculdubio comparandi, sed cum hoc aut non fieri aut cum summa difficultate fieri possit, satis est paucos reperire tales amicos secundum philosophum.

*In qua fortuna sint habendi amici*

*Cap. XI.*



**A**Utra in fortuna magis opus est amicis: utrum in prospera an in aduersa? In utraque nanque quaeruntur. Nam & qui fortunam habet aduersam: indigent ope, & qui sunt in rerum prosperitate eorum indigent quibuscum viuunt, & in quos beneficia conferent. Volunt enim largiri, beneficiaque conferre. Amicos igitur habere necessarium quidē est magis in aduersa fortuna. Quapropter hic utilibus amicis est opus: honestius autem est, in prosperitate fortunae, idcirco & bonos quaerunt. In hos enim beneficia conferre, atque cum his vna degere: magis est expetibile. Est enim & ipsa praesentia amicorum iocunda in utraque fortuna, Nam leuantur ipsi dolentes cum dolentibus ipsis amicis. Quapropter & dubitauerit quispiam si doloris ut oneris amici participes fiunt: an hoc quidem non sit, ipsorum autem praesentia cum sit iocunda, condolendūque sensus minuit ipsum dolorem? Verum si ob haec, aut ob aliquid aliud leuantur: missum faciamus. Id quod dictum est euenire sane videtur. Ipsorum autem praesentia immixta quādam esse videtur. Nam aspicere quidem amicos, iucundum est: praesertim ei qui calamitatibus premitur, fertque praesidium aliquod aduersus dolores. Consolationem enim ipse amicus & aspectu, & verbis asserere potest: modo sit dexter. Scit namque mores, ex quibus gaudet atque dolet. At sentire suas ob aërumnas dolere amicum: asserit dolorem. Nam omnes fugiunt se causam doloris esse amicis, quapropter viriles



quidem natura cauent: ne amici secundum condoleant. Et si non exuperent indolentia: dolorem quo illi afficiuntur non ferunt. Atque omnino simul plorantes mœrentesque non admittunt: quia nec ipsi sunt propensi ad luctus. Mulierculæ vero & huiuscemodi viri, gaudēt iis qui vna cum ipsis gemunt: & amāt eos tanquā amicos, & cōdolentes, oportet autē omnibus in rebus præstabiliorem imitari. At amicorū prosperis in rebus præsentia & voluptatem affert omni in actu, & cogitatione delectat, quod in ipsius bonis latantur. Quapropter videbitur oportere in prosperitatibus quidem prōpte vocare amicos. Est enim honestum, beneficium esse: in aduersitatibus autem pigre. Minime nanque facere participes malorum ipsos oportet. \* Vnde & illud dicitur. Sat est grauis, tristisque: sine me fors premat. Maxime tamen vocandi sunt tunc amici, cū parua suscepta molestia, multum prodesse possunt. Contra autem fortasse congruum est: ad calamitosos quidem ire non vocatū, & prōpte. Est enim amici beneficia conferre: præsertim in eos qui indigent, & antequā illi requirant. Vtrisque nanque honestius, atque iucundius est. Ad fortunatos autem prōpte quidem accedere ad operandum vna cum illis. Est enim ad hæc opus amicis: lente autem pro beneficiis cōsequendis. Nō est enim honestū vtilitatis suæ causa properare. Cauenda autem est forsità opinio iucunditatis in repellendo: accidit enim nonnunquā. Præsentia igitur amicorum in vniuersis expetibilis esse videtur.

## Commen.

73 **A**T quando magis opus est amicis: vtrum.] Hoc est secundum capitulum huius libri. In quo philosophus affert aliam quæstionem ad amicitiam pertinentem & eam soluit, hæc autem est vtrum sit magis opus ipsis amicis, an in aduersis rebus: an in secundis. Diuiditur autē hoc capitulum in tres partes quæ patebunt. In prima igitur philosophus proponit quæstionem dubitando vtrum in aduersis an in secundis magis sit opus amicis, & declarat postea id quod quæstio supponit dicendo, quod in vtroque tempore, & in vtraque conditione vitæ indigemus amicis. [A M I C O S igitur habere necessarium.] Soluit philosophus quæstionem afferēdo 74 duas conclusiones, quarū prima est ista: q̃ in aduersis amici viles sunt nobis magis necessarij. Probatur, iis qui subsidio egent amici viles sunt necessarij, sed constituti in aduersis subsidio egent, ergo iis amici viles sunt necessarii. Item secunda conclusio est q̃ ii qui sunt in bona prosperitate amicis indigent honestis quidem & studiosis. Probatur per hoc, quia ii qui largiri volunt, & beneficia conferre indigent amicis honestis, & studiosis: sed ii qui sunt in secundis rebus constituti largiri volunt, & beneficia collocare: ergo ii indigent amicis studiosis, & ii qui sunt amici ob honestatem. ex quibus soluitur dubitatio illa, nam cum quæritur quando magis est opus amicis, respondetur quod in vtroque tēpore, sed in aduersis est opus amicis vtilibus ob necessitatem, in prosperis vero est opus amicis studiosis ob honestatem: quare magis necessarium est in aduersis, & magis honestum in prosperis, in quibus ii qui constituti sunt debent liberaliter bonis amicis beneficia conferre. (E S T enim & ipsa præsentia amicorū.) Hæc est secunda pars huius capituli, in qua ostendit præsentiam amicorū esse iocundam in quacunque conditione seu prospera seu aduersa, & primò ostendit quod præsentia amicorum est iocunda in aduersis, id quo leuantur ii qui dolent est iocundum, & delectabile illis in aduersis, sed præsentia amicorū est huiusmodi, ergo præsentia amicorum est iocunda in aduersis, quia leuatur mœrentis dolor præsentia amici. Sed quomodo sit leuatio ista dicit philosophus? an quia amici subeant dolorē mentis in aliqua parte, sicut oneris cuiusdā partē sublineant? nā si quis ferat centum librarum onus, & quidam alter adiutor accedat ad ferendum idem onus, manifestum est quod leuius fiet primo illi gestanti, & iste alter partem sublinebit: fit ne hoc pacto dicit philosophus in dolore mœrentis amici præsentia amicorum? & statim subdit, an id quidem non sit, quia iste modus sibi non videtur placere. Itaque affert aliā rationem dicendo, an ob id leuatur dolor amici, quia præsentia amicorum & iocunda, & perceptio simul dolendi est sibi grata. Contraria autē ita se habent, q̃

ETHICORVM

[illegible]

*De præcipuo munere amicorum, & bonorum & malorum amicitia.*

Cap.

XII.

**A** T est ne: vt adamātibus amabilissimum est ipse aspectus, magisque hunc sensum quā ceteros expetunt, propterea quod per hunc maxime est, atque oritur amor, sic & amicis maxime expetibile conuersari, simulque viuere? Amicitia nāque communicatio est. Et vt ad seipsum quisque: sic sese habet & ad amicum, sensus autem vnique circa seipsum est expetibilis. Et circa igitur amicum. At operatio ipsis in simul viuēdo fit.

Quare non immerito viuere simul affectant. Atque quòd tamen est singulis esse, vel gratia cuius viuere expetunt: in eo cum amicis versari, degerèque volunt. Quocirca alii còpotant, alii talorum ludo simul incùbunt: alii simul sese exercent: & vnà venantur aut philosophantur, singuli totos dies id simul agètes quòd maxime amant. Viuere enim simul cum amicis volentes, hæc faciunt & ea cum his communicant, quibus cum vna viuere expetunt: quæ maximum ipsos in vita delectant. Fit igitur amicitia quidem improborum flagitiosa. Communicant enim praua, suntque instabiles, & peiores etiam fiunt, moribus similes euadètes. Proborum autem proba congressionibus suscipiens incrementa. Videtur etiam tales & præstabiliores euadere, tam agendo quàm se mutuo emendàdo. Eliciunt enim ex sese mutuo ea quæ placent. \* Vnde illud dicitur recte. Disces ex studiosis nimirum optima semper. Sed hætenus de amicitia. Deinceps de voluptate dicamus.

Supra 'ca.  
9. hui' ex  
Theogni-  
de, ὁ δὲ  
ἐδ' ἄν' ἴ  
καὶ ἄν'  
ἐδ' ἄν'.

## Commen.

- 80 **A** T est ne vt adamantius amabilissimum. ] Hoc est tertium capitulum huius tractatus in quo philosophus affert aliam quæstionem de societate amicitia. i. si in amicitia proprie dicta est aliquid expetibile vehemèter, sicut videtur esse in amore amatorio ipse aspectus. Diuiditur autem in tres partes quæ suis locis patebunt. Primo igitur philosophus proponendo quæstionem dicit, vt in amatoria amicitia amantibus aspectus est vehementer expetibilis, est ne etiam aliquid simile in amicitia proprie dictis quod amicum vehementer oblectet & vehementer expetatur quasi dicat quòd est, & declarat quòd illud est simul viuere, & simul versari. Nam sicut fit in amicitia amatoria vt amans maxime gaudeat aspectu amati, sic improprie dicta amicitia conuersatio, & communis vita maxime est iocunda, & expetibilis. sicut enim in amatoria amicitia amor videtur maxime còsistere in sensu visus, sic amicitia proprie dicta maxime consistit, & conseruatur communi vita, & conuersatione. Accomodate igitur philosophus affert hanc dubitationem. Vtrum simul viuere, & simul versari sit id quod maxime expetitur in amicitia proprie dicta: sicut voluptas quæ fit per aspectum maxime expetitur in amatoria amicitia. (N A M amicitia societas est & erga.) Hæc est secunda pars huius capituli in qua soluit dubitationem allatam, & affert hanc conclusionem quòd simul viuere, & conuersari est maxime expetibile in amicitia. & probat tribus mediis. Primo, id quod pertinet maxime ad societatem est maxime expetibile in amicitia: sed simul viuere, & conuersari est huiusmodi, ergo simul viuere, & conuersari est maxime expetibile in amicitia. Nam ex tali conuersatione oritur societas, & amicitia, & conseruatur. Item sicut homo est affectus, & dispositus ad seipsum ita ad amicum: sed cuique maxime est expetibile vt seipsum sentiat esse, & secum operetur, quia maxime hoc modo secum viuunt, & secum versantur, ergo & ita erit affectus ad amicum vt cum illo maxime velit viuere & versari. Patet ratio, quia sentire se viuere est iocundum, vt vidimus. Item id quod maxime communicant amici, vel cuius gratia præcipue viuere expetunt est amabilissimum in amicitia: sed simul viuere, & simul versari est id ob quod amici communicant, id quod simul vel putant suum esse, & cuius gratia præcipue expetunt viuere, ergo simul versari, & simul viuere est amabilissimum in amicitia. Nam id quod amant, & expetunt putant suum esse, & suum viuere, & hoc est suu operari. Vnde alii volunt simul potare, alii simul venari, alii simul philosophari, & sic de aliis: vt dicit in textu, itaque ea còmunicant quæ maxime amant, & quibus maxime putant se viuere. Sic igitur patet solutio, quòd sicut aspectus vehementer expetitur in amore amatorio: sic viuere simul, & versari simul est amabilissimum in amicitia proprie dicta. (V E L cuius gratia.) Hoc addi videtur, quia illud non est proprie illorum: sed est secundum viuere. i. operari. (F I T igitur amicitia quidem improborum.) Hæc est tertia pars huius capituli, in qua philosophus affert quædam correlaria siue sententias obortas ex solutione illa. i. duas ex parte amicitia improborum, & duas ex parte amicitia bonorum. Prima ex parte improborum est. quòd amicitia eorum fit flagitiosa, quia communicant praua. Secunda quòd prauis amici sunt quotidie deteriores, quia simul conuersando augentur in prauitate, & fiunt inter se magis similes, prima quoque ex parte studiosorum, quòd eorum amicitia fit quotidiano vsu magis bona, & secunda, quòd simul versando fiunt meliores, & mouendo se inuicem, & communicando ea quæ sunt bona: & hoc còfirmat sententia Theognidis poetæ, & sic nono libro finem imponit.

ARISTOTELIS STAGIRITAE  
ETHICORVM AD NICOMACHVM

Liber Decimus.

*De voluptate.*

*Cap. I.*

**P**ost hæc sequitur forsitan vt de voluptate dicamus. Maxime nanque voluptas nostro generi familiaris esse videtur. Quapropter erudiunt iuuenes: gubernantes ipsos voluptate, atque dolore. Videtur autem ad consequendam moris virtutem, maximum esse: gaudere iis quibus oportet, & odisse ea quæ oportet, comitantur enim hæc tota in vita, momentum, & vim ad virtutem habentia, felicemque vitam. Nam eligunt quidem ea quæ voluptate afficiunt: fugiunt autem ea, quæ dolorē efficiunt. Talia vero minime prætermittenda esse videntur: præsertim cum magna de ipsis sit controuersia. Quidam enim summum bonum voluptatem esse dicunt: quidam contra vehementer prauum: partim forsitan & credentes sic esse, partim putantes ad vitam nostram melius esse voluptatem ostendere prauam esse, etsi talis non est. Plerique enim propensiores sunt ad ipsam: & voluptatibus inserviunt. Quamobrem ad contrarium ipsos ducere oportere dicunt: sic enim ad ipsum medium tandem peruenient. Fortasse autem hoc non bene dicitur. Sermones enim qui de affectibus fiunt, & actibus: minus creduntur quàm opera. Cum igitur ab iis discrepant quæ sensu percipiuntur: tum spreti veritatem etiam ipsam interimunt, qui nanque voluptatem vituperat: is si eam visus nonnunquam fuerit affectare, ad ipsam inclinari videtur vt talem omnem. Distinguere nanque non est ipsius multitudinis imperitæ Sermo: nes igitur veri, non solum ad sciendum: sed ad viuendum etiam perutiles esse videntur. Creduntur enim cum sunt operibus consentanei. Quapropter hortantur eos qui ipsos intelligunt: ad ita viuendum, vt ipsi definiunt. Sed de his hæcenus. Nunc ea quæ de voluptate dicta sunt referamus.

*Commen.*

**P**OST hæc sequitur forsitan vt de voluptate. Hic est decimus & vltimus liber ethicorum, in quo philosophus peracta iam tota materia quam declarare volebat, peruenit ad finem, quem in principio sibi proposuit. Nam vt architecti vel fabri in ædificando domo fingere sibi exemplar, & quasi idæam solent, deinde parare, & disponere omnia necessaria ad ipsam domum construendam, demum perfectam reddere formam domus: sic philosophus vt peritissimus architectus per figuram quandam finem humanum designauit, deinde ea omnia declarauit quæ ad talem finem consequendum pertinere videbantur: postremo in hoc libro formam perficere videtur totius rei. Descripsit enim & quasi designauit in principio felicitatis figuram. Deinde declarauit virtutes tum morales, tum intellectuales, quæ pertinere videbatur, non solum ad declarandam definitionem felicitatis allatæ: sed etiam ad ipsam consequendam: ipsa enim virtus, vt patefactum est antea, magna pars felicitatis esse videtur. Docuit præterea quædā alia ne-

cessaria cognitu quæ non sunt proprie virtutes vel vitia, vt est continentia & incontinentia, constantia, mollicies & similia, quæ tamen habent magnam affinitatem cum illis. Docuit insuper exactissime de ipsa amicitia, quæ non vñum est ei virum perfectum atque felicem carere oportere. Demum nunc ipsam felicitatis figuram iam designatæ coloribus depingit, & ornat, vt ex hac doctrina in omni parte exactissime tradita aperiatnr nobis, & quasi ante oculos collocetur via quæ ad ipsam felicitatem humanam consequendam perducit. Præterea cum felicitas sit finis, & finis sit primum in intentione, & vltimum in executione, ideo philosophus eam in principio proposuit vt primum in intentione, nunc vt postremum in executione aggreditur. Medias autem virtutes collocauit, quæ sunt ad felicitatem tanquam ad finem. Est insuper, & alia causâ quæ philosophus post doctrinam de moribus traditam hunc. x. librum aggreditur, & diligentissime de felicitate confidat, quia felicitas est duplex, actiua, & contemplatiua, & altera est præstantior altera. Verum & si definitio felicitatis, quam dixit esse animi operationem secundum virtutem perfectâ, vtrique felicitati accommodari possit, quia in actiuis accipi potest virtus perfecta pro prudentia, in speculatiuis pro sapientia, tamē de actiua magis hucusque videtur egisse philosophus. ex quo necessarium fuit contemplatiuam felicitatem, quam non dū explicauerat, in hoc decimo latissime declarare vt facit, multa enim de ipsa dicit eaque præclara, & plura quàm de ipsa actiua vt infra videbimus. Diuiditur autem iste liber in duos tractatus. In primo ostendit, & docet de voluptate & dolore, de voluptate inquam præcipuè quæ annexa est felicitati. In secundo de felicitate, primo in genere, deinde eam diuidit in actiuam, & speculatiuam vt diximus: nec nos turbare debet quod in septimo libro loquutus sit de voluptate, & nunc etiam loquatur de ea, quia diuerso modo, & diuersa ratione hic ipsam considerat. Ibi enim eam præcipue considerabat vt est materiâ continentie & incontinentie, constantie, & mollitudinis, & similibus, & ob hanc causam consideratio sua magna ex parte versari videbatur circa voluptates corporeas. In hoc vero ex actiuis de ea loquitur considerando illam præcipue quæ est felicitati coniuncta, atque ita annexa, vt doctrina vnus secum trahat considerationem alterius. Præterea cum de vltimo fine humano esset diligentissime consideraturus, & quidam priscorum philosophorum eam finem vltimum posuissent, consentaneum fuit de illa tractaret philosophus, afferendo varias opiniones & definiendo, & distinguendo ipsam vt eius materia postulare videbatur. Primus tractatus diuiditur in quinque capitula, quæ suis locis declarabuntur. Primum autem capitulum diuiditur in tres partes secundum tres rationes, quibus ostendit ad moralem philosophum pertinere considerare de voluptate. Prima ratio. Ad moralem philosophum pertinet de ea re considerare, quæ familiarissima est generi humano, & qua adolescentes erudiuntur: sed voluptas est huiusmodi: ergo ad moralem philosophum spectat considerare de voluptate. Nam iuuenes rebus iocundis incitantur ad virtutes, asperis reuocantur à vitiis, & sic patres familias qui habent curam liberorum, nunc per dolorem nunc per iocunditatem eos erudiunt. Forsitan, quia nondum erant omnia declarata de voluptate quæ est annexa felicitati. [V I D E T U R autem & c.] Secunda ratio & pars capituli. De iis, quæ maxime pertinet ad virtutes maxime pertinet considerare ad moralem philosophum: sed voluptas & dolor est huiusmodi, ergo de voluptate, & dolore pertinet considerare ad moralem philosophum. Vidimus enim in secundo quod actus nostri maxime reguntur per voluptatem, & dolorem, & quod virtutes, & vitia circa ea versantur. & in septimo inquit philosophus, insuper & necessarium est de ipsis considerare, quia virtutem morum, & vitium circa dolores posuimus ac voluptates. [P R A E S E R T I M cum magna.] Tertia pars, vbi ponitur tertia ratio, de his quæ spectant ad vitam, & de quibus magna est controuersia inter philosophantes, pertinet considerare ad moralem philosophum: sed voluptas, & dolor est huiusmodi, ergo de voluptate, & dolore pertinet considerare ad moralem philosophum. Ad hanc rationem declarandam philosophus affert duas opiniones oppositas de voluptate. Quidam enim dixerunt voluptatem esse summum bonum. Quidam vero eam esse rem prauam posuerunt, & eorum alii forsitan, quia re vera ita esse credebant, alii vero fortasse non, quia ita sentirent: sed operæpretium esse putabant hanc sententiam diuulgare vt detererent homines à voluptatibus, ad quas videbant plerosque esse procliuēs, quorum dicendi modum redarguit philosophus ostendendo quod, & si illi ob hanc intentionem dicerent voluptatem prauam vt ab ea homines deterrent, & in contrarium traherent, tamen considerare debebant quod circa actus & affectus humanos minus creditur verbis & sermonibus, quam operibus & experientie, quod si illi vituperantes voluptatem vt rem prauam siue distinctione, postea reperiantur quod aliquam sequuntur veluti honestam quandam voluptatem, vt in geometria, & astrologia, & huiusmodi scientiis, tunc minus creditur eorum sententiis, ideo merito sunt reprehendendi in eo quod sine discrimine loquantur de voluptate, quia deberent distinguere dicendo aliam esse bonam, aliam prauam, & non loqui confuso, & indifferenter, quia multitudo nescit distinguere: sed indistincte accipit res vt sibi apparent, quare per distinctionem elucescit veritas, & sermones veri, & ipsis operibus consentanei, quia fidem habent, non solum ad cognitionem nostram: sed etiam ad degendam vitam plurimum conferunt, dicit philosophus.



Vdoxius itaque voluptatem ex eo summum bonum esse putabat: quia cernebat vniuersa ipsam affectare, & quæ rationem habent, & quæ expertia sunt eiusdem. Atque in cunctis quod est expetibile, bonum esse: & quod maximum est expetibile, optimum esse. Vniuersa vero ad idem ferri declarat: omnibus illud optimum esse. Vnumquodque enim id quod est sibi bonum inuenire dicebat: quæ admodum & alimentum. Quod igitur vniuersis est bonum, quodque cuncta affectant: id esse summum bonum aiebat. Huius autem viri rationes ob maris magis virtutem: quam propter seipsas credebantur. Valde enim videbatur esse modestus. Non igitur ut voluptatis amicus hæc dicere videbatur: sed quia vere res ita se habent. Non minus autem hoc manifestum esse censebat, & ex contrario. Dolorem enim dicebat fugiendum per se omnibus esse. Itaque contrarium expetibile esse simili modo. Maxime autem id expetibile esse: quod non ob aliud, neque cuiusquam expetimus gratia. Atque tale ipsam esse sine controuersia voluptatem. Neminem enim interrogas, cuiusnam gratia capiat voluptatem: propterea quod per se ipsam expetibilis est ipsa voluptas, faceretque ipsam quoduis bonum expetibile magis, si illi addatur. Ut iustas operationes temperatasve. Et incrementa suscipere bonum ipsum seipso. Videtur autem hæc ratio voluptatem ostendere bonum esse: & non magis quam aliud bonum. Omne enim bonum expetibilius est cum alio bonum, quam solum. Tali itaque ratione & Plato tollit voluptatem summum esse bonum. Vitam enim iucundam cum prudentia dicit expetibiliorem esse: quam si sit sola. Quod si mixtum est præstabilius: voluptatem summum bonum non esse. Nullo. n. addito summum bonum: se expetibilius fieri. Cõstat autem nec aliud quicquam summum esse bonum quod cum eorum aliquo quæ sunt per se bona, expetibilius sit. Quid igitur est tale: cuius & nos participes sumus? nam tale queritur bonum. Qui vero negant bonum id esse quod omnia appetunt: ii nihil omnino dicunt. Quod enim vniuersis videtur: id esse dicimus. Qui autem fidem hanc tulit: non multo credibilia dicet. Nam si ea solum quæ mente carent ipsam appetent: esset aliquid quod dicitur. Sin vero & ea quæ prudentiam habent ipsam affectant: qui sit, ut aliquid dicant? Fortasse autem & in prauis est aliquod naturale bonum præstabilius quam ipsa per se sunt: quod proprium appetit bonum. Non videtur etiam & de contrario recte dici. Inquiunt. n. non sit dolor si malum: voluptatem continuo bonum esse. Aduersatur enim & malum malo: & ambo ei quod neutrum est. Atque hæc non maledicunt: non tamen verè in iis quæ sunt dicta. Si enim ambo essent mala: oporteret & fugienda utraque esse. Sin neutra: neutrum, aut similiter. Nunc vero illum quidem fugere ut malum, hanc autem expetere tanquam bonum videntur. Sic igitur & opponuntur.



**E**VDOXVS itaque voluptatem ex eo summum.] Hoc est secundum capitulum huius primi tractatus: in quo philosophus assert opinionem, & etiam rationes eorum, qui dixerunt voluptatem esse summum bonum humanum. Diuiditur autem in duas partes. In prima assert dictam opinionem, & rationes eiusdē. In secūda assert rationes quasdam illis aduersantes. Primo igitur philosophus assert sententiā illam iam dictā, quę fuit Eudoxi, & quatuor rationes quibus ille probatissimum propositum de voluptate. Prima ratio, id quod omnia appetunt tā rationabilia quā irrationabilia esse summum bonum: sed voluptas est huiusmodi, ergo voluptas est summum bonū. & addit philosophus quod homines vitā magis adharere videbantur huius philosophi quā rationibus, vt patet in textu. [NON minus autem id ipsum.] Secunda ratio. Id omnibus expetendum esse videtur cuius contrariū est per se omnibus fugiendū: sed voluptas est huiusmodi respectu doloris si ponantur vt contraria immediata, ergo voluptas videtur esse omnibus per se expetenda. [MAXIME autem id expetibile.] Tertia ratio. Id quod est expetibile gratia sui non ob aliud videtur esse summum bonum, voluptas est huiusmodi, ergo voluptas videtur esse summum bonum. Nam id quod expetitur gratia sui, & non alterius videtur esse vltimus finis. & Eudoxus dicebat voluptatem esse talem, quia nemo interrogat cur aliquisumat voluptatem, quasi ob seipsam sumatur. [FACERE QVE ipsam quidvis bonum.] Id quod additum bono facit illud magis expetibile esse summum bonum, sed voluptas est huiusmodi, ergo voluptas est summum bonum. Verum hanc rationem statim carpere videtur philosophus tanquam manifeste inualidam, quia videtur probare quod voluptas sit bonum non tamen summum bonum, & omittantur quidam expositores latini, qui non sumentes translationem iudicio meo secundum mentem philosophi: dicunt duas primas Eudoxi rationes afferri vt probetur voluptas esse bonū, & duas alias, vt probetur esse summum bonum, mea autem sententia afferuntur omnes illę quatuor ab Eudoxo, vt ostendat voluptatē esse summū bonum: nec quero vtrum valeant necne, quia contrarię afferuntur infra rationes, & distinctiones à philosopho, quibus hæc materia declarabitur. [Tali itaque ratione & Plato.] Hęc est secunda pars huius capituli, in qua philosophus ostēdit, & assert rationes eorum qui procedebant aduersus opinionem Eudoxi, & dicebant voluptatem non esse summum bonum, & primo assert Platonis sententiam qui vltimam rationem Eudoxi dicebat nullo modo valere, & eam retorquebat aduersus illum dicendo quod nullum est summum bonum, quod expetibilius fiat si aliud bonum admisceatur cum illo. Itaque si vita iocunda sit expetibilior coniuncta cum prudentia, quam seorsum sumpta, videtur hoc arguere vitam iocundam non esse summum bonum, & ipsam omnino voluptatem, quia summum bonum non fiat expetibilius addito sibi alio bono, cum sit ex omni parte perfectum. [CONSTAT autem quod nec aliud.] Quasi declarando processum Platonis, & quasi mordendo ipsum dicit philosophus, manifestum est si ita fit vt tu dicis Plato, quod nec voluptas erit summum bonum, nec aliud quicquam in rebus humanis, quia nullum est hic bonum quod non fiat expetibilius addito sibi alio per se bono, ex quo videris tollere summum bonum ex rebus humanis quod esse possit in nobis: at nos quærimus illud quod esse in nobis possit, quod si loqueris de alio separato non pertinet ad nostrum propositum, quia humanum, nunc quærimus, quod esse in nobis, & nostra opera acquiri possit. Notandum quod Plato vt in primo vidimus proprie summum bonum separatim ab his sensibilibus esse ponebat, quia istorum bonorum quę sunt in vita humana nullum esse dicebat: quod si aliud sibi addatur bonum non fiat expetibilius, & nunc esset appellandum summum. Nam remoto eo propter quod sit expetibilius, erit minus expetibile, ergo minus bonum, ergo non summum. quare intelligendum est quod summum bonum duobus modis considerari potest, aut simpliciter aut in genere: simpliciter bonum est id cui si quippiam addatur nō est nec fit expetibilius vt est deus, quia est infinitę perfectionis vt ait Burleus, & sic ratio Platonis procederet si de tali summo bono, & essentia bonitatis intelligeret: sed summū bonum in genere humanorum bonorū dicitur operatio secundum virtutem, sententia philosophi, quę operatio erit maxime expetendum bonum in genere tali, non autē simpliciter & absolute. Deus autē est summum bonum inlimitatū, quod non clauditur sub genere nec sub prædicamento, nec huiusmodi cancellis nec terminis vllis. At summum bonum humanum limitatum est, & si ei addatur veluti operationi externa bona, fiet expetibilius, & si sumatur aggregatum ex bonis internis, & externis etiam addito sibi aliquo alio bono vltius potest fieri expetibilius: tamen hoc non tollit rationem summi boni humani ea ratione quę est limitatum, quia summum bonum humanum ponit philosophus quod vitam sufficientem, & optabilem ac nullius indigam præstat, & felicitatē maxime expetibile in bonis humanis, & nō cōnumeratā, vt in primo latius patuit. (QVI vero negant bonum id esse.) Aliam rationem assert philosophus quorundam aliorum aduersus primam rationem Eudoxi, qui dicebant non sequi per hoc quod omnia appetant tam rationabilia quā irrationabilia voluptatem, non inquam sequi eam esse summum bonum quin etiam non sequi id esse bonum quod omnia appetunt, quia interdum videmur appetere ea quę non sunt bona. hanc obiectionem istorum redarguit philosophus, ostēdendo quod eorum obiectio sustineri posset si diceretur quod bruta tantum appeterēt illam: nunc vero cum solum irrationabilia, sed etiā

## ETHICORVM

habentia rationem, & mentem ipsam appetere videantur, profecto quoddam communi consensu expetitur non videtur omnino negandum esse bonum, vt illi faciunt, quoddam si ipsi dicant, homines prauis sunt qui hoc iudicant dicit philosophus, quod etiam in prauis est naturale bonum, vt mens, & intellectus, & omnino id quo non secundum habitum: sed instinctu naturæ homo fertur ad bonum suum. quare non recte omnino negabant eam propositionem. i. bonum id esse quod omnia appetunt. [NON videtur etiam de contrario.] Affert philosophus aliam obiectionem priorum contra secundam rationem Eudoxi. Dicebatur enim quoddam cum dolor sit per se fugiendum contra secundam rationem. Hanc consequentiam negant, eius contrarium quod est voluptas est per se expetendum. Hanc consequentiam negant isti, quia dicunt non valere, hoc malum est fugiendum ergo suum contrarium est prosequendum, ex eo quod non modo malum bono: sed etiam malum malo opponitur, veluti prodigalitas, & auaritia & alia eiusdem generis, quæ opponuntur vt extrema vitiosa, vnde inferre videbantur voluptatem, & dolorem esse veluti contraria extrema, & mediam esse vacuitatem doloris, philosophus vero respondens ad hæc dicit eos quantum ad oppositionem non male dicere, quia vere dicunt malum malo opponi non solum bono: sed in hoc proposito non videtur dicere vere, quia dictum est vel dicitur quoddam dolor non opponitur voluptati vt malum malo. Nam ea quæ opponuntur vt mala: patet quod ambo sunt fugienda omnino: sed dolor & voluptas non sunt omnino nec ambo pariter fugienda, quin etiam dolorem fugiunt homines vt malum, voluptatem vero expetere videntur vt bonum, ergo non videntur eo pacto opponi, vt malum opponitur malo.

*Dicentium voluptatem non esse bonum confutatio: et si non omnis expetibilis. Cap. III.*



**T** qui neque si voluptas non est qualitas: propter hoc bonum non est. Neque enim operationes virtutis sunt qualitates: neque felicitas ipsa. Dicant etiam bonum quidem ipsum definitum esse. Voluptatem vero indefinitum esse. Voluptatem vero indefinitum: quia suscipit intensiorem, remissionemve. Si igitur ex eo quia magis voluptas, minusve capitur hoc iudicant: erit idem & circa iustitiam, cæterasque omnes virtutes, quibus manifeste dicunt magis, minusve tales eos esse, qui ipsas habent. Nam magis sunt iusti, fortioresve. Et fit: vt & iuste agatur ac temperate magis & minus. Sin in voluptatibus hoc inquirunt esse: videant ne fortasse non dicant causam, si voluptatum aliarum sint mixtæ, aliarum immixtæ. Quid autem prohibet vt sanitas quæ definita est, magis est atque minus: sic & voluptates esse? Non enim eadem in cunctis est temperatio: nec vna quædam semper est in eodem. Sed cum remittitur permanet vsque ad aliquem terminum: & differt ex eo quia magis est atque minus, tale igitur & in voluptate esse potest. Præterea summum quidem bonum perfectum esse, motiones autem & generationes, imperfectas esse ponentes: voluptatem motionem esse, generationemve ostendere enituntur. Sed non dicere bene videntur. Non est enim motus. Omni namque motui proprium esse videtur celeritas tarditasve, etsi non per seipsum: vt motui ipsius mundi ad aliud. At neutrum horum competit voluptati. Fit enim vt aliquis cito sit constitutus in voluptate: quemadmodum & in ira. Vt velociter autem delectatur, non fit: neque ad alium. Sed fit vt velociter ambulet, & accrescat, & omnia id genus. Fit igitur vt celeriter atque tarde quispiam ad voluptatem mutetur. At non fit, vt hæc ipsa celeriter operetur: id est delectetur. Generatio vero quonam fuerit modo? Etenim non ex quouis

<sup>14</sup> fieri quoduis: sed ex quo fit in id dissolui videtur. Et cuius generatio ef-  
<sup>15</sup> fet voluptas: eius esset corruptio dolor. Dicunt autem dolorem qui-  
 dem indigentiam eius esse quod est secundum naturam: voluptatem  
 vero repletionem. Hi autem affectus, corporis sunt. Si igitur voluptas  
 repletio eius est quod est secundum naturam: id & voluptate afficitur,  
 in quo est repletio. Corpus ergo capit voluptatem. At non videtur.  
 Nō est ergo voluptas repletio: sed dum fit repletio, voluptate quispiam  
 afficitur, & dum secatur dolet. Opinio autem hæc ex doloribus circa a-  
 limentum, & voluptatibus, orta fuisse videtur. Nam indigentes facti  
 & antea affecti dolore, repletionem capimus voluptatem. Hoc autem  
 non circa omnes accidit voluptates. Nam sine dolore sunt & ipsæ ma-  
 thematicæ voluptates, & quæ per olfactum & auditum fiunt, ac visum:  
 & species complures, item & recordationes voluptate afficiunt. Cuius  
 igitur hæ generationes erunt? nullius enim rei fuerunt indigentia: cu-  
<sup>17</sup> ius repletio fuerit. Ad eos autem qui proferunt voluptates eas quæ  
 sunt obscenæ, ac improbæ: dicere quispiam potest ea quæ tales affe-  
 runt voluptates non esse iucunda. Non enim si prauæ dispositis sunt iu-  
 cunda: putandum est & iucunda simpliciter esse, nisi illis. Quemadmo-  
 dum neque salubria aut dulcia, aut amara quæ ægrotantibus: aut alba  
 quæ lippis videtur. Vel hoc modo dicatur. Voluptates expetibiles qui-  
 dem esse, non tamen ab illis. Quemadmodum & diuitem esse expeti-  
 bile quidem est: at non ex patriæ proditione. Et sanum esse: at non  
 quodcunque edendo. An voluptates differunt specie? Diuersæ nanque  
 sunt quæ ab honestis rebus & quæ à turpibus prodeunt. Et non fit vt  
 quisquam iusti capiat voluptatem, si non sit iustus, aut musici si non  
<sup>18</sup> sit musicus, & in cæteris simili modo. Ostendere autem videtur & ipse  
 amicus: cum sit ab adulatore diuersus, non esse voluptatem bonum, aut  
 specie voluptates differre. Hic enim ad bonum: ille ob voluptatem con-  
 gredi videtur. Et ille quidem vituperatur, hunc autem laudant, vt ad  
<sup>19</sup> diuersum congregientem. Nemo præterea expetet, ita viuere vt men-  
 tem habens per vitam pueri, iis ex rebus capiat voluptatem quibus pue-  
 ri maxime delectantur, vt putant: aut gaudere, turpissimum quid fa-  
<sup>20</sup> ciendo nullum vnquam suscepturus dolorem. Et compluribus indul-  
<sup>21</sup> geremus rebus: etiam si nullam voluptatem afferrent. Damus enim  
 operam vt videamus, vt meminerimus, vt sciamus, vt habeamus vir-  
 tutes. Quod si necessario hæc sequatur voluptas: nihil refert. Expetere-  
 mus enim hæc etiam si nulla prorsus ab ipsis prouentura esset voluptas.  
 Voluptatem igitur neque summum bonum esse, neque expetibilem om-  
 nem, & voluptates nonnullas esse per se expetibiles, specie differen-  
 tes: aut ea à quibus proueniunt, perspicuum esse videtur. Ea igitur quæ  
 de voluptate, doloræque dicuntur: satis sint dicta.

**A**T QV I neque sequitur si voluptas non sit qualitas. Hoc est tertium capitulū huius tra- 10  
 ctatus, in quo philosophus allata antea opinione Eudoxi de voluptate, assert nūc opinio-  
 nes eorum quī dicebant voluptatem non esse bonum. Diuiditur autem in duas partes. In  
 prima assert opiniones Platoniorum, & rationes eorumdem, quibus probabant volupta-  
 tem non esse bonum. In secunda assert opiniones quorundam aliorum de eodem. Prima ratio, ad  
 probandum voluptatē non esse bonum, talis asserbatur. Bonum est qualitas, voluptas non est  
 qualitas: ergo voluptas non est bonū. Hanc rationem solvere philosophus nititur negando con-  
 sequentiam illam q̄ non valeat, voluptas non est qualitas, ergo non est bonum, quia operatio &  
 felicitas non est qualitas, & tamen est bonum. Nam bonum non videtur dici tantum in qualita-  
 te, sed etiam in aliis. quare non sequitur non est qualitas, ergo non est bonum. Sunt expositores  
 nonnulli qui hoc in loco nituntur trahere operationem, & felicitatem ad ipsam qualitatem, &  
 asserunt multas distinctiones quas nunquam attulit philosophus, & nituntur trahere eum: sed iis  
 posthabitis sequamur sententiam philosophi vt profertur, q̄ neque operatio virtutis est quali-  
 tas, neque felicitas: sed dicemus q̄ ipsa sit in prædicamento actionis, & ipsa quoq; voluptas, quia  
 re est idem quòd operatio, vt vidimus in septimo, & in isto videbimus licet differat ratione, ipsa  
 inquam voluptas ad idem prædicamentum redigi potest, ad quod redigitur ipsa operatio, veluti  
 etiam dicere possumus quòd voluptas sit qualitas, quia est perfectio formalis ipsius operationis,  
 & quasi quidam affectus proprius vt infra patebit, & non requiritur necessario, vt affectus sit in  
 eodem prædicamento, in quo est subiectum talis affectus. quare si ponimus eam esse qualitatem,  
 dicamus philosophum arguere hoc pacto, vos di citis Platonici voluptatem non esse qualitatem,  
 concedatur vobis licet forsitan negari posset: sed concedatur, quid vltra non est bonum? non se- 11  
 quitur, quia felicitas non est qualitas, & tamen non est bonum. Nam sunt etiam quædam perti-  
 nentia ad vitam humanam quæ nō sunt qualitates, & tamen sunt bona. [D I C V N T etiam bonum  
 quidem.] Secunda est ratio illorum ad idem probandum q̄ voluptas non sit bonum hoc pacto.  
 Bonum est definitum, voluptas non est definitum, ergo voluptas non est bonum. Maior proba-  
 tur etiam auctoritate Pythagoricorum, qui definitum ponebat ex parte bonorum, indefinitum  
 vero ex parte malorum. Minor probatur à philosopho, id quod suscipit magis, & minus & inten-  
 tionem, & remissionem non est definitum, sed voluptas suscipit magis & minus, ergo voluptas non  
 est definita, & per cōsequens non est bonum, hanc rationē philosophus soluit primo hoc modo,  
 dicendo q̄ non sequitur hoc intendi, & remitti, ergo non est bonum. Nam remitti, & intendi  
 duobus modis sumi potest, aut ex parte susipientium voluptatē, aut ex parte voluntatis sumpta  
 in abstracto. Si primo dicemus ex parte eorum qui magis vel minus voluptatem suscipiunt, volu-  
 ptatem ob hoc non esse bonum, tunc non magis competet hoc voluptati quàm iustitiæ, & a-  
 liis virtutibus, & ex hoc sequeretur etiam de virtute iustitiæ, & de aliis quod non essent bona,  
 quia aliquis sit magis, aut minus iustus: sed non est dicendum de virtutibus, ergo non est etiam  
 dicendum de voluptate quod ratio illa valeat: sin vero secundo modo sumatur q̄ voluptas de se  
 sumpta suscipiat magis & minus, consideranda est causa cur hoc appareat, quàm illi non asserunt,  
 quia non videtur hoc fieri de natura interna ipsius: sed quia aliquæ sunt voluptates propriæ ali-  
 quæ mixtæ cum doloribus, propterea aliquæ dicuntur magis voluptates vt puræ & simplices,  
 aliquæ minus vt ipsæ mixtæ: sed de se sumpta voluptas propriæ nō videtur suscipere magis & mi-  
 nus nec intendi aut remitti. quare non sequitur quòd non sit bonum, deinde alio modo respon-  
 dere videtur dicendo, quid prohibet istud ponatur quòd suscipiat magis & minus, ergo non est  
 bonum? non valet, quia etiā sanitas suscipit magis, & minus & est maior, & minor & datur gra-  
 dus circa eam, quia intenditur, & remittitur vique ad aliquem terminum vel gradum, & tamen  
 non sequitur per hoc quòd ipsa non sit bonum. Quare non valet etiam de voluptate. [P R A E- 12  
 T E R E A summum quidem bonum.] Hæc est tertia ratio Platoniorū quæ probabant volupta-  
 tem non esse bonum, nec etiam summum bonum hoc pacto. Summum bonum est perfectum,  
 voluptas non est perfectum, ergo voluptas non est summum bonum. Quòd autem voluptas sit  
 imperfectū probabant per hoc quia dicebant eam esse motionem & generationem quæ sunt res  
 imperfectæ. Nam omne ferme quod mouetur, mouetur ad id quod non habet, vnde & motus di-  
 citur actus imperfectus. Est enim actus entis in potentia ea ratione qua potentia est, vt de-  
 finitur à philosopho in libro tertio physicorum, similiter generatio dicitur res imperfecta, quia  
 est transitio quædam ad terminum ad quem veluti ad formam & constitutionem naturæ: quòd  
 si voluptas sit motus vel generatio, tunc videbitur esse imperfecta res vt illi dicebant. [S E D 13  
 non bene dicere.] Soluere videtur philosophus rationem supra à Platoniciis allatam, osten-  
 dendo primo quòd voluptas non est motus: deinde quòd non est generatio, & arguit hoc  
 pacto, omni motui competit velocitas aut tarditas: sed voluptati non competit velocitas  
 nec tarditas, ergo voluptas non est motus. Maior est nota & latissime ostenditur à philosopho in  
 libro physicorum, vbi declarat quòd motui propriæ competit celeritas, aut tarditas: & licet cui-  
 dam motui seipso, id est respectu sui ipsius hoc non videatur competere, tamen competit re-

spēctu alterius, vnde motus primi mobilis non videtur velox nec tardus cum sit vniformis, nec varietur de celeritate in tarditate, aut e contra: sin vero comparetur ad motus aliarum sphaerarum, videbitur esse celerior omnibus aliis motibus. Minor declaratur in textu à philosopho, q̄ voluptati non competit velocitas vel tarditas, quia recte possumus dicere aliquem tardius, aut celerius moueri ad voluptatem: sicut dicimus aliquem moueri ad iram tarde aut cito: sed non dicimus aliquem sruī voluptate. i. congaudere secundum ipsam voluptatem, & vt ita ita dicam, voluptuari tarde aut celeriter. Nam tota est simul, & non fit successiue. [GENE RATIO vero quo pacto esse potest.] Nunc ostendit philosophus voluptatem non esse generationem duabus rationibus, omnis generatio est termini à quo ad quem determinatum: sed voluptas non est transitio de termino a quo ad terminum ad quem determinatum, ergo voluptas non est generatio. Patet ratio ista, quia omnis mutatio in rebus naturalibus est de termino ad terminum profectio, & tales termini sunt determinati, non enim ex quouis fieri quoduis dicitur: sed ex determinato, veluti album ex nō albo, & ex hoc non quouis: sed ex nigro vel medio aliquo colore, & equus non ex quouis: sed ex femine, & ex femine equino. Quare non ex quouis fieri quoduis: sed ex determinato dicimus: vnde philosophus in libro primo physicorū. Neque item ex quouis quodlibet fieri solet, nisi quis id ipsum per accidens sumperit: sed album quidem ē non albo atque ex hoc non quouis: sed ex nigro vel mediorum aliquo fit: similiter ex quo fit quippiam veluti ex materia elementorum in id dissolui videtur veluti in elementa, & similiter album in non album, & non quoduis: sed in nigrum, ex quo fit in medium colorē. verū hæc in physicis patent latius, voluptas autem non profectio ex termino à quo ad terminum ad quem, & inter istos duos terminos determinatos, nec acquiritur aliquid aliud per voluptatem, nec perditur vt fit per generationem. quare voluptas non est generatio, vt illi dicebant. Alia ratio, Si voluptas esset generatio, dolor autem corruptio, tunc q̄ generaretur per voluptatem corrūperetur per dolorē: & q̄ corrumpitur per dolorē generaretur per voluptatem, ac neutrum fit, & nihil inuenitur quod generetur per voluptatem quod corrūpatur per dolorē, aut e contra: ergo voluptas non est generatio nec dolor corruptio. Nam contrarii motus ita sese habere videntur, vt alter subeat rationem generationis, alter corruptionis. Exempli gratia: id quod generatur per sanationem, corrumpitur per ægrotationem dato q̄ sanatio & ægrotatio sint motus cōtrarij, & alterum sit generatio, alterum corruptio: nunc autem per voluptatem non videmus acquiri aliquid aliud, & generari per se, similiter per dolorē non videmus id corrumpi quod generatum sit per voluptatem. quare voluptas non erit generatio nec dolor corruptio. [D I C V N T autē quidem.] Affert aliam rationem Platoniscorum, quia illi probant voluptatem esse generationem, deinde arguit contra ipsam, ratio autem talis erat, omnis repletio est generatio, voluptas est repletio, ergo voluptas est generatio. Patet ratio ista, quia generatio est profectio ad substantiam, & repletio similiter q̄ autē voluptas fit repletio patet per locum à contrariis. Nam si dolor est indigentia atque defectio, voluptas erit refectio & repletio: videmus enim q̄ fames, & sitis sunt dolores, & hæc sunt defectiones, quia deficiente humido & frigido fit sitis, deficiente sicco & calido fit fames: ergo voluptas erit repletio, & ex consequēti generatio: sed omnis generatio est res imperfecta, ergo & voluptas erit, quid imperfectum. quare nō solum non erit summum bonum: sed nec bonū. Philosophus post hæc arguit contra hanc rationem hoc pacto: omnis repletio suscipitur in corpore: sed voluptas non suscipitur in corpore, ergo voluptas non est repletio, q̄ autem voluptas non suscipiatur in corpore, patet, quia vt corpus non delectatur non afficitur voluptate. Nam si hoc esset de ratione corporis, tunc omne corpus delectaretur, & posset affici voluptate, quod est absurdum. Delectatur enim corpus cum repletur: sed animal dum secatur dolet, & hoc respectu animæ, & dolet inquam ipsum animal quod est tertia entitas composita ex vtrisque. Sentire enim voluptatem aut dolorē competit sensitiuo, & nō corpori, ea ratione qua corpus est substantia corporea tantum quare animal quod est sensitiuum, & voluptate & dolore affici potest, ex quibus patet q̄ voluptas non est proprie repletio, & si videatur esse cum repletionē: nec dolor indigentia, & defectio, & si videatur esse cum defectionē. quare cum voluptas non fit repletio, nec per consequens erit generatio. Notandum quoddā semper voluptas est cum operatione, quia dicitur esse perfectio eius, ita vt nō possit esse sine ea, sicut albedo non potest esse sine superficie. sumit igitur animal repletionem quæ fit per operationem ex nutrimento, quā operationē comitatur voluptas, & est coniuncta cum ea, differt ratione. [O P I N I O autem ex doloribus.] Ostendit hac in parte philosophus causam, & radicem huius opinionis, quæ putauit voluptatem esse repletionem & eam resellit. Dicit itaque q̄ hæc opinio orta esse videtur ex dolore & voluptate circa alimentum. nam quando indigemus alimento ob samem vel sitim, tunc videmur affici dolore: cum postea replemur, tunc videmur affici voluptate, quasi non possit fieri voluptas secundum istos, nisi antecesserit dolor. & quia vbicunq̄ est defectio ibi est dolor, & vbicunq̄ est repletio ibi est voluptas, ergo defectionem em dolorem, voluptatem vero repletionem esse putauerunt. Verum & si circa alimentum hæc eueniant vt antecedit dolor, & sequatur voluptas, & cum est defectio est etiam dolor, & cum est repletio est voluptas, tamen hoc non videtur esse de natura, & ratione voluptatis, quia esset hoc in omni voluptate. Nunc autē multæ sunt voluptates, quas



non antecedit dolor vel defectio, & cum quibus non est repletio, vt sunt in mathematicis, id est illa quæ percipiuntur ex cognitione rerum mathematicarum, omnino ex speculatiuis scientiis, quas non antecessit defectio aut dolor: ergo non erunt repletiones istæ tales, similiter aliæ sumuntur voluptates per auditum & visum, præterea per memoriam & spem, quas tamen voluntates, nec dolor, nec defectio antecessit. Non est ergo proprium voluptatis quod sit repletio, aut cum repletionem: sed accidit alicui. Nam si de natura, & ratione sua voluptas esset repletio, tunc omnis voluptas esset repletio. Consequens falsum, ergo & antecedens, vt patet per antedictas voluptates, vbi nulla antecedit indigentia vel defectio, cuius illæ essent repletiones. Si igitur voluptas non est repletio, nec per consequens erit generatio. Sunt etiam aliæ rationes quas in septimo philosophus reigit, ad ostendendum quod voluptas non est generatio. [A D eos autem qui proferunt.] Affert aliam rationem philosophus, id est quartam ipsorum Platoniceorum, 17 probantium voluptatem non esse summum bonum, nec bonum omnino hoc pacto, Si voluptas esset per se bonum, nulla voluptas esset praua: sed multæ sunt voluptates prauæ, vt obscenæ, & turpes, ergo voluptas non est per se bonum, nec omnino bonum. Hanc rationem philosophus soluit tripliciter, primo dicit quod ista ratio non procedit, quia istæ turpes voluptates non sunt proprie, nec re vera voluptates, nec ea simpliciter voluptaria à quibus hæc proueniunt: sed sunt proprie, nec re vera voluptates, nec ea simpliciter voluptaria à quibus hæc proueniunt: sed videntur quibusdam talia vt exemplo ostendit ægrotantium, & lipporum, quibus dulcia vel salubria vel alba videntur esse aliqua, quæ re vera non sunt: sic est de voluptatibus obscenis, quæ prauis videntur esse voluptates, cum re vera non sint: boni enim quorum est verum iudicium ob mentem sanam, & à perturbationibus alienam, iudicant eas non esse voluptates. Quare non valet eorum ratio qui appellant voluptates quæ re vera non sunt, licet prauis videantur. Secunda solutio est talis, voluptas est per se expetenda: sed tamen non est expetenda à rebus obscenis, vt ditari videtur esse bonum, quia diuitiæ sunt instrumeta ad operationes studiosas: sed non est bonum ditari ex proditorie patriæ, & turpiter ditari. Item valere & sanari est bonum & expetibile, non tamen ex quouis cibo, vt ex carne humana, non est bonum, nec expetendum finitatem consequi. Tertia solutio est talis, voluptates differunt specie, itaque concedo esse nonnullas voluptates turpes & fugiendas, sicut enim sunt res aliquæ bonæ, aliquæ malæ, ex quibus proueniunt voluptates: sic etiam & ipsæ voluptates. non igitur quia aliqua voluptas est turpis, ergo voluptas est turpis omnis. patet ex conditione studiosi qui gaudet voluptatibus sibi accommodatis, quibus non gauderet iniustus, & sic de aliis, quibus patet voluptates esse specie diuersas, & voluptates bonas quæ studiosos delectant esse proprias, & veras voluptates, non autem eas quæ videntur prauis, & quæ sunt accommodata eis. Iustus enim, vt diximus iusta, musico musica sunt iucunda, cuique autem voluptati, est id cuius amator dicitur, vt equus amatori eorum, eodemque modo iusta amatori iustorum, vt dicit philosophus in primo. [O S T E N D E R E etiam vide tur amicus.] Hæc est secunda pars huius capituli, vel dicere possumus quod illæ quatuor rationes allatæ sint quatuor partes, & hæc sit quinta in ordine, qua philosophus ostendit vel assert aliam rationem priscorum probantium voluptatem non esse bonum, si voluptas esset bonum, adulatoris voluptas quam ipse assert non esset vituperanda: sed talis voluptas est vituperanda, ergo voluptas non est bonum. Soluit philosophus dicendo quod hæc ratio, aut ostendit voluptatem non esse bonum, vel potius voluptates differre specie, quod est concedendum: veluti voluptates prouenientes ab amico, & illæ adulatoriæ differunt specie, & amici erit bona, & illa adulatoris vituperanda. [N E M O præterea hoc optaret.] Hæc est sexta ratio & sexta etiam, si volumus, capituli pars, qua idem probare nituntur prisci hoc pacto, Si voluptas esset per se bonum, capituli pars, qua idem probare nituntur prisci hoc pacto, Si voluptas esset per se bonum, vel omnino bonum, tunc omnis uita voluptuosa esset expetenda: sed hoc non est, quia puerorum uita, & si habent suas voluptates non est expetenda nec voluptates puerorum: ergo voluptas non est bonum per se nec omnino bonum. Philosophus non videtur soluere istam rationem, quia patet ex supradictis. Nam voluptates differunt specie, quare non omnes voluptates sunt expetendæ: sed veræ, & honestæ, & ex quæ propriè dicuntur voluptates. [A T gaudent res faciendo.] Septima pars & ratio eorundem hoc pacto, est enim similis antecedenti, Si voluptas esset expetenda, tunc sumeremus voluptates quomodo cunque etiam ex turpibus rebus, sed non patimur, nec pati debemus sumere ex rebus obscenis voluptates, etiam si per hoc in omni uita dolorem fugeremus, ergo voluptas non est expetenda. Patet quod si quis dicat agendo res turpes potes fugere semper dolorem, nemo talem eligeret vitam. [E T insuper compluribus indulgemus.] Octaua ratio & pars, illud sine quo pluribus rebus vacamus non est per se bonum, voluptas est huiusmodi, ergo voluptas non est per se bonum. Patet ratio ex dictis philosophi, damus enim operam vt videamus, vt sciamus, vt habeamus virtutem quam etiam expeteremus, dato quod nulla esset inde prouentura voluptas, licet voluptas etiam de se sequatur. Post hæc concludit philosophus dicendo quod patet, scilicet ex his quæ dicuntur ab istis quod voluptas non sit summum bonum, nec omnis sit expetenda, sed aliquæ sunt per se expetendæ specie differentes, aut si non differant specie ex parte sua aliquæ voluptates, ea quæ efficiunt tales voluptates sunt diuersa specie.



*Quid non sit voluptas, & quomodo operationem perficiat.**Cap. IIII.*

Ed quidnam, aut quale sit magis patebit, si sermonem paulo altius repetemus. Visio enim quouis in tempore, perfecta esse videtur. Nil enim ipsi deest, quod postea factum species ipsius perficiet. Tali persimilis est & ipsa voluptas. Est enim quoddam totum, nullóque in tempore voluptatem quispiam accipiet: cuius species si maior tempore fiat, perficitur. Quocirca nec motus est.

- 3 In tempore enim est omnis motus. Et alicuius etiam finis. Ut ædificatio tunc erit perfecta: cum id fecerit quod affectat, in toto tempore, aut in hoc. In partibus autem temporis omnes sunt imperfectæ, à tota, & inter sese diuersæ specie sunt. Compositio nãque lapidum diuersa est ab erectione columnæ, & hæc rursus à templi effectione. Et templi quidem est perfecta: nullius enim ad propositum indiget rei. Fundamentum autem & laquearium imperfecta est: est enim vtraque pars. Differunt igitur specie. Et fieri non potest, ut quouis in tempore motus specie perfectus accipiatur, nisi in toto. Similiter res sese habet & in ambulatione & motionibus cæteris. Nam si latio motus est, quo quidem ex hoc ad hoc itur: & huius differentię specie volatio, ambulatio, saltatio, & talia motiones sunt quibus ex hoc in hoc similiter itur. Non solum autem in his res ita sese habet: sed in ipsa etiam ambulatione. Termini nanque non sunt iidem in stadio toto atque in parte, & in alia atque alia parte. Neque idem est pertransire lineam hanc & illam. Atque solum enim lineam: sed etiam in loco collocatam pertransit. Atque hæc & illa, in diuersis sunt locis. Sed exacte quidem de motu aliis in locis est dictum. Videtur autem non in omni tempore esse perfectus. Sed multi sunt imperfecti specięque diuersi. Siquidem ipsi termini, speciei sunt effectores. At voluptatis species quouis in tẽpore est perfecta. Patet igitur voluptatem & motum diuersa esse: & voluptatem ex iis esse quæ tota sunt & perfecta. Id & ex eo ita esse videbitur: quia moueri quidem in non tempore nihil potest, voluptatem autem affici potest. Quod enim in ipso nunc est: totum est quoddam. Ex his autem patet non bene dici voluptatem motum esse vel generationem. Non enim omnium hæc dicuntur: sed partibilium, & non totorum. Neque enim visionis, neque puncti, neque vnitatis est generatio: neque quicquam horum est motus vel
- 24 generatio. Quare neque voluptatis. Est enim quoddam totum. At vero sensus omnis ad sensibile est operatio quædam: perfecta autem eius qui bene est dispositus, ad id quod est pulcherrimum eorum quæ ipsi subiiciuntur. Tale enim maxime videtur operatio imperfecta. Atque nihil interfit: siue ipse, siue id quo est ipse, operari dicatur. In vnoquoque autem genere præstabilißima eius operatio: quod optime dispositum est ad id quod est præstabilißimum eorum, quæ ipsi obiciuntur.

Hæc autem perfectissima est & iucundissima. In omni nanque sensu, <sup>26</sup>  
 voluptas est: & in mente simili modo, contemplatione. Iucundis-  
 sima autem est ea quæ est perfectissima. Perfectissima autem est ea  
 quæ est eius quod bene se habet ad id, quod est studiosissimum eorum  
 quæ cadunt sub ipsam. Voluptas autem perficit operationem. Atque  
 non eodem modo voluptas perficit, ac sensibile, & sensus: si sunt studio-  
 sa. Quemadmodum neque sanitas, medicusque similiter causæ sunt, vt <sup>27</sup>  
 quispiam valeat. In vnoquoque autem sensu voluptatem fieri constat.  
 Dicimus enim visiones ac auditiones voluptatem afferre. Constat au- <sup>28</sup>  
 tem & maxime tum, cum sensus est præstantissimus & circa tale opera-  
 tur. Atque cum talia sunt: ipsum sensibile & id quod sentit erit semper  
 voluptas: si est quod agat & quod patietur. Perficit autem operationem <sup>29</sup>  
 voluptas non vt habitus, sed vt resultans quidam finis: perinde atque  
 pulchritudo in iis qui vigent ætate. Atque quousque ipsum sensibile vel <sup>30</sup>  
 intelligibile, & id quod discernet vel contemplatur tale sit quale esse o-  
 portet: erit in operatione voluptas. Nam cum sunt similia ipsum passi-  
 uum atque actiuum, & inter sese modum habent eundem: idem sem-  
 per natura fieri solet. Quando igitur nemo continue voluptatem capit: <sup>31</sup>  
 aut defatigatur (omnia enim humana nequeunt continue operari) ne-  
 que voluptas igitur continue fit. Sequitur enim operationem. Nonnul- <sup>32</sup>  
 læ autem res cum nouæ sunt delectant: sed postea non similiter, propter  
 hæc ipsa. Primo nanque inuitatur mens & circa illas operatur intense  
 quemadmodum operantur visu qui inspiciunt: deinde non fit talis ipsa  
 operatio, sed neglectior. Quapropter & voluptas extenuatur, ac offusca-  
 tur. Putauerit autem quispiam omnes ideo voluptatem appetere, quia  
 viuere etiam omnes affectant. Vita vero quædam est operatio. Atque <sup>33</sup>  
 circa ea quilibet & iis operatur: quæ & maxime amat. Vt musicus qui-  
 dem auditu circa cantus: cupidus vero discendi, mente circa res contem-  
 plandas. Eodem modo & singuli caterorum: voluptas autem perficit  
 operationes: & ipsum etiam viuere quod appetunt. Cum ratione igitur  
 & voluptatē affectant. Perficit enim ipsum viuere vniuscuiusque quod  
 expetibile est. Quærere vero vtrum ob voluptatem viuere expetamus, <sup>34</sup>  
 an voluptatem ob vitam: missum in præsentia faciamus. Coniuncta  
 enim hæc esse videtur, & non fuscipere separationem. Nam & sine ope-  
 ratione voluptas non fit: & omnem operationem perficit ipsa voluptas.

## Commen.

**S**ED quid nam, aut quale sit magis sane patebit. ] Hoc est quartum cap. huius tractatus, in quo <sup>22</sup>  
 philosophus posteaquã attulit opiniones priscorum de voluptate, nunc sententiã suã declarat, &  
 ostendit quid, & qualis sit ipsa voluptas. Diuiditur autẽ in quatuor partes quæ suis locis pa-  
 tebunt. In prima philosophus præmissa sua intẽtione declarat in qua tẽporis mẽsura fieri vi-  
 deatur ipsa voluptas, & cõparat ipsam cũ visione quæ fit tota simul, & est cõpleta & perfecta in  
 qualibet parte tẽporis, & etiã instãti, nec indiget aliquo alio posterius adueniẽte q̃ eius speciem  
 perficiat, cum fiat tota in momento tẽporis, & non fiat nũc vna pars eius, postea alia successiue,  
 sed tota simul, vt diximus. Eodem modo fit de voluptate, non enim habet nunc vnã partem in

hoc tempore, aliam in alio, vt acquiratur per partes ſucceſſiue: ſed ſi adſit voluptas per vnam horam, eſt etiam in qualibet parte, & in quolibet puncto eius. ſicut igitur ſit de viſione ita de voluptate: ſed viſio ſit, & eſt tota ſimul, ita & voluptas. Notandum quod ſi res videnda ſit vna, & tota, & medium ſit bene diſpoſitum, & diſtantia congrua, tunc cum primum videtur illa res eſt vna viſio tota per totum tempus, veluti ſi videat aliquam albedinem totam per vnam horam, illa viſio eſt tota. In illo tempore toto, & in qualibet parte vel puncto eius tota ſimul atque perfectas, ſed tamen poſſunt etiam fieri plures viſiones eiufdē rei, ſi ipſas res videatur ſucceſſiue, & per partes quouique tota appareat: ſed de tali viſione non loquitur hic philoſophus, ſed loquitur de viſione alicuius rei totius quæ ſimul, & in vno tempore videtur integra & tota. verum cum voluptas ſit in operatione tanquam accidens in ſubiecto, videtur ſequi naturam operationis, ſed operationum quædam ſucceſſiue fieri videtur vt repletio, quædam tota ſimul vt viſio lucis, & repræſentatio imaginis in ſpeculo & huiusmodi talia, voluptas eodem pacto cum extenſi videatur in operatione, vt in ſubiecto ſuo extenditur accidens, ſi operatio erit tota ſimul, & voluptas itidem erit, ſin ſucceſſiua & illa eodem pacto. Sed operationes quæ animi dicuntur eſſe ſimul fieri videtur, corporis vero ſucceſſiue: quare voluptas, aut tota ſimul fiet, de qua loquitur hic philoſophus, aut ſucceſſiue, & hoc per accidens, & ratione operationis atque ſubiecti  
 23 ſui: per ſe vero, & de natura ſua ſit, & eſt tota ſimul. [QVOCIRCA nec motus eſt.] Hæc eſt ſecunda pars huius capituli, in qua philoſophus ex iis quæ dicta ſunt affert talem concluſionem, quod voluptas non eſt motus nec generatio, & probat duabus rationibus. Omnis motus ſeu generatio ſucceſſiua ſit in tēpore, & non eſt perfectæ in quauis parte temporis, & ſit alicuius gratia, ſed voluptas non ſit in tempore, & eſt perfectæ in quauis parte temporis, & non ſit alicuius gratia: ergo voluptas non eſt motus vel generatio talis. Non enim ſumitur hic generatio cum dicitur quod ſit in tempore, ea quæ dicitur mutatio in naturalibus quæ ſit in inſtanti: ſed generatio large ſumpta vt eſt motio quædam quæ ſit in tempore. Patet autem ratio illa allata ex dictis philoſophi, & exemplo ædificationis tēpli cuius partes ſucceſſiue ſunt, primo enim fundamēta iaciuntur, deinde eriguntur parietes, & columnæ, quæ partes non ſunt ſimul nec ſunt in eodem tempore, nec partes quoque illius generationis, & ædificationis, quin diſſerūt à tota ædificatione, & inter ſe etiam, & ſunt imperfectæ, & alicuius gratia vt dicit philoſophus. Poſt hæc probat etiam exemplo motus localis, qui eſt nobis notior quàm alii motus, & dicit quod motus iſte eſt de termino à quo ad terminum ad quem, & habet multas ſpecies vt deambulationē, ſaltationem, & hæc videtur accipere diuerſitatem, aut ex parte mouentium ſe, aut ex parte diuerſorum terminorum. Exemplum primi vt ambulatio, volatio, ſaltatio & ſimilia quæ differunt inter ſe ex diuerſitate mouentium. habent enim principia diuerſa quæ talia mouent. nam anima auis quæ eſt in ea principium mouendi volatiue vt ita loquar, diſſert ab anima locuſtæ quæ eſt principium mouendi ſaltatiue, merito igitur differunt inter ſe ob hanc cauſam. Alia diſtinctio oritur ex diuerſitate terminorū vnde capiamus ambulationem quæ fiat in ſpatio vnus ſtadii, diſſert ab ambulatione quæ ſit in parte eiufdem, & ſimiliter partes inter ſe ratione terminorum diuerſorum, qui non ſunt idem, nec idem eſt pertransire hanc lineam vel illam, nam & ſi lineæ ſint eiufdē ſpeciei tamen ſunt in diuerſis locis collocatæ, vnde ſit vt motus ſint etiam diuerſi, ſicuti motus ſuſum dicitur diſſerre ſpecie à motu deorſum, & termini ſunt diuerſi. verum quia hæc materia de motu late patet, & magna indiget in quaſitione, ideo philoſophus dicit in aliis locis, dictum eſt de eo exacte, id eſt in libro phyſicorum. eſt enim conſideratio eius exacta pertinens ad naturalem philoſophum, nunc autem dixiſſe ſufficiat quod omnis motus ſit in tempore, & partes eius ſunt imperfectæ, & non ſunt ſimul, & ſit alicuius gratia: at ipſa voluptas non ſit in tempore, ſed in momento, & habet in quouis tempore integritatem ſuam, & non ſit alicuius gratia, ex quibus cōcluditur quod voluptas nō eſt motus nec generatio, & ideo videtur dici quod ſpecies voluptatis in quolibet tempore ſit perfectæ non autē ſpecies motus, quia voluptas ſit in inſtanti, motus autem, & ſpecies eius dicuntur fieri in tempore vt diximus. Notandum quod philoſophus dixit partes motus diſſerre ſpecie, hoc non videtur verū de motu continuo, cuius partes copulantur ad communem terminum. ſi enim tales partes eſſent differentes ſpecie, tunc tolleretur motus continuus vt oſtendit philoſophus in libro phyſicorum. verum ſi intelligamus motum pro aggregato motuum, qui ſunt deinceps collocati, tunc aſſerere poſſumus quod partes motus erunt diuerſæ ſpecie, exempli gratia, vt ſiquis currat, deinde febricitet, deinde caleſcat vel frigeſcat, & tunc erit aggregatum quoddam ex pluribus moribus qui differunt ſpecie: verum non eſt continuus motus: cum cōtinua illa dicantur quorum vltima ſunt vnum: nec erit vnus proprie motus, cum fieri nequeat, vt in ſexto phyſicorum inquit philoſophus, vt vnusquisque motus ex omnibus cōſtet, ſed erit aggregatum quædam motuum ita vt alius poſt alium ſiat, & tunc poſſumus dicere quod partes talis aggregati diſſerant ſpecie vt exemplo de ædificatione tēpli oſtendit philoſophus, cuius partes diſſerre dixit vt extructio fundamenti diſſert ab erectione ipſius columnæ. Dabitur, quia dicit quod morionis qua mouetur aliquis per ſtadium partes differunt inter ſe, ex quo videtur ſequi quod nullus motus ſit continuus vel quod partes talis motus componantur ex partibus infinitis differentibus ſpecie, & videretur eſſe vel dari aliquod infinitum actū, quod

est absurdum, quia species sunt determinatæ ex parte rei, licet forte ignorentur à nobis, & propterea videamur nobis esse infinitæ. & hoc absurdum quidam forte concederent, quia dicunt loca differre specie inter se per distantiâ à centro vniuersi, & propinquitatē ad circumferentiam eiusdem vniuersi, quoniam aliqua est qualitas in vno loco, quæ non est in alio, & talis qualitas facit illa loca differre specie. Hanc sententiâ in physicis refellit Burleus. Dicere igitur possumus quodd philosophus non asserit hic cuiuslibet motus partes differre specie, sed præsupponit quodd si illi termini differant specie, & partes motus differunt specie. [ID EX eo quoque ita est. 24  
se videtur.] Secunda ratio ad probandum idem quodd voluptas non est motus nec generatio, fieri non potest vt aliquis in tempore moueatur, sed fieri potest vt aliquis in non tempore, sed in momento sumat voluptatem. igitur patet quodd voluptas non est motus, ex quibus concludit quodd illi non recte sentiebant dicendo voluptatem esse motum vel generationem, postea addit quodd motus est partibilium, & generatio successiue est partibilium, & non totorum. Voluptas vero non est partibilium: sed quoddam totum, & completum simul. Dubitatur hac in parte, quia dicit quodd motus est partibilium, & non totorum, ista videntur repugnare, nam omne partibile habet partes, omne habens partes est totum, ergo omne partibile est totum, dicendum quodd motus dicitur de eo quodd est partibile, id est quodd non habet omnes suas partes simul, sed fit successiue, non dicitur de toto, id est de eo quodd statim habet suum complementum, & est perfectum secundum esse suum, sic hic totum accipitur, & non pro toto integrali, vt patet per exempla philosophi de visione, puncto, vnitatē, & huiusmodi, quæ sunt integra simul. Visio enim, vt antea accepimus, fit tota simul, sicut & alia multa, vt intellectio, vt imago in speculo, illuminatio in hemispherio, & alia eiusdem generis. voluptas igitur simul fit, & instanti de seipâ sumpta. [A T vero sensus omnis eius qui circa.] Hæc est tertia pars huius capituli, in qua philosophus postea quàm declarauit voluptatem non esse motum neque generationem, nunc declarat naturam voluptatis ostendendo quid ipsa sit, & seruat quandam ordinem declarando primo quæ nam sit perfecta operatio cuiusque potentia percipientis, & quodd voluptas est perfectio operationis, deinde quomodo voluptas perficiat operationem: præterea quomodo voluptas sit in quocunque sensu, demum quodd non perficit operationem vt habitus sicut multi putarent, ex quibus colligi potest descriptio quædam voluptatis, & etiam eius natura. Dicit igitur in primis quid est in vnaquaque potentia sensus perfecta operatio, nam omnis voluptas est in operatione sicut in fundamento, & in operatione quidem perfecta. Declarat igitur quæ sit perfecta operatio cuiusque potentia percipientis, & probat postea quodd voluptas est perfectio operationi, potentia percipientis. Dicit ergo quod vnusquisque sensus habet aliquam voluptatem propriam sibi, & hæc propositio est quasi per se nota, & ideo non probat eam alio modo philosophus, in vnoquoque igitur sensu qui percipit suum obiectum est propria quædam voluptas, in sensu inquam, qui est in actu, & perfecta voluptas in suo genere est sensus bene dispositi. duo enim videntur requiri principaliter ad hoc vt operatio producat perfectam sine impedimento, vnum vt potentia talis sit bene disposita ex se. Secundum vt obiectum sit præstantissimum omnium quæ à tali potentia percipiuntur, & tunc operatio producit perfectissimam in genere ab vnoquoque sensu vel à tali potentia, & tunc affert hanc conclusionem quodd voluptas est perfectio operationis quàm probat hoc pacto, id quodd inest operationi ex ratione qua illa operatio est perfecta, est perfectio eius operationis: sed voluptas est huiusmodi ergo voluptas est perfectio operationis. [IN omni sensu.] Scilicet qui est in actu, & in mente, scilicet actiua. Contemplatione, id est in operatione intellectus speculatiui. Nam per hæc duo verba tangit vtranque vim intellectiuiam, scilicet actiuiam, & speculatiuiam, & sumendæ sunt in actu. [A T QVÆ non eodem modo.] Declarauit quodd voluptas est perfectio operationis: nunc ostendit quomodo sit perfectio, & dicit quodd non eodem modo obiectum, & voluptas perficit sensum seu potentiam: sed fit vt in medicina, medicus perficit corpus sanum, & etiam sanitas, at medicus est vt causa efficiens, sanitas vero vt forma quæ est in corpore sano: similiter obiectum perficit sensum vt causa efficiens, quia agit in sensum, voluptas operationem vel potentiam operatiuiam vt quædam forma: ex quo etiam patet quodd voluptas provenit ab eadem causa effectrice à qua videtur prodire operatio. [PERSPICVVM autem est.] Declarat id quodd supponit, id est quodd in vnoquoque sensu operante est voluptas, & ideo dicimus operationes sensuum afferre nobis voluptatem, & maxime cum operatio à potentia bene disposita, & obiecto pulcherrimo causatur. Nam requiritur potentia dispositio bona vt facile producat operatio, & optimum obiectum vt sequatur voluptas. nam si visui representetur obiectum horribile, quamvis facile videre possit si bene sit dispositus: tamen non habebit voluptatem cum non sit obiectum pulchrum aut iocundum, quare requiritur obiectum bonum, & accommodatum, & quanto obiectum est nobilior, tanto videtur esse nobilior, & perfectior operatio, & maior voluptas. est autem gradus inter huiusmodi obiecta vt alterum altero nobilior sit: veluti colorum albedo est color nobilissimus, & siquid aliud est visibile nobilissimum præter colores proprie dictos, erit eius visio nobilissima, vt visio ipsius locis siue luminis, cui attribuetur summa voluptas in genere tali, vt visio illa in genere visionum est nobilissima ob nobilitatē obiecti. Sicut igitur ex potentia, & obiecto nascitur opera-

tio tanquam ex causis, sic etiam uoluptas, & quanto potentia est melius disposita, & obiectum perfectius, tanto perfectior operatio, & uoluptas maior consequens operationem tanquam forma quædam perficiens. [P E R F I C I T autem operationem uoluptas.] Ne aliquis crederet uoluptatem perficere operationem tanquam formam essentialem eius, ideo Philosophus dicit quod uoluptas perficit operationem ut non habitus, id est forma quædam interna & essentialis, sed ut accidentalis quædam forma resultans ex ipsa operatione. Nam oriri uidetur ab operatione iam perfecta in suo genere, & fit perinde de uoluptate & operatione, sicut de pulchritudine & flore ætatis: nam ex flore ætatis bene disposito resultat pulchritudo quæ non est de essentia illius ætatis, sed aduentitia quædam resultans tamen ex illa. Sic igitur ex operatione iam in suo genere perfecta oritur ipsa uoluptas, & est quædam perfectio eius, non quod indigeat ad suum esse perfectum interius aduentitia forma, id est ipsa uoluptate cum non constituat per ipsam, pullulat tamen inde ipsa uoluptas, ut quidam affectus proprius & eam perficit ut forma, & forma quidem accidentalis. Est enim perfectio duplex, una quidem interna quæ constituit essentiam rei, alia quæ superuenit rei in sua specie constituta, & pullulat resultatque ex illa, & hoc secundo modo, ut diximus perficit operationem uoluptas quali ut quædam forma, & finis resultans ex illa, ut perfectio quædam aduentitia accidentalis ut pulchritudo florenti ætati. Notandum quod ex supradictis colligi potest definitio siue descriptio quædam uoluptatis hoc pacto, Voluptas est perfectio formalis accidentalis ipsius operationis potentia percipientis proueniens ex bona dispositione potentia, & obiecto conuenienti, & optimo in suo genere, & hæc non discrepare uidetur ab ea, quam in septimo attulit, quod uoluptas est operatio sine impedimento, non quod sit idem ratione quod operatio, sed idem re atque subiecto. differt tamen ratione ut ibi declarauimus. Est igitur uoluptas perfectio, non cuiusque rei, sed operationis. Additur formalis ne uideatur esse efficiens perfectio, additur præterea accidentalis ne uideatur quod sit essentialis, additur post hæc potentia percipientis, quia est aut intellectus, aut sensus uel coniunctus cum intellectu uel sensu. prouenire autem ex potentia bene disposita, & obiecto conformi dicitur, quia ipsa sequitur operationem necessario, & operatio perfectissima in suo genere ex talibus oritur: sic etiam uoluptas. [A T Q U E quousque ipsum sensibile uel intelligibile.] Hæc est quarta pars huius capituli, in qua philosophus declarat causas quarundam proprietatum, quæ competunt uoluptati, similiter quæstiones quasdam, id est tres pertinentes ad declarationem uoluptatis. Prima quæstio est quando perdetur in operatione uoluptas. Soluit autem hoc modo quod tandiu perseverat in operatione uoluptas, quandiu ex una parte obiectum quod est aut sensibile uel intelligibile sit conueniens, & ex alia parte discernens sensus uel contemplans intellectus, sunt huiusmodi, id est bene dispositæ potentia, & obiecta optima, & congrua, & affert talem rationem ad hoc probandum, quousque actuum & passiuum similiter sunt disposita eousque maneat idem effectus ex illis proueniens: sed potentia & obiectum quorum alterum dicitur actiuum alterum passiuum, dicuntur ex causa ex quibus prouenit voluptas, ergo quandiu hæc similiter sese habebunt inter se, tandiu durabit in operatione voluptas. Nam si bona dispositio potentia percipientis, & obiecti conformitas est causa uoluptatis durante tali conuenientia, & dispositione, uoluptatem quoque durare necesse est. Dicit autem philosophus cum sunt similia actiuum & passiuum, id est, cum sunt in actu ut obiectum agat in potentiam, & similiter sint disposita, uel cum sunt similia, id est cum potentia sit aptissima ad percipiendum, & obiectum optimum, tunc & operatio perfecta oritur, & voluptas, & utraque perseverat durante bona dispositione, & conuenientia amborum. Cum igitur ex quibus oritur ab eisdem conseruetur voluptas, & oriatur ex potentia bene disposita, & conuenienti obiecto. Patet quod tandiu durabit in operatione voluptas quandiu ea quæ sunt causa, taliter se habebunt. [Q U A N D O igitur nemo continue.] Secunda est quæstio, quia queritur quæ nam sit causa cur nemo capit uoluptatem continue, respondet philosophus quod ratio est, quia homo defatigatur operando: si enim exercet operationes sensitiuas defatigatur instrumenta: si intellectiuas, & si intellectus non defatigetur de natura sua, quia non dicitur esse in instrumento corporeo, tamen utitur illis quæ sunt in instrumentis talibus. Oportet enim intelligentem phantasma speculari, ut dicit philosophus in libro de Anima, quare cum instrumenta defatigentur quæ deseruiunt subministrantibus intellectui merito dicitur quod homo defatigatur, & non potest continue operari, sed remittitur ut cessat operatio, & eodem modo ipsa voluptas. Cum vero philosophus dicit, nequeunt continue operari, non intelligitur de vegetatiua potentia quæ continue operatur. [N O N N V L L A E etiam res cum primo.] Tercio queritur quæ nam causa sit cur in principio cum res nouæ sunt delectamur illis, postea vero non similiter. Ratio autem est quia primo trahitur ipsa mens ad operandum intense, & vehementer circa talem rem percipiendam, ueluti illi qui primo rem aliquam intuentur quam antea nunquam uiderant, & cum fiat operatio talis vehemens voluptas quoque uehemens comitatur: sed postea re illa cognita fit operatio remissior, & etiam ipsa voluptas. Solutio igitur consistit in hoc, quia res nouæ prouocant mentem ad intense operandum, ideo intensa sequitur voluptas, quæ est annexa tali operationi: sed quia postea remittitur operatio ex consequenti remittitur quoque ipsa voluptas. Ratio insuper illa ad hoc propositi adduci potest sitan potest quam

philosophus assertit in septimo cum inquit, Nulla autem res eadem ex eo nos semper delectat, quia non est simplex nostra natura. [P V T A B I T autem quispiam.] Assertit præterea duas questio- 33 nes philosophus hac in parte, & prima est talis. Cur omnes appetunt voluptatem, quam videtur statim soluere dicendo quòd hoc sit, quia omnes appetunt viuere, & non vt dormiant, sed secundum vitam quæ dicitur operatio, vt in nono declarauit, & hic etiam dicit. Quilibet igitur exoptat viuere, id est operari, & perfecte quidem operari circa ea quæ maxime amat, vt musicus, cantus audire, & sapiens speculari: sed cum voluptas sit perfectio operationis, & ei connexa, merito quilibet expetens vitam, id est operationem expetet etiam voluptatem ex consequenti, quæ perficit viuere, & operari cuiusque quod est expetibile, vt diximus. [Q V A E R E R E vero vtrum viuere 34 propter voluptatem.] Assertit tertiam questionem philosophus resultantem ex dictis, nam expetunt homines viuere, & etiam voluptatem, vt dictum fuit, an igitur vitam propter voluptatem, an voluptatem propter vitam? non soluit hic philosophus, sed in sequentibus dicit ea ex quibus colligi quoquo modo solutio potest. Notandum quòd operatio videtur principalius expeti quam voluptas, quia voluptas est quies appetitus non de se, sed in re delectante appetitum, siue sit res siue operatio, sed nemo acquiescit in aliquo nisi existimet illud esse sibi conueniens, ergo videtur quòd operatio principalius expetatur quam voluptas, nam in operatione conuenienti sibi quiescit appetitus. Præterea cum perfectio videatur esse ob id quod perficitur, perfectio inquam huiusmodi accidentaliter, merito voluptas videbitur esse ob vitam, id est ob operationem: ergo principalius appetitur operatio, operatio nanque videtur esse quasi cibus, & nutrimentum viuendum vita secunda, & voluptas veluti condimentum quoddam perfectæ operationis, quam facillima natura, ideo iunxisse cum operatione videtur, vt facilius vel libentius opremur. Verum sicut condimentum appetimus ob ipsum cibum quo viuimus, sic voluptatem appetere videmur ob ipsam rationem perfectam qua proprie viuimus, secunda scilicet vita. Tales igitur rationes ad hoc propositum afferri solent, sed ista sunt coniuncta vt dicit philosophus vita perfecta, id est operatio perfecta & voluptas, nec separantur nisi ratione, tamen si ordo ponatur primo & principaliter magis expeti videtur vt finis vita & operatio, quam voluptas vt dictum est supra. Dubitatur quia philosophus dicit quod hæc duo sunt connexa vita in qua atque voluptas, hoc non videtur verum, quia si vita capiatur pro vita prima, & pro ipso esse. Patet quòd voluptas non est cum tali vita quæ dicitur prima, & primus actus: sin pro secunda vita, id est operatione, vt sumere videtur philosophus, tunc eueniet aliqua operatio quæ erit cum dolore: vt si quis agens aliquid veluti musicus audiens tantum corpore crucietur. Dicendum primo quòd philosophus sumit hic vitam pro secunda, & pro ipsa operatione, & non quauis, sed perfectissima ita vt non sit impedita aut ex parte potentie percipientis vel obiecti. Nunc patet quòd ille qui cruciatur impeditur in instrumentis deferuentibus potentie tali vt non possit bene disponi ad operandum, quare habet dolorem corporis, & impeditur ne operetur secundum vires humanas, sed operatio perfecta & ipsa voluptas non videntur posse separari.

*Quod voluptates inter se specie differant.*

*Cap. V.*



Vnde & specie voluptates differre videntur. Nam ea quæ sunt diuersa specie, à diuersis perfici putamus. Sic enim videtur, & ea quæ à natura, & quæ ab arte conficiuntur. Vt animalia, arbores, pictura, statua, domus, vas, & similia. Similiter igitur & operationes differetes specie: à differentibus specie perficiuntur. Operationes autem mentis, ab operationibus sensus: & hæc rursus inter sese differunt specie: igitur & voluptates quæ ipsas perficiunt. Hoc autem & ex eo patet, quia vnaqueque voluptas est ei propria operationi, quæ perficit. Propria enim voluptas augeat operationem. Qui nanque cum voluptate operantur: singula magis discernunt, atque exactius comprehendunt. Veluti geometrae fiunt qui geometrica gaudet contemplatione: magisque intelligunt singula. Similiter & qui musicam amant, & qui ædium extruendarum delectantur arte, cæterorum singuli omnes in opere proficiunt proprio: hoc ipso se oblectantes. Voluptates igitur augent operationes. At ea quæ augent, propria sunt: quæ vero diuersis specie propria sunt, & ipsa diuersa 36



<sup>37</sup> specie sunt. Præterea magis hoc ex eo videbitur ita esse: quia voluptates quæ à diuersis sunt, impedimento sunt operationibus. Qui nanque fistulis delectantur, nequeunt mentem sermonibus adhibere, si quempiam audierint modulantem: magis modulandi gaudentes arte, quàm operatione præsentī. Voluptas igitur ea quæ à modulandi facultate prodiit: operationem quæ est circa sermones corrumpit. Hoc idem & in cæteris euenire vsu videtur: cum circa duo simul quispiam operatur. Operatio nanque iucundior alteram excludit. Etsi multum voluptate præcellat, magis extrudit: atque adeo vt neque operetur per illam. Quocirca cum vehementer aliqua re gaudemus, non multo aliud agimus: & alia facimus, cum parum nobis alia placent. Vt & in spectaculis, qui bellaria edunt, tum id maxime faciunt cum viles sunt qui contendunt. Cum igitur propria quædam voluptas exactas operationes reddat, & diuturniores, ac meliores efficiat, alienæ vero extenuent, atque corrumpant, constat ipsas inter sese vehementer distare. Alienæ nanque voluptates id fere quod proprii dolores efficiunt. Etenim proprii dolores, operationes ipsas corrumpunt. Vt si huic scribere, illi rationem subducere iniucundum est, atque molestum: hic non scribit, ille rationem non subducit: quippe cum dolorē afferat operatio. Circa igitur perorationes contrarium à propriis voluptatibus & doloribus accidit. Atque voluptates, dolorēsve proprii sunt, qui operatione per seipsam fiunt. Alienas vero voluptates dicimus eo quod simile quid atque ipsi dolores efficiunt, corrumpunt enim, etsi non similiter operationes. Cum autem operationes probitate differant atque improbitate, & aliæ quidem sint expetendæ, aliæ vero fugiendæ, & aliæ neutræ: similiter sese habent & voluptates. Nam vnicuique operationi est propria quædam voluptas. Quæ igitur studiosæ propria est, ea & proba: quæ vero prauæ, ea est improba. Etenim & cupiditates honestarum quidem laudabiles sunt: turpium vero vituperabiles. Magis autem propriæ sunt operationibus voluptates quæ sunt in ipsis, quàm ipsæ cupiditates. Hæ nanque seiunctæ sunt, & temporibus, & natura. Illæ vero propinquæ sunt operationibus, atque adeo indistinctæ vt contentio sit: si idem sit operatio & voluptas. Non tamen ipsa voluptas mentis esse videtur operatio, neque sensus. Est enim absurdum. Sed quia non separatur: idem quibusdam videtur. Vt igitur operationes sunt diuersæ: sic & voluptates. Differt autem visus à tactu puritate: & auditus, ac odoratus à gustu. Similiter igitur & voluptates differunt, & ab his item eæ quæ sunt mentis. Et hæ rursus differentiam inter sese suscipiunt. Videtur autem vnicuique animalium & propria quædam esse voluptas: sicut & opus. Est enim ea quæ comitatur operationem. In singulis etiam intuenti id ita esse videbitur. Alia nanque voluptas est equi, alia canis, alia hominis. Quemadmodum & Heraclitus dicit: a sinū strami-

na magis optare quàm aurum. Afinis enim pabulum auro iucundius est. Voluptates igitur eæ quæ sunt diuerſorum ſpecie, differunt ſpecie: eas vero quæ ſunt eorundem, conſentaneum eſt rationi diuerſas non eſſe. In hominibus autem non mediocriter diſcrepant. Eadem enim alios dolore afficiunt: alios delectant. Et aliiſi quidem moleſta ſunt, odióque habentur: aliis vero iucunda ac amabilia ſunt. Hoc & in dulcibus accidit. Non enim eadem dulcia febricitanti atque ſono videntur. Neque calidum idem infirmo, atque optimam habitudinem habenti videtur. Similiter & in aliis accidit. In omnibus autẽ talibus id eſſe tale videtur: quod ſtudioſo videtur. Quod ſi hoc recte dicitur, quemadmodum & videtur & eſt, atque virtus, & bonus hoc ipſo quod talis eſt, omnium eſt menſura: erunt & voluptates proſecto quæ huic videntur, & iucunda quibus gaudet ipſe. Atque non mirum eſt ſi ea quæ huic moleſta ſunt: alicui videantur eſſe iucunda. Multæ nanque corruptelæ deprauationeſque hominum ſiunt. Iucunda autem non ſunt, ſed hiſi, & ita diſpoſitis. Eaſi igitur quæ ſunt ſine controuerſia turpes: conſtat non eſſe dicendum voluptates eſſe, niſi corruptis. Earum vero quæ probæ videntur eſſe, qualem aut quam dicendũ eſt hominiſi eſſe, an ex operationibus conſtat: haſi enim ipſæ voluptates ſequuntur. Siue igitur vna ſit, ſiue plures operationes perfecti viri atque beati: eæ voluptates quæ haſi perficiunt, propriæ dicendæ ſunt hominiſi voluptates. Ceteræ vero ſecundo, & perparum, quemadmodum & operationes.

## Commen.

VNDE & ſpecie voluptates diſferre videntur. Hoc eſt quintũ capitulum huius tractatus in quo philoſophus poſtea quàm declarauit plura ex quibus colligi poterat diſſinitio voluptatis. nunc ex conſequenti affert, & oſtendit voluptates eſſe ſpecie diuerſas vt magis particulariter eius naturam percipiamus. Diuiditur autem quatuor in partes quæ ſuis locis patebunt. In prima parte philoſophus probat voluptates diſferre ſpecie ex diuerſitate operationum, & probat tribus rationibus. Prima ratio, Perfectiones diuerſarum operationum ſpecie, ſunt diuerſæ ſpecie, ſed voluptates ſunt perfectiones operationum differentium ſpecie, ergo voluptates ſunt diuerſæ ſpecie. Patet ratio ex textu philoſophi afferentis exemplum naturæ & artis, nam illæ res quæ ſunt diuerſæ ſpecie à diuerſis perfectionibus ſpecie videntur perfici. Differunt enim animalia, arbores, ſtatue & ſimiliter perfectiones eorum diuerſæ ſunt, quia alia eſt perfectio animalis quàm arboris, veluti illius vigor ſenſuum, huius vero ſecunditas fructuum, & item alia perfectio domus quàm ſtatuar, & ſic de aliis. Patet quoque quodd operationes ſenſus ſunt diuerſæ ſpecie ab operationibus mentis, ergo perfectiones earum, id eſt voluptates erunt diuerſæ ſpecie. [HOC autem ex eo quoque.] Secunda eſt ratio talis, ea quæ ſunt propria & accommodata operationibus differentibus ſpecie, ſunt & ipſa diuerſa ſpecie: ſed voluptates ſunt huiusmodi, ergo voluptates ſunt diuerſæ ſpecie. Maior eſt nota, quia affectus proprii, & ea quæ alicui competunt per ſe differunt ſecundum differentiam, & diuerſitatem ſubiectorum in quibus ſunt. Minor declaratur à philoſopho, nam ea quæ augent operationes ſunt propria, & accommodata illis: ſed voluptates augent & conſeruant operationes, quia illi qui operantur cum voluptate magis diſcernunt ſingula circa quæ operantur vt ij qui gaudent rebus geometricis facile euadunt geometræ, & ſimiliter de aliis. Cum igitur voluptates augentes operationes ſint illis conformes, & propriæ, & operationes diuerſæ ſint ſpecie, proculdubio & ipſæ voluptates erunt diuerſæ ſpecie. [PRAETER EA hoc ipſum ex eo magis.] Tertia eſt ratio quæ ſumitur ex affectu contrario quo magis patet voluptates diſferre ſpecie: ea quæ faciunt effectus contrarios, & diuerſos ſpecie, ſunt & ipſa diuerſa ſpecie, ſed voluptates diuerſarum operationum ſunt huiusmodi, ergo voluptates diuerſarum operationum ſunt diuerſæ ſpecie. Maior eſt manifeſta. Nam albedo & nigredo quæ faciunt effectus contrarios & diuerſos, quia albedo diſſregat, nigredo cõgregat viſum, ſunt diuerſa ſpecie, minor probatur à philoſopho primo exemplis,

quòd voluptates quæ proueniunt à diuersis, & alienis impediunt operationes quibus operationibus voluptates non sunt propriae. Si enim essent propriae, augerent ipsas: sed sunt alienæ, ideo deaustant, & corrumpunt vel minuunt, vt voluptas filularum destruit vel minuit voluptatem sermonis: & contra. sic etiam in aliis euenire videtur, cum circa duo simul quis operatur, voluptates tunc producant effectus contrarios & diuersos, quia vna conseruat, alia corrumpit vel potius minuit, & hinc est quòd operatio iocundior excludit minus iocundam, & sit cum aliqua re vehementer delectamur, nihil aliud ferme agamus nisi quòd operamur circa illam. Probat item ratione eandem minorem hoc pacto, si proprii dolores faciunt effectum contrarium propriis voluptatibus, proculdubio & alienæ voluptates efficiunt etiam ipsæ effectum contrarium propriis voluptatibus, quando n. potentia non est bene disposita, & obiectum non est conueniens fit proprius dolor, vt qui agere ferunt scribere vel còputare impediuntur dolore, & difficultate ne operètur quare voluptas propria perficit, & auct operatiōē, dolor minuit, & corrūpit: voluptas quoque aliena simile efficere videtur, veluti qui delectatur musica negligit geometriā, & geometriā voluptatē, vt ita loquar sibi alienā. Quare proprii dolores, & alienæ voluptates idem bene faciūt: sed nō similiter quod adiunxit philosophus, quia aliena voluptas videtur minuere operatiōē, dolor vero impedire ne producat vel ipsam destruere. Ex iis patet principalis conclusio quòd voluptates operatiōnū quæ sunt diuersæ specie & id se quoque differūt specie. [C V M autem operationes probitate.] Hæc est secunda pars huius capituli, in qua philosophus posteaquā declarauit voluptates differre specie ex diuersitate operationū: nunc idem ostendit ex parte probitatis, & improbitatis duabus rationibus, prima, sicut se habent inter se operationes, ita, & voluptates: sed operationes ita se habent inter se quòd differunt probitate, & improbitate, & quedā sunt fugiendæ, quedā expetendæ, quedā neutra, ita & voluptates, se habere videntur. Patet ratio, quia operatiōnū, quedā honestæ, & probæ vt studiosæ, & ipsa felicitas quæ sunt per se expetendæ, quedam improbæ vt vitiosæ quæ sunt per se fugiendæ, quedā neutra vt sunt quedā operationes necessariæ, quales igitur erunt operationes tales videbuntur voluptates, sed operationes differentes probitate, & improbitate videntur differre specie, ergo & voluptates quæ eas comitantur specie erunt diuisæ. [E Tenim cupiditates rerum quidem.] Secunda ratio, si cupiditates differunt ob diuersitatem operatiōnū vt aliæ sint per se fugiendæ, aliæ expetendæ, aliæ neutra: sic etiam & multo magis differunt voluptates, at primū est, ergo & secundū. Cōsequētia patet, nam de quo minus videtur inesse, & inest: ergo & de quo magis. Cōiuncta n. magis sunt voluptates ipsis operationibus quā cupiditates quæ partim tēpore videntur separari ab operationibus: partim natura, voluptates vero ita sunt connexæ vt cōtrouerfia sit idem operatiō, & voluptas: assumptio est de se manifesta. Cupiditates n. rerum honestarum dicuntur honestæ, turpiū vero turpes, sed quia philosophus dixit vt dubitatio sit utrū operatiō, & voluptas sit idem, ne existimaretur quòd sint penitus idem, remouet suspitionem dicendo quòd non sequitur non separantur, quia sunt cōnexæ: ergo non differunt, quia multa sunt talia veluti affectus proprii respectu subiectorum suorum & tamen sunt diuersa. quare voluptas non est mens. i. operatiō mentis nec sensus. i. operatiō sensus. Differunt enim ratione. Notandū quòd tria affert hic philosophus, cupiditates, operationes, voluptates, & hunc ordinem habere videntur vt cupiditates antecedant operationes, & tempore & natura: tempore, quia cupimus aliquid operari priusquā illud operemur, & dicuntur turpes si turpiter cupimus, vel inhonestas procedere operationes & honestæ si honestas & pbas. Natura quoque procedunt, quia operatiō videtur esse actus perfecti & constitutus, cupiditas imperfecti, sic igitur cupiditates operationes præcedunt. sed operationes cum voluptatibus sunt simul tempore, & origine videntur præcedere, sicut subiectum proprium: nam licet non separantur, tamen subiectū secundū essentia suam est in primo modo dicendi per se, affectus vero in secundo. Vult igitur philosophus quòd voluptas magis conueniat cū operatiōne quā cupiditas, nō tamē quod sit penitus idem, sed differunt illa duo ratione, vt sæpius dictum fuit, nā per operatiōem operamur veluti per intellectiōem intelligimus: per voluptatē delectamur. Intellectio igitur tendit ad obiectum vt intelligibile, voluptas vero ad idem & delectabile & voluptuarium. quare vt ad propositum redeamus, si cupiditates respectu operatiōnū à quibus magis distant quā voluptates dicuntur differre specie multo magis differunt voluptates respectu earundem quæ sunt eis annexæ. [A T vero visus differt à tactu puritate.] Hæc est tertia pars huius capituli in qua philosophus ostendit diuersitatem voluptatum ex parte puritatis & impuritatis operatiōnū hoc modo, sicut se habent inter se operationes, sic & voluptates quæ sequuntur eas: sed operationes ita inter se habent vt aliæ sint puræ: aliæ non puræ, & aliæ magis: aliæ minus: sic se habebunt voluptates, cōsequētia vel similitudo illa antea est probata: assumptio declaratur. s. quòd operatiōnū alia nō pura, & alia item purior quam alia, veluti visio est purior quā auditio, & auditio vt ita loquar est purior quā olfactio, & sic successiue, mentis præterea operatiō est longe purior quam sensitiua, quia à nobiliori prodit potentia. Præterea operatiō videtur dici pura, & non pura respectu conditionis materiæ, & magis aut minus pura secundum quòd magis aut minus miscetur cum materia, aut separatur ab eadem vel conditionibus eius, vnde formæ illæ purissimæ dicuntur quæ

sunt separata ab conditionibus materiae, verum cum duplices sumantur operationes quibus percipimus, intellectus. scilicet & sensitus, habent ordinem inter se: primo sensitiuarum purior est ipsa visio quam cuiusquam alterius sensus, & obiectum habet minus materiale, & modum sentiendi, & immutationis magis spiritalem, ut ita loquar. Secundo gradu perfectionis est auditus, deinde olfactus, & sic sequitur alii successius, quare inter se comparatæ sensitiuæ habent gradum puritatis, ut diximus: si vero comparentur cum mentis operationibus longe sunt inferiores, & quantum de omni sensu hoc vniuersaliter dicatur, ut sensus sit id quod susceptivum est formarum sensibilium sine materia, tamen species illæ non dicuntur liberatae & conditionibus materiae. hic & nunc & huiusmodi conditionibus. Quare immutatio sensus fit per species sensibiles non liberatas à conditionibus materialibus, ut hic & nunc & similibus, sed immutatio mentis fit per species intelligibiles quæ sunt liberatae omnino à conditionibus materiae, ut ostendit philosophus in libro de anima. Quare tales operationes videtur esse vehementer puræ, & longe puriores quàm sensus: habet tamen, & ipse intellectus gradum inter se, quia speculatiuæ sunt puriores quàm actiuæ, & obiectum habent longe excellentius, & præcipue cum versantur circa substantias separatas, & ipsum maxime deum cuius speculatio purissima est omnium, & ex consequenti voluptas quæ eam consequitur. Ex his patet quod operationes sensitiuæ differant puritate ab intellectiuis, quia intellectiuae sunt longe puriores, & item sensitiuæ inter se, & eodem pacto intellectiuae inter se per consequens voluptates quæ sequuntur tales operationes differunt, & diuersæ erunt inter se, sicut & ille. [VIDETUR autem cuiusque animalis operationes differunt, & diuersæ erunt inter se, sicut & ille. in qua philosophus ostendit voluptates inter se differre specie ex diuersitate subiectorum, in quibus illæ suscipiuntur. i. subiectorum quæ sumunt ipsas voluptates, & particulariter hoc ostendit de ipsis hominibus. Probat autem in primis ratione deinde inductione, quod animalium differentiis specie, diuersæ sunt specie voluptates hoc pacto, diuersorum specie animalium diuersæ sunt operationes inter se, & cuique illorum propriae, sed voluptates ita se habent sicut se habent operationes, ergo voluptates diuersorum animalium erunt diuersæ inter se, & illis propriæ, alia est enim operatio vnius animalis quæ est sibi propria, & alia alterius, sic etiam, & ipsa voluptas. [A T Q V E in singulis etiam intuenti.] Probat idem inductione, nam si velimus intrinsece singula animalia reperimus aliam esse voluptatem leonis, aliam equi, aliam asini, & sic de aliis animalibus quorum quodlibet habet suam propriam voluptatem, & diuersam à voluptate alterius specie animalis, & hoc etiam confirmat auctoritate Heracliti: ex quibus concluditur quod animalium differentiis specie diuersæ sunt specie voluptates, videretur quoque consentaneum rationi ut eorundem specie animalium eadem essent specie voluptates, tamen in hominibus variatur regula. Notandum quod diuersorum animalium voluptates videtur esse diuersæ, & una ratio est quod vnumquodque animal videtur habere operationem propriam atque exinde propriam voluptatem, & alia ratio est, quod animalia non delectantur eisdem, sed diuersis afferentibus voluptatem, & ut illa efficiunt voluptatem, sunt diuersæ: sic etiam sunt voluptates provenientes ab illis diuersæ inter se, & cuique propriæ. & de his intelligendum non de communibus quæ omnibus competunt inquantum sunt animalia, sed probat philosophus suum propositum de voluptatibus propriis, & accommodatis cuique, quia sufficit quod illæ differant specie, sicut animalia. [IN hominibus tamen non mediocriter.] Ostendit philosophus nunc ex diuersitate hominum differre voluptates, quia si in aliis animalibus convenientibus sunt quædam proprie voluptates, ut equis omnibus quædam voluptates accommodatæ, similiter leonibus, & aliis eodem pacto, tamen in hominibus variantur. Nam alia alios delectant, & alia alios perturbant, ut vitiosa molesta sunt probis, delectant improbos, ægrotis similiter, & sanis alia sunt iocunda, & vniuersique videtur delectari eo, quod est sibi amabile, atque ut in primo inquit philosophus. i. hominum cuique voluptati cuius amator dicitur quisque: ut equus equorum amatori, & amatori iustorum iusta, & omnino virtutum amatori ea quæ per virtutem efficiuntur. [IN vniuersis autem talibus.] Ostendit hac in parte philosophus quod inter omnes voluptates humanas ea est optima quæ est studiosi hominis hoc pacto, eius hominis voluptas quæ est mensura omnium operationum, & voluptatum humanarum est potissima, & vera voluptas: sed studiosi homo, & virtus ipsa sunt mensura operationum, & voluptatum humanarum, ergo eius voluptas est summa, & potissima inter humanas voluptates. Patet ratio, quia in uno quoque genere id quod est mensura est optimum & præstabiliissimum in illo genere. Sed antea præcipue probatum est studiosi, & uirtutis esse mensuram, & regulam operationum humanarum, ita ut respectu ceteris ad illam recte dicimus, & diiudicamus hunc actum bonum esse vel malum, hæc cum ita sint dicit philosophus, quod non est mirandum si ea quæ sunt molesta studioso, aliis non studiosis videatur iocunda, multæ enim sunt corruptelæ in hominibus quibus fit ut habetibus gustum corruptum ea interdum placeant, quæ non sunt bona: sicut ægrotantibus quædam dulcia quæ sunt amara, vel amara quæ sunt dulcia. Regula autem à studioso, & sano sumenda est, quia talis est res vel bona vel praua sicut ei videtur, qui habet iudicium sanum, & ex his concluditur quod voluptates, quædam sunt veræ, & propriæ, quædam secundum quid, & non propriæ voluptates, sed apparentes, & ex consequenti apparet quod sunt diuersæ specie. [E A R V M vero quæ probæ videtur esse.] Ostendit hac in parte philosophus quæ voluptas sit præstabiliissima inter voluptates probas quæ competunt homini studioso, nam cum variæ sint, & à variis potentiis ac obiectis proveniant, habent gradus inter se, & dicit quod

hoc percipere possumus ex operationibus, qualis enim operatio erit, talis erit voluptas: sed operationes habent gradus, & earum alia est præstantior alia, sic etiam voluptates eundem sequuntur ordinem. quod si vna erit operatio præstantissima omnium, voluptas quoque quæ eam comitatur erit potissima: sin plures, ita etiam voluptates erunt plures. Dantur enim gradus vt diximus, & posthabeamus turpes voluptates quæ non sunt appellandæ voluptates, & loquamur de studiosis, & probis, de quibus videtur loqui philosophus. Hæ igitur cum hebeant gradus secundum operationes vt dictum est, accedendum est ad vltimam, & perfectissimam omnium, siue sit vna, siue duplex, id est actiua, & speculatiua. & ideo dicit siue sit vna siue plures, quia istæ duæ obtinent summum locum in genere suo, tamen si conferatur genus cum genere, & ipsæ inter se, proculdubio speculatiua longe anteponitur actiua philosophi sententia. Voluptates quoque sequentes huiusmodi operationem eandem rationem inter se habebunt vt qualis sit ratio inter operationem & operationem, talis sit inter voluptatē & voluptatē. primo. n. prima erit ea quæ consequitur speculatiua operationem, prima quoque in genere suo ea erit quæ sequitur actiua operationem, reliquæ autem secundario vt dicit philosophus. Notandum quod si aliquis quæreret, quæ nam causa sit cur alia animalia quæ sunt eiusdem speciei, & vna quæque in specie sua habeat proprias voluptates, in hominibus autem non mediocriter varientur vt dixit philosophus, dicendum quod alia animalia feruntur instinctu naturæ ad suas voluptates, homo vero ratione, & electione agit suas operationes, & ideo habet multas varietates, quia alii habet iudicium corruptum, alii bonum, & ideo diuersas produciunt operationes, & diuersas, & varias habent voluptates & persequuntur, cætera vero animalia aguntur, & non proprie agunt. Homo autem est liberi arbitrii, & habet rationem, & voluptatem, & sequendo diuersa voluptaria. (nam alia alios delectant) diuersas ideo persequitur voluptates.

*De felicitate.**Cap. VI.*

**D**ictis autem iis quæ ad ipsas virtutes ac amicitias, voluptatēque pertinent: de felicitate figura dicere restat: quippe cum finem humanarum rerum ipsam esse ponamus. Si igitur ea quæ prius dicta sunt repetierimus: orationem sane fecerimus breuiorem. Diximus itaque felicitatem habitum non esse. Inesset enim dormienti per vitam: plantarum vita viuenti, & in calamitatibus maximis constituto. Quod si hæc non placent, sed ponendum est potius ipsam operationem esse quandam (vt prius dictum est) & operationum alia sunt necessaria, & ob alia alia per seipsas sunt expetibiles: perspicuum est felicitatem earum aliquam operationem esse, quæ sunt per se & non ob aliud expetendæ. Felicitas enim nullius indiget rei: sed est ex sese sufficiens. Operationes autem eæ per se sunt expetibiles, à quibus nihil præter operationem quæritur. Tales vero videntur esse actus ii qui à virtute proficiuntur. Honesta nanque studiosaque agere, ex iis est quæ per se expetuntur. Et itē ludorū ii qui sunt iucundi. Non enim ob alia ipsos expetunt. Damna nanque potius ex ipsis quam comoda suscipiunt, & corpus patrimonium negligentes. Confugiunt autem ad alia oblectamenta & plerique eorum qui beati esse dicuntur. Quapropter apud tyrannos in pretio habentur ii qui in talibus oblectamentis sunt dextri, in iis enim seipsos præbent iucundos quæ illi affectant. Indigent autem talibus. Videntur igitur hæc ad felicitatem pertinere: propterea quod hisce vacāt homines ii qui sunt in potestatibus constituti. At nullum fortasse signum tales sunt homines. Nā nec virtus in potestatibus nec intellectus consistit: à quibus operationes studiosæ proficiuntur. Nec si illi cum sinceram, liberalēque voluptatem non degustarint, ad corporis confugiunt voluptates: propterea putandum est



has magis expetibileseſſe. Et pueri enim quę apud ſeipſos in pretio ſunt: præſtabiliſſima eſſe putāt. Cōſentaneū igitur eſt rationi, vt pueris & viris diuerſa prætioſa eſſe videntur: ſic & prauis & ſtudioſis videri. Vt igitur ſepe dictū eſt: & pretioſa & iucūda ſunt ea, quę ſtudioſo viro talia ſunt. Vnicuique autē ea eſt operatio maxime expetibilis: quę ab habitu proprio prodit. & ſtudioſo igitur ea quę proficiſcitur à virtute. Felicitas ergo non in luſione, iocōve conſiſtit. Item abſurdum foret, humanum finem iocum eſſe: & negocia multa moleſtiāſve per totam vitam cauſa iucundi ſuſcipere. Cuncta enim fere præter felicitatem: alterius expetimus gratia. Hęc enim eſt finis. Studere autem & laborare gratia ioci: ſtultum proſecto, nimis que puerile eſſe videtur. Iocari vero vt ſtudeas: ſecūdum ſententiam Anacharſidis, recte ſeſe habere videtur. Iocus enim requieti ſimilis eſt. Atque cum continue nequeant homines laborare: indigent requiete. Nō eſt igitur ipſa requies finis. Fit enim gratia operationis. At vero vita felix in virtute videtur conſiſtere. Hęc vero vita cum ſtudio eſt & in ſeriis, ſed non in ioco conſiſtit. Atque ea quę ſtudioſa ſunt, ſeriāve: præſtabiliora ridiculis, & iis quę ioco ſunt. Et operationē ſemper melioris & partis, & hominis ſtudioſam magis dicimus eſſe: melioris vero præſtabilior eſt, & ad felicitatem iam magis attinens. Frui præterea quiuis, & mancipium voluptatibus corporis: non minus quā optimus homo poteſt. At felicitatem nemo mācipio tribuet: niſi & vitam tribuerit ſtudioſam. Felicitas enim non in talibus conſiſtit modis viuendi: ſed in operationibus quę à virtute proficiſcuntur, vt prius etiam diximus.

*Commen.*

**D**ICTIS autem iis quę ad ipſas virtutes ac amicitias. Hic eſt ſecundus tractatus huius libri in quo philoſophus docet de felicitate quę humanarū rerum eſt vltimus finis, & hoc congrue, quia finis eſt id quod primum in intentione proponitur, & ſecundum hoc videtur cauſa eſſe, & eſt omnium eorum quę inueniuntur propter ipſum conſequendum: idē etiam eſt vltimum cum iam per inuenta cauſetur, & ſecundum hoc videtur habere rationem effectus, vnde virtutes & operationes præcedentes ſtudioſa, cauſa effectiua ſunt felicitatis: felicitatis autem eſt cauſa finalis earum, veluti morio eſt cauſa effectiua ſanitatis, & ſanitas cauſa motus cauſa in quā finalis, cauſa. n. ſibi ſunt inuicem cauſę in diuerſo genere vt inquirunt: ſed finalis principaliffima dicitur omnium aliarum, & cauſa cauſarū, vt oſtendit philoſophus in libro phyſicorum. Felicitas ergo cum ſit cauſa finalis reſpectu virtutum, & operationum ſtudioſarum præcedentium ipſas virtutes iure erit principalior cauſa quā illa quę ordinantur ad ipſam, cum igitur felicitas ſit primum in intentione, ideo prima à philoſopho propoſita eſt, deinde declarata ſunt media quę ad ipſam pertinent, & tria principaliter quę fuerunt cognitu neceſſaria. i. virtutes, tum amicitia, tum voluptates, quorum omnium exactiſſimam doctrinam tradidit nobis philoſophus vt per ea quę ad felicitatem ducunt, & reſolutionem ſuę diſſinitionis paulatim innotefceret nobis ipſa felicitas. merito igitur ea in primo libro propoſita ſicut eſt primum in intentione, deinde iis omnibus pertractatis quę ſunt media quę ad illam ducunt, & in media doctrina collocatis: nunc tandem eam exequitur vltimo loco, quia eſt vltimum in executione. quare vt eſt primum in intentione quoque proponitur nobis, vt eſt vltimum in executione, vltimo etiam loco philoſophus eam exequitur declarando ipſam ſecundum ſpecies ſuas, & præſertim ſpeculatiuam, de qua antea philoſophus parum tetigerat, ſed in hunc locum potius diſtulerat, itaque ipſam felicitatem diuidit in actiua, & ſpeculatiua, & comparat eas inter ſe, oſtendens alteram eſſe altera præſtantiore: ſed quia vtrique felicitati voluptates annectuntur, & à quibuſdā credebantur eſſe vltimi fines, ideo præmiſit doctrinā de voluptate multa tradendo nobis cognitu neceſſaria vt vidimus. Diuiditur autē hic contractus in quatuor capitula: in primo tractat de felicitate in cōmuni & in genere. In ſecūdo de felicitate ſpeculatiua, in tertio de felicitate actiua: &



comparat ambas inter se. In quarto de ferendis legibus, vt ostendat oportere nos hæc non solum cognoscere, sed etiam deducere in actum, & illud vltimum capitulum videtur esse quasi quidam nexus libri ciuiliu. Primum capitulum diuiditur in quatuor partes, quæ suis locis patebunt. In prima itaque philosophus proponendo suam intentionem dicit quod pertractatis iis, quæ pertinent ad virtutes, & amicitias, & voluptates, relinquatur vt summam de felicitate loquamur: quæ cum sit finis primo propositus, & multa sint tractata à nobis: quæ ad eam inueniendâ, & consequendam pertinent, consentaneum est rationi, nunc quoque vltimo loco de ea concludamus summam quæ sunt cogniti necessaria, breuiter repetendo quædam antea dicta, vt facili-  
 47  
 48  
 49  
 50  
 51  
 52  
 53  
 54  
 55  
 56  
 57  
 58  
 59  
 60  
 61  
 62  
 63  
 64  
 65  
 66  
 67  
 68  
 69  
 70  
 71  
 72  
 73  
 74  
 75  
 76  
 77  
 78  
 79  
 80  
 81  
 82  
 83  
 84  
 85  
 86  
 87  
 88  
 89  
 90  
 91  
 92  
 93  
 94  
 95  
 96  
 97  
 98  
 99  
 100  
 101  
 102  
 103  
 104  
 105  
 106  
 107  
 108  
 109  
 110  
 111  
 112  
 113  
 114  
 115  
 116  
 117  
 118  
 119  
 120  
 121  
 122  
 123  
 124  
 125  
 126  
 127  
 128  
 129  
 130  
 131  
 132  
 133  
 134  
 135  
 136  
 137  
 138  
 139  
 140  
 141  
 142  
 143  
 144  
 145  
 146  
 147  
 148  
 149  
 150  
 151  
 152  
 153  
 154  
 155  
 156  
 157  
 158  
 159  
 160  
 161  
 162  
 163  
 164  
 165  
 166  
 167  
 168  
 169  
 170  
 171  
 172  
 173  
 174  
 175  
 176  
 177  
 178  
 179  
 180  
 181  
 182  
 183  
 184  
 185  
 186  
 187  
 188  
 189  
 190  
 191  
 192  
 193  
 194  
 195  
 196  
 197  
 198  
 199  
 200  
 201  
 202  
 203  
 204  
 205  
 206  
 207  
 208  
 209  
 210  
 211  
 212  
 213  
 214  
 215  
 216  
 217  
 218  
 219  
 220  
 221  
 222  
 223  
 224  
 225  
 226  
 227  
 228  
 229  
 230  
 231  
 232  
 233  
 234  
 235  
 236  
 237  
 238  
 239  
 240  
 241  
 242  
 243  
 244  
 245  
 246  
 247  
 248  
 249  
 250  
 251  
 252  
 253  
 254  
 255  
 256  
 257  
 258  
 259  
 260  
 261  
 262  
 263  
 264  
 265  
 266  
 267  
 268  
 269  
 270  
 271  
 272  
 273  
 274  
 275  
 276  
 277  
 278  
 279  
 280  
 281  
 282  
 283  
 284  
 285  
 286  
 287  
 288  
 289  
 290  
 291  
 292  
 293  
 294  
 295  
 296  
 297  
 298  
 299  
 300  
 301  
 302  
 303  
 304  
 305  
 306  
 307  
 308  
 309  
 310  
 311  
 312  
 313  
 314  
 315  
 316  
 317  
 318  
 319  
 320  
 321  
 322  
 323  
 324  
 325  
 326  
 327  
 328  
 329  
 330  
 331  
 332  
 333  
 334  
 335  
 336  
 337  
 338  
 339  
 340  
 341  
 342  
 343  
 344  
 345  
 346  
 347  
 348  
 349  
 350  
 351  
 352  
 353  
 354  
 355  
 356  
 357  
 358  
 359  
 360  
 361  
 362  
 363  
 364  
 365  
 366  
 367  
 368  
 369  
 370  
 371  
 372  
 373  
 374  
 375  
 376  
 377  
 378  
 379  
 380  
 381  
 382  
 383  
 384  
 385  
 386  
 387  
 388  
 389  
 390  
 391  
 392  
 393  
 394  
 395  
 396  
 397  
 398  
 399  
 400  
 401  
 402  
 403  
 404  
 405  
 406  
 407  
 408  
 409  
 410  
 411  
 412  
 413  
 414  
 415  
 416  
 417  
 418  
 419  
 420  
 421  
 422  
 423  
 424  
 425  
 426  
 427  
 428  
 429  
 430  
 431  
 432  
 433  
 434  
 435  
 436  
 437  
 438  
 439  
 440  
 441  
 442  
 443  
 444  
 445  
 446  
 447  
 448  
 449  
 450  
 451  
 452  
 453  
 454  
 455  
 456  
 457  
 458  
 459  
 460  
 461  
 462  
 463  
 464  
 465  
 466  
 467  
 468  
 469  
 470  
 471  
 472  
 473  
 474  
 475  
 476  
 477  
 478  
 479  
 480  
 481  
 482  
 483  
 484  
 485  
 486  
 487  
 488  
 489  
 490  
 491  
 492  
 493  
 494  
 495  
 496  
 497  
 498  
 499  
 500  
 501  
 502  
 503  
 504  
 505  
 506  
 507  
 508  
 509  
 510  
 511  
 512  
 513  
 514  
 515  
 516  
 517  
 518  
 519  
 520  
 521  
 522  
 523  
 524  
 525  
 526  
 527  
 528  
 529  
 530  
 531  
 532  
 533  
 534  
 535  
 536  
 537  
 538  
 539  
 540  
 541  
 542  
 543  
 544  
 545  
 546  
 547  
 548  
 549  
 550  
 551  
 552  
 553  
 554  
 555  
 556  
 557  
 558  
 559  
 560  
 561  
 562  
 563  
 564  
 565  
 566  
 567  
 568  
 569  
 570  
 571  
 572  
 573  
 574  
 575  
 576  
 577  
 578  
 579  
 580  
 581  
 582  
 583  
 584  
 585  
 586  
 587  
 588  
 589  
 590  
 591  
 592  
 593  
 594  
 595  
 596  
 597  
 598  
 599  
 600  
 601  
 602  
 603  
 604  
 605  
 606  
 607  
 608  
 609  
 610  
 611  
 612  
 613  
 614  
 615  
 616  
 617  
 618  
 619  
 620  
 621  
 622  
 623  
 624  
 625  
 626  
 627  
 628  
 629  
 630  
 631  
 632  
 633  
 634  
 635  
 636  
 637  
 638  
 639  
 640  
 641  
 642  
 643  
 644  
 645  
 646  
 647  
 648  
 649  
 650  
 651  
 652  
 653  
 654  
 655  
 656  
 657  
 658  
 659  
 660  
 661  
 662  
 663  
 664  
 665  
 666  
 667  
 668  
 669  
 670  
 671  
 672  
 673  
 674  
 675  
 676  
 677  
 678  
 679  
 680  
 681  
 682  
 683  
 684  
 685  
 686  
 687  
 688  
 689  
 690  
 691  
 692  
 693  
 694  
 695  
 696  
 697  
 698  
 699  
 700  
 701  
 702  
 703  
 704  
 705  
 706  
 707  
 708  
 709  
 710  
 711  
 712  
 713  
 714  
 715  
 716  
 717  
 718  
 719  
 720  
 721  
 722  
 723  
 724  
 725  
 726  
 727  
 728  
 729  
 730  
 731  
 732  
 733  
 734  
 735  
 736  
 737  
 738  
 739  
 740  
 741  
 742  
 743  
 744  
 745  
 746  
 747  
 748  
 749  
 750  
 751  
 752  
 753  
 754  
 755  
 756  
 757  
 758  
 759  
 760  
 761  
 762  
 763  
 764  
 765  
 766  
 767  
 768  
 769  
 770  
 771  
 772  
 773  
 774  
 775  
 776  
 777  
 778  
 779  
 780  
 781  
 782  
 783  
 784  
 785  
 786  
 787  
 788  
 789  
 790  
 791  
 792  
 793  
 794  
 795  
 796  
 797  
 798  
 799  
 800  
 801  
 802  
 803  
 804  
 805  
 806  
 807  
 808  
 809  
 810  
 811  
 812  
 813  
 814  
 815  
 816  
 817  
 818  
 819  
 820  
 821  
 822  
 823  
 824  
 825  
 826  
 827  
 828  
 829  
 830  
 831  
 832  
 833  
 834  
 835  
 836  
 837  
 838  
 839  
 840  
 841  
 842  
 843  
 844  
 845  
 846  
 847  
 848  
 849  
 850  
 851  
 852  
 853  
 854  
 855  
 856  
 857  
 858  
 859  
 860  
 861  
 862  
 863  
 864  
 865  
 866  
 867  
 868  
 869  
 870  
 871  
 872  
 873  
 874  
 875  
 876  
 877  
 878  
 879  
 880  
 881  
 882  
 883  
 884  
 885  
 886  
 887  
 888  
 889  
 890  
 891  
 892  
 893  
 894  
 895  
 896  
 897  
 898  
 899  
 900  
 901  
 902  
 903  
 904  
 905  
 906  
 907  
 908  
 909  
 910  
 911  
 912  
 913  
 914  
 915  
 916  
 917  
 918  
 919  
 920  
 921  
 922  
 923  
 924  
 925  
 926  
 927  
 928  
 929  
 930  
 931  
 932  
 933  
 934  
 935  
 936  
 937  
 938  
 939  
 940  
 941  
 942  
 943  
 944  
 945  
 946  
 947  
 948  
 949  
 950  
 951  
 952  
 953  
 954  
 955  
 956  
 957  
 958  
 959  
 960  
 961  
 962  
 963  
 964  
 965  
 966  
 967  
 968  
 969  
 970  
 971  
 972  
 973  
 974  
 975  
 976  
 977  
 978  
 979  
 980  
 981  
 982  
 983  
 984  
 985  
 986  
 987  
 988  
 989  
 990  
 991  
 992  
 993  
 994  
 995  
 996  
 997  
 998  
 999  
 1000

## ETHICORVM

assumptio probat philosophus, & affert primo duas conclusiones, prima: quòd licet principes qui existimantur esse beati à vulgo dent operam huiusmodi ludis, & iocis & viuendi modis, tamen hoc non est signum quòd felicitas sit in huiusmodi rebus & ludis. Nam homines in quibus non est virtus meritis, nec intellectuæ & mentis virtutes, non sunt signum quòd felicitas sit in ludo: sed principes vt plurimum, & ii qui sunt in potestatibus constituti plerumque sunt tales, vt neque moris virtutes habeant nec mentis, ergo principes & ii qui sunt in potestatibus constituti non sunt signum vt felicitas consistat in ludis, & huiusmodi delectationibus, quibus illi vt plurimū vacant. Secūda cōclusio, hi homines qui nunquā gustarūt purā voluptatē, & libero homine dignā, non sunt signū vt voluptas ludi ac ioci sit per se expetibilis: sed principes, & ii qui sunt in potestatibus constituti vt plurimū sunt huiusmodi, ergo nō sunt signū q̄ voluptas pueniens ex ludis, & corporis oblectamentis, sit per se expetibilis. Patet ratio, quia voluptatū alia purā & sincerā, alia mixtā, & impurā, principes vero plerumque, & ipsi tyranni cum non habent veras voluptates coniungunt ad impuras, & corporeas, & sæpe instar Sardanapali vitam agunt. hæc enim amicos vt in octauo inquit philosophus querere videntur cum virtute iocundos, nec viles ad honestā, qui igitur fieri potest vt ii ex sua voluptate non pura sint signum veræ voluptatis? Nam & pueri suam habent voluptatē quæ optima eis videtur, & tamē non est sequēda, sed leuis cū sit, & puerilis posthabenda: sic etiam voluptas, & vita eorum qui sunt in potestatibus constituti, si sit dedita corporeis voluptatibus, & huiusmodi ludis, tamen non sequitur propter hoc vt felicitas, & voluptas per se expetenda consistat in ludis, & huiusmodi talibus. voluptates enim & res pretiosæ alia aliis videntur vt sæpius diximus: sed regula vera nō est à pueris, nec à prauis, sed à viro studioso sumenda, vt ostēdet nunc inferius. [Vt igitur sæpe dictum est.] Ostendit idem philosophus, felicitatem non consistere in ludo, & ioco vt supra etiā declarauit, sed ibi refellendo opinionem, & iudicium ac signū illud imperitæ multitudinis, hic id ipsum probat sex rationibus, quarum prima est talis. In illa operatione, quæ non videtur optima nec per se expetibilis vero studioso non consistit felicitas: sed operatio proueniens ex ludo, & ioco est huiusmodi, ergo in tali operatione non consistit felicitas. Dictum est enim sapiens virum studiosum atque ipsam omnino virtutem esse regulā, & mensurā agibiliū, & quæ ei probantur esse probanda, quæ ab eo reiiciuntur esse repellendæ: sed operatio ludi, & ioci non probatur, quia ei non proficitur à suo habitu, sed studiosa tantū atque honesta. [ITEM enim absurdum.] Secunda ratio. Si felicitas consisteret in ludis & iocis, omnia ageremus ob talia: cōsequens absurdū, ergo & anteceden. esset enim nimium absurdū laborare, vigilare & omne suum studiū conferre in rē tam puerilem tamque abiectam. [IOCARI tamen vt itudens.] Tertia ratio. Iocus & ludus fit alterius gratia, sed felicitas non fit alterius gratia, ergo felicitas non consistit in ludo. Hanc rationem probat philosophus auctoritate Anacharidis scythæ, qui dicere solebat honeste iocari experti debere vt postea studeas, & opereris. Cessatio enim videtur esse propter operationē, & ita esse debet quasi cessare, & recreari debemus vt melius deinde operemur, ipsumque genus iocandī vt ait Cicero non profusum nec immodestum, sed ingenuū, & facetum esse debet. Anacharxis fuit philosophus Scythæ, & Athenis floruit tempestate credo Solonis, cuius nomen celebratur à multis, huius & Cicero in Tusculanis meminit, Anacharxis Anacharxis potuit pro nihilo pecuniam ducere, nostros philosophi facere non poterunt: epistola quoque eius fertur iis verbis, Anacharxis Hannoni salutem. Mihi amicitū est scythicum tegmen, calciamentum solorum callicium, cubile terra, pulpamentum fames, lacte, caseo, carne vescor, quare vt ad quietum melicet venias, munera autē ista quibus es delectatus ciuibz tuis dona, & cætera. (AT vero vita felix.) Quarta ratio. Iocus & ludus est longe inferior rebus seriis, sed felicitas non est inferior illis ergo felicitas non consistit in ioco atque ludo. Patet ratio, quia felicitas est præstabilissima rerum agendarum quæ seriō fiant & seria sunt præstabiliora ipsis ridiculis & iocis. Neque enim vt Cicero inquit ita generati à natura sumus vt ad ludum iocūque facti esse videamur, sed ad seueritatem potius, & ad quædam studia grauiora atque maiora. (ET operationem melioris.) Quinta ratio. Felicitas est operatio optimi hominis & partis, id est potentia animæ melioris, sed ludus & iocus non est huiusmodi vt manifeste patet: ergo in ludo, & ioco non consistit felicitas. Partem autem, id est potentiam animæ meliorem appellat ipsam rationalem, in qua consistit felicitas. (PR V I præterea quiuis.) Sexta ratio, in eo quo frui indifferenter quiuis pro arbitrio potest, tamen studiosus quā studiosus, & non minus mancipium quā vir bonus, in eo inquam tali non consistit felicitas, sed ludus & iocus, & omnino corporea ipsa voluptas est huiusmodi, ut quiuis facile & ipsum quoque mancipium frui possit, ergo in his talibus non consistit felicitas, & notā dus est diligenter ordo philosophi quo usus est in hoc toto processu. Primo. n. ostendit felicitatē non esse habitum, deinde quod est operatio. Tercio quod est operatio per se expetibilis. Quarto quod est operatio per se expetibilis studiosa, & secundum virtutem, & hoc quarto loco positum declarauit hoc modo, cum felicitas sit operatio per se expetibilis, aut est à ludo ut imperitè uideatur multitudine, aut à virtute ut prudentibus, & studiosis uideatur: sed non est à ludo, ergo relinquatur ut sit à virtute: quòd autem non esset à ludo uel ioco probauit ex rationibus ut uidimus, ex quibus patet felicitatem esse operationem per se expetibilem secundum virtutem ut dictū est.



<sup>57</sup> Vòd si felicitas operatio est pervirtutem: consentaneum est rationi, per eam esse quæ est præstabilissima. Hæc autem eius fuerit, quod est optimum. Siue igitur mēs sit hoc siue aliquid aliud, quod quidem natura dominari videtur, ac imperare, & animaduersionem habere de honestis, diuinisq; rebus, aut quia diuinum & ipsum est, aut quòd eorum quæ sunt in nobis est diuinissimum: huius operatio per virtutem propriam, ipsa felicitas fuerit, beatitudoq;  
<sup>58</sup> perfecta. Dictum est autem ipsam esse contemplatiuam. Atque consentaneū hoc & antea dictis, & veritati videbitur esse. Hæc. n. operatio præstabilissima est: quippe cum mens sit eorum quæ in nobis insunt, præstabilissimum, & ea circa quæ mens versatur cognoscibilium præstabilissima sint. Est præterea continua maxime. Nam contemplari magis continue: quàm agere quoduis possumus. Arbitramur præterea felicitati voluptatem admixtam esse oportere: iucundissima autē operationum virtutum. est ea haud dubie quæ per sapientiam prodit. Itaque philosophia mirabiles tum puritate, tum firmitate, voluptates habere videtur. Atque consentaneū est rationi: scientibus quam quærentibus, oblectamētum ipsum iucundius esse. Ipsa quoque sufficientia, maxime fuerit in contemplatiua. Nam & sapiens, & iustus, & ceteri: rebus iis indigent quæ necessaria sunt ad vitam. Sed si satis his talia adsunt: iustus quidem eorum indiget ad quos & cum quibus egerit iuste. Et temperans item ac fortis, & singuli cæterorum. At sapiens si solus etiam sit, contemplari potest, & quo sapientior est, eo magis potest: melius autem fortasse si habeat adiutores. Attamen sufficientissimus est ipse. Præterea propter seipsam amari sola videtur. Nihil enim ab ipsa fit præter hoc contemplatum inquam esse. At cum agimus, præter ipsam actionem: aut plus aliquid minus assequimur. Videtur etiam in otio felicitas ipsa consistere. <sup>63</sup> <sup>64</sup> <sup>65</sup> <sup>66</sup> <sup>67</sup> <sup>68</sup> <sup>69</sup> <sup>70</sup> <sup>71</sup> <sup>72</sup> <sup>73</sup> <sup>74</sup> <sup>75</sup> <sup>76</sup> <sup>77</sup> <sup>78</sup> <sup>79</sup> <sup>80</sup> <sup>81</sup> <sup>82</sup> <sup>83</sup> <sup>84</sup> <sup>85</sup> <sup>86</sup> <sup>87</sup> <sup>88</sup> <sup>89</sup> <sup>90</sup> <sup>91</sup> <sup>92</sup> <sup>93</sup> <sup>94</sup> <sup>95</sup> <sup>96</sup> <sup>97</sup> <sup>98</sup> <sup>99</sup> <sup>100</sup> <sup>101</sup> <sup>102</sup> <sup>103</sup> <sup>104</sup> <sup>105</sup> <sup>106</sup> <sup>107</sup> <sup>108</sup> <sup>109</sup> <sup>110</sup> <sup>111</sup> <sup>112</sup> <sup>113</sup> <sup>114</sup> <sup>115</sup> <sup>116</sup> <sup>117</sup> <sup>118</sup> <sup>119</sup> <sup>120</sup> <sup>121</sup> <sup>122</sup> <sup>123</sup> <sup>124</sup> <sup>125</sup> <sup>126</sup> <sup>127</sup> <sup>128</sup> <sup>129</sup> <sup>130</sup> <sup>131</sup> <sup>132</sup> <sup>133</sup> <sup>134</sup> <sup>135</sup> <sup>136</sup> <sup>137</sup> <sup>138</sup> <sup>139</sup> <sup>140</sup> <sup>141</sup> <sup>142</sup> <sup>143</sup> <sup>144</sup> <sup>145</sup> <sup>146</sup> <sup>147</sup> <sup>148</sup> <sup>149</sup> <sup>150</sup> <sup>151</sup> <sup>152</sup> <sup>153</sup> <sup>154</sup> <sup>155</sup> <sup>156</sup> <sup>157</sup> <sup>158</sup> <sup>159</sup> <sup>160</sup> <sup>161</sup> <sup>162</sup> <sup>163</sup> <sup>164</sup> <sup>165</sup> <sup>166</sup> <sup>167</sup> <sup>168</sup> <sup>169</sup> <sup>170</sup> <sup>171</sup> <sup>172</sup> <sup>173</sup> <sup>174</sup> <sup>175</sup> <sup>176</sup> <sup>177</sup> <sup>178</sup> <sup>179</sup> <sup>180</sup> <sup>181</sup> <sup>182</sup> <sup>183</sup> <sup>184</sup> <sup>185</sup> <sup>186</sup> <sup>187</sup> <sup>188</sup> <sup>189</sup> <sup>190</sup> <sup>191</sup> <sup>192</sup> <sup>193</sup> <sup>194</sup> <sup>195</sup> <sup>196</sup> <sup>197</sup> <sup>198</sup> <sup>199</sup> <sup>200</sup> <sup>201</sup> <sup>202</sup> <sup>203</sup> <sup>204</sup> <sup>205</sup> <sup>206</sup> <sup>207</sup> <sup>208</sup> <sup>209</sup> <sup>210</sup> <sup>211</sup> <sup>212</sup> <sup>213</sup> <sup>214</sup> <sup>215</sup> <sup>216</sup> <sup>217</sup> <sup>218</sup> <sup>219</sup> <sup>220</sup> <sup>221</sup> <sup>222</sup> <sup>223</sup> <sup>224</sup> <sup>225</sup> <sup>226</sup> <sup>227</sup> <sup>228</sup> <sup>229</sup> <sup>230</sup> <sup>231</sup> <sup>232</sup> <sup>233</sup> <sup>234</sup> <sup>235</sup> <sup>236</sup> <sup>237</sup> <sup>238</sup> <sup>239</sup> <sup>240</sup> <sup>241</sup> <sup>242</sup> <sup>243</sup> <sup>244</sup> <sup>245</sup> <sup>246</sup> <sup>247</sup> <sup>248</sup> <sup>249</sup> <sup>250</sup> <sup>251</sup> <sup>252</sup> <sup>253</sup> <sup>254</sup> <sup>255</sup> <sup>256</sup> <sup>257</sup> <sup>258</sup> <sup>259</sup> <sup>260</sup> <sup>261</sup> <sup>262</sup> <sup>263</sup> <sup>264</sup> <sup>265</sup> <sup>266</sup> <sup>267</sup> <sup>268</sup> <sup>269</sup> <sup>270</sup> <sup>271</sup> <sup>272</sup> <sup>273</sup> <sup>274</sup> <sup>275</sup> <sup>276</sup> <sup>277</sup> <sup>278</sup> <sup>279</sup> <sup>280</sup> <sup>281</sup> <sup>282</sup> <sup>283</sup> <sup>284</sup> <sup>285</sup> <sup>286</sup> <sup>287</sup> <sup>288</sup> <sup>289</sup> <sup>290</sup> <sup>291</sup> <sup>292</sup> <sup>293</sup> <sup>294</sup> <sup>295</sup> <sup>296</sup> <sup>297</sup> <sup>298</sup> <sup>299</sup> <sup>300</sup> <sup>301</sup> <sup>302</sup> <sup>303</sup> <sup>304</sup> <sup>305</sup> <sup>306</sup> <sup>307</sup> <sup>308</sup> <sup>309</sup> <sup>310</sup> <sup>311</sup> <sup>312</sup> <sup>313</sup> <sup>314</sup> <sup>315</sup> <sup>316</sup> <sup>317</sup> <sup>318</sup> <sup>319</sup> <sup>320</sup> <sup>321</sup> <sup>322</sup> <sup>323</sup> <sup>324</sup> <sup>325</sup> <sup>326</sup> <sup>327</sup> <sup>328</sup> <sup>329</sup> <sup>330</sup> <sup>331</sup> <sup>332</sup> <sup>333</sup> <sup>334</sup> <sup>335</sup> <sup>336</sup> <sup>337</sup> <sup>338</sup> <sup>339</sup> <sup>340</sup> <sup>341</sup> <sup>342</sup> <sup>343</sup> <sup>344</sup> <sup>345</sup> <sup>346</sup> <sup>347</sup> <sup>348</sup> <sup>349</sup> <sup>350</sup> <sup>351</sup> <sup>352</sup> <sup>353</sup> <sup>354</sup> <sup>355</sup> <sup>356</sup> <sup>357</sup> <sup>358</sup> <sup>359</sup> <sup>360</sup> <sup>361</sup> <sup>362</sup> <sup>363</sup> <sup>364</sup> <sup>365</sup> <sup>366</sup> <sup>367</sup> <sup>368</sup> <sup>369</sup> <sup>370</sup> <sup>371</sup> <sup>372</sup> <sup>373</sup> <sup>374</sup> <sup>375</sup> <sup>376</sup> <sup>377</sup> <sup>378</sup> <sup>379</sup> <sup>380</sup> <sup>381</sup> <sup>382</sup> <sup>383</sup> <sup>384</sup> <sup>385</sup> <sup>386</sup> <sup>387</sup> <sup>388</sup> <sup>389</sup> <sup>390</sup> <sup>391</sup> <sup>392</sup> <sup>393</sup> <sup>394</sup> <sup>395</sup> <sup>396</sup> <sup>397</sup> <sup>398</sup> <sup>399</sup> <sup>400</sup> <sup>401</sup> <sup>402</sup> <sup>403</sup> <sup>404</sup> <sup>405</sup> <sup>406</sup> <sup>407</sup> <sup>408</sup> <sup>409</sup> <sup>410</sup> <sup>411</sup> <sup>412</sup> <sup>413</sup> <sup>414</sup> <sup>415</sup> <sup>416</sup> <sup>417</sup> <sup>418</sup> <sup>419</sup> <sup>420</sup> <sup>421</sup> <sup>422</sup> <sup>423</sup> <sup>424</sup> <sup>425</sup> <sup>426</sup> <sup>427</sup> <sup>428</sup> <sup>429</sup> <sup>430</sup> <sup>431</sup> <sup>432</sup> <sup>433</sup> <sup>434</sup> <sup>435</sup> <sup>436</sup> <sup>437</sup> <sup>438</sup> <sup>439</sup> <sup>440</sup> <sup>441</sup> <sup>442</sup> <sup>443</sup> <sup>444</sup> <sup>445</sup> <sup>446</sup> <sup>447</sup> <sup>448</sup> <sup>449</sup> <sup>450</sup> <sup>451</sup> <sup>452</sup> <sup>453</sup> <sup>454</sup> <sup>455</sup> <sup>456</sup> <sup>457</sup> <sup>458</sup> <sup>459</sup> <sup>460</sup> <sup>461</sup> <sup>462</sup> <sup>463</sup> <sup>464</sup> <sup>465</sup> <sup>466</sup> <sup>467</sup> <sup>468</sup> <sup>469</sup> <sup>470</sup> <sup>471</sup> <sup>472</sup> <sup>473</sup> <sup>474</sup> <sup>475</sup> <sup>476</sup> <sup>477</sup> <sup>478</sup> <sup>479</sup> <sup>480</sup> <sup>481</sup> <sup>482</sup> <sup>483</sup> <sup>484</sup> <sup>485</sup> <sup>486</sup> <sup>487</sup> <sup>488</sup> <sup>489</sup> <sup>490</sup> <sup>491</sup> <sup>492</sup> <sup>493</sup> <sup>494</sup> <sup>495</sup> <sup>496</sup> <sup>497</sup> <sup>498</sup> <sup>499</sup> <sup>500</sup> <sup>501</sup> <sup>502</sup> <sup>503</sup> <sup>504</sup> <sup>505</sup> <sup>506</sup> <sup>507</sup> <sup>508</sup> <sup>509</sup> <sup>510</sup> <sup>511</sup> <sup>512</sup> <sup>513</sup> <sup>514</sup> <sup>515</sup> <sup>516</sup> <sup>517</sup> <sup>518</sup> <sup>519</sup> <sup>520</sup> <sup>521</sup> <sup>522</sup> <sup>523</sup> <sup>524</sup> <sup>525</sup> <sup>526</sup> <sup>527</sup> <sup>528</sup> <sup>529</sup> <sup>530</sup> <sup>531</sup> <sup>532</sup> <sup>533</sup> <sup>534</sup> <sup>535</sup> <sup>536</sup> <sup>537</sup> <sup>538</sup> <sup>539</sup> <sup>540</sup> <sup>541</sup> <sup>542</sup> <sup>543</sup> <sup>544</sup> <sup>545</sup> <sup>546</sup> <sup>547</sup> <sup>548</sup> <sup>549</sup> <sup>550</sup> <sup>551</sup> <sup>552</sup> <sup>553</sup> <sup>554</sup> <sup>555</sup> <sup>556</sup> <sup>557</sup> <sup>558</sup> <sup>559</sup> <sup>560</sup> <sup>561</sup> <sup>562</sup> <sup>563</sup> <sup>564</sup> <sup>565</sup> <sup>566</sup> <sup>567</sup> <sup>568</sup> <sup>569</sup> <sup>570</sup> <sup>571</sup> <sup>572</sup> <sup>573</sup> <sup>574</sup> <sup>575</sup> <sup>576</sup> <sup>577</sup> <sup>578</sup> <sup>579</sup> <sup>580</sup> <sup>581</sup> <sup>582</sup> <sup>583</sup> <sup>584</sup> <sup>585</sup> <sup>586</sup> <sup>587</sup> <sup>588</sup> <sup>589</sup> <sup>590</sup> <sup>591</sup> <sup>592</sup> <sup>593</sup> <sup>594</sup> <sup>595</sup> <sup>596</sup> <sup>597</sup> <sup>598</sup> <sup>599</sup> <sup>600</sup> <sup>601</sup> <sup>602</sup> <sup>603</sup> <sup>604</sup> <sup>605</sup> <sup>606</sup> <sup>607</sup> <sup>608</sup> <sup>609</sup> <sup>610</sup> <sup>611</sup> <sup>612</sup> <sup>613</sup> <sup>614</sup> <sup>615</sup> <sup>616</sup> <sup>617</sup> <sup>618</sup> <sup>619</sup> <sup>620</sup> <sup>621</sup> <sup>622</sup> <sup>623</sup> <sup>624</sup> <sup>625</sup> <sup>626</sup> <sup>627</sup> <sup>628</sup> <sup>629</sup> <sup>630</sup> <sup>631</sup> <sup>632</sup> <sup>633</sup> <sup>634</sup> <sup>635</sup> <sup>636</sup> <sup>637</sup> <sup>638</sup> <sup>639</sup> <sup>640</sup> <sup>641</sup> <sup>642</sup> <sup>643</sup> <sup>644</sup> <sup>645</sup> <sup>646</sup> <sup>647</sup> <sup>648</sup> <sup>649</sup> <sup>650</sup> <sup>651</sup> <sup>652</sup> <sup>653</sup> <sup>654</sup> <sup>655</sup> <sup>656</sup> <sup>657</sup> <sup>658</sup> <sup>659</sup> <sup>660</sup> <sup>661</sup> <sup>662</sup> <sup>663</sup> <sup>664</sup> <sup>665</sup> <sup>666</sup> <sup>667</sup> <sup>668</sup> <sup>669</sup> <sup>670</sup> <sup>671</sup> <sup>672</sup> <sup>673</sup> <sup>674</sup> <sup>675</sup> <sup>676</sup> <sup>677</sup> <sup>678</sup> <sup>679</sup> <sup>680</sup> <sup>681</sup> <sup>682</sup> <sup>683</sup> <sup>684</sup> <sup>685</sup> <sup>686</sup> <sup>687</sup> <sup>688</sup> <sup>689</sup> <sup>690</sup> <sup>691</sup> <sup>692</sup> <sup>693</sup> <sup>694</sup> <sup>695</sup> <sup>696</sup> <sup>697</sup> <sup>698</sup> <sup>699</sup> <sup>700</sup> <sup>701</sup> <sup>702</sup> <sup>703</sup> <sup>704</sup> <sup>705</sup> <sup>706</sup> <sup>707</sup> <sup>708</sup> <sup>709</sup> <sup>710</sup> <sup>711</sup> <sup>712</sup> <sup>713</sup> <sup>714</sup> <sup>715</sup> <sup>716</sup> <sup>717</sup> <sup>718</sup> <sup>719</sup> <sup>720</sup> <sup>721</sup> <sup>722</sup> <sup>723</sup> <sup>724</sup> <sup>725</sup> <sup>726</sup> <sup>727</sup> <sup>728</sup> <sup>729</sup> <sup>730</sup> <sup>731</sup> <sup>732</sup> <sup>733</sup> <sup>734</sup> <sup>735</sup> <sup>736</sup> <sup>737</sup> <sup>738</sup> <sup>739</sup> <sup>740</sup> <sup>741</sup> <sup>742</sup> <sup>743</sup> <sup>744</sup> <sup>745</sup> <sup>746</sup> <sup>747</sup> <sup>748</sup> <sup>749</sup> <sup>750</sup> <sup>751</sup> <sup>752</sup> <sup>753</sup> <sup>754</sup> <sup>755</sup> <sup>756</sup> <sup>757</sup> <sup>758</sup> <sup>759</sup> <sup>760</sup> <sup>761</sup> <sup>762</sup> <sup>763</sup> <sup>764</sup> <sup>765</sup> <sup>766</sup> <sup>767</sup> <sup>768</sup> <sup>769</sup> <sup>770</sup> <sup>771</sup> <sup>772</sup> <sup>773</sup> <sup>774</sup> <sup>775</sup> <sup>776</sup> <sup>777</sup> <sup>778</sup> <sup>779</sup> <sup>780</sup> <sup>781</sup> <sup>782</sup> <sup>783</sup> <sup>784</sup> <sup>785</sup> <sup>786</sup> <sup>787</sup> <sup>788</sup> <sup>789</sup> <sup>790</sup> <sup>791</sup> <sup>792</sup> <sup>793</sup> <sup>794</sup> <sup>795</sup> <sup>796</sup> <sup>797</sup> <sup>798</sup> <sup>799</sup> <sup>800</sup> <sup>801</sup> <sup>802</sup> <sup>803</sup> <sup>804</sup> <sup>805</sup> <sup>806</sup> <sup>807</sup> <sup>808</sup> <sup>809</sup> <sup>810</sup> <sup>811</sup> <sup>812</sup> <sup>813</sup> <sup>814</sup> <sup>815</sup> <sup>816</sup> <sup>817</sup> <sup>818</sup> <sup>819</sup> <sup>820</sup> <sup>821</sup> <sup>822</sup> <sup>823</sup> <sup>824</sup> <sup>825</sup> <sup>826</sup> <sup>827</sup> <sup>828</sup> <sup>829</sup> <sup>830</sup> <sup>831</sup> <sup>832</sup> <sup>833</sup> <sup>834</sup> <sup>835</sup> <sup>836</sup> <sup>837</sup> <sup>838</sup> <sup>839</sup> <sup>840</sup> <sup>841</sup> <sup>842</sup> <sup>843</sup> <sup>844</sup> <sup>845</sup> <sup>846</sup> <sup>847</sup> <sup>848</sup> <sup>849</sup> <sup>850</sup> <sup>851</sup> <sup>852</sup> <sup>853</sup> <sup>854</sup> <sup>855</sup> <sup>856</sup> <sup>857</sup> <sup>858</sup> <sup>859</sup> <sup>860</sup> <sup>861</sup> <sup>862</sup> <sup>863</sup> <sup>864</sup> <sup>865</sup> <sup>866</sup> <sup>867</sup> <sup>868</sup> <sup>869</sup> <sup>870</sup> <sup>871</sup> <sup>872</sup> <sup>873</sup> <sup>874</sup> <sup>875</sup> <sup>876</sup> <sup>877</sup> <sup>878</sup> <sup>879</sup> <sup>880</sup> <sup>881</sup> <sup>882</sup> <sup>883</sup> <sup>884</sup> <sup>885</sup> <sup>886</sup> <sup>887</sup> <sup>888</sup> <sup>889</sup> <sup>890</sup> <sup>891</sup> <sup>892</sup> <sup>893</sup> <sup>894</sup> <sup>895</sup> <sup>896</sup> <sup>897</sup> <sup>898</sup> <sup>899</sup> <sup>900</sup> <sup>901</sup> <sup>902</sup> <sup>903</sup> <sup>904</sup> <sup>905</sup> <sup>906</sup> <sup>907</sup> <sup>908</sup> <sup>909</sup> <sup>910</sup> <sup>911</sup> <sup>912</sup> <sup>913</sup> <sup>914</sup> <sup>915</sup> <sup>916</sup> <sup>917</sup> <sup>918</sup> <sup>919</sup> <sup>920</sup> <sup>921</sup> <sup>922</sup> <sup>923</sup> <sup>924</sup> <sup>925</sup> <sup>926</sup> <sup>927</sup> <sup>928</sup> <sup>929</sup> <sup>930</sup> <sup>931</sup> <sup>932</sup> <sup>933</sup> <sup>934</sup> <sup>935</sup> <sup>936</sup> <sup>937</sup> <sup>938</sup> <sup>939</sup> <sup>940</sup> <sup>941</sup> <sup>942</sup> <sup>943</sup> <sup>944</sup> <sup>945</sup> <sup>946</sup> <sup>947</sup> <sup>948</sup> <sup>949</sup> <sup>950</sup> <sup>951</sup> <sup>952</sup> <sup>953</sup> <sup>954</sup> <sup>955</sup> <sup>956</sup> <sup>957</sup> <sup>958</sup> <sup>959</sup> <sup>960</sup> <sup>961</sup> <sup>962</sup> <sup>963</sup> <sup>964</sup> <sup>965</sup> <sup>966</sup> <sup>967</sup> <sup>968</sup> <sup>969</sup> <sup>970</sup> <sup>971</sup> <sup>972</sup> <sup>973</sup> <sup>974</sup> <sup>975</sup> <sup>976</sup> <sup>977</sup> <sup>978</sup> <sup>979</sup> <sup>980</sup> <sup>981</sup> <sup>982</sup> <sup>983</sup> <sup>984</sup> <sup>985</sup> <sup>986</sup> <sup>987</sup> <sup>988</sup> <sup>989</sup> <sup>990</sup> <sup>991</sup> <sup>992</sup> <sup>993</sup> <sup>994</sup> <sup>995</sup> <sup>996</sup> <sup>997</sup> <sup>998</sup> <sup>999</sup> <sup>1000</sup> <sup>1001</sup> <sup>1002</sup> <sup>1003</sup> <sup>1004</sup> <sup>1005</sup> <sup>1006</sup> <sup>1007</sup> <sup>1008</sup> <sup>1009</sup> <sup>1010</sup> <sup>1011</sup> <sup>1012</sup> <sup>1013</sup> <sup>1014</sup> <sup>1015</sup> <sup>1016</sup> <sup>1017</sup> <sup>1018</sup> <sup>1019</sup> <sup>1020</sup> <sup>1021</sup> <sup>1022</sup> <sup>1023</sup> <sup>1024</sup> <sup>1025</sup> <sup>1026</sup> <sup>1027</sup> <sup>1028</sup> <sup>1029</sup> <sup>1030</sup> <sup>1031</sup> <sup>1032</sup> <sup>1033</sup> <sup>1034</sup> <sup>1035</sup> <sup>1036</sup> <sup>1037</sup> <sup>1038</sup> <sup>1039</sup> <sup>1040</sup> <sup>1041</sup> <sup>1042</sup> <sup>1043</sup> <sup>1044</sup> <sup>1045</sup> <sup>1046</sup> <sup>1047</sup> <sup>1048</sup> <sup>1049</sup> <sup>1050</sup> <sup>1051</sup> <sup>1052</sup> <sup>1053</sup> <sup>1054</sup> <sup>1055</sup> <sup>1056</sup> <sup>1057</sup> <sup>1058</sup> <sup>1059</sup> <sup>1060</sup> <sup>1061</sup> <sup>1062</sup> <sup>1063</sup> <sup>1064</sup> <sup>1065</sup> <sup>1066</sup> <sup>1067</sup> <sup>1068</sup> <sup>1069</sup> <sup>1070</sup> <sup>1071</sup> <sup>1072</sup> <sup>1073</sup> <sup>1074</sup> <sup>1075</sup> <sup>1076</sup> <sup>1077</sup> <sup>1078</sup> <sup>1079</sup> <sup>1080</sup> <sup>1081</sup> <sup>1082</sup> <sup>1083</sup> <sup>1084</sup> <sup>1085</sup> <sup>1086</sup> <sup>1087</sup> <sup>1088</sup> <sup>1089</sup> <sup>1090</sup> <sup>1091</sup> <sup>1092</sup> <sup>1093</sup> <sup>1094</sup> <sup>1095</sup> <sup>1096</sup> <sup>1097</sup> <sup>1098</sup> <sup>1099</sup> <sup>1100</sup> <sup>1101</sup> <sup>1102</sup> <sup>1103</sup> <sup>1104</sup> <sup>1105</sup> <sup>1106</sup> <sup>1107</sup> <sup>1108</sup> <sup>1109</sup> <sup>1110</sup> <sup>1111</sup> <sup>1112</sup> <sup>1113</sup> <sup>1114</sup> <sup>1115</sup> <sup>1116</sup> <sup>1117</sup> <sup>1118</sup> <sup>1119</sup> <sup>1120</sup> <sup>1121</sup> <sup>1122</sup> <sup>1123</sup> <sup>1124</sup> <sup>1125</sup> <sup>1126</sup> <sup>1127</sup> <sup>1128</sup> <sup>1129</sup> <sup>1130</sup> <sup>1131</sup> <sup>1132</sup> <sup>1133</sup> <sup>1134</sup> <sup>1135</sup> <sup>1136</sup> <sup>1137</sup> <sup>1138</sup> <sup>1139</sup> <sup>1140</sup> <sup>1141</sup> <sup>1142</sup> <sup>1143</sup> <sup>1144</sup> <sup>1145</sup> <sup>1146</sup> <sup>1147</sup> <sup>1148</sup> <sup>1149</sup> <sup>1150</sup> <sup>1151</sup> <sup>1152</sup> <sup>1153</sup> <sup>1154</sup> <sup>1155</sup> <sup>1156</sup> <sup>1157</sup> <sup>1158</sup> <sup>1159</sup> <sup>1160</sup> <sup>1161</sup> <sup>1162</sup> <sup>1163</sup> <sup>1164</sup> <sup>1165</sup> <sup>1166</sup> <sup>1167</sup> <sup>1168</sup> <sup>1169</sup> <sup>1170</sup> <sup>1171</sup> <sup>1172</sup> <sup>1173</sup> <sup>1174</sup> <sup>1175</sup> <sup>1176</sup> <sup>1177</sup> <sup>1178</sup> <sup>1179</sup> <sup>1180</sup> <sup>1181</sup> <sup>1182</sup> <sup>1183</sup> <sup>1184</sup> <sup>1185</sup> <sup>1186</sup> <sup>1187</sup> <sup>1188</sup> <sup>1189</sup> <sup>1190</sup> <sup>1191</sup> <sup>1192</sup> <sup>1193</sup> <sup>1194</sup> <sup>1195</sup> <sup>1196</sup> <sup>1197</sup> <sup>1198</sup> <sup>1199</sup> <sup>1200</sup> <sup>1201</sup> <sup>1202</sup> <sup>1203</sup> <sup>1204</sup> <sup>1205</sup> <sup>1206</sup> <sup>1207</sup> <sup>1208</sup> <sup>1209</sup> <sup>1210</sup> <sup>1211</sup> <sup>1212</sup> <sup>1213</sup> <sup>1214</sup> <sup>1215</sup> <sup>1216</sup> <sup>1217</sup> <sup>1218</sup> <sup>1219</sup> <sup>1220</sup> <sup>1221</sup> <sup>1222</sup> <sup>1223</sup> <sup>1224</sup> <sup>1225</sup> <sup>1226</sup> <sup>1227</sup> <sup>1228</sup> <sup>1229</sup> <sup>1230</sup> <sup>1231</sup> <sup>1232</sup> <sup>1233</sup> <sup>1234</sup> <sup>1235</sup> <sup>1236</sup> <sup>1237</sup> <sup>1238</sup> <sup>1239</sup> <sup>1240</sup> <sup>1241</sup> <sup>1242</sup> <sup>1243</sup> <sup>1244</sup> <sup>1245</sup> <sup>1246</sup> <sup>1247</sup> <sup>1248</sup> <sup>1249</sup> <sup>1250</sup> <sup>1251</sup> <sup>1252</sup> <sup>1253</sup> <sup>1254</sup> <sup>1255</sup> <sup>1256</sup> <sup>1257</sup> <sup>1258</sup> <sup>1259</sup> <sup>1260</sup> <sup>1261</sup> <sup>1262</sup> <sup>1263</sup> <sup>1264</sup> <sup>1265</sup> <sup>1266</sup> <sup>1267</sup> <sup>1268</sup> <sup>1269</sup> <sup>1270</sup> <sup>1271</sup> <sup>1272</sup> <sup>1273</sup> <sup>1274</sup> <sup>1275</sup> <sup>1276</sup> <sup>1277</sup> <sup>1278</sup> <sup>1279</sup> <sup>1280</sup> <sup>1281</sup> <sup>1282</sup> <sup>1283</sup> <sup>1284</sup> <sup>1285</sup> <sup>1286</sup> <sup>1287</sup> <sup>1288</sup> <sup>1289</sup> <sup>1290</sup> <sup>1291</sup> <sup>1292</sup> <sup>1293</sup> <sup>1294</sup> <sup>1295</sup> <sup>1296</sup> <sup>1297</sup> <sup>1298</sup> <sup>1299</sup> <sup>1300</sup> <sup>1301</sup> <sup>1302</sup> <sup>1303</sup> <sup>1304</sup> <sup>1305</sup> <sup>1306</sup> <sup>1307</sup> <sup>1308</sup> <sup>1309</sup> <sup>1310</sup> <sup>1311</sup> <sup>1312</sup> <sup>1313</sup> <sup>13</sup>

lere videtur, cum contemplatiua sit: & præter seipsam nullum affectare penitus finem, habereque voluptatem propriam, quæ quidem operatio nem ipsam exauget. Sufficientia insuper, otium, defatigationis vacuitas & humana & quæcunque alia viro tribuuntur beato, per hanc operatio nem illi inesse videntur: perfecta felicitas hominis fuerit hæc profecto, sumpta longitudine vitæ perfecta. Nihil enim felicitatis est imperfectū. Talis autem vita superat hominis naturam. Non enim hoc ipso quo ho mo est ita viuet: sed quo est quid in ipso diuinum. Quantum igitur hoc ab ipso composito differt: tantum & huius operatio distat ab ea quæ à virtute alia proficiscitur. Quod si mens diuinum ad ipsum hominē est: & vita quæ ab hac manat, diuina est respectu ipsius vitæ humanæ. Opor tet autem non quemadmodum monent quidam humana nos sapere cū simus homines, aut mortalia cum simus mortales: sed quo ad fieri potest immortales nos ipsos facere, cunctaque efficere, vt ea vita viuamus quæ ab eo manat, quod est eorum quæ in nobis insunt præstabilissimum. Nā tametsi parum est mole: vi tamen & pretio multum omnibus antecel lit. Videbitur autem & vnusquisque hoc esse: si quidem præcipuū est & melius. Absurdum igitur esset: si non suam sed alicuius alterius expete ret vitā. Id insuper quod dictum est antea: nunc etiam accōmodabitur. Quod est enim natura vnicuique propriū: id optimum vnicuique & iu cundissimum est. Et homini igitur ea vita quæ ab ipsa proficiscitur mē te. Siquidem maxime hoc est homo, hæc ergo est & felicissima vita.

*Commen.*

**Q**UOD si felicitas operatio est profluens. ] Hoc est secundum capitulum huius tractatus, in quo posteaquam declarauit in communi felicitatem esse operationem per se ex petibilem secundum virtutem, nunc considerat de felicitate speculatiua, quæ summa est inter humana bona huius philosophi sententia: cuius definitio completa esse videbitur, si ei addatur à particula, vt sit operatio secundum virtutem optimam quæ sit opti mi, & præstabilissimi omnium quæ sunt in homine. Diuiditur autem hoc capitulum in qua tuor partes quæ declarabuntur, dicit autem in prima quasi narrando, quia non videret indigere probatione, dicit inquam, quod si felicitas est operatio secundum virtutem, consentaneum est vt sit per virtutem optimam, sed talis virtus erit optime, & præstabilissimæ potentia, & eius o peratio quoque. Nam præstantissimæ potentia præstantissimus tribuendus est habitus, & o peratio, siue igitur ea pars, id est potentia sit mens, & intellectus, siue aliquid aliud quod est in nobis principalissimum ac simile rebus diuinis, quod secundum ordinem naturæ dominatur po tentiis nostris irrationalibus, vt in libro Politicorum ostendit philosophus: huius optimi secū dum virtutem propriam operatio erit ipsa felicitas humana. & hanc ostendit postea esse o perationem speculatiuam, & contemplatiuam secundum sapientiam quæ tribuitur menti speculati uæ, vt in sexto declarauit. Notandum quod potentia rationalis, & omnino ipse intellectus vi detur habere tres condiciones nobilitatis inter alias: vna quia secundum naturam imperat po tentiis inferioribus, & ignobilioribus vt irascibili cōcupiscibili, & huiusmodi. Secunda cōditio est in percipiendis: percipiunt etiam alia potentia animæ vt sensitiuæ, non tamen vt ipsa mens quæ percipit vniuersalia, species intelligibiles separatas ab omnibus conditionibus materia. Ite verisatū circa obiecta nobilissima omnium ad ea percipienda quoad fieri potest. Tertia condi tio est quia sententia huius philosophi, vt quidam aiunt, cum mens non sit extensa exten sione subiecti, & eius operatio non sit in instrumento corporeo propter conuenientiam quam videtur habere cum iis quæ sunt substantiarum separatarum: dicitur diuinissimum à philo sopho inter omnia quæ sunt in vobis: sed vtrum voluntas an intellectus sit principalissima potentialium quæ sunt in nobis omitatur in præsentiarum. Nostra autem fides vult quod ani ma nostra sit indiuisibilis, & non extendatur extensione subiecti: sed tota sit in toto, & tota in qualibet parte, & quod habeat plures potentias: sed præstantissima earum proculdubio est ratio-

nalis, sed vtrum sit voluntas an intellectus, quia apud nostros magna disputatio fit, omittatur vt diximus nunc, & ad theologos referatur. [CONSENTANEVM autem id ipsum.] Hæc est secunda pars huius capituli, in qua philosophus probat quòd summa, & perfectissima felicitas humana est optima operatio mentis. i. ipsa contemplatio. Dicitur enim vt ipse inquit, hanc esse  
 58 contemplatiuam, quæ conclusionē ostendit sex rationibus. Prima ratio, perfectissima operatio hominis est vltima & suprema felicitas eius: sed contemplatio est perfectissima operatio hominis, ergo contemplatio est vltima, & suprema felicitas eius. Declaratur ratio ista à philosopho tum ex parte potentia: i. ipsius mentis, tum ex parte obiecti, quia perfectissima potentia nostra perfectissima est operatio, & circa perfectissimum obiectum operatio summa & perfectissima est: sed contemplatio est operatio talis. Nam mens versatur circa vniuersale, & circa substantias separatas: quare cum mens sit & perfectissima potentia, & illa sint nobilissima obiecta, merito operatio talis  
 59 videtur esse nobilissima, & perfectissima. & hæc ratio videtur esse admodum valida. [ET insuper continua maxime.] Secunda ratio, operatio hominis maxime continua est perfectissima, felicitas humana & vltima: sed contemplatio est huiusmodi, ergo contemplatio est perfectissima, & vltima felicitas humana. Nam bonum quod magis est continuū magis est bonum, & magis expetibile: sed contemplati, vt dicit philosophus, magis continue possumus quā aliud agere. his rationibus ostendit felicitatem contemplatiuam esse nobiliorem longe ipsa actiua. Notandum quòd propter defatigationem, quæ fit in nobis, interrumpuntur operationes vt non videntur esse continuæ: quapropter illæ videntur nobiliores quæ magis sunt continuæ. Defatigatio autē fit maior circa eas operationes, quæ magis indigent instrumentis corporeis, vt sunt sensitivæ, & quanto magis sunt materiales, tanto magis defatigatur homo. Spiritus enim est in instrumentis, & determinatæ quantitatis adeo, vt cum vehementer extenuatur non potest homo vterius defatigari: sed oportet vt denuo generetur. Ex his patet quòd contemplatio est magis continua, fit per mentem quæ non ponitur nec extenditur in instrumento corporeo, vt ait philosophus, ideo magis continue contemplari possumus, non tamen sine intermissione, quia etiam ipsa mens indiget iis quæ sunt in instrumento corporeo, & vitur illis vt phantasmatibus. quare est maxime continua contemplatio respectu aliarum operationum humanarum. actiua operatio etiam ipsa potest esse continua, non tamē vt contemplatio, quia magis vitur viribus instrumentaliibus ipsa prudentia, & intellectus actiui quā speculatiui. Item indigere videtur pluribus mediis ad operandum quare contemplatio & speculatio omnium operationum humanarum videtur esse maxime continua. i. magis continuari posse quā aliæ. [PRÆTER EA oportere putamus.] Tertia ratio, operatio quæ inter studiosas est maxime iocunda est perfectissima, & suprema felicitas: sed speculatio secundum sapientiam est huiusmodi, ergo est suprema felicitas, declaratur à philosopho ratio ista, cum sit iocunditas coniuncta cum felicitate, & operatione studiosa, proculdubio maxima erit cum ipsa contemplatione secundum sapientiam, tum ex parte puritatis, tum ex parte certitudinis. Nam illa operatio est maxime iocunda quæ est maxime pura, & separata à conditionibus materiæ: sed contemplatio secundum sapientiam est huiusmodi ergo habet maxime, & vehementer sinceram voluptatem ex sua causa productiua quæ est vehementer pura & aliena à conditionibus materiæ. Item operatio quæ magis consistit in certitudine est vehementer iocunda: sed operatio secundum sapientiam est huiusmodi, ergo erit iocundissima. Quòd autem sit certior contemplatio patet, quia est de iis quæ sunt necessaria, & non possunt aliter se habere, aliam quoque rationē vel conditionem videtur asserre philosophus, per quam videtur anteferre contemplationem actiue operationi. Nam operatio eorum videtur esse certior, & iocundior qui sciunt, quam eorum qui quærunt: sed contemplantes secundum sapientiam sciunt, actiui autē videntur quærere per prudentiam, ergo certitudo, & per consequens voluptas erit maior in contemplatione quàm in actiue aliqua studiosa. i. aliqua operatione actiua. Patet ratio, vterius, actiuius autem per prudentiā quærūt quotidieque consultat de rebus agendis. Consultat enim vtrum sit pax, & societas sit facienda, vtrum sint mittendi legati, & de aliis huiusmodi. Omnis autem consultatio perquisitio est consultant igitur, ergo quærunt ea quæ ad optimum finem perducant: quod videtur esse prudentis: ex quo patet quòd ipsa contemplatio per sapientiam ob certitudinem, & puritatem suam perfectissima, & iocundissima est operatio, & per consequens suprema felicitas, & posthabendi sunt hic iudicio meo expositores qui dicunt philosophum comparare operationes contemplatiuas inter se. i. contemplationem quæ est post habitum sapientiæ cum iis quæ præcedunt habitum antequam acquiratur: quæ sententia, etsi possit esse vera, tamen expositio quam attulimus magis est accommodata, vt mihi videtur ad mentem philosophi, quia comparat potius operationes actiuas per prudentiam cum speculatione, per sapientiam quam speculationes vel contemplationes inter se. [IPSA quoque sufficientia maxime.] Quarta est ratio. Ea operatio quæ est sufficientissima, & circa quā maxime est suprema felicitas humana: sed contemplatiua est huiusmodi, ergo contemplatiua operatio est suprema felicitas humana, dictum est enim & in primo, id sufficiens esse quod sufficientem præstat, & expetibilem vitam atque huiusmodi esse felicitatē: sed cum circa contemplatiuam, si comparetur cum actiua maxima sit sufficientia, hoc arguit eam esse

maximam, & supremam felicitatem in rebus humanis. Nam operationes actiue pluribus indigere videntur. veluti iustus indiget hominibus ad quos, & aliis quibus operetur, similiter & temperans, & liberalis, & ceteri tales pluribus modis indigent: sapiens vero contemplari potest solus. Nam si ponantur pares in hoc quod æque indigeant necessariis ad vitam, tamen in producendis operationibus actiui pluribus indigent, quam contemplatiui: sapiens enim solus cōtemplari potest, quamvis melius si sint duo, vt addatur amicus, tamē ipse locus est sufficiens. [P S A 62] potest, quamvis melius si sint duo, vt addatur amicus, tamē ipse locus est sufficiens. Quinta est ratio. Ea operatio quæ est propter se maxime expectatæ: propter se: & hoc præcipue competit contemplationi sapientiæ. Nam actione acquiritur videtur aliquid præter ipsam, aut plus, aut minus, veluti actione fortis acquiritur victoria. liberalis acquiritur gratia, temperati operatione fit sedatio perturbationum vel affectuum vel cupiditatum: & sic de aliis similibus. quare tales operationes non videntur meræ propter se: sed quoquo modo, etiam ob aliud quod per ipsas acquiritur: sed in contemplatione nihil aliud acquiritur videtur præter contemplationem, & speculationem veritatis. Contemplamur enim vt contemplerur, & veritatem speculemur vt patet. [P R A E T E R] operationem ipsam, aut plus aut minus. Non est intelligendum quod operatio actiua secundum virtutem ordinetur proprie ad illud plus vel minus: sed si comparetur inter se. Nam operatio ipsa esset per se expectanda etiam sine illis, verū cōtemplatio maxime propter se, & gratia nullius expectanda videtur: actiua vero, & si propter se expectatur, tamen nō videntur meræ esse tales, nec liberari ab hoc omnino, quin aliquid aliud expectatur cum eis vt exemplis ostendimus. Contemplari vero hoc non videtur euenire nisi per accidens, in quantum sapiens communicat scientiam suam cum aliis dando doctrinam, quod potius videtur pertinere ad exteriorem actionem. [A T] qui felicitas in otio videtur. Sexta ratio. Operatio quæ consistit maxime in otio, & quiete quadam videtur esse suprema felicitas: sed cōtemplatio secundum sapientiam est huiusmodi: ergo talis est suprema felicitas. Patet ratio, quia vltimus finis videtur esse quies & otium, id est operatio quiescens, actiua vero operationes negotiosæ videntur esse quæ maxime versari videntur circa res bellicas aut ciuiles: fed nemo expectet bellicas actiones propter seipsas, esset enim nimium credulis & sanguinolentis. Item ciuilibus hominis actio negotiosa esse videtur, & ordinari ad quietem vel otium ciuitatis, & intendere honorem vel dignitatem, vel quia in his non est vltimus finis, vt ostendimus in primo, videtur intendere potius felicitatem sibi, & ciuibus non eam politicam quam habet: sed speculationem ad quam ipsa actiua ordinari videntur tanquam ad supremum finem. Itaque si consideremus successiue istas operationes, reperiemus eas ordinari inter se hoc pacto, vt vna sit ad aliam vsque ad actiuam secundum virtutem, & ipsa postremo ad contemplatiuam, in qua quiescere terminarique videntur tanquam in ipsa perfectissima, & omnium antecedentium postremo postrema. Cur enim acquirimus virtutes? vt operemur per illas, quid deinde? vt quiescens in otio contemplerur. quare quicquid homo agit ordinari videtur ad contemplatiuam operationem ordine naturali, & essentiali tanquam ad vltimum finem, & ideo actiua operatio ordinatur ad eam, vnde in sexto cum comparat prudentiam cum sapientia: illius inquit gratia non illi iubet, vt patet. Cum igitur comparatur actiua ad speculatiuam, actio videtur esse propter speculationem tanquam ob vltimum, & postremum finem. Cum vero sumitur seorsum in genere suo, tunc videtur inquam operatio secundum prudentiam esse finis vltimus in tali genere. Verum postea quā peruenerimus ad eam, & proponatur nobis speculatiua non quiescimus: sed ulterius proficiscimur ad ipsam speculationem tanquā ad otium, & quietē animi nostri, vnde plerique philosophātum vt ait Cicero summum bonum in rerū cognitione ponebant eudymia & Achamiam. supra. fol. 12. id est animi tranquillitatem quandam esse dicentes: sed animaduertendum est diligenter quod supra philosophus dixit quod ipsa requies nō est finis. Fit enim gratia operationis. Hic autem dicit quod felicitas in otio videtur consistere: sed loquulus fuit ibi de quiete. i. relaxatione, quā intermittitur operatio ante consequutionem finis, propter impotentiam continue operandi. hic autem sumit requiem in ipso fine quasi tranquillam, & quietam operationem consistentem, & non ordinatam ad viteriorem finem. & talis videtur esse contemplatio sententia philosophi in qua contemplatione animus noster non quaerendo per eam ulterius aliud, quiescit quo ad fieri potest in vita humana. Hoc autem addo quia vt Augustinus inquit: fecisti nos ad te, & inquietum est cor nostrum donec requiescat in te. [S I I G I T V R] actum omnium. Hæc est tertia pars huius capituli, in qua concludit quod operatio cōtemplatiua est perfecta felicitas hominis, congregando breuiter rationes supra allatas, & incipiendo ab vltima hoc pacto, Si bellicæ & ciuiles actiones sunt negotiosæ, & affectant aliquid aliud, & ordinantur ad otium & speculatiuam, ipsa autem contemplatiua non expetitur propter aliquid aliud: sed propter seipsam, & est perfectissima operatio, & maxime continua, & habet voluptatem propriam exaugētem operationem, & habent sufficientiam, & omnes deinde conditiones quarum supra meminit. Patet quod humana felicitas perfecta nihil aliud est quā contemplatiua operatio, si sumat mensuram tempo



ris, & longitudinem vitæ perfectam, omnia enim quæ tribuuntur felicitati perfectæ debent tribui speculatiuo, & contemplatiuo felici sed perfectum tempus videtur tribui ei, vnde in primo addidit cū definiuit felicitatē, & in vita perfecta, ergo debita tēporis, & perfecta mensura tribuenda est felici contemplatiuo. Debet enim per longitudinē tēporis accedere ad perfectionē suam ipse homo, deinde operari diutius ad hoc vt sit perfectē felix, quia vna hyrundo nō facit ver, nec vna operatio felici, quare requiritur diuturnitas tēporis. [A L I Q V E M finem affectu.] Veluti felicitatem aliam à ciuili, i. speculatiuā. [T A L I S autē vita superat naturam.] Hæc est quarta pars huius capituli, in qua philosophus postea quā declarauit contemplationē summā, & perfectissimā esse hominis felicitatem, nunc idem confirmando, & vterius asserendo, dicit q. talis vita contemplatiua est potior quā ea quæ est secundū hominē. Est enim præstabilior quā actiua, & cū ambæ cōpetant homini: cōpetūt per diuersa principia quorū aliud est actiū: aliud contemplatiuum. ostendit igitur philosophus quomodo contemplatiua se habet ad hominē, & pbat q. ipsa est perfectissima felicitas hominis, & quoquo modo superans conditionē humanā, hoc pacto. Ea vita quæ est potior quā ea quæ est secundū conditionē humanam est perfectissima felicitas eius: sed contemplatiua est huiusmodi, ergo contemplatiua est perfectissima felicitas hominis, & superans quoquo modo conditionē humanā. Addit enim quod is qui sic viuūt, scilicet vita contemplatiua non viuūt secundum conditionē humanā: sed secundū quod aliquid diuinū in ipso consistit prout videlicet per intellectum habet similitudinem cū substantiis separatis. Notandum q. homini competunt plures vires, & operationes & vitæ. Anima enim humana habet potentiam vegetandi, quæ non videtur competere homini vt homo est: sed vt conuenit cum plantis quæ plantæ non habent præstabiliorē vitam. quare viuens vita vegetatiua videtur viuere plantarum vita, alia tribuitur homini, i. vita sensitiua quæ non videtur ei vt vltima sua operatio competere: sed vt conuenit cū aliis animalibus, & tali vita viuere videtur vt animal quoddam, & vt brutum: est & alia vita rationalis quæ tribuitur ei, quia viuere dicitur non vt plāta vel brutū: sed excellentiore, & præstatiore vita, ea autē est duplex, & alia viuere dicitur vt homo, alia vero supra conditionē humanā, est enim ratio in homine vt principii rerū agendarū, est etiā ratio principium rerum speculariarum. i. mens actiua, & speculatiua, & altera agit humana agibilia, alia speculatur ea quæ sunt: sed cum per rationem differat à bellis, conuenientius esse videtur vt differat per eam potentiam rationalem quæ est propinquior sensui, quā per eā quæ est distantior. Differt igitur primo, & immediate ab illis per actiua potentiam rationālē, & ideo talis potentia, & operatio actiua competet homini secundum conditionē humanam, si immediate per istam differat à bellis, ex his colligitur quod actiua felicitas competere videtur homini viuenti conditione quadam humana, & ciuili non viuenti præstatiore & potiore, id est intellectuā quadam vita: quare alia erit ratio, & vita competens ei vt viuūt supra conditionē humanam, & vitā quadam simili vitæ substantiarum separatarum quibus non competet vegetatiua, aut sensitiua, aut actiua proprie, ideo non dicuntur competere eis proprie virtutes morales, vt dicit postea philosophus, nisi translatiua quodam modo: sed viuunt vita contemplatiua, & intellectuā, & talis proprie videtur eis competere. homo autem videtur esse medium inter alia animalia, & essentias separatas, & habere similitudinem cum vtrisque, & dissimilitudinem etiam ob varias potentias, & operationes. nam similitudinem habere videtur cū brutis sensitiua potentia & operatione, differre ab eisdem per mentem, & vitam actiuam immediate. Nam & si differat etiam per contemplatiuum, tamen est tanta distantia quod non videtur immediate differre. verum ex alia parte per mentem contemplatiuam, & vitam, talem dicitur habere similitudinem cum substantiis separatis, & ideo dicit philosophus talem vitam potiore esse quā humanam. In carne enim vt inquit Hieronymus si bene memini, præter carnem viuere celeste, & non humanum esse videtur. Differt autem ab illis per inferiores potentias, sed sensitiua & vegetatiua faciunt nimis magnam distantiam. quare dicemus quod homo immediate differt ab illis actiua vita vt sit differentia congrua, & sic homo secundum talem vitam competentem humanæ conditioni dicitur viuere vt actiuus, vt ciuilis, & socialis. Sed quoniam hominem inter essentias separatas collocauim⁹, & ea quæ sunt irrationabilia, & penitus immerfa in materia propter varias potentias, & operationes animæ, dicere etiam possumus quod anima humana veluti quadam natura media inter ea quæ sunt seiuncta à materia, & ea quæ sunt immerfa in eadē poni potest. Nam cū non fiat transitio ab extremo ad extremū sine medio, si sumeretur alia natura media perfectior quā humana, statim esset separata à materia, sin ignobilior descenderet ad irrationabilia, & immerfa in ipsa materia. quare consentaneum videtur vt sit media ipsa anima humana inter hæc, cum detur ordo in essentialiter ordinatis. Hoc statu oriri videtur pulcherrima ratio ad probandā immortalitatē animorū hoc pacto, si anima humana media sit quādā natura inter illa duo, æquū esse videtur & congruū vt per eas conditiones quibus plurimū distat ab immerfis in materia similitudinē habeat cū separatis, & per eas quibus distat à separatis conueniat cum immerfis. Sed separatæ essentia duas habere cōditiones dicuntur, q. neque produciuntur ex materia neque illā informant, inuersa vero econtra talia habēt duas alias superioribus illis oppositas, & ducuntur ex materia, & illā informant. Anima igitur humana cū sit media, & differat ab utriusque

& similitudinem habeat cum vtrisque diuersis rationibus, primo si cōuenire debet cum immer-  
 sis, aut conueniet in quantum dicuntur ex materia, aut in quantum informant materiam, non pri-  
 mo modo, quia si duceretur de materia informaret etiam eandem; & esset omnino idem cum  
 illis, & non media vt suppositum, & declaratū est: relinquitur ergo vt habeat similitudinem cum  
 illis in quantum informat materiam, & non ducitur ex materia: nam per hoc differt: sin vero si-  
 militudinem habere debeat cum separatis, tunc non habebit in quantum separata substantiæ  
 non informant materiam, quia illæ nullo modo informant materiam: anima autem est forma in  
 corpore, & tota in toto, & tota in qualibet parte, & per hoc differret ab illis separatis inquantū  
 informat materiā. quare relinquitur vt similitudinē habeat per aliā conditionē cū illis. i. inquantū  
 nō producitur ex materia nec erit de potentia eiusdē, quo stante sequitur extemplo quod anima  
 humana sit immortalis, quia id quod non egreditur de pōtentia materiæ, omnium doctorum cō-  
 sensu est incorruptibile & immortale: sed anima humana est talis, ergo anima humana est immor-  
 talis. [O P O R T E T autē non quemadmodū.] Posteaquā ostēdit philosophus vitā contempla-  
 tiuam competere homini secundum quod superat conditionem humanam, nunc affert senten-  
 tiam nonnullorum priscorum qui dicebant homines cum sint mortales oportere sapere morta-  
 lia & non immortalia, quam sententiam alii Solonis, alii Hesiōdi, quidā Simonidis dicunt fuisse.  
 Eam carpit philosophus afferenda tres conclusiones quæ patebunt, dicit igitur in primis postha-  
 bere oportet eorum sententiā qui monent nos vt sequamur mortalia, & humana, & eniti debe-  
 mus viuere ea vitā quæ est similis immortalibus, & essentiis separatis, & secundum eam vitam  
 quæ est optima omnium quæ sunt in nobis. i. ipsa mens, & ratio & intellectus, qui & si sit parvū  
 mole, quia est indiuisibile, simplicissimum & per consequens caret quantitate vel magnitudine  
 molis, tamen vi multum excellit, quia imperat ordine nature cunctis potentiis inferioribus quæ  
 sunt in nobis, & præstabilitate quoque excedit cū sit simplex, & immaterialis. quare quisque dicit  
 philosophus videtur esse hoc. i. mens & ratio quia est principalissimū in homine, & ideo affert  
 primam conclusionem talem, id quoquo modo videtur esse vnusquisque quod est in eo præsta-  
 bilissimum: sed mens est præstabilissimum in homine, ergo vnusquisque videtur quoquo modo  
 esse mēs, declaratūr sententia philosophi ex iis etiam quæ dixit in nono, videbitur inquit id esse  
 quisque quod intelligit, aut maxime quasi vnusquisque videtur esse id principalius in eo quod  
 omnia alia sunt quasi instrumenta illius quare si ab aliquo sui denominari debet id ad principalis-  
 simo debet fieri, sicut dicitur id factum esse ad ciuitate cū sit ad magistratu vel ad gubernatoribus  
 reipublicæ tanquam ad principalissimū, vt antea philosophus tetigit. Sic igitur cum homo viu-  
 it secundum intellectum, viu- it secundum vitam maxime propriam sibi, & gratificatur ei, vt di-  
 xit in nono, quod est sui ipsius summe præcipuum: itaque absurdum videretur si quis omnia tali  
 vita præcipua, & potiore, & sibi propria. Illud enim quod est optimum secundum naturam  
 in vnoquoque genere est maxime proprium sibi: omnia inquam vita potiore, & simili immor-  
 talibus declinet ad mortalia vt illi monebant, vnde secunda affertur conclusio, id quod est se-  
 cundum naturam cuique proprium est optimum, & iocundissimum sibi: sed vita intellectiua  
 est secundum naturam propria homini, ergo est optima, iocundissima, atque ex hac oriri vide-  
 tur tertia conclusio. Nam optima, & iocundissima vita cuiusque est ei felicissima: sed ea quæ  
 fit secundum mentem est huiusmodi, ergo talis vita secundum mentē, & omnino contempla-  
 tiua est felicissima vita hominis, & iocundissima ei cum sit maxime sibi propria, neque hoc  
 repugnare videtur ei quod superius dictum fuit, quod scilicet non est secundum hominem sed  
 supra hominem, non enim secundum hominem quantum ad naturam compositam, quia non  
 est simplex natura hominis, est autem propriissime secundum hominem quantum ad id quod  
 est principalissimum in homine, quod quidem perfectissime inuenitur in substantiis supe-  
 rioribus, in homine autem imperfecte videtur, si comparetur cum illis: & tamen istud par-  
 uum mole, quia est indiuisibile, vi & nobilitate excellentius est omnibus aliis quæ sunt in homi-  
 ne: sed notandum quod nullum indiuisibile proprie habet molem, sunt autem multa indiuisi-  
 bilia quæ sunt imperfectiora diuisibilibus, vt punctum respectu lineæ quæ est diuisibilis, & li-  
 nea quæ respectu superficiæ, & in quantum est eius terminus est indiuisibilis, & superficies res-  
 pectu corporis. Corpus enim triuæ dimensionis est perfectius, & puncto, & lineæ, & aliis hu-  
 iusmodi præcedentibus ipsum: sed nequis forsitan indiuisibile tale, id est mentem aspernetur  
 ita vt putet quod talis indiuisibilitas arguat defectum in mente, vt facit in multis, ideo philoso-  
 phus adiunxit vi, & pretiositate multo magis excellit, sic igitur patet quod contemplatio se-  
 cundum virtutem mentis est summa felicitas humana, & maxima quoad fieri potest in hac vita.  
 cæterum nequis forte miretur philosophū in septimo dixisse quandam heroicam esse virtutem  
 superantem conditionem humanam, hic quoque dicat contemplatiuam quasi superare natu-  
 ram hominis, & conditionem quoque humanam, ideo intelligendum est, quod ibi in septi-  
 mo loquebatur de ea virtute quæ circa mores hominum videtur superare communem cursum hu-  
 manæ naturæ, & tamē est mediocritas inter duo vitia, id est inter immanitatem quæ est excessus,  
 & immanitatem quæ est defectus, hoc autē in loco philosophus loquitur de contemplatiua. quæ  
 ab omni negotio separata non dicitur versari circa mores hominū: sed circa speculatiua & intel-

ligibilia, & quia est secundum perfectissimam potentiam omnium quæ sunt in nobis, ideo dicitur quoquo modo excedere naturam hominis, eo modo quo supra diximus, in quantum talis vita similis est vitæ substantiarum separatarum, accidit etiam quod est circa nobilissima obiecta: ideo principatum ei tribuit philosophus inter omnes viuendi rationes, & modos, & felicitatem supremam in tali vita, & operatione collocauit.

*De felicitate actiua, & præcipuo munere operationis.*

*Cap. VIII.*

68



Secundo autem est ea vita quæ à virtute alia manat. Operationes enim quæ ab hac prodeunt, humanæ sunt. Nam iusta, & fortia, & cætera quæ à virtutibus proficiuntur: inter nos ipsos agimus, in commerciis, & necessitatibus atque actibus communibus, & item affectibus, vnicuique seruantes decorum. Hæc autem omnia constat esse humana. Nonnulla & à corpore provenire videntur: & multum virtus morum cum affectibus videtur esse coniuncta. Coniuncta est etiam & prudentia moris virtuti, & hæc prudentiæ: si principia quidem prudentiæ à virtutibus ipsis emergant, relictum vero moris virtutum a prudentia manat. Cum autem hæc sese habeant, vt a se mutuo pendeant, sintque coniunctæ affectibus: circa ipsum compositum fuerint. at compositi virtutes humanæ sunt. quare & ea vita quæ ab ipsis proficitur, & felicitas humana est. Mentis autem est separata: atque tantum de ipsa sit dictum. Exacte nanque dicere proposito maius est. Videbitur autem & externa affluentia perparum, aut minus indigere quàm moralis. Opus est enim vtrisque necessariis rebus. Atque sit æque: quanquam circa corpus & res tales, ciuilis homo magis elaborat. Parua enim differentia fuerit. In operationibus autem non mediocriter different. Etenim liberali quidem ad illiberalitatis operationes exercendas: & iusto ad retributiones pecuniis opus erit. Voluntates enim non sunt manifestæ. Simulant autem & qui non sunt iusti, agere iuste velle. Forti autem opus est potentia: si agit aliquid eorū quæ a virtute proficiuntur. Et potestate etiam temperanti. Quo nanque modo aut hic, aut cæterorum quisquam manifestus erit? Queritur autem vtrum magis proprium sit virtutis, vtrum electio: an ipsi actus? quippe cū in vtrisque virtus consistat. Atque constat in vtrisque perfectum ipsum consistere. Ad actus autem multis indiget & quo maiores, pulchriorisque sunt, eo pluribus indiget. At contemplati huiusmodi rebus ad operationem est opus. Quin & impedimento fere sunt ad contemplationem. Sed hoc ipso quo homo est, atque cum pluribus viuit, expetit ea agere quæ à virtute proficiuntur. Indigebit igitur talibus ad ea agenda quæ ad hominem spectant. Atque felicitatem perfectam contemplatiuam quandam operationem esse: hinc quoque fuerit manifestū. Deos enim maxime beatos esse putamus, atque felices. At quosnā actus tribuere illis oportet: istosne? An ridiculi videbuntur: si cōmutet, & deposita reddat, & huiusmodi cetera agat? At fortēsne: propterea quod formidolosas res sustinet, periculāque subeunt honestatis ipsius causa? An illibera

les? at cui nam dabunt? Absurdum est insuper si nūmos etiam habeant, aut aliquid tale. An temperantes? at quidnam fuerint? An laus sit importuna si prauas dii cupiditates non habere dicantur? Ita per omnia discurrent, cuncta quæ sunt circa actus: parua quædam & digna diis immortalibus sane videntur. At vero viuere ipsos vniuersi putant: quare & operari. Non enim oportet illos (vt Endymionem aiunt) dormire. Viuenti igitur ei, cui actio & multo magis effectio non tribuitur: quidnam aliud præter contemplationem restat? Quare dei operatio præcellens beatitudine, contemplatiua sine controuersia fuerit. Ethumanarum igitur operationum ea homo est summè felix: quæ illi maxima est cognata. Signum est huius & animalia cæter a felicitatis expertia esse: tali penitus operatione priuata. Nam diis quidem tota est vita beata, talem habentibus operationem, hominibus autem, quoad ipsos<sup>71</sup> talis operationis quædam inest similitudo. At animalium cæterorum nullum prorsus est felix. Quippe cum nulla ex parte particeps sit contemplationis. Quousque igitur contemplatio sese extendit, eousque sese extendit & felicitas ipsa: & quibus contemplatio magis inest, iis & felicitas magis inest, non per accidens quidem: sed per ipsam vtique contemplationem. Hæc enim per seipsam est pretiosa. Quare felicitas<sup>72</sup> contemplatio fuerit quædam. Est autem opus huic & prosperitate externa, cum sit homo. Natura nanque ipsa non est ad contemplandum sufficiens: sed & corpus sanum esse oportet, & alimenta, reliquumque famulatum adesse. Non tamen putandum est multis ac magnis ei opus fore, qui futurus est felix: si fieri non potest vt sit beatus sine bonis externis. Neque enim sufficientia, neque iudicium, neque actus in exuperatione consistit. Sed fieri potest vt & non principes terræ ac maris agant honesta. Etenim a mediocribus facultatibus potest quispiam agere per virtutem. Atque id clare cernere licet, priuati nanque non minus agere videntur res bonas, quam qui sunt in potestatibus constituti: immo etiam magis. Satis autem est tot facultates habere. Erit enim eius vita felix qui per ipsam operatur virtutem. Solon etiam bene fortasse de felicibus sensit: qui quidem eos esse felices dixit, qui mediocriter<sup>73</sup> res habuerunt externas, & pulcherrimas res (vt putabat) egere, \* modestèque vixere. Fieri enim potest vt mediocria possidentes, agant ea quæ agere oportet. Videtur autem & Anaxagoras non locupletè, neque potentem, felicem ipsum existimasse: cum dixit se non mirari: si absurdus quidem multitudini videatur. hæc enim res sentiens solum externas: his iudicare tantummodo solet. Consentaneæ igitur nostris sententiis & sapientum opiniones esse videntur. At enim habent quidem & talia quædam fidem. Veritas tamè in iis quæ in actionē veniūt ex operibus iudicatur, & vita. In his enim præcipue certitudo veritatis consistit. Cōsiderare enim oportet ea quæ antea dicta sunt ad opera referentes, & vitam. Et si

η) βιβλι-  
κότης σω-  
φρονίας .i.  
temperatè  
seu mode-  
stè vixere

consona sunt operibus: acceptanda sunt: sin vero discrepant, verba sunt  
 67 tantum putanda. At vero qui mente operatur, & eam colit: disponitur  
 optime, \* is & amicissimus diis immortalibus esse videtur. Nam si dii cu  
 ram humanarum rerum (vt existimatur) aliquam habent: rationi sane  
 consentaneum fuerit ipsos eo gaudere quod est optimum, maximèque  
 sibi cognatum. Hoc autem fuerit ipsa mēs. & in eos qui maxime hoc a-  
 mant atque honorant, beneficia vicissim conferre tanquam curam iis  
 quæ sibi sunt chara, ac diligentiam adhibentes: & recte, benèque agen-  
 tes. At constat hæc omnia maxime sapienti inesse. \* Amicissimus igitur  
 sapiens ipse diis immortalibus est. Eundem autem conueniens est: & fe-  
 licissimum esse. Quare sapiens hoc quoque modo maxime fuerit felix. ἡ ἀρετή  
σοφίας  
καὶ εὐδαιμονίας

## Commen.

68 SECUNDO autem est ea vita quæ à virtute alia. ] Hoc est tertium capitulum huius tractatus  
 in quo philosophus posteaquam declarauit felicitatem consistere in optima operatione se-  
 cundum optimam virtutem principalissimæ potentie nostræ, & quod talis erat contem-  
 platio secundum sapientiam, nunc considerare videtur de felicitate actiua cōparando eam  
 cum ipsa contemplatiua, & ostendendo quod contemplatiua felicitas quæ est in cōtemplatione  
 mentis secundum sapientiam est longe præclarior quam actiua quæ est actio secundum pruden-  
 tiam. Diuiditur autem hoc capitulum in tres partes quæ patebunt. In prima autem probare vi-  
 detur sicut diximus felicitatem actiuam esse inferiorem contemplatiua quatuor rationibus. Pri-  
 ma ratio: id quod est humanum, videtur esse inferius eo, quod superat quoquo modo conditio-  
 nem humanam: sed felicitas actiua proueniens à prudentia, & virtute morali est humana, con-  
 templatiua vero, & si sit hominis superare tamen videtur conditionem humanam, ergo actiua  
 erit inferior contemplatiua. Maior est nota, minorem declarat philosophus per quatuor conclu-  
 siones tales. Prima hoc pacto. Operationes quæ versantur circa res humanas sunt humane: sed ea  
 quæ proueniunt à virtutibus morum versantur circa res humanas, ergo sunt humane, quod au-  
 tem ita declarat philosophus discurrendo per operationes fortitudinis, & iustitiæ, & similium  
 quas ostendit versari circa actus externos vel affectus internos, quæ sunt humana vt patet in tex-  
 tu. Secunda conclusio est talis, quod virtutes morum, & prudentia sunt inter se coniunctæ, ex  
 quo sequitur quod si virtutes morum sunt circa res humanas, erit etiam ipsa. Probatur autem cō-  
 clusio hoc pacto, virtutes quæ sunt ita inter se vt altera mutuo dependeat sunt coniunctæ inter  
 se atque connexæ: sed virtus morum, & prudentia sunt huiusmodi: ergo sunt inter se coniunctæ  
 atque connexæ, ratio patet quia principia prudentiæ quæ sunt fines consequendi honesti prou-  
 enire videntur à virtutibus morum, rectitudo versà vice virtutum moralium, qua diriguntur  
 virtutes tales ad consequendum bonum finem fit ab ipsa prudentia, vnde in sexto insuper inquit,  
 opus perficitur secundum prudentiam, & moralem virtutem, & enim virtus intentionem facit  
 rectam prudentia vero ea vniuersa dirigit quæ ad illam perducunt: sed hæc latius in sexto. Patet  
 ad propositum nostrum quod istæ sunt inter se coniunctæ ex iis quæ diximus, & etiam ex defi-  
 nitione virtutis, ita vt ad se mutuo pendeant, & prudentia sit gubernatrix, & quasi clauum te-  
 nens inter ipsas secundum dirigit cursum ad portum, id est ad finem optimum attingendum  
 antea sibi propositum. Tertia conclusio est quod virtutes morum, & prudentia sunt circa  
 compositum, hæc virtutes quæ videntur esse coniunctæ cum affectibus sunt virtutes vt circa  
 compositum: sed virtutes morales, & ipsa prudentia sunt huiusmodi, ergo circa compositum. &  
 ratio est, quia morales virtutes sunt coniunctæ cum affectibus, prudentia cum moralibus virtu-  
 tibus, ergo cum affectibus: sed affectus sunt communes composito ex anima, & corpore cū per-  
 tineant ad partem sensitiuam, ex quo assertur quarta conclusio talis, quod virtutes morales, &  
 ipsa prudentia sunt virtutes humanæ, hæc virtutes quæ sunt circa compositum sunt humanæ in  
 quantum homo est compositus ex anima & corpore: sed tam virtus moralis quam prudentia est  
 huiusmodi, ergo tales virtutes dicuntur humanæ, ex quo patet quod vita quæ est secundum pru-  
 dentiam, & virtutem moralem dicenda est humana, & hæc dicitur vita actiua, & per consequens  
 felicitas actiua dicitur humana. Ex quibus concluditur probatio minoris primæ rationis, &  
 conclusio principalis, quod est inferior contemplatiua, quæ videtur superare conditionem hu-  
 manam cum sit intellectiua, & separata ab iis affectibus, & actionibus humanis, vnde cum pru-  
 dentia sit virtus intellectiua, & videatur separata etiā ab istis humanis, ideo attulit philosophus  
 eam rationem qua probare nititur eam esse cum moralibus, quæ sunt circa affectus & actus hu-  
 manos.



manos, vnde cum & prudentia circa talia versetur, & ad talia se vertat, videtur humana. [VIDE- 69  
B I T V R autem & externa affluentia.] Allata prima ratione, & confirmata multis conclusioni-  
bus ad declarandum principale intentum, quod felicitas actiua est inferior quam speculatiua:  
nunc affert secundam qua idem ostendit, quod speculatiua est praestantior, hoc pacto, ea vita quae  
paucioribus indiget est praestantior ea quae indiget pluribus externis: sed contemplatiua indiget  
admodum paucis, actiua pluribus, ergo contemplatiua est praestantior quam actiua. Maior patet,  
quia minima indigentia arguit maiorem sufficientiam, & per consequens maiorem perfectio-  
nem vitae quam illa quae est maioris indigentiae. minorē declarat philosophus, id est, quod actiua  
pluribus indiget. Primo actiui, & speculatiui, cum sint homines rebus externis necessariis ad vi-  
uendum ambo indigent: verum circa corpus magis laborant actiui, & ciuiles homines quam  
contemplatiui, quod nonnulli exponunt, quia in exercendis operationibus suis magis exercent  
corpus, tamen exponi quoque aiter potest, quod maiorem curam adhibent circa corpus, vt cir-  
ca victum, & vestitum, & domos, & alia eiusdem generis pertinentia ad cultum corporis: spe-  
culatiui vero habitis necessariis non curant de aliis: sed ponamus dicit philosophus quod in ta-  
libus necessariis ad viuendum & alendam vitā sint pares vel parua sit inter eos differentia in his,  
verū tamen in eo erit differentia magna, quod actiui multis indiget ad operandum quibus  
non indiget speculatiuus. Liberali enim ad dandum, & iusto ad remunerationes faciendas est  
opus externis bonis: sic etiam forti est opus viribus, & temperatio licentia rerum circa quas pos-  
sit concupiscentiam moderari, & sic de aliis virtutibus quae sunt circa affectus vel actus: sed cum  
aliquis dicere potuisset, virtus consistere videtur in actu interno, quid enim si non adsint num-  
mi & facultates? est enim dispositus prompte ad operationem studiosam producendam si adesse-  
sent facultates, ideo subdit philosophus quod voluptates hominum non sunt manifestae, scilicet  
sine operationibus externis. multi enim iniusti simul, aut se velle agere iusta & fortes fortia, &  
sic de aliis. quare oportet vt concurrant etiam actus externi ad completam perfectionem virtu-  
tis, vnde quaeritur & quari solet in vtro magis consistat, an in electione an in actu externo quod  
est signum eam consistere in vtriusque, & quantum electio sit principalior in virtute morali, vt an-  
tea dictum fuit, tamen ad omnimodam, vt ita loquar perfectionem virtutis moralis requiri vi-  
detur non solum electio: sed etiam actus exterior: sed contemplanti non est opus tot, & talibus,  
quin etiam ipsum impedire videntur potius & distrahere. Vnde antea etiam dixit quod nimis  
prosperitates impediunt felicitatem ciuilem, & actiuam ergo multo magis speculatiuam, & non  
solum nimis: sed ea etiam externa quae sibi adessent praeter necessaria ad viuendum, quibus in-  
diget in quantum est homo & viuunt cum pluribus, & in quantum interdum subit vicem actiui  
expetendo ea agere quae sunt secundum virtutem moralem & actiuam. Concluditur quod lon-  
ge paucioribus indiget contemplatiuus quam actiui, & ex tali minori indigentia inferitur, quod  
contemplatiua est praestantior quam ea quae est secundum virtutem moralem, & quam actiua.  
[A T vero felicitatem perfectam.] Affert tertiam rationem philosophus qua idem probat, scili-  
cet quod felicitas contemplatiua est perfectior quam actiua hoc pacto, ea operatio atque feli- 70  
citas quae est similis operationi quam substantiis separatis vel ipsi deo tribuunt, est perfectior  
ea quam eidem non tribuunt: sed contemplatiua tribuitur ei non autem actiua proprie, ergo  
contemplatiua est perfectior & excellentior quam actiua. Maior est manifesta, quia omne per-  
fectum tribuitur deo. Minor declaratur à philosopho, & primo quod actiua non tribuitur sub-  
stantiis vel deo secundum moralem vitam, quia si talis tribueretur tunc ex consequenti tribu-  
enda essent morales virtutes, quas non solemus proprie tribuere, vt patet inductiue per omnes.  
Ridiculum enim esset dicit philosophus si operationes iustitiae in reddendis depositis, & opera-  
tiones fortitudinis circa terribilia vel temperantiae, & huiusmodi tribueremus deo. Nam ubi-  
cunque est virtus morum ibi perturbatio cadit vel affectus: sed in deum qui est perfectissimus  
nullo modo perturbatio vel affectus cadit. ergo nec virtus proprie morū tribuitur deo, nec etiam  
ars, quare cum agere, hoc pacto, & multo magis facere remoueatur ab eo. inō tribuatur, quid ergo  
tribuitur ei praeter contemplationem, cum sit ei aliqua operatio tribuenda: ex quo concluditur,  
quod cum ea operatio quae est similis operationi diuinā sit omnium perfectissima, & contem-  
platio sit huiusmodi quod contemplatiua erit nostra suprema felicitas, & longe excellentior  
quam actiua: verum cum inter contemplationes detur gradus, perfectissima contemplatio-  
num erit perfectissima felicitas. Notandum primo quod operatio deo est actiua, aut factiua,  
aut contemplatiua, post habitus vegetatiui & sensitiui. Operatio igitur actiua videtur proue-  
nire à virtute morali atque ab ipsa prudentia quibus producimus actiones studiosas: factiua  
autem videtur provenire ab arte qua facimus aliquid opus veluti statuam, & plerumque reman-  
et opus, vt de statu diximus, interdum non remanet veluti in pulsatione citharae per artem ci-  
tharizandi euenire videtur: sed operationes actiuae perficere videntur habentem etiam extra ex-  
tendi ad alios, factiuae vero videntur perficere potius ipsum opus vt statuam, quahquam ipsa ars  
quae est habitus dicatur etiam esse perfectio intellectus factiui. Contemplatiua vero operatio  
nunc ab habitu principiorum qui dicitur intellectus, nunc ab habitu conclusionum qui dicitur  
scientia, nunc & praecipue atque maxime à sapientia quae est vtrorumque perfectissimus habitus



prouenire videtur, & habentem ipsum perficere secundum eam potentiam nobilissimam omnium quæ in nobis sunt, & non ordinari ad aliquid aliud nisi per accidens. quare factiua operatio est minus perfecta quam actiua, & actiua quam contemplatiua quæ est omnium perfectissima, & præcipue cum similis esse dicatur operationi, quæ tribuitur deo. Nam proprie actiua secundum virtutes morales hoc pacto non tribuitur ei, nec factiua sententia philosophi, & tamen tribuenda est aliqua, ergo contemplatio. dicere autem quomodo tribuatur contemplatio ipsi deo non est præsentis speculationis. Dei enim contemplatio dicitur esse perpetua & vnica: est ibi id quod intelligit, & quod intelligitur, & intellectio idem re, verum si qua est similitudo, & vestigium operationis illius non est nisi ipsa contemplatio: sed iis omnis quæ ad theologos referimus, venimus ad illud quod philosophus dicit remouendo virtutes morales à deo & actiua, sacri tamen appellant eum iustum & fortem. quare notandum quod aliquo modo attribuiere possumus quod dicitur iustissimus: sed alio modo quam nos, & similiter studiosissimus. i. translative, vt inquit, non enim est ibi perturbatio vel affectus. Verum distribuere videtur deus vnicuique quod suum est hoc pacto, quia creauit omnia, & cum sit aliud præstantius alio, & sint diuersa, tribuit deus vnicuique quod conuenit vt homini mentem, animalibus aliis sensum, plantis vegetatiuum, & sic de aliis successiue sua partitur dona, & hoc pacto deo iustitiam tribuere solemus. Item vltius dicere possumus deum esse iustissimum, quia constituit pœnas, & præmia secundum merita, eodẽ pacto liberalitatem, fortitudinem, & alias virtutes tribuere possumus quas ita appellamus translative ab iis quæ sunt in nobis vt per similitudinem intelligantur non quod sint eo pacto in eo, quia in deo non sunt villo modo perturbationes vel affectus, sed sunt rationes, quædam liberatæ penitus ab huiusmodi conditionibus quæ humanis virtutibus tribuuntur, verum supereminenti quodam modo tribuuntur ei ab æterno, præbimus quoque omnipotentem, respiciendo ea quæ non implicant contradictionem: sed hæc ad theologiam pertinet, vt supra dictum fuit. quare ad sacrarum literarum veritatem nos ipsos referimus & hanc materiam, illud tantum patet ad nostrum præsens propositum quod inter operationes humanas ea quæ est simillima diuinæ speculationi est felicissima, & ea est contemplatio sententia philosophi. [SINGVLM ETIAM huius, quod animalia.] Quarta est ratio quæ sumitur ex quodam signo, quo idem probat quod speculatiua operatio est suprema felicitas nostra, & omnino perfectior quam actiua dicendo quod huius signum est quod animalia irrationabilia quæ sunt expertia felicitatis careant vel vacant penitus tali operatione, quia non habent mentem: sed maxime distant ab ea, & præsertim à speculatiua. Nam in aliis habent similitudinem quandam etiam cum operationibus virtutum moralium, sicut leo dicitur per quandam similitudinem habere fortitudinem, & formicæ congregare alimentum videtur, & constitutæ cœtus, & partiri munera inter se, & diuidere receptacula in tres partes, quarum in alia tradunt reponere mortuas, in alia nutrimentum, in alia ipsas versari, itaque agere videntur instinctu naturali ac si haberent prudentiam, & illavis irrationalis, qua dicuntur huiusmodi animalia ad hæc efficienda, videtur esse suprema in illis, sicut est mens in nobis quare in iis agendis videntur habere similitudinem cum quibusdam operationibus nostris, verum à contemplatione penitus absunt, nec vllam nobiscum in hoc similitudinem habent: sed nec mentem habent, vt diximus, nec vniuersale percipiunt, ratio igitur consistit in eo, quod cum videamur per contemplationem tantum distare à brutis, quæ sunt penitus expertia felicitatis, ideo suprema felicitas humana in ea constituenda videtur, & actiua etiam per hoc apparet quod longe est inferior ipsa contemplatiua. Homines igitur dicit philosophus in tantum sunt beati in quantum existit in eis quædam similitudo talis operationis, scilicet speculatiua, & felicitas eo vique se extendit quousque ipsa contemplatio, & hoc dupliciter, aut ex parte temporis, & durationis ipsius contemplationis, vel extēdit se ex parte subiectorum in quibus est quod videtur magis accommodatum, duæ igitur his in summa videntur esse præcipue rationes ad ostendendum speculatiuam esse supremam felicitatem, & esse præstantiorem actiua, vna quia contemplatio est similis operationi diuinæ, alia quia per contemplationem valde distamus à brutis. Sunt autem nonnulli qui dicunt pauca de contemplatiua felicitate dixisse philosophum in libro Ethicorum, verum si diligenter animaduertimus reperiemus, quod illa pauca vi continent multa, & præsertim cum pluribus rationibus declarauerit contemplatiuam felicitatem esse supremam, & propriissimam inter omnes operationes humanas vt patuit. [EST AVTEM opus huic & prosperitate.] Hæc est secunda pars huius capituli in qua Philosophus ostendit quomodo felix contemplatiuus se habet ad externa bona. dicit igitur quod sibi opus est rebus externis, id est necessariis ad vitam cum sit homo, & ratio est quod homo non est tantum mens, vt sit sufficiens secundum naturam suam quæ non est simplex ad hoc, vt possit solummodo contemplari, sicut faciunt substantiæ separate: sed cum habeat corpus indiget necessariis, quibus sustentari possit, & etiam sanitate. Indiget enim spiritu ob hoc, quia facile non potest contemplari sine subministratone potentiarum sensitiuarum, in quibus suscipiuntur species, quæ deferuiunt intellectui. quare necessariis, quæ ad hæc requiruntur, indiget contemplatiuus. [NON TAMEN putandum est.] Quauis felix speculatiuus indiget rebus externis vt diximus, declarat tamen philosophus quod non indiget multis, nec abundantius prospere

ritate, quam sententiam probat primò ratione hoc pacto. Plura requiruntur ad operationem se-  
cundum moralem virtutem, quam ad contemplationem: sed in illa non requiritur superabundã-  
tia: sed in quadam mensura, quia nimia prosperitas impediunt felicitatem, vt supra dixi, ergo  
multa pauciora requiruntur in contemplatiua, similitudo tenet, & consequentia probatur, quia  
nec sufficientia: nec iudicium electionis: nec actus virtutis consistit in superabundantia, proba-  
re etiam videtur quòd actiui in operationibus secundum moralem virtutem non indigent mul-  
tis ad operandum. Nam priuati, & medio cres homines melius operari videntur res bonas vt-  
plurimum, quàm ii qui sunt in potestatibus constituti, & qui habent superabundantiam prope-  
ritatis, vt videmus per ipsam experientiam. [SOLON etiam bene.] Probat idem auctoritate So-  
lonis & Anaxagoræ, deinde ostendit quomodo sunt intelligendæ illæ auctoritates, dicit autem  
primo quod Solon bene forsitan sentit cum dixit illos satis fuisse felices qui mediocres habue-  
runt facultates, & satis de rebus externis, & res gesserunt optimas, Anaxagoras vero cum esset  
philosophus, & daret operam speculationi, negligenterque propterea rem familiarem suã, atque  
ob id pauper esset, & à vulgo contemneretur & haberetur ineptus atque absurdus homo, dicere  
solebat non esse mirandũ si multitu do imperita ita iudicaret quæ percipit res externas, & secun-  
do illas iudicat, & non discernit bonũ, nisi id quod extra ei apparet. (FOR T A S E.) Hanc par-  
ticulam addidisse videtur philosophus, quia non assentitur in omnibus sententiæ Solonis, Solon  
enim ei qui iã vixit felix, appellandum censet felicem, philosophus vero cum loquatur de felici-  
tate humana præsentii felicitate appellat felicem, videmus autem primo quonam pacto de  
sententiâ Solonis differuit. (A Tenim habent quidem.) Ostendit hac in parte philosophus quo-  
modo istæ sententiæ sint credendæ, & hoc facit, quia cum attulerit ipsas sine vlla ratione vel p-  
batione, potuisset aliquis dicere non iis adhibendam fidem, ideo philosophus dicit credendum  
esse iis propter operationes, & experientiam vitæ. Nam veritas circa ea quæ agimus consistit in  
operibus, & circa ea quæ speculamur in rationibus, & demonstrationibus & scientiis. quare tunc  
putatur esse credendum sententiis, & sermonibus in rebus agendis cum opera eorum qui tales  
sententiæ afferunt illis sententiis respondent, quòd si vita & opera discrepant a sententiis, & ver-  
bis existimandæ sunt tales sententiæ inanes quod ad eos qui illas proferunt. Oportet enim non  
solum docere: sed etiam facere ea quæ doceas, castigo corpus meum, inquit apostolus, & in ser-  
uitutem redigo, ne cum aliis prædicauero, reprobus efficiar. Et auctor veritatis. Opera mea testi-  
monium perhibent de me, & si mihi non creditis, credite operibus meis. quare in iis quorum si-  
monium principalis non est cognitio, sed actio, cum opera cum sententiis concordant, tunc adhibe-  
ris fides. Solon igitur & Anaxagoras cum aspernari viderentur re ipsa abundantiam externa-  
rum rerum fidem suis sententiis faciebant. (A T vero qui mente operatur, & ipsum colit.) Hæc  
est tertia pars huius capituli in qua philosophus ostendit, quomodo felix contemplatiuus se ha-  
beat ad essentias separatas, & afferuntur tres conclusiones, quarum prima est talis, is qui amat &  
colit id quod in homine est præstabilissimum, & deo vehementer acceptum, est deo amicitio-  
sus: sed vir sapiens est huiusmodi, ergo vir sapiens est amicitiosus vel charissimus deo. Nam  
sapiens colit mentem que est optimum in hominibus, & similitim iis quæ sunt in deo, nec enim  
deus, inquit Cicero, qui intelligitur à nobis alio modo intelligi potest, nisi mens soluta quædam,  
& libera, & segregata ab omni conditione mortali, tunc vltra, si deus habet curam rerum huma-  
narum dicit philosophus, vt habet, & communi sententiã, & opinione creditur, profecto vir sa-  
piens charissimus existens deo cum mentem colat, & bene operetur, multa beneficia & magna  
à deo consequetur bona, ex quo sequitur hoc pacto secunda conclusio: qui deo est amicitio-  
sus vel charissimus est felicissimus: sed sapiens, qui viuunt intellectuã vitã est huiusmodi, ergo  
sapiens est felicissimus. Atque ex iis, Tertia conclusio sequitur talis quòd contemplatiua  
felicitas quæ est operatio secundum sapientiam, est suprema nostra felicitas sententiã huius phi-  
losophi, & longe præstantior quàm actiua, licet actiua etiam in genere suo sit summum bonum,  
vnde ea verba quæ in textu philosophus tangit vbi dicit, recte benèque agentes referre ad acti-  
uam possumus ne illam excludamus. Concluditur autem quòd vltimam, & supremam felicitate-  
m humanam collocavit philosophus Aristoteles in operatione secundum sapientiam qua vi-  
rum sapientem coniungi cõ causatiua quoquo modo velle videtur, id est, cum summo deo au-  
diore suo, vt ei per contemplationem eo pacto amicitiosus vel acceptissimus fiat, & per quan-  
dam amicitiam, si dicere licet, ei coniungatur quo ad fieri potest. Ex quo forsitan nonnulli eli-  
cerent amicitiam talem esse similem ei quam sacri scriptores appellant charitatem, & arguerent  
per hoc felicitatem nostram non minus consistere in actu voluntatis quæ est charitatis domici-  
lium, quàm in operatione intellectus, & mentis. Notandum quòd humana felicitas summa at-  
que suprema, vt ex dictis philosophi colligitur in vita contemplatiua videtur consistere per quã  
homo coniungi quoquo modo deo videtur, & magis quàm per actiuam. Et hoc idem in duode-  
cimo metaphysicę philosophus. i. quòd contẽplatio est nostra felicitas, vbi etiam indicare vide-  
tur nostrã felicitatem humanã consistere in contemplatione substantiarum separatarum, & præ-  
cipue, & maxime ipsius dei, datur enim gradus inter operationes speculatiuas, & earũ perfectio  
sumitur non solum ex parte mentis, & nobilissimæ potetie nostræ: sed etiã ex nobilitate obiecti.

Quare cum deus sit perfectissimus omnium obiectorum circa quæ mens speculando versatur, meritò non quæcunque contemplatio erit in summo gradu: sed ea quæ erit circa bonitatem diuinam, & ipsum gloriosissimum deum, vnde oriri videtur amicitia & coniunctio illa, per quam vir bonus, & sapiens quoquo modo contemplando ipsum coniungitur causæ suæ, & hanc dicerent forsitan aliqui similem esse ei, quam theologi charitatem appellant, ex quo nascitur disputatio de actu voluntatis, & operatione mētis, vt supra etiam diximus, cuius determinatio à sacris theologis petenda est. Patet igitur ex dictis summum bonum non simpliciter atque ex omni parte perfectum, sed tale, quale vitæ humanæ competere potest quid, & quomodo sit sententia huius philosophi Aristotelis.

*Peroratio operis.**Cap. IX.*

**T**enim si de his, atque virtutibus & insuper de amicitia, voluptatèque satis figura diximus: est ne putandum nostrum propositum iam finem habere? An quemadmodum dicitur: non est in hoc rebus agendis finis, perspexisse, cognouisseque singulas, sed potius agere. Nec de virtute scire sat est: sed enitendum est ipsam habere, ac vti: vel si quo alio modo boni efficiamur. Si igitur verba sufficerent ad faciendos homines bonos: multas iure mercedes secundū Theognidē, atque magnas afferrent. Et comparare ea oporteret. Nunc vero iuuenes quidem liberos hortari, ac prouocare, morēque idoneum ad obtemperandum educatione bona iam factum, ingenuum, veræque honestatis amatorem facere posse videntur: vulgus autem ad probitatem incitare non posse. Non enim sunt tales, vt ob dolorem obtemperent: sed ob metum. Nec vt à prauis ob turpitudinem abstineant rebus, sed ob pœnam. Nam quia affectibus viuunt: persequuntur quidem proprias voluptates, & ea quæ illas efficiunt. fugiunt autem dolores oppositos. Honestatis autē voluptatisque veræ nullam prorsus habent animaduersionem. Quippe cum eas non degustarint. Tales igitur quænam verba traducere, moderarique possent? Fieri enim non potest, aut nō facile fit: vt ea verbis mutentur, ac extrudantur, quæ impressa sunt moribus temporèque diuturno retenta. Amabile autem est fortasse, si cum omnia essent quibus boni fieri videmur: participes virtutis efficiamur. Fieri vero bonos alii natura, alii consuetudine, alii doctrina putant. Natura igitur (vt constat) non in nostra est potestate: sed inest iis hominibus per causam quādam diuinam, qui vere sunt fortunati. Verba autē præceptionē se, non in omnibus vires habent: sed opus est auditoris animum antea moribus effecutum, ad recte gaudēdum, ac ad horrendum, perinde atque terram quæ semina sit nutritura. Qui nanque viuunt cum perturbatione: nō audiet ea verba quæ dehortantur, neque intelliget. Is vero qui ita dispositus est: qui fieri potest vt dissuadenti obtemperet? Omnino autem non verbis ipsa perturbatio: sed vi cedere videtur. Mores igitur præcedant aliquo modo virtuti familiares oportet: amantes bonum, atque abhorrentes à turpi. Difficile autem est, vt ab adolescentia recte quis ad virtutem instituat non sub talibus legibus educatus. Modeste nanque vi-

uere, continentérque plerisque hominum, præsertim & iuuenibus non est iucundum. Quapropter educationem, atque officia à legibus instituta esse oportet. Non enim dolorem afferrent si fuerint consueta. Fortasse autem non sufficit, dum sunt adolēscētes, rectam educationem & curam esse adeptos: sed cum oporteat viros quoque factos ipsa agere, ac assuescere, & in his, & omnino omni in vita legibus est opus. Multitudo enim necessitati potius quàm rationi: & pœnis quam honestati pareret. Idcirco sunt qui legumlatōres oportere censent ad virtutem inuitare. Ac prouocare honestatis gratia: propterea quòd ii qui probi sunt, ob consuetudinem præcipue obtemperabunt. Aduersus autem inobedientes & hebetiores ingenio: castigationes pœnasque instituere. At eos qui curari, ac emendari nequeunt: extrudere atque exterminare. Probum enim hominem, & ad honestatem viuētem, rationi obtemperaturum inquirunt esse. Improbum vero voluptatem affectantem: dolore afficiendum esse, atque iumentum. Quapropter & eos dolores afferri oportere dicunt: qui maxime concupitis voluptatibus aduersantur. Quod si eum qui bonus futurus sit bene educatum (vt dictum est) ac moribus bonis assuefactum esse oportet, deinde bonis in exercitiis viuere: & neque inuitum neque sponte res agere prauas. Hæc autem fuerint si mente aliqua, rectòque ordine vires habente viuatur. Igitur patris quidem præceptio: vires non habet, neque necessitatem, neque vllius omnino vnus viri, nisi sit rex aut aliquis talis. Lex autem vim habet cogentem, quæ quidem est sermo ab aliqua prudentia, atque mente profectus. Et hominum quidam eos odisse solent, qui appetitionibus aduersantur: etsi recte id ipsum faciunt. Lex autem non est eis molesta: probitatem iubens. In sola autem Lacedæmoniorum ciuitate, cum aliis paucis, curam adhibuisse educatione, atque officiis legislator videtur. In pluribus autem ciuitatibus tales res sunt neglectæ. Et ita vnusquisque viuut vt sibi placet ritu Cyclopum filios regens, atque vxorem. Præstabilissimum igitur est diligentiam, rectamque curam adhibere communem: idque ipsum facere. Quod si negligitur publice: ad vnumquemque attineret videbitur filios suos atque amicos ad virtutem dirigere, vel saltem velle dirigere. Atque maxime id ipsum posse videbitur ex dictis idoneus ad leges ferendas factus. Publicas igitur diligentias, atque curas per leges fieri constat, bonas autem, per studiosas. Nec interesse quicquam videtur, scriptæ sint, an non scriptæ: vnus an plures per illas instituantur, vt & in musica, exercitandique facultate, & eruditionibus cæteris hoc nihil refert. Nam vt in ciuitatibus leges, ac mores: sic & in domibus possunt paterni sermones ac mores. Quin etiam magis ob cognitionem, beneficiâque collata. Sunt enim ipsi filii iam pridem affectione deuincti: & facile obtemperantes natura. Differunt insuper & instituta priuata à publicis: perinde atque in medicina. Vniuer-

saliter enim febricitanti confert inedia, & quies: at alicui forsitan non conducit. Magister quoque ludi non omnibus fortasse pugilibus eandem pugnam imponit. Singula autem magis exacte fieri videbuntur adhibita cura, diligentiaque priuata. Magis enim id adipiscitur vnusquisque quod congruum est. Atque optime quidē in singulis curam ac diligentiam adhibuerit & medicus & ludi magister & quiuis alius: qui hoc vniuersale scit, omnibus inquam aut talibus hoc esse accommodatum. Scientiæ enim communis ipsius esse dicuntur & sunt. Nihil tamen forsitan obstat quin & is qui scientiæ quidem est expertus, exacte autem ea perspexit experientia quæ in vnoquoque accidunt: rectam in vno aliquo diligentiam adhibeat, atque curam. Quemadmodum & quidam optimi sibiipsis esse medici videntur: qui tamen nulli alii possunt opus afferre. Verum non minus forsitan oportere videbitur eum qui vult artifex, & contemplator euadere: ad vniuersale pergere, atque illud (vt fieri potest) cognoscere. Dictum est enim scientias circa hoc ipsum versari. Fortasse autem & is qui vult sua cura diligentiaue meliores facere siue multos siue paucos: enitatur oportet, vt ad ferendas leges aptus euadat: si boni legibus fieri possumus. Non est enim cuiusuis quemuis disponere. Sed si alicuius est scientis est. Vt in medicina fit & in cæteris facultatibus, quarum est aliqua cura, atque prudentia. Hæc cum ita sint: considerare post hoc oportet vnde nam, & quomodo quispiam legumlator euaserit. An ab iis qui rempublicam gerunt: quemadmodum & in facultatibus cæteris fieri solet? Nam pars ciuilis esse videtur ipsa ferendarum legum facultas: an non similiter in ciuili & cæteris in facultatibus fieri, scientiisque videtur? Nam in cæteris quidem idem tradere facultates, & per ipsas operari videtur. Vt medici, atque pictores. Res autem ciuiles docere quidem pollicentur ipsi sophistæ: nemo autem ipsorum agit, sed ii qui rempublicam gerunt. Qui quidem potentia quadam id agere, & experientia potius quàm mente videntur. Neque enim scribere de talibus: neque dicere videntur. Quod tamen præclarior forsitan esset: quàm iudiciales orationes, vel deliberatiuas componere. Neque filios suos aut amicorum vllos idoneos ad gubernandum rempublicam effecisse. Erat autem consentaneum rationi si possent. Neque enim melius quicquam ciuitatibus reliquissent: neque sibiipsis, aut charissimis aliud magis optassent quàm talia posse. Non tamen parum experientia conferre videtur. Non enim fierent per ciuilem consuetudinem ad gubernandum rempublicam aptiores. Quapropter iis qui de re ciuili cupiunt scire: experientia insuper opus esse videtur. Sophistarum autem ii qui facultatem hanc profitentur: longe abesse à tradenda ipsa videntur. Neque enim quale quid est: neque circa quæ versatur omnino sciunt. Non enim ipsam, & oratoriam facultatem idem. Neque inferiorem ponerent: congregatis iis legibus quæ sunt probatæ. Fieri

enim posse dicunt: vt optime deligantur. Proinde quasi delectio non esset sagacitatis: & iudicare recte non esset maximum. Vt in musicis. Qui nanque sunt in singulis experti, recte opera iudicant: & quibus, aut quo modo perficiuntur, & quæ sunt his consona comprehendunt. In expertis autem satis est, si nō lateat ipsos bene aut male factum sit opus: vt in pictura. Leges autem operibus similes ciuilibus sunt. Quonam igitur pacto quispiam ex his legum fuerit lator: aut eas quæ sunt optimæ iudicauerit? Neque enim medici videntur ex libris fieri: & tamen dicere conantur non solum curationes, sed etiam ægrotantes curari posse, & vt curare oportet, habitu vniuscuiusque distincto. Hæc autem expertis quidem vtilia. iis vero qui scientia carent inutilia esse videntur. Et legū igitur forsitan, & rerum publicarum congregationes, iis quidem qui prospicere, atque discernere possunt quidnam recte sese habet, vel cōtra, aut quæ quibus accommodantur, viles esse possunt: sed ii qui sine habitu talia tractant, recte quidem iudicare non possunt, nisi fortuito. Magis autem ad ea comprehendenda fortasse fuerint apti. Cum igitur nostri maiores ea quæ ad facultatem ferendarum legum pertinent sine perscrutatione reliquerint: nos ipsos illa fortasse præstat considerare. Et omnino de republica pertractare oportet. Vt quoad fieri potest, ea philosophia perficiatur, quæ circa res humanas versatur. Primum itaque si quid recte sit à maioribus dictum, id enitāmur recensere, deinde ex cōgregatis rebus publicis considerare, quānam ciuitates & rerum publicarum singulas euertunt, atque conseruant. & quas ob causas aliæ recte gubernantur: aliæ contra. His enim perspectis: magis fortasse perceperimus, quānam sit res publica optima, & quomodo vnaquæque disposita: quibusve legibus vtens, ac moribus bene fuerit constituta. Dicamus igitur hinc initio sumpto.

## Commen.

**A**T enim si de his ipsis atque virtutibus, & insuper. ] Hoc est quartū capitulū huius tractatus & vltimū totius libri, in quo philosophus completa iā doctrina de moribus, & postremo de vltimo fine humano, nūc determinat de ferendis legibus, quibus homo potest eua- 77  
dere bonus, ostendēdo non solū oportere scire, quid sit virtus, & ratio bene viuēdi in iis quæ aguntur: sed etiam deducere in actum, & hoc addere videtur philosophus, vt hinc occasione sumpta commodè transeat ad librū Politicorum vt hominem primo in hoc libro bonis moribus virtutibusque instituat, deinde per illum cōstituat in ciuitate, & in ciuili vita quo ad fieri potest felicem reddat. Diuiditur autem hoc capitulum in tres partes, quæ suis locis patebunt. Primo igitur ostēdit philosophus, quod nō sufficit cognoscere hæc præcepta, sed oportet deducere in actum, & ex equi. nos igitur volebamus ostēdere quonā pacto homo bonus, & bonis moribus institutus euadere potest docēdo de virtutibus, & amicitia, & voluptate, est ne finis nostræ intētionis? & videtur respondere quasi quòd nostra intētio quantū ad doctrinā de virtutibus, & moribus esset completa: sed hoc nō sufficit cum finis in rebus agendis nō cōsistat in doctrina, & cognitione: sed in actione. nō enim satis est scire quid aut quales sint virtutes: sed requiritur vlti-  
us vt eas consequamur, & operemur secundū illas. [ s i igitur verba sufficerent. ] Ostēdit quod doctrina non sufficit ad faciendū virū bonum. Nā si hoc esset dicit philosophus, magnā mercedē 78  
reportarent sermones suauis Theognidis sentētia: sed requiritur bona institutio, quare sunt nōnulli ingenui, ita educati vt verbis, & monitis ad virtutem ac honestatem consequendam facile



possint compelli, plerique vero vt est imperita multitudo, sic se habent vt trahi ad virtutes, aut reuocari à vitiis non posse videantur suasionē verborum, aut monitionē atque doctrinā: sed si à turpibus abstinent id potius faciunt metu vel pœna, quare patet quòd verba & sermones per se non sufficiunt ad faciendos viros bonos, sed requiritur & bona educatio, & consuetudo. [S E D satis est fortasse.] Quasi dicat satis putandum est si ista omnia adsint, scilicet bonum ingenium, & doctrinā, & institutio quibus disponimur ad bene operandum, tandem ipsam virtutem consequamur quæ cum acquiratur cum difficultate: non sermonibus contenti esse debemus, sed etiā consuetudinem adhibere. [I E R I autem bonos alii natura.] Ostendit hac in parte philosophus q̃ ad hoc vt homines communiter fiant boni sermonibus & præceptis doctrinæ, requiritur consuetudo vel institutio bona. Probatur, homines sunt boni communi sententia, aut natura, aut doctrinā, aut consuetudine: sed non proprie natura, nec statim etiā doctrinā, ergo consuetudine. Patet ratio vel declaratur à philosopho, cum probitas pendeat ab electione nostrā, & sit in nostrā potestate, natura nō proprie efficiamur boni. hoc probauit philosophus in secundo ethicorum vbi differuit, & ostendit nullam virtutem inesse nobis à natura, & si apti simus natura magis, aut minus ad illas suscipiendas, vnde nec à natura, nec præter naturam nobis inesse dicuntur, tamen nō consistit in ea proprie cum simus liberi ad vtrumlibet consequendum, vitium vel virtutem, & in nostrā non sit potestate natura esse aptos magis vel minus: sed est donum naturæ vel dei, & diuinæ causæ, à conceptione enim trahunt indiuidua complexionem, id est partim à parentibus, partim ab influxu corporis cœlestis, hinc concedente deo variæ dispositiones naturales oriuntur, & aptitudines ad virtutes suscipiendas, quas aptitudines in sexto huius appellauit virtutes quocuoq̃ modo naturales, quantus non sint virtutes proprie. Itaque eo in loco ait philosophus, vt in ea parte animi quæ principium est opinandi, sunt duæ species, aptitudo scilicet perspicendi atque prudentia, sic & in ea parte quæ ad ipsos pertinet mores sunt species duæ, vna naturalis virtus, altera proprie virtus, ex quo patet quòd licet naturalis illa dispositio conferat ad virtutem, tamen parum prodesset: nisi consuetudo accederet ex libero nostro arbitrio, & recta electione proueniens. Item doctrinā non satis sufficit, sed in iis facit fructum qui quocuoq̃ modo bona educatione sunt ad eā suscipiendā dispositi, sicut ager cultus qui semina sit nutriturus: vnde in principio bene inquit institutum moribus eum esse oportet, qui de honestis, & iustis, & omni ciuili ratione sufficienter est auditurus. Quare animus eius qui est doctrinam susceptrus est tanquam ager, mos & educatio tanquam cultus terræ, doctrinā vero vt semen quod non habet vim in omnibus, sed in terra bene culta: sic doctrinā non habet vim nisi adsit institutio bona, nam quæ sequitur perturbationem animi consuetudine firmatam, non cedit soli sermoni sed oportet vt vi ipsa reprimatur, ex quo patet quòd consuetudine principaliter boni fieri videmur. vnde in principio secundi, moralis, inquit, virtus consuetudine comparatur. Quare vt monentis doctrinā efficaciam habeat, oportet bonam educationem præcedere: quia aliquo modo disponatur animus hominis ad odendum turpia, & gaudendum rebus honestis. [A T enim difficile est rectam.] Summo ordine, vt consuevit, procedit philosophus. Nam declarauit bonam institutionem esse quodam modo principaliter causam vt efficiamur boni, non loquimur autem de vniuersalissima, & principalissima causa bonorum omnium, id est ipso deo: nunc ostendit quòd lex requiritur necessario ad bonam assuefactionem & bonam institutionem comparandam, quia ipsa compellit, & quodam modo cogit homines vivere secundum bonos mores. difficile est enim quòd aliquis ab præsertim iuuentute ducatur ad virtutes, nisi sub bonis legibus nutriatur, ideo oportet vt lex afferat bonam institutionem, & exercitia honesta compellendo iuuenes vt bonis moribus assuecant, studisque honestis, quæ & si molesta ab initio appareant, tamen cum sint communia æquo animo feruntur, & posteaquam in consuetudinem venerint, iocunditatem & facilitatem afferunt. Addit vterius philosophus quod non sufficit bonam educationem habere à legibus in iuuentute, sed videtur necessariæ esse leges etiam per totam vitam, vt conferuntur exercitia bona, & consuetudine boni mores perficiantur. Sunt præterea nonnulli qui magis parent necessitati & pœnis, quàm rationi, ideo censebant nonnulli legumlatores, cum homines plerunque trifariam reperiantur, aut ingenui, & bene dispositi, aut tardiores, aut insanabiles, in ferendis legibus tria præcipue seruare debere. Primum admonitiones, & exhortationes, quibus homines bene educatos concitent ad virtutem capeffendam gratia honestatis. Deinde iis qui sunt tardiores ad bene viuendum, & inobedientes rectæ rationi, pœnas constituere accommodatas, & directæ contrarias morbis illorum, vt talibus veluti medicinis quibusdā ad sanitatem reuocentur, & castigatione à vitiis retrahantur. Remedia vero debent & medicinæ concupitis voluptatibus esse contraria, nam contraria vt inquirunt contrariis curantur. Non enim auaritia abstinentia, sed liberalitate, nec luxuria liberalitate proprie: sed abstinentia & temperantia pellitur. De iis vero qui incurabiles ponebantur patet in textu. [Q U O D S I HÆC ad probitatem.] Hanc particulam addere videtur philosophus, quia cum virtus debeat esse voluntaria, declarandus est hic locus ne videamur inuiti virtutem acquirere, ideo videtur restituere quod primo dixit, adhībendam esse bonam educationem à rectā & ordinatā ratione proficiscentem, quæ iubeat, & impellat ad probitatem, & tamen æquo animo feratur, sed quæ nam

esse potest ista, patris ne præcepto ac institutio? sed nunc posthabere eam videtur: quam inferius dicit oportere adesse, si educandæ iuuentutis publica non adhibeatur cura. Dicit autem ad hoc propositum quòd admonitio paterna non habet hanc vim vt compellat homines, & aliorum ad monitiones, etiam si rectæ sint odio habentur ab iis qui suis cupiditatibus obsequi volunt: sed lex est illa quæ cõpellit, & iubet circa ea quæ sunt proba, & cum sit omnibus cõmunis, & plerumque absint legumlatores æquo animo sustinetur, & non est iniusta: sic igitur per ordinem patuit, quòd si sermones, & doctrina facere debeant fructum, opus est educatione, & institutione bona: ad hoc autem vt fiat bona institutio opus est legibus. [A T vero in Lacedæmoniorum quidem ciuitate.] Hæc est secunda pars huius capituli, in qua philosophus cum antea ostendit ad bonam institutionem necessariam esse legem prouenientem ab aliqua prudentia: nunc serio, & ordine declarat oportere hominem eniti vt aptus euadat ad ferendas leges, & quomodo hoc fieri possit ostendit. ex quo statim post hunc librum ponit librum Politicorum in quo diffusè docet de ferendis legibus. Dicitur est. n. in sexto huius hoc esse præcipuum munus facultatis ciuilius. Dicit autem in primis philosophus quòd cum omnes ciuitates & respub. deberent curare legibus, vt iuuentus recte educaretur, & ponerentur leges quibus homines ad virtutem capiendam cõcitarentur, Lacedæmoniorum ciuitas sola vel alia admodum pauca hæc diligentiam adhibent legum ferendarum, & instruendæ iuuentutis, in plurimis autem neglecta sunt ista dicit philosophus, & viuunt ad placitum, & libitum veluti Cyclopes. [Q V O D si negligitur publice.] Probat nunc philosophus ob ea quæ dixit oportere hominem ciuilem aptum esse debere ad leges ferendas, hoc pacto, si hominem oportet curam habere vt dirigantur filii, & amici ad consequendas virtutes, oportet etiam vt sit aptus ad leges ferendas: at primum est, ergo & secundum, verum cum leges publicæ & priuatæ esse videantur: opera danda est vt publice institutio non sit adhibita legibus, priuatim quisque curam adhibeat vt filii ad virtutem dirigantur. & ideo oportet vt sit aptus, & bonus lator legum vt honeste erudiantur filii sub paternis legibus: quòd si ex defectu filiorum hoc consequi non possit, saltem debet velle, & eniti vt sit aptus, ne ex parte sua deficiat, quia publicæ leges, & priuatæ videntur quoquo modo conuenire. [N E C interesse quicquam videtur.] Quatuor videtur afferre conditiones philosophus, per quas forte putaret aliquis publicas leges differre à priuatis, quibus vitur paterfamilias in domo sua veluti debet, atque ex eo crederet hanc peritiam erudiendi priuatim homines non esse de facultate legum ferendarum. Has igitur assert conditiones vel nullæ sunt vel paruæ. Prima differentia esse videtur quòd leges publicæ sint scriptæ, priuatæ non scriptæ: sed hæc nulla penè differentia est dūmodo sit bona lex siue sit scripta, siue non scripta. [N E C si per illas vnus aut plures.] Secunda conditio vel differentia esse videtur qd publicæ leges videntur erudire, & instituere omnes ciues, priuatæ vero atque paternæ vnū vel admodū paucos, & tamen hæc differentia non est tanti momēti, vt faciat qd priuatæ etiā non sint leges. Nam vt in musica dantur præcepta, & siue vnus siue plures instituuntur, illa tamē sunt præcepta, sic in priuatis legibus non tollitur ob paucitatem eorū qui instituuntur quin illæ sint appellandæ leges, dūmodo sint bonæ [N A M vt in ciuitatibus.] Alia differentia vel conditio est pene eadem cum superiore quòd vim habere videntur publicæ leges in ciuitate tota, priuatæ autem in vna domo. tamen hoc non tollit quin priuatæ sint etiā leges cum habeant similem rationem, quin etiam non minus ad ipsam educationem prodesse videntur, quàm publicæ ob reuerentiam quandam innatam filiis, naturaliter erga parentes. Dubitatur qui antea philosophus dixit præcepta patris non habere eam vim quam habent leges, hic autem dicit habere maiorem, hæc videntur inter se repugnare. Dicendum quòd philosophus superius afferbat in medium homines male institutos, & difficiles ad obtemperandum, & hominū inquit eos plerique odisse solent qui ipsorum appetitionibus aduersantur, tales indigent legum viis: sed apud ingenuos, & faciles ad obtemperandū præcepta paterna vim habent maiorem: sed apud eos qui sunt tardiores, & inobedientes facti maiorem vim habent leges ob necessitatē, & pœnas, & de talibus eo in loco videbatur loqui philosophus. [D I F F E R V N T insuper & instituta.] Quarta conditio vel differentia est, quæ etiam non est talis, vt faciat priuatas non esse leges. Nam quia leges publicæ loquuntur vniuersaliter, priuatæ vero sunt particulares, ideo videtur quibusdā quòd non proficiuntur ab eadem facultate. hoc & si facere videatur aliquam differentiam, tamen leges priuatæ videntur magis accommodatæ vnicuique quàm publicæ. Nam sicut fit in medicina, ita in huiusmodi legibus euenire videtur: sed in medicina ita fit vt quidam habeat scientiam, in vniuersali, quidam aliqua particularia percipiat per experientiam quandam, & talis poterit secundum illam magis accommodare mederi alicui, quàm ille qui vniuersaliter scit: sic etiā eueniet in huiusmodi legibus, nā est vniuersalis regula in medicina, qd simpliciter febricitanti prodest abstinentia, & quies: sed alicui tamen non prodest veluti in aliquo vehementer debili non erit obseruanda abstinentia, & sic vniuersalia in medicina propter diuersas naturæ complexiones non semper accommodantur singularibus. Hoc etiam fit à magistris ludii, qui non eosdem ludos omnibus pugilibus imponūt, & sic ferme in aliis facultatibus euenire videtur, qd id quod est in vniuersali non accommodatur statim singulari, vnde priuatæ atque paternæ leges cuique appropriatæ, & accommodatæ

datæ videntur. Scit enim paterfamilias naturam liberorum, & proprie accommodare potest ad eorum educationem instituta sua, sed ne videatur quòd Philosophus procedat contra doctrinam vniuersalem, quam ipse proficetur, & tradit, & quod irruat contra vniuersalem facultatem legum ferendarum, quæ pertinent præcipue ad prudentem ciuilem. ideo dicit quòd medicus habens scientiam in vniuersali, vt theoricus postea descendat ad particularia, adiungendo experientiam optime, tum poterit accommodare scientiam illam singularibus: fieri tamen potest vt aliquis scientiæ expertus sine cognitione regulæ vniuersalis, experientia quadam aliquibus indiuiduis medeatur, vt aliquis sibiipsum verum addit Philosophus q̃ ille qui vult fieri artifex, & speculatiuus, debet eniti accedere ad ipsum vniuersale. & illud cognoscere eo modo quo patitur natura illius vniuersalis. Quod adiunxisse videtur Philosophus, quia sunt nonnulla vniuersalia necessaria, vt in mathematicis: nonnulla vero talia sunt vt cuncta complectantur, id est eis quæ contingere possunt, non semper accommodantur: sicut de illa regula vniuersali dictum est supra, q̃ simpliciter febricanti prodest abstinentia & quies: nan in aliquibus non valet, sed fallit: simile est illud quod dicitur in quinto. Fieri autem non potest vt de quibusdam vniuersaliter rectè dicatur. In quibus igitur necesse est vniuersaliter dicere, fieri vero non potest vt rectè dicatur: in his lex accipit id quod plerunq̃ fieri solet, non ignorans errorem, & est nihilominus recta. Error enim non est in lege, nec in ipso legislatore, sed in ipsa rei natura & cætera, quare nitendum vniuersale ipsum cognoscere eo modo quo fieri potest, & quo patitur natura rerum de quibus est ipsum vniuersale. Concludit postea Philosophus, resumendo illud quod superius dixit, q̃ oportet vnumquemque qui debet instituere, aut paucos, vt paterfamilias: aut multos, vt gubernator ciuitatis, de quo superius intendit aptum esse ad ferendas leges. Nam paterfamilias habere debet facultatem legum ferendarum, vt rectè sciat & possit instituere liberos suos. Est enim optimum publice præuidere, vt iuuentus, & homines bonis moribus instituantur, & ad virtutes dirigantur, quòd si publice negligatur, vt plerunq̃ in ciuitatibus fit, tunc priuatim patresfamilias debent cogitationem suscipere de moribus filiorum, & operam dare, vt à teneris annis sub optimis disciplinis & exercitiis viuere discant. Non enim parum, sed multum, imò totum refert, vt in secundo dixit Philosophus, hoc an illo modo ab adolescentia assuescere, sed multi sunt qui hæc curam negligunt, contra quos inuehitur Plato, dicendo quòd quidam sunt qui maiorem curam habent equorum vel aliorum brutorum quam quibus delectantur, quam filiorum: oportet igitur vt paterfamilias, qui debet cura & diligentia sua facere alios bonos, & studiosos sit aptus ad ferendas leges, ex quibus provenit educatio, & assuesfactio bona. Et ipsæ præterea ciuilis gubernator debet habere optimam facultatem ferendarum legum cum multis providere debeat, & bonis moribus ciuitatem munire quare paucorum gubernator debet esse aptus ad ferendas leges, & vltimus, & multorum longe magis de quo præcipue & principaliter intèdit Philosophus, & vult q̃ habeat facultatem legum ferendarum, quod in ciue & gubernatore videtur esse præcipuum, vt in sexto vidimus. [Hæc cum ita sint, considerare ne.] Hæc est tertia pars huius vltimi cap. in qua Philosophus posteaquam ostendit bonam educationem magnopere conferre ad acquirendas virtutes, & ad ipsam institutionem requiri bonas leges, atque ideo oportere ciuem aptum esse ad ferendas leges, nunc declarat intèdit quomodo talis potest euadere aptus, & videtur mouere dubitationem, deinde soluere, postremo polliceri se modum traditurum, quod facit postea in libris Politicorum. Dicit igitur in primis quis est modus, & à quo potest acquiri talis ars atq; facultas, an ex sese, an ab alio: & si ab alio à quo nã, & vnde? & incipit dicere q̃ videtur esse conueniens vt sumatur hæc facultas ab iis qui rempub. administrant, & hoc declarat, sicut fit in aliis facultatibus, ita in re ciuili & facultate legum ferendarum: sed in aliis fit ita, vt qui eas exercent, & operantur circa illas, tradant etiã doctrinã talium facultatum, vt medicus medetur, & docet artē medicinæ, & pictor eodem pacto, & alij artifices: ita etiã fieri videtur in re ipsa, & facultate ciuili, cuius præcipuum munus esse videtur, vt in sexto dictum fuit cõdere leges. [A N nō similiter in re ciuili.] Nunc videtur Philosophus declarare superiorem sententiã, & similitudinē nō valere, & ostendere eos qui repub. gerunt nō esse sufficētes ad tradendã talē facultatē, quia nō fit in re ciuili vt in aliis facultatibus, & huiusmodi artibus, in quibus artifices exercent sese, & eas etiã tradunt, sed ii qui in repub. versantur, nō docēt talē facultatē, nec tradūt doctrinã quandã vniuersalē rei ciuili, & præsertim ferendi leges, cuius rei facultas videtur esse rei ciuili maxima pars, exercent tamē rempub. experientia quadã, sed sunt alij ecōuerso qui proficiunt se habere sententiã huiusmodi facultatis vt philosophi, & tamen nullã experientiã vel vsum habēt tractandæ reipub. Quod autem ii qui in repub. versantur non sint sufficētes ad tradendũ hanc doctrinã facultatis huiusmodi probat philosophus hoc pacto, ii qui non habent scientiã in vniuersali, sed potius experientiã quandã per quam sūt aptiores ad gerendã singula in repub. nō sunt sufficētes ad tradendũ doctrinã huius facultatis ciuili, & legum ferendarum: sed ii qui in repub. versantur sunt huiusmodi, ergo tales non sunt sufficētes. & hoc etiã patet ex eo, quia id iam fecissent cum sit lōge præclarior scribere de iis quam cõponere orationes iudiciales vel deliberatiuas. Secūda ratio, si ii qui versantur in repub. possent & sufficētes essent tradere doctrinã ciuili facultatis proculdubio traderent eã filiis & amicis, & ciuibus suis: at hoc nō faciunt, & tamen facerent vt diximus, si possent recte id facere, quia

## ETHICORVM

hereditatem præclaram relinquerent illis, & omni patrimonio præstantiorē, & tamen ne videatur quod experientia parū cōferat, & vsus tractandæ reipub.ideo remouet hæc obiectionē, dicendo quod nō parū conferre ad hoc videtur experientia rerum ciuiliū, cū etiam per ipsam fiant homines ad agendam reipub. aptiores, & ii præterea qui scientiam ciuilem habere cupiunt, indigeant experientia tali, sed non est inutile ad hoc propositum reducere ad memoriam ea quæ dicta sunt in sexto de ciuili facultate, quæ circa vniuersalia versatur, & fert leges, & præsidet vt architectura. Alia est gubernatio, quæ & deliberatiua esse, & versari circa singula videtur. Sophistarum autem, declarat Philosophus quod sophistæ sunt valde insufficientes ad hæc doctrinā tradendā, probatur, ii qui nesciunt facultatē ciuilem, quale quid sit & circa quod, nō possunt eam docere & tradere: sed sophistæ sunt huiusmodi, ergo nō possunt eam tradere, & sunt valde insufficientes, quod autem talis ignorent Philosophus probat hoc pacto, ii qui dicūt oratoriam facultatē esse idē cū facultate politica & ciuili, vel non esse inferiorē eadem: ii ignorant politica quale quid sit, sed sophistæ sunt huiusmodi, ergo ii ignorant qualis sit facultas ciuilis: nam oratoria est instrumētum ciuilis: ergo nō est idē cum ea. Sophistæ tamen id dicunt quorū de numero Prodicū Chium, & Leontinū illū Gorgiam quidā fuisse tradunt. Probat præterea Philosophus quod ii etiam ignorant circa quod versatur facultas ciuilis, quia dicunt hoc esse facile, & fieri facile posse si congregētur leges, & magis probatæ excipiantur. Itaque in hoc cōsistere putabāt facultatē ferendarū legum, verū aliud esse videtur cōdere leges, aliud cōditas colligere & selegere. Præterea eligere magis probatas leges videtur esse prudētia, quæ est in paucis, & cū difficultate acquiritur: sed leges videntur esse opera facultatis ciuilis, & qui habet talē facultatē recte potest iudicare de illis, sicut alii artifices de operibus suis, vt musici & pictores, quisque enim recte iudicat quæ cognoscit, & eorum bonus est iudex, vt dixit in primo, qui igitur fieri potest vt eligere possint optimas atque exinde cōsequi scientiā ciuilem, & facultatē ferendarū legū, cū prius habere debeant scientiam talem, postea cōdere leges: nec etiam medici euadūt ex libris, sed qui habent scientiam per principia sua, & experientiam adhibent. Eodē modo nō consequētur talē facultatē ex cōgregatione legum, sed bene fient forsitan per hoc ad ipsas cōprehendēdas aptiores, vt patet in textu. Hæc cum ita sint, cū declarauerit Philosophus quod neutri illorū sufficientes sunt ad tradendā doctrinā ciuilis facultatis, & legū ferendarū, proficitur ipse tale munus se suscepit, & ideo hoc capitulū videtur necdū cū libris ciuiliū, itaq; expleta iam doctrina de moribus ipsū attulit, quasi diceret, hæc quæ de moribus tradidimus, non consistat in doctrina & cognitione, sed in actione. At hoc non potest acquiri sine institutione, quæ fieri non potest sine legibus, & legum positione, quare oportet vt ciuilis sit aptus ad ferēdas leges pro institutione tali, sed quomodo fieri potest istud? Quis erit doctor? an illi qui versantur in reipub. an sophistæ & rhetores, at neutri ipsorum sunt sufficientes, quod igitur est agendū? Dicit ergo cum hæc fuerint neglecta à maioribus nostris, oportet vt nos aggrediamur hoc opus, & huius facultatis tradamus doctrinam, vt actiua philosophia ex omni parte perficiatur, & hoc pacto, decimo huic & vltimo Ethicorum finem imponit.

### EPILOGVS LIBRI ETHICORVM.

**E**XPOSITIS omnibus iis quæ in hoc libro moralium declaratione indigere videbantur, nunc non inutile esse arbitramur ad hoc, vt magis menti in hæreat ordo Philosophi, capitula rerum quæ singulis libris continentur summam repetere. Primū cū sententiā huius Philosophi homo nō habeat perfectionē innatam, vt ab initio diximus, sed egregias potentias habeat, quibus etiā cōsequi potest. decreuit Aristoteles viam patefacere nobis, qua ad eam acquirendam possemus accedere, itaque hanc doctrinam de moribus tradidit summo studio ac diligentia, proponēs nobis felicitatem humanā, mediāq; deinde ostēdens quæ sententiā sua ad eam perducunt. Constituere enim felicem intēdit quoad fieri potest, & humana quidē felicitate, quæ vltimus dicitur finis in rebus humanis. Primo igitur libro querit si est talis finis, & cum sit, quid nam, & qualis, & qua causā sit, & in qua potentia animæ consistat. Ostendit autem in primis cum multi sint fines, & non sit processio in infinitum, necessarium esse deuenire ad vltimum finem in rebus humanis ad quem nostræ intentiones, & cæteri fines aliarum rerum nostrarum tanquā ad optimum referantur. Quo probato, querit quidnam iste sit, & cū omnes in nomine conueniant quod dicit summū bonum, querit quid sit ipsa res, & affert multas opiniones. (alii enim honorem, alii voluptatem, alii item aliud id esse censebāt) quibus recitatis nōnullisq; earum posthabitis, illas tantū refellit quæ cōfutatione indigere videbātur, & ipsam præferim opinionē Platonis de summo bono abstracto, & idæa boni, quæ vehemētius quàm alia cū vrgebat, multis rationibus la beatæ re nitiatur, erat enim sententiā illa, & autoritate Platonis, & subtilitate rei ea tēpore celebrata. Post hæc philosophus affert talē definitionē felicitatis secundū sententiā suam. Felicitas est operatio animæ per virtutē in vita perfectā, cui definitioni addere possumus hæc par ticulā summā cū iucunditate, quia est ei cōiuncta, & annexa vt in x. ostēdit, præterea accomodare possumus hæc definitionē tam actiue quàm cōtēplatiue felicitati, si sumamus virtutē in cōmuni, vt cōpetere potest tam actiue quàm speculatiue virtuti, quare definitio felicitatis actiue erit

talis. Felicitas actiua est operatio animæ secundum perfectissimam virtutem actiua summa cum iucunditate in vita perfecta, contemplatiua vero est operatio animæ secundum perfectissimam virtutem contemplatiua summa cum iucunditate in vita perfecta. Philosophus non videtur asserere eo in loco talem distinctionem: sed colligitur postea in x. ubi comparat istas inter se, & ambas declarat, & semper intelligitur quod de felicitate loquitur humana, & per totum librum, præterquam in decimo potius de actiua quam de contemplatiua loqui videtur. Hac diffinitione asseritur nititur philosophus trahere ad propositum suum quicquid boni habent illæ antiquorum opiniones ut intelligatur q̄ siquid continent veritatis consonum est sententiæ suæ ut sit quali confirmatio quædam diffinitionis allatæ, considerat deinde à qua nam causa sit ipsa felicitas, & ostendit q̄ non à natura nõ à fortuna est in nobis talis felicitas. Non enim esset in nostra potestate, & quantum corpus cæleste, & natura concurrere videantur quoque modo ad dispositionem nostram ob ipsam complexionem, tamen ostendit q̄ principaliter est situm in nobis, & omnino in nostra voluntate & electione eam acquirere, non loquimur autem de deo, qui vniuersalisima & principalissima causa bonorum omnium semper esse præsupponitur, sed de causa propinqua, quæ in nostra ponitur potestate, cum principium sponte agendi liberumque arbitrium habeamus. Quæ nostra postea philosophus cuius nam sit talis felicitas, & ostendit q̄ est hominis non plantæ, nõ brutum, non hominis prauum, sed virtute perfecti. Quare dicere possumus felicitatem competere propinquissime homini studioso, & si actiuam sumere volumus dicemus eam competere homini viuenti secundum rationem, & appetitum obtemperantem rationi. si vero contemplatiua dicere possumus eam competere homini viuenti vita, ut ita loquar, intellectiua, & secundum eam potentiam quæ est nobilissima omnium quæ sunt in nobis, ut patet in decimo. Refellit deinde Philosophus opinionem Solonis dicentis finem spectare oportere ad hoc vt aliquis dicatur felix, & ostendit cum potius esse appellandum felicem in quo est felicitas, nõ eum in quo iam fuit: sicut dicimus album eum in quo est albedo, non eum in quo fuit, & loquitur de felicitate humana quæ sententia nostræ fidei si vlla in hac vita ponatur non acquiramus hic felicitatem talem vt eadem fruamur post mortem: sed ista est vestigium, & quasi similitudo quædam summa, & veræ felicitatis illius quæ est in alia vita. i. fructio dei vt sacri scriptores ostendunt, ulterius querit philosophus quale bonum sit ipsa felicitas. Bonum enim aut laudabile, aut honorabile dici solet, laudabile dicitur cum est ob aliud. Laudamus enim bonum equum quia bene fert hominem, & ob aliud. Deum vero, vt dicit Philosophus, non laudamus ob aliud, & proprie: sed veneramur, & honoramus ob seipsum: felicitas igitur, quia est summum bonum humanum, & non dicitur esse ob aliud, est de numero bonorum honorabilium, vnde honos cum dicitur esse præmium virtutis, & ob ipsam virtutem, intelligendum est cum virtus est in operatione & actu. Cæterum cum dictum fuerit felicitatem esse operationem animæ, statim Philosophus diuidit potentias animæ pro tanto considerans eam quantum ad hoc propositum spectat. i. vt inueniat in qua potentia animæ ipsa felicitas tanquam in subiecto consistat, simul etiam vt ex diuisione potentiarum habeat sufficientiam virtutum tam moralium quam intellectiuarum. Distinguit igitur partes seu potentias animæ humanæ bifariam, & dicit aliam esse rationalem, aliam irrationalem. Rursus irrationalem esse duplicem, aut esse omnino remotam à ratione, vt est vegetatiua quam posthabendam censet, aut aptam vt possit obedire rationi, & hæc appetitus sensituius, qui quoque modo dicitur fieri rationalis non per essentiam: sed per quandam participationem cum obtemperat rationi, sicut filium dicimus obtemperare parenti, aut discipulum magistro suo. Ad hanc vero obedientiam appetitus disponitur per virtutes morales. Rationalis autem, & ipsa bifariam sumitur, rationalis inquam secundum essentiam & naturam suam, quia aut actiua dicitur esse, aut speculatiua, & sic inueniemus subiectum felicitatis, quæ & ipsa est duplex, non q̄ suscipiatur in istis potentiis sine habitibus. i. ipsis virtutibus: sed collocantur in ipsis virtutes etiam. i. in actiua potentia rationali ipsa actiua virtus, vt est prudentia, in speculatiua vero ipsa speculatiua, vt est sapientia, vt autem ad propositum redeamus, cum potentiarum animæ alia sit rationalis per essentiam, alia irrationalis secundum naturam & essentiam suam, apta tamen vt possit quoque modo fieri rationalis per quandam participationem in quantum dicitur obtemperare rationi, ideo secundum hanc distinctionem non incongrue diuidentur virtutes, & alie dicuntur morales quæ appetitiuæ potentie animæ quodam modo perfectiui habitus sunt: alie intellectiue quæ in ipsa mente & intellectu vt perfectiones collocantur. Secundo autem in libro Philosophus cum iam in primo felicitatem proposuerit nobis tanquam sagittario signum, viam, & modum aperire incipit quo ipsum possumus attingere resoluenſo diffinitionem felicitatis secundum eas partes quæ declaratione indigere videtur, sed cum in tali diffinitione sumpta sit virtus tanquam præcipua pars, & ea sit præcipuum mediū quæ nos ad talē felicitatē perducit, merito Philosophus incipit tradere doctrinam de ipsis virtutibus, sumpta prius diuisione earum secundum potentias animæ, vt ante diximus. Incipit autem à moralibus. i. à notioribus nobis, vt seruetur modus doctrinæ, & primo querit non si sit virtus cui id iam patere videatur: præsertim cum antea ostensum sit esse felicitatē, & esse operationē secundum virtutē, sed querit à quo oriatur vel proveniat virtus, & ostendit q̄ virtutes morum non sunt in nobis à natura, nec fiunt præter naturā: sed sumus nos ad illas suscipiendes apti,

& generantur in nobis ex consuetudine bene operandi, & frequentatis actibus studiosis, ut enim ex consuetudine bene citharizandi boni euadimus citharædi: sic ex consuetudine operandi stitiose euadimus studiosi, & ex singulis operationibus bonis frequentius repetitis singulæ generantur virtutes in nobis, ut temperantia temperatis operationibus, & sic de aliis. Sic igitur potentia insita nobis est principium effectuum, & operatio instrumentum, ut ita loquar, quoddam quo possumus nobis studiosum acquirere, & producere operationem perfectam secundum talem habitum. Addit postea Philosophus quod significatio habituum sumitur ex dolore, aut voluptate quæ sequitur actiones, & quod moralis virtus versatur circa voluptates & dolores. Post hæc philosophus inuestigat diligenter quid sit ipsa virtus moralis, & demum assignat eius definitionem talem, Virtus est habitus electivus consistens in mediocritate quæ est ad nos determinata ratione, & ut sapiens terminaret. Hæc definitio competit tantum morali virtuti: sed potest dari communis definitio utrique virtuti, ut sit habitus bonus quem per operationes consequimur. Cōueniunt enim in his: sed differunt postea per illas particulas quæ adduntur, id est electivus, & in mediocritate consistens & reliqua. Assignata definitione virtutis moralis philosophus incipit asserere summam species eius, discurrendo breuiter per singulas virtutes morales, & adducendo fortitudinem, temperantiam, liberalitatem, magnificentiam, & cæteras alias, & ostendendo vnamquamque in mediocritate consistere, inter excessum, scilicet defectum, ex quo sequitur probatio quædam definitionis allatæ per inductionem, veluti temperantia est mediocritas inter intemperantiam, & insensibilitatem, fortitudo inter timiditatem & audaciam, & alia similitera: istæ omnes sunt virtutes, illa vero extrema excessus vel defectus, ergo virtus est mediocritas inter excessum & defectum ut patet inductive. Vterius ostendit philosophus quomodo extrema opponantur medio, & quomodo cōtrariantur inter se, & alterum magis quam alterū opponi videtur medio, id est quod virtus magis videtur propinqua esse vni quam alteri, non quia participet aliquid de illis, nam est forma simplex quæ dicitur medium per negationem extremorum, & nullo modo per participationem: sed quo ad nos, quia videtur habere minorem dissimilitudinem, & distantiam ab vno quam ab alio, ut liberalitas minus distat videtur à prodigalitate quam ipsa avaritia. Postremo docet philosophus quonam pacto consequi vel attingere medium possumus duos afferendo modos, vnum ex parte nostra, nam si quis est pronus ad alterum extremorum quod percipitur ex voluptate aut dolore, tunc flectere ipsum in contrarium oportet: ut si quis sit prodigijs ad avaritiam, declinet versus prodigalitatem, ut longius à delinquendo recedat medium inueniat. Alterū modū ex parte rei vel ipsorum habituum, consideranda est enim cōditio ipsorum habituum, & videndum utrum extremorum magis opponatur medio, veluti avaritia magis distat à medio, & magis ei opponitur, ergo magis est recedendum ab illa, & omnino ab quocūque extremo quod magis aduersatur medio, & sicerit facilius medium ac rectū ipsum attingere. Tercio in libro philosophus cum antea in genere virtutes attulisset breuiter eas tangendo & enumerando, ut diximus in secundo, consequens videbatur ut statim in specie, & particulariter de vnaquaque doceret virtutes: sed præcedebat cōsideratio quædam de principiis operationum nostrarum, quæ erat multis de causis necessaria. Nam cum dictum fuerit à philosopho felicitatem à virtute proficisci, videre oportuit à qua nam causa fieret virtus, & cum ostensum sit in secundo eam ex operationibus prouenire, rursus oportebat cōsiderare ex quibus orirentur operationes, ut fieret quasi resolutio quædam vsque ad prima principia, ex quibus oriuntur operationes, unde postea generatur virtus à qua demū proficiscitur ipsa felicitas, ut esset à primo ad vltimum ordinata cognitio. Accedebat præterea quod oportebat philosophū refellere opinionem quorundam qui dicebant virtutes esse in nostra potestate, non autem vitia, & ad hanc opinionem reprobandam requirebatur necessarium principiorum doctrina quæ sunt causa nostrarum operationū, & cōsequens ipsorum habituum, ita ut in nobis, & nostro arbitrio collocatum sit vitia vel virtutes acquirere. Acceperat præterea philosophus in definitione virtutis ipsam electionem quam declarare oportebat. Quare multis de causis, ut diximus hanc considerationem de principiis operationum nostrarum aggregavit philosophus, incipit autem tractare de principio sponte agendi: postea de consultatione tum de electione, quæ dicitur esse effectus cōsultationis proprie dictæ: demum de voluntate docet ea quæ necessaria sunt, declarando ista quatuor principia operationum nostrarum, & distinguendo ea inter se: quæ quidē principia sunt in nobis per quæ possumus ad arbitriū nostrū bene vel male operari. Unde philosophus statim post hæc refellit opinionem eorum qui dicebant virtutes tantum non autem vitia esse in nostra potestate collocata, ostendendo manifeste positum esse in nobis vtrumlibet. i. vitia vel virtutes acquirere cū finis domini operationū nostrarū, ex quibus deinde ipsi habitus sunt in nobis, post hæc incipit determinare particulariter de vnaquaque virtute & primo de fortitudine, & temperantia, quia sunt circa affectus cōmunes, & qui præcedunt actus externos, ideo doctrina etiā de habitibus qui sunt circa tales affectus precedere debet ea quæ est de habitibus qui se extendat etiā ad externos actus, ideo incipit ab iis, simul etiā quia sunt quoquo modo istæ virtutes nobis notiores cū versentur circa irā & cōcupiscentiam, qui duo affectus maxime percipiuntur à nobis. Incipiendū est autē à magis notis nobis ut sapius dictū fuit, docet igitur de fortitudine, postea de temperantia philosophus, ostendēdo primo obiecta eorū circa quæ



versantur, deinde actus & operationes ipsarum & proprietates, demum cōparat ipsa extrema, & talem ordinem seruat quasi in omnibus moralibus. Quarto autem in libro sequitur philosophus docere de aliis virtutibus, videlicet de liberalitate, & magnificentia, de magnanimitate, & innotata virtute, de mansuetudine, & de tribus mediocritatibus quæ dicuntur versari circa communem vitam, & conuersationem hominum in verbis & actibus, videlicet de veracitate seu de veritate vt ita loquar, & affabilitate seu amicitia quæ penuria nominum improprie appellantur talibus nominibus. Tertia est ipsa vrbauitas seu comitas. Postremo de verecūdia docet quā ostendit non esse virtutem cum non sit affectus, sed affectus, licet in iuuenibus signum quoddam bonæ indolis esse videatur, vt patet. Quinto in libro philosophus aggreditur doctrinā de ipsa iustitia quæ inter morales est virtus valde præclara, & miro quodā ordine procedit. Primo enim incipit generaliter, & in communi tractare de ipsa, deinde paulatim eam distinguit & aperit. Primo enim describit iustitiam in communi, similiter & iniustitiam: deinde quia multifariam iustitia dicitur, & etiam iniustitia, vt omnem confusionem tollat incipit eam diuidere, dicendo quædam est iustitia legitima quæ tota dicitur virtus, & aggregatum quoddam ex omnibus virtutibus constans, alia est iniustitia quæ pars vel particularis dici solet, & est distincta virtus sicut alia virtutes, & primo de clarat legitimam, & ostendit eam esse perfectam virtutem, & continere in se virtutes omnes morales, esseque idem re cum virtute tota, differre autem ratione. Sumit deinde particularem iustitiam, & eam subdiuidit in distributiuam, & commutatiuam seu correptiuam commerciorum, & vtrunque exactissime declarat, & primo distributiuam ostendendo eam esse mediocritatem secundum similitudinem rationis geometricam, vbi præcipue attenditur dignitas, & conditio personarum, deinde commutatiuam seu correctiuam commerciorum mediocritatem esse ostendit, præcipue secundum similitudinem rationis arithmetica, quia respicit magis æqualitatem rerum quam dignitatem vel conditionem personarum. Post hæc philosophus mouet quæstiones quasdam ad hanc materiam patefacit natura, vt ita loquar, iustitiæ. Affert deinde philosophus illam præclarissimam virtutem, quæ dicitur æquitas & bonitas, hæc videtur quoddammodo esse iustitia quædam vel potius præter iustitiam virtus præclarior ipsa cum sit emendatiua iusti legitimi, & vir bonus, & æquus emendator eius in quo lex aut legislator deficit non sua forsitan culpa, sed natura atque varietate rerum, quæ non videtur lege omnino, & ad vnguem posse comprehendi. Postremo philosophus soluere videtur quæstionē vel dubitationem quandam antea motam, quæ querebatur vtrum quis sibi ipsi iniuriam faciat, & ostendit quod non potest quis sponte sibi iniuriā facere, nec etiam iustitia proprie ad seipsum dicitur cū sit ad alium, nisi per translationem & similitudinem quandam, & sic videtur tangere opinionem Platonis, qui iustitiam esse dicebat, non modo ad alium: sed etiam ad seipsum cum tribuebat cuique potentia quod suum est ordine naturæ, id est imperium rationi, obedientia vero & obsecuto appetitui sensitiuo. Sextus deinde sequitur liber, in quo philosophus de virtutibus intellectiuis tradit doctrinā, & præsertim de ipsa prudētia quæ coniungitur cū morali virtute, de qua cōsiderare necessarium erat cū in definitione virtutis dictū esset medium esse secundum vt recta ratio, id est vt ipsa prudētia dicat, simul etiam considerandum erat de aliis habitibus intellectiuis, cum in fine primi libri diuississet virtutes in morales, & intellectiuas secundum potentias animæ, & expleta doctrina virtutum moralium consequens erat vt de intellectiuis quæ restabant etiam doceret, præsertim cum earum cognitio ad perfectā cognitionem vtriusque felicitatis magnopere pertinere videatur. Actiua enim felicitas præcipue ab ipsa prudētia, speculatiua vero à sapientia proficisci videtur. quare philosophus in hoc libro incipit resumere potentiam rationalem animæ, quam de virtutibus morum tractaturus in hunc locum distulerat, eamque primo duplicem esse declarat, id est vnam speculatiuam circa ea quæ aliter se habere non possunt. Aliam circa ea quæ possunt aliter se habere, in speculatiua ponit habitum principiorum qui dicitur intellectus, cum scientiam, & ipsam demum sapientiam, illa vero quæ versatur circa ea quæ possunt aliter se habere & sunt à nobis, aut sunt agibilia, aut factibilia, & ipsa quoque aut actiua erit, aut factiua, & in actiua ponitur ipsa prudētia, in factiua vero ipsa ars. Congruum enim ac prope necessarium sibi videtur ponere principium actiuum esse diuersum à principio factiui, diuersitate obiectorum circa quæ versantur. Aliud est enim obiectum factibile circa quod versatur ars, & aliud agibile circa quod versatur prudētia. Quare cum diuersa sint obiecta diuersi erunt habitus, & diuersæ potentia, sicut de speculatiua etiam potentia dicimus, & arguimus eam esse diuersam ab actiua vel factiua ex diuersitate obiectorum, quanuis eius diuersitas magis appareat, sic igitur quinque habitus intellectiui afferuntur ab ipso philosopho, videlicet prudētia, ars, intellectus, scientia, & ipsa sapientia, quorum vnumquemque philosophus diligenter declarat, afferendo definitiones eorum, & ea quæ competunt illis, & distinguendo eos inter sese: tres autem, vt diximus, in potentia seu mente speculatiua ponuntur, intellectus qui est habitus principiorum, & scientia quæ est habitus conclusiui, & ipsa domina sapientia quæ est habitus constans ex vtriusque cum summa perfectione. Vnde à Philosopho dicitur esse intellectus simul, & scientia præstantissimorum natura, in actiua vero intellectu prout ipsa prudētia.

tia, in factiuo vero ars, vt antea diximus. Post hæc Philosophus omiſſa arte, quia parum ad felicitatem videtur conferre: omiſſa quoque ſcientia, & habitu principiorum quæ ſapientia cõtineri videntur, deinceps loquitur potius de ſapientia atque prudentia, quarum virtutum alia ad felicitatem ſpeculatiuam, alia ad actiuam, vt ſæpius diximus, maxime ſpectare videtur. Sumit autem ipſam prudentiam, & eam diuidit offendendo quòd ea aut eſt ad vnum aut ad plures, & ſi ad plures, aut eſt domeſtica, aut ciuilis, & rursus ea quæ eſt ciuilis, aut eſt deliberatiua, & iudicialis, aut verſatur circa condendas leges, & talis facultas prudentiæ quæ ciuilis legum ferendarum obtinet locum architecturæ, vt maniſeſte oſtendit Philoſophus. Vltèrius Philoſophus aſſert quofdam alios habitus ſeu diſpoſitiones mètis actiuæ, id eſt bonam conſultationem ſagacitatem atque ſententiam, atque hæc omnia declarat, & oſtendit eſſe aptitudines quaſdam coniunctas cum ipſa prudentia. poſt hæc Philoſophus mouet dubitationes quaſdam ad ſapientiam, & prudentiam pertinentes ad ſolutiones earum atque eius præſertim qua dicebatur has duas virtutes non eſſe neceſſarias ſed ſuperfluas, quia ſi adſint virtutes morales non eſt opus prudentia, vbi oſtendit Philoſophus quòd virtutes faciunt intentionem rectam, ad finem bonum: ſed executio fieri non poteſt ſine prudentia, quæ eſt caput vel potius oculus in rebus agendis dirigens actiones noſtras ad talem finem, & media optima inueniens atque offendens quæ ad illum perducunt. Oſtendit præterea virtutem moralem ſine prudẽtia eſſe non poſſe, neque prudentiam ſine virtutibus morum, quædam etiam dicit de ipſa ſapientia valde præclara, & comparat eam cum prudentia, & ſimul ſoluit dubitationem quam antea de illis attulerat: quærendo vtra earum excellentior eſſet. Soluit igitur & oſtendit ſapientiam, & nobilitate, & dignitate anteponendam eſſe ipſi prudentiæ. Septimus deinde ſequitur liber in quo Philoſophus declaratis virtutibus tam moralibus quàm intellectiuis, de quibuſdam habitibus ſeu diſpoſitionibus determinare incipit, quæ, & ſi non ſint proprie vitia vel virtutes, tamen ſunt circa mores, aut fugienda, aut proſequenda, & ideo ad conſiderationem philoſophi moraliſ pertinere videntur, fugienda autem talia ſunt vt immanitas, quæ videtur eſſe quoddam prauum competens beſtiali naturæ, & ideo feritas dicitur cui opponitur heroica virtus, ſunt præterea incontinẽtia, & mollities, & his oppoſitæ diſpoſitiones laudabiles, continẽtia videlicet atque conſtantia, de quibus Philoſophus diligenter conſiderat, aſſerendo opinionem priſcorum, & arguendo pro vtraque parte, & demum ſententiam ſuam adducendo, vt continẽtiæ atque conſtantia natura magis illuſceſcat. Has autẽ oſtendit diſpoſitiones eſſe laudabiles nondum tamen eſſe virtutes, ſit enim pugna in homine continente inter appetitum, & rationem, & etiam in ipſo continẽte, verum ſi ratio ſuperat appetitum ſenſitiuum tunc dicitur continens, ſin ſuperatur dicitur incontinens: ſed in homine temperante non fit talis pugna, quia exemplo appetitus ſenſitiuus cedit rationi, in ipſo quoque intemperante nulla contentio fit: quia ſtatim ratio cedit appetitui. Poſt hæc Philoſophus cum antea oſtendiſſet omnem virtutem moralem verſari circa voluptates vel dolores, & nouiſſime dixerit has eſſe obiecta continẽtiæ, & incontinẽtiæ, merito hanc materiam aggreditur aſſerendo more ſuo opinionem priſcorum, & rationes eorundem, & ſolutiones, poſtremò ipſas diſtinguit, & oſtendit quandam voluptatem eſſe bonam, quandam malam, quare dicere poſſumus quòd hæc duæ partes principaliffime hoc in libro continentur, vna in qua Philoſophus determinat de illis diſpoſitionibus quas circa mores diximus fugiendas eſſe vel proſequendas, alia vero qua docet de voluptate, & dolore, conſiderans præcipue, vt ſunt obiecta continẽtiæ, & incontinẽtiæ, & ſupradictarum diſpoſitionum, vt diximus. Oſtauo autem in libro Philoſophus de amicitia tradit doctrinam, quia non ſibi æquum eſſe videbatur, vt vir felix quem ipſe his libris conſtituere primo intendit carere debeat amicis, & ſumma iucunditate priuari, quæ in vera amicitia inueniri ſolet. Præterea cum ad felicem virum pertineat beneficẽtia & liberalitate vti, cõgruum eſſe videtur, vt habeat amicos quibus ante alios largiri ac benefacere poſſit. Merito igitur de amicitia docet Philoſophus aſſerendo in primis eius definitionem, Amicitia eſt beneuolẽtia mutua non latens, deinde diuidit in tres ſpecies in vtilem, voluptariam, & honeſtam ſecundum tria obiecta, videlicet vtile, iucundũ, & honeſtum. Oſtendit deinde in vnaquaque ſocietate reperiri quodam modo amicitiam, demum concludit amicitiam honeſtam quæ eſt ob ipſam virtutem eſſe veram, & ſimpliciter, & proprie dictã amicitiam, & hanc tribuit viro felici, & ſtudioſo poſthabitis aliis, oſtendendo huic amicitia honeſtæ non modo honeſtatem, ſed etiam vtilitatem atque iucunditatem ineſſe. Nonus deinde ſequitur liber in quo Philoſophus perſiſtens in eadem doctrina de amicitia conſiderat multas proprietates quæ amicitia videntur competere, & primo determinat de conſeruatiõne, & diſſolutione amicitia, & actibus eiũdem, & de querelis quæ in amicitia ſunt, & remediis earundẽ, declarat præterea beneuolentiam, concordiam, beneficentiam, & multa officia quæ ad amicitiam pertinent. Aſſert poſtremo quaſtiones, tum ex parte amantis amici, tum ex parte eorum qui amantur, & ſolutiones earundem explicans omnia exactiſſime quæ in tali materia amicitie ſibi videbantur cognitu neceſſaria. Decimum poſtremo Philoſophus atque vltimũ aggreditur librũ, vt nos ad finem quem in primo propoſuit libro per virtutes, & eamẽdẽ quæ oſtendit nobis quoad fieri poteſt perducatur, & primo incipit tractare de voluptate conſiderans eã nõ vt eſt obiectũ cõtinentia, aut incontinẽtiæ, vt fecit in ſeptimo: ſed vt inueniat eam

quæ est annexa felicitati humanæ, de qua felicitate principaliter considerare intendit in hoc decimo libro, ut de ea re quæ est prima in intentione, & vltima in executione. Ostendit igitur primo philosophus hanc considerationem de voluptate esse necessariam, deinde affert opiniones antiquorum qui bonum vel summum bonum voluptatem esse dixerunt. Postea affert eas quæ dicebant voluptatem esse malum, hinc inde rationes adducens pro vtraque parte, demum in medium affert sententiam suam qua ostendit diuersa esse specie voluptates: sicut sunt etiam operationes cum quibus coniunguntur, quasdam enim esse malas quasdam bonas: malas autem, & turpes non esse appellandas voluptates, bonas vero habere gradus, & operationes perficere atque agere. Itaque ex dictis eius colligitur descriptio quædam voluptatis hoc pacto, voluptas est perfectio formalis accidentaliter ipsius operationis quæ provenit ex bona dispositione potentia, & convenientis obiecti, & ex hac definitione explicatur etiam illa quæ in septimo attulit, quod voluptas est operatio habitus qui est secundum naturam sine impedimento. Nam ibi dicit quod est operatio, hic autem quod est perfectio operationis, & reuera voluptas videtur differre ab operatione secundum rationem, quia alia videtur esse ratio voluptatis, alia operationis. Idem tamen re dicitur esse cum easicut quidam affectus proprius dici solet esse idem cum subiecto suo, & non separatur ab operatione nisi ratione, sed qualis est operatio talis dicitur esse voluptas, & quanto operatio perfectior est tanto maior dicitur esse voluptas. De obscenis autem non loquimur, quia philosophus non putat eas appellandas esse voluptates, cum sint mixtæ atque impuræ, & non sint sine impedimento, sed illæ erunt veræ, & summæ voluptates, quæ perfectissimas & præstabilissimas comitantur operationes, & ipsam omnino felicitatem. Post hæc philosophus resumit definitionem felicitatis quam in primo libro proposuit nobis repetens summam nonnulla quæ antea dixerat, ut eius explicatio euidentior esset, & quod non consistit in ocio vel ludo, ut multi forsitan imperiti opinarentur. Deinde determinat de felicitate in specie, nam cum ea sit duplex contemplatiua videlicet, & actiua, incipit docere prius de contemplatiua, quia præstantior est, & quia antea de ea parum tetigerat differens eius doctrinam in hunc decimum librum. itaque multis rationibus ostendit contemplationem secundum sapientiam supremam esse felicitatem humanam, eamque similem esse operationibus substantiarum separatarum, atque ideo competere homini viuenti secundum virtutem mentis, & vita quadam à curis quæ plerumque mortales exagitant, & perturbationibus aliena. Comparat deinde philosophus contemplatiuam felicitatem cum ipsa actiua quæ est operatio secundum prudentiam, non quod actiua non sit felicitas & summum bonum in genere suo, sed comparata cum ipsa contemplatiua non parum est inferior illa huius philosophi sententia. itaque multis laudibus hanc contemplatiuam extollit, & ostendit virum sapientem per talem operationem euadere charissimum deo, & quoquo modo, si dicere licet, per huiusmodi contemplationem atque ea præsertim qua ipsum deum contemplatur coniungi causæ suæ, atque ex eo felicissimum euadere felicitate quidem humana quoad fieri in hac vita potest. Postremo autem loco philosophus expleta iam doctrina de moribus cum esset ad politicam transiturus, cum qua & æconomica contineri videtur, attulit quandam partem quæ est quasi connexio quædam cum libro ciuili, ubi ostendit non sufficere hanc de moribus tradidisse, aut cognouisse doctrinam, sed oportere executioni mandare atque in actionem deducere: hoc autem fieri posse si bona institutio iuuenibus, & adolescentibus adsit, & etiam perseueret, & hoc assequi posse si viuere assuescant sub legibus, aut publicis, aut priuatis, si publice non adhibeatur cura, quare oportere patresfamilias, & ciues qui vere sint ciues aptos esse ad ferendas leges. Sed quis hæc docere potest? & de hac facultate quæ ad ciuilem pertinet doctrinam tradere? Nam ii qui in republica versantur non sunt satis sufficientes, sed multo minus sufficientes videntur esse philosophi qui cum profitentur, quare hoc munus cum sui maiores omiserint se suscepturum profiteretur, ut tali doctrina in vita ciuili quoad fieri potest felix euadat, & sufficiens ad ferendas leges, talem enim architetum appellare philosophus solet, & eius facultatem architecturam, veluti præstantiorem cæteris actiuis facultatibus, ut antea vidimus. Et hic sit finis decimi & vltimi libri Ethicorum.

PARISIIS,

EXCVDEBAT ANDREAS VVECHEL.

I 5 5 5.

1937-1941